





圖書在版編目(CIP)數據

儒藏. 精華編. 二七六/北京大學《儒藏》編纂與研究中心編. 一北京:北京大學出版社,2010.1

ISBN 978-7-301-11994-5

I. 儒··· Ⅱ. 北··· Ⅲ. 儒家 Ⅳ. B222

中國版本圖書館 CIP 數據核字(2009)第 132758 號

書 名: 儒藏(精華編二七六)

著作責任者:北京大學《儒藏》編纂與研究中心 編

責任编輯: 肖瀟雨 魏奕元

標 準 書 號: ISBN 978-7-301-11994-5/B · 0680

出版發行:北京大學出版社

地 址:北京市海淀區成府路 205 號 100871

網 址: http://www.pup.cn

電子郵箱: dianjiwenhua@163.com

電 話:郵購部 62752015 發行部 62750672 編輯部 62765691

出版部 62754962

印 刷 者,北京中科印刷有限公司

經 銷 者:新華書店

787 毫米×1092 毫米 16 開本 58.75 印張 555 千字 2010 年 1 月第 1 版 2010 年 1 月第 1 次印刷

定 價: 500,00元

未經許可,不得以任何方式複製或抄襲本書之部分或全部内容。

版權所有,侵權必究 舉報電話: 010-62752024

電子郵箱: fd@pup. pku. edu. cn

教育部哲學社會科學研究重大課題攻關項目

北京 大學,「九八、五二、程」,重點,項目、國家、社會、科學、基金、重大、項目、「十一五」國家重點圖書出版規劃項目,重大工程出版規劃

《儒藏》精華編第二七六册

首席總編纂 季羡林

項目首席專家 湯一介

湯一介

總

編

纂

龐 樸

孫欽善

安平秋 (按年齡排序)

本 册 主

編 趙伯雄

(儒藏))精華編凡例

則的典籍的叢編。 爲儒家經典和反映儒家思想、體現儒家經世做人原 一、《儒藏》精華編爲《儒藏》的一部分,選收《儒 、中國傳統文化以儒家思想爲中心。 收書時限自先秦至清代結束。 《儒藏

》中的精要書籍

互見。 漢文寫作的儒學著作,編爲海外文獻部類。 寫者一律收其釋文文本。 已收入入選的個人叢書或全集者,僅存目録 土文獻。傳世文獻按《四庫全書總目》經史子集四 分類法分類,大類、小類基本參照《中國叢書綜録》和 (中國古籍善本書目),於個別處略作調整。 三、《儒藏》精華編所收書籍,包括傳世文獻和出 出土文獻單列爲一個部類,原件以古文字書 韓國、日本、越南儒學者用 ,並注明 凡單 書 部

> 編,不改編,保持原書的完整性和獨立性 四、所收書籍的篇目卷次,一仍底本原貌,不選

爲主,酌校異同。 勘價值的版本爲校本。 確定内容完足、精確率 五、對人選書籍進行簡要校勘。 校記力求規範、精煉 高的版本爲底本,精選有校 出校堅持少而精 以對校爲主 以 校 īE 誤

例,進行規範化標點。 六、根據現行標點符號用 專名號除書名號用 法、結合古籍標點通 角 號(《》)

落。 外,其他一律省 正文原已分段者,不作改動。 七、對較長的篇章,根據文字内容,適當劃分段 略。 千字以内

的

短文

般不分段。

及其他 及整理時所確定的底本、校本(舉全稱後括注簡稱 出 介紹作者生平、該書成書背景、主要内容及影響,以 現順序前詳後略 八、各書卷端由整理者撰寫《校點說明》, 有 關情況。 重複出現的作者,其生平事蹟按 簡 要

九、本書用繁體漢字豎排,小注 律排爲單行。

之忠。 非非 也 故 不 書 者 辭 窮 也 0 杜 謂 史 畏 襄

Ŧī

道,而 也; 薨」,襄公嫡母 公侯也; 趙武、宋向 曹,以曹伯陽 師、晉師 楚人滅夔,楚人不名。 荆敗蔡 也。 同解, 滅同姓,名,「 而其辭 無道 春秋 不稱 而 立太子 齊 滅下陽」,取邑 九年「夫人姜氏薨」, 也。 戌、曹人皆稱人。 人滅譚、「譚子奔莒」,譚 * 君 向戌,後也, 不 不 有 師 歸」,滅國 州 别。 也。 同 通例, 于 莘, 晉靈公、陳靈公、齊莊公無 襄二十六年澶淵之盟, 浦 義。 衞侯 成十 爲 四 有 君 年「夫人 襄 以 入國 燬 而曰「人」。 弑 而 變例 午《傳 以 蔡 二年「夫人姜 滅 曹, 日 伐鄭。」《 侯 邢」是也; 曰「滅」,而「 o 滅。「宋公人 趙武,卿不 似此氏 微者 **»** 獻舞歸 諸 襄 侯 公祖 薨」 晉景 也。 失 君 是是 地 公 氏 母 虞 會 稱 而

> 義也。 卒」,此景公也。 鄭」,此 月公會晉侯、 晉 一侯,厲 齊侯、宋公、衞 公 而二「晉侯」同 也 丙午,晉 侯、 曹 侯 伯 其 獳

鳴

謝

本焕法師

《儒藏》精華編惠蒙善助,共襄斯文, 謹列如左,用伸謝忱。

壹佰萬元

北京大學《儒藏》編纂與研究中心

《儒藏》精華編第二七六册

集

部

復初齋文集

〔清〕翁方綱 撰

デ	目録序一 一一	攷補正序 一○	廉儀禮蠡測序 九	廉儀禮章句序 九	傳説從長序 八	攷異字箋餘序 七	刻許氏詩譜序 六	文尚書條辨序三 : 五	文尚書條辨序二 四	文尚書條辨序 三	刻三山林氏尚書解序 二	易偶存序 二	易李氏集解校本序	齋文集卷第一 一	説明 一	

道園遺藁序	刻黄詩全集序	蘇詩補注序	復初齋文集卷第二	洪筠軒讀碑記序	重刻隸韻序	審正廟堂碑原本序	桂未谷續三十五舉序	兩漢金石年月表序	爲常熟趙氏乞曲阜顏衡齋歸兕觥序	黄秋盦得碑十二圖序	爲錢梅谿徵刻金石圖序	集古欵識序	惠氏後漢書補注序	秦纂殘字記序	小學攷序 一	重刻張吴興復古編序	字林考逸序	復初齋文集卷第二	經解目録序三 一
七	六	六	六	五	\equiv	=		_	九	八	七	六	六	五	四	\equiv	\equiv	\equiv	

祝芷塘使蜀詩序 四三	甌北詩集序 四二	蘀石齋詩鈔序 四二	復初齋文集卷第四 四二	花王閣賸稿序 ·············· 四〇	陶廬雜録序 四〇	坳堂詩集序 三八	愚谷文存序 三八	重刻吴蓮洋詩集序 二七	續禪智唱和集序 三六	三元詩序 : 五	小石帆亭著録序 三四	新城縣新刻王文簡古詩平仄論序 三二	濤音集序 二二二	孔撝約集序 二二	漁洋先生精華録序 三一	重刻王文簡五七言詩鈔序 三〇	孫忠靖公詩序 二〇	安我素先生集序 二九	陳白沙先生集序 二八
彭晉函時文序 五九	裴鶴峰觀蓮圖序 五八	銅陵章簾堂聽鶴和鶴二圖詩序 五七	蛾術集序 五七	貴溪畢生時文序 五六	曹州牡丹譜序 五五	奉饌圖後序 五四	陸象星五十壽序 五四	嵐漪小草序 五三	環中廬初藁序 五二	洪介亭詩序 五二	馮魚山詩集序 ······· 五〇	梧門記科目故實二書序 四九	朱艸詩林集序 四九	謝藴山詩序 四八	蔣春農文集序 四七	月山詩稿序	見吾軒詩集序	陳南麓先生北園集序 四五	黄仲則悔存詩鈔序 四四

	復初齋文集卷第五
······ 六一 家祠畫像册記 ·······	坳堂集序
	吴氏書畫記序原題曰大觀録
佛公祠記	畫記予原題曰
	i i

攷訂論上之二 一〇六	攷訂論上之一 ··········· 一〇五	姚江學致良知論下 一〇四	姚江學致良知論上 〇二	原學論一〇一	讀李穆堂原學論 一〇〇	復初齋文集卷第七 一〇〇		自題攷訂金石圖後 九八	自題校勘諸經圖後 九七	十二圖自記 九六	先外祖手蹟記 九六	先大夫文薬册尾記 九五	並蔕蓮圖記	石畫軒記 九三	愛蓮堂記 九三	三硯齋記 九二	三李堂記 九二	漱芳西室記	硯山丙舍記 九〇	
		子司為	胃 双 寺 侖一一 一 	余 引 役 寺 侖 一	き 静	韻論中 ····································	論	格調論下 二二二	格調論中 —二一	論上	法論	齋文集卷第八	理説駁戴震作 一一五		攷訂論下之二 一一二	攷訂論下之一 一一二	攷訂論中之二 ——○	攷訂論中之一 一〇九	攷訂論上之三 一○七	

杜詩熟精文選理理字説	戒殺生説	戒酒説	酒説	友説	擬師説二	擬師説一	古銅戈説	易漢學宋學説答陳碩士	兆於南郊就陽位説	復初齋文集卷第十	明人小楷論	宋人楷書論	化度勝醴泉論二	化度勝醴泉論一	歐顔柳論	歐虞褚論	制義江西五家論	養生論	復初齋文集卷第九
五五五	五四	五三	五三	五	<u>Fi</u>	四九	一四六	四五	四四四	四四四	四二	<u></u>	四一		一二八	三三七	三五五	三四四	三四四
答友問鍾山札記	答友人小牘	與陳石士論攷訂書	答胡雒君	答丁小雅進士論樂飢	與友論王惺齋詩易疑義二通	答金秋史	致吴槎客	與魯習之書	又與曹中堂書	與曹中堂論儒林傳目書	復初齋文集卷第十一	尖圓肥瘦説	黄詩逆筆説	丁受堂字説	既勤説	錢東垣字説	貞女説爲管室徐貞女題	評陸堂詩	韓詩雅麗理訓誥理字説
一七八	一七七	一七六	一七五	一七三	七一	一六九	一六八	一六七	一六六	六四	一六四	六二	六二	六一	六〇	一 五 九	五九	五七	一五七

送周鞠人南歸序 二〇〇	送謝藴山之任揚州序 九九	贈楊彤三序 一九八	送吴亦山序 九七	送錢獻之序 一九六	送姚姬川郎中歸桐城序 一九六	送盧抱經南歸序 一九五	復初齋文集卷第十二 一九五	答王實齊書 一八九	與吳蘭雪書二通 一八八	與金手山書 一八八	復張瘦同論聯句書 一八六	答儷笙小牘	與友人論少陵望嶽詩 一八五	答劉廣文問杜題桃樹詩 一八四	與友論杜詩 一八四	與友論太白詩 八二	與辛敬堂論單字 一八二	與謝金圃論萬字 八二	與桂未谷論所作説文統系圖 一七八	
次兒樹培小傳	洪節母傳 二一八	吉水趙氏五節婦傳 二一七	金愚巖小傳 二一六	黄秋盦傳 二一四	丁小雅傳 二一:	曹慕堂小傳 二一二	金壇蔣氏三世合傳 二一〇	復初齋文集卷第十三 二一〇	送吴生序 二〇九	送伊墨卿郡守之官江南序 二〇八	送羅兩峰南歸序 二〇七	送吴石亭視學安徽序 二〇六	送陸鎮堂知絳縣序 二〇五	送魯絜非知夏縣序 二〇五	送吴亦山進士歸襄陵序 二〇四	送張肖蘇之汝陽序 二〇三	送董曲江歸平原詩序 二〇二	送顧文子進士歸興化序 二〇一	送劉端林歸寶應序 二〇〇	

祭梁冲泉文 ············· 二四〇	夢因居士小像贊 二二五
祭蔣心餘文	劍亭可成像贊 二二五
祭盧學士文 二三九	黄秋盦四十九歲像贊 二二五
補録鄭芷畦窆石志 二三七	吴蓮洋像贊 '一五
國子監助教辛君墓表 二三七	朱竹垞煙雨歸耕圖贊
孝節處士臧君墓表 二二六	邱東河所藏倪文正公柱石圖贊 二二四
馮君墓表 二三五	文衡山像贊 二二四
皇清誥授奉政大夫刑部主事魚山	邊華泉尚書像贊 一二四
李南磵墓表 二三四	方正學先生像贊 一二四
女士方氏墓志銘	羅兩峰摹孫雪居畫米南宫像贊 二二三
孔君墓誌銘 二三二	黄文節公像贊 二 ```
皇清誥授朝議大夫户部河南可主事	黄秋盦摹雪浪石盆銘贊 一二二
蕺園程先生墓誌銘 □□□	東坡居士像贊爲周載軒題 二二三
皇清誥授奉政大夫翰林院編修加四級	夢蘇草堂坡像贊
將樂縣知縣惺齋王君墓誌銘 二二八	黄秋盦所供東坡笠屐像贊 门二门
皇清例授文林郎賜同進士出身署福建	蘇文忠笠屐像贊 二二二
院侍讀學士抱經先生盧公墓誌銘 二二七	坡公笠屐像贊 二二二
皇清誥授朝議大夫前日講起居注官翰林	杜少陵戴笠像贊 门二
復初齋文集卷第十四 二二七	撥鐙法贊
瑞金楊節婦傳贊 二二六	桂未谷所作説文統系圖贊 一二

續禪智唱和集跋 三二六	跋邊仲子詩 三二五	跋邊華泉集 三二四	跋徐昌穀詩 三二三	跋藤花詩卷二首 "二二'二	跋明賢繡毬花卷 三二二	跋梅磵詩話二首 三二一	跋渠陽詩注卷 三二	跋李雁湖注王半山詩二首 三二〇	跋山谷竹枝詞 三一九	跋義山重過聖女祠詩後 三一九	書李義山贈杜司勳詩後 三一七	書韓子龜山操後 三'七	書杜少陵李潮八分小篆歌後二 三一六	書杜少陵李潮八分小篆歌後 三一五	書張燕公詩後 二一四	書王文簡五七言詩鈔後 三一四	又跋杜工部草堂詩箋 三一三	跋宋槧艸堂詩箋 一一三	復初齋文集卷第十八 三一三	
跋吴越金塗塔字 三四二	跋鄜州寶室寺鐘銘 三四二	跋孫退谷所藏吴季子劒銘 三四一	題程易田説劒圖後 三四〇	跋漢尚方器 三三九	跋騶男銅虎符 三三八	跋五銖泉笵二首 三三七	跋永康鏡銘 三三七	書張芑堂所藏鐎斗銘後 三三六	跋右軍戈 三三五	跋漢弩機 三三五	銅虎符跋 三三四	跋芈子戈 三三四	跋周伯克尊 三三二	跋寅簋	復初齋文集卷第十九 三三二	書固原新樂府後 三三〇	書詩鈔小傳後 三二九	書李石桐重訂主客圖後二首 三二七	書查初白中山尼詩後 三二六	
рц	170	1711	1711	_	_				-		_							_		

三六四三

三六二

三五九

三五

五

三六九

三七〇

三七三

三七二

三七一

跋吴門鮑氏化度寺碑 三九五	又跋化度寺碑 三九四	跋化度寺碑 三九四	化度寺邕禪師塔銘跋二首 三八九	跋唐玄宗西岳華山碑殘字 三八八	跋孔祭酒碑 三八七	跋廟堂碑城武本三首 三八五	跋廟堂碑唐本 三八一	跋晉祠銘 三'八一	復初齋文集卷第二十二 三八一	跋啟法寺碑二首 三七九	跋隋滎澤令常府君墓志 三七八	跋朱岱林墓志 三七八	跋北齊造銅雀臺石軬門銘 三七七	跋北齊祁林山寺碑 三七六	孔廟北齊乾明碑跋二 三七六	孔廟北齊乾明碑跋一 三七五	跋後魏張猛龍碑 三七五	跋魏司馬景和妻墓誌 三七五	跋梁始興安成王墓碑 三七四
跋唐贈歙州刺史葉慧明碑 四一一	跋阿育王寺常住田碑 四一〇	跋宋搨絶交書 四〇九	跋魏栖梧書善才寺碑三首 四〇七	跋徐嶠之書姚文獻碑 四〇七	復初齋文集卷第二十三 四〇七	跋宋拓褚書公孫卜兒傳贊 四〇六	跋薛曜書石淙詩 四〇五	跋昇仙碑陰四〇四	跋舊搨道因碑 四〇四	跋房彦謙碑	跋率更千文 四〇三	書姚恭公墓志重刻本 四〇二	跋皇甫府君碑二首 四〇一	跋虞恭公碑三首 三九九	跋虞恭公碑 三九八	跋九成宫醴泉銘 三九八	跋醴泉銘 三九七	九成宫醴泉銘跋 三九七	再跋化度寺碑 三九六

4-4	
요구	
p-Jr-	

Ξ

跋鴈塔題名摹本 四二九	跋護命經 四二八	跋王居士塼塔銘 四二八	跋聽松篆 四二七	怡亭銘跋 ······ 四二七	跋竹山聯句 四二六	跋東昌鄧氏顔祭姪帖石刻 四二五	跋多寶塔碑 四二四	跋揚州汪氏所藏祭姪帖 四二三	跋宋廣平碑側記范致君書 四二三	跋茅山李元靖碑 四二二	跋偃師周公祠碑 四二二	復初齋文集卷第二十四 四二二	跋裴鏡民碑 四二一	跋興福寺碑 四二〇	跋俞紫芝臨褚艸陰符經 四二〇	跋郎官石記四首 四一五	跋少林寺戒壇銘 四一四	大照禪師碑跋	跋李元秀碑 四一二
跋新羅雙谿寺碑 四三九	跋新羅鍪藏寺碑殘本 四三九	跋平百濟碑 四三八	跋王審知碑 四三七	跋吴越鐵券 四三七	跋楊旲石刻 四三六	跋王仲堪志銘石 四三六	跋董文敏臨實際寺碑墨迹 四三五	跋唐寶鞏殘石刻 四三四	跋涿州蜀王廟記 四三四	跋唐石浮圖後記 四三四	跋唐雲居寺石浮圖銘 四三四	石浮圖之銘 四三三	跋唐易州新安府折衝李公	跋唐石浮圖頌 四三三	跋石浮屠銘 四三二	跋唐雲居寺詩石刻 四三二	跋法源寺蘇靈芝書寶塔頌 四三二	跋宋拓柳州羅池廟碑 四三一	跋章臯碑 四三〇

四

齋文集卷第二十七	爲 絳 孫 王 英 英 英 茂 澄 陳 實 大 大 锋 帖 退 孟 光 光 光 光 清 伯 賢 觀 觀
張笠城所得玉枕蘭亭石 四八蘭亭領字从山本二首 四七	王孟津琅華館
慈谿姜氏蘭亭 四八	孫退谷知止閣
安石里女声: 11 1 1 1 1 1 1 1 1 1 1 1 1 1 1 1 1 1	海 降 帖
跋孫文介本十三行 四八八跋宋拓聖教序王丹麓本 四八七	跋墨池堂帖 ····································
跋杭本十三行 四九〇	跋鐘鼎欵識殘拓本
復初齋文集卷第二十八 四九一	跋汝帖
跋淳化閣帖第九卷 四九一	跋淳熙脩内司帖
跋代州馮氏所藏淳化閣帖 四九三	復初齋文集卷第二十九
跋肅府閣帖初搨本 四九三	跋唐臨晉帖三首
跋宋搨大觀帖 四九四	跋東坡書金剛經

趙十札・	跋趙文敏飛英塔詩墨蹟 五三一	自題重勒天冠山詩石本後 ············· 五三○	跋天冠山題詠卷後 五二八	跋任君謀書卷 五二八	跋秋史所藏趙書歐詩册 五二八	跋江氏家藏宋元六札 五二七	復初齋文集卷第三十 ·············· 五二七	跋張温夫書 五二六	跋宋人書蘇後湖詩札後墨蹟 五二五	跋倪侍郎所藏宋高宗賜岳鄂王墨勅卷 … 五二四	跋宋高宗手勅卷 五二二	跋李莊簡墨蹟 五二二	跋米書多景樓詩 五二一	跋山谷手録雜事墨迹 五二〇	跋黄書太白詩卷 五一九	跋蘇書别功甫帖 五一八	跋東坡詩稿二首 五一六	跋偃松屏贊 五一六	跋天際鳥雲帖三首 五一二	
跋祝枝山懷知詩 五四五	跋朱性甫珊瑚木難手藁 五	跋聶大年墨蹟卷 五	跋王文肅手牘 五	跋楊忠愍公墨蹟卷 五	跋楊忠愍公手蹟 五四	跋王文恪主一齋詩墨蹟後 五四〇	跋王文成家書 五三九	跋王文成奏疏墨迹殘稿 五三九	跋景忠壯公墨蹟 五三八	跋張藻仲詩卷 五三八	跋解春雨一經齋記 五三七	跋二沈學士書卷 五三七	復初齋文集卷第三十一 五三七	跋江秋史所藏元人墨蹟 五三五	跋文雪山墨蹟卷 五三四	跋張貞居墨蹟 五三三	跋郭天錫日記 五三二	跋元劉元帥碑 五三	跋虞道園隸書賜碑贊後 五三	

董書求忠祠記後跋 五五七	復初齋文集卷第三十二 五五七	跋周忠介手蹟册 五五五	跋黄石齋墨蹟 五五四	跋黄石齋先生隸書 五五四	跋明歸德沈文端家書 五五三	題武進孫文介殿試策後 五五二	跋張伯起八十壽詩卷 五五二	跋陸儼山書放翁詩卷 五五	跋拙政園記 五五一	跋左忠毅自書詩卷 五五〇	跋舒文節公探梅圖説 五五〇	跋于忠肅公手柬 五四九	跋墨溪居土傳 五四八	跋祝枝山成趣園記 五四八	跋祝枝山書 五四八	跋芝山所藏祝書卷 五四七	題吴沈詩艸合卷後 五四六	跋陸文裕秋興詩卷 五四六	題文衡山仿蘇書泗州僧伽塔詩墨蹟後 … 五四六
跋漁洋手柬 五七〇	跋朱竹垞文藁 五六九	跋陸清獻手札 五六九	跋長洲宋忠烈公硃卷 五六八	跋明賢小楷卷二首 五六七	跋王覺斯書 五六六	跋徐俟齋手札 五六六	跋楊忠節手蹟 五六六	跋宜興盧忠肅公手牘 五六五	跋盧忠肅公手蹟 五六五	跋桐城吴氏所藏史忠正公手札卷 五六四	跋程易疇臨董書王氏御書樓記 五六三	跋董文敏論書帖 五六二	跋董文敏書五條 五六一	又跋董文敏尺牘 五六	跋董文敏尺牘二首 五六	跋董書文賦二首 五六〇	跋董文敏馮少墟集序 五五	跋董書杜詩卷 五五九	跋董文敏自書詩卷 五五

一人

跋馬利之畫者 五八	自臨米元暉畫跋後 五	跋五洲煙雨卷 五八	跋米元暉雲山得意圖 五八	跋海嶽庵圖 五八	跋坡公像三首 五八	再跋朱蘭嵎畫坡公像 五八	跋張叔厚畫淵明像 五七	跋巨然茂林叠嶂圖 五七	題二喬觀書圖 五七	跋錢舜舉蘇李泣别圖 五七	跋上林圖卷 五七	書伏生授經圖後 五七	書梧門藏古像册後 五七	復初齋文集卷第三十三 五七	跋白公神道碑 五七	跋張文敏臨古册子 五七	跋汪文端公細楷尚書 五七	跋汪退谷瘞鶴銘攷手艸 五七一	跋周櫟園手書與黎媿曾詩卷 五七	
八五 十二十二十二十二十二十二十二十二十二十二十二十二十二十二十二十二十二十二十二	跋五客話舊圖	八三 跋邵僧彌畫卷 五九七	八二 跋宗開先畫册 五九七	跋孫雪居董香光書畫合册 五九六	跋沈石田像 五九五	○ 跋陸文定像册 五九四	九 跋眺遠亭卷 五九三	七九 跋文衡山臨黄大癈溪閣閒居圖 五九二	七八 跋杏園雅集圖 五九一	七六 跋馬抑之臨山涇雜樹卷三首 五九	五 復初齋文集卷第三十四 五九	四 題元人蘆鴈卷 五九	四 跋王叔明琴鶴軒圖 五八九	七四	七二 題元人詩畫卷 五八八	七二 跋趙文敏畫委順庵卷 五八七	七二 跋鄭所南墨蘭 五八六	 書文信國像後 五八六	○ 跋劉松年風雨歸舟圖 五八五	

南唐研	題先大夫手墳後 六一一題丁達夫漢晉甎文册 六一一	復初齋文集卷第三十五 六一一題董文敏待漏圖 六一〇	題釣魚臺圖卷	題惠定宇像後 六〇八	望溪蔗經二先	石谷仿	石	趵突泉上石	王秋史二十四泉艸堂圖	二十四泉艸堂圖	桂未谷所藏	跋	跋漁洋讀書圖 六〇二	王文簡公妙	題漁洋先生戴笠像 六〇〇
董小池宋元印譜序 六二七銅鼓書堂藏印序 六二六	唐楷晉法表序 六二五西齋雜著二種序 六二四	序 序	を 東小正傳箋字 ・・・・・・・・・・・・・・・・・・・・・・・・・・・・・・	夏刃解長卜之参育一	復初齋文集跋 六二一	跋新城陳氏家訓卷 六一九	書引達彌月諸册 六一九	自跋提要舊艸 六一八	跋昔緣帖 六一八	題邵思魯室廬 六一七	書楊孺人行略後二首 六一六	書菊字後二 六一五	書菊字後一 六一四		跋薛文清硯 六一三

目録	松崖端研銘	若農井田研銘	艸詩林半研銘 六六六	瘵夫贈楊己軍硯銘 六六六	周松崖摹文山琴研络 六六六	峰畫梅研銘 六六六	峰松皮研銘 六六六	籍山鵞研銘 六六五	兩峰缺角研銘 六六五	零谷雲研銘		清崖河洛研銘 六六五	匏尊璞玉硯銘 六六五	蘇室硯銘	秀峰楊姬瑞雲遺研銘 六六四	駕堂編修澄泥大硯銘 六六四	未谷暖硯銘 六六四	匏尊暖硯銘	田硯背爲琫復爲之銘 六六四	
	跋魏受禪碑	華嶽廟碑四明本跋	華嶽廟碑長垣本跋	跋唐公房碑	跋鄭耘門所藏張遷碑	跋王述庵金石萃編	跋張瘦銅漢印三十二例	書淮南天文訓補注後	考古圖續考古圖跋	復初齋集外文卷第三	銅柱考	祭許太夫人文	祭丁氏李太孺人文	祭宋太翁文	祭朱笥河先生文	兩峰爲東谷畫竹帳銘	陳其年手卷研爲陳目畊銘	王季重研爲陳目畊銘	夢因居士硯銘	
	六七九	六七九	六七八	六七八	六七七	六七五	六七五	六七四	六七二	六七二	六七〇	六七〇	六六九	六六八	六六七	六六七	六六七	六六七	六六七	

跋宋搨漢夏承碑 六九八	跋宋搨蘭亭 六九七	跋程松圓藏宋搨蘭亭 六九六	跋劉孟倬刻蘭亭序 六九五	跋褚臨蘭亭 六九四	跋神龍蘭亭 六九四	跋定武蘭亭 六九三	復初齋集外文卷第四 六九三	跋朝鮮靈通寺大覺國師碑 六九一	剛城村佛	跋唐淩煙閣功臣像殘石本 六九〇	跋唐沈傳師羅池廟碑 六九〇	跋唐張長史郎官石柱記 六八六	跋唐明皇賜張敬忠敕 六八六	跋美原神泉詩 六八五	跋唐郭君碑 六八五	跋同州聖教序 六八五	跋陸謹庭化度真本 六八四	跋孟法師碑 六八〇	跋魏王基殘碑 六八〇
	1 3 4 4 5 5 5 5 5 5 5 5 5 5 5 5 5 5 5 5 5	初쬵集外文战	文目录	诗吼司成所装夷子三鼎甲手迹册	豊圖炭二	引費圖友一 ····································	思利之畫毛記	寶嚴二字	諸城劉文正公手記	盧忠肅公手札	史閣部詩蹟	王元美敬美自書田園詩	航手柬	跋左忠毅公六印 七〇三	跋元周伯温臨石鼓文墨迹卷 七〇一	跋宋清邊弩手指揮印記 七〇一	宋搨佛經殘字 七〇〇	跋王儼齋家所藏宋搨閣帖 七〇〇	跋張瘦銅所藏宋搨争坐位帖 六九九

校

官。 授編修。 業、遷洗馬。 忠敘、號覃溪、又號蘇齊、舞齊。 學士、文淵閣校理等職,擔任過《四庫全書》纂修 任廣東學政,並督學江西、山東。 京)人。乾隆十七年(一七五二)進士,入翰林院。 (主要依據《清史列傳》) 翁方綱(一七三三—一八一八),字正三,一字 其後歷典江西、湖北、江南等地鄉試、三 歷官詹事府少詹事、 清順天大興(今北 内閣學士、侍讀 曾任國子監 司

言 與文教事業密切相 各體詩六千餘篇,具 書、王文治號稱四大家。 清史列傅》稱其 擅長書法、真草篆隷無一不能、與劉墉、 翁方綱才學宏肆,博通金石之學,精於鑒 他與 當時 諸 「屢司文柄,英才碩彦,識 多學 關 有「學人之詩」風 選拔和獎掖了衆多人才。 者交往密切,多有 他的詩宗法江西派,寫作 貌 其一生 切 拔 梁同 賞 磋 無 考

校

點

説

明

争 之精微一以貫之」。 而後考訂之」。 歧出而後考訂之,說有互難而後考訂之,義有隱 有所偏廢。 一切以勿畔 取調和折中的態度,認爲考據和義理不可執 其學術見 批評明代學者疏於考證,提出 解獨樹 程朱爲 同時又主張「萃漢儒之博膽與宋 一幟,主張 職志」。 對 「博考古今諸家, 於 漢學、宋學之 事 有

而

而

《蘇詩 七十卷、《文集》三十五卷。 志堂經解目録》等,以「復初齊」名集者,有《詩 及《經義改補正》、《兩漢金石記》、《粤東金石略》、 附記》、《書附記》、《詩 翁方綱著述甚富,著有諸經《附記》(包括《易 補註》、《石洲詩話》、《十三經注疏姓氏》、《通 附記》等十二種七十四卷)以

劉 輾轉流傳、收羅抄輯、編印刊刻的經 承幹的兩則跋語中可窺其大略。 晚年困窘,卒後蕭條,作品散失嚴重。 過,於李以炬、 其文稿

遺文,終因宦游四方,僅校勘抄録前十卷而卒, 其父李彦章乃翁方綱弟子、翁氏殁、李彦章謀鈔定 李以烜敘述編印《復初齋文集》的經過 時 説: 討 論。

光緒四年,又有補 年印本牌記云「道光丙申開雕,光緒 三年(一八七七)歲事,據正原刻之訛奪倒衍五百 丁丙、丁申 刊刻問世。 命門下士編 七十餘事、卷三末一篇撤去《中州文獻册跋》, 花王閣賸東序》,對篇目錯亂作了調 「戊寅五月復據手稿補正六十一條。」 昆仲借翁方綱文稿,重校原刻,於光 以烜繼承父志、與魏錫曾通力合作,向 輯 刊 印, 正,印本牌記旁有雙行 遂於道光十六年(一八三六) 丁丑 整。光緒三 小字識 重校」。 補 λ

續行補輯,多未刊印行世。《復初齋集外文》四卷,劉承幹嘉業堂刊本。《復初齋集外文》乃取資於繆荃孫、魏錫曾從稿卷」。可知《集外文》乃取資於繆荃孫、魏錫曾從稿卷」。可知《集外文》乃取資於繆荃孫、魏錫曾從稿本中鈔出未編入《文集》的文章。劉氏之後,學者本中鈔出未編入《文集》的文章。劉氏之後,學者本中鈔出未編入《文集》的文章。劉氏之後,學者本中鈔出未編入《文集》的文章。劉氏之後,學者本中鈔出未編入《文集》的文章。劉氏之後,學者本中鈔出未編入《文集》的文章。劉氏之後,學者本中鈔出未編入《文集》的文章。劉氏之後,學者本門印行世。

本百種彙刊》中。版社影印出版,名爲《復初齋文集》,收入《清代稿版社影印出版,名爲《復初齋文集》,收入《清代稿版社》印出版,名爲《有》

分, 眉按語視作校勘成果加以吸收。 本者有四分之三,因多用行草書寫,塗乙較多, 點,凡文中已改正者則徑視作底本,文中未改 容較多或存疑處,則於書眉按語中寫明。 刻挖改而成,增補之字多以小字刻於行間 爲底本,校以道光刻本以及臺北文海 書眉按語指出改動者,則仍將正文視作底本,將書 復初齋文集》稿本(簡稱 辨 以嘉業堂刻本爲底本,亦校以稿本。 認,此次校勘,力求謹慎從事。《集外文》部 不妥和疏誤之處,敬希專家與讀者指 此次校點、《文集》部 分以 「稿本」)。 光 集内文章存於稿 緒 重校 四 出 年 版 本系 重 正。 增 道次校 校 社 影 補 就 本 而 原 頗 内 印 作

校點者 吴振清

復初齋文集卷第

門人侯官李彦章校刊大興翁方網撰

周易李氏集解校本序

惠 《易述》之書,其藁未竟,今之嗜學者或 餘 獨 書,題曰「易漢學」,又自爲書曰 校本者,東吳惠棟所 中細字校本 書乎 惠氏 家 以 ,自孟喜以下,大抵多漢學 李 予於治《易》,頗不 ? 補完之,予日 氏 《集 慎 ,有謀重鏝梓者,乞一言序之。 其 解》爲足 演 漢學耳。 . 校也。 實。 「盍慎諸 勸人專言漢學, 李氏 漢諸家 惠氏又自爲 也。 所集三十 「易 慎 具 子 述」。 其 筬 補 欲 師 而

> 之於漢 哉! 其 擇之 有並 素而 蔆椇 本其 學以補 授,奚爲 開 吾 説,則經學之蠧 詳擇焉,則經學之實也。 然則曷爲獨實李氏《集解 庀材者,竹頭木屑皆實用 篋者下矣。 戒 正 故李氏之書其爲益 焉 有裨歟? 以 無 皆嘗腴 防,即校者已先有不能闕疑之懼矣。 存 然而 徒寶 惠 絢 ,乃不闕不慎之爲弊 學也,存什一於千百 而 而必慎之? 飾 氏 無 惠氏 也。 書 也。 而 偏 慎之哉 ,其必多出於 阿也。 秘 有 曰:亦在善學者擇焉耳矣。 加 藏 惠氏啟嗜異之漸,李氏 而況漢學之具 已矣。是在善學者能 踵 與弗 增之華,李氏 豈惟讀 慎其 也; 若以 慎 匪 **₹**? 支演 大支演 細 又在 而 了,以資 治羞者,芝栭 供後 者有不能 輕 也 李氏 徒寶 有 也。 輟言者等 者 《集 則 師 然 後學之 人 勢也。 八之演 授者 而 有 則 由 解 擇 漢 則 校

讀易偶存序

者,在 矣,而 端 者,如平庵《翫 田 儒則先天之圖 Ŧ 何 氏 説 於此 漢儒則取 顧 經之家,莫詳於《易》。 譏 數大端尚 項氏繳繞於文辭, 辭》、雲峰《 、卦變之圖 象之説、卦氣之説 未能 釋 通釋》,極 也。 然 所 也 承朱門 而不及此 最 也 意 宜 近 慎 日 釐 遺 在 數 白 緒 IF.

其持 之説 解 家,蓋兼取 而 之約言 嗣 擇 尚 齋之簡該, 帆 吾里邵厚庵 君 之精 多 屬 楚 所 爲 爲 其 帆 微 未 得 一言。 給 理前人之緒,而 審定 固 體 兼 諫 先生著《 也。 不 有平庵、雲峰之剖釋 持以示 者 口 方綱 然節 同 則説經之體段, 語 於平 讀易 余。 齋於古今諸 矣。 每 庵、雲峰 偶 讀之而月, 先生是 以 存》十 節 齋 而 書 與 家 訓 四

> 賦 世 則 其 彌 嗣 詩 學 尤 其 謙 可 君 感也,故書此以復之。 淵源之舊,昔嘗舉邵庵欲問先天之作 後 大 昆 記 言 之,今復得 學之所 者 季之校讐籤記,兢兢 偶 則 存 在 宜 之 於 意 深 不 誦先生手系 味者。 信卦 猶 自 氣 飲 方綱於先 不 乎 然 篤 諸 信卦 其 承 條 未 庭訓 · 前 足 生有 於

重刻三山林氏尚書解序

惟 者 據 序 日 本 其 於予 闕 大典》鈔出,補之爲完書矣。予又告之 不 其 可 孫 此書《洛誥》以後,舊本亡失,通志 應將《立政》篇第三十五卷之八 林 畊 ,蓋欲補通志堂舊刻 得。 氏《尚 第三十四 叟淳祐庚戌 今西 書全解》,朱子所 川龍君志 卷《多方》一篇,今於《永 所補刻,尚 在 也。 補 稱 刻 通志堂 有 舊 未 ൬ 本是 宋 審 本

氏《讀 解》並 其 之,豈不愈於刻及《春秋類對賦》者乎? 例 要》、《春秋》之杜氏《會議》、《禮記》 抑又若《易》之李氏《集解》、李氏《義 秋》則程氏《分記》、吴氏《纂言》可同 可 大 集説》,皆當以 翫 又一説」三字凡三十五 同刊 其餘、凡義 相 m, 辭 輔 進告日 末「此篇之言三宅」句 一讀之。 》、胡氏《 詩 也。 而足以 記 》、嚴氏《詩緝》可 抑又 :林氏此書,當與 欲重刻 例 通 相 類相從而 相 推 備 釋 資者,皆得使學者並 相資 此 一可 此 以 同 書,則 者 例 行 同刊之。 刊也,《詩》則 諸 ,如《易》則 至 皆 經 柯 口 夏氏《詳 删 九 亦 山夏氏《詳 刊 葉 去之。 ^余第六 也 有 推 刊 此 衛 海 項 非 也 子 讀 以 Æ 春 吕 氏 行 撮 心

古文尚書條辨序

説經家之彼此互辨也,自穀梁子「鼷

之過, 哉! 鼠」條 記陽 之,和平審慎 報,何日了之? 也、皆嫉激則豈非皆過歟? 亦多出嫉激 嫉激不平語。 此則人人具有天良,何獨讓姚君爲之髮 曰:「吾見閻氏駁古文,輒爲之髮指。」噫, 愚笑而不答 不知凡幾,何暇 欲以古、今文涉筆端也,中間 復有人作一書,名曰「冤冤 《尚書 有閻 同異 湖 吾嘗謂說經宜平心易氣,擇言而 》,自朱子已疑之,吴才老、吴草廬 而 始 孫淵. 攻守相 之《疏證》、毛之《冤詞》矣。 誠 也 閻 如曰:「先生意蓋信古文耶?」 語以敵之。然則二者皆嫉 也。然一日杭 然 之過也。 而道之。 今見長樂梁子之《條辨》,頗 奪 未 爲 吾之説《尚 嘗 此哉? 則 以 無若 同 彼閻 何以言之? 異 近 每 州 書》也,蓋 攻 曰: 詞 氏若璩者, 與 疑 日 姚忍齋謂 」。 冤 守相 義 友論之,猶 治《尚 此 待析者, 非 奪 近 古 冤 書 也 文 愚 今 激 出

文諸 品篇 皆 家 羣 1聖賢 起 且 如 而 《大戴 人之言 疑 之。 有裨於人 記》之有 愚 竊 嘗 深 漢 或 思 昭 家,有資 覆 思,

自 事、九功九敍之政要,危微精一之心傳,此 撰一書駁《戴記》之非經者, 證》者,何「疏證」之有哉? 而 (小戴記》)之言魯未嘗弑君,不聞有人焉 列於小人之尤也審矣。 敢妄議之,即其人自外於生成也必矣, 又況其所謂《疏 謾駡 況如六府 而已矣。 私

説 文、今文一字涉 在 謾罵矣,何怪夫人之謾駡耶? 取之。 經者 曰「疏證」也。 人之覆酬以 ,敬慎之事也,汝則謾駡 而 彼 漫罵 顧 筆也。 是故 不以謾駡自居,而 而實在乎彼 吾之説經,不 夫然後得以 耶 是 謾 ? 其 序吾梁 敢 靦 馬 者 之 答不 汝既 以 顔 古 白

子之《條辨》耳。

古文尚 書條辨序二

也。 《古文尚書辨》諸條 班《志》之十六篇爲偶沿劉歆歟? 氏《藝文志》云得多十六篇,而《史記》云逸 用朱子定本,實勝二程子本,非改也,是乃《大學》定本 與歐陽之毀《易繫》並 미 以 書十餘篇,若竟以司馬氏之軍 中太過者,則十六篇之説不 三歎焉。 繫辭》,獲罪大矣,又非僅區區閻若璩之比耳。 無也。 議 所云十餘篇者、《 豈得與歐陽修毀《繫辭》同語乎? 梁子九 論鳴於 毛氏《冤詞》之書,吾最惡其以程子改《大學 毛氏《冤詞》可不必有,而此書 山每 人。 論。 來 今其兄子芷林 史記》偶未詳 輯 吾 程、朱皆更定《大學》古 齋談 鈔 來 示 藝, 可 歐陽之誣毀聖人 、駮也。 括爲正 極 予 始 覈 虚 再 以 爾 不 所 知 惟 一本,今 蓋 讀 司 班 其 不 而

軍」,疑當作「渾」。

馬

四

數。 害乎? 絶 以 得 氏 爲 見者之少,是 已,非以 紬 亦 讀 ,賴此 繹 更 真 此 無 於 見古籍之舊 亦未嘗 特班《 (古文, 不 經,知 經 師 説 必於此間 多考經 猶 梁子 亦亦 爲務,此 詳 足 更 有古 志 覈 此 以 千 致 非疑之之辭,乃 也 未言 也。 見 + 書 借 萬 文篇 再 孔 六 如 等 然居今日 世 之語,非 孔疏 下斷 篇 付梓 其 壁古文篇 處 數之概足 孰 者 細 勿 能 援 語 目 時, 庸 則 外 馬 耳。 起 究 當 史 願 之 Œ 猶 而 融 目 矣,其 家 以 況 也 以 謂 미 日 復 名 説 考 此 理 見 因 紀 出 意 之? 果 此 事 校 或 怒 今 古 六 孰 日 實 附 無 以 文 mi 所

古文尚書條辨序三

可 不 賴 善 H 讀 既 者 有 剖 其 家 真 邪 論 古 文 真 僞 則 贵

孔氏」, 其他家 氏所 之故 皆非 字寫其文 文矣, 範》出 此則與 注 弓《 酒 金崇慶 紹《韻會》引作「在後之侗」, 又必非後來校《説文》者所能增 嘗取許氏《説文》所引《尚書》語以驗之,所 「在後之侗」,若增「夏」字,其可通乎? 夏」字平? 詷 引 周書》曰「在夏后之詞」, 師賈逵者也,其《説文》明著之曰 矣。 「驛」也。 八成王 共 二「圛」下有「者」字,則 間刻《集韻 《尚 而 更何足述乎? 他。 則求其古文,莫若《説文》所 書》「 其 顧命語義不倫矣。 輔 然「嗣」作言旁,系在言部,則非傳寫誤 愚 周 陸氏《釋文》亦引: 能 所引實有 睪 嘗謂 以 官》出 命爲「古文尚書」, 也,請 圛升雲,半有半無」, 》引此个 漢時 ^ 於 周 《尚 師 舉一 據此或是《說文》傳寫偶 不可 禮 Ш 賈逵之許 書》「圏圏 至後來薛 知《尚 又毛氏《古文冤詞》載 巌 》、《儀禮》古字作 事 「馬本作 解 屋壁者 以質之。 書》出 如 此則 今書 者升雲,半有 此 人 則 氏 詷 士龍 3 非 條者 也。 1/ 顧 以親見 更 也。 鄭 引矣。 $\overline{ }$ 名 許 以 則 子 黄公 也 《洪 古 也 實 則 見

揣 未 也 必 ,孰 本 欲考其 經古文考」, 面 耳 i Mi 易 獨 皆 求 而 於 具 摘 字, 末 孰 渺 在 其 矣。 難哉? 實 不 中 鄭 干 欲假此以定其 口 氏 考異之字以 乃 餘 追之古文《尚 注 近今又有作《 年 況夫治《尚書》者, 來 可 未 裨 見 冬 成編 有 文, 考 人撰 書》是 , 則 則誠 尚 竟 書 又所 此 撰 不 並 求

重刻許氏詩譜序

義 刻 東 之 之旨 挂 燎 本,又 陽 於 如 時 許 殷墟屬之武 指 世 也 氏 重 掌 也 Ž 又 校 ,其 繼 有 嘻,其信 而 而 譜 鄭 後譜 必於 鋟 、歐 加 之, 王 之可 然耶 \equiv 陽 原 時 謂 百 爲 於 此在北 可 之。 也 篇 ? 鄭 由 作者 譜 繼 此 歐 今吴君 也 於 宋 陽 時 以 者, 歐 時 子 世 研 以 譜 得 無 康 作 而

> 善,而 耳。 後來 之世 王元 得 儒 怪 儼然以 甚者,則依魯齋王 誤會,遂 古 云,特周公作誥,述先王 封 恃 有 無武 據 改 今之嗜 也 卷中 年封 理大 《史記 東陽 不 封 以 鼠《 轉以其 八删定 考之 此篇「孟侯 殷 Ŧ 衛 欲追 春 時 康叔」, 故 意 此 明 異者,力攻 事 秋 《譜 自居 之説 漸,甚不 或存以俟 乎? 也。 而 都付管、蔡監 不 改爲武 傳 - 盡删 ×, 乎 孰聞之孰 ^ 視古籍 特散 朕其 而《 史記・ 氏 ^ 許氏此 ? 史》 諸國淫 作二二南 口 改乎? 宋 王 衛 吳師 也。 弟」及「乃寡兄」 儒 所 見 世 之弊 年表》 語意 於 譜 封 武 家》則明言成 見之哉? 其 詩 道 加 所 則 庚 矣, 有 今必 亦 相 許 豈不思武 也。 爲 序 大 也 起 以 譜 宋 憾 以 西 加 書 共 之謬 詩 激 圖 專 以 此 康 如 歐 和 因 成 名 後 稱 此 叔 則 尤 開 何 其 武 安 此 Ŧ 云

知之,故不具著。附和矣。至若王氏《詩疑》之獘,善學者當《譜》,以爲研精六義之所自,●則吾竊不敢

詩攷異字箋餘序

以綜覈之。 若陳啟源、惠棟之屬則援據益博,而其間 盧學士文弨 啟嗜異之漸者,亦不可 其後董斯張、范家相又廣摭之,近今攷訂家 雅》諸書,以扶微學,廣異義,讀《集傳》者或 厚之自序曰:「述三家緒言及《説文》、《爾 然其研經之用意有出於伯厚所未及者。伯 攷》而作也。 有攷於斯。」是其書爲朱子《集傳》作矣。 説文》、《爾雅》之訓詁、《釋文》之音義、釐然 奉新周生撰《異字箋餘》,因王伯厚《詩 以 以校讐爲職志,撰《釋文攷證 其所攷諸條固有增於伯厚矣。 方綱 淺 學,竊嘗平心 不防 也。 往者吾友 而 致 至

> 吁, 此之由,亦未嘗非專守宋儒者有以激成之。 爲復古,此則欲窮經而反害於經。究其致 毅然改經字以就其所據一家之説,以新奇 又轉多喜創獲,好爲立異。 足稽也; 具存,惟 章句者,則往往以《説文》、《爾雅》爲迂遠不 可鑒也哉 在 加 學 其專爲《説文》、《爾雅》之學者 者 善 取 爾。 然 如惠氏《易述》, 後 來 專守宋儒

於杭 之。 焉。 新城魯生肇光、嗣光輩,博採諸 辛生紹業、浮梁鄧生傳安、南城王生聘珍、 擬以《釋文》諸卷,屬西 家,其實難斷定者,則以俟善學者 州 既 昔者生來吾齋,問字於南昌。 周生此編,虚懷審慎,不執一 而聞吾友盧君有校證《釋文》鋟 ,其業遂未竟。 今又十年許 江勤學之士若萬 書以 説,不 時方綱 勘訂 加 III 板 載 詳 偏 周

「自」下,稿本有「始」字。

Ł

踐 而 之,不禁慨然而 殫 往時區區 ,故吾 心 綴 謂 緝 其 訂 能 用 Œ 意 不 之 三歎也。 歧 有 願,得籍生之勤 於 非 所 伯 趨 厚 所 m 能 有 盡 篤 資 者。0 於 研 我

春秋傳説從長序

傳。 道 紫坪氏之爲是 弟子 日 名字、爵地之屬,諸儒 氏 m 者 爲 撤 所 謙不 其蔀。 夫後 各安 吾聞諸班氏之志藝文矣,曰:「左 ,平易中正 是經之旨,所謂觀史記、據行事、仍人 述 春 也 秋 敢自任 儒之失其 其意,以失其真 傳 如是,則讀是經者之法,固 其 (書也,蓋先有以見乎聖人所 從 曰「傳説從長」者 而無 也。 長》十二卷, (真者,皆安其意者也。 其謙 所 所 岐 執 不敢 故故 惑。 以 爲 論 故於 自 Ш 例 本 任 陽 者 事 何 柰 阮 1,悉舉 日月 氏 紫 而 何 也 作 恐 坪

> 獘矣。 以爲 宋以 凱 先得 師 摹古也。 其慎也,故得其本,雖 者,逐末而忘本也。 耳。 乎得失之原,亦非後 幾知本矣。知其本則弗安其 公之垂法,史書之舊 曰:「其發凡以言例,皆經國之常制,周 而 而 後, 義類之實,非聖人不能因 矣。 學者童而習之,至白首 其述之爲書 勿以前人決疑考讞之作 文不拘體者,以達意 家傳 虒 讀是書者,以紫坪氏讀經之 彼 一闡訓 失 説之義 真 故 1也,不 之説 推 從 得紫坪氏 儒 章。」吾 有 而衍之,詞 所 其 日 更説 惡 能 長 吾 足 而 每 所已得 意 度 m 而 以 也。 而 之書 視之,則庶 ıŀ 心,其謙 三復斯 也。 抱 淆 無 遺 意 自 弗 我 國史衷 也, 顧 其 莫 益 法 取 任 也 乎 庶 棼 平 究 之

- 「盡」,稿本作「及」,當從。
- 文末,稿本有「嘉慶六年春二月望日北平翁方綱序」。

韋孝廉儀禮章句序

《記》百三十一篇。」劉仲原父以 乎?《漢志》曰:「《禮古經》,出於魯 則 有《 有别目,然其 文復字, 豈無枝柱相錯者乎? 及孔氏學,七十篇文相似,多三十九篇。」 昭、臣瓚二家釋《漢 十」,蓋「十七」也。 又曰:「《禮古經》五十六卷,《經》七十篇 可 以冠、昏、吉、凶當威 喪服文句義 陳 昔黄 也 ,其義難知也。 慶、李孟 别也皆可以還其始,故曰 疏》,其 抵 然則抽其遺事,發其種 志》,説 有《儀 書 儀之目,其 皆不 禮章 各 不 禮有統系, 傳。 同 疏 爲 ×, 信 淹 顔 而 其 伙 監 韋 侃

矣,始得見所爲《章句》者,可謂辨於物而吾聞韋君治《禮》之勤,二十年於今

初齋文集卷第

句也 知本 是書又兼綜 章句,濟人張稷若氏爲《鄭 至節目,皆章句也; 文,視如全經可 党遗徒 -者也。 函 近時杭人吴 而條理之。 雅故、正文字而 也、蓋其慎也。 自經禮以 嗟 一中林 乎 注 已 至威 1 旬 氏 -讀 亦 自 儀, *, 爲 雖 綱 皆章 領 韋 是 君 簡 以 經

旱孝廉儀禮蠡測序

意而已矣。知其意,則其禮至今行可也。所爲《章句》者覆讀之,曰:學《禮》者,師其禮蠡測》十七卷。予既受而讀之,又合其禮蠡測》十七卷。予既受而讀之,又合其

河北岸同知。卒年四十九」。 世鄉八月大興翁方網序。阮芝生字紫坪,號謝階。癸秋八月大興翁方網序。阮芝生字紫坪,號謝階。癸秋八月大興翁方網序。阮芝生字紫坪,號謝階。癸

九

見於 相 其合,穿互對質,旁推交通,雖當日之爲小 至 本 其 丽 篇 是 者或未之過也 事 或 閒 文外者必質言之。 同 讀 者 F 者 一曲之層遞委折,皆必據其 竟 下 古 章 則 欲 M 以 證 試 可 他篇證之,於其節同者則以 泥 肄 之,經未 平 而 哉 行 之, 顯者必 蓋於儀度節次 今韋君之書 是 泥 析言之,禮 古之 介實 獘 而 也 以 求 於

奚 猶 曰:「天子、諸侯、卿大 經之 有周 存者,萬 備 瘉 미 加 也 儀確徵諸 得 而 倉 然予竊有説者:章君之意,豈果以是 一,得 有 其 瘉 等 意則 無 於 推士 世同然之義,後人不可不知也 代之禮,後人不可 其 所用 推 意則禮至今猶 文 而 禮 實 於今之疑乎? 致之者,亦 可 迹 而 乎? 疏 致 也 於 夫之制,雖不 →得其 天子之説 《漢書·藝文志》 期 行 泥 於得 可 也。 意 也 禮文所 心。」夫 則 其 能 禮 昔 意 臚 其 弗 Mi

皆章君所已發其凡者,更何庸以贅諸!欲參之大、小戴《記》,見四經之合焉。此吾嘗欲參以《周官》,見二經之合焉,又嘗

經義攷補正序

綱按試 録存 來 經說 後學也。」然則今兹區 文》正其 貫,爲經 書、欲彙 條爲 相 於篋。 助 丙 曹、沂、登、 見所 申春,與丁小 一 十 二 訛 訓淵 重加 成 舛, 曰: 一帙而 校朱氏《經 後十二年秋,在 校勘, 藪。 卷。 萊諸 其於楊止 未 非 竊 因 雅晨 暇 念先生是 品 敢形 録 郡, 也。 義 附 所 致》, 夕過從,相質諸 綴之意 前 丽 補 庵《周 又後 一南昌 賢之短,慮 門人 正 書,綜 積 凡 固 數十條 千八 重校 易 王 古 實 今 該 齋 方

「可疏」,疑當互乙

生 所 齋名聘珍,江 樂予 乎。 小 西 雅 南城拔貢生。 名 杰 浙 江 歸 安 進

經 解 目 録 序

精校 耶 者,此内尚皆未 議》、程公説《分紀》,皆學人所 之吕氏《記》、嚴氏《緝説》、《春秋 李鼎祚《集解》,《書》之伏生《大傳》,《詩》 刻 之日 次第 本别 槧楷書, 予前後見數 而彙刻之,豈得以 或日 爲 徐氏 目則宜録之,序則無 是 目 舉 悉 無 所 録 用 卷 庸 此書未有總序,盍序之? 刻《通 以 此 帙 也。 眩 **種矣**。 有 板 原 人 也。 志堂經解》,近 樣寫成,而後來卻 當徐氏 委 者,故不得 へ, 録 且以 此 宜 數 廣 爲 庸 未入梓時, 勸 諸 目, 也 有 種 經 不 時 備 》杜 該 力 如《易》之 就 有 時 檢 備 者 其 以 一諤《會 未果 博 取 仿 查 予 原 不 取 宋 應 刻 而

偏

經解 目録序二

也。 哉! 經訓經之説焉。 以 誠慮 作總序,先生曷不略筆 有各見之指歸,若必 經 將執一 晦 ? 矣,信無獘矣。 者,故讀者有 經之不 後人作傳 李生常洽 昔聖人 不平心虚 自録 加 前 明 諸 不能 進 、葉生志 也。 釋, 經, 衷以研審之,而 夫謂 而 權 然 舍經從傳之説焉 又豈好 乃 至 古 請 兩, 而 以 以 不 其 詵 日 經訓 彼 經有各見之時 安在其 計 有 概 既 經所 爲 \sim 注 後 ?」予曰 皆録 經,則所立 經 此 經 人 解 但 Z 煩 爲 前數 \ 而 即 經 於 言 經 作 久 此 無 語 哉 傳 有 反 難 無 地 經 偏 不 以 因 於

0 文末 直閣事 内閣學 本有「乾隆五十七年歲次壬子夏六月文淵 兼禮部侍郎 方綱識於濟南使

乎

也

其 闕 不 通 **經** 義 慎 變 經 執 之難, 不得不申己説 以 以 解 其 爲 爲 與 》之難耳 通者 通 舍 有 者 經 旁 有 有 推 從 融 借 傳 其 者 合 語 證 者 隅 以爲 必博綜 知 厥 反 通 獘 經之難 以 通 均 前 爲 者,有墨 也 通者 説 是 有 有 守 故 知

經解目録序三

注 宜 而 人作 之祖 後 敬之慎之。 詳 之訓 一言近於理。 利 人 究 之? 固 始 子又進 釋 也 難 也。),惟 誣 其 言,獎則有之。 謗《繫 推演滋益 吾夫子筆諸 惟傳説之最在前 乃有宋歐陽修者 m 伏羲畫 此則獲罪於聖人, 日 辭 傳 卦, 日 盍 **\times** 文王命繫, 至數千百 十翼,此 出 悉 不 陳 以 者,則 5,疑十 - 窮,吾 其 後 利 萬 即 人 | | | | | | 翼 難 烏 讀 獲 所 傳 以 非 從

> 若蔡傳 復取而 是立 者,《 於天 傳 在 終始? 二可 書,吾嘗於江 閣」之語。 之,韓昌黎 竊有説焉。 者也,吾爲此語,得不 不爲之髮指 注 此 意與 書》、《詩》之序,即古經之傳也, 爲 前 取。 平 於《康誥》、《 讀之,未可 者 恐 序 欲推 韓公亦 三傳既束閣, 爲對敵 其厭 者矣。 聖人作《春 顧 ൬ 陽杜 未 宋儒 許盧 詳 三傳, 知也。 氏 當 歐 加 多士》、《多方》諸篇, 觀 必 所 自 議 陽 其 攻擊之,此則復安用 仝,乃有「三傳 力 偶束 輯 其過 笑 卷 秋》,賴三傳 攻《書》、《詩 則 惟一 卷 耳 也 更從 所 高 中見之, 乎 事 稱 未 閣,卻 盧 ? 何 不得 有 有 玉 處 然 消 觀][[束 更 又 亦 究 以 愚 不 而 此 其 有 之 高 文 m

復初齋文集卷第一

門人侯官李彦章校刊

字林考逸序

也。 五 依陸氏《經典釋文》之例爲次焉,遂使吕 七卷,此其慎 以序録居其 今禮 本書若宛然復七卷之舊者,又何其恰合 漢書 篇 昔吾子行謂許氏《説文》即《倉 部主事任君爲之《考逸》,凡八卷,而 吕氏《字林》,據諸家著録,皆言七卷。 •藝文志》,而謂後人並字目爲 是説也,予嘗疑之。 一者,蓋不欲以今之所輯定爲 也。 又不欲真目爲八卷,而 蓋 吾 子行誤 頡》 十四 氏 讀 +

重刻張吳興復古編序

者也。 者也。 戾者。 年, 之後,至吴興 必有不得已而後言者,且事固有從俗而 方也、又非第筆勢也。 韓子所謂俗者,不僅籍帳、文案、券契、藥 原委之義也 而其卷末所列二十八文者,百二十年 而顔氏《干禄》之書,已在前四五十年。 韓子目羲之爲俗書,其言在 夏造殷 許氏《說文》之情,至宋雍熙暢 先河後海,或源或委,此宜求之 張有謙 爲《説文》之學者,必以《 因,或素或青,此不 中而益推闡之,此 君子之於言也,其 元和初 必 析 泥

採輯之所以然,則卷內自詳之。心之勤與其編次之慎,並著於卷首。若其誤會如此者,不可不慮也。予故於任君用卷,以十五卷著序表耳。千古讀書人果有

刻之心則在於證《説文》。 與 力 字畫 本。 其 阜 之梓卜之也。 梓,未谷任之尤力,其機緣之合,將以 易 本,嘗託友人某致之京 有 一日以語 説文》。 未 不 得 桂 所 鄉 迹 前 谷言《説 能辦之, 本校之,信乎其爲善本 頗 馥未 補 去年 在 爲 精審 孔 E 傳寫 職 焉, 吴氏 揚州羅 新 繼 谷力任 則 志 不苟。 安程魚門, 擀雩谷 爣 文繫 非是本之出 之必 斯編之重刻尤不 作者之意在於袪 增修之書, 而 可 兩峰 斯 校讐,數年於兹矣, 傳》一書宜 親 與 編 於是未 出 也,遂 來京 之 考 師, 貲 魚門 久 訂 不 兹 開 湖 而 師 無 谷喜 依以 矣。 能 以 圖 雕, 一、云有 州 則 予乃未見也 善 及今精 ·可以 叢 成 經 弁 俗 出 本 斯本之不 而 之。 鋟 襍 非零谷 書 之篋 者 Ш 未有 木。 影 己 而 更 志 謙 校 宋 其 斯 予 又 弗 而 中, 其 每 之 寫 舊 重 編 付 又 得 中 曲 能

小 學 攷 序

作

年肄誦 矣。 形聲 義,幾不 原自言《隸辨》 説文》、《爾 I之前。 歌諸 · 致古 次立 又往往侈談 也 訓 往者學 一。朱氏之攷,既 小學攷》者,補 嗜 附字,此學者之大患也。 故之屬闕 經 家所 識古字古訓 博 嘉 書 者,每求之六合之外而遺 人狃 興 實 雅 用之字,而好辨許 沒復古、 \pm 義 焉,是後 惺齋有言: 今人爲文, 書 或 闡 於 轉 形聲,訂 博 帖 秀 爲 爲 類 不之省。 水朱 何 括 稽 解 次 物。 之習 學之 經 篆 爾 氏《經 同 籀 而 雅》 通年士 責 一,沿 作 異, 古隸, 昔宋鄱! 祭酒重文、 某 也 義 嘗 塾 丽 意 卷 考》 於 師 謂 於 審 大 固 耳 近 童 定 音 南

則

張

韓 目 日

乎

儻可」至「緒乎」, 稿本作「儻可得」當與 摹 而

洪 聞 如 忘 謝 下 也 力之不正也,務博 夫學問之實,惟在 其 餘 其 平 究 氏 子 寧博,與 ,則又不 續《急 爲 從政之餘,果克裒輯 氣 心 也 而 解 識 足以 論之,學者 徒 此 經 力 啟 ·得不引伸類長,旁極 就 其 事 而 Œ 内養, 濫 臆 》,類《滂喜 諗 作 定 觴之獎,於 斷 吾 則得之矣。 之驗 也 識 謝 之失與 鑒彼 力足 力正定而 無寧稽古矣。 子。 也 以 1》,自 兔 荷簡之獎均也 成 今三十餘 自 讀 袁 復 書,是其 充 是 以 册 古 己。 則 編者, m 爲 子 平 博識 摹據之。 苟其 何 與其 局 束 在 有 矣, 見 館 陃 而

秦篆殘字記序

同 名闕半字。 春 岱 所 頂 記 秦篆,宋 一云僅· 於榛莽中僅得廿九字殘石, 存 汶 陽 劉譜之半矣。 劉 斯 其後北 至 明

> 罕矣。 故樂 劉譜 也。 至,而 以傳之。 之僅存者。 申 嵌 正月,北平翁 陽文忠、董 與石刻之同異,則以 《雲谷編》,僅據 蹟,自周石 君,於岱 六月 置 字,仍以 於石 碧 爲 諸君子爲之詩 此刻尚賸存十字。 今又 煨 霞 頂 於 ,又改正《甲秀堂 元 其卷端。 而予 嵌於 鼓外,惟此 廣 廢 七十 琅邪 火 君 方綱。 池 Ш 適 廟 、廟壁。 廟中道士 往復致慨 址剔 臺篆 今此 餘 東 爲 年, 廡之壁,至乾 漢 若跋,積 嘉 今日 得此殘石二片,尚 石 與 陽陽 廿九字原 慶二十二年丁丑 蓋二千年以前 知泰安縣 刻 琅邪臺,是其 往者黄岳 葉 録 遥想宋莒公、 者,後先有 在 子 帖》行次之誤, 本以 成帙,將 海 東卿 拓本, 上,拓 事常 隆五 校《史記 張 重 之篆 並 同 真 熟 年 者 藏 勒 梓 著 罕 刻 庚

段之西 原石 四面環 段。 刻, 此 一段 此 # 凡 九 四 字 在 其 斯 南

行之首二字。 去疾」四字在第一行,後六字是其後三

惠氏後漢書補注序

矣。 説 何氏 門何氏頗糾北海《劄記》稱范志之陋,然 復 惟《循吏》卷末數人而已。 珍、楊彪諸 松之注《三國志》之例,是固然已,然 時 復 實 以裴注例之? 時 初 不苟也。 本不著紹統之名,而《館閣書目》已失 自 祖 校 氏 顧序又稱其據義門所攷校,然此 元 陳 語 言 和 序之,謂此 惠君 古 亦間 所 帙世已罕傳,即此内所據補者, 八志 齊。 著經説,則非 補《後漢書注》二十四 有論 併入范書久矣。近 直齋之説則 而予則竊喜其補 其 正 少作也。 者。 世遠籍闕,焉能 又稱是 僅 惠君 援孫 然此注 書仿 少時 奭 注 一卷,顧 八志 内於 乾 日 而 内, 賱 其 劉 裴 筆

> 注, 爲 其無失矣。 余靖、王洙參校,以補系劉, 者,姑勿過繩焉可矣。況於《百官》 不曰「補後漢書志 未爲忘其本 注,是劉昭所述, 來板本《律準》、《候氣》以下列入紀 之」,又云「分爲三十卷,以合范 質言其最有裨益者。 無併 竊 入之嫌 也。 吾友海門李子將鋟諸家塾,故 案 劉 氏 今惠氏次志於紀傳後, 雖具紹統舊文,而 總 而還舊題之義,庶幾 注」,而曰「續 敍 云 借 以注系章懷, 舊 史」, 志 漢 景祐 通 後 注 志 稱 傳 則 以 平 補 中 且 本 前 後

集古欵識序

與文、祝不同,米與蘇、黄不同,正楷則歐、書無古今,一也。今彙刻行草者,董

● 文末,稿本有「嘉慶九年夏五月望」。

之,則 其 可 欵 特於今不可考耳。 形聲同異之通 官、察萬民者,豈能 蓋 細之殊,而 亦 口 E 隹 信 於 就 之 然。 識 種,今尚存其文,皆真 而 與 爲 其 E ",必非 顔 分 不 今集古器銘之文有二 其 類 法 然則夏後氏 可 年 帖 隸 存 出 器 别 甚 字萬 柳 庰 者,次 仿摹, 爲 至 如 沪 :後 其 則 則 不 裒 覩 王 人所能 行筆 同 出 瘦 同 轉,竟無 輯, 原 俅之録, 於重摹 矣。 肥 也 而 至 拓 即 或類 類 ; 行 周 聽其上下左右之移易, 闊 者, 闆 爲者, 王. 赤 不 皆 吕、薛所 筆 末千年矣,其 順伯 狹 與 一、吕大 定制 芾 則 實 則 記 概 義 蹟 似。 長 一説焉: 千 有 上 未 以 用 以 集 E 也 以 短之勢 也; 篇 古 資 作 足 臨 首 自 鍾 畫 此 八考乎 反其 趣, 王 某 尾 其或 薛 鼎 其文古 雖 不 在 律 尊 一之耶 又各 鋭 亦不 尚 間 俅 欵 鍾 間 同 ? 本 皆 之 功 識 不 末 乂百 也 爲 之 不 害 篆 又

> 失, 鐫 垞 户 又 萬 所 夏 無 年 行 m 一般 稱 子 書 他 目 孫 鼎 也 奇 以 爲三代物 文「世惠」又 寶用」, 爲 曷 陳 寶晉帖 足貴乎? 陳 相 其 因, 也 文略 者相 (稱「無· 纍 其 くく 移 甚 去 視 至今日漁洋、 换 箱 襄 無 專」,篆形之 篋 一二字, 陽米 幾 家昆 此 祠 亦 壁 吾 盡 竹 而

爲錢梅谿徵刻金石圖序

聞

與

闕

疑

並

宜滋甚者爾

之覆 然圖 秘 氏、郃陽褚 金石 丈 [樂其 尺 之 其 可 金 式 縮 而 望 無 石 便 寸分之,又況 而 圖 氏 以 而 已,非 於 於 始 儷 測 檢核. 册 縮 歐 其 識 其 者,雖 陽、 也 圖 巧 矣。 文而圖之,於是 也 其 趙、 文 洪 泐 世 然 婁皆 故 也。 氏 蝕 南之畫 而 凡執牛氏 之形 豐 有 隸 近 碑 録 日 續 古古 肚 巨 嗜古、 ΠÍ 滋 王 王 始 無 之圖 畫 陽 4

今日 而 怞 先冀觀者之必吾諒焉 沾 欲效牛氏之爲 沾 議 其 後者,皆不諒 圖 知作者之勤且 ,則又不可。 人之甚者 也 艱

脱簡 者,脱亦二十五字,簡二十二字者,脱 此、然未聞其著夫科斗古隸之形兒者 猶之樸學之士必 I. 十二字。」古人於簡 又謙焉。 經》謙,半之,《論語》八寸,策者三分居一 一者闕 可乎哉? 、禮》、《樂》、《春秋》策皆四尺 小以知本 ៣ 書 藝不 鄭氏之説經也,曰《易》、《詩》、《書》、 法 竊嘗論之,攷訂之與 者,必皆求 班氏之志《藝文》也,曰:「《酒誥 ,必致失之千 ,而漢唐已後,真 存焉耳。 召誥》脱簡二。 然而 事有 責以 ,其博 今也 編之式,不憚 處 三真 一欲沿 -里,則 極 於不得 臨池、蓋 八贋 經史以 率 六草之擅 解陳 流 簡二十五 縮圖之作 四寸; 《孝 以 不 兩 討 ,後先紛 溯 剖 能 能 析 事 析 亦 之, 者, 也, 也 若 道 字 是 因

固

皆 糾 年之力心營 口 則 以 雖 測 下 景 垂 於 E 而 圭 曲 目 而 之執 運者,烏足以爲 縣 金 筆 一於市 迹小異之間 也。 之哉! 非殫 亦

八

貞 氏 寧 蓋 嗜古之君 黍,其於二者合一 有之。予故爲 之圖 有 有 舉諸家之所難 石之蹟 後 快 金匱 爲 出 於 矜詡 1錢子 巾 而 斯 子 彌 者 相與 箱 也。 精 系 立 乎? 述其 所輯,以 兼 彌 羣 贊 者,一 之途, 信 一,視 士 其 者 所 精 生典 力 以 旦從容擘 燈 正不必以跨越牛 應 而 而 然, 矩 取 籍 氣 觀 以俟 影,不爽銖 其 mi 大 專,凡吉金 (成焉, 備 不 理 夫 之日, 博 而 事 皆

黄 秋 得 神十二 昌 序

得 碑十二 圖 》者、錢塘黄子秋盦自繪

0 四 尺」,疑當作「二尺」。

孔廟 其 最 既 作 有 助之重修武 剔,始感張力臣 前 室,用洪文惠 漢《熹平石 嗜古之人又不恰逢此會,宜黄子手寫之而 於是,舊所云任城 碑》之下半,鐵 四年三至」詩,而繼予至者又得詹事 也。 同嗜。 黄子先世 乙未至癸 富 而 勿諼也 黄子筮仕 同文門下之碑,亦踵 之 予識黄子 區 蓋 「經》殘 己 自古聚碑之地不皆遇此 $\widehat{\mathbb{H}}$ 氏 而 越 有此 濟寧,爲漢魏 十餘年間 黄子 橋李君助之。 石 一之言,升起《尉氏令鄭季 州 在 字三段,予借摹 室,剔永壽、熹平殘刻。 五碑者增而十之。 事,題 扁 歲 以 ‴,何 T 政 西 所 其 而增焉。予既 務 日 時時 訪 六朝 不謀 「小蓬 之 夢華 古 於 暇 勒 刻 以 都 而 , 萊 何 窮 事 來 合 門 石 人,而 曲 力 阮 君 閣 境 金 也 於 初 搜 爲 阜 又 石 得 而

刻,必將日有所得,不止於此。而予與黄黄子幹濟之才,其宦遊所至,博訪古

石 黄子共摹勒焉,又當作《重 作《得韓勑後 銘》、《孟法師碑》,皆當 他若梁之《舊館 碑》,今海内 矣,又當作《嵩 子共几欣賞之緣,當 去,但笑予輩日苦詩債逼人太甚耳。 日夕作繪之不 子與予者,如夢華者,皆期 韓勑 闕上下巖 後 繼今以往,黄子 碑》,竹垞 有三本,予皆摹得之, 洞 碑圖》。 压訪 秘文,雲木蓊鬱,靈境 暇 壇 也。 與 碑》、唐 碑圖》。 谷 亦 黄子方欲 將 窮恣 晉 繼 口皆得之, 齋 理素練、調 此 一勒華 於必得之,是 之《化 奇探 北 《延熹華 加 來,夢 碑 未有艾 被搜討 圃 圖 則如 度 嘗 精 嵩 華 邕 擬 岳 書 也 勒 其 黄 師 與 廟 Ш

爲常熟趙氏乞曲阜顔衡齋歸兕觥序

編修吴中行、檢討趙用賢疏劾之,受廷杖,明神宗之五年,張居正父死奪情,時

辨 戌 是 君子 黝 贈 出 何 夏, 蕤 觥 趙 或 m 音諸 門 傳之黄端 壽 不 衡齋 以 惜 兕 拓 觥 庶 人,今在 剖 穎 本裝册存於篋 拓 子 易 之 心 其文 伯、 許 生 銘 寧 或 許 曲 陳 來京 辭 鐫 或 . 潛 阜 碎 玉 爲定宇 顔 夫,又傳之章藻功 文羊 首。 師 杯 衡 以 子 齋 黄 贈 館丈 爲 所。 流 角 吴 賦 乾隆 在中 詩 其 題 兕 贈。」 並 理 觥 考 戊 沈 以

之,别 必 爲 爲 寓 熟 趙 往 也 致 0 書顔 公五 重 來,道其 湖 丙 以翁 以 去。 得 午 南 法書名帖 諾, 世孫 此 氏 秋,奉 道 明 此 謀 札 年春 敦古 意 積 出 也 時 所 使 念先澤之忱 南 風 0 相易 以易之者。 義 厲 子 昌, 江 子 出 爲 西, 天下 按試 拓 非可 見 篝 可 本 訪 而 爲人 燈 平 袁 相 趙 以 夜 篤 ? 語 州 子 眎 翁 利 後者, 起 於寤 及家 者庭 謂 翁 翁 干 耿 自 泫 亦 也 寐 世 是 耿 衡 然 自 不 無 敢 齋 乞 常 可 無 陵 久 知

師 大 之氣 孫 若 顔 物 而屬 + 月 以 在 竊 不?」翁曰 金 人之一言, 兕觥 憑之, 一,不 念 石 之 收 其 氏 作 可 翁 予爲文乞之。 四 用 以 忠 也。 收 衡 藏 歸 可 歸 艱辛,百方營求 果 方知 則 藏 齋 相易、若某之文、又 教 心 家 於 是故至情之歌 與 趙》 自 於鄙 之博、 豈 孝 趙 今者庭 得 客 而 損 來 獨 矣。 交共 之歌 氏, 此 敢以 諾。」 通 訪 子 人文字有篤 物不 鑒别之精,不 謁 則二 願 予 一物足 然 屬 趙 予日 也, 又爲 拙 則 之, 於 使 而 翁 劣 足 百 僦 之不 者 謂 南 和 泣 以 天 不 之小 -辭 減 年 旅 既 焉。 康 地 回 遠 可 哉 其 先 「翁 恤 豊 嗜 舍 己 顏 二百百 以 神 引 美 Ė 乏 人之手 足 以 還 氏 予 蓋 口 祇 乃 動 丁. 富 此 癖 道 俟 之物 楚 時 深 相 予 將 將 餘 獨 鬼 里 焉 乎 予 既 懼 扃 遍 欲 神 昭 年 待 其 圃 ? 澤 既 觥 試 乞 院 爲 忠 且 旬 假 凌 格 在 秋 m 也 京 孝 夫 賦 寒 無 試 腦 日 七 貫 而

之 圃 是 尤 拙 平書 冀 Ħ. 蹇,不 當 世 通 足 人 以 麗 讃 藻 揚 交 顔 誦 氏 而 高 傳 誼 道 之 之 什 也

兩漢金石年月表序

條

敍

於書首

本。」蓋 也。」黄 作 也 音情華 莫若漢之 其 顓 故 殷 殷 何 柳 也 以斚, 之著 喜 而 哉 曰:「公侯 山 縟 許 子 1 秦篆、 ? \approx 谷、 渦 西 厚 叔 漢 篇,乃 亦云: 於 論 京。」惟書亦然。 重 周 有 周 刻 西 文之言 爲《 漢篆區 以 虞 之 存 「漢,而 之有 黄目 氏 犠 《説文 者希矣,然歐 標 以古人爲師 之 象 舉 日 柳子 泰尊, 以别矣。 冠 灌 漢 解字》,溯六書, 由 : 禮 尊, 質 隸 近 也, 獨 以 而 夫東 古 夏 夏 以 文, 爲 ,以質厚 夏 后 后 而 陽子 迨洪 壯 進 漢 尤 之 氏 氏 固 麗 之文, 壯 末 之 以 文 其 以 推 惠 爲 造 勢 雞 Ш 何 西

> 爲 録 竊 見 據 全 自 西 ,不復能 文,或以 幸 漢 字 也 爲 夫徴 恨 地, 依 年次矣。 文 或 圃 考 以 今 事 所 事 收 類 以 故貫 惟 者 時 亦 爲 以 系 己數 紀。 目 年月, 所親 種 兹 見 編 又

桂未谷續三十五舉序

球。 印 也 不 玉 條 名 諸 ,王俅字子弁,是兩 件 條,尚一 今徑改之,不主於 續 如 曲 「續學古編」者,以 其 阜 元 舉 桂 吾子行之數, 不止 故引説 未 谷 於是 精 研 無 是 人,子 此 糾 例 題 舉 IE. 也 日 隅 也 行 嘗 之 續 誤 宋 舉 義 未 以 Ŧ 所 谷 嘯 球 志 説 也 論 堂 原 其 爲 夔 印

審 īE 廟 堂 碑 原 本序

良,明 之,退 乎? 年 爾。 記 也。 IIII 矣。」吾嘗以 適古 來, 百 存 文貞諸 實 何義 餘 良 退 配 孫 万神宗時 王 谷獨 廟堂》唐 然董香 退 特甚 年 所 矣 谷 弇 峰 以 既 孫 門 州 藏 不 來不 以《化 見唐 處 獨 此 稱 有 唐 聞 光 江 則韓氏之帖, 一,乃以 言 本見 理参悟 唐 非之,謂 本,王 村、虚 乎? 不善臨 知此真 本 搨 度》参《廟堂 ,故以 藏 「以《蘭 於孫 Щ 弇州、孫 有 何以 八亡,世 三四四 舟、 左 退 本 書, 唐 本 谷 退 王節 亭》参《 ·存何 年, 想香光或見之, 義 本 弗 加 所 凑合重 谷 無 門 稱 其 月峰皆 \approx 處矣。 而 藏 而 \sim 度本爲 也? 俱 偶 庚子 何 本 今 官 則 本, 未 作 刻 <u>1</u>3 U 曾 方 示 之 虞 及 而 本 銷 圓 韓 見 得 \approx 僵 見 存 見 者 餘 明 於 夏 協 則

月

遒。」 吴及 矣。 此 斷 已 雜 第 云: 家本 之見 特峭 欺 遠諸先生之言 蓋 馮 元 亦 不 有 不 揉 世祖至元 頌 也 不 定 一,張本 《紫鳳 刻於宋真宗天禧 ,所謂 若 王 可 以 唐本蓋可信 予 遠 與 勁,近歐書」之語正相合。 此 知 因反 節 廢 未 與 山谷云:「字 石 榮咨道 「僵」字 在 也。 見 月峰所 度 未 一海 何 顛倒 次之,蔡本又次之,它數 覆 時已有「 唐 重 刓 ... 圖 之 寢食於子 本 刊 以 缺,不 本其 而每 在 嘗以 拆波 精 也。 言 凑 此 裋 而 X 證之,則 「筆筆皆 褐』者。 念山谷老人之言不 有鋒鍔,造筆之勢 偂 以 京兆府本無 以 中缺字 碑 濤 三年,而 Ш 之本矣。 定遠 王 舊繡 摹本 固 陰《敦興 谷之云: 本 之妙 弇 爲 然 Ш 略 蹲注法, 補 鮮 隨 州 鈡 谷 尚 綴 然 相 重刻 于 頌》考之, 悟 曲 、月峰、 裂乃佳 時 有 類 張 則 本 困學在 則 亦已 折 所 典 鈍 本之 榮 福 月 轉 新 見, 天 甚 又 吾 舊 本 夷 峰 折

刻隸 序

耳,而 時。 尚未 之語 則 五十 之善搨 刻本又已斷缺之後。因諸先生語,取今 法立 初 非 建 餘 · ●則是宋天禧以後、德祐以前此 選 斷 天禧則去立石時 山谷以爲「尚有典刑」,則居今 隆 重刻 也。 石 年 ,想像選集以追補之,奚不可 時百二 、乾德間 間 然山谷所見本雜以重刻本者, 所 之精者, 斷 十餘年,蓋其 也。 兼中書令復鎮永興 乃 五十餘年,山谷 王節度再 是補 舊刻之失者 時重 立 此 刻 也? 碑 之本 日 題 軍 跋 日 重

蓋

唐本。 之月 又慎 敢 别有考論矣,亦仍存此以附之。 選 云 ,曷敢輕爲品 集是碑,財得不滿二百字耳。 予得宋搨《化度》舊本,玩索數年,乃 爾。 杜詩云「秋月仍圓 此文愚未見唐本時作也 目 也? [夜], 故僭題 明 今既得見唐 其 非 曰 爲 審 慎之 望 定 後

甚。 變。 隸, 訂訛 揚州 未當有一字好奇。」乃洪氏《續急就 然書必衷於法, 要何在? 也、篆則必 舉 ,其能者 者,隸雖 隸 人重 至六朝 誤,可 漢 洪文惠之續《急就》也,曰:「 宋淳熙二年, 由 隸 漢始, 録 或喜涉隸以通 無 無庸序矣,而於其求 一藝,然不可 則已多開好奇之漸 而 之,秦編修 戒 字 而漢 而法必準六書。 嗜異 畫 體 劉 可假易者。 人 雜 球 加 作隸書 出, 來 輯 己。 於篆, 不知要也 求 ^ 魏、齊、 隸韻》十卷,今 序 已有 矣, ,者幼 此正路 至篆 序 一蔡氏 六書者篆 予既 周 隨 不 何 變爲 篇 碑 手之 厭 其 爲 石 也。 中 E 知 經 尤 煩

楷

言

鮮 于 原誤作「鮮於」, 依文意改 所

就 儒,已不能俾以 類 氏 書《周禮》六官、《儀禮》十七篇, 承之同異,莫能 者慎 其 自 流 撰 好 人所 思之事耳 忧 傳 可信者, 賃 且 石 如《 畫 齊 然 師 吴仲 一、況後 也。 既 亦 守其常 各 皆 山》、《 即 不 漢 以 而 司 碑 人遠 Ш 勿驚其 戚 實 其間 嚴屋 有 溯 雖 乎? 杜 著碑 之, 習 壁之故 鄭 俗 非 諸 亦 第 沿 洪

敹 即 劉 類 嗜 誤 半 也。 者 則 異 與 爲 如 氏 則 官名 此 者 左 重 即 惟 褒 大不 寧守其常, 書 誤 卷 如 漢 邊 筆,以 劉 横 碑泐蝕之餘,有 以 會 可 氏 未言「篆隸」之「隸」可通 踵 其 畫 ^ 也 此 揚 襲 相 石 0 鄭 書,以《孔 而 成 泐 穿 淮 丽 固碑 所 此此 要氏 書 之勢以 表 謂 儼 紀》「熱」 則漢 》「古」字中 廣 在 不 然 廟 異 當之。 可 南宋時 命 隸所 碑》「恭」字 聞 盡 日 者 字字 以 字字 本 諸 方 間 尤 是 意 也 無 原 且 如 直 斷 미 司 沿 此 書 懼 定 而 下

> 則 必 不 視 更 以 甚 洪 隸 平 氏 通 續急就 此 乎。 》之所舉者 凡 婁之 演 ,其爲嗜異 説 類 此, 是

四

吾惡能 亦 傳 闕 而 舉「恭」字、「卋」字之類 據 原 檢其 婁氏 敬 之。 碑 所摹者, 加 學之一 慎 詳 出 之數 之書 又 蓋 即 之? 某 隸 之 未 遍 此一 碑。 者承篆 勸 必 心 一端乎 命之曰 觀者第見其 每一字下 皆能 學者, 同 學 亦 即 惟 隸書之事 檢其首卷出某碑 兢 而 目 [漢隸 可 每 啟 兢 見而 信 見 省其 楷, 馬 一,尚有 者信 出 一字,必 如 檢尋之。 勿 此, 漢 某 不 ,儼若 馳勿 之, 隸 碑 可 豈 不 前 之名 以 稍 與 理 止 知 熕 不 於 攷 其 更 有 此 吾 慎 是 不 疑 拓 者 所 止 而 經 則 本 偶 旧 其 列

洪筠軒讀碑記序

雖 之, 歎其勤 用意之密,庶其匹矣。 廣摭,而精密或不逮此也 臨 海 洪筠 且 博。 軒 以《讀碑記 近日 錢詹事《 Ŧ. 司 寇《 》八卷示予,讀 金 金石跋 石萃 尾》

岑江 而 有 證 碑 搘 如唐温彦博,史言其褊急,好争論 經者二十之一耳,證史則 一陵固 者。 特言宏 拄 吾嘗笑攷金石者動言可 ,何可勝 不 應作諛墓文,此當表出之以資 量,不與 原,惟當論 人争,其 其 相 處 證經史,其 大者 處 反 有之,記 乃若是。 是非, Щ 己。 實

《昇仙太子碑》,以其陰銜名出薛 而存之,不則仆而 碑》、魏《受禪 金石文固 表 不 \forall 專 毁之可也。 實 以 以 書論,然若秦《繹 備 篆隸 若職官之除 體耳。 鍾 家 書 唐 П1

> 治,而孜孜日從事於金石文者哉? 宜表出之耳。 緩刑」,以補《大雅》傳説。 證姓氏書。 如漢《禮器碑》,知闕里聖母姓并官氏, 據石刻以正板本作「太和」之誤,遼道宗 此 也 授、年月之 壽昌」,據石刻以正史作「壽隆」之訛 一廢日 其他 近人輯録金石文者多矣,未有若 損 偶 功 。宋《泰山 前 有錯 耶 後 ? 不然,豈有傳 互 其 至如唐 不 實 碑》「尊賢尚德,下 可 有 校 關 文宗「大和」, 諸 舉,吾 係 如 注 此類, 箋疏 安 著 能 洪 之 則 君 武 可 亟 又

之精密者,故於此略及之。 近人輯録金石文者多矣,未有若洪君

五五

復 初齋文集卷第三

侯官李彦章校 興 翁 刊

M

方 綱 刻 黄 (詩全集序

譜,通 間 庵 其所以然。 卷,即舊本《豫章先生外集》之四卷也, 體失其舊式。爰合寫爲一本,附以 其别集與史季温注者不同,而寧州新 其草藁於篋,而寧州 本 之,韶刊人聚珍板,於是數 學 輯《漢書》,輒 廣布藝林矣。後四年奉命視學江 職 乾隆壬寅冬,方綱校黄詩三集注 爲五十六卷,時 志,今將 蓋自方綱年十九 奉先 四十年,所 新刻 生「質厚爲本」一 時 與 本《外集》之後 與 學官弟 百年未 〈學侣 誦 浙 敬 滸 子 黄子 合之 西 申 語 刻 陳 「,攜 又 足 蘇 證 耕 分 上

者」上,稿本有「焉」字。

葉

殘

字皆訪

求珍

録,蓋古人一字之遺,後

是以凡原注所有者,攟

盡

聞前輩於山谷詩任注、半

注

本,始知

海

寧查氏

所

補

者

猶或有所

未

山詩李注序

嫌

於

複

也

方綱

幸得

詳

攷

施、顧二家蘇

詩

惠

氏

又

皆

有《

左傳

補

注

蓋

補之爲

解,不

昔趙

東

ili

有《左傳補注》,近時

顧

氏

蘇

詩

補

注

序

殘拾墜,録之於篋久矣。

訂

析

蘇詩疑義,

日鈔一

二條,遂成此帙。

歙縣曹吉士從方

來皆得據以考證。

注」,稿本作「本」。

原注之美耳。❷ 而 方 綱之管見 亦 間 附 二者 0 欲 以 益

彰

二六

俟稍 文 念及,輒立咫焉汗洽襟也。 有 誠 解 之訓 會 處 者,不 ~、欲略 外 疏數語爲之序。 平 此。 書諸 卷 然每 以

道園遺藁序

補耳。 説也。 同焉。 非僅 卷 六卷,寄曾君續鋟之。 今行之全帙爲尤足珍矣。吾於《道園集》, 至今與《前集》並著。東坡之七集,則又視 編者,即從是本得之,而其不欲盡鈔補者, 重其文 ·外集》、《别集》,而《外集》、《别集》注本, 鋟 版 以爾時校勘無暇力也,直謂不必盡鈔 運 蓋予三十年前於史館手鈔補 若山 使曾 也,而其文足爲其 凡爲古人編集外詩者,重其人也, 於揚州,梧門學士復出 君 「谷之詩,既有《前集》矣,又有 既以愚所編次《 予曰:是不 人重者,又有不 所藏《遺 道 遠 可不 詩 入前 * .詳

> 乎? 附存之、將以 故黄序以爲先生自編耳。先生當日所 故遇殘篇賸草,皆所不忍遺,此則後人用 然當斡克莊徵全藁時,先生豈竟略不加 每據門人 存是編 而 直有判如出二手者,先生有 人重歟? 去不欲存者,而今反以其後人勤録之意 有間矣。 心之勤,抑與當時得失寸心之自知,固 生自編者,特言之未詳耳,非失實也。 「學古録》所未收,實皆先生所不欲存者, 其 心未 庶 虞勝伯之編遺藁,蓋 愜歟? 故必 於全集之後,或鋟 ※ 幾無 以今覆讀是編 李本序 試 然害乎。 取遺藁之作與 重其人歟? 以 辨 深味斯 嗟乎,詩 正黄序 而後知黄序謂 る諸別 從其後追憶之, 將以其文爲其 (前編) 義,而 神,寧勿 自編之説, 至 帙以 蘇 同讀之, 後 備 顧之 可 考 附 棄 先 蓋 Mi

▶ 「説」下、稿本有「爲不足信」四字

二上

言。 後 以千萬數,抑又當別 多求哉! 六經, 薈萃百 難 善讀者深探而神會之猶 乎 其 若放翁、誠 爲作者矣! 氏, 鎔精 論 齋洋洋灑 爾 錬液,以 若先 恐 生之詩 流灑,篇 不及, 遑 成 一家 目 醖 復 之 動 西襄

陳白沙先生集序

其 名干 發 以 齮 驛詩》寓意 謂 有 地 策 瓊 \equiv 爲 纖芥累者。 萬 譽者 物 所 Щ 原 己 士習之不醇者,俾養學術 君 指 而 子所以學者,爲己 也、坐吴禎、劉文泰輩耳。 ,皆爲己也,爲己則必無人,己 主會試發策之語度之。 口,曾與 ,虚慕道學之士爲詭 無累者矣,而 於瓊 有明白沙陳先生之學, 先 山者,何哉? 生奚涉乎? 人猶 而 已矣。 或謂 世傳 異 m 彼 之 試 其《 問 Œ 蓋 行 瓊 渾 且 痛 瓊 説 Ш 西 間 之天 以 則 斥 徼 者 之 南 尚 Ш 可

> 於 然必顯然有所駮正發明以伸吾見, 君子之於人 若此者。 落,亦可以無他議矣,而 先賢如二公者,其學之醇實,心之光明 來」之句並 未申之隱。 蓋 者,不辨而自明矣。● 先生入京不 會試,在成化十一 九年應召,在 之去官,在 憤激者。 云「足不至公之門」者,又特以自道 也 正在以疾辭秩之時,而其《祭瓊山文》所 即 是,未有口 與三 甚矣,爲己之學衆 假若瓊山 瓊 原 案焉,其亦支而弗 而好事者又援斯文與「山 也,學問 瓊 Щ 尚 不明言而故假他端 Ш 人 無 與,而 人閣之前。 閣之後。先生以成 年乙未。其援 有所異於先生, 議論 況 世尚 先生 初不必其盡 人 通矣。 有疑而 而瓊 乎? 不 謁 此 識 其 以 而 Ш 則 瓊 傅 之主 必昌 寓 議 期 粤之 化 也 雨 積 Щ 1 慕 不

[「]不辨」上、稿本有「可」字。

者 門會稽之辨,予則何敢焉。 得 予讀先生之集,不足以毫髮闡明先生之所 力常 朋 存黄氏所爲《 世 而 道 黨 譁 異 於 實,故第就 ,顧見序先生文者,斤斤於朱陸異 同 於先 伸 衆 然交章 伐 先 何爲 心者,莫甚於此。 於天地之間,超然獨 生 而 異 權 生必矣。 之 愐 亦必援之使入此 一,辨 使 奸熾。 論 此 應 知之。 稍 一條言之。 召 難蠭起,横議滋 録》者,而 有可 明代 自古爲學爲文之害及 其 假之端,則科道 未 士 以白 大夫習氣, 昌 立 懼覽者之弗 因 言 見重 面 於 沙先生之道 之, 而門户立, 後 萬 刻本 快 物之表 則 同、 哉 其 究 出 冮. ?

安我素先生集序

吉以《春秋》冠其 歲 己亥,予 典江 鄉 南省 比 生來謁 試 得 無 則 錫 温粹之 安 牛

> 又如此 槧蘇 季野 起 集》之前 信者也。 日 继 先 之卷末, 異,而所 忠孝,非 禄傳中。 當明神宗之世,高、 是焉,則 光 抱遺經,研 生 時若大庾之譚、餘姚之孫,皆附載安光 油 詩施 手書 而 又嘗獲藏先生之祖桂 集 然 伸亮節,與史策並 加 庶安 而 所 晶 以 屬予序之。 君子之澤,必 生又爲 先 深 而光禄裔孫獨能 神豈 园 闡 顧 余 生 長 氏 藻繢之藝所能 注 揚先人之撰述者,篤 窮古人心得之祕, 得 後 淺 本傳草 本,每念文字之真 敬識數言於其先人遺 余摹桂 哉 人之讀 顧諸 日 卷首則當時 藁, 手 昌 君 垂矣。 所 書感舊者 坡公遺 其子孫,理之 表章其遺文, 子爲士林標 坡公 慨然想 I 校 也。 刊 予嘗得 剖 所 其 像 諫 見 有所 志 今安 析 契 舊 先 於《 其 其 不 出 藏 我 準 也 可 渝 司 於 萬 顯

孫忠靖公詩序

草 公平 是集 幸哉 門人馮 間 鈔》上、下二卷,古今體凡二百五十首, 以文字見於後世哉! 三邊,英光 諸 也 寄 重 有 明 社 臣 生, 獨不 其 明一 託 明 楊 專謚 岌 督 今敬依乾 人,或因 君 嗣 如 泰 ·與焉 代詩 傾 師 如京序而傳之。 名 聆 塞天 Ш 昌 題 之際 總 題 一所撓 其 制 日 日 豪芒 蓋朱氏 地,忠節具於史傳,豈復 其 談 奮 隆 兵部尚書代州孫忠靖公。 白 笑 至 阻 人 孫忠靖公詩 四 力獨 耳 而 殉 ,卒以身 而 谷 十 所未見也。是 親其 所著《白谷 然猶足見 節諸臣,或 存 Ш 支於關 其 昔秀水朱檢 年欽 翰 詩 殉 之什 札也, 定 蓋 隴 公之 表 Щ 勝 沿 蓋 而 河 集 其 人 其 國 其 詎 威 陜 9 詩 殉 在 事 討 其 僅 > 而

翰視之?

重刻王文簡五七言詩鈔序

歟 斯 本 源 似 乎 韓 古 歲月多所遺失。 求 ,若涉 本自. ? ? 以 編 家 時,於諸家原序、原 調,若仍沿白 備 實後學指南,有 全 後, 愚嘗憾秀水朱先生《 ,而古今詩 漁洋先生《五 竊謂 然先生提唱神 集。 如此。 大川 若皆 詩教 如 視 以 兹其 崇深,通 揆諸《三 法之正 二老此意, 儻可 雪 爲 彙 七言 樓遺意。 津 變體, 輯 : 韻 通 注,校寫皆未 涯 途 ,高挹羣言, 脈 詩 昧》十 書, 才精詣 也已。 經義考》, 而 繫 或類 鈔 焉。 無 擇其 且 流 選,沿 雖云 五言自 舉 弊 顧 自 相 即 尤 「當博 刊 其 視 於 歸 也 以 雅 波 廢 所 所 原 於 序 畫 則 板

以

詞

之例 也 遂 以 H 依 其 偶 云爾。● 篇 尊 取 次 内 甫 曩 重 有未及書 鋟 花 所 之,以 谿 校 寫 翁 夙 之 公諸 按 所 本 者 考 質 同 次 諸 亦猶昔蔣刻附 好, 適 雲 谷葉 有 猶 相 先 印 君 生初 合者, 注 志 復

漁洋先生精華録序

之而 也? 且先 此 漁 海》、《雍益》、《蠶尾》諸集,可謂富矣,今約 甫草之例以謝之,而又不敢以空言謝者, 有 土 按 洋 先 目 士人之意 試 詩 生詩之精華,當於何 昔任 先生之詩,自漁洋 生 來 日 亦 以 Ш 祧 天 東 是名 社選 唐 華」,其果先 新 一欲方綱爲之序。方綱宜援 祖 城,學官以此 ●此録曆飫 宋者固非矣,其謂 山 谷 詩文曰《 處覓之? 生 前 一精 後 人口 書無專序, 華所 精 集 久矣。 華録》, 以 在當 在 訖 耶 南 時 取 何 計 ? 而

> 惡乎執 右丞? 君此序 善 其録 且 詩當熟《史記》、《漢 謂 谷之詩, 乃後人僞託之本,而 悟,又若 徐氏諸箋説援據極博, 於使事, 又舉司空表聖、嚴滄浪言詩之旨歸於妙 具體右丞似矣,然又 取精華之義,蓋罕有 何 亦 所謂 是皆未足以 一處以求之? 有 或云由 不假注釋者。 以選《三昧 所 又或謂 \wedge 未 山谷精 盡 崑 也 其純 體 集》 書》,故以 盡之也。 天社原書久佚。 而 華録》者、愚嘗考之、 謂 何 而 而 天社之於山谷也, 用逆筆 此皆仁智各見,吾 人 先 尚 以鈔五言詩不 杜 知之者。 不 生 及章、 有 也,又或謂 師 惠氏、金氏 或曰 補 也,此果皆 注 柳? 即以盛 讀先生 柳 且山 然 其 又 似

0

綱撰」。 文末,稿本有「嘉慶十年乙丑秋七月朔北平後學翁方

[⇒] 此句,稿本作「而漁洋先生門人盛君仿其意以録先

Ξ

見 知 Ш 於天社 以 講 谷 序先生詩 求 之 以 Ш 之意有合乎未 古 谷 華 人 詩 平 哉 爲 ? 法 師 之 愚 以以 所 願與善學者質之耳。 在 以 江 質 也 然, 西 厚 而奚敢直舉 爲 第 本」。 年 於 中 H 尚 得 與 所 未 學

孔撝約集序

予所論 則《大戴記》、《公羊傳》,其最著也《公羊 述,思所以 **乳** :「七篇,今在《大戴禮》, 相 子三 小辨》以下三篇之目 予從 也 與 凡 作序者,必於 者皆不 對 朝》七篇 來 榻 闡 朝 不 論 其 欲以泛贊作題辭 能 見公, 析 要 非 。」師古日 以 而 一日矣。今於 其 人 補 故 八書有 此,惟 其遺 日 1次也。 者。 所 令干 孔 朝 夙 資 三王 説 也 《漢 所 子對 證 最 其 經 況 而 志 應 魯 心 之 所 吾 後 **一**四 京 切 著 撝 序

矣。」此 昔嘗與 張 次之定論 代 已 昌 也 平、須昌、壽良、皆在 果,今屢檢敝 四 十八字是後 若所輯《岐鼓 齋,有所劄記,今其手蹟 一條、《地理志》下篇魯國分壄條末:「 少閒》 文王官人》之 書諸《漢書》校本矣。 正文耳。」此於攷訂《漢 今仍稱 、壽良皆屬 ,當考。」此句 用 虞 八揚約 非諸家 兵 也。」今《 戴 》第七 德 壽 學 讀至此 人讀《漢志》者校 東郡 良,知 篋 × 凡 者 所 前, 師古亦誤注。 一,尚 將篇 所 + 大 云 誥 ,光武叔父名良,故 「錯簡 戴 宜 五 則《三朝 未得 是 志 × , 禮 濟 知 魏 × 尚有 東, 久欲 也。 少 可比,實《大戴》 》,《小辨》 舊學相 以 彻 曰:「此 志 小 閒》 後 記 屬 辨 未盡 極 撝約 勒 撝 惟 勘之語 人 魯, **>** 第七十六 × 有 諸 約 所 七篇 知之語 讀 三篇當 ^ 關 檢出 非 每 《漢書》 石 校 用 而 語 相 兵 一此 東 地 未 吾 子 誤 須 屬 在

資訂證。 此,有益者安可不記? 書此於君集前,以

濤音集序

門作 洋 姓 前 按 生系 賦 薙 不 堙 勺 其 詩 後 著於世 名。 廢久矣。 亭,而求 試 詩 授 凡三.見,中 於萊,始見之。 評云。予訪 萊州時, ,因撰次其邑人之作 濤音集》八 則 所謂「江 而注漁洋詩者皆失之,則 删 而 可 於層 漁洋《窟室畫松歌 去 所謂亞禄窟室黄門别墅者, 知 中間 阮亭省兄 也。 南吴生」者,賴 折 以道子襯託 、卷,皆 此書,三十年不得見, 乃 吴生 集内附 試竣日,亦觀海於 轉 未了 一句, 掖 於 也, 學 縣 載漁洋詩, 雖 然 耳。今所 舍, 人 此 往往 視 》,蓋 也 詩, 集以 初 是集 相 黄 本 和 有 與 蓋 若 之久 吴 傳 孫 兩 觀 西 牛 黄 漁 其 則 蠡 先 海 樵

> 言之。 **《**西 也。 考新城著録 唱 木,欲方綱爲之序,故獨就其切於 序及之,蓋 生昆季盛 不少,讀 ,見其神致飛 亦 「樵年譜》,於《然脂》、《濤 有 是集之成在順 未 合 年馳聲藝 第賞 已不能無陳迹之感,而 者耶 拍 處 動 會 -耳。 當 其 治十四年丁 苑之時。 萊之人士方謀 神致 是一 集中 圃 時 類 音》二 姑 偶 其 此 ,西,正 後 勿 以 者 集 石 漁 重 況 漁 深 亦 皆 鋟 今 洋 尚 几 兩 論 於 追 作 刻 復 可

新城縣新刻王文簡古詩平仄論序

也 有 洋 則 音 先 無 相通 節 生 所 詩 家 馬, 始 事 也 論 爲 也。 是三者 己。 古詩, ൬ 夫 不 可紊 詩 古 無 詩平仄之有 常 有家數 弗 也。 相 誻 因 平仄 先生之論古詩 焉, 也, 者 有體格焉, 論 m 也 不 無 미 弗 泥 渔

DЦ

也。 蓋 已,言固各有當 爲 紊斯 諧 理之, 者言 也 泥 之 斯 也 通之。 0 紊 亦 夫言豈 失 也 9 泥 端 亦 失 而

得,輒 亦大同 有所 守先生之論 之雅 其片紙隻詞 舉一而 知者,則曰 言之之爲 或遂 邑黄 可 以 、概歐、 調《詩 詹 操,不 疑 既又見江 方綱束髮學爲詩,得聞先生緒論 往 而 小異。 廢 其 事 往 知其 百 桓 有 舉一 梅。 問 可以 訕 因得先生所爲《古 以 司 也。 者,尚 贋 薄 不相悖也。 南 爲拱璧。 馬耶、爲南宫敬叔耶 今見新 以反三也,其不知者, 吾惡知先生當日有所爲 例杜、韓,山 先 詩則》者,其論間 屢有 今日高 方綱 知聞 生, 漸 刊 蓋 城此刻,抑 謦欬而愛慕之, 才嗜古者稍 嘗熟復先生言詩 本,或詳 方綱若不爲之剔 且 夫張、王、元、白 加 谷之逆筆,不 甚 詩 矣。 聲 又不同 或 有 調 搘 有 於吾 其 則 得 所 其 Щ \Box

> 甘 抉 新 辛 城學官之請 源 丹 委, 素、經 俾讀 緯 者 而爲之序如 浮 知 沉 其 立言 之界所關 之 此 所 非 以 然, 細 故 其 因 於

小石帆亭著録序

言詩 復得 業於 聞 萬 詩 或 後 生 里 往 古者矣! 四 於 第 ,窺見古人精詣,誠所謂 不 以 大指 往厭 此 與學人訓故齊魯之間 逮 + 漁 詩 池 石 年 洋 學 帆 秋 北 爲 薄先生 亭 谷, 沾 圃 方 書 至 要務 者 綱幼及崑圃之門, 輒心慕之。 溉 方 庫 方綱幸得 視學 而 漁漁 綱視學於此 間。 後 亦轉 ,蓋始於趙秋谷。後人所 賢 洋先 輒 山東役竣, 昔吾邑黄 ,顧後來受其膏馥者 因 效之。 承先 生 新 論 城 急以闡 詞 生門 實則 新刻《古 詩 場 猶 崑 竊思漁洋先 祖 親 圃 牆 先 揚 述 執 先 在 緒論 生 江 先 生 經 新 生 河 間 <u>灭</u>, 城

照 仄 樓 論 前 而竊比於著録之義。 而 有 推 石 廣 焉 沿 旁 溯 有水 約 爲 亭 書 六 因 卷。 題 以 使 小 院 石 四

三元詩序

聞 侍 間,猗歟盛 麗 郡 道 錢 瑞於士林。 化 酒 喜公讌之後,卜期張筵爲之賀。 讀學士彭公,偕吳郡諸公仕都下者,於 ,禮樂之光華,騰耀呈露於天章藻彩 生棨 以 成,壽考作人之慶,錫 乾隆 相屬,再拜言曰 四 也。 哉! 一十有六年歲 厥有三元應昌 維 於是刑部侍郎 時 帝庸作 在 福 辛丑,聖天子久 歌,風 辰 極 姜公、翰林 於衆 而 出 雲之 而方 一, 則 兆, 綱 旲 民

孫 伏 四 伽 年, 以 其間 甲 來,三 乙科之設,自唐至今千 狀元之可考者,自武 百四十有一人矣,而 德 百 元 年

傳,則 名也。 著。 位行 者 也 毋 朝,則必皆有冠其等者,而其 謂選士、俊士、進士者, 人,次國二人,小國一人也。然則古之 於祭。」鄭注曰:「三歲而貢士、舊説 容體比於禮 侯歲獻貢士 試,蓋沂公之相業尤著於當時,載誦於 不及莒公。 以官,或以封 而 口也。《禮·射義》曰:「古者天子之制, 乃不 考德 纔 ,其甚者 業 八 而李心傳所記宋之三元,則及沂 是所重者在設教 人 水諸 唐宋已後,士 敦 無 耳。 可 行 或競逐於榮利也。 其日 之實 ,其節比於樂,而中多者得 稱 於天子,天子試之於射宫 忠孝之大原,而 爵, 若 於 青州試, 然獨王 唐 時 或 張 ,其見稱者或以 不 大 又 逮 夫 觀 沂 既 新 於 德 益 日南省試, 公、宋莒公爲 同 古者, 重 宋 等 徒鶩乎名 人之姓 昔楊大年見 加 科 楊 而 不 真, 目之選, 進 在 何歟? 大 於榮 其 名 於 國 公 日 所 與 其 廷 M 或

要言 沂 以 相 血 不自任。 學 ,范文正 無弋名邀利之心 公所作 膺福禄於無窮者 ,非爲中三元而後以此受之也。 養 爲歸, 然則其謙 以宰相之任推之, 而 以質厚爲本,此讀書立身之 歎 E 王王 退敬誠之意根於器量 ,蓋終身以之矣。夫士 初不出乎此。 佐才也。」 沂公獨 及後 遜 然 而 謝

來 讌之詞 於是錢 二元元 ,書此以爲之序云。 姓氏 生 書於册,而 再拜受之。 方綱 爰爲考序唐 與 諸 公同 賦 宋

續禪智唱和集序

事也 焉,曰 次 唐人 韻 蜀 南 神韻集》之撰 方綱於其旋任 康 續 出 謝 禪 蘇 子 智 詩 唱 移守揚之四 合 和 爲 刻 集》, 卷, M 於揚 告之日 而 踵 以 年,將 新 州 録 城 别 王 而 「漁洋 諸 其 司 作 本 寇 有 故 附

> 序之。₽ 矣。」 唐之 有未 漁洋 然而 法者 合必 漁 居 法也。空山 多 洋 久 詩得 矣。 謝 ·蓋曠代之感, · 綿邈 有 爲三昧哉? 愜者,顧若《遊東 所 合,子其若或遇之,非 最 間 子 以吾子之續是集卜之也。 Ш 矣。 今子 服膺,而於五言古、七言近 日 : 「 川挺 禪榻之間,泉窈 然吾嘗謂 續是 秀之氣,少年時得 有 則是 集也 西巖》諸篇 詩也,其於 哉 漁洋 (黨 而 :: 我 然 相 更 遂 屬 而 所 口 知 者, 鳴, 能 詩 漁 之揚郡 何 訪 禮 樹 洋 必 即 耶 詮 頗 蓊 詩 正 ?

「曠代」、稿本作「曠古」。

翰林編修北平翁方綱序」。

○ 文末,稿本有「乾隆四十三年夏四月九日文淵閣校」

重刻吴蓮洋詩集序

矣,日 矣。 是以 Ш 開元、天實諸作,全在興象超詣,然如 執迹以 方 以充人飢寒之用。❸ 音聲之直,而譬諸筆描 其根源,此詩之所以爲詩也。 如畫家極空濛煙雨之致,而無一筆不可尋 伯齋心一詩,空洞極矣,而按之具有實地, 月餘乃定。 丞之作,則句句皆真實出之者也。即 綱 處 漁洋 校 即者,或可執迹以求,●而離者,不當 處着實,轉有求其 汾陽曹僕卿以其鄉人張觀察之意 用飲食,布帛菽粟,皆至鄙淺,而 求,此其大較也。 訂 先生極 蓮洋詩刻之,爲取鈔刻 序之曰:此事,離、即二義盡 不勸人學之。 若所謂五城十二 , 豈有不類於滯, 著實而過者,如言 昔漁洋先生每 唐人惟白 然民 諸 本 之質 王右 王 口 香 少 謂 之 校

> 此以往、未之或知、雖漁洋莫能節制之矣。 所至,吉祥止止,騎箕尾 當似漁洋者耶? 諸公,孰其似漁洋者耶? 也,況其一往所託 漁洋之似而已矣。夫浮海之喜,信道之篤 昧,則漁洋之似而 書,見過於師者,不從門入也。 過,是以他家亦 生 彈 無已,則仍就漁洋之説編之。● 奚所處乎? 雖 指即見者 以 此 自 高, 語曰: 則 即之轉遠已矣。 而 不能及。 已矣。 獨 實有不朽之處,而氣之 今漁洋以爲得髓 日臨 具中和之氣, 蘭亭一本,終不 而比 若蓮洋之詩, 後乎漁洋者,孰 今漁洋以爲三 列星也。 開元、天寶 然漁洋 不至 則 太 不 成 則

- 「有不」二字,稿本作「所當」。
- 「充」,稿本作「供」。
- 文末,稿本有「乾隆甲午七月一日大興翁方綱序」。

愚谷文存序

正,列 也。 竟以 書者,安得 也。《古文尚書》誠 古作者,不待予言也。 人特爲一書專駁《大戴記 見其言人所不能言者,則周松靄訂閻 於風化,人皆見之,亦 》穆 條 顧 而未得爲之序,今得見所 槎客, 予與槎 必 駮古文爲事矣,皆閻 且如《大戴禮 於學官久矣。 力訐《尚書》之僞。 亦 見《大學》矣,又見《爾雅 從 有「元者善之長」諸句、 東南名士,其文淹貫 客以文字相知,定交三十 而 議之? 記》有 不無 即 無俟予言 如其中一二偶見他 其徵文攷獻 可 漢 今日讀《尚 》者, 疑 時冠 氏 且 處, 此 存葉 如 面 解 載籍, 書樹 然義 切 也 *, « 梅、 不不 磋 書》者, 而 皆 春 閻 聞 之 之序 裨益 力追 序 道 乃 餘 秋 之 學 醇 有 今 之

> 言,敬 必觀。 不過附 區區訂閻諸條 之助而已。 肆,啟人好議 君之書,予 見 危微 心 存 處 而 非 曷 精 告讀斯集者, 記於讀經條下。 不論,總之此等書不作可也。 ៣ 細 可 一」之語 今日 則 勝 所未見,予亦時 他日儻得見周君之書, 言 論古人之漸,其書,學者 其 相質證焉。 讀槎 他 而 而 條 亦 閻 勿僅視爲 客集,有以 即 疑 氏 众之,此 況閻 或 畫 時 偶 必 有 有訂閻 舉 談 氏之縱 其害於世 所見者,亦 發我 ^ 藝資 大 更 禹 條 今周 當出 所 本不 見 筆 謨 聞 欲

坳堂詩集序

神韻者,何 能 晉, 知 Ŧ 神 司 漁洋 空 韻之所以然。 表 哉? 在 聖 濟 生於王官 南 獻縣戈芥舟《坳堂詩 ,皆北地詩 今人 谷, 顧 家之秀, 元 專目 遺 Ш 漁 洋 在 而 汾

其 非 詩 輒 花笑二二句, 注杜詩,其注杜 人集,不知神韻 不 ,甚至目 專 「浣花溪 蹈 目 有 格 任 爲神韻 調 邱 之 漁 裹 謂杜 邊連 滯 洋爲 花饒笑」二句、 家 之 集中只此二 吾未 寶 而 所 神 亦 韻家。 肆議之。 以 序 不 見也,第就 然 必 極 以 惟 彼 口 處 神 巡 且 蓋 詆 熟 韻 是神韻 又聞 簷 未 此 斥 例 漁洋詩 富索共 熟觀 序 神 之, 其 舉 韻 不不 梅 古 杜 嘗 之 顧

通

極矣。

漁洋乃 特 神韻 者 之,豈自漁洋始乎? 知 亦 爲 高 偶 妄謂漁洋 舉 明 神韻 能 乃 渾 其 朝 明著之耳。 詩 樸 李、何一輩 者 中 端, 見 詩 非 以 自 神 近 而 具之本然,自古 風 論 韻 於 非 漁洋所 致 也 者, 之貌 神 風 情 古人 亦有於 致情 韻 韻 如「 之全 襲 之 蓋皆未言之,至 以 巡 者言之。 韻 謂 拈 簷 風 旨 ,此大誤也。 舉神 也,今人不 索 作家皆有 致 也 共 見 韻者, 梅 此 神 韻 有 特

> 即 溪 ൬ 二處皆有 同,且此二句 觀此 裏 以 此 花 句 取笑」之「笑」, 語 序坳堂詩,其 饒笑」「笑」字 則 則 「笑」字,遂 是 (所謂 亦與情致 於 情 注杜 致 司 誤混 與「笑樂」之「笑」 則 見 平 者, 不 神 不 ? 同。 其謬 而言之,可 韻 如 也 此 彼舉眼 更何待言 此 若 乎? 浣 但 不 見 竊 花

也。 存 姑神人之喻, 以 洋之意 如 在 又嘗謂 影出 其 不 此 而漁洋 滯 真 芥 神 韻 杜 漁洋 然而 舟昔爲 迹, 可 **炭吹** 者 雖 猶 本 笛 不 未 微 則 不 邊 極 覺 免 切合矣。 故 滯 **>** 害者,芥舟之意 君作序, 超 漁洋 迹 於 削 一篇 詣 亦亦 滯 去邊 爲 之理, 疑 迹 大復 不 愚 也 不 亦 君 践 於 曩 何 迹, 所 序 非 芥 倫 者 嘗 本 而 可 觀 舟 先 矣 固 無 爲之 詩 執 即 舉 己 稍 聊 迹 於 信 此 憾 漁 īE. 妙 求 類 洋 陽 漁 以

陶廬雜録序

記,而 詩 有 室,又以「陶廬」自 子 其 門 藴 子 倍 故。 ·, 故 幼 所見,必著於録,手不工 年 姓 Ш 於人, 詩 下。 最 時 孟 馮 專爲 與 梧門得 [語「奮: 陶 其 集》送付 久,英特之思,超悟之味,有過於 穎 氏,内 關 廬 魚 於 故 異 即 雜 陶、 帝 山 詩 數 嗜學, 勉也 此 稱門 號 録》六卷, 府 也, 年 面 韋體,故以 卷可見其大凡矣。 音 靈 包 間 功 人。 隱 號。 多蓄古今人集, 尊 相 衣 阮 力之深 其 書 近, 人秀 芸臺 承 蒙 法 藏 其 刻意爲 恩期 詔 式 古 於 書,而記 峰 造,尚 在 改法 而 善 詩 世 典 孝 浙 予 許 梧門 龕 家 詩 義 廉 未 如 太 以 在 卷 受業 又博 題 敢 與 録之富 閎 此。 善。 原名 蠷 其 謝 軸 子 其 存 於 運 馮 謝 論 書 强 稽 自 每 法

> 之謭 其 又已逝去。 更 士,官中書舍人,深望 一爲 中 足 陋,又安足以序之! 今笠 有 傳 係 也 帆 平 撫卷 中 攷 梧 丞 證 懷 門 以 有 子 所 資 桂 其 梓 耿 於 馨 以 是 耿 學 典 亦 編 奚釋。 世 能 故 屬 其 文 者 爲 家, 早 況 視 成 其 而 文 詩 今 進 則

花王閣賸稿序

借 之語 知 不 諸《清廟》《生民》, 係乎穷 歐 彼 送羌村 陽子之言未可盡 昔歐陽 子 竊 達 巫 非之。 明矣。 子 峽之寄 序 梅 周 而 聖 今觀景城紀公之詩 興哉? 少 末 非 一俞 陵稷 板 也 詩,有「 蕩, 契自許 詩之工不工 諸什不 窮 而 後 能 必 而

論 沈 有 明 痛 詩 之 皆 音 明 代之詩, 「然則 季 天 崇 每有 其僞 閒 作, 事外遠 體 憂 無 時 論 致。 己 感 事 其 蓋 嘗 多 綜 怫 有

此謂

也。 外之致也。 氣 其 能稍斂浮響云爾。 故必不得已而寧取 後,其既洩而莫可遏,則有力者 一二篤志古處之士,出言而不自知其過 閒 蘀之音、焜黄之色反足以增天趣者, 骨者,每變而卒不能自勝, 公安、竟陵兆其先,雲間、西泠洩 寂之感人深也 明之季 桐 本榮于春,落於秋,而 也,黨於 城錢飲光之詩,以爲 朝 何 而社於野 |者? 弗能收也, 無 其 激 事 惟

常田 北方詩 詩 集在其時竟無可舉者 也,然其詩亦不及《田 寮集》可以相兢。 然蕭寥無 而笑矣。 至 閒》多寡不同,要其峻 明 予曩嘗與吾友錢 人無其比 末 集本六卷,既散佚,此其殘稿也, 多之境與 家 其 音 及取阮集觀之, 蘀石爲言阮 所 哀 養石 閒》 遇正相 以 遠甚。 冷孤峭可以 思,比 今見是集, 論《田閒集》,謂 稱。 而北 旻錫《夕 於亂 君子論 乃 閩 相 雖 視 視 之 陽

四

復初齋文集卷第四

色,

向背凹凸,東坡謂於王維「千枝萬葉,

謂

粗喻之矣。●其

詩

濃

腴

淡韻,若畫

家

賦

之精微,人所

難

喻

方綱

於蘀

石

則

固

敢

大興翁方綱 校 71 撰

以見其概,以俟其全集之刻云。

一一皆可尋源」者也。

爰略摘

取爲

四

門 人 侯官李彦章

石

詩鈔序

中間 南 閣 中爲最。 石 部、欽州馮孝廉屬 相知在通籍之前,而譚藝知心,於同年 坊,方綱得以晨夕過從,至今十有八年, 學奉命 十有六卷閣 方綱使粤者八年,而前後共吟諷 水 十年論文之交,世固有之,至於心 錢 自己卯春蘀石自藜光橋移居 視 閣 Щ 學既自序之。 學所 東學政,將出 方綱鈔其詩。 爲詩 乾隆 蘀 都,新安程 石齋集」者 方綱 丙 中夏, 者則 與 蘀 吏

甌 北詩 集序

者矣。 之於元相也,格調既合,工力亦相埒, 公之心力,必有耑至微眇而不易以告 言曰:伐石者觀劖迹,發矢者聽弦聲。 時易過而境 語 曰:「心之精微,口不能言也。」豈 不留 耶? 吾嘗疑之矣。 白 圃 人 兩 其 傅

舊址 歲己卯、 日夕過從 庚辰 譚 4 藝。 間,予與 癸未春,同 耘 菘 鄰 校 居 藝 寄 禮 袁

原脱,今據稿本補

雲買 達 閳 試 備 東學 以 旬 聈 諸 舉 道 日, 日 夜 語,又未得遂也。 相 似之, (小舟、探羅浮、華首、冲 ",將受代,未行。 ,政,而 郡畢,日 聞 耳 海天雲石之外,亦欲於贈 示, 君 側 吟 而 才 猶 耘 坐使 嘯聲,與 竟 氣 菘 作 横 未 守 研 解 得。 廣 訇 溢 一、辟易 藥洲 砯 州 諸 日,獨 閒後 砉聲,欲出 桐嶼聯句 辛卯 F 萬 虚 八年,予 想 夫。 秋 諸 與 君 遷 行 勝 書 至 胄 詩 比 時 師 百 視 出 題 思 吴 州 予 韻 時 記 水 幽 語 囂 眑 兵

十七七 以 摇 坐 教 在 旬 臥 時 膝 邗江,而予於二千里外 與 空外 撚 日 不 卷,郵寄示予,且屬 今耘菘之詩 境 以 能 髭 **一**,●吾安得 於 來,把卷馳 不 去, 煙月 相 宜 值 有以發 裒然成 爲 間 辭 執 0 溯, ? 而 揮 帙 其 如 解以印定之,豈 以 又豈得以良工藏 集 披 詩 見 一言。 既 中之 君 誦前後諸 境 登於梓 硉 雙 2所得 眸 兀 君方掌 奇岩, 射 者 二 什 矣。 得

嘷

加

以

璞之 必 有 秘 所 以 自 相質者矣。 擬 乎? 他 日 晤 耘 菘 對 案 伸 紙

祝 芷 塘 使蜀詩序

三十 補作 欲以 文簡 爲 虎 其 城 其 豹 九,郎官出掌文 ,是或未 性 詩 文 王文簡 紀 芷 角 而 行 塘編修典蜀試 詩 名 壯浪頓挫, 者 嗁狷狖。 感 儗 詩 以 也。 慨 二卷, 或望 必 發端。 者 盡然。❷ 世或言《蜀 其氣而不本其内心, 中 吾 此 而 間 友 文簡 予蓋 衡 之後三年,方綱 贵 魚門 出 口 不可謂 然其時文簡 幽 蚤 反 以 崖 道 歲白序其詩。 覆 吏部序之, 律 集》爲 密 讀之, 後 非盛 箐之 人哉! 年 文簡 ൬ 始 氣 遇。 纏 得 襲 不 舉

新

見

用筆 句 下, 高出紙上寸許 本有「昔 人評 者其理正同」。 魯公書力透 紙背, 河

稿本無此字。

7U =

道 愧學 賦 言 什 其 斯 本 徹 "不可 者也 |「乾坤 集 中 無 貌 ·望蠶 殖 詩 由 而 而 同於 以 謭 自 不 於筆 清氣 有 予八年 微 尾 薄 達 究 以 諸 文簡, 寄此 也 其 得來 一墨間 發 風流 峰,青峭雲表 君 吾 於粤,亦文 意。 今編 、難」,必 形 求其肖似者。 所 莫接。而 而 者 其 欲言者,因 不謂今日 修斯集, 詩人 深秀穠 非日 偶 之 去 簡 臨《蘭亭》一 發,天 所 其 年 元裕 秀 然 併 得 舊遊, 春旋 題、 有 以 讀 骨 質之 編 之 其 所 役, 有 修 亦 深 映 境 以

黄仲則悔存詩鈔序

者凡二千首。今是 前 得洪君穉存所爲 運 今年夏, 使沈公鈔寄 聞 黄 其 一种則行 君 鈔 詩 仲 僅千首 來,俾 則 狀, 殁 於 子 稱 予又 編 解 其 詩 次 删 可 其 傳 既 其

> 於 自 吾 於 相 中 里 待 此 所 干 存 心心 鈔 首 以 朱 仲 五 之 乃 落 不 則 竹 百 欺 誠 從 何 時 君 首 而 嚴 學士 處 以 圃 己。 予今日見是鈔如見仲則 删 也 其 己 者 詩 座上,讀 予既惜 何 來質,其信予之篤 又 哉 不 ? 知 其 其 予初 尚 詩 詩, 有 不 可 識仲則 大奇之。 盡 傳 之 於 面

託 於 若 地 於 天 益 雅 耳,使彼 一。凌厲 頌者哉 是 節 於 Œ 性 以 杜 後 酒 定 其 予最 高 怨尤之習生 陵之寫 筵歌肆 裔 不佻,故其 曠 詩 奇矯 二子 每 ? 世徒見 不 堅之,而 而 服 亂 ,不主故常,其 者 來吾齋拜 其 者、蓋 歐 離, 生於周、召之 讀 ,而蕩僻之志作矣。 陽 爲詩 眉 書 彼 子一 非 才士 Ш 心 才 能 其 文節 之託 眼 士之自 窮 詣 本 多 穿穴古人,一 而 懷 有 前 像, 困 際,有 仙 益 人所未 也 放 堅也 躓 佛, I 輒 浪 不 其偶 __ 凝 仲 酣 不能 之語 遇, 益 仲 造 則 嬉 沉 自 則 爲 因

之隙 其 猶 氣 相 風 詩 生 常自 位 兢 雲 清 不 之。 ·具論 出 置 兢 而 壯 而 Œ 而 鏗 於太白 者 致 泣 軒 其 不 子 知 慎 神 鏘 精 謂 軒 欲 其 亦 鬼 出 氣 以 於 删 使 飢 不 金 已長往矣。 之又 然此 長 天 何 仲 著 寒 石,試 必 歌 地 則 驅 删, 讀 或 當 間 語 迫 胸 人多 痛 至五百 欲 摘 中 不 無 哭 江 其 抑 敢 然 與 晷 知之者, 世 山 塞 以 之 刻 而 相 首 磊 酒 其 相 發 哉 語 落 穉 聖 詩 筬 觀 此 之 詩 存 吾 尚 於 可 陳 直 狂 所 通 沉

後

金

繪

卣

+

詩

即謂

斯園

至今存可

也

陳南麓先生北園集序

公子 稱 都 齊 御 方 而 綱 紳 4 未 爲 南 同 得 兒 成 麓 見 時 先 進 也 士 生 則 先生 家 聞 訓 外 翰 與 祖 林 善善 方 張 語 九 方 先 及 及 九 先 Ŧ 生 先 皆 牛 申 牛 詩 林 龃 魚

> 序。 集》山 從曾 北 名 氏 集 壻 東 又 孫 居之詠 丁公 林 得 雲 又有《春 本 題華秋岳所爲《北園圖》, (騎尉 憲 Ť 侯 氏 爲 廣寧 了當於 明》、《擷芳》諸 所 多。 爲 筬 今丁 誉 中見 Ш 搆 陰 E 也 祖 之,屬 秋 故 居 集 始於 以二 之 而《北 後 方 並 綱 先 Ш 讀 圖 爲 生 亰

其侃 以 得 乘 是 卣 京 以 律 而 ,宜乎賢從孫 則 詩 師 之 快 方 考山 覩 終於 學 前 綱 侃 身兼之。 先 ,他人 生 從 不 以 附名其後 此 Ш 於性道之學、 阿 前 姻 集 居 П 之所 家子姓之末 面 所畢生精 \equiv 鑑 以 又挾 之手 目 湖, 卷中 裨 光 未 有 地 以 見 即 兀 寫 深幸 亦 志 清 者 以 膕 不 力莫 經濟之學、詞章 多 述祖 剛 北 釋, 也 積 拈 馬 迴 雋 袁 數 其 能殫究者 故 環 出 F 是集始 諸景詳 德 所未 今昔 + 之氣 不 口 年 與 以 之久, 備者 俱 感 補 於 於 如 拙 也 家 繪 音 官 見 而

四 六

m 爲 之序

屬

爲

序之。

先生

與茳亭詩

皆

在

茳 得手 之課 韓詩 迨十 年。 先 嘗手評之數 與茳亭同修 城 一亭弟 先 中 讀 張 人志 -年矣。 十年 於是先 寫以卒業也。 者爲多。 中 中 壬 又以 退 中冬, 荔 秘 畯 ൬ 謙抑 書,長 亭司鐸於宿,手 先 方綱 質鈍、矻矻 與茳 起居 生論 遍 蓋 生。 方 先生 然方綱 自 不 故其 綱初人翰 亭切磋 方綱二歲,每 注 詩 時 自任,其全集 江 茳亭 最 之秘,前後 ,晨夕共几 先 西 氣 無暇 服 於 生嗣 旋 勁 雖 膺者在《 論 時 役,道 輯 林 文。 同 而 日,於先生詩 肄 君 , 几 館 詞達,有 習 得問 商 請 茳 飫 其 代 出 亦 同 或 昌 訂者 業 亭 積 未竟 直 後 講 宿 於 前 字 書 黎 於胸 筵 數 然 州 集 得 先 於 繙 又 輩 年 於 而 每 未 譯 者 四 牛 桐

者

之所 以償 精 復 卷 故 爲 生集 以 爲 忠 義 又 桐 四 前 序。 六 孝 也。 能 翰 詣 焉 敢 專 城 世 長 之篤 所 年, 擅 合 林館課應制之體 皆 不 中 張 或 略述 則 他 揣 爲 願 朝 美 諸 方綱既幸夙昔受知之深,今始 有 氏 而 又 詞 日 篇,其古今各體,又不僅 闇 者 則 自 著 師 而又幸乃孫之克成先志 先 風 手者, 其包 林 方 仍當訪 昧, ,非合訂 述 文端公以 門 雅之宗,未有能及者也。 生 以 綱 數 勉 孫某手録全集以 門四 一孕才人、 傳後者 所 十年 有幾 徇 先 H 其 而 與韓子陳 世人直講筵者罕矣, 來,累葉碩學名家, 生韓 中 夕 人 請 編 抑又罕矣。 區 學人, 八哉? 悚 爲 次之不 詩 品 然 手評 排 願 惟 學之 輯 奄 況 言 來,且 能 今讀 恐 本 成 有 以 務 也 知也。 若 弗 以 忱 諸 效 去之 得 究 干 韓 先 藉 屬

者 者 以 物之間 動 指所之,則初白 例近 非 東乎情盡 」夫感 傳 :情 有節 日 日詩家,如 批 發 3 之際,情與 度 詩 散 乎物矣, 而 發 諸 焉 紀者 乎情。」又曰 體 漁洋 有 ,乃有漁洋 而 原委焉。 ,非物也。 、物均 至於發 四 言 職 E 所 之, 抒極 典 溺 嘗持 感 未到者。 遠 而 於 而 致, 諧 此 弗 物 情 各 則 義 東 與 而

所 箋 畫 有 言之太盡 自 觸 疏 暢 手訂,乃覺尋常景色,悉爲詩 之。 情 於 論斯義,椒 三十年前在端溪 而 也。 目者,皆深具底蕴焉, 後 耳。 然 可 故爲 予竊謂 以言情, 今讀《月山 園輒欲舉初白 八詩者 初白深 ,實由天性 舟 미 中 以 詩稿》, 一, 當 觀 入白、蘓 非 物 詩 與 作 物自 忠孝 耳 亦出 集引 沈 萌 椒 坼 篤 物 椒 每 申 泵 又 其 前 凡 亰 患 而 而

> 哀》而· 間 其 注 不欲似近來學人騰笑於 以辨正之、誠詩家定案矣。 韓、蘇之上,皆漁洋持 谷《大雅堂記》, 月山 初白 爐香茗椀,處 亦 詩 詩 譏 如 之意,今始 之,若《李潮 漁洋之薄 雖上 則毋 處皆 下千年評 庸注杜可矣。● 視 論 得 I實詣· 香 八分 新 觸 未定 Ш 城, 發 也,正 小 隲 予於論詩, 於言 者,得此數 至 而 篆歌》高 於 不 於 多 杜 如 情 椒園 體 而 Ш 物 欲 深 條 就

蔣春農文集序

農。 復 文名家二 上下 時 乾 其 子 隆 議 在 壬 人 諸 申 論 日 禮 君 餘 中 部 紹 姚 弓 年 試 盧 最 則 同 紹 榜 少 同 弓, 成 讀 輒 中 進 與 E 秘 土 丹徒 者 君 以 子 蔣 以

文末,稿本有「乾隆六十年秋九月朔北平翁方綱序」。

四七

帰 視 諸 歲 相 百 再 與 輩 X 辨 春 證 相得 明 而 爲 相 春 尤 龃 農 其 握 也 授 手 中 言 書 歡 直 承 禁 資 雅 近

農 脑 經 古 步 勘 非 各得其意 處、某家鑒藏 意 籍 每 中 庭 諸 以 中,以 也 經,貫 空言機法爲 來 者 剖 予 嘗 别 坐 則 謂 嗟乎,此則文之心 以 同 中 手自 串 屈 去。 -, 異, 爲 某 百 指 文 帖 省 家。 拭 篋 唐 圃 也。 必 如 卻 其 櫝 鐫 春農雜 根 貫珠, 頮 面 每 宋 紹弓之文,得 柢 快 面 聯 同 槧 經 辨 脂 几 某 以 如數家 籍, 也 人笑曰:「 横 藥 ,賦詠, 誻 1 書 錢 飛 博綜 謔 某 耳。」 珍, 紹 板 力於 有 初 攷 弓 若 問 闕 與 而 此 訂 者 某 春 君 起 校 商 不

碑 次 不 人者數 訪 予 已 所 於 後 紹 旬 藏 秦 弓 數 耳 古 年, 淮 歸 研 驛 里後 歲 諸 館 己 與 友 亥, 僅 或 予 猶 出 審 相 予 至 使, 與 定 典 都 考 欵 江 門 或 訂《 識 與與 告歸 南 者 攝 鄉 (予共 累 試 Ш 聚 論 散 春

> 以 文 其 者 而 來,屬 導後 全 盛 ,不禁涕泗之交集 同 集。 矣。 年 學, 諸 爲序, 紹弓 今春 友 而 罕 迴 農之 逝後,予 得 乃 思 合 慨 四 并 孫 然 也 + 思 延 1 爲 無 年 菖 舉 志 復 遂 前 此 出 其 曩 書 所 中 其 慕 此 肼 得 汲 所 以復之。 而 城 於 古 鈔 未 南 益 苦 諸 得 唱 友 體 酬

謝藴山詩序

作 弗 詣 南 者 藴 能一 若 彙爲 ,又十有二年矣。 詩 Ш 挛 者 出 予 論 不 言 舟中 與 帙, + 守 미 著 藴 盡 年。 以 新 欲 予 Ш 對 也。 言 城 子 以 相 今則 月 詮 其 石 劘 説 藴 得 帆《蠶 言 宜 切 梅花 Щ 舊 此 者。 勤 爲 以序之。 今將裒其 學之懷 中甘苦相 職 詩 詩 尾》幽 務 者 懷 日 也 + 復 吾藴 有 夐 子 又 與 近 積 喻之微 空 時 數 成 相 年, 澄 歲 林 在 卷 尚 之 濟 之 不

味,丹 也。 言乎 謂 詩 裒 輯 爲 予 此 於此 ,?. 」是 足當 還 異 息 之 素揣 者矣。 都 H 概 壤之諾,約 門 得 稱 夕 序矣, 語 共 悄 面 如 曰: 几 藴 怳 吾意所 磨 山 惜 略 不 馳 墨,續 匆 心之精 成 書 札 匆 之,以 寐 欲盡言者 來 未 城 日: 因 筆 微 南 志 舉 於 吾 退 口 藴 先 卷 直 不 Ш 更 生 也 之 能 此 必 可 次 有 風 言 以 無 其

中中 詩 林 序

淮

石笑 峰 之懷,手冬心 子 於 畫梅 日 腹 錢 1: 辰 貯 蘀 理 之春, 者 皆 深 石之木 如 也。 λ 金 見冬心復生矣。」蓋冬心之高 前 古 石 、後集, 子 既 琳 雞 作 自 而 琅,深情 軒 者之室,幽 幽 南返, 逌 北 眸 然作鸞嘯 歸 子 又一 , 遠 烱 始 韻, 烱 深复邈之 晤 再北 不 羅 聲 有 · 僅 矌 子 師 蘀 古

> 味, 佇 感 峰 塵 古 趣 離 此 歡 復 髓 前、後諸集 自 銓 後 也。 邁 之素,而 二十餘 ,若不欲暢 ,離合振觸之思,蕭寥 淡之作 悉 而 南 兩 之旨矣,更 往之氣,於舟車 兩 寓 予與 峰詩 北數千里間選勝懷 己之於 峰 年 屬 能 必 詣之益 兩 思 白 相 於 盡發 發之至盡 詩 峰 何從 飛騰,仍以冬心爲歸 對皆白 餘 事 論文譚藝,往復相 其所欲言者。 篇 境寄之。 蓋 深 而 道路間 冬心之詩 拈説 以志吾二人結言古 「髮矣。 則 者 沉 迴 此 頓, 知 也 巾 得之爲 放翁 哉 舉似 兹爲裒次 即 登臨 每 以 冬心 然予嘗 以 亦 含 (空音 多。 皆 節 質, 宿焉 蓄 詩 物 其 淡 之 書 論 見 絶 兩

梧 門 記 科 故實 序

爲 講 官 梧 門 學 + 司 時 成 博 輯 學 録 多 制 聞 科 勤 貢 於 舉 攷 述, 官 自 其 姓

不 先 後任

暇 氏 塘 之類無 足以備文獻、資掌故焉 摭諸、 家集 備 具。 部 説 洎 部,凡有關 司 成,課 於 科 業 之 者

品

大學士 得士,而 成 司 稱 碩 是方綱作《三元讌 唐宋 爲鋟板者 枝以 於彝 也。 即即 成, 者,指 學, 或 以來三元考》, 前 際會中天之運、砥 而 故事, 漳 歸 倫堂。三人簪花訖 家 是科 今又親 秋己亥方綱典江南省試 不 浦 總理大 重 勝 是 蔡公謂 熙累治,百五 一甲三人,謁聖廟禮 會試、 僂。 忧 與此禮,此 學 乾隆 詩》、《三元花 方綱曰: 土攜 殿試 辛 時和 歸, 廉隅、矢文章 皆昊 $\dot{\mathbb{H}}$ 十年以 所設 花 歲以 「此三元, 春, 詩 以 者 人人錢 方綱 歌 歸君。」於 爲 備 所 1甚衆, 來, 畢, 常 用 録 棨 又 君 金 拜 第 忝 以 魁 撰 吴 所 時 花 第 貢 報 儒 司

> 聽 門

易 ,益知榮名之不易副,而敦節行、 夫人 知 科 目之爲 重, 則 益 知 君恩 勤 之 職

> 之責者 孫要讀 業, 傳,或足以 建 藻之鑒, 馬 有三門 此 官箴 使院. 書 士 皆當書於廳 句 。」竊當 所 觀 習 語資之記,或足 而 云: 能 肾系 得 識 該悉者 失、備勸懲 於 感 爾無文字休言命, 卷端, 佩此二言, 於 事以 此。 矣。 示多士。 俾 又 若夫 以 昔 . 吾學 Œ 汪 願凡 非光化 文體 題 學 目 侣 使 故 我 有 之 因 薇 裨 進 司 有 梧 衡 兒 題

福 百

馮 魚 山 詩 集 序

果 誡 無 若 逾 以 十年乃 謝 + 予 與及 年不 馮 二生。 八門諸 與友唱 · 爲 詩 子論 謝 藴 酬 藴 Ш 詩, 山 亦 自 自 知 所 監 翰 知 子 司 之 以 勗 林 出 最 至 其 守,予 吏 節 深 治 鉞

稿本有「嘉慶三年冬十有二月朔」。

脊,攀 方,遍 之不 研聲 也。 手拓 期 勤 詩 也 亦 魏 任 證 紙 得受益 以 一,尚 寫 謝 之 職 書 ,雖當 鐵 勉之 之暇, 也 子 爲 煩。 可 律 蓋藴 以 以以 絙 遊 時 而 强 雖 於 孜 尺 見 絙 索 以 時 五. 其 至魚 序 爲 蘀 推本曩相證訂之意。 Ш 而 孜 黍,而 子 寄 題字以寄予。 無歲 殫尋樸學,補《小學考》, 而 岳 自 李丹壑目之,而 在館 是 己。 藴 石 獨 如 者 陟 翰 Ш Ш 是則 窮 以屬 乃深 以 千仞,昔人危 不 蘀 林改部 馮 詩, 非 則 下,日見予與蘀 探奇險。 至於 以 石 前 藴 魚 已耳 望 然實 有 詩 酒 歲 Щ 山 演 見 藴 求 曹,衣 酣 掌教端 之勤 則天骨開 然所 定, 索 於 知 山 以 不欲 其遊太華 其 其 此 而 故故 予 往,頗 慄咋舌 爲 食 加 魚 夙 詩 間 其於詩 溪 其 急 魚 詩 奔 夜 分 山 石 而 序 張 久 山 走 尚 趣 刌 亦 共 則 殫 不 不 撰《 再 其 因 歷 耐 無 於 輕 節 燈 1 更 也, 怠 调 西 片 龍 以 出 度 予 外 攷 燭 猶 四

得

而

激

Ш

及

定之。 既 釐 未 古 出 賦 竟之緒餘 人,則實望其 藤杖及摹勒 藤杖歌》答之,又爲 而孰知 使我 魚山 東 所造益 竟修焉化去,留 陽《 振觸 蘭 不忍卒讀 極論 深, 亭 **>** 乃 東 本 求 陽 見 也 其 此 寄。 本 之毫 全詩 予

欺。 即即 昔 删 賞 其 能 存 存 魚 交 之。 舉於 以詩 訂 乾隆 妄歎者,畏後世嗤予 其 山門人鈔其詩 今日知馮 其 П 耳 ·,存此百三十首以付其門人。 多篇,不若少存之爲質實, 稱 詩 ш 鄉、陸 望 爲 Z 然 筆。 篇什最富,今亦尚 魚山 天才, 酉 面 魚山者無若吳蘭雪, 此事 今羅、 耳 予 之鄙意。 Ш 初 羅 來屬 之精微,予 識 典粤試、榜發、予與 臺 李二子之集 魚山 山、李南 予序,是則 也。 陳 於未冠之年。 思有言, 未裒輯成 凡吾學 則 磵 杳 皆 故 蘭 何 何 敢 不 吾 雪 妨 同 予 亦 則 力 可 几 耳 追 自 调

而

任

謂

説

不

宜懸此以爲銘鑑,而況於魚山乎?●

洪介亭詩序

者。 陳 成。 未免 予惟 出 馮 序,予則奚忍不言! 今其嗣君扶柩將歸宜黄,鈔其 其門弟子輩所裒集,雖予亦序之,而聞 爲之序,而 後所作,予爲序之,乃又在此十二年之後, 守 思「不能妄歎」之言。 魚 比歲 此 減 疑吾言過嚴也。 也 Ш 勉之期之而已。 吾門諸子可 語 ,予誡以十年不爲詩。及其裒集前 謝 ,二子之詩,予皆序之矣。 如 、馮,而 以 魚山 昨 來,洪介亭有志於此,其才思 日耳, 不能待也。 與言詩者,無若 子 語以十年之功 而介亭又不能待也。 念此事精微,罕共質 魚山則俟其大成乃 予於魚山詩序, 昔漁洋先生亦 其所存詩,則 詩 四册來 謝 藴 方可 藴 已 Щ Ш 求 之 有 者

> 者矣。 之舉 語? 即北 故仍舉吾門謝、馮二子詩以爲之質。 而存之;其或不諒此意 來, 而 於 介亭嗣君其 論 刻之,是則 芷 文無 溪 又出守,耿耿 假之中,見吾心不欺之 或深喻 鄙 人所 則如 此 予懷, 意 不 魚 能 Ш 則 代 門 寫 將 吾 誰 學。」 蘭 畫 序 雪 是

環中廬初藁序

其趨爲 竊以 王敬 謂 游 ,其後詩 文章煙月之作,散華流豔 美皆以迪功與蘇門同 爲不然,今《談藝録》具在也,而陳約之、 昔徐昌穀以吴門雋才從北地李 漢 魏 名與李、 盛 唐,乃有 何並 守而 駕。 論者,故在詩 ,自足傳世,及 未化之譏。 而當 時 論 獻 者或 予

[■] 文末,稿本有「嘉慶十三年冬十二月十日」。

嵐 漪 小

凡得四 院在 也。 月二 南。 於試院後 度吴章嶺,至九江。 到 十四四 嵐漪」者,落星 白 集》注, 今其址廢已 中間數詩試院作、合前 鹿 日 日 Ш 乾 由 麓 德 隆 十八首。 洞 宿 軒 日與 書院。 化 丁未秋按試 秀峰寺。 隘 蓋宋 兹集所 Ц, 星 (湖中 石上舊 飯 龍 不曰 子, 又 八,予因 瞻雲寺。 圖 明 此 明晨遊萬杉、栖賢, 以 落星石 必 南康 閣 日 三匡 志 廬 有 經 學士吳 並 也 書 Ш 嵐 Ш 郡、郡、 廬 五老峰,●東 後 之陽經遊大略 對。 嵐 比試 之 漪 小草」, 前 入 溢 軒,見 漪二二 予以 仲 Ш 在 數 以 竣 , 以 口 庶 出 廬 日 一字扁 加 所 Щ 七 Ш 而 Ш 顔 谷 北 月

舟車間

養其充實之氣,恐未可

'僅以

迪

边小《談

Щ

「編修細

論

迪功《談藝》之理,青儕

此

歸,於

浩乎放海,始於此矣。

往嘗與梧門司

成、

魚

古人,而又不可以一格相繩者,江漢之流

許之言在焉。

予於青儕知其才力必能直

到

今將南歸,出其《環中廬

初藁》見示,述庵

期

藝》相期矣。

近日言太白者,不於獻吉之推

何、徐,則於漁洋之推吳天章。

今予於青儕

似尚不止於此,青儕勉之矣,

調者

mi

此事之精微,非

一昕

夕所能竟也

其才日益進,其氣日益充實,蓋不僅空言格

輒爲

説

太白

詩之所以然,青儕録其語

於所

儕

前

歲

與

吾

友王

述庵偕來都

門,予

見 子

寓

齋

壁。

年

來與輦

下詞壇諸公迭相唱和

未 有

能

幾

此

愐

以

譏 迪

功,

可

乎?

吴人

金

微旨矣。

至於守

而能化之秘,

則

獻

古

固

0 又明日 」,稿本作「初四 H

霽 雨 」名云。 無 出 我也。 點 Ш 翳, 後 Ш 亦 此 光 稍 行僅 水 稍 翠 雲 山之陽,故不敢以「 而 豁 風 然與 惟 目謀 Ш 又嵐 日 王 朗

陸象星五十壽序

然究 弟婦 深 於《易》,今不可更遲遲矣。 家之言,是果足究言之乎? 書》鄭學者三十年, 今不爲此,又有 以爲學《易》者,然究非學《易》也 十初度之辰,於是方綱舉酒 易》不及惠氏 造 自 非 子之勞,斯 吾 友 學《易》也。 得將二十年, 陸 一子精 爲歎。 乃 以 於《 躬 苦身力作營生事 西 今始成書, 踐庸 而未有成書。 易 然惠 莊 》,然 王子從事於《尚 行爲學《易》矣, 氏 昔有胎息坎 以 其於《易 發明 方今能 屬曰:子之 M 孟、 況陸 兹爲 日 , 代昆 究 以 シ也 荀 學 五

> 髮膚, 衣也。 之者 拜 地,如臨 矣,然此是釋氏離文字以爲義者耳, 何 丹砂負前諾。」每念斯語,汗未嘗不發背 敬書, H 底於 1, 其 何者 如 惟 以爲 父 众成也。 必 陸子 母」,此 爲 安身 吾 杜陵詩 乎 不以著述爲事,是固 語 立命之處?「無 重於南山 今 曰: 書 一尚 「妻子亦何 未成 矣 具 愧 知 此 沾 其

奉饌圖後序

其 明 之爲人者,則某奚以 耳,某何敢言孝。 來,泣謂予曰:「諸君子所言者多譽某之孝 詩之矣,何以序爲? 則序不作可 親爲《奉饌圖 予 從 來 不 輕爲 也。 》,當世 顧未 人 廣 即安 有一 閔 濟 作 **学子正** 賢 君 序 !」予告之日 而 語及於吾 將 誠 有文者 歸 以 齋 抱 無 関 先人 其 既 所 君 册

序 感風 也。 凡 職 真言語 厚之狀,若摹 老人之行誼 此 序。 乎? 是述, 言 泣,若不勝 奉饌者,子 雷 世間長 語 者 可 所 奚其及於尊 於 皆 以 不 是 是 松 能 傳 了於 則関 其 千尺, 職 物 序 傳 痛 目 圖 也。 也 其 而 君 者 繪 而 圖 質直之語 良 惟 靈芝九 繪 親 可 嗟乎, 惟 繪所不能 有稱 久。 於手 哉 以 子 ?! 関 盡 職 此 其 予 莖,裂 者, 者。 是 淳 再 焉 供 以 皆 君 得 盡 古 \equiv 嗟平 爲 者也 不 非 山 篤 問 則 則 是 爲 其 石 實 以 撫 惟 9 之 真 樸 圖 而 1 此 子 圖

有

牡 丹 序

有五寸 陽必 周 官·司徒》嘻,亦太甚矣! 不信之,何 歐 ,得地之中 陽 子 作 也 ? 洛 此 陽 且 先後鄭 花 云天 밂 序 地 説 日 ₩, 之和 皆 至之景 至 同 於 氣 翻 而 歐 尺 駁

> 論。 爲 於天下,蓋亦其 美,理之常也,豈謂私 宜 庶 限其 病 ?裨乎。 則或 吾恐學者信歐陽之説,不 則誣之甚者也,故不憚 一中以 因 自私 物以 土壤物宜有 此 騐性,就地宜 尤 乎? 非 也 曹之 得 以 辨 於 和 m 爲 有 IE 和 氣 勗人材, 前 美 氣 牡 聚 賢之 而 所 丹 則 鍾 著 鍾

於後 聲以 之。 之」,壤物之和 此 君子之和 予 曹國之詩 頌之,宜矣。 曹花舊 踵 屬 其輯 加 成編 也。 一無譜 新譜 也。 日 ,故爲序以俟焉 又 「其 曹之郡邑士大夫 E 懷 然則百物阜安, ___ 一芃 儀 卷, 寧 余 一 兮, 芃黍 門人 孝 廉 安 心 苗 0 主 如 君 陰 講 將 結 皆 鋟 兮 席 題 和 雨 以 詞 其 於 傳

0 文末 本 有「乾隆癸丑 四 月望 日 北 方綱

貴溪畢生時文序

必其江 應也。 發之。 語 吾嘗寶 粹之氣。 持文格 是時予鋭 學術之所 亦 文 異哉,獨 之正 本」, IE 者則 矣。 詩 況於江西哉 Ш 始予 西 蓋 平 三十年來與天下 正 有 相 比 予比 能 君 意 谷二言,曰 派之云 以 ? 爾 江 與擊 役 與 然,而 知 欲 識 西派 日 江 旋 武 得其 江 窮搜嗜學之士,而文敏 年 節 進 也。 西文 西人 -來極 時時 至 非 今乃悉於貴溪畢 高唱,以 京 所以 錢文敏來主江 也。 文 有有 格之所以然者, 文字耶 以古人爲師,以質 夫固 乃 爲 亦然。 得派之原,則其 然其所以 子 督 江 友人 有爲之主宰者, 既抱 品 西士人論詩 爲 !」予笑 人戲謂 論 獨 江 此識 文不 得是 西 西鄉 予日 生之文 得派之 派 出 邦 亦力 江 固 而 者 厚 文 派 此 不

> 文入矣。 文字之癖,而今日江西士人則不爲江西之

原,以 爲文亦 博 登車 生緘 真江 二,以 江 往 詩爲贈,其 溪畢生雖老且貧,而神智愈壯,骨力愈勁, 有抄周生之文以來者, 予視學三 之士屢矣,而復賞味不置者, 西, 復 感激之衷相發也。 其文遠求予定之。 西文也已。 金谿 爲今江 爲江西士人式,而匆遽未果。 與諸學官弟子研 乃取其文讀之,與去年 愈深且肆。 一年,將受代, 周生,予 感知篤學之意,肫然 西之爲時文者 其明年,予勘書 己卯 予視學使還 舉 ൬ 既勘書 ,予竊 經談 故爲 首 訊 質 也,今老 諸 藝,得樸 欲 道其 欲 焉 學官弟子。 事 出天性, , 生賦五言 甄録 選 獨 奉天 竣, 從 周 予 與 且 其 惟貴 重 出 生 俶 此 病 來 裝 而

周 深 精 邨 、思耳。 生文共訂 氣 冷 耿 席 耿 生文亦 貧 如 而存之,此可爲知者道也。• 結 病 老 誰 不能多選,然予意 塾 其信之? 師 淡 焉 相 顧 對 後 終 學 謂 心欲合 不 江 肯 Ш

蛾術集序

先生 肄三二言之。 求之作,與《急就 類通達」,皆所謂 考校道藝之事。 先事,士先志」,即爲 學半」,即爲上文「教學相長」言之,引「官 大垤銜土」之義,尚未 、要,事必詳其義,是即 所撰《蛾 學記》所引「蛾子時 蓋古經之節目 則此 術 集 自 》、《滂喜》等耳 蛾 IE. \approx 術 指 離 上「皮弁祭菜」、「宵雅 而 在焉。 也。 經辨志」以訖 上文一年以至九 有 盡也。此篇 以 術」,語在 所謂 發之。 兹得讀 而注家 然 博依」「 昔人蒙 《戴 陳 而 於 引 但 尊涘 辭 知 釋 必 年 斆

服」、「安詩」「安禮」者也。

焉。 王氏 爲 判 爲 士生 爲安詩、安禮所從 肄 詞學之指南,立誠居業,皆由是以 爲 本 事 以 二途。 一今日經學昌明之際,皆 約 所疑,泛論者所能該悉也哉 務,而考訂詁訓之事 以 今讀 而儷語之工 其 比 其 旨趣,即 此 誠得人人家塾童而習之,以 原委, 集,上下古今,出入經傳,因 ,特其餘事 離 人,則其 即「知 經辨志」之屬矣。 類 與 爲藝圃之津逮, 通達」之屬 耳。 詞章之事未可 知以通經學古 又豈 廣益 石 梁 此 文

銅陵章簴堂聽鶴和鶴二圖詩序

天 育 來 銅 陵 京 師, 以 先 以 生 通 八十 儒 有聞 初 度之辰 於 江 左, 厥 友

文末,稿本有「乾隆庚戌七月八日」。

五七

生之緝 先生陳聽、和之旨,可乎 予聞先生精於《易》 作 嘏 合 爲 和 一義,不 鶴 義 圖 而 ? 可 嗣君之承志 屬 無 以申之,請 方 綱 爲 與 言。 先 爲

見其有 願 中心 理藴 者? 之品行聞 我之共靡 以全卦言,則二、五 之,是固然已,然不知 也, 二與五有君臣之分,不應以「子」與「爾」 「子」與「爾」之稱屬諸二爻之指目五爻也。 音」言「登」不若二之「鳴」言「和」也。 测則 然而 願也」,即以「其子和之」實諸中心之 在此矣。 其子 我 中孚》六爻,皆不 感必孚耳,故《象傳》曰「其子和之, 與爾,皆純乎内心也。 五之「攣」即二之「靡」也,上之 即 望,固皆其所夙有 之和 於好爵之本有具之矣。 以爻義言, 即 於 兩陽皆得其中,中孚之 在 陰之鳴 此爻之義非果 比 則專就九二本爻 他 卦 而 具之矣,爾 説 之以 厥嗣 者 應 或 **簾堂** 言 以 稱 疑 何

> 之實 致哉 承 令聞 也 ? 一,盍 有此 篤 駆 其 此 平 家 以 誠 聲, 爲諸 , 所 以 以 共 承 弁 此 歡 侑 好 爵 祝 者 中 豈 外

裴鶴峰觀蓮圖序

騒 圃 之芳感激 周 荷 賦之遺 子之 與 佛 周 以 ,而寄託殊矣。 灑落光霽見於昔人之詠歌, 而 子之愛蓮 蓮 發於騷,類乎幽憂怨憤之作, 喻 性 而 儒 也 以 蓮 然屈 喻 道 子 以 屈 雖 子 初 亦 服

賓 南 京 文於藥洲之上。 友 師 時 唱和 種蓮 往年予視東粤學,與吉水裴子 重 繪 成什, 處 於幀 也。 以紀其事。後十年 鶴 洲有愛蓮亭,周子 而俾予序之。 峰 繪爲觀蓮之圖 昔 周 鶴 提 鶴 子 峰 刑 峰 時 廣 論

■「之克承令聞」,原脱,今據光緒刻本書眉及稿本補。

施 蓮 連 溪合於湓 牛 燕 法,所以發明造化之機,仁智之藴 也,故曰「津有舟兮蕩有蓮」,「 也 玩 可 五老以 有 其 進乎? 於 黄 薊 觀 追摹者,蓋得之吉州爲多, 元之《東 雖 感感 目 Ш 經河 不 視 爲壽」。 而 白岳間, 而 向之 得於 不能釋也。 江 陝,十 坡 其 因書之以代贈 詩 地 酒 故取 心者。 注》, 而先生之子元 求志 闌 年以 而 拈 營道 以 則 事 韻 今又將 來閱歷益深,當 比 Ш 以 III 所 凭欄 處焉 者鶴 谷 廬 證今古, 居 之 H 遊皖 峰 濂 文 宜 翁爲吉 寫 蓮 而 鶴 溪 聽 由 溪 證 花 口 以 於 聲 之 則 江 峰 峰 13 廣 之 州 爲 吴 是 必 今 兮 訪 有 猶 名 圖 石 릵 延 事 有

彭晉函時文序

介 間 昔己 而 丹陽 山 還 彭 淳二 晉 函 一老人 以 人提唱 諸 生參其 制 舉義: 席 於 江

之,即 者泥 律繩 何、罕 於 文 己 暇 不 爲鋟木傳之。 房 風 持 函 区 致訂 師也, 味, 9 文 云 之 如 能 其 老 鋟 輒 所 此,此可謂之經義也已。 斯 作 阚 於鄭《志》、瞀於劉《規》者矣, 也 相 文 人 此 勛 渴 遂將五 世 哉 得 往 者 序 賅 ~,皆爲 今出 刻 思 無 晉 及專一於攷訂 者 而 者 質 皆 爲王誦之篇 方 此 讀 己 進 承 還 欲 文久 十年矣。 綱 詞章之士騁其妍 篋中所藏 其 潛 予嘗歎文家與 子言 Щ 以 淳老人 晉 則 全帙,其後 、還淳二老人皆未 求之,或不 心 函 (矣,而 何敢 經 晉 出 術 函娓 也。 己 言序 吾友梁元穎 晉函文,丹 還 晉 門 發於制 而又不能 娓 淳對 至如 水 下 方 得 ,每竟日憶 義 終 0 善學 始 綱 識 秘, 疏 客 未 書 昔 舉 髫 吉 攢 岢 之 並 徒 嘗 H 此 及 者 之 概 而 爲 僅 爲 文 以 或 郭 聞 師 頌 晉 由 文 君 此 揚 此 事 不 疏 晉 函 诼 而

五九

吴懷舟時文序

果以 學,三者不 原 耳 其 人之真 理之學,有攷 可 强 氣 面 貫 兼 徹 也 一,況 加 訂之學,有 出之,則三者 舉 業 文乎 詞 章 之

序之。 間 派之 本其 今又 其 文深 m 江 M 十 十年 稿 有 鄉 吾弱 不 山 艾先生沉勁之骨, 三十 ? 懷舟之文, 人 年 至 田 之 復來 歲 餘 直 得 衷 以 餘年鬱未 而 典 理,可謂 , 趣 於 爲 延 視學 試 得 經 直接艾千子也。夫文何 見 竚 而 江 而已。 其品 得 西, 秋 、欲求周 東鄉吴生之文,論者 抉 (渚, 悵 金 出,今始得見鋟 輒於几 經之心者, 谿 瘦硬 味當在 往者丹陽 周 生之遺文哀録 焉 生以 通神之妙 研 慨 晉 間會合性 息 冠 函 吾 彭 呵 多士。 伯 本 蓋 晉 己。 仲 佇 流 推 函 而

> 所 遺 限 充 喜 知 Ŧī. 之, 往 坦 深 量 + 途,是二者厥失均 之 人 年 慎思 怭 他日 m 耶 後 則 疎 ? 得 恐望 則 當有續以 於博 吴 然吾 勿 生 加 侈 綜, 以 卻 有 其 發之, 嗜 以 有 相示 也。 博者 語 餘 旲 豈 者, 養 生其 又多 生 以 千子 源 者 時 則 由 騁 地 研 或 不 吾 奇 責 説 秘 理 家 於 敢 而 者 而

吴氏書畫記序原題曰大觀

録

若朱 輯 江 録 也 未 其全文,以 成 能 邨 性 高 然 有 轉 而 甫、 高 憾 一一出於手記, 氏、蓋牟卞氏有之。 著 不 墨 若好古之士書 張 録 卞二書皆 林、 米 爲 自 庵、郁 人 各 蕉 所習 有 林 體 有 叔 特屬 家之 知 遇 起 所寓 即 耳 例, 然 汪 其 如 無 砢 目者爲足據 門客輩爲之 而鑒藏之家 非 若 真 記 玉 荷作 襖帖 蹟 録 諸編詳 不不 也, 具

爪之存 僧」字合缝 徵 其 肾断 題跋, ,明見於後跋 不著;米老所 而 於 五字、 九 圃 字之損 鑒 置之不問,此 「懷」字折筆、 龜 針 邂

復何

庸其記

録哉

豈徒 其 以備 然如《蘭亭》跋 者,亦頗 或 之失、抽换之欺,一視鑒藏 式憑之,後人心眼印合之,至 非 而 「大觀録」,不若題 人人於 可 以 此未深究 吴君名升,惜無其自序大略耳 多 攷, 漫 書 以廣見聞云 吴氏是書,蓋亦 無 書畫之理實能言之。 與 能 整比者。 畫各爲卷,或以時代各爲卷, 則此 曉 也。 書 尾之分合,安岐尚能 書 畫 所賴於記録者,古人精 一爾乎 日 亦 若夫知 所記,與此 1 吴氏 參 勤且博 1 互於高、 書畫 人論 又若記録之式, 者爲之糾 矣。 近日有安岐 如近世裝接 亦 記 世,借書 卞之間 此 可互證 書本 爲 言之, Œ 前 名 亦 神 其 而

坳 序

贄吾 君。 選》,芥舟與予同研席者 職,甲戌夏,詔擇翰林十人於院 秋,芥舟副 闡後 嵐 年矣,吾婿 舟 録 暢 生於北 而快讀 門,求 同里,故予知二君詩最早。 詩 成 即 愜 時蒙泉與吾同年紀曉 乾隆 文集 者 手 帙 曉 也。 辛未,予始從 嵐 繪 方學 之,雖相 其遺 董文恪典試 今所 彙 百 匡廬,芥 寶 蒙泉出 成 唱 者首 集而 樹 刻者,其 卷。 酬 知 者 如 未克寫竣。 推宋蒙泉、戈芥舟二 君猶子 舟同 癸卯,芥 數 膺外任 蒙泉、 江 香樹 + 孫所 一市月。 西 年,而 嵐鄰 遊,得詩 ,文恪奉命,於 也, 錢 -, 其 曉 補 舟 居,芥 先生論 嵐 解校勘《 始 其後癸酉 及予授 子 集 今又 其 輯 未 廷 耳。 未 詩 一卷。 有若 所 模 克 舟 文 館 與

餘

芥

自

讀 此 歸

出

曉

先

習後 俾 僅 傳 諸 坳 也 之序,而 北 吾 摛 堂 Ш 婿 藻 己 方 詩 其文亦 微 删 與 詩 爲 其 有 其 務 + 家 芥 半。 族 差 者 知 舟之服 多有 人 别 者 文 善 故 婿 益 此 + 日 體 不 嗣 少。」予於 膺 意 辭 . 卷 交勉之。 政教 非 陶 「及今不爲之序, 來 加 、杜,與 深喻甘辛者 綴言 風化 眎 曉 子 於簡 之大端, 嵐 所 曉 嵐 集 見 之 未 不 王 服 亦 非 能 及 則 廬

樹蘭齋時文序

也。 其 洮 注 即 初 獵 帖 以 吾是 庭 羣 尊 人 括 土 先 家 籍 人 依 松平 生 以 塾之舊業 束 經 而 於是 時 於 髮受 己。 爲 文而 青 之,而 拾 陽 迨 書 不 重有 習 王 由 則 準之編,侈毖緯 亦 春 此 逐 感焉 好用 爲 甫宗 取 末 帖 科第, 面 奇字 括 伯 失 之文 手 其 僻 摛 録 本 事,忘 之説, 華藻 者衆 其 惟 先

> 閥 先 式 先 藝之 甫 蔬 仕 味 以 不 是 視 相 前 生 也。 閲 食 面 注爲宗。 鶩 編 學 生 繼 嗣 抑 則 圃 也。 時 者 之教以 楚 之制舉義 君 柄文衡者, 人 予 作 無嗜 品 口 將 粤 蓮 於 習,其結 春甫之爲學也 翰 以 品 經笥老儒 此 也, 府 春 林 有以 異之趨。 弁 興 昔所課 使人讀 教子 爲 甫 言 起 編 奉 相 爲 吾 同 大闡其 士 把 撰 ,以 先 繼 何足 也, 急, 館 女 生, 林 卷 孫 生 掌 之, 婿,又二十 使人忘其 是 J. 豈惟諸曾孫 以 教多士。 傴 也 杖 邦 以 而 封 家學。 必敬 可 交 依然寒窻 道 (樓, 經 0 屨 禮 植 不 者 以 其什 爲 其文 畫 如 角 知 如 敦 稱 四 骨 在 弓, 其 見 子 英 而 而今日校 年 + 其 士 不 家 服 也 先 若 燈 其 今則 騰 矣。 以 以 風 餘 庭 爲 塾 火 詮 弗 下 生 孫 實 聞 年 哉 m 新 時 之風 世 於 粗 膺 義 首 父子 諼 作 奇, 其 守 光 衣 膴 讎 之 奉

目 説 則吾 道者,其爲 屬 往 有 書 持説部書屬題者,亦以此告之。蓋説部之 言》而以此序之。 疑、慎言之屬也。 日 部之序, 吾友 關 也。 行,多識於鳥獸草木之名,此皆多聞 多聞 可取資者二焉:一 談故、談獻、談藝、皆吾所 不欲 於 嘗謂學者立 罕言利命, 勸 曰 聞之。 懲。 言也必取則於此,故於所撰《邇 闕疑, 曰 近 桐 言 曩時以此私 日 子 不 城章子完,素好 「慎言 宜以 E 不 語 E 漁洋於説 喜作説 怪 有裨於攷訂,二曰 而已。 聖人三言爲 力亂 取 記 部之書, 神,此皆 也,談異, 面 多 部 ?學而 未著 識 分 前 法 守 於 有 闕 之 四

> 敷淺 吾遊 山 廬 詩幻咙語,最 天坪,僅得剔 石本而未得。 遊之集,即 未行,又欲 今則吳子 一而藴 詩,歐陽子一 廬 原攷 吾 山欲 與 Щ 蘭 、辨, 藴 西 作圖 以 與謝子偕 雪,最 江 巓 有卓識 題其圖,何啻申宿諾乎 其石耶? 今蘭 諸 雪先後 篇最著,吾昔遊欲訪 亦未果。 Ш 友 其 欣 雪之遊直造 論詩,前 秀 然樸被從 ,時約桐 也 應聘主 蘭雪詩中 今乃得披吴子 四 則 城 江秀氣在 鹿 之, 謝 漢陽峰、 胡 洞 子 拈 圃 雒 講 藴 出 歐 以 君 Ш 歐 仰 病 作 王 詩 廬

與 宿 幻 1咙,顧 Ш 開 谷並 先禪 然吾嘗 何以 一時,而 榻 竊訝歐陽於 夜起 有《易 不以《傳習録》爲畦 摩挲石壁,歎陽明 童子 問 廬 Ш 》之惑? 知 剖 異 手 吾 學 蹟 之

也 鹿 年 何 其《紀遊圖》詠 IE 又 洞 在 來 以 詳 時 鹿 迴 有 環 語 嘗 洞 大 胸 之。 U 講 臆 此 院 古 間 而 惟 語 之 本》之 書此 吾蘭雪未之詳 堂壁。 久矣,而《大學古本 之,及 以 刻 爲序。 昔歸 ? Ш 是 繼 安沈 往 語 一,於其 者 世 兼 石 故 Ш 行 於 主 刻

延暉閣集序

言法 聲 非 也 m 音 問 僅 諨 馳,是 之道 善言 者或爲 矣 爲 儷笙於 詩 垣 空 必 日 談 與 德 乃 研 皆 校勘 今 繩 格 詩文,自 政 行 諸 不 墨 韻 通,則文 ,則文章 於 肌 知 中 一所窘, 者言 理, 曹 文 祕 子 詞 其 書 而 也 矜言 章 儷 即 二, 益 與 家 文 事 即 持 行 笙 學 必 進 此 才藻者 境 政 事 詩 Ė 求 而 合 事 足以定人品 也 文 探粹 其 窺古作 而 也 3 集發之。 實 《樂記 或 際, 密, 之 外 泥 者 於 者 繙 比 夫

> 者 百 弗 俱 得 克 臨 遇 暉 成 素 誠 敬業 原 進 一,而 之 帙, 家 勤 事 徹 其 》,是有 視若 真 委, 以 其 案 由經訓 日 與 額 誠 際 副 育 延 間 之 積 日偕長,然後 以 具 以 者 之,是即 勤 準乎繩 無代筆 即 今 名 文者 暉 貫之, 也。 由 以衷道 文章、政 之。 蓋 閣 學者 集」, 用 翰 四 之門 墨之上而 勤以 爲詩文,徒 讀 心 林 + 要,豈獨 敬識 必 斯 以 事 餘 仰 涵 客。 永 不 集 至 年 合 見 養 之, 誠 蒙 端揆 者 矣。 延 深 <u>\</u> 以 詩 恩 之 第 備 暉 醇 襲 故 暇 乎 文 賜 知 諸 之 義 其 格 之 格 恂 其 Ê 録 其 義 綸 力 體 候 調 毅 也 其 韻 恂 哉 之 以 與 紀 閣 學 無 力 詩 而 如 綜 歲 榮 寒 之 不 凡 延 文 不

薇垣歸娶圖詩序

錦 紫簫」之句, 昔宋金 華 朱 送 竹 張 垞 藻 收 仲 入詩 乞 假 話 歸 婚 其 後 有

貽之、且於其行也作《同學》一篇, 供 冠 海 時 靖 朝 日 公卿士夫圖 亦 鳳 閩 、榮之。 諸 論 植 篇 日 無 職 人 Z 岐 館 成進士,秦筆薇省,品學才地 省賢書》 傑。 未候 詩, 進 行之要矣。及再 公皆 歸娶之事 什 閣 日不來吾齋賞 二年,始以癸酉八月乞娶 許 面 亦 掌 李 尚 官藍 舍人 不 登 迴憶三十年前,與 今相距二百七十七年, 故 才 丹 未 畫歌 多見、蓋嘉話若是其 朝 有 英 壑 能 登科 八廷議 ,顧考之志乘皆闕 陳 後 用楫舍人以弱冠 爲 如 特 詠, 應魁、梁懷仁、王慎 授 言 ",嗜學 此 歸 大禮 析 詩 篤 以榮其歸。 娶者 考 人祕 得 摯 證 好古,卓然必成 髓 也。 其 數 風 閣 詩 馮、謝 從 節 蘭卿 往者漁洋之 均 (得請, 有聲 賜 遊 凛 將直樞 余既作詩 難 而 如 而蘭 不 然, H 歸 二子 勵 來吾 同 巾 親 娶, 思、 惟 . 時 以 京 卿 0 齋 H 植 師 未 閩 當 周 投 時 嘉 我 明

> 已 或 也 詩 吾 光, 實 若文已 不 數 徒 積 語 以 成 丹 以 是 數巨帙, 壑 勗 編播 限 之。 量 之。 豔 他 余樂見 士 日 其 事 林 業學行 其 歸 媲 編 娶 美 録 圖 鄉 爲 之 邦 成 中

志言集序

理 諸 也。 庭之訓 振,集諸條 也,物之則 發言爲詩,一 文辭,又其諧之聲律者。 之聲也。文辭之於言,又其精者。 之理也。 通 理 是故淵 昔虞廷之謨曰 焉 曰:「不學《詩》,無以言。」言者 也,事境之歸 理 韓子曰: 義理 泉時出,察諸文理焉, 焉 衷諸 之理,即文理之理,即 暢 理 : 於四支、發於 「周詩三百 「詩言志、歌永言 而 己。 也,聲音律 然則 理者、民之秉 在 篇 事業 心爲志 詩之於 度 金 雅 之 心孔 玉 矩 美

乎? 嘗 詩 力爲 《騷》可也。」 序李 不必 訓 肌 千 應故生變,變成方謂之音。」又曰:「聲成 爲 此論之? 然後人不善學者輒徒以 日,經籍之光盈 人,此事豈可强爲,豈 詩 萬世之詩視此矣。 家之詩 之音。」聲音之道與政通矣。 妖之目。 理 準,爲詩必以肌理爲準。 不具才力, 長 深求 此 能 ,則竊欲隅舉焉。 不惟長吉也,太白超絕千古, は言詩 杜 事,故 旬 其 質之漁洋 云 可也,惟是檢之於密 即 義。」先生殆失言哉 亦 今之騁 雖 而 日 熟精 溢 以楊廉夫之雄姿,而 卒 李空同、何大復之流 :「使加之以理,奴僕 於世宙,爲學必以 以 才藻貌爲長吉者 先生,漁洋謂 《文選》理。」 可假 勦 學古有獲者 於唐得六家,於宋 襲 格格 爲 《記》曰:「 哉 調 理,約之於 此數言者 自 曩 ,日覽千 欺 士 馳 固 人 杜 牛 牧 有 聲 考 不 縱 不 知 文 免 命 之 證 今 欺 未 才 以 此 以

> 無泛鶩 自 元 勉, 得 也 亦時 五 歟 家 以 鈔 勉各同志 爲 編 題 庶幾 日 有專 志 言 師 而 時

以 金

復初齋文集卷第五

門人侯官李彦章校刊大興翁方綱撰

羊鼓殘字記

格 次,每行五字, 三月, 年 益信矣。 所藏本與上海 此 ·再往拓 與 鼓之首得此半字。 (下行「走」字隔上一字對 亟摹 岐陽石鼓第八,無字久矣。 方綱官司業日,於橋門手拓十鼓 此字在第二行「是」字之上,隔 ,則此 傳之,更無知者矣。 顧氏 而 半字亦又損去,不 顧摹此鼓首有此「工」字, 所摹 以 舊本核定 四明范氏 也。 此從來 乾隆辛 可尋矣。 後二十 此 天 鼓行 閣 於 \mathcal{H}

重立漢武氏祠石記

得 也。 謂 散 銘》,遂 黄子秋盦既於濟 著,功蓋倍之矣。 子見老子象》及《祥瑞圖》 Ш 之,凡四百餘字而已。 卷,而其録 有 本爲可珍,而況逮 棄於山 然 拓 荒 ,得《敦 至東武 其 林 昔歐 而漢武 破冢、 盡 全 崖墟莽間未當收拾爲足憾,又 陽子《集古録》, 得 煌 石, 不傳。 () 武氏 趙氏 長 氏 神仙 已 、史武 祠 而 寧州 始有《武氏石室畫像》 石室所刻 於是敬移《孔子見老子 像之文,則《録 今又六百 惟 鬼物、詭怪 復 班 鄱陽 於 學扶升《尉氏令碑 當南宋時已以 碑》 嘉 以漢 石 祥縣 洪 畫 泊 刻, 年乎? 氏 像, 所傳莫 魏已來 \wedge 武 南之紫 乃 視 》所 又得《 氏 圖 洪 未 古 不 氏 石 錢 且 重 孔 雲 白 所 闕 塘 刻 釋 五 著 刻

潘諸家圖釋所未及也。

六七

初

以 予 年 守 谪 以 斯 焉。 碑 按 來 垣 Ш 當 石 舊 所 行 心 何 砌 於 往者 誉 本 悵 鄱 如 而 濟 目 不 結 陽 堅之, 護 寧 予與黄子 惜之! 得 而 廬 想 州 之狀 賞 阜 學, 榜 歎 間 析 日 而 者也。 遠 一 日 爲 考訂 「武氏 萃其 憾。 懷 得遇其 金 文惠洪公, 諸 今吾二人 後之摩 祠堂」,俾 石文字, 石 即 真, 挲 其 干 斯 + 而 每 土 地

五 甎

許 邊 四分, 餘 之,長七寸弱 中中 下「五」字視上「五」字稍 似 極 面皆 作陽、 則 長 非 圃 經 文 酄 磨 琢 五五 就 之 殺 研 厚 也。 其 原 時 鳳 側 磨平矣, 制 1 五 研右 有 矣。 年 弱 字 四 蓋 側 處 研 面 長 字, 下 稍 左 以 背 有小 ,「年」字 有 建 字 側 僅 磨 皆 四 初 鱪 隸, 去 尺 周 下 + 複 1 度

> 行居 京 竹 所 蘀 竹 壓。 師 房 石 房 以 者 遊 琢 示予,爲記 之 蘀 並 何 地 石 序 也 於 字。 ? 家 而 研 澉 阮 蘀 四 之日 浦 近 侍郎 石、芑堂若皆不知 圍 肼 芦堂家 張 自浙 竹房 芑 堂 江 海 琢」三字 以 得之, 鹽 小 皆 楷 吾 幾 有 吾 來 爲

焉 器 此 型 陶 五 財 尚 謂 鳳 者 所 旊 矣, 械 八十年, 物 西 五 皆 也。 成 所 漢 薛 都 漢武 勒工名, 鳳 一年石, 尚 也 成 精 五. 賦》注引《漢書·宣 之 功稱「漢器必謹 班 其 鳳 此 帝 故字在 四 文陽 史謂 能 僅 以 始有年號,宣之五 則字 年 以考其誠」者也 年記器之最古 四 故 ,其明年爲甘 孝 而 側 在 年, 此 官 居 ,其文陽,其 — 甎 正 綜 器 何 核 之側 面,其文 其 以 也,可 名 紀 歲 云 實, 者, 廿 者 露 月 鳳 Ŧi. 以 陰 露 元 至 未 文 周 年 見 於 陽 元 年 有 而 距 秦 記 先 年 也 則 此 曲 建 以 度 匠 於 模 則 前 阜 所

間 間 班 在 在 미 而 仍稱五鳳 次 氏文章詳略間伏之妙,使人知 其 元 詔 何 此 以見史法 年春也 事,而本年夏四 於前冬書其 詔 詞 時 浙滸之地至陝都闊遠,則此 乃甘露二年 則 而 计露 元年夏特 焉 五年 凰 則甘露之改元在 至, 瑞 事 何疑乎? 在 , 撮 甘 月特書黄龍 此甘露改元 書 一黄 敍 龍 日 之 降 記之前 「黄龍 詞,不 故 故此一 以 甘 其 前 見 言 見 而 名 露之降 春三月 春三月 五 新 甘 元 甎 年 豐 鳳 露 此 年 也, 木 之 則

得 甎 下「五」字中畫 隸之確證 也, 用隸勢; 是爲 西漢字,而今於五 此 可以 側四字,其 西漢隸 見書勢焉。 嘗於曲 ൬ 視曲 下「五」字中間 古 上 阜 阜石刻已詳言之, ,去篆未遠,是篆 昔歐 石 鳳 五」字中 刻爲 年 間 陽文忠嘗 更顯,故 既 彎交, 間一 見 曲 阜 畫 憾 此 而 初 用 首 不 此

> 侍 郎寶之。 又見海 鹽 亟 此 宜 甎 表其文於金石著録者也, 宜 乎 ·吾竹 房 琢 之而 远

附系以詩。

池

寺 耶 於 耶 相 在 以 去 咸 舍 舍於義熙十年甲寅至廬 西 廬 實 六 康 居之。」《歸宗寺志》曰:「攷晉史,佛 域僧佛默耶舍持舍利 Ш 廬 金 Ш + 初 之 輪開 ,歸宗寺則咸康六年造也。 陽。 餘 舊志云:「 年, Щ 解 當知所 郡 後 晉王 主歸 請爲達磨多羅, 卜金輪峰下家焉 義之守 宗耳 來,義之捨宅爲 山,羲之守九 尋陽, 前 後 江 而

時

長 家 在 史。 祕 咸 康 書 方綱 亮 郎 初 按 臨 征 亦 薨上疏 非 此説 西 也。 將 軍 固然,然以 稱 庾亮請 晉 羲之清 書》本傳: 爲 右軍守九 貴 參軍 有鑒 羲之起

年, 遷 捨 在 江 康 宅 咸 州 止 則 了,其事 既 有 康 右 在 六 1 軍 咸 年 年 蓋 刺 康六 , 有所不合矣。 安 則 江 江 得 州 解郡後乃ト 年後 州 云 當 加 咸 在 史。 而歸宗寺之建 咸 康 康 初 亮 .居,ト 乎? 卒 年 於 ·以後, 居後 右 咸 康 乃 軍 73 云 刺 咸 六

有

歸

且 墨 猶 水 南 水 乃 與 江 可 可 州 是 間 盡 南 池 强 豐曾氏 羲之洗墨 使 黑。 之在 党其 想像遺蹟之詞耳,若以晉史言羲之刺 以 池 ,晉《志》亦言尋陽、柴桑皆屬江 王禕記 湮 雖 仕 之 此其 没 一。當極 疑 爲 蹟 廬 (徜徉此兩 耶? 記, 處。 而 曰:「歸宗寺有 山 雖 入 蹟 尚 者,當較 蓋深疑之。 東方、出滄 不 也。 必 羲之慕張芝臨 能 記 地耶?」愚按: 確 或曰 之,則此 指 臨 其][] 海, 臨 以謂 池, 時 爲 川 以 寺捨宅之由 日 得 亦 池 水色 娱 方羲之不 一,而 學書 其實 有 南豐 意 州 墨 Œ 又曷 於 池, 文 Ш 則

美焉。 之工 之於永久。 足矣,何賴 所當務者以告之,錢 湖言之,曷爲 防 默 延賓 湖 治之美焉 儉,持以 美 於 巧, 昔歐 Щ 微 貪 舉 又言臨 客, 美」之句 斯 面 邑屋之華麗,悉衷諸 陽子爲梅 堂, 孫乎作記? 淳厚, 燭 廉 占 必如是以言 隱。 懲 而 愚 形 是邦者選公卿侍從之臣, 以 勝。 非之乎? 竊 然後 奸 ? 爲斯記者,宜 名 必 非 公儀作記, 剔獎, 其堂, 如 塘湖 之。 此 所謂 是 則 所有者,有 以 梅 山之美, 釐 官 君 富完安樂者 而 言 公取 導 案 質 子 歐 以遊覽之 所 牘 以 人樸 於 陽 有者 賜 早作 以 風 舉 則 友 IE 而 靖 俗俗 習俗 當 勉 切 턥 之 貞 以 語 擇 杭 夜 因 地

勤

杭 人文 藝 甲 於 東 南 往 時 ^ 浙 西 文 閻

思

而

以 不 用 心 不 如是以言所有者, 荷 子 示 知 爲 史。 後 此, 炳 人 烺之 是 ? 院 加 宜 徒娱意繁華之是 顧不 崇 觀 》諸 經 然後 編 術 慮 有文章之美焉。 競 銷 風 使 出 金 會 士 華 益 皆 頹 縟 稱, 研 趨 廢 近 精 於 之 其 益 醇 傳 將 風 歐 多 注 何 陽 H

歐 胥 陽 居 者 陽所云清慎好學者,故竊舉 今日 人 於聖天子 今則官 爲吾嚴子記之。 ,其文當不 清 而 綏 政 和 如 平, 燾 彼矣。 育之中。 士 務 吾 學 曩所疑於歐 友嚴 而 使歐陽子 民安業 子 即

長

耶

東軒記

月 謂 東 時 軒 瑞 以 州 也 謪 使 監 院 筠 廳 濱 州 此 酒 之 記作 税 東 假部 有 於元 使者 = 豊三 楹 年 府以 潁 + 濱 所

> 嵩 輒 之,則潁 所 與 大 陽 以 謂 潁 有 茅 不 「公來 濱 東 軒 能 軒 相 濱居 之是 安居 長 晤 + 老 日 此 一懷者 蓋 此 之 前 坐 在 軒 號 東 七 後 爲 何哉 凡五 軒」者也。 憾, 年之夏 其 後 而 年, 四 東 Ŧi. 年 然潁 坡 月, 合 调 東 此 濱 潁 坡 亦 記 集 濱 至 惟 中 考

既 去。 書 其 撫 於 爲 明 蕉 去 賦 古 年 予 桐 年 今 初 夏 詩 而 題 人懷 試 五 繪 吟 扁 月 士 圖 春 之後。 來此 抱 復 裝 हों 以 同 軸 效蘇 在乾隆 科 不 於 試 同 蘇 氏 來 齋 奚 此 書 五 因 必 體 + 游 其 一併爲 以 息十 扁 年 致 此 其 也? 日 月 而

重立表忠觀碑小記

末 土 一,而 際 穌 蕪 書《 瘞 泐 於 未 表 杭 重 忠 州 V 觀 也 郡 碑 學,至 *, 今錢子立羣 四 石 乾 存 隆 辛 爲 西 蓋 始 在 武 出 元 肅

嵌 裔 孫 太湖 自 金 石 匱 柱 來 而 杭 重立 脩 焉 茸 祠 宇, 乃 考 原 石

記》舊 樂記 謂 峰皆嘗想像《表忠》小字本爲 寓 與錢氏祠宇精靈耿 始得錢子重立之。 石久埋未出時也。 書 石 「自託於不朽者」更何 摹刻者 京師,屬爲之記 世 石,乃 同 傳 法。 是 知滁州之刻非 ,其石亦四片,或謂 碑大字本,明 然方綱當於 耿 俾蘇 今真 ,故具言二石出 相質,其 如哉 石 書真氣 嘉 萊州 出土五十餘 真。 靖 難 (視 中 得《 照 得 而 與 蘇 錢子自 陳 醉 弇州、 耀 則 醉 詩 太 翁《 湖 此二 引所 土 翁 守 年, Ш 重 豐 杭 月 亭 柯

雪浪石盆銘記

盡 書《雪 字 内 至下「存」字内,從 浪 石 盆銘 》刻 於盆 П 徑 四 四 周 尺 五 自

> 姑用 矣。 他 環 字已 選美石可 尺 詳 見,不能計,然大約 之,須得 四寸 勢 加 日 被 儻 粘 圓 自 敍 慮 俗俗 五 得 於 摺 右 贊 研代之,縮臨其字刻焉。此原 圓石 分。 以 用 册 疊易損 「原」 人 琢 時時時 傳爾 ク磨 原式依此尺寸伐石爲之,更當 爲 盆 字 徑圍 盆 去,拓本今存者 内 也,故翦開略依其原 者,度 口 翫之,而并繪此圖 寬 至 Ŧi. 亦須數寸或尺許。 五 左 尺 一時未能就, 寸四分,合外 「東」字 五寸也。 1,至爲 内 其 横 於後。 珍 是 高 石 刻 内 徑 轡 之 以 四

仰止樓記

靖 公講 仰 學 止 樓 地 在 巾 無 明 錫 邵 城 文 南 莊 泰 始 伯 葺 瀆 書 上 宋 其 楊 廢 文

● 文末,稿本有「嘉慶元年夏五月內閣侍讀學士大興翁

方綱撰并書」。

者。 改建書院於城 興之略,見於王文成所 齋偕同 楹,以祀文莊。 乾隆辛丑 志增祀文靖於茲,而以文莊 一,黄君 中,而東林舊址遂 沿尚 嘉慶戊午春,賈君 爲記。 典 重 革 厥 留 無 後 配焉。 過 顧 堂, 端 而 素 問 建 文

先生之學,潛修默 屬爲記,遂書此以復之。 矣。」斯言也,其仰 曰:「遊東林者,當講求龜 脈 ,而文莊以經術繼之。 於惟文靖闡二程之微言,啟紫陽之正 證 止之要歸歟? 前 勿啟門户之争 國朝湯文正 Щ 、涇陽、景逸諸 素齋 之言 來 口

鐵公祠記

殉 守合矣。古今忠節之臣,以守土之才 也 身之烈,孰踰有 「寄百里之命」,又兼守土言之,則 曾子曰「臨大節而 明鐵尚書者? 不可奪」,此 以 而 守言 尚 前 才 與 兼

> 昔於 志節 謚詞 當 並言之,足以昭千古矣 時 、史館 堅 曰:「策勵守城 未 剛。」嗚呼,此四言者,實以才與守 有 得見欽命賜 益,至我皇上特 ,氣吞伏版,才能優裕 謚 諸 賜 臣 益 黄册,忠定之 一忠 定。

星也 之城 故老 而況 其氣足以 南居南北之間,遏挫燕師,至今四 不以事之成敗計也,不以地之遠 爲氣也,至大至剛。」不以時之久暫異 致命成仁者,皆以浩氣行之。 孟子曰 一,則其精靈妥侑於湖之北渚宜矣。 西門也; 猶傳給燕王人城,懸 濟南爲公矢志固守之區 方綱 竊因斯義繹公之前後事迹, 壯誰華、澈源泉、貫 慷慨誓師 者,北湖水面亭也。 鐵板幾中者,今 乎 金 ! 石 近殊 百年矣。 公以 而 :「其 耀 所 也, 也 濟 以 H

運使長白阿公始度地於湖上,以今夏六月此,與巡撫長白長公謀立公祠而未果。今此,與巡撫長白長公謀立公祠而未果。今先是,今禮部侍郎長沙劉公視學於

文集

典 積 I 與與 感 就 之 公之才守相 而爲百世效忠者勸 文 適 爲 方 緇 屬 試 發 事 爰 明 敬 里 者, 書 獲 聖 庶 與 天 幾 拜 子 伸 祠 褒忠 此 + 阳 之 公 曠 以

英佑將軍江公祠壁記

神。 安 水 馬 今海 師 神 姓 副 安所 江 將 氏 , 其 海 諱 封 起 並 爵 龍 有 祠 英 江 南 佑 來 徽 驍 往 州 騎 渡 將 海 者 軍 官 必 之 海

集 民 無 周 開 水 白白 白 屯 視 師 與 白 鴿 參 謹 雷 鴿 按 是 鴿 城 無 當 塘 相 署 駐 志 郡 雷 市 應 俱 白 載 矣,乃捐 城人海之口 圮, 將 鴿 遂 於 軍 寨 爲一 又 是 爲 無 通 舟 貨立 人 方雄 明 城 車 港 塹 一營寨 輻 爲 勇 鎮。 口 輳 忠直 雷 守。 州 雷 商 廣 是 左臂 貨 招 州 時 將 初 畢 順 居 軍 初 任

> 靈異 爲之詩日 詳,退而考據省志 冬按 今官 使 殞 治 師 五 馬 王 年」, + 試 民 海 士俊請 祈 郡志作 安 事 民 年 至 頌 П 此 祠 也 立 兵 其功 於朝 八 逾謹 應。 遂 年」。 康 民帖 祀 而 熙 明年春 於神 雍正 思之。 郡志、謹書諸 出 元 方綱以乾 服 年 洋 祠 捕 五 年十二 上欽 將 副 年 盜 而 軍 將 隆一 廟 碑 定 没 風 碑 記 月, 及省 祠 爵 後 發 一十九 年 下 舟 志 蹟 布 移 並 弗 年 政 而 至 水 作

思。 燎 以 絘 疆 於 騈羅 贊 德 祀 皇 制 氣 官屬 國語》所 施 化 靈 於民。 保 神 奉 旗 重 疆 嘗 則 雲 溟 綏 載 兼 於 馬 子 静 民 之, 以 孫 波。 廓靈 更千萬 作 死 守之。 忠 勤 廟 爵 海 直 奕 事 由 世 勇 神 奕 于 帝 禦灾 降 錫 雷 命 純 , 捍患 于 枯孔 蹟爲 功 嘏 瓊 1 民 儵

徭賦 年矣。 天心也。 化,御題之扁顏以 視學於此 貪婪,皆公之 佛公撫 力 則公所以下孚乎民 所 事 籌倉儲、 考諸志乘, 有 爲 之秦而 Ш 實 也 而公祠 東 至 實政 靖 方 丽 吏民於今稱之。 攀 在 綱 名 則公撫 適 水鏡,則公所以 也。 一符、 援載道, 垂,歷 幼 成,距 志 時 **戢豪右、扶士氣、** 御賜之詩 也 則 東 公撫 聞吾 整 四 而 井 載, 彌 此 今方 而 先 新 表 1 凡 土 人 勒 契 以 厥 也 綱 説 均 永 平 風 劾 百 來

屋 來 其 記 筦都 地 湫 楹 公舊 鋪 隘 轉 與 揚 有祠在 於 久 鐵 懋 此,乃 弗 公祠 績 草。 西 擬 並 度 關,山薑 以 今運使阿 峙 地 陶 於北湖之上 侃 、宋璟、 昔嘗讀 田 公以公裔 公記 李 田 之, 沆 建 所 祠 孫 而

> 實愜 外 總 有 其 述。 前 以 肆 乎斯 後 動 禮部 矣。 È 事 蹟 知 尚 而 之同 而 方 士 治 綱 文淵閣 願 輿 今所 夫多能 也 情 者, 記 大學士 公由 良 稱道之,故 獨 以 在 東 二,其 此 公之 撫 祠 敭 擢 實 之 歷]1] 中 陝

家祠畫像册記

弟 雖 母 兄 有 又不 之典,焚黄告於庭,始謀 寫 者 殁 所習也。 五 寫 真 可據。 容, 如未也。 年矣。婦韓 已三年, ,婦表兄,幼善 鳴 呼, 及遭 方 弟元 居南郊外,不相見已數載 大 去吾 綱 乾隆二十七年, 故, 不 氏 綱 肖, 母見背六年,吾父則 畫 曰:「盍謀諸朱兄?」 鼻 匆 以 遽 不 嘗來吾家,吾父、 下微肖吾父, 更寫之,而 克 呼 於 畫 吾 史, 以 父母 覃 史又庸 恩譜 初寫 時 在 去

初 齊文

摹於 之。」 也。 史改 則 有 某色上 於册者是也。 下哭,莫能 H 己矣。 宛 遇 大 册 畫者 然二人 其 風 而先父見背時,并衣色亦未語及。 |衣,某色 亦 不 圃 邀之 1唯唯。 然。 似 捲 仰視, 索秃 容在 其 處,今雖追 至 先母見背 稿 顧當 油, 筆 故朱 則 方綱 幅 去, 淡 憑 某色裙, 時 墨,空際 日 痛哭拜受之, 兄所 几 顧 於 似 某日 時,方綱與弟跪 謂 静 面 畫 一二,尚 思 畫 容 來。 旋 者 反不能 依其色, 一如其 ~轉良 眸 至 視吾 不 即 炯 期 色 今摹 能 語 然若 書 母 牀 盡 畫

每 和 意 意 某史者,吾父邀之齋中,請祖 **加** 猶 誕辰挂堂中,祖母指而目 不欲 畫 史,史 不欲,色見 憶 遇 顧 吾父欲爲 他 執 人嚴 念吾父已邀之來 筆 於面 惟 Œ 祖 謹 罕笑容。 母 書 寫容,伺祖母意, 祖 成, 母 日:「 强 是 撫 望 母出 日 孫 之 爲 輩 凛 袓 焉 色 用留 然。 0 母 極 祖 坐 此 而 慈 然 母 有

> 甚肖。 於陝 有合 熟祖貌者 父、母合軸,又十二年至今始摹於册。 ,莆中族姓 與 哉 册所摹襄敏像,信有似也。 不 畫 軸,焚黄 流 西,曾祖母像畫 先祖 涕 中 方 追 同 綑 像 則 作 時 來 日始畫 之,祖 其 神情 書 數 拜者云似先襄敏 间 当 可 於山 歲 也 母與吾父母展 於江南崑山 先 知矣。 與 東 先祖 祖、祖 張 齊 氏 東縣。 像,亦 先 表 先曾 母 祖 合軸 拜, 方 像 祖 相 殁 相 皆 傳 像 面 今視 後 未 先 皆 畫

前

頤

謂

爲

聞 至 謂 慶州訓 年,失已久。 吾 莆 父 吾家 中 桂 導 奉 房 有 進 出 直 也 先 取揭 莆 大 代 前 田 夫 自 像 八年 陽人持所藏 中允 一桂 册 先世自宋六桂分支, ٠, 方 而 府君, 禮 綱 吾 部 視 家 員外郎 級册請 廣 凡二十三世。 遷 東 北 學政 題, 幾三 處 厚公 則 百 所

母」字、稿本作「每

年 隔 世 函 蒙恩贈祖父中允時, 十世之容貌 數 像不存, 綱 諫 秋 世者 極,欲報未伸 拜 議 克早 於先靈,敬 始摹 而 士兼禮部侍郎 猶將 命 寫 無 三代先人像 Ė 得 遺 得 摹 補 感涕 聚於册 容 故 IIII 之, 闕 奉無斁焉。 稱 摹 , 蓮記於此。 爲 而 中 而 凡 也 何 允府 僅 念 ,以垂 + 禮 如 六 得 所 君。 四 部 耶 幅 嗚 之追想者,其 生 幅 公 爲後 ,況方綱之 示子孫, 呼 其 高祖已 爲 以 後 此文撰於方綱 晉 前 下 册 先 贈 册 皆 資 E 子 總 政 寤 不 孫 數 大

家祠畫像册後記

祠 霔 霖 敬 而 年 偕 既 續裝册,合前 其兄子 应 月 畫先像於 吏 \overline{f}_{1} X 蘪 日 都 以選 也 凡 摹 册 拔 之後 其 祖 人 明 像 承 都, \equiv H 四 + 册 年 霔 幅 前 霖 時 莆 來 中 乾 中 禮 奉 夕 降 族 部 於 四

> 禰者爲 尊祖 我翰林 承之! 母 委者, 禰 義 前 始居莆田,爲莆始祖,摹於册首者,大宗之 見者三: 之喜可知已。 至,家庭聚合之樂,科第 處,皆以 教諸 册 也 也。」是册 之義又如 小異,蓋 由 公、尚 小宗。 《禮》曰: 此 四月十二日方綱 散騎公、二桂、三桂公也。 ,克有成 本 進 自 ·爲是 摹 書公以 此十二幅 此 補 尊祖故敬宗,敬宗所 手 孝: 「别子爲祖, 闕 偶 立 也 豐 以 公 次 不 令霈 方綱之不 加 圃 方綱 同 列 已見 殫 聯 謹 下, 焉 霖 翩 心 記 得 餘 六桂 家 繼别 前册 之 今 考 翰林 亦 肖 樂, 乘 其 悉 間 者九 具. 爲 仲 以 散 先 切 本 有 何 尊 騎 像 敬 以 氏 支 小 祖 源 龃 而

● 文末,稿本有「乾隆三十有九年八月九日方綱謹記

先祖祀齊東名宦祠記

試 以 成 之儲 昔 萊 斯 父年 無算 七 均, 邑。 勗 蕪, 年 濟 丞 有 至今猶 南, 後人。公卒後 、寸椽之庇 陞 四 江 先 家益 再署 清 南崑 卒後 知 祖 先父體 年 廉 攷 單 以 知淄 在 貧,操益 專 邑人賻 明 (海神 康 縣 值 Щ, 也 祠 翁 公清 ,未之任,卒 熙三十 歉 川、又嘗護 士公請 姓氏 公」。 前後將二十 歲,鬻 及先父歸 金 泣 介, 八 節 十五 册,其名 八 m 四 鳴 每 卻 祀名宣 志之。 白 衣 年 佛受。 舉先 呼, 物 年, 理 於 丞 請留 里 年 以 知 解 齊 公 宦 孫 祖 祠 賑 武定 官 東 之積 公嘗署 以 寓 祠 方 而 在 民 諸 是 神 緇 無 應 官 斯 至 州, 試 勤 儋 位 來 時 生 時 所 四 邑 於 按 事 貢 石 合 知 於 先 活 + 大 凡

公諱麐標,字孝定,順天大興人。先

提 侍 政 父 諱 督 郎 大 夫 山 大 加 東學政 德 級。 淵 字 閣 希 孫 乾 舜 直 男方 隆 閣 號 綱 五 事 純 謹 十八年 内 庵 記。 閣 今 夏六月 士 並 兼 誥 贈 船 資

彝齋四圖記

庵《漢 彝,故 爲 先大夫命此 狀 彝 明 帖 主人 相 》墨 是是 清 齋 作 類 也 有 河 宋趙 彝 書雋》之書,故以 蹟 又 以 張 0 如 元 齋 號 彝 也 此 氏 子 義 而 四 蘇 齋 四 二字以 固 子 興 圕 庵, 予 世 自 號 所 王 於諸 乾隆 亦 一鑒賞 號, 彝 子 藏 其 勉 以 齋、《定 明 蘇 明 鄭 賢 庚子 之, 一面 藏 家物。 年 文 蘇 元 無 蘇 忠 齋名其 而 米庵之父 祐 能 書《 武 適 喜 書 所爲 爲 蘭 得 子明 乞居 讀 屬 ^ 役 亭》 天 手 羅 居 浙 記 搨 應文 曾 際 然 常 生 落 X 者 落 鳥 幼 州 得 兩 陳 水 事 也 之 號 水 時 牛 奏 本 峰 蘇

研

蘇

室

銘

記

北 子冬,得 展 以 施 願 海 蘇像,俾 公堂曰「寶顏」,而未以蘇名。 香堂帖》二十八 爲賦詩者 玩 楹 室之後六年,始 而侍其旁,然未嘗名齋 顧 以 飅 「寶蘇」名室。昔陳眉公裒輯 蘇 予年 注宋槧殘 陳 姑 適得 文 齋 王麓臺圖之,始有蘇齋之目,查 蘇書《嵩 孰 /學許 名書 + 帖 也,而 歙 九 研, 本,益 室、竊附 廷 東 日 卷,可謂 輯本也。 陽帖》。 坡 書此扁 銘記之屬未有傳者 課 黝 書 澤 一發奮 誦 私 而 摘是三字 漢 勤且專矣。 也。 於所居 淑前賢之意。 宜墨 自勗 癸巳冬,得蘇 文學號 **>** 蔣樹 宋牧仲 於蘇 蘇 己 蘇 千字 書成《 蘇 亥 米 存 庵 而 元 齋 亦 墓 詩 之 始 夕 初 得 蘇 晚 戊 則 眉 明 子

> 異哉 笑弗 於研 至此也。 宛然,博厚中 成字 耶? 甫濡 党先生 也 紙於研背 雖 - 具筋 善蘇書者 默使之成此室 己 ௱ 骨 揭 , 圃 迥 去 朱暈 非《姑 其 百方臨 紙 而 濃 孰 又 則 漬 摹不能 親 帖》本也 石 滿 爲 上三字 石 書 此 自

冲微 之。 見聞 不 書,而但 麗,非寶也。 王僧虔、徐浩目蘇 墨相得之理。 忠可無譏矣,而但 色澤者失之; 文之可鑑 心則實之,資於行事則 知其激烈叫號也。 前 予蓄硯 予於是竊有感焉: 則實之。 取姿媚者失之,人之尚 不見其奔放; 不多,不敢輕説 石之資用也莫 於書不專嗜蘇 其耳目 書。 取其激昂豪放 然而 但知其平實純正, 於詩 之翫 寶之,能助問學、廣 凡室之中有益於 賞者莫如 所謂 則 好,器 硯 如 但 而 砚, 寶者、敬 友 見 未 而 者 物 其 敢 頗 至 詩 而 抑 之 深 僅 喻 蘇 筀 但 又 失 巧 至 文 法 取 身 石 而

初齋文集卷第

復初齋文集

八〇

豈 敢 勿 僅 歧 失 以 惑 謂 銘 也 之 研 謂 寶 一之實。 也哉 念 Mi 弗 是 釋 7 所 謂 之 以 銘 寶 諸心者, 慎 思 而 而 弗

二老話舊圖記

予意 涿 兒 暇 以記之。 墓,輒過 晚 廣 而 、十矣。 與 於 爲 年 作 後 東 欲併 歸 連 也 數 陸 扇 也 里,居 家 頭 州 日 予齋。 是 直隸 明 四 老年兄弟能 立 話 予復得訪予城東羅家 予亦題之,因 兒 日 日 Ш 郎 於涿 舊 樹 陸 繼 陸 名 州 予二人同癸丑 圖 鎮 庭柱, 崐 郎 此 知 学,子 州 皆 堂之子光 屬 同 州 寫 相 友 寫 與 每 乾 湖 於 聚 摹 之兆 以 清明 楊立 隆 南 話 此 締 癸 二老同 燧 岳 因屬 畫者, 匆匆未 云。 數十年後 節來都 Ш 未 生,今年 恰來共話 州 表弟 井舊 府 進 友寫 立 話 士 通 拜祖 Ш 同 一,官 居 判, 皆 還 大 此 話 四

> 陸馮 切爲 予 并 與 稍 巳,乃與立山 讀 於 陸郎皆偕 在後數年 至 文。 此 育 林」之句, 書 於 嬰 陸鎮 堂 東偏 又與 往 也 幼 兄弟聯榻賞析,故予詩有「丁 堂 焉 天衢 肼 馮 書 時 ,予有詩記之,併記於此 城東訪舊之遊,受堂諸郎 讀 室, 鶴亭、丁受堂 相 書 族弟 始 過 處 與 訪 藴 表是 天衢、鎮 乾 齋。❶ 隆 相 戊 林 過從, 辰 明 堂 天 年 相 衢 子 又 己 劘 讀 與

底本書眉"「按"『蘊齊』下疑有脱文。」

復初齋文集卷第六

門人侯官李彦章校刊大興翁方綱撰

友善堂記

予視學來江西,日與中丞山陰何公研

尚 以 善而 學官弟子不我鄙棄,庶幾聞過而改焉, 求治教之方, 面 君亦將來館於此,皆直諒多聞士也。若夫 爲詩以賀予,而太學生江陰曹君、歙縣 陰夏君、嘉興吴君、皆下榻於堂之南軒, 中蓄數鶴, 證於何公,此亦應求攻錯之義也。文學江 士,酌法意而劑寬嚴者,將隨事體察,時 之前,顧 聲 其義始於二鶴發之,故書記於堂壁。● 書 應而 遷焉 新安曹公視學時所 友善之名而 則 以心孚矣! 堂故有扁,今户 以其 何曠乎九皋,何邈 切 磋 二來贈予,予 箴規之益 思義 題也。 焉。 因 而 蓋 乎千里,不 蓋予之課 蓄 何 於 至今日 公 斯 廨 凌

● 文末,稿本有「乾隆五十二年正月十二日北平翁方綱

蓬 記

字、三 文,於 之句 柳待 以 援 愚 嘗 手 摹 中 先生 騆 合,故合二 圖 此 越 爲 銘 此 嘉 \forall 題 州 淵 制詩》手迹,有「岐原 「蓬」字出處,不僅 世。 一字之説,史家、 無吳映 今日 先生之 言而定,從來攷石經者 蓋 午冬, 映 洪 穎 遠 文 騙 先生二十 事以 談藝尤 茝 稽 郎《論語 寓 惠 騙 予 意蓋 齋,可 隈 故 輞 名 視學 兩 江 111 事, 是軒。 文學 切 在漢 四 乎? 近擬 》、《尚書 陰 名其 南 著録家聚訟 世 館 所 人, 昌 其下 石 唐 孫,實藏 己 周 謂 於 時 閣 茝隈 一經也。 又與 成鼓,闕 Ш 廳 竹竹 日 =一字,避淵 呼秘 則 之 皆不及 有《竹里 刻於家 《鶴銘 蓬 里」者, 己 江 東 紛然, 先 里 昔者 萊」, 陰夏 Ш 軒 生《寄 魏 精 日 也 碑 讀 相 取 時 映

予所名

也

又

西

則

雙清館

爲

臥

其

前

其

前

蓬

鶴

雅》之義

爲之

0

谷緣者,即谷園

也

先 生 諱 耳

記。 故仍取《易・中孚》、《詩・小 也 凡 谷 新新 五 其 楹 江 安曹侍郎 (西五 西 屋 ,昔吴荆 學 롭 楹 使 日 廨 山先 易今名。 静 廳 香 事 生題 齊 之

日

德

鄰

堂」者

予

蓄

雙 有

鶴

其

間

後,

東

爲

友

善

香簷前. 山 静 誦 鶴 藝,凡十有八日,於九 習之 軒 也 香 老 五 己酉八月二十日,集 木筆 誠 西 楹 桂 室二 , 兆文字之祥乎? , 其 四 一株,春作花 年不 徙倚 間 ·花,而 坐 東 室 圃 月 擁 今始 而 前 九 諸 書者 觀 日 生 今秋 插 花,豈以諸 故 繪 於 「外則 架 畫二樹 此 此 再 圖 校 花 謝 經 生 蓬 譚 静

宜 鶴 爲 西 者, |則辛 魯 内 純 覃溪 之, 敬 傅 堂 東室 聽 也。 也 珊 則王實齋, 也 畫 友 者 一善 萬 蓬 之西 鶴 殿 東 卿, 丽 室 中 執 名上 則 筆 有坐玩 吴 勘書 遊, 蘭 雪 雙 者

巽 齋 記

恥 淵 爲 不 執 宋 日 微 知何 於 獘乎? 之爲獎人 儒 獘隱; 之學。 今之爲 闕 ,孰從而濟之? 吾嘗抉 百家之不 也 疑 ? 夫百 執之爲害小,而 知之,通之爲獘人 經學者約有二 其受獘之由 其獘 是二者皆意 日: 齊」,則夫 家之説 通則. 又 有二端: 故執 無獎矣, 至 氣之爲 難 旁 日 之爲 通之爲 端 [果於 通 齊 不 日 顧 也 訓 獘 執 知 何 也, 前 漢學, 自 故 顯 害大也 以 是, 日 鄭 而 通 通 絜 氏 通

> 者必鋭 矣; 丌取 情而 之也 免於執與通之兩 人矣,此之行 務其變,虚 以 曰 : 散 故於其將南歸也 稱 薦 然 嗣光,虚 齊乎巽。」聖人之觀 加 齊 而 一, 故 m 期 而 之 隱 顛 必 人皆蹈 事之行權者多變。 4 斯不 能 取 於齊 權 不 齊也者,言 心 也。 具,齊之用也, 而 乃 乘 失而 此 之, 病於通 守 其 口 橈 而 ,而 一鋭,此之善 Œ 以 乎 乃 不 適 行權 申是説以 者 愈 悔 物 風, 於大道 矣。 萬 也 者 也 不 物之 其 矣, 斯不 能 夫物之 命以 至 使物自 則 入則 書齋 矣。 夫然 於 齊 期 爲之記 潔 病 矣。 守 申 必 齊 善 於 於 後 新 真 IIII 見 以 IE 也 城 執 風 其 齊 不 口

西涯圖記

齋 爲 作 予 · 昔得 涯 圖 西 涯 以 種 意 竹 擬 詩 度 卷 爲 之耳 屬 廣 濟 関 IE

城 考》, 遠 今年 卷 + 可 詩 德 年 即 矣 勝 子 若 秋 又 今 門 因 得 合 梧 積 與 屬 沈 門 璧 内 水 江 石 矣 司 寧 城 潭 \blacksquare 成 而 所 北 E 也 爲 西 安門 爲 春 子 涯 波 既 言 西 地 定 爲 而 涯 址 其 作 所 梧 移 仍未、 章 圖 居 門 竹 法 距 大 圕 撰 之攷 西 局 而 ^ 西 涯 以 與 西 外 涯 不 前 涯

月

身

柳

猶

游 於 錠 北 閘 灣 是 東 謂 南 故故 此 橋 橋 李 鐘 則 海 其 之南 子 樓 公 德 西 以 北 東 而 涯 勝 橋 則 矮 安 積 積 月 灣 橋, 也 屋 號 月 門 水 橋 水 也 文 橋 潭 之 外 德 潭 又 其 正 重 之 大 東 勝 西 之 北 際 故 樓 西 門 則 橋 南 西 北 稻 則 居 慈恩 水 也 則 涯 則 今寫 \mathbf{H} 在 稻 略 關 是 銀 而 焉 得 田 寺 光 之 又 其 錠 叢 北 其 舊 北 橋 内 橋 竹 其 童 蓋 概 址 爲 屋 子 於 南 法 文 又 梧 而 宇 鼓 此 時 門 是 東 則 華 正 已 樓 隱 所 誕 爲 楊 寺 則 云 丽 釣 銀 當 其 鑾 4: 又 柳 所

> 歷 灣 想 朔 其 之 記 像 旁 地 杏 初 是 梧 白 梧 門 門 詩 唐 指 龕 東 説 在 江 焉 而 諸 作 之者 春 唱 波 詠 王 處 T 子 巳 蓋 mi 未 楊

古

下 裂 子 李 其 睨 更 秀 人也 ·, 搆 以 爲 侯 地 也 幽 懋 新 柱 有 明 齋 州 蹤 侯 友 砥 礎 從 董 北 於 喟 跡 人 日 生 化 海 0 之, 置 寢室之右 好 然 邵 古 鳳 黎 所 而 古 碑 興 墨 生 瑶 元 則 書 不 舊 者 歎 按吳匪 齋 īĒ. 古 ^ 用,推之 深 在 魁 雲 礎 納納 \pm 寓 、惜之。 官解, 、按歐楨 摩 庵 敬 存 書 礎 美 記 將 齋 焉 時 良 Z 辟 瓦 軍 不 記 由 鄉 伯 間 礫 近 董 尚 碑 以 知 詩 **令**, 復 略 中 實 閩 \forall 語 中 何 屬 司 云 脩學 人。 稱 雲 辇 宛 時 丞 藩 過 邵 出 至 平 者 麾 校 往 孺 良 爲 都 **\$** 松平 不 官

舍人。 惟 記 吉,皆同賦《雲麾將軍斷碑歌》者也。 監博士。 布 敬,號瑶石, 作於萬曆六年戊寅夏六月。 歐博士集中嘗與李宛平 政 司 歐大任 是時又有盱眙李言恭、亳州朱 蔭,字于 字 廣州從化人,時官内閣 楨 暨歐 美,南 伯 子 南海 大 陽 唱 任 諸 和者 黎民 時 工 君 官 歌 也 表, 國 善 中 以 子 書 字

六礎 董文敏得宋拓殘本,是未作礎 雲」三字。 福 額 之名,觀者憾焉。 十八字,綴集成句,訛 大梁,今僅存二礎, 百字。 禄 鄉。 李秀,字元秀,卒於開元四 共 存百 是碑,逸人太原郭卓然摹 劉侗《帝京景物略》云: 而 其後少京兆王 戲 八十餘字,碑 鴻堂摹勒四 予去年於吴門借摹董 可辨 失頗· 一惟儉 者 多, + 首尚 數 七行、三百 + 攜 且 以 年, 不著 其四礎 李蔭所 存 前者 字 勒 葬 一唐 而 是 范 並 碑 之 故 得 陽 題

> 故,資藝林之攷據 李侯之舊觀,存北 字,乃倍過之。 成 吴記所未備云。 六十有三字。 本 暇, 雖 0 侕 未全,恰與 雅 滴 稽 武 古 谁 以視昔日 予爲重書「古墨齋」扁 蹟 薫 ,並撮述黎記大略, 海之妙蹟,紀都門之掌 鴻堂行 麓 勒 胡 李侯 子 二石, 數 來 相 知 所得六礎 等,得 宛 去 平 其 以 泐 之 補 復 蝕 政

帖》,不 函 同 碑攷》目爲小雲麾 輦至宛 謂 姓同 趙 是 碑 著 臨 平 書人同 與 碑名, 者, 八陝刻《 廨 誤 而 故 但 也。 雲 劉 稱 碑者,誤 麾 何《帝 諸 北 董 家 將 海 文 易 軍 京景 書。 敏 也。 於 李 刻 牽 思 物略 碑 而 混 訓 陳 碑 由 ^ 鴻 良 子 趙 子 鄉 文

「年」下,稿本有「得」字。

郡。」 刺 唐 載 改 萬 反删 不 不全之文强 巾 此 最 史。 知 年 曆 載」者,誤 去之。 銜 得 詳 碑後 此 • 李 爲 爲 趙 六 中 地理 稱 以史攷之,是年 爲可 字耳 碑正 而宋 明 미 載 年 掘 亦 「年」爲 邕 ·書「天寶元載歲在壬午正月 疑 減《金 。」今此 地 志》:「 不 而 珍 是天 集 得 人《寶刻 如 ·載是官 吴少 也。 也 然黎記 之 圃 北 爲 石 (實元 者 句, 滑 海 碑元年正 録 靈巌 載 京兆 董 累 州 崇云 系 誤 類 而 刻 轉括、 年所 ·正月 竟改 天寶 賴 凝頌》世. 銜 當闕 於中 編》於 也 記 鴻 此 靈 堂 立,當 稱 1 云「天寶 明 碑 月 ^ 昌 間 淄 元 疑 四 嘉 無傳 未 皇 古 與《 書 立 郡 年 口 耳, 靖 朔 天 黑 滑 人 即 -更名 太 資 靈 本, 而 t 寶 間 齊 守,《 \equiv 圃 系 是 考 三載 無 稱 者 記 _ 滑 州 據 改 惟 可 元 頌 州 昌 刺 爲 舊 疑 在 處

以

今此字稍 巌 董 日 《一年》、《一年 此 北 刻 原 字 皆 碑 本 肥 海 鴻 銘 ·所有, 舊 内「公曰 闊 泐,未摹人。 方 書 麓》二碑, * 蹟 如如 而 尚 帖 詞 也 扁 存 至 今 日 中 」字證之, 以 古 人所寫 己已 序 語 間 蕭 其 意 末 空 日」之「日 一詞 如 條 處 「其 此 一語 古 曰」皆是 尤足徵 爲 矣。 人寫 皆 詞 日 以 蕭 日 」之「曰」,不 北 皆窄 蕭 意 「日月」之 北 如 海 爲 海 日」字 書 此 m 空 尤 長 誤 靈 此 即

知

鐫 是 乃 碑 本 其 碑之文,則 貴 真影者 其 董 實 失 文 拓 東 拓 準 北 敏既得 里、 者 量 矣 海 ·; 中 舊 此 宋 筆 也 多 粗 且 拓 子 意 宋 圃 誤 具 原 世 函 拓 悉 筆 大 本,信 今愚 所 殘 皆 從之, 鈔《 略 本,又 圃 妄 紙 謂 全 爲 而 墨甚 又 此 唐 陝 北 附 得 付 雖 碑 以 海 文 亦 庸 宋 勝 此 妙 非 E 蹟 文 刻 於 敏

非

米書藥洲石記

移立廟堂碑記

其

顛

末,

亦

庶

幾

足

信

門下 也。 曲 祖 康 謀 日 在 知 所 1,見其 阜。 得 Ш 里 移 城 勒 本,實在王節 傳虞楷止 湮,今惟王 於何 以 ,左右以 東巡 氏 置 武 今嘉慶 孔子廟 永 所 曲阜宫牆 縣學,而 碑 藏 年,元 撫陳公, 傳,並撰《廟堂碑考》一卷,梓 厚 Î 唐 此 二石 堂碑 僅 一彦超 刻 爾。 H 四 知 至 度 原 而 柱 預 者甚少。 IE 寸許,日 聞 重立 所 又有宋 本 未果 輔 間 飭 虞 曲 祖 - , 始知 定 所 世 之,敬書記 阜 本之前 石 也。 南 司移此 脩 時摹 在 陶 久恐益 昔在 城武 撰 革 陜 濬 其 並 聖廟 河 刻 西 後 亟宜 石置同 Щ 書。 石 於其側 銷 得 碑 一石,不 得 刻 東曹州 蝕,擬 之, 見 因 移 所 唐 於 刻 文 致 立 元 世

移太 伯 此後接任 得手拓諸 務,不暇在 煩移動也。 壁、屬爲之記。 丁丑春因 屢謀移歸 學使署。」乾隆 遊,元祐 云: 云:「此石 康 公久 湖 廣 今於趙公葺亭,安得不記 樂 州 石 洲 丙 札致 學使 八已建 一諸 而 題 也, 不 寅 米 署 未 且學使者終歲以 君 知 季 黻 剔 並 藩伯武陵趙公,始知前 石 廳 果也,今五十餘年矣。 甲 子, 亭覆 何 春 此 元 撰 石。 上 後 申 時 初 (《藥洲 則米蹟已妥帖安置, 章 實有未及 九 ,予視學來此見之, 置在 多 護之,今趙公新 八日題。』《 予八年三任於此, 題 曜 宋 石, 布 時仲 考》二卷以 人 政使署 題刻 相 杰 公詡 按試諸郡 傳 廣 見 南 州 ,宜移歸 其一 諸 積 漢 識之。 府志 題 葺 任 嘉 中 時 爲 亭 藩 慶 石 刻 百 所 無

八七

楷,以 字,非 同 浛 海 丙 其名改寫「 丙寅 (英光 異,尚 洭、 碑 寅,與「黻」字正合。 元 \overline{H} .侧 祐 字皆米書也,觀者 八月,此在季春,何疑 集》百 必 焦 臨桂之先後,蔡天啟、方信 米題 内 盡 Щ 待詳 有 寅 出 芾」,在元祐 瘞鶴銘》 卷,久無全帙。 宜 楷 m 米 譜 法,正足 疑之。 記 書、蓋因《寶 者: 予嘗撰《米 側米題,匡廬、岳 。且世傳米書罕 或 不知實章之録 미 譜 六年辛未, 以 以 此,是「藥洲 勿岐視矣。 此 且以 育待 之有? 石 海 岳 後 米老 儒 訪 司 則 年 紀 自 麓 見 譜 述 歷 米 游 此 北 īE. 題 之 什 老 在 亦 題

野 誧 記

所 飛 伯垂釣於此 在 平 甫 則 門 外 其 土 裕 後 里 軒 爲 釣 圖 魚 丁 塞 氏 臺 里 玉淵亭者 址 先 一,昔 生 金 養 人王 疴 也 之

> 乾 使 灑 結 日 塗 屋 廣 : 苑 隆 治 東,八 ,與先生攜 二十九 吾他 歸 圃於此者四 過 日於 年 此, 年 圃 四 步 此 歸 手 月, 結 歸 而 [年矣。 語 屋, 尋 方 而 甚 水 先生 綱 可乎 快。 源 從 ? 先 抱 其 先 生後, 疴 生 秋 是 已五 謂 方 H 綱 微 方 侍 奉 雨 綱

西

廊,東 者 袖。 荷 欄 勞 亭 望 過 折 土 數十 也。 ,可謂得養性之方矣。 東 Ш 而 阜 諸 其 西 屋 少陵 ௱ 向又東爲茅亭,亭南 木 春韭 柄。 南 在 二椽,上有小 畦,鑿 坐 則 叠 離 圃之中, 詩 臥 新 秋菘, 石爲 毎夏 門也 而 可 井 疏 致 總名之,所 引 官 月出 臺, 門 **饜風露之氣** 者, 樓與草堂之所得也。 南向三椽, 泉, 渠 樓日 臺 外 也 而 下 方池 步 交響於菜香之間 方綱 Ш 土阜 横木 謂 其 椽,北 雨 積 野 1 日 既 樓。 而 水,沿 高 一,傾 圃,泉 菜 爲橋、橋 記 無 下, 香 露 向 先 擔 南 草 帰 生 負 自 而 滿 折 迤 東 爲 水 下

裕軒學士從獵泛舟二圖卷記

及,而 其 居 四 舉人,戊辰進士,官翰林院侍講學士,充日 崖 川鄉試 巾 平生行役登眺、館閣唱酬之境、皆所 詞 起居注官、《續文獻通考》提調官,山 ,又號枝巢, 垣者二十年,養疾家居者十有八年。 獨 繪《 考試官, 圖 從 塞 鑲 里 獵 ,再充會試同考試官。 紅 先 × 旗 ^ 生 泛舟》二圖者,述 滿 洲 圖 布, 乾隆 字 其 弗 西

第 起家 命 先生家世駐防秦 中之技最所嫻習 ,備官侍從, 隴 m 邊 平 關 H 又 之 媬 精 熟庭 地 研 或 先生以 訓 書 於

> 地畝。 積水, 六十有六。 歲築延 講農課, 夜,時棹一 金人王飛 則又能 根本,克勤 場,夜草詩劄,皆如 字用墨之法,是以 野圃 沿 一寧庵 以今年八月二十八日端坐而逝,年 翛然物外, Ш 而東過土阜則 其 伯 艇,賦 職 僧究禪 爲 屋 垂 業 葬 釣 如 菜香 地 處 小詩 此 每 理,得養性 卜築於郊 也。 ,自爲文勒石記 其 當 草堂、籬門之外方 以 所 扈 而 官 有茅舍八九椽,題 自 素習。 蹕行 迨於抱 適。 渠 西之釣 之術 也。 蓋其 間 疴 花辰 焉。 其屋 與 書 魚 屏 野 馳 舍 池 串 月 圍 晚

爲之記。 爲之記。 以二圖、先生親命筆屬安邑舉人宋葆

文末,稿本有「乾隆四十年二月十三日記」。

小滄浪記

濟 而 而 民 南 西 樂。 北 明 運 ,境愈曠, 使 湖 渚 之北 雨 窗 面 故多 阿公既 渚 眺 愈遠, 於 植 是 建 蓮 事 鐵 蓮亦益靚且深。 自歷下亭沿葦 舉 公、佛 丽 人和, 氣 祠 蕩 舒 於

北 北 謂 而 花 不 迥 加 祠 橋 者 溯 氣 廊 渚 水 浪浪,實 之隅,若天造而 當當 洄 摇 之徑,今皆 遺 高 爰因築祠餘 面 帶以 址 即 歷 懷 暖 面 彎 古者 斯 於 則 城 下 鼂 半 地 橋,有亭翼然,有臺豁然。 諸 南 无咎所賦 歟 興 陂 攬 邑 亭皆在湖之南,不足 千 I ? 歌 峰 -佛諸 七十二泉之勝有 不 ,度面勢,構 影之 神貽之者。 偂 可 前 沿 盡 山皆 人 北渚亭應 棹。 間。 一致,獨 八所謂 在 昔 謁 几席, 軒檻,周 百花之堤、 此 漁 祠 雨 地 更 洋 者 窗 餘 得 以 先 在 載 水 於 其 生 香 以 酒 地

故書此以記之。

硯

Ш

丙

顧 資 惓 載 歷 郎 也 政 中 有 於 惓 其 述 不 欲 公 於 治 外 庵 峰 宋 硯 擴 之南 先 縣 石 葬 丙 行 四 淳 於其舊規者,示不忘 之 生曾祖 後 Щ 舍數椽者,懷資 + 煕 學 爲資 築 西 百二十餘年,先生光 間 餘年矣, 士大夫誦 宮者 有 鐫 政大 也 硯 尊 是 山 邊 夫 先 華 也 其 徼 生以 王公墓 字, 勒 政公之遺訓 文章,而 北 越 其 進 先志 所 爲 絶 士起 動績,封 獅 ,今刑部 謂 子峰 而大之, 也 尊 先 所 生 華 也。 獨 侍 敭

文末,稿本有「乾隆壬子秋七月北平翁方綱撰并書」。

山

遠近

襟帶於此

西

則

梵

香

南

棲

丙

舍三楹

背

獅

峰

而

面

靈

嚴,吴

郡

諸

九〇

矣。 雲閣 紀其 而 加 相 桃 於石 述庵 勝。 依 梅 ,青藤覆 之華,秋而 將 他 住 一僧奉 南 日 簷,漾以 歸 談 其廬,子弟讀 硯 丹黄之葉,杉楠相接 屬 Щ 方 蓮 者,又將以 綱爲之記,故 漪 一,夾以 其 細竹。 書 丙 一,詩 舍 傳 巖

漱芳西室記

稱。 松 之旨,可勝 筠 今筠樓又體雨三之志,奉母以教諸子,長 長,況又以天 藝」之言。夫人生惟詩書文字之味歷歲彌 故事,而士衡二十作《文賦》,已有「潄芳六 樓之兄 於庭 蓋自二陸居參佐 漱芳 西室者,翁子筠樓思兄 ,瑞草茁於階,使人孝弟之心油 雨三、名其 既 乎 倫敍樂之思引而長之,六藝 .! 雨三爲廉吏,有令子, 室日 麻 ,遂以東西爲 潄 心芳,故 丽 兹以 作 兄 也。 西

> 其在 也。 義也。 結實、奉萋 東,成實於西,芳之爲言,又萬物之清粹者 華 然生也。 於邦國,則爲善氣仁風之感被。 īĒ · 兑,正秋也,萬物之所説也。」《莊子》 以爲漱 得秋而萬寳成。」是室也,一 梧之初引 其在人則 載籍則 此 藝者也。 而茂密,則在乎秋。 八爲道 則 芳潤之實 也, 爲 德之光,其在家庭推 美質,其在事 得春 吾聞之也, 氣 (理,非 以祭 所 萬 則 名 《易》曰 此亦 及其 物 謂 爲 新 發 摛 懿 西之 生 梧 藻 而 於 蒼 至 書 掞

可 近族 同 謂 登 子之休枯 進 所罕有。 成 吾家 + 實 於西矣。 筠 桂 " 胥於 樓又以省試第 房 而 後代 雨 筠樓 = 往者 有 平生未 收 聞 雨 其 人,至雨三兄弟 三成 罄之 功 一人起 丽 進士,南 藴,奉母 食其報,

「既」,疑當作「慨」。

三李堂記

可。 謂 十六體,以紀年輩則可耳,以示後學則 稱 以 可無一言記之也。 今作者,而適聞子青以三李名其堂,是不 山、杜之的嗣也。吾方欲準杜 温、李,固已失之矣。義山、柯古之名三 「温李自鄶」也,然此 三李名堂,噫,淵乎奥哉 厥後漸乃波及西崑,供 金子子青瓣 然則義 香太白、長吉、義山 Ш 孰 可與並 亦非放翁之過,世 人撏撦,則益 耶? 曰:義 法以程 吾嘗怪放 詩 不 翁 而

> 此堂何名三李,仍即共此蘇齋之師杜 端倪。」此其不似而 義山有曰:「李杜操持事略齊,三才萬象 者,皆同格調耳,惟少陵與太白不同 已,故予於是堂不可不述吾意以爲記。 養,得三家之所以然,而勿襲其貌 義,豈子青臆説 力行之,則杜法何遠焉 韓徒也。 唐 賢 昌谷之從韓 乎? 近 杜 似者乎? 吾故願子青 者 1 莫若 出 自古詩 實 昌 此三李之 以天 深思 也。 並 而 共 則 稱

二硯齋記

耶? 坡公曰:「吾兩手,其一解寫字。而「一即三,三即一。」是果用《維摩詰經》語野雲朱君蓄三古硯於櫝,予爲銘曰:

文末,稿本有「乾隆四十三年夏閏六月四日方綱記」。

銘 壞。」 精 側 則 野 此 漓 驅 縮 有 mi 趙 笑 雲 則 萬 神 臨 有 元 鄭所 銘 凡 硯 坡公曰: 持櫝 留 ,遂書此 所 氣 象, 玉 寄此 背背 枕 夫有 即 何 南 來 本 有所 硯 以 硯 銘矣。 以 自篆銘 以 即 即 舉 一硯者 多 「真硯不 四 補之。 爲記。 三、三 グ爲?」 似吾 南臨 人 周 也 宋鐫 皆 而 矣 「齋 楔帖, 即 故 相 朱 損 客 是 坡 從 君 曲 日 則 葉 也 像 而 歲 水 一、一、朱 以 依 豪 一之説 前指瓣 真 融 十指作煙雲, 久 流 然二 Ш 再 硯 液 磨 觴 君 硯 購 也。 不損 出 失, 圖 一君子之 此 香 有 以 一之,淋 芝岳 相 也 屬 圖 備 是 視 日 子 兩 損

愛蓮堂記

蓮 石 之堂,時 Ш 房 歲 詩 酉 崩 即 門 予 東 人 按 坡 謝 試 爲 李 藴 九 常 江. Ш 兄 游 訪 弟 鹿 濂 作 洞 溪 記 和 周 者 其 子 也 白 愛

> 攷其 臣 峪 予 謂 而 不 重 口 而 相 因 也。 李 李 可 建 不 照 將以 氏 復識 可得。 氏 映 慨 光 讀 每佇思 華實 而 然想見昔人 伯 霽 斯 書 矣。 仲 之所 堂名與之合, 之亭,予爲 李常兄弟 而 其後九 畤 五 探 來問字於予 櫝 今忽忽十 老峰下,徘 源 求 箴 所 者勗之, 江 讀 可 皆以文學 書扁 謂 也,將 書之勤 南 寶 有 亦屬予爲之書扁 康 (陀巌 徊 二年 以 子 並 而愛蓮 不 郡 敭 作 附 因 與 能 楞 守 蓮 舉 ൬ 歷 名 書 去 蘇 之 於 於 伽 出 蔕 得 習 堂 記 池 其 院 輒 見 爲 書 亦 楣 所 蘭 地 者 欲 名 堂

石畫軒記

得 矣 八遍覓 石屏,妙出 藏 好 蘇 手寫 天然, 蔡 之,未 君 謨 真 《夢 此 肖 詩 也 詩 意 帖 嘉 也 己。 慶 將 癸 四 亥 明 + 久 年 年

諸 通 此 耶 句 異 春 句,●蓋江 ? 敷 文 云 哉 蹟之日, 重 mi 第 辭 夢 葺 此 木 茅 倏忽南江 吾還 識 昔歐陽子詠石屏有「神鬼鐫 夢 南 齋,名之曰 畫乎? 難 ,則羅 此 君謨夢境,豈 草長,鶯花 爲 以 石,孰端倪 傳,今竟於造 蘇 浮咫尺, 風 陰,照曜 帖質之。● 軒可 石 畫 名 辭 亦與造物者合 也 北 耶 飛 R 海 ? 化 時 合離。 石 陽。」豈 蓋 神 耶 蘇 畫 晴 ? 力遇 君 孰 陰 鑱」之 寫 從 復 予 江 不 得 求 文 此 契 而 可

及

未

並 蓮 晑 記

有 其 繪 冬,予四兒 、裝 爲 時 圖 軸 而 西之秋 諸 讀 事 之 其 君 樹 應 詩 子 崐 詠 李 締 祥 而 之。 氏 婚 者 爲之記 焉 愛 有自。 甲 蓮 子 堂 因 日 屬 春,予還 花 氣 物之得氣 中 作 即 州 並 理也, 吴 蔕 都, 翰 也 見 林 其

> 即 也 視 平 承 何 如 耳

幼,亦 兆。 也。 吉語 合者善之,先見者也,祝頌者詞之,近 圖之詠之,以 臘 初 即 成室。愛蓮 實 近夸者吾引以爲 者,其爲慶幸不既增倍乎? 適歲 月 叩户來論文,亦無意 方予 甫 圃 冀 豈遑 攜 除,次兒樹 締 其 樹 婚 成此 温 爲 崐 主人爲予東鄰,是 事 之議 肄經書未能習熟,豈 僦茅舍,謀一 就,始 卷,視親賓之集喜 培省親還, 勉,則先見者吾 知 娶 海烏 其 秋此 几之課 婚 樹 而 媾 年 花 明 崐 然 也 年 夸者 當 而 爲 年 讀 作 之 仲 出 好 春 出

至 通

將 邀 恐 聖 惠,叨 其 吾家本寒素,先 得 意之見 爵禄 樹培又繼 稍萌 人屢躓場屋 人詞 李 氏 館 以 造 而 族 物 予 者 得

- 本作「公」。
- 文末,稿本有「嘉慶九年甲子

其精 謙 本 視 于 力 厚,不期速效而持之以永久。 歸 此 勤以益 \blacksquare 極 · 若微 圖 崐 諸 與仲 而 子 一培其 守之 示之以機者,必 姓 通皆日三復之。 甫 根柢,不慕浮華 無 將 斁 烝 乎, 然 有 故書 造 將於此 也 此 我 而 以 而 兩 積 爲 百 家 之 於 圖 其 倍 迨

先 大夫文藁册尾記

寫 州 就案頭手書之蹟 家,呼方綱亹亹講《易》不倦。 夫交最善,工楷法, 尤深 首,又不全者三半篇,内六篇 内 生手評。孟諱智佺,順 州 3 複 《蚤起》前 同 寫 先大夫時文草底 原稿 湖 北 者 興 一篇,許思誠寫,二人皆受業 一首 或 也。 州 知州 , 《鑚之彌 誤 天拔 裝尾 册, 於《易》, 此 貢生, 凡三十 於 堅》篇,王 官 有 皆來吾 紙 孟 Ш 東 後 每 與 穎 先 者 家 東 來 仙 寅 平 時 吾

> 裝 時

薄

庠

先

讀

且

爲 先 生 時。 乾 大 夫者 隆 六 年 餘 則 辛 皆 酉, 方 Œ 綱 九 穎 歲 仙 時 先 所 生 寫 選拔 力

貢

之屋 十七年壬申四月六日,男方綱記。 墜,至今七十二年後始得 望汝 也。 承 時 大夫常語方綱曰:「吾家書香 ,教以應童子試之式,故每戲 五 一、坐南 墨 經於此。 場 吾家僦居正 用 華 此文稿紙破爛, 先大夫熟 縟之習,詩古文皆無存藁矣。 進庠門耳。」其後三年,方綱始 表 向北、三椽。 有小 先大夫日課 於隆、萬諸家 陽門外般若 楷書表 再不裝册, 中間 粗裝此 稿 以 在手蹟册, 寺 小題, 文,而 1須有· 椽, 寫「進」字。 衚 册 誠恐 衕 方 作 最 緇 陳 厭 進 初 氏

九 H.

先外祖手蹟記

謂白 蓄 公之祖 赴 順 未 與 魚潭 夏卒,年七十八。其先世 衣 可 爾」字爲名。 食 題 書 嘗 孫 任 天 數字,今敬裝於册。 魚潭張 主 先外祖 毋 屋 帖 語 退 族 廪貢 壁曰: 及,故 爾 ,然不觀 命二十字爲後 放縱奢侈。」吾家所 谷 一管育嬰堂事凡二十年。 祖 「、梁 也,用「爾」 生,選授 張 行 氏 長 不知其世次 蕉 然國 !; 公諱 也,公之父始入籍順 非聖之書,篤守宋 林 幼内 振 奉 同 嗣 初 爲字。 天 著名鑒 我 張 琮 人取名,前十字 嘉慶十七年壬申 外須 開 家 學曾字爾 字方九 近遠也。 浙江 原縣 有 聲。」故舅 嚴恭和 張 **三藏者**, 外 爾 Ш 訓 祖 乾隆庚 唯 陰 導, 唯 手 順,言行 五子學, 號 天。 而 在 人,所 静芳。 氏 芸 祖 國 即 未 外 多 祖 白 以 自 午 及 初

二圖自記

月

六

日

方

綱

記

乎? 進。 復使 矣。 豈自 尚 熟最 夫 韋 月 幅 屬 初,竟夕自攻 北 以 未 弦 能 友 自 所以漆 戒 自壬 娱之謂乎?」予笑曰 除 歸 江 久 追省過不二, 嘉 寫 抑 者 慶 驕 ,詩云:『昨 西, 知自悔之言往復若此 己 + 又自爲詩曰『畫圖 浮。 佩, 辰 I ,無若粤東之三任、西江 出 派雕 申八 春使 圖。 灰。 褊 都 云,斯之未能信。」及己 此 急仍 途中 去 月, 粤,役竣北 則是十二圖者 客 非 讀 讀 日: 雖 爲 書 未 有 何 7 屢悟 子 瘳。 詩 書 :「此十二圖 子 八十 五 Ŧ 日 始 年, 歸 日 : 一面 二勞丹粉, 寫 克 「憶 對 近何 以 初 此 所 至 依然有待 寡 王 省過耳, 度之辰 以 學 昨 丙 之 悔 君 從 自 午 再 尤。 仍 拜 西 中 娱 九 使 命 最

益 於 言之,不如 幾 省 何 改 世 仍 而 則 日 謂 所 寫 必 謂 此 賴 借 自 此 此 娱 圖 書 而 以 圖 已 省 以 渦 省 亚 调 則 質 樬

嚴,四 也 蠡 攷金石 勺亭,九 方綱謹記 十二圖 |藥洲 五 五 而 者 曝 惟 棲 一滕閣 登 書,十関 霞,六澄 岱 則 以 文,十一校經, 海 一黄鶴 幅 樓,七五 小 樓,三 不及繪 老峰

自 題 校 勘 諸 經

也。 則 而 漸 ,要之以 者 由 是 爲義 欲 程 攷 爾雅 亦 訂 自 朱 之 理 因 外 以 義 諸 宋 也 學 於 仰 理爲 書不 一,其 後 何以 程 窺聖籍, 諸 朱 不涉義理者亦有 主 省,有以 家 專系之經 者 也。 專務 皆背 及其 學者束髮受 析 激 後見聞 本 也 理 成 反 而 之。 鶩 時 置《 E 稍 吾 末 人攷 廣 説 者 攷

意

田

不

既 家 正 路 之 知 、弊 平 樸 學 則得之矣, 之有 益, 博 丽 豊 攷 敢 訂 轉 執 勿 攷 蹈 訂 宋 以 後

以苦 也。 堂。 書, 也。 疾。 吾每 習用 陽之於《春秋 樂》鄭 欲 口 制 徐楚金 而 也 之字, 何爲也。 禄 即 讀《禮》 讀《易》而 研《説文》爲 蓋 敬 嘉 必 ? 攷 興 夏五十畝、 佩 注、《盛德》篇 必欲 齗 訂家以 王惺齋曰:「 斯言 而 尚 齗 所 而必合證明堂、路寢 嗜 如目 憾 傅合之,吾 則若 兼及 講《説 有 陸 博 以 墨 陋 殷七十二 涉 未 見 所謂 元 李資 守 爲 考 其 盡 宋儒 朗 而 文》内 切 盧 學莫陋於厭薄韓、 褅 詳 津 校 州 所 中今日學者之 不 注 彼 畝, 核 之於《易》,杜 説 涘 爲 釋 因 知 别 我 不 之,吾不知 以資問 考 陋 有 與《周 其 無 易 常常 加 未 尚 褅 意 可 觀 ,其於《 用之字。 取徵 盡 丽 欲 惺 更 官》 途, 歸 相 何 及 齋 其 爲 大 明 痼

司

非 朱 實 任 氏 聞 也 有 所 確 考 則 E 據 於 關 贵 前 疑 敢 遽 後 而 平 援 已矣。 歲 鄭 月有 氏 夫 禮 惟 堂寫 失 兢兢恪守聖言 於 定 備 以 記 整不 者 齊 若

自題攷訂金石圖後

子之 好, 於歐 也。 特 歟?」曰:不爲 居 石之足考 學 好 调 激 此非 彼固 客日 奇 答 陽 之 石 子 無 守道 經正 : 語。 以 而 日 白 「然則考金石者,豈其 而歐 其 其《 以 欺 間質 書言之乎? 史固 洪 訂 也,故 續 書 則必處處 陽之言曰:「物 文惠作《隸釋》,謂 證史籍爲專務 法 滂喜篇》仍 然已,且夫集 王以下不足言書 丽 A 考金 致訂 **擴**摭某條某條足 然吾 石 金 未 石 免 尚 嘗 此 耳 録 、專爲 者 好 聚 欺 覺 金 「, 不 無 奇 歐 於 書 石 夫 也 甘 此 陽 所 始 法

> 訂 至於 確 何 史誤 有證 以知史必非 昌」誤 官 者 地 若唐 隆」,似 而 ,偶有搘拄,苟 文足訂 年號「大和」 碑必 此 是 史誤 乎 之 類 古 誤 非 則 時 有之, 無 「太和」、遼 確 미 有 疑者, 其

即 矣,而 鼎、彝、尊、卣於几案間 亦 變之 之古本若何。 而 證 金 力 見趙子固落水《蘭亭》矣,而未知押 本矣,而未知智永之《真千文》若何。 今得 窮 僅 石 遑 史事者,此 敢遠 概 就 文之裨益 書 且即 未知王 精摹漢建 其 法 驚爲 以 涯涘可尋者, 原 易整 委,而 特千百之 順 乎 雖 變 匪淺也。 伯 陳 1 見梁唐摹《樂毅 隸 初 時 所 而 雖得 銅尺矣,而 見 或 隸 可 一二而已。 徐 他 變 循循下學之是程, 忽 也。 其書 見虞書《廟堂》唐 一階以 氏 有 視 海 所 之 極醜 字 證, 乎 來, 猶 論 本 未 縫 劣 則 即 若何。 敢 真 闊 雖 而 愈 惟 法 足 見

器,愈以難信也夫!也,正惟有此建初尺正式,而所見欵識古

蓮本堂記

復初齋文集卷第七

門人侯官李彦章校刊大興翁方綱撰

賈李穆堂原學論

行,必 事 詳論之矣。 以 知 也、二者孰 竊嘗繹之: 同之謂。其言之透徹,雖朱子無以易之也。 ,非篇章撰述之謂,非名物象數、詳略 在所後乎? 良 知爲説 臨 定能行 川李 重? 加 穆堂以此言學,謂學者學其行 穆堂, 知與行,一 ,故不遵朱子《大學》定本,吾既 後 然則《大學》舊 能 則 蓋 知 行 一宗陽明之學者。 無 事也 爲 要矣。 "必能 理 本置知本 也。 行爲 知 由 而後能 斯 陽 於 異 則 義 明

經傳 是所謂知 嘗有能知不能 知者,正即 專以知爲務也。朱子謂《大學》首先格 惟當合知與行而 明所謂良知之學乃正學也,豈不 論 實學也。 之獎而 其徒滋擾 誠 則無以豫定所行也,「當其可之謂時」,謂 法、禁於未發之謂豫」,謂 新,至善之何以得止也。 日間 正《大學》本以格致在前爲愈歟? 曰 身一家之日 意之前,朱子之審定其無庸 ,是與古人所謂學者正相違也。然則 起念誠僞邪正,一接物之公私當否, 義 作 其 乎? 不此之亟 可勿 而 也。 講求其 不能行者也。 I用倫 究心乎? 人必明乎知與行爲一事 行 蓋 者也。 一之,而朱子實未嘗教 穆堂之論學,亦非 德之何以明,民之 講 理,無在非實學 而徒殫心於 乃若穆堂之論,則 朱子之言學,固 其灼知 然則 何者? 乎? 考訂 有 視朱子 「大學之 所未盡 誦説 也。 ·爲矯 辨 然則 . 何 物 析 學者 討 其 未 以 致 再 陽 皆 則 此

忠教 矩。 乎? 其心 道 言行動作以爲去取,此其事可行乎? 甲乙,此其 經書典籍, 故教易施 考,不閱其試卷,而 專於行不事乎 其行即所以勵其知,勵其知即所以策其行 斻 齊、見善則遷: 妄行也 不凌 [藝,既有書册音訓之習,則必矢其 (塾延師督課,每日無經書誦 孝。 不放, 夫然後 研 奚必 蓋既 節 幾 而 化戾改愆之路,祇在勤 而學易 未 有學校庠序之設,則必 相觀 矯變成説 事可行 间 施之謂 而欲其 可以 能 惟 知 是皆以知與行合言之也 中 H 而 生奮勉之心, 從 節 且如國學之六堂,不程 善之謂 課 乎? 有所恪守,此其 孫 惟日 也。 其起念公私誠僞 而轉 即 謂 督學官問其處家之 無 今如鄉會試、歲 今由穆堂之言學。 摩」, 其 涉於空言 以 未 滴 讀之事,而 謂 知 而 於 獎 學之 其 即 開 所 、見賢 事 掖 爲 誠 其 易 行 務 於 童子 以 蹈 耶 於 志 미 忧 規 於 欲 科 爲 策 思 於

> 孝弟 講 游 正 藝 此 須 也 謹 知 被重 游 信 孝 弟 也 藝即 ,則愈岐而二之耳 謹 正須 信 游 即 於道 知志道據德依 所 謂 一、德、仁 學 文 也, 之内 學 文 也 即 即 所 謂 學

原學論

廢學而已。論》者,深見學之無事於原也,原學者,則欲論》者,深見學之無事於原也,原學者,則欲思既論穆堂之《原學》,而又自爲《原學

博文之功,乃得 顔 禮勿言,非 是以釐其經,三百焉,致其曲,三千焉,必如 克己復禮,其綱 人,該悉天下之事,則安能 由之,持循之,正 子言仁所從 請以禮言。 禮 勿 事,聖門大賢,鑽仰高堅, 也 動 此 禮者履也,人所踐履 志 以約之。 其 非 齊 目 禮 莊 也。 勿視,非禮勿聽,非 斯斯 以 若其教天下之 然此 即 此 禮 概説 則聖人爲 之? 故 則

者也。 勞酬 是 者,直是欲廢學而已矣。 修明之,而今乃曰 推 原 乃 禮 獻 足 所 之儀,舉凡 然則學者三代共之,千萬世服 以 由 V. 起,以 也。 吾欲原其始也,故曰 吉、凶、賓、軍、嘉之事, 數言該舉之,此必不能 今若舉 凡 尊 卑 遠 近 習 原 學 而 通 間

其地 即 也 制氏之鏗鏘鼓舞,尚不能言其義? 世 陳 不傳耳。 弟子諷誦講解,即 其大綱耳。三代庠序、學校、辟雍、頖宫 也; 整比 即 一,博士之録《王 鄭 矣,豈知漢 以五倫爲教,即必以五倫爲學也, 康 聖人 班固之志禮樂,已不能臚 以示後學矣。 成之注《禮經》,亦不能舉 鼓絃歌有其器、有其節、而 彼石梁王氏者且謂《學記》之不 以 躬行示 承秦火之後,六經始 制》,尚不能明言其 必有其簡編請肄之業, 人,即 陸德明、孔 必 以 舉 躬行 一所引 穎 其 漸 達 不特 待 其 典 皆唐 物; 代, 出 然此 爲 諸 師 此 詳 若 於 有 學

> 故曰: 習而 尚 吾學侣敬論之! 效其 今日 虚 今日爲學者,正宜乘此問津 章句研析,使後 攷訂久虚,參定較量,驟難畫一。 程、朱遥溯孔、孟之傳,而又苦於去聖太遠, 初 禮者履 懷以 未 聞 介事 人,而 修明者,其程功致力、探本攷原,全 能 原學者,直欲廢學 上 盡 而 也,不在乎器數典 而 其 可淵 衷毛、鄭、服、杜之指 陸 、稍敏 已,不在記 亦 源 尚未能 人稍 悟 經 者輒欲日 術之實,是乃千萬世 得以尋津筏之所自。 誦 盡 而已耳。 講 衷音 原學也,曰學者 肄之末也, 有由之時,平 司之末也? 訓 歸 幸有朱子 之一是, 安得不爲 直待 則 在

姚江學致良知論上

謂致良知之學與朱子異者,正以其不當以姚江之學與朱子異,人皆知之,然所以

格物,皆紊其次矣。紊《大學》之次,則失古 是則《大學》欲誠 此話《大學》之格 大學》之格致,故必 其 致 意者先致其 欲從舊本以 耳。 陽 明 以 知、致知 誠 致 意居先, 良 知 在

、所以爲學之實矣。

也。 之胄 以治魯,以 君爲世子時親受業於門,必有詳加 之學,再則曰若夫潤澤,在君與子。 子初見滕君,首言性善,稱堯舜,此其大綱 時,聖門教人博文約禮,則六經其 今無由以稽矣。 則先以某條件焉。 經國之本 、禮、未有以空談 至其剖析事爲,一 子,則先以某條件焉; 夫《大學》條目,豈自孔氏之遺書始言 是固自時教正業,退息居學,若王 興周,亦必由文武之方策、周公 者矣。 蓋古大學之教不知廢於何 其所爲 即使當日夫子得柄用, 性道爲之者。 則日諸侯之禮,吾未 度量數制之詳 卿大夫適子 (要也。 孔子、孟 假若滕 考析以 元

户之幟,則不可不防其弊也

涯,而 後,漢 子皆 習時文,不克深究也。 不深會於聖賢之詣,而其一意孤行,漸啟 泉、江門静坐之學從而和之。 如陽明王氏,奮其獨造之見,意以 上溯正學矣。 訓義變爲制舉之時,文正得 程、朱始能窺見聖賢大旨,而 談、唐之詞 不 儒 轉覺朱子之近於庸常也。 得 漸 藻, 次 加 修 Щ 無 果 有明一代,其務本業者 由 諸 舊籍 以整 删 於是其間 定 理 而 教 遺 又 由 宋 此其始未 間 肄 緒 元 通 繹 以 迨秦 以 也 爲直到聖 白 一敏之 晉 後 經 沙、 之 帖 燼 宋 甲甲 資 專 以 之 郊

探其 此則攷證之學,又往往與朱子異者,是皆不 又有由漢荀、虞、馬、鄭博涉羣言以爲樸學, 户之見,平心虚 爲正路之導,其 (本而 幸至今日經學昌明,學者皆知 逐其末者也。 (承姚 衷以適 江之説者,固當 於經傳之訓 攷證之學則與良知 奉朱子 化 去門

之學 必 自名 正 相 其 反 學, 對 而 以 致 愚 證 品 諸 品 家 之 精 見 心 研 則 討 阜 知

既

攷證 儒 不 加 後 爲 名 濬發之,其用 之學,實自 平 贵 漢 馬 學 意深粹,仍自朱子 端 果 臨 能 王應麟、 究 悉乎 黄 門 震 則 之徒 吾 之 謂 漢

學,一而已矣。攷證之學,仍皆聖賢之緒得之。孟子固曰:「夫道,一而已。」然

則

也,良知之學,則無此學也。

姚江學致良知論下

謂 理 致 條 良 啟 以 貫 知 彼 前 爲 之,使與朱子合也。 心 固 而 説 行仁政 謂 「所不學而能 鵞湖之學,後 時 之國 其説本孟子也, ,則實異 者 君、非於《大學》條目言之 子朱子 推 此 者 呵 以 江 其良能也 `, 所 孟子 加 惟 門之學,皆可 諸 姚 不 擴 彼 江 得 就就 之學,以 充之旨, 不辨者。 所不

> 際,可 焉 遽先釋 《大學》「格物致知」 擴 之用 凡 之際,可 慮 所 知之説, 謂《大學》本末厚薄之下,未嘗申繹「格致」 然,而心 致 見之端,然亦 定 得 充 矣 良 爲學,切 而 其 不 爲 力 知 知之説,大有蠧於經者,是以 與之言學乎? 言不學、不慮 剖 一誠 良 程 者 正 爲 則平日從容分析輕重長短, 與之言學乎? 是 其 知 本,不可 功 甚。 其 有意與朱子立異,灼然 意」者乎? 勿 歧説 也。 不 分 良 必 同 知 心爲甚者,指其急切 準之以 别 ? 乍見孺 矣。 也 妄言復古本。 在二 則 《大學》章句,必以 户也, 則 夫所謂 與《大學》 誠 孟 熟讀《孟子》, 權 不 興 子將 意」前之謂 子 度。 得不指其 甲 圃 固 ·兵、危士 爲 致 明 權 井, 説 良 格 説 申切論之。 是 度 經計 無 知 物 不 是又 則 而致 於 良 此 處 也。 ·學、不 疑 致 朱 物 臣 姚 也 心 迫 知 子 良 即 發 則 而 孰 切

爲後人 微精 瑣 皆起於偶有所見,而究其自信自炫,遂反唇 苛求古文,毛舉細 由 之學而 訂,斯可以言攷訂矣。 不矜己,不嗜異,不嗜博嗜瑣,而專力於 語爲後人 而妄取他本以 義理之本然反置不問者,是即 理之求是也,而其究也 一、地二」以下爲後人所增,以「富有日 者 啟 也。 非 攷訂之學,以衷於義理爲主,其嗜 」十六字爲非 所 也,其 言之也。 (所訓 益。 如 近 嗜異者非也,其矜己者 解經字,甚至以《繫辭 H ,以《説卦傳》「乾,健也」以 又如近日閻 凡所爲攷訂者,欲以 惠棟之於《易》,極意博 碎 一,逞其 經所有。 攷訂者,對空談 一惟博辨之是炫,而 口 若璩之於《書》, 辨,甚至以 凡 畔道之 此 等謬説 傳》「天 「新」諸 非 漸 資 博 義 也 下 綜 所 於 義 理 松

> 而 不 顧 其 皆 嗜 博 嗜 異 加 不 惟 義

> > 理

之

是求 也

子日事 思騁其 集注 左 也。 亦第 本 不 極正 衷於義理之弊 》,迨其後用時 學者束髮受書,則 h漂蕩 既乃 知 智力,於是以攷訂爲易於見長。 渡 之通途,而無如由之者之自敗也, 漸鶩 充聞 m 不 漸遠 見, 顧 文取 而 父母妻子 已矣。 非有意與 丽 誦 科第,又厭薄故常, 不 讀朱子《四 知所歸, 者 幼時 何 異? 其與 所肄 書章 遊 其 旬 相

初

革 而 而 於攷訂矣。 其有資於攷證,人所知也 然後義理尤 日 得其 於序尾之年月 攷訂之學豈惟勝之,正賴有攷訂之學, 異乎 然則攷訂之學轉不及空談義理者歟? 師 ? 承 然吾所最憾者,每書載其原序, 之所自 長。 宋以 近日秀水朱氏《經義攷》, 反 後言義理則益 多删 乎? 去,將使觀者 ,朱氏 何 由 而 此 加密矣, 參 書可 験 其 何 沿 由 切

訂

則

然而 某字當爲某字,則鄭氏之失爲多,後人又豈 者,原自有所以處之,非私見 得尤而效之? 文,則誤甚矣。 弊,至於宋儒之改《康誥》首段以爲《洛誥》之 疑始於鄭康成之注《玉藻》,其段段言脱爛 簡則開妄作之獘。 若究其所始,則錯 者其獘均也。 之,乃激而 古通用」者。 定訓詁形聲者,有無所憑藉 視《爾雅》、《説文》者,甚且有以意測 據 (小者則衷之於文勢,語 之原 近 文 聖 勢 理之益 亦 也 處,三者備 成 故故 必根 此皆空談義理、不知攷訂者誤 嗜博嗜異之侈爲調 明, 詳具拙撰《書附記》。 言正誤則開妄改之弊,言錯 語其大者則衷之於義理,語 曰攷訂之學,以衷於 抵於道 而 轉 m 薄 攷訂之法 也 視 其實 一,所 漢 而直言「某與 唐 也。 據羣籍亦必 際則衷之於 至於正誤 説者,是一 注 盡是矣。 疏 而 義 者 簡之 極 而 理 其 以 某 斷 忽

攷訂論上之二

言也 以 前後諸紀傳之歲月以證之,有旁推諸 出於野史歟? 之書出 有其足信之實,有前後數代之史以證之,有 史,則所攷之事必以 證之,則益足以申其是而辨其 日 客曰:子謂攷訂必衷於義理者,以治 若博攷子、史、諸集,其盡然耶 於正史歟? 吾固謂 即同 致訂 出正史,而正史所據 所據之書爲 出 在於審其來處也,如 於别史、雜史飲 八非矣。 、斷,其 紀 所 必

其記載之先後,互校之虚實,此其中即 **攷子、史、諸** 理之所徵者,即有文勢之所區 子、諸史、諸集哉,即稗官説類之流,皆可 下古今未有 攷諸子、集亦然,既有其所據之書, 文字不衷於義理者也,豈 集者,皆 [與治 經之功 别者。 也。 惟 故 有 凡 則

天后 記》。 所徴 學以 此 善之文,苟其合於義理者,即 毅然奮筆以辨之,可乎? 通儒皆信之,然吾合古今參攷之,雖其明有 之累矣。 權其輕重,則不至泥古反古,致以爲攷訂者 以衷於義理爲主。 概之矣; 駮難之。 事,此惟衷諸義 而 又見近日全氏祖望著一文,辨閩 不得 如古有「父在、爲母服朞年」之説 豈惟稗説 不直言其不可從也。 此所當權其輕重 哉,即 理有功於民則祀之,而 故曰: 里俗鄉 無 庸 而 凡致訂者 執致訂 曲 詳見 已矣, 傳 海 誦 《禮 如 祀 之 勸 附

攷訂論上之三

豈其攷訂法帖者必皆以書法爲主耶?惟有一事不能以此例之者,則攷訂法帖耳。與文勢兼之,是三者固足以該攷訂之學矣。與文勢兼之,是三者固足以該攷訂之學矣。

類。 未 畫者,藝而已矣。 攷法帖,則專以書法爲主。 自欺之事也。 不甘於言藝而 而博極參證於經史者,此言藝之本也,其有 有言藝而轉舍藝以爲言者。 攷金石,則仍吾前所云攷史之例矣, 日: 金 石自是一類,法帖與書畫 必 假攷訂經史以爲名者,此 雖言藝,亦必根於道,然 何者? 故凡攷法帖 法帖 一自是

也。 楷行以下雖流別漸多,然如王羲之書以《樂 之邪正。 其 變之勢,所以《瘞鶴銘》可 毅論》爲首者,正爲其小楷中具開闔起伏 原委,亦必講求之,以定學術之淳漓, 之不知書者,推吳廷所刻 書,肥瘦骨肉之上下源流 事足以 至若篆變隸、隸變楷以來 嘗見陝碑有修某城一 此非衷於義理者乎? 證 史,如此之類,不以 ,非關於學術 本 與 碑,字極 並 歷朝諸 例 論 如漢 書 員 也 醜 法 熟 拙 乎? 趨 唐 而 後 白 丽

風者乎?真,則適以開作僞者之漸,此非關於學術士

和, 文以 與史傳之合否,又往 隆」: 此則必以石刻正之。若其他歲 信者,亦有不妨兩存以備攷者。 藝而二之,則吾不 其意未嘗不善,而其實 言鑒賞,似遊客之所爲,故於碑帖必先求其 言碑帖者,不知藝之與道通也,嫌其涉於僅 官、名氏,或有不得執一以遽斷之者。 年號「大和」,是「大小」之「大」,史皆誤爲 則所攷轉多舛誤。 書談藝之名,而嗜援史事矜爲攷訂之學, 一、虞、柳,以茗飲、圖 大言以欺 斷史之誤,然其中固實有史誤 近日如王 遼道宗年號「壽昌」,史皆誤爲「 澍知學書, 而 已矣。 敢也。 今之學者動 往 畫爲比,直恐劃界道 必申石 則欲避居 歐陽子 而 歐陽子與石守道書,以 所 撰 刻 輒 已薄 、帖跋, 論 以 如唐文宗 舉 書之名, 抑 碑刻、 而 、史傳。 月、 視 近 碑 避 鍾 太太 與 H 職 之 實 論 口

乎? 此 無益 也。 事,而亦不得謂 今以書法比之茗飲圖畫 母春年」,此等不可行之事,攷之何用? 甚至顯著於經如《祭祀》之「皇尸、公尸」、《喪服》之「父在爲 大儒所言,如鄭氏之言六天、盧氏注《大戴》之言明堂路寢 此,則攷訂之大端在是矣。 涉於典故名物,然一言以約之曰:取資於用而已。 盡卑視乎? 例輕之? 畫家之沿革出處,亦有足裨於史傳詩文者,豈得 以攷冠制毋追者,有可以攷車制程蓋達常者,即唐宋以 此其隨手措語,又不足以較量也。 而 者,石守道來書中語 鍾 「不作無益。」有裨於用者則當攷之,其無益者則不必 樂毅》、《洛神》諸本之原委先 《必因陳有學古能文之名,欲借其序以重此 改云柳。 ,其文之薄弱固不足言,即以所稱 E 而已。 如其適於用 故攷訂 經曰: 柳之書比於嗜茗飲 又如 抑何不云虞褚而云虞柳? 且夫攷訂之學,大則裨益於人心風俗, 不論其巨細遠近,但争其有用與無用 全不關於致訂也。 吾邑黄氏《中 也,雖以後世書家畫家之蹟,至如 「游於藝。」又曰:「工執藝事以諫。」藝, ,蓋以鍾、王、虞、歐並説,不欲斥言歐 ,茗飲固不足道,至若圖 如其不適於用也,雖以 -州金 觀畫 後,能詳致之,豈不有裨益 然歐陽之文,世所重也 石攷 漢人石刻之畫像, 圖 **攷金石者有資於攷證** 柳可與虞並 其 不攷之未爲寡 前有陳祖 굸 鍾 也。 與茗 畫則 王 《黄 古經 經曰 有 范 致, 虞、 庭 飲 則 有 哂 知 可 後 可

經史,而非玩物喪志」,其言攷證經史是已,其言非玩物 附及之。 未嘗留意此事者之言 則 録碑目不盡著撰人、書人,則無益於攷,不盡著存否闕佚 《無益於考。 ,則即歐文所比茗飲之類也。 不此之究, 而 **遑問其序之工否乎**? 而以玩物喪志相形言之,則是從 作此攷之序,正 當以 因論歐文 其 所 喪

攷訂論中之一

之攷 也。 者,當早剖其本末而具其節目 豈惟鄭氏之於諸經,古之人有先我而 陳之矣"所據之音訓何自,必亦詳説之矣。 傳注者欲明義理 義 人之攷訂矣。此固必不能之勢也。 人欲加攷訂之功,則所見之書尚多,必已備 理 若東漢 丽 訂 有訓詁之攷訂,有辨難之攷訂,有校雙 已,不知後之人有攷訂也。 ,有鑒賞之攷訂。 時淹治諸 而已,不知後之人有攷訂 經如鄭康成者,知 古之立言者 ,則無事 古之爲 稽纂 欲 後 明

> 始乎? 探也。 漢儒 推 而 者,即徐遵明、二劉之徒,尚矻 虞、鄭氏之《易》,申、轅之《詩》,服之《春秋》, 不知三傳俱 時,亦安知 所以然,孰從 文》後之廿九 歧之音 訓矣, 而又間隔以 師承之遺緒時有聞見引述,賴得假途 下文義若何,而專舉其 反賴後人爲之掇拾輯録,至有不能知其 、啖、趙以後,爲《春秋》學者已多自立議 而上之, 昌黎已有「三傳東閣」之語。 所自爲訓義者又不盡傳於後,於是荀 然而原其大要,則稽古之勤自漢儒始 陸氏 無一二遺聞逸説在人口 在 東高閣,更何據以究遺經之終 有 年,其 何況鄭康成生於許慎 侕 隋 唐一代,博涉 末唐 一一詳質之? 上下原 初作《釋文》, 一語爲 流、 詞藻而 證 沿革同 **花綴** 即 者。 當 「耳者? 已多 其源 人作《説 及之。 異之 問 北 然 兩 弗 津 F 而

直至南宋而朱子出焉,吾非敢目朱子

之正 輩出 即 致訂 者也。 攷訂 焉,用 家 之事,未有不本於用 也 夫然後鄭樵、馬端 心之精自南宋始 謂 其 用 心之精 也。 用 臨、王 心之精、用心 心之正 而 其後 一應麟 也 V

言之,則攷訂之學未有盛於我國朝者也。則由八比時文入也。然而上下千古,通徹攷訂,則八比時文之獘也,學者童而習焉,

間

隔

以

有明一代之不知攷訂,明人之不

知

實承宋儒之傳義,萃漢唐 之事,必於攷訂先之。雖沿有 歐陽氏之於致訂 宋人之推歐陽子也,曰 尚有 待焉者 以 之注 通經學古爲高,乃 「, 則 明之制藝,而 疏 ,則未有 通 經學古 调

固非也,其必欲通漢學、宋學之郵者亦非宋學而二之矣。然而劃漢學、宋學之界者於今日者也。學者幸際斯時,其勿區漢學、

也。

今日上則有欽定諸

經傳疏義説,

則

外

皆有

四

庫

書寫本,即

以

科舉

時文,亦

知

有

稽

古

通

途所自

出

昔之患其

儉陋

理 適於大道 用力之勤 人倍多所 之攷訂視 者,今且 一爲主。 轉 乎? 逸 前 兼 欲 而 獲 人倍易爲 防 出之,何不可隨所近之路 故吾曰: ,則用心之精、用心之正, 其 鶩 廣 力,其 嗜 攷訂之事,必以義 異 之 收 漸 功 也 是 亦 則 視 此 以 與 前 時

攷訂論中之二

遺文 若就 耶 未 皆 皆未及見其人而粗得其緒矣。 元 與之友也。 惠、江氏之後出者,然吾雖皆略知其 和惠氏之於諸 ? 吾見聞 加 然則 曰 : 、休寧戴震、歙縣金榜、金壇段玉裁,是 E 證 此 最近 據 敢品 就吾所 中分别出 經 者,無錫顧氏之於《春秋》、 經、婺源 次之哉 史、 整 與辨 齊 人之際,難言之矣。 江氏之於三禮,吾 析往 白 前乎我者,誦 吾所目及見 復者, 近 儒 則 孰 m

有 郎 學,引之亦謂劉台拱深於《論語 孫 孔 遊 餘 原 例》, 與其 廣 者 書 姚 精審者,亦有偏執者。 元以 不 森、南 者,可偶舉其一 能 具 盧 則若 雖 所鋟台拱之書來示,其《論語》卷 求其備善者也、故執己所長 子引之,皆推 在 文 绍, 不爲害,而 城 寶 抑 王 應 嘉 又 聘珍,亦其亞已。 劉 不 定 台 錢 必 二而不可繩其全 l拱、海 服 究 從 大 亦無 昕、 金壇段氏《説文》 而 而凌廷堪之《儀 軒輊之。 大昭 州凌 、所益。 近廷堪、 也 高郵王 昨阮 吾門 蓋此 以 此 也 議 曲 諸 念 事 中 侍 從

惟 過 也 其 則 於激之, 而 鉛 大 不 注疏 Ш 專長。秀水錢 惟 與戴 口 蔣 詩文家竟有 流獎事攷訂 者 然而 震每 銓 攷 錢 相遇 訂 不敢 集 載,詩 ^ 不 有《 輒 瘞鶴 一、鼷鼠 事攷訂者,此固 持論 斥言致訂 題 人 銘 人 焦 也,不 龃 角成蹊徑。」 Ш 监 特金 瘞 家之失也。 必善致訂 亦 鶴 石 有 銘》 中 時 無 此 戴 害

茫然未 斥攷訂 問。」 劣等。 識 攷訂 有范 郎載之於詩文,皆不善於攷訂, 其掌教矣。」蔣以 曰 : 州,諸生有 其人, 曷 於注 事 曰:「女子之嫁、母送之 血 太過自抑矣。 如諸 諱 耳 |翔《四 與與 匿 蔣之詩 則與其 疏 姑俟查攷。」汪 則其答汪生應 是 之。 爲 嘗開卷者。 城 今若以 注 由 劉 非 特 書 疏 汪 有 近頗 詩 凡 閣 俗塾三 體註 中者,夙 何 此 推 人各有 老墉之於金石碑板、及錢 蔣 相 涉 語 其《題瘞鶴銘》而 爲 此 應矣,而 此 ? 蔣 耶 ? 深銜 蔣或 ル : : 人傳誦,此 詩證之,則 日 家邨 語以《十三經注疏 君有出言之違 侕 以 所 . 以致訂 之,語 門。 長 「俟 博辨 即 聞 中授蒙童者 母送何門,不 蔣 其 蔣 不 查攷則 是 自 人耶? 主 學使 其答 其 岁 敢 之爲獘歸 而 詡,起 何 講 一得 不 也。 斥 門? 席 失 欲 無 必 別 敢 注 汪 若 若 私 公 生 置 所 於 吾 應 疏 而 侍 所 庸 間 知 此 來 將 咎 則

復 初 齊文集

訂 而 後 與不致訂皆無獎矣。 成 家 乎 ? 要在平 心 而 勿 涉 矜 氣 則 攷

攷訂論下之一

督爲經」也。 據,則待其後定 矣。事之兩歧,説之互勘,而皆不得其 闡之原,或猝無 ៣ 隱 出 後 僻 而 藥之也。 而後攷訂之,途有 後攷訂之, 説有 凡攷訂之學,蓋出於不得已。 借如未有窽郤,有何從批之導 乃若義之隱僻者,或實 而已矣。此 可檢之來處,則虚 互 塞而 難而 亦莊生所謂 後通之,人 後攷訂之,義 以 俟 事 之可 有 無 有 緣 根 病 可 歧

歧、説之互出、義之險賾,苟間 而 以逆之,而 軒輊焉者,其爲攷訂也,必偏 若其立意以攷訂見長者,則先自設 可言攷訂乎? 若 其 執 以 於 私 m 事 意 愈增 之 其 13 兩

> 爲主。 學道之津矣。 之學可以平吾心,可以養吾氣,可 理之也、未有益之以棼絲者 擾矣,又奚以攷訂 故 日 爲哉? 攷訂之學,以 攷 也。 訂 者 是故 '以漸問 懲 棼 義 攷訂 絲 於 理 而

攷訂 論下之二

古先聖訓所有 客曰 . 攷訂之學其出於後世學人,而 也 乎?

慎言。 所以然,具於此三言矣。 曰多聞 言之耳。 曰 : 三者備而攷訂之道盡於是 蓋嘗反覆推究上下古今攷訂家之 聖言早已具矣,特未明著其爲攷訂 一一一瞬 疑,

也 詳核之,則誤者什有幾矣。其或又見一處 炫所長也,亦實因乍見某書某 一,而未暇於此事之旁見於他處者,悉 大抵攷訂者之用己意,初非好矜 處 有 間 取 己 可 而

乃始皇然省也。 此又於某書見有此條,其所見又倍於我者 十年之參互待決 IE 與 執 説 此 介非漏 以 在 處 足 處 是 則略,故觀書貴博 以 之,吾不及知 也 互按 丽 此皆未多聞之故 者 不 也 知 一旦豁然得之矣,而 喜 前 而 而 乎 並 我者某 遽 也。 勘 以 也 每有 吾 所 家 以 見 某 數 後

色,不 是也 則 合以爲之説 矣,及其所遇偶 害中之也。 概 析 某作某 以己 其 廣 今之言攷訂者相率而蹈之者,比 至於不肯關 欲顯 坐 何者? 端而不能盡白其後 義 意 中 也,則起 7、某出 某舉 演繹 ,必不欲闕疑也。 未攷訂之前已有 不平 有不合於吾例者,則遷就 之,必不欲闕 疑,不甘闕 一事爲問,其 某典; 而 心,不虚己,而 更以 其不 他 疑, 事 一端,則恥之, 經史之事,有 知者 胸 疑 知之者 亂之; 則 中 也 其 稍 成 好 不 例 勝 獘 則 比 有 噟 最 圓 在 愧

> 言他 異 井 直 面 若 此 小人 更 議 干,其 物 别 八之爲 以 也 説 ,於是點者以離得合矣。 亂之,若不 以 欲應者 間 也,其出别 之。 則緩圖 今有 以 爲意者。 説 市 之矣,其點 以間亂者, 鬻 貨 。 俟 者 此 其 者 某 奚 固 則 貨 市 悔 取 詭

夫然後 等乎 直有 筆諸 **驳**訂 者輒 小人 人心 出 利 至 於 他 學術 家遇 如 ! 説 至深遠 以 著 之習相 掩 然則 知 此 以 爲 述 口 不意攷 聖 利 間 攷 難解處,毅然以一 笑之,衆皆知其無能爲役 以 傳諸藝林,甚且 也。 人教 而不 亂 埒 訂 則 視 乎? 之者固 m 强 訂 市 人,灼 知其害者,此其爲獘中 不 不 本 井小人之所爲,不更下 ·甘於 至 知 日 非 以 . 精之正業,而 見 矣,然 闕 爲 不然,彼 後 有奉爲定解者, 疑 説强質之,則竟 知之爲患大也。 世人心學術之 是 而 聞 坐 殆 也 中 與 其可 言 市 於 井 m

盡從而闕之,將安用注釋爲耶 子 以 疑 必 當闕 則 古籍 미 疑 者 名

出 則 敬以出之,遠鄙倍 而 句之慎,有出言詞氣之慎。 歸於闕疑而 足之,至矣。 慎可以補闕,有慎言之一 慎,爲友朋箴 人採取之慎,有比較絜度之慎,有落筆字 寧闕也。 曰:聖人固明言之,其必不可不闕 治家者 己。 至於併欲慎 惟儉 其稍有可通之處,則慎言 規 然而慎言亦豈易哉? 而慎 而擇尤雅 可以 也。 養廉,治經史者 途,而闕疑之法 言而無從者,則 ,或者其庶幾乎。 學者立言,本宜 夫非爲畏物議 有 仍 圓 īffi

攷訂 論下之三

定也。 如曰 攷定,則聖哲作之也,非學者所敢 攷訂者,攷據、攷證之謂 者,「訂 證 一之「訂 非 ,非斷定之 斷

> 法,可 道。」且如宫室之制 謂路寢即 者、未知是言其中某制、某義之相同 明堂即 也。 得漢尺,即準之以命有周之世分田 祭天,實是誤會祭法,而近日 合其説,謂禘非宗廟之祭,可乎? 近 乎? 見 路 寢。 戴 明堂乎? 如祭祀之制,鄭 震 不知 謂 盧注所謂路寢與明堂 ,必據《大戴記》盧 非 如井田之制,近日沈 典制 名 康 爲 物 成 鄭 不 學 氏 足以 制制 者 謂 也, 禄 必 禘 傅 是 加

也。 禮。 名物,非妄則鑿也。 夏、殷何 殷,已云 歸,而間或取彼以證此,亦未遽伸此以 並存以資考析耳。 何,非其目覿,誰則信之? 若竟居然斷定某制當如何,某 蓋纂言則古説,即有沿革同異,或 愚謂治《禮經》者,但當纂言,而 如哉? 無徵不信。 況居今日而斷定古之典 今日之視周 妄則啟僭以 纂言則諸經 自聖人仰述夏、 誣世 ,與周之視 雖 各 事 不當 是 爲 抑 不 如 彼

固己。 害於 纂禮,凡典制名物,吾未目見,必不 嗜 世教 異 且即以纂言之法,雖一 以 者 自 ,慎勿剖斷之也。 欺 也。 凡學問之事 字義,苟 且 勿 荷 可斷 論 非 非 不 大 有 之 爲

前

人成説,亦不可以斷定。

則

義理者自蹈於蔑古,皆擅言攷定之獘有 武成》,至今塾師遵爲定本。 必執原本爲錯簡,居然更造一篇名曰《攷定 皆不足道也。 説《左傳》「人盡夫也」句,謂此條杜 舟 謂 致之,可勿慎諸 王若曰」以下,乃是史臣重述之文,而蔡傳 有「天」字,欲改云「人盡天也」,可乎? 文》,可乎? 是舟之拆裂隙縫,此字從舟。 字條下 嘗見一友集中述戴震説: 朕兆 又見一友集中援近日段玉 此 請就一事言之:《尚書》「武 説 也。 今以己是 此則宋儒 而《説 註數句 造 「朕」字, 爲 明於 然此 (説 文》 成 裁

理 説 駁 | 戴震 作

申之。 朱。 學,博且勤矣,實亦攷訂之一端 與剖說也,惟其中最顯者引經二 其大要則如此,其反覆駮詰牽繞諸語,不必 之説,竟敢刊人文集,説理字至一卷之多。 子「性即理也」之訓,謂入於釋老真宰真空 是密察條析之謂,非性道統挈之謂,反 不甘以考訂 就其大要,則言理力詆宋儒,以 近 日休寧戴 爲 事,而欲 震 生 談性 畢 力 道以 於名物 耳。 立 處,請 謂 異 乃其人 象數之 目 理 於

無疑者也。對上「賢人之德,賢人之業」, 傳》此二語,非 天下之 成位乎其中」者,謂易道 理得 引《易》 而 即「性道統挈」之「理」字乎? 成 曰:「易簡 位乎其中矣。」試 也,則人之性即 而 天下之理得矣, 問《繋辭 理 則

此 耶 位 疑 乎 也 旬 其 此不 理 中 此 處 字 待辨 贵 正 以 一承「天 暇 而 X 明者 遽 所 以 地 具 也 凡 定 性 事 位 道 之腠理 一而 統挈 言易之「成 言之更 條 理 無

之性 無節 之欲 密 此 理 援 此 日 此二文以 理 一之「理」,蓋特有意與朱子立異 句 文以 「人生而 條 也 也 「天理」對 於内,知誘於外,不 再則又引《樂記》「天理 析之説,可 正是 詰 物 謂 難之, 至知 静,天之性 皆密 下「人欲」,則天 「性即理也」之義。 謂妄矣。 知 ൬ 「察條 然 必 先 ·能反躬, 天理 後 也; 析之「理 援 好 感於物而 悪 滅矣」,《 理 經 形 則 亡,非 ()惟恐 焉 而 上 生滅矣。 戴 所 樂記 動, 性 好 震 云 即 其 援 轉 天 黑 性

文 即 (理、肌 夫 玉 理 條 、治 理、 者、徹 析 骨 腠 之 角 理之理, 理,無 之理 徹 下之謂, 即 無二 義 理 官、 也。 義 性 理獄 也 義 道 理 統 之理 其 之 挈 見 理 之 無 於 即 玾

> 篇 文理未 矣」,即 矣, 義 而 易簡 題 義 性 也 《易》傳 以 道 也 而 駮戴震, 豈得已哉 此二文,先不可 統 假 通 天下 挈 也。 如 事 首章 處 理 車 之理 無 之 《樂記》此段 以 下,則不 此 理 在 得矣」、《樂記 理之名, 即 事 通矣。 析 在 敢 理 物 也 下 別《易 之 整 吾故 條 理 愚既 是 析 之 \leq 以 一天 繫 名 理 略 别 辭 日 理 附 戴 理 此 滅

附録與程魚門平錢戴二君議論舊艸

宋 者 服 破 以 激 不 激 儒 碎 正 東 0 大道 漸 恃 官 原 戴 成 昨 其 流 也 之, 東 細 蘀 義理 於 原 石 究 蘀 皆 空談 詁 新 與 考 石蓋 前白 空 訓 東 訂 言 詞 耶 名 原 詁 不知攷訂之學,此 無 遂 物 館 議 訓 實 ,斥詈前 論 輕忽《爾 贵 況 據 然後 相 미 宋 耳 詆 目 儒 能 爲 輩 雅 每 蘀 皆 講 下, 亦 破 有 石 未 《説 義 碎 執 不 謂 免 蘀 後 文 能 東 石 於 也。 世 過 折 原 有

乎? 經也 而 謨、訓、誥、誓之法戒存焉,而必處處 物見之,可乎? 乎?《春秋》比事屬辭之旨 矣,若綜諸經之義,試問《周易》卦爻彖象、乘 名物求之,可乎? 名物求之,可乎? 承比應之義,謂必由 由 有忠孝之大義,勸懲之大防,必盡由典 典制名物得之,此亦偶就 説者,特專指 東原固精 《孝經》以 論語》、《孟子》必以典制名物求之,可 且勤矣,然其曰聖人之道 典 即《尚書》具四代政典,有 制 聖門垂教、《論 即《詩》具徵鳥 名物求之,可乎? 禮與《爾雅》耳。 典制名物以見之,可 ,謂必由典制名 一二事言之可 語》其 **뾄草木** 由典制 制 必

> 次也,此又豈概以典制名物得之者乎? 合也,又宜知《樂記》十一 知《玉藻》鄭氏所謂「脱爛」處之不宜徑皆接 也,又宜知《學記 者正宜先知《禮運》首段之並 韓子已言《儀禮》非 云者, 而已,其 小戴記 經 入義 》、《禮》之傳 部 難知 統 則 》之並非 之 合其 後世 稱 也,當合《儀禮》説之。 也 、經、傳 所用,顧宜 , 泛事空説也,又 篇之宜各審 究當 非 以 分 歧人異説 水 別言 之。 知其 其 之。 學

乎? 《禮記》六太,何以 者,前人解詁之同異,音訓之同異,師 見,今日學者但當纂言而 皆能言之,以 遠,不能詳徵 無徵、民之弗從,則一也。 今雖周之典制尚有 《周官》 況禮所具者,周典耳,夫子於夏、殷禮 六典,何 (,必欲 其無徵,故 不同 存其 一具若目見而 以 ·於《周官》? 古籍 民 略者,而其於善之 不略見於諸 是以方綱 不當纂 弗從而 禮。 不言也。 味之 陳 經 ?

志者深以攷訂爲務,而攷訂必以義理爲主。之弊,則妬才忌能者之所爲矣。故吾勸同一之弊,則妬才忌能者之所爲矣。故吾勸同一之數,則如此。必若錢君及蔣心畬斥攷訂之學所難能也。吾惟愛之重之,而不欲勸子弟所難能也。吾惟愛之重之,而不欲勸子弟一人之。必有以及戴君之輩,皆畢委之實際,則詳審擇之而已矣。若近日之

復初齋文集卷第八

門人侯官李彦章校刊大興翁方綱撰

詩

法

論

哉?

故曰:

文成而法立。

法也。 則 實有立乎法之先而運乎法之中者,故法 也,法中有我以運之也。 於誰哉,則法之用用於誰哉。 徒法也、法非板法也。 無筌、蹄也。 法也,我與若俱用此法,而用之之理、用 詩 文之賴 歐陽子 顧其用之也無定方,而其所以 援揚子「制器有法」以 法以定也審矣。忘筌忘蹄 律之還宫,必起於審度,度 且以詩言之,之作作 即其同一詩也,同 詩中有我 喻書 用 在 非 之 凯

終條 其肌 尺黍,其前 必求諸古人也。 必求諸古人也。 本者不自我始之,則先河後海,或原或委, 句法如何」,此法之盡變者也。夫惟法之立 此法之正本探原也。有立乎其 ·法自儒家有」,此法之立本者也。又曰「佳 理,細 理界縫者,此法之窮形盡變也。 法之立也,有立乎其先、立 後 而一字之虚實單雙,一音之低昂 接 筍、乘承、轉換、開合、正變, 乃知其悉準諸繩墨規 夫惟法之盡變者,大而 一乎其 節目、立 (中者, 杜云 始 平

弟。 所以然,父不能得之於子,師 同 我之法,此則蔑古之尤者也, 古今,而强我以就古人之法,强執古人以定 語,今日不能用昨日之語,況其 之之趣各有 時、同 即同一 一境、同一事之作,而 在我之作,而今歲不能 不同 者,不能 使子 而可謂之效古 面 不 隔時 如 能傳之於 其 仿昨 用 地、分 面 法 歲

九

不得 悉 之,應無者 校 故 不 諸 日 六 禹 律 盡 止乎所 之治水,行 Ti 無之,夫然後 聲, 不得 圃 我 其 不 不 所 得 止 可 無 絲 以謂之詩,夫 事 應有 毫 也,行乎 以 者 己 盡 意 所 有 血

格 上

然後可以謂之法矣。

别 即 焉,非格調之病 音」,方者,音之應節也,其節即格 豈有不具格 也 由 格調也。 「聲成文謂之音」,文者,音之成章也,其 此 李、何、王、李之徒 詩 之壞 出 時 焉。 是故噍殺、嘽緩、直廉、 於格 一代所能 調 是 者 也,泥格調者病之也 則 哉? 調 格 專 也, 調 也 泥於格 記 自 云者, 日 明 「變成 李、 非一 調 何輩 而 調 一家 方謂 和 僞 也。 所 柔 夫詩 體 誤 之 章 之 之 又 出

> 韻爲 爲格 以 調 格 調 惟 以 體 而 以李、何之名 調 比講格調者之滋獘矣。 者 前 爲唐 全壞於李 格 以 詩 非 調 六 是 爲 調 爲 朝 日 口 調 漁 無遞變遞 个,格 者。 之詩 神 格 之是 漢 格 口 洋不 調焉。 魏 韻 講 調 調 獨至 了; 即 ,其實即格 而 六朝之格調焉, 以 泥。 何 敢 歸 爲 筀 目 輩之泥 非, 議 至金、 之,是以變而 承之格調矣。 明 授 於是不求其端,不訊其末, 爲格 於是上下古今只有一格 李、 也。 李、何輩,乃泥 則 、元詩、 又不 調 何之失,又惟 格調者誤之,故不得 調 然而又慮後 唐 者 耳,而 人 宗宋之 知格調本非誤 亦 泥 、之詩 言神韻 未 不欲復 至於漁 執 盛 詩 有 執《文選》 未 恐 唐諸 執 未 有 執 後 言 洋 則 唐 有 執 神 家 變 執 不

論

古之爲詩者皆具格調

皆

講

格

調

選》諸 之爲 選體 之純 句 所謂 先 且即 詩皆不仿效選體耳,豈知 此 滄溟,滄溟不受也。 五言古詩也 觀之, 體 「唐 生 詩者 體矣,中 以選體言之、《文選》自漢魏迄 爲 用選 也 「唐無五言古詩」者,正謂 乃謂「理字不必 家之詩 無五言古詩」一句乎? 熟精《文選》理」,非 IE 而 而 轉 體者,直謂「唐無五 但 概 唐人尚以不仿選體 欲 間 共合而 執「唐無五古」一 先生乃謂譏滄溟者 目 選 何以 日 體 選 豈知滄溟之咎,正 復有擬古之作乎? 之仿 日爲選 深求 是體,可 謂效其 耶 其 唐古詩 乎? 體,則只 解 此 句以 彼謂 其 言 三,故李 所謂 八體也, 爲 古詩 無選 IE 不合其下 IE 如 齊 以 唐之古 歸咎於 謂 加 梁 舛 事在 體之 不 滄 漁 令文 也。 後 仿 溟 洋

> 是蔑古 觀 、之笑而已矣。 何 選詩 可 中 而 泥 己。 有 執 擬 而 此則正受古人之憾, 古 混爲一 之篇 乎? 則知 古之上復有 泥 而一之, 正受古

者乎? 岑之屬,有一效建安之作,有一效謝顔之作 即以唐音最盛之際若杜、若李、若右丞、高 之,以合於《韶》《武》之音,豈三百篇篇篇 凡所以求古者,師其意也。 有 具《韶》《武》節奏乎? 言 不必求肖之也。 好古敏求,而夏殷之禮不能於杞宋徵之。 效盛唐之作者乎? 然則學之汲古師 宋詩盛於熙、豐之際,蘇、黄集 孔子於三百篇皆 古何爲 抑且勿遠稽三百篇 師其意,則其 也 哉? 弦 日 III 歌 迹

無 必效選體之説。 有 文必 Ti. 言古詩。然則七古亦將必以 直至 西漢、詩必盛唐之説,因 明朝而李、何在 五言不效選體 前 · 王、李踵 而 則調 盛 遂 有 唐 一後,乃 之唐 五

格調 可 也。 後學者之準式? 音,其將必以《清廟》、《思文》之什爲正,而 之五古又居其變。 古宜宗選體,選體之說不能旁通 宜宗盛唐 然後可以繼李滄溟 正,五言居其變。 《東山 則 律不可 學。」是則直 是以 爲神韻, 》、《鴟鴞》之音爲變乎? 何 不 门,則 學, 漁洋代爲 云 而以王、孟、韋、柳當其正 、杜固居其正無疑也,然又 又 宋 謂 蘇 無 吾故曰: 作詩勿泥選體 然則仰窺弦歌《韶》《武》之 白 之論 下 無 七 同一杜詩, 詩 ·轉語 言 七 耳。 不可學。 律, 古 曰: 詩 而有 漁洋豈但 其將何以 而七言居其 夫謂 也,故 其七律, 而 詩 彼 七律 一則 门謂 又 謂 不 杜 變 律 夫 五 蘇 不 敢

格 調 論 下

之見而後教 化 格 調 之見 人自爲 而 後 也,化格調之見 詞必己出 也,化 而 後 口 調

> 今且 規仿格調者言之。 孤詣、戛戛獨造者言之,今且以效古之作若 以 勿以意匠之獨運者言之,且勿以苦心 詩, 化 格 調 之見 而 後 口 以 格 調 也

悉依 類長 所以 此某家之格制 素甘辛之喻,亦特就其體制 如《鄴中集》之有擬作,江文通之有擬作,丹 依原本爲之,則何爲而 擬作變而推廣者,不可 曠望之懷言矣。 山 行旅閱歷言也,其後漸 高》,其初以雲雨 仿 賴有樂府解題也。 不皆如此,又可 古之擬樂府者,若《行路難 此 式 而 如此,則 爲之,則曷爲 如 原題所指某事, 十二峰言也,其 知也。 勝原也 有解題之作乎? 擴寫情事矣。 其 若使其後來擬作悉 後來學者之 若使人人 而 拈 申析之,以 》,其 惟 此 其 以 後 而 初 如此, 篇 引 後 本 伸 來 又 以 巫

又若阮、 陳 以後、《詠懷》、《感遇》諸

如 樣 言,古制也,尚且 蘇子美之 見其全集諸作皆不執此 言也。五言近古,尚且如此,況七言乎? 坡之和陶,非復柴桑之五言,非復左司之五 而 以 名 陳伯玉《感遇》之作,特其偶一爲之可 已矣。 曰效古也,後人詩集亦多效之, 見端,此亦正是古調 四言,非復韋、孟之四言也。 然吾舉此 如 此,況五 如江文通擬古之作, 體式, 不盡 、七言乎? 而特 口 概 施 假 亦 之徵 此 正 耳。 四 題 口

題,而 也 者則可 據之本出於某代 無以自見者,誰復從而 樂毅》、《洛神》、《東方讚》諸古楷也,或 一而 古、仿古者 刻 今如鐫類帖於石者,其首卷必《黄庭 況其題本出自爲,其境其事屬 又徒貌 一集,其卷端 耳,不 其 ,尚且宜自爲 則 句勢,其中無 陳 某家、中間 陳 必冠 相 誦之? 因 以 格 誰 實 擬古、感 制、 所自主, 有訂 其賞之乎? 夫其題 自 爲 Œ 我 其 興 舛 其 機 自 内 外 諸 訛 所 杼 有

> 之,而操觚者顧自蹈之,豈理也哉 賓友,有必應言之言,有必應答述之語 也,可鄙可恥莫甚於斯矣 者,非古人之面 奴隸之愚賤、村野之牧豎,皆將起 顧妄作戲場優伶之聲音色笑以爲 而襲古人之貌,此 而 其爲 假 古人之面,非 頑 鈍 不靈、泥 吾自日 古 中 丽 滞弗: 接 人 之 貌 非 親 雖 戚 而

神韻論上

聖人一言蔽之曰「思無邪」。 巢》合之可也,謂《株林》、《匪風》合之可乎? 南 所同 則 是必有標乎音之本者矣。 韶 山》、《雨無正》合之可乎? 》《武》之音。 也, 「樂不淫,哀不傷」, 詩》三 謂《清廟》、《猗那》合之可也,謂《節 百篇 《韶》《武》,古樂也,盛德之 聖人皆弦歌之,以求合於 曰「各得其所」, 以其義言之,則 以其音言之, 謂《關雎》、《鵲

出 音之理通 領會之 愈棼,而豈能 洋 盈 加 耳 於微,而音之發非 己。 而 況乎漢魏六朝以 撮舉其所以然? 未 有 言 該 緒,在 其 後, 所 以 善讀者 E 伙 一變愈

矣。」此 鏡 之膏 無 選》理。」韓 始言之也。 言詩之祕,而 城王 古所 而 及 杜牧謂李賀詩: 有神。」此神字即 花 神韻 所 今 一腴,日 水月,空中之象,亦皆即此神韻之正旨 氏 未 新 不 盛唐之杜甫,詩教之繩 理 該 言 城王氏暢之,非後人之所詣能言前 ,至司空圖、嚴 以其謂 字即 倡神韻之説,學 也 久而 且 ,天地之精華,人之性情,經 不知詩之所固有者,非自 杜 神 羚羊挂 周詩三百篇, 不得不一宣洩之也。 「使加之以理,奴僕 韻 神韻也。 云:「讀 也。 羽之徒乃標舉其概 角, 神韻 書破萬 者輒 杜云: 無 矩也 者 雅麗 洂 目此 可 , 徹上徹 卷,下 一而未嘗 「精熟《 求; 理 爲 命 訓 其 · 筆 自 騒 誥 。 新 新 如 文 籍 言 可 城 新 城

> 之謂 此神韻之正旨也,非所云「理字不必深 訏 非 也 謨 **墮**入 定命」、「遠猶辰 、空寂 之謂 也。 告二一句 其 謂 雅 以 人 質之,即 深 致

79

出 也

具,非 之,其 音鏡 貌襲者言之,非神韻之全也。 事 爲 舉神韻 字不必深求其解 似涉空言,是以 神韻,其實 之言格調者 耳。 新 象 城 然則 (實肌 至 以 一邊,特專以 知 王氏之學,此 新城王 言 神 神 理 格 0 韻者, 韻之所以 詩者、故 亦 調 吾謂 氏始也。 即 鄙 即 是乃 神 人 神 新 則彼新城 針灸 今時學 正 之見欲 韻 韻 城 然, 坐 所以 也 也 變 李、 其 則 在 格 君 昔之 新 知 不 者 以 今人 何 調 一隻,實尚 且其誤謂 形者 城 若 是 曉 肌 > 之專 輩之 詩 神 欲 人 理 誤 説 未 之 中 韻 目 執 而 也 舉 所 説 癡 神 有 神 衷 肥 自 理 車 實 韻 何 韻

本眉 按「昔之言格調者」下疑有脱文。」

今以藝事言之: 寫字欲運腕

空靈

即

神

未喻神韻之全者,而 也 哉 贵 得 以 神 韻 屬之新 城

袖 韻 論 中

道 汝能 謂 能 出 立二字亦不得明白 難易、遠近之中間。 道 m 也。 者從之。」中道 教者之機緒引躍 無四隅之可竟。道無難易遠近之可言也。 外一 與否耳。 其中、其外則人皆見之。 個 從 君子引 大 朱子集註 我 圈 步,以 否 ,我只立在此大圈之内,看汝 耳,其能 此即詩家神韻之説 偂 援引學者助之使人也,只看 不 蓋 而 發, 不發,只在 偶 À. 此「中」字一誤會,則「而 矣。 從 非 用 躍 者自 某家之説,以中爲 如 道無邊際之可指, 界在 也 能 此 中道 難易之間 入來也。 中 道 也 迈内,不 道 而 立者, m 立 能 之

> 則吾 腕 韻 如意矣。 之左手,然後其執筆之右手 之謂 也。 空 靈 兩 小必 手寫字, 也 丁其 以爲文之理喻之, 致手 不 不 其 知 能 沉 古 握 鬱 人之實 筆矣。 積力 得 則 自 全用 知 然 m 即 其所 輕 於 欲 據 學 靈 不 E 以然, 其 運 執 游 之 轉 筆 運

謂

亦又非 彼癡 唐 又 又 Ш 周 意 上 也,不似 地之圓 (謬,抑湯若 中。 也,夫然後 ,則黄鵠 諸 無 之輪光,「不識 肥貌 謬 然則 家, 盛 方。 也 不 凝肥 又 何 襲, 出 非 唐諸家其體 抑 以 文之心 也 既 舉見 士、 Ē 미 也 且 能 不 以針 患 公安、竟陵 徐天 廬 得 然 可 是以李、 坐 Ш Ш 神 也,文之 m 在 對 川 八池輩 削 真 韻 新 之紆 盛 痴 枯 題 面 乎? 城 大,貌 肥 中 又 目 之矯 何 以 之矯 骨也,法 曲 一,只緣 貌襲之獎也 不 \equiv 固 舉 E 可, 變李、 變李、 謬,王、李 眼 昧 其 再 : 標 身 不 舉 置 似 似 者 舉 既 在 見 外 見 身 何, 何, 之 此 兀 題

盛 潛 不 自 夐 唐 能 得之 淡 傷 元 遠 之, 是 味之, 加 真 徒 己 詩 自)矣。 横 亦 敝 看 不 圃 至於 成 免 已 矣。 嶺, 墮 舉 明 側看 偏 矯 朝 其 也 徐 成 説 昌穀、高 者 何 隨 者 以 其

黄 IF. 又業之一 可 論 也 以 矣。 下 韋 直 左司 夫陳 得 以 遂欲 此 在 伯 接 中 玉 於 唐 漢 之 五 魏 在 以 言 盛 初 接 截 唐 唐 陶 去 作 亦 以上 者 杜 可 韓、蘇 也 一接 則 漢魏 又非

徐、 口 也 皇甫 此 則言 諸家 神 在 韻者之偏 明 以 遥 接 爵辛 漢 也 魏 盛 唐

則

不

諸 後 規 必 也 也 室, 筌 能 矩 漸 己 題 心 焉 能 切 中 而 綜 聲 蹄 己 幾 圃 澽 也 也 必 者必得筌蹄 計 於 議 者 以 切 化 之, 神化 射者 彀率 時、切事 ,誰之心 也。 所謂置 必 者 焉 未有 也 聲哉? ൬ 彀 神 後筌 身題上者 一一具 不 而 韻 是故善 有諸 後 者 蹄 能 以 吾故 有 己 兩 心聲言之 教者必 心 實 忘 手相 必 不 地 也 充 先 以 實 詩 忘 身 面

> 哉 肌 矩 理求 彀 率 之 之弗 加 若 知 是 於 肌 懼 理 又 求 奚 之, 必 則 其 刻 刻 神 惟

於

規

韻

神韻論下

端 神 者 實 就 非 於 致 不 始 小亦有 韻者, 言 言 以名之也 可 音 神 漁 情 本不必講 之也 洋之承接 韻 執 節 韻 詩 而 之 以 見 無 漁 亦有 虚 端 神 神 所 謂 洋始 處 是 0 韻 也,吾 以 韻 不 也。 於 乃 見神韻者, 此 爲 李、 者, 名之也。 該 情 明 自 心 其 何、王 吾 致 著 亦 有 謂 古 所 得 之也。 既 見 於 之祕 有 神 詩 以 爲 然,在 於字 格 家 神韻者 韻 有於 有 李 漁洋 之要 調 即 , 於 此 而言之耳。 神 旬 見 格 高 實 善學 義 之承 神 韻 眇 見 調 際 非 古 非自 神 韻 者 者 處 者自 見 可 渾 李、 韻 者 特 執 樸 神 古 非 漁 其 何 領 韻 有 車 風

特舉 論 能 於 矣,乃反歸咎於嚴 有 共 而 更不 皆 虚 是 具,漁洋偶 爲 深 ,吾安能 不 切 以 神韻家, 通者,莫如 得不析言之, 不得其平也,請 無,爲貽 理乎? 則 駡 得 誠 漁 一一析之,今姑 不 洋耳。 有 彼既 拈出 是先 害 - 析言 之, 於後學,此 河 之, 儀卿之言 不 間邊連寶之論 不知神 然近日之譏漁洋者, 之。 乃今又 漁洋詩 申析之。 知 而别指之曰神 神 世之不 韻 韻 非駡嚴 爲 車 是詩 就 「鏡花 乃自 近 取 吾 神 知 人 中 詩 所 水月」涉 儀 所 之 韻 沂 Щį 韻家, 卿 固 誤 誤 見 目 有 所 漁 不 其

治之光乃 人具 實際 乃有明一代徒 後接宋、金、元者,全恃 真 自宋、 全歸 ,於斯時發洩之。 才實學以副 於經 金、元接唐人之 術,是則造物 以 之者。 貌襲 然當 格調 脈 至 真 其 我 才 精 丽 爲 實學 發 或 微 稍 洩 之 朝 祕 其 文 無

> 以 初 是爲善學者言,非爲不學者言 砭藥之詞 關學」之一語,亦是專爲 以滌蕩有明諸 文元氣復 人塵滓之滯習言之。 云「鏡中之花,水中 經術實 有 之也 還 馬 而 於 非謂 先 家之塵 冲 出 所 淡 詩 而 以 淵 之月」 爲之, 可 即所謂「詩 粹之本 滓 賴 廢學 也 有 騖 者,正 」,其援 伐 漁 博 也 然,而 洋 毛 也 滯 首倡 洗 迹者 爲 嚴 有 須 髓 滌 後 知 别 儀 神韻 偶 卿 此 除 使 所 斯 非 明 IF

得風 城 偶 知 鼎,只知 之滯習, 也, 豈以 敍 玉 有 理字之所以 璞 未 説 流。」夫謂 司 能 空表聖《詩品》亦云:「不著一 漢 也 鋪 空寂言耶? 而 深 末 陳 尚 切者, 蓋 事 鐘 有未 不著一字,正 ,此皆習作套 漁 然 鼎欵識之料; 洋 則未 盡 則 未 化滯習者,如 必 漁洋之詩 能 知 致後 鋪 喻「 陳排 語,所 人誤會「詩 如 熟精《文選》 雖 詠漢 比 渊 非 之即 以 詠 蓋 字, 事 焦 連 只 何 有 Ш

境 别 知 其 者,視其 則 ...韻 不能 ,則正惟恐其 切己 乎? 韻 而 者, 强附 初 之 亦 不知而妄議 爲 不 悟 若趙 何嘗 人 語 皆坐 空間 加 及 務, 能領會 此 致 此 秋 H 不 以爲 不 喧 者,奚爲 不 谷之 而豈可反 從 中 於 非 能 事 其 則爲害滋甚 知 神 空 徹悟 於 議 憋 之咎 韻 人人皆得以問 寂 探 漁 平 而 與其不知而 於神韻 0 洋 必 ? 討 而 則 以 强之? 古人,考析 른 謂 神 亦 耳 者 矣。 其 當 韻 惟 不 不 使 爲 津也 以 切 知 妄 其 神 渔 駮 不 何 讀 事 韻 洋 知

唐人律詩論

之矣。 皆知之,至於律則概之曰 豆 不 祧 詩 古詩自 無 疑 則 自 忧 漢 唐 魏 然 始 也,其 訖 而 陳 源 隋,其 流 必以唐 唐律云 升降 正變得 之故 人律 爾 失人 難 贵 俎

> 者勿論 曆 渾 首舉劉文房七律以 律者,亦 + 概 子 云 己, 唐 自 律 中 爲 即 哉, 晚 五 以新 唐作者言之。 律之正 乃 教後 城 至 言 王漁洋深於詩 也。 學。 五 律 乃 其 至 他 近 專 習 人不 日 爲 知 亦

家非不 塾 賈長 諸謝 也 能 在 未 也,詩之理 齊、梁、陳之作爲職 勝之乎? 唐 有 미 時 江 可 然則古詩第從 有先 乎? 鮑, ·欲效 畏難 中 姚 晚 則 則 誦 武 諸家 論古詩 右 唐 而 曰 : 實 子、 功五律者, 律 水 如 力所 自 非 就 史、集者 志 少陵也, 何 者必由建安、黄 欲 者 必 而 不能 敷 遜、吴均以 X 由 也 已矣。士人束 ? 人皆學右丞、 則 右 小必 勝者 若近 力 將 丞、少陵基之, 夫中 謂 不 古詩 人之拈 下爲 勝 晚 而 後 也 以 初 必 人 下 以 圭 小 衷 顧 夫 舉

❶ 底本眉案"「按『空寂』下疑有脱文。」

也; 弗化則奚以未化譏之? 之,●其孰果能 詩 者 未化,蹊逕存焉。」是必空同之詩能化 空同師資之力矣,然空同序其詩曰: 餘 功集》是其手定、《歎歎》等五集 師 者,其變也。爲之説者則又曰:《迪功集 詩派者則曰:少作,其本 也。 古而仍存吴音,非學北 所學杜、李 ,而後議 今之説 歎歎》等五集, 故善言詩格者,必以 其 詩者,皆日 盛 未化也。 化歟? 唐諸家 鄭 聲 曰: 今試取 分刌 ^ 色 也 迪 地也。 然則李子之意, 爲昌 均弗化 也 功 切比 然 李、徐二 1穀深 則其 改從 而 爲 也。 加 守 面 得 所 旲 雅 北 家 棄 而 逕 於 迪 地

克自

爲矣,有一篇之襲唐調

乎?

惟

遺

Ш

五

律不克自

振,吾已詳言之矣。

夫惟

E

與

字之襲古

也。

夫惟

無一字襲古

後

相

劘

切

日以古作者自期,

而

後

無

師

古

也,豈特律

詩

也哉

之理

也。

至於放翁、遺山、

道園

律詩,

則

真

於日

用

飲 策

食之需

也

,未有疑其違道轉遠

者

若作詩

則切己言志,又非代古立言之

詩 孟

賦

論

、取士

一坦而易趨者,布帛菽

近

一之言始

其

法行之歷數百年矣,較昔之

括取士

以

來

凡

操

筆

爲文

者,皆自

也

然

雖

非

能

效

爲

聖爲賢

而

豈

人

能

效

聖賢

乎

?

書之

理

則

比。 也。

至於律

.. 詩,

則更非衍擬古效古之

比

唐之玉溪、樊川已不肯爲大曆以

黄而益加厲矣,此即

八自爲

後

稿本有「與」字

者,專近 蓋 也。 之 自 知 詩 其 縱 其 故 故 於執著摹擬矣,故毅然譏之曰「 横 也 能 常常 出 化 也。 然 没,不主 也 亦未 久 而 顧視徐子之紹古爲篇 ·嘗 故常,彼 不 何 自 者 以 ? 爲 空 少 縱 同 者 横 未 出

以 掩 扛 者,此於徐子之心果甘若 、蔽之。 意如 少 鼎 徐子之心, 逕未化,反不 同 勝多,以 夫徐子 師 ,徐亦學古,等學 、辟易萬夫之氣,欲舉 氣 此 古調 體之超 也 徐子 含其 而知其實若是也。 静 而李之魄力豪邁,恃 逸據 若 攝 者 1 動 乃偶拈 其 作 其 少 古 以 上矣。 藉 作 耳,顧使李子 就 是 使 李之所學, 乎 格具體古人 世之雄 同 故 。 夫 ? 居 跌 蹈 李 其 揆 徐 襲之 拔 吾 自 雖 李 而 揆 則 Ш 與

然則徐子自知其爲蹈襲歟? 曰:不

然也 亦未嘗 足 知 之,是以 謂天然神秀者 論 以 也 而《 矣。 洗 無 迪 滌 不 激 五集之詩縱披沙多而揀金少, 功 知 偶 其 加 集》果雅 而 然 15 爲 ,中間一二浮詞 何 造詣之處。 作 明妃遠嫁之誚 故 也 蹈 音歟 然則 之? ? 若合其 少 日 作 或 日 亦 Ŧi. 8 嘻, 後 免 非 來 反 此 謝 使 所 亦 鄭 不

悟 惟 則惟 以 何以 反 任 正 自 矣, 覆 咎 學古之是,此時若有真實學古之人,必 自立 《迪功集》其 也。 是 V. 前 師資之李子耳。夫徐子知 加 矣, 五集之少作任其咎 後之詣 又 皆不任 : ? 不 然則改少作者,不任咎 綜 - 免議: 曰:迪功,豪傑士 前 執兩端 IE. 後 則咎於誰 其 也 浮 之, 也、 曰 : 吅 究 之, 襲也 乎? 任 之? 則 何 也,真 (迪功 少作之非 者 티 : 迪 也。 爲 日 知 功 TE. 所 爲 不 ?

改僅僅 此 能 將 心 饜 也 超 曆矣,詩 人心也,又出一精於蹈襲之徐子 一, 日 事 軼 引 貺 今古矣。 而 時爲之也。 可 其 如此,爲 深 , 惜也 良友, 之, 格 李子 成 由 以如此清 可 矣,時論 性 以如 有李、何之蹈 惜也 情 本具蹈襲之能 而 此 合之 能 定 才而 改之毅 然吾 矣。 學 所 襲,不 間 在徐 非 造 事 咎 力 僅 此 子 足 李 m 僅 事 而 以 子 其 所 固 如

徐昌穀詩論二

乎其所不得不

行

,彼亦無如何耳。

擇之, 册,攜 録》,又俾 次 之。 附 至 子伯 適 灤 以 從 兒 諸 陽 時 求 子 家評語 寓 帆 篤 樹 舍, 嗜迪 齋 培合諸 中 竭二日 功詩, 并 借《 系 家 迪 愚 之力 所 欲 功 論 選 集 子 如 遍 通 并 右 寫 讀 談 爲 而 IIII 而 約 審

丽

蘇

門

勝

此

遠

矣

四

明陳約之一

序勝

者也。 是以 故蹈 以 異 漢 用 哀》諸句,其然,豈其 三唐作者,其然,豈其 跨宋元數百年, 時,不必其似 其襲之云乎? 才, 魏 長 服習古人,吾不 也 凡 襲者 \overline{f}_{1} 人各有 迪 時 然而 言 能 功 帆 夫勢 用 弗 七 無過十韻 博 陶、 律 所讀之書、所處 短 病 也。 涉 短字 不能用長者,皆 又 也 由 韋之短篇, 詩 直以徐昌 古 不 所 王新 能 不 奥,乃二 少則 如 篇長 者, 病在襲,故短亦襲耳 然 必謂 如 然乎? 七 輒欲 城 乎 〕絶,蓋 可 五. 則將 穀諸 ? 眼 古 則真 以自 短篇之執 君 之境、 大薙 力 皆欲 然伯 何展 執 能 七 人上 新 極 短篇 掩 城 一而 律 用 高, I 其 求 接六 所值 就 又 接 不 短 部《 也 也, 生 獨 顧 廢 乎 如 不 短 之 豈 百 稟 肆 欲 Ŧī.

__ =

談 録 遠矣。

捎 子 昂 論

欲合 則宋之王孫也,不 趙子昂之仕 其重輕 孰 説者以爲 夫以 丽 出 重孰 處 而 論 一則可 出 大 吾欲合觀者 之者,君子之論人也, 輕乎? 節 處 元,人皆譏之,而其書,人皆習 此 人之本 之 以尚論古人耳。 自二義,不相妨 節 ·當出 則 與 必曰出 何 藝文之末, 仕 也 也? 一夫人而 藝文,其 處爲 以 擇其 也。 知之矣。 出 擇 重 「處言, 末 、要者 爲 而 吾 也 要 權 則

158

以悦 日: 非 取 之,又莫能以 抑 旲 平 人心者大矣。此較之但執出 郭? 者,孰爲切中 書之正 重之書法論之。 趙 興 爲 模楷 奸佞體也。俾後來學者專趨 人 m (目,而 吾則謂子昂出處之大者 則究竟品趙子昂者, 世 格。 則 或 漸失 非 此全蔽之,則何 以 吾 哉 文人相 ? 每見趙 日矣。 而其書之側媚取 古法,此 輕 即 書之側 所 取 不 以 處 爲 若 其 能 董 害於 以 以 人 圓 書 澽 思 鋒 概 「熟流 人所 既 以 伸 者 其 學 皆 薄 董 目 實 最 知 其 便 而

淵 米 小 深 書 厚 深 楷 以概 尚 渾 吾則又有説焉:子昂大楷多側媚 有 厚 圃 其 可 存《黄庭》之遺意者,行 董書 餘,則子昂之真品 入晉人室者。 肾極 神秀,皆有習 專取 出 其 矣。 書 書 則 上而 法 實 而

本志

也,而

究不能

掩

其

H

山之行迹。

以

其

學言之,既

承

敖

繼

公《

禮經》之學,又知

疑

尚書》古文,而

究不能掩

其畫箕子以

自

則其藝文更安足

論?

然

而

世

皆

奉

趙

即

以其詩集言之,身在

京

師,每懷退隱,其

文末,稿本有「乾隆五十九年夏六月十日」。

昂何有哉! 昂何有哉! 是論古者之獎耳,與子不察,而斷斷焉徒議其出處,正是好立虚轉不知此義,乃於其有關學問之深者忽焉轉不知此義,乃於其有關學問之深者忽焉轉不知此義,乃於其有關學問之深者忽焉。其有別於學者,視米、董爲更優。而無如世人子昂之深厚例之,則可以仰窺晉法。其有

74

復 初齋文集卷第九

門 大 興 翁 方 綱 撰

人 侯官李彦章校 刊

生

夫 逆,則 而 而 山 必 名 富 得生理矣。 位 遜 栖 厚 養生之道, 失其 之? 事 後能之,則又不然。 聲 草茹之輩,吸朝 物 利 養 舉 不以 然必矜言世味之盡 觸 至於平淡 知 勢逆 所忌,是談養生者必 攖其 逆 而 而 心者,雖 理 不 一墩而 冲虚, 知 順 順 飲 知 寂 夜 不 則 順 足傷 言 處 瀣 失其養。 丽 服 ,自以 屏 不 食 室, 生 絶 知

易 無 悦 以悦 也。 往 海; 下 滋息 息。」 爲 於 於羣生羣息之間, 正 不 舍之則消。 心也。 之所 來 起 誉 子午,而驗於平 生 新 日 一之爲 陽極 元 理 故 目 集義 也 説者但以 不 月 之義。 者 以 相 星 窮謂之通,利用安身乃 盛音可以悦 於碩 則 哉 養 養 世又或知 莊子 推 辰 世徒 氣充,無是則 ? 安 氣 之 轉 果, 也。 爲休息、止息,❶ 曰「至人之息 躔 水 《易》曰:「君子以 旋 而 知濃 歸於 度, 丽 爲 ൬ 日 不知隨事研理、素位 無憂患之爲養性, 君子勞心,小人勞力。 , 動 用 人之血 耳,而 百 味 天地之大化 於 尾 焉。 可以 昌 突 操 間 不遠復; 動 不 有枯 前 脈 以 植 悦口,美 知 應之: 而莫 踵 之 存則物長, 所 發 精 繒 槁 蕃 以 於 氣 此 理 日 知 寂 晦 滋 可 色 善 星 其 無 周 滙 即 默 故 嗜 可 日 行 於 貞 以 宿 爲 宴 無

160

説 者」, 稿 本作「注家」。 而

夫

流

泉不凍,户樞

不腐。

充其

大

(者至

丛 飢 如 明 而 爲 一,吾不知其所養也。 動 高 談 人,不如是,不足以盡生理養生之道, 而 而 以連夜 清 晦 已。工不治器 休 福,以逸豫爲樂,以勢分爲不足 以 日 損其神,眠至午以 邁 而 月 則窳 征 農 不 如 不 耗其精。 是, 治穡 不 則 口

子相 華。 焉。 處也。 吾嘗訪羅浮道院 者,吾身自有之物,所以待用也, 石 中無獎者也,善思其 動 讀東坡之銘,其 草木之藥、雖有 ,所傷必多。 《胎息訣》曰:「既思爲 與 金丹自成, 或曰: 以隨事 用之而稍過焉,則善劑之以 離 論 ,乃怳然曰:事固有 養生之旨,驗之禾莖筍節,收之 日 詞曰:「乃根乃株, 予應之曰:天下問 ●登白鶴峰,至思 思 調 盡 劑 無邪。」因 獘而豫防之可矣。 理 · 庸無獘乎? 爲 養生, 病,不續爲 順 反覆於 而 非所 則 乃 無 補其 輔 未 感 べ藥。」 實 以 有 邪 氣 過 利 逆 乃 齋 退 也 面

> 樂天、放翁之詩,子久、啟南、徵仲之書畫, 欲 皆自適其適,以享大耋,豈必有術也哉? 尊生之箋者,固不必概斥爲非養之正。 至 不用逆也,得乎? 一明日 故 集,有女樂,未嘗 養 指 生 痕 逆逆 尚 在。」險哉人欲 數 若彼繪燕几之圖,著 也 流 盼 黄 ,以拇 陶 庵 乎! 日 指掐 . 中 面

者,此也。 成功則一,所謂「千塗萬轍,皆可以適國」 其用之總在乎自然。或勉强而行之,及其 年,皆不越孟子「勿忘」、「勿助」之二言,而 蓋無論學爲聖賢、學爲一藝、學爲長

制義江西五家論

制義之有江西五家也,皆以深想重

「嘗」,原作「常」,今據稿本改。

三五

發江 也 如 後之能 得乎五家之所以然者哉 一面 (羅、楊之沉邃,大士之淵厚,或未能以 Ш 徒張大其名曰「五家」云爾,是豈 之秀異, 爲文者,或就一家引 奥 而 堅 自成氣 骨 力, 格, 蓋 得 不 乾 而伸之耳, 蹈故常者 坤 之 清 剛 也。 真 至 而

Ŧi. 五 於浮膚矣 而 ௱ 圃 立家歟? 篤 惟 家之文 人黄泉,驚八 變所 善用之而惟才力之是騁矣。 志,又曰 然而有説焉:今日江 (, 所以 へ幽者、 適也。 夫經訓之文以和平怡愉爲主, 「博學之,慎思之」,吾又懼 審其獎而救正之者,果必 極而遊萬仞,則經云「 峭者、險而肆 今使學人之心思,出蒼 .西士習,文體漸 者,各詣 博 其 塱 學 天 極 以 而

手 其名則曰 ,乃又禁之格之,使望五家 然則 由 乎? 斯 戒其偏也,懼其恣也 以 談居今日爲文者,竟弗 夫今日士子之心 而 , 河漢焉, 叩 力薄 其 弱 敢

> 計 後及於 學之有二劉,譬時文之有五家,此則 然則如之何 則 極 已曉然矣。 生論《七經 一、 因 於經傳,而後及於藝林 者,學五 日 便 [噎而 師 於 儒百家之説。 時 爲經學者當先從事於注 廢 小傳》,權衡《意林》諸 家, 而可乎? 墨 食 非 之 耳。 也; 庸 是故 俗 不學五 日: 也 爲時文者當 流别之派 爲 昨 是 江 一家,亦 在 之 西 臨江 謂 今日文 先 與 大 以 也 意 研 吹 而

講 羅 可 文體之至正 文藝勿論 曰:吾非欲置文藝勿論,且 矣, ,經訓之文也,歐陽之文出於史遷,出於 也。 、楊之謂 而曾子固之文出 然則欲學人致審於五家之文,乃轉 不然, 蓋 有 加 . 歟? 得 專欲 則 丽 乎五家之同 於爲 無 其 獘者,豈其必艾、陳、章、 日 歐、 窮 文之 於班 經 也? 格 而 歸, 固 非 力 已 其高 欲 不 而出 出 矣。 置 稍 於劉 遠 才者 於 五 歐、 家弗 乎 江 向 西 則 置

恣矣。 非 則 括 西之文獘者當以深厚,於中正求深厚, 歐 出 之所 乎五 誠 一以貫之矣。 曾不可。 以 救五 能 立家而 爲 於二 家之獘者當以中正,救今日 五 非庸矣,人乎五家而非 家者,蓋亦不外乎此。 家之文熟讀 上 III 經傳注 而 深思之,則 疏,下 丽 偏 如 則 是 帖 江 非

歐 褚 論

虞 以 而 施 楷 永 則 歐陽 準是焉,則又何 爲 ,唐人,其楷亦唐楷矣。 之正矣。 、辨才之亞耳。 猶是右軍以 虞,晉楷也。歐、褚,唐楷也。然虞 歐 爲圭臬乎? 陽 也。 然則 來江左字體,羊、薄之遺, 然則歐 必虞、褚? 吾故曰虞、褚二家合 歐則特立獨出,是爲 歐陽 勝虞乎? 綜論 而 曰:虞以渾 唐楷, 唐楷之法 非也。 則 必 伯

> 融之, 不至 也。 褚書 則此 斯 褚 歐也,所謂「專精」者,非必言精於歐也。 南 陽 林之論褚也,亦曰「漢韓勅《禮器碑》」。 川之論褚也,曰「西京銅甬 言也,然而言之過者其言必有所因。 面 然吾論二家而及於歐,論歐而及於二家, 其 .得無罪。」此四言者,吾初以 專精 也 曰:「價 既 所 斯 淳古之極而 兩言者其可謂 褚以 以 之 實尚 二,夫其所謂 銅 澆 甚 甬 重衣冠,名高内外。 潤 漓者也 也。 、《禮器》之似矣,是淳古之極 澤之, 目 嗟乎,其所以爲淳古者, 以 超 曰「永興 故 曲中也矣。 澆 出」者 日 合二 漓,尚輦雖失言, 書」。 超出 ,非必言超於 家 爲尚輦之過 澆滴後學, 尚輦又論 近日王篛 而 成 董 廣 歐 加

括 稿本作

天

地之運由

質

而

文,

文明既

放之

乎? 耳,非 若鼎烹綺 樸,反本還 以 轉致後人之弱豪競奇者,非所謂 歸於茹 今使爲 繩 褚則不可。 然此 可以 可乎? 反 Œ 毛 於 飲 繡之極 書 論古今書道之運 概 淳」者是 渾 1者, 血 唐楷 故褚之似銅 樸 、衣木葉之衣 故曰 復爲 則 而 也。 也。 歸 有 | 尚輦 安陽 於 之矣, 。必以 布 然此 之過言也 甬 刀幣、齊莒化 帛 會則 所 是爲學焉, 特言 者,褚之老境 菽 謂 則 粟 澆滴後 非 可 其概耳 Ē 斵 Œ 也; 雕 而 也 爲 專 學 則 布

見《鴈 也。 追夫邃古無 其分際恰 獨造,以此 似 若虞之《廟堂 若褚之《孟 塔聖教 孟法師 歐,故曰 到 上之品 歐 》之神 》者,世皆不見其真, 陽之體 爲師 法師 渾 碑》, 融 力 ,則與實氏之譏褚者適 之 古,必致陳 碑》,上 孤 也 即見真 而 行 止 (伊 然虞、褚之《 追分隸 故 本者亦以 闕 過 三龕》之 潤 m 一高,力 世 澤 廟 徒 爲 之 而

> 度 七十餘字者,又不可 合 》、《醴泉》以爲 也 ጠ 虞之《 有唐 廟 得見,是以吾必懸《化 堂 正楷之極則焉 一》真 本 及《千 文》

相

歐 論

米矣; 獨 當 顔 精 蘇、米,其於唐 而 記明之俞允文、近日之王澍,皆稱精於歐 又見所刻它書,乃不稱遠甚。 醴 品 不可通於顔。 獨 於 泉銘 歐歐 不 别 夫唐 近時 嗟乎,斯蓋其所以不能造微者也 其於唐人則上通虞、褚,旁通徐、柳, 可通於歐 觀 、顔、又用敬客《甎塔銘》也。 吴郡 者。 人之書,説者以魯公爲至,然有 雖 不能 有 蓋 X 蔣 且夫右軍之脈 一也, 也 顔 造微 歐書 仙 旁通 書上通右軍, 根 然 者, 亦 虞、褚、薛諸 上 頗 予 通 跋之者謂 嘗 I 右軍 穩 見 下開蘇 其 下 其 子 既 因 其 而

於褚 唐 尚 至 顔 子 爲 於 所 賢 不 1,褚得 「虞所 祖、繼別爲宗之義 褚 若褚之爲虞 得 亦正 丽 其 於虞也 得 脈 脈 者 也。 猶 IE 近,至 所 一,歐 脈 通 掩 也 徹 則 也 也 顔 與 前 歐 則 況 虐 後 所 遠 於 並 得 言 矣,此 顔 得 也 亦 乎? 於右 IF. 則 脈 亦 顔 軍 也 别 然 得

度》耳。 也 下 更有《化度》,則 之,《化 柳之筋骨合之耳,此 誕 醴泉》誠足嗣 將與《化度》 之書直接右軍者二 碑 至, 》之峻峭、《醴泉銘》之方整,遂 其 度》蓋 之並 病 朗 而 蓋 廟 暢出之。 外 稱歐與顏 在 堂》之法 人所以與《多寶 無 不 右 同功, 不得 能 知歐 軍, 嗣 此 所謂 已而 者,雖 顧 碑 、柳者、蓋 歌、虞合 至其 則 則 其 有《 近 日《廟 以 以《 前 後半 歐 日王澍之 孔穎 目皮相 一之理, 半含蓄淳古, 自書亦不 醴泉》當之。 人塔》 堂》,曰《化 見 則 達 夫《皇甫 並 演 也。 是 論 所 迤 驚 能 以 M 唐

> 境。 板, 於篆 以 不同,而及其成家則 顔 並 给 爲 《廣平碑》側純 書 論 虞 碑》、《鴈塔聖教 褚雖沿虞之法,且 書者 籀,柳亦 家之神理 夫其 況於敬客之《 洗虞、褚之習,然乎? 失 似 之 褚者已爲最高 源 疎 失 於古隸,其 乎褚法,此在顔 薄 而 序記》尚 一畦畛 甎塔銘 一亦洩 上 侕 下之源 爲 迥 歐歐 歐 判 不 發 》乎 之巧 能 書 端 流 然 而 ? 與《醴泉 者 全紊。 爲 而 論 ,而《房玄 純 者 最 顔 顔 本 73 高 則 取 謂 方 出

與 也。 當 III 顔、 别 顔 同異之際未可 柳皆可以 歐 若以唐 虞雖統系之,然而虞與 則 與 祖 (顔爲 孫 人論 詣 也 二派,猶 其極,歐 輕 褚於歐, 則 論。 虞 之禪家 則 然則右軍 爲 特立 則 歐 集 大 ,兄弟也; 兄弟之子 有 超 成 南 之 出 嫡 無 而 北 嗣

▶ 「顏則」至「之境」二十字、原脱、今據稿本及書眉

四 0

有 子 巾 以 歐、柳 顔 柳 並 一稱 於 歐 者 故 則 親 不 盡 可以 而 不 不屬矣。 論 世 又

書之極

書之極

也

化 度 勝 醴 泉論

差。 論 同,然猶曰不必泥古説也。 歟 以 了 齊。 前 篆書乎? 然矣。 又自釋之曰: 人「《化度》 近日 夫《化 即 此 金壇王 三語, 度》在《醴泉》上,昔人之論 曰 勝《醴泉》之說 氏 而《化度》、《醴泉》之差 圓乃勁,瘦乃腴,參差乃 要圓,二要瘦, 若林專 可習歐 且不聞若林 書 爲 加 非, 要 其 參 何

亭》,篆法也。」 也 醴泉》 法 或 吾應之日 日 也。 亦 純 彼自論 故二碑者,歐書之極也,唐人 乎《蘭亭》也, 而《化度》則 劉 篆,非 有定注《衍 論 皆《蘭亭》矣,則 純 楷 乎《蘭亭》也 也, 極》曰 非論 歐階 蘭

> 日 風沂 天地發生之氣積於春,而 弦之琴,清廟之瑟,勝於八 勝於彫琢 畫家亦曰 質,故勝東漢,馬史之文用疎,故勝班 勝巧,飲者勝 且夫遒逸之勝朗暢,不辨可 也,而右軍古今爲法。安得 皆鎮也,而泰岱爲伯,鍾、張、羲、獻皆 夷、尹、惠皆聖也,而孔子智巧兼備 水之撰在 此其本末、先後之間 或 日 也 也 逸品在神品之上。 自古以 皆極矣,子曷爲必辨之? 舒,樸者勝 太羹 平目 來正 不和,勝於淳熬也,五 前 圃 華。 昭 萬 禮樂 昭 寶成 音之繁會 故太璞不完, 知也,故 加 西漢之文近 矣。 兵 弗辨之? 於西, 人農俟 史, 拙 書 五 也。 岳 家

學者若林也,而其論反是,是奚以牖後進 皆以《化度》勝《 元 、明以 來品書者未必 技也 醴泉》。 而精 其義可以 皆知道 今之能 也,而 入神。 書 而 其論 知

之士 論 如此 而 衷於 是乎? 故 因 臨 是 碑 而 反 覆

化 度 勝 醴 **E**泉論二

所 賈 廉 本 子淵、胡孝思二 來,云去年冬於其 墨色古香,至今在 明矣。 得第二 持一本,字更少於予本,後有王虚 見 人本,然亦真 而 子 歎 去年得《化度》真本,吴門 本 (爲希: 則知虚舟所見之本不盡 有, 本 跋者, 尚不及予所得 目也。及今春謹庭 因説其少時於吴 友 也。予按其言,即 人齋中見一本,有 陸謹 下 一舟跋 弇 本 復 ·見賈 庭孝 翻 州 及 陸 北

異

夫歐書之蕴 泉》且不當以芒角賞之,況《化度》耶 者,蓋 然則虚 其病先中 藉 舟 者、蓋莫如此 不 以《 化 在 一長 度》勝《醴 二碑 庚芒角」一 矣, 泉》之説 即 ? 語 此 醴

> 當 出 所 自《蘭亭 謂 以芒角見 不揣 其 》,而《蘭亭》根於篆筆 長尤爲可信。 本 而 齊 其 末者 也。 , 此 此 碑 皆

若虚 務 獨 可 褚 趣 含 於 謂 書 舟此 所 歐 然則虚· 蓄 於 出 書 以 書 《禮器 關 跋 道 養 祇 I 有獨 舟直 氣質 效其 人於人心,將使學率更者墮入 細、故不得不再三辨之。 碑》 得者。 未解 皮 而 其 已,不止書法 膚 論 歐書者 耶? 隸 豈 他 最 凡今 不 書 耶 直 皆 ? 一藝也。 之士,宜 鄭 有 虚 所 汝 舟論

宋人楷

茗畫 鍾 王 吾 事 示 猶 也 甚 之 服 然 歐 韓 歐 陽 詠 陽 薄鍾、 周 謂 鼓 書 而 \pm 必 薄 書, 有 羲之書耳。 法 以 爲 因 等諸 以 薄

根於篆筆」。稿本作「全用退筆」。

之矣。 黄、 米 行 也。 者 Ш 正」者,一言盡 此二言盡之矣。 宜 義 即 云 云「大字欲似 故 樵 也 寛綽 書 言 作古楷 衛 詠 以 米,亦能 也 書 唐 必 則 周 恒 顔 書 後世習姿媚而獘生者,知 有餘,大則宜結 過 至 Ш 有 鼓 所 則古今判矣,陸楷 法 恉 谷 而 法 歐、顔, 謂 也 而 爲 也 陸務觀作 於大取《 薄 純 書 未 其 楷 小字 姿 之矣。 執耳。 · 抑唐文有 楷乎? 若作 明言 意 純 則 , 又 小字欲似大字 乎 鶴 何等 吾 歐 書 見 宋楷 夫欹未 歐 楷矣, 密 蓋 吾 言 銘 一而度其 Щ 陽 法 取 無間」,此 書 \approx 樵 云 則 見 乃 也, 之。 法 小 不必然也 宋 蔡 米 高 鶴 有 勢 mi 埶, 取 書 以 之 陳六 欹 銘》之旁, 不 古楷程 似 夫 薄 ^ 法之法)蔡、蘇 虞 則米 不 衷 樂 四言 歐 欹 鍾 書 法 毅 於 知 而 小 宗宋 爲 則 之 所 IE 反

君子好學,以勿欺爲本,宋楷則何必

若眉 乎 大 自 焉 高 日 ? 行 書 謂逼古, 陳 ,後之爲米 山《任 張 則真 故不 温 夫 氏 其 古 得不詳論之。 墓 獘 楷 以 義 志》,若 將不 書 矣, 高 董 名於南 陳 一楷 不 知 者 古 則守宋 廬 所 義 漸 Ш 止 渡 則 Ш 皆 蔑 人 而 谷 吾 不 格 古 或 所 講 之 轍 尺 稱 見 結 以 宋 其 漸 何 構 傷 外 楷 牛 ௱

明人小楷論

居 變 兆 吴 楷 至 宋 嘗 生 , , 耳 其 以「天授」 楷 人 七 後 有 有 姬 明 之雄奇, 以 明 帖 ___ 全力 代 冠,兒視枝 小 推仲 規 楷 而 仲 漸 温 吾 宋 温 可 題《七 也 仲 Ш 者 以 承 孫 温 間 孟 第 姬 元 乃 津 津。」蓋 得一 人之雋 羊、 $\stackrel{>}{\mathbb{Z}}$ 仲 薄 孫 温 東

然而枝山之學晉法,得一王履吉,復

哉! 者,亦猶徐迪功之《談藝》云爾。 之蹟,其即《鶴銘》之縮本矣。夫論 山之學唐也。善乎豐道生之論楷也,獨 之,則壽承、公瑕在前,子柔在後,豈 古,殆欲突過前人。然若以 結穴於董文敏,文敏不多作楷, 石熙明刻歐陽《千文》,其有合於華陽隱 徐、高以上下千古,豈得已乎 書者,固 一黄淳甫,竟若據 故吾究不欲因枝山之學晉而竟薄 勝於論其詩,然於五言詩竟專舉 有 明一代 結構尺 楷法之勝 而 明 楷 明 度 書 則 繩 居 推 衡 讓 淳

位

則《

桂

離

爲

日

豈

不

轉

與

八

桂

方

位

刀

四

復 初 齋文集卷第十

門 侯官李彦章 大 興 翁 方 綱 撰

兆 於 南 郊 就 位説

著其 其 也 此 義 邵 日 官 也 不 而 子 「天秉陽。)所謂 立郊兆。 也 宜 特 説 不云就乾位 不 者 也 《郊特牲》云「兆 鄭氏 先 知 或執 ,於祀典著其宜也,非於 天 桂 注 位 若以鄭氏、方氏之語傅 八卦方位「乾 南郊祭天,北郊祭地」 日 抑抑 也。 日者,衆陽之宗。」故 并不 日 就陽位也者 、太陽之精 於南 知南郊就 南 郊 坤北」之説 就 桂 於 陽 也 位 就 阳 位 以 陽 方 著 事 位 Z

乎?

乾則雖統

八卦

圃

八卦成列,乾

在

其

位

曰乾,西北之卦。

此

則就

挂

成

言之,實其本來具此

位置

者

也

是

則

内

乾在

八卦之内,則不得

不與

+

卦

義,非 得 天 者人 卦之 夫 援 固 南郊主日之義,以證 面 就八方内專舉其一方,以爲天之位 ,統八方者也,若就上天之尊言之,則 君答陽言之,則與 上節云「君之南鄉、答陽之義」也。 以 不 而 方位 爲乾 必援 聽, 君主之也 要之,祀典自論 南 以 訓 」適合乎? 天下嚮 之方位 義無 南郊主 乾卦之義,則 1,人君: 涉 明 日以 也。 乎? 丽 \sim 離南之方位 八卦之方位何與 祀典,卦位自論卦 説卦傳》曰 南面謂之當陽也, 爲離之方位,而豈 蓋以祀事言, 治 總之,此言 正當 此 以 依 此 訓 记祀典, 則祀 祀 離 聖 在 乎 既 天 桂 位 就 猶 必 兆 南 此 ? 與

天 以 口 北 位 位 不 之答陽 以 邵子 方 也。 在 可 南 位 百 IIII ,卦圖 事 語 以 也 祀 定 理 ; 矣。 而 典 日 平 其 判 天 出 祭 成 1 然 蓋 不 於 地 日 禮 可 人 文 於北 祭天 之所 以 理 事之秩禮 方位 判 郊 於 在 未嘗 「與所 然,而豈 南郊,未 日 謂 則 不 得 嘗 地 就 미 方 援 位 位 日

説答陳 碩 士

人之道 愈以 論 荀、虞, 本 言《易》欲 於程 不惟 張 及程、朱之入理 碩 歟 演 不 + 不 測 足以 爲 演 如 漢學之説 山木《易注》 謂 求 測 特 饜演測漢學者之心也, 荀 諸 今人因 嗜博以炫 程 虞者,豈 、朱。 資 彼將 序, 何以言之? 州 此 於 《集解 其 人 以 固然 漢 欲求適 而 Ш 學自 己。 木 E, 以 治 凡 演 有 今謂 於 抑 然 聖 Ħ. 此 測

以

祕,奚 實有宋儒所未及者。 理 學 之云哉。 且 荀 虞 諸 家 徵 實

己 至宋 者,宋儒自恃理 以供採擇焉 則於《禮》皆據 者,於《易》 意者, 存者。杜之於《 氏,於《禮》則崑 誠欲判漢學、宋學爲二 攷辨之端矣。 林 儒 與道學分,而傳注箋 而益 而 熟毛 則資州 每 爾 密, 同 前 氏 明 然 鋟 言也 夫理至宋儒 春秋》則偶系以 李氏,於《春秋》 簡 加 Ш 圃 諸 衛 徑改之,是則授 中二説歧 經注 古 ,李雖於《易》亦有 氏,蓋 訓 一途矣。 故 疏 疏 而 古 有 無 序 出,特 益 必 經 復 之 彙 己意, 不 説 則 梓 遺 可 並 多 江 種 訓 經 乃 解 存 附 賴 陽 衛

以

杜

若荀 變與 詩 漢 、虞非 미 然荀、虞之於《易》, 例 儒之執象變平心擇之,亦實有荀 觀 訓故比也 也,古 訓 故 此當就王弼之舍象 則 又非 有 必 毛、 不 可改者, 鄭

堂室, 文家 方位 儒 《漢學 以 子 先 之説 云 古之指 摭 言 也。 能尊程朱也 未定之論,不泥 知古注之不可 程傳之 據 孰 又焉得不謹 如 理 極 耳 爲 歸 以 球 若 當 得 定矣。 昔 問 過 圖 此 者 其要歟? 嘗 津 矣。 類 泥 王 與與 者 於人聖之路, 大象與朱傳之過信 注 記 山木之於《易》,猶 輕 是故 吾嘗 惟 其 不滯 不 之! 其 廢,又必 仲子言, 及 取 欲伸朱子傳義者 然 此 <u>m</u> 知 其 也 慎 則 後其説 即 於尊程 不 詳攷某條實 然後 則 ൬ 待 質 44 煩 諸 合 朱 不 是 朱 先 言 諸 竟 東 亦 也。 具 乃 天 當 時 面 Ш 宋 未

古 銅 戈 説

海 旲 》家 槎 客 以 騫 胡内接 寄示 銅 秘者爲内 戈摹本二,且 非

衡,其 博。 形三 矣。 之長 如 也 胡 之制 之胡 衡出以 物 \blacksquare 愚 頭 日 . 戟 嘗著《戈戟考》,云: ,内、胡、援 也、 也 按《 内之平, 也 而 『戟,有枝兵也。』然則戈爲戟之無枝 也。」 一。」賈疏 出之,故謂之内。 也。」然 相際平其上 考工 援也。 説文》言枝、《攷工記 衡不 内也、胡也 胡上不冒援 博者 啄人,其本即 是故戈之制 胡 記 而 與内之平相 ,援與胡從 以 則 云 内 其 刺 内 戟 鄭 小卻 刺 「内倍之者, ൬ 四 接 爲戈之不 注 援 則胡 愐 (秘者, 不交 相 有援、援,其刃之正者, 内也。 焉。 也,猶之乎戈之内 内 出, 際 衡 $\overline{\sim}$ 援 應,故 个午也。 上冒 交午於中, 謂 故 戈之援 不 接 説 即 心言刺 日 平 内 IE 内衡貫於秘 文》 柄 據 援 戈 平頭 處 頭 方 胡 也 胡 戟之援衡 E. 之倨 m 昂 世 下 、枝、刺 者 以 下 枝出 矣。 然 不 也 垂者 歙 内 柄 戈, 如 似 何 戟 程 接 橋 戈 者 又 柲

適 倨 使 īE 旬 其 方 中 援 也 矩 外 0 博 所 中 焉 以 矩 ,而不令中 然者, 云 者 戈 援 無枝 與 矩 胡 也 其 從 H 徒 衡 平

之垂 胡 謂 倨 是 蓋 直 蹟 也。 兩 以 有 日 正 可,《 胡 以 戈 者 援 . 則 旁 内 與 曲 擎兵 援之 多 微 不 衡 胡 有 接 宋 方 所 攷工 者,所 綱 直 而 禮 柲 鄭注: 『戈,今句 黄 刃 以 謂 嘗 弗 下 横 者 長 而 圖》 已句 啄 也 内 記·治氏 從。 以 如 置 睿 也 謂 也。 從 之辨 所 可 磬 多 前 胡 則 則 而 見古戈驗之易 折, 故《冶氏》之職 旬 援, 直刃 也 創 以 不 援 末 繪 口 》,戈之制 相 決。」鄭氏 形 不 啄 稍 鋭 之若 合。 啄, 胡之旁有 若 F 決。』既 X 刓 子 横 則 而 也。 而 劍 戟 矛 黄 不 非 漸 鋒 也 槊 有 氏 而 亦云: 謂 今詳 用 直 者 H 又云 然 ^ 鄭 内、 可 之 内,謂 銅 以 此 若 接 所 氏 誤 啄 《考 戈 句 刺 戈 有 柲 牛 謂 以 辨 也, 制 胡 V H 爲 之 頸 援 胡

> 若 直 其 觀 此辨 Ē 戈皆横 夏 鳥 商 咮 與此 然, 彝 ,與槎客、易田 如斧鉞 器 不 戈之制 銘 欵 其 而 作 刃 同 鋭若 之 X 之説,皆符合矣。 此 端 形 最 鳥 執 L 可 咮 戈 向 箭 者 m 也。 又胡垂 直 荷戈 也 據 秘 今

柲 真 臆説,非 尺六寸。 而 胡 ,所以受胡 兵耳,所 謂直 下 所 - , 近時 難 刃 一日矣。 者"向 皆由於未見古戈之形 通 以 戴 者 長 陳 來 東原《攷工 也 尺二寸,下接 祥 讀 道 陳氏 鄭注、賈 ^ 禮 書》 之圖 記 疏 柲 圖 亦 既 制,而 》更因 。皆以 日 -爲 繪 内, 爲 妄逞 内 爲 凡 援 而 詳 E 似

其 柲 説 蓋 相 附 者 之 由 也」,此 於賈 誤 然 「接柲」云 非 方 耳 謂 綱 疏 從 句 竊謂 詳 胡 其 者 本 觀 下 末 亦 謂 鄭 柄 而 鄭 胡 注 謂 入處」一 受之也。 注 之旁向 日 其 本 銜接 内 不 謂 語 誤 裹者爲内 處與秘之質 後 而 胡 而 人傳 致誤 以 後 内 耳。 也, 傳

鄭 通 對 此 先鄭之説 疏 則 亦過矣。 上刃」云者,亦表其是横 句子 柲 誤 未 也 則凡器未有不上刃者,何煩特 語云「援,直刃也,胡其孑」,蓋先鄭 會 嘗 而謂之直 而 而 言「胡 又 云爾。 鄭 是以《書 云「胡下」,是從來之失皆失自 目爲直 注 下」也, 也。 |所云「援,直刃也」者,乃 先鄭之全文今不可見, 刃, 顧命》 黄長睿執 止 猶言其 云 出 日 胡 也。 「執 刃外 此 以 以 若直· 内 戈上刃」, 書 、駁鄭 揚耳 耶 耳 出 ? , 特 之 非 味 引 則

文足以互證矣。 一定,則有所未安。今槎客亦見貽拓本,文字,則有所未安。今槎客亦見貽拓本,文字,則有所未安。今槎客亦見貽拓本,文字,則有所未安。今槎客亦見貽拓本,文字,惟易田以「芊子之造戈」「造」字爲「寢」

孔 疏 曲 禮 「戈,鉤子戟也 ×: 進 戈 者 如如 前 其 戟 鐏 而 横安刃,但 其 刃

> 孔 發 下 頭 明 銅 冲 不 耳 也 遠 向 _ 固 E 此 以 爲 戈爲 語 鉤 與孔 也。 横 刃矣。《説 疏 鐏 鐏 在 尾 在尾」更足以 而 文》 鈍。 據 此 相 柲 則

然則 引頸 詞 嘉 注中「表、裏」字 倨 見 雞鳴」者,此語尤 Mi 而 禾陸 謂 疑 餘 也,雞之喙,或俯或 加 馬 皆 胡 援之外更無有也。 ൬ 知之,自賈公彦以内爲胡 竊嘗謂戈之制,二鄭及許叔重氏 費墀 得 同 昂,喙乃横 Ĺ 故曰 一句謂 此文疏 附記。 平頭 而 胡 妙 出矣,戈之立也象之, 通 轉 下,以「上、下」字, 戟 證 晦矣。 仰 雞 明之,意豁然矣。 其 也 可 鳴 視戟 世 也,及其鳴 往 者,象形 注「或謂 者讀 下, 但 無 又 刺 則

四八

此。 賢者 師 爲 數 廉 謂 而 m 主善爲師 一至其 一必先 立者 傳 故 洪 節 可 以 何 師 而 識 師 之 守 興 文 柳 自占 者必 ,善無定主 云 也 子 者 祖 翼 者 不變者,有 其 深造自得之妙 弟子 ? 小。」吾 乃 道 厚 亦 _ _ ≪ 不若 自爲 經 有 云「學 以 必先 蓋 不能 無 所 馬 論 馬、 子 師 則 語 口 觀 自 所 Щ 而 鄭 厚 者不歸 之名 鄭 必得於師 守以 精 漢 立 後 大 Ě 可 二子 所謂 之學 守故 儒 小 可 : ൬ 爲 而 則 皆 「賢 龂 經 以 導 爲 抑 專 子厚,故其言 質 心 有 龂 也。 擇 無 人 章 師師 者識 奥 門,執經篤 也 之精微, 其 而 持 師 可 則惑 揚 旬 後 實,善矣。 其 不敢 識 後 面 明、 師 其大,不 書 不 世 師 從 也 者也 日 説 疏 必 口 虚 之 師 而 所 故 道 至 : 通 信 如 白

> 若 諸 游 乃 弟 移 高 子 無 談 道 據 崇 待 而 論 其 不 以 知 人 矜 所師 而 所 獨 者, 得, 學 ,厥獘均 俟 倡 其 爲 候 爾 人 師 而 與

爲云 幼者 知之 其 吾 有 者 篤 不 數 重 ·甘承其 者 信 熟習焉 X 繩 然 爾,不甘以爲 或 今時 必曰 人。 師 説 日某 誨 其怙 學者之獎又皆不在此,其 有 而 不僅 守之也 也 面 事出 其 记者 此, ソ舉 折之羞,無謙 誨 某書 己 不知之者必曰 一,何由 :重人 也 「某義 他 繩 哉 以 長 之。 者 錯 作 受之益 互之, 躬蹈焉 某解, 每見 吾亦 畏 一, 求 謂 其 坐

如 慮 自 而 惟 吾 以 此 此 誠 矣。 乎? 祝 爲 也 王 其 文 當世之邃 此 成 吾 勿 凡 不 然吾 幼 吾 嘗戒賓客導子 諛 待 吾子 無 一之爲 誠 見朱 於養 師 者 弟,而 而 1,稍惜 此 竹 而 得 説 垞 優 名早,是以 非 求 顔 弟 於 以 其 以警 面 以 學者,或 廣 面 當 匪 斥吾 不 僻 附 其 阚 之 過 爲 乃 矣, 失 説

師,而中夜悚然汗浹襟也

擬師説一

良,極 者 夫 連鉛錫以假爲金, 高,次良者 適 且或多其鉄 用 而 天 物徵於實,實徵 愐 己 下 殺之至於 矣。 之學, 미 以 兩 今有 躋 務 以 最良 則 實 最 準之,則下者可以躋於 煎 於用 有 金 而 下之金,然皆金也。 矣。 司 已矣。 一者其金最 也。 得 窮 有人焉,操銅 治之矣,何 古 良,或次 今之學

積 也 小 而 八,尚且 世 來受業 而 凡童 累 家塾,盡以畢業 惟師 論一時 年, 一積習 子束髮受書 亦然,今將必使天下大 也 通 相 儒 猝無此等人可爲之師 且有 邨 輩 出 此 重 爲 不 亦 可 則皆以道統之傳 俗學,時文爲 足 不 慮 得 以 者 害道 人人抱 今構 而 也 書院 此 卑近 即 詩 期 使 願

> 道特甚 復社 院 遂 設 使 烈 至水 於 有好爲同異者樹之幟 、義學不 邑之 小人,不可不防其 諸 一,而 火玄黄,蔓衍 人,其始不過分肄五經文,而 中 毒於世爲不小也 下千百, 里 塾 不 此 下 一世,君子之爲禍 漸也 以道 數 而滋其 + 鳴,彼以學辨 天 議,其害於 明末幾社、 下之大 其後

法,必 遠 教 據 不 可 家 傳注之人以爲之師,精 不 以 源 以 義 能 而 亟 醫卜之流,亦必導以 詩 委 得爲文之本矣。 法 不 致 講 然則 窮點畫、核 之人 假 之 賦 也 熟 也。 也 一,就 正學其不可 則 諳 八以爲 難爲 必 經 其 今如 近而 審聲律、 濟、 形 之師,則 功, 教人 聲 博 近者不能 引之也易 如 急講 研《史》 通 樸 豈 教 爲 E 時 雖 誠 但 以 時 歟? 一體裁; 事者爲之 已哉 不 策 文 欺之術 〈漢》唐 假,而 帖 爲 論 , 則 日 即即 則 括 力, 教以 必 : 或 宋 遠 安 必 篤 啚 圃 師 所 書 考 諸 其 得

也 0 故 因 魚門 先生之論 而 附

顧 師 謂 面 已不素餐矣。若必人 者 Ŧ 用 究聖賢之緒業,反恐啟空言之詐, 童者,但能課誦諸 贅儀厚薄 注 無 》,斯 補 知 轍 看 己 所謂篤 而 陸 可 教督月課, 口 平湖《講義》, 敬 適 矣。 近 道 而舉遠者,此也。 經全本且略識 人與之反 也。 府縣學官,但 亦已稱職 而 嘗 本考原, 屏 見 矣。 除 字 lli] 能 范 院 則 於 進 訓 不 翔

榮弋 經 不 飲 下 IF 而 能 師,又復 酒 學之統,是猶遠 且 無 事 務 巧,中於 博 給,稍有暇 家之師, 抑今日爲師者喫緊之目蓋 如 塞於燕几之上,甚 利弊,究古人言行本末得失之故。 爲之師者,習與其 慎交遊。 加 其 13 日有程,月有 矣。 術 也,則宜與後生 遊 自書院院長以及間 而 者 沿斯 不 未 口 弊 知 解 朋 至 課, 里 世 招邀 輩酒食徵逐, 他 明動 而 有二: 小 欲 日 而 聲氣,梯 第子 子研 晦 返 遽 之於 巷 日 天 以 尚 戒

友 説

道處 恃吾 見,而友之損益 友之 也。 藥之,則金石草木皆伐性之具 友」與「習」類,學之所以安 友之也, 相 無意,而人之也無迹,其相習也 我也。 友焉; 友者, 順 也 出處之未信 徐 爲 鍇 知 口 日 友之 其自 所以化氣質,析疑義,廣 則 鄙 "「友,二手相 僿之未釋,須吾 也。 弗 難 以友道自處,又知 與 ,畏吾友焉, 言行之或疎 待也不以道,必不受 知,以其見病之 之 幾微之辭 友矣。 順 也,故 色不 損益 也。」 矣。 友 焉。故 諛其友, 多遷,而 之 其 日 君 其 ൬ 見 友 我 子 古 成之 以 而 易 其 聞 慎 後 友 文

道

入」字。原刻本作「堂」、今據稿本改

其

也

Ŧī

得 難 誘 生 幾 之 以 患 哉 ? 際 利 難 之 有定 i;相 清 不 負 夜 慕以 其 於中 不 欺 友。 勢, 其 丽 相 友 今於安居 不能 煽 而 以聲 奪夫久要 後 千 氣 無 變 前 事 百 之 折 欲 也 日 其 之 急 口 相 死

續《師 見 或 能 乎平日者 惜 轉 赴 有 蹈 然世 **簞瓢之茹** 説》後 所 湯火以信於 有 不 非僅以 速者。 大勇之夫, 相 屬 可 取 樂而 千 爲《友説》, 友, 友論矣。 金之璧 加 目 孟 窮 不 實股慄,是 理 識 미 同學 養 ^ 故 (詩) ※ 輕 氣之 作 諸 而 子 此 有 破 君 以 以 存 釜

酒説

禮 知 洒 酒 也 同 人 人 9 然 共 相 竊 屬 賓 聞 爲 客 一之禮 諸 酒 先 説 君 酒 \vee 子 飲 子 之 酒 不 説 能 酒 矣。 飲 正 授 是 周 酒 不

> 聖,飲 令也。 如 材 是而 酒」、《 辨辨 酒温 五 《易》占濡 己。 詩》稱「立之監 齊 之名 克」,此 首 酒 酒之性 官 , ~ 監 書》陳 佐 用 情也。凡 之史」,「人 六 「有 物 正 此 酒 有 酒 之説 之齊 事 之 無 政

者體 之。 鄒 陽之賦 爲 人之性情矣。 格 白 陶 潛始 居 不 易有 酒 同,要皆極言 有 已也。於是乎酒之性情 ^ 飲 何 處 酒 難 〉詩,後 志 酒 酒」之詩 中之趣,非 人或擬 嗣 反 止 而 若 作 和

於是 情 鄉律令》,其 爵 有《 而 觥律》,皇甫崧有《醉 典故》,袁 麯本草》, 酒 酒之政令變而 夫 Ŧ 本 酒 勣 有 自 作《北山 政令,而必變之爲寓言之政令. 依 爲 宏道 何剡 性 託 情 推 有 酒 有 ,而必 爲 廣 經》, 觴政》, 人所寓言之政令矣。 ൬ 鄉 酒 爲之者尚不 日月》, 阚 使入而爲人之性 後 雅》,曹繼 田 續之, 藝 李廌 蘅 有《醉 有 善 田 《罰 有

也,而 闢 因 則 門,人萬物 之世,而其 八月黍 象形者,若水在 漢志》曰:「 「賓主百拜,是以 之象也: 戼 酒也,然古文酉本作丣。 酒 之實 百禮之會,非酒 其 成, 从西 義 古文一色,象 可爲 也。 時 其 酒者,天之美禄,所以 但有 1則同。 爲春門,出 烏 豆一壶,所 古者儀狄作 酎 從 古文,諧聲之法 酒。」然則 終日飲酒 而 不行。」然古人一 形 以 許慎 求之? 也; 就 萬 E 人性之善惡也。 物 戼、丣,對待 而不 酒、蓋 酉之爲字,本 今文酒 請 也; 西, ·得醉 以 先 在 丣 養病扶 酒 就也 獻之 夏 爲 具 之爲 也 后 闔 於 秋

時,至 説 畫,不 對 미 者,日終宴息而不可過 爲早晚者也。 或 抑吾又有説焉: 卜其夜。」亦以示閉藏之義,飲足 西 缓《詩 而 極 》「厭 也 飲於卯則 若至 厭 夜飲」之一言,是未 天有十二時 於夜則已過 也。 湎 「溺,而 故曰:「 戼 矣。 於 1 西 戼 之 其 知 則 相 而

> 以 詩 以詩 則 當 也; 之,此則《湛露》之詩固未嘗 青澤之形容耳 爲説酒 合矣。嘗欲舉此義作《卜 成 有 留賓,賓 》者 醉而 之,於庶 事 , 也 曲喻之意,援 則 不 (則可 族 出 (傳》曰 姓 ·, 而 ,是渫宗也。」正 八皆侍。 讓 以辭主。 傳者尚 之則 夜 夜飲 露 止 故曰 必 禮 醉 以 ·畫説 不與《賓筵》之 以 私 而 爲辭,此 義 之意 於同 資辛 燕 出, 日: 》,故附 讓之 也 是 也 姓 義 特 主 不 終 美 夫 則 子

戒酒説

耳。 叔 日 日 : 也 「厥父母慶,洗腆用酒 惟其 ,鑒以「酣身」,勗 客日 此 則 (然而 : 專 一子之 爲 後其 戒 説 酒 説 酒 長 説 以 也。 贵 而 剛 [] 且 説 已 制 昔周誥之 洒 耳。」予 無算之 」,猶 哉 必 直 應 酒 先 命 戒 之 之 康 酒

法 能言 其心 湎 於 也。 戒 有 酒 二一義 無算、無量者也。 者 一而已矣。 聖人之董治 無 乃 乎? 量 其 之 所以 聖人 酒 未有不深於戒酒之理 酒 著 深 Ē, 之惡旨 於 其切陳乎「 喻 聖人之自理酒 論 夫 語 作酒 酒 聖人 是 之本 剛制」之 豈 之 與 原 訓 而 戒

征 有 之心準以不暇,而無義 事」、「乃司」,「不惟不敢,亦不暇」,蓋 言皆説「崇飲」、「羣飲」也,其惟曰 曠之具, 流 出 服采」,其惟 乎?」曰: 之不給,而 ,曠達不羈之輩 於深知 一日之正 客曰: 則 所惡 醖味、深切性情 大不可也。 日 務,日就 何能及於飲酒乎? 然則曷 「農父」、「圻父」,其 乎好 ,姑且借此 以飲 爲 月將之不遑,日 而 不該矣。 周誥之戒 爲事者,非 必著 也。 以爲偷 爲 詞 夫人 人藝 戒 人惟 酒 服 必 酒 ¨, 非 日 邁 安 不 士 其 之 二乃 日 月 敢 閒 之 説 果

> 耶? 也, 甚。 矣,敬吾身而 亦即 然則 酒 凡 其惟 以 天 以 吾 成 下 E 廢 禮 萬 已矣。 又何 一敬吾: 事 也 事 ş), 亦 無 酒 德 暇 不 即 以 事 而 要 養 以 事 己 於 矣,敬 敗 人 處 度, 也 節 處 制 刻 吾 亦 酒 爲 即 U 而 以 而 成 酒 害 防 事 爲

戒殺生説

然 池,魚 所以 之畜,老 日 經之家 長 . 發《毛詩稽古編 而 結 「前王作網罟、設法害生成。」然 濟其不及、補其不足者亦日 中古以還 戒 網 鼈 集議 殺生之説, 一罟以 者 不 可 可 焉。 以 畋 勝 魚」、《 聖人之制法 無 食」,是又 杜 》極言網罟之宜 失 今人以 少 肉矣」,「數罟不 孟子》謂 陵 詩 爲二 豈 法 也 有 自 日 氏 一義 以周。 鷄 儒 以 除 説 豚 則《易》 前 也 歟 狗 汙 贵 則 ? 治 面 陳

談 殺 戒 王 者 殺 不 不 生 忍 用三 者 自 食 我 酌 其 氏之學矣,揆諸時、審諸勢矣。 驅 其宜 特 肉」、「君子 殺 失 禽, 、通其變、 也。 不 夫如 戒 遠 庖 順 也 是 廚 而 則 也 故 易行 非 日 迁 也 闊 聞 是 則 其 戒

也。」《 觀其 貞 祀 膏澤,每飯 之,更不 之墜拾,虔奉 吉,觀其 節豆之粟 燕賓之外,則惟自養而已。 了其益 推此 自 適爲尺寸之膚 乃吾則 八一日 孟 知 子》 義 間 加 所 則 其 即 $\check{\exists}$ 也, 竊欲反諸己焉。 粒 敬 將 思 養也; 幾 而 Ш :「飲食之人無有 承。 有 之; 什 何脩 所 谷「食時 養備 飫 瓢 百 哉?」吾嘗 自求口 自 倍倍 我 之井 而 課 矣, 勺之飄 以 克 焉 自 。遗必 <u>Fi</u>. 膾 受之,是 華 加 問 觀 實, 禹 ,皆受造 《易》 何者? 調 更 何 灑 失 觀 殺 之義 充 何 觀 福 也 日 其 我 謹 以 所 有 以 牛 護 哉 自 凡 消 物 以 養 則 粒 持 之 具. 除 即 頤 加 口

> 視諸 省躬 干戈 夫視! 啟 特 殺 蝦蛤之涓沸來 羞 之惕 甲 此 省厥躬,勿 之 惟 - 青興 ,則吉祥 甲 隙容 志 胄 戎之凛 也。 啟 乎 謂一 戎 虚 吾静鏡者 其 凡 白 慎 勿 間 衣服之華不 常自湛然, 也 謂 切 也 哉? 一言 日 而 惟 用 追言戒 衣裳在笥, 語 出 故 之易 又安 ·
> 啻見 人 動 平 得 干 止 惟 胥 戈 惟 猶

杜詩熟精文選理理字説

以 且 氏 病 宗 古今之詩,以 有以宋詩 處 夫少 之,於是 自 僅不 陵 敢 嚴 近於道學者爲宋詩 以 有「不 熟精《文選》 儀 此 其 卿 爲 凡 以 涉 少 涉於 襌 陵病 理 喻 路 理路者皆爲詩 理」之「 耳。 之説 近 病, H 理」字。 因 而 新 而 獨 城

客曰:然則白沙、定山之宗《擊壤》也,詩之然則孰是而孰非耶? 曰:皆是也。

明 輅椎輪之旨,沿波而討原者,非杜莫 變,究極物 耳。 王狩太白」、《春秋》之理也。 也,曰「春官驗討論」、《禮》之理 文憂患餘,聖哲垂彖繫」、《易》之理 IE 舜舉十六相,身尊道 擊壤》之流爲 也。 三歟? 則 杜之言理也,蓋根極於六經矣,日 耶 ? 曰:理安得有二哉,顧 則者,蓋不可以指 : 白 非 沙、定山者也。 也 0 少 何高」,《書》 陵 所 謂 屈。 其他 也 理 所見何 客 者 則夫 推 也; 日 日「天 之理 闡 非 大 證 事 日 斯 如 夫 理

者也。 故 在於人則 讀 歟? 曰: 撃壌》派 者 曰「如玉如 然則 而 理 後 何以 也 肌 理之中通 知 '則直言理耳'非詩之言理也。 之 理也 治玉 瑩 别 云 ,爰變丹青」,此善言文理 夫《 爾。 也 其在於樂 也, ,字从玉,从里聲。 擊 若 而 壤 白 理 》之開 沙、定山 不 則條理 外露,故 陳、 一之爲 莊 俟 者

> 惟杜 目之,不亦 準式,人倫之師 文者。且蕭氏之爲《選》也,首 言有 易》 詩之真實足以當之。 日 序」,理之經也。 君子以言 經乎? 友,所謂「事出 有物」, 天下未 理 而或僅以 之本 於 原 有 夫孝 沉 舍 也 思 理 , 藻績 敬之 而 又

奥,而 致啟詩: 又或直 미 不 必 爲二途者 者漸由 知此 以矜心躁氣求之哉? 該,學者 自王新城究論唐賢三昧之所以 徒 以 義,然後見少陵之貫 人之訾警,則 是得詩之 事 ,則不善學者之過 理路爲 稍 於紛 偏於 争疑 詩,遂 正 隅, 脈 又不足以發明六義之 感,皆 蹈 加 則皆不 但憾 白 未免歧視 l沙、定· 也。 所 徹 不 謂 得 L 能熟精 圃 泥 下,無 其 Щ 矯 理 者也。 然, 正 與 派 諨 學 之歟

日

作是詩者不知也,及其成

也,

則

訓

孰

理

理訓誥 理字 説

後能 直 説 皆 又 雅 謂 之理,故 治樂者謂之理,治玉者謂之理,治絲者 尚尚 日 之 理 陳其事者非直言之所能 正 書》之文 理之。 風 經 頌者,美盛德之形 也。 日 近 而葩」者是 風、 有 與 曰「國史明乎得失之迹」,得與 〈緯,皆 理 言天下之事,形 疑 又曰「以一國之事繫一人之本, 雅、頌 誥 直 者 此 雅,正也,麗 篇 陳其 者,聖王之作也,理 理 也。 爲三經, 也 理也 理」字者,故 事,而《詩》以理之也 凡治國家者謂之理 容」,形與繫皆理也。 經經 理之義備矣哉 , 葩也, 韓子 四方之風,謂之 賦 理,故必雅 理 、比、興 也 不得不爲之 一,條理 則 爲 又謂 麗 也 失 而

> 哉? 以 議 自 不待言矣,非聖人孰能與於斯? 發之, 理之而 論 然 安敢 有 至於不涉議 以 得其 己 到 理 矣。 之。 理 此 凡 則 即 此 論 物 和矣, 下 理 不得 而理字之渾然天成 字 句 自 日 豈 其 注 曾經聖 議 理 也 ,則借議 論 理者 所 人 能 到 論

評 陸 堂 詩

宋元 揚先 洋 香 亦 避 Ш 不 得 不 而 直 應 爲 自 格,杜詩 抑 不 減 陸堂詩,不評 之詞, 説 率 議 價 屠 知 -者,原 之。 乎 沽 此 ? 詩 矣,白公之廣大,豈以 爲 然而已謬矣。 曷當非含孕宋元 彼 何 無怪 然白詩 而 固 語 미 漁 也。 云「罪 也, 漁洋議之。 洋 亦實 本自高 以 昔王漁洋嘗 彼 魁 其 有 丽 目 蓋 不擇 乎? 功 挹羣言 杜 且即 謂 首 爲 漁 杜 俚 罪 是 使 具 然 渔 有 此

猶 古 口 古 人渾厚 諒 淡 之。 則 其 若 意 滕 陸 而 口 妄議焉,可 堂者專 於 白 公 爲 也 尖刻 乎 , ? 取 即 勝 使 太 過

人? 此。 詩,此 自名 所 詩 其 僅 而 映」云云 地,據實 洛 言 料 與 如》、 天縱之聖無 ,所宜 有 某 天地之大無 以 以 謝 其 豊 其詩 此 集 也,詩至於杜 人花 見 集, 宗 敬 日《潛 即 二爲 何説 最 出 禮 可 謹之道 事可 題 或 題 擅 乎? 制 乃 類 也? 以 目 譽 瞿宗吉争勝,豈 虬》之類 也, 可 也。 至有 所不能, 2者。 所不 其事 者 乎? 也,於 《花 杜 自 園園 今陸堂自 而天地之元氣 詩 稱 其每卷自 包 , 花 或 之具 其 1 龕》詩 、 皆臆 事 柳 杏 龕》三十首耳 即至卜 日 以 母 垂絲 花 月之 宋元 其 日亡母,此 如 取 取 造 題 官 公、「紅 事 標 得 夢 明 名 其 筮、星命 格 存, 遠 孔 或 朝 暢洩 義 集 無 桃 子 唐 所 對 以 則 以 不 於 題 其 夫 前 此 本 存 宋 掩 日

> 嘗 詩 筆 深 於罪,非褚之罪 者 經 賾 有 用尖筆者 元 相 日 作 見 處 者 滄 又 「澆漓 不善學者 則知其 病 宅 而 慎導、 文辨 竟 乎? 非 海 後學之流 盡 正見其 莫 褚 利 横 術 後學」,得 之計 不能用 之,皆不 流 書 知 盡 筆 且 之慮, 比 其 神 無 尖 量 杜 則 矣。 獘,不得已而 爲 不 之足 顧 也。 處 法 但 何 圓筆矣,其讀古人至 託 筆 宜 得 即 之該 此 見 所 無罪乎? 原 一圓矣。 論 善體會耳 謂 愚嘗謂 其 而 與 其 不 易 詩 其 筆 神 寶 攝 形 備 桂 惟元 之全 僣議古人。 圓 論褚 中 不 寶尚 安 寶氏 聖人 處 爲 見 晚 遺 得 此 也。 也。 此言, 書 其 唐 後 輦 以 山 見 在 神, Œ 論 於 學 唐 善 該 此 天 至 同, 此 若 蘇 時 自 褚 用 於 下 ൬ 爲 蹈 尖 是 杜 亦 書

若論杜詩,則自有詩教以來,温柔敦

「滕」,據文意,疑當作「騰」

無忌 其 厚 義門於研析音韻之學,斥顧亭林曰 陸堂之集, 分之一, 豈可 家,從未有陸堂之輕肆下筆者。 必 歸 憚」,以義門之所造詣,尚不敵亭林 法 諸 源 杜 委 則庶乎其允當矣。 必 作此評哉? 興 衷 觀 諸 羣 杜 怨必 合諸 才人學 若移此 杜 人,千 近 「小人 日 下 何

貞女説爲管室徐貞女題

諾 之喪,不得嗣 葬,婿之伯父致命女氏曰:『某之子有父 生之謬也。 弗敢嫁」、 不取, 而弗敢 ,婿弗取 世 人 則 有 嫁, 所謂 《曾子問》曰: 此 論 女 爲 而 禮 女未成 (嫁 後嫁 兄 也 而 弟,使某致 於他族,此其爲 後 婿免喪,女之父母 之,禮也。」此 嫁」者。 婦 :「婿之父母死, 不必守節者,此 命。一女氏 陳氏 經 澔 所 竟 使 害 以 謂 許

> 則女家 説也。 壤也。 也。 也。 尚 而 見女之所 遽從吉也,「而 道 空言文藻譽之,是終無以大白其節義於天 況其 不 甚 矣。 免沿 且孔 蓋 事 故因題管室徐貞女之事而發明之。 必 不 U 明乎此,乃見從一而終之義,乃 知 疏 更有至難者耶 謂貞、婦 鄭 此 婦 此 有 注 誤 歸 松平 婿别娶之説, 而 之也。 後嫁」者,謂婿若終不忍取, 孔 所謂「弗敢嫁」者 之所謂節 疏 文士遇貞女之事 亦未 羅氏、鄧氏之説是 1 當明 則亦猶 後儒. 者,其義一也, 析 如歸熙甫 謂 然 以 丁,徒以 陳 致 不敢 之

錢東垣字説

也。 射儀 曲 聲」之注 》鄭注 程易疇 錢子 既 「豐,从豆 ,當據瓦文以明鄭、許之合。 謂《説文》不言「曲」字,惟鄭 勤 得古 瓦 ,曲聲」以證此即「豐」字 文曰「拝」,因援《大

《大射》疏所云以幽爲聲者,正合許氏之恉。 乃豐之古文,審矣。 之。」據此疏文,則「曲」乃豐之本字,而 黄公紹《韻會》所引《説文》校補之矣。 攷《説文》此 本字之曲,而用豐年之豐,故鄭還依豐字解 且疏又云:「今諸經皆以承尊爵之曲,不用 是黄公紹所見《説文》舊本如此。 會》引《説文》「豐」字曰「从豆,从 「从曲」之文者,徐氏所删耳。 條 m 知 非 許、 鄭之 準此言之,則 異 也 **幽**,象形」, 然則今無 ,昔嘗以

平 劭注 又疑 更有説者: 賈疏既 之文, 豈得以其 ? 典 ,則是經典相 相 未言作宫之制,而《詩》鄭箋明言作 是 既勤既定此瓦爲文王豐宫之物,説 此又不待辨而知非 漢 承久不用之字而 初 新豐宫室所 承 時太遠 以 以本字之「豐」久不著於 來 皆用「曲 而 施。 施於新徙之里 漢瓦者也。 疑之歟? 然《漢 □字,●夫以 志 抑 既 愚 者 宫 應

> 漢 既勤所攷爲迂遠 瓦 則 推 而 上之, 也? 更 無 他 書 미 據 安 得 以

六〇

名,視吉人爲尤切矣。 是瓦裝於册,予因題曰「維豐艸堂」以寓其曰「且閑」,蓋以自寓「佶」名也。 今既勤得曰 馬昔見候官林吉人漢瓦詩册,其小印

既勤説

此不可不慎也。 爲訓 沈博而知要,今之學人所罕見也。其名曰 錢子年少篤學,以 字,有不能已於言者,仍不 東 垣 予 矣,夫少年鋭進之始 雅 而字以「既勤」,然傳 不喜爲 蔡傳於此下「今王既 人作 所業讀 字説,而 《孟》之文寄予, 而 疏 以字説目之。 日 皆以「已勤」 於 已勤乎? 錢子之

❶ 「豐」、「曲」,依文意,二字疑當互换。

字,皆於「已然」而兼訓「盡力」也。若學者 則 所以自勗 IE 之文,以「盡力」爲訓,而 《猶云「已勤」也。 而 「盡力」也。 著訓則否耶? ,則不當取其「已然」,而當專取 夫豈 以 愚度之,此篇 陳誠 此節「既」字 以「盡力」爲 無 既 訓

息也。 豈 勗 爲苟且,固 荷日新」之「苟」,皆當作自急勅 品 焉。 「嚮晦入宴息」之「息」,非止息也 品 事辛楣先 吾嘗中夜 吾且因 故嘗謂《燕禮》「賓爲荷敬」、《 字説之謂 非 即 以 生 起坐, 哉! 自勗 話 以苟爲誠 别及此 心觀 而 遍告吾學侣也矣, ",亦非 ,遂書以爲錢子 所 養,因 也。 義。 悟《 湯盤 今日 鄭 以 滋 周

丁受堂字説

房山丁生兆隆、於予中表兄弟也、意

四 於座右書此二言。 字矣,請爲别字。 似良自下者,不顧 而舉予所自矢者示之。 爲在所以受之者 占、合之其名、是所謂 厚爲本」,不第爲學書言之也。 覺去之益遠。 論説,頗知變化氣質而磨礱浸潤之方, 貫表裹者耶? 近一二年與陸子象星往 盛壯,若不可遏抑,豈其 謙亨,君子有終」,《書》曰「謙受益 旧燈 下 湛冶艸堂藁。 山谷云「以古人爲師, 如 予進 所擇 抑又念吾輩少年 何 也 亨且益者耶。 而 而 貌 癸酉秋八月二十 ,爲别字曰受堂, 從鄙人遊。 說 之 日 為謙 生字日 退 一:《易》 미 以 以 意 既 余以 往 吉 復 有 融 自

未,受堂成進士。又三年,爲予大兒樹端校録書籍,時時相與追憶往事。越二年乙歲癸巳,予受詔纂四庫書,受堂始以孝廉間予奉使於外,與受堂不相見者且十年。是藁不存於篋,至今二十六年矣,中

在 出 聘 視昔未 目 是 受 前 藁 堂 要予 長 而受堂亦將筮仕矣, 有 女, 加 重書。 益 進 相 耳 過 昔年 從 從 劘 容 切 道 獨 諄 故 慚 復 之 予之問 而 味 受 堂 如

黄詩逆筆説

之對 者,即 所 覤 有 其 似 而先 順 逆 筆」而 欲 處 節 勢也 IE 欹 陳,事 迎之, 見提掇焉 制 也 而 偶 順有 南 ,故逆筆以制之。 焉 反正,豈 見 唐 其 逆筆者, ,勢將 何 後 所欲詳,其不能自爲檢攝者 則 梧 言 害而 主作 無 不 門 伸而 則 其 所 詳, 劄 必 書「撥鐙法」也。 無 戒 用其 果 記 恐觀者不 所 逆之? 反蓄之。 其 ***** 欹 庸其逆矣。 滑 乎? 逆矣。事事言情 援 長瀾 下 愚 説 也。 逆者,意未 抒 非 曉 右軍之書 欹 鴻 也 Щ 滑 然而 中時 無 谷 逆 下者, 以 固 逆 詩 「, 亦 胸 時 得 勢 起 筀 用 順

勢也。

立乃可 無往 而就 肥 筋 坡 無 此 乘 比 蠖之屈,以求信也, 龍蛇之蟄,以存身也。」 公公《墨 非 人 則道之大者,就其精義入神言也。 興 依 承 而已矣。 寄託 二,則 骨」之句,則肥、瘦豈二義 傍 至 、陰陽翕闢之義而已矣。《易》曰: 不收」,又何嘗非此義 是 與權 以 淺者言,則米老作書云「無垂不縮 則謂之瘦,傅以肉彩則 一妙亭 非 山谷之書卷典 順 :借 中 詩》譏杜之貴 與 境 道 逆、 爲 而 飾 欹與)/ 也,要亦不外乎 一,其 故非 正 機 乎? 瘦, 非 襞績爲工 躍 一也。 敷? 謂 而 如 凡用筆 卻 之肥 有 夫道 若下 虚 知 可 一尺 也 应 會 與 痩 乃 細

尖圓肥瘦説

用筆有尖圓,故結體有肥瘦。尖筆而

者,豈 也。 圓 純 肉 ൬ 之 彩 筆之瘦, 肥 而 任 自 然由 者, 肥 者 加 樊榭 然則 世 藻 家隋 |樊 飾 則山 能 廉 榭 尖筆之瘦, 圓 則 珠 夫 勝 以 筆 圓 谷也 問廉 也; 廉 純 而 筆之肥 任自然則圓筆之瘦 夫 户 ; 尖 歟? 圓筆 夫,又若欲兼有 和 尖 而 壁 也。 筆 瘦 而肥,則凡競言 矣, 吾不 而 者, 古今來尖 加 吾更不 或 藻 敢 厲 飾 知也 其 樊 則 敢 圓 筆 榭 圓 尖

瘦,而 易 夫 體 即 質 惟 滋 較 員 手之功其必由 軍,古今詩 而文。 肥 僞 之,則 筆 然則 蘇 不剩 也, 較 矯之,相 之,豈 尖 瘦 肥 人之生 每 肉 惟 則 遜 易 易見 — 杜 瘦不剩骨,古 於 日 尖 瘦, 者 尖 瘦 而 也 取 真也, 少 多 勝 圓 痩 肥, 由 陵 矣。 乎? 每 耶 骨 耳。 究非 易 ? 是以杜 mi 肥 何 就 今書惟 然 生 天地 能 乎? 者? 瘦 肉。 而 識 江評 體 結 造化, 真 書貴 肥 與 尖 王 也 則 筆 則 肥 由

> 見,故用筆無成 乎 於 之,未有不滯者也。 欲以尖筆效之,見古人圓筆而 尖,孰先 ? 用 筆 先 成 圓 請 焉 乎? 以 ? 筆 見。 喻: 孰 則 後 尖必 若見古人用筆 試 及馬 問 隨 縛 ? 其 毫 圓 欲以 造 作 筆 員 筆 之 者 圓 者 則 尖 無 先 求 效 m 成 其

於立 不浮不 活筆斯不 以 之於講習焉。 可免於 然乎? 品,求之於胸 然則將如何而二 飾,而 剪綵之爲 呆不滯,而 吾則爲進 瘦 尖圓肥瘦,夫豈二事也哉 者肥 花,刻 次焉,外求之於書卷,求 者皆真物矣。 尖者圓者皆真筆矣。 筆 解 木之爲魚,内求之 如一筆,皆 H 用活 筆而已。 夫然後 得 其所

知

也。

復初齋文集卷第十

門人侯官李彦章校刊

與曹中堂論儒林傳目書

得 商 聞 訂 著 承 示 作 史館 之目 敢忽 所 也 雖 擬《 昏 儒林傳》目, 髦 善忘 然以 衰 朽 此 之餘 敬

馬、鄭 徒,義 聖聖相承,稽古闡道 理之大成 富 而 惟 諸家,師 理日 我朝經學之盛 理 醇 實前 精,其理醇 也。 承之富 古所 往古諸 ,欽定諸經義 未 邁 矣,而學未 而 有。 儒 東 理 漢 至南宋洛 未 跨 士生 醇。 南 富 一其間 疏, 宋 至 閩 我 東 條 朝 漢 >

> 次第 精 博,諸家 宋 諸 訓 馬 就者,又不能執一日之專業以名之,亶 目 未定之論,黄勉齋、楊信齋於《禮 張儒講 儒説 矣 定之? 故,各自名家。 、鄭之傳注,申、轅、后、戴之著 必 正 業 補朱子未竟之緒。 以 理,漸 解之同異,尚 篤 詁 勿敢 守程朱 是以吕東萊於《詩傳》尚存 訓 之網 蹈 人 於 、精微 爲 然 歧 羅散失,豈 有 定 而 趨 矣。 未 諸 矩 蓋其 是以 能 經立 然 也 畫 而 積 能 今日 昔在 學之後先, 諸 者。 漸 猝 經》 録 經 臻 以 儒 漢 淵 逮於 之繁 尚 於 朱 林 成 待 子 源 之

漢 其 以 得 者 資 唐 後 萃 束髮 漢 辨 注 見 至 一今日 儒 訂 疏 聞 之博 受 m 漸 以 書 際 廣 暢原委也。 旁及諸家 贍 會 ,皆從朱子章 必 與 聖 從事 宋 儒 在 於 遞述之所得 之精 Ŀ, 顧其 攷 實學 證 句 微 間 集 焉 師 註 以 光 友 則 始, 貫 昭 所 皆 博 所 綜 及

朱 證 馳 林 物器數而 攷證之途 而 ·, 則 矣, 之大閑 而 名 恬然不覺者 而 博綜 義 竟致有 騁 所 也。 又慮 不能 異 馬 剖 間, 束 鄭 析 故 其 究者,其獘也陋。 漢唐注 ,其獘又將不可 其 旁 侈 而 漸 涉,必 墨守宋儒 異 勿 名 (説,漸 畔 漸 疏 程、朱, 以 衍 於 衷於義 致 高 閣,叩以 自外於程、 究極 若其 步不 乃今 H 理 矣。 # 知 敢 H 者 攷 名 他 爲 順

必 此 庶 所不 下 爲 有 其 據 目 凛此 其 辨訂 將 者 克 能 凡 是以文必 而 來 援據準 副 漢儒之詳審所 悉 垂示 有其 意 讀 者 乎國史之《儒 訓詁、 也 書 ,合而爲 人必有其 士林,寧 一,則或足以 歸 稽古者勸。 證之所趨, 於行而 校讐諸 我 不 慎 或 名家 所著之書,有其 林傳》也矣。 能 藝必衷於道, 無憾 取, 然後上而進 家 館 齊,宋儒之 勿 儒林之實學, 下 者 無 濫 校勘諸 悔 收, 以經 歟 凡 乃足 探 則 討 律 御 凡

> 消 年間諸 顧 先 其 説 久 生 棟 孫 矣。 皆 E 高 儒 人之首,又不待言矣 配 逢 已經奉旨 此二 食 林 先 聖 之 牛 老皆在 廟 冠 理 兩 無 人 學 廡 可 國史列傳,此 大 國初者 其 復 儒 在《儒 疑 此 者 其 矣。 與 林 在 陸 在 近 況 稼 乾 H 陸 固

隴

惟以 昔竹垞自 攷》三百卷, 豈不視毛之數種 欲棄此首,不過 捨之, 繞 經義 百 種 有 儒林 卷是賣唱之《打花 其 卷,開首 此 毛奇齡著書五百卷,其 致》三百卷,即 固當 詩 作 Í 傳 定 集 不 口 入《儒林 其集, 究與 能 内 旋 有《風 卷是《舜典 配 不 至 配 食 吃 通 已 享不 》,然朱 生 廟 夕不 使 删 懷二百韻 鼓 猪 廷 不 去此首,既 同 兒 寐,乃 肉耳。」蓋 也 可 補亡 中説 曲 縁 配食聖 然 更有 \leq 毛奇齡 尊 日 ¥, ***** 而 經者 此 撰 乃 畢 自 益 則 而 首耳 廟 其 全 竟 知 實 乎 經 亦 不 能 ? 有 有 其 不 而

末

五

數

降

則 不

之富 之,可乎? 曲子,此 風 朱竹 而 垞 則 不省記 亦 何 竹 不 愚 如 垞 能 竊 ? 其末 與 以 學 也 爲 西 卷是 者 毛 河 但 西 打 見 在 河若人《儒 花 其 儒 鼓 全 林 兒 書 ൬ 之 Ŧī. 林 賣 百 唱 卷

則

删

之書 間 附 盛 大昕 倉,學皆極博,然未嘗有撰述之書,桂 講《易》, 在《田間易學》之上,卷帙 矣。 冊 易 林 1,朱竹 ,史學也, 若查初白只人《文苑》,則錢 學 佐 桂馥尚有《續古文韻》、《續三十五舉》 又若錢澄之人《儒 》,可乎? ¥ 既 一書 查初白 人 君、 此, 也。 周 則 有《易 其弟錢大昭 書倉 則 至 爾 姜 近 日 兆 則 玩 日 錢 林 錫、 并 若 辭 加 田 一》者, 倍之 此 集 間 朱 亦應附於下。 旲 而 解 與 竹 因 廷 無之。 而 田 查 君、 其 華 間 初 刊 有 亦 周 馥 獨 本 白 應 書 罕 亦 宵 共 H

江 聲之《尚 書 注 疏 ×, 不 用 舊 注 疏 字

> 之流 行世。 傳 書 另 自 而 也 注 此 撰 體 自 直 非篆 獘,不可不 風 注 爲 是 此人若人《儒林傳》,將必 亦 疏 疏, 漸 自 之漸。 不可長,誠恐使天下學者自外於 自外 非 己 注 隷 與 另 防 自 於程、朱,開無數矜奇 疏 作 即 也。 皆 注 使其 成 此 一部注 又於 君一 中無 每 手 疏 誕妄不經 條 寫, 乃 開 下 嗜 雜 自 以 異 仿 刊 小 者 板

諸 衆 盡 知 所 公,奚不 者 允 大抵 皆 服 者 以 此傳中之人, 亩 此 方 也 了據之。 口 人此,寧 雖 必 以 皆 慎 此 深 無 遍質於 信 濫 其 於 有 同

又 與 曹 中 堂

及 翰 今 拜 H 事 不 前 有 畫 得 不 難 太 不 遲 爲 爲 也 院 力 長 而 從前 言之 頗 關 改館之後,不 ,則數科以 於 藝 林 故 實 來新

畫 十月 畫 每 以 在 前 月 此 答拜,還其 一,前 早拜爲得宜 夏 餘 時 有 欲 前 之頃 間 初 答者,皆遲拜之所 其 輩答 改 告 拜 輩 庶 即 己 假 前 台 答拜 拜 古 暫 拜 訂 輩 柬 竟 土 前 歸 歸 至交 , 亦 近 即 而 者 輩 期, 即 即 以 其 來 於 在 或 冬矣。 情 人 數 則 愚 必 十月 + 己出 科以 不 事言之,新 1 遲 致也 在 申 至 月 内 來, 都, - 會 以 館 秋 也 連 理 下 榜 間 及 竟 車 論 在 始 改 至 有 後 九 拜 日 前 拜 庶 此 月 虚 畫 前 常 前 尚 拜 固

後, 其 則 過 又 館 必 拜 每 近 或 職 須請 客 日 來 苦 如謂 五月下半月及 者 於 原 聖 假歸 新作 乎 有 夏 恩 ? 分 日 人 者亦 庶 7日輪 炎 況 庶常 常常 八熱,連 暑 行,則豈有暑月皆 尚 車 流 館 六 雨 未 馬 之事 月 蒸 車 後 定 或不能 濕 初 竟 歸 即 多在六、七月 日 頗 如 期 擇 有 七十人,不 未 人 於 趁 餘 免過 皆 旬 此 齊 日 不 新 備 内 改 即

> 遲 拜 吉之榮,詞 面 前 至 假 0 旋 制 諸 北 林之盛,更爲整 既 君子 歸 得,於 後 亦 有 事 滴 補 乘 亦 行 登 不 口 齊 難 瀛 答 周 之吉 行 之事 匝 亦 公服 必 於 新 致 求

改。 無太 言日 費 爲 如果 此 偂 期 專 艱 於本 復 苦 商 中 勞費,亦 此禮 衙 堂院 門 儀,非愚之私言 有 長, 裨 不 務 益 敢 於今科 輕 何 此 憚 凟 而 亟 也。 商 命 不 館 實 呕

與魯習之書

之猝 後 證 而 馳 疑 ___ 不 之 而 禮 愚 得 者 東 斯 行 時 愚之本 言 玉 聞 與 約 習之期 田 而 道 舉 意 疑 中 圃 之, 則 未 共學 輒 所 所 究 發憤 慮 慮 其 者 非 猶 實 而 細 欲 長思之。❶ 將 以 昨 使 愳 出 吾 有 傳 習 都 聞 攷

■「長」、稿本作「仰」。

六上

同,所 文, 之訓 演繹以 之書, 子朱 者 是解, 他 説焉,諸家詮釋不同。 爲 鄉 文渾而未析,先儒師 顧 目》也, 而 因 經某 諸家之説 共學者 次 邦國 不 則 蓋猶未敢質言者。 而 敢 子 詞 爲如 思 流 見 或 曷嘗不 愚亦粗 纂 未 王 條 加 夫 加 聞 記 可 是,後遂援 禮者 竟之 朝 勉 既 之廣摭 溯 則不 者所 傳 乎 非 喪祭之儀,此 符合 源 授 ? 參 記 也。 可 緒,然其 派者,因 承以爲如是,後遂立爲根據。 之詳 信 處之 如 概 伍 其 爲定制。 羣 矣, 此 是也。 齋 有 諸 略矣, 論者,有相沿之説 有推 婺源江 書耳。 猶 地 疑 略 不 家 而 大要則 日 先 説焉,先儒疑以 又 不 若 之説 同 説 其 仍 亦以大宗伯 注 且 牛 同 不 馬, 氏之爲《 而 中 悉 愚今所 非 家 同, 以勉齋、信 得 又 舉 以 欲 皆 經無是文,先 愚 加 同者。 自 以 稽 值 故 有 所 循 與 禮 有 之 至 經 此 爲 謂 治 以 公爲當如 馬,經 習 時 於 先 乎 經 巡 有 五 夫 續 與 經 聖 異 齋 之 禮 緇 ? 補 互. 不 儒

> 能 經》、《孟 讀 可 漸 秋 有經曲之實,非虚言義 本末,可以見百家師 徵 得 書 觸 傳 也。 乎,故曰纂言也,非纂禮 類 聖人之用心, 也 辭 而比之,件繫 子》、《爾 比 所得者皆可徵 易 事 》、《書 於 傳 雅》,皆 可 多 ***** 以 説之同 而參攷之, 及 驗羣經記 理者 詩》、 之耳 其 則 異得 通 庶幾 也 比 會 論 實 於此 失。 則 由 述之先後 處 亦 語 所 此 也。 不 得 可 口 止 於

欲 綜 思 미 稍 質之,倘得粗有 撥 撰 述,撰 定其大凡矣。 旬 今之少年英俊不乏嗜學者 月之暇,於 述 輒 希斷 端 蘇 北緒? 齋 定 小 即 吾 屋 將 疑 對 來 設 其 讀 顧 太 几 書之路 出 早 硯 共 軱

致 吴 槎 客

君 子 不 以 方 綱 椎 魯 無 似 輒 以 大著 疑者。 矣。 者 筆 逮 以 且 屢 又 或 「筵」 加 力峻 遠甚,即 惟其篆 爲 獲 博也,未若今此 Ш 此 此 舊 以 拓 碑 書 字者,始未 圓 絶 刻之事與文 本,凑合讀 致》 遠 渾 以《天 感戢何 而 非 耳。 過 己。 郭允伯所 諈 周 乃若「蠏受祇 八發神 雪客, 殆必傳於後 此 所 似 必然,餘則 之,未若今日承 定 篆上 皆 銄 讖 不 手拓之朗 悚 可議 是碑 碑》, 比周 足道 切 彌 也 某 籤 嘗 鼓 批 日 夙 下 於 見 秦 而 析 所 卷 所 示之詳 是 舊 碑 机 又 究 内 字 碑 拓 可 而 固 侑 謂 本 弗 寶 以 無 則

其 疑 五 之事,苟非深 人之地 ,失亦什一。學者處千載後 中未嘗無 疑之不能 顧 僕頗 者不能 不 一二創獲 有 無 喜近之學者多借 周悉 所 也 見 心也,故 則關之爲功大 如 可 燭 裨 照 舊聞 先 數 聖 論 計、 然 碑 日 列 以 多 親 千 也 得 駁 聞 者 履 載 史 闕 古 前 什

> 耳。 併 可蒙曲 今之學 其 此 疑 揣 恕 品 者 而 其固 與 品 不 不 否 生 之見, 患 陋, 焉 其 亦 不 則 曩 以 能 廢 嘗 奉 學 疑 於君子之前 屢 爲 但 又 盧 患 大 抱 其 不 經 不 未 可 言 能 也 知

質之抱經以 甚合,但 盧 悠」字 悠,《 序專言駮 第不 至於 剃 |快」與「慫」通 溪外紀》作「悚」,特古今字不同耳。 知即 一書不當 陳志 爲 悚」字否? 何 如 ___ ,不知所出,姑記於此以備 義, 也。 兩 序, 則 後得槎客書。 祇下 僕 則 未 前 字作「觀」, 之敢許,更 人已言之, 謂淵 攷 竊按此語 如 似 云 疑 當 而 是

答金秋史

明 詳 及 堂 之。 徵 禮 甚 省 善。 手 耳 當 諸 礼 東 條 且 所説 具 漢 鄭所 如《周官·大司 時 吅 鄭 諸 見 古 注 經 籍 必 未 義, 有 尚 部 足 有 蓋 析 資 存 意 樂》 處 () 致者, 者 在 注 此 欲 既 如 須 王 顧 通 未 居 徹 儀

所 鄭説 天、 所著《禘祫· 下不言 用 引 祭 心矣。 諸 以 地 禘 書分條 爲 皆 禘 也 謂 志》亦散見於注疏 是 之 則 鈔 祭 褅 何 爲 天 矣, 人者 取 編 ım 其 信 則 祭 ? 口 口 意宜 從 法 近 通 耶? 乃 徹 泰 有 觀 據 折 注 主 鄭 疏 張 君

言之急 言 字 此 不 詁 言 不 賓爲荷敬 者迥 ,从个頭,急敕 可 復成何説 訓 深 之 無 可 條 則 抑 日 且 也 禮 愚有 别,言其急加 宜 味 一荷 如 精 也 矣」, 鄭注: ^ 有 乎? 説 凡 項 小 如 鄭君 所 焉 明 也 雅 醫家 亦 也, 以 此 : 府 即 如《 愚 治 斯干 之讀某 嘗 與「苟 「苟」字 「苟且之敬 敬 此 成 意 燕 謂 禮 字, 也 方 在 禮 以 經 纂言 以 且」「苟」字 ,即《説文》「為」 爲 謂 某經之條 似 ^ 者 攻 詩》「無易 ^ 某, 不 續 聘 者 補 但 · 得 小 禮 有可 經語 當 並 即 敬 用 **从艸** 皆 頌 證 也。」 云 之 由 某 出 有 此

> 禮堂 鄭 巳」,其可 似 説 之不 寫定 續 信 齊先宜整核 諸 平 而 經 ? 鄭 欲 於《 鄭 整 《斯干》 康 乎 百 成, ? 家之不 箋 後 漢 云 齊 大 讀 儒 m 辰 豈 嘗 巳 於 知

虔注 言 其 此 盾 爲 之目 圖 圖 言 語 傅 影每 會者。 主 乃 弑 必 注之爲害滋甚 越 不 渾 不 左氏 一,慎 [覩者 竟 宫室 其 載 謂 而 條 人反 傳 未 則 君 經文,全以 明 無 具 1,有是 耳。 補 口 堂 析 且 衣 舍經以 載經文,所以 因 孔子 如 即 以 此 焉 服 以議 筆以 明堂 是路 諸 不 理 知 日 、從傳。 制 討 乎? 己意 左 杜 其 與路 足上太史氏之文, 寢 賊 氏 有 惜 注 中 乎? 也。 足徵 爲圖 宜 此 此 凡讀 某 寢 也 如《春秋傳》: 等處 條 精 制 同 1 而 『,竟若: 非 傳注 楊 審 制 相 越竟乃 若張 尚多, 信 者, 孔 此 同 注誤 齋 子 《禮 必 條 惠 有 而 語 免。」 條 儀 解 非 以 言之 張 不 趙 則 經 得 禮 惠 註 必

1:0

知果 亦頗 艸 學深思,而又有閒暇餘力,年富才敏,足以 成 卷帙,但鈔 劉逵語亦算 注者,從劉逵《吴 但宜審其注疏上下文句,勿若輯鄭氏《易》 濟之,其臻大成可必 魯禮禘祫志》之類,可 欲 ,便中寄示,必有所以奉報者耳。 此 兄如有意欲筆録前人之説,即 塗改過 願 商 否。 諸知好,謀所以次第付梓者,未 出 甚,須再騰一本乃可奉寄。 人鄭語 若兄手輯諸注疏之條果 藁 都賦》鈔撮鄭語,乃 者止 ,則不可也。 也。 此一 先一一鈔核成帙 鄙人之說雖 本,其原 如兄 如鄭君 之好 底 積 至 一併 能 成 則

央友論王惺齋詩易疑義二通甲辰八月

五字一訓,亦皆《易》、《詩》之所同也。《説《易》、《詩》之所同也。市、芾、韍、紱、鞸,朱紱,王者之服,赤紱,臣下之服:此

淺也。 於諸 尤極分曉,蓋分析言之,則深者謂之朱,淺 卑,雖同色而有差降。」《乾鑿度》以爲:「天 謂之赤耳。 命 藻》:「『一命緼韍 其《采芑》毛傳云「朱芾、黄朱芾」者、●《正 者謂之赤;而渾合言之,則統謂之朱芾。 赤,故天子純朱言其深也,諸侯黄 子之朝,朱芾,諸 也。」篆作載,俗作紱。 文》:「天子朱市,諸侯赤市。 義》曰:「服其受王命之服,黄朱之芾也。 云「天子純朱、諸侯黄朱」,疑於朱 赤韍葱珩。」是據諸侯而言。」則是自 今惺齋所疑者乃在《斯 侯之服, 舉其大色,皆得爲朱芾也。」此數 然《斯干》疏云:「芾,所以 則謂之赤芾耳。」又引《玉 黝 侯之朝,赤芾。 珩, 即 再命赤 此已 干》 明 分勿 裁黝 詩 白 朱 朱 兼 之 無 切 珩,三 明 深於 黄 鄭 遺 明 語 其 伍 尊

[●] 下「芾」字,原誤作「服」,今據《采芑》毛傳改。

諸説 風・ 分析爲赤」之義,故疑諸説之相背, 朱之芾同義,而亦可見毛氏所云黄朱之是 而 菽》諸 至《玉 非 「以蒨染之,其色淺赤。」此固不得與 固未嘗相背也。 深矣。 詩傳箋及《禮·玉 一藻》注 小雅• 煋 云:「緼,赤黄之間色。」 一齋蓋 采 芑》、《車 未細會「通稱爲朱, 藻》之説 攻 **₹** 斯干 而其實 皆合 黄 疏

儒詩 象固 黄東發所 互卦離明之義言之乎 來」云「上應之也」,釋九五「困於赤紱」云 程傳所分王者之服、臣 下既 與 訓 不必牽上互之巽色白以 至於《易》之取象,各指所之, 傷則 Ŧi. 相 謂 合。 應 反爲所困」,亦仍 朱子亦未 ,故以君 朱子本義釋九二「朱紱 臣 有他 相應言之,豈必 下之服,亦 説 與 以 爲 程 疑,而 過 傳相合, 之者也。 正 困 與 取 即 方 前 紱 以

是上句 淺,非 孔 象 至《困 芑》疏「諸侯之服謂之赤芾」之義 也。 朱、赤二文可以通稱耳,而非謂赤之深過 時,離氣赤爲朱是 鄭注又云:「離爲火,火色赤,四爻辰 亦 用朱韍。」據此,則鄭 下文又申説之曰:「故天子純朱,明其 是矣。」今毛氏汲古閣本「困卦」二字訛作「内封」。 云:「朱深於赤 深云赤」之語則 也。 疏引鄭氏《易》注「朱深云赤」之語,亦 未分曉。 諸侯黄朱,明其淺也。」此條正與《采 李鼎祚《集 謂 卦》注「朱深云赤」句,乃鄭 「朱深於赤」之旨,不過引此 齋引孔穎 赤紱謂二也。」據此言之,則《斯干》 朱淺 按 而赤深也。 ,故《困卦》注云『朱深云赤』 孔疏之意,乃謂 解》曰:「乾爲 達以 義背矣。 也。 氏 文王將王,天子 固 今若泥此句「朱 朱深云赤」, 以 詩·斯干》 天子 大赤,朱紱之 朱深 氏 相 爲 句 注語。 應也。 在午 以 此 疏

上句之「深」字,明矣。於朱也。是不得援此句之「深」字致觸背

《困卦》注「朱深云赤」一語,只極言朱 雖同 《乾鑿度》云:「孔子曰:朱、赤者,盛色也 以 同 孔疏引鄭氏「朱深云赤」一語,只應如此解。 同 公九卿、朱紱。諸侯赤紱。」鄭氏注朱、赤 無 通 色 稱 而 加 且孔疏又引《乾鑿度》之文矣,愚又按 可歧 己。 有深淺之差,此句亦極 圃 己。 感者也 孔疏引之亦止以證 至於朱深赤 淺 明 則衆 朱赤之可 析。 天子、 説 可見 赤之 所

答丁小雅進士論樂飢

云: 大 程 蘇 海注引《毛詩》『泌之洋洋,可以 「《答周循州》詩。『且覓黄精與療 詩 小雅來書云: 有 療飢」字,輒改竄《毛詩》 邵子湘《蘇詩王 注 療 ご樂飢 Œ 飢 飢

> 喻, 歎逝 傳 道忘飢。」孫毓《毛詩同異評》:「此言臨 可 文苑》。 作「樂」,則毛讀與鄭異。杰謂 也。」《正義》今定本作「樂飢」。 爲『療飢』,此最眼前謬誤云云。」杰按: 不可偏廢。 療。』按《説文》云:『糜,治也。』療 糜。毛音洛。鄭力召反。沈云:『**糜**當 之,可飲以瘵飢。」•《釋文》:「樂,本又作 道忘飢。」鄭箋:「泌水之流洋洋然,飢 風》「樂飢」之「樂」有二音二義。《毛詩》: 泌,泉水也,洋洋,廣大也。樂飢 以忘食。」王肅詩注:「洋洋泌水,可以 是皆與毛傳 ,可以樂道忘飢。」是感激立 此在鄭箋前。 「衡門之下,栖遲偃息。 蔡邕《焦君贊》:見《藝文類聚》、《古 諝 同 奏記 也。 梁商 《後 日 漢 泌之洋洋, 毛、鄭 志 觀 書 可以 此 慷慨 或 觸 . 霍 傳 者見 瘵 《陳 之 作 死 亦 字

❶ 「飲」下,原衍「可」字,今據稿本删。

韻》、《 瘵、療 易詩: 信 療 觀 略 酖 王 甫 同 禍 反 文選 並 湘 以 子 融《 謐 毒 小 注 於《小 改 字 湘 同 注 集 策 袁 高 引《 解 吮 之 竄 所 禮 時 Ŧ 鐸 **三** 風劇》 何 秀才 韻 字 士 細 古 撰《 玉 倪 通 逸《九思·疾 詩 部 部 以 一傳》: × 袁 微 液 經斥 自《説 韻 古今韻 故 ^ 療 可 文》:「療 賦》 箋爲證 兮 玉 經文字》、《 類 略 於蘇 集 夜 譬 止 之。 四 篇 以 */ « 韻 飢。」是 吴 猶 文》 栖 渴 皓 療 略 詩 顯 **>** 並 療 遲 查 附釋 歌 世 飢 飢 整 證 加 ***** 舊 樂」字 收 飢 初 日 芝華 篇 句 不 蓋未 各 據 羣 之,《 下 皆 可 注 於 白 文 <u>'</u>, 期 引《 以 引《詩》箋者 不 經 與 有 附 亦 互 兮 蔡邕、 於 可 能 棲 爲 兼 鄭 音 廣 玉 7 未 毛詩 注 庾 知 遲 鼎 以 療 篇 不多矣。 辨 人 韻 箋 經 禮 開 食。」 王 療 飢 11: 笑 \approx 同 逸與 府 部 飢 渴 部 也 廣 集 韻 增 居 庾 於

E

福

與

毛、鄭 療 又 嗃 訓 以 繋傳》: 得 詩 療 多此 字下 高,不 州 鄭 韻 水可 則「樂」直作「樂」,於義 飢 進 加 方 通 一音。 》三十四嘯 而 ±, 「泌之洋 綱 南 注云「亦 「**藥** 旬 音 明 引《 可救 以小 可 答之 别 宋時 黄 治也。 飲 詩 引 啟 又歐 、藥」是 而 樂 日 宗 **>** 四 洋, 與 作 日 近 下 表 皓 用 以 陽 癴 語 日 瘵 可可 口 Ł 列文凡三: 歌 也,七勺 者 幹旋 臣 IE 德 義 耳 以 陳 以樂 鍇 義 是 隆《押 亦 樂飢 黄 説 長 按 愚 》謂 其 亦 不 미 補 尤快,不必 發《 以 文》 辭 飢 讀 反。」 相 作 毛 ^ 云: 韻 爲 詩 鄭 也 又鐸 日 證 毛 樂, 釋疑 鄭 是徐 0 不 銮 其 療 紹興 日 異 作 者 療 下 又 韻 ^ 治 多多 日糜 Ŧ 巾 兼 毛 説 嘯 楚 又 也 云 此 引 晃 文 韻 金 徒 年

文意

編》: 義 故 同,似不必判毛、鄭爲 更自釋然,謹已附入補注卷内。 有樂道一義,亦可 樂飢 鄭 作 樂。」義 相 二説。 通耳。 更 明 惟毛音不同 蘇詩之用鄭 捷, 與 愚見

答胡維君

菹 而 **丣之爲卯,非一日矣,故陸氏亦不能定之,** 聲,力久切。」此則可據者也。篆變隷、楷, 文》字从丣、音从柳矣。《説文》:「从艸,丣 采 文》訓合。既毛義與《説文》合,則當從《説 ||注云「鄭大夫讀茆爲茅,杜子春讀茆爲 .爲主矣。《毛傳》「茆,鳬葵也」,則與《説 其 _, 而 兼載卯、柳二音耳。 氏兼載二説,未有以定之也,則當以 茆」、《釋文》:「茆音卯。 承示惠氏《詩古義》一條、《魯 康 成 八謂 「茆,凫葵也」,則仍 至《周官·醢人》「茆 徐音柳。」 「頌》「 以與《説 毛 此

> 文》訓 等義。」是《周官》鄭注不从茅、卯之音也。 云 者、即《詩·釋文》「徐音柳」之音也, 乙 則亦當從《説 茆音卯,北 合。 後鄭云『茆、凫葵也』者、增成 既 鄭 康 文》「力久 成 音柳。」 之注 切り 義 此 與《説 所 謂 所 以 北 文》 子 故 訓

簡 字下雖注 傳》「莤酒」之「莤」以駮《毛傳》「鳬葵」者, 末「芋」字,乃注云「兹見《尚書》」,是謂 家事蹟 **菲爲縮也」**。 酒」,皆與此「菲」字不同,而惠氏必援《左 有數字同出者 核其所據,乃在《汗簡》云「古文《尚書》以 縮」字見《尚書》哉? 此惠氏 「芋」字見古文《尚書》,何嘗謂 》,以下條之注連合上條之注,遂執以 至《爾雅》「茜,蔓于」,《左傳》「無以 然中間諸字 「縮」字、未言所出 郭忠恕《汗簡》雖云集七十一 ,則注曰並見某書。 ,頗有一 不注出處者,其 「何書。 誤 此一菲 「菲」 至此 讀 此 茜 行 汗 即

也。 合,而朱子 才老於此字亦云「力久切」,正與《説文》 之讀,其實則當 卯」之「卯」, 朱子《詩傳》皆用吳才老《韻 尚 實此字無庸多出 書》云 魯 不 頌 乃 用之,乃别 阚 》「菲」字, 自 以《説文》、《毛傳》爲定説 陸 亦 氏《釋文》已有音「卯 可 叶音之讀耳 謂 出「叶謨九反」之 今板本 扣 槃 捫 補 籥 皆从「 》, 而 以 爲 寅 H

與陳石士論攷訂書

其 言 知 義 者 致 舍 理 而 耳。 理者獨無涉偏涉空者,亦得目之以 義 訂 必 而 昨 抑 見尊 斥攷 欲致訂 理 然若以其矜言博 而 且 集 訂 泛言 不 有王 ,遂比之於邪 乎? 知 致訂: 義 君芑孫 理也。 欲 者 以 明 乃 涉 紅 説。 夫攷訂之學 義 近 目 字 名 理而 爲 識 此 者 邪 語 不 已矣。 説 耳 特 因 則 嗜 何

説乎?

攷訂 輩出 明人 此者 也; 此 簺 是攷 不專 是言八比時文者其或與攷訂異 其空言義 善學者也 之《字義》、黄東發之《日鈔》, 益 一代,經書則專尚《大全》,文則僅知帖括 自 爲 疏 加 台也。 馬貴與、王伯厚之博聞 之者, 不知致訂耳。 深 在 不同 ,實足以 訂 以攷訂 義 束 理 善 切 手 乃 理 至 學者通 ,故攷訂之學必 以以 不 義 惟其攷之也確,是以信之也篤 乃 是 南 觀 丽 名,而: 理 涉 補救之。 致日習時 以 宋 不知有攷據者,無過 問問 所必資, 取子史之僻 楊 經 而 精 以 學 益 信 至我 訓 義人微,所必衷之於 齋之《 加密, 古 惟 藝者 以 故 加 或 推南宋。 時 徵 Œ 豈得外之乎 多識,皆南 朝 禮 藝之爲 用 事 實 其 置漢 皆本 而 圖 心 、訓詁之奇 則 趨 歟 攷訂之家 至 茫 ? 耳 於有 唐 體 雖 於 南 陳 如 傳 自 朱 朱 而 注 與 明 不

字,雜 過 用,此皆不善攷訂者致之,而非 甘 知其獘百出 闕 也。 疑 入於時文中,自 而 日爲 也。 錯簡, 又或輕以己 命 不知六 博 取之通才,而 意測古 書 M 攷訂 目 爲 之 通 不 不

説 而已。 吾 「注疏 使學者株守兔園講章,不敢涉目注疏 且歸咎於讀 止 耳。 "則其害理傷道"視心餘爲尤甚矣! 同 甚 年 流獎事 今見王芭孫之言,至於比攷訂於邪 有臆逞才筆者, 蔣 心 注 餘,有詩筆 攷訂」,此轉 一疏,適以自白其未嘗讀注 者 視攷訂爲畏途, 以 也 攷 而 訂 其詩 爲 流獎, 有 而後 疏 云 如 將

乎?」蓋 專治今文也?」予應之曰:「古文豈 而 今見其評文之謬 知吾欲理《尚 **芑孫者**,吾同 彼 習 聞 閻 書 年王世 又若此,其亦進退無 氏 一》諸 説 條,問 妄 山琪孫 以 日 此 也,昔 . 疑 先 我耳。 來吾 可 生 據 廢 必

偏謬之論致誤學者,故不得不著之。耳矣。聞此人在南方頗有能文之譽,恐其

答友人小牘

若皆觀 之累。 來著 此二 不發抒 論者 尤甚矣。 於古人非甚關 爲之剖析 此天下古今之 通病, 述家 一端外,則闕 有 居今日 ,即是自 既 望 端 也。 如 唯 而辨 此, 諾 焉。 坐 切,而 9 疑其最要矣。 一在處 欺其 則 不爲決擇,則古人受無 則實於寸心有憑據 攷載籍,其不得已而 雖 則 亦不妨 、本志。 實 而《周易》、《春秋》爲 處 育 求 難 有大關繫古 通 下手,亦不 爲剖析 而 既 嘗謂自古以 如 難於收拾, 此 也。 《處,若 人處 得 加議 雖 窮

答友問鍾山札記

焉閨 此 年 何 者」當作『故不 段若膺云: 校勘 條 ·傳》: 也。」據此注,則文義正應作「門焉」、「堂 休注:「焉者,於也。 啟 者」」。 何得以後世時文之句法例之? 承 記 示弓 後 淤 則 人臆改之弊深矣。今見阮刻《公羊注 從段説,誤也。 『當作「則無人焉門者,則 無 父《 予謂下句注云『故不言堂 人門焉 ·言堂者」。 鍾 Щ 札 記於此當並改正。 者 是無人於閨門守視 記 則無人閨焉 此條未 通。 弓父 無 宣 者 焉 按

與桂未谷論所作説文統系圖

據案者許慎也,坐於左者江式,立者李陽來示以所作《説文統系圖》屬題,其圖

即所謂《倉頡》七章、《爰歷》六章、《博學 日 吾 爲一章,凡五十五章,并爲《倉頡篇》。」此 冰,右則二徐、張 七章者,無所謂《倉頡》十五篇者也 爾。」按《漢書•藝文志》:「《史籀》十五篇 卷著序表,人益不意其存矣。 已久滅。 有功於許慎哉 《倉頡》 倉頡》、《爰歷》、《博學》三篇,斷六十字以 干 衍 「《倉頡》十五 字,許慎分爲每部之首,人多不 豈非以 一篇。」又曰: 又後人并字目爲十四卷,以十 衍 ? 作《 篇,即 有 顧 學 有所未 而 「漢 古編 執 是《説文》目録 (興,間 卷 曉者。 傴 僕聞之師 溯篆 僂 里 於前 一書師 衍 書 知 之言 者 合 爲

篆》十五篇 文》之學者可信莫如式。 倉頡覽二象之爻,創文字,用書契。 且 厥 此圖 體 頗 ,與古文或同或異,時謂之籀 於許慎下首列江式, 異。 及宣王 **大《論書表》曰**: 太 史史籀 則 爲 迄於 説

言《倉頡》十五篇 太史胡毋 已異,何況小 損益古文,或同或異。」則可見大篆與倉頡 或頗省改,所謂小篆者也。」 式之此論亦不 頡》十五篇者何所本也 曰:「籀文者,史籀取 其後 語篇 七 敬作《博學篇》,皆取 **学**,中 國 篆乎? 殊 車 埶 · 府 也。 令趙 文 倉 亦未 且 字 頡 一即吾 高 乖 形 明言 别 作《爰歷 意配合爲之。 史籀大篆, 衍自言亦 . 所謂 相 李 \sim 倉 斯

慎。 時,鳥 統 許 口 而 一、上、示、三之部敍乎? 系 五 氏 爲十五 篇 所 乎? 以 此誠 況許氏字目十四卷,從來 跡初起,●古文尚始萌芽,何 摹 妄 撰,未有言其 紕謬之極者矣,而 篇乎? 此明是 印繆篆之法當之,然猶未大 屬之倉頡,又 愚 意初疑 「統系」二字太大, 爲 以 倉 誤 倉 無其部敍,何 頡 口 讀 頡 者。 著 以 《漢志 妄 承 録 始 屬 從 家皆 許 之 皇 氏 Mi 從 之 謂 有

> 謹 誣 也 許 此 奉 氏 既 覆,請詳擇焉。 若 而 取《學 此 古 則 編》核之,吾 是 圖 之作,恐 衍 之言乃直 須 (更正。

字以上 懷瓘 + 字,爲即《史籀》十五篇 試 者,周時史官教學 行所云《倉頡》十五 云: 曰:據《漢志》及《説文》敍,則《史籀 倉頡》耳。且以《説文》十五卷九千 $\dot{\overline{\pi}}$ 周 ~ 篇之説,因 或云: 童法也、未嘗言《史籀篇》九千 吴 書斷》 乃得爲史、《説文》作「吏」。漢興太史 興 宣王太史籀作大篆十五篇。」子 丁小山 《漢 語, 附 ·藝文志》及《説文敍》 是又子行之所 見予駮吾子行《倉 論 童 書也。 篇 一篇,今録 ,乃誤記大篆 九千字,乃唐 能 誳 於 書九 此 本 也 頡 張 F

「起」,稿本作「啟」。

《史籀》全書供其 矣」,故唐玄度《十體書》亦云:「王莽亂 氏誤矣。 於唐人,亦不可通也。 書可見,即 當和帝永元十二年作《説文》,豈得 文》引王育説 此篇亡失,建武 著《史篇》,則不 也 云云,其爲 説文•皕部》「奭」下 》、《博學》爲《三倉》,并《訓 作解説 亦引之。 則益知《倉頡》無十五篇矣。 謂史籀 「今敍篆文、合以古籀。」其爲博采 且《説 況《漢志》明 ,所不 改倉 文》引《 創 所作《倉頡》十五篇也。」《 者,蓋 《繋傳》又以《 造, 中 - 通者 頡 盡 圃 采 •獲 史篇》 爲 取《史篇》可 非 出於此。」然則許 九篇。 取 史籀, 十有二三。 云「建武 注:「史篇,徐 因 又觀 乎? 如 「襲 私 章帝 可知。 其 以爲其説 倉 時亡六篇 甸、 説 纂》 頡 知 時王 又按 也, 奭 爲 按 世 本 有 慎 明

> 訓 **纂**》。」此句又見《華陽國志》。 章。 共二十章。 文字多取《史籀》, 者云云, 頡》一篇」,小注云云。 子行之説 故》各止一篇 注引徐鍇語 五. 故, 篇之説 篇邪? 雄 百二章。 即班 《説文》云小篆 傳》云:「史篇莫善於倉頡, 何故 起於 固 有 《藝文志》云杜林爲《倉 然則《倉 林 而子行承之。 續 在 數謬,《 邪? 所 未有一 漢 徐鉉《説文》注,皕部「奭」下 作《倉 以則合 雄 頡 混 在 而篆 云十五篇者也。● 漢 又云「《倉頡》七章」 無名氏之《倉頡傳》 爲 》、《爰歷》、《博學》 秦則三書各一篇 入《倉頡》篇中, 書·藝 頡 體 一篇,凡五十五 何故《訓 訓 果如其 頗異,謂之秦 纂 文志》「《 説

旁注。「此須全寫爲妙,并及《說文》爲妙。」

旁注。「并及江式表爲妙。」

旁注:「庾元威云九篇、「篇」系「章」字之誤。」

及楊 察也? 《説文》而一之。不知《説文敍》下 四十部不相干涉。況《敍》文「凡《倉頡》 連《敍》爲十五篇,❷遂疑《倉頡》之末 推其致 纂》及張敞、杜鄴、爰禮、秦近所説而言, 已下」,已下者,乃合秦八體、漢楊雄《訓 云「凡五千三百四十字」,與《説文》五 有《敍》一篇,共十五篇,因 漢志》以八體、六技列於十家。 》已下十四篇」,●而《説 雄之《倉 誤之由,則《說文 頡 訓 纂》亦 各 叙》云「凡《倉 文》亦十四篇 何二人之不 止 合《倉 篇 白 頡 邪 百 亦 明 ?

韓非 文》「私」字引《史篇》,蓋 奭」字下引史 同 所稱倉頡 曰「倉頡作字、自營爲厶」也,然 小 Ш 此論 而 徐 踏所 角箍 乃始制文字之倉頡, 極 所作《倉頡》是篇名 該悉矣,顧 云「史籀所作《倉 謂「ム」字 以其以《 引 説 與

> 其爲紊淆益見矣。 其爲紊淆益見矣。 其爲紊淆益見矣。 其为之書而非倉頡也。吾子行直言 所未可知,今無從而臆斷矣。然究是 或其大篆篇首推本倉頡,以爲緣始, 頡》十五篇」者,當即是大篆十五篇,

附桂未谷論説文篆作某

者,秦相李斯所作也。 也。」《漢書·藝文志》曰:「《倉 皆取史籀大篆,或頗省 《爰歷篇》,太史令胡毋敬作《博學 丞相 車府令趙高 斯作《倉頡 李斯乃奏同之,罷 文序》曰:「秦始 !所作也。《博學》七章者,太 高篇》, 中 《爰歷》六章者, 改,所謂 其 車 皇 府 帝初兼天下 不 令趙 與 頡》七章 小 篆者 文合 高

旁注"「此二徐之説所由來。」

旁注:「子行之説又異於是。」

《説 史令胡 文》所偁篆文、所偁秦刻石文是也。 而 許氏謂之小篆,班 毋 體 敬 復 所 頗 作 異,所 也。 氏謂之秦篆,此 謂 文字 秦篆者也。」 多 取 史 馥 籀 即

與謝金圃論萬字

萬, 也。 内。」鄭 萬、萬,又不專以足跡取義矣。 蟲注足,而取獸迹之内以 形,而「内」則足跡之象形 與蠆,是皆所謂轉注者也,蟲之名義 故 日 雅 而 萬,蟲 《説文》:「有足謂之蟲,無足謂之豸。」 蓋特以其足跡名之,蟲之與 萬之名義注 康 日 成 「狐 也,非若虫之專名,蚰之總 周 貂 貍 禮·地官注》引《爾 與 貛 於足。 貉 醜 屬之。 也。 其 虫、蚰、 故因 足 《説 蠆 圃 蹞 萬,萬 一萬之 蟲 迹相 則 其 雅 文》 皆 轉 或 引 似 日 洂 作 轉 象 爲 之

> 离皆 著其 内,亦互見之文也。 是以蝯、蜼皆寓屬 也 蟲 爲 則 名 蟲 走 加 與獸 獸之總名,亦指 亦 類 从内 不 而 同 从虫,萬爲蟲名而 也。 而 迹 其足跡言之耳。 禽之从 相 況 也, 八内,則 故 從 明

Ē 傳寫板 爾雅》者以爲寄寓之義,蓋失之矣。 禺 蓋亦取内跡之義,其作「寓」者,後 又按:寓屬、康成《春官注》引《爾 屬」《説文》亦云「蝯,禺 本之或 體 耳,不以 **取** 屬 義 」,禺字 也 世 爲 釋

典辛敬堂論單字

也。 字注皆作覃, 生云:此即早之隸體也、驗《阜部》學字、學 闕。」按:此注云 板本於 單、《説文》: 中間 則知此里字即卓之隷體作 從 横 「大也,从 早,非「尊卑」之「卑」字 畫 左旁加 吅 點,謬矣。 里, 吅 亦

於單 切。 先 德 天 也 者 甚 乃 未 後人易啟複疊之 博厚」二字相 以「信」詁之耳。 下 也。 矣,古人師承之不苟 專主「盡」爲 有敦厚 即 厚天下耳。」愚按: ^ 字, 臣 此 厚 民。 語 也,單、厚二字相連, 厚也。 自 不本於信實者 按 蓋 I 作 兩 亦 又云『單,厚』者,天 俾爾 **阜**, 連、毛 訓 不得毛傳釋「厚」之義 鄭音丹, 解, 無 疑,故列此 厚 單 實則 以爲天使汝 也 厚。」毛音 復 恐專主 孔疏云「以 也 見釋 信 也 此 盡 即 於 也。 訓 此 於第二 猶如「敦厚」、 自 厚 訓 都 之原 鄭 之實 孔 「大」義 厚德 使 誠 説, 篓 但反, 信 疏 汝 條, 本 以 理 厚 以 愛 則 後, 也 毛 致 天 厚 厚 尤

按: 單」字條云:「單與亶同,故云大。 告用亶」,馬 初未得辛生説 「亶」字前 融 本 時,見惠氏 後兩見,其 『亶」作「單 校本 也。 云「亶, 般 説 庚》 文》

> 者。 知其 義 猶 之證也。 氏《小雅》「音都 則 誠 字訓「厚」,乃其 單,音同 毛傳云 亶、僤、單,音義同。」驗《周 也」,注云「見《詩》」。 『俾爾單厚』、《周頌》『單厥 而 「厚」義 鄭氏於《 也」,注不言亶 有所 説 於《 經 單 一,是其 故《尚書音義》「亶」字云「馬 固以 小雅 也 自 厚也。 周頌》「單」字,固 耶, 訓 本義爲 》「單厚」獨改 本義 但反」,則單 徵 抑自 「盡」、訓「隻 與 矣。 鄭箋亦云「能 單 申 正耳。 疏 其訓 同。 合此 其 云: 解 心」,皆訓厚 其 頌》「單 與亶音義 「《小雅·天 「大」、訓 數條,則 云「盡 義 仍 則漸 耶? 毛 云 厚 世, 傳「厚」 其 厥 加 亶 誠 相 詳 本 也。

與友論太白詩

太白詩逸氣横古今,不待言矣。顧其

雄 也。 説, 飛 如 中 風」等句,是必至於平 祕妙,則 空突兀耳。今讀者乃但咀吮其「懷古欽英 而 空而 奇,未有不謬者也 有 不 人人習讀之《圯 又以「雖」字翻勒住, 瀉 動」五字,摇山 如 順 此 也。 來,卻以一「未」字 逆 後句之「曾 蓄 乘 及説 承 而 之祕,不 不 到 ·肯 橋詩 報 掣 瀉 無 順 黄 海 去,然後 韓」, 可 《膚庸 石 之筆來 則勢益 起 順 翻 公」,乃掃 句 卻偏從 口 勒 门以 滑 放 住 虎 凡 也 蓄 過 出「天 嘯 近 而 示不 則 不瀉 勢蓄 貌 得 識 二字 且 成 其 青 此 地 即

乎? 神 功」、「有古跡」,此獨 有古 豈其平膚之謂 不知「有 或曰《廣 在 跡」「有」字對 「撫掌黄 武 成功」「 人懷古 河曲」 耶 下「頹」字,俱是 ? 非開 **×** 有」字對上「無」字, 五字心眼中飛 篇, 膚 庸 乃 云 路 指點之 有 躍 而 成

大約古今詩家皆不敢直擂鼓心,惟

飛 杜 蓋 云 李、 非具此 何 揚宕逸得之,又與杜不同耳。 李 杜 以 杜 得 家 操 胸次 並 能從 持 稱 事 者 乎? 略 題 亦 之正 齊,三才萬象 無由 李之 面 而 沉鬱 實 知 作 也,不然 頓 共 所 挫 端 以 李 倪 義 與 Ш

與友論杜詩

裘 末 對末句「寡」字也。 **)** 第納之,其無 自 句「酌 相接,此二字向來未曾拈出 也 風 酒 簾 江 自上鈎」,「自」字 相貫、 樓 侍媵之人可知。 對 酒, 方與五六句「鶴髮」、「 且此字露 忽見 月 乃 出自身, 吐,逕自 此「自」字正 也。 獨 自 , 方與 起 之

答劉廣文問杜題桃樹詩

因一室而推之天下,因一樹而推及萬

小逕升堂」之斜曲者

何爲也哉?

爲

此

少

陵不

- 覺覩

今懷昔,而

然

此

遮門之日,乃「天下 字、「非」字正 此 物 作詩之「寡妻羣盗」日也。 寡妻羣盗」之日 桃 「題桃樹 即上句「不斜」之注脚。作詩之日 樹 胞 也,拈 |相呼吸,「正」字總收。「亦 之懷, 中四 此 也 稷 車 一,迴憶 句皆指 物 禼 書 以 怒 小逕不斜、 慨 家」之日, 往日言之,「舊 綸 蓋少陵所居 時 之 事 量 耳, 也 非 五. 非 從 之 桃 乃

直 時 此一物之植 日 目 體,即一 境,抑且 實,春又開 遮 如 樹 也 其 也。 此 故 之斜 (堂室, ,非今作詩 耳。 於是慨然遠想曰:此正天 居室,而 鳥雀共 也 花,不特人我 而 而 實 亦不妨聽其 俯仰今昔之感,所該者 不 舊 此 時「寡妻羣盗」之日 過 日 胞 飛 直 與 翔 無 人 栖 門 門、 同 私之景象 止 遮 之所 此 即 直 食實 也 升 下一 五 株 藹 看 秋 也。 萬 則 家之 非 物 然 花 桃 並

在

之

友 少 陵 望

字,等於可 直是「岱宗如 夫」字? 間 同 齊魯青 來 解 有可 少陵 此 何四四 未 詩 豈 無 者 了」作一 耶 有 字可 一、皆以 如 事,何 此率 答。若此 此一「夫」字乃是 岱宗夫 爾安 爲中 如 放 間 則 之 著 首 虚 旬

遂生

防

摘

食之計,爲之籬垣以

掩蔽之,

此

而

人門之逕遂

不

得

不

遷

就

斜 慨

曲

以

升

寶亂

後,人

自爲計,

家自爲謀,於是乎家

斜曲

掩護之垣扉

離

棘也。至是當

天

内

則堂室

也,並

未嘗於門之内、桃之外,

别

見五

桃

當

逕,桃樹之外則宅門也,桃樹

之

室門

内有桃樹

五株

焉,其從前

承平

無

原不禁人之摘實

而

食

也,是以

一人其門

也,乃 於斯。 料 少陵 按 其 之 即下文通篇之盪 如 固 此一「夫」字乃即 詞 此 夙 非 之綿 聞岱宗之高大矣,今一人望 虚 字也,猶 旦 無 際,盡齊魯 胸層雲諸實際也 下文之「青未了」 言 不 一欲上 圖 兩大 爲 樂之至 邦之

笙 小 牘

理

俱

攝

人

一「夫」字中,於是乎通

篇

神境

皆

如

何」者,仰

而

訝之之詞,

將

通

神

之眼

光矣。

杜詩

一字不輕

下

如

此

不

而

其

青

尚

未了,

此

其

做直

叫

真

宰

蓋

作 向 石 「不問」者,字形相近 秋 刻 「盍不歸」,其作「盍 風 僧 本,第六句 儷 閣 笙 强吹帽」,皆當從石 問 有懷子由》一首。 蘇詩《壬 '作「意已違」,第七句作「不 寅 而 重九 訛 不醉」、又作「 耳 刻爲是。 此詩 不 第一句亦 預 會 愚 有 獨 盍 其 游 鳳 言 定 作 翔

> 太守讌 先生 若以 楚對秦也,若云「蜀人譏」則淺直無謂矣。 冷翠」正與「楚人之冷笑」相激射,其不 集,是强之耳。 皆所謂文之心也。 歸 正點題中「不與 蜀人譏」而 孟 初 也。 自 嘉 皆 荆楚 爲桓 非 曰「楚人譏」,言楚以 次句「冷」字、第七句「强」字, 也 温參軍之例,必 (會」之「不」字也。 此第七句一「不」字,乃是 路北來, 不與會」者,●不 是時先生爲鳳翔簽判 筮仕於秦,故以 與參佐 「南山 當蜀也。 預 府

復 張 痩 同 句

句 何 之作 敢 不 昨 存 聯 細 諸 句 加 集 決 中者,不 章 擇 既 以 求 承 一是。 鈔 必彼 副, 此畫 虚 然僕 懷 一也 付 以爲 訂 聯 僕

與」, 依上下文疑當作「預」。 下「不與會」之「與」字

者,取 句 聞 句 不 日 存 乃渾 爲 有 之 以 聯 精 删 體 深 其清 首 然 矣 句 潤 盛 名家者。 審 於韓 不覺,斯爲 迥有 況後 矣。 斯言固 味,而 人乎? 孟 古今人 錢 不 顧 勝 達石 必過 皮集 後 耳。 聯 之論 且 泥 迥 旬 至 聯 降 欲 惟 不 句 者 要之其 恭 及後賢,未 及陸,至 皮、 之 猶 芟聯句, 體 陸 或 用 擅 以 不 意 聯 場 足

攷證 厚之氣, 花 議 訂 扇 淺深 月 論 史之文,又 之 之學, 所 僕 則 又不 當論 欲 獨 將 而 盡 出 體 固 欲 其 加 又 也,且 此 謹 裁 於古人之所已 不 何 多 沾 懼 事 造 滯 可 且 而 其 之又 , 能因之。 。 詞 闌 難 蓋 文 可 離 場祖 乎? 字 非 已 X / 謹 m 詩 倍於古人 對 背 又不 述,時有後 河,既 無 酒 去 其 得 至於今日 徵 一 時 也。 必 欲 與 歌 古人 有 空 不 之敢 , 操 拈 深 欲 而 屏 之 之所 讀 風 多 説 潛 風 使 博 雲 漇 經 書 境 卻

> 其 謂 寫 如 焉 短 柱,多食輒 而 於陸 一,此而 寫意之圖畫,不 之三四焉, 大 篇 屏 又 懼 較 미 風 若 聯 其 卷之末, 也 以 卻 偶 規 句 有 扇 一發風 存 規 之作 會 不 偶然 一二,則 又幸 而 過 動 而 m 勿 其 氣 謹 必 長 欲 則 化 而 中幸 者也。 作 其 書 不 篇必不 特 焉 竊 過 盡 者 記 自 而 跋 一時 肖 甚 無 此 恕 蒙 是以 矣 附 能 以 一日之清興 者 所 吾 了,其 之,庶 以 異 談 十之三 此 謂 友之恕 興, 無 難 則 篇 蝤 疵 也 或 蝥 與 無 不 兀 者 此 罪 敢 江 者 所

其 其 者 前 ·藉諸 必然、 分寸合離 觸 尺 若夫 興 不得 之 君子清 牘 淋 勢,雖賢者 聯 漓 册 不 党遗敢 之想, 句之事, 爲 僕 圃 此二三 以 所 自 漸 成 屢 亦必蹈之也。 且 誠 欺 欲 此 不 無 哉 章之聯句 段, 致 可 所 詠 足以豪矣。 多 不 而 方今鋭志 闌 舉, 未 人者, 以記之, 能 蘀 久 合 石 則 起

悔

乎。

一八八

幸甚! 古孰如先生者,故敢罄陳其愚,惟鑒納之。

與金手山書

正 依 於此 凡和 見巧者,此 爲之,不可謂 君父師長之作在前,爲肅將 有之,今則遂成 用 (秋 用 也 和,及讀 見機 詩 其 承示 柳四首 韻 必次韻者,於古無之,自宋諸 邗 巧焉 心亦視其 來詩,而 欲就 江 非 同 則 IE 窄路 和詩之定式矣。 人 并 時 亦 也 集平山 竊幸愚之不 屬 可 事,不可 出 愚 也。 又或因 奇策,則非詩 和之。 堂作 若本 步 不踵 矩 難 和爲是也 漁洋 愚固未 之義 然此 無 字 原 險 因 生 道 押 則 或 家 丽 日 之 因 乃 敢 以 勉 心 而

力跨越今古,無所不可,奚以押韻病乎?蓋次韻之多者始於蘇集矣,蘇公之才

勉固 覺其 平 較 心 有 有 論 迹也, 差矣。 之, 與 而況於後 其 然則蘇之押韻 自 謀 人乎? 自 拈 究 韻 者 未 免 安 與 使

也。 以 曷爲必蹈 雖 者 善用 其 本,作詩之時地 此 通轉尚 變使民不倦者,固 則 意附質於蘇集之末,奚不可 其可以 節 古今文章之變,歷 雖偶出 制者, 其 宜慎之矣,況詩之工 不 難,必矜其 奇險, 毋 次韻者,則究以作詩之人 爲本,而 俾太 不以爲異,不以爲 「非可以一理繩 過 異 久生新, 於 而已。 也乎? ~韻則 不系乎此, 必依部分, 也 必 亦 應 也 所 次 謂 爲 難 韻 通

與吴蘭雪書二通

且 論 不知 既 昨 極言其 見 陽 尊 明 作 也 不 以 可 孟子言良 矣,然此不惟 陽 明之言良 知,即 知 不 與 知孟子, 性善之 孟 子 同

傳耳 旨 之詳考,而 於二程子以來言《大學》之次第 日語乎? 《大學》之要義,其可以與孟子之言良知 且勿庸詳 在朱子補格致之傳,愚自有攷證之説,今 正與《大學》教人之序相乖 有真知,不待用格知之功,以此駮朱子,是 復古者也。 言之,此則不學之獘。 人直言之? 格物致知」之後,此定論也,必不可妄 段,在諸章之前,自朱子乃移正之,列 3 陽明言良知, 語銘之坐右也。 蓋因古本《大學》所謂「誠其意」 也。 吾子竟未 第見「良知」二字,以 陽明乃欲矯爲 凡事當以聖言多聞、闕 而陽明之主良 則是欲破朱子補格致 讀 若鄙人不言,更 陽明《傳習録 刺,有是理乎? 立異,謂本心 知,乃是誤 爲孟 條理 皆 子嘗 何 同 自 矜 於 之 解

讀書爲文,凡遇聖賢名則敬避之,與

尊君 陸元 歌》敢於押韻 不識字之蚩氓也,吾輩更宜敬之慎之。 者可比,然即 曲恕之。至若劉 歧説,亦嘗力駮其失言。若韓昌黎《 假借「尼」字,輒正言闢 朗《經典釋文·孝經》開章二字注 上無二 理 此 使甘於不爲儒 也。 出 越 於儒 石、李白之輩,本非 昔 一番陽 其 者之作,更不 謬 洪文 誤。 者,亦非 惠 愚昔 於 可 石 釋 於 漢 鼓 之 唐 碑

答王實齋書

説 《明堂位》、 宜慎言之。 惟是序云:「《隋志》以 然知其所引 大戴禮記 何所本。 久不得 《樂記》三篇,支離傅會。」 解詁》之序説、雖未讀其全書、 證訓 愚曩見《隋志》此語,誠 相與析疑,今見吾實齋寄所撰 如《樂記 義必 》一篇, 有補 馬融增 於是 據鄭君 益 書 《月令》、 無疑也。 不 所言 此 知其 貝

異。 記》 傳 劉 平 图 志 兀 小戴 宣育有 》之非 向《 十九篇之目 向 與今所 同 此 不自 《别録 禮 名 别 所 在 實 》。」據此 録 據 唐 馬 禮 爲 也 * 見小 丽 初 融 有 記 他 已 前 爲 陸《釋》與《隋志》各舉所聞 時 家 四 然陸氏《經典 有 四 戴 始有 此言 則 十九篇, 遂疑《隋志》之傳誤 書 之, 十九篇 之 劉 拾 四 之。 向《 安 未 撰 + 得 可 是皆足以 之名 别 所 其 九 以 因 取 篇 釋 篇 録 爲 今見《小 》之四 文》云: 見 次與今《 不 馬 名 於《 미 同 融 疑《 也 謂 橋 mi 所 戴 九 隋 實 之 漢 女 益

初 此 處 所 樂記 列則 出 時 況《史記•樂 劉 篇 自 之舊 向 記 何 非 \forall 所 時、 篇連合爲一 於 矣 得《 其 其 何人, 中 書》 樂記 中又自爲連系者乎? 究 又自有 其 所 則 斷 》二十三篇, 取 篇,又 孔 取 《樂記》之文與 疏云「此 前 此 後 + 未 移 必 篇 置 是 十一篇 又 合 安 互 小 知 戴 異 今

> 《隋 攷 之説 如 孔 不 證 何 敢 氏 志》所謂 **而** 分合, 也 已 事 言 不 必 示 分 毅然斥 本 馬 明 無 미 融 從 委 增 仔 其爲「支離附會」, 而 益 知 細 詳 之 不 攷, 説 而 可 其 況 委 何 後 知 妨 間 人乎? 者 沿革 並 存 是 以 則 同 吾 備 其

學,及 戴 蓋 篇 頗 宜 小 理 未 上、「上」字當作「下」字。」不 大、 博攷 爲 其 難釐定,昔吾 析 孔疏 正 舊 者 且在 《見其《大戴》校本《諸 小 雜 屋下」,注:「《 可或前 也 而 而 戴 此 今日 記》一條 慎思之。 勿 氏 條 然 辨 所記 賢留 實 治經 此《諸 焉 友 是「 可 盧 若此等篇 偶 未 矣。 惟 正 抱經 屋上」,非「 侯 有 盡 小 有 之緒 是 釁 不 戴 ^ 於 二書 ·同,此 大 廟 *****: 侯 生專 前 篇》 知小 戴 次 待 釁 割 儒所已言 禮 之説 剖 接 廟 條 之 屋 力校 鷄 戴《 記 説 筍 篇 則 下 亦 者, **警** 以 條 雜 於 惟 大 有 尚 而

處也。

《禮》 已闕 全書之博贍 詞 而 謂 可 相證 之淹 闢之者 性性 至十五篇矣,其最謬者《保傅篇 又如《周禮》六官與諸 本 大戴記》祭侯 通 也。 無 也 而什倍其訛失; 而 前人注釋甚罕見,盧 善。 專用其邪言, 此人 之辭 非 經 與《梓 有 非 無 吾學侣所當 鄭 有《荀子》 康 辩 成 之 可 侯 注 相

此 釋,訛誤極多。 莊 大 三禮,其中要義有待研核者不知幾十倍於 而 不 ,而一則 進 約 不知實作功課、《易》、《詩》、《書》、三傳、 一,尚每晨 肯循 士 未 昔年吾門孔生廣森亦爲是 必能 述祖撰《夏小正訓》一帙,以己意辨 循 畏 及 下學如幼 難 吾實齋之書也。 蓋今之學者多侈言博古 温 而 肄 荷 諸 安 時 經,每有剖析,慎之 **懲下課** 則厭 常而 書作訓 昨見武 也。 "嗜異, 吾行 淮

> 不能 此 又 慎 曷 勝 日 愧 日 在 汗 同 都 几 1 門 研 惟 究。 辛敬 渴 念之勤 堂, 又 與 日 厲 勤 官 積

附録王實齋大戴禮記解詁原序

《記》 又云: 推《士禮》 《明堂陰陽》、《王史氏記》所見,多 篇。」古文者, 篇、《王史氏》二十一篇。 諸侯卿大夫之制 子學七十篇 以廣其宫,而得《古文尚書》及《禮 文志》云: 由來,惟孔氏 論語 百 劉向《别録》曰:「古文《記》二百 「《禮》古經者,出於魯淹中, 》、《孝經》凡數十篇,皆古字也。」 三十一篇、《明堂陰陽 「武帝末,魯恭王壞孔子宅,欲 ៣ 文相似,多三十九篇。 致於天子之説。」其 孔子壁中書也。 壁中之本也。 雖 不能備,猶 此《禮 孔穎達《 《漢書• 三十 記》之所 瘉 目 天 及 曲 孔 四 有 築

九二

有挾書 傳《記 子 同 中 藏之書 孔壁古文,未嘗闌入諸家 戴禮》。」此大戴之書,篇數具在,惟取 司 四 記》八十 書之日。 惠 陳 敏 襄,藏書於夫子舊堂壁中。」而《漢記 俱 疏 年 得 博 傳》云孔 顔注《漢志》引《家語》云·「孔騰字 涉 有秦二世而亡之語,與賈誼《 無 日 史陳 者族。」然則 博 了當在先秦,今《禮察》、《保傅》篇 除挾書律。」張晏注 士,則亡秦久矣。《漢 一百 四 大戴 + 五 ±, 小邵《周 九 篇 鄭 圃 四 固 鮒 古文二 取 康 ,則《大戴禮 篇爲 在 所 成 於賈氏 禮 則 秦亡之時,而子襄 藏。 漢 ^ 八十五 此《禮 論敍》云: 百四 惠 按《史記 四 也。 書 論 云:「秦律,敢 篇 一》是 年 記》是也 篇,謂之《 乎?! 亦亦 惠本紀》: 或曰: 巾 云 前,皆是 「戴 非 戴 新書 聘 孔 德 戴 德 爲 鮒 於 大 珍 聖 於 壁 僡

> 文《記 《隋書•經籍 記》 記 九 子三 乃 蓋因大戴八十五篇之書,始 位》一篇、《樂記》 出 圃 加 加 流、於是出《三廟記》於《論語》之類 爲 爲 楚 時 《曾子》於儒家者 奏《七略》,序六藝爲九種,分諸 燦 面 漢 廟記》七篇、●《曾子》十篇,皆是古 有 賈 孔 非大戴采取諸家 然 漢末馬 》二百四篇 待 氏 人 氏 間 具 於賈 之手。 所 所 人 備 志》謂 取。 所 藏 融 書 爲,合於 而 亦别 足《月 若《禮 也。 此 一篇。 中書。 戴聖 大戴之篇 賈 流,此又劉氏剖析 有 書 又《大戴禮》有《孔 令》一 察 删大戴之書四 也。 二百百 流 其説 有 自劉 ×, 傳 取 今《小戴 祇存 在 四 於三十九。 保 頗爲附會 篇、《明 於古記 氏 篇 外 傅 總 之中 四 之 羣 本, 傳

之? 於 記 第 則 闕之篇,其 蒼之門, E. 所 向《别録》云: 位 有去取,故有大戴取之,小戴 (隋志)|又别出《夏 哀公問》、《投 五、六 》、《辨名記 當 見本已然矣,又何待於馬 十九。」則《樂記》之人《禮記》,自劉 十三篇 劉 爲 存三十九 7 ·戴記 時 小 向《 蓋 古 戴 一 一 小 二家俱就古文記 中 [本具 别 之内 所 其 名往 戴 M 録 取 中又無 豈得以 Д 「《禮記》四十九篇 又何庸取大戴 壺》等篇者也。 在 者 耳。 闕 》並屬 篇 往見於他書,如 四十 政穆篇》之類,皆 ,大、小戴 也。 小 豈 多出第 大戴 四十 Ī 明堂陰陽, |知《月令》、《 六, 而《樂記 **>** 》第四 闕篇 百百 故支離 同受業 七 融之足哉 十七七 亦取 四 之 1四篇 即 況 + 《樂記 書 $\stackrel{\cdot}{=}$ 大 疏 固古 ^ 之, 其 四 \pm 戴 明 中 而 於 弓 向 度 所 后 如 四

其 自古 某 賊 語 法。 德明 篇 爲 本 非 面 增删字句,或云據《永樂大典》改某字作 類 爲之注 了,其 盲人而辨色。 作某 無 求情 ,是猶折 譲 書 耶 書如《藝 研審事 不 未 ? 正 反 王 近 變 傳者蓋 代 贵 立學、 然 爲音義, 實 肅 不 據 並 夫以 以來, 能 於風聞 本 肅 主 無 獄 用 知 文類聚》、《太平 而隋、唐、宋 寡 卒 本 點 大戴之書, 依 者 某 其 有是理乎? 改 據, 讀。 竄 是以 人 迄無定 私 舍當官案牘 本 兩 凡 道路,得 易經 此 事 甚 云者,皆近代坊 漢 是 兹數端 自 經,私 校 闕 經 直 者 文 時 本。 售 志 佚 師 同 向 且 厥 過 並 其 大率以 曹 不 是 是猶 云 往往 又或 御覽》之流 定《孔子 後周 後 半 不 爲 者而 兩造 聖 平乎? 某字 - 著 傳 賢 不 未 據 盧 而 緒 注 據 知 所

義 有 遂 繩 以 使 古 悦 孔 義 曲 兹 俗學者之目。 壁古奥之經,變而 ,以今音證古 而亡,可不懼 1音,以 然 哉 而 文從 今文易古 經文變矣,經 字 順 洵 文,

聞 兩漢 生平所私 不 原 某而已。 承,依聲託類,意義 注云某當爲某。抑或古今文異 本,不復增删改 卷,與諸家所見,未 知 書。 器數之詳,壹以先師 則 經師 m 聘珍今爲《解詁》十三卷,《 》本鄭氏 加「盧注 不復標明出處。 闕,必無杜撰之言。 亦復多引經傳,證成其義。 其解詁 淑諸 訓 詁 人 專門之學,而 云以别之。 以 易。 者 專依《爾雅》、《説文》及 釋字義。 敢雷 也 可 其顯 通,則注云某讀 稍 同,惟據 康成緒論爲主, 未免膏肓之疾 涉隱奥, 然譌誤者, 舊説有 於古訓之習 其學則聘珍 至於禮典之 了,假借 目 相承 必 可采 間 相 則

> 心焉 敢。 簡 難 不但稟承家學,抑亦博問通人。 經,聘珍年 辭 札,弁諸書首,以 庶傳諸將來,知非鄉壁虚造者也 爾已。 但於二千年來 墨 兹解詁,藁凡數易,亦歷有年所, 守之愆,以云有功經學, 纔幼 垂 學,迄今誦習三十餘 髫受書,家父 は誌師 天壤 友淵 孤 經 亦亦 源、著書歲 П 今檢其 口 實 所 此 不

四

復初齋文集卷第十一

門人侯官李彦章校刊大興翁方綱撰

送盧抱經南歸序

詳。 謂 釐 名於諸君文後,而始愧三十年之久,於君 歸,予未北還,又不及送之。至今始獲 在廣東、未得親送其行。 各爲文以贈其行,而方綱序之曰: 北來,其冬將南歸,同人集方綱詩境軒, 抱經校讐之精、用力之篤,惟予知之最 往者乙酉之冬,抱經視學湖 予同 乾隆四 歲進士二百三十一人,予嘗自 十五年 秋、餘姚盧抱經學士祝 及壬辰春抱 南,而 經 附 子 南

> 《文選》録之。今君北來,始讀所挍《周 甚繁,予初成進士時喜讀遷、 之學茫乎未測其涯 惟君之精且博是歎,而獨歎其弗畔於朱 書,又讀其校《孟子》、《大戴禮記》,然予不 露》、《鄭志》、《五經異義》、馬氏《意林》諸 注疏》、《逸周書》、皇侃《論語疏》、《春秋 君所挍三史録之。甲戌授館職後,借所 涘也。 君所 固之書, 挍 Œ 書 則 繁 挍

之。 M 者則昌言排之、宜其校正古今、虚公矜慎、 而遂并議其全」,又於妄生詆諆 抱經題跋諸篇謂「世人於朱子因一二未安 有言,此特文其猖 迂腐,甚者且專以攻擊程朱爲事。 樂律如西山,詁字義 不蹈流俗之獘也。 今之學者稍窺漢 凡挍讐家之精且博者皆在南宋,而 狂 不學,以 凡諸君之贈抱經,與 如 人厓 北 溪,胥於朱門 際,輒薄宋 欺人而已矣。 如郭宗昌 虞道園 儒 爲 發 論

子也。

予之附 節 以 求 抱 託 經之學者,故道其大者以序之。 諸 君 後 以 借 讀 抱 經諸 書,皆若 逐

送 姚 姬 Ш 郎 中 歸 桐 城序

辨證; 書,而 習之久,而]1] 難 敢於有 所 自 在 必 得 此 姬 難在取 不難在江海英異之士造門 旦以 至 言者。]1] 將 失毫釐悉 者 郎 日 其於人也亦自不發藥言矣, 也 養 中 聞甘言,不復聞藥言,更將 友; 親 與方綱昔同館,今同脩 去, 不難在善述, 見姬 如 姬 方綱將受言之恐 川意中所欲言。]1] 之歸,不難 而 難 清益 在 在 四 往 此 漸 姬 丽 復 讀 庫 mi

得 錢 於君 子者 者 夫所謂 ·, 其 中所 也, 安能 人仁義人也,其 藥者 欲言, 爲 必 願 君 有 姬 作 其 三藥 言 方,如 川之聞其藥言也。 於學行文章深 平? 方綱 者待 吾 友 有

> 言 行 君 文章 也。 之門 有 樂受人之言, 孔生者 其 人 願 英 姬 異 人 Ш 之發 也, 其 其 於

送 獻

太早。 規者, 三年 功苦, 今舉 適其 耶 亦不戾古,其肯以人之見 於粤。人皆以壯遊 ,無待於予之規 (時哉 京 而 予 何也? 後來享用 兆府 人生最 年 同 來 學 自 前後 副 獻之以一介之士 獻之之學博 惟 難 榜,將歸 不 得 學之不 可 數輩無不知 盡 頌獻之,而予則不 者多作數年秀才,磨鍊 知 耳。 也 拜其 充 稱稍 如吾獻之錢子, 而有要,不 親 有獻 恨 一遊京 貯於 省 向者得 其叔父 之 師,未 其 泥 頌

容 寂 ,繼也志日以廣,氣亦日以 然以予觀獻之,三年來,始 揚,未 也 視 知 專

乎? 於古 予斯言質先生,將必更進以實學,則予斯 言又不足道矣。 之言,然以予之自悔,有不得不與 學使辛楣先生,予畏友也,獻之試 也,信乎? 未足乎? 以予之寡學,固不足爲 疑乎? 於其 所 得 獻之言 者, 以 胤 足

送吴亦山序

應之 子所謂詩者,吾知 子所自有者,亦歸人恒事耳。 也,是子所謂詩理者乎? 數年,今歸而省其兄、課其子,家庭之至樂 年矣,於許氏之微恉、二徐之辨釋,皆抉 謂 方綱日 歲 剖其甘辛。今之學者未易一二 丙 詩在其中矣。客曰: 申秋九月, : 子之序而弗詩 之矣,吴子殫心六 吳子亦 曰:非也,此 山 何 客曰: 吴子居 一將歸 也? 襄 然 京 方 陵。 吴 其 則 師 緇

> 以序吾吴子之歸者,則有説焉。 僅於此别言之,不已淺乎? 乃若方綱所敷? 方綱曰:此吴子之學勗以終身者也,也,子必將道其得力之故,爲同志者一勸

也。 及太僕再三留之,吴子亦竟若幡 既而徐徐言之,又若不敢質言之,蓋其與 人蓋有不能繪畫者,而何詩與序之别乎? 弗贅以詩也。驪駒之歌,陽關之疊,古之 子者,故不若實寫此段情事以爲之序,●而 者,然實不忍直言歸也。此皆詩之 太僕悃欵相依之意深矣,不忍直言歸也 歸,吳子弗言也。 河,而吴子得其兄書,勸之歸,然 秋且深矣,寒燈落葉,無 吴子館於太僕曹先生齋,太僕扈蹕 太僕歸,吴子猶未遽言, 口 寫 然不 太僕 以 至 贈 未 埶

「實」。稿本作「直」。

九七

贈楊彤三宮

巷,鄰 相 甫贈 與 或 兄弟已負文譽,是時 則 m 話 都 四 葛 彩三 諸 城 識 與 鶴 + 衫來 亭不 子 予與 至戊辰後交 人生富 詩 南 公又 予 視予, 順天府 兄弟交最先,彤三 與 文。 塘 同 年 葦 訪 也。 見彤三 鶴 彤 與 冬 貴之樂無以 間 子 亭 抵 先大 明 \equiv + 廨 掌 相與 同 日 不 月 倚 留 者十三 論天 居京 ,邀鶴亭、象星 相 夫厚善。 與 連 樹 始 握手,感歎久之。 彤三以 見者二 鶴 日夕 甲子、乙丑 坐 密 下 亭俱 師,不 石 易此 一年, 士,尚 母氏,吾姨也, 每 意 與天 泉 十 讀 所居 象星不見彤 暑月, 相 也 有 州 年 書 友古賢 見 間 所 一就 守計 城 廨 得, 亦 天 象 旁。 子 君 予始 北 鑼 舍共 歸 星 兄 鶴 薦 乾 弟 亭 而 聯 與 鼓 尊

> 此 道 不 表 可 出 出 兄 户 涿,當往訪之。 以風 又與 七八年矣。 世也 君 兄 矣。 弟 俱 馳驅宦途 彤 呼 三因 爲 姊 夫 中 能 此 至 行 今 懷 旋 病 若 閩 廢

九

流 當 輩 之樂,乃不減 如 所未及, 中 亦 之之子,君 迦陵檢討填詞 一,問學 昔 益進,其 人家有 午晴,烹茗,適 然詩 連竹垞、阮 近注杜 日 聯 惟 有 法 藏 床 評 未 進 已 至 上下千年,必於 宋 問 予贈 曩時。 獲 得 也。 閩 槧吴若本者,顧 亭諸 圖 業,切 (善本) 千 當 卷 商 詩 然 五 語 老 來 邱 校 庶常爲 彤三 磋 百 觀 謂 詞 請 陳伯 勘 餘條 察, 往 得 翰 予 耳。 議 復 杜 間 題 杜 恭 閩 論 其 耶 法 識 皆 若 是 庶 庶 中 安 佳 予 得 本 向 常 常 程 遂 陳 同 勝, 時 吾 亦 固 觀 聲 以 因 日 同 四 注 不 聞 不 較 親 察 其 吟 展

昔

前

望調

觀

先

「至」,稿本無此字。

家

精

閩

敢

縷 具 絮 語 , 問 生産 瑣 悉事, 語 都 無 文, 不

表,不 記 耳。 既 警勉者 人挑燈聚 猶 無 彤三歷官閩、浙,湖山數千里,聲馳 勸 負 吾輩年皆長 彤三比年連守大郡,有善政,於所 以爲豪,而 抑 彤三、鶴亭自理舊作,而付予論 矣,獨愧予日事鉛 更 話爲足樂。 少矣,豈 大, 以二十餘年不得今日 獨詩 相呼字者已少, 故筆之爲贈行序 槧,無毫末補 文哉,習氣未 實 也 四 海 除 相 次 學

送 藴 山之任 揚 州 序

而

公儀之守 而公儀取 之爲 予 美 嘗讀歐陽子《有美堂記 乎 其 杭 首 ? 也 句以 ,仁宗賜 吾 謂 名堂,此豈僅 爲之記者,當惕 以宣 化撫俗之詩, \forall 而 以 疑之 湖 以 Щ 美 梅 觀

> 之不 也 豈 以 有 歐 侕 陽 冀 子 其持 而 不 盈 及 此 保 泰,形 耶 民 以 勤 儉

益早 之長 嘗於送任禮 者,今皆爲 眺之事爲言乎? 則予之送 所爲堂者名之曰「寄餘」,不惟不敢以文字 知治本矣。 公暇 越二 之送吾謝子哉 名記》,深感於化民成俗之不易 習益厚,昔之所 夜孜 自 所爲 年移 南 詡 康 筆記 謝 孜求其所以報主而盡職者。 ,且不敢以民康歲稔爲已足, 守 謝子也 一二學人根柢經術之地。 揚之繁麗名勝不減於杭, 子 部、王翰林 揚 良璧以 相 州 其 質 謂 至於謝子與予景 方今聖化 又 竹 口 四 翰 僅 詩 西 年 林 中 歌 以 秩 編 吹、 取 漸 詞章之末、 言之、況 滿 修 其《郡 濡, 謝子可 人 出 紅 覲 守鎮江 土 仰 橋 日 守 出 前 乎 予 煙 而 既 其 醇 而 月

筆記」二字,稿本作「詩若文者」。

九九

O

筬

翰 言 墨 贵 流 風 端 有 而 同 已 嗜 一言 馬 固 是 各 又 有 具 當 於 也 别 幅 記 曰

送 周 鞠 人 南 序

子,每 閣 辭。 予 癟 來 之前, 非 生 方 游 者 真 切 自 於 於 送 想小 矣 古 望 書 歸 + 蘇 M 其 者 畫 慶 齋 米隨侍鑒定,多在 (中式, 得 於 門書畫 筵、欲 , 米《 今年 之, 介 蘭亭》, 圃 則 四 書 出 兼長 鞠 其 月 其 味長 上旬 翰 退 惟 者, 則 墨 谷 以 矣。 其 禮 無 高 其 硯 其 境 若 未 致 (尊人 Ш 真 將 米 以 齋 H 人周 矣 揭 家 代 涉 敷 所 ; 子 文 父 祝 春

乎守 游 藝 人生最 心 蓮 間 得 者 之 此 難 理 耶 鐘 得 一學,承 鼎之榮 者, 他 未 日 胡 所 中 涉 静 第 不 春 之文 能易者 時 先 得 生七 編, 娱 篤古 親 也 於 ൬ 況 依

> 其 不 祝 袠 以 詞 以 行 此 名 後 淡 篇 更 寫 以 積 數 慶 爲 言 侑 筵 爲 觴 得 得 之 值 味 助 鞠 也。 迴 人 登 思 遂 今日, 瀛 書 乞 此 假 未 以 贈 必

送 劉 端 林 歸 寶

《學禮 乎? 嘗 其 進 蕺 近 次《丹書》 世 作 之 Ш 有 歸 禮 儒 劉氏 士 所 而 寶 日 \approx 通 未 攷 生 發 應 日《邦國 此 解》矣, 安, 知 之 訂 亦嘗首《夏小正》而 劉 丽 是 蓋 べ禮 日 有 附《 生 有 有 所值之時 學 唐 辨 待於釐次之 經》者,必 王制》矣,稽之於《禮》, 吾 日《家 禮 廣 開 也 所謂 》、 曰 元 而 以 楊信 氣 禮 不 ^ 訂 後 醇 王朝 於 × ·同,而 之 齋固言之矣, 也。 禮 生 吾 日 ~禮,而 附《月 經 禮 屬 嘗 ^ 其 鄉 \approx 昔者 焉 謂 禮 所 令》矣, 不 今 而 捄 知 朱 後 非 故 世 來 子 於

者哉? 謂 心 好也。 _, 而 亦 異 動 也。 援古自飾 吾所屬望於生者,則 且焉有儒生而議 今之爲 ,日朱子亦嘗 儒 者 不 E 審 欲 朝 云 考 朱 邦 爾, 其 子 或 篇 之 之 此 用 所

章句而

己。

之士 經禮 屬某 録 則 類 之類是 不 爲 制 以 是 、皆《禮》文所散見者,因 亦 可也,又以某之錯簡當置某篇,某句 生贈 篇, 討 不 也 ,先務在於平心、不爲苟得而已,故 作之精 然而又有 曲 也 求 口 禮有秩 則 其 也 ; 如 、僭忒 有不 先 必以 意 所 則 後 去此諸 然可分者、《少儀》、《内 可分者、《玉藻》、《大傳》之 之心生焉,又大不可 不 類 一人之意 庶乎得禮之宜矣。 記 可者,如管、荀、 之所 不 可者,而 類次 以 而 然,因以 掇拾移補 加 因 輯定之, 賈子 訓 凡 得 故 則》 也 先 著 當 之 今 則

送顧文子進士歸興化序

合轍。 顧九 之士 其 天子壽 林之於三 今之精 其視予益親 丽 巷、晨夕過從者、是以知之視錢、李尤詳 秋 文子舉鄉 在 知 所 應昌 (苞文子,其尤著也。 得 今辛 者 歲庚 士 蓋端林之意在於證經,而文子之意 研 則 考 禮 子辛 $\dot{\mathbb{H}}$ 作 三禮者,吾最許寶應劉端 嘉 辰 IIII ,而予益畏其學之專且厚也。**●** 也,視文子之用力似分軌 試出予門人吴學齋編修之門, 定錢 ൬ 人 IE 丁、顧皆方綱執友,又寓 蔚起。 八加甲 科, H 塘 禮 則 溉 部疊 Z 歸安丁杰 其 亭、]科,海 在 奏貢 錢、李皆方 高 庚子恩科 郵李淳成裕。 内窮經篤 士於廷, 小 Щ 林, 方綱 而 綱 興 端 化 實 同 前 古 蓋

[「]學」下,稿本有「力」字。

尤爲 信之,什之一或弗信之,其於大 也,所已發者意得之,所未發者亦若 在於翼 强 蓋其致力在 毅 一,皆學 圃 縝密也,其於賈 X 墨守鄭氏 所 難 能 者 而已。 孔 面 也什 翼 夫、 注 之九 意 之力 司 得

廣,其 備,雖 來,相 必更多於城 初,小山亦將 象,與予往復論逢掖之制 而任禮部子田遂爲《深衣考》一書以 子田,文子邑人也,今亦將歸 去年秋,小 與 以 樂 寡 此言先之。 對 陃 何 1榻,出 如 加 市。 予者, 言歸。 也 Щ 1 其 庶 將 所得,補 期 亦 子 荒江 屬 異 得 田 兩 日者二 津 以以 老屋之間 峰 逮 Œ 爲 羅 山 膏 前 深 行 君 君謁 馥 賢之 衣近是, 畫 亦 矣。 以 所 所 詳 鄭 有 自 選 秋 釋 公 H 充 未 北 得

送 曲 原 序

於是 堂 薑 古 漁 竟 知 厚 訒 汲 蔣 康 日 何 皆 定 日 轅 ,爲茗蔬於城南 題字及竹垞、 蹟 熙 洋、方山諸公餞 葊 永年、餘 年 啟 獻 友 庚申冬,至今百有三年矣。 、錢塘吴 甫 1 而 啻百年前 相 寅 無存 淑、 大 士銓、新安程 縣紀茶星的、 與 能 興 秋 姚邵 戀 桐 平 者,而 去。 翁方綱 别 穀 城 諸老宿優游笑語時 漁洋諸 人錫 二雲 述懷,徙 旲 原 寺於聖安寺爲 董寄 念東 此 華 東 與 麒,或 晉 寺 İII 宛 蕺 湖 其 前 涵 侍郎 猶有 袁 平 廬 柳 詒 倚 鄉 輩 先 豐、 張 晉芳、歷 村之崇效僧舍, 蕉 以 歙 人 題 生 Ŧ 洪 於聖安寺, 舊侣 晴 梧之陰, 歷城 湖 卷。 一覺 一將 素 溪模、鉛 西 聖安 П 斯、 隣, 或或 東 也 城 周 方昂 金 周 日 田 歡 載 迴 以 坳 元 憶 言 新 汪 林 Ш 其 軒

光 浩 寓 課 長 讀 者 時 ,其於詩 在 唱 居 中 以記之,而 當補此 孫娱老,紬德水杜亭之緒言。 雨 濃 靐 於 紀 祕 方 緇 淡 經 酒 侍 「, 冉 與 遠 旬 闌 郎之東齊,相 文師 先 菊 燈 近 方綱爲之序。 幅 冉 生 炧 間,他日 矣。 籬 三十年於兹。 法淵 同 間 初 舉於鄉, 者,此味 於是諸 雷 源 與掀 粹然 作 西郊 君子相 舊 又同 髯 數 依 醇 面 ায় 峰 依 抵 且 追維曩 先 草堂 掌 成 如 ĪĒ. 如 和 生 進 昨 書 爲歌 淋 今且 年 圖 也。 漓 H

送張肖蘇之汝陽序

贈 言嘗 徠 宣 者, 0 苦 即 君子不 又不 方 名 墨 忽然 張 病 敢 孝廉 以相見 既 嘿 爠 無 而 也 將 以 持 之汝 爲歡,不以 昔 益吾子者,抑 舊 歐 簡 陽 陽 紙 過子論 子 屬 疾病爲憂 之於 書 數言 心 文 石 所 徂 欲 自 爲

> 受益 之以 徂 惟 定則得淺 道 病,在於心不專 遽深推闡於學道之實,而 深」,蓋其 原不 徠之答歐 其 有 ,過於徂徠遠矣。 而 在求强記,蓋 不至於道者,乃可爲憂 積 而不啻深, 氣 陽 之以誠,其有不逢原 未 能平也。 而神志未能定 日 1「永叔: 得少 亦 然談 務定其志 今吾肖蘇之 而不 以吾觀予肖 待 藝數 我 - 啻多 也 云 淺 爾 日, M 而 也 讀 不 己, 大 虚 書 蘇 知 雖 快 之

焉。 也。 之法 測景者,則 者,然求其 二十篇 詩則莫 古文上 其但 在 旬 日 於 務古調 以 耳,格 審 如杜 識 又若怳乎不得 來,僅 下接 題,題 趣 0 所歸,如 調 以 武 然韓 得 得 之高 震駭 面 見吾子時文一 加 日 文杜 理定,理 記 於人者,猶之 誠 用 其 里 不 不 詩 準 肯依 鼓車、如 미 各 的 定 離 有 也 人步 其 者 而 篇、 莫 浮 法 時 文 武 牛 如 詞

物,中 要在 肖蘇 氣 合。」此二語是詩文書法之總訣 又進而三百篇矣。 杜之所以 然之極 曰:「以 川則可 卻 疾之一 於平心 今日之詣,力 -無物 至 質厚爲本。」姜白石曰:「離 以 然,則可 |別由 上窺 不 法矣。 易氣 在 於識 為馬、班 於 以上通 貌 静虚以 其 專 趣不 似 ,又上 貌襲者則由 而精之, 也 真而 漢 涵泳之,是又養 魏,又進 而 能 已矣。 知韓 六經矣。 也,然其 Щ 谷 於中 之所 加 由 有 而 道 吾 無 知 以 能

送吴亦山進士歸襄陵序

獻之 也 而 郵 歸,當告以持身涉世之大者,不暇及《説 Ŧ 然居 懷 予 年 副 祖 恒過 來 榜 嘉定錢 所 於 從 與 其 交遊 碌 歸 獻之、襄陵吴亦山其 碌,每 贈以言,以其 精《説 不暇 文》之學者 深 談。 初 應 往 年 尤

> 文》。 文》。 易 歸,予贈以文,僅言一時 語之,於《説文》亦未暇及。亦 多得也 又前 甚矣,學問之事,求一共語之頃而 年 懷 祖 選 庶常 别緒,未及 請 假 歸, Щ 以 者 館 (《説 不

信,或喜異 賴校者精於用心耳。而校者或矜己,或 既不易得,徐氏《繋傳》傳寫 某」之類例也,復别之曰正 義、曰引經。予復以篆體原委進之,仍「从 餘 之學當大闡明於世 病,以優閑之歲 亦山之治是 ·考義」、「引經」之條目也。《説文》舊本 力詳校是書,於其别也,乃得一二及之。 今亦山成進士而歸,將以 (同,或 書也,曰从某、曰某聲、曰 月 恥 殫 也 詢 力 訪 其 今亦 (中,吾 一誤、日 復 Ш 講求民社之 多闕字,惟 「知《説 皆 存疑,仍 無 此 攷 今 好

似,不得潛心問學。即兹於亦山之去,深獻之留陝,懷祖在吴,予又日荒廢無

究 致 目,至今未得見之。 阿竊 心此 不 忍 用 書, 遽 自 别 媿 每語予寄 之 而 意, 彌自笑 偂 習響懷 蓋 仍 也 别 不 祖, 後 能 曲 之難 自 索 阜 其 暢 桂 致 其 近 未 著 谷 所 如 欲 亦

送魯絜非知夏縣序

此,安得輕言别哉

III甲 厚 爲 與 先生 /淵粹如 述耳。 桐 而 城 非 新 子特 篇,尤 始 獨不能止其 明 姚 城 家 出 年 其 吾於己 夢 居 魯 知夏 命 絜 穀 深 爲文,及反覆讀其文,所著《保 既 改 非 切 語 非 縣 知 謁 西 於經濟, 及 進 文既醇 出 夏 一秋始得 選 此,夢穀作色 士 邪? 來京 縣 皆 一,以 以 知其即當見 絜 識 且 師 古 夢穀之意 爲 肆,當 非 絜非,歎 文 遅 得 攜 名 起 也 廣東之吴 益 7 子 其 篤 蓋 日 吾 實 樸 以 昨 年 力

> 諼者。 之遺 印 儉 見夢穀,當共理此言 風之淳美,若皆 布衾之銘, 邑 一爲 證,吾故 之遺俗 數 跡,是又皆與吾絜非之所學 簏 涑 絜非又寫其 單 水 猶 所 車 學其 知足齋之題字,潞公、温 有存者,予將 經 之官, 與 笼 仕 司 (樸學 馬公祠 宛 所爲文,留於予齋 之初,天意之因篤 然 相 適 視 所 相屬以 相資者。 墓 而 爲 文之本色 在 一笑也。 焉 交 訪 他 勗 公 求 唐 以 對 魏 以 温 H 也 勤 重 論 土 相 勿

送陸鎮堂知絳縣序

言若 堂嘗 道 該 然 有 謂 可 事 天 有所會者, 非道之不能該 推 有 道 春 不 而 不 秋 知 可 可 者。《1 推 盡 無 然 而 知 例 而 易》是 知者,《春秋》是 而《易》有例。 於《易》言例有 也 而 ,人不能 人 也 事 不 吾友 可 也, 不 陸 故 不 子 也 盡 能 謂 子 此 鎮 盡

道

不

미

盡

知

也

數年,一 艱 友 别 而 外,之山東,及予再使江 接物之方,至今用之未竟。 之,●鎮堂仍 所 不以文詞 歲,於經涉世事、 著述。 得 例 乃 鎮 審物情 於育嗣 無不備 H 地 未 稍出 堂 子 圃 恨 往歲同 備 謁 龃 相其勢、審 吾二人齒益 不 名,即 奔走 得矣。 其 也 選 予昔於其 鎮 能 而達 所 得絳 堂 謙 悉 釋十一 在粤中,嘗以 夫 幼 抑 其於《易》尤深 衣食以養母。 事 然 出 人 精義 同學, 壯 縣 而 理,宜其於 而 所 其 事 弗 五 卦 奉壽 加 年 藴 與 宜 析理,不 + 宣 以 者 長 將五十始 天 而 西,不得 誕 也 同 母以 矣。 見 道 以 爲之,豈 辰時 其後鎮堂 服 遊 於 略 學淹 予少鎮 人事 及 而 H 世 也,士當 涖 及 見 く鎮堂 其 共論 同 亦 未幾 其 厚俗 成 所 寓 今古 居 必 及 不 研 概 進 肯 之關 應 家 其 堂 席 行 詞 時, 者 己 之 有 逢 讀 勸 而

> 備 者 盡 所 施 哉 1 夫 且 有 欲 求 備 施 而 轉 泥

二〇六

純 胥合也,抑又何 孫 效 功 科 之,故予亦因 天人之應, 凍 焉 也。 條 之與鎮堂談《易》最 爲 絳,古邑也, 强 而其 於是鎮堂向 能事 逢吉。 俯 於《易》 **可** 而 仰 有言。 不 異 今昔,蓋待其既 以 民 備 日 也 奉 淳 所 得以 蓋 之有乎 承 期 契,作《説 而 聖 其 訟 庶幾矣。 化、 、稍暇, 效者,今將 簡 1 涵 Œ 吾 定 相 濡 不 門 與 而 壽 以 教 共 皆 篇 魯 驗 母 養 多 子 論 其 有 獲 爲 文

送吴石亭視學安徽序

也 握 石 手 亭 m 編 相 修 告日 奉 使 吾 視 所得士膺此使者,及 安 徽 學 政, 於 其

232

注 子 之正學, 邇之在 士,頗皆 上 使,先生以粤東金石與之相易,然則必舉 姑孰潁上之古刻以爲言矣? 「疏矣, ,吾皆未 江 高 而 未也 昔雪門之使楚 今亦將 ,經訓文辭之藪也。 談 四 漢學而 知研習於《説文》矣。 知俗儒 得親送之,今將何 述黄 客 又 卑視宋儒者,其 堂之於 兔園册子之陋, 日用行習之地, 曰:安徽昔得 海 也,先生舉長 天都之詩 湖 邇者大 南 以 而 予 儷 脈 贈 漸 竹 笙 沙詩 慮 江 日 徽 知 歟? 子? 君 之 不 或 從 南 國 爲 於 미 有 文 事 北 學 公 於 贈 轉 之 子 河

實爲 輒喜 也 網 講,其獘固 務,以稽古爲長,是 加 往 時學 此 羅舊聞,博陳 時 者 所最要之藥,則 專肄舉子業,於訓 已久 矣。 名物 象 今則稍 風 會 數之同 在 於扶 之 有識 變 詁 異,以 人樹 而 攷 力者 宋 日 證 充 F 置

防

也

焉。 習人 源 首舉 程 加 ,熟籌於胸 吾 朱 故於此行也,不以詩而以序。 此 心 傳 石亭校讐 者 説 義 以 甚 提 非一日矣,其必於吾言有 衷 唱 天禄 漢 吾昨 多士,冀吾學侣之同之也。 唐 ,出膺是任,於經術淵 諸 在 Ш 東,每 按 所 關 郡, 於 符合 軱

送羅兩峰南歸序

篇 見 以 今其 之區,昔人所謂 同 一,抱其 壽 贈 年之木鷄 而 亦不作 門也。」 其 嗣 W 峰 行 君 峰 前 自 羅 南 一近人語。 後 蓋壽 軒,蘀石指目之曰:「見 憶 揚 子 歸 遺 壬 州 煙月文章者, 又再北 門孤孑性成、於 辰 來 至 欲 春 奉 京 1,予初 并 親 師 獨兩 上,所 梓之,是可 南 , 先 返 識 峰學其 後 兩 居 同 兩 平 詩 峰 人 八多爲 於蘀 江 詩、 不作 此 餘 遊 也。 年, 加

泥 之。 了掌致訂 愐 於 杭 之癖 T ,敬身、 ,若針芥,若膠 金 壽 門 諸 漆 人 吉 金

與 而 者, 去,而 書 銘 淡 味 橐 對 此禪偈也。 畫 欵 其 辛、梧門 是又贈行中之無可著筆者。 其 ,若退院 之所得而 識,冷僻 來 竹井、蘀石諸 在 都 此 門, 二三淡交,出貧苦語 無 老衲者。 嘗 寂寥,求無味中之味, 遂書以爲序。 盡 可 一寓竹井之獨 著 也。 人皆已不可作, 筆 今 處 或與予商確 耶 旦襆被 ? 往 兩 以 善 峰 尋 充 惟 又 策 蹇 非 其 余

義

送 伊 黑 卿 郡守之官江南序

益 用 江 心 城視膳》之圖適成,將 也。 墨卿之 而 出 此 再 都 後 領 之 所 郡 日 以 也 同 力 一、天子灼見其前 圖 何以 皆 報 擬 稱 摹揣 者 贈 方 而 於 日 曲 是 之 丽

> 名區 之歟 歸 乎 實 ? 際 日 夕 墨 庶 承 不 卿 幾 温 寤 市 於 凊 結 歲 此 則 趨 寓 圖 比 庭之樂 京 也 年 師 該 來 此 見 與 也 日 於 吾 贈 刪 今得 畫 言 唱 談 之 者 江 藝 胥 郭 題

之庶績 之歡 禄公怡 知 精 利 且 加餐,一舉劾之公,則爲之伸眉。 非 交 自 病 其 心毅力以整飭之。 一,而 之 [兹始 顔 地 然仍 吏之臧否,風俗之淳 底釐 勝 贈 愉 面 猶 也 之 有 處, 舉 安閑,坐竹石以參梵偈, 非文之心也夫。 也,不待言矣。 謂 未 酌 卷軸之題詞 江城河 盡 也。 者。 其 是固 驅 光禄公之來就 堧皆財賦要區 一平反之當 馳 口 夙夜足以自效 澆,視乎守 以 有 其不知者 以 勸 同 致 輩 光 則 至 而 養 於 之爲 民 禄 乃 江 爲 土 也 城

送 旲 生 序

於 誦 李獻吉文來質, 公傳後》一篇至數 歸 來 不輟。 此 、獨無 熙甫歸 雪相知 乙亥冬,吴子蘭雪將歸江 前人事也 予每愛此致, 一言,可 深矣, 江 南,既登騾車矣,有門人以 熙 甫 乎? 今其 遍,僕 爲誦曾子固《書 以爲别緒之最 行 予曰: 大催 也,未知 西,客曰 行, 殊歉然耳。 何 而 足記 熙甫 魏 時 鄭 能

法, 别 謝 至漏 舟矣,惟魯習之在 己酉 理。」 是夕 Щ 憶乾隆壬辰春, 出守 下 秋,予自 其 與 刘 鎮江 後 馮 鼓 魚 每 一,其明 藴山 與 Щ 江 藴 聯 西 予 歎曰: 几側不肯 句, 滿 山 甫 H 任 自 首塗矣, 子 歸, 廣 「不圖 必 爲 東旋 縷及 略 行李 去。 疏 一今夕 叹 役歸 僕 此 其 來 適 從 大 章 夕

> 平? 舉 丁小 寓 鄭 鄰 氏 雅 巷 雖 注 來,予曰 一年矣, 數條相 歉 然,柰之何哉 未 辨 難 嘗以 説,至午乃 得 此 學 共 相 質 質 别。 經 也 義 即 況 今蘭 也 此 今

因

日

復初齋文集卷第十三

門人侯官李彦章校刊

金壇蔣氏三世合傳

諸 發明八法之旨,因 和,出其三世志 人季子勉齋驥 稽古之榮。今所見《傳神 乙覽,授以國子學正。 經之名滿天下,既 篇,信乎其克家矣。 予少 時 即 所 聞 狀等。 撰也。 金 書及畫 圃 壇 督 蔣 於是天 河 而勉 拙 今年春 祕 一,又及姓氏、梵 高 存 要》 齋於父學 公以 老 下 人寫 識 ·學者 墨本 書, 勉 獨 即 齋 益 + 能 之 子 老 知

其於姓氏,謂淩氏《萬姓統譜》有複、

别、日 偶記 帖字 闡 折,章法之參差映帶,其理 日 於書尤精分隸,著《漢隷 祕,乃徧問 怙 於畫著《 曰:「作山水人物當如作書,用筆之提 有 書須懸臂,中鋒 既 改氏 其家學如此, 拙老人 漏 體 *\<u>\</u> 漢魏 泣 姓 因 九 求母容弗得, 書 日 氏 别 一卷、《續書法 無徵, 字體不同,性 宫 學 合併 家人追摹母容,家人以 條 圖 記 次 聞》一卷。 釋》、《梵音釋略》各 而 凡百八十卷。 E 用 代 E 力,以 則學寫像法、盡 可謂 北 姓 譌 情各異。」又 姓、 本、 論》一卷。 體》一卷、《集 蓋勉 有子矣。 和 一爾。」勉 日 日 平爲主。」又 遼 封 又撰《讀史 齋三歲失 金 或 爲神。 元 頓 日 得 曰 古 逆 其

崇禎 人略曰: 治丁亥第三人及第,王漁洋所稱「前 1 然老人平生著述,首在顯親,其敍先 丑 諱進,字度臣,號 進 士,官兵科 給 事 退 中。 菴。 兄超 父鳴玉, 一順

周之。 子。 經,又割臂乞以身代。 乃言諸郡守,置豪於法。 復甦者 是也 之偏 詩 畝 祖所遺膏腴田 歲 Ш 平生以友朋爲性命,手録交遊姓 名 暮 老 目 行人 再 詣 又嘗客歙, 遊 第 ,伏地七日,勺水不入 親 性 劉子端以事徙瀋陽,爲 友,問 出 五 至孝,篤 忧 倫 散族人貧乏者, 一,今其 歙有土豪奪其族子田 何 退 金 以 百餘 菴 於兄 母卒,椎 卒 公九 八曾孫 歲 弟。 母 封 病 貯 歲 和 能 心泣 喜交遊 口。 刺 寶藏 ,而受石 詩 血寫 撫 血,死 文, Æ 其 幼 佛 田 以

隆 卷 石 松 觀 百 多謬誤 碑 年,凡十有 拙老人之寫 於秦, 函五十,可謂 也 因 二年 獲 十三 始於 施 而 雍 勤 經 晉 成 矣。 IF. 也 唐 八十餘萬言, 四 以 先是,雍正 年 陜 訖 來諸名 本 功於 唐 開 乾 成

> 衣食, 從質 舟 是 排 崑繩,以 者、吾邑崑繩君之子也。 之病由經理王氏喪葬 見君手蹟,有「再生後書」印記 病 者,●蓋 相 君日徒步數十里營護其 人,有《再生人臨 録 爲 虚 期 爲 面 纂《周官》及詩文若干卷,蔣君湘 證 舟齋,是歲病幾不起,因 藏之,俟其孤之長 君 爲 ,酌泉賞 題者也。 勝,在甲辰之冬,每 合前後言之。君 兄之子妻君,崑 王氏以安。方望溪謂「 人性嚴毅方直 堂臨 奇,兩年中 古帖目録 而 虚 舟 致 而授焉」者是也 後事 百 又 一非義 勞 以 繩、隆川 君既得古文法 臨 曰:「吾與 六 甲 無 而 ,復爲孤 + 自 辰 虚 劇。 者是 不 日。」 號 夏 王兆符 先後 取, 種 王隆 也。 首 秋 帆 日 必 子營 再 間 兩 拙 爲 王 而 卒, 好]]] 君 牛 今 年

「兩年者」。原脱,今據書眉及稿本補

字 也 諸 箋 押 終 出 荆 題 周 前 以 mi 推 發其 楚, 詩 公 PKI 後 條 所 南 早 H 獎 拙 勒 目 能 釣 墓 歲 + 禮 華 過 至 八奇氣。 存,别 臺 出 石 盡 類 予皆 記 嶽之遊,晚宿 厓 庾 原名衡,字湘 中 諸 者 居 補 門 嶺, 復 其 年 庸 種 號 未 注 Щ 遊 即 往 行 而 登白鶴 爲《拙 一年文、 中 也 得 × 渡 以 會 誼 所 ^ 州, 滹 書 一讀,時 稽 著《周 足 莊 君 **論**,亦 存 爲 玉 名 騒 陸 峰 歷 帆 認 句洞 續 一、抵瓊 注》、 世 振 嵩 詣 굸 諸公之蹟 禹 易私 生, 帖 非 少, 則 以 曲 陵 天,皆借 爲 汛 阜 品 者, 杜 字 箋》、《毛 海 涉 不 憾。 品 新函, 詩 僅 鄱 謁 富 又 觀 鈎 、駁注 陽 春 孔 以 其 至 扶 Ш 又 江 林 餘 其 爲 道 111 桑 亦

曹慕堂小傳

先生姓曹氏,諱學閔,字孝如,號草

諸 水 養 以 袁 在 古 雍 部 誠 充 九 讀 史、 成 堂 居京 之祭也 舉 史 性爲功、精導養之術。 進 垂久遠,其 外 京 勤 議 舉掩 師捐 慎 館 先生官於朝三十年 士、宗人府丞 士 未 Ш 晚益 官 行 受知主上。 西 准 五 中、通 臨 師 改 汾 修,三巡城, 骼之會,偕 俸 行。 每 門 雍禮 庶 陽 先 葺 功静 八 好 義 外 生爲 吉士,授 以暇 人 及官 政 山 楊 以前 參議、太 西三忠祠、三 攝 忠 多 ,予告致仕 官 日尋 人敦本行 侍 僦 此 愍公故宅。 同 再充同 疏 御 隆 讀學 類 翰 志春秋集, 道 特擢宗 勝 史 辛 也。 蚤 院 林 居 僕 西 時 西 土 歲 以 檢 考官 諫 卒年 少 疏請 鬼 山 時 歷 先 課 晉會 討 卿 戒 篤 垣 人 於 又於 生 有 遊 府 孫 於 一。皆以 壇 立辟 鄉 詔 監 内 爲 訂 六十 東 館 友 年 丞 規 永 建 閣 南 學 甲 雍 定 辟 樸 以 兩 有 御 戌

有詩集若干卷、體格在香山、放翁間。

之外。 之,及近 嘗手自 中條 爲能 一獨以性情冲澹,與 此 王官 核 日吴蓮 定 窺見一二者,故述其略爲之傳。 則 泂 三十 谷,若李義 . 汾諸 洋,皆以 年 老 同 詩 館 道 Щ 集 才 相 大 刻 司 知 力 滴 之。 跨越 空表聖、元 中 ,脱然於名 , 先生獨 自古 一前 詩 譽 許 裕 而

丁小雅傳

+ 波 歸 述 其 府學 安 人 狀 子授經、傳經、皆能 杰字 略 教 ,俾予爲之傳 乾 授。 隆辛 陞 衢 嘉 卯舉 慶十 號 小 人 Ш 世其家學。 年二月 辛 丑 號 進 卒, 士 年 官 浙 寧 江

益 歸 爲 葬 多 而 於 君 也 爲 以 寧 方 人純 郡 子 緇 0 爲 知 孝 捐 君 君 誠 貲 題 篤, 則 監 北 北 脩 於 學齋扁 學齋晨 聖 滇 廟 南 迎父 在 尤 夕 其 京 商 柩 足 砈 訂 之 記 官

> 今予所 君,君 每 竟 按 此 南 失攷訂之宜。 有 E 功。 書 據 鈔胥意在 資 坊 數 句 漏 下 援 金 (放))序尾年月。 亦博採見聞 如如 小 載 竹垞所見之書今或有 刻 子 據 氏 間 異處,尚未足盡發君之篤志 補 時 「某人曰」,不明著 顧 對 省 在 Œ 古 無 所 與 便,致 君亦慨然與 卷 四 日 子 載 内 庫 不 以相 序 對 館 使作者先後 嘗 相 雖 門 跋 竹垞 相 過 閒 多 而 證合,惜 日 從,共 約補 有 删 予同志補正之, 此 居 鈔 述 去 出於某卷, 未見者, 書綱領閎富, 數 E 君 末 乾 條歸 其 次 秀 語 行 展 隆 後 序無 水朱 者, 卷、審 也 戊 未 而 其 能 所

巡 魯 而 牛 君 至己 何 嗣 適 丙 公 來 午 光 裕城已待於河 相 酉 秋子 在 訪 九 側 視學江 月,予自南昌役竣將登舟, 猶 是日 及 與 送行 西,不相見者二年 Ŧ 君 相 子, 者皆出 質 臨 鄭 别 義 惟 謂 何 新 城

吾此 極 戀戀者, 惟 研 經 老

適 主吉安鷺洲書院,而此後訖未得見矣。 來 在此,公幸以講席延之。」於是君 友 T

聘

君

卷,一時學人實罕有其匹,非予弱筆所能 義》校本而摹方望溪、鍾勵暇二先生像,其 第刊布。 原 君兼 盧 河、朱竹垞二先生像,因 氏易》、《大戴禮記》、《尚書大傳》,皆將 目刻刻與古人爲徒,精神所至,穿透 書,皆目光髯影 抱 有之。 經精 予在館中校讐數年,所時資取益 至如因鄭芷 校讐,王石臞、桂未谷精訓 每竟一編,校籤細字壓粘倍 栩 栩飛動處。 畦《窆志》而摹毛 王次然《周 所定《鄭 禮 萬 訂 西 次 其

黄 秋 傳

君姓黄氏,諱易,字大易,錢 塘 明

> 故鄉」地也、有秋影庵、故君又自號秋盦。 其先世居馬 一世 貞 一稱松 父先 石先生者也,故君自 生七 塍 即姜白石詩「每 世 孫。 父樹 穀 聽秋聲 以 號小松。 隷 名

獘,皆此類也。 請借帑,活萬餘人。其他督率工員,相機剔 艘十餘帮阻凍於七級閘,舵丁水手乏食,君力 兑漕趲運諸務,籌畫備至。 丁未之冬,浙江糧 竟,是可哀也! 平,擢蘭 工,閘口蓄洩,每伏汛秋汛,晝夜殫力捍禦。 兩護運河兵備道事。 輒有能聲。 君幼承家學,精究河防事宜,初佐治 儀同 知 既而出仕東河歷縣倅,分刺 君官河堧二十年,凡堤埝大 前後 其才足以大受而志未 兩任兖州府運河 同知 州 東

嫁,以逮族黨,推誼肫摯,咸視此 扶柩歸 戍,君措貸 君爲人誠信,重然諾。 葬於杭。及爲幼弟、爲兄 爲 贖 罪。 兄喪,數千 伯 兄以 里 子 潰 女營 婚 僕 遣

《論 之。 惠鐫 碑 所 君 畫 起 閣者,其先貞 寧州學 鑒賞,幾疑 於嘉祥之紫雲山 知君家 石文字》。 齋,此 像。 鄭 未見者皆著 西秋,君於都 附 武氏祠堂」,立石以記之。 語》三段,時 季 石 君 於是敬 以 精 先 經於會稽蓬 而 適揚州 官 別册自 題跋, 有 又有《小蓬萊 萃其 於金石六書之學 全 世久 移一孔 此 碑,於曲 父先 竹垞、衎 (諸石, 名,洵一異也。 開雕 汪 於 無 方 下 得 氏 録, 得漢 綱 子見老子 此 生 萊閣 淮 成 所 即 石 讀 i齋、査 阜得熹平二年殘 亦 當手 斑 帙, 藏 矣, 其 摹 熹 碑、武 書 閣 故 古 V. 地 此 南 日《 事 碑 自 搨 自 田 像」一石 勒 築 一旦君 石 以 屏 自 君 鈎 諸 武梁 小蓬 歐 梁祠堂石 「經《般 室 石 書室名也。 名齋,既 **%** 墓 老 在濟 陽 一砌石, 小蓬 漢 乃 畫 像 援 萊 、趙、 於濟 庚》、 .寧升 兼 往 册 洪 閣 魏 萊 得 復 鰛 室 13 文 諸 榜 金 洪

> 伯 贈 談 實自成一格,蒼秀出 識 顴 所 之士 友。 蓄 笑之頃,鐵穎 頰 二大者 思、米芾而 摩挲終日 間 金 所 寧李東琪字 馳 得 石 於 論千古, 又多 甲 奇 此。 於 文 後,世 不去手。 古 蓄漢印、諸 剨 君每得 時, 刻 眉 然,立成數枚 久 鐵 意表。 無此 軒尋丈外。 皆 無 橋 畫雖 不 不 亦以金石之學 人矣! 吉金 舊 及 就 兼效倪 又精於摹印 縷 蹟 Œ 於 數, 雜 眸 出懷袖 嗟 君 器 色 而 、黄,而 乎, 物 炯 述 以 黄 以 欵 其

今日 方 其 慶七年六月朔。 而 爲 綱題甫 家、與君最 之傳。 石 墨 就 論 鐫諸 交,惟 圃 契。 君 石者,安邑宋葆淳 訃音至矣。 適 予知君 有《鐵松 最 深 觀 鳴 者, 呼 碑 故 傷 圖 也 不 哉 卷 辭 嘉

北抵燕趙、南遊嵩洛、又四方嗜古

三五

金愚巖小傳

子也。 得日聆 甚 於 於 述 前 巖公學行 此 悉。 也 録 畫 , 昔 時 丽 緒 及 吾 以 其 方 言 後 政 通 先 今 方綱之 綱 僅 君 ,則丁小 績 籍 蓋蓋 初 一十餘 後 子 就 應童 獲交 疎懶 ,聞吾友盧 公嗣 太 年,公與 雅 史之猶 子試 善忘,又未 於 君 進 吾 士日 所 輒 邑 子 弓 子 爲 金 來 聞 甫 而 居 狀 獲 子 藩 金 太 縷 同 者 件 齋 伯 縷 氏 史 巷 粗 繫 所 公 説 家 元 乏 述 著 備 益 愚 世 音

由 甘 江 肅之碾伯 公諱 榮 原 遷 禄 所 居 克 宜黄、瑞 大夫。 京 城 蒞 **学** 師。 有 安定,罷 平 政聲,宰江 金 父溶,陝 曾祖 中, 而 或 歸 於 勳 字 瑞 里 西 西之新昌 居又十有 金 布 恒 以 甫。 尤 政 祖 著。 使。 懷 瑋 先 又 萬 公 公 世

> 灌之, 享其 册 苴 年矣,公捐俸葺之, 爲 三十里者。 也。 凡 所 年 地 坡塘四十 章貢上游 至之境 而 日 利。 勢險阻 在 廢三十餘年矣,公捐 : 碾 伯 吾 其在 必 時 有六,橋梁四 又按脩皋 與 每 ,路通閩 湟 寫 瑞 利 以 蒞 水 金、縣 四 | 獘所 自 高 至 省 邑 今名 粤,舊有 店 八 蘭 繋,無不日 且 西 計 堡 到 紅 金鵲 + 南 不 月 舊 俸 山 柳 有 桃 使 立 有 脩 Ш 石橋 溝 者 四。 陽 簿 人 渠, 復 地 也 溢 往復於 欺 爲 渠, 圖 坍 民 庵 有 也 交 於屏 壞 代 凡 得 長 引 子 又 前 至 湟

案。 皆 張 約 同 後 史、約 漢 白 永 居等事,二人者氣色漸 父樊氏 矣, 堯、 嘗仿王文成編鄉 初至瑞 ,費,定 然 永亮兄弟 宏父重 氣 金,手 洶 彰善 洶 釐 訟 世 面 糾 積 青 産,公視之二 約 共 惡之牘 年 白 財、 法, 訟 就 色,公徐 唐 立 牒 和 張 約 六 邑 公 又 長 百 人 有 呼 藝 徐 三十餘 約 貢 與 鬚 使 九 副 生 世 説 髮

案 復 者 替,而吾大父享年 讓 爾二人年 偂 前 去。 相 五 不 構 成成 : 耶 進士者三。 僅 ·皆垂老, 1 予 取 二人噫 户 大父當 額 八十有四,子六人, 知 數字耳。 嗚 世 相 分 流 間 聚 居 涕, 難 尚 時 得者兄弟 有 後 相 幾 它 抱 切 日 持 房 財 ? 登科 漸 痛 産 耳, 哭 俱 衰

式。 乾 位 能 子 甫 甫 鹿 定 明著 齋 西 盡 語 洞 小山二 方 記 蓋桑 北 稱 規 又條 \approx 位 條 於《説卦》傳,不可移易。 憶 公篤志諸 同 坤 所 爲 徴 也 及 復 一君,皆 西 列 《易》注之最古者,無若 勞餘 君 桑 錦 南 其 調 弢 江 之旨,乃以 最 與公最 十餘家皆未 Щ 元 甫 書 經 有 再傳弟 、公所 大 院 益 議論有根 /梁講 增增 者 相 膏 師 善,二公皆 子」者是 先 院 謂《易》八 事 火, 言及 課 天 板, 圖 宋 嘗 規 以 此 惜 李 爲 儒 與 朱 世 爲 桂 盧 伏 予 時 + 子 未 達 方 來 白 弓

> 者, 蓋 前 辨 之上 希 陳 隋 篇。 辛楣 者。 夷 希 而愚 乎? 夷 尚 埓, 與 志 此 近見嘉定錢辛楣行 無 巖公一生殫 宋史・ 弓甫、小山皆 所謂《先 學者所宜各書一 公此 確 亦 據 無 藝文 易 論 而 天方 圖 大 況 〈志》希 之 力民 意 山 位 目 通日經師 與 艦 圖》者 0 事 胡 加 狀 通 夷 朱 ,其 内亦 東 於文王、孔 於《周 惟 子 樵《易 質穿 傳 即 之足傳 謂 有 《龍 以 其 易》卷 此 之 經 圖 出 訓 明 自

以 紹 張之。 綸 今日 屬 爲公作傳 當寄語小雅,共爲詳立家傳爾。 知公者 惟 踰 小 歲 雅 矣, 在 也, 恨 予 公之第 筆 弱 不 \equiv 足 子

吉水趙氏五節婦傳

氏、 基從兄弟 吉 水 城 北 爾圭 趙 氏 妻 蕭 門 氏 \overline{H} 節 爾 婦 堅 妻曾氏 阚

又

如

此

既授 志 爲之語曰: 氏 志 五 有 是,吉水城東解氏者一門五節婦。」 爾臺妻龍 能 年。 事 亦 四 一十有一 無 室矣,子 年, 姑 + 文 郭 八聲, (尤謹,哭夫與姑至失明。 氏 子,年十八歸堂,越六年堂卒,與諸 蕭 餘 加 氏生子發銘,五 年, 氏方待旌 與 趙若 丰 年。 蕭氏、 婦皆早卒。 無 試 同 母 子。 輒 解,婦之楷。 發銘,邑庠生。 弟 不 兩曾氏同被旨旌其間。 云。 爾 其 遇 臺 女弟爾 趙氏 抑 曾氏守志三十有 妻 月而 龍 家傳云:「先 死。 氏 堅妻有子, 爾圭卒, 郭氏 爾堂妻郭 也 曾 故時人 行志 氏 爾 守 守 基

洪節母

其 諸 令,當命手 故尤精,蓋母幼肄《詩》、《爾 難 有 於外數年矣,非義之財視若酖毒, 無 氏之文矣。」君甫壯歲遊京 其學行所自也,泣 言 發 教之以禮致養也 當 華,日 其 經難字,分日手課之。 時 延 又刊史傳謬誤若干卷。 急就 (篋得所爲詩文若干首 相 君 乾隆己 慎 過 授 吾母教之以安志而平心也。 於始也。 章》, 從者,必審察其學行,日擇 讀 書諸經授弟妹。 亥 者, 夏,予得 辨正古今字 母 而言曰:「公可以 君爲 聞 君所與交皆聞 其 學 識 服 無所 武 君猶記讀 師, 官 音義。 及洪 洪君蓋 雅》、漢魏 皆 進 狀 而 磊 不 洪 戒 衣飾 君 磊 窺, 人正 君 從 父 E 爲 欲 志節之 毋 禮 嶍 樂 友 母 吾母 而 君客 某 樸 子 往。 ±, 最 峨 府 訓 母 知

稱之日

四

節

里。

今吉水趙氏

以

Ŧi.

節

稱,於

論

日

明桐

城

鍾

氏一門四

節

婦

時

古罕臻焉

故爲

斯傳,無溢

解

,以俟史氏

經》「夫者婦之天」句,母 吾何戴矣!」遂 一廢是 句 讀 慟 也 絶 良 久, 呼 曰

子,輒 此 江 子 諸 砥 父及父,時 及 失火,聰 父監生君者。爲子制衣,尺寸必使 不肯貸於人,曰 食,泣,母亦泣。 未娶, 糠 ,君父監生君出之。 姒 積紡績及子授讀 志 迪吉後之。 覈以 暨 礪行,吾望 君生六歲 陳説先世遺澤及居官善政、聞 撫諸從子尤 冒 母鬻子裝助之。 食, 日 死 毋隨俗遷改。又曰汝父 翼 而 通州人盛聰者,其弟覆 棺。 [惡其 日 汝爲完人,非求 洪 孤 儲 氏 所入"舉三世七棺。 厚,娣婦 圃 母 米數合食其子,子 # 近 聰 夜績授 監生君 有隱 於 其以 貧,一子年 取 余蚤寡, 德 償 内行 在 經 然母 也。 貴 爲 如 淘 題 幾 比 舟 以 生 其 於 居 麥 教 每 平 皆 户 次 遇 大 君 訓 貧 於 屑 四

嗚 呼 節 母 之孝 慈者 世 固 有之, 至

> 人。 小者。 不徒以 雅故 之廉 於服 以母 年三 八日矣。 命 隅者 飾 十八,母姓蔣氏,卒年六 正文字,尤婦 故洪君以 其文矣。 客 取 ,求諸壺 處 予之際,關 故其求所以 別州,聞 副 監 訓 母 榜貢生克有聞 人 生君 不不 病 係 所 (傳之! 傳母者哀 士人 難,而 遽 其 諱 歸, 難 翹 一之品 歟 十三。 其 已後 在 切尤 母 卒 於時 含 若 則 也, 異 歛 猶 夫 洪 世 君 母 其 函

樹 培小

嗚呼,吾文何足以

子,若不爲 淚筆之。 老人不忍爲之傳也。 ,受聖恩,未效涓 次 男樹 撮述大略, 培 以 末 埃報 疾 恨 顧念兒人 病 廢, ,費志以 且焉 歲 窮。 詞 餘 没, 竟 垣 是 不 又無 職部 以 濡

兒生於乾隆 甲 申 臘 月 十三日 余 方 渡 成 亦 漢《建元考》、萬 於史家年月、歷 知 帖 獨 至 年 宜 海 所詳核。 曰:「此兒日 四 望其 皆 調調 也。」其後習舉業 友錢 褔 庫 時 錢 出 試 ൬ 窺所 書, 家 繼 往來錢氏 瓊 熟意 所不 是文字 將來從 蘀 州 於洪、顧 日 蘀石名之曰 校《説文》,●嗜之,雖 石,蘀石曰:「是宜爲 姓 竟 府 ·願學, 事校讐,不暇爲 爲子或可 Ĩ. 日手作 祥 其 家,是時予以 此 於 柘 朝 也,占者日 夕 惟篤 此 博 諸 年 坡《 夢 而不嫻 號、後 資 洮 家 申 好摹 免。 紀元韻敍》諸編 攷 泉 錫, 端 邍諸字,我 志 訂 此 若 先 詞 寫 舉 字 及 更爲 再 之學,庶幾 有 同 藻 兒 業 篆 北 日 案 人 吾子。」遂 異, 壽 光 隷。 (翰 申之。 歸 課 該 專 有 命不長, 力 悉。 所 他 計 林 以 訊 如 鍾 校 家 預 語 不 蘀 予 有 尤 能 兒 修 幼 攜 勘 墨 同 廣 石

改 庶 乾 降 一,肄國 丙午 順 天 己 鄉試 酉 四 月 丁 授 未 檢 成 討 進

> 半即 備奏 案册 有能 所以 毒 是 其 起 記 郎 酉、壬戌會 也。 酦 大 發 以 名, 中, 後 强 史 ~ 卒以 起, 西 嘉 遍 飯 細心校勘 積 乃 展 館 每 以 總 ",始而 慶丁 苑, 身。 習 力 毒 以 以 繁 辦 會 圖 始發於目 飲 不救。 此 皆件系手抱,每五 夜歸,篝燈詳看。 缺 試 秋 醫者又多投 典 E 酒 報 爲 懷蓄食物,繼乃 充 審 知 館 訛 御 又 稱 常。 處 府 字,自本 試 同 職 可哀 用。 行走。 每 修 漸 者 考官。 而其受病 於 官 等, 也夫 感激 不 夜 實 以 然 章、文移 補 能 起 則 俸 凉 己巳 於 刑 治 夜人直 無他 恩 滿 藥 不 空腹 一鼓趨 在於 部 詞 心遇,日 引見, 遂 官書 食 陞貴 主 賦 及司 而 從 人 長 不能 至 事 非 宿 才 飲 中 漸 夜 則 州 所 且 夜 夜 思 或 惟 恩 長 司

有 《錢録 若干 - 卷,應 鐫 板 以 成 其

志。 本 鐫 以 ·於兒,俾附名其後,而已無及矣。 拙 淳 著 :熙《隷 於分隷最 《隷韻 韻 攷正》二卷續刻於揚 》,兒欣然有志校讐。 所究 心, 去年秦 敦 夫 昨 於 亦 寄 敦 揚 夫 州

桂未谷所作説文統系圖贊

之贊。 既 於未谷。 糾吾子行 未谷作《説 贊曰 未谷 所 稱《 日 文 倉頡》 統 盍 系 即 圖》, 以 + 五篇 此 乞題於 跋之? 之失, 方綱 爰 以 爲 復

氏 Ш 承江、徐之後,其庶無愆。 其 惑 而 焉。 碑 以 碑 法 弗 竹素聞 爲 》攸字,李處 則 許沿。 然其 从 《毛詩》、《楚騷》皆可 水, 論諧 師 何以不 即 日 此 + 聲、爲韻 巽 一字,而《滂喜》《急就 本 五 加言詮。 直 篇 筆相連。 即 書之所先。 然竹素又論《嶧 倉、即許 Ż 徐 然。 精許 而 於 若 子 以 許 此 依 竊

焚香拜祝於此圖之前。●上下相宣。予是以冀古人之我:

而

日

H

撥鐙法贊

舵。 頗。 云,病右常豐左。 時,手或礙於笴。 云,守駿莫如跛。 火燭爲之樞 或云逆筆是, 炷火以 爲鐙 逆亦 以 撥鐙實撥 似 不 指 欹 聞 非 爲 實 撇 關 由 乃 舟 我。 火。 鎖 E 時 争上 手 所 山 不 或 聞 以 谷 非 牽 發 東 論 偏 於 的 坡 亦

杜少陵戴笠像贊

飯顆之詩,傳其戴笠。太瘦之神,萬

■「而」下,稿本有「思」字。又文末,稿本有「乾隆四十

古 何 獨 敢 執。 立 其 痩 似 耶 ? 其 笠 似 耶 ? 則 吾

坡公笠屐像贊

葦之煙 浩乎襟袖 偃 松 屏 此 費,與 篷。 像 ,大海長風。 繪 後廿七年供 於 施 粤 顧 東,時 集注,共 甫 於 八香篆 蘇 得 嵩 齋 陽 而交玉 之中,乃得 帖 載

蘇文忠笠屐像贊

與 蹟 蔣 風 笠一 龍 有 蔣氏之蘇齋,今我寶蘇名室,真 海 濤,坐客起立。 馬得 麓 眠 臺之畫,陳則不 屐,横萬 所營。 好手,散髮 萬 蔡詩公書,宋槧公集。 古。 寄之公像,篆煙 而 昔聞 騎 知。 鯨。 我但 陳 惟 氏 此 之蘇 見公來。 日 金 誦 Ш 《漢 庵, 天 之

青》,以配公書與詩。

黄秋盦所供東坡笠屐像贊

嗚 坡 丽 不 呼! 3 克肖也 秋影盦中之東坡,即詩 黎 鄉 奎 載 躔月午,星斗森 ,我勞如何。● 酒 之 東 坡 即 境 玉 羅 龕間之東坡。 堂 制 乞公墨瀋 草之東

夢蘇草堂坡像贊

静 許 顧 簾 耶,喜補注之寫懷。 爲同 開。 翩 然乘風,爲誰 公眸 是以題自實蘇之室,而 炯炯,注視徘 而 來? \pm 施 徊。 顧 草 查 堂月下, 其有所 而 後, 供 指 於 誰

↑網謹爲之贊。」 文末、稿本有:「乾隆癸丑冬、秋庵寄此像來京師、欲

東 坡 士像 贊 爲 周 載 軒 題

坐間。 人寰。 心耳之微,口不能 昔於湖 後七百年,有奉公像者焉。 口 記 石 傳。 鍾 山,噌 萬 竅喁于, 吰 鏜 嗚 即 呼 此 激 !

黄 秋 盒 摹雪浪石盆銘贊

老 研 辰 守中 溯戌,方綱續銘仲夏日。 池 雪浪盆 神光 雪以帥, Ш 筆,秋盦笑 銘今毁失,坡 庚庚 證 寶蘇 刻 畫 公大楷 室。 盆 П 匹。依然 吾 七百二年 誰 質?

黄文節公像贊

香 況今在豫章乎! 公之視 像 詩 有 於視分寧之草堂乎 苸 赞,而公集新本適來。 逸 毫 編 乾隆 適 愧於先生者, 出。 乙未,先生生日,稽首 今十年後,摹 1 將 然 則 昔則 何 此 以 品 齋 像 品 也,何以 在 重 奉像 拜 一寸心, 開 蘇 像 齋 加 敬 而 耳, 焚 苟 異

羅 兩 峰 孫雪居畫米 南 宫像

中 拈。 ·,以供硯 兩峰夢中,當與對談 楊之庵,桂之巖,友仁之贊 山,而配子瞻。 日 曾在蘇米 雪居 重

復初齋文集卷第十三

方正學先生像贊

事公之書矣,復摹公之圖。摹書未肖也,摹圖則應弗殊。公之威儀文章,或想也,摹圖則應弗殊。公之威儀文章,或想也,摹圖則應弗殊。公之威儀文章,或想也,摹圖則應弗殊。公之威儀文章,或想

邊華泉尚書像贊

徒 場 有 煙戀。 司寇,並峙鄉關。 何、 尚書 李登 峨峩,眉宇高寒。 四 壇。 傑 初唐,七子建安。 後有漁洋,遺集重刊。 至今逸韻,猶在人間 久宦 金陵, 豈 讓 詞 袖 司

文衡山像贊

嗚呼! 名高師友兮慶及子孫。不芳,而反茁其根。消息之理,莫知所存。嗚呼! 公之歸也,兆於守温。植彼

邱東河所藏倪文正公柱石圖贊

功夫。 易言柱 鳴 呼 石 乎 此 甲戌之秋, 吾 直拍 此 以 時 爲學《易》之 勢 何 如。 其

朱竹垞煙雨歸耕圖贊

發揮。噫嘻,知者希矣! 銀者,三百卷之精微,所刈穫者,自序篇之先生果言歸乎,食力以糜饑乎。所犁

蓮 水流花開 蓮洋,即 薪即火。 卷 玉 無乎不可。 書,據 谿、王官,誰 石 天 而坐。 風 海 彼 濤, 誰 河 我? 緑 水 房 九 丹瑣。 曲 漁

黄 秋 盦四十九歲像贊●

對眼 靈。 鼎 上 溪 更多心得,請啟祕 共銘。 尊彝,古光熒熒。 ,運河之廳。 但持此 丁酉 今十 寫 卷,齅 像, 何啻馬 六年, 髩 初持 古 扃。 先生微笑,語我試聆。 墨 石經。 馨。 先生不言,恐洩精 城、秋影滿 猶 未星。 小蓬 仍與覃溪,相 萊閣 齋於 庭。 鐘 沸 盟

乎

,孰是前身?

劍亭屬予重書。 峰之夢,而結楊雄、庾信之齋。 西 舊有前輩集聯云: 冉衚衕之屋,此 清 東 時 序 而 神則山 緑波花 屋 前明吴梅邨居之,國朝史胄司居之。 旁人錯 霧,時 瀬水 比楊雄宅,異 涯。 而簑笠糭鞵。 所 代 以 時劍亭僦居魏 應教 寄三 庾 泖 貌 信 則 九

因 居士小像贊

念塵 塵。 誰其 居者,乃夢之因。 金石 盟言,松竹 精神。 集虚 生白, 水與 月

稿本篇題下 注「壬子五月」。

初齋文集卷第十三

五

瑞金楊節婦傳贊

初 齋文集卷第十 四

大 興 翁 方 網 撰

誥 院侍讀學士抱經先生盧公墓 授朝 議 大夫 八前日 門 人侯官李彦章 講 起 居 注官翰 校 刊

翰 餘 又 申 降 姚遷 稱 號 檠 父存 戊 日 甲第三人進士,授編修。 抱 午 居 姓 ,尚書房行走。 中 於杭 經先生。 晚 心,恩貢 盧 順 氏 更 天鄉試,壬戌授内閣 號弓父。 諱 曾祖 文弨, 其先自范陽遷越,又自 生,應試宏詞科。 承芳,建平令。 戊寅署日講 字紹 抱 經,其堂 弓, 丁丑 號 起居 中書。 顔 磯 會試 公以 祖之 也 漁

> 前後 子 丙 陞 東、暨陽、晉陽叠主講席,著録 公前後在 條陳學 官,陞左 戌 翰 於鍾 會試 林 、賦《 `政 春 中書十年,在翰林十有七年。 重 同 事 Ш 侍 坊 遊 降 考官,視 讀 左 紫陽書院及崇文、龍城、 半宫 學 調 中 還 士。 允, 詩》。 都 湖 翰 Z 南 旋假 林 年七十九 西 學政。 院 主廣 稱極 い歸里。 侍 讀。 戊 東 子, 鄉 加 甲 婁 又 申

《獨斷》諸書,皆彙諸家校本詳勘刊正。 記》、 正義 詩記》,若《魏書》、《宋史》、《金史》,若《 名》、《韓詩 於友朋相質,若《荀子》、《吕氏 露》、《方言》、《白虎通》、《西京雜記》、蔡邕 周書》、《孟子音義》、賈誼《新書》、《春秋 本參校,又别爲攷證附本書後。 表若《周 公精於校讐,於陸 謝宣 城 外傳》、《顏氏家訓》、《封氏 易》、《禮記注 集》,皆手加是正。 氏《經典 疏》、若《吕氏 春秋 釋文》取 又於 又於《逸 五 聞 宋 經 見 又

隱》,而 殫竭 有《 唐 也 攷》,公所 攷證之書 >,并 所 於 廣 論》諸 補正 其 心 意 公爲 雅 力 金 鍕 系 嗣 注 千 爲 人方嚴 補 不 Ш 石 以 本 君 釋》訂 人 餘 龍 正 可 文字之學。 校 脱 之 三手書 (所難 語。 條之外者, 勝 請 城《札記》及其 記 誠 者 列 正、《儀禮 志 篤 公精 子 能者,筆不勝 草藁以 墓,專 咸 事 即 × 加 以 所著述古文集外, 研 薈萃, 親孝,與人忠, 此尚皆未刊 申 注 寄方綱 秀水朱氏《 許 詳於所 氏 疏》、《史記 他題跋 《説 日《 書。 ^ 訂 文 羣 新 出 諸 經 件 行 於 序 而 方 其 者 方 義

監 Z 氏、楊氏。 生 - 卯十一月二十八 ,校讐經籍之功,近世 公生於康熙丁酉六月三日,卒於乾 慶 鐘、 子男 慶録。 四 日。 慶詒 女 四。 儒林之所少 娶桑氏, 孫 附監 男 生 繼 0 也 武 娶 謝 降

> 瀾 汗竹有 注於杭 《禮》注 光。 包羅 詁 : 始 盧 須友之齋, 羣 功 氏 詳 粹 詒 續 系 厥後人,湖 攟 出 議 淵 摭 郎 矣 稽 康 衆 先 自 成 長。 生 范 禮 山澤長。 齊 陽 堂。 先 白 後 生精靈, 家 先 相 訓 海 故

清 樂 例 縣 授 知縣 文 林 惺齋王君墓誌銘 郎 賜 同 進 士出 身 福

建

皇

糶 釐 道 士 文 有 杭 字。 訟 路 之法、禁質 隱 遷 德。 獄 嘉 君 福 興 舉 諱 實政,悉殫 禁博 建將 君幼 乾 元 曾 啟 隆 庫 樂 塞、 即 祖 甲 重利、 縣 字宋賢, 設十 或 有志聖賢之學,不 子 知 心力爲之,邑人以 泰 浙 縣,三月 祖 疏 家 江 濬 牌、 號 鄉 承榮,父 溝渠、脩築 惺 試,辛未 平 而 齋。 鹽 罷 價 爲 先 成 立 時 世 排 其 進

元年十二月葬於朱芳橋之原。

皆歡 邑、民扶 迎如 + 老攜 慈 年之功。 母 幼 饋 芻米汲爨,及鄰 既 以 誣 被 吏議 境之 復 至

主書院之任 又於仙遊之金石、邵武之樵 者數千百人。❶ 於其 東則 在 後 雖於經濟未竟其志,而教人之用尤 歷掌 福建最 鄉 濟南之濼 則鎮 1、所成就之士以學行、文藝 講 席 久 海 於延 也。 之鯤池。三十年間 源、嵩 平道 河 .'南 安,曹 川 南 則 書院 衛 順昌 州 輝 者再 之 之 一之華 著

卷。 文子《 記》、《漢書》、 士文集》、《恭壽堂庭訓》若干卷。 《惺齋論文》、《勾股九章總論》、《祇 《周易》、《四書講義》、《韓非子》、《 君爲學以宋五子爲宗, 説經 補 而爲文一本韓子,撰《讀韓記 漢兵 孫可之、歐、曾、王文集 志》諸書,校正評 注 尤精 凡 疑》 若 及 凡 錢 史 於

> 貳,海. 攷 天人古今之精力畢生以之。 改定《順宗實録記疑》條中二字。 補注《周易》下經及校勘《韓集》,《易》 學多聞之士 "既濟」止、《韓集》則易實前一日命子尚 證, ,今日學者之通患也。 人勿解, 工文詞, 知 可謂真儒也矣。既病革,猶 攷 圃 訂 篤 者 守程朱之旨,終身勿 「, 輒 多厭 君博 薄 極群 宋 蓋 儒 其 以 繩

子生, 卒; 補 卒於乾隆 縣 尚狂,附監生,四庫全書謄録,廣西 丞; 娶沈 先生生於康熙五十三年七月十一日 克新。 尚繩,增廣生。孫男二:克任,國 五 氏,例封孺人。男三:天石, 十一年七月一日,年七十有 孫 女一。 曾孫 男 候

淵哉若人,不見是圖。學則伯厚、東發,教銘曰:孰能博綜漢唐,而確執程朱?

「文藝」下,稿本有「科目」二字。

則 獨 鹿 洞 之徒 蘇 湖 蓋 超 出 於 籍 湜 紹 述 間 丽

皇 清 園 詊 程 授 先生 奉 政 墓誌 大夫翰 林 院 編 修 加 四 級

交,往 淹雅 乾隆 任 袁 爲 史詩文,撰 後學所宜 也 所 諸 者 £ 爲 昔 復劘 流 午 新 慨 自 方 耳 安 始 然 望 别 述 切者十有二年。 矜 官 程 於 於 溪 皆所易 式 後十年予自 京 編 魯 程 爲 也 修 或 師 朱 李 子, 許 蕺 之 剛 後,而 公以 袁 非 主 與接 少少 志 痛 粤 表章程朱爲 獨 嘗歎 切 墓 席 以文名江 東 言之。 其 於習 賦 歸 篤 其 詩, 始 守 博 齋、 虞 程 綜 與 目 己 經 深 爲 道 崑

論 守 其 身 束 髮 綜覈百 親 時 大 讀 節 家 蕺 輒 Ш 出 心 劉 人貫串 慕之, 念 臺 故 於 人 漢 以 譜 宋 蕺 袁 見 儒 自 其

> 《尚 古人 乎 心制 跋》六卷。 釋》若干卷,《諸經答問》十二卷,《 吾 夷 目》若干卷。 卷、春秋左 編》三十餘 亦 有之, 之説; 儕 書古文解略》六卷、《詩毛鄭異同 一飲一 被服儒素 君治經之功與年俱 謂 篇 未 反 大 宋 務 又 始 又所 者止 儒 卷、《尚書今文釋 爲 以 不 食必 傳翼 覆 桂 講 有 以 鄭 於體 宧 爲 亦思其 如 用 衛 太 程 者,君 詩文凡若干卷、《 疏》三十二卷、《 是。 先 爲 極、河洛,牽入 朱 之學,百 用 淫詩,其他小誤處 爲 嗇、先農,示不忘 博 讀 源安在 至於天 職 約 進,著《周 書室名 志 之際。 世 也 義 道 師 而 ***** 之可 四 麻 禮 桂 群 易 敢自 Î 考》 ^ 記 知 與 IF. 卷, 也。 異 節 間 止 友

餘 君先世系出 卷 中 君家素 年已後家落, 饒 周 大司 於 財 馬伯休父,封 自 而 小 書 至 亦 壯 積 稍 於程 散 失 萬

居 自 戜 爲 浦 歙 負 遷 氏 口百人,延接賓客讌集無虚 揚, 西 家 以 晉末 故業 鹽 筴 以 商。 起家。 宦 遷 兄弟三人接 新 君早失怙恃, 安。 日 之高 屋 中 祖 而

急 飢 益 授 之勝 場 沃 無 渴, 吏 棄 屋 綿往復, 西 田 錫 諸 部 産償 歲壬辰 ,授翰林編修。 顧 君 ,肄業國 然其 憑眺 待 君子,咸與上 震 好學工詩,及 減 朋 滄 宿 指髭 豪 於家世盛衰、儕偶 其 友 Ш 、華半江、宜興儲茗坡、松 逋 應召試第 家 學, 氣 加 川,攷證 癸巳,特命與 ,俯仰今昔 全盛 真 性 攜家北 南 摯發於天性 命, 遊 下其緒論。 君遇益 見江 時 一,授 金陵,愛栖 赴人之患、 今古, 所 上。 也 淮老 而 隆, 修 辛卯 内閣 君 聚 君 宿, 詩 學益 亦 散 四 然屢 至 成進 中 ,娓娓 庫 垂老矣。 周 傾 進, 全 其 躓 江 時 於 沈 若 乃 坐

> 知矣。 起。 關 林所推,而 歸,護安厝於江 請 君 陜 故 假 ,歸老江 出 今中丞畢公爲 末 疾 由 君之夙行信於朋 寧 中 然 寧。 州 嘗 1 歷 有 中丞之篤於友 經紀其 華 Ш 廛以 嶽 水之思, 畢 抵 喪, 齃 志 友 中 欲 即 其 誼 游 īmī 此 卯 孤 疾 河 可 秋 不

乾隆四十 同 四 部驗封司兼文選司主事,以翰林院 中 全書纂修官 考官 級誥授 長瀚,次某 協辨 一晉芳, 九年某月 生於康 奉 侍讀 ,武英殿分校官。 政大夫,文淵閣 事,充方略館 初名廷鐄,字魚 熙某年 日,年若干歲。 月 校理, 辛丑 纂 門。 修 科 充 編 卒於 四 修 試 庫 吏 加

昔賢

所

闡

緒

在

七

閩

君

籍

新

今據稿本改

博 經致 安 峋 極 萬 石窆雲封 卷, 維 不忘 辭 醇 輔 ,詞林學人。 本根。 疾 彼 有 夸 粹其 江 博 一水滔 實,有斐其文。 而 滔,鍾 其 真 Ш

君墓誌銘皇清誥授朝議大夫户部河南司主事孔

不 偕 君 加 寅 外 兼 舉於鄉,辛卯 公毓圻,父一品 曲 虞耳。 行, 於内 理 阜人。 術者言 軍 諱 諸父兄弟趣之行,行 又軍 行,天性過人。 需 繼 君 局 涵,字 至聖六十九 君 功 夙 事 成 此行必 加 不 廕 進 體 信 充《日下 生傳 級, 1 術 生,一 獲 一,官户部 家 · 語授 鉦 世 語, 雋 舊聞 丙 孫 字 二百里 顧 戌 君 聞 朝 誧 當 母 以 此 河 祖 孟 纂修官, 氏 與 南 乾 則 衍 大 心 色 恐 計 隆 聖 司 號 夫。 恭 有 車 主 庚 葒

> 怦 日 以 策 又三 母 車 氏 而 年 有 反 圃 心 君殁 疾,遽 其 年 在 移 户 四十 告 部 歸 駸 효 養 駸 嚮 用 而

色,而 付鋟以 附。 載。 義、 經字樣》、《 補 刻千餘種 所手校者 食之暇則 春秋 助無矜色。 古蹟、 語 君爲 又以 諸 補 土 精心强 數之書 雅 廣 種 音 地 志 編纂官書, 其 人體弱 數 與 碑記,歷 (算經 名》、 未 悉攷覈其事,與 傳。 千 稽古、於天文、地志、 友朋講 刻者 趙 力期於致 無 遇藏書家罕傳之本,必 百 岐《孟 趙 十書》、杜預《春秋 不 所刻 有醖 帙。 汸《 博綜。 西 君所自 析 得 子注》、《休 山,沿昌平, 春 有《 聚 疑 藉, 用。 遍觀 官京 秋 集 五 撰《考工 生平 漢 金 經 攷證 經文字》、《 與人交,緩 京 鎖 唐 師 無 城 匙 史 以 寧 同異, 七 經 疾 内 罔 志 長 戴 來 年, 曆 校 相 金 宋 勘 急 凡 遽 比

卷,《 雜 補 著 》、《林氏 名 釋數》、《同 ^ 紅 考工 櫚 記 度 屋集》者又若 解 記 影各一 《句 股粟 卷。 米法》各 其餘題 干 卷, 跋 詷

卷。

廣 休 年 子男五:廣栻,舉人, 十二月十八日。 廣閑,廣權。 生於乾 隆 四 孫男五 年 正月二日 娶孫 廣根 氏, 御 卒 史 於 學 生, 紹 四 基

分。 其 其 子孫 之倚 氣 銘 塞岱東,蔚 曰:雲乎奚 ",其經之神。 乎大文。 以 壽? 其 、度量鈞 居 以昌其身, 也 奚以 其篆 因 隷

女士方氏墓志銘

縣 聯 其 邗 室 江 亦女士 之上 村 人 有 廣 也 高 東布 才 日方氏,名婉 潔 政使願瑛女孫 行 之士 日 、儀、安 兩 峰 徽 或 羅

> 其族 子學 詩 之貧士家 羅豐厚之閨 之稱遍徽揚。 杭堇浦、丁龍 其《忍飢詩》、《白蓮半格詩》。 史名媛孝婦 氏事,其家人娣姪輩又皆述其 畫 戚等皆 ,故揚州 生寶 儉 事,娓 閣, 女。 稱 泓、金冬心皆爲 人皆能 闡 道 ៣ 江 其 在清寒徹 娓 Щ 以 誦 可記,即 清淑之 所 其《哭 生子允 明 禮 氣 骨、畫梅 題 姑》十二詩。 居 兩 讚,故 不 時 紹 峰 常常 鍾 名 陳 出 兼 亦 女 於 輩 嘗 説 於

之夢耳,於白蓮 終與之俱如 以 殤,次允紹,三允纘。 爲生,天意假兹女士, 自號曰白蓮。 其《自壽 维 正壬子六月二十四 其卒以乾隆己亥五月十九 詩》有「我與荷 此。 然兩峰 清淚 平何 雙瞳 與 遂 逗 女二。 花 哉 可 露 日, 同 于 神 如 日生」之句, 致,而 (水,日 年四 古, 蓋 生 日 與 是 三子: 十八 乃 以畫 兩 又 而 梅 不 其 梅 生 又

有三日,予安忍不銘。 莊者二十有七年,其卒也距兩峰北上纔十

俾,其詩也仙。吾文冰雪兮,與此石俱傳。銘曰:萬卷梅花,一卷白蓮。其畫也

李南磵墓表

於官。 科 無 字 北 舉於鄉,庚 廣 高,金石文字之富,天下未 書數千 分 東恩平、 素 方之樸學,嶺 錢。 伯 校 嗚 君 呼 廣 號 卷 自 攜 爲 東省試 新安、 辰 南 吏廉 中禮 此 磵 隨 拓碑老僕 桂 ·; 山 南 潮陽縣事 幹 之循 林 同 部式,辛巳成進士。 所 嘗 東益 同 知 日 至 吏也。 知 廣 都 搜巖穴,剔 西 有 南 官居之貧,山 0 人。 聲,宦 有 磵 桂 庚寅、辛卯 也。 林府事,卒 李 君 乾 諱 君 十餘 隆己 榛 之 文 水 年 卯 知

君爲學無所不賅,齊魯間藏書家自

籍 其 目 雖 百 之例以編金石。 蓋 見 君 小 種 门,則 寡 ,又欲依朱氏《經義攷》存、闕、佚、未 君 刊 書 慨 卿 · 鈔歲 ,疾革時遺言寄予編 意 目 陋,必爲攷核 然 中 周 欲依曝 麓 以 編修永年志之。 月。 裒 所 E 輯爲 聞 司 其於金石 書 寇 書目,皆詳 其在 亭著 己任, 池 論次 北 録 廣西寄予拓本數 書 日 則專 以 次者又 庫 所 其 門之目以 成君之志。 藏 以 序 著 書 所 例 録 白 目, 見 卷 皆 種。 爲主, 次,志 編 見 所 經

後 章 Ш 房 四 姚 年 遺 君 書》者 年 子 君 始克 卒於乾隆 四 十有九,有三子: 表 其墓,以告後之讀《大雲 四十三年八月 章 兀 章 日 其

皇 清 誥 授 奉 政 大 夫 八刑部 主 魚 Ш 馮 君

林 予 趣 賀 擅 欲 予歷掌文衡,所得 奇 亟 JI] 鑑,及揭榜,予與耳山相見 寅秋上海陸耳 日 刑 責 趨 除 赴 君 ,屈指君爲 其 視 夕 會 拜 曹中 遂以 「榜第三馮 之, 前 試 見, 隆 弔者相 傷 生,非 Z 强之而 選拔 大雪後嚴 而君適以弟計悲 日聞 外 西 最 士 山 春 先。 孝也,再 典 大夫無 貢 子子 父喪,痛不 生者, 後行。 英雋 。 君爲· : 、粤試,耳山 ,按試 寒, 或 此 非 天下異 不 學。 非 四 人篤於孝友。 廉 己 其官 -知有 於公讌 大聲 嚴 徒跣 9 郡 欲 不 其 夙 師 而以天才 自 刑曹也, 生。 才也 馮 得 後 負知 疾 不能使著 竟 勝,至 所, 魚山者。 馮 歷官翰 呼 予聞, 日 君 子 人 面 不 之 稱 猫 後 哌

> 襪 也 其 天 性 過 人皆 類 此

造,以 予嘗 無 **匡廬、龍門、柢柱、壺** 尺許,旁識 百丈,隆 崇禎四年三月惜 上,君乃 窠 不遍涉。亦探奇罕見者 登 鐫 君 岱 拓本寄予,其神 一馮 生 脊徑滑,窄不容足,行者 至 平 大 歲 敏 絶 谝 月。 書 昌 險 游 來」。而 處 五 蒼龍嶺」字於石,字 又手 薪 岳, 口、雷首、 司 太監 拓其縆索鐵 氣 皆造 華 閑 Щ 暇 府 見 巔 蒼 官 形 如 中 顯 條、首 龍 韓 必 流 此 其 國 柱 援 嶺 E 厓 文 徑 鐵 高 石 又 如 ----公 施 \overline{h}

以

鑒别 卷, 林 出 志 桑、俞二考外者。 大令,尤精 殆 又撰《河南 平生詩文所至有記,撰《華 尤不苟,蓋 而 不數見 所爲詩尚待 研《蘭亭》諸本,與 此 孟 以純篤 人 縣 裒輯定之。 志》,又 不 其於 特 至 繪 廉 行 嘗 事 而 欽 修《 兼 不 子 Ш 科 學 商 小 衆 法 廣 志》 訂 而 東 有 通

始也。

訓 州 配 授奉政大夫。 吉士,授編修 前 日,卒於嘉慶十一 一,紹宗。 導。 表其墓道如右 潘宜人。子三:士 祖經 君 諱 邦,增 乾 敏 君卒逾年, 隆 刑 庚 生 廣生。 字 於乾 部河 寅舉 年二月十一日,年六十。 伯 求, 予始得士履所爲狀, 一載,士履,士鑣。 隆 南司主事 人,戊戌進士,改 父達文, 十二年八月十 號 魚 山 歲貢 加二級 # 居 孫 誥 庶 官 欽

孝節處士臧君墓表

異 面 私謚曰 矣。」今武進 東坡嘗言: 昔宋 坐不與人 [孝節。 楚 州 徐 處士臧 (接, 而 「仲車 仲 父繼宏病瘧三年,冬月以 車 所周 以 -,古之獨 君 孝聞 年三十 知 事 謚 行 極 也 日 四 其 節 而 孝 亦 H

君之兄庸客京師,篋

書不多,俟

他

日

僕,躬執薪水之役 與 之,俾立聽乃合卺。 母 疾 愈。 疾, 同室,約三歲無過 篤 温 被 則舞笑娱親之日多也 刲 娶婦 股 潛 以 往 甫下車,撰「孝敬辭」令女儐 療 潛 濤 起 於神請 以承父 不 乃已。 其 使 後偶 父 减 母 知 君生平不 失母 年 歡。 以 益 計其 母 畜 輒 章 不 誦 氏 加

卷,《 所 予所見者、説文 嚴氏《左傳賈服注》三卷、《南宋石經攷》二 古今文,故未嘗析 攷《禮》今文,蓋許祭酒 謂宋節 卷,集南 又《三禮校字》六卷,《春秋注 手輯其高 拜經堂 然其撰孝子、孝女、孝婦事 孝徐處 齊臧榮緒《晉書》二卷,删 祖琳《尚 書 土 目》 一善讀《儀 解 言 四 字經攷》十三卷。 書 卷,皆尚 集 加 不及見, 解案》六卷。 君 禮 特 》<u>,</u> 而 表 未刊行。 疏 至 鄭氏 出 今見君 校 數 之。 補吴江 Œ 百 疊 子 卷, 出 所

徧 君 求 禮堂, 讀 之, 和貴其字也。 而 先 諾 其 請 爲 撮 大 略 表 於石

國子監助教辛君墓表

選 君 嗣 必 載 拔 與 存 深 成 餘 光《尚書解 是,不爲矜異之説。 辛 予篋。 諸 ,所與 年卒,予未得 君 進 君 可傷也已 生, 紹 隆 共研覈之。 業、從 後 惟 近來士大夫有 予校勘 西 魯與 ***** 官 數册,君爲校定之,蓋 遊 國 予 表其 君治經尤精勤 南 於 君證據 注 學者又十 康、 江 疏、《 今年春 墓 西 廣 説文》諸 選 持 信 極 孰意今 年 經 拔 諸 見 博 ·, 知 貢生, 説 郡 而 新 相 條 乃 能 其 嗣 城 質者, 歲 表 光 己 審 手 經 魯 前 擇 君 西 萬

諾。《易》、《書》、《詩》、三傳、三禮,皆攷辨君爲人誠信篤實,不苟言笑,不輕然

補訂,積若干卷,尚待鋟梓。

後者。 年七月 於石 四 隆二 子監 士。 价、陶、僎、屾。 僎,庚子舉人, 十年十一月二 助 君 雖 教。 十 乾 不 隆 ·六日, 獲 俸 己 自 滿 西 年 書 記 舉 六十。 十七日 名 丹,其學行皆 今扶 人,嘉慶 孫三 柩 同 全士、 娶土 卒於嘉 歸 知 内 葬。 用 孺 連 進 可 鐫 傳 此 於 文 良 九 或

補錄鄭芷畦空石志

又 殁 小 爲《芷畦窆石 而 補綴其 無刻本,吾子倘 ,無知之者。 雅 手 乾 降 紙語 事乎?」 四 + 志 四 方 今於敗麓 》,蠧 年 綱 哀 六 日 其 蝕 月 無 + + 中 吾 傳 四 得 鄉 四 爲 芷 鄞 矣, 録 全 畔 孝 此 謝 謝 鄭 廉 先 Ш Ш T 所

泂 信 此 志 以 族 歸 孫 事又不詳,是惡足以傳之!! 晦 元 道 m 也 續 其 孫 貧 箋序 稱 萬 齋之緒者也。 益之志,未幾 ,不復出 可念。 一。」又曰:「中 故遊 慶,湖之歸安人。」蓋殘藁之可讀 傅君開 未得。」又曰:「芷畦著《行 衛 振 其 編 於是丁君涕涔涔 命也 修 IE 銓 治 水其 幕府 九 叔之作也。 兼 經 按 門。 沙 雕 踰三年始得其《禮記輯注 知其博 ,又見秀水朱竹 其 坐 吾芷 遺 而芷 顧 而予奔 家居之日少, 州張 書,知其子先亡,寡 罕知 湖録》,則苕中文獻 ?物,益思見之。 畦之書既不具 畦死矣。」又曰:「 **>** 其 **一**四 下, 清恪雅重芷畦、欲 其 後 走南 出 禮參同 見蕭 日 予 芷 | 垞爲 北, 其後 少 水金鑑 畦 Ш 嗟乎, 卒 得 也 毛 見 不 病 見 則 面 西 「從其 之 纂 婦 得 花 風 石 芷 洄 薦 職 楊 弱 畔 遂 畔 而

又挾鉛 述。 籍 條 府,研窮經學,於《易》、《禮》尤邃。 録》,不名志,櫝其藁 就,豈湖郡文獻終湮 年 垞、潘稼堂諸先生皆稱之。 難 聞 悔 同 後數守欲付梓,皆未果。 周 辨 早 博 來示, 心力, 藁凡七 之,乃遊 易集説 正 稽掌故,箋釋顏魯公《石柱 會郡守候官陳君屬其 明 官禮 古今 歲 湖 日 槧 無 刻《廿一 録 遍 》、《詩 寒暑 異同考》、《春王 四方以擴其聞見。 T 經 》、《石柱記箋釋》、《小谷 「鄭元 涉七州縣,訪其 君 典 間 復 一史約 參 易, 序傳 裒 慶字子 同 其 而 没耶?」於是改 經數賢 志藁出 \approx 異 藏之。 所 《家 同 》,既 芷 餘 録 修 Œ 》、《禮記 一畦歎日 禮 (守,垂 府學 故家文獻、駁 會陳守罷去, 月考》、《 毛 府 以 湖 晚年託 西 記 志 州 典 益肆 「河、朱 》,刻之。 生 例 府 刻 參 所 集 稱《 未 而 海 説 著 迹 同 湖 運 有 不 竹 典

号云。」 最》。 小谷口,其自號也,其著書處名魚計

秋,《 其明 年壬 爲未 秀才 鏡》、《七省漕程》諸 卷,今已行世,又所著《今水學》、《兩 其 九年庚午, 指》「震澤底定」句下,援芷 士禮《喪服記》一條。 河《釋二辨文》,援芷 三年甲戌,館湖濱徐氏,撰《廿一史約 淮安。 、生卒歲月,亦未能詳也。《石 條。 石 年乙亥,始從事於府志。 一申,歸自 足,又考得其 詩》,芷畦 方綱因與丁君共檢諸先生 柱記箋釋》成。冬遊孟 四十三年甲申,府志初藁 西河有《湖志序》, 芷畦 掋 亦可以不朽矣。 秋試 扃户讀書者二年。 年譜大略 書,見《行水金鑑 又若 畦《 後出遊四方。三十 喪 畦 胡 禮 曰:康熙二 竹 辨 東 經 四十年辛巳 城, 垞 丁君猶 湖 樵 典 集,若毛 柱 有《贈 〈参同》 渡、南 《禹 成成。 明年 記》 学中。 Ξ 河 貢 鄭 以 疑 西

> 卷數亦未詳也。 十卷,《行水金鑑》一百七十五卷,而他其《禮記集説參同》八十卷,《湖録》一百

者乎! 《苕溪集》,期君讀草堂」,謂南宋劉 他集互見中可推證 輩上下其議論,歷年久而用力勤, 也。蓋芷畦考求 午,竹垞贈詩在四十六年丁亥,其曰 ,以俟他日訪其書而讀之。 方綱按: 西河客杭在康熙四十一 方綱重感丁君之意,爲補 鄉前哲之著述,與 ,而況其書有補 書 此 於 於室 經 皆 時 止 年壬 近 於 集

祭盧學士文

之訓詁, 博綜,諸家 生, 薈其大全。 嗚 疏 壅 訂 删 楊園學 救 偏 須友之堂, 蓋 脈, 以校讐,貫洽傳箋,兼 自官薇省,人直禁垣 暢 闡 於餘 析 山,近 儒 言,先生 於先

尚 儒 持 Ш 垂 浩 者 夙 六十 後賢,胥 氣 楚 夜無 日 车, 積 長 金 來 攷 雲 愆 白 篋 陵,著 研, 粹 就 迴 髮 旋,鑒 正 簡 經 白 炯 一,鍾 編 師 録 直 炯 靈 日刊。 吕 精 醇,以完其天。 此 鏗宣 神、公在卷端 光歸 一觴,永 陽 暋 然。 江 泮 陽 式几筵。 宫懷 南 出 處 讀 湖 無 褫 通

祭 蔣 心 餘 文

此皆耳 詡 道之樞。 盂 、公獨若愚。 淡然,玉檻冰 鳴 知公之深,望雲愴 詞 呼 、人所 並 1 不待 辛、蘇。 公之 競 壺。 其 贊 鶩,公獨 外 詩 譽。 望 文, 曠 一其貌 呼 沫 然,雲 今我 名 ! 手 恬 脈 滿 也,山澤之臞 同 惟公神光, 愉 卷 海 年 膾 風 奠酸 炙楷 人所 舒 矜 其 執 兼

> 之初。 摹。 空諸 在 俱 即 名離垢 力,湛然自 江 湖 滂葩 有 以其中 寸田 無 此之謂 鑒此來臨 摛 存 如。 温 犁 藻 凛 而 切名譽 棗 不爲 乃 乎? 益 伙 其 義 腴 ,無薄生 冲 緒 荷異, 『逝而 公之 耨 虚 餘。 耘 聽 其 耡 惟 公馭 生平 而能不汙。 不 談 妙 居。 惟 鋒 雲軿 切聲 徼 庶一 故其 觀 追 定 物 與

祭 梁 冲 泉 文

瀾。 家 仲 又 此 皆 詞 甚 勤 筆 中 嗚 而 峙 表 外 我 呼 其 同 第 間 追 同 臺 岑, 蟬 公之 惟 聲 端 聯 緑 誼 同 共 經 野 舉 切 公之 歎 及公出守, 洊蒞 一,今四 堂 猷 金 陰, 識 蘭 清 炳 與 節 紫 + 在 惻 不 年。 敭 識 愴之情, 花 涕 歷 惟公伯 旬 淚 抑 汍

祭 熊 兆 堂 觀 察文

細陳。 聞。 結霜 簪纓 況我 經涖 斜 存。 妥侑,治厥子孫。 豐,致俗之淳。 燭 於詩禮,繼公清芬。 式 憑 嵩 曛。 星 晨 稠 辰 孤兒一 同 粤嶠之西 遺愛在 煮。 奠此 呼! 山 叠 年,晨星幾 生爲 他 川鬱蒼 一,繩 勤 號,叫徹蒼旻。 日 於社 一觴,祝告聲吞。 公仕 繩 民。 碑銘,敍説遺文。 廉吏,殁必爲神。 不虚 桂水 及 振 ,凝咽寒雲。 於 以篤其澤,如昌其身。 陟 人? m 振。 里,降怙來臻。 奫 父老,灑 觀 必 輔,幾三十 何 淪 於科名, 厥 慘 閏 公, 夙 嗣 殞, 秋 哽咽之衷,働 淚 夜 猿 興 下 輌 願公精靈,炳 漳濱。 春。 惟 起, 報公苦辛。 桂 吟 南 聰 志 寅 林 鶴 去 明正直, 庇歲 未 如公常 溯 唳,淒 飛 叢 計 凡 自 願 申 之 旐 必 公 忍 初 所

四

平,嗜

好

得捐。

有

畫

廚,有石一

海

賢

累世

之積,百世

之延。

我

豈私公,

品

江

鄉

詞

話

,他日必

傳。

以昌

其

身, 庇其

後

圖

舊

繡,往日笑言。

伯

惟集杜,仲

乃集韓。

神

· 猶在 刻舟、

人寰。

九

霞

雲軿,穆

乎來

此

猶滯言詮。

嗚呼哀哉,尚響

昭

涕

潸。

蓋惟

公志,溯其

本源。

公之精

編。

公今歸

乎,大滌

洞

天。 惟

浩浩白雲,

下

近

課

路 兒,

遠念家

園

有

此

心,不愧

青

益清癯,廢食與

眠。

前冬六十,弗設慶筵

身是肩。所以

中

夜,弗敢懷安。

晚

照

湖

船。

神依

乃兄,

白

翩然。

追計

牛

耿傾

丹。

後先世緒,俯

仰

迴

環。

皆於

我

山

上念先人,

臣

職

惓

惓 伯

報答

之心,

耿 湖

文章

政事,終始克

全。

也

養

疴

嘯 咏

嗚 詞垣 髮騎鯨,大海 呼哀哉,尚饗 感鄉 愴 鄰。 搢 荔 紳。 無 丹 述公節誼,以 垠。 蕉黄 文字之緣,渺 靈軿來下,鑒此 岫 曲 勗 江 忠純。 記 濆 前 誦 塵。 椒 不 公 被 獨 Ψ.

祭朱竹君文

獨 遐究鼎彝,洪、婁是追,吕、薛是師。 弗歧, 上接左史, 渾乎無 黎 文家,功在修辭,音訓字詁,或罕兼兹。 葉與枝 家之秘,神鬼設施。 先 實 上千年,無往 生,同 醇而 惟我知之。 鳴 呼 後肆,滂葩 精液充動 源 並 先生之文,或信或疑。 窺 。天賦峻拔,挺骨鬱奇; 不宜。摹仿之極,悉去筌 匪 四 毛與 馳。 其 心兩手,直貫旁推。 涯。嵬瑣貫穿,匪 於古文,實學 八皮。 韓之於班,厥 爰逮金石, 自 此 昔 昌 圃 涂 中 百

> 並摛; 淒。 答; 言,不暇 鈔胥是司; 槧親提; 年一放,大海渺瀰。 歌,筆利 季尤怡。 疏丁 酒酣所草, 人,合而 、毫釐。 及見宿儒,緒論有資。 考證 今所收拾,太倉一 ,尚饗 吾鄉三朱,遠比八慈。仲也仙去, 及私 於錐。 能 其於天倫, 孫 不敢辭勞,沫 先 爲 仰叫 六書必 强 文 生用法, 敢訾。 竹 欲注班史, 顔監是 嘔心囊 蒼穹,淚如綆 稽。 埃、 吐奇氣,以薦此 所以其詩,更不可羈 若渴 參差 百 流手胝。 吾鄉 一稊。 吟舫 錦,赤手鯨 詩 與飢。 一整齊。 髫年兄弟,春 3 黄 老 故紙,靈風 糜。 公、早已 友魚門,鉛 我安能役, 函 早習 其 巵。 期。 於 所 淒 韓 欲 古 中 叔 華 歎

壬 申 同 年公祭鄭晴 [湖文

巷, 勤 申。 此 誼 Ш 髴,子野夢魂。 道 齒言尊, 痛 뾜 陽吹笛 華, 哭, 景,逝水潺 所 氣渾淪。 不改,貽慶 ·年事 吾輩 敦 相國 設 電 呼 性 起河 温 我松筠。 外雖愉怡,中實苦辛。 凡有 ',豈忍重 書 歡 豚 帶草盈 10意, 秃且白矣,心迹誰 集, 湲。 實繁。 3 聖湖之濆,毓 奔。 然當飲酣,時復眉 奠筵,偕 更具茶瓜, 欵客寒暄。 館 何異 情溢 有子傳經,球 司 門。 陳。 吁嗟已矣,衣袂 矧 (家園。 \Box 杯樽。 同 惟哲人,不亡者存。 司, 煤市街 君來射 榜 我弟昆。 氣之 臺 + 嗚 君之謙抑, 垣 論。 璧瑤琨 呼 南 不見圭 策 純 耆 諫 軒; 堂舊 碩 年來,譜 垣 假 歐陽 酒 君 笑談 貌 依 H 偕 依 清 溯 來

> 春。 台 樹 德之 辰 篆 滋 煙 曶 常 縷,黄海夢 庇 軿,鑒此 其 根。 積繁。 雲,神 題 詩 舊 遊 尚饗 蹟 其 間 湖 堤 接 古

先 像 成告三代考妣文

粤,實 登仕 朔越 以 祖 氏,系出莆田,隷籍大興,●於兹九 贈宜人張太君之神主 高 祖 來, 府君而上 太 考贈奉直大夫孝定府 君、 郎 維 南北之同源; 譜序得 + 乾 禹 顯考贈奉直大夫純 隆 門 日 ,真容已隔於 三十九 府 聞於 君、曾祖 孫男方綱謹奉告於曾祖 年歲 郵寄。 而 方綱 日 妣 君 次 . 、播遷。 孺 嗚 甲 蓋先 奉 顯 庵府 呼 午, 人趙太君 使言旋、幸 祖妣贈 像 壺 冬十二月 君、 流 Ш 世 惟 官 我 顯 閩 桂 翁 妣 考 高 顯

大 興」,原誤作「大典」,依文意改。

纓世 墓 長之慶。 合三代如一堂。 白 餘 於 一澤,常瞻色笑之新 年,接 合 册 尚饗 神於祖考。 + 敬奉几 四 幅 式 筵,用申昭告。 瓜瓞貽庥,益衍綿 靈 錫 爽 於 一封 家 而 祠 軸,

齊東名宦勒石告祭祖考文

新 首 爰 祖 隍之廟。 民 勒 同 一蔭,視 蕃禧 實氏桂枝,届百年而始茂。 篤 貞 門,敬焚拓本。 題 嗚 翁氏 珉。 呼 大書「清 學此邦。 貽 烝嘗弗忒,歡 1 綿 後。 慰 惟昔我祖,佐邑齊東; 延之慶,瀧岡永 東人久遠之思,叔子長留峴 召 廉 蹟 尚饗 公棠芾,歌 明」三字。 稽名宦 趨 濟泰 一之祠 志歐陽。 虔 武 千 方綱 四 神式 申記 里 郊 惠 恭 而 政 述, 城 承 長 在

典試順天事竣祭告三代考妣文●

遠酬夫 字 計 使 艱 仁 傳家之節,焚 年癸卯之秋, 尚 几 筵,從此 九秋之榜發,合 事所同; 點筆弗 之占; 科第文章, 嗚 祖 呼 考, . 宜 益 渝 而 香 獲充京 而 室 申 梓 初 箕 殊榮 實累世貽 如 :里掄 志。 慶 宜 裘 對 一般。 兩月 堂 家, 先 兆試官之副。 下速於孫男。 雖 材 構, 人, 以役旋,始得虔告 槐 ,乃甲乙科中所獨 詒 彌 謀 黄 荷 康 篤 所積 念風簷 貢舉,爲昔今 治穀,不徒文 聖 祥 朝 和 錫 兹 凛清 蓋 寸晷之 之祜。 於 苦 類 之 本 白 志

● 文題下。稿本有"「錫曾按"文有曾祖字樣,題當

爲 大兒 聘 朱氏女婚啟戊戌八月十三日

望。 篤 芹當乍採之初,況 訂;而即蘇 字問雲亭。 時,又官 膠 百 」歲、婚 漆, 誨 ,已蘋藻之先占, 不獨六書,金 伏 聯 惟 妪 職 從 謹啟 日 内訓 聲名之恰稱。 黄 每 總 下 酬 以 角 鴛 申 之年。 唱 文趙收藏 總馬 月 於子女。 石外間 ,弗遑阿巽之申 時論同 棲托 向最 喜兒童 圓 視若弟 同根之樹, 未得 方綱籤 推,正門 之夕 敢 陳 長大之及 長箋之共 克 采 瞻 鄴架, 盟 閶 家 1 雲門 固 之相 聲 宜 克 愧

刀 箴 敬 跋

暗 萌 來 吾前 目 與 構 耶 抑 心 與 造吾 堂户 洞 良莠

> 虚 公蕩平。 右敬跋 「視箴」。

跋「聽箴」。 何 讒 云冰鏡; 佞; 説 克戦 有 同 邪 勝。 苟非析微,何 正, 一理語,而 無聲之先,道立持定。 音 有 雅 有紛 鄭。 云兼 競 同 聽。 苟非中直, 善 不 毗 右敬 而

有

隅

言。 疊焉。 爲言,是謂慎 其存其閉,其端其 不得已而後言,是謂擇言,不 右敬跋「言箴」。 言 眇 衆慮 原。 而爲 是故君子 言 過 是謂 乎 物 達 訒

以

止。 韻語出之,便於檢省,非敢擬箴 凡百之箴,箴心 道如 行止 正衣 (砥,直 步 冠 尊 趨以中律, 膽視, 而已。 如 矢, 艮其 豈 右敬跋 也 動容 爲 (身乎 人 「動 周 乎? 箴」。 旋 ? 以 實 實 中 此 以 艮 跋 其 以

臥 遊 處 箴

訒 葊 汪 户 部 家 歙 之 南, 其 Щ 館 日 綿

四四

二四

潭,其可以小憩者曰臥遊處,屬予箴之。

其箴曰:

受人。 之琴 乎物 慎 遊 藏 美處 尔笑 退 乎。 與 宗炳 外 、順。 寢處 有聲之畫,皆於是乎問 而 心乎。 臥 宗炳 無 遊,遊 Щ 石 擇 澤, 遊乎里 蘭臭味,月露 臥遊, 是故 於 丽 寤 畫乎? 君子以 遊 黨 寐道真; 以 丽 琴 乎乎? 精 可 密 匪 親。 神。 安身,以 畫 敬 一之遊 尔威 匪 彼 斯 琴之 乃遊 無 虚

農

耘

順德府學黎侯銅爵銘

太守 誰 黎 足 歙之洪。 繶 敬笵 殊, 銅。 廢 今古接,樓清風 不 三百 同。 年, 獻 之三, 贈 者 文 在

留耕堂銘

學 以 畬。 圃,大庾楊氏之廬。 也 其長 有 居, 留 留 [者,其 也 有 餘。 心 耕 肯堂 歟 ? 肯穫, 以

常熟趙氏祭田碑銘

經營。 聲; 蓋 弟,積累精誠 觥 也。 自文毅以來,世 吴中范氏義田之記,不足以 光 此所 和 雲 以 安紀 ,繼自今光復於前 神靈 産 一昭格 篤 之 忠貞。 碑, ,而天特還之以兕 不 重 足 人,百 喻其至情。 以 以 祖 嫓 1倍其 其 孫 兄 家

汪 節 堂銘 並 序

如羅 之悲也 石,詞 節 之,若親見節母茶苦狀 羅 縣典史君之殁三十有九年, 殁三年,生母徐孺人殁十六年矣。 來, 舉人 母 、又懼終無 一苦志 君言,又欲舉筆,又怵澀 久之海鹽 也 乾 汪 甚懇摯。 爲其母 有高 隆 文 四十三年春二月二十二日, 貞心,精 至 其 方綱 持 秋 所輯 今未屬 孺人雙節乞文,且 以 張 其 羅 方綱合所寄表、誌 才蕪弱,愧 酬 貢 友人蕭 文多矣, 君 神 進 生 藁 歸 貫 土 燕昌來京, 子子 金 一屬,益 江 山汪 蓋 石 罕有銘,子盍 何 西 不足 至 其 以 進 怵 非 、繼母 一是進 且 來 教我 庸筆 俟。 闡 E 士 述進 澀 别 行 輝 將 羽 不 宜 Ŧ + 勒 祖 方 敢 節 其 父 述 瑞 所 蓋 1: 孺 淇 羅 緇 兩 意 下 母 言 讀 手 可

> : ? 方 諾 _ 0 謹 摭 其 銘 其

> > 詞

銘 者 孝子,汪進 可 真 廉 吏, ±, 典 蕭 史。 Ш 東門大義 真 慈 母 里,視吾 雙 節

真

復 初 齋 坐 右

我 兄 談 以 遊 併 眺 畢 消 廢 下愚,分陰足 其 磨 質 遊 昔 一以遊 半生。 歲 以 朓 E 瑩 月,耗散 半 滅助 豈 神 Ш 但 學 念此二子,實惶實 其 即 已 廢慶弔, 八吟情, 深 談笑亦 〕哉,學 醇。 竹君朱兄,遂以 往 可 宜 者 併 頤 我言之, 吾友 真。 廢談笑。 惕 然皆 蘀 學 石 夫 讌 錢 谪

四

復初齋文集卷第十五

門人侯官李彦章校刊大興翁方綱撰

人丁君魯齋傳所作《繆篆 士、桂未谷、 於六書以 必 宋芝山 本 爲 印 於 學 六 諸君極言之,而 書、摹 者 也。 解》,始知 印 予昔嘗 亦然, 與 未 解者之 今 見 有 陸 杭 硻 可

誤,

則不得不亟

正之矣。

攝 印 使使 篆。』《藝文志》注,師古曰: 者屈 秦時八體,五曰摹印。徐楚金曰: 甄 曲 豐 填 等校文書之部,時有六書,五 密,秦 璽文是 也。 繆篆 及 上 謂 新 其 日 居

> 名 也。 謬。」此二處皆 聲,从言也。 誣 謂與尋常書勢不同, 於禮繆」,注:「繆,誤 此字本平聲,無 文》曰:「本作謬也。」《仲尼燕居》「不能詩, 文 謬」爲 爲 也。 也 屈 物紕繆,猶錯 若漢 新 曲 異 「繆」者也。 日 時定六書之名,未有取其借音以 繞 미 綢 喜之詞,不當以 證之諸 所 繆 與謬 仄聲 以 也 也。 摹 且如果欲别立 字通 經,惟《禮 也。 从 印 則其標目亦當選取 此則 也。」《 章 系, 翏 用,非 其謬誤 也 别爲 紕繆、錯 聲,武 釋文》:「音 記 繆 繆字本 大傳》 之謬乃去 訓泉、 訓。 繆自

有,漢 也、豈必 曲 之日: 填密」之義,所謂 T 時無之。 君 疊至九 「殳體 又謂 九 殊 八觚,隨其勢而書之也。」詳 哉 疊文 不思 屈 故「殳書」條下,徐 綢 曲 秦 繆之 者 時 即即 八體 體 綢 乃 已有 繆之 後 代 又 屈 所

末異 故。 翫 以 求者合於六書之本旨而 繞之義 今之刻 令於四 隨 成 之變,苟有所本於前 八者,則 體 勢 而 不待 方, 勢,此 印, 而 繆」之云者,其 書 偶 特 而 之 辨 纂 焉 自 因 語 丽 [配合 不得 有 學之一端耳,其或本 明矣。 以 即 盡 左 錯 知 人者,君子弗咎也。 右上 「繆爲 以 字从系,爲 墓 己。 夫印信所 六 印 書繩之,蓋 下以就章法 詞者哉? 至於隨 所 以 以 束 屈 勢 同 絲 曲 達 伸 所 之 而 政 糾

所 解,而 無別 至以 此於文義 於理矣。 之者也。 由繫焉 解 唐人 至 凛然於文體學 不 如丁氏譏 尤 倒 Ţ 必從 凡 不 君 用 文 又謂摹 司農 口 一身持 而曲爲之辭。 通。 馬伏波不當奏正皋字,甚 印之例爲 行 術之攸 摹 印者絶 之君子, 印 猶言篆印耳, 駧 人揣摹之謂 比,則可謂 吾因 世道 皆當 正 敬 此 而 初

> 文簡 者,知其銅質古澤,本非真周時器,始悔 年作此考,徒費詞説 拓鼎腹字,益信予所考石本之非真 審 拓 之跋,予少時嘗撰《考》一 也。 鼎 兄 江 南 腹拓本,實 弟爲之詩, 其後門人謝蘊山守鎮江 焦山 有訛誤,及訪諸 汪 稱 耳 堯 峰 白 爲 餘 卷,而 之序 年 矣, 一屬其 遊 矣。 未 朱 新 焦 見 竹 城 Ш 其

爲

真

詳

非 之者又加 石 示,前裝此鼎銘,即 ,可笑之甚者也。 真,而程康莊摹 本前後之字冒 今梁子茝鄰 扣槃捫籥之輩,競 誤 馬 ,誠所謂「字 爲 以 於寺石 焦 鼎 所 然 文。 Ш 藏 圃 寺 林 又加 新 經 相 石本 鼎文既 吉 城 傳 人書 賞、以 誤 也,又 王先生 寫 焉, 出, 跋 其 翦 册 焉 重 成 釋 去 見

學,誠 芟其冗蔓,略記於此。 則 文字形聲者,畏其名位,不敢阻静,貽誤後 亦不可不詳質之,故取予舊所撰《考》,稍 押 · 當 本韻。 而 傳 刻 可歎也 日 誦 「世次 藝林 集 當時及門諸弟子豈無一二知 中,蓋先生夙 1 非 迷夏殷」,又以敦槃之「敦」 然既有此詩文家之流傳, 日 矣。 不 先 知篆學,是以 生 此 詩 本 亦

垞、堯峰諸先生,則不當出此也。 鼎,欲以冒 何人不知篆法者,妄摹字形,於此重 本有此鼎,其文極古,久不 前後凡三見,摹寫稍異耳。 著録之例,應題曰「無 人名也,其上一字非「世」字,是「無」字也。 專」,只可闕之。 而 欲得之,容有此 此鼎不當以「焦山 充古物。 就此二字人名,則 其或嚴嵩妄人聞人 事。 見鼎 下一字非「惠」非 鼎」名之,就吕、薛 西 存矣,不 0 l 樵、阮 無 知 亭、竹 鑄 何 周 替 時 時

> 第七行人名上當是「鋚勒鑾旂」 字也。 行,其闕者不啻過半,實由重摹之失,其 本不可得見也 八行「丕顯」下二字釋「睿」、釋「敷」、 三字尚未敢定。第四行「册」上或是「友」 敬」,皆非。 朕」字,其下一 側」上釋「頗」、「側」下釋「弗作」,皆非也。 册」下是「命」,非「令」。 、廟門 名下 第五行首是「官司」二字。 也。 釋「僉」釋「 第九行「用享於」下間泐 字是 字釋「到」亦 「内 賓」皆誤。 門 第二行「丙子烝 非 字, 也 四字。 内 第五 凡 處

顧 致過差,未有沿訛沿誤如此 文,雖未 重鐫者摹形之誤,雜 一稱以爲古蹟最著之實,如漁洋之詩播 古篆本不能如《説文》之有定據,又 王俅諸 必 皆出自 家 圖 古 釋以 以 拓 後 原 來,鍾 人意 蹟 鼎者。 一,而 爲 消揣釋。 鼎 位 古 置 而 銘 皆 士 林 被

不詳言之,慎言之。於誦説,林吉人之楷蹟具可珍愛,更不得

寶晉齋研山考

基,多 所得 央。 其左 指 研 露 古 丹陽、老謀菟 南 而 有 中 孫 寺屋基之研 共爲之和 蘇 山 覬 也,號 右 飛 元章刻 江南 朱竹垞集中之米家研 | 羣木 徑 得 磴 則隱引 絶 |長尺許,前聳三十六峰,皆 研 破 横 澗 稱 ,於是王彦 出 會,蘇、米竟相易, 表,而 其下述所由來甚 流轉數士人家 ,合計前後 好 一,方平 兩 晉 Щ 事 阜坡陀,而 唐 也。 ,有甘露 蘇仲 人 可二寸許,鑿以 昔江 所 昭 恭學士之弟者, 凡五 居。 侍 Щ 寺下臨 南 郎 鑿 ,爲米老 李後 時 詳 + 米 兄 非 研 米欲 居 弟 處 五 米 江 及 在 峰。 大 主 號 與 老 、爲研。 海 得 米 元 其 如 買 易 登 章 中 東 手 北 歸 甘

> 宜 此 菴 事 者 見於《 》、《岳 是 也 氏法 避暑 研 Щ 書贊》,語 漫 歸 鈔 蘇 * 氏 鐵 皆相 其 量 後 山 合。 叢 人 談 宋 禁 中 秋

其 且 絶 則 許鑿 無 非易海 又 中 無所 爲 間 所 觀 研 其稱米得宅而 謂 初 謂 岳 無 無 三十六峰 庵 元 製 疑 之石明矣。 章刻於其下 也。 爲 研 今所見 、合前後 處 蘇 且前 得研,是中間二 竹垞家之研 詳 述其 五十 後僅六峰, 曲 五 峰者, 來 1

壁照 石,久 悉合, 仰 立高 色裛 舊有詩 易海岳庵之説,其詞 書几, 春 崧 蛟 惟以 ,而《輟 爲吾齋研山,今被 龍 龍 野 云: 陶 當有千丈松。 隱約煙朦 『研山不易見,移得 安知 南 蕭 耕 蕭 村《輟耕録》證 録》所載 生 無雲霞 風 日 朧。 雨 元章自作記 「右此 道 儼若山林 造化與 巉 崎 祖易去。 巗 嶇 之, 小翠峰。 石是南唐 浮 自 則 天 波 有 圖 中。 通。 古, 瀾 中 初 與 獨 潤 美 寶 無 説 立

見,每 蜍,向 圖 吾齋 忍人也! 云: 仙 漓 芾 皆 與 往 Ш 常 忽 錢 研研 偶因 書。 今 秀氣尤不復泯矣。 入佳 衆 逢 上 人 不 同 余 塘吴孟思書文。 同 每 泉 到 同 原 山不復見,哦詩徒歎息。 頻 交友往 清暇,默懷往事,湧記 余二十年前, 誦 趣, 肩。 余今筆想成圖,仿佛 淚 0 滴 觸 研 此 滴。」此石 揮 瀝 目 江 Ill 詩, 一觀,亦一 灑 助 萬 南 # 何 出 毫 慮 必 秋 層 N/s 端。 妙言。 空。 色起, 懷 碧, 不出 嵩 崇寧元年八月望 後攜 一人渠 此 嘉興吴 少 峥 公 揮 石。 視。 隱 嶸 風 至吴 家 成 願 實 於此 不手,不 遠 鷩 公珍 富 在 余 可 仲圭爲 紹彭 天工。 唯 興, 世 洞 奇 藏 亦 有 此 庭 文 石 得 爲 燬 公 有 從 玉 真 於 書 此 蟾 作 地 淋 再 不

竹 日 垞 集 此 此 陶 石流傳爲秀水朱文恪公所藏,長七 注 南 所 村 引 所 ^ 記 歸 田 與 集》 所 繪 語 圖 無 並 不 驗 符 之, 合。 則

> 焉。 折 則 可 趾 下 而 有 嶐 左 嵓 峙 突起 寸 之第 滴 圓 峰 崇離立 格 通 上 置 小 相 拔 分, 上 阜 實嵌空。 通 而 一小峰附其 水少 洞據 竇 洞。 方壇,下 也。 樸 不 類 勢若 相 高 峰斜 ,高不及三寸,有數十仞之象, 通,注 野,日 許, 筍 華蓋之麓 低 通,似人力而 予嘗 其 卷旗 形 凡 其第三峰 連坡 色 經旬不竭。 項 瘦上 以 翠 下,中 一神遊 墨 水則 峰, (陀,後 戀者是 有竅穴,日 而 日 ,米襄陽云: 廣,方平瑩 其間 有光, 其 華 流出 則 實 蓋 右 峰 漫 與 下洞 也 非 峰。 之 前 巑 高 下 頃 華 第 俯 玉 岏 四 洞 以 蓋 潔 在 龍 力 下 稍 笥 **岩粤** 物探 寸餘, 故 峰相 池 方 下爲 知果 也 洞 峰 峰 在 壇 壇 截 曲 其 亦 峰 其 月 聳 第 名 然

[「]莫與衆同肩」,稿本及《南村輟「立」。《南村輟耕録》作「主」。

斧 鑿 所 謂 痕 ,望之蒼翠欲 不 假 雕 琢 ,渾然天成者 滴 疑 有 草 也 樹 蓊 襄

遂。 録 又 其明徵也 恰得見此研 合,是以《鐵 仲恭之弟以 之,始知研石有二、皆出於 岳庵卷》來。 以所摹寄來。 自 寶晉齋,而 石,并覓好手 婦婦 不 太乙崇福宫張真 压 辰 後晤吴門陸 於天台戴運 按 · 知 其 庵 歲 此 圖 門 與 何存矣。 一爲薛 》,諾爲 (輟 其 Щ 庵基 圍 予倩 與 謝 與 適 Щ 亦一 耕 海 友 謹 使覺民 蘇 藴 叢談》云米老有二石, 相 録》之文極 兩 摹 紹彭道祖 氏相 X 岳 庭 Ш 易。 人,今則久不見於 異也。予乃合諸 其與薛氏相易者,至 峰 又以孫 本,至今年春 知知 庵 出守鎮江、託 羅 共寫 () 至元 易者歸宋内府, 二石判然不可 有所 南唐, 君 爲 所易,一 並摹 雪居所臨《 朝又 其 藏 圖 肖 邵 歸於米 爲 (歸元 謹 其 矣。 瓜 爲 書 庭 未 訪 大 强 蘇 老 攷 海 始 畫 得 此 而

> 蓋 道 詩 此 於 前 至 此 古 石 附 或 明 圖 重 以 藤 朝 톎 作 絶 康 亦 書 於 句 熙 不果作,然吴仲圭爲 屋 新 寄竹垞,謂: 圖,當以吾輩 戊 觀 安 辰 之, 許 猶 文 至庚 穆, 在 朱氏。 :「儻有好 午秋 又 倡 歸 和 爲 是年 詩 圖 作 附 手 者 七 春漁 其 仿 文 〈後。」 實 言古 梅 即

洋此 真 府 又 學士家易北 南 伴 題 奇 唐李 三篆字及米氏 物 予從朱 著 一絶句 語不誤 居易 也 主 録 硯 云『南唐 文恪曾孫檢討 青峭數峰 固 檢 也。 **×** 山後歸 甘 討 亦 露寺海 請 惟《 云 印,驗之此 予 米氏 米元章,米與 香祖筆 無恙在 寶石 賦 岳 詩 研 刼 彝 庵 山 記》 不不 地,宣 既 灰 尊京邸見之, 石果合, 上有「 爲 餘 · 須 條 作長 長與 次淚滴 蘇 和 仲恭 人御 云: 實 信 句, 漁 晉

見宋 之事 之 故 者 徐 山 研 謂 氏 石 南唐 其 句 無 本 氏 而 五 徐 + 疑 言 海 否 傳 j ? 於 詩又有 司 此 説 岳 米 Ŧi. 後 蓋 而 因研 即 是《 按 購 . 詩 峰 庵 部 語 漁 何 事,即 漁 甘 「滴 之石 年 以 輟 洋 亦因 亦正 輒 Щ 露 洋七言古詩 復 耕》及 之滴 漁 瀝助毫端」、「揮 未 以 相易 1明矣。 人 洋誤 其 [此龍 詳 切此 彼 今又十五 京 絶 之石 考米氏 石 水言之,非 漁洋所稱 師 牽合甘 句云「青峭 高 傅 池 所 Ó 洞寶 會 下 並 謂 則 -六峰 深 此 原 年 露寺易屋 不 研 可笑也 有 皆 淚 石 水 灑 指 言 不 Ш 二石 滴 數 而 出 致令 確是 石 而 其 知 又 一妙言 蟾 云 中 非 尚 爲 爲 耳 蜍 後 所 此 用 偶 基 蘇

垞 至 絶 漫 先 江 不 牛 且 舅 do 漁 精 審 洋 於 則 或 考 m 是竹垞 據 偶 其 其家 然 詩 失 亦云「以 亦 考,尚 世 不 相 知 不 米 傳 之 氏 易 之 足怪,而 奇 有二 園 竹 何

作

本

而

可

王

若 不 相 非 符 今日 合 予 而 疑 爲 爲 剖 僞 析 者 明 白 則 心 將 有 因 諸 書

時

乃借 一、朱諸 枝」。 以 分 爲 快賞於九霞空洞 圖 同 同 天。」後有岳倦 抱,奩書客 釋然 别 爲 此 硯 予又 在 以 客竟有執諸 米 觀者 石 蘇 Ш 補 前輩 則是 當 弗 老齋中奇物,又 至 米 仲 丽 見 惑 也。 齋 蘇米齋,爲之考 圭 之遺韻。 彼 不 此 米 矣。 之蹟 中 傳。 研 石 翁 老 昨 相 書之語 而 然此石 Щ 中 費 硯 H 伴 北 又邀諸 非 不 耳 ,云「壺 山 十月。 觀 米 此 窻 得 詩 於 與《 石,是 老 多 雖 名 而 帖 兩 乾 異 有 辨 疑 爲 一嶺九 君爲詩 海 非 予爲 云 峰 隆 氣 知 甘 如 其 山 岳 : 觀 Ш 庚 贋者 此, 露 硯 庵 華 當 覓 音 硯 戌 Œ Ш 所易, 圖 尤 秋 亦 以 兩 庵 亦 誉 對 硯 踵 峰 子 浄 寓 所 可

舍

當

但

其

原

而

未入

其

八流者

也

以

孟

子

所

孟子以墨與楊

並論,則孟子所見

必

非

過此更左則轉側也,其前方折,其背圓轉。月二十五日。研山横逕七寸八分,蓋自右而左止此,

書 墨 子

更,則 之」,其 其 所 氏 更,是以兼 承流 謂 流 蓋 非禮,推兼愛之意 之守,茅屋采椽,是以貴儉。 《漢 之 不 M 本於劉歆《七略》之文也。 非言其流 郇 流 者 别 書·藝文志 親 墨翟耶? 邪? 出於茅屋采椽,出於養三老 者 愛。及蔽者爲之,見儉之 疏 邪 者即其流 ? 也、言其原也。 抑後來 《漢志》 》:「墨家者流蓋 抑墨翟之徒耶? 而 不知别親 所傳墨子之學,又 所云「蔽者 然則墨子之學 言其原,則 此言 養三 疏。 出 此 利 一於清 老 五. 家 班 因

> 《墨子》撰序,自言能治《墨子》,且敢言 教之罪人又無 子之言「兼愛無父」爲誣墨子。 則又無 若自成一家之言,而究與聖賢之道大異, 已是墨之 人之徒又無疑 有其刻本也。 孟子》而 而 (梓墨子之書,予舊嘗見其書,而 始 尚治《墨子》之書者,其自外 極 見 也。近日江南省有翰林 獘,則《七略 其 疑 也。 蔽 有生員汪 也 又無 雖其書今尚存,觀之亦 疑 シ所 也。 中者,則公 謂 今之學 蔽者 此 則 孫 又名 星 於 不 非 孟

能答,因銜之,言於學使者,欲 子》之言,則當時褫其生員衣頂,固法所 女子之嫁,往送之門」是 汪中者昔 吾嘗笑蔣之不學 昔翰林 也 蔣 嘗 其 士銓掌 與 所 (予論 撰 他條亦尚 也,今見汪中治《 教 金 何門爲問。 於 石 揚 1,頗該 州,汪 置 無甚大舛 汪中 中 蔣 劣 官 不

圃

存

儒墨並 夷之」。 乎。 所 當褫革, 以孟門弟子尚許之,尚惜之,書曰 然而 今姑 若汪 而以墨爲佛家,恐亦未得其實耳 第 夷之憮 以 稱 中,豈其 此 日 準折 「墨者 然 以後則已身嚮 焉 能 汪 當此 不 中」,庶 名之 稱 哉 日 得 正 生 其平 一學矣, 韓子以 墨者 也

息廬題辭

當合觀也。 息、君子自强不息 踵息即生也 居息、燕息,即 息。」《學記 蓋 息心銘》,但舉其 Ĕ. 有 顧 南 歸 雅 志 繒 不息, ,是以「貞下起元」也。 侍 焉 晦 滋息之息也。 讀 「息焉遊 以「息」 燕息。」《詩 夫「息」非 乃滋息 則 義 以 耳 息爲 焉。」此其 名 也。 廬 南雅 止息者, 至人之息,以 Ě 止 昔張 屬 息 才富 題 義一也, 至 樗 燕 之 其 寮 此 誠 而 氣 IE. 無

> 之,斯 醇 當 廬 必 也 有 ,乃真愛吾廬 得 於此 竊 願 静 而 會 之, 固

兕觥雑

竹垞 記。 國 杖 公以之遺 神羊 分書 難 謪 分 八黄端 ·詩者,謂同 時 書 愐 明 常常 贋 事 朱 贈 余, 角詎 國 者 弟子 熟趙 竹 也 伯,黄傳門人 銘 朝錢塘章息廬吉士記云: 矣。 陳 垞 敢 有 壻 文 櫝 萬 《兕觥 時 雙, 毅 也 刻篆云「三忠口 曆 諫 何、章二家皆有 所 五 流傳既 吾公趙 歌 謹 藏 年, 》爲 受 陳潛夫,兩賢 完觥, 文毅劾 而 久 何 公似 藏之。 歸 少 上有許 卿 [澤], 。」近 婁 張 此 江 賦 「趙 江 皆 云 其 文 注 殉 旁

進 方 綱 土 按 康熙 何蕤音 七 年由 元英, 户 部 秀水 郎 中授御史, 順順 治

國。 之後又不知幾許 者,特陳潛夫之後裔,而 所賜 其 補 疑者矣。 外姑畀余,一云婦 别序》云:「黄海岸先生義 斯在。」而其《送傅座主歸 先賢贈友,衣鉢 師 Ė 鴻 友相 陳元倩 今致《息 臚 雖 章息 小 生而 章息廬 卿。 承 廬 ,既死而名留犀 先生出偕妻妾,攜手沉淵 命等鴻毛。」詳此 藻 竹 集》中有《藏兇 非誣。 以 功 垞 流傳,而歸於今顏氏。 翁所賜,是其 此 賦 觥贈 此 熙四十二年選 詩, 即外姑畀予 非即潜夫之壻 西川 重君 西川 角 在 康 兼以兕觥 二篇,一 臣,捐 觥記》云 傅公,傅 八所稱 熙 此乃婦 + *, 桮 婦 艑 庶 六 棬 吉 無 翁 云 翁 殉 年 彼

合前後諸公詩文情事,綜而計之,蓋

無明文可考,然息廬《跋傅座主雪堂詩集》

一十七年,上距竹垞爲何蕤音賦詩

! 時又

四

「戊戌

春殘,恭迎馬帳。」戊戌,是康

配

餘年矣。

氏,並 江張氏 於册 曲 之句,特亦渾 何家 黄、陳付授以後,百餘年間,是觥 川 陳氏之子孫,乃又歸 有 具述歲月,惡可疑也。 具載於諸公詩文耳。 又四十餘 趙文毅杖謫 聞,遂至判 大致如此。 阜 復歸於陳之 夫 文 傅氏,傅氏之後 ,息廬記猶云曾在黄、陳家 既 毅 顔衡齋拓其文來屬題,故爲録竹垞詩 不 而 了又歸 殉 傳 系以 同 難 之黄 年,中間付受之緒,特未 時。 然若二物者。 時六十年, 後 則是觥之在何 鄙作焉 於秀水 溯之詞, 又三十餘年, 事,故爲之考辨 端 而朱、章兩家詩 伯,黄端 不知 何氏。 於章氏,章氏 而予覈計之,中間必 竹垞詩 竹垞 而 何年轉 其實 何少卿 伯 詩「流傳既久」 至其 丽 氏 猶 傳 是 其概 之陳 黄、 ,二集皆 云曾在張 文各 與 後 下 往 顔 觥 其 能一 距 陳 來 氏 以 復 轉 如此 潛 在 紀 息 蹤 車 廬 所 章 跡 於 西 由

二五七

記清流關

計 蘆 周 流 甫 水 流 在 而 聞 徑抵 暉 子 \pm 關 顯 滁 關 提 乳 明 郊 德 變 方 州 也 明 人滁 孤 與 清《 城下 浮 日 隆 西 周 公前 不 軍 一年,唐 太祖 帳 早 南 顧 主 西 揮 州 鋒 測 亥 飯 祖 中 乘 命 暉 戰 磵 塵 師 + 七 及 驛 禹《方輿 月 欲 等出 趙 將 後 之多 燕 人 月二 於河梁,一 匡 里, 南 夜銜 斷 王 皇 録 自 勞 胤引兵出 珠 橋 戰 胤 甫 》云:「太 南 寡 將 北 龍 自守。 枚取 暉 襲 唐 紀要》云: 士 擒之, 九 橋 之, 等自定 置 日 道 其 養 直 歸 橋 劍 Ш 暉 愛 鋭 擣 於 祖 匡 遂 於 之 揮 後, 等 馬 清 胤 郡 待 用 克 遠 此 東 滁 千 陳 治 流 趙 麾 戰 滁 暉 退 清 南 之 人 里 於 大 韓 州 等 屯 兵 流 則 五 涉 代 側 王 大 Ш

> 降。 破 之擒 實 爲 屬 俱 句 豐樂亭記 擒 0 南 墜 也 水暉、 暉 近 唐 暉 自 橋 時 此 兵之全局 下 鳳 詩 盡 鳳 》,升 於 暉 自 取 人 就 關下 淮 如 在 擒 高 就 南之 之所 滁 朱 , 擒 則 州 錫 此 望 地 在 東 鬯 誤 清 姚 門 清 義 讀 流 鳳 查 據 外 歐文而 流 雖 之 夏 此 貫 關 關 其 而 重輩 而文 其 則 衆 句, 歐 失 宋 U 解 各 其 概 與 陽 周 太 甲 F 以 相 祖 事 師

《志》又云「宋太祖 載: 非 山 流 讀 在 歐 親 不 滁 人 於 至其 得 方 記 之 大柳 清 輿 滁 云 而 西 流 驛 地 誤 紀 泂 在 關 北 不不 此 要》 也 東 西 在州西 無 南 南 可 關 疑。 亦 清 距 明矣。 臆 所 云 生擒 流 滁 北二十 斷 由 當 尚 Ш 也 名 Ш 以《 暉 六 信 在 名 也 + Ŧi. 平 州 鳳 江 里, 清 |里| 爲 其 於此」, 西 南 流 北 Щ 則 通 地 河 據 清 出 亦 而 曰 流 **>** 歸 關 因 所 關 加

同學二首贈魚門别

言之, 有人謂 云規 南 二篇所言,則吾二人無不同者矣。 人不欺其素而已。 也。 思所 子 因 吾 與 舉平日 以 魚門 二人别後 顧以予與魚門交甚深,無令他 贈 交 吾魚門者,當於所 所 一十三年, 欲言者爲文二首 此始爲 異説 而 也。 魚 同 門 亦見 學 假 蓋 舍 非 之 歸 吾 此 H 敢 江

過 耶 出 位,聖人固 空之,則無是理也。夫 乘 半矣。 自 承、陽位、陰位、互卦、變卦 明言之,安有可以 綿 後儒乎? 魚門 莊之《易》,予未 且剛柔之應,上下之應,聖 又謂:近時 自言之, 豈若言《春秋》之例 故 日知者觀 爲漢學者,曰 雜 僧見 後人 物 其象 撰德, 之類 也。 傅 會 然 爲 不 同 比 舉 功 疑 知 則 又 思 異 者 M

> 又可 從數 無 以 ,别觀耶 見之。 知 來 ? 此 此 當 或 者 云 之偏 不 知 數 辭 無 耳 以 易》之理正 明 理 也

厚耳。 道性 知當 則 朱 言許之。 不 和平 而 미 孰 情 起 議 今日言 取 可 有 ,讀查詩 則有餘,遽言駕之則未也。 新 謂 幾 也 城 矣。 東 也。 詩, 坡 初白 則機 不可 以 E 若海 聖 之妙 開 仿 門 其 械 寧 效 流 則 學詩之道言之,未 日 查氏之詩,繼 新 獘者,慎勿以 至矣,但惜未深 出 城 矣; 明矣, 讀王詩 且詩以 然亦 知

同學一首贈顧南雅使滇南

吴穀 莊《易》、《春秋》之學,穀人則專 翰 南 林 前 歸,皆有此作。 後 輩 以 同 學 稱,予 魚門 則爲其家綿 於 論 程 詩。 魚

復 初

惟 代 既 雅 落 悉力於 數 專力古人 芷 文彦,屈 以 也 南 亭,吾門人 劉 實 人而 子 灣 試 雅 美 人惟 在 此 優等 , 南雅骨高 初 惓 耳。 使,亦效 己。 指 在 獲 者 而 之時 晉秩矣,宜及 顧、宋、洪、吴、劉, 京 適 與 芷 灣 然 專 也。 師。 有遠行 俱, 更 力於 尚 此 而 少介亭。 才力之富 氣定, 憾南雅不 前數年 作 吾衰老,更 予送樂 詩, 者 北 「, 兼 此 而 能 地送昌 間 暇 蓮 度 到 所恃 爲 時 能專 裳詩 日, 來 越諸 今皆南去, 古 洪 誰 尚 吾 人者也 畏 介 力於 語 有 與 穀 友 述 亭 子 所 吴 介 所 也 欲 落 蘭 謂 亭 而

元 口口 以 就就 來 惟 不 手 是 流 能 其 Ш 以 别 肌 言。 每 E 理 手 自 筋 每 訊 舉 風 對 脉 以 而 騒 客 指 此 衷 漢 説 伸 縷 諸 紙 魏旨 縷 杜 默寫 相 法 1格,下 質, 及 古 耳 心 乎 人 之 覓 匠 樂 逮 蓮 意 宋

者

學士 隱岩 去。 造物忌乎?」書此以 眺 處 佳 諸 皆 時 題 生 各有 ,翰林前輩 壁。 得之,抑 詩 昔放翁 矮几苦思 髓 吾嘗 也。 贈 到 於 謂 杜 也, 時 處 焚 敬 放 敬 子 叔官 香 見 翁 輒 似 叔 默 乃 子 此 如 滇 謂 坐得之? 桂 茗 粤 語,不知是 舟 南學使何 東諸 林 舟 榻 不 車 泊 長 鐫此 吟, 稿 岸 馬 如? 毋 笑 蹟 圖 江 隨 塞 於 111 風 犯 : 里 登 龍 引

學 首送别吴榖 人

同

在翰 之相 知 言 甚 莫 淺 深 林 贈 翰 於予。 林 處 一十餘 前 侍 弗 讀吳君之歸 安也 不 年來, 敢 知其 貌 爲 予之望君 所 詩 王 與 甚 杭 曾之文 切 也 深 劘 予 圃 以 爲詩 將别之贈 也 竊 少 蓋 顔 m 相 君 仲

及道 然樊 於予 之具 者 道 鐵 他 E 史所摭、 覈,途不 無他 リ則 貢 厓 唐 人 詩之韻味又夐絶時流,而 へ榭之 哉 樂 體 園遠甚。 也 之 何 而 知 ? 府 似 城 也,仍於杜未深 同 其實 也 君者 精詣 神趣行之。 夫 杜, 也。 樊榭一 ? 東 以 (與鐵 所記、院畫 目以 今以樊榭之精詣,壹似 與樊榭 樊 詩家之韻 至 乃樊榭 榭 矣, 生精力多 厓 樊 目 較量,已 詩亦豈必學杜、豈 棚 夫鐵厓 君 之 復有文集,以及遼 耳。 味與 逕 所編,勤且 故 不由 日 反若微露 在 一隅之見耳 夫以李、何 攷 露 在元人中不 知君者 南宋, 單 訂 杜, 家之 窘之狀 博矣。 則 單 可 뻾 畫 窘 研 追 心

也 日 鐵 ,不必與杜合而不容不合也。 杜非 厓 如 之神趣,不必 是 貌 丽 似之謂 又 病 其未 也 與杜 0 深於杜者,何 若以 離 樊 榭 吾誰 不 之韻味 得 與? 不 也

勝?

曰 :

樊榭

勝

矣。

傷! 也。 利病 不可 泥。 哉? 真杜 觀鑱 不覺 人言 未著色之始,則得之矣。 獨 杜 與 一,是真 也。 以讀 《語》云:「良工不示人以璞。」此 者,不可以學杜。 是非深徹乎 也。 義 耳,若良工之遇良 跡,發矢 今之讀杜者,鑿求之則妄,執守之則 君應笑而許我否? Ш 杜 要在聽 然而義 杜 Ш (者兼 谷 也 亦非深歷乎宋元以來諸家之 而 三百篇以 之於未 Щ 己。 聽 山 谷以 Ш 弦聲」。 蓋 義 發聲 谷 工,示 Ш 篇 故 逆筆爲學杜, 下變通之故者, 何 日 成之後,渾然 之 當自 此 移宫换 劚 初,求 以 不 間學 傳 Ш 之於 對 之 者 羽 先 杜 是 爲 何

仿同學一首爲樂生别

曰:「分刌量黍尺,浩蕩馳古今。」蓋言詩之樂生蓮裳將之揚州,予爲題扇一詩

迹。」 把金 也。 陵則 然則巧力之外,條理寓焉矣。 觀 鑱 善哉 針線 曰: 夫所 「將軍 迹。 針 遺 在 山 度 一之論 與? 乎 謂 發矢 與 欲 美 仿 人 以 X 介甫之 心。」此 刌 而 中的 細意熨貼平 巧伏人,盤馬 究言之,長言之,又何嘗 日: 二 生 香 黍尺者 以 不欲 Щ 别子 集 序 聽 明 固 爲 繡 弦 肌 言針 「劚石破 關弓故不 出 聲。」而 復 理 從 針 爲 線 滅 尚 君 線 文 盡 也 未 昌 發。」 LI 針 喻 線 贈 不 吾

得 則 與 骨 不 韻 天 肉 玩 近 昔李、何之徒空言格調,至 之合 格調 合,不如求與古 味 匀。」此蓋 而 古 指 微 之日 人之爲要矣。 神 乎艱 韻, 系於骨與 肌 皆無可 理 哉 人離 少 著 肉 智 陵 姜 之間 勇 白 手也 E 俱 : 求 石 漁 與 云:「求 予故 洋 肌 而 審 理 乃 施 平 細

> 予近 得 同 敢 量 與 所 學共之。 語 存 失 魚 古人合 爲序 得毫 手定《復 鴈 就 若 闻 時 寫 獨 近所 通 而 釐 譽 於 載 求 不能 一之界, 卷前 吾老. 以 初 日 與 杜 有緘寄 齋 得 古 不 友陸 韓、 以代序。 者 集 庶 人離 合。 研 不 鎮堂髫年 凡 負 訂 不 TS 而 吾 同 古 黄 寫 江. 不 此 諸 同 學 能 寒 千 意 之 臨 年 家 温 里 不 共 亦 (深,以 之遥, 别 同 欲 几 與 切 皆 館 也 吾 磋 不 諸 自 虚 求

贈 李 蘭 卿 歸 福

博 之正 也 既 踐 典 學。 則 昔虞道 勉 實 用 蓋 今 樸學 其 矣。 袁 蘭 歸 送 卿 攷 閩 閩 里 以 訂 中 後 憲李公, 弱 又於古 即 故 龄 多碩 來 官 趨 告 微 學 職 文詩 以 省 ', 邇 祕省 仲 者 期 於 素 以 其 愿 以 沉 中

懷矣, 綜 恭甫皆尚遲 文譽如 蓋 訓 欲 卿 故 切 爲 陳 吾 日日 磋 一空談 庸更贈言矣。 恭 蘭 植 勿 甫, 行 卿者耶? 北來之期 畔 也。 植學之要,必以 皆 程 時 況於早登甲 時 然竊 今子之歸 來 晨夕晤言,時 兼斯二義也, 吾 有二言: 齋 精研 科, 賞 也, 析 負 經訓 墨卿、 道 庶 譜 時 미 博 鄙 爲

曹别次語留示西江諸生

以

贈

子之南歸

歟

以 通 學、宋學之不 之郵者,又須 矣,專鶩漢學者亦未爲得也。 飯 者,有不 於藴山 理斷之,此漢、宋之可通者也。 九 月 蘇潭之鴻 九 可 日 細 通 同 諸 商 者。 之。 生 愚 雪 以 餞 意 軒 名物 蓋漢、宋之學,有 予 專守宋學者 與習之論 於北 器數爲 至於通 蘭 寺。 諸 案, 彼 漢 固 經 此 宋 非 而 漢 口

> 墨守之 亦舉眉 傳人所 有矣。 詩。 諸 彼 州李氏《易集解》,并及於《書傳會選 經之義 又慎矣。 生既各爲文以贈予,因 加 又不 明 是 時 日,辛敬堂來,予與 是 非 處 州 與 安 ", 吾 肄者、然猶或 行析 他經 且一 日 杜氏《春秋 也,則不 語 從 疑 經之義與某 未 相 而 之 出 既 執 方, 能不 人者,執 其 會義》 輒 不備。 非 兩 即 書此爲諸 强 言諸經,如 經 席 用 以質之。 占人以 語 此 相 其 次 敬堂因 所能 以爲 經 紅蘊 緯 從我 山 則慎 賅 安, 者, 别 然於 舉 某 韻 也。 愚 此

建初銅尺考

東 孔 塘 卿 氏 作 借 記 復 乾 此 隆 於 者 阮 尺,用紫檀木 忧 壬 辰 侍郎齋借此尺,用 夏, 後二十 得 建 年, ·仿作之。 初 予 尺 按 拓 試 本 洋銅仿作 今漢陽葉 曲 即 阜, 孔 於 東

所

東

之

文,

與

東

塘

所

考

周

尺、劉 寄 則 及 新 之,亦無不合。 傷 也。 三篇 此 與《漢書·食貨 東 一篇,亦謂 尺 高 説 較 王氏《硯記》所 初 都 周 贈 視 塘撰《漢 予昔. 同 関 建 六 康 尺 子 予 歆 所 蓋 而 年八 深熙二 訂 義 初 訥 昔 銅 因 繪 行 譌 得 銅 所 漢 以大 古今一 爲記 斛 此 銅尺記》、《周尺考》、《周尺 漢 月十 一十六 家 之文,可 見 泉尺、 尺,悉合。 建 泉 (志))所 得此尺, 此 予門人錢經亭撰《周尺辨》 木 泉五十及建武二年貨 於尺 尺無 初尺 年,曲 建 尺, 五日造」,字在 載未央諸瓦尺寸與此 切尺俱可攷定矣。 尺 司 武 更 載 補 馬 以 側 併 異。 銅 又 爲 尺寸悉合。 有銘云「慮 東 新莽 阜 温 口 尺、 而 準 塘 與 孔 公家 因 以 適 記 式 荀 朱 尚 時貨布度之,] 史志 得 考辨 得 周 載 勗 任 篆 周 旲 東 「埔《律 晉 尺,皆 隷 虒 東 所 又以 尺之概 槎 卿 所 前 之間 塘 銅 云 泉 客 以 與 周 吕 笵 較 鳥 所 其

臬,四 之所傳 尺 荀 姑洗 古器 弱 七 尺 品 銅 本 沖之所傳 曰 其餘 皆具 勗 晉 也 尺 皆 王 建 新 玉律, 莽 泰 即 起 武銅尺、晉前尺皆同 揆校今尺。 尺 銅 則 劉 武 始 時 於 金錯 在 與 志 即 此 尺,其銘 歆 銅 + 劉 銅 二日 × 此 也。 隋 晉 銅 建 尺。 + 尺。 年 歆 望 尺 志 前 斛 初 荀 五 銅 臬, 一小吕 同。」此尺者 新 **%** 尺、 尺 梁 等尺, 銅 勗 斛 姑 所較 曰『晉泰 莽之貨 武《鍾 者 尺, 五. 律 尺 而 洗 隋 玉 「, 則 日 今 微强 古法 律 與 其 志 鉨 所 以 三日 律緯》云 無疑 周 爲 布 第 後 》本之以 始十年,中 斛, 以 新 有七品 尺、 晉 漢 西 勗 即 能 莽 六日 前 等 建 京 图 西 劉 新 時 知 尺, 武 日 歆 望 京 歆 校 尺 貨 此 古 銅 周 臬微 諸 也 銅 祖 建 銅 銅 布 沖 初 祖 斛

附記銅尺考後

哉? 氏《 也。 此 及進而叩之,乃亦不 學,且爲之詩,乃有 爲厭,故其言 寸 則不得不詳說之。 獨斷》,遂真以爲 坤 昔與 真好古之癖耳! 八寸二説並存,重蓋用《 笑曰:「何必以 坤 如 同 此。 賦 專 建 過據許氏《說文》、蔡 周 È 今則以 初 時 周 蓋 銅 八寸爲一尺矣。 以 尺, 坤 寸一 Ŧ 八寸爲尺者。 此 制 考示 每 詩 》鄭 以 説 以 諸 考 周 注 同

爲尺。 此 以 語 十寸爲 月爲 甚 蔡氏《獨斷》曰: 明 周以十有 白 尺。 正 者, 何可 殷以十有二月爲正,以九寸 即 一月爲 誤 今建寅孟 會 夏以 也 E ? 十有三月爲正 春正 以 夫所謂夏以 八寸爲尺。」 月 也 試

古器, 年, 惟《 造木 歆、荀勗之所作也。 里 易,爲信 紙 者往往依仿作之,而皆有微差。 乎 雖 以 定周官分田 斷 册 已哉 所 1 殊 定 黍,或以 漢 而 一蓋建 藏 周尺,沈冠雲乃據秦熺家 未 輕 尺者,每 而均不能 裨益 始得 志 原尺 谷 與 重 而 > I慨然曰 桂 謂 與 指, 東 미 初銅尺在 往 絲髮 未 裝 制禄之法,然歟? 銅 傳 傳,傳 卿葉子更選洋 有强弱 潢 無 或 之 耳。 不差。 失。 以錢,或以 厚薄,皆勢 至 顔 許祭酒、鄭 諸 一精,不 建初至今千 贵 曲 分毫之失,豈 即如今之依建 齋 藝林,洵 僅 阜已久,近時 有 共 以資博物、 爲 此 밂 所 銅爲之, 蠶絲馬 寒暑 乃得以 **歎識** 所 司 不能 即 足 攷 古 四四 農 集 燥 以 百 以 尚 所 古 齊 尾, 其 嗜 攷 較 濕 拓 初 者 廣 \equiv 今 不 也 定 + 易 图 闕 變 本 古 尺 或 法 以 能

●「八寸」,原誤作「八分」。依《復初齋詩集•漢建初銅尺

《王制》 耳。 言周 問 後來 之尺爲 爲 尺之説 後 諸聖言 上 由 取 劉歆等典領條奏,言之最詳, 後王之法,日 曆》之文也 所 康成 周尺也。 來 正 今之孟 制》鄭注 傳 《説文》云:「咫,八寸,周 何 元 義 時尺,其長僅 謂 》鄭 始中通 即 時 説 上溯六 著 八寸之尺,則何 ,審法度以立則也。 九寸爲尺、八 注 悮 或 春 於 而 鄭亦 所謂 班氏《 因 曰:「周制、未之聞 有紛歧,所以謂之「審」也 E 篇。」 謹 其説 月, 周 知 國時之變亂法度,由班 權 不能詳言其 鐘 尺 一六國 此所謂 律 미 量,審法 如此 日 短於前尺,致有八 律諸人之異辭,故必 名之曰 曆 寸爲尺者, . 時變亂 「周衰官失,孔子陳 志 庸定 耳,非果 删 》,即劉 度。 若改殷人 時 審乎? 故删其僞 僞 尺 也 其 法度」者也。 有 至元始中, 辭」者,即 也 即 人 以八寸名 歆《三 矣。 同 而 月 八寸爲 九 班 孟 正 亦 斯 平 衷 故 其 寸 堅 統 是 以 ?

以

斷 切

大體言之, 分爲寸,十寸爲尺,十尺爲丈,十丈爲 置 中諸 ※律 八寸爲一 所 五 焉 謂 度 存九寸、八寸之説,是則約撮其尺樣 曆 勿問 一周 審矣。」此 家之説 志 ,而非果謂殷以九寸爲一尺、周 衰官失」,所謂「六國 \approx 尺也 可矣。 既 删 推 而 則 許 本 正 審之詳義,審之正 之,故其《志》曰 周 氏《説文》、蔡氏 初 審 法 度, 變亂」, 又 元

前

而

爲尺。 定矣, 無 載 泉刀貨幣尺寸。《 即 脗合者,皆是以十寸爲 而奚可 即 以今得建初 劉 歆銅 誤會許 解尺, 泉志》 銅 、蔡之説 尺準之,凡《漢 即 周 所 以 尺, 尺,皆可 載 亂之哉 泉 非 笵尺寸, 以 志 得 4

興 李 氏 三忠 事 踖

昔 與 宜 興 李 蕷 圃 先 世, 時 共論文於吾

所 惟 然三君子者,當 爲之傳 勒 等 任,死於靈 察御史廷實公頎,以 弟,先後抗 羅 忠 又 節 里 欲 欲 司 洲 事 四 者 張 也 就 死,有自 ·蹟》來示 撫 + 數 晴 即 者 其 武 餘 人 溪 先 此志事 昔 猶 心所安而 舟公用 () 欲共 年, 吏部 拒王 牛 Ш 聖人論 以未 小則明 作絶命詞,今安 勞 成 而 也 一師死。 事 筆 仁 氏 先生之子 楫、❶監 不 得 貢 處」者也。 之,惜未 己。 兵 斷 晴 可爲之際,奮 並 池。 謀 殷之仁人,不曰 部侍郎、肇高 其大父行 溪 邀贈 誅 其名垂 軍 言 監 廣 孫 ·道 得 蕷 即,三致 來以 軍 侍 隆北關 可望 我 其 圃 一於後 死 郎 詳 貽 先 江 於德 所 死 與吳 公 隻身赴 西道 雷 世 也 輯 世 不 慨 有 忠 來 有 廉 ^ 顧, 監 兄 而 瓊 今 殉

> 其 其 徒 讀 不 死 、卷尾。 他 妹 遂 事 步 萬 蹟 適。 幼 棄 字 九 家 不 T 附 Ţ 長 敢 氏 里 效 往 於後 既 屢 題 莫 瀕 者 而 知 皆 於 道 飾 所 死 可 梗 以 終。 不不 竟 傳也。 藻 詗 得 獲 Щ 依 父柩 予既 用 歸 摭 楫 以 子 實 矢 得 備 志 焆

像 子 慶來爲侍郎玄孫, 生三 成歲 時 出 證 其 其 ,合諸 同 友 凌 異 御 以 家 史 表 傳、 (駧守 之。 地 睢 又 其 州

族

其

「用楫」。原誤作「用櫛」。依《明季南略》及後文

二六七

復初齋文集卷第十六

日

依

經附義,

非

盡 解

後

人文義概之者,

×,

其

中 有 因

杜 可

圃 以

反

滋

疑者,

亦有

又在乎善讀經傳者

知所體會焉爾

門 人 侯官李彦章校 大 興 八翁方綱 刊 撰

跋 左 傳 補 注

澤,而 也。 若 《春秋》之功,●尤深於《 賴 注,蓋於經傳所繫皆極斟 後來補注者專以釋左氏 本,尚有闕 此 陳 東山 右趙 所引得以粗具其概耳。 止齋《左傳 亦參用啖、趙、陸、葉諸 東 治《春秋》,其取益 脱,●當訪求舊本補之。 Ш 一一一一 章旨》之書,久湮不傳,惟 注 左氏 文 酌 》十卷,通志堂 旬 出 蓋 典 傳》,此 惟是左氏 家之説。 之,❸非僅 本 訓 於黄 之爲 東 所 氏 若 至 功 補 Ш 板

秋 師説後

條,其果皆有當於聖人歟? 《師説》三卷,其 筆 經,既博且勤, 以行權之義也。 之大體 該治經之大凡矣。東山之書本於師承,則 「《易》巽以行權」,則即 削爲行權,行權云者,出於《師 趙 東山於《春秋》深矣,其一曰存策書 ,其二曰假 則前古所未有 本 東山《屬 筆削 也。 東山《 黄楚 以 辭 行權。 屬辭》假 望 其精 排 也。 氏 説 比 是二者, 之言 》,則 然其 於 數 治 是 削 百

- 0 尚有」之上。稿本有
- 0 「春秋之功」,稿本作「選於春秋」。

「經傳所繫」,稿本作「經傳關鍵所繫」。

口 不

宜

注

足以 權 Ш 之言權 也; 之言「行權」而疑之? 孟子自當云事。 面 有類於公羊氏之云耶? 而 然則孟子之言事者,懼義之正文也。 面之權」「權」字爲可疑, 「《春秋》,天子之事」「事」字亦 權」字,豈亦有可 於筆 於《 即 之權」,「權」字實本 H 稱之也 一則言天子之事,根上「懼」字言之也。 朱子注《孟 公羊》云「則某有罪」句辨之審矣。 則言其義,對上其事、其文言之 動,此筆削條間 其 削條目,特以「行權」著之,則豈非 ,則微偏於罪我一邊言之矣。 義竊取」之謂 然則 子》,固 朱子自當云權,此事、此 疑歟? 何獨於黄楚望、趙東 可不必云行權也。 也、非言事、言權 於此。 日二百 夫孟子之言《春 則豈將 吾所以竊 若謂朱子注 有可 然 謂 四 孟子 則 疑 疑 + 朱注 朱 年 東 耶 「南 ? 不 注 Ш 南

> 非謂異 其訓 以行權 引《易》「巽以 亦有《易》解,未知其於巽義若何也。 所謂 之義 山《屬辭》以筆削爲行權者,作「權宜」之 可乎? 爲順者,孫順之孫耳。若楚望謂 抑 ,則是「危行言孫」之「孫」矣。 權之爲言者,有權 順以行之也。 「南面之權」,權柄之權 斯二義雖互通 且《易·繫辭傳》「巽以行權」, 行權」,權宜 巽,人也;巽,具也。 ,然自是一 之權 柄 之義, 也 也 義 又有 又未 黄 楚 望 知 朱

東

陳芳林校定春秋經傳集解後

俾 馳 士 同 校 書報予曰:「中 胥鈔之,以是 一文者。苦無拓本,子有之,盍以參驗 譬之力最深,既於是書貫串弗遺矣, 吴人陳芳林校定《春秋傳》六卷,予賞 正於同年弓父盧學士。學 有開 成石 經 作 某,而上下

則鈔 諸 也 陳 「月」總 督」者,「目」作「日」也,「壻」作「臂」者, 所 瓦 育之又 「楹 謂 若 予 承 干 「舍」,石 乃 」作「楹」者,中加「丿」也" 而 條 摘 失 加 是 也 鱪 書之引唐 僮 經作「舎」者,「干」作「士」 也。 展 碑 今其寫本上下皆同, 於 石 壁 經 而 而上 審 觀 「督」作 下 焉 文

之責 盼、 爲 平石 其 也 也 於經,吾 且 一、若 此 其 篆 必 13 眄 焉 盭 邪 六 經 者 皆在 頴、潁,舀、臽,氏、氐之勿可 之不可 於誼 也。 書之依 且弗六 吾以爲凡 ? 然後 雖 殫 所必争者也。 且 將 而害於經 二君子所 混 心 可 焉 書 以 也。 也,若支、支、文之弗可 罷精以争之可也。 若 是 之依,而責唐之開 則必胥十三經之文而 爲 此 以 隷 者,非 依六書乎? 也。 固 必 今以唐人歐、虞 已乖 六書之是争者, 荷盭於誼 君子之所 矣, 以遷 則 成 若盻、 則 而 何 邪 漢 必 害 就 假 楷 用

> 足矣。 其 其 祐 如 砖 以 如 經,①幾 也,「哲」則 中 此 用 石 其 焉 來 力 經 己 亦 相 全在 第一 若必其 也。 於 尚 沿 有 以 行 筆 一「酢」 哲」也。 開 凡所爲 未盡準於是者。 楷 正 迹 化楷 成之石,故約舉其不必然者 之,況 益 之無 經 則 不足言矣。 生 校 《書·洪範》: 實 大 定 書 醋也, 手 不 戾 經 無 於 傳 勝 者 其 不 治 六 「晢,時燠若。」然 至於紹 陳 書 然 校其 IE 「, 則 之, 矣, 氏 則 此 宋 則 而 矻

跋張惠言儀禮圖二首

儀 《易》、《 徵 阮 武 進 禮》,所著《周 中 張皋文編 水 鋟 諸 木。 脩 易 惠 虞氏 言《儀 且 言 義》、《虞氏 編 禮 脩 圖 尤 六 深 卷, 於

疑,因 息》及 其改楊信 敬堂駮其不當合明堂、路寢爲 爲今之專己自是者下砭矣,亦與予初讀 之意可相 示, 予讀之,謂 與 此 萬 圖,皆刊 證 齋夾室之説 載辛生敬堂 巾 其 行 斷 之。 制 未安。敬堂之説, 商 過 徐星伯庶 訂 於自信,不能 一事。又謂 閱數月矣 常 持 時 足 闕 以

治《禮 又所 古 附 證 改定,處處 方並投。 纂言而 人 補 某 其 謂《周 愚嘗服 概 堂 經 一二條,不則寧闕之未爲害也。 經》已粗具其端,其或實有所 階 ,遂執爲定 不纂禮」之説 此真治《禮經》之通患,愚是以 目 易虞氏 畫 項平庵,謂説《禮》家取某 擊其儀 ,以申爲一己之説,儼若 義》者,亦因此書可以 説 者, ,猶醫家 也。 此必不能之事也 楊信 攻 齋之圖 補 止 據, 瀉 經 欲 偶 以 略 有 諸 於

近人或嗜高談漢學,尚有謂惠棟《易

謂是 總 明堂大道 以 述》未竟 氏之妄,欲删 章之圖 下四十六字及《説卦》「乾,健也」以下 後 師 而 愚實不知其意奚取爾! 之録,張惠言因攷 所益 欲 去《繋辭 補之者,充 者矣。 傳》「富有之謂大業」 惠棟因 其 外弊 1 必 解《易》 禮 至於 M 繪 而 效 惠 撰 陽

之路寢 比矣。 矣。 也。 盧氏 日 實 而未 何 氏 以 有 言路寢 得自 析 若果 必 盧辯注此 處《大戴禮 即 或云:鄭氏 也, 有 鄭 豈《大戴記》不足信乎? 氏 見 師 大抵 明 亦 謂 於路寢非即明堂,而 承 堂 此 爲 句下云「路寢亦爲 足以補 唐以前諸家 則非 「明 即 記 此 言「明堂 堂路 路 制, 》「明堂」條内 注 寢 語言「 則 寢 此 經傳 與路寢同 皆 同制」,此 注釋之言,其 必不下 者 同」言「亦」 家 云「此天子 亦 此 後 語 此 制一, 愚應之 制 有 爲 語 也 注 此 亦 盧 中 渾

七二

有 得 别 處 乎? 所據者一一 者。 如此分别, 惜古 今則 所 出 人不能 舉其 以示後 例讀之,惡知其某條 者 ; 來 亦 如 人,則何庸 處 有 後 就 無所 文 (之詳 演 據者附 歧惑矣。 記 得 揣 以 若 於 測 其 某 m

説。 異,偶有未能剖定之處,或於治經要義 惟《説卦傳》,八卦方位 大害耳 》、《禮》 此則其 居今日而 並 有關要義者,其餘一二名物 舉,請即以《易》爲喻 從經傳 中擇所從 ,●必無先天 違,則此序 方位 《易》 尚 同 >

害於 漢學者 有 顧 説 謂 其 書此跋時,一 實 也。 其 而 日: 悖 有 同 而 於 所 凡 異 「名物象數,治經 可 所 兩 事 據 者 俱 爲學者, 者 無辨乎?」 友來見。 通者 則不 則不 則 窮 可 可 子 其 經 可 不 無 應之 以致 人蓋 以 辨 辨 所 無 急也 其 日 專力 其 用 鱪 會 而

> 天上 安; 義》篇。 於《周 者, 若 類,得 辨。 也 行者,況乎鄭氏 於《祭義》首節文義有違。 分合也。 其 有 所 由 有 則 於義理未安者 關甚 帝 金榜者,撰《禮箋》,傅會演説,分昊 如《易》 疑 專 如《 所 官 其 如鄭氏 於文義 之所 執 爲二 關 禮 大旨 •大司樂》之文無所 漢 詳具於《禮記•仲尼燕居 一鉅,而 係 $\stackrel{\sim}{=}$ 學者固 一,此其 致 田 而 必以禘爲祭天, 而 》響有· 有違者, 也 又從 獲 原 闕 實不能 其 三品」,經 委 爲害於 即即 滯 九有 故 而 細 難 是 即 爲 目, 尋 家之言,而 四,經 執 窮 於義 是 六天之説 者 義 詳具於《禮記·祭 經以 何 於 》篇。 不 理 證 核其 家 害 有 義 析 則 不 致用· 者匪 據, 乎? 以 所 析 理 言 可 深 不甘 有 不 面 某 以 近 既 口 未 轉 致 此 其 無

稿本有「當 定論」。

之言以 荷措 諸 爲 實 古説 事 加 不 其 口 不爲 施 行 邪 而 説 必 畔道不 泥 執一家

跋蜀石經殘本

口

戒

諸

行,行或十四字,或十五字,字視開 碰 差小,字體亦略近之。「伯有之亂」句注誤 本寄示 一字,餘 吴郡陳 無 一芳林 是昭公二年傳,凡三十 異 以 所 藏 蜀 石 經 左氏 成成石 有 本 \overline{H}

諸 孫 臣 秋 一傳,畢工於皇祐元年己丑九月望 樞 長 州 左氏傳》三十卷,蜀鐫至十七卷止。 密直 卿 水 曾宏父《石刻鋪敍》云:「益郡石經《 存 轉 學士京 運 《穀 愈皆 使 曹頴叔、 兆郡開國侯田 錐 銜 田 於 況 石。 所 提點益州 刻。二又云: 《成都志》又 況、益州 路刑 日。 凡 春 獄 路 帥

尤 十三 卷,人 傳,則皇祐元年訖 況 僭 唐 刻補附 何 而 書志》云:「蜀石經《左氏傳》三十卷,不缺 田 傳》十七卷,已前 矣。通蜀 經之《左傳》亦宋 二卷,方是宋人補刻,不得因 二禩。成之若是 況 詩 位 人 可 乎?」按此條,則《左傳》刊石於唐蜀時, 缺 諱及國 書 證 後刊石。 卷成於人宋之日耳。 刻,則《左傳》是蜀 『恒』字,知刊在真宗 八宋所鐫也。 也。 也。 書》、 廣政元年肇始之日,凡 朝諱 觀其字畫,亦必蜀 即以《成都志》目《公》、《穀》 晁《志》又云:《左氏傳》不誌 三禮 穀 而 補 然是 蜀所鐫。 其 不不 梁 缺『祥』字,當是 工,宋有 也。 製 傳》不缺 書 也!」按此,則《左 原 至宋始畢工,非 又晁公武《郡 歲 以後。意者其 刻 至於《孟子》 十八卷至三十 天 月 無疑,第其後 唐諱、蜀 此 下 人所書也。」 ៣ 九 一百一十 春 調蜀 十九 孟 秋 知祥 田 爲

時 工 祐 至 又 耳 一皇祐 畢二云云。」然則三傳之畢工, 晁 元 ·,非《左傳》恰畢工於皇祐也 年歲 氏 初 讀 方 次己丑九月辛卯 書 畢, 附 志》云: 故《公羊傳》後書『大 孟 蜀 朔十五 石 經 直至 日 惟 宋 皇 Z 祐 E 皇 傳

得遂。 於 裝 矣 於 字,何止球 經訓甚大,宜造物 後 册 蘆 1 滴 而 墟 第拓本絶少,其在今日,真虬 芳林精攷内 系 今按試 沈 自 以 杭 剛 璧視之 詩。 寄 中氏,凡 來 南 昌, 外傳,既著有成書, 以神物畀之。 郵 耶 六 以 而芳林假守吴城, 1 紙、渴 見 予昔聞 示,爰爲記 思 雖寥 芳林得 見 甲 寥 爲 其 而 鳳 其 概 未 此 殘 功 毛

跋嘉祐石經殘本

成。 凡 宋國 九 經、爲篆、楷二體 子 監 石 宗 書。 嘉 祐 其篆,章 六 年 篆 友 刻

> 姪 右 以 黄河,惟此 真 亦 直 在 佚目之,未盡 、篆二體 楊 唐 屯 南 開 衛 仲、 成 大 數 石經之上。 則 將 胡 幅 恢手 南 軍 然 僅 克繼 仲亦作楷 也。 存。 蹟 也 0 朱竹垞《經義攷》概 ^ 玉 又云楊南 上海》載 楷 矣。 用 虞 石皆沈 永 仲 書 興 書 |人皇 於

文》: 此。 切。 由 相 爲「醬醋」之「醋」,徐氏校《説文》時已如 俗誤以 也」,鄭氏注云「昨,讀 酢, 沿 作「酢」矣。 然陸 才洛 《周禮·春官·司尊彝》 取諸經之字一一核證 酢,酸也。 「醋,客酌主人也。 「酢」爲「酬酢」之「酢」, 元 反」。 朗在 此石 从西,乍聲。 唐 惜嘉 初, 經 爲 鄭康 祐 酢 篆作 从酉, 昔聲。 之耳。 石 」,陸氏《釋文》 〉「諸臣 成 經 又誤 倉故切。」今 皆 在 醋」。 漢 不存 之所昨 以 末, 在 説

^{) 「}相沿」下,稿本有「訛」字。

跋宋石經檀弓

而《玉 宋 得虞永興筆意矣。 所自爲也。 篇》「於野」、「於寢」、「於門」,「於」皆篆 所昨」, 篆作 皆十字。 此一石凡六層,層幾行不可計,每行篆 衡 嘉祐石經篆書多出章友直、胡 下層「曾子弔於負夏」節「從 「鳥」。 言 嘉 於大 今就見存者,若《周禮·春官》「諸 祐 嘉 此則 海》以宋石 「投其 慶 石 上層「曾子曰小 經《檀 吏,移置 1 誤矣。 卯, 而 「醋」,頗爲不苟。 杖」、「問 其正書,亦不比《周官》 河 弓》一石。 經七十五卷皆屬 此 南 開 朱竹垞《經義攷》於 卷 汴梁 封 必 其疾」,「其」 學官。 非章、楊、胡 功 城 者 縣 不 内 丞陽 恢 佛 日 税」節起,至 而此《 石 公楊南 寺 禮與」止。 已 楊 湖 碑 極 皆 ĬĒ. 諸 檀 南 臣 孫 陰 仲 嘉 作 作 之 仲 楷 弓 星 得 臣

> 冀他日尚有似此《檀弓》一石續出者, 也。 祐 此以竢之。● 隷 石 若 經 - 》,略 使 概 此 言 品 諸 已 分某 佚, 經篆楷 經筆 是 不 具在 迹,以 知 今 广, 亦 尚 資 當 (致訂 存 如 此 謹 洪 殘 氏 或 石

跋大中祥符泰山碑

天下, 二聖功 正用《大雅》「下武 **武王** 尊賢尚 哲 右宋大中祥符元年登泰 皆以 武 維 載 德之銘。 維 商 德,下武 斾 有 周,世有哲王」,其義一也。 征 長發其祥」。 誅 虔 得之。 真 後 秉 維周」 刑。 (宗御 鉞 商 語 此句「下武」字, 撰 加 至 人大禘之 也。 一於《周 御 其 Ш 書,中 篇首, 謝天書,述 蓋 商 雅》,則 冠 詩 周 有 之 云 以 E

● 文末,稿本有「嘉慶十三年夏六月十日」。

鄭之徒,以武訓繼,失其義矣。 鋪 祥 丽 周 武 己, 也 功 乃 щi 是 日 己 即 周 不 偃 贵尚 特 武 如 脩 武 文之謂 商 者 哉 頌 ? **>** 下 濬

足 惟 北 語 莫 宋 有 以 成 能致 時 王 足 伯 慨 毛、 自 與 猶 瑜 經義 也 唐 有 鄭 編僅 人詩 此 而 真宗 相證者,故具述之。 解, 啟 説、《正義》、《釋文》 存,中 後 而 是 儒者? 至朱子作《集 碑 間 本 遺無 ·無可 觀 取, 發 此 明 石 傳》時, 獨 刻 而 此 則

青金壇段氏漢讀攷

欲 不 议 嘗 宜 改字 嘗改字」, 改 蹈 治經之道,其最 字。」此 者,改字也 目之也。 後人重康 此 一語 盱江李氏 宜 而 即 慎 成之勤 孔氏《詩 以 者 顯白 闕 日 於諸 疑 鄭之改 疏》云「毛 鄭 也 ş 經, 康 其 成

> 矣。 若,一 昔 已也。 鄭 非 而 時果 君 段 一本,其 氏代爲舉例 注 蓋 日 森 釋 今金壇段 讀 ... 然起 東 爲 間 閒 讀 遗 或 例若 時 無 敷? 有 日、三日 氏 師 搘 所 斯 乃爲之 承 拄 訂 敷? 既 須 正 當 非 發例: 爲。 實 抑 比 亦出 鄭未 者? 家 不 知 於 傳 有 是 寫 讀 得

字,改 之證 師, 以知所别擇矣 蓋當有三例焉:一 據, 以愚淺 以某爲 改某字爲某也。 改某字爲某 某也。 見, 竊 嘗 如是分條 爲 日 也。 二日實 鄭 三日 實 君 有 以授後學, 諸 有 所 以 經 親 承 之 己意 受 見 某 於 注 則 揆 本

於旦 之誤。」「旦」即「神」字,無可 而 同 明 非 志者計之,乃 鄭君 改者。 之義」,鄭注:「 既 無 若《禮 此 品 又有三例 别, 記 旦,當爲神。 郊 則 愚 特性 焉 疑 竊 者, 自 計 此 所 此 日 篆 實 以 交 可

之,若《詩·斯干篇》「似續」,鄭云讀 於 也」,鄭云「慎」當爲「引」。 巳午」之「巳」、《禮記・禮運篇》「其居人 義 存 養」,鄭云「養」當爲 可 改 改 皆 字 以 資 口 例之? 丽 "通,以 (攷者。 妄改,則 然若 備互相參質焉爾。 則 鄭所 不可勝舉也。 此 「義」,《檀弓》「其慎 者頗 改雖非其 其尤謬者、《 不 概見 (原字, 三日 偶試 如 儀 也 辰 舉

以

可

成 段 所 際 試 段君之説曰: 經 師 思,今何時 如 義 承 義 雜 疏 明 出之時也 ,炳焉如日 析之後。 乎? 「欲以明聖人之道 今之時,非 即 中天; 士生今日, 或宋諸儒 又下 猶 鄭 承 不 也

而

非

今段君所舉之三例云爾

也。

敬,小敬也」。

則在

東

漢

時乃有此顯

然誤

讀之音義

乎?

其亦可怪之甚者矣。

此皆

从羊省,

與

从

艸者

迥

别,而鄭云「苟且之

禮•燕禮》、《聘禮》「寶爲荷敬」,此「荷」字,

閣

而

弊 博 留 以 綜 意 著 漢 古 學以 爲 訓 例 故 乎? 融合之,豈宜復舉鄭君改字之 之書, 偶 有 未 及 詳 核 者 惟

條,許 於許 者,良可笑也! 於此等同 當博攷古今諸家 之不齊。 疑作當爲。 齟齬,則又爲之説曰: 爲分明, 經者,蓋不能一一曲爲之諱。 合之。且鄭君之注,實有自撰經者、 祭酒 詳 平心酌之。 慎 推 吾 與鄭必不可合者,而段君必欲 聞 共 作《説文》後之廿九年,蓋不及與 形 丽 孰意千 異審 .段君熟精於《説文》形聲之學,因 相 聲 昔鄭 於其所謂 研 以 且 IE 切。 撰 君 莫 是以 載下,又有整鄭君之不 處 而 此 即 禮堂寫經,自謂整百 書。 隨事 意高 三例者,就中又 以 愚 讀爲 如《 勿畔 意奉勸善爲學者, 愚嘗謂 禮經》「局鉉 隨文 談 疑 今段君 復 程 作讀如,讀 權 朱爲 古 鄭 其 戒 康 輕 職 嗜異 從 時 既 成 自 南 生 圃

而務闕疑,庶稍免於罪悔乎!

書宋槧説文後

矣。 字開 於 非 訓 刻 虞毛 則 説文》真 若 其 肯 勝 酒 本之所從出。 書 反 本, 而 之誤 氏 是之參差不合耶 雕之。」此 據 屈 切之不同 又其中與汲古閣刻 爲 許 宋 扆 孝 慎 槧《説文》, 以 則 之名, 記 宗 是 本 登 是 此 所 - 板? 劂 以 ,係北宋板。 宋 板 則 本 刻《説文》後云: 氏之失,不 後刻本無疑,非 時 然觀 本 改許 有 坊間 竟别是一本。 極 如 小字本, 毛 爲 果 慎 ? 其 氏 麻沙 據 爲 麓 本不 印, 三十卷中,漢太 是必非毛 許 以 在 疎, 訛誤 嫌其字 三十卷。 或疑即汲 板 登板 所 同 氏者凡八 本。 論 處,除 北 「先君 蓋 小 宋 氏 又 毛子 之 至 宋 豈 多 一於音 板 古 購 板 按 刻 處, 尉 指 本 閣 大 得 亦 海

跋何義門手校説文

者

數從

條

記者

於毛本耳

所

出

也

姑

略

舉

其

大

意

有

資

攷

白。 耶 ? 於《 主, 及 此 蘇 會》、《類篇》及《漢書》、《水經注》諸書。 而 介,而 泉編修以 在義門 歸之,因題於卷端。 繫傳》不甚詳 圃 使雪坡老人見之,可 義 方綱 其手記 參以《玉篇 門先生手校本,大約 所 以 校 所藏 處 管 書 ,雖不甚繁言,然大指已 窺 中 此蹟裝褙精 × < 攷, 豈先 -, 最 補 廣 IE 爲 其有先生所偶 者 韻》、 簡 無 「, 財 生未見《繁傳 而賅 以 善 Œ 《集韻 小字宋本 + 1,借閲 譌之作 必者。● 餘 條 *\ \(\lambda \) 三日 明 韻 爲

● 文末,稿本有「丙午二月廿三日」。

跋廣韻

也。 中原《廣韻》也 寧人刻本,皆元 「驛也」二字,蓋 莧切,中 引江南《廣韻》「置」只訓安置、設立,中 廣韻》兼訓「驛」。 明嘉靖 元 無名氏《 原《廣 中重編《廣 後 韻》普息切。 四 時 人誤 書辨 所 「盼」字,江 謂江南《廣 韻 加也。 疑》「置郵 》,所據之原本是 張氏 今張氏 南《廣韻》 ()韻 傳 本 》者 命 本 與 是 原 顧 兀

跋宋槧漢隷字原二首

《莆田志》:「鈞字茂洪,紹熙四年進士,通漫滅。嘉定壬申,郡丞莆陽宋鈞重脩。」按「《文正公集》并《奏議》、《漢隷字原》,歲久「《文正公集》并《奏議》、《漢隷字原》,後有記云:宋嘉定重刻《漢隷字原》,後有記云:

財 序,有「彦發通守吾州」語。 甲辰,●則是書之刻,至嘉定三年壬申 知《文正集》并《奏議》皆刻於饒 祐三年丙子知 判饒州, 之未久而復漫漶可知已。 「文惠公不得並時」,文惠卒於淳熙十一 在慶元三年丁巳,其刻本當又在 一二十年耳,而板已漫滅,則此重脩 歷官 至祕閣 饒州,因是書之刻於 修 撰。」 范 加 是 文正公以 前。 也。 書 洪 饒, 洪 景 年 序 景 云 盧 本 亦 而

《隸辨》,則並 存者。 出之,宜其併槃與籥而失之也。 然所 是本或宋 海虞毛氏 見已 未見此重脩本,即 非 末、 初 汲古閣 印印 或元初 本。 重 所印, 刻 丽 本 長 洲 從 即 今已罕 毛 顧 從 刻 氏 此 作 有

顧氏《隷辨》糾《字原》之失者,凡八十

「卒」、稿本作「薨」。

二七九

九 者 <u>一</u>十 此 七 則 書 Ŧī. 可 有 實爲有功。 應存攷者七,餘皆 其云 勿糾 皆糾 誤 釋 E 者 之善,●其 其云誤 五 + 有 書 顧 者 八 氏 糾 則應存考,其 三十有 其 正 中 之善 可 勿 , 其 於 糾

遠。 之謬 雕 夕、夕之不辨, 世、 楷之工不足以贖其隷之謬,直是一不曉隷 失,則字非其字,勿問 刻 毛 見 無 其於字之曲 書者爲之過 者 本 宋 舊 板 書數 摹 本 戾 本 可 毛氏則 一,學人 出之, 也。 勿糾 訛 蓋宋槧本雖 舛, + 直俯 然顧 而 ·百種 録 惟 貽 就宋本之已漶者重繕 而 糾之,則以 不不 其 賴 誤 仰 氏 汽炬 口之弗審 天 毛 特 摹勢之善,大有 既未見 斷 已重脩,尚 本 下 赫 失其神,且 原 續伸 以 後 人間 矣。 顧 見 # 婁 縮,皆所 氏見毛本 ,未有若 是書之面 者 氏 偏傍 毛 也 原 去 氏 失其 刻 毫 碑 勝 汲 開 不 釐 本 今既 是 古 於 僅 而 形。 知 雕 目 書 閣 之 未 丰 據 未

信

碑 而 則 好古之士 所謂 郢 書燕 或 Â 説 欲 而 就 已 此中 矣。 之字 以 集 成 漢

二八〇

裒輯。 類: 焉。 功固 中間 原》, 於諸 將使學古 見哉? 者 欲 信之,疑 日據碑,❸日 必 由 妄 又未 碑 大,而其 顧 既 氏 欲 如 臆存之、去之,若實有據 隷 見宋槧《隷釋》、《 之爲《隷 者 顧氏之哀輯者, 未全見拓本,而 以 以窮字之原,安能盡 不能盡 1皆 韻 者疑之,而 近 東手 集 理而 據洪, 隷 見, 辨》, 弗 失真,不 則 而皆聽 日 爲 意 每 無若 據 耶 又 又未 固 隷 韻 婁, 起 其 勤 續 皆當 能 顧 曰:是有 見洪、 見 矣,獨 散 而 曰據别本。 免也。 者。 氏之皆 宋槧《 議 伙,不 分 加 之, 爲 婁 此 惜 之 其 於 其

所

尚去碑本 其二 + 有 未遠」。稿本作「而 五字, 原脱,今據稿本及書眉 渾古 勁 直 去 按語 漢 碑未

日 據 碑 字 原脱,今據稿本及 書眉按

以 爲 韻 可 信 所作。 也 則 庶 乎 其 可 1 此二 一篇皆 吾未

跋 張 力 臣 校漢隷字原

力臣 求 此 力 二有關於本碑者,不過任城 主,又烏能盡舉漢隷, 必不可行之勢也。 則 臣 題 善矣。 |校此書,專援據《説文》以詁定偏旁, 隷學之疎,乃假六書以文其儉陋耳。 識,亦毛氏 吴蘇泉編修持 但爲此書計,則宜專以隸書爲 刻 本 來 就中所辨 也,有力臣自記。 張力臣手校一本,來 而悉衷之於六書, 五碑 Œ 加 間或 己。 按 知

殘

誤 宋本 前」云云。 廿 在 卷 原在 字,因諸碑常用,難 又力臣云:「卷首有 前 耳。 卷尾,非在卷前, 予按:此説亦非也。 觀宋本卷尾 以 附字三葉,列十、 專屬,故先舉於 有 今坊間 重 附字三葉, 刻 印 年 本 月

> 爲在 重刻 條 可 卷前, 時,失去嘉定年月,爲可憾矣! 證 也 則 張 可 力 見 臣 力 乃 臣 據 未見 今坊 宋本。 間 印 本 而 誤 毛 氏 以

跋 隷 韻

成。 若甬 記。 刻也。❷ 卷、爲第三、第八、第三卷有華亭張文 是十卷,楚帆自記謂 本見示,爲卷第七去聲上。 適與之合,未知其七落何處矣。 蓋文敏僅 上 此 文惠跋《費鳳别 同 搨紙墨俱 里 萬 宋洪 邵 武 沙、吴中 文惠嘗 部 得其二卷,今楚帆 舊。 楚 帆 碑》云:「此 著《隸韻》,而 近日 顧 曾於友人齋又 以 南原,皆未嘗見 所 隷學最 收 按 碑 搨 博 復 與 其 其 者 見 敏 刻 書 碑 此 無 其

- 稿本作「焉」。

時,人 陰。 字。 特 趙 洛 與 實 與 帖 云 韻》專刻, 並 纂」、曰「韻」者。 非洪 墓 見善本者 洪洪 洪 斷 陽 洪 列 也 會 攷文惠所撰 趙氏 而 4 蘇 氏 於 、皆目 所未見。 氏 體 氏 成 相出人。 所 旲 1稽 所刻 者 之所刻,抑 引 亦有斯誤。」據 爲 與 興 此 所 不能. ,實是宋時 洪氏之書名 魏 語 校 鐫《 爲 石經,辨三 相合。 官 碑 又如《孔躭碑》後小字, 亦與洪 、《隷釋》、《隷 知之。 其中有某某 隷纂》, 陰 之 則當時 壁, 也。 H 又 親 並 氏 此 以此論之,此帖不 文 不 同 體 此 亦 見漢 非 或 同, 知 惠 帖 則 之爲 碑 有《隷纂 依 存 者 得 六碑,皆歐 石 異者 續 正 洪 附 而 所 皇 作 指 洪氏 本者之所 》外,有 魏 氏 體 刻 一祐 見碑 此 也。 碑 書 之 數 癸 陰 未 爲 刻 非 則 隷 此 又 # 碑

稱 勅 其 平. 中 有 都 可 侯 議 相 者, 蔣 君碑 如 ^ 脩 删 孔 去「相 廟 後 碑

> 皆於 賈所 訛作 改。 第 凡 丽 切」、「龍」訛作「能」。「 晃《增韻》。 二二字,亦未安。 集韻》已然,而特 字體 竭 以 爲, 爲 三日 丽 問問 亦止 遇 帖 售 未 故其 _ 物 内「位,于累 切」,「亡」訛作「云」。「屢, 之力 安。 而弆藏 粗具 合此數端驗之,當是南宋 其餘 採 ^ 碑 以 形 辛 反 又按: 出「奉」字單行 漢碑 不若 之可 模。 李 切,亦皆紹 切」,「于」訛作 _ 矣。 歐、 數十 順,食閏 即 奉,房用 君 今所 趙、洪氏之全, 造 種 橋 逐 見 興 切, 則 碑 字相 之一 切 以 始 干 後 删 龍 於 雖 卷, 坊 遇 所 毛 自 去

又 跋 隷 韻

嘉 慶 庚 午 夏 六 月 始 得 見 揚 州 新 刻

上 碑 字 稿本作

改 本影摹鐫木,非若毛氏 一,而 鐫 韻 爲 失其 墨 重覓一書手另寫之也 EIJ 前 十卷之書。 幅之半。 前 有 图 球 汲古閣之 進 原是 然實 表, 石 化皆依 有 刻 其 今 刻《 其 後 漢 原 揚 幅 隷 拓 州 月

所爲。 張 辭。 碰 録 奉沈亨刊 隷,皆手仿原 爲 則 《隷韻》 脱 虚 之韻,又爲之釋。」觀 南 今日 遊數者。 宋 賈 以今諦審此 其稱「劉氏子」云者, 昔洪文惠自 道 》,譏其編次疎略,又摘 時 其前 所爲? 碑録 一,此 書 藏 然 稱「表進」,其卷 坊 書家珍爲祕本,尚不可多得 等目 碑爲之。 陳思《寶刻叢編 則正是洪文惠所 市估 亦 刻, 序《隷釋》云:「 裒 不過《集古録 1、皆知 蓋是南渡後 輯 成之, 文 此語, 蓋若 惠 以 尾 博採 又 其 知 而 不 云 跋劉 謂 其 採 文 坊 甚 既 何 *\ \!\ 炫 御 惠 借 許 字 書 嘗 賈 法 之誤 所 金 之之 於 其 雖 非 題 前 輩 氏 見 > 石 南 以 應 子 漢 字

> 聞 帙 能 碑,其弟文敏 心 前 也。 代爲,是以洪 稽古者若 刊 劉 人題 氏 此 稍 識 刻 亦稱集録之難,孫 有 於後 間 亦 氏《隷韻》 以 然以洪 「表 雖 較諸 進 文惠 、装 迄今未 洪 於 甥 之手 文 前 畫 惠 皆 有 摹 之 以 成 不 漢

之, 爾日 熙二 則 碑之不易。 治之損。 書 H. 非若婁氏《字原》之多取資於劉氏此刻 在 雖 劉 即偶有一二,亦或間 一年,尚 婁氏《漢 南宋偏安之際,北碑拓本未必 間 而 氏 劉 有 此 其 氏 訛 刻, 在文惠 、偶有摹失處, 而 此 舛, 隷 在 書 實 字原》之前二十餘 然實是從漢碑原石摹 今日,洪《韻 有 增修《隷釋》之前 以 資 玉 於 海》考之,成 有 亦 紙 Œ 災既 墨之敝 見其 隷者之津 未成書, 人皆· 年。 出 於原 與 於淳 出 也。 有 其

「半」,道光本作「年」。

筏矣。

之謬。 知其沿 婁氏 焉 徒 細 實多賴 未及知者。 原碑之 (字原 於 能 也 一胥史之手,二則又壞於毛氏 1 每 近 》之誤 劉 此 日 梗 字 其 氏 審其爲 下 顧 概 爲 隷 ,然實有《字原 南 所 但 則豈若此《隷韻》, 平 扣槃捫籥,貽誤 韻 刻 原 記 1 》成之, 婁氏 氏撰 出 而 碑 況婁氏《字 成之? 自某碑? 目之次數,後之學者, 隷 辨 》沿 中間 \approx 既不明言,又 原》之爲 可借 此 雖 又豈能 於 重 劉 名 則 以 加 刻 爲 林 寫 誤 想 糾 而 刻 於 像 匪 顧 IE.

凡 字 閱 墓 籤 原 月 漢 然後 出 之 隷 予 實 有此 力 篋 有 知 了,字字 所 中 世 功 漢 揚 不易 所 於 隷 州 , 櫛比, 行 稽攷者三十處 新 拓 多得 毛氏 刻 本 而 殆將 者 推 汲古 求 又 其 百 數 以 書 閣 種 證 + 可 重 明 其 種 廢 又 刻 其 手 미 也 存 漢 所 自 竭 内 致 隷 以 鈎 兩

> 之坊 語 者 言 隷 又 揚 學者一 肆 數 州 + 秦 遍 編 資 大快幸耳 修敦 其 學人攷 摹 夫, 誤 者 核 爲 百 廣 補 八 印 洪 + 數 以 四 訂 處 百部, 婁。 并

售

寄

跋負暄野録

後 實 五官 蓋是其晚年筆也。 此 和」,此作「大和」, 丞相《隷釋》載元 ·大小」之「大」。 從來史傳 陳 無 内 槱 删去敷 碑》,宋淳熙《隷韻》有之,洪氏《隷 有 此 右陳 與范 碑 嘉定己卯, 槱 石 豈 ? 湖、 負 一此君 此 暄 壽 張 亦足備致也 野 可據以裨攷證。 所 則其 中《 唐文宗 于 録 見 湖 郭縣 是 人至寧宗末尚 姜白 洪 年號 一卷,後 文集多誤作「太 碑》。 文惠 石 大 同 有 按《郫 初 和」, 又云 時 題 洪

書盧抱經刻顔氏家訓注本後

氏 作 宋 出 無 古書當仍其舊式。 置文句之下。 顔 攷 圕 本者,特偶 本空格, 宋本上者。 害,然古書之面目竟不存矣。 「酸」,此云作「酸」。 氏 [景失形] 一條,盧刻竟删去之,雖 證二十三條,自爲一卷, 同 家 年 訓》校 盧 此云「沈氏不空」。 弓父 見一鈔本, 然如第六卷内「詔」下 雖於學者繙閱較便,然 īE. 學士, 精 即 槧, 如 則疑弓父所 其 沈氏 以 丽 益 其 非 、攷證 人神智,頗 友 加 原 「鮁」字, 趙 盧 本 内「孟 君 見沈 刻 耳。 皆 所 於 愚 沈 義 子 謂 散 沈 校 有 注

通判 二朝 又沈跋前 奉 軍 郎 州 又低一格書之,又再 知台 事 子管 州軍 鈗」,又 紙,係於末一行緊貼 州事沈揆」; 入前一 前 添 又前 又 差 低 通 跋 判 語

> 二行 低 鋟 校 ··,則 木 : 則 時之 凡 教 日 者, 覆校 九 監 則「鄉 人。 刊, 判 耳。 又 前 日 貢 推 七行皆總 同 進 校。 士州 軍 此 學 書 同校,乃 Œ 其 同 林 最 前 是 同

《羣經音辨》載實元二年牒 今盧 狀 尊者 紙 貼 昉 傳影宋槧本,如《説文》卷末, 者 亦在最前也。 題 跋 在 後、徐鉉在句中正 殊乖其式矣。 本 語 參知政 在 愚 日 攷 後 將沈跋另刻 書之,乃可 宋本 ,卑者在 宋時牒後 事吕蒙正、辛仲甫之前 校 必宜 刊名銜 乃先曰 依次 一前,此 依 系 一前 於前 其 銜,皆自 ,其牒尾,平章 自 原樣,末尾 其 則 同 紙, 後 後 式 疑 校 IIII ,平章事二人 而 雍熙 於 也 後 前讀 又 自 而 自 前 以 校 之耳。 前, 今 行緊 起 又 年 偂 如 所 進

「州」,原作「周」,今據稿本改。

不 又 次 通矣。 以 七 人 同 校 則 最 前 之 同 校 字 爲

古書 出 予攷 卷 無及矣。 雁湖之手。 尾 其 刊式不可更動之戒 所 昔弓父校 補 謂 今校閲 注, 補 注 乃别是臨 者 以語弓父,弓父始追悔 李 雁 ,皆移置於本詩之下。 此書、故縷縷及之,以 湖《 王 川曾景建 一荆公詩 注 近所爲, \leq 而 將 及 爲 己 非 其

時爲 宋槧之本,前後有汲古毛氏諸 也。」未谷進士從其友某君家借觀 遵 假 王《讀書敏求記》云:「沈君讐勘此書, ,詳校一遍,附 宋人名筆,繕寫 沈揆字虞卿,見桑澤 識於此 精妙, 卿《蘭亭攷》, 古香 印。 是 襲 予因 影 者 得 寫 錢

跋班馬字類

婁氏蓋精於漢學者,然此書於字之原

之册子,未 非 猶 未 丽 分 暇 皆 析 整比 不 也 者耳 ,何也 如 顔 注 ? 之 恐亦 類 隨 所 宜 手 撮 核 正

矣! 於卷。 思曩 附作 燈 頗 加 日, 攟 愚近 一小卷於拙撰之末,以備 丁未九月,爲雒君文學校此書, 孜綴拾 摭 僦居瑠璃厰北苕帚 撰《兩漢金石記》, 丽 於 兩 此 漢字 書亦宜 義,今三十 有 所 於婁氏《字原 衚衕 訂 攷證 正 有 破 云。 因 屋 題 年 篝 欲 迴

跋宋槧三輔黄圖

本,前 言 題 詞 有紹 槧 \equiv 興癸酉 輔 黄 左迪 圖 **>** 功 六 郎 卷 州學教 撫 州 7.授 州 苗 學 刻

百編,多是撫州寫。」又岳倦翁《九經三按杜牧之《寄小姪阿宜詩》云:「家集

則

有

纂圖、

互注、重言、重意諸刻

金

0

諸 傳沿 西 杜、岳二家所説 唐、宋撫州刊寫之有名如 以家塾所藏潭州舊 人尚多以販書爲業,而求其 州, 江 革例》云: 得披攬雒君所藏是書,因 與潭、撫、閩、蜀諸 列則 紹 興初, 本、撫 邈乎遠矣! 本 此。 州 僅 、刊寫之精 互. 舊 取 今 撫 本 爲 刻 題於卷後。 · 参 訂 異 板 兹於按試 州 於江 同 0 金 蓋 如 谿 南 今

跋寶刻類編

檢閱。 坊 所 人名 評 八撰。 客 語,是蓋南宋末書坊賈人之所爲也。 亦 氏,曩僅 攷證之學,至南宋益 寶刻類編》 今按其 多勤求博採,取資學人之用。 既以名臣編卷,又每及於書家筆 以 八書,實 其 以 稱 書 小變陳思之例, 瑞 人 州 編 加 ,知是宋理 次爲卷,不 審細,故 其 宗 以 著 如 怒 時 法 便 後 撰

> 有《隷 寫 之訛, 韻 () 之編 此書實 致訂 陳 思 金 寶刻叢 石家 所賴 編 以 既 取

證爾。

傳

則

刻本書眉按語補。「刊寫之有名」至「求其」二十三字,原脱,今據稿本及

附

説

者

復初齋文集卷第十七

門人侯官李彦章校刊大興翁方綱撰

蹄震川易圖論後

於洛 《洪 起,無以易之者也 求精於《易》,不必求精於河圖 之醇者矣。 文者、震川歸氏爲最醇、其論《易圖 難,至於説《易》,則難之難者 之學,不欲學者從事於圖學。 範》,欲人詳 書也。 夫儒者不得 乃愚反覆讀之,其言圖 斯 誠 求於 已而後言,説 翼 聖 然 洪 人之切 有 疇之敍,不必 二語,不 又謂 矣。 也。 經之文爲 論 聖 學 猶 爲 近 者但 詳 夫 世 邵 則 復 求 言 醇 子 爲

當之,

固其宜矣,而豈

可云帝出

於某

帝出

乎震

,則特言之。

錢辛楣謂

以

伏

氏

義。 非 疑 字不相連涉,無所謂「人」之一義明矣。 亦 無 復卦,陽與陰迭爲消長,故云「出入无咎」。 出乎震」句,本非若他文「出人」之「出」也。 終始相 下一節「萬物出乎震」,其下數句亦無「人」 卦傳》曰「帝出乎震」,其下數句,與「帝出」 能無誤,其曰「帝之出 帝出乎震」,可以 萬物」一節,尚不能 不 《繋辭傳》也,豈得 其正文乎? 一二微言於其間 即其末云「萬物 宜 其曰《易大傳》雖 對爲 筆諸 簡 言, 端端 即 亦 也。 出 使 非 ? 與 果出 諉曰 以 以 所 人,傳詳言之」。《説 不必盡出於孔氏 然又有其 此 入對言乎? 出 出 成,終而 則惑於歐 與人對言, 於或問,有此 設爲或問之辭, 入相對 正論 成始」,以 爲言也。 且「帝 而 中 謂 即 語

耶 言之耶? 不然,舍八卦外, 人」字耶? 也 ? 下云「齊乎巽,相 此 則 歸 氏之 乎 又何 離 讀 ^ 易 處 贵 可 謂 未 F 承 通 帝

之乎? 與《周易》並傳 易》之學耳,況其篇 之《連山》,蓋已不可攷,殷之《歸藏》,則子 曰「吾得坤乾焉」。 從周」之言相 删 》、《歸藏》而 也。 又有 則 日 鄭 隨 「此夏殷禮 吾願學者尚慎言之一 康 筀 成注《禮 取《周 近 而 而 似,然 今無其 致 但殷制 次亦無徵, 易》。 誤 也。 ×, 不得 (書者, 見有《周 可稽 乃歸 謂之删 此 語 而豈孔 孔 則 加 雖 禮 子 不][與 也 二此 比《 删 聞 所 子 聖 未 删 周 有 連 夏

理

耶?

跋震川經序録序

明西亭朱氏《經序録》,實秀水朱竹垞

月 蓄 亭之《序録》,早已删 不廣,迄今未就 使學者無 竹垞之《考》,於諸書之序多失 書之序, m 願補竹垞《經義考》内諸書歲月,苦所 經經 未 義 就 有益 攷 以見其師承沿溯之迹。 耶? ジ所 於經學,是固 本 也。 抑 則豈竹垞當日亦欲 姑 去其歲月 歸 聽 震 胥 然]1] 鈔 己。 序 載 mi 歟 稱 莫 其歲月, 夫豈 吾 其 之 補 昔 載 憾 慗 歳 見 西 諸

則更醇 昔韓 王魯 氏 秋》三傳 夫楚望黄氏 趙諸人,又自剖 文 傳既束 有明一 齋 頗 文公文有 矣。 醇 可 東高 高 乎 與經學 然此 代學者 ? 閣 閣 東 ,經之終始從 獨 起衰之力,而 Ш 疑 經 文頗 趙氏,悉舉之猶可 唐史之論 尚 義, 抱遺經究 不知講攷證之學,惟 相近,就其序經義 有憾於唐史之論啖 舉王柏以下諸人。 啖、 何 終 其 始 得之? 詩 趙 謂 可 也, ~ 乎 者 春 舉

二九〇

是 子 經 以 此 不 義 得 者 已 則 m 不 書 氏 歎 此 此 息 序 恨 吾 韓 子 有 所 此 言 不 能 平 默 ? 恨

書李陵答蘇武書後乾隆辛未歲

奴 陵 惟 其 常 間 馬 所 洞 風 望 時 與 自 懷 與 氣 遷 然 耶 武 乎 代 痛 胸 陵 段 诇 李 止 反 敍 飲 ? 往 别 中 作 陵 不 無 以 能 酒 來 戰 答 者 陵 且 再 是 自 工,其 今 事 蘇 類 陵 語 在 固不 辱 極 武。 按 武 謂 、敗其 即 匈 乃 及 爲 書, 其 # 奴, -待言。 怨漢,不 必 漢 懼 比 通 、降,先 待 後 之過 雖 按 未 立 於天 前 排 人 痛 武 政 有 抑 前 謂 書 蕩 漢 過及武帝 後 在 等至 它 又有 之負 及置 感 非 未 原 匈 於 語 盡 慨 陵 奴 委 書 囟 説者 , 始 己,然 作 十九年, 酒 中 豈 奴 豈有 與 賀 復暢 在 招 西 又 武 相 囡 降 觀 京 不 中 云

之水 時。 後 萬 戚 鳥 時 今謂 坐其 歟 乎 适 陵 子 與 大 以 布 稱 貪 睹 孟 ? ? 諸 獨 里 田 盛 若 戮 上 假 置 火 相 佞 所 厚 不 夙 千 教 帝 揣 況 之類 作 謂 爲 於當 泯 贈 善 誅 單 何 秋 官少 漢之族 陵 然 圃 真 其 於 「妨功害能之臣、 陵 于 與 思 爲 之心 其 會 楊 亦 處 ? 蹤 以 西 乎? 爲 丞 誰 叔 悉 宗 曾 日 惲 跡 漢 不 兵備 相 陵 不 爲 ,其 情 亦 以 用 而 臣 故 死 時, 区家,本 廊 知幼主在上, 乃 是 坐 南 事 事 漢 桑弘羊 T 將 漢 不 亦 稱 廟宰」者 段 吾 免 Ш 年 此 傳 欲 故 何 霍 與 引 知 段 官 詩 來 書 以誤 以 耳 至 至 本 韓 子 自 取 旬 盡 與 爲 必 一今日 此 絶 卿 用 今 貽 爲 上 御 非 哉 李 不 彭 昭 速 棄 得書 相 萬 史大 連 孫 官 ? 大 可 緒 作 諸 子 明 此 矣。 乖 户侯; 篇 會宗 故 爲 其 事 往 於 況武 至於 īF. 也 一善 (夫,霍 寒心, 怨 降 爲 且 西 第 也 與 漢 遂 親 此 此 雖

不 以 爲 陵 作 而 卒 難 欺 諸 T 百 # 後 也

乎? 信 示後 止 眼 絶 亦 再 不 也。 不待置 信未 今復 不復 爲 於 至 則 乎? 以 明 陵 口 撰 白 此 深 事 之爲甚,不得 1,此固 爲 口 此書,其意何居? 知, 言,作《李陵傳》 取擬 司 任 將 馬 一然已。 筆之書貽之千百年後, 益 何益之有? 或云是六朝 代 州 之辨白, 復自招尤。 一書痛 況被 帅 此 刑 自 高手 將示時 艸 此一條 以後, 陳 又非 點 述 次 想是 將 也 亦 此 便

端

原 道 後

政 新 刑 原 民 暢委, 皆新 也。 《大學》「格物致知 仁義道 以既其 民之事 德, 實也 也。 皆明德 韓 自 物 子 之 非 漢以後至於 斯 他 事 文,乃與 也 即 明 禮 樂

疑

且

虚 德之實往往失之。 初學者,多騖 難名 位,故道非原不 也。 故曰 廣 丽 崩 道 不究 然 也 與 而 德 其 仁義 爲 本, 虚 可 是 位 以 指 惟 加 義 其 ; 道

格致 用矣。 致耳。 知此 未澈上 至於宫室衣 文,不及於格致。蓋全篇之實際, 師之不一,而功用之弗核 哉 即 而已,言固各有當也。 以 以 ',則韓子斯文,於格致之功思過半矣。 其 自仁義道德之旨,禮樂政刑之義, 下表裹言之者,由 日 占 爲文之法,虚實相 格致者,體 博愛謂仁,專以 Œ 服、粟米麻絲, 位 也 於 而豈 身 驗 也。 漢晉以來學者 得 乘,亦不得復引 仁之用 是以 可 於事 以是爲 謂盡格致之 故曰言豈 述聖 Mi 言之, 無 已矣。 斯文 經 非 承 而

初 文

附 原 道

道 其 非 然而聖經之言道,各指所歸 天,羣言無自 後之作,然仍 原 ,實則徹 者,蓋道備著於聖言 道 所之也。 道之無定名也, 而 原 蔽惑,不得不原也。 堂之東 韓子作《原道》者, 聖人 陰 級 者,有 於潮 淺 陽之謂,此即 上 深 《易》與《中 州 辟 徹 而 非 吾道,曾子曰夫子之道 切 則 韓祠 下,固 敬 此 以 有 疑之,更無 跋 僅 示 間 與觀 集諸 於此篇 論 人者 矣。 非 文耳。 唐承 ,無待於 二義, 道者言之,則各 生講 庸》皆言天 各 今則六經如日 聖人之言, 即 有 也 事乎 魏 此篇 指 也。 同 其後 而其得 晉 原 歸 今則 也 原之矣。 六 率性 焉 又 手 道、 朝 學 聞 有 有 題 後 之 指 中 附 於

> 者耶。 其合一之爲得 縷 淺之次第矣。 雖 言,或就政治言,或 析者, 皆 非 若因 以 則不若 天 此 道 況諸 也 爲 言 熟 虚 之, 翫 位 就 經之或就 經義,各就所 文辭 而 ,若有待於後 已 有 言之,指 語 言 言 詳 歸 或 條 就 互 分 深

後學惟 更不 也。」《孟子》曰: 故惟韓子《原道》在其 傳、六經之藴,後 慎於立 可著 是以研 説。 有 善 述以談性道 《易》曰 經宜 讀 書 「夫道 、善持身 知 人何從 :「天下之動,貞夫 所 也 折 時 衷, 而 7,博聞 圃 不 以 · 得 而 已矣。」千聖之 所見質之? 訓 已 慎 釋 mi 言 辨 作 而 證 也 宜

跋笠

具、 筆牀茶竈間 讀 是 編 者, 挹 耳 其 高 君 子 致 尚 論 抵 則 在 必 煙 相 波 與 漁

蘇文忠年譜後

傳矣。

顧乃薄視三傳者何哉?

甫里

一之説

藻

mi

疎

松平 術

,其盛文藻也,

則 有

宜

一博綜

乎

最

深

切

者

春秋》之學也。

唐

一代盛

文 其

觀

其

深

處。

甫

里

先生蓋

以

治

然至

自

命

也

最

晉公,晉公《通例》,有石本而不傳,

甫

又

推

推文中子,文中子固不信三傳矣。

之作 語。 詩者、置此 按《年譜》:「先生元豐三年 請於郡守,得故營地數十畝,躬耕其中 日到黄州,●元豐四年辛酉,馬正 有「當及春冰渥」之句, 二月到黄,尚未及一年矣。 東坡八章》,自號『東坡居士』自此始。」 當在 若依舊説,在四年辛酉 第以詩序「到黄州二年」語核之,詩 東坡 八詩於元豐四年,恐誤也。 元豐五年壬戌之初春。 八首》序云:「余 則定是春冰未 庚 至黄 則《東坡八首》 春,則白 申二月十 卿 州 爲先 庚 渥 年。」 申 生 作

始也。

然啖氏之書成於大曆時,已在

三傳,又在昌黎「三傳東閣

一語後數十

年

爲《春秋》學而

不守三傳,蓋自啖、

陸

有白著之書。

今見其篤

守仲淹

薄 里

黎、玉川之前,雖

其自出己見,尚不敢盡

演

昌

元豐五六年以後,未有於元豐 且先生集中題跋,署「東坡居士」皆 四 年署 在

逸者流,亦必以經術衷之,而況不僅以

逸目之者乎

林》、葉氏《考讞》,日出

加

不

窮,實則抱

遺

傳也、況於懿、僖間

耶?

後之劉氏

意

經、究終始,舍傳何由

以

證

經哉?

即

其

0

+ 日」, 稿本作「一日」。

之稱 坡 東坡,築 首 居 ,當自元豐五年壬戌春始耳。 注云 雪堂居之。」此尤 又 元 先 生 豐壬戌之春,余躬耕於 詞 昨 口 夜 ·證「東坡居 東 坡 春 雨 足

書方正學先生溪喻後

言者。 六經, 人,宋 也 初 子之歎逝者,孟子之稱 者 題 而 齋集》謂:子嚴之心能 卑與 以以 學 者 孟子曰:「我善養吾浩然之氣。」夫是 右明 則 潛 其 溪 然則 言 有 於道無 溪爲序《俞氏 寓 喻 容之義,則 方正 義 必兼 子嚴之爲 爲 學先生手 其不曰 重 斯 所疑,而於天 也。 二者, 此 人 稱其才,又勉以 族譜》者也。 送序, 文 原 俞子嚴 書送 丽 蓋 益 泉,皆以水 後 可 暢 俞 而 逢 言之。 知 下之事 名 子嚴 E 矣。 源之義 怕 ^ 喻學。 溪 文 蓋 昔 無 熟 遜 金 喻 草 孔 備 爲 難 平 志 華

> 深,而 見。 内有弗定,外有 待給者易足,而其持以往者,隨 用,効一官、治 矣! 至於臨大節 量之 故夫源也者,爲學之先務也。 何 所 自 容 而 沸暇 事 者 來 圃 大也。 哉 英人 不可奪, ? m 欲從容就 惟 原於 士 其 則倉卒之際, 君 源 所 子 地 之 養。 義 讀 有 所 亨 以 顧 蓄 其 自 其 致

夫豈人力 金 命遂志,顯 上,童冠釣 而 石 矣。 圃 且 夫 勒 所能 鼎 師 以 遊之輩皆得援以爲侣 銘,可以騎 友贈處, 報 强 君 爲 親 哉 ,幽則感鬼神, 淡 箕尾 然即 即 此 而比於列星。 目於溪 源之所素裕 미 旦致 以 梁 之

章、氣 於事業,非一日之積 肆 於朱子。 演地, 浙東之學,自 節,一 以 其後若黄文 至潛溪。 以貫之。要其 謝 船 而 矣。 獻、 先 山 柳待 生獨 根 若 章聘 柢 夫 合道 制 六 王 君 諸 經, 弇 皆發 德、 州 以 發 文 涵 原

溢 之書,抑又其 筆墨間 方先 生 是 不 餘 又 以 善 書 耳。 名 於 論 而 先生書者。 剛 Œ 不折 然先生 流

跋求忠祠記

婦。 隱約 其文乃若 閲。」又云:「復姓始末、余友陳 城志》。」又云:「愈事公於立孤 院 公者官僉事 三十九年,文敏以翰林家居時。 祠 於 此於方正學先生身後事 未盡者。其云:「徐中丞之先,有善 右 此固學者所當知也,然予謂不若方氏 事發,斷一臂,家戍保安衛。 方 Œ 董 方 不欲 文敏撰書《求忠祠 先 學先生作也。 於浙、奉韶收方氏族、脱 生傳朱子之學,以 備詳者。 其措 此文立 記 詞 極有關 **>** 然其 抑 爲 布 石 爲 事,未 揚 語 衣能 教 松 在 反覆, 忠 其 中 萬 江 言 浦 躬 安 丽 娠 有

> 乎? 是 後 其云吾郡之方有亢,則必是其遺孤之賢能 寧海 則 能 來寄居松江,有復方姓之舉。此文雖 大亢宗者。 立 遺 直 所云「見《浦 而其 豈 方氏 孤 書備載否矣? 明末尚多忌諱,不 之事爲 大概已了然矣。 存 其云復姓,●又云吾郡,則 一綫之遺,後託於他氏, 足快 城志》者,亦未 千 就文敏此記繹之, 敢暢 著 而 知 於 轉 邑 碑 不 未 而 必

志》, 遺 班 鍋 體 京 末,儻 予謚。 匠 堂、翰詹科道等集議,建文殉 孤 詳此 ,皆蒙旌祠。其時方綱亦得陪 復 姓 爾日 先生賜謚忠文。下至 四十一年春奉旨,大學士、 事,若有 事 本末, 豈不幸 得見此 能 得其 文, 或能 確 甚 據 1 查 河 節 加 訪 諸 西 竟 方 預 氏 浦 闕 九 城 補 文 卿

[「]其云復姓」四字,原脱,今據刻本書眉按語及稿本

以 記 録 爾 之含 哉 發 潛 通 意 闡 以 未 继 垂 申 者乎? 之 而 藝 贵 林 僅 沾 不 沾於 更 欲 愈 董 借 於 書 董 文 筆 敏 文 法 敏 此 記 此

跋王文成論學帖

信 治 稱 夏 時 有 四 薦,獲爲先生門下士。 四 曰:「余曾祖大司 也。 甲子 (官矣。 所 北 帖 帖 郭曾 贈也 右明 前後 伯 訛 然按 。」其 爲 孫周 王文 卷。 ൬ 二札皆已 IE. 以 道跋, 德 以 稱大司馬者,竟 成公與汶上 路 爲 《明史》表 ,然則周道之跋未 馬公,以 皆 氏 而墨 守 稱 曾於崇 此卷即 司司 襄 本無 時 路 Œ 馬 實 禎甲 所 中中一 德 之。 北 似 無 司 贈 甲 邨 之。 北 馬 戌 子 又 公 周 論 口 邨 刻 後 守 列 道 學 據 且 此 跋 凡 則 襄 鄉

> 中。 迎, 者 其 而 成 碑 迎, 記 年 ĕ, Œ 先 Ш 是年, 生 譜》云「正德 曰:「傳之堂東向,曰 北 東 外 其名, 傳之, 其字也 邨 德三年戊 兖 之 集《賓陽堂記》,正 穆孔 州 府 暉、路 卷 東 七年壬申,先生爲 辰二 平 中 州 不 一甲五 迎 著。 汶上 同 賓陽。」然則 十九 受業」者是 縣 考《 是戊辰歲作, 人。 名 或 考功 進 學 \sim Ŧ 土 北 題 邨 郎 文 路

生所 生之 卷引 璘 其 聖人之志,勿爲 以 書 猶 德 賓 未 論 學,不必專信孔氏」, 仲 日 陽才質之美,行之以 又有《答路賓陽書》 之聞乎 子語 進 知 郡 而業 行 務 行是 相 合 雖繁,然民 ? 應。 日 時 知之成。 廣矣。」 之理,載 其與徐愛論 議 而 所摇, 何 以 據 X 忠信 若會得 在 社稷 此 近名 顧 此 篇 ば傳 何 璘者 書言,正 知 1,堅其 語 所 莫 在 行日 習録 時, 乃曰 哉? 癸 動 非 實學。 未 説 **>** 與 吾 必 一先 知 是

字 即 抉 故 行 又 知 行 分 爲 之,不可 以言學者, 自 知, 導人者哉? 文成 聖 爲 與 窮 不 分 有 理 作 賢 兩 足 顧 某今説 行 不行之,不可以爲學。 で謂 璘 公之學術。 節 在 言語之實際, 林 以爲窮理矣。 則知之、行之,合一並進,而 論 之 件 事矣。」以上諸論, 説 則學之始,固己即 知行 知。 箇 故 行 知 遂 自 天下之學,無 曰:「真 行 終 有 此豈虚空以「良知」一 身不行,亦遂終身不 知 所以文成公之功業 一, 正 知,不行之,不 在 (知即 0 是對 皆滴骨滴 所以爲行,不 是行矣。 有 則知,不行 不行 病 卻 之藥。」 將 不 可 而 髓 知 是 可 可

子 生 不 所 足與之辨。 民人社稷」之語 知行合一」之語 謂 路周道跋,首提 斷 章取 義 面 顧 者 目 意 璘 良知 伽 爲 負 與 奇 乃 先 謂 論 時 敢 生引用之指 妄出 重名, 之絶學, 且茫不 習警言 乃以 解 此 歸 先 仲 占

> 今若 孔 本 所 將 義 不 可 而 門之 晶 有 路 理 無 必 之 戒 據 氏 專 蓋 不 語 哉 人 此 尚 徒 明 亦 病 信 以 公然刻之於石,閱之令人髮指 誤 者 É 非 孔 贊 爲 氏 細 開 見 文成之咎,則 而 而 後 此等文字,宜昌言排之。 誤 口 闢之,後來好駮 人妄議 言之不慎,至於如 傳之。 見 Ŧ 文 自今以 者,皆 成 即 之 其 此 學 得罪文成 後 新建者。 等 間 凡 不 議 此。 明 論

跋寓意編

下 五 本 第 有都 則《寓 寓 穆 意 兩 意編 所撰 編 卷, × 標目 》似當是 《鐵 卷, 網 明 日 珊 都 兩卷矣。● 寓 瑚 穆撰。 意 上、「 一十卷, 今行 然敬 寓 其 世 意 第 刻

●「編」。原脱。今據稿本補。

字,而 亦 祖 意」二字名編之義。 卷所 卷爲足本,其下卷已後當别是 不 以 而 文 卷次 留 來,好蓄名畫,皆往往爲好事者 下 下卷亦無之。 載 意也。」味此段語意,亦是 卷 則 公第 恰 畫 否。上卷之首標題「寓意」二 一,其上 采 而 上卷之末云:「余家 一卷 則《 無 都 則 其 寓意編》者, 每 下 修各 寓 卷。 意 系 編 收東 [寓 收 Ħ. 所 止 據 藏 與 此 此 此

之名, 四 未 且 嘉 録 其下 靖 年 考王 中有 況其 Z 戊午 而 卷以 一酉,而 + 中間 寵 一六年。 嘉 下卷末 是 畫 所作 下,每卷 靖丁巳正 於 載 嘉 何良俊之撰《銘 嘉 文 靖三十七 都穆《墓 都穆何 載入 黴 靖 明 皆 戊 月人日記 何良 午。 題 Ш 從 志》, 水則 「太僕 年 前 俊 乙未 皆 心 載 穆 書 《書畫 少 在都穆 是 録 所 其 卒 於 卿 》,乃在 觀 於 嘉 嘉 書 都 書畫 銘 靖 嘉 靖 平 Z 靖 13 ?

> 卷 題 諸 是 日 卷,亦 則 「寓 不 意編 特 皆出後 下 」,以存都 非 都 附 穆 穆之舊 益 所 今就 撰 即 其 其 下

筆 觀 據 蓋 化戊申」一段, 刻 本 所 ,不足爲疑也 收 鼎欵識 中 所 見 藏 穆之先世自丹陽遷居吴縣之南 目《鐵 間 鑒賞, 録 之,依 如 帖》, 顔 至 網珊瑚》之總 魯公《争 成 然 穆 所 化 米 已 載 歷 無 芾、周密 亦 五世。 戊 足資考核。 坐位 申, 帙 。是以 者 著録之式, 帖》、 乃 是 頗 偶 薛 此卷 潔 濠 爾 尚 净 成 功 視 可

跋萬季野書説文後

金《繋 李 定 斯 季 傳》之言乎? 野 謂 者不合。 以 小篆 許 叔 程 重 貌 \wedge 楚 其 説 作 金曰: 文》序 固 與 也 其 「按《漢 1 前 不 謂 甄 聞 曹 小 書 徐 篆 等 出 校

明矣 之不 也。 以 所 也 貌 李 文」者,此則秦篆之别 書之小 而 別標 罪 斯 小篆」者,曰「秦刻石」者, 李斯、 而 漢篆 出 體 而 等 同 於 記之爾 「篆作某」者至三十 篆 作 且 復 作 論之,許 未必 季野將 也 頗 平 趙 異 高 頡 則 出 觀 未有 許 胡毋 於一 氏 以 此 氏 秦 則 ^ 則 説 能 敬、程邈之小篆,秦篆 書 , 篆 斯 歷 多或體 而許氏一之; 既 文》之小篆, 云者,爲即 一之者 篆之非 是小篆矣, 有四文? 雖 取 又 曰「秦 史 故許 史 口 ,知矣。 漢 嶧 所 氏 又 氏 而 而 Ш 有 何 本

九 草 制 千 不若 吾 尉 季 以 律 野 又謂「許 改 班《 盡 許 諷 存 氏 志 書 此 氏 \approx 爲 而 爲可 序 誳 改 謂 班《 籀 許 與班 信。 氏 志 ^ 言 疑 蕭 又 漢 何 Œ 迷 晦 草 蚦 謬 相 漢 籀 律 家

> 九千字 摹印, 篆, 貫 又 史 漢 乃 明 太史,并課 令史。」 日 日 試 有 而 : 篇名 何謂「改草律爲草書尉律」 漢 與 草 六日署書,七 體 尉律、學僮 上八體 乃 書。」 小 而 也 試之,課 許 得 篆 最 Ē 籀 諷 序 者 此 爲 何 與 書 書 史。 以 以 草 字 「蕭 最 九 相 爲 上皆言書體 十七已上 三 之 刻 F 者 貫,不 又 尚 何 殳 亦亦 爲 符, 以 字以 以 書 草 書 書 功 爲 著 律 有 八體試 四 史。二尉 與下「尉律」 大 尚 E 其 語語 1 始 乃 也 體 蟲 試 哉 也 相 隷 御 之, 得 應。 律 諷 班 史 「草 : \sim 史 郡 此 五 籀 日 漢

試 存 一乎 且 ? 季 何 野 又 籀 又 謂 者 安得 時 也 異 用 哉 謂 隷 況 斯 書 漢 漢 言 時 時 即 九千字之不 史籀》十 未 有 且無 隷 不 五 本

考而 造 以 試 豈 試 書》注中,季野 存 籀 小篆及隷 之不可爲也。 秦、漢小篆所 有試隷 之 互見,此許氏 理 哉 不足,乃試小篆,小篆又 武 書,亦當别爲科例 時 寧不知之? 惟 以 乃 所以重慨於後來鄉壁虚 其 得 亡 時 形 其 籀 得聲之本,皆可參 六 書九千並 篇 且假若其 耳 使並 不足,乃 此 在,是 熟復 在 漢

者, 哉 前 言之也。 也,其文則依前秦八體言之也。 是景帝子,先 曰:「古文者,孔子壁中書也。」魯恭 五 童者,蕭何律 其以試 而季野轉未 六十年,蕭 至於八體、六體之不 是故六體云者,特班氏 許序 學童宜 封淮 以 有 也 八體試學童者,漢《尉 何草律 説。 陽,後乃徙 矣。若六體, 其文則依前 蓋班《志》 時,安 一同,是 魯,其 從 得 八體 其 所宜 則師古注 保氏 以 後 而 去漢 六 Ē 六 知 在 體 一分析 而 餘 律 之 初 漢 書 試

> 未 師 序 可 盡 以 古 曰 「時有六書」,則 詞 者 見 謂「程邈作 究之六體之目,未知 此注之非 ,幸得許序以章之,而 與 許 序 八 小篆,亦作 傅會許 體 之文 亦 非 氏 本 定 始 矣。 隷 自 於 後人顧致 書」,是則 相 甄 何 班《志》所 年。 豐 矣。 而

更

然

跋 何 義 門 校庚子銷夏記

惑

於其間,抑何心歟

歧

碑 翻 表 而 顧 旦二字,而 本, 碑》,義門 貶 亦 義門 孫 偶 寧人之爲 義 似非 門老 爾 而 置 亦 愚 君 臆 疑 人 論 謂 固 子 遂生 度 爲 此 於考證 重 非周 如 翻 論 慎言之義。 開 此。 本,未見其 軒 失 旋 前人 真,其 因「暨」 輊 鄉人也。 實則漢人書碑者、 語 觀 説 蹟 者 至 字訛 極 得 一於《張 即 不 ௱ 之 疑其 必 如 糾 因 IE 既 遷 張 爲 何

第 不 本? 必 未 其 知 盡通文義,原是當 先 生云失真者, 時佐 其 所 隷之書 謂 真 是 耳 指

石則未 予 碑 字未損。 H. 甫 是書寄鮑君 多矣,奚以疑 **詣學宫**,手摹是碑。 本校之,毫髮無異,只「東」、「里」、「潤」!! 跋尾 》石之上,其非 曰:「此原石也,今則重刻 來 謁 今年秋,予典試江寧,出 门以所 也。 为 因 以爲舊 識 十月一日,歸途經東平,晨起, 俾刻 所見應之。 爲? 舊 搨難得則有之,以爲别 重 於《知 搨《張遷 歸安 一刻無 石質 Ţ 不 疑。 (蒼黝,在吴《天璽 0碑》殘 足齋叢 小雅孝 耳。」予以今拓 闡 漢碑 後,汪 本 廉 無 書》,索 -見眎

青金壽門續集自序後

壽門《續集》自序云:「乙巳,客於澤州

作。 説 佛、未嘗瓣香。」蓋不肯屈就 之作,焉能企及初白。 章精 及於學士。 辛卯,初白有《題王石谷畫午亭山 得稱後進。 館,在康熙四十二年癸未,故於幼 公之子,康熙丁 册,吾最薄之。」」幼安名 陳幼安學士四 文章千古之事,豈論先後久近哉! 之詩,所詣 士偶及之語,且其自序又曰:「吾於過去諸 查翰林兔園 歎 也, 日 妙,不必以 而初白 則杜 乙巳,則 、韓、蘇 君鄉查翰林是吾後 深淺 今觀 午亭公之歸也,在 集中,與午亭唱和 挾册,吾最薄之一者,在學 【載、相】 不得 初白限之,若夫大篇 维 丑庶吉士,官至翰 壽門自序述學士之言,謂 、黄,壽門亦將弗讓歟? IE. 而 國午亭留詠殆 知,至於壽門,雖 而自序中輒引陳 壯 年 履 也 前 澤州 康熙 乃 進, 初 如 無一 安學 白 兔園 林 陳 此。 五 遍 充是 侍 + 文 口 知 挾 調

豈 中 而 失於 無 作 其 正 十六 家 取 Ŧi. 一唱酬之作。 汲 白 年,是時 也 引後賢耶 之詩 之正 歲 贵 可 根根 同 蔑 雖 壽 在 門年 視 柢 不 若非失於請 杭 ? 之 敢 湖, 深 攷 比 己四四 於 家園 初 繼 杜 + 白 往 不遠, 之詩 益 開 韓 歲, 來, 前 蘇 而 樊 近 終 集 榭 於 H 則

力 知 田 而 各 學 己也 者 樹 不慎哉 養 不特 幟 學問 以 而 開黨同 之道 夫好惡之際,甘辛之喻, 丁敬身爲洗刷趙宫贊 繋乎 ,以平心 風 伐異之漸,此尤學 氣 人心。 得 師 爲 미 善 不 鄰 慎 視 雞 X 無 乎 之 所 取 哉 哪 功 於

諅同人贈盧抱經南歸序卷後

記 右 汲爲説, 送 抱 經 小雅 文, 凡七首 爲書後, 未 而 谷、 石 臞、 魚 端 林 爲

> 書》,而 以校 也。 於 易近於序説 堂,子不 亦 與 抱經之旨 源 書 子 「抱經堂」而 爲之序 流失得之故爲最深 訂 玉川「三傳束閣」之意 願 諸 口 有 經言之,則莫若漢 又讀學 無 述者。 也。 者 記 也 顧 詩 方綱 士所與 讀 未谷 夫 之。 抱 魚門之記 也 夙不 經 未谷 爲 ,吾不敢知 云者 石雕《論 書 中 喜爲記, 日 須 郎將 盧 圃 友 「抱 氏 有 大 子 故 戴 感 謂 怒 於 其

所敍 IE 文 植考諸家同異、附戴聖篇章、去其 耳,至於《漢書》 鄭玄亦依 小 = 也 以二戴所 戴 禮解詁》之目,而承 略 ,然《釋 近 **%** 日 而行於世,即今之《禮記》 盧、馬之本而 秀 按陸氏《釋文》云: 水朱氏序録《禮記 記襍糅未定,故謂之「回穴」, 文》特指 》所謂 《禮記 今所 注 師 焉。朱氏 條 見 後 下, 特 禮 (漢馬 多 \leq 獨 記 回穴者 繁 系之於 既 蓋 是 加 據 也 重 不 此 及 載

記 字。 鄭注 漢信 見 朱氏《經義考》遂於盧植《禮記注 詳 是植 甚 中 文乎?《隋志》曰:「《大戴 文》二十卷。」此不特誤 而 大戴記》 卷,漢 郎 卷」,不云「十卷」也。 新 有 明白、蓋 「《隋志》十卷,唐新 出 所注《小戴記》也。 下又曰 《禮記》者、《大戴 將 都王太傅戴德撰。 、舊《唐志》者。 待 是則《隋 非《釋文》所謂「今之《禮記 盧 於植之考次。 九江太守戴聖撰。 大有 植 也。 以卷數不同,故特標「禮記」二 注。」而其 志》所謂十卷者,是 禮記》三十卷,王 搘拄, 豈 新、舊《 新、舊《唐 記 下則云: 唐志》所謂二十卷, 是《 得逕以十卷者目爲 看《隋 《禮 》也。 、舊《志》同。 況 且 (漢書 隋、 鄭玄注。」此 禮記》十三卷, 不觀《隋志》之 記》十卷,漢北 猶 志 志》,并 唐三《志》, 「《禮 肅注」者云 シ所 崇下 之《禮記 **並云**二 》明矣。 植所 記》二 云 似 大書 文 禮

> 卷也? 小 戴 記 \approx 且 誣 新 舊 ^ 唐 志 **>** 亦 以 爲 +

哉! 禮皆 執日 所見者以質之。 文」,尤後學所宜究 起粃謬,敢率愚淺,謂 合《尚書章句》,考《禮 周盧辨,尚未足備君家故事也 子幹上 前 有 故予 考訂, 惜 所 見, 因學士 書,謂:「前以《 以 今不 世徒知注《大戴 没其 與石 心 盡傳 諸 之解詁。」 參覈者。 記》失得,以 臞 經之功, 論 於 周 是 世 禮 ~經,而 是其 家諸 丽 記 此 朱 刊 m 於 奚 氏 舉 所 正 有 夙 調 可 澽 發 碑

跋 中 州 文獻册

後

文正 生 日 ,理學大儒 「中州文獻」,而竊有附及者。 武 耿逸庵三先生手蹟屬 孝 廉 穆 ,又同在中州,故爲 淳, 以 其 鄉 先 爲 輩 題 題 三先生之 識 夏 其 册 端 先

文 所 學,初未嘗不溯 之學自命也,不以朱陸異同 Œ 能 事,直造聖賢之詣 耿 企 以 逸 躬 庵 非 行 之學, 議 實 原 論 践 於姚 爲 皆 户 1 本於 初 家 江 得 不 數 巾 立畛 龂 夏 然 所 齗 峰 而 能 非 界也 伙 理 且 口 以 藴 夏 也 耳 姚 見 峰 詞 於 之 湯 江 章

乎? 唐 性、道 位 以 氏,不思朱子於《易》雖 必以「誠意」居「致知」之前,反輕議 際 未嘗受學於周元 知 行 之處 子《太極 爲復古,甚 也。 見 合 諸 中州正學,發原 問學爲二事 經學 後 事 一之旨著矣。 然視 來知究 爲 即 圖 矣。 王、韓之淪 説 理學 至考經義者,必 公, 心理路者 也, 此 擬諸形容 其 且以程 何 於二程子,至夏 爲姚江 理學即 至潛庵、逸庵, 有 非 於 過 經 虚 朱 信 義之 良 無 必 修 E 皆 欲 邵 知之説 欲 己 辨二 復 何 子先 有 所 判 治 何 洗 如 朱子, 一程之 尊 X 闡 而 峰 害 哉 天 於 之 方 德 述 實 丽

> 舉? 以 此 此 趨 精 而 向 皆 心 此 等 ,妙合而 必 之大閑 遺 謂 三先生之實學實 嗜 · 豈惟· 世之矜言博 議 瑣 太 皆 嗜 極 凝 中 也夫 圖 博 自 州文獻 與 出 而 生 無 於 辨 不 支 陳 漸 驗 極 蔓, 俎 行 希 諸 而 豆 牖 致 豈 夷 太 實 不 其 畔 説 極 得者,安 不 祧 歧 於 經之正 亦亦 思 程朱者, 説 初 無 實世 俾 得 以 乎 五 道 端 盡 ?

跋王若林自書耘渠續稿序

並 歸 六 申 年戊 之 有 以 歲 後 右《王 進 時 」,若林生於 一,其 藝名 申,年六十一。 而兹序 一年,在 耘 法 家、耘 渠續 密 顧 惠 略 而 康 藁序 渠 Ш 馬 氣 熙七年戊申,至是雍 最 第以 醇, 時 是其由 *>,若: 善 作 宜 也。 其 有 嗜 林 晚 更部 耘 以 手 年《 書,後 發 渠文與耘 壇 其 郎 續 王氏 微 戊 妙

瘦細 或先 法,尚不及行書之學米,恐未能 能人率更之室。 氏 遜 嗜 並論也 也。 其 前 推 耘 愚 渠 書 哲 爲 有詳説。 至若林之書,惟篆法不 文 師 相 而 耶 較 長 精詣過之,後有作者未 ?: 耘 言之。 即即 晚年自命學褚,而益 至於正書學率 在 渠時藝,不特 國 朝諸 生竟 名 自 荷 與耘渠 以 更, 雖 在 爲 而 失褚 而 之 其 偏 文 未 於 度

间

越出 是 惶然,弗敢安 自 聖」數語,恐涉後人臆揣之末見,而先生又 文,若林書。 已倩工將鐫 語 書於碑陰,自謂用褚法,慮觀者忽之,於 古人,而視 昔在濟 且勿鐫。 寧拜 方綱 矣。 也。 方先 乃讀 謁曾子祠, 蓋實見此文并書 若耘 衈 心 生之爲曾祠 方先 慕焉 渠之時藝, ,題名於石後 生文「仰贊宗 祠碑,方望溪 碑 雖 而爲之 不 能

> 吾讀二君之文而重哀之。 哀之,各爲文以貽淮人,俾伐石 山 陽 新安程魚門編修、宣城袁實堂孝 曹抑堂友 善。 抑堂 殁 而 刻其 無 嗣 墓 廉

與

江 治。 十里外乃别。 話及 茶山 出 不 山 江 一,予後 南昌,江右諸邑宰皆出 而 相 陰 西省試,抑堂時宰彭澤,分校《毛詩 同 平 門人,以 有 識,其與 確 乾隆己卯,予與武進錢茶山侍 齋則 味也。 館 確齋分校《尚書》卷。 三日始行,而 事 甫由庶常散館, 輒泫然涕出。 予論文相得, 晨夕謁見茶山,故與予最 其後五年,予奉使 茶 Щ 以請假 確齋、抑堂獨 迎 復不减 旋 愐 於 出宰金谿 確齋、抑堂皆 里, 抑堂與予 江 岸,見 廣 先 遠 確 郎 東, 發 齋 送 同 道 至 之 欵 典 夙 每

三〇五

予日 惻 IE 然者久之。 本 而 "「訪曹師於其里,惟一女在爾。」相 不 抑堂門人 抑 矣。 也 認認 又 選得 後 七 廣 年 東信宜 而 廣 信 縣, 曾 與 語 牛

微 皆援 茶 號 日 可 婉 之文,予未 繹 破 山 涕爲笑乎 周 頓挫之文表於墓 堂,今聯句 聯 憶己 白民 旬 |卯在 則 爲比, 嘗 確 闡 一寓 諸 齋、抑 中, 顧 藁尚 每 目 道 不知白 堂必 夜分,閲卷 也。然二君墓表, 在予箧,而 者否? 與 民 焉 身後 則二君或 稍隙 惜其 抑堂 (,有此 **W**. 與

青二學人傳後

年 識 陳竹 人吴學齋之門,故於予得稱門人, 文子 五年。 學人傳 興 化 顧 》,新 文子 文子 作也 安 舉 程 順 魚門 天 予 鄉 識 編 試 竹 修 而 爲 出 予 予 海

> 持 或 書 熟 善本書、一舊拓 先 於 以 倦 相 金 色。 老 與 後 諸 石 一之學。 友 指 經注疏,竹厂 鄭 敬 摘 説 之。 瑕 侃 侃 文子每來予家, 不少假 碑帖 酒闌 君皆 精研《大戴禮記》及六 燭燼,經夕不寐 則持 博 借。 學善 來欣賞狂叫, 而竹 攷 危坐莊 核 毎得 而

月 見 其 發天津, ! 表 者,竹厂《 又續》若干卷,嘗爲予言之,而未及 篇、《小學三 條,在予《蘇詩補注》卷内。 篇、校劉劭《人物志》并跋一篇,《武成日 一二。蓋竹厂館永清 ,予與程魚門、丁小 《》尚其 二君之殁 無有收拾之者,良 未定 善分隷,學《 **餺鍾辨》一篇、《** 也,有 **艸也。又《論** 變》一篇, 徴 雅 魯峻 被 其 殫 如 火, 미 力 遺 碑》, 武 悲 蘇詩鰒魚行 搜採,十不 文 文子《簣 而文子旅 成 也 將 面 所 日 彙 月表 刻 予 所 之 櫬

此以俟之。書。而聞二君皆有子,能繼其父志,故書

其母剔股。 仁和人。其母紀氏,先世大興人,遷浙居杭,年十八爲書孝女刲股帖後貴州大定府威寧州知州沈鵬,南洲

洲沈 正 筆,但云沈先 立 述者之心痛可知矣! 疾 予昨聽宋生語 十百言。 與其先 顛 書後、馳片紙叩之、則宋生臥 未及筆 女 ,出於至性,不愧孝女之子,其居官實心 末 君 刲 安邑宋生芝山,以 ,使 ,自述母氏紀太宜人刲股療 人交誼之篤,涖官之廉介,縷縷 股 事 而予方讀是文,心怦怦,驚悸 其 人不忍卒讀。讀者猶 册子來屬 生即 語 時 於槧也。 ,似粗記沈君爲人真 俶 以裝,願 題。 乃祖野 宋生因爲予言沈 越數 速 IIII 就 芝山 柏 日、欲 病,不 其 先 不忍, 之 外王 生 能 以 師 所 其 起 數 君 則 母 書 南

> 蘇武 是以 以證 俟宋生病愈 野柏之文方信 段 盡 ,然後太 從不敢爲雷同 昌 牧羝、李廣射虎,觀二史氏所敍次, 亦 黎《董生篇》無一字落公共 宜 愧 ,更徐叩而詳記之。 忠 其 血 可 誠 合一 稱譽之詞,而 傳 ",耿耿 也。 之 浮出 昔聞 理 紙 必 諸 先 墨外, 前輩 書此 語 敍 子 可 此 而

跋王氏家訓

文章 置不用,獨 生所學之大端 海内矣,令嗣輩 曰:「今之學者於經史、韓、歐所用之字, :「一日之内,必有當務之業。 勝於人,非 爾雅,所著《史漢 嘉 興 王惺齋,博極 好用 粗 録其 蘄至於古之立言者也。」又 許 具 氏《説文》字,此韓子 於此, 家 IE 書 **犁**書 譌 以 圃 爲 諸 面 吾尤喜其 訓 書 識 言。 既 聚談 力堅 E 刊 蓋 所 先

爲 非 字,或如遊子之識其家乎? 詳於六合之外,而略於耳目之前。 切 刻 之書,庶幾日奉程朱之正學,講韓歐之文 中今時名士之病。 ,非若執業之確有 害於學問之實功者非淺 而 敢以警人也。 可 以 周 平 四 海 之遠 其方 僕嘗謂今之爲學者。 也,其慆心逸志, 其 也。」此二條尤 端 書此以自警, 相 。讀先生 引 而

香諸友人原藝後

乎? 以 有 予所粗知者六書 乎 下 而後能 徐而 原 諸 夫今人據以言六書者,若戴 公 後許氏之學立,猶夫有孫强而顧 相 原之。 書之委爾。 約爲 日 : 而已。 原 若予於六藝,非 盍原子之所知者。 藝。 必也其 請附於原之例,可 予 日 . 二徐 凡 《侗、揚 所 事 知也, 乎? 必 日 : 知 相

之? 哉? 觹 野 近之矣。 之阜,皆山 天地之文,萬物之理之流别也。今夫一簣 也,摭所見而居之也。吾以爲从某某聲者 焉,其端可舉 楊慎、吴元滿諸人之放紛而不可 形聲之窮者,吾烏乎原之? 然則六書終 家,而大篆 義》已不盡傳。許氏之於古文也,該 書之原歟? 止矣。故楊氏 而 可原乎? 曰。安得而不原乎? 谿之流,皆水也,滙 》也,執其後而 不原乎? 王 一之學 許氏之於經也,本 且爲許氏學者,形聲盡之矣。其以 顧必引末以 立 也,積而求之,至於岱華極 奇字又不盡 也。 也云 日:顧 蓋有説焉,其本可 有溯原,趙 別之也。《汗簡》之言皆从 郭氏之爲《汗簡》、爲《佩 爾。 固 推其本,由偏以 圃 然則 非 歸之,至 傳。 氏 原 孟 也,許亦豈其 有子母,原 由 喜 吾鳥 顧 諸 ,尋也; 正也,安得 一於星 家,而 而 且吾鑒夫 從 史籀 意皆 有 宿 而 其 徑 原 通

A其所以然,則所謂原者矣。 王,無泥於所習,無惑於所變,知其然而因

以 大小 在 惟 也。 陽 所沿誤,而僭著《六書測 也,沿波以討源,可以靡所 同,然果由 書,奚不可也? 而 之,其如秦碑何哉? 許氏 知。 不本許氏之説 於闕疑。 見 冰之議 :吾熟觀漢碑矣,皆前乎許氏 相生、損益相滋之故、雖巧算不能 聖人之用心者。 周之文惟籀鼓在也,而後人或竊 客日 而已。 而周秦 一誤,曰 :然則前 蔡邕也,郭之所證 制字之所以然 予嘗慨常熟毛氏傳習之本,多 、既無 雖謂六書之原,具在許氏之 考 許氏之引經,或與今本不 異, 曰 推 乎許氏者,何 專家之書,其可見 mi 夫許氏參取古籀,其 横直 上之,而 存疑。 原》五卷,蓋 加 不 點 上溯之,誠 極,而其要 M 畫,無 其 必 許 者 以 目日 兼 之所 也。 原 非 此 之? 無 存 則 有 得 74 李

者,而後可以究其原。六藝之道,同歸而

書徐節母事略

霜 鞠 且 遠者,在於言之不文。所以 曾何足以伸其精靈於後乎? 無實。 者,其文若詩皆鋪敍浮藻,於其人尚未肖 足自伸於千古耳。今之苦節乞詩文於人 者,謂在古爲庸行,而 足以推闡孝子之用 文,俾予書 柏舟》一篇以節見者,何哉? 一以十年 育之荼苦,今則褒顯矣。 貫金石之精神,一 吴人徐 不推 爲 於 君 婦之勞瘁,今則壽 原乎此,而 其 明理,以其母 册 心也。夫《詩》三百,獨 予觀王君 在今爲 輕量乎彼者,非也。 燈熒然,惟天 殷 此數十年 不文者,病於 然則傳之不 奇節 苦節 康矣; 其詞真摯, 所爲 事 \overline{H} 日 事 此 風

又何 <u>寸</u> ? 歸 熙 不 質諸當世之有道而能文者。 況 甫 敢下筆,惟 於天地 誰 徒使徐 苦節 ,作尋常壽母文,便令人百讀 得 有 耳。 孝慈. 此 君 奇 自 淚 故予每作 如 筆 慙無學而已。 是者耶? 江 使 流,此 紙 節 上 段 母 字 附 第使 詩 淒然聲影 皆 書於册, 文, 庚 不 輒 庚 一遇 泚 起

書湛園未定藁

服。 袁 笑其 志 桐」云: 云「卒於江寧之里第」,豈 河南祥符人,官江南 乃今讀 未 桐桐 聞 通 方 志其人之生平,而 望 江 望 姜湛園之文,有 不 溪愕然。 溪以其文質諸 桐廬 更謬於桐 一。皆可 穆堂 布 稱 城 政 有 甚 桐 指 縣 李穆 云某科 使。 官 於 。」望溪 人之稱 其 此。 堂, 首 口 丽 旬 進 穆 稱 其 周 爲 堂 士 吾 吾 里 慕 櫟 折

> 豈遜 乎? 漫 溪, 議前輩 而未 不 徒 姜湛 望 知 溪 有議 其 詞 也。 於 何 氣若 耶 經 世 湛 ? 傳 袁 效史遷,而 云 每見 攷訂 者,書此以當箴記 卒 年 近人論古文或薄 雖 若 未 深 目 ,然以文論, 爲 古文, 知 其 口 望 何

答趙寅永

蓋抽 之 其 源 變也 耳。 、 實仍 一 《易》 出 詳 理 有 象 言 與 而 聖人之道 不得不申析 占雖 已。 辭 分, 與 刀 然占 變雖 焉 爲 四,而實出 即 分,然變即 雖 象之占也 分 四 層 説

測 其 1 中。 筮 之用, 《易》固 則若有 實《易》 m 爲 例 天 ト筮 可 地 固 揣 間 無 而作, 尋 理 所 者 謂 氣 耳。 辭 事 例 物 象 也 即 變占, 自 無 如《易》 學 不 者 該 亦 皆 仰 貫

跋 和

乎? 之擬 從 太 説 爲 理 則 合先後次第, 極 别 指 毛 兩 者,非平心説經之正也 傳。 大太 其原始。 西 儀未 諸形容,亦不必别援 河謂 八極生 此皆後人好生議 判 溪周子作《太 太 之初,原自渾 间 兩 既有先儒 極 其實亦只 儀 無 四四 所 謂 象、 如此 圖 極 淪 八卦, 陳希夷之説,疑 論 者,又何嘗不是 圖 理也。 ,轉若致生歧 次第仰測,爲 無 説》,亦就 迹 雖 象可 若 太極 有 其 是

> 無 本

放、劉 審指 用崇 學者於經 之學者嗜異驚博,旁究荀、虞,又或旁及种 未之或知」,後之學者焉得而仰窺之! 齗 大 **小德,窮** 歸 龂 來 今日讀《易》,惟應翫辭, 牧諸 書 惟 ,以求聖人教人寡過之旨。 此 而 義 家,不過欲與程朱立異耳。 神知化,聖人尚 附及之。 等圖説之是辨 應研 究處,不知逐條 甚無謂 謂「過此以 精究傳注,研 審訂 至於利 也。 今

> 則景 閣李邦獻撰 以《永樂大典》所録詳攷之,實宋 逸句,●亦皆不在此刻。 雜記》云景祐初尚無恙,則 之句。]和靖生於乾德五年丁卯, 不識君嘗夢見」,坡公生於景祐三年丙子, 天聖六年戊辰者,未之詳攷也。 西湖紀逸》一卷,又《後邨詩話》所載 恙。 也。 撰, 祐 和靖集》,今所見惟此長 初元 范文正贈和靖詩,有『 而《青箱雜記》云:「景祐 或又因 ○ 蓋 和 靖尚在,亦 和靖之號,誤爲尹和靖撰, 在 宋 初 臨 而《省心 可信 安刊本,題爲林 舊傳 巢由不願仕 洲吴氏 初 録》一 也。 和靖卒 初 蘇詩「我 而《青 和 直敍文 又有 校 靖 於

和

原作「語」,今據稿本改。

依文意當作「敷」。

皆非其實耳

書方忠文公憶釣舟詩艸

方綱則因見壁藏此蹟,而敬有附記者: 方鄉之比,抑且仰贊忠節,猶不足以盡之。 百年矣。葉農部裝册,屬題。不特非品題 百年矣。蓋先生殉節時,有人藏諸壁,今四 中得之。蓋先生殉節時,有人藏諸壁,今四 中得之。蓋先生殉節時,有人藏諸壁,今四 大行艸,後書:「洪武丙子二月廿四 大學、與古屋,於壁

有關 安衛。 立 方氏 孤 布 事 「有徐公善安者,於浙官僉事,奉詔 族,脱其 係,而其文乃若隱約未盡者,則豈 衣 嘗見董文敏作松江書院《求忠祠 能言之。」此段於方先生身後 語具《浦城志》。」又云:「僉事公於 躬 閱。」又云:「復姓始末,予友 娠 婦。事發,斷一臂,家戍保 記 收

> 於他氏,而後來寄居松江,有復方姓之舉。 「吾郡」,則是寧海方氏 文敏記又云「吾郡之方有亢」,則必是其遺 志》者,亦未 末 董記雖未具詳,而大局已了然矣。 孤之賢能昌大亢宗者。其云「復姓」,又云 尚多 忌諱,不 知 邑志 敢詳 果 著 能 乎? 存一綫之遺孤、託 直 書備 所 云 見《 否 浦 也

者耶? 予益。 闕門,集議班末。若爾時得見董記,或能 氏遺孤復姓事,如能核其實據者,竟當 訪 傭、補鍋匠,皆蒙旌祀。 共知之。 京堂、翰詹科道等集議,建文殉節諸臣 通,垂之藝林,不更愈於董記之含意未 《浦城志》,詳此事本末,豈不幸甚。 乾隆四十一年春,奉旨,大學士、九 方先生得賜謚 是以見此墨蹟,敬書於後,俾觀者 豈僅題識鑒藏云爾乎 其時方綱亦得 日忠文。下至 河 陪 詳 而 卿 西 方 查

復初齋文集卷第十八

門人侯官李彦章校刊大興翁方網撰

跋宋槧艸堂詩箋

宗。 言。 造 稱 稱 而 坊賈之所爲也。 面 東 卷前 卷内又有「魯訔 「增脩」,又或稱「集諸家」。 「杜公」,又或 諸如此 《茅屋爲秋風所破歌》,●謂譏 坡之説 此 闕 本 雖題「建安蔡夢弼《草堂詩箋》」, 其 訓誡 類,荒謬 (序, 有 稱 且 至若《義鶻行》,謂指回 如 日。 「甫」。 卷 陳 可笑者甚多。 前 直 題云「魯訔編次」, 至於詩注之語,或 齊《書録 其每卷之首,或 此蓋南宋 解題》之 明皇、 又多 肅 末 紇

又跋杜工部草堂詩箋

考見古本之一助爾。

蔡夢 原序。 前 魯訔編次,建安蔡夢 而 丽 注杜 宋槧本絶 會箋者,即訔編次之本。 **致黄鶴** 詩者,以魯訔、 補注 少。 ,頗採魯訔本之説 弼會箋」,目録 此 本卷前 黄鶴 並 題 稱,魯在 蓋 云 前 成於嘉 闕 此 其

道光本回改。 道光本作「歌」,疑光緒本誤改,今據

之。 所删 之 津 所 猶見舊本 員外舊莊二首》「右二篇歲月莫可攷」, ~類 縣 訶 是則 ",而此 者。 四首》、第廿 則是 雖 闕 然其 尚幸存。 杜公原本如此,今已久爲注 南宋書坊妄輯之本,而 慎之義 間 一卷《暫如青城縣五 如第二十卷内,《暫 ,而諸 又如第一卷内《過宋 家注 本皆删 尚 足 如 首》 去

=

注 了影 李七 如第 原 首 莊 卷 所 内 泰 人山》、《寄杜位》。 《寄陶王二少尹》、《寄高蜀州適》、《野望過常少仙 標舉 本之遺,而今皆不可問矣。 本 有 不 内 甲 司 此五首、又三首之另 ¨, 而 亦 系 《過宋員外之問舊莊》、《夜 云「右二篇,莫可攷,姑因次之」,此 '馬皂江上觀造竹橋 十 皆 歲 後來 杜 在 删 月,亦見舊本闕慎之義,今所 黄 公某年某 卷内《 去也。 諸本皆删去之矣。 鶴 《暫如蜀 注 暫如 本 足見· 之 》、《觀作橋 地 '州新津題三首》、"陪 蜀 前 所 南宋 十有 起總 州 作 青 」,頗 八時尚 成》、《李司 城 題,是 又如 縣 年 具節 宴 存 五 也 左 杜 第 原 一首》、 行 氏 本 橋

書王文簡五七言詩鈔後

以 宋 元 極 諸 作 西 家。」此言非 者之才 溟 序云:「七言詩 思 ,義 也。 不 主於一格 去三 王文簡此鈔七言 百篇 ,故鈔及 已遠, 可

> 若 自 矣! 謂 以 白 也 遠 非 及 而 可可 爲 格矣。 實 撰 杜爲宗,唐宋 宋元則及誠 ,若果其於七言也,唐 於 自撰凡例之明白 古今七言之變遂盡 專 序。 凡例 於 舉 宋 西溟既爲此書作序,豈未嘗一觀 以 本 唐 元 止 今文簡自撰 邪? 書 又狃於其文之擅名者以爲之序, 諸 人 於 家 無 可 唐 者 所 以 耳。 大約 以 齋、廉夫之徒,斯謂之不主 發明 盡 以 來 無疑 凡 蓋 之,不比五 時 凡例曰:「七言大旨, 蓋學杜者則取之,非 ,徒滋 於此。」詳 此鈔七言之意 代 爲一書,不當 耳 則 之變、才傑 及於張、王、元、 障 礙 一言從 哉其言之 而 之 使他 來者 如 出 其

青張燕公詩後

西 袁 東 壁 墨 林 圖 書 西 府 園,則 東 無 定 所 共 或引魏 知 予

思 祖 魏文帝「逍 西 述, 園 或 遊 林 日 芙 一義不 原或委 上才」, 蓉 矣! 遥 池 北 詩 相 (之理。 而 西 即 涉 園」之句耳。 沈句之「西 此 者 逍 一條,足見其概 谣 今之學者, 步 此 當 西 袁 引 袁 此 沈 鹵 則 則 休 則 詞 本 文 似 於 場 詩 與

杜 13 陵 李潮: 八分小 篆 歌 後

乎? 洪 郎 밂 開 脚 邊 文 寶 也 幅 ൬ 時 以 漸 秀 於 瘦乎? 水 格 瘦 蓋 整 唐 (硬馬 朱 惟 耳 趨 兼 竹 其 肥 舉韓、蔡,是三家者 未可 韓、 **垞詩云**: 時 主 癡。」此 分隷 也。 蔡諸 以 云 皆趨 然少陵 一語 碑 痩 開 今尚 硬。 於肥 元 即 君 於 小 有 是 至於 臣 漢 陵 於 存者,亦 雖 分 獨 LI 是 中 具 詩 隷 舉 少 體 肥 陵 注 中

惠嘗駮諸家之傅 以《西 岳》、《劉熊》、《 會矣。 夏 承 **>** 諸 碑 攷 又

《金石 撰文而 也。 밂 書 蓋唐 數 碑,遂以「苦縣」指 果爲「骨立」與 縣光和」之句啟之,周越《 石録》云:「舊傳蔡邕文并書。」 婁彦發云:「於時 碑》筆意,知 「苦縣光和」云者, 《以樊毅《西岳碑》實之,又皆非 碑者, 驗之,洪不著其 》所云蔡 其 在 蓋指學 且予以歐 隷之根本, [録》謂 目 中 邕書,初 筆勢皆相合,蓋 郎 爲 公諸 · 蔡體 中 唐 即 後 郎 否, 人於是 陽率更《房彦 延 者耳, 體 無 全在 者 四 陳 此碑、「光和 熹 不知 惟《 字體,婁雖著其字, 未 所 + 皆 相邊 可 八 據 於 碑 范 非 非 三 所指何碑。 知 年《老子銘》是也 也。 中 最 年 韶 巨 無 未 目 也。 書苑》遂以 新俎 郎 卿 演 據 始 爲 謙 而 今以洪、 一人無疑 碑 二指石 加 蔡 或者疑 碑 不 李 惟 煮 豆稟承 爲銘。」《 也。 節 以 書 冠 嗣 杜 肥 范 趙 巾 絶 經 真 證 甫 婁 明 爲 古 爲 爲 巨 而 也 金 范 貴 韶 苦 書 其 誠 是 卿

《禮器 之也 句, 間 有 當 蓋 斯漢蔡邕,中 也 聞 聞」者,難 一時、傳於後 近 深惜夫兩 「尚骨立」,「尚」者,僅 而惟 於 於後 愚 爲 碑 瘦 嘗 意 中郎 杜 一硬者 研 所 惟 而 亦 指 漢 極 之也,非 世者惟 之是 杜不 習沿 間 之碑 惟 書家姓名之弗傳, 兩 中 作者 漢 郎, 言者。 尊耳。今乃知 一一苦 時 小必 金石之文矣, 一蔡中郎 人之指,抹摋 薄之也。 而 絶不聞。」予 蔡 中 縣 杜固 詞,亦難之,非誇 碑 郎 光 中 書 和 日 耳、故 之 體 兩 碑耳。 痩 最 非 而 漢 初 其 也 兩 秦 痩 硬 變, 作 日 讀 烜 漢 有 莫 硬 絶 其 諸 故 赫 杜 此 李 加 者

李潮耳。 而豈言 耳 夫 時 韓 不得 大以夸者哉 杜公之言蓋 故 尚 日「開 書、 不數之, 蔡 元 騎 以 曹 於是 極 來 宋 則當 數 矜 朱 奄 八 慎 新 有 分 時 仲《 分 二子 所 寸 猗 稱 出 者 爲

> 亭詩 又以 犯 「尚」矣 寮 也 雜 知杜公之立 記 予因 亦非 毋 引 論 此 與杜立異者,予别有説 讀 詩 不 是 得 作 言 詩 杜 示 意 而 ·荷 力, 得 焉。 抑 唐 Ħ. 則 人書學 至 與「貴」字相 是 東坡《墨妙 詳之。 ,之脈 尚 之

書杜少陵李潮八分小篆歌後

筆 之之 以 餘 經 作 非 小 日 地。」 於 力 者 篆 後,八分蓋 專 此二 李 也 也。 歌 辭 推 或 潮 此 》,探 李、蔡 謂 則 唐人 則 蓋 : 至於《送顧 用 子 何 日 以 原 也 顦 意 以 解 贊 分 委 盤 顇 蓋 杜 美顧文 於 (隷,蓋 乃 而 拏 意 敍述此 言之,固自立言不 亦 屈 贈 誡 顧 舉 微 强」, 全得 奢 顧 中 學 侯 有 ^{||}則 誡 郎 運 爲 示 事 於顧 及 漢 鑪 奢》之篇 主 同。 曰 上下古今之 韓 錘 人 一中郎 誡 而 筋 奢則 筆 呕 力 稱 耶 皆 其 破 是 難

故 顧 下 且 則 之作 千年 其 其 姑 Ħ 力 言之也 送 未 而 尤 ·以詁 探 魏 顧 暇 其 同 顇 多以 晉 原 又曰 論 精 贔 也。 反 李潮之歌 六朝 屭」。 力所 肥 唐 本 瘦矣。 入直進 御札早流傳」。 專以筆力爲 者 以 在 同 來,多孱 明矣。 是 力 語 御言之,故曰「玄宗 此其指歸 耶 既 乃 以 ? 全 作 特 弱 立言之所主, 在 力 鬼 此 不振之作 此 之 此 是豈與上 不當援 不同 提 唱 中 亦 也。 送 郎 以

膏韓子龜山操後

志 龜 得 也 柯 Ш 蔽之。 已之衷已矣。 《琴操》,夫子 則伐 得已也。 Щ 手無斧 也。 伐山 之詞 夫擬 然則必如之何 柯, 奈龜 是操者,第欲 聖人 「予欲 Щ 之志歟? 何! 望 而 魯兮, 夫 後 傳 其 非

> 余一, 也。 敷? 然 歸輔」,沈頓之極。 諸家,有執 「歸余」者,則直致 非 歸輔結之。 隳之非實也,固 矣,安得而 斯 伍之設云也 也。「嗟余歸 可 則 乎 則以「歸」字著力注下,大失古樂府渾古之意。 乎。 ? 必 日:非 知將隳」者,恨之也。 如 何 或 方松卿本者,故疏 此聖人所未 不隳? 日: 也 而 其 則 「歸輔」二字,若或使之矣。 口 無 輔」者,冀之也。 日念奄之不克終也, 知 余 輔,誠 弗 爲 不成説矣。 故曰不 隳之亦設 云 爲 所 伍」、「余輔 所 奄 也。 盡言,而韓子 奄 也 得已也。 也 伍,設也 其作「如 脯 斯 ? 因 辨之。 田 其 , 爾。 近 日 以 日 謂 文 己 「嗟余 當作 故 既 相 歸 爾 惟 奄 輔 知

青李義山贈杜司勳詩後

裕 貶 死 義 Ш 崖 詩 州 而 杜 作 牧 司 以 勳 韋 丹 有 首 或 致 謂 慨 大 衛 李 公

之 相 政 没 平 碑 埋 大和 此 不 六 此 得 年 説 以 所 非 韋 立 也 丹有碑 也。 其人其 相形者 裕 事 滑 也。 何 州 有

謂 死,義 矣。 江 碑 此 奉 大 撰 乎 日 年,商隱 「漢,蓋 詩 詔 中 弔 之某月,未有 韋 撰 丹 作《 羊叔子峴首之碑,因 爲 三年。 山自: 層,則未 則牧之爲 秋」者,安知 此 韋 事 大 義山 還 在 此詩 詩意,明是 碑」,●則韋碑 中三年 之京,選 因 桂管歷 二年、三年之間 愚 年 以 云「清秋 有解者。 按此詩,義山自 杜牧之爲司 譜》者, 司勳,未 明 一爲盩 - 作明 長沙、 非 文。 義 追 屋尉。 矣。 又據 據《年譜 Щ 既大中三年立, 而上 荆 説 一首杜 可 身經 近 不 門北上,其 執 大 大 勳 但 援 一年因 爲 中二年之 其 中三年 能 秋 員 漢 注 時 漢 還 必 詩 確 \approx 外 江 云 水之上, 在 鄭 指 京 郎 大中 ^ 羊 時 杜 亞 在 其 涂 系 此 即 祜 於 所 時 經 是 杜 牧 貶

皈

總

朽

丹 碑 爲 牧 之 所 撰 耳

篇矣! 之遠 「心鐵」也。 者是 因 與 依 在 乃 杜 祜 矣。 妙 其 歸 南 韋 前 加 前 也 巧合處,韋丹特其借證 碑 及 半 教之義,此所 此 朝 1 宿 前 「杜 於 主 遠 句, 而 固 引梁 韋 客 他 詞客也, 又豈必刻求於撰 相連 秋」一句,是 不在此。 有 碑 顧 「歎」字 之江 所 盼 非 唱 觸以 因 以上合「杜 而一 歎 總 一定之 韋 蓋通首之意, 譏 總持」二字, 故結 以爲杜之文 捲盡 碑 通 憤 章 而 篇之窽郤 時 碑乎? 懷杜也 處 處 法 一杜 事 秋一、下 復引 也 則 秋 而 0 詞 結 更 是 則 江 若 因

總

旬

贈

云

篇

羊

脱

0

又豈」二字,原脱, 今據稿本

跋義山重過聖女祠詩後

雨」用 闡 女祠 推宕也。 首體味之, 字之眉後三紋也。「會」字、「憶」字,則「靈 又自作開合。此則 吸也。「常」字、「不」字,與第二句「得」字, 自夢,則 改爲「猛雨」者,此大謬也。 「不」字與「常」字,自作開合,此本聯之呼 無定所」、「未移時 夢」字非用古事,正是義山自夢耳 之,似乎「曾此」二字文法較 第三句,謂「夢雨」與「飄瓦」不合,遂 詩》第七句,「會此」應作「 昨聞冶泉説 陽臺事、「飄瓦」用昆陽事 迷離 「通仙籍」、「問紫芝」,則又「得」 而知其不然也。 幻 景,即 何義門校本義 」,則又「得」字之摇曳 前半篇之大呼吸也, 飄一字何 因憶前人論 彼豈真以「 順 邪? 曾此 山《重過 ,乃合通 礙 乎? 不 知 欲 Ш 此

> 致憾; 風」、「夢 一夢」字,到第七句之「會」字而 圃 |雨||倒 常飄之雨,端有可徵矣。第 捲 出 之,蓋 不滿 後 之 圓 風, 耳 不 句 必

字矣。 學。然亦見凡校讐家之不應輕以私意改學。然亦見凡校讐家之不應輕以私意改養的

跋山谷竹枝詞

既不 聲 篬 今詩家皆作「深林 倉甸切,張竹弓弩曰 任天社注於「箐」字無 气,●竹 讀 知所從來,而今之爲詩者輒相承以去 之,豈可遂爲典據乎? Ш 谷《竹枝詞》:「人箐攀天猿掉 名 ,或作等,千羊切; 密箐」用之。 等,非 音義。 竹叢之義矣。 其 按《 讀去聲者, 山谷此 集 頭

「簷」,原誤作「蒼」、今據《集韻》改。

二九

跋李雁湖注王半山詩二首

年,則 直齋《 蓋 云: 氏 者其即景建歟? 參政眉 H 五 寅,是紹定三年,鴈 也,助之者曾 十七,每卷 政,今以 居 所 刻 之十八、卷廿 「新有千絲明 藏 臨 本 宋 書録 鴈 本]1[元 Ш 所作 湖 刻 李 數條者。 解 洞霄之禄里居。」此 有 Ŧ 居 本翻 壁季 題》云: 極 半 庚 臨 也。 景建,魏 寅 山 出 三之廿 川 曉 鶴 章 詩注》, 增 湖 亦 鏡,舊無一畫贊宵 蓋 Ш 馬 「注《荆 注 已前· 不甚 序稱 近 所 又 九、 日 鶴 謪 藏 卷 八年卒, 注 卷 居 刻 Ш 公集 非 「石林 爲 臨 本 中 四 序在嘉 足 之三、 其 作 JII 從 每 + 》五十卷, 本 酬 序。」 五 則 時 耳 華 有 嘗 之 景 定 增 所 較 卷 Ш 預 注 庚 爲 陳 馬 近 四 +

之。 年庚 者。 詩》, 誰 及 瓏 本 陽,馳書於杭, 所見與芑堂同。 十七卷。 寅增注,又 堇 求 館 詩 氏 所 一十九、卷四十 家,亦 删 開 子 浦、抱經、芑堂,皆 ,適有以宋 又後二年 售者云云,乃知此 并 卷一之三、卷十五之十 乾 今得借 於 亂 雕之郡邑歲月,而此宋槧本之今在 秋, 以 降 因檢杭 者, 篋 杭 戊 往中 莫 同年盧抱經學士來 中所 州 戌 可攷也。 而又皆是殘本,事之相合, 鈔 取其 秋 ・壬寅 見 槧李 ·每有較近日刻本多 李 堇 因乞抱經寄其 鈔 宋 海 注 五 浦詩集,有集奚 寫本 魏 槧 春, 鴈湖《王 鹽 王 之四十七, 鶴 予昔年得宋槧施 李 張 詩 不 是 至 抱 Щ 明 鴈 著 足 京,予得 經 序見示。 皆宋本之未 經芑 湖 其 本 八、 荆公詩 主 注 板 本來, 都, 之殘者 講 卷二 每 堂 ^ 本 氏 借 席 出 則 卷 王 燕 注》殘 翠 於 假 數 有 + 録 抱 後 也。 玲 此 晉 鈔 怒 條 庚 Ш

注》,乃元劉辰翁節 本 有 所 同 如 藏 裝 此 宋槧半 於 者 篋 哉 部 1 每 本,非 旲 卷後 因 槎 有 -雁湖 録 客 日 庚 而 寅 原 精 補 海 本 校之, 也 鹽 注 張 氏 嘗見鮑 所 與 雕 張 氏 《半 知 氏 山 不 刻 詩 足

跋渠陽詩注卷

嚴武 札, 以 定 E 裔 歲之筆矣。 無傳本。 孫惟 俟 此三札刻於卷尾, 豈不快歟 氏注渠陽詩,歲月不可 末年,此札蓋在紹定、端 有鶴 陽雜鈔》, 之。 、詩二十八字及 渠陽,山名, 顒之付梓,不幾 若非 Щ 書院印,則理宗賜 倘得王氏 而 此卷,則 此《渠 魏 公以 鶴 此 陽 Щ 王 注遺帙 詩注 書院 湮没於後 名 攷。 公德文之注 平間 其 四 以 》之刻,今竟 集。 今觀 、爲先 尚 大 御 在 姑 字 # 又 書 魏 人間, 識 在 著 生 唐 公 與 耶 此 手 其 紹 有

後有明賢四跋: 吴、王二公, 人所知

《瓜涇 手跡 之瓜 字 選 亦 得《瓜涇集》舊本。 官 也 至 有 仲 庶 緣 李傑字 涇,故以 Ш 吉 都 一幅,與友人言瓜涇請 集》二卷。 也耶 士, 察院 别 授編 號 ! 世 右 瓜 椒 賢 副 修 涇 東 予昔於壬辰 了,嘗熟人 都 ,官至禮 自 道人,家於吴 今乃題此 御史,巡 號。 ()成化 成化乙未進士, 部尚 卷 歸 撫 夏 事 丙 而及之,信 得 長 書。 Щ , 而 戌 吴匏 東。 洲 徐 進 適 尹 Ш 買 庵 源 有

跋梅磵詩話二首

進 詩 撰 士 即 《梅 從 司 樊 糾 此 磵 榭《 Ξ 卷 詩 得之也。 衢。」 宋詩 話 **>** 今據 紀 卷, 事 樊榭 * 載 此 宋 書 末 其 云:「韋, 自 旲 景 1敍,甲 興 定 T 韋 宋 戌 居 戌 末 安

● 文末,稿本有「乾隆庚戌冬十月廿四日北平翁方綱」

間 識 之人元,年已老矣。 壬戌是景定三年,又在 年,子昂 也 内 元 榭 歳 其 知 年 間 歸 者 僅 , 大 此内 罕 略 於 前 於苕 年二十八 在 矣。 四 於卷端。 又記胡 其字號及全 明 溪趙子 衢 范 今得歸 氏 澹 是 (想子昂 珍惜 庵《瀟 此 天 昂。 咸 於 淳 書蓋撰於元世 集皆已 此 福 閣 辛巳是至元 + 湘 前二十年 門詩龕, 借 尚及見此 珍惜 年 夜 鈔 至 雨 湮 此 德 圖 没 册 屬 祐 人也。 不 也 十八 子 祖 則 至 傳, , 世 至 韋 年

姬 既 直 條 今日 氏 全 二二句; 齋 族志》 **学** 因 載 偶 此 檢 閱 書 此 興 卷 懋 置 詩 且 氏 中 榭 案 種。 於陳 族 乃 沈 白 頭 志 獨 寓 識 月 直 樊榭 遺 山 内 餘, 齋 ^ 韓 所 而 最 扇 有 病 無 著 樊 熟 I 校 中 咎「 榭 於 書 詩 改 未 南 宋賢名字 王 宋 亦 得 宋諸家之 詩 粲」、「班 不 細 出 載 紀 檢 於陳 也

> 刻 此 必 即 齋 既 著 與陸放 疑 得 述, 一條,有關補正之功如此。 即 鈔 此 無咎」確 趙子昂 且 本之作「無」 書, 此 翁 而 同 是「無」字 所 事 失 踏雪登焦 皆 與 於 品《蘭亭》者 有 編 而 資 改爲 載 , 藝 正與 山者,予 者 林 「无」矣。 此鈔本合,不 攷 何 歟 訂 曾見其 ? 韓 者 無咎 陳 獨 樊 石 直

跋明賢繡毬花卷

命 年 幅 所 享 蓋 夏 舉人。 書此 眉 作 郭 方爲翰林 壽 明 美 諦 人《 時 張 命 審亦伯 此 此 伯 亦 首 泳 蹟 内 時 已老 起 唱 白 蓋 ,故用文學侍從印也。 有 起 繡 而 在 甔甄 矣。 幅 王 筆 毬 明 花 也。 元 神宗之十 後 七子之徒 洞 詩 曳手 美 又有 方 書 康 蹟 其 凡 不著 侯, 幾年 + 少 亦 吴 年 九 名 隆 其 明 舊 予 氏 晚 卿 年 最

明 時 耳 諸 帖 後 有 康 侯 手 題 則 在 其 晚 年

端 畫 徐、庾之義也。 ,略見於此。 即 此 偶 詠 子 花 爲 而 此 明 詩 亦 前 竊 後 取 詩 坡 派 公前 之大

跋藤花詩卷二首

十月 文定 並 意,倍於陳、郝。 數 陳 定 临 世 録 百 年己 手 西 文定 矣。 植 史, 11 植 吏 字)亥,陸 滕 部 也 又歸 今鐵香太守購 花 詩 賦 署 及 二律, 時 後三 廳 包山 定州郝雪海 ,恰三百 王 藤 花, 漁 + 攜 爲 同 洋、湯 至 六 時諸 明弘 補 都門,屬予爲 年,爲 年 圖 得 也。 於前。 治六年癸丑吴文 西 公屬和 中 之,感惜珍重之 厓詩於後。 -丞,在 嘉靖 乾隆癸丑 成卷。 此 己丑 郝氏 卷後 題 記, 一,徐 歸 後

> 又在其 宰,賦 於銓 此 莘田詩注 自 稿 石 此 何 來 王文恪卒於嘉靖三年甲 畫 亦 事 在」之句,叩之,則 庵 注云:「王守溪曾令陸 云 書之。 遂致 也。 曹 鐵 以贈 此二詩乃在 聞都 後 壁 傳訛 既 何所 十年,其不出於守 因 鐵香, 及石 若非此 城劉 屬 於門人馮 予 本也? 此又不可不著者 石 題《藤 庵 將 「庵冢 八 卷爲之證 衰爲 詩 云 年 幸田 魚山 來,有 程 花 · 已 丑 宰有 革 包山 合 詩 申 户 此 軸 谿 田 畫 「不知 據, 而 此 徐 部 閣 詩 作 也 可 詠 也 文敏 圖。 將 既 包 處 老 \checkmark 知 使 īli 求 欲 E 幸 詩 妙 明 此 官 予 田 得 繪 龕 作 中 日 不 其 石 知 小 考 詩 求 圖

跋徐昌榖詩

虚堂聞落釵。」竹垞《明詩綜》改云「虚堂響昌穀五言《效何遜》云:「暗牖通新燭,

合矣。 字用 若 落 遜 理 有 矣,此 詠 神 云 釵 致 仄 倡 也 ,故改之。 蓋 且 家」,此則詠者之辭,故曰 句神理全在 竹垞 以 則裝 音節 以 點之詞, 論之,此句 然 聞 則 一「聞」字,題 字 竹坨 平 於詠事之妙 直 亦 先生竟 必 不 不 及 二聞 云 應 不 全不 也。 效 第二 喻 何

乎? 字,而 於收 字用仄 平 此 相 用 三字當仄 諧 「響」字,則 則 響」字之意 梁之 處 或 此 況 此詩 面 矣。 特 曰:上句「 此 對 中 丽 以 第二 句自 詩 間 平. 至其第八句第三字之用仄, 也 拗 將 前 第 勁出之。 也。 置 此 四 句、第六 應 四 惟 暗 則 收 旬 仄 旬 其 五言 牖 處 詩之理也 矣。 若 與 第 通 第三字之仄 相 所以第 八 句 詩 新 子 誻 五 皆於 音節 句於後 燭 Ħ 後 句不 : 四 若 四 對 全 此 通 相粘聯 句 半 於 在 於 句 即 旬 第 何 此 之 幅 第 亦 竹 字 第 相 地 旬 則 垞 既

> 然 詩 諧 四 句 此 之 之 理 亦 中 字,則實不得不論 於 也 故 前 作 愚 半 拗 豈 幅 勁 敢 相 以 妄 諧 見 目 之 中 收 竹 者 垞 當 束 也 音 爲 仄 不 而 節 知詩 平 所 此 以 第

跋邊華泉集

於先 王元 抗 學」者,蓋 樹。」特偶 有 詩 洋集•戊戌稿》中不 蓋 有萱復 衡諸 即 曰「淵源 河 《邊 不知 美 此慈仁 家, 之 後 華泉詩 元美改本 然 論 海之義三致意矣。華泉 深以六義之脈引爲 介学。 其《西 開 佇 . 寺所 固 歷 興 未 下」,又曰「四傑 集 之作, 遠 購 足 自 載。 尚 | | | | | | | 本 據 聞 漁 有 也。 洋 所 秋 句 其 加 滴 云 以 雨 自 先生嘗 趙 字 先生此 聲,不 意 題 未 秋 己 在 日 失 谷 庭 誰 任 「轅 象 原 從 種 際 以 前 表 選 句 而 岜 絶 後 何 里 而 也 其 漁 所 何 其

尚 者豈 垞 理 一、秋谷 未 亦 援《維 能 不 應 盡其妙耳。 所 息 摩 改 喙邪? 詰 則 經 直 似 了身 不 如 竹垞於華泉 知 芭蕉 詩 者 樹 矣 語 絶 則 朱 句 竹

跋邊仲子詩

恐 泉集後序在嘉靖十七年戊戌,而 未,年六十也 五十七,則與「 年二十舉於 小傳之誤 此,華泉蓋 年矣」,則是華泉卒於嘉 邊華泉, 則其 也 生於成化十二年丙 弘 鄉 弱冠舉進士」之語不合矣。 若依《明詩選》小傳云卒年 鄉 治 舉 九 而 在 年 (詩選) 弘 丙 治 辰 八年 進 小 靖十四 傳 士 申。 本 Z 云「弱 一華 卯 年 傳 也 Z 華 冠

年 邊仲子《睡 在 明 神 足 時 軒 詩 徐 東 成 癡 於 其 手 記 七 於 + 此 之

> 句,多 漁洋 官刑 祭酒 詩耳 此 者,即所謂《 7,所謂 首 册是仲子年七 泉 在 手 部 時 出 詩 順 其 批 尚 治十 漁 與 癸亥者,是康熙二十二 其 原 卷 書 洋 此 艸, 睡 存 時 刻邊仲子詩,則 四 手定 同者 足 者凡五十七首,而 ,又在此手記之後 年 軒詩》也 + 乃 T 者, 四 時 誤 西 十三首 館 亦可 以 於孫氏家所 漁 仲 洋 或題其册 以 子 耳。 + 手 悟 詩 年官 矣。 九 刻本 詩 爲 中 年 不 法 華 首 手 間 四 此 庚 酦 著 也

耳。 子 自 子「林雨 法 手蹟原是「疎 稱 評 東 出 識 册 内 處 癡初名元善,字長公, 於 按」云。 忽沾衣」一句,今見此原 紅筆, 永 則 興 出 雨忽沾衣」,「林」字是 於 皆是漁洋先 蓋 漁洋 東 與 癡 論 漁洋 也 詩 絶 書 漁洋嘗 生 向 皆 故 手 此 不 專 蹟 啪 免 取 册 説 前 稍 則 邊 其 仲 仲 弱 題

改定也,然究以原本「疎」字爲是。

續禪智唱和集跋

集》。 來 公詩 寄藴山。 禪智,拓本寄予京 也。 與芝岩先已裝軸相 邗上諸君送别之情當亦同之,而都門 遷時,七月將登舟,諸名士祖 巳内遷,其訪 卷,而次其答碩公二絶韻,先邀芝岩和之。 禪智録别詩》者也。 乙巳。 爲守。 并予詩 王文簡既去揚之百有十年 予考文簡 所謂 藴山合諸和 越二年,乃以暇日訪蘇詩 録 文簡 同 禪智 ^ 禪智唱和 勒於 以 是 詩刻 順 師。予爲和作 待,此 集 治庚子至揚, 今藴山 石,爲《續 作爲卷,而 中有關 在辛 則文簡 集》者,乃乙 $\dot{\mathbb{H}}$ 亦 餞之作,初名 禪智之作 而 奏最 襌 當 以運使 ● 吾 蘊 ::并 成之 智 康 日 石 跋, 已内 有 熙 唱 刻 所 無 子 則 7 朱 於 和 Ш

音查初白中山尼詩後

北歸 王 數十口在蜀中,瀕於死者 曾,爲宋公撰《墓志》云:「公北上時, 之,而未有實證。今來山東,詳攷之,乃 耳 乃作於二 而漁洋作 得歸,無 於京師,在十三年甲 息》詩,在康熙十九年庚申之春,而 其非實也。 成 Щ 命」, 時。 亦以爲 予昔嘗與上海陸耳 一散失者。」蓋在公殁八年之後, 十一 此 皆其全家歸後之事,與 愐 漁洋集中有《不得荔裳妻孥 宋公《行略》云「女 詩 此詩 年壬戌,則正是宋 時,尚未之知也。 不 必 寅。 作 山論及初白此 也 屢矣,卒獲保 吾鄉 然予 王侍 公家 一,適 初 初白此 雖 荔 郎 廩 屬 眷 全 殁

「王文簡」,稿本作「文簡公」。

也 益 不 (),遂 而 見 相 應矣。 具著之。 文士 成荔裳 初白 隨 詩 所 近 身 耳 後 見 日 山 頗 聞 已 大 熟 率 逝 憾 阚 口 不 事 落 , 及 筆 慮 故 聞 者 其 不 此 爲 得 流 語 不 傳 可 詳 既 戒 m

書李石桐重訂主客圖後二首

五 III 滄 律 m 不 浪 當先 源流 詣 雖 後 知 謂 高 E $\overline{\mathbf{H}}$ 七 密 較 趨 學 言 李 者 律 復 七 以 未 ,此皆中窽之言也。 難 君 何 五 律少二字,似易於成句 見當從五律入門, 於 律 所 減 有能爲五 撰《 七律? 故不能知五古之 五言,又譏 而 後 重 訂 及於 律者也。 主 心七律。 客圖 今人專務七 然謂 則 其 大 乎, 非 先 述 也 學 以

剱以上區爲高格,唐宋以下區爲變格,此且先以五言古詩論之:五言古詩,漢

取 者 稍 名 造 則 之足云哉? 律,皆已漸 惟 魏 非 論 府 之爲是選也,其言曰「取 而 七 篇 其 謂 所 道 减 矣 爲 晚之近 ,此一語已走樣 外 漁 以 律 知 主 見 言 於 微處 洋 袁 義 有 上、唐宋 丽 何者? 哉 如 者 至於宋賢 , Ш 幾 七 有 五 而 中者。 此 ? 律 也 數 律漸 今乃 樊川二家五律, 即 故 0 哉? 首 E 今欲 宜其 自 不 於 且 遺 耳 適見其 下五古爲二 日 取 少 盛 平弱矣, 東 如 Ш 取 洋 五. 精 矣。 唐諸 其五 矣 惟 漁 坡、山谷、放 以 近 先 律之不能 唐 選 義 洋 下,則 日 生胸 中無主見而已。 律 張、 山、樊 五 家 人之近杜 晚唐之近於中唐 之 所謂 夫 而 律 而 初不 Ŧi. 中唐十子之五 中 王 此 何 派 更 後、七 則 自 晚 在 矣。][[固 襲杜, 南 無 翁 非 當 唐近 耳。 唐 微 已 即 者, 施 五 律尚 持平 以 則杜 界 也 其 遜 亦 北 其 中 \overline{h} 而 面 李 於 於 唐 日 \overline{H}

李君是 其獘較世之務爲七律者不更甚乎? 尚 固 或 不 因易學而 ,皆務五律之易成而 近 足 似 施 先 E 愚 攻之乎? 以 山 七言 其 易 實 於 競效之, 無 若人皆 藏 足 匿 取 乎 淮 則 ? m

先從寸外大楷寫定,而 言,則必不肯苟落筆矣。 致率易。 然亦當從五 推蕩才筆,既有成 理耳 吾則謂學詩者宜先博取七言,引伸 此或在 此 .偶然一家專力五言未爲不可 古精熟上下門逕,而後 亦 非 미 以 局 概 後細人 通才學古之大凡 而再斂之以入五 即如學正 蠅 楷,亦 五律 即 必 氣

少 以 何爲 陵 右 即 丞 以 爲 先右丞也? 爲 五 主。 主。 律言之, 此二 知以 語者, 以 右丞 唐 賢五律言之, 爲 右丞,千古 則 己 主矣,然後)發其 大 五 凡 自 知

> 耳! 也。 也。 之正 二家,而五律盡 然而 開合起伏之章法,非杜莫備 右丞 則 且如一題之作,拓爲數篇,非杜 也 天地之元氣,至杜而其 五 律,玉 然 矣。 則 一色金 少 陵 聲 其 稍 者 無 祕 也。 出 乃 其 杰 只 不 能

《杜秋 山《籌 實 則 臻至 舍是其焉歸哉? 寄 不 <u>Ti.</u> Щ 自三百篇而下,二雅三頌 託 敢多説矣。 律 極,何不可 五言古詩,亦以右 》也,有白之《悟真 筆驛》七律,而豈知讀小杜《籌筆 詩》也,天地間文字之必不可無者, 深 亦當 厚,猶 右丞、少陵而 風 不得已則 也。 雖謂古今五言詩至此 人之義 然 丞 而《北 (寺》 也。 開 惟 先 續 也,有小 義 人第 征》後 選之,吾則 之復作也, 山、樊川 而 少 知 之有 陵 而

獘,則

惟勸高才善學者,先以治經爲本,窮

而救獘之法,不在乎此。

欲救七言浮濫之

理養氣爲之根柢。

而既

言學詩,則必上

由

0

唐諸大家,尤以

百篇,積基漢魏,精熟盛

可以遠問風雅遺蹤者,惟此而已矣!讀義山《有感》五律乎? 右丞、少陵之後,五律乎? 人第知讀白香山樂府,●抑亦知

則 然之勢。今時人之務爲七律者固其獘矣, 故後世之爲七言者多於五言,此亦不得不 者、尚或近之、若必欲合賈長江、姚武 放翁萬首中七律尚多,五律之可讀者百之 數乎? 日啟,而音聲節奏之長短高下,漸推漸遠。 一二耳。 Ŧ 而并收之, 则吾不知矣。 半 唐宋 天地文明精粹之氣,世 Ш 欲補遺乎? 略 而 惟虞道 取 後 數章,東坡、山 必不得已而欲及於五律, 袁 五 實甚無所補益者 律 能追 運 一谷尚甚少 將謂 日推 齊梁 欲 ",人才 已上 功之 備 也 也。 家

> 杜 川 晚 謂之論詩,此何説哉! 人之務七律者, 養充實,則不 ,且譏義山 詩 唐之五律,而於 爲古今上下萬 **醫** 淫 病 豔 而 此 而病自去矣。 晚 專 法一源之處。 唐 取 IE 中反 五 是 律,又必 以 删去義 目 皮相者 今欲 專 取 惟 矯 樊 中 時 内 而

書詩鈔小傳後

而識力正,無愧於《英靈》、《間氣》之編已。王、李之餘習。然其學富而閱歷深,心平其於明季諸作者,亦不能盡廓除李、何、五人,其於閩人不專主林、高十子之派,而五人,其於閩人不專主林、高十子之派,而

書眉按語補。

●「并」,原脱,今據稿本補。

三二九

説,豈 派,而 能 大 中 奇 出 其 見杜 分軌 之旨 隅 梅 如 至崇玉溪之華 IIII 局 言 限 江 以 不 會、松陵 亦 立 、服其公論。 説字 미 體 專 左 示後學, 即 泂 格 一容涉 是 用 而 傳。 之大 勿 調 家 輯 通 明 心 所 Ш ,句不 慎 百 閩 吾几 塗 更益 末人 宛 擬 江 爲 平 方 而 年 也。 人之作,揆 而作 諸 南 尤足傳 可 前 陵,亦 欲 Ш 1 斥 以 席 作, 關 、惡習。 精 憾豫 涉 闡 西, 來 傳詞 其 所憾 正 1 再 審也 牽 西、鄴 則徑路 發忠孝, 惟 開 各 次 以 爲其 也。 作 章之質, 句,其小焉者 者 然吾 即 宋元之漸, 不 輯 第 傳體 0 其 者 下區 詩 駢 限 其 編 昔 若 用 正 詩 分而 儷字句 篇 其 理之所 方域,不區 讀 言 激 諸 江 意 當 作 其甚 别甘辛丹 什 土 家 是 ...傳, 文 ,不肯以 揚 椓 原委合, 則 風 通擬 論 編 人倫 此 豊 即 一者竟 以 也。 而 詩, 之 等 然 愛 於 惟 是 是 即 素 方 其 歧 以 未 傳 傳 爲 至 或 流 而

B 固原新樂府後

者,民 其俗語 作《張 原 得 婦 校 先 也 君 文 舶 古 目 不不 一碑以 真盗 采 ,故作《閻 以 出 灼 原 君 爲 州 之俗 體 固 作 知 題 嗚 固 打邪 一, 故 頌, 馬 倅, 也 者 也 原 州 額 呼 原 甲者, 事 之 也 新 作《趙秀才》。 故作《破毒 能 -* 則 禱 張 氏 吏 以 樂 酒 罰 無 雨 打 女》。 代 此 目 役持票 是歡 凡 府 君怒,杖之,天 知 不 卒 邪者、人 真 有於 行 惧 所 州 RI 者, (樂府· 於 狀 而 君 幕 碑》。 捉 謂 衆 迪 述, 者, 紀實 民 Ę 以 客之子鍰 也 車 化, 之 中 君 呼 洲 酒 鞫 -馬,君 矣。 突出 馬 以 歡 君 馬 張 盗 如 境 哭 之 慟 八乃大 量 甲、 甲。 塤 也 能 故 民 也。 其於 至 移 爲其 革之, 脚櫃 自言也 去 釋 以 神 破 雨 有 先 還 祠 是 之 毒 人 兄 别 民 州 碑 吏 固 故 裂 而

再感爲末 匕旨,乞畏若此,則於迪化可知矣。

凭窻 哉! 弟塤與方 生兹大法小廉之日,宜念職無尊卑,各 系風雅。讀此五章者,其知所觀感矣。 誼,而文章家又徒攟摭史傳,更立題目, 神至於如此! 心實力以任民事,則豈其哭兄者之私 而頎然者,吏目君也,梧竹映蔚,眉宇 每憾爲誄述者,泛舉不著痛癢之行 予昔題君《兄弟對牀風 孰知臨事奮發彊毅,斷金石而泣鬼 綱 同官祕閣,又同巷居,故詳 君享年五十有四,子三人。 雨之圖》,其 言 殫

復 初齋文集卷第十九

臣

薛

F9 大 興 翁 方 綱 撰

侯官李彦章校

跋

簋

心。」寅 藏寅 年 薛 其形制、尺度、皆與《攷古圖》睢陽王氏所 寸八分。 八分,縮一尺九分,衡七寸四 三,中乳一旁有蟠螭文,下有弦文三重。 字 簋 孫永寶用。」則此器「伯召父」,與吕 家釋 右寅 拜稽首,用作實簋。叔邦父叔姞 相 簋 似,而銘詞止二十六字。 底有變龍足四,底中 文,皆曰: 以 漢 建 「王曰:「寅,敬明乃 初銅 尺度之,高 分,圍三尺一 心變龍 按吕、 文

跋 周 伯 克

非

克鄭人,《博 其文陽,視《博 克尊無異,惟少 輕 (博古) 春秋》書此事在魯閔公二年,是爲鄭文公 重、銘文、字畫悉 克」即 武進孫 圖》及薛 春 淵如 古 秋 圖 時 氏 古》 兩 一。乃以 於陝 將 《鐘 耳, 所 與 兵 摹 鼎 蓋邨人耕地得之者。 《博古圖》 西 奔 爲 欵 Ė 得高 陳之 衛人,誤矣。 識 泐 》,皆疑 高 去 克尊,尺度、 九 克。 所載周 字。 此 此 攷 尊 高

之元 可知 據 即 朔,近日陳、顧二書皆與杜同。 之十有三年,而 杜預《長曆》「十月壬子朔」,惟宋程公説作癸丑 高 之高克無疑矣 此 年, 克 曰:「唯十有六年十月既 如謂 於鄭文公十三年奔 條,年用干支之不合,其非鄭文公 鄭文之十有二年也。 屬 周 周 惠王之十六年,則即 惠王之十有 則是月無 陳, 生 則 七 是歲 霸 其 年 乙未 乙未。」 非 也。 庚 鄭 也 申 関 年 此

佑」,下又云「用丐眉 Z 文音訓 正 下食字,與 字? 蓋伯,其行弟也,克,其 文,皆不言克之姓氏,何獨此 同。 「伯大師錫伯克」,又云「伯 以愚攷之,此字亦併非「高」字 》亦 按鄭 》高 作 字同 岐陽癸鼓「嘗受其享」「食」字 樵 享。 云:「争作享。」潘 此。 薛尚功作「高 壽無彊」。 後之輯篆字書者,或 句 克敢對楊 名 「克」 明出 也。 過《石 章樵 也。 前 中 云 鼓 尊 後 天

加 出 以直爲高 謂之籀文耳。 則後人 籀文 所 則 謂 有 引《碧落》者 籀文,蓋 ,自許祭酒所録 即 因 有 薛 外,他 引籀 氏 石 文

所

爲鄭文公時奔 爲高,而以含、食、弇並爲享,則欵識 書曷嘗不採及《碧落碑》? 據者,惟《汗簡》、《古文四聲韻》二書,而 其不可信明矣。且古文之傳於世,其略 人,因之遂實徵 古圖》既誤釋 當云「伯克尊」,不當云「高克尊」也。 字當爲一文,而 享,此尊之文亦當作享,與文末「用享」享 之形近而轉相從者多矣。 高也。若趙九成《攷古釋文》,以骨、异並 籀文該之,而薛氏之本又多失石鼓之真 齋《三 爲 陳之高克,又誤 爲 畫偶增減 高 其實石鼓之文,本不得 筆》云:「銘 衛 ,又因「高克」二字誤 器。 耳。 所謂 然皆不以意爲 石鼓覺字當 此尊題 文 扣 高 槃 但 克 云「伯 目 文 鼓 博 則 作 П 衛

一洗薛尚功之陋也。

跋芈子戈

之不及 皆不及。 陽淮南故宫之戈正相合, 寸,謂胡也,其實援 之,財寸微强。 之」,皆與經合。 三之二。 考工記》注「三鋝爲一斤四 一中者 銅 戈 也。 而 而 也。 -, 胡磬折 所謂「内倍之,胡三之, 胡 曲 有 重今等八兩三錢 惟其廣二寸, 阜 聶崇義《三禮圖 銘 顔 倨 亦 五字, 氏 句, 廣二寸,今度 所藏 則可 與吕大臨 日 兩」者,尚 得之 以 則以 半子之 補 ~,視 聶 以 日 周 周 得 圖 援 廣 鄭 於 周 尺 不 度 及 四 氏

銅虎符跋

統 肋上云「五原左一」,皆篆書, 形,背文云「與五原太守爲虎符」,第一肚 蓋 海第一。 帝更名,東漢同之。 之,是以得陽文也。 脱,是以拓出有類陰文,而此則陷絲具全, 之昂,故但以前、後量其高 以受之,今止 年所見騶男 四 二片相合,内左有三笋隆起,右有三孔 其半亦五 分,前高一寸二分,後高 》所載銅虎符二: 不可拓,因 右銅 虎 南海者差小,上郡者形制大小、 石五 分也。重今等二兩八錢。 符一,以建 命次兒樹培 見其左也。 者形制相等, 日上 明新都吴氏《秦漢 五原,秦置爲 初尺 彼陷 也。 郡第二,一曰 量其 一寸,闊五分, 度之,長三寸 陷銀。 而頭不若彼 符剖爲二, 輕 銀之絲 九原,武 重精 與 印 搨 ПП 去

艸、《印 知《印 漢物。 造。 陽 核 置,户五千二云云,則 之,不足以爲異也。 今尺量之,其 東形。 類如 陰 命印 笋竅之狀 統》何以 予按《後 此。 統》所摹 統》 然東 》謂「上 而其所謂 實 漢時 云 與 亦 漢 與 東 然。 此 郡 此 「第」从「什」者,竟實 漢 郡 符 東漢 是 正 長 廢 或 「次弟」之「弟」,从 東漢實有是郡 同 短分寸之制,悉 也。 也 志 ? 時 則 「弟」字竟从 日 廢」,定爲 當 明人疎 「上郡 是 一時 於 有 以 考 所 西

跋漢弩機

錢 建 在 分,長七寸, 初尺之三寸五分。 機間 半之末,所謂「 答機 立 度 闊 , ,以銀約之爲分寸,則正合 寸七分, 以 建初尺度之,高 機 而 有 重今等四十七兩 每五分約 度以 准望」者也 爲四 九 寸 五

> 年,爲 又《宣 機,不言其銘在何處。 九 厛 銘 其 之。不若以 寸,重一斤有奇, 有七器 君不言其有銘。 市中得銅弩,長 宣和圖 字。 市 在 數也。 八 中 和圖 千五百 則 層 攷之《宣 獻 [譜》,即延光書言 之 I シ 與 未 建 帝丁酉之歲。一八千五百」 陽,「建 格福」,蓋造作工師人名。 知 初尺度之爲 師 鐵 鐵 和博古圖 四 君詩序,皆 **椿福」,凡細** 而《宣 色黝 君 一寸强 安 所 近 廿二 見 碧 和 IE. 果 府 日李鐵 而 高 》所 圖 止也。 年 以 之器 是 澤, 兀 隸 載 中之弩機 四 見 延 寸 書,二 以爲 君於 月 書 建安 今之尺度 光 也 弱, 言 者 + 廿二 攷 行 然 闊 涿 府 否 鐵 之 鹿 日

跋右軍戈

拓 其文以示予。 辛 H 夏,未谷桂 其 (明年 君 得 春 此 「芝山 戈 頭 宋君攜以 於大

[張芑堂所藏鐎斗銘後●

户以上爲令,秩千石至六百石。減萬户爲 予曰:此銘三十六文,曰二元康元年考工工 職聽訟,收賦税。」此器自「府嗇夫」以下凡 百石至二百石,是爲長吏。」又云:「嗇夫, 長,秩五百石至三百石。皆有丞、尉,秩四 表》曰:「縣令、長,皆秦官,掌治其縣。 理志》曰:「左馮翊萬年縣,高帝置。」師 長平右丞義省重一斤十四兩」。 賢友繕作府 予既爲之詩,芑堂復以所爲跋來共論之。 曰:「《三輔黄圖》云起萬年陵是也。」《百官 人,建、當時、平、義,皆名也。上一人云 芑堂以《元康元年鐎斗銘》拓本見寄, 嗇夫建護萬年縣長當時主令 《漢書•地 古 萬

般亦縣 官所 之邑連書,故知是「縣」字也。 又可以 繕作」者, 百官 司 補史家所未及矣。 也。 名,然般 表》止言縣有丞,不言左、右,是 工之職。 「萬 年」下一字,雖似 屬 勃海 下 四 郡,不應遠 人總言 其曰「右丞」 「般」字, 「省」者 與三輔

跋永康鏡銘

午, 父,太丣三利,宜吉□子」,凡四十八字, 圖》漢三 二十二日也。 晉惠帝永康元年正月壬戌朔,是月 書,在篆隸之間。 漢桓帝永康元年正月乙酉朔,丙 作 右鏡 凍三商。 □,位至公卿。 神鑑 銘「永康元 相 其字畫及鏤文,亦 似 漢桓、晉惠皆有永康, 昭 年,正 又洪 如 天王 H 氏《隷 月, 月丙午,黄氏作 日月,上有 戜 續續 皆富 與《 載 無 博 午 漢 古 東 丙 而

當漢建初尺九寸也。「東父」,殆其類歟? 鏡面逕今尺六寸强,氏鏡銘,有「東王公、西王母」之文,此所云

跋五銖泉笵二首

寬二寸,内深一分。 今尺也; 寬二寸二分,内深二分,底徑 五 漢五銖錢,厚大者徑一寸。]今以蜀傳形與 徑七分,以漢尺則徑寸。洪氏《泉志》曰: 匜,以今尺度之,高 五銖度之皆合,則 三凸三凹,中界線一 四陰相間。 蜀傳形五銖,徑七分。」又曰:「舊譜 銖 品品 周筤谷明府 數最多 舊譜所謂 中大星一,下紋八,出旁六星, ,不可概以某代所鑄, 示予五銖泉 知洪 四分,徑長三寸七分, 徑寸」者 。其泉八,以今尺皆 中列五銖泉八,四 所謂「 漢 笵 長三寸五分 徑七分」者, 一枚 尺 也 **Z** 加

圖 著《金石契》,則載泉笵凡七,自貨泉笵、 從 物 今尺 止二星。予以此笵眎芑堂,因相 刀笵外,亦有五銖笵一枚,與此相 亭集》有「新莽大泉五十笵」。 一,并識 來 無 圖 疑 與 況 志所未收。 漢 其説如此,以復於筤谷。 尺 銅 揆 斑青緑之古乎? 度 既 近日秀水朱竹垞《曝 合, 則 是 笵 海鹽張芑堂 也 泉之有笵 與 其 各繪 似 爲 而 漢 旁 書 布 時

字錢、去「朱」从「金」、者、亦其 銖,去「金」,以「朱」爲「銖」也。 與張台所謂五朱字錢正合。 背平,無凸凹。 備 友 右爲「五」字,左爲半「王」字者,亦「朱」字 長今尺三寸六分,闊二寸一分,高三分。 非 人處借笵一枚,❷與前小異,其笵青紅畢 **筤谷復寄所摹泉** 齊梁 以 後 以今尺度之,每錢逕五 物 也。 **范一圖** 重今庫平十八 梁初所 見示,● 類 别有 也 五. 行 又 又 兩 於 有 金 五

> 旁四 則家 五陰 緣。 制作 吳屬 跋之如此 可 顧 也 以 烜 參訂泉譜之一種。 縣行之,亦差少。 星,二凹二凸。 也 五 簡 日 此 然今此笵之式,則 一陽,其上下各四文,皆正 : 皆 古, 五朱 其中央闊紋十出,有直線貫之。 五 銅質純青,背文坦平,外輪 銖 錢稍遷異 之 别 予未見其笵,僅 種 外輪 洪氏《泉志》謂 以以 **范中凡** 源 出 「銖」爲「朱 無緣者也 雜 列錢十枚, ,其中二文 錢 者 按 此 也 0 有 錢

跋騶男銅虎符

共高二寸,身高一寸,重今等四兩七錢。銅虎符,以建初尺度之,長三寸,頭身

[「]筤」上,稿本有「是歲七月初」五

^{● 「}雜」,原作「稚」,今據稿本改。● 「又」上,稿本有「云茲」二字。

分。」

按:宋黍尺比周尺一尺七分,今以

黍尺挍之,長二寸五分,頭

高一寸,身高

初

尺度之,則《考古圖》

所度濟陰

銅虎

第五 分其 郡,是漢 初 續考古圖》引:「《漢書》『文帝二 與郡守爲 半,右留 ,當發兵,遺使者合符,乃聽受之。 銅 虎 銅 京 符也。」此符「騶男第五」,騶 虎 師,左以與之。」濟陰,漢 ·符」注:『銅虎符,第一 年 九 至

男,至魏晉始有五等之爵。而晉則伯、子、皆屬豫州。然漢爵惟王、侯二等,不及子、

屬

魯國,本

邾

國,莽日

騶亭,前、後《漢

志》

男以下不置軍,此當是魏

物

也。

魏

咸

巸

熙元二年所剖者矣。《續考古圖》云:「以鶉觚男是也。則此「騶男右五」之符,亦咸初,始建五等之封,其見於史者,如傅玄封

熙元 耳。 濟 封,雖不見於史,然或增封之邑,史不 魏彭城王據,當徙封 式,悉與 陰,雖 即 年 如司 漢郡 此 有增 騶 馬 男者 封 師 然亦焉 十郡之錫, 加 同 九 是二 濟 錫之明年,是即 知 陰 其 也。 器 非 ൬ 當 魏 魏 至於騶之 作 所制 晉史皆 於一 概 乎 時。 錫 咸 書

跋漢尚方器

詳著其

,邑,亦可以類推也

分,徑二分。前有陽 底亦如之。下層,分二行,右曰「八千」,左 書「故治」二字,下有隆起處,當孔之首,其 層,横書「尚方」二字,下畫一獸。 二寸三分,徑二分, 長五寸二分五釐,徑各七分。 「萬」。凡七字,「故治」以下五字皆作权 右銅器,四机,中 背三孔,各長一寸 識 空。 字,凡作三層。 以 建 初尺 前一孔,長 中層, 度之, 器也。 辦,非 從官六人」,皆屬 作禁器物也。」《後漢書·百官志》:「尚方令 有 後同隷 爲兼副,或省」。 方、考工、别作監,皆六百石,宦者爲 劍、諸好器物。 百官公卿表》,尚方令丞屬少府,注曰: 人,六百石。 四 鋭 尚 此言「故治」者,是明此器爲 新增之器 皆斜 八千 方二二字則 少府,而當 萬,0 内向 物也。 本注曰: 丞一人。員吏十二人, 其號數 少府。 據此,則 東漢 不 杈 則無之。 準此 時 也 也。 「章 掌上手工 所 尚 和以 方 中 言之,是東 其器之用 治 之職 按《漢 空之内 屢 尚 下, 作御 方 有 之, 雖 所 兼 加 書 主 則 漢 增 前 轉 尚 吏 刀 舊

題 程 易田説 劍 圖 後

不

可 曉。

易 田 所 考, 劒首 莖身之義備 矣, 愚 無

> 今又因 非从 按: 其 以 者 得僅指 細 刃 文爲月旁。 音,此以音言,非 力 方言音紐之不同,蓋「臘」、 兩從言之,兩從者,脊直上至 考工 兩 矣 爲 闔 廣 議 臘必獵, 刃 此 反, 月 臘 半 爲 者, 記》 説傅 遗 也 一處言之耶 也 於刃, 兩 鄭 音獵。」所謂「一 非取 獵 會 嚴, 而 大 顧 面 氏 而 IE 不 轉 聲 各有 其 注 蓋 其 得禽,則宰殺以 經 與 爲「鬣」, 及義, 以義 以 言 之甚 利 臘爲通 ? :刃也。」 順 臘 於 而 言耳。 爲 其傅 陸氏《釋文》:「臘, 1 是 미 謂 誠 月 長 以 況 音獵」者,乃 此 兩 恐貽悮後學匪 獵」並从 會 必 相 大 則 「臘」字 鄭 劒 以 刃 祭,故 割 獵 較之詞, 有 鍔 末 臘 乎?」 至於此。 也 所 日 也。 賈 廣 ,从肉, 力 對 臘 則 疏 古 切 劍 於 則 下

八千」,原作「千百」,今據稿本改。

跋孫退谷所藏吴季子劒銘

篆十字,云『吴季子之子保之永用劒」,篆 按: 李秋錦《玉劒詩》自注云: 「又銅劒 文云「吴季子之子保之永用 鋝,上士之制 周尺度之,長三尺,臘廣二寸有半, 云:「退谷孫先生出 甚奇古。」朱竹垞《周 北偶談》云:「孫北海家銅劍,長尺餘,有鳥 陵季子之子劍」,以黄金嵌之。

」王漁洋《池 氏,今亦歸少宰。」宋牧仲《筠廊偶筆》云: 有文曰:吴季子永保用之劒。 「少宰孫北海先生,家藏小劒 「其字非籀非篆,一字以十金酬之」云云。 ,合之韋續五十六體書,無一似。 右 劒 銘十字,二行,後 也 臘有銘,篆文,字不 延陵季子佩劒相 延 陵季 有退谷手書 劒。 子 向藏 ,上刻『延 ,劒銘 自 歸德袁 示 重 其 跋 九 可 謂

> 鉤帶之文略 之韋續五 惠氏《訓纂》亦 用劒」,凡九字,訛「保」爲「實」,誤十爲九。 而目爲鳥 雙劍 季子 行》自 ,劍,者 十六體 篆 一, 注 相 耶 近。 則 未能是正也。 ? 生審 謂銘云「吴季子之子永 無 愚 一似」矣,漁洋又何 定之辭云 驗其文,頗與夏珊戈 且竹垞云「合 爾 而 漁

矣,即 李秋 字完 也。 此 地,三也。八字極繁,而二「子」字太簡, 五字之下半太偏向 清析,一也。 凡 亦 有五焉: 浄如 錦詩 劒鋒已缺之一驗也,而 古器不應如 今未見其器,僅讀 使金色極薄,亦必不能搨本 則非見其器,不可得而 此? 云:「歲久臘 牧仲云「以黄金嵌字」, 不見劍脊之縱痕,二也 豈退谷别摹其 此清析 左,不留劒脊中梁之 就 以其拓 頹,中作黍米缺。」 如 新 何 臆 本, 鐫者,五也。 文爲此 以 其 而 如 既 鵬 可 嵌 銘之 此 疑 者 四 之

跋鄜州寶室寺鐘銘

者 止 近 復 多,若陳 誤 也。 在 之末,是其爲貞觀三年無疑。 年己丑,四 文 歲,蕤賓御律,己巳司 所未及。 考昔之著録 其 爲 H 見 地碑 種,亦 寄。 時 爲寅耳? 然三年八 鄜 右 也。 州 鄜 家,竹垞所見止二種 目》鐘銘 思《 其序 州寶 ,貞觀二年加 皆在此後。 年 中以「鄜」爲「鄜」,而 銘陰 欵完好, 實 庚寅,此以 月己巳朔 刻 曰:「大唐貞觀三年,攝 室寺鐘銘,嚴 金 鄜州 凡 叢 石者,就其 五,皆在此銘之後 《編》鐘 本 辰。」唐太宗 獨此銘 日 爲 ,則己巳當 攝提 上郡,武 銘 字 都 道 頗 凡 督府,此 所 郭允伯 爲 但不 甫 屬 古拙 八,王象之 録 侍 從 三年, 金 德 在 貞 來 知 讀 口口 文最 所 元 何 觀 著 五 提 拓 愛。 誤 見 若 以 月 IF. 年 在 其

> 洪 者寡矣, H 氏 ₹隷 尚 續 可不實諸 有 \approx 古 急就》之文。 意 以 悠 爲「 蓋 唐 悠 初之蹟 亦 足 存

跋吴越金塗塔字

也。 之,謂其鄉白蓮寺僧藏一 名 有 因 立 竹垞書錢武 敬造八萬四千寶塔,乙卯歲記。」昔秀水 下層,佛三。 寸,闊二寸許。其 中佛一,旁二人,下一人,又二犬豕之屬 二字,宋人避諱,但曰「俶」。 欵 録 地 文。 朱未 成佛 周詩、朱跋於後。 旲 八越錢 見瓦,并未見拓 相。 而 是 肅造金塗塔事、録周 忠 其陰欵云。「吴越國王錢 今錢 瓦 懿 則 陽 王 忠懿, 塘黄 弘 面 作二層:上層, 俶 疑 小松 版,作放 金 非武 本,故 此 塗 即 E 肅 塔 是,未 一舍得 是瓦 不言其 晉仙 也。 下屠 瓦 拓 仍有 미 詩 弘 圓 高 本, 刀, 俶 光 知 朱

宋之前二十三年也 字,蓋乙卯是周 顯德二年,尚 歐 陽公見吴越制書, 在 其

上

也。 上舍寄此本屬題之明日,苕溪張芑堂文學 化者,又有稱實正、實大者,皆武肅王鏐時 適又寄贈一本,因附詩於後。 稱實正,王象之碑目,又有吴越王碑,稱乾 是瓦 則止稱干支,讀史者可以考矣。

錢梅溪爲忠懿 王夢 之,皆足資藝林詩話者耳。 此是全塔,四面 所求,歸於寺僧。 僧當請於錢 銘:皆塔之一版也。 石君已進入秘 見周紫芝詩; • 近日趙味辛亦得其 十六大士從師 昔宋姜堯章得此 忠懿王,求塔下金銅羅 府矣。 明周青士見其一 裔孫,復訪其 連頂,爲朱 則 而行,與 宋曹勉記: 浄慈山 未知是其全塔否也? 予篋 塔,繪 一, 櫝之, 予爲作 亦 石君閣老所得, 式,造墨以 所 如 有 繪放 請符,遂如 來捨身相 此 拓 漢像。 屠 寺 刀

跋 延年益壽 瓦

也。 屬相連,故以廴爲久。非知六書者不能 **彳引之。《方言》:「延、永,長也。凡** 爲「死」者,延从处,一聲。延从及。 文曰「延年益壽」者,形質朴古。 君持以爲贈。 安邑宋明經 乾隆四十七年歲次壬寅,中秋日,宋 拓其文,裝予册而記之。 芝山遊 秦 中,得古 其書「延」 瓦 乏从 脛 施 作 於

跋宋拱聖虞候記

云「端拱二年四月鑄」。 右印 文曰「拱聖下十都虞候朱記」, 《宋史·兵志》:「拱

非知 六 「非深知六書之旨

四

四

改。 騎兵 熙 此 都 揮 隷之。」又曰:「 其 氏 年,併爲十六。 四 ,使、副 次等者如 四, 印 揮 虞 年, 使、都 指 候, 送 蓋 雍熙 改併之前也 又改 揮 闕 在 太康 諸直 都 下, 四 维 洪 虞 指 + 故。 熙改 年,以拱 都 揮 候,各以 立 辰 禁軍將 又曰: 使、 虞 爲 0 0 景德 名之後,而 舊號 候。 未 驍 都 京 聖年多 幾,改今名。」 雄 師 校 四 「驍猛 虞候各一 其 驍 後 馬 年 職隷 雄, 則有殿 步軍,每 乾 改驍 以拱聖年 者爲 一:指揮 在景德升 德 太 於殿 中 平 前 猛 拱 興 軍 諸 四。 熙 選 前 司 有 班 都 多 或 寧 諸 雍 司 隷 軍, 指 者 都 直 中 尉 巸 六 州

跋 建 武 泉 筂

以 建 建 初 尺 适 度之, 泉 笵 厚六分五 以 今 等 稱 厘,面深三分五 之, 重 + 兩

> 三月丙 考定者,今乃得於友人齋借來詳 齋拓之,而 國 月」作「二年二月」,又誤以「丞或」訛作 昔張芑堂摹自 字微蝕,與《卒史碑》七字 周 丙 合 厘 屬 年工伍舉造考工令史 儀 申 ,底深一分 0 四枚,徑一寸。 造」,凡二十七字,篆 太僕監 掾蒼省」,正 《考古圖》大官 蓋此 特監 此 申 先省後 朔 尚 考工之掾、《漢 笵 ,建武 掾蒼 未 五 久 T 造也。 免微 厘 蝕 與此 考工 龍 0 底云了 難 五銖 銅 泻人 誤。 其 拓 一令通 齋,誤以「十七年 文相合。 鍊, 欵篆云「建 中 太僕監 初復 何夢 由丞或令通 積三十餘 建 Ē 初 列 志》無之。 丞 武 變 Ŧi. 可 在 或 華 隷 + 銖 相 禄者, 十六年也。 彼文 辨 亦 七 證。 者 令史鳳 泉 釋之。 於 年三 年 也 IE 先 武 太僕 龍 主 是 蓋 月 太 + 能 泓 齊 年

僕監 所 後 九

舍」、依《周禮》當作「金」。

也。 省之職,而後省併歟? 儀》皆未載監掾之員,則或其時偶置此 官志》所末詳,又不特疑文爲東京最古之 下,其文可省也。此則足以補《後漢書·百 所屬桑人掌受財於職舍以齎工之遺意 工令、丞屬於太僕,而 銅鍊言省,而此不言省者,從監掾敍 留吾齋三日,審拓賦詩而還之。 司馬氏本註及《漢 亦猶《夏官》太僕 兼 小

復初齋文集卷第二十

門人侯官李彦章校刊大興翁方綱撰

跋窆石字

律一首。其識語不知幾行,大略云:「從事 等,云[AL□王石」,又云[真□元黄」。大 等,云[AL□王石」,又云[真□元黄」。大 等,云[AL□王石」,又云[真□元黄」。大 等,云[AL□王石」,又云[真□元黄」。大 等,云[漢順帝永建元年五月」,而今拓本不可 云[漢順帝永建元年五月」,而今拓本不可 云[漢順帝永建元年五月」,而今拓本不可 云[漢順帝永建元年五月」,而今拓本不可

月廿二日。	以于役瀋陽,緘篋中者半年矣。今日秋盦	一拓本。俱攜以北歸,欲跋數語,其後而	見此拓本。至濟寧宿黄九秋盦衙齋,又見	銘》久矣。 庚戌春,於曲阜宿顔六運生家,	字,然此石刻詩已作窆石,則其稱《窆石	也。何義門云:「窆石,當作窆窒。」窒即室	日。」員嶠真逸者,元集賢學士河東李倜	行,云:「員嶠真逸來遊。皇慶元年八月八	石,山僧爲我翦蓬蒿。」其旁復有題字二	衣冠在, 辶夜空山鬼魅號。 欲覓□陵尋窆	□□□□氣,梅梁通海作波濤。至今遺跡	雨□風無□日,□□□見聖躬勞。 旨酒	郎與□禹陵賦此詩以紀盛□。」詩曰:「□
		役瀋陽,緘篋中者半年矣。今日秋	于役瀋陽,緘篋中者半年矣。今日秋拓本。俱攜以北歸,欲跋數語,其後	于役瀋陽,緘篋中者半年矣。拓本。俱攜以北歸,欲跋數此拓本。至濟寧宿黄九秋盦	于役瀋陽,緘篋中者半年矣。拓本。俱攜以北歸,欲跋數此拓本。至濟寧宿黄九秋盦》久矣。庚戌春,於曲阜宿顔	以于役瀋陽,緘篋中者半年矣。今日秋盦一拓本。俱攜以北歸,欲跋數語,其後而見此拓本。至濟寧宿黄九秋盦衙齋,又見銘》久矣。庚戌春,於曲阜宿顏六運生家,字,然此石刻詩已作窆石,則其稱《窆石	以于役瀋陽,緘篋中者半年矣。今日秋盦一拓本。俱攜以北歸,欲跋數語,其後而見此拓本。至濟寧宿黄九秋盦衙齋,又見銘》久矣。庚戌春,於曲阜宿顏六運生家,字,然此石刻詩已作窆石,則其稱《窆石也。何義門云:「窆石,當作窆窒。」窒即室	以于役瀋陽,緘篋中者半年矣。今日秋盦一拓本。俱攜以北歸,欲跋數語,其後而見此拓本。至濟寧宿黄九秋盦衙齋,又見銘》久矣。庚戌春,於曲阜宿顏六運生家,字,然此石刻詩已作窆石,則其稱《窆石也。何義門云:「窓石,當作窆窒。」窒即室日。」員嶠真逸者,元集賢學士河東李倜日。」員嶠真逸者,元集賢學士河東李倜	以于役瀋陽,緘篋中者半年矣。今日秋盦一拓本。俱攜以北歸,欲跋數語,其後而宮,然此石刻詩已作窆石,則其稱《窆石也。何義門云:「窆石,當作窆窒。」窒即室也。何義門云:「窓石,當作窆窒。」窒即室日。」員嶠真逸者,元集賢學士河東李倜行,云:「員嶠真逸來遊。皇慶元年八月八行,云:「員嶠真逸來遊。皇慶元年八月八	以于役瀋陽,緘篋中者半年矣。今日秋盦山于役瀋陽,緘篋中者半年矣。今日秋盦石,其衡而,以是。原成春,於曲阜宿顏六運生家,字,然此石刻詩已作窆石,則其稱《窆石也。何義門云:「窆石,當作窆窒。」室即室也。何義門云:「窓石,當作窆窒。」室即室中。」員嶠真逸者,元集賢學士河東李倜行,云:「員嶠真逸來遊。皇慶元年八月八石,山僧爲我翦蓬蒿。」其旁復有題字二石,山僧爲我翦蓬蒿。」其旁復有題字二	于役瀋陽,緘篋中者半年矣。今日秋九本。俱攜以北歸,欲跋數語,其後此拓本。至濟寧宿黄九秋盦衙齋,又此拓本。至濟寧宿黄九秋盦衙齋,又此拓本。至濟寧宿黄九秋盦衙齋,又此拓本。至濟寧宿黄九秋盦衙齋,又是野人矣。 庚戌春,於曲阜宿顏六運生完於此石刻詩已作窆石,則其稱《窆水此石刻詩已作窓石,則其稱《窓形本。俱攜以北歸、欲與□陵尋冠在,之夜空山鬼魅號。欲覓□陵尋冠在,之夜空山鬼魅號。欲覓□陵尋	于役瀋陽,緘篋中者半年矣。今日秋九本。俱攜以北歸,欲跋數語,其後此拓本。至濟寧宿黃九秋盦衙齋,又以,此拓本。至濟寧宿黃九秋盦衙齋,又此拓本。至濟寧宿黃九秋盦衙齋,又此拓本。至濟寧宿黃九秋盦衙齋,其稱《窓山拓本。俱攜以北歸,欲此百刻詩已作窆石,岂序之至则其稱《窓山鬼魅號。欲覓□陵尋冠在,之夜空山鬼魅號。欲覓□陵尋冠在,之夜空山鬼魅號。欲覓□陵尋冠在,之夜空山鬼魅號。欲覓□陵尋冠在,之夜空山鬼魅號。欲覓□陵尋冠在,之夜空山鬼魅號。欲覓□陵尋	于役瀋陽,緘篋中者半年矣。今日秋五、二員橋真逸者,元集賢學士河東李、山僧爲我翦蓬蒿。」其旁復有題字、出僧爲我翦蓬蒿。」其旁復有題字、出信爲我翦蓬蒿。」其旁復有題字、然此石刻詩已作窆石,則其稱《窓》入矣。庚戌春、於曲阜宿顏六運生紀》入矣。庚戌春、於曲阜宿顏六運生紀。何義門云:「窆石,當作窆窒。」窒即以抵本。至濟寧宿黃九秋盦衙齋,又此拓本。至濟寧宿黃九秋盦衙齋,又以北本。,與其八十。以此,以此,以此,以此,以此,以此,以此,以此,以此,以此,以此,以此,以此,以

書洪文惠石鼓題跋

何 爲 椒 蹟,此蓋 選。爾時應試居臨安,而遠 而 蒐」一語 洪文惠紹興十二年壬戌 證據 也? 舉之言爲信,惟董 從來撰 實賦 洪文惠 爾 深 成 加 石鼓攷者,皆不 **竊撰** 有 爲是頌。 王蒐岐 跋 見於《春秋 岐 石鼓 陽 頌於此,蓋 石 其識 廣川與洪文惠此文可 致,乃專以《春秋傳》 鼓云:「念昔 試博學宏詞科,人 傳 知 過 》「成 於昌 有文惠此文, 想鳳 二拳拳 有 黎遠矣, 翔之古 岐 焉。」攷 登 陽之 三詞 科

跋石鼓研

三分。圍刻甲至己,面庚辛,背壬癸。面石鼓研一,高三寸,圍尺七寸,逕五寸

上石」九字。 相」八文以銘之,下小楷「東海顧從義摹 池 「石鼓」二字,下摹商鐘「子子孫 前「内 府之寶」九 叠文 印,背 中 孫 陷 用 處 之協 分 勒

精 邊 人。 不數日間 均,手剔諸 今本無大異,惟辛鼓首「工」字,諸本所無。 義直文華殿以後所摹也。十鼓之文,皆與 泓館蘭亭諸 文、十七帖、張 直文華殿。其摹 今日拓辛鼓者,以其 拓。 不具,無從而知 嘉靖中選善書者,人直,授中書舍人, 按《松江府志》,顧 其辛鼓之首,果 得見 鼓,以水 種。 顧 旭 此研有内府印,●知是從 勒諸 氏 煙條 其首尾矣。昨 此刻,竟與 洗之,數日 、無字,率用紙麄搨,四 帖、右軍 帖,有 隱隱有「工」字。 於從義 字汝和, 淳化 (相符,是亦 而後,命工 蘭馨帖、玉 予司業成 閣 帖 E 海

●「研」,原作「碑」,今據稿本改

研 文 顧 於册 年 竹 字 所 氏 之 垞、許實夫 是 之 有 ,併記 疑, 的 緣 者 為爲 已 據 旦 有 舊 以 從 八皆沿 詩 拓 八行,而吾 豁 來 本 而 伙 著 歸之。 摹 "快何 其誤,亦 録 入研 家 子行 所 如 者。 未 可 忧 直 見, 以 此 云 此 鼓 Ħ. 正 五 就 足 之。 行, 此 見

+

萬 季 野 石 鼓 文辨 後

水 狩於華陰。 按《周書·文帝紀》: 治》文體 成 十月,大閲於白水。● 7,遂西 周 獮 綽 狩 近 而 之事 人 文體以定之也。 萬 推之,謂 狩 萬 氏 岐 九年十 季 ,數年間 主 陽。 野、 西 即 全謝 + 月,大閲 大統 大 魏 頻 三年冬,又狩 統 尤 十一年十月,大閱白 舉之,不當 Щ, 力, 十一年十月之事 八年十二月,魏帝 且史於出 於櫟陽。 且 辨 一以蘇 石 安定 以 鼓 綽《 岐 是 文 年 大 登 年 非

> 然此 隴 有 説 之 皆 者 刻 不 石 足 則 以 書 斷其 之, 必 而 此 非 是 刻 顧 年之作, 不 書 而 何 予 也 更

初財 明矣。 魏、 霝 年十月有己未,又有乙未。 儒 此鼓文,奚啻古今之判 真 丙 無 雨 申、二月有庚 一年,即梁武 周之碑如趙文淵書,最其古勁者, 之章,其 七十餘年,杜子美生先天、 申是十一月矣。 舊 乙未,「乙未」上 鼓文云「日 而 況北 聞 其 猶有 物之古不必 朝奇字, 非大統 存者,陳倉 申推 帝 維 大 丙 與 十一年 當脱「十一月」字, 之,則 同 申 魏 此 言矣。 都 篆 乎 石鼓之訛 地 年 西魏 狩 十月當 以 迥 寒, 是 不 岐 開元之際 若李 大統去 陽 年 文 相 而 通 之所 鼓文 帝 有 Œ 同 鑑 今以 慨 月 大 其 唐 作 有 未 有 則 統 即

此

而 丙

白 水」,原作「泉」,今據稿本及《周書》改 失

碩

較

之 古者, 信 字,亦未 寸 之,君子漁之」。 鱣 子親漁言矣。 下皆言多魚,而 者,而未嘗以篆文一一甄定 氏、全氏 之,執薛尚 本乃有此句。 錫鬯《石鼓考》始於第二鼓大 大篆者, 吾信退之」 魚 有 而 真 其牽大篆 句耳。 其 僞 薛 之起 貽 雜 本从又,非 皆 必 哉 功之本遂以爲 誤 糅 是「漁」字。 加 然鼓 非 而 今日 隅 已 以 或又傅會之,日 顛 議 此 顧 之 附 也。 倒訛 舊 之, 文 合之, 句 本無 其 言六書,止 論 빓 曷嘗 有闕文, 原 所 舛, 一寸也。 也 則又皆 面 是 無 議 而況 與其 朱錫 蓋 石 此字, 也 者, 故 不 之 鼓 一,惟薛 書 歐 薛 據 籀文 即 識 藉 心 宜 也 定 鬯 在 日 本 陽 字 使 惟 就 朱 執 不 獨 本 岐 「鰻 之 君 子 所 毅 口 而 周 石 小 雖 尚 元 「漁」从 有 鯉 子 欲 不 鼓 其 從 功 血 攷 此 天 E 萬 可

焉 得 萬 後 禮之宜,烏從 氏 周 、全氏 之失矣, 或曰 周 頌》曰:「猗與 と皆以 此數 m 而辨之? 猶 天 説 不足以塞議 子不當親 者,雖足以 漆 沮, 予日 潛 漁 辨 者之口。 :是亦有 有多魚 爲辭,其言 所 稱 西 説 則

以時

妄逞胸

臆議

韓

子乎哉

必

道猶有

所

見

而

今不之見

者,

則又烏

可

《元和志》耳

而

歐

陽

永

叔謂

隋唐書籍,

褚亮哉?

抑又安知非

亮、遂良父子交

稱

而

以褚氏

該之哉?

此

一條,特偶

據

述古之辭

而況第稱

褚氏,不言遂良,

唐

徐

嶠之父子

亦當並

稱,是所謂褚者,安

知

非

勗

紀事之文雖不可見,然曰「紀

事」,

則

非

賦

》,在貞

觀

四

年,已爲當

時

巨

卿

所

重

託。此又不

然。

褚登善爲張

燕公書《

枯

樹

藉

遂

良言

爲

重,謂

其

語

是

後

而

萬

氏

駮之,以

爲

勗

與褚

亮

同

和

縣

志

影引

蘇

勗

之言,

謂

虞、褚

歐

三四九

跋 Ш

重,亦 考。 巏 蓋元 照 前 贈 乃 校 勝 八年嶧陰堂重刻本與此 皆言世傳有七本,愚僅見其四耳。 傳棗刻以前」之説,實則棗木之肥,已無 於、徐鄭 本。 訂 山 「書貴 日 宋董 以陝 祐 本「技」字 不言 本 嶧 按杜詩「棗木傳刻 本 有 痩 或 本徐、鄭 所 廣 Ш 本處。 亦 不 何時之本也。 硬」言之。 所 碑 從 Ш Œ 知 重 疑 舊 出, 所見嶧 與 其 刻 徐 本,朝 昔吾友錢辛楣據《説 秦刻 所 云 此 則 本之誤,然《説 傳摹 本 亦 此 相 Щ 同 從 鮮 日本舊刻悉合, 是 本 肥 傳 楊東里、 殘刻,云 「水」者,而 者校之,此 唐以 進 近 則 失 爲 士金 瘦,故有 真 可 棗 前摹 驗 木 一,特以 文》徐 氣 秋 惟 都 傳 尚 刻 質 元 南 史 徐 刻 文》 有 本 祐 濠 渾 料 此 口 相

> 秦刻 許 重 蒼頡 慎 刻 古 字 所 巏 》七章亦澌滅無傳,其孰從而 文 見 肥之失言之。 Ш 如 嶧 碑 此 山 (6)字 石 則 刻,「岐」字作「汝」,是必 杜 皆 云「肥失真」者,未必 李斯 从 1 焚 書,而所 不 从 水

跋 永 大 典 雕 Ш 碑 本

與上一 字, 者 典》所摹 同。 本。 知《大典》所 辛」字,下一横 ,尚不過 不同者凡 則豈元敬 然都元 而跋 永樂大典》 畫 在 同 内「廣」下 後 摹刻之失。 十餘字 作 敬《金薤琳 據 所見 耶 ? 上 是 屈,此 畫並不 墓 何 缺 是未 ,就其中 本 然《大典》本視今本 本 一字,與 也 則 上 至 琅》「廣」下是「求」 泐 淳 足 如 屈 以 辭 化 IE 前 而 今陝 辭」字, 陜 从 四 本,而 一伸縮 今陝 本 年 辛 鄭 拓 本 小 文 《大 邊 異 未

者耳。 屈矣。 字中畫之上屈不足異,而其下畫則不應再 辛,从一; 者。若「强」、「號」、「獻」、「流」諸字,中間 其後「者」字、「著」字皆有右筆,何 與陝本同,而鄒縣本、江寧本皆不然。 無之? 此則陝本摹失,而《大典》本仍 童、妾、丵、菐諸字,皆已變一爲し,則「辛」 所謂有功字學者安在哉? 牽連,竟不成字,而世人流傳,不以爲怪, 則似「辛」字之中畫亦不應上屈。然 篆至此碑不可謂小,而猶有摹失 「羣臣從者」「者」字無右筆,《大典》 辛,从二、从干,干,从反入,从 獨此 >

跋秦篆譜

縣,立石刻辭。今世傳秦泰山篆可讀者,云:「《史記》載秦始皇帝及二世皆行幸郡宋汶陽劉跂斯立《泰山秦篆譜序》

意。 惟 得 可復見。 嶽上,親以氊椎從 摹之,然終意其未 試令摹以紙 多得見之。 字者,南面稍平處,人常所摹搨,故士大夫 不等,因其自然,不加磨壟。 不過四五尺,形制似方而非 頂,訪秦篆,徘徊 十字而已。」余以大觀二年春登泰山,宿絶 十八字。歐陽文忠《集古録》亦言:『友 江鄰幾守官奉高 墨 世詔五 蓋四 本,以慶曆戊子别刻 余審觀之,隱隱若有字痕,刮摩垢蝕, 宋莒公鎮東平日 面 其三面尤殘缺 墨。 周 一十許字,而始皇刻辭皆亡,莫 重 漸若可 碑下。 逐有 事。 也 ,●親到碑下,纔有此數 刻字,總廿二行,行 辨。 校之他本,始爲完 政和三年秋,復宿 其石 石作後序,止 ,遣工就泰山 自此益使加 蔽闇,人不 方, 所謂 埋植土中 四 面 五 . 廣 I 狹

■ 此句,《集古録》卷一《秦泰山刻石》作「余友江鄰幾謫

歸,乃 其毁缺及漫滅 其可讀者百四十有六,今亦作篆字書之, F 沉 記》文足之,注其下。譜成,揭壁間, 嘗到,惟憑工匠 於是泰山之篆遂成完篇。宋、歐二公初未 記》證之,文意皆具,計其缺處,字數適同, 行,其末有『制 不復詳。 二行是始皇 晦之跡,經千三百餘 面六 每行字數同,而 爲此譜。 余既得墨本,并得碑之形制 北 一辭, 從 面 日 西 不 大凡篆字二百二十有二, 所説,人遂以二公爲信,故 其十行是二世辭,以《史 三行, 可二三字 南 可見者七十有六,以《史 起, 每面 歲 東 以 而 北 行數不同。 3 面 復彰 東、 復轉在 六行, 也 南 西 南 爲 其十 久幽 面 次 以 稜

西、東三面。 今石 又董追《廣 南 始 皇 面 蓋石仆而後人起立之,以其 爲二世 詔 Î 刻 書跋》云: 其 一韶,始皇 三面,二 「泰 一詔 世 山篆,秦相 乃在 在 其

> 平許 字殘 五 遊 年六月燬於火矣。 面 石 稍 Ш 於岱 ,嵌置碧霞 記》云僅 故 頂 文 榛 之 存 莽中僅 元 南 劉 君 鄉 所 廟東 得二世韶二 云之半 也 廡 又 壁,至乾 明 吴 其 十九 後 同 北

石。 世。 後 正 有 甲 惟賴宋廬 漢陽 秀 甲秀帖跋語又已泐損,無 攬者,得以 予爲詳記 此篆 所 惟 葉志 摹 賴譜以存其 釋 Щ 原石位 、攷焉。 詵 文「制日」一行出格之誤。 陳氏甲秀堂帖所 東 卿手搨 次於篆之上 概, 其文,重勒 ൬ 有知 劉 墓 列,并改 斯 是 得 劉 傳 立 於 譜 於 此

跋泰山秦篆後

世。 説文》甚辨,慎不應爾。」今檢《説文》「鯀」 廣 爲 Ш 邊 云: 陲,若 陲 于 垂 後 後 世, 世, 史作 則當作

於《玉 字。 所 乃 字下云: 危 也。」「垂」字, 集韻 廣韻》「陲」字下 是 解 墜之義,尚有餘文,爲徐 象形。」徐 邊 學者可 字》本於秦篆。」斯言爲不誣矣, 正與 篇》亦 一 説文》甚辨」者、蓋 境之字, 此。 秦篆相 磊 勿深攷 删之,獨賴《 氏《繋傳》及《玉 世 則 此 。」「來」字 引《説 合。 其 可 云: 見許 耶 有 ? 董氏 3 「邊也。 文》曰 廣 旁字 氏 許 又曰: 云 韻 本 氏 氏 訓 : 乃 篇 以 所 必 ^ 「遠邊 説文》: 是危 艸 **>** 存 删 以 無 「許氏《 亦然 木 許 耳 从 B 墜 華 阜 顧 旁 也 氏 説 者 其 之 危 葉 爲 惟

L

跋 琅 邪 秦

在 壬 子 城 夏 琅 邪 按 海 臺 試 秦篆, 濱 青 懸 州 厓 訪 極 諸 難 稱 學 拓 存 官弟子 + 有 行 段 耳。 此 生 松 篆 予 苓 刻

印

逕

乃

伯。 長,不 行,皆較世 三行。今見 拓 手又精審不苟,信 至甲 蠟, 可 往 諾 寅 所行 爲 夏, 孫 明 子 觀 拓 年 阮 拓 察 本 予 公 之。 可 所 有 北 寄 寶 前 拓 來 歸 時 也 後 者 者 以 多 夏 前 前 語 出 秋 後 後 學 一之字。 凡 凡 使 海 + 得 水 阮 梁 而

之失 寶間 篇 存其 非 者 得 數 謂 如 專 以 (真,亦 寸外 、殘字 繹 片木,即杜 昔歐 鐵 È 蠶 此乃以杜之言繹 競 Ш 線 篆 叶 貴 尚 之字,亦 + 碑 陽文忠 貴 絲 不 瘦 肥 应 也。 種 者 瘦之説 僅 硬 濃 (, 惟 氏 失 則實過 即 之習」言之。 謂 爲説 之
果
刻 以 在 所 其 古 「麻 嘗 遺 肥 謂 細 Л 蓋 於肥 温 法。 耳。 雪棗 瘦 布 見 今不 Щ 爲主。 對 故 文有 者 虚 木 若鐘 學 也。 而 舟 例 傳 可 爾 其 近 土 作 見,惟 刻 日 之
果
刻 實 然 鼎 夫 於 H 篆 開 肥 楽 後 杜 所 Ŧ 登 欵 失 汝 州 篛 詩 謂 雖 木 真 耳 林 刻 天 此 帖 海 行 至

學 墓 希 書之定式 漢 古之式 器 亦 有 則非 學 字 展 者 世 大 不 而 口 仍 不 用 知 鐵 然 線 必 者。 以 此 此 篆 爲

罘篆 之字 多是 灼 家 細 愈 重 鼓 原 直 痩 大,則畫因之加肥 畫 畫 前 寬 影 益 以 可 在 未 憑信,倍勝於空言辨論者 愚 於周 爲 汝帖者,雖 披 都 比 經 一分,琅 書 段 , 式 鑿寬者, 露之時,得 痕 者也。 石鼓、 生手拓者。 亦 亦 約 極 邪 寬 明 經 畫寬一分二三釐。 以 秦 新 一分 白 重摹,然尚 今衣 琅 以 出 章章明矣,必 口 邪 詳攷古人 不惟 精 五 辨。 臺 工尺 拓 釐 皆 之琅 爾 及 前 許。 度之, 得 非 此 後 、篆勢 徐、鄭 邪 精 然 有多出 先 無 臺 拓 其 則 秦 車 則 其 書 執 畫 之 字 就

又跋琅邪臺秦篆

琅邪臺秦篆,今日拓本僅存中間十行

漻」,信此一 題 拓本,并其 事深於攷訂,而 樛」一行 耳 二字,則著 而 其 歸之。 末 已 制 《前「五大夫趙嬰」一行又得其首 録 行之難 久 日 家 不 口 其《 所未當見 可 三 潛 辨。 辨 字, 研 也 跋 即 與 也 尾 近 今芸臺詹事 前 0 ě H 披 錢 五 (観爲: 訛 大 竹 爲「楊 夫 汀 詹 楊

跋秦篆三首

其 豈 麻 歐 二十一字,此又失其 杜 温 陽《 末 甫 故學 集古録 字失去 刻 所 謂『棗 之罘 土 於 左 殘 所 登 木 半, 字 謂 州 傳 十四,在 海 七 秦 刻 蓋 上得 耳。 篆 肥失真』者邪?」按 因 遺文者。 原 歐陽云 片 本 汝 木, 泐 帖 也。 第 有此 「或謂 歐 此 即 云

[●] 此句下,稿本有「以前説度之」一句。

非 歐 以 陽 之罘誤 此 乃 爲 以杜公之言繹 繹 山摹本 也 山者 趙 明 誠 例 **、**較之, 此 耳,

審

泰山 世 僞之相遠也。」此語當爲定據。 具全,何哉? 詔 李斯所 文耳。 泰 山、琅邪、之罘三處 書數 而世傳徐、鄭 歐陽公云:「余家集録,別 十字,以較摹本,則 所摹繹 秦刻, Ш 所 存 碑 皆一 見 文 真 藏 獨

異同。 史云「垂於後世」,碑作 然首尾完具,不可識者無幾。 頂 本復傳世間矣。 皇帝躬聖」, 遠黎」。 見碑四 宋大觀間,汶陽劉跂斯立親至泰 史云「親 史云 面有 碑作「躬 「大義休 字, 巡遠方黎民」,而碑作 以《史記》本紀考之,頗 乃模以 聽」。 「陲於後 明,碑 歸。 史云「男女禮 於是秦篆完 文雖 嗣 作 「著明」。 殘 史云 Ш 「親 闕 多 絶

> 碑出 宋已後矣,故其中又闕數字耳。 云。 順 模其文刻石,自爲序,謂之《泰 刻」。皆足以證史氏之誤。 二十九字 昆嗣」。 一, 碑 於大 右見趙明誠《金石録》跋語 在 史云「具 觀間,則 體 嶽 順 頂 0 碧 詔 此 史云 霞 書刻石」, 刻 元 入雜帖 施 君 於 廟 碑 後 者 既 碑 東 Ш ,即今所存 嗣, 秦篆 作 出 又在 廡者也 斯斯 金金 碑 南 立

跋孔君墓碣

惟 君之墓」,文已 未,皆非元年。 而「元年」上闕 永壽」也。 桓帝永壽元 右 漢 孔 君 一殘闕。 二字。 一碣,在 年歲 然則此碣所闕二字,當 次乙未,其他有三乙 孔 按 其 介前 東漢 林 中。 云「元年乙未」, 自建武已後, 其 額 題「孔

跋紀信碑

文則 未幾國除。 黄先生嘗著辨,以 碑」,而近日于奕正《天下金石志》題云「漢 叢 澤縣,見於趙明 撰 奮」,「亨」爲「烹」,「侚」爲「殉」,●「 一,但 編 文并書,爲縣 祠碑」。 目 表於墓者也。信之不侯, 昔嘉定 右紀信碑, 偽周長安二年范陽 封其子爲徹侯,或史佚其名,或封 無跋 據趙云尚有碑陰,當訪之。 《叢 ,碑内以「熒」爲「滎」,「僨」爲 此則當存其説, 編 今觀此 》題云「周立漢 令會稽 誠《金石録》及陳 爲古者未 拓本,前無題目,而 孔 祖 舜 以俟攷者 有 作。 人太尉 追賜爵 思《 碑 盧 紀 寶 陶 在 也。 之 而 庵 其 刻 祭 用

跋甘泉山寺石刻字

年封, 勢,而 與五 文,非 有漢厲 可辨。 文,曰 王胥自殺,國除,在五鳳四年,則此應 六年鄐君開石門石刻,亦是未變分隷之字 變隷,有横直,無波策。 年,復立胥子 第百卌 鳳二年石字並爲西漢古刻無 儀 遜此 「中殿 冢中石也。 宣帝時 太守伊 徵 Ŧ 」,則是胥爲王時自造宫殿 家 阮 古勁遠矣。 第 中丞於甘泉山寺得四石, 霸。 按廣陵厲王胥,武 坐祝詛 公拓 廿 八一, 漢刻 此 寄示予。 文稱「中殿第 又云 自殺。 此刻 最在 若東漢之初, 強無 一前者, 元帝 中丞 百卌 帝 歲月,當 廿 據 由 初 元 疑。 有 更 永平 此 元 狩 舊 石 刻

) 「殉」,稿本作「珣」。

三五六

跋郙閣頌

跋婁壽碑

前

當

在

宣

一之間

視

五

鳳二

年

石

爲

更

爾。

錢梅 付劂 也。 合。 賦在 恐當是「陸」,即《公羊傳》「賁」字也。 字矣,後歸於邵 何義門。 賣」,上半亦不分明。義門疑「睦」之省, 倍過之一 氏 是碑在東沙 嘉靖二十八年己 承》、《婁壽 谿於吴門 「州鄰」下一字,洪《釋》所闕, 豐道 有竹垞、義門二跋,今未 生爲 視顧 即以作真宋拓本觀可矣。 雙鈎 華 》漢 僧彌、又歸顧 南 東 真賞齋 原 此 (碑,天 沙作《 所 本見寄,未谷欣然爲 西, 稱趙 已闕 E 球 真 與 河 賞 凡夫本,何 想 閒, 其 道 圖 齋 前 牛 比 賦 及摹人 據此作 後 四 此 重 又歸 跋 金 賈 相

> 卯朔。 年也 未見 字。 趙 年。 子 陽 굸 日癸卯 一字耳。 湖州 函 氏 漢德爲頌,子長 所藏 是碑, 小歐陽之跋者矣。 援 而 按建寧無五年, 是歲 此刻 也。 以 小 馬 歐陽以爲不 小歐 爲 伯 諸 想亦闕 五月改元,正月丙辰朔,三月 又因 二月,則 後尚 循 家皆 陽 説 以知趙所藏本,較洪 以以 云「仇紼書」,然其 有一行,「月」上闕字, 其後題五行者邪。 以爲 書頌 建寧之五年即 是建寧五年二月十 爲 著撰人名氏, 蔡中 立 於 子長, 郎 靈帝 書, 建 熹平 蓋 後 則 則 寧 氏 又并 至 是 即 刻 Z 趙 歐 紼 固 名 面 五 元

三五七

跋東阿王廟碑

用也。 此。 立。 碑在 之,則 新城王文簡 作「黄内」者,隋文帝父名忠,時以「中」爲 「其 建薨時 「瑩」,「丞」作「承」,「藴」作「愠」,「敏」作 ·内」也。此碑從來著録家皆不之及,近 黄初 愍」,「遒」作「酋」,則皆借用 詞 其謬, 「既而」作「既如」,「 其 東阿 右《東阿王 碑 曰」作「粤」,「享爵」作「亨」,皆古 四年」,其 「茅」作「芧」,「潤」作「閏」,「塋」作 書 年三十一」,與傳不合。 是「卌」字,卌 縣 雜 又正碑中誤以「太和四年」爲 魚 始録 用 Щ 篆、隷,蓋六朝 廟碑》,不著撰書 論 陳 其文, 吾友錢辛楣宫 皆當。 思 王墓 即 齊昭 然皆 四 道,開皇十三年 也。 帝」作「 以 也,正 謂 予今諦 來習氣 人姓名。 碑 「黄中」 云「子 照 與 日 詹 通

跋雙鉤劉熊碑殘本二首

合。

而

云三十一

者,未之審爾

全否。 中間 之異 本爲 必非全本, 搘拄者凡二十餘字。 江秋史篋 補洪氏之闕,則南原 趙氏所藏本摹得之,然 本,云存字不及百名, 何可勝言。 Ē 婁氏以「不」字誤釋爲「本」, 昔朱竹垞見鄭谷 二沿襲板 據所録,「忠貞」下是 以愚意度之,南原所摹自寒 中雙鉤本核之,南原 而其餘諸字,特據洪、婁之書 本 顧氏 處,遂紛雜莫辨耳 真見拓本者矣。 又自謂得自摹本 以隷法 口 而 南 所 顧 原 藏 南 亦 「竭」字,足 論之,皆 所 不 原 劉 ·言其 則 録 謂 熊 其 從 則 碑 以 筆 文 Ш 寒 **>** 者 此 書

[■] 此句,稿本作「近日新城王文簡公始全録其文」。

碑》同 郎 此 以 雙鉤 經」之句,目爲蔡書,或當不誣 豊」爲「豐」之語 又按 所存字已倍 本, 而筆 是 使 法 碑 天 遒 以 下 逸過之。 「豊」爲「豐」, 蓰 學 於谷 人 證 復 П 核之李 見 王 藏 前 一仲初 本 與 小 之 華 何 温 快 所 IlI 中 廟 如

耳。 無澆 褚書 品褚 有 熊 棗 金 蔡中郎 (碑》, 似 百 1,豈得 [鍊,而 漓 杜 劉熊 公於 之 書也 隆 既 憾矣。 猶 壬 碑 以 一碑》也 謂 又 》鉤 一寅,江 漢 之論 碑 澆 憾 專 昔元 隷 之妙 漓 本 其 精 獨 褚 而 !!]予笑日 目之? 來 一秋史 百態 朱竹 遺山品坡公詩 推 《聖教》過 加 絶 眎。 中 又憾其 耶 入以所 新者; 垞 郎 陸 顧 能 一人,夫豈不知 丹 : 藏舊篋 由 知其 以奇古目《 心於《孟 叔 猶夫 此吾所 澆 竹垞之言, 日 漓 Œ : 實 也 既 中 法 定, 尚 謂 以 何 師 替 其 夫 精 酸

> 定。 芝英 子十 之圓 本詳 趨 陳 順 義 行 必 户, 體 對 甚 其 書 知 而 其正 吴 高 以 方綱 開 漸 仲 概 者 題 Œ Ħ. 定, 蔡 Ш 皆 又書 楷 破 戚 書 詩 此 之式。 則 觚 耶 伯 奚以 類 爲 ? 著 也 景 耶 則曰 奇古 學古 後人 即 筆 論 此 顧 不 抑 慎之哉 Œ 乎。 衷 銄 專 以 諸 舉 再 本 隷 則 宵 淳 與 董 孿 際 于 舊 \Box 拓 内 而

跋華岳廟碑

厚矣 字 鉤 拓 竟誤 本。 年 蘇 室 前 癸 作 丑 本 雙 晴 十二月二日 昔 冬, 鉤 窻 年 「使」,予竟誤 即 Ŧ 下, 桂 始獲1 從 Ш 未 此 史本 谷 見 搨 出 自 從 宋 者, 五 曲 形 陳 商 H 據以 而 阜 較 伯 邱 mi ^ 借 恭 減 還 所 春 付 得 之。 削 侍 收 伯 秋 金 讀 而 T 傳》「傳」 恭 冬 借 長 神 視 鋟 心 余 觀 垣 逾 所 腴

不 若 豊」「元」 闕 非 云 闕 可 今 耳 + 親 字 見 字 之, 四 已 明 泐 實 悔 本 與 曷 雖 信 洪 由 知 録 唐、宋題字 追 此 無 耶 爲 異 海 即 宋 内 然 謂 漫 第 堂 元 字 雖

跋宋拓夏承碑

其爲 西、畢 十字乃具在 [明府,有豐道 7,又得見王 今是本 字, 山 一宏述 玉 甲午夏, 與 笥 篛 Ш 季 本 果 篛 林 則 夫 明 有 得 者,其 鉤 雙鉤 林 篛 生跋 印。 豐道 見吴 林 雙 本 本 鉤 .跋 同 季明, 生手跋 畢既 存 本。 Ш 所 中 闕 而 夫 從 所 明 篛 皆 雙 出 同 稱 并楊 林 亦 異, 無 稱 鉤 字 又 從 鉤 本。 疑 得 既 亦 見 本 此 自 繩 明 未 何 此 鉤 其 楊 祖 戊 也 之 闕 景 得 戌

> 矣。 足 重刻本後 跋 信。 則 按 遂 出 援 洪 斷 \pm 文 蓋 隷 以爲伯喈芝英體 秋 有「蔡邕伯喈書」 惠 其 續 澗 指 隷 集 語 爲 釋 也 中 謂 郎 初 非 而 書 不 出 是 者, 云 於 本 字而 是皆 中 本 後 郎 碑 出 傅 不 道 會 因 臨 者 廣 牛 汝 篛

平.

明

跋

帖

不

林

是 《述書賦》云「棨戟彎 庾 無 體 是碑相合。 有 何 其 稽 碑 蹟 元 同 從 合。 之談 予又嘗以 法。 予嘗平 在 得 勢。 威 出於 語 東京 也 則 如中郎 奇 謂 以 又李陽冰 姿 本 心 最 爲其間之一體,初未嘗 至於 是 論之,當 「克」字 碑 譎 爲 碑 《隷 者 誕, 有名,則諸 「芝英 目 而 弧 勢》云「修 漢 靡 爲 云 信 有 星 隷 中 有 之乎 點 體」之説,則 皆 郎 常制 證 流 蔡 ? 無 書 電 碑 中 華 者 短 轉」, 郎 中 至 人姓 山 相 又實 一於中 未 以 自 碑 副 定 宜 皆 洪 豊 必 臮 名 郎 與 異 與 同

篆、籀 爲 體 捩,豈 芝英 間 以朱 膩 也 兼 可以元威所名「百體」者名之乎 墨采色」,不著其狀。 開 攷 正楷之法,乃古今書道一大 東元 威《書論 \approx 有「屏 是 碑體 風 百

芳遠 分初 炳天 是錫 著名之蹟。 進士天官尚 在 重」者是也。 賦》,云「《夏承》、《婁壽》漢 號 方》晉刻,牙籤錦笈以爲藏 不 屠維 東 八壤,而 知 法《淳于長 Ш Œ 沙,無錫人。 豐跋所云「中父」者,華夏字中甫,别 其爲 華氏 蘭,●號 與 作 此 噩 是碑 真賞 今真賞 真賞齋藏本,在當時 一,月在 碑後 書 賦後題云「嘉靖二十八年, 南 郎、 獨不見稱。 碑》,晚年參以己意,時 齋 跋 塘,鄞人,累舉不第。 豐道生嘗爲作《真賞 南禺 齋右軍《袁生》諸 鶉火之次 舊本,良 同 時 外史豐 所 、天球 碑、《樂毅》《 作。 即窮林、 可称 日日 道生人叔 然則此 河 最 在參前 也 一爲 圖 山夫, 1 帖 烜 丽 歲 東 齋 赫 本 比

> 陵、朱協極」者也 謂 坊 其 書 同 與 時 程南雲並 好作隷字, 馳 不 都南 師 漢 人 濠 前 云「徐蘭 師 與

於廣平郡 其本末。 目爲奇怪者 然後知二鉤本皆土木形 所藏, ,陽開陰閉之妙,信爲隷書 予往年既摹二鉤 不遠數千里持以际 借臨十日 ,非知言之選矣。 而歸之。予摹此本,今勒石 本,今見此宋拓 骸。 予,爰爲 主皇 此吴門陸謹 而 其左 右 攷 其 本 論 有 倚

庭

伏

跋 曝 書亭所藏曹全碑舊 拓本

跋言 仁寺市上買此碑,石已斷 此本「乾」字未穿,而 庚戌 又云:「更歷數十年,必又歎此 跋 後,越二年,再 且漶漫」者, 石已中斷。 至京 師 此 從 其

芳」,原作「方」,今據稿本改

耳。 有斷 懸 在 間,益信斯言之重有感 得。」以今摩挲先生私 時,尚未若竹垞至今之久。而云 日以精楮佳墨洗石而審 見,即已斷 之。壬寅三日齋宿祈穀壇 不可 摹,其里人言之甚悉。] 且 以是本見贈,舍人云:「此本的 者,是可珍也。 之次年。蓋其 絶。 康熙十一年壬子,去今百有十 '無跋也。」予媿其意,爲略攷其概 痕,或其最 鄭谷口自 此碑明神宗初 郭? 、時諸老所見,皆「乾」字 跋 同 初拓 竊謂此 臨 鄉金君介其妹壻趙 本 在 手令人不覺 年出土,距竹垞 印, 矣! 癸丑,即竹垞 碑出土時,即 拓之,尚未至 云:「覃 如 遊 然竹垞 是竹垞 越二 曝 · 年, 溪得之, 書 則 所臨 未穿 一年再 跋 舍 有 此 甚 書 E 而 此 而 微 跋 此 之 跋 相

跋 涵 藏 頡

《皇覽》云「衙有倉頡冢」,尤可證 陽公以「御」爲「衙」,而不知「御」 碑上方數段,又皆未之審也。 字,隸體之偶 立碑之年也。吴山夫駮之是矣,而 ,趙氏《金石録》誤以碑上方後 是碑立於延熹五年,其以 變耳。《後漢•地理志 山 爲 也。 夫 熹平六 人 即「衙」 題 又 Ш 産》引 一駁歐 一夫於 字爲

者

自題倉頡碑摹

職矣。 之全,併上方隸二段、楷二段,亦皆各 予以精 小松所見貽褚千峰 拓數本對看,始得正、 搨 本, 尚 陰 識 卻 兩 碑 其 側

「自題」上、原有「又」字、據總目

仲

邱

跋 峻 陰

陰

L

方隷題

及

IE

面

E

方左

邊

楷

段

也

氏 拓之。 尚 壬子三月按 釋》誤以他 石頂之側 m 拓 列 可信如 魯峻 在 本皆止拓其上二列而已,不知其下半段 澷 二列之下,乃 有字否。 滅 南 是 碑》陰者, 宋 此。 其陰高五尺八寸,與 ,存者二列。」吴山夫 時 碑之陰 未 此一紙當爲左券矣。 甲辰秋, 試至此,親 實無 得 非 顧 親 目 此 南 碑 見 爲《魯峻碑》陰耳。 一字。 屬黄小松親至碑 原 陰 此 云 到 碑也。 也 碑 蓋由 亦沿 著録相沿之不 間, 碑 凡 E 題字於其 予於乾 其説。 列 洪氏《隷 面 舊所 相同, ; 下 下 降 手 稱

從月。 集云「 《文範》矣,蓋《隷續》板本又已殘脱 碑》。 範先 字,獨「醇」字 碑、云: 綱校正《隷續》,據陳思《寶刻叢編》: 前 先生諱寔」,又云「許昌人」,又無「 君諱寔」之文相合。 長 誠《金石録》所載《 生陳 陳 許 陳仲弓凡三 潁 行仿彿是君字」,亦與《蔡中郎 今刻本《隷 又前 「篆額 寔 JII 人也」,後亦有「許令」之文,本 仲弓殘碑》,一 壇 許人」,是爲可信。 碑 瞭然可識。前一行者, 兩行,穿下數行 行,仿彿是『君』字。」此 碑 續》,止有《司空掾 其 載《 其載《隷釋》者, 陳仲弓碑》也。 又以《隷釋》證之, 隷 曰《司空掾 續》者,一 ,僅存最 而此本乃作 也。 補 陳 醇」字, 其 所 即 E 而 寔 右 此 趙 無 云 方

明

蓋 書 葉之内 碑 而 隷續》,不無 惟 作 爲 餘 之, .偽 此 文 使 碑洪 者 龃 無 示 蔡 人無可蹤 漢 本 假 集 小補 隷 皆 文闕,在《隷 彼 不合 遒 矣。 碑 勁 跡 之氣 而 耳。 獨 法 假 其 續》第十五 益知予之校 亦 此 偽 似 碑 以 Ē, 口 弱 知 以三 一卷脱 筆 補 描

跋范式碑

間,與 未谷 三十字 葒 寤 無 城 論 郭氏見《范 谷使人之便寄 以之。 精 立 今年夏,曲 漢石經絶 乃知 於分 碑 丽 年 릲 是碑 其秋 歲 隷,所鑒當不誣。 巨 不符,即筆 結 阜桂 卿 不類,李嗣真乃定爲蔡書。 爲 京,俾予與同人題之。 九 體 碑 小松 月 在《 . | | | | | | | | | 未谷書來,云: 得得 所 衡方》、《韓仁》之 褾 黄小 法亦大相遠矣。」 得,將託 本, 松自 得是札後, 可辨者三百 1濟寧 孔 「於 户 部 所 歷

> 氏誤字 本,又爲 其冬十 者三日, ·二 月, 一。「忠諒」洪訛作「志諒」。 補 而知未谷之鑒弗確 谷 是 所未辨之字十有 碑 寄 至。 子 也 潛 既 爲 心 坐 臥 正 搨 洪 其

藝苑盛 青龍 之誤也。《書品 謬妄爲千人共掊者矣。 著録金石者,無不以此爲口實。 自趙 識 在 衛諸家之書,其言曰:「《毋邱 後品》之文讀之,而知李嗣 又增一語,以爲與 隷釋》、婁彦發《漢隷字原》,以至 者 漢 明誠《金石 末所 蔡中 不 蔡石經無 年乙卯 名 至 立可 郎卒 「, 其 謬 誤 肯自蹈於後 以傅會蔡書者比 ,相去四十三年。 於初平三年壬申,是 如 録》始駮嗣真之誤,洪 影此 相 此。 假借。 石經不 條, 況李嗣 乃論 子 - 類,而 蔡公諸體 乃取 真 人之譏 列 不 興 真 、碑》云 誤, 李 也 梁、蔡、皇、 此 於是 在 李 嗣 而 嗣 近 議 唐 稍 非 碑 真《 諸家 是 真 未 惟 今 平 文 初 有 他 立 之 谷 惠 於 ? 臽 知 碑

則 鉅 耳。 其 之體者 言之意,蓋 碑多不著名 范 其意 石 細,其應千變,如當時芝英體 上句云「比蔡 [經之 謂同 蓋隷之爲勢非一 卿 居 以《范巨 | 碑 | 風 多, 時學蔡書者,不止學其石經 合同 體也,所 氏。 惟 華 石 卿 L有《毋 時 漢 點 經經 碑》爲不 諸家 末 麗 無相假借」,是專指 以 **一**, 一時 ,古今冠 部 與與 下 (蔡 句 蔡之結 隷 知 ,轉出 碑 何 法 相 絶。」詳 亦或 云 大都 衡 人書可 「蔡 是索 體 校, 一公私 公諸 以 而 李 知 爲 此 漢

概

諸

手所書。 碑 卿 書、魯公之書乎? 亦 以 碑 (,就其中蔡體之善者,則莫善於《 蔡書之體既 云 革。 碑 一歐 今石經拓本,又已百不 與 此言極易明白,猶之後 體 石 經 顔 非 比較 體,豈 至 一端,而學蔡書者 一於石 也? 可 1經,本 即指 況 即 爲率 非 存 人 同 中 品品 更之 范 出 郎 亦 何 唐 非 巨

> 祕 大

必

手 亦 ·, 而 不同 應制 莊 敬 Ž 體 與 得 意 時 隨 手 之

目,上 者哉? 漢碑 據。 采焕 其目爲蔡體第 此 不足信。」此 碑 ,筆筆皆從此碑得之,非 於勁利之中 ,云「右無撰 者,未易語 洪氏云:「書家名氏 發,實高出 予當辨《 可得其圭臬。 下源 昔人以 乃有此 則皆無 如 小 流 也 歐 西 劃 書人名氏,安得 爲蔡中 折衷之鑒。 語若以評唐宋之碑 書人名氏」,不 一者,蓋李嗣真見學蔡之書 出 「漢末 陽,於漢 岳 然可 以 華 後來 醇厚,而 皇象、梁鵠諸家之上, 郎 Ш 尋, 書者,其言皆非 歐陽率 刻 非出 愐 不特 每 夏 深 蔡書之勢, 頓 亦贅乎? 條 求 有 承 挫 於本碑 漢 是碑之品 × 下 出 更書法之 節 則 - 皆系 一於本 唐之接 制 可,若 劉 神 是

碑

語

書是也

予嘗謂漢碑自 以 韓 勑 *\ \(\) 鄭固 ^ 孔

後 调 質,至此 家 俎 兩 白 語 中 而 有 家 宙 》,能借 豆 在 木 之稱者 漢 年 彼 裨 以 m 平 當 之書 焉 漢 駮 許 倡 爲 致 必 學 隷 此 有 百 之疑之者,亦 是 此 而 人 爲 中非 淵 耶 是 尤 碑 中 和 他 皆 今必謂指 梯 人 至 最 ? 碑 爲 源 郎 定 爲翻 日見小松、未谷,當面 中 八服習 桄 化 既 烜 其 若 評,而 自今宜懸李 一大關 郎 以 爲 赫。 見 至 撇一 前 窺 者 m 性 推 者 中 中郎 見 予之得 人 何 發 捩借以 於 情 而 拂 郎 之語,必欲 當 揮 李 唐 蓋 而 斑,其 書者無 有 人 始爲 此 嗣 雖 漢 中 嗣 後 見 發 所 楷 事 有 真 郎 X 已。 真《 说明,不 考據 是 隷之祖 盡 名 探 爲 分 於 則 所 質之。 書品》之 致 碑,於千 原 於 隷 使漢 漢 語賢 中 書學 、 攷據, 了,是以 ? 會 時 之 郎 隷 形 隸 不 或 大 其 何

跋唐公房碑

字。 逼中 釋》云「天下莫知」,今諦視石本,實無「 行 縣 所引後漢書志,即《華陽國志》文也 見於《水經 圭首偏右 略 二字。 字。」與今存本同。 不載其姓」,豈未見 君」字。《隷續》云:「十七行,行三十 口 六 西 禄續》本皆摹誤 洪氏 穿之右。 辨 字 北 右《唐公房碑》,在 末銘 者 三十里。 1,穿仍 其第二 蓋 注》、《華陽國 尚 以文義度之,增入「知」字 一行,惟存「浮雲」二字。 有三百字,惟 又碑 在 行首 碑 [中,第八行首「頃」字,正 其第一行,惟存「故能 也。 無 額「唐」字,篆體 其 一字, 今陝 年月可 額 「志》諸 歐 郭? 陽《 第十三行、《 西 據《 攷 漢 書,《 集古 唐公 中 隷 篆 府 禄 1房,初 續 録 分 中 額 城 明, 耳。 知 隷 間間 是 固

贈羅 其 此 拓 而 人 碑 藏之,附以詩 本 見 甚 兩 謂 峰 張 小 模 瘦同 此 近 糊 日 舍人 本 遂毁去 顧 乃最清楚者,以見貽,軸 藹 拓 吉 其 作《 紙 八。舍人以其 託 隷 友人寄京, \leq 亦 未 而 見

自跋熹平石經殘字二首

家。」 版 今張 事 餘 翁所 經。 初 論 者 祐 開 司農 燾 時 藏 此 孫 中, 地 本 時 ,乃越州 退 玉 唐 得 「漢石 者 蓋 居民 谷 家有小塊。 御 「, 王 彼 跋 之,若 家有十版 史府 時 所 治 儼 經在 石氏 所 藏 地,得 齋 騏 拓 得 漢 御史臺、年久散落、 也。 模本,今在華亭司 驥 也。」 石 石 洛中 張 碎 一毛 郷 經 按黄長 氏 石、洗 何義門云:「退 + 殘 所有者止 壻 餘 字,云: 虬 家 石。 容《東 龍片 有五 乃 又 甲。 石 宋 觀

之末, 庚》、《 閣,《 本上。 亦 字 之上 爲 殘 五 臣 重。 此 知 ,與 本。 臣 漢 何 孫 乃 頗 行之下 審定之、《論 行 及《論 半紙 刻耳 義門 表」云云。 論 當 左 與 得 又 《論語 洪氏 而其 此 洪 其後見孫淵 語 文 其 洪 蚦 半,正 以末有 調 取前後選集十三段,竟即 墨 郎 拓 文 所 所 蓬萊 語》二段,以 》,有退谷手 字畫,實在 主接合。 是宋 又錢 本。 惠 中 得 刻 語》末段「左立」下 異。 臣 以 子初 閣 興秋 詔 楳 越 字 所 論 重 今合前 溪 州 畫 書 且 得 「書」上、「豆」下 盦 如 刻 見 語 所 石氏 其 秋 與 石 高 者 所 黄 爲 所 跋 得 末 筆 盦 博 經 古 不 即 秋 得《堯曰 得 《論 人本,而 後 題 法 同 所 據 士 鐫 盦 精 退 石 十三段 云 以 在 得 臣 於 語 所 谷 善 松平 補《般 會 越 詩 無「孫表 · 堯 曰 得 左 詔 退谷信以 本 所 碰 篇 殊 下。 立 是 州 藏漢 稽 書 字 (裝册, 皆 黄 可 郎 蓬 兀 與 石 ^ 篇 庚 般 刻 中 萊 博

裝册。 不記。 精 睿 齋 勒 所 中 者 與 稱 下, 正 張 友 愐 龍 研 其 是漢 圖 爲 論 漢 此 刻之嫡傳真影無疑 E 講堂之真蹟益信,安得 事,至今三 晉玉之本。 一十七 今就棋 年,始 也。 溪 克 吾 所

又跋

月,不待辨矣。 學有魏三體石經而致誤。 書法,以相參檢,樹之學門」,蓋范史因 據《後漢書•儒要傳》「熹平四 三字經之曉然無疑者。錢辛楣辨萬 石經 續》,則漢一字石經,魏三字石經,昭 殘本摹傳,而魏三體之文亦見於洪氏 正定五經,刊於石碑,爲古文、篆、隷三體 》,則古文、篆、隷三體 漢《熹平石 經》,止 而《後漢·儒 有隷 書。 今日漢隷 林 年, 此一字經、 傳》此 魏《正 詔 季 尚 如 諸 語 隷 始 日 有 太 儒

《儒林傳》爲誤筆,亦足一洗諸家歧説耳。究啟學者之惑。錢辛楣此説,直斷范史

復初齋文集卷第二十

門人侯官李彦章校刊大興翁方綱撰

跋王稚子闕

其 誤 别 先後之序。」愚按:此六字即 矩之外,亦刻於稚子闕上,但殘闕不具,無 其大小與王稚子闕相若,而波磔不越乎規 陽 闕 耳。 稚 式, 第 出 子 五 王 稚 卷、第十三卷皆各爲之圖 一題,云「右「先置雒陽稚子」六字, 題。 圖其畫像也。 子闕,洪氏《隷續》所録凡 其「置」字,蓋即「靈」字 又其第二卷别出 其 額 也,不 圖 其 應

> 其石 具存 闕 闕 + 不偶,因爲臨前人題字於後,而 此本,以是歎善本之難得。 陰之二半行 燮觀察以 子羽之前五百年,而已誤「靈」爲「置」,則 拓,誠可憾也 蓋出於拓工之鹵莽,且其上數層之文皆不 令時其完 逐層後人題記之字皆無恙。 後之五十三年。而其時不但雙闕具存, F 五 上 年 題記 |所刻人物、象、虎、海馬、獅子之形, ,爲尤可 又新 方 拓本相 之文。 城 好更可知已。 子,在黄子羽爲新都令倩 久又可 王文簡《秦蜀驛程後記 耳 貴 1 0 也。 寄, 按文簡此記,作於 知 然洪氏所得拓本,又在黄 然其拓 也。 予既重 則僅存雒陽令一 此 前年,門人 法清楚, 拓本漫滅太甚 感秋 而此册 則黄子羽作 附 庵 系 陳 》,詳 轉 康 則 工拓 所 以 闕 雙闕 勝 和 熙 獲之 詩。 於 及 及 Ħ. 碑 録

❶ 「及」下、「陰」上,稿本有「闕後」二字

三六九

題宋本汝帖第二卷天禄辟邪字二首

誠當 也。 刻 從汝刻泐本摹以致悮。予以宋本對勘始知之。 字差大,詳見趙明 墓 者,失真甚矣。摹刻本其「邪」字,「牙」内作「冈」,蓋 潤 存其真耳。 今日有石本,乃從汝帖既泐之本摹 膊 北 此 宋時 上字。 「天禄辟邪」四 已云石爲村民所 其「天禄」二字視「辟 「邪」字,今石本竟大謬矣。 誠《金石録》中,非宗 篆書,乃吉 毁,猶賴 成 侯 趙 此 州 汝 明 出 箵 輔

汝帖 此 有 邪 天禄」字稍大,又其明證。 十字, 此 以 石 字 州 在 輔, 石 爠 實是州 一宗資 闊 膊 宦官耳。 字下即 H 墓 四 輔 Ŀ 字,又同收 碑 接蔡書十隷字。 今日 宗資、州輔 且州 重 是以予考定此 輔墓之四字, 於趙氏 刻「天 録 蔡書 禄 中。 俱 辟

> 使此 不 據 汝 石獸字,趙未詳定,安知其 汝 加 帖 改 篆 帖 四 屬 正,於義無傷者也 所 篆 題, 諸宦者, 是 以 州 爲 非 何不 宗資, 宗 也 可乎? 不以 然 、非是 重 爲 刻 耶? 況宗資 州 於 輔 石 此 不 却

跋東漢仙集字石刻

《金石備攷》,在四川 其 漢安,爲順帝改元壬午之歲。 志異 審石 王象之《碑目》,於蜀 留 云:「余於故侯吴國華家得此,書法妙甚, 行,十二字,隷帶 題 事雖未可信,然非漢人手筆不能 聞 在何所,亦未見 洞天」八字。 漢安元 而已。」予按: 年 四 篆 孫 月十 勢。 簡 碑 此 他 退谷《庚子銷 州 最 刻惟見於關 書載其事,存之以 旁 逍遥 詳 IE. 日 ,亦未之及 所謂 [仙 書 會 山石窟 「東漢 仙 中來 也。 友」,兩 夏 仙 也。 m 濬

者、蓋 道流之詞。 存以備 漢隷 種 口 耳。

跋 君 開石門刻字

婁

道二 將相 岑弟典力晏釋「功」。 縣官寺并六十 鹿 徒二千六百九十人,開通 於石者,未有古於是刻者也。 百。」以上凡一百廿三字,泐 七十六萬六千八百口 刻、上谷祝 鄐 秦岱頂二十九字及琅琊臺篆 年,漢 百五十八里,郵亭驛置 君,部掾治級 文字刻 厓 刻,凡]始作 中郡 畫之見於世 其 四所, 可見 以 卿 橋格六百卅二,大橋 作。 王弘, 詔 壇石 者十六行,文云: 書 ||似是「最」字。 人,瓦卅六萬 受 太守丞廣漢□楊 外, 史荀茂,張宇、 一者, 廣 褒余道。 其真 漢 徒司空、褒 者 自周 至其字畫古 ~、●漢 」蹟 四 郡、 太守 凡 長 岐 五 九 五,爲 陽 Ŧ 用 巴 Ŧī. 中 鉅 而 顯 鳳 功

> 此 勁 为 因 實未加波法之漢隷 石之勢, 縦 横 長 也 斜, 純 以 天 機

於六年,成於九年」,是矣。 又有 知。 京」。 餘 所釋也,是其釋文之末一行,云「□千 有所未盡耳。晏記拓本前隱隱有字, **袤紀其後云「凡一百五十九字」,蓋今拓** 於九 (氏《字原》載之,而《隷續》不及載。 「格」字當爲 九年記其成 字之多。 粟 宋紹熙甲寅,帥 然其字特小,恐是永平六年 以下拓本所無,不可知矣。 「閣」字本非其義、「格」則 年」,亦未 □九年四月成就益州□ 則其 E 功 然 也。 也。 前 章德茂 段耳。 尚 鄐 「橋 有幾行,亦不 據此,一行至一 君,不著其 始 格 ൬ 錢獻之謂「始 得 謂 枝架之名, 即 此 「前後皆 一段後, 「橋 刻, 東 四 蓋 可 至 本

及 琅 琊 畫 篆」稿本作 「秦琅邪 臺十 九字」。 字

此

刻

立。 記之後段「九年成就」云云,以爲永平 按《隸續》:「《巴官鐵盆銘》,永平七年作。」 晏袤記 書辨證》云:「因官居 則此爲六年無疑矣。 廣 也 領 然晏記云刻於永平六年, 云: 漢有 此 東 碑先《巴 海 太 守 焉,望出 而婁氏《字 鄐 官鐵盆 熙。 東 \wedge 銘 古 此 海 ,原》 則 者 今 可 歲。」 九 據 也 姓 此 據 年 E

作記 稱爲 而 寅 不 魏景元刻後 楊 樷」,其文又誤以 · 當 此 F 孟文頌》「出散 時 稱 碑 推 云 晏釋此 干 碑, 陰。 未 至 嘗精審,或啟人疑者,故不可以 一百三十三年,亦未合。 永平六年,正一千一百三十 圃 刻文, 不知文内 一記,又皆誤以石 況 可稱陰 入秦」之句,誤以 誤以 「繼」爲「蠿」。 已明言厓刻, 「世」爲「 乎? 又由 屋附 ±, 面 此皆其 紹 厓 刻 此 「散」爲 之文 刻 記 又 熙 甲 本 及 引

閣

跋 魏 開 通褒斜 石刻

文。 谷厓上 休士,作木牛 泰和六年也。 字又不能識。 十九字,其『泰』下 七,惟魏明帝有泰和六年,晉武 年,餘皆一 并記云: 此 刻前一 一,後 有 二年,或四三年。 慶元 行、後三行,皆隷書,紀 漢魏 「潘宗伯、韓仲元記造橋 流 是歲 馬,故 元 蜀 兩晉以[泰]紀年 年 字不顯,至『此』下 建興 南鄭令臨淄 魏 得人褒谷 十年,0諸 則 帝 此 有 晏 葛 爲 者 袤 於 泰 亭 康 凡 釋

+

其 山 時武侯屢脩斜谷之道,豈 ,以木牛運糧,大破 愚按:諸 葛 武侯以 司 建 馬 興 懿 有 射 九 魏人得大書 年 殺張 復 出 祁

於其 也。 孟 年 路 字,非「和」字也。 諦 路記》, 王象之《輿地 (帝「太 審此 通關 號 八右耳。 於其 蓋石上先有景元之題,而潘、韓 石 亦去此不 已久,治此 、康」,皆是「太」字,非「泰」字。 厓 刻,隱隱尚微 晏釋以爲皆魏刻,非也。 石者? 況 碑記 遠,皆 目》有《太康元年興元 晉武帝泰始六年,則西 石 道 有 魏 可補 一,爲 明帝 畫 理之可信者。 痕 史傳 ,確是「始」 大太 和」、 所未及 復 題 新

跋楊淮表紀

與楊 即是過石門之地,見楊氏開通 云:「同郡卞玉過其墓,爲勒此銘。」按此刻 黄門同郡卞玉謁 此文 孟文《石門頌》皆刻於石門之厓,其云 明言 亦刻 表 於 褒 紀,是也。 歸 過 斜谷厓者, 此 追述勒銘」者,當 洪氏 石路之刻,此 不 得 禄 謂 之

> 氏 也。 是 其 刻 行,字勢參差古 「牟」即「侔」之省也。 在 指 門 所 E 闕 閥 洪氏誤以爲過墓,宜其題 乃 一升爲楊孟文刻頌之後二十六年。 祖 非 字,今諦審 開 调 石 墓之謂 路 拙。 之頌 也。 是「三」字。 言之,此 敖」即「隷」之省 銘」「銘」字 有 文 碑 感 初 文凡七 矣。 而 非 詳 洪 亦

跋魏石門銘

年,以 泰 日 而 節龍驤將軍督梁秦諸軍事 十六行。其云「梁秦初 魏世宗本紀》不載 還,又以 山羊」者,羊 ,梁秦典籤太 右 祉 北 假 魏《 本 節 將 龍 石 祉也。祉本傳云:「正 驤 原王 門銘》, 軍爲秦、梁二州 將軍、益 其 遠 事。此 附,正始三年, 銘 永平二年正 并正 州 梁秦二州 石門之脩 刺 史,出 書,文凡 刺 史。」 月 始 劒 刺 詔 卅 ൬ 閣 史 假

役者 正 ,特其字勢隨石爲之,無排比之迹 始 左校 四 年 + 令賈三德 至 永 平二 也 年 碑 IE 文與 月 畢 書皆 功 非 董 其

跋梁始興安成王墓碑

之工莫 討 遊, 村。 諸 之,知是 餘,將仆,人 風 尊典 鄉 安成僅存其陰耳 Ŧ 亦 家 攝 皆 、甘家巷。」 昔在康熙辛酉,秀水朱 安成王 碑、徐勉造、貝義淵書 未 右 Ш 敢 示 嘗 梁 江 道,見 劉孝綽所 措 録、宋張敦頤《六 始 得 南 手,觀 不敢 碑、劉孝綽 興、安成 省 拓 石 試 本 近 1 碑邪 也,予 撤 者 製 亦憚 梁安成 闡後,與周 周 立 撰,貝義淵 乃 王 騎 草 於 朝事 得 墓 驢 ,在清風鄉 中。 久立。 王 此 道 徑詣 碑。 迹》 拓 碑 穹 碑 青 本并 其下 書 去 土 而 在 篔 黄 椎 檢 丈 拓 偕 計 清 城 趙

> 將 作」, 曉其 將 行 作 軍 年十一月薨。」 + 軍 閣吳興 義,石下仍當 始興 東 Ŧi. 六 曰「吴興 始 層,直 字。 海 興 忠 E 徐勉造」,曰 部 敍 武 碑 貝 元 事 王 額 義淵 明 而 與 之碑」,文凡三十五 IE. [有闕 石」。 「侍 史本傳合,史云: 書 碑後半多泐,文後 書」, 曰「 一中尚 文耳 前 梁故 其 正 書右 E 侍 員 作、 某 中 將 (僕 刻 司 軍張 射宣 字 徒 「普通 不 某 惠 長 曰

之名,或在石 又記王在江州,辟陶潛曾孫爲 碑陰系銜 安成康王之碑」,其陰皆吏人姓名, 故吏夏侯亶等表立墓碑」,即其 安成王碑額隷書「梁故散騎 西西 泐 曹吏」凡數十人, 處 耶 西 而 [曹吏。 事 常 不 見陶 史所 侍 也 司 是 卒 史

借之習,無足言者。其曰「哀瘠皀」,「皀」「形」,以「滖」爲「衰」,此類甚多,皆一時假一始興碑内以「啚」爲「圖」,以「刑」爲

通之字也。 當即「身」字,非《説文》於譏切,與依、衣並

跋魏司馬景和妻墓誌

之 銘 郡 稱 辛 子司 其 府 其 西 文題 正,不足以 例 **」葬,而** 所 妻 馬 嵩 君之季妹」,亦不著父兄之名。 (姓, 而 未舉,雖 門沈進士以所藏魏 景 曰「魏代 和 爲 妻墓誌銘」,以 爲例也。 文但 頌。 楊州 漢 碑 題 解銘; 亦已有之。 「中散大夫之幼女, 長史南梁 而文稱頌,題 人墓志見示, 延昌三年正 郡太守 然非 皆 宜 載 陳 不 月 陽 按

跋後魏張猛龍碑

日 訖 碑 末云「 此 紀 造 立 頌 石 四 年 年 月 IE 也 光 計 其造 年 Œ 頌 月 之前 廿

> 實,而 主相 晉郡 此類是也。 捐貲立石之人。北朝石刻 碑末「義主某官某」者,義主,蓋 在神 石 以 四 刻 造 年 對。 i 太守」。 之變例 頌之「州主簿王人生」書 爲 概曰「熙平之年」,亦非紀事之體也。 神 之前二年, 顧亭林云此碑行書,非是。 龜 碑陰 二年。 也。 此頌造於神 云「義士王人生」,正 又碑云「以 何不 此 不專 明 龜二年,熙平 有 書 其 熙平之年, 日 於碑 造 蒞 頌 郡年月之 其 幢主 陰,是 之 時 年, 與 所 即 且

孔廟北齊乾明碑跋

猗氏 時 旨校定祕 題 云北 魏 收 人。 宋大觀 作《庫 齊 官北 府 樊遜 書 中, 狄干碑序》,令孝謙爲之銘。 籍 齊 書」。 王 負 一案刻 即乾明之前四年 外郎,當於天保 遜,字孝謙, 人汝 帖 取 此 七 也 河 年 東 碑 北 被

以 北 隷 陸 此爲之職志可矣。 齊三公郎 、楷之間, 印 不 知 , 以 中劉珉之蹟,今不可得見,即 實啟 爲 收 唐 合作 人虞、歐、 也 0 是 褚之先路。 碑 書 法 在

孔廟北齊乾明碑跋二

官,而 之弟 正 保中爲 刺 久之」,又云「命工重鐫」, 述祖修孔子 滎陽」二字。「祕書監」以上,蓋皆道 父爲兖州,●起齋亭,刻石。 際天保之後。 時有修廟之舉,未可知也。 史,人爲 云云云。 以《北 史所未詳者。 兖州 祕書監 史》考之, 廟 刺 詳繹其文,當是爲兖州 史。 而 建。 碑云「開封人」,又有道 此碑 鄭 後泐文内有 其弟三子述 此 乾 道 碑也,「開」上當 則或道昭昔官 昭 明元 官 本傳云: 述祖 光、 年 祖, 云 庚辰 青 時 刺 年 嗟 史 齊 昭 立 文鄭 沭 歎 是 天 州 九 東 歷 昭

> 幸已! 悲動 樊遜 岳先 之極,不可句讀。 歲 之書, 羣僚。] 此 生鄭道 及 爲 刺 史,尋 昭之白雲堂。」述祖對之鳴 又知 情 事亦 舊 爲 今猶得 迹 鄭 相 述 得 類 據汝州 祖 也。 破 事 石、云: 亦亦 此 帖、識 碑殘 咽 足 泐 中

跋北齊祁林山寺碑

史也。 史。 佐世皇弟分陝」,蓋謂叡父琛嘗爲定州 按史,叡以天保二年出爲定 寺之碑,天保 下車迄今, 此 右 碑 靈 叡以 壽 立在三月,而 祁 初歷 是 八年立,不 林 年 Ш 七祀」是也。 徴 寺 赴 北 後 鄴 齊趙 著 有 都 除 撰 州刺史,此 荆 郡 書 碑云「先公 峴 北 Ŧ 人姓名。 望拜」之 一高叡 朔 州 刺 刺

和《北史》,疑當作「光」字。
和《北史》,疑當作「光」字。

之艱 之。 除 帝」云云 詞 則天之造字,固亦略 可勝舉。 方綱重爲摹 禾千聲,而 句」,以「舊」爲「奮」,是六朝之習如此,不 唐 虎,不可再 刺 前 也。 , 仁人君子必當有以處之也 朔 憶小松去年以 碑筆法多本之六朝 有 州 獨其 則是 展對是本,能無慙感 恐 也 千 須 拓,以廣其 萬 拓, (以「揧」爲「年」,則知 時 碑 正 相 叡 台 而無 字 衍 此碑 初應詔 階 沿 有所 ,則成於則天之時, 載 軒兄精摹是 隷 傳 相贈 也 承。 變楷 馳 赴 而 綸 鄴 鹿 此碑 蓋「年」本 謂 ,以「勾 尚 綍 應 此 借借 本 以 唐時 至 蓋 碑 未 今未 意 以 地 知 拓 君 欲 从 其 致 僻 不 武 爲 傳 請

跋北齊造銅雀臺石軬門銘

臺石軬之門。百代之後見此銘者,當復知文云:「大齊天保八年、九年,造銅雀

致疑。 至改 横闊 之。 實 廣三 北 記 書 也。 凡六人,分二列、三行書之。 顯,幢主孫 又按《北齊書》:「齊文宣天保七年六月,脩 書·马武傳》後載雲台二十八將,昔人頗 而後及下一重。 人名,皆先上列而後 書云八年、九年也。 齊 列,文多閒雜,亦當改正。」今驗此 兩 正義》所載《謚 臺宫殿,至九年八月始竣。」故此刻據 時 兩 重 予同年盧 五寸八分。 薛季宣、王伯厚始從而正之。《 重 陳 石刻 排 列 爲一列,失本來次第矣。《後 驥 悦,幢主楊曇。」石 (者,皆先將上一列順次排 承、 尚 抱經《 如此 凡七 婁 後人誤以 法解 晞, ,亦攷訂者 鍾山札 次 行,後三行行二人, 軍 列,此刻猶 亦本 主 一上一下讀之, 記》亦云:「古 按:漢 董 高 - 是兩 侯, 所 五 宜 寸三分, 存古 軍 重 碑 知 刻 改 副 横 4 名 漢 式 列 則

三七七

跋朱岱林墓志

武平元 唐 見。 碑 也。 親 言 姬即 啟國 周文王 邑從朱。」其言辛 自辛 邾 宋 撰 親 南 子 次曹, 以 志 北 曹姓。」 北 北 朝 敬 以 也 潘 授 後 年 朝 齊 、撰 建社 朝之際 喪 修 而 昂 碑 封 适 銘 隴 歷,昌户銜書。 不以 撰 志, 孔 霄、 平二 《春秋》 於邾,别 不及六朝以 東王 志, 出 疏 王 尚 大小 則 每 自二 朝者, 云: 年, 猶 止 感 周 以 有 襄 子 有因 仲 孝 摛 所 初 爲 ~ 樂 + 敬 世 頌 藻 據 曹 次 商 陵 前 範 則 「字爲 亦 姓, 也。」今驗此 本·世家》文也 紂 之人敍 親 朱岱 年《傳》杜注 金 亦 撰 也 金 也。 以 石 足資攷 蓋 如 石 銘 氏 建 林 例》, 屬 此。 是 文字 於文 斯斯 昌户 社, 碑 君 姬 首 所 系 姓 即 賢 但 Ш 而 云 内 碑 據 是 者 懿 去 亦

> 朔」, 州 同 朔 具 雖 者, 書 寶 非 (室寺: 此石 人姓 日 極 惟是 甲 T. 鐘 刻 申」, 氏 然其 銘》干支之誤,不足怪矣。 年 耳。 乃 則 訛 爾 發波 其云「武 陳、 爲 時 南 \overline{Z} 已 齊、 北 開 卯 周 朝 歐 平二年二月 朔 皆 或 偶 則 之先, 有 月一 唐 初 支 Z 惜 90 不 91 不

跋隋榮澤令常府君墓志

所 王脩 孝武 林 魏 謂 當 其 典 今所 撰《 存 稱 帝 墓 故 以 而 西魏 隋 魏 考異 也。 志之作 文 行 常 明 不 物 魏 書》 府 帝 者 著孝武之號 貌 收 魏 色也。 遷 君 疑 九十二卷,其書亡 之 焉 書》 墓 崤 書,宜 起 無 函, 志 當隋 於 聞 於晉末。 $\overline{\ \ },$ 本紀書日 因家焉 稱「 大業 爲 文之世 可 此 東 惜 \equiv 碑 思考《 魏 年 也! 出 稱 書 本 佚。 此 八 明 有 即 帝 宋書 帝 月 魏 西 平 顧 面 愚 刻 嘗 澹 陽 魏 西 則

蝕 未 碑 禮 唐楷者,當以 梁、魏、周之習, 尚 菀」爲「宛」,此猶是六朝以來之别體也。 蘭藥空傳」,「藥」即「畹 知 ,惟字畫太淺 人名氏。 所 有 志 之, 存 述 \leq 否? 也。 則 潘 咸 景 是 舊在 然 梁 是爲大輅椎 碑 而開 細 拓 義 援 尚 興 耳。 本 魏 熙 平 沿 虞、歐、褚、薛之派, 禁 絶 侍 縣 六 然結 少,此 碑 中 崇 朝 」字,猶之漢 繆襲之文 之令,至六 藥 輪 以 體 寺壁間,今 來之制 矣。 本尚不 遒 整,無齊、 中 有 甚 碑 未 即 朝 云 評 泐 石 著 以 是

跋 法寺碑

傳者

子 拓 彪 聞 者 撰 援《集古 義門 ^ 名三十 隋 道 啟 何 護 録 法 氏 餘 美之 正 寺 所 年,今始 碑 語 藏 自 久 則 王象 爲 在 # 壽 吴 臨 無 之《輿 Ш 中,懸價甚 此 年 李春湖宗丞 碑久矣。 + 地 月 碑 高 此

> 習。 碑之 其足 之漸 其 護 之法者。 隋 志多流傳者,而 論 所 人名,而其 得 中 之, 有書名,遂以爲 時,若此碑及《 矣。 0 然行 得 「館」字書爲 南朝 其 名 然隋 耳。 筆 碑 則 、書實 狐 碑 字既 清 以 兔」作 既 碑 勁 T 在 字體 絶 「館」, 如《常醜 龍 經 道 古今獨 此 少 則 翦 藏 護 作,惟 超出 碑 蕪 纸菟」,亦 裝 寺 書 此 之上 **二雜,多** 北 碑 也。 絶 奴 則 中 北 魏 》,皆足 之奇 墓 隋 朝諸 多 然 志 所 北 不 時 脱 六 以予 訛 得 \leq 齊 已 也 失, 碑, 朝 不 開 開 因 失 以 之 平 是 著 唐 來 俗 即 IIII 餘 督 碑 如 道 至 此 書

之妙 王 開 由 碑 是 楷 面 雖 之先 若 而問津乎唐人正書,莫先於虞、歐、褚 下 敬 歸 通 元 蕭、羊已 於平 論 由魏、 得力子 書家 IE 前 齊、周 E 前 敬,子敬得 一,開 後 亦 流 漸 闔 以 派 即 來 E 於 變,提 搋 則 於家法 坦 推 承 地。 論 隷 頓 者 之後, 之, 若二 起 伏

迥,似 敢 碑》鐫手不工,又在此下。 此 門造象記序》開褚書, 志》耳。 獨 作,則三家之法原處皆渺不 珉 取北 許 所 碑,正與《龍藏寺碑》相比倫 褚之發原在史陵。 也。 藏 智永《千文》, 而言之。 山 ,諸前輩詫爲希有, 齊樊 《賀若誼碑》下開顔書,與 勝之。若竟以冠六朝諸 因跋李宗丞 之 入遜 書《 發 原 在 孔廟碑》及《隋常醜 今所傳 智 所藏 又皆次之。 劉 永 史之書, 石刻 歐 是以不得不 舊拓本。 而此 可見矣 之 也、《龍 是 發 碑運 碑, 、北齊《龍 若 宋 原 筆 在 以 亦 藏 1 所 未 書 僞 清 寺 奴 吾 不

得此 寺碑》右方直下,最是此法。 法 右 惟 軍 趙 左 子 右 搦 固 陰 古 論 陽 下 書,云:「書字當立 極 ·是也。 一明麗。 \Rightarrow 化度》、《 T 吳傅朋 道 護《 間 離 啟 架 堆 法

> 豐左 亭》出 陰陽 散弛 先左 見行筆之訣,此可爲書家問 末,開三唐之矩。 麗 勁利作章法也。 諸 多寶塔》之後勁, 化度》之上游。子固 也 後右。 向 也。」得子固此言,然後 而 禎 也。」此 持此義 .背並 病 瑶 右,故其結構不整,則全局 臺 山谷云:「學者側筆取妍, 峙 寺 所 以 謂 碑 格制乃定,所以云 論 不言左而言右者,每 雖 **>** 而 T 右 其圓 其 搦 所 碑 方 清 直下者,謂 見 直 則此碑在 烈熟 挺 必 津 下 、坦迤 知左、右 高 更是古拓 者 筆 秀, 也 法 實 似 陰 右 從 皆 爲 已 已 朝 陽 往 以 之 明 之 往

復初齋文集卷第二十二

《聖教》出自僧懷仁所集,在咸亨三年,

在此碑立後二十餘年,太宗何由預爲仿

之? 況此碑神氣

渾淪,正

不必以

懷仁所

集例之。而孫退谷又謂不及《淳化閣》中

太宗諸書,皆以目皮相耳。

門人侯官李彦章校刊大興翁方網撰

跋晉祠銘

傳此碑書體全法右軍《聖教序》,不知右軍年十二月,帝次并州。二十年,而碑立於二年十二月,帝次并州。二十年,而碑立於二至京師。蓋幸并州在二十年,而碑立於二年十二月,帝次并州。二十年三月,車駕一十一年七月。按新、舊《唐書》:貞觀十九十一年七月。按新、舊《唐書》:貞觀十九十一年七月。按新、舊《唐書》:貞觀十九八年七月。按新、舊《唐書》:貞觀十九八年之時。

跋廟堂碑唐本

本題之? 即山谷所見張、蔡二本,亦已云中、世字,而其真唐刻者已千有四百八十五十七字,而其真唐刻者已千有四百八十五中。 此本,予題曰唐本者,通計全石二千世 此本,予題曰唐本者,通計全石二千 計黄山谷詩云:「孔廟虞書貞觀刻,千

407

- 「元」上,稿本有「無年月」三字。
- 「是以」至「二十六日也」二十四字,稿本無。

三八一

耳 記 間 拓之石 堂帖, 手書 后 存 僞 之 時 中 是太宗建立 進呈墨 由 影亦 謬刻 也。 時 重 爲 時 號。」此「大 重 有 月,國 椎 其 相 勒 唐 勒 凑 睿宗 謝 明 謂 實 本也 本 是宣宗 「大周」兩字,恐貽 補 拓 \pm 是 賜 目 本 云 唐 唐 乎? 者 日 矣 碑 一子祭酒 會 爲 書 史 史 進 多 者乎? 重 睿宗 稽 相 額 誤 \wedge 時 一、故未久 初 周 則 勒 呈 此 張 内 舊 Ŧ 圃 謂 此 二字 不 石 此 耶 米 米 4 唐 書 日 馮 牽 武 碑 誤 本」, 本 ? 庵 黄 庵 書 額。 重 審 連 削 墨本云者, 尚 后 内 也 誤 銀 一勒 云 奏: 》:「宣宗 孫 m 敍 時 存 雖 何 以 而 誤 武 印 耳 次, 蓋 退 石泐耳 有 V/ 嘗 五 相 『文宣王 表 而 將 后 相 谷《 永興 如 一,是 凑 以爲 代 虞永 王 ×, 來 時 何 王 米 於 大 即 庚 旦 今在 時 以 日 曷 因 書 武 子 之 篆 中 妄 當 庵 興 於 請 王 一廟碑, 此 銜 新 銷 謂 當 節 后 琢 額 Ŧi. H 所 羣 武 奚 去 時 唐 夏 适 獨 中 年 初 云 玉 H 度 后 害

> 者已 那 年 燬 於 購 得 無 火 在 之語 唐 多 之 矣, 時 事 固 平 也 此 己 ? Щ 有 谷 惟 泐 詩 原 損 所以 石 故北 之 有 宋 , 千 時 不 拓 知 兩 本 在 存 何

後。 計 所謂 宋 攷 石 書 否 四 王節 無 至 年 真 刻 宗天 丁未, 其 疑 歐陽子《集古録 是歐陽 爲兒童時 畫尚完好, 後 度 矣。 禧三年 重 至天禧三年,歐陽子已 一十餘 一勒之 所見之石 但 未知歐 學 ·, 而)碑,其 其後二十餘 年, 書, 歐陽公生 》自言 本 則 刻 陽 陰 其 畫 即 刻《教 及 : 泐 尚 Ŧ \neg 見 於 損 完 節 年 爲 唐 好」時 在 度 真 興 已 兒 十三歲 刻 天 宗 重 頌 殘 童 聖 原 勒 \vee 景 闕 時 也 已 德 學 在

見 林 近 、徐壇長、皆未 日 嗜 居今日 在明 古博 惟 而 聞 王 遠 精 敬 溯 得見 鑒 美、 唐 之 石 也。 孫 家 月 則 如 孫 峰 在 何 退谷自言 見 宋 義 之。 惟 門、 黄 E 至 Ш

石 非 唐 唐 刻 凑 補 石 本 ٠, 者 也 何 耳 義 蓋 門云 退 谷所藏本, 曾見 退谷 以 所 藏 陝石與城 實 陝 本 适

中間 本。 足 身上 見世 》殘字, 及予至曲 直 昔聞吳興閔 如 無 畫 頂 営事 唐本久 撰 而 下 原本之小横 字 勒 阜親 矣。 縮 又如 於 峙 林 小 曲 見 中丞 「傜」字, 阜 其 皆實是陝本之驗 學 石, 誤 藏 官 作 如「窮」字, 有 疑 失去下一小 ... 舊拓《廟 其 折, 或 連 是 其 左 堂 唐

宋初 之語 德中,爲 然,不可攷求矣。 但 在 今所見是重刻 加 Ŧ, 一,世 ,以今驗之,非 兼中 京 兆 節 無 九尹、永一 云《 書 軍 度 他 節 重 碑 廟 興 度 乾德二年,復鎮 建 軍 口 其 檢 孫月 節 時,按《宋史·王彦 證 校 碑 峭 度 永 太 。 學 使; **>** 勁 師 峰 是 興 兼中 也, 虞 周 有 原 相 恭 鳳 書 一方勁 乃凝 碑 傳 帝, 翔。 令 者 用筆之所以 江 加 惟 重 超 據 檢 丽 左 似 知有 此 不言 校 傳 也。 歐書 字 碑 太 末 周顯 師 永 陜 系

之彎 者。 勢 遇 趨 以 未能 自 凝 其 知 翔 後來如《宋 褚,乃得 絶,至歐 合度者。 封 原 彎 來 ,即欲以方目之,亦非 實 賴 成一家, 何 永 邠 本 圓 圓 陜 上 淵 如 人 又 以 戜 厚耳。 興 凡 極 刻 下 墓 存 右 Щ 陽 蓋 停 加 千年 則 遇 彎 此 筆 永 勒 肩 其 嘉 乃 率 陰 是 撇 穩 圓 有 法之精 虞法 興 右軍正 碑之重 花 實 逼 上下 E 更一以峭 拂 E 固 書 二失焉: 此一 亦 矩。 石 真 之起 定之處 專 派之大體 法 有 經》 建 因易· 也 於平 在 微 右肩轉處 楷, 真 在 形 同 轉轉 右 處 諦, 神 建 亦 時 惟 失之欹 肩 一失之欹 整 竇 全 IE 皆趨 隆 有 俱 原 方,真 略 如《 以 見 不 轉 息 末 深 圃 本 因 肖 得 其 或 虞法參合 處, 已云 全被 穩 就 孔祭酒 陜 亦 爲 處 乾 弱 其 側 神彩, 中 德 此 所 有 欹 本 無 意, 侧, 係 初 唐 陜 出 謂 數 筆 側 以 轉 imi 功 也 刻 致 處 但 碑 所 時 方 致 百 謂 凡 失 又 稀 圓 淵 失 年 不 而

笨 本, 者 往 時,或亦不至如 人 卷 前 抽 捺 而 陜 「永興 八大端 鈍, 評 因 鑿 往 動 輕 刀 腹 之 本 四 原本 而 斷 彩。 後 陜 而 壞 似 則 時 又 自謂 致 評 水」是 刻 重 有 加甚 鼠 每 稍 笨 多 陝 有此 加 蓋 日 四 撇 尾 而 肥 鈍 以 刻 於 其 放 即 陝本每捺脚上下 起 耳。 形 修長 此 僵」。 闊 日 筆 『道』字有 神 失。 也 謂 處 鈍 圓 0 力 日 此 然畢竟 其 此 直 過 嘗聞 活,望之如絳雲在霄 見圓逸之神。 遒 昔 馮 大約 大 彎圓,二 今以 -; 通 涉 捺 似 厚 略 畫痴笨, 尖 孫 脚。 螳 西 悟 也 長 唐 纖 定 月 並 陝 [安人 螂 1,發筆 捺如「辵」旁, 甚 石 遠 峰 不 日 刻 想 肚 皆 欹 本 稍 得 未 陜 説 形 於 mi 至 側 細 洮 見 得 本 捺 矣。 後 此 處 一首末 董文 例肥笨, 驗之,其 唐 尖 見 出鋒 脚 初 碑 來 石 纖 匈敏 唐 火災 勒 日 太 擊 尖 又 本, 也 末 尖 石 渦 飾 石 後 舒 皆 云 而 如

城武本,元至正間濬河得之,見《虞勝

訂 弱,日 字。 虞 間 次、 傳 知 盡 勒 所 伯 月,及按 本 相 之前 之 法 據 也 得 正 所依原 集 臣 予初 論 其 且其石 猶 者 V 陝本之失處,即 格,皆 久磨泐 王 之,此 神妙,而 未 其 而 試 旦」,妄增 疑 泐 以 少, 本 不 曹 僅厚四寸二分,此 者 ٠, 聞 元時始出揆之,蓋當 其 與 刻尚 更益 坊估 則多 南,親 、邊際 其 陜 原 是所據原本在 何 刻 本 在《孔祭酒碑》之上。 拓售、 有 枯瘦。 時 或碑陰, 大局 見 不 如 陜 臣」字,最 此石, 同 何 右 所 亦不 頗 人 據 肩 惟 圃 爲 所 轉 已 當 及陝刻 Œ 其 不失。 刻 陜 相 重 處, 泐 文 有 中 多 亦 刻 勒 王 外 實 失 重 雖 宋 所 而 旦 若 勒 有 於 無 時 亦 據 城 而 其 以 未 足 單 歲 其 原 武

録 張 家。 福 夷 嘗 慨 本 愐 想 王 敬美、孫 唐 致君 石 本, 本、後 Щ 月峰所 谷 所 未 見 見 聞 築 韓存良家 續 咨 見 道 於

幸。 前 力 垂 即 真 温 於 此 本,至今纔 手,字形是 字, 此 友 人之本,以 不 唐 印,合陝 外,更無 人人齋 朽。 干 石 IIII 粗 重 四 者千四 疏 得見 勒 行 旬 百 本、 前 而 所 許 月 人 百 貽 姑 神 石 由 以 城武本印 百 此 字,應重 詩 餘 於曲 試 嗤 理全非 來, 本,有一 餘字 年,不 文 刻 評 刻 集語及唐 一小 於 攷 乎 阜 墓 證 硯 元 , 餘 知 證 未知 卷, 於 背 臨 多 康 今尚 三旬 因 미 曲 用 里 聊 略 復 尚 何 石本者。 之次 氏 阜 陜 之久,其 存於某家 志 出 鈎 刻 時 印、 宫 石 所 旲 得 牆, 補 周 果 見 百 遜 亦 耳。 此 伯 頃 能

跋廟堂碑城武本三首

伯 此 舊 云「定 拓 城 武 河 本也 決, 出 此 城 碑」是 武 本見 也 於《 勝 虞 伯 勝

> 年,以 刻,而 殘 厚 模 此 遂 下 穩 或 百 拓 宫者,即今曹郡 直以 諸 傷 凡 得見舊時拓 拓 文作 年前舊 失, 裝册時用 四寸二分, 卻有足 此 賢皆負 尖纖、或 定 城 碑 唐 於 武 陈 刻原本目之也。 拓 元 省 前 此 之陝 精鑒,見此 至 後 石, IE. 畫 人 傷笨鈍 者數本,此 陰 城 Œ 陝刻之處。 處尚皆 痕 城 陝本 本。 世所罕知 本 側 武 武 + 細 學 者,而 無 縣 補之, 陜 不 宫 瘦,今則更淺 六 重 本方穩 刻 . . 册蓋 勝伯 勒 也 年 然所 城武 此所 故 年 味 至 月。 此 所 而 元 方 圓 明 有異 本之 以 用 綱 其 末明 謂 帖 腴, 洪 有 亦 中 此 嘗 内 樹 細 於 明 清 是 手 於 武 每 石 又 初 陝 僅 跋 挺 有 學

刻 所 親 原 見 本,古 企及。 唐 本世 愚今年 雅淵 所 既合二本 久 春,始得 穆 、湮,雖 迥非 · 論 其 見 嗜古 陝刻、 元 得 康 博 失 城 里 闡 武 氏 者 撰 刻 所 亦 藏 廟 本 得 唐

本,實 各 之 又必須見愚所撰《考》,乃知陝刻 有 耳 處,俾觀 所合, 亦 卷 近 今所罕 者 各有所不合,則 得 適 曉然 覯 又 得 於 爰 見 仿 爲 此 彿 備 如 唐 記 百 碑 見 與 其 年 之遺 唐 城武 中 前 碑 凑 舊 意。 刻 拓

長 弱 是 唐 本 本 少一横,失真。 其 數 之穩 兩 加 不 可 本之真券。 失真。「金行水惠」「惠」字上半,陝 以 遠 筆 開、失真。 疑 所從來之唐拓 《廟堂碑》城 神彩,若「宰」字、「書」字,藏藏之取 者。 重,皆足正陝刻之失。 而 就 大局 況如 此 即以虞銜内「撰」字,陝本 格制 此類甚 「漢」、「勒」諸字「廾」頭,陝 之淵 右肩直 武 本在 方穩, 本,在今日實足 穆,即今淡 多,皆以 下之 王節 已 得 凝 度 即 唐 城武 拓 所 正 有微 本具 末捺 猶 見之前 爲 E 攷 嫌 去 之。 脩 單 本 縮

> 者 絢 如 蕭 了,庶幾得所問津 初 月 羊 陽 虹 而 之 上 即 貫 一,冀 宛 慶 然 或拾棐几之削柎 霄 唐 亚 本 符 在 字 目 左 也。 撇 有 從 如 此 花 問 露 津 之

習 陜 矣。 本體 以 适 本 此 尖佻,實不及城 藏 唐 與 本 本 何 册 若欲講 末 格,再 若 枯 異 ,後七年, 唐石本皆前後在吾齋數月之久,與 此城 本對之,乃悉陝 及 論 ? 信乎有 梗」,此蓋習見陝本之圓 此 武《廟堂碑 員 渾 也。 求永興用筆之意,上追 腴 以 復借此 有 武 果能 淵 神彩, 墨緣 此 穆之光, 》舊 本方穩合度。 本太著意彎圓, 依 本 也 此用筆立格 則 拓 唐 1 陝 本, 即 本 何義門云「 本 唐 來 予 似 本 [腴耳。 既 細 晉 若 便 宛 對 法 於 就 而 在 且 跋 傷 城 則 肄 目 此 今 自 此 於

[■] 據刻本書眉。「按『藏藏之取』疑有誤。」

也。 棐 於 既 几 用 之 幸 一,加 祕, 獲 借 猶 以 此 神 吅 門 以 而 得 則 求 問 由 登堂室,非 津之券,安 永 興 以 仰 窺 得 事 Ш

跋孔祭酒碑

記

1

書》列 也,以 其 禎 不甚相遠。 公字不同 十一 與 存千字」,則 傳之謬 此本可 魏 進在 較歐 傳,傳 孔 年醴 鄭 祭酒 ,傳云字仲 也。」此跋在治平元 公奉勅 陽《 嘉祐五年 歐陽云:「以其 泉令苟好善所脩《縣志》云「此 辨者千三百六十 所 碑》在 此 集 闕 本是苟《志》未脩以 共 古 者,不載穎 [録》所 脩《隋書》亦不 醴 , 達,碑云字冲遠,可 則或者進《 泉縣, 稱 可見者質於《唐 達卒時年壽, 磨滅者 餘字, 攷 今搨 年,而《新 新 本 著。又 唐 大 が前 Ė 明 崇 唐 以 約 搨

> 邪? 得與 陽集録金石,竟未嘗有裨於史席耶 中允,則新、 舊《書》皆未 易 文忠曰「人所見 時 歐 略 時 于志寧撰文,系銜 舊《書》本傳,又脩定五 書》亦皆載之, 一字。 陽 以 尚 聞 文 明 未 孔公卒於貞觀二十二年,年七十五 忠譔 者, 書出兩手,命文忠看詳,改歸一 陳 見 恂《 據此,則唐史列傳,歐公原 此 而 紀、 舊《書》又皆未載。 載者。 孔 餘 碑 魏 不同,且宋公,前輩」, 表、志,宋景文 庵 乎 丽 有「禮部尚書」,此則 ? 雜 新《書》本傳悉删之, 同脩《隋書》,事實載 孔爲司業之前行太子 録 然 並云: 禮 攷 宋 事,此 若然, 譔 高 ^ 列 新 似 碑 傳。 唐 孫 與 非 竟 書 則歐 \wedge 新 緯 何 舊 於

公特蒙恩 百 匡 諫 匹。」碑内記 舊《書》云:「太宗以穎達在東宫數 與左庶子于 韶,各賜黄 此 事, 志寧 金 則云「與左庶子 各賜黄金 一斤、絹一百 黎 兀 有

見,故 文, 悦 稱 萬 長 以 並受賜」者,非借志寧以 著,故舊書 志 志 舊 柱 m 字, 「無自撰 也。 寧,則 賜 書《于 志寧有《諫苑》二十卷,在當時必衆 在 國 碑 或是尊志寧者所代撰也 黎 三救,撰《諫 首 黄 尤碑 援以敍次。此即 于志寧名 陽 系 志 金」云云。 當 文而 縣 銜 法所 穎 時 寧 開 日 雖 傳》「志 達 一禮 自稱黎陽公之理,且系銜 國公于志寧字 于孔 傳 無。 位、年 苑》二十卷諷 部 必 觀 尚 以 曰「與 並 寧以 於《諫苑》成 書 進濃 此論之, 丛 史法,不得目爲 爲 兼 承 並 穎達增重也,正 左庶子于志 太 稍 言, 乾 ,仲謐 子 次 之,太宗 數 而 則此碑之 左 於孔, 撰」。 于爲 庶 禮 所 專 子 自 且. 出 大 考 冗 聞 寧 尤 H

稱 而 追 爲 黄 長 虞 文既尊于 蠡 睿、趙德 遂 其 屬 來 此 已 者所撰,書亦 碑矣。 人。 甫皆言世 蓋 亦 自《 見 傳 廟 唐 效 永 堂 世 興 虞 一書道 碑 者 書 則 所書 石 既 沿

> 參合 好 義,亦非「及」字 「「及」之爲「反」,重刻之誤。」予 坦 不 永 開 》,益見顧説之不足據 碑 事 途 可 興 知 成 矣! ,見,得 1微茫, 者 精華,無若 石經》亦 王 亦 覆以亭檻 IE 碑 是 此 也。 盛 脈 在 由 想 師此 必必 事 今觀是碑 此 西 像 永 移置 也 哉 碑者。 以 峪 興 遺 碑筆 ! 意 永 邨 問問 興 長 「反」字 顧亭 尚 向 東 津二王,所 今《 法爲之,而 疑顧 安 爲 南 林 (碑林、 可 軌 古 《廟堂》 氏説 始 《跋 與 則 塚 知其 廟 E 未然,按其 也 間 堂 以 節 必 原 唐 出 碑》云: 配 由 惜 度 本 碑 後 無 之 本 既 來 文

跋唐玄宗西岳華山碑殘字

横五寸四 也 泐 太山 其 中 半, 華 銘》 空一 岳 玄 分。 差 廟 宗 行,「銘 Ŧi. 小 御 此 鳳 文凡 每 書 樓 字 後 八 日」之下空也。 約 七百 分二 大 今尺縱 石 駕 四 H 如 十七字,以 有 殘 陽 四 孕」 寸七分, 字 其字 四 四

也。 之高 前 應 即 甫 同 七尺 所 金 干 見 天 $\bar{\pi}$ 乃 石 而 而 (,横 有《 字積 碑燬 臣 者 行 111 其 注《文選》之一。 皆未之及。 以 約 無知者,今得其數字,亦可 事 蓋 封 於黄 合其 算 示百官。 亦 西 勒 丈四 與 岳 則 (巢之 外 石 封 每 賦 於祠 刻 禪 五. 行 》之進,而 龍 亂 此蹟 此 不 尺, 四十三字, 南 邊 碑爲 故 同 當日 道 更在 亦 則 歐、趙 周者,與磨崖 吕 不及《太 碑 碑 後三十年 ~ 其 向 高 太山 成 實未之 以 所 通 約 拓 寶已 鐫 來 計 二丈六 Ш 銘》之 進 碑 向 封 杜 不 凡

化度寺邕禪師塔銘跋二首

其 兒 兄亡 定 肼 見 庚 後,魯 申 其 春 兄 雨 日 以 齊 集 所 求 此 》跋 臨 爲 補爲 學,時 跋 碑 如 全文 云 此 白 而 王 至 四 妍 魯 咸 媸 + 齋 淳己 餘 自 自 字。 見

之,椎 跋 編 府 按 無 勁 孫 亂 + 僧 棄之寺後。 石 王 春 而 范公家本矣。 ൬ 文采 ·,又得 父 存 文英 ,諸父取而 以 寺僧誤以 × 孫 近 練易之以 砌,下視之, 雍 者。 實對。 開 退 H 搨 「是 是碑 乃 谷《庚子銷 相 實 府 石 数十 范 藏 懸 公雍 今見此本,乃知古人自有真 本 碑 諤 范 絶矣。 公他 爲 歸 公求得之,爲三斷 在 類 之如 舊在 隆 本,已乃碎 藏之井中。 雍」之誤 乃此 今又百三十年,而 石 西京 ,置里第賜 皆 使 興 日 中有寶、破 齃 舊,比今西安府學 初 西京范 夏 范雍 大抵 碑,稱 體 再至,失 右,歷 跋 記 填 尾,云 也。 書法 家 載 凑, 其 忠胤 兵後, 書 歎 南 石。 此 閣 石 石 以 朱 字 有輕 山 慶 事,作「 矣。 所在 下。 求之,不得, 爲 又 樂 家 内 佛 曆 則 好 李 魯齋六 至實。 圃 寺, 筋 重之勢, 初 問問 今 以 靖 姑 乃以 \wedge 本 脈 是 者 見 E 也 康 其 則 開 代 爲 數 既 池 出

家 嵌 在 碎 可 諤 解 也 本 置 見 北 年丙 所 跋 春 + 殆 也 范 得 者 年間 雨 宋 賜 不 氏洛 范跋 詳 午,後 之末,合此 書 勝 攷王 載 范公家本僅 樓 模 是 故故 E 陽 壁之石三段 印 魯齋卒於咸 於慶曆二十 石 賜 魯 解 矣。」 所 齊 書 春 驗之, 拓 跋 閣 樂 雨 皆 得 下 謂 謂 圃 出 蓋 二百四 則是 魯 咸 自 淳 餘 所 墨 自 齋以 淳 [范氏 + 存完 年 池 碑 慶 己 年, 十餘字, 編 E 曆 \equiv 是 而 書 ~ 字已 段 爲 此 又 李 在 至 樓 得 之 范 是 靖 姑 治 也。 石 無 則 魯 范 康 溪 公 平

凑 本 本 西 失肥 失之 江 安 今雖未 南 方 脈 鄉 瘦, 學本之又 綱 也。 無 試 幼 存」相合也 見 北 習 Œ 榜發,得 本失 其 是 與 初 重 碑 解 之肥」。 翻 翻 翻 春 之石 者 晤汪子容甫,云 本 R 乾 跋 蓋 隆 宋 蓋 而 即 所 己亥 潛 即 西 解 謂 溪 是 安 春 秋 所 宋 府 雨 謂 體 揚 方 云 學 所 州 北 緇 填 南 翻 謂

> 此者。 有《化 者 門人江子秋史爲 念 松 知 看 而 雪諸 此本之真, 又二十餘 ,惟一二字紙 予役還遄行,● 歸於朱竹君。 度》 又從郁氏《 人 題 二本 年 跋之本, 而 矣。 : 以 斷 我購 其 不及見之。 書 爲 續 後於竹 __ 畫 世 處 亟 此真本、云 真 記 間 不 思 本 君 》見 必 相 1齋借 有存字 應 其 見之,積 有盧嵩 其 耳 明 其一 其 宋 年二月, 本 尚 然 翻 一宋 此 多 予 來 本 趙 於 對 渴 雖

跋。 味 此 深 褾 訪 辛爲 得 邊 不惜千 時門 之跡 盧 Z 卯 我撰零丁 跋 趙諸賢跋 尚 春 來矣! 方 可 馮 百 乃於 尋 魚 計 帖以招 也 山、宋 爲 真 惟 尾 諦 我 其 定 手 審 購 . 蹟 前 太 芝 之,姚秋農爲 即 聘 帖 守 Щ 郁 + 不 邱 加 以 記 口 \equiv 東 以 子 段, 得 》所 他 河 佇 册, 篋 思 我 稱 中, 以 趙 换 紙

故 本。 得 有 札,云已見其本,有鮮于伯機題籤并跋 多年設法託友借之,不可 度》,存字頗多,懸價 數十處,其 細對,彼盧、趙諸賢所題,竟是宋翻宋拓 六壬占之。 有「求爲補全而妍媸自見」之語,是宋時 跋 記記 就宋拓宋褾之册賞之,故不及細核 年於友人處見王孟揚舊藏一本,存九 相 翻本 盧 遇 其行欵存字之概以來示。 因取其 此帖,其裝標之式、印記之樣,與前 形 本 、趙十三跋毫髮無 一本、無異,竟亦 當借來手自響搨,存於篋,今對驗之 也。 也 而 妍 一、王魯齋取以補裝於真本册 《爲翻本無疑。乃知王魯齋時 至去 中 又聞吳門繆氏藏有宋拓《化 ·確可憑驗之處一一細記, 辨。 年己未 千金,意其必有 盧嵩 是宋翻 差。 、之秋 '得。昨接何夢華 翁、趙松雪諸 乃借 忽於 本耳。 則與盧、 來 友 可觀 子 人 m 明 ″,亦 内, 之 前 捎 Ħ 果 窻 所

> 無 之本,其即 異。 而 王 此本 篛 林 ·亦無 所 稱 矣。 於 津 門 見 將 近 千 字

《全唐文》者,託友訪查,其碑板中竟無此文, 竟亦約得范氏書樓三段形式之大概矣。 近千字之本,與真本參合積算,核其行次, 則是碑全文竟不可得見。而予以篋存響搨 差,而予本紙墨拓手之古較更勝之,但中 亦借來細對。此二本皆與予藏此本毫髮 拓手微遜者, 昔在繆文子處, 今歸蔣氏, 庭家,既爲我雙鉤來矣。其存字略多一 定爲范氏賜書樓壁所拓者。 有爲人描失者,爲可惜耳。 浙中有人家 三本之前二本。今其字最少之本,在陸 近千者,皆是宋翻之本。 實是率更《邕師銘》之玉尺,無可疑者矣。 予因 是乃 知 世間所存《化度》,其 而其存字甚少, 則王弇州 所 存 本 謹 不 子 可

者,題下撰人李百藥,「百」訛爲「伯」,蓋初翻予幼習是碑翻本凡有二種:其一稍肥

從予 所謂 超 南宋時也。 石 本 審其闕 像之也 溪所謂 甚可笑者耳,然初猶以 集《聖教》末尾「庶子薛元超」之名填入之, 藥」三字已泐失,求其 筆之誤。 墨池 心皆訛: 録 E 一予雖攷訂薛 亦是萬曆以前之人所 》,是 + 如 處 藏 杭 堂帖》,其第三卷内有摹刻是碑, 四 此 州 此 泐 「南本失之瘦」者,又疑 作后 書 一明慶寺翻刻者,因南 明誠卒於建炎三年, 年 本 之 豈 其 自 推 丙 翻 處、位置之樣、行欵之準 知後 謹 其 正 午春,則 出者,甚至字外 依 元超之誤由 稍清瘦者, 當是 致 解 之。 來 誤 寺碑 得 之由 趙 人 見明 字體清瘦,或即 章仲 知 氏 以 m 爲 子 静治堂中 下, 不得,遂以 於翻 撰人乃作 始 玉 章 藏 也 於 刻 藻 泐 本 是 凡 本 知 刻時「李 趙 仲 此 痕 之 此 數 又帖 爲 楊 明 帖 及 語 沿 小 玉 東 碑 ,實 「薛 後 所 里 宋 懷 訛 胥 尾 描 在 而 有 萬 是 跋 漇 諦 刻 想 此 百 在 潛 元

既遊 特篆 是前 吴中 褾册 後 銜 又 材於二家,而 遊於弇州、 拓 去耳 天 可見爾 三本,其字 化度》凡三本,衡山 無疑 欲 水 本,元初褾册」,此爲定品矣。 弇州、 無「李 出於 知 法 借 郡 一字也 其非 百藥 何 者 日 然 以 圖 松雪前 矣。 時 同, 子 此 冒 書 多遂 數皆 衡山之門,其所刻 百藥」字者。 此 衡山二先生之門,弇 有欲 以 松 印 獨《化度》必依 本 而 一字,尚 本聲價實 雪真 松雪真 然仲玉 取 此 固 與 印色淡 也。 懷仁《聖教》後銜「庶子」 重 [明矣。 此 印 跡 翻 依 所藏一本。 爲 不合,且三本今皆 予是 蹟 墨 者,不 故 此 人 據此言 陰 池 在 所 裝 泐 揭 而 以 亦 堂 用 勢 去 衡 知 此 所 家四 他 自 同 印 爲之。 工人狡 其 Ш · 因 本 之, 題云「 帖 章 刻,題下 州家 攷 弇 爲 - 摹刻 「所藏, 本之上 對 又 則仲 州 章 亦多借 李百 所 所 知 獪 至 仲 北 蓋 在 藏 宋 13 藏 此 玉

餘年 之,不 其 乎? 之「薛 二重翻本,皆予幼時從外 者凡十 先生諱嗣琮,順天貢生,選訓導,嗜收藏法書。 以爲宋潛溪、 依 中 又 前 本,不過是近 間 泐 不 過字 元 ,則此帖誤翻 又 知 其 招 處 描 略 何 略 中間 微 填 有 年 痕 楊東 痩 而 之十 人之。 出 耳。 他 泐 黑 圃 一薛銜,在近百年以內耳 里 本 年 又 池 家架上借習者。 餘 是 所 所 描 所 小 有 本 何 則 謂 處, 無 痕 重 異 人 堅 以 今日 也 南 ,數字, 翻 重 凝之餘 悉 悉 知 本者 前 摹 皆 謹 所行 其 先外祖 薛 依 從 斷 而 其 也 元 意 不 墨 黑 此 薛 黑 初 超 是五十 張方九 미 元 池 至 肥、 謹 池 池 翻 依 其 所 超 蓉 本 出 痩

刻,未 宋 之字,予則詳 塊之本,其間 所 미 則 翻 昭 爲 近 昭 據 里 千字之本可比。 乃 不 核 所 有多出 誣 之,以 而 謂 章氏 明 惜 慶 爲 章氏 於 黑 寺翻 亦 宋 池 出 未 翻 本 本者, 又有 近 有 䜣 是 手 年 T 此 直 跋 字 則 本 所 本 石 又 非 其

> 帖, 帖 最 所 H 之,是明 自 先之拓 得之處 原 委釐然,而 跋 一十年 諸 本, 條 賢 且 後 并 不 不 m 成 非 此真本之真品定矣。 知 審 始 可 一條,書於 攷訂之故 其 通 空言讚 中 徹 之泐 攷 證 訟 也 勢 帖尾, 者。 知 描 此 予 痕 爲 庶 故 亦 而 將 幾 最 得 并 此 往 真 此

之邪 曾闕 即 定 北 平 本 ·則止存 少字,後邨固 知 宋 以裝接帖尾, 本、王魯齋景定 ? 後三 其闕後三行、 初 是碑古本見於著録者, 已 詳後 一行,淳 經 一百 斷泐, 邨之詩,特十年後又得三行 祐 未言也。 而謂之補亡耳。 四 而 重來爲補亡。 + 則 本 十年後恰遇此三 許 後 矣。 字 邨 至 南宋之末 後 魯 莫 而 邨 其 齋 如 所 其帖 後 景 以 劉 謂 所 定 是 端 行 碑 所 通 何 邨 補 在

■「本」,原脱,今據稿本補。

雪印 著 如 미 「,確 非 稱 郁 非 原 氏《 知 目 真 石 乎可信。 驗, 爲元 拓 書畫記 未 何可 旦 時 知 則 一得 是二 後 褾 》所 概信乎 借看,竟成葉公之龍 即 邨 册, 作端平、 百 載松雪諸 所 餘字 ൬ 補 ŧ 其爲范 果皆真 者 予藏此本,因 景定二本 跋 乃 最 氏 真 本 書樓 爲 范 - 否 烜 氏 耳 之 松 則

跋化度寺碑

所 本,其偶見 徐壇長備 碑》後云「當於 度》之妙,今乃 化度》也。 最賞者, 昔嘗微 敍 一二古本,或又苦於殘剥太甚, 惟是於津 據 憾 所 此 良 知 津 屌 常 不 門 虚 則 然者 王 見將 良常 舟 門 給 齊 7所見將 事 近千字之本 未得 中 良常自 於 古搨 歐 收 近千字之 藏 跋 不 不 此 《化 識 碑 真 有 化 而 度

> 惟宋 傳。 元諸 追 學皆有元 不首推《化度》乎? 品 翻 即 津 門 宋 陳 ,自當在《醴泉銘》之下矣。 賢皆 法 其偶 翻 益 拓 彦 此 之第一種,而 之舊 知 即 宋 廉 安氏 安 一見者 范氏書樓本,自宋 拓 書家,何以 極 所 氏 本 本 稱 藏 之沽 - 之是 之,而況 宋 爲《化度》 ,又苦太殘泐。 翻 畫 水 宋 堂 ? 人多罕識耳 記 未 惟是 фф 拓 良 見 堂 載 善本, 趙 常乎 古搨真 紙 也 則 元 已來, 松雪、 墨 誠 人 何怪 ? 俱 安氏 所 是以 有 則 古 跋 不 鮮 世 其 乎 所 本 唐 所 口 良 爲 此 于 是 而 也 木 常 亦 神

又跋化度寺碑

觀 五 年 + 碑 金 月 石 蓋 録 據 》及《寶 文 内 所 刻 敍 叢 年 月載之,

之驗矣。此皆從來著録金石家所未知者。 誤裝於末之「貞」字, 碎剪之字誤裝 書樓壁石 下 乃 即 見 拓 + 裝 可 己之前 此 是 者。 横 者 見 今 本 本 而 行頂 細 又 銘 以 石 來 其 者 世 本 年 後三 塔 壞 耶 邨 者 萬 跋 後 年恰得此銘三行以補之,非必全碑 所 謂 銘 ? 實有端緒 更甚矣。 百 處宋末,已在范氏 ,特其初得 購《夫子廟 門 行,而後來恰得此三行以 餘年矣,安所 「端平曾闕後三行,淳祐重來爲補亡 鄭杓《衍極》第五 此本當是北宋末所拓 琛乎 鮑氏 而 化度 碑 其空處、泐處、仿佛 本,後闕銘文數行, 潘 ×, 寺碑 君跋用此事也。 劉潛 得 賜書樓壁殘石入 全本 夫十餘載 E 丽 ,視予藏本, 補之也 榮咨道 再 求《 可辨 完合之

翦裝

後

巾

其

實當據宋

翻 亦

宋

然後

邕

間

更

無他

拓

本

出

於范氏

惟

是

此

爲文内「貞」字在行

底、「觀」字在

更有《化度寺碑跋》一卷詳之。

零剪一字,誤裝於「觀」字上者,

志士幽貞」「貞」字,泐勢不可辨。

亦尚非文内「貞觀」「貞」字,

所

從

來之

碑尾,是從

順

敍 於

文

内

爲

是

也。

即

此

可

碑尾

是

以予所藏真本,亦以

此

舊

本

經

殘

斷

了,中間

年月數字,

可

而

其

尾

己

有

此

年月一行。

m

碑

尾

無

行

7,❶猶

之《

醴

泉

銘

六

也。

世

傳

重

諸

本

石

實」下"稿本有

予嘗據北宋

殘

拓

本,

擬

繪

范

氏

樓

三九五

八井之

恰闕

其

而後

段 敝 予 由 百餘字舊本, 星鳳之寶 疑疑 ,書此以記 而 深 殘 心 知 石 以以爲 攷 也。 之 圖 僞 或者 此 墨緣。 者。 實 世傳趙 碑 在 得 不察 至 豈 此 此 三四四 松 知 本之下。 本 甚 雪諸 此 十年之久者 宛 本 至 公所 然 在 有 見 印 嘉 今 慶 題 日 其 辛 跋 宵 思 之九 西二 若 球 重 亦 圖 紙 無 非

間 棄其 及 州 前 可 夏 此 家 以 所 後 又 凡五 借至 特石 餘 空言贊説 傳 二本、 凡 此 惟 能 册 翻 百 自辛 小齋 已久亡,即 數 知 刻 本矣。 此本依其行 顧 十日 本 也 汝和 也。 八十餘 酉春留吾 或多訛 之久, 予於是碑 標裝家多選 玉泓 予所見《化 拓本亦 日 誤, 次, 其 館本、及予 齊二 0 爲 今又得偕展翫, 究 非 多 至 墨緣 + 心 真 留 明白 爲 度 餘 歷 見 碑 罕 空 非 日 遘。 之字 舊 ×, 原 隙。 四 淺,不 藏 戊辰 石 $\overline{\pi}$ Ŧ **一**弇 此 而 本

> 其 其 指 趙 爲 盡 數 日。 上 昏 位 松 之 范 取 置。 雪以 蝕 下 氏 久 ,或偏左 即 不 書 爰殫 其 來 碑 可 合 也。 諸 殘 識 三段 所 家所品鑒之真 旬 石之露半字處,亦皆可確 者 右 見 識 日 殘 備 真 之力, 者 則以紙暗 加 石之圖,於是 本 鑒 注 之確 之! 釋。 用 紅筆 僞 可 與老眼,不 其注字之或 1 背了 次 拙 盧 敍 申 九 能 月 得 可

再跋化度寺碑

字 蓋 三五 미 有 界格。 去其 其 辨,惟宋拓至精 石 處 唐 至 碑 厚之半耳 耳 宋 顧 皆 拓 《醴泉》全 信 有界格。《 時已 知 中有 者乃 磨 磨 去 化度》、《 石 再 細 略辨 面 雖 磨 瘦之筆,非 E 存 之 其 而 説 層 界格 醴 界格 不誣 泉》 亦亦 亦 每 不

猶有 一今偶 若化 ,而無磨治之失也。 一二界格 見宋拓殘本,拾 度》,北 可 尋。 宋 末 則《 石 珠 已 化 璣於什 碎 度》但 壞,不 一之餘, 可 斷

而

九 成宫醴 泉銘跋

户、規 章法, 不歸 之品, 家,程式百代也 半寬和,與諸碑之前舒後歛者不同。 終身如一者也。 奉勅之書,爲表瑞而 歛 率更正 後漸歸 矩 是率更平生特出 亦後半歛於前半。 而 方員 歸 義。 書《皇甫》、《虞恭》,皆前 舒歟? 輕 之至者矣。 飲。 惟《醴泉銘》前半遒 而善學《醴泉》者,正 善學歐 作,抑以字勢稍大,故 雖以《化度》淳古無上 要之合其結體,權 匠 此其自成筆格 意之搆,千 書者,終 斯 所 以 範 以 勁, 豈 門 重 半 不 師 其 以 其 萬

鑒

不 知 此 義 耳

跋

真。 銘者,必知此義,然後 筆爲 耳。 語 前人評《化度》在《醴泉》上之説,凡民 跋以爲在 識《化度》。 秦氏 書家拈出 ,蓋本於王篛 泉》。 形貌,其淳古處 嘗 歐書以圓渾之筆爲性情,而 然與 沈 倩 凡 此 伯 豈 民 華 豈惟不 本 此義,願 仲之間 惟 所 君 断泐 謂 鐫 不 林 識 石 也。 處 溪 《醴泉 識《化 具眼者共 乃直根 **篛林一生習歐** 秦氏 悉同,無怪乎凡民 其摹 爲 至於凡民跋内, 得耳。 世 ×, 度》,抑 勒之妙 柢 直 (詳之。 篆 不 吾爲 隷 以 金帖 미 識 並 書 方 以 歐 天 整 m 吾 觀 下 此 斯 識 此 不

敢妄議虚舟先生乎!

黨

氏

本

或

初

同

時

鑒

藏

今復

得

於

吾

齋

同

几

展

對皆

光

映發

古香襲人,信與

跋九成宫醴泉銘

長 順 孟 髮無 二補 寶。 原裝 宋 江 年 明天啟乙丑 于姜先生 一秋史留 , 帖尾 「陳 津 時 春 垣題《華嶽碑》在順治六年,是 治十三年,卒於康熙三年。 改者。 且此 借丹 題 描 精 醴 四邊皆宋紙,面葉用宋刻絲,尤爲 籤。 處 拓 泉 1贈本 徒蔣 四本中,蔣本、秋 銘》 |家藏」,党崇雅字于姜, 誠快 長垣 而長 寶党氏」印是 進士,人本 孟 互 氏 宋 津 事 本 垣本及此本則皆舊册, 對 本 拓 是 也 -有自 長 予見二 以 而 垣 予所 此 押名印,此 朝爲 而 也 本 親家,此本籤 史本尚 此 藏 + 滴 本 或 于姜告 來 餘 面 王 史院 又 長 孟 長 本 寶鷄 皆 本有 是 垣 津 四 垣 矣 大學 有 宋 本 本 爲 歸 本 與 云 Ŧ 在 Ŧ 時 皆 及 可

結翰墨之緣非淺矣!

跋虞恭公碑

誤,此 卒之 觀 舟駮之,且謂《 録》,皆云貞觀 致,而宋人《寶刻類編》 時,年八十一矣。《皇甫 則 謂 非也。 十五年,年八十五。 此 年, 是率 右 則 宋 無 而以《皇甫 搨 更最 愚攷張懷瓘《書斷》,率更卒於貞 所 虞恭 據 で舊唐 中 晚 者 立 時 公碑 也 書》 作,是 , 此 君 [碑》爲 于志 則其書《虞恭公碑》 必 ×, 且 君 及 矣。 有 即 後 碑》雖無年月 趙 寧授官之年有 所 如 其盛年時 有 弟未攷率更 據 明 虚 Ŧ 也 誠 舟之説 虚 ^ 舟 金 而 可

[●] 文末,稿本有「乾隆辛亥春二月望北平翁方綱」。

矣。 年,可 元 則是碑筆法之深淺 謂《皇甫君 年戊 更於後條詳之。 至虚 乎? 寅, 舟 碑》書於高 率更年已六十二矣,而 之 如 論論 必 以 歐 離合,轉有未能盡 盛 書,尚 祖之時 年、晚 有待於剖辨者, 年畫定 則 高 以 祖 書 明者 爲 武 盛 德

跋虞恭公碑三首

舊之 耳。 口 友 醴泉志》 辨 有二尺許,而僅謂存尺許, 往 品 行,行七十七字。 者二千八十六字。 拓 拓 同 林 本 Z ,洗石數日, 劉 百 今中 親 人 存 洞 云 到 四 邨計 間 碑 百二十字,今僅 明白者尚有六百字。 下,其言如 碑 以 十六行, 在 細紙淡 昭 以予 即 陵 上截 此。 存 東 所見舊 何 墨 存 H 南 明白 一精拓 也 截 第 予今得 ? 白 八 拓本, [處,亦 碑二 餘 列 及 有 字

> 前後 石文 一格。 前 怪 可 侍郎行都護 百 如 次録之,雖 全碑,則第一 精善者,然皆已不見率更銜名矣。 許字。 彼 讀 後結構之概矣。 王 篛 略 (字記》亦竟目爲殘闕,不 前 拓 海縣男歐陽詢 得 林 碑工 趙子 其 謂 又塔影 尚有闕佚處,而 概。 匠之惜紙 江陵 「平生所 行題目之下,尚可辨 函 一遂謂 率 園所 縣開國子岑文本,下闕空十 更行筆,亦略得以 書」。其下半存字尚 今不可 見第一 乎 藏邵 -瓜疇 温虞公之事 本 予今得按其行 搨,顧亭林《金 加精審。 本 者 者 今精 亦 尚 中 見其 存 多 拓 何 拓

術 博 汰 者所嗤。」新《書》亦言彦博欲汰擇 惟騁 ,不能厭衆,訟牒滿 所損 舊 詞 唐 辯 益 書•温彦博傳》云: 與之相 **而** 退者不伏,嚻 詰 庭,時 終日誼擾, 譏其 「彦博 訟 煩 盈 土 頗 意 庭。 爲 有 識 又

者。 資攷證者也 爲喻,皆言其 之,其後帝 與 加 博之褊。 魏 岑公豈應飾 又云「水逝黄陂」,用叔 違人」,銘 徵 廷 争 始悔 今觀 邊 量寬宏,若與 詞 事 云。 詞 亦 此 諛 不 引「夷吾 碑云「意之 而 墓? 勝 舊《書》贊 其 史所 辨。 度汪 此當 器 所 小 天 與 稱 汪 異, 子 、史傳 千 正 不 亦 卒 相 頃 反 形 是 稱 相 反 從

是 《書》作 此 功 朔 條 年六月甲 比 於 此 書 年六月 他 則 今驗全碑之文, 月氐, 史之誤 書 於《太宗本 「悠」之誤。又 如考名「攸」,與新《 乃正指其陷突厥事 朔,今不 甲寅薨,今驗碑是六月 寅 指彦 也。 一朔,其 至 紀 言朔,自 博 以 》,凡本紀 陷 新、舊《書》皆言貞 如 四 荀 突 E 日 罃 篛 厥 Ţ 以 書》合, 耳。 反晉、 Ė, 事 林 碑 書事 謂:「 作 其文「豈 非 蘇武 以 足 四 甲 四 爲 碑 日 證 寅 日, 茹 中 爲 在 觀 舊

> 字。 若二云 未能 門密子」, 義 所 初 昭 起 與 事 **篛林以「文終創業」句,** 矣 以 皆 Ŧ 居注》,謬矣!「非功不侯」下 「文終」作 以 定 陸 傳》論: 如 漢高帝,沛豐中陽里人。《晉書·凉 作 云 據者, 氏《釋 此 襯 以「密」爲「宓」,則 下 作 託 貫 贵 對 儷語,猶之光 「中陽勃興、景毫垂統。」是唐 又奚怪乎玄宗之改《洪範》音 文》在唐 無 此 可 用漢 功 誤 於 初,於諸 月 指 蕭 平 氏 温 稱 河 大雅 形 封 南 句 經音義已多 聲 文終侯, 陽也。「孔 如 此 皆失之。 編《創業 是「中」 一平津 特 開 而

至 碑 視《九成》、《化度》爲得中, ,并忘矜 爲 九成成 最 率 更 晚 淡次 歲之作。 鍊師古之迹。 此 人之,此 碑 時 碑 十有 又次之。 更 若趙 諸 蓋以字之大小 碑 , 子 在 承 蓋 率 化 筆 謂 更 度》 其 意 書 所

論 了, 亦 與《 非 寓 以 岢 百 問 筆 石 能 津 卒 法 龃 畛界,正 史 言 乾 矣。 碑》之魏赫 明 樊 中 所 孫 如 以 碑 見率 相 同 巌 例。 更 , (格韻 藹 諸 宰 如 究 此 章 不

跋皇甫府君碑二首

蕭、羊,遥追棐几之正脈

耳。

林 論 Ш 未遒。」 而 此。 論歐書云:「《皇甫碑》是率更少作, ,乃皆以《皇甫碑》爲不 陰之室。 學《九成》、《化 然 加 虚 更《 今所行 吴 愚亦遂惑於其説,不復深研 門 舟,近日之專力學歐者,而 皇 故筆蹤 陸 及人詞 一甫府 拓 謹 本 度》, 庭 近 一,則較 君 家 垣,與諸家 碑》, 痩 始知率更精 藏 足學。 而 百 宋 愚 古厚 年 拓 幼 前 本 而 後見 處 所 學之, 下 古 求 詣 拓 其 厚 是 其 風 直 V E 泐 篛 造 碑 言 力 既 議

寶祕,奉爲圭臬耶

得方正 晉人; 而《九 得謂 年間 建」。 路,而侈談 從此入手,則閒 是學唐楷者第一必由之先路也 昧 化度》乎? 也 幸遇 是少作耶? 成》、《化度 則率 **致**于 是碑則 一,乃率更行筆 此 志 更 遠 未 寶 近今學人多遺棄 寧 初由 泐 到 官 刻 架結構, 是 難 白 《》皆深 驗其 左 類 碑 隷 餘 幾之詣。 庶 最見神采,未 時 編 體 字以前 子加 尝云 筆格,正從隷 加 何由 成楷,因 年已七 融 銀 是 之拓 鍊 而 即 目前 青 碑 進 人《九 十餘 是 險 皆 貞 本 若 碑 共 勁 而 在 觀 不 成 直 得 口 曲 貞 IIII 中 之 推 追 觀 追

云是率更少作, 金石圖》云:「仁壽 四年乃皇甫卒時,而 皇甫 府 君 蓋 碑 以 四 皇 無 [年,歐 非 甫 書 書 是 立 碑 年 隋 陽 月。 時 人 書。」不知 也 也 \pm 牛 虚 舟

四

0

更年 晉法, 歛。 耶? 燕公 不 「備説 義門 性 日所 入妙 記,雖拓手用 之作,今泐 歛 情 豈不 七十 如 ,誠楷法之津 不特《皇甫》、《虞恭》,即《化 書。」愚按: 撰 而 安危以 而 觀其細 此 反 文 亦 得 舒 餘 系 不 後 蝕 矣。 ,愚嘗於《醴泉 銜攷之, 墨得法,其 可 著丹黄 半 甚 舊拓 下 强 微 多。 率更書,每 - , 字體 是 也。 梁 近 而獨 碑在歐 此本, 矣 收 於 知 惟 小。 ! 書 微 是 實亦近日 於此 中,布 然其 貞 醴 小於前 至後半,漸 何義 銘》詳言之,豈 書 觀 泉銘》則後 爲 本 中 跋 白 . 精 最 「 所 拓 度》 追 云 家 手 見精 似 處 意臨 建 筆 加 純 非 精 一自 也 半 收 習 格 平 研 率

姚 恭 公墓 志 重 刻 本

義

於

此

未

深

悉耶

是 碑 在 京 兆 面 陳 思 ^ 寶 刻 叢 編 無

> 之,蓋 七年 時,碑本殘字中偶有「廩軍」二字零落,「廩」 書。」「舍人」二字, 功」「克」字誤作「充」,此皆贋 泉又竭」之「軍」。 字,即文内「家實食廩」之「廩」。「軍」字,即文内「將軍之 品,並無廩軍内史之官。 考《隋書·百官志》: 内史省侍郎四人,從四 近人刻《金薤琳瑯》者,乃 名、蓋以 「禄」字, 可笑也。 入,結銜 「内史舍 煬帝 南濠所 十月,世基之官正 即 碑之毁 位 石泐闕 而 云「廪軍内史 人虞世基撰,太常博 見 又志文之末「右光禄大夫」脱 紙無裁割之痕。 ,遷内史侍郎。」是碑立於大 尚 遂妄增入世基官銜之上,甚 久 '是舊 之。 矣, 本, 據本傳 m 世 侍 歐 故 所 與 世基 郎 據世 陽《集古録》云 題 傳 作 、史合。 虞 下無撰書人姓 者 中 本之尤謬者。 侍 世 本傳 所 間「克著 皆 士 郎,是 基 行 贋 歐 不 撰 亦 贋 本 文」。 知 本 云 也。 也 業 · 補 詢 何

近 原脱,

真 然 重 本,在重刻本中爲 此 開者,今藏 本 尚 是 每 海 行 寧陳 裁 稍舊者矣。 割 秀才鱣字仲 裝 成,故 此 尚 石是宋 欲 貌 爲

跋率更千文

齋法 《新唐書》「詢年八十有五」一語,然獨不引 母徐教以父書,嘗遺錢使市父遺跡。 張懷瓘《書斷》云「詢以 及。●按《虚舟題跋》刻本,較此墨迹,多引 編 付隱之明奴、●通之善奴」。 付善奴」,正與此 所 一五」,尤爲明白也。 》,不著 書贊》所載率更書《陰符經》,末云「貞 刻 類 年丁酉 更《千文》, 化, 時 地,而諸 有 歲 率更所書《授筆 九 記帖末 僅 月 家 見於宋 日, 著録 史稱 貞觀十五 語 書 相 金 歐 與善奴」。 岳 證 人《 石 陽通早孤 倦 · 訣》, 亦云 者皆不 年卒, |翁《寶 而 寶 然宋 此 刻 之 真 云 年 類

> 之蓋 號 如 翁 于今重見陰符。」則又在 率 小 跋 令,善 歐 云:「率更子通,字 字通 陽。」即 奴秀比官奴。 師 也。 善奴也。 其贊曰:「内史書 通 此前四年矣。通 千古會稽楷 師 官 至 内 史。

跋房彦謙碑

見。 《九成》之左券」,以未 撰,太子率更令渤 於章邱訪 年三月二日樹其陰。」分書尤偉,惜不 今見其側,曰:「太子右庶子安平男李 當見率更分書《房 其陰 昔與 側,惟 得 梁 是碑, 瑶 峰 據 前 海 趙 乃知 彦 男歐 輩 明 得 論 謙 誠 顧亭林諸 拓 陽 及 碑 云「率 本爲恨。 詢 歐 》,實《化 書。 書, 更 書 人 瑶 貞 使瑶 今予 度》、 峰 觀 百藥 耳。

- 「之」。稿本作「言」。
- ②「付」,稿本作「附」。

七十 峰 陰 可 與 得 ·里地名採石邨房公墓前,其左側有字,其趺已 見 側 見 矣。 乎? 之。 碑 一南向 蓋 書於此 趙 約 源厚八 湖 州 以 九寸,其陰字在 志 云 黑 是 一緣。 碑 罕 碑 上半。 在 傳 章邱西 況 其 南

跋舊搨道因碑

之也。 書矣。 其 本 隷 是 君 率更之卒已二十 詩 南 一十年。 後 出 碑 徐 家學什一之餘緒,不可概以《圭峰 「淒涼憐筆 男帶 有 氏 也 唐 來 蘭臺是 淳 書誌 人 力。 柯 其 厚之意, 語 敬仲 、全用 書格自 在文明 云 然讀 勢」之句 碑書於 : 學 《房 年。 杜 宜選 來 歐 必 少陵《贈虞十五 護 則 彦 更進 元年甲申, 龍朔三年癸亥, 即 至 其最 兒, 謙 爲 從 永興玄孫當 於此 碑》 此 其 兒 質 母母 得 把 法, 實 ,惜今止 渤 又 筆 者 力 在 海 ; ·碑》例 司 追 此 縣 1 亦 馬 追 分 見 距 後 太 世

跋昇仙碑陰

本 薛 之漸 午。 今 誠 極 作 而 后 而 金金 依 無 書,竟似 推 文 諸 亥 有 手 其, 不云鍾也。 ?知者。 蹟 此則 原 系 薛 碑 也 人 石録 昇 事 而 復 石 而 銜 仙 無 鍾 則 時 不 説 承 中 銜 耶 未撿 》,於《昇仙 太 書諸 考古之家及 及鍾 之事 者乃 미 旨 - 宗即 薛 次 ? 子 論 義門 題 題 列 本碑 抑 者 碑》, 王等銜名, ,宋人《寶刻 ,誤矣。 不考中宗時 前 名於陰,此即 位之後,武三思復用 爲 或 建 此跋,亦 圖 系銜 惟 辰 唐 拓 碑》 式 研 碑 在 手紙 武 ,其墨者 唐竇泉《 者。 陰 究 陰 Æ 在神 武 皆直 據 法 事 出 類編》及趙 爲 墨 豈 復武氏 后聖曆二 趙 書之家, 於 張 闇 龍 其 丽 薛 (述書 薛、 録 云 昌 以 二年 昧 所 薛 陵 鍾 宗 耶 得 目 爲 9 賦 明 爲 武 年 紅 ?

者 書 傳 鍾 世 書 唐 朗 絶 初 少。若王 書家,以歐、虞、褚 可 觀 矣。 第 林 云: 薛並 鍾 紹 稱 京

子所 之纖 尤 此 鳳 因 論 云: 鍾 又 於 公褚 以 日己亥木書 家 非 相 畧 書 董 》舊本鑒藏之,豈其可易視歟 則 「長 楷 果 僅 類 所 文 媚 鍾 更 誠 則 齒,是以知之者益少。 敏 加 纖 紹京 如 見 ,薛稷學褚,不失尺寸。」其實 法 安三 唐 研 偶 他 此 媚之謂 是鍾 帖 而 奉相 華 書 見《靈飛 一年太 也 中 偏 「額,朝 ,而鍾書纖 日爲 書 置武 之 矣。 \pm 歲 再考永興書《 精 佳 鍾 癸卯 教 意 議 經》,目爲 蹟 、氏所立之碑後,爲 幸得 蹟 揭 搨 郎 ,當作《化度》、《 勒 勒 媚 行 金 皆 別無 一碑之陰具 碑 左 四 虚 於摹古爲長, 然以書法 額。」其文與 豹 月壬辰 鍾 廟堂碑 揣 衛 所 書 之 長 據 ~詞,非 薛 史直 篛 水 得 而 朔 末 郎 林 特 薛

武后 也。 薛 訛 訛 訛 首 始復以 十九日無疑矣。第何以不書夏五 十九日丁卯」,是年夏五月己 義者無異。 人落筆 中 律中 亦同 有泐痕,似「右」,而「台」字甚明白,未嘗 「天右」,今驗石本,實是「台」字,歲 「右」也。 「衝」,「瀑水」訛「曝水」,此則薛書之訛 '久視元 武后 時 末云「久視元年歲次庚子,律 蕤賓」,或疑其於年月書法不 建 時 賦 改用周正,以 竟實 寅爲歲首。 詩,非一 及其諸 年薛曜 惟「白日將移銜叠巘」句,「銜」 諸碑類此者尚多,皆 有不檢核處,與小史不曉文 不曉文義者,由此推之,古 臣《 書 建子爲歲首, 故此 遊石淙詩》,凡十 顧 亭林 石 1刻言 酉朔,則 可 天台 月, 中蕤賓, 「律 倫倫 以 至 是 證 而 Ţ 卯 年 云 按

四 し五

賓」, 處 ,人多忽之耳。 則與周 見其 Œ 爲 相 夏正 混 建 此 午之月。 亦 見當 時 文字 若 書 棋 夏 酌 五

跋宋拓褚書公孫卜兒傳贊

究以 疎者,尚非一處。 楷勢不得不然也。 「田」、「口」等,結構 從隷出,固 廟 「内」之「冂」,「屬」、「虜」、「芻」之下「冂」, 唐」之中間下横,末又太放出 臣褚遂良書」, ,信是宋 諱 末稍斂内爲得勢, 也 「董」、「更」之中「田」, 此 誊 此 聞 以 時 石 有 拓 方整 本, 思 則 也 蹟,内刮 昔實氏《述書賦》於褚書 是 凡 多取下半稍就歛緊者, 爲 若「侖」之「冊」,「向」、 唐 刮去之字皆微 行間 局 時 而 制。 此蹟一例上下 刻石矣。 亦具界格,末 去數字, 然 亦太削 而 正 字 露 皆 餘若 内 楷 宋 云 如 原 初

> 然乎 書 非 董文敏館 岡 局 教 「明」之顯然筆誤 有 豈 褚 無 序記 齋又從此 澆 書 嫌 漓 朋」誤作 》横畫 此 則 此蹟 師,尚可 本後 不 翻刻,竟謂 「明」之理乎! 得 右末偶 則太過 譏 有 不 ,始定其必非褚書也 辨。 想見鑒藏 長 吾 洲 是鬆 以 每 儘 韓 欹 是褚公名蹟, 辨 疎 奮 存 垂 其 ,不特以「朋」誤 風 ,半字之誤,尚必 良手跋, 取 太 味。 勢, 過 卻於 而 若《 豈 其 韓 其 大

復初齋文集卷第二十三

門人侯官李彦章校刊大興翁方綱撰

跋徐嶠之書姚文獻碑

外出 獻 嶠之書《阿 名特著者,正以 褚公之後,自必以薛爲正脈。而徐氏父子 近虞、歐處。 公碑》相近,蓋皆出於褚也,然此碑又有體 而《文獻碑》更爲 此 力中藏稜。」唐初字體,歐、虞開其先, 碑,又在其孫一碑之上,其行筆與《莒 姚氏祖 育王 蘇詩。「徐家父子亦秀絶、字 孫二碑,皆徐嶠之書, 其 碑》既亡,惟此姚氏二碑, (高秀,精研唐楷者必於是 參用歐、虞骨格也。 而姚 Ì.

跋魏栖梧書善才寺碑三首

南。 可疑 疑三 娟 知 字,文義不屬,疑是『開元』,當是作僞者心 而 師 而 元神 已 褚公顯 塘人,封河南郡公,非河南 秀腴、酷 ,開元年號與褚不合,故特錯亂其文耳。 無年號。 以 碑 四十八年矣。 五 也。 龍 大 内有則天之號,可 然前欵云『河 王篛林跋云:「此碑,馮涿鹿題作褚 也。 「唐七年九月五日卒」。概云大唐。 慶三年卒於愛州 纔兩年即改景龍 武后稱 似河南。 後有『元開震驚』等 則 此碑斷非褚 可疑二也。 制,在褚卒後二十七 南褚遂良書」, 又『淵」字、『世』字、皆 疑 至神龍 四也。 無十一 人。 書,然其筆法便 中宗即位,建 可疑一也。 語,元開 遂良, 碑云『律 時,褚卒 年。 錢 可 河

文,以 趙明誠 蹟 有 唐文蕩律 》,爲之大快。」篛林先生跋如 似 闕 年十月。」乃 褚 筆 爲 不不 金 褚 的 也 師 石 書 考 是 碑》, 録目》,云:『第九百八十六, 唐 其 遂改 涿 人 本 知此碑果 盧 鹿 習 末 題 涣 褚 馮 爲《魏 撰 但 公弗 者 3、魏 竄 所 非 取 深 書 栖梧 褚書,余所 栖 碑 考耳 此 梧 字 後 書,開元 凑 人 集 才 後 以 閲 成 疑 其

先 林 不 誤 年 ·, 而 於後 户 趙 生 之 以 未之詳考也 栖 明 爲 同 跋 增 此 於 梧 稱快 耳。 册 本 誠 碑 書」之籤。 内 即是篛 改題 内 金 矣。 而又改裝之,故 今予幸得見此 明 所 石 有 爲 妄 録 而 褚 林 魏 猶 凑 蓋 所 書云云,妄謂 有 栖 爲 見者 知 又不 神 未 梧書 此 盡者 二,當 册 碑 獨 知 龍 故故 在 留 何 亦 有 + 開 獲 馮 時 篛 爲 鏡 鏡 年 與 元 林 重 琢 林 林 跋 題 手 篛 鹿 題 手 林 篛 仴

> 五月 己 惟 + 貞觀 云十 内 褚 字倒錯之「開元」年 月 日 有十一年,至天 西。 開 遂良書」,亦字字有剪開之痕,是從全 九 凑 碑之立則 九 日」,「大唐」字 以 元 年十 得 予今爲申之 -年 後, 日, + 以此考之,文蕩 者也。其「神龍」下,另翦爲 一年十月癸巳 月辛亥 惟中宗 十月十七日己 而葬塔在 在開 寶 日 朔, 之嗣 元十三年十月 則 號 下 開 稱 則 實 碑 也。 元 律 聖與玄宗之開 + 所 其 朔 即後 十一年十 師 酉」者, 攷 月 猶 云「大 載矣。 卒 則 不 如 文二元 於 十七日 得 題 也 開 唐 有己 下 唐 月 元 七 河河 開 + 七 IE 嗣 年 元 初 西 年 是 皆 自 而 碑 南 五

告成 集古 角文 刷 無 又篛林但 録 蕩 跋、未詳 盧 涣 律 亦 師 撰 無 據趙 塔碑 之, 撰 著 書人之具 作郎魏 惟 明誠《金 》,在 小歐 許 栖 陽《 銜 石 州 梧 録 録 陽 》,而 書。」告 此 翟 目 則 縣 云 歐 録 成 中

學士詳攷而 小 山 歐 改 即 陽《録 1者矣。 陽 陽 城 城 目 縣 備 告 亦 也 書之,當必不至更有誤傳爲 成, 世 萬 所 故 歲 不多 其 登 銜 封 有 元 日 予今爲 告 年, 成 將 尉 春 封 也 湖 嵩

舒也。 文》 通 疏皆 碑 也。 而 通 其 四 用 用 至此 字, 其文曰 年 者。 時 不言粤、日之通,而《房碑 爾雅•釋詁》: 《尚 漢隷《百石 内 書 明 m 孰謂 詞 書·堯典 皇改《洪範》「無 碑, 銘 唐 ~ 也。」「粤,于也。」皆以象 尚 楷 唐 則開 郙 有 ^ 楷與六 分房 即 閣 卒史 能 「粤、于、爰,曰也 元 彦 頌》 知 銘 中 謙 碑 古 書相遠 日 尚 若稽古帝 乃 碑 × 義 頗」爲「無 有 : 》與是 作 制 與 粤、 可證古字 》在唐初, 頌 哉 ~ 曰」,皆作 釋 日 ? 碑 堯」,傳 詁 皆 陂 禮 氣 開 同 \Rightarrow 之 作 説 元 字

> **愛爾** 是 雅 可 補 IE 義 邢 》,亦 疏 所 未 未 援及此 及。 近 耳。 日 邵 學

者,即 有餘 褚楷 則加 梧; 次之,而 多 \pm 於褚法實乃 前 行 步 師 自 以 滿 王 此 指 趨 以《孟 矣 翁 妍 Ŧ 尤 此 不 林 華 知 碑 得 碑 失 / 步趨 論褚法 敬 神 法 寶息 其 尺 也。 之間 理 師 神 寸, 不失尺寸。 具 碑 所謂 「菁華 理。 云 蓋 》爲 則 在 : 唐 善學褚者求之此碑, 爲 然魏 第 世 稍縱逸,則 薛 此 書家 一、《房梁公碑 碑 稷。」 若薛 著作此 卻倍」者 其格意當在 習 所 少保 褚 謂 爲 碑 者 縦 魏 也 其 最 栖

跋宋搨絶交書

籤 云「宋搨絶 東 河 持 交書」。 册 來示,王 其紙墨是 安昆 止 宋 止 搨 Ш 房 而 無 題

四〇九

摹此 作, 懷琳《 言續 墨本 跋 睿 論 元 以爲劉無言摹刊於續 言」之「言」也。 有此《絶交書》,「言」字貫下,非「劉 劉 與 之 人 則 帖也。 劉 · 摹 帖 詳 跋 其 燾字無言, 嘗摹刻 絶 知 勒 無言 帖 云 交 其 見黄伯 者 即 劉 有所仿 非 書》多 長睿此 停 論 非 從 燾 雲 書 元人跋 謂 此 無言嘗摹 思《東觀 所 有古 一條,云「劉 劉 本摹勒 條 也」云云。 本 無 似帖者 乃 者 言所 字, 乃 太 餘 謂 刊 者 但 誤 誤 八清 非 劉 論 於 停 也 摹 讀 樓帖耳 也 據 懷 言 » L ° 嘗説 雲 續 刻 黄 琳 此 續 帖 又 之 燾 所 帖 按 雲 自 續 中。 帖 謂 能 中 黄 字無 帖 未 本 從 也 嘗 中 劉 自 李

之真本。 書」分隷題於前,遂致乍看不出耳。 絶交書》,此 摹 考宋 刻 人法 後人又僞 續 閣 本 帖 帖 當 惟 第 即 九 作「晉 是元 元 卷爲 祐 祐 五 右 李懷 年 續 將 四 閣 軍 琳 月 帖 Ŧ 第 書 待 羲 九 嵇 詔 之 卷 康 邵

異

木

觀

田

忝

跋 叼 育 王 寺常 住 田 碑

矣。 僧 壞 據 其 惠印 國《 前 鄭 ,尚在大和之前 義 葉茂多之貌 仿《懷仁 諸 又以「 碑, 碑尾小 良 樵《通志》及宋人 徐趙州 ,當是舊碑所 《學林》云: ·録其 也 蓋 鞠爲 有 集聖教》, 字云「石 舊文,則 碑 去 書名於 也。」此 大和 以「倬 茂 「夜字 草」作 "。蓋 脱去之字, 時 有圮者日 非 時 《寶刻 偂 彼 條 \equiv 摹 甫 天 者 原 一音而 甫 亦 拓 百 鞠 骨 文 田 口 類 徐 年, 無 爲 勁 觀 同 備 加 書矣。 爲「倬 編》,皆載 夜 逸, 其 其 訓 ^) 音柳。 而 今不 草」。 書格 闕 毛 故 舊 以爲 詩 泐 彼 范 當 碑 可 草 Ŧ 無 雖 的 考 碩 所 뻬

略

跋 唐 贈 歙 州 刺 史葉 慧 明 碑

碑, 在《寶 邕 今在 韓 謂 年 木 記》,皆誤以 日趙子函《石 之云:「其石 元 撰 是李」云云。 趙 行書,一 七月七日立,李邕 又誤 右《唐 五 文之語,故疑 麗 明 《刻類編》暨王象之《碑目》者甚明白。 年 而 水 誠《 脱「贈」字,直以爲歙 ·三月 碑 不 縣 贈 是 知 金 爲李邕書,并誤 北 韓 歙 墨 ; 趙 七 石録 一百二十里冲 運自雪州,擊之鏗 蓋 擇木八分書。 鐫 州 韓擇 明 月 其 刺 華》、孫 碑 誠 》載 誤 一撰,韓擇木八分書 史葉慧明 則 首 木 《録 始於趙 其 書 有道 有李邕字 》明 退 爲 者 以 谷《庚 韓八分無疑 二碑, 1,開元 云 不知 真 明 州 碑 爲 李邕書者, 誠 觀 × 刺 即 者 然 五年 子 中 此 史。 葉 開 有 有 當 爲 銷 韓 碑 有 元 近 擇 是 李 又 道 夏 Ti.

者

有

四

也

姑 mi 乎 退 谷 手 跋 尚 以 爲 李 江 夏 八 分

何

其

詩: 銜。 睿宗、玄宗之世,五十餘 人莫得 云云 有道碑 也。 門 八分。」 助 碑 其 紀,寵被 一者,乃 、魂書之、謂之《追魂碑》者是 今傳 力」,則 而 博士,又爲 且 尚書 則碑首 葉法善之父,亦不得并二人爲 韓 新、 而考也。 世 有 是 擇 [韓擇 舊《唐 則李邕撰文并 李邕撰文,而 五 碑 一者, 道 碑 木 有「江夏李邕」, 君」也。 所 者, 八 木, 在 如天實元 國子司業,此當 云「殄勦 法善歷高宗、中宗、武后 書》皆無韓 分,多在 開 乃 騎 葉 元之初,乃其 曹 史云「睿宗之 法 蔡 韓擇 年,故碑云「時 元 書。 善之祖 年《告崋 有 肅、代之際,杜 兇,翼 擇 隣 木曾官國 又有「國子 世傳 開 木傳,是 是 忧 3 、扶皇統」 早 法 岳 元 韓 葉 立, 文 之 善夜 年 以 慧 陰 以 子 更 明

明

四

追

葉

没。 尚 豁 之蹟。 不 ·快何如之!● 予爲參考諸 及 是 圃 碑 著 之具 録 書, 者 有 訛 漢 乃得數 爲 法 北 則 海 百 此 年 致 乃 積 \$ 韓 名 疑 尚 蹟 書 日 湮 最

跋李元秀碑

遒美者 此。 言僅 庵涵 矣。 今始於吴門訪 中,建古墨 府 礎。 存數 予自 許字,但多 移置 至國 丞 此 遠 惟 嘉 碑久亡, 十字。 一府學 幼 朝康熙三十一年,府丞石門 靖 儉 齋以 在 留 間 攜 陜 得舊拓本,一真刻, 意考之,訪其全碑 宛 文丞相 其 碑《雲 相傳良鄉縣 泐 覆之,後移順天府 今諦審精拓,可辨者 (四礎 耳。 平令李蔭 麾》之上,而 往汴中 祠壁,有記勒石 是碑、北 某 輦 人 海書 僅存 致 斵 不可 泐 都 署 其 一橅 之最 尚 旲 城 壞 石 刻 礎 百 記 匪 署 而

> 其裝册 處 整理之也。 石 董思白、莫廷 凡 Ê 略記於此 之泐久矣。 與今二礎 種 0 顛 倒 屬 今姑 原 友 韓 字有 次,仍不 然合此二本,文尚未全, 人 諸 就予所考見,得其 錢 跋 相去不遠者,❷益 ,皆稱 立 羣 可讀,予亦無從 爲 唐 拓 鈎 然就 其 本 可 見 中 且 此 泐 而

將、遼 秀,以下文不可 以 珥 著於世矣。 守也。吴京兆記稱「北海太守文并書」,可 邕文并書。 貂 下 春 蟬者 敍 唐故雲麾將軍、左豹 西郡 ī 秋 闕。 曾 碑首尾大略云: 七葉,楊公丕構,乘朱 祖 開 靈昌郡即滑州,天實元年改 夫人闕。 次序。 諱 或 某、祖諱字闕。 公,食下闕。 以 氏 開 元 西 嘗以 四 轁 靈昌 泂 考諱 衛 郡 輪者 張子纘 見此系銜 都, 翊 郡 司 四 某、公諱 月 馬 府 太 故稱靈昌 守 恩 中 府 日 郎

^{· 「}已」,原脱,今據稿本補。 · 快何」二字,原刻本誤乙,今據稿本改

計 子 力 黄 矩 施 子 詞 谷 君 日 之息 未 及 謀 仍 朝 在 河 下 遷 壬 草 臻 議 東 我公, 孫 倬彼茂 年正 一,是題 女 樹 浮 大 闕。 蕭 夫、使持節,下闕。 遼 賢 白日 克 月 條 水 豊 短 岳 和 廣 丁未 族,赫乎高 辰悲九 渺 石之碑,式表 淑 西 立 爾 山慘 瀰 匿。 慎 朔 邊 祖,敦 公,静恭 隴 鎮 族,戀 惻。 還 山 門 風 流 齿崒。 其 恐 貞 生塞 悦樂, 五。 不 切 經 先 桑 白 闕。 文 公之墓 H 天寶 軍。 垣。 下闕 緯 或 下 重 倒 闕。 海 變 規 其 輪 元 其 四。 載 無 還 疊 其 嗣

所 史 四 倒 自 口 藏 十七行 濁 本 次 讀 不 此 言何 文全 其 口 文 耳 文 讀。 可 碑 刻 口 如 辨者,合二本尚 姑 也。 於《戲鴻堂帖 此 讀 昔董文敏乃 勿 耳。」而 間 陳香泉《帖考》云: 蓋 其 即 前 其 此 後 所 取 内 》,題 移易 存 自 有 而 千字, 次 董 次第之, 日李 ?,皆非 、序者, 跋 董 乃 北 而 海 其 以 太

> 法之遒 皆作 兹特 也。 微 興 言 意 日」字是 臨 旦、「公日」 爲之,竟作 可 即 窄形、《 者 就 即 美,具眼自當識之。 其 此 是 ,皆不足置辨也,故不及之。 窄形 可知之文,略舉其概 首 窄 字, 瘞 肥 形 數處 鶴 也 其 闊 | 銘||亦 뻾 一,唐 日日 詞 真 言語之「日」字,皆 日」字,不 匚字。 日 以 本之難 如 前 日 此 二字, 北 昔有妄 也。 審 復 海 而 碑 之「日 書 已如 E, 中 言 謂 語 礎 此 公乃 刻 至 字

大照禪師碑跋

沙 碑 額 嶽麓寺大照 有 也。 知 北 是碑,宋人 天寶元 者 海 書 I 獄 其實 和 年二月,李邕 尚普寂 麓寺碑》,世 寶 長沙之碑,其 刻 類 碑 編 二,此 理 所 十字 并行 額 共 其 知 題 蓋 其 而 長 原

麓 蓋 山 今碑乃 未 寺 考此 乃在 碑 翻 今世 碑 嵩 刻 亦名 山 皆 不速《雲麾 之 「 嶽麓 稱 麓 也 嶽 也 麓 »,« 潘 _ 稼 嶽麓 而 堂 是 題 心》。」稼 碑 跋 稱 云 堂 嶽

芝山 書 官 超 碑 騰 雅 舊 有 同 以 龍 志 傳 著録 ×, 象,風 新 篤 有 《嶽 北 古, 拓 家 東 北 麓 海 本來屬,爲 旧 爲 海 林 神 \approx 書 知 真蹟,今藏 選 此亦 骨格 有 諸 李 工 二《雲麾》, 摹 思 藝林 重 宛 刻 訓 題 勒 如 李 識 皆遠遜之已 於石 所宜 初 於惜 於後。 落墨 秀二 m 記 分書室 不 時 北 述 碑, 知 海 也 筆 北 平 姓 惟 主 海 蹤 是 同

跋 11> 林 寺 戒 壇 銘

知 是 聞 本 後 年 倦 有 糧 邢 圃 户 子 家藏 帖 愿 作 手 本, 襯 其 有 其 爲 册 靈 舊 用 長 搨 明 跋 可 萬

> 猶 其 琅 不 帖 + E 海 疑 刺 有 本 又 句,脱一「師」字。 元二十三年 、是固 一,與 》載 下 易一字,並 考略 五 不 九 史 疑 無 Ŧ ·句韻 日 妨 李邕書,一爲 者 字 疑 篛 其全文,中缺九 也 上句「地」字相 》,皆稱《少林寺戒壇銘 皆 也 林 然 陳子文《金石遺文録》、李光 例之,必非「埵」字。 藏 而 有, 己。 始 至於諸本皆作「 書 此 本 立碑之 加 爲 乃 法 張傑 自 括 作「 雖 此 田 南 謂 州 蒼 成 館 三處皆不 球 刺 複 字。 年 秀, 碑,都 年 碧 學 圖 史, 月 生 海 視 今以此 皆同 杖錫 然予於是 開 即 張傑 之者 _ 南濠《 又「暉 李 作 其 元三年 一爲 能 0 前 北 東埵 無 本對之, 地 金 曾 以 海 皆 疑, 律 映《 成 於 Ē 爲 其 括 銘 左 薤 即 師 遷 開 碧 碑 月 琳 文 州 此 夙 口

朔

謂

北

海

真

⁽末, 本 稿 本 有「嘉 秀 十年夏 F 有 四 即 月

之。 銘 以 揭 唐 括 佳 及 碑 州 開 是 書, ^ 著 本 司 嵩 以予 ,亦弗敢信 於 馬 元三年 而 Ш 録 李北 志》 於 在 是 Ė 諸 若《 = 海 碑舊 月十 也。 年以 書, 所 金 書 所 Ŧi. 皆 石 後 碑 蓄 云《 録 H 況二 疑 * 南 則 少林 館 諸 而 實 年 學 家 今見此 刻 平 寺 皆 生 類 ? 張 戒 不 傑 壇 FI.

跋 郎 官 石記 四

皆 矣。」 余家 學 吴 世 不 中 紀 堂 聞 物 可 所 元 都 人」,故立 藏 》云:『長史,蘇 也 知 商 南 之後,已 本, 濠 0 德 朱 符云: 但 金薤 未 歷 竹 碑 知 漸 年 垞 琳 其 於 石 刓 久遠, 跋 此 出 琅 剥。 刻 人。 × Z 於 亦 舊 然 蘇 引 而 兵 承 在 朱竹 學 「宋 壟 紙 火 平時,碑在 ,或出 京 明 墨完好 韭 兆 後 垞 之云 明 不 亦未嘗 今亡。 京 復 兆, 蘇 中

歐

跋

言 此 搨 是 京 兆 本 ·抑是蘇 州 本 也

郎官 者。 名。 帖》之本雖 朴」下注「左司」,又有注「吏」字、「兵」字 「不朽者矣」、「矣」作「也」。 文敏摹 字下注「工郎」,「平向高」下注 河 、虞,則定 此本相 南 題名, 或謂 其書 前 屈 人《 歲 集臣 合。 此是吴中 楷、行、 有 戲 甚 當是真本。 以 持 鐫」,又 窘弱,而 鴻堂 此 且 舊 本 艸、隷 王 搨 一爲是。 帖》 石 秋 有 此 本, 磵 字勢 史芝以 者 碑 其 各有一 已 或又謂其後有 書 迥 相 實 謂 然 不 體 示 其 與 二吏 不 下廿一 董 者 相 峭 字 王 同。 亭《 似 潔 郎」, 碑 體 敬 似 美 鴻 尾 中 與 ED 出 所 堂 諸 董 有

IE. 百 書 七 + 又 〈驗之 第一千 七,《 趙 唐 明 一百七十八,《 尚 誠 書 省 ^ 金石 郎 官 録 廳 **>** 唐 目 石 郎 記 第 官 題 干 旭

此 榻」 原脱,

下》 千 吴,是此 中 是 E 京 可 之刻,每石 人《寶刻 計。 郎 兆 辨 重 ,部郎」、「金部郎」者是也。 H 者尚 刻此 原 官題名。 合此三卷, 第 某部 石 而 刻 類編》亦專著此 序, 數 彼 數 爲 千 郎 千百 百 當日 面,書「吏部郎」、「司 銜 而 則即 人,則六石郎官之名, 舊本,其 百 雜 注 其 人之列次 張長史所書之原 於某名之下,此必 書人名若干於後,故 七 上卷 今陝 + 是 後 九 碑在京兆,不云 西 此 僅 碑 ^ 不能合 序 列二十 唐 林 計其 郎 郎 其 勳 官 官 石 也 每 下 是 有 題 蓋 石 無 石 郎 在 吴 宋 與 以 今 柱 卷 名 可

著 非 目 必 爲 録 出 盡 楷 家 有 是 於 是 書 楷 褚 彼 方 精 泂 勁 勁 精 舊 南 者 峭 此 勁 本, 整之體 蓋 之評 碑 對 字 亦 勢 照 歟 也。 約 其 頗 ? 、艸聖 略在《孟 清 不 峭 抵 知 而 張 著 意 言 法 長 者 録 耳, 師 史 因

> 謂 敬 仍 祌 古 謂 林 安 想 初 又 度 碑 廟堂 是 越 美 謂 雅 口 非 指 書 傳 「此記 諸 爲至 此 仿 不 碑 此 長 豈 如 碑 擬 奉 記 四 聞 跋 碑 史 此 家 有 **%** + 此 以 虞 内 艸 唐 寶 五 轍 雖 無轍 人 餘 碑 爲 書《廟堂碑 書 日 今驗此内「容」字、「極」字, 「容」字、「極」字,皆 跡 信 唐 E 年, 東 之可 有 而 _ 賢諸 不 跡 書 微 言,敬美似誤 + 山 虚 而 可 無能 詞 帖 . 年 今始 也 楷 尋 乎? 圃 也, 則 帖 出其右者, 始 又 王守 間 見之,如 亦 此謂 得 過 而 須 世 之。」予 無 矣。 後 會 讓之, 無 跋 取 轍 長 跋 也 此墨緣 [迹] 句 者遂 法 史 弇 故 援 本 永 IE 亦 州 艸 敬 則 Щ 跋 其 聖 目 亦 興 美

醇 摹 手 IE. 摹 同 張 者,尚 長 但 史《 郎 有一二誤筆耳。 亭 官 未 石 親 記 見 序 此 拓 此 本, 今此 本 特 與 帖 據 華 前 陳 亭 尚 仲 所

艸聖 得 能 石 之過 長 必 者。 頗 瑶 右 退 跋 南 之意甚深 有 廟堂 歧 則 舉 峰 精 不 三舍。」又援 濠 仲 史艸書名震古今,諸君子之論 궁 出 乎 謂 此碑 心 前 予廿年前 録 醇 ൬ 以 而予今又 薄 碑》, 此 人《 相炫,是則藝林大快事矣。● 鈎 ? 軰 印 言,故不 爲 以 弱 碑 以 也 耳,正不可以詞害意 論 摹者,選 然。 金 實甚,反足 但 則是臆撰之説,不足信 化度》、《廟堂》、《九成》 内「容」字、「極」字皆取 壓 書 董 薤 (有説) 一唐賢 Щ 詳 在 及 蓋 嫌 文 琳 谷云:「唐人正 Ŧ 西苑直廬夜宿 乍 Ш 工伐 敏 於 琅》之本也 也, 元 焉 谷、 聞 公多爲 美昆 就 爲 之,似 此正是其 弇州 石,使吴中 此 仲 此 舉 非 仲手 醇 碑 例,豈 Щ 此 平 之累。 者 跋、瑶 谷、弇州 與與 書,無 跋, 推 本 企 惟 也 並 · 僞 鈎 其 會 獎 是 皆對 耳。 想 即 法 觀 弇 勒 推 太 稽 本 若 永 晉 出 是 至敬 有 許 其 賱 之 调 梁 其 州 都 Ħ. 意

> 碑》也 相同。 見鋒 此《郎 序内 又序内「函丈之容」、銘末「容範 一「容」字,其 容」字,其 知 含蓄 四 興《 可 見。 侃侃 敬 m 見、「極」字凡再見。 無 王 廟堂 ? 官石記》之「容」字,中間 敬 轍 美 不 「極」字再見者,其木旁之内點皆 俯 侃 美謂 且 向 何 露 迹 而《郎官記》「極」字,左旁木之内 一碑》。 禮容」、銘内「禮容 中 即 下,與《廟堂》之四「容」字皆 . 口 由 (中間· 間 此 以王文恪跋引山 尋 而 與 按永興《廟堂碑》,「容」字 右出之捺,皆長 碑「容」字、「極」字 ^ 目 右捺,皆作反捲 廟堂》「極」 侕 以 敬美乃 爲 「容」字四 取 法 援 斯 字絶不同。 虞書《 此 一谷評, 右捺, 既 盛」,此二 而 向 備 見者: 皆取 見鋒。 E 廟 一, 則 謂 其 明 不 法

永

凡

此 復 四 處較多,尤以第二則 則 跋 文, 刻 本 字句多有改動 爲 甚。 原 稲 相 校

删去

神中

不

點

白

原誤作「右」,今據稿本改。

20 七

故 是 世所 然此 謂 況 亦 王 至 及,即《九 藝 語 在 此 化度》、《 化度》真 虞恭公碑》、褚書《孟法 遊古 於 艸 彦 林 實 與 能 碑 $\stackrel{-}{\sim}$ 書 絶 虞 不特《化度》宋 不 超 碑 敬 化 援 簡 字 E 書《廟 無、 能 逼 度 美 重 專 皆 EK. 内 無 今 及之矣。 晉 九 本 刻 所 他 轍 家,今偶 無二本,世 收 之 成》之神 念九 人,而 成》 九 評 固 碑 迹 跋 入著録, 堂碑 今尚 成 亦 期 「容」、「極」二字之語,至今 語 口 成》、《 宋 世 其 尋 >,●且 完好, 結 舊 力,此 於 拓 尚 再等 所 本之淳古,此 切 搆 拓 則 後學 此 本 或 (廟堂》 且 絶 中 神 亦漸 亦 與此 有 不 若 少 平 勿 而 師 碑 采實 失 ,將奉 碑 能 不 ? 能 量 論 碑》, 亦 皆退三舍」, 之遠 少矣。 能 照 之, 用 並 廟 精 唐 岢 不 且 党堂》真 看 顧 爲 īĒ. 盡 拓 本 碑遠 此 如 能 能 即 矣。 見者, 定品矣。 如 也, 書爲之, 弇州 然若 碑 歐 及 跨 則 則 此 本 亦 哉 越 長 此 即 不 此 能 唐 史 以 則 愐 此 跋 碑 以 同 丽

> 耳, 出 出 初 其 其 非 故 右」者, + 欲 偶 乎 舉 舉 ? 此 此 何 以冠唐 然 以 也 著 而 ? 其 人 Ш 此 正 IE 谷 則 書 書 謂 Ш 也 之 谷 唐 根 熟 柢 見 IE. 長 如 史

गेगी

無 能

見韓 韓 用 謂 非 記 出 之觀者 日 郎官 氏 方 之藍 出 藍 刻 是 何 藍 藏 則 氏 然 非 記 則 藏 則 唐 以 耳。 者 無 謂 别有 唐 本 謂 則 所 弇 意師 目 永 本《 之出 也 彦 用 謂 州 王 興 説 超 方, 出 仿《 彦 廟堂碑》,其謂 昆 ~ 焉。 藍 重 藍 廟 季 是 超 爾堂 則 刻 也 堂 以 重 敬美跋 之 本, 敬 **>** 刻《 敬 *, < 評, 爲 然 美固 美 渾 廟堂 藍 而 廟 目 乎 後 皆 堂》 敬 乎 明言其 此 段 爲 用 미 ? 美 碑 員 出 非 意 廢 特 有 藍 也 藍 中 郎 出 舉 歟 也。 也 此 所 所 所 官

唐 本《廟 世 不 見, 孫 月 峰 굸

折 弇州 學虞者之驗。 家説 用 而《孔祭酒 (廟堂 廟 無 圓 廟 處 伯 堂》上, 跋 所 轉 耳 碑 特 家 碑》,始 ·, 其 見 者固殊 峭 唐 前 勁 拓 八後乃 則實非定論 碑》陪立於太宗昭陵,是爲 爲《郎官》果在《化度》、《九 書, 知 頗 廟 究不 其行筆 矣,是則 得 陜 小 近 堂 目 本、城武 方 歐 碑 得 穩。 見元康里氏 書。」 因 \forall 一,與 耳。 敬 敬 筆 愚 今王彦超本之純 馮定遠 筆 美 美出藍之語, 本皆唐 向 皆 此 日 跋 蹲 所 惟 云 公、欲 注 後 藏 憑 翻 法 成 傅 唐 唐 此 會 不 夫 初 轉

外,此 筋 弛 歟」「不 時 乍 節 時 字,「六十一人」「十」字,「上 作 愚豈 忧 」字、「其」字 拓 ήή 本界絲, 之後偶用正楷, 墨之可 敢 而 輕 行 微 ,皆下半占跨界 一駁前 筆之勢,往 微 見端者。 可 辨數處, 人,第以 固 絲外 如「年」、「和」字、「千 應」「應」字,「不其 是 往越出 必以 Ę 以 少許。 史行筆, 廣 方正][格 亦其 界 見 跅 之 其 偉

以

界絲 越界格之外。 墨 以 正 書之針 過過 也 ,以《化 君 豈 表,舞 可 車 泥 ,則位置允矣。 度》之淳古超逸, 會乎? 大約專以褚公書 交衢」 者, 唐 IE Œ 善 楷 言 亦 不 無 其 聞 不 不 尋 其 具 拘 跨 有 繩

之原 家,無 能讓 不知 豈 記 唐 其 X 可 其 以 唐 IF. 中中 雖 也,故謂 山 轍 賢 轍 書 谷 書 原 使 迹 諸 法 迹量之哉 神 儕 無 從 미 E 妙 於 能 Œ 尋。 人但 跋云: 書 出 唐諸家正 書出耳。 高 也 其 Щ 見長 出 、右者。 谷 諸家之專 惟其正 張長 史艸 此 書,亦 試 語, 史《 故 觀 書之神 書能 蓋 艸 郎 所書《郎 當 以 深 聖 官 無 艸 如 探 度 廳 此,所 妙 愧 名 越 艸 官 法 而

上 詞 也 然後知其並非謂長史正書冠 ,特深著其 讀 者 須 讀 正 Ш 書之法度, 此 段是 使 如 此 於 善 抑 唐 諸 揚 其

惑 訂 三舍。 乃 正 啪巾 書 妄 書 後 謂 [無轍 亦何至文義之不嫻至 《化 至王 根 柢 豈 迹可尋。 度》、《 一敬 耳 淺 美,遂 鮮 九 而 哉! 明代諸賢 成》、《 王 誤 弇 讀 州 此 廟 其 誤 則 於 句, 堂 讀 固不 焉 如 Ш 皆 以 得 此 谷 精於 爲 爲 此 以 贊 之 弗 其 貽 致 退

跋俞紫芝臨褚州陰符經

者耳。 云「廿三行,缺處甚多」, 作。 大」訛「火」。 陰 潰」句,「 符》前 則停雲所摹 可可 艸 此 書《陰 内「萬 以 故 伏 必」訛「衣」。 又不止義門 符》,宋 藏 停雲亦 化 勒, 一句,「 生 乎 蓋 依 越 伏」訛 又從 而 身」句,「化 州 「大小有定」 此 所云缺失而 不言 石 墓 石 也 氏 伙」。 氏 後 帖 本 有 何 目 翻 諸 義 在 句, 訛 時 出 題 褚

> 芝臨 乃 年 海 觀 而 亦 Ħ. 與 臨 年 字本後來重摹之有失 不 六 褚 之也。 加 過 尚 年 公 越 庭《書譜》同 奉 於 詳 甚少,固宜 州 考,冒 勅 貞 蓋攷訂 石 書 觀 氏 此 + 爲褚 此 之事 其不知深考,一依 刻 語,又何足譏乎 之學不講久矣,孫 年 蹟, 在 武 ? 始 北 初 乎? 召 則 不特 宋 尚 何 末南 在 侍 怪《樂毅 此 義門未之詳 則 幅 宋 天 有 豈 初 其 退 曆 俞 有 論 誤 初 貞

跋興福寺碑

誤 似 知 失 見 近近 北宋 者 其 П 形 因 半。 此 日 遂, 時解 其上句「惟大將軍矣」字上 碑 王 所云「公諱 誤 篛 明 州鹽 爲「吴文碑」。 林 末 西 直 池集右軍 安府 稱吴 文」者, 浚城 碑,莫之 書碑云「獘急。 顧 已 濠 寧人 失 始 省 其 半,行 得 亦沿 也 之, 姓 其 書

時 可 尚 救之矣」「矣」字,正即此碑「矣」字,在 不誤也。 宋

跋 鏡 民 碑

無撰 編》, 度皆 成》, 趙子 以尋 虞。 觀 名 唐人學虞、歐者尚 於宋人《寶刻類編》,云筆 + 人歲 其書 予初見此語,竊意 爲 斯知言之選也。 固 源 以 具 隋 年李百藥製文,殷 卷,亦 其 於唐 也 故益 而 月。 誠 所 風 能 録 碑 碑 州 皆便於書塾 今以 格 具 碑 在 獨 總管府 則 永興、率更之秀色, 目 推《化度》、《廟堂》、《 Щ 多,豈能遽希方駕 所 遜 考之,是宋末之書, 西 評 若此碑之書,形 之遠矣。 聞 司 唐 此 喜 法 **\$** 馬裴鏡 初 臨 碑 名 精妙,不減歐 縣,因託 書 習,是爲 驗 書 脉, 之,其 ^ 民 實 宜借 碑》, 是 刻 宋 排 然 碑 耶 末 九 拓 此 見 貞 次 類 ? 而 韻 而

> 益耳 書賈 此 知是 所 碑 爲 南 而 微 宋 考 書賈 變 見 陳 南 (所編, 思 宋書 之 例。 此 賈之書 亦 其 去 類 年 不爲 也 見 ^ 隷 無 因

鑒

韻

復 初齋文集卷第二十 四

謂

爲

大 興 翁 方 綱 撰

19 人 侯 官李彦章 校 刊

跋

偃

師

周

公

祠

撰 蓋 漢 後 莊之字嚴。 金 不 年 《周 著書 光 人 石 後 + 妄 武 録 人 此 公祠 》謂 % 周 造周公字也。 避 諱 人姓名。 月, 秀,日 其 是後人傅會之文。 公 碑》,蓋不敢直斥公諱 朝議 此豈謂 諱之本字 祠 碑 秀之字茂。 郎 其云「公字 *, 光武、 昔伏侯《古今注》, 在 偃 加 師 偃 明帝 云然耳。 縣 師 明帝 朝 縣 尉 然愚謂 有此字哉 明 學, 曹 某,而 諱 大義 今唐 開 莊 此 偃 元 撰 代 ? 於 非 師

> 跋 茅 Щ 李元 碑

爲

爲

言 以 即 忠 云:「尤精《老》、《 神 節 後,竟皆視《周 ,若魯公正人,豈有 《李元 仙 正 也。 靖 李道 唐人 碑》, 士, 易》 碑刻、多以《老》、 莊 顔 *\ \!\ 亦克篤孝行。 爲玄虚之談,且 魯 不尊 公撰 周易》。」則 經者。 并 《易》並 忠、孝, 自 而 列 魏 此 文 於

老》、 ^ 莊 **>** 之次, 其 亦 可 謂 言 之 無 稽

發之。 或尚 耶? 留 有所 意話 詮次。 有 曠 唐世 韓之文起 隔 訓 盡 經 習於 爲 直 留 爾 學, 미 至宋人始 遺 時 麗 自 慨 八代之衰,而 隋 足 藻 孔 也 摭 唐 耶 疏 據 藝文經籍所未備者 ? 陸 追古義,而又 者,何至數 因 釋外 讀魯公此碑 徒 於 諸 事 罕 經 於 見 白 不 年 隷 亦 於 其 間 丽

跋 宋 廣 平 碑 側記范致君

本

則 尋 小 褚 楷 北 重 宋 河 書 書 顔楷以《宋廣平碑》爲 崇寧二年,范致君别作大字,效 南 古 另 張 :朴澹遠,尤顔楷所罕見, 自 長史,問津晉法之楷也 勒石。 裝 册 最善, 者翦去范 而 可以 其 碑 顔 追 此 側

> 祕,宋 體 月 直 人已莫能 著 欲 其 目 實 爲 顔 精究耳 蓋 楷 顔 矣 書 由 故 褚 題 法 日 以 北 窺 宋 大令之 人 效 顔

跋 州 汪氏所藏祭 姪

最 跋,疑是祕閣本者,非 熙祕閣 也。 爲 得 右 續刻卷内有顔書,而非此 魯公《祭 真 實, 即江 姪 帖 邨吴氏 也。 \sim 宋 宋 拓 所 祕 本。 祖之 閣 帖 帖 近 原 此 有 惟 本 淳 友

于伯機所 者 雲館之刻。又不及停雲也,就諸 足信不必言矣。 最謬者,董刻《戲 ,惟陳繹曾所 量之,字勢皆已失真,而 今世所傳《祭姪帖》,予所 稱, 即吴氏 稱 東昌 鴻堂帖》,妄移行 即文氏 餘 鄧氏家藏 清 刻 吴刻 停雲帖 也 見四本: 勝於文刻。 一石,即 就 家所 次,其不 此 也。 二本 稱 賞 停 其 鮮

此。 莫知是「卜」字。 改。「卜」字筆勢最分明,當見 字,原本塗乙,不可辨,用濃墨於 爾宅兆」,「兆」字塗去,改云「幽宅」, 字,則謬甚矣。第二十一行,「遠日」下「卜 翻 脅」二字,惟「脅」字欹衺不成勢,此就原 下 古 言之? 吴刻餘清 刻 是「被脅」二字。 有 碑》, 出之明驗也。 真者? 稱爲 用筆塗去二字,不可辨,而其右旁原 稱 一字矣。 停雲諸 文 所 魯公手蹟也,豈有 中間 刻 語 謂 齋本 今以此本校之:第十行,「爾父」 日 聶 刻 塗 米 雙江 本 從 摹石開 改 臨 則實從 近似 吴本細審之,亦近 翻 文刻,此右似作「致背」一 又「兆」字,四圍 處 者 本, 本 以 「卜」字之上 出 亦 山、必觀 濃 此 特 無 宋拓 想不 墨 從 墨 稽 壓 翻 知 圃 鑱 本 一類書《 寫 本 有 改誤 談 迹。 墓 一半,亦 中 正 此 也 似 出 李 間 是 處 吴刻 壓 何 改 如 元 拓 被 反 改 文

> 顯其非 墨蹟 刻鈎 本爲 知真贋。 僞,故附裝吳刻本於卷尾,使觀 氣 而 知 《祭姪 失之 欺 摹 是 論》之同 證 真 竟全失鮮 何 諸 耳。 明 然猶未 字。 帖 本之失。 驗 今得見此 》第 近 斯 也 則 僞作耳。 日 盡 于之書勢筆 吴 装其 帖 者,0 著録家,竟 本 裝卷者 後 是 原拓 帖 鮮 有 IF. 後 于 足以 人 真本, 鮮 意 伯 能 從 有 前 者 于 機 知 此 推 證 諸 較量 吳用 旲 渾 明 猶 原 刻 淪 敢 拓 刻 仰 益 鈆

跋多寶塔碑

+ 以 勁 意 顔 楷 斯 撑 以《宋 爲 柱 得之。 以 廣 原 平 \sim 多寶塔碑 本 碑 》側 大令不 》,自 失長 法 中 所 王 傳

卿,疑此處「仰」乃「卿」字之誤。
● 「吴用仰」、《餘清齋帖》乃明人吴廷所刻,吴廷字用

州 乎不可問津矣。 名例之,又當 三點中間 孫 月峰 尚 爲 寓牽絲 定 何 如 品品 ? 之意, 若以《金 此南 則 宋 近 拓 天 今 本 Ŧ 所拓 廟碑 ,其水旁 題

跋東昌鄧氏顔祭姪帖石刻

年矣。 跋 刻 貞 跋,刻於停雲館。 於吴氏餘清齋。 紙墨 待 襄公初仕華亭 後多出羅念庵 年,數經水 數 罪豐陽,公之五世 魯公《祭姪 年 如 又鄧元固 雙江 俸 新 簾 火,皆莫能 本。 而易之。」 越三年, 帖 自跋 鮮于本 今東昌 得之顧氏子 跋,則在停雲上石後 晶 本 重 云:「明大司馬聶 一孫諸 荀 有二 濡 刻 · 有 以家貧 焚。 鄧氏二石,二 者 生 周 陳跋,文衡 有 荀 孫,傳守百 艸 至丙申歲, 求售,余 攜 窻諸 于 卷來, 伯 九 陳 Щ

也。 蹟上 字頂上斜泐一小横紋,微近似 下者。 刻 者再陷常山。 帖内 章草 所 本 筆將原艸「尔之」二字,倒鈎 前 可疑耳。 云「尔之首櫬 「尔之」「之」字下半不全,僅以艸書 無 本 本 藏 爲 書。 如 帖之字、與陳文三跋,皆當 石 真 疑。 御 予按: 「吾承天澤、移牧 乃停雲所刻 心此,以 史。 之本 ,只應多出卷後之羅、鄧二跋 蹟 而停雲上石後,石紋微 文跋 然文氏 上 但 聶公成進 文跋、 聶 石 亦亦 鮮于本對之,乃知停 初不誤也 攜 内 益 ,今鄧氏 自 陳深跋隷書,而鄧 尔 字 停雲帖所 貞 鄧跋 首 常常 句,亦多小異。 (襄,此 一槻,及兹同還」,故 山」、後改云「泉明 河關 一後,初 所刻 皆 惟後來重 跋 刻 相 」,此句下 乙去。 亦 合, 多 既 知 「東」字。 泐 一「文」字 華亭縣 是以 則 雲 毫 聶 此 於「尔」 刻 翻停雲 至於本 停雲 -,原 **一**,而 所 聶 此 藏 刻 召 初

日,卜 字。 略 二行,亦但著其宜備考訂之由,未遽及此。 已 衡 也 陳 耶 真 氏 <u>|</u> 此 僅將「卜」字斜挂於旁,惟 塗筆之外,與石泐斜紋相牽,微近 剖 恐 磨 山 跋 ? 有 刻 旬 本 竟作 其概 滅不 鄧氏 贋, 本,此處竟作「及」矣。 字極爲分曉。停雲元本則「卜」字在 石 二跋,字太弱耳。其後羅、鄧二跋,今 亦不應分隸忽改 後來停雲翻本,直似「及」字, 即 爾幽 則 久漸泐 使如此,文跋之字句亦不應小異, 而 此 耳 ,可讀。 之刻亦頗 宅」,「遠日」下,原 其子孫以 東東」矣。又此 字字 觀 余昨 訛 者益無所考,故不得不 作「 得 在東昌,曾題其石末 章艸,此又不可解者 重摹之副本售於鄧 筆意,惟陳繹曾、文 東 東」, 鮮于本 豈聶氏之本有 下云「方 艸大有塗改 乃 今 乃 似 此 鄧 今鄧 旁挂 俟 氏 刻

跋竹 Ш 聯 句

摹

樣,而 其句 則筆筆 熟《争坐》行 此《聯句》書 意結構,至明董文敏而 以能手往往故示縱橫,而不能於筆畫間 者,自宋四家後,多趨行 宋以 平 」者是也 勒於石 中 碑》側,而圓瑩如 顔 波磔間已用古籐古釵之脚, 注 後 ·精意結構,●如魯公書,雖小至《 書 人 吴 竹 不 又載安氏《書畫記》,云「天然 姓 講 書 ,其大字雖近於《家 山 愚意正 IE 氏 而 聯句》,真定梁氏 了, 則 楷者之所爲,必非魯公書 用於正楷,無是理也 一味欹傾,全無結構。 書未有不先 珠,猶晉人遺 尤甚矣。 草,疎於正楷 廟 唐人正 秋 》諸碑 講 則是 碧堂 矩 結 > 書 細 構

廣

至明董 |文敏|至「結構」二十字,原脱,今據稿本及刻

本書眉

乃

與潘 字對 爲 訛 也 一、蓋 宋以後學顔行 「循」爲 驗之,並 述 看 況 已不精,今則更何庸置論 攷 古人書循、脩二字相 魯 其 作「 原是「循」字。 詠 年 裴 書者僞作無 即 循 以 此 ۰, 吴 是 内 而 興 時 掌 此 陸 公 似 即此一條,其 疑 平 故》及《全 獨 故 在 士修」「修」 湖 重録 爲 州 唐 H

怡亭銘跋

可見 有 分二字,則是五 字」之訛。然今以 八分十二字,二行,云「亭在直 歐陽公時 歐陽公云「四十六字」, 昌 一之右」,蓋亦莒書,而著録 俗怡 亭銘 拓本已不分明 十八字,非五十六字也 \approx 拓本諦 李陽 冰 視,李莒下有 篆, 當是「五十六 矣。其下 李 L 芦 西 又

> 此 口 拓 刻 重足寶矣。 是 李監 取 而 真 楚人 又常在 不善氊蠟 今傳 世 江 者 水 往 中 -, 必 往 後 紙墨不 乘 人 重 水 潦 摹

跋聽松篆

行 識。 其 云: 偃 高 是 月 回 何 楷 時 右 風 唐李陽冰筆 仰,故名 1 今驗 「此二字蒼潤有古色、非陽冰不能作。 合 十行,云"「松石相望於十步 有 起,松子 下,長可五尺, 錫 而 楷 山志》云:「 相從 拓本,「聽松」二篆之右,尚 跋 石 + 聲 牀 で。唐 一之可 理若 數 聲 行,石久磨蝕,不 打 頂側有『聽 皮 廣、厚半之,上 以 有 石牀』是也。」 日休詩:『殿前 山寺有石 政 미 和 松」二篆, 甲 牀,在 偃 午 外 平, 王籟 仰 睢 不 미 知 微 日 陽 可 復 林 傳 供 前

矩

舊

文尾 在 似 丙 有 同 其 雍 黄 得 來 登 所得耳。 午。」以下闕 概。 山 者 臨 正 之 丙午」,當是靖 六年戊 谷,不知何 勝 惜 李 處 不 永 至 身 此 申, 久 者 内 到 中 當 人所作 今已六十餘 有「政 其 之 廣 自 康元 地, 寺 陵 得 僧 俞 年 和 手自 也。 光 遂 也。 甲 奉 午」云 勿 1 摩 年, 篛林見此, 汝 行 挲, 而尚 楷 南 俾 三 云, 或 筆 何 勿 事 口 則 安 壞

跋王居士塼塔銘

妙 書法全得褚 十七行,行十七字。 中,今已斷 ~,乃 (,未免失其沖和之度。 在 王 居 上 士 裂數 通 意。 塼 隷 塔銘 片, 唐 古,證合歐、虞。 楷之最 且 上官靈芝文,敬客書 失其 近 出 此 精緻者,褚書之 半 終 碑 矣。 南 婉 楩 潤 其 梓 有作 全石 谷

> 榻 雖 纔 Ė 泐 開 後 二字,斯 人 法 門 爲 而 可 出 實 未 失 洄 南 規

跋護命經

家借 所 摹 帖 年 已多殘 越 載 編》云在越州 大 也。 ,而摹全文者訛 自 其 本 州 夫柳公權 又摹出 閱,是則石氏所刻,必越州 目於越州 來,末行 消 亦不載 、泐矣。 石照明家藏 灾護 者。 書。 開 此 命經》,開 文氏停雲帖,即從此宋 而 石氏 。 近乃有全文之刻,不 刻,則是此 陳 成 柳 作 帖最富,洪 思《寶刻 、帖耳。 二年丁巳」,是 書 :四年。 此經, 成 刻 叢 且行 王象之《碑目》 宋 年 僅 編 文惠嘗就 人《 T 舊拓 見 次 》無之, Ė, 於石 寶刻 開 皆 成 知 不 末 諫 重 其 氏 而 類

合, 毅》、《黄庭》遺意 蓋 非 其 真 矣。 ,雖殘泐亦足存耳。 柳 書 小 字 此 尚 能 具 ·樂

跋鴈塔題名摹本

耳。 原裝册 後凡三半卷,通長二丈二尺二寸二分。 紅文印。 誠 者以墨塗去 諸 日 미 家 寶也 然是宣和舊拓,北宋紙墨,古香襲 宋大名 卷,此 施堂裝卅七 今改卷歟? 收藏印記 乙丑是嘉靖四十四年。 柳 紙尾 其 其 瑊伯和摹刻《唐慈恩鴈 後三卷殘 卷前第 小字一行,云「乙丑五 「葉」,此下有「錢穀」二字 前後有叔寶、復父、臥 幾字,欲冒 拓 本 ·也,後 今度前 爲 人 全刻 、装 塔 月 潜

題 龍 名 後,過關 按《唐摭言》:「慈恩寺進 故貞 元 宴後,率皆期 中劉太真侍郎 集 試慈恩寺, 士題 於慈恩塔 名, 下 神

> 席並 射 杏 自 贊皇不由科第,故設法以排之。 旨,不欲令及第進士置宴曲 年 意,乃復其舊。]又云:「進士曲 [神龍 對 兼太常寺卿王起主文。中書 + 園 一月, 一勒停。於是向之題名,各盡削 不 花 稱 已來,然盛於開元之末」云。 發 詩 旨,十二月,宰臣 諫 議 會昌二 大夫 陳 年, 商 贊 權 奏 皇公爲 江 依 知 貢 覆 江 洎 前 及 遊賞, 奏,奉 命, 去。 題 贊皇失 相 後 名 左 局 其 宣 因

蔡京 第三 其摹 此 題名。」又令狐 在 此 級之層 焉。 亦 殘 層,西 即 拓 刻始末,具於樊廉卿序。 此宋宣和庚子大名柳瑊伯 可 本所存止 次、 義 董 補 居中諸 山 玉 北 題名之年世,釐然具在 詩 溪詩 樑上見顔魯公任挍書時手札 所云「同在天平公座中」者, 氏 人題名内云:「從此 此,盧仝、孟 注 門昆弟,與 也。 予又嘗見涿鹿 郊、李商 蓋皆按其塔 義 和所摹刻 Щ 者 同登, 更 隱 也。

寬 鴈 ¥ 刻 年 和 號,是「大小」之「大」,非「太」字,諸 題 年 + 類 塔 敏 籍皆誤作「太」,當據此 編》見 楊 題 快雪堂題 \equiv 會昌二年 漢公題,大和 年 名 張 貞元 在 元佐題,十五年 柳摹 跋 幸琯 八年、元 第 條 題。 六 四 年許 卷。 云 和 E 按唐文宗「大和 之也。 又於 塘 崔 年 顔 題, 罕 崔 直 題 宋 . 卿 八年 人 題 寶 板 杜 本 陳 曆 甫 元

四 石 行, 耳。 其 又按: 宋元 是即 石 并 尾 附 祐 ^ 有 今陝西 識 唐 時 大大 於此。 鴈 借 和 塔 用 [碑林 四 其 題 年,裴 前 名 有懷素《聖 半空石 殘刻之尚 柳 同 刻 登 0 懷 帖 僅 楷 фф 存 題

跋韋泉碑

碑 其 大 周 而 載 殘 軒 泐 編 已甚 修 自 7,0首 簡 州 一行 拓 致 口 韋 辨者 南 康 上闕七 碑

> 月二 字。 書 和三 泉 臣 宗之爲詩 即 生 象之《輿 長子,建中 年十月, 皐大破吐 元二十年十二月。 令、 此 禽莽熱獻 誦 格 紀 使 十五 云一勅 然帝自貞元十二年九月得 碑 年 奉 而《金石 南 檢 也 四 碑 勅書」也。 地 康郡 闕四 月 銘 日 并 完 書」,此 碑 《順宗實録》曰 并 字。 諸 勒」。 他 目》, 年立 Ŧ 録》及《寶 《新 序一次 朝。 文, 中 皆以 唐書》 帝悦, 今見此 攷趙 末一 番 爲皇太子。 帝製紀 賜 一字微 **\$** 轉轉 行云 大 是碑る 行云二元 上 刻 明 》本傳: 戰 臣者, 進 小, 柱 功 誠 : 類 拓 F 爲太子 一帝 御 檢 金金 或 碑 編 本 蓋 ·里,虜 製 校 南 「貞元 善隷 褒賜之。」● 風 云 皆 諱 皆 石 和 司 則 康 疾 誦 令 徒兼 \equiv 以 誦 録 皇 Y 下 郡 於 因 爲 年 太 奉 空 Ŧ 元 貞 勅 王 子 中 四

^{● 「}碑」,原脱,今據稿本補。

^{· 「}碑」,原誤作「牌」,據《新唐書》改。

二十年 所 言 書 而今碑既殘 則 十二月,已在太子 即 不特「元和三年四 如《金 闕,文實不全,無以 石 録 》所 稱 月 誦 得 碑 風 V 行 疾 於 非 之 貞 太 其

貞元二十年十二月立一之説矣。

能

誦

碑元 子 碑 中宗之《滎陽 勁淳厚,在 月,亦即 教》、武德時 銜 相 ,尚恐或遜此耳。 》、柳公綽之《諸葛 廟堂碑》,至武 和 即即 埒,則是立石 末行「元和三年四月」數字,與前 所存 年月之例, 仿其 仿虞法爲之。太宗《賜 唐 未 勅、至 手 楷 鑿壞之字,其 前文書之,如出一手。 勅 中 后時始 I時仿 遠 |開元時立石,而 可 勝睿宗之《 武 相 愐 其 題 陳 侯 證 書也。 諫 額 祠 也。 口 之《南 前 記》, 辨 順 者 碑 少 相 虞書《孔 是 林 風 尚 開 陵 海 E 行 旦之 力 寺 文字 神 碑 皆 元 此 年. 廟

跋宋 拓 柳 州 羅 池 廟 碑

慶 云: 爲中書舍人、史館修撰,韓遷吏部,並 是朱子所見者即此 鐫改之,今尚 載是碑,可 拓本,長慶元年正月十 ·左衛長」下脱「史」字,則裝册時脱失耳。 「石本『團團』字,初誤 年, 沈 傳 碑書元年,蓋傳橅者誤也。 師 見知者少也。 刻 可見。」以此 三柳 類 編 州 本也。然朱子謂 載 羅 沈 池 日 朱子《韓文攷異 拓本證之良然。 傳 刻作『團圓』,後 廟 ,明白無 碑》, 師 墓 世 疑, 今驗 傳 在 而 師 不

跋法源 寺蘇靈芝書寶 (塔頌

撰。 張不矜者,耿仁 憫 忠寺寶塔 頌》,蘇 智之僚 靈 芝書, 屬 故 其 張 爲 不 思

丹於石 凡 謂 土傳 忧 明 頌 左爲前,疑從禄 死 經略」二字, 》是 書丹於石者,皆自後 继 於 草 州 聞 至 易 疏 也。 碑 未 去 城 史 而亦自後 實 内 中肅宗尊 疏 豈亦從誰之俗耶?● 系 有 語之時, 亦 是以 不 係 經 山 矜於仁智之下。 改刻者耳。 略 有異。 之俗。 而 號 軍, 而 與與 前者,若浯 而 竹垞云同僚者, 得置 史不 前。 不 辛楣據《唐志 知金石之文, 胄 竹垞 同,●當是 且有並 曹 蓋 溪 又謂 中 然 人 非 此 興 書 以 北 非 俱

跋唐雲居寺詩石刻

息 度 不 陽 都 知 益 縣 何 同 巡 丞 右 氏。 使 吉 唐 躋 人 鐢 王 逾 題《 潛 序 又 於 有「元 此 雲居 墨 日 客 勒 L 軒 和 四 辛 一寺詩》 轅 四 韻 西 偉、 年 秋 又 四 猶 八 有 月 月 子 駒縣 八 播 僕 前 日 與 有 潛 范 節 范

> 范 州。 武 是 著 不 而 惟 德宗建 陽 德 獨 尉 時 清 世 此 猶 縣 七年改 職官志》:節 0 六詩可 尉 在 延 中二年。 也 又稱 范陽縣,大 以 行 都 舊 節 補《唐籤 巡 唐 度都巡 則 度使, 范陽之縣 之名,則史志 書 後 曆 人 地 天 使 四 所 理 則 寶 年復於縣置 志 題 雖 《後置。 ***** 也 此 初 所 置 辛 時 喜 不 涿 此 序 稱 涿 不

跋石浮屠銘

武 撰 故 是 后 人 於上陽 名氏。 碑 右《石 書 日 浮 宫, 自神 唐 屠 中 復 銘 龍 興 或 元年乙巳 并 號 七年」也 序 日 唐,至 甯 中 思 是 宗 道 顧 七 復 書, 氏《金石 年矣, 位 不

^{●「}同」,稿本作「合」。

上「時」字,依文意疑當作「詩」。

文字記》蓋 其石不存者,是亦未之考也。 則 而 不知 并 「圖」,此石實是「屠」也。● 其 文亦 其 石今 僅 不具 見 尚 其 載,壹似信 存 拓 也。朱氏 本,故 止 以 顧氏之文,若 朱又改「屠」 日 拓 下 本 ·舊 目 之, 聞

跋唐石浮圖頌

解》固 邢疏 惟云「以何晏《集 官。」然陸氏尚不能舉包氏章 《釋文》云:「包咸、周氏,並爲章句,列於學 州 大孝之辭。」今碑文亦同此讀。 「孝乎惟孝」,竹垞引包咸《論語注》云:「美 歷 右《石 陽丞王利貞文,不著書者姓名。 如故也。 曰《書》言小異,而《論語》「孝乎惟孝」 明據包氏「美大孝之辭」云矣。 浮圖 其 頌》,太 稱注者,乃後來刊本注 解》爲主」而已。何氏《集 極 元 年 句之卷數, 予按: 八 、月建, 中 雖 陸 疏 氏 亦 和 云

> 字,疑「祐」字也。 石 所習者,而 所習,惟 對舉之詞, 志》鈔此頌文,失其 何 包 氏 氏 之《 與 固 包氏 集解 未 嘗 同 四 ***** 有注之目。 一句, 也。 而 已,不當 内 竹垞《吉金 昭 **福」「福」** 舍其近 mi 唐

跋唐易州新安府折衝李公石浮圖之

字 有 識 人名氏。朱竹垞《日下舊聞》乃於題上標 建,易州前遂城縣書 ,俗呼爲「絳」,其來久矣。 「雲絳」句、朱訛作 「梁高 」,「頤」即「賾」字也。 右《 石浮 望」三字,則似誤以 圖銘》, :「峰」。 助 開 教 元 梁 + 爲撰 絳 又曰 高 年 望 四 人人矣。 即「虹」 月 神元妙 無 中 蠷 H

| 「此石實是屠也」。稿本作「而不知此石實是屠字也」

跋唐雲居寺石浮圖銘

金石文所少。 云 適,故朱氏 舊 原 聞》目爲大 王大悦撰,不著 開 右《石 元十五年, 1 浮圖 節 其 悦 略 銘》,開 并 歲 書 書者姓名。 而 次 載之。 一,誤也。 、單閼」,惟舉其支, 元十五年二月, 是年丁卯, 敍文頗不 朱 八氏《日 亦 此 順 太 下

跋唐石浮圖後記

氏 縣。」 歲 賜大唐 云:「開元 《金石文字記》目爲王守泰書,誤矣。 ,朱明八 爲 右《石 新 石 經本 舊 十八年, 日 「浮圖 譯 前 事 經 ,莫州吏部常選王守泰記。 .後記》,開元二十八年庚辰 也 四 金仙 千餘 無 長公主爲奏聖上, 書 卷,充 人姓 幽 名。 府 范 而 陽 顧

跋涿州蜀王廟記

此 記 無 脩 朱皆謂闕, 以「居迺」誤作「君延」。 曰」、「廗」爲「席」、「什」爲「世」。 碑文 》誤作「居道」。 姓名 蜀 「雀」是鐫刻之誤 右 王廟記》, 唐 與 朱竹垞《日下舊聞》不載其 乾 字皆 可見金石文以目見者 寧 攝 四 沿 録 年,涿 又郭筠名今尚顯,而 爾 唐 事參軍郭筠撰文,正 人體, 州 顧氏《金石文字 刺 又以 史婁居 「 爲 真 日 惟 迺《 文, 顧、 崔 也。 一爲 重 又

跋唐竇鞏殘石刻

宏、章曾、寶鞏也。 某, 唐 前 鞏 五 殘 行 刻 則 存 源 薛華士 系 方 銜 回 七 銜 薛 行,後二行 華士、 是協律郎,

跋董文敏臨實際寺碑墨迹

之殘

石。

趙

明

誠《金石録》目次

核

慶

四

年十

· 月。

段

生

疑

此

或

是《

幡竿

心

經

》,元

和二

年

+

月,

幡

竿

頌

協」字

僅

下

脚

銜

部

員

外

郎

E

當

刑

字。

人《寶

刻

類

編

碑

在

青

第

千七

百五然以

十三《唐心經

》,實鞏

Ē

K

慶

年十一

月。

别本作「元和」者,

也。

第

千七百六十八《唐銘幡竿石》,

鞏

撰

并

E

書,長慶四年十月。

是二刻皆在

或

撰

《或書,

或爲《心經》殘刻,

抑《幡竿銘》

此長

刻

,實系銜

在

源、薛、齊、

韋

四人之後

則

慶間

其爲刑部員外郎,史無歲

月。

而

海岳 年 所 其 涉 實際 體 哉 至 明 帖 行書多矣, 所 一, 亦 用 作 勢、習而 少時,嘗 碑》, 知 ,僧懷惲 則 功, 敏 也 文敏 各 董 唐 言各有當, 自 臨 自有 亦《聖教 有 跋 皆 古 及 效之,謂之集古帖書。 取 何 固 行 云: 善爲融質之理。 有 帖 晉 可 由 無 書 不及。 賢書及六 謂 》之流 m 實自 不學右軍者 不得 初不與懷仁集右 唐 發 之 集 時 此 運 漫以一 韻 多 論。 即 右 耳。 也。」按 集 集 朝書佳 軍 若然, 乎? 此 語 至於 軍 亦 其 該 豈 其 盡 딞 此 則 實 階 在 米 唐 相 唐 此

按語補。文末稿本有「癸卯十月廿二日」。「董臨」至「作也」十六字,原脱,今據稿本及刻本書局

仕

於

此

也

書

法

兼

有歐、虞、褚、薛之長,

之足

録

者

以

前

五

人皆無官於青州之街,其後二人

本

州

職

官

耳,

不必

因

其

書此石

而

謂

亦

州

謂

此

刻

可

補史之闕。

愚

按此

刻,

刻

不可

臆

知矣。

段生又以史不言鞏

四三五

跋王仲堪志銘石

人。 也。 也。 州節 京 唐 其 卒於使蒲 謀,拜監察御史。 叔 齋。● 平述。 小并序 師 以 云「我相 外 大曆 前 碑字 其 度使、《雲居寺碑》所 唐 城 古 稱 族 故 公諱 東 旋役。 七年進 鐫 意 奉 **S**監 國彭城郡王任 而 隅 弟 勒 使 土人得之,石在 仲 艸 於蒲 盧 著録 御 葬於薊縣 士、擢 艸,「銘 堪 龍 貞 字》 史 節 者,河 金 元 裹 度掌 石 ,仲堪 第,充 十三年二 行 日」「日」字 家 稱 以参伍 燕夏鄉甘棠 太 中 書 無 相 節 と 原 記 翰林 幽 知 國 度使 州 州 王 監 彭 者。 一者, 月三日 公 城 編 節 安 察 猶 慕 今於 渾 度 修 图 即 次 御 原 冬 見 瑊 濟 妣 縣 史 志

跋楊吴石刻

也。 天祚 不見 行 太祖 之長 丞 改 公主 元 密 州 元 在 + 八年。 女。 内 於 妻朱氏, 者 太 + 德 墓誌銘》 右楊吴乾 福州 史。 年丁酉,僅十一年而 無之,此蓋 興 和 一月,故此序 即行、 ",亦在 結 稱彭 ,保大三年始入南唐,楊 楊 其稱帝, 銜 又渥、隆 》并序。 密 城 吴 貞 云「將 十一月, 也。 大卿劉 三年, 四 非楊吴之官矣。 Щ, 仍稱 則自乾 稱 尋 演 仕 凡 其 陽 危 公者 同 郎 故 順 四 母 德 公主者 13 仍 已。 義 貞元年丁 十六年, 日太 興 史 前 稱 七 其夫 撰《 年。 氏 福 乾 乾貞 后 州 貞 尋 氏 楊 丽 也 行 Ŧ 一之改 閩 行 陽 亥 建 其 王 年 號 氏 又 至 稱 密

文末,稿本有「嘉慶乙巳六月」。

 五 遺 篋。0 意。 代 史》雖以 揚 州 羅 盜 兩 書,然其 峰 拓 此 文 爲 與 寄 書 尚 跋 有 而 唐 存 人

跋 吴 越 鐵 券

諸

定。 使, 昭宗 行 剥 行 潤 新 威 足 勝 顧 銜 「社稷」,●自起 損,其字畫全者 ,行十四字,計三百三十二字。 越 閩 加 也 以 是券之賜,以 功」,諸 軍 唐 等 越」者,誤也。 檢 宰相 昭 爲 州。 校太尉、 宗 鏐,景福 鎮 賜 王 書皆作「 東 《十國 溥 旲 軍 中 一行書之。 鎮 一百 越 旌 二年拜 拜鏐鎮 書令。 春秋》、《 越 王 陶宗儀 破 顯 州 四 錢 董昌 功」,此字尚 干 鏐 潤 溥 券 海 -七耳。 又謂 鐵 輟 功。 州 請 第十九行「未 鎮 文 券 授 耕 刺 所 東 鏐 史, 以 軍 第 後 拜 既 宜 半 + 故 首 節 乃 鎮 諸 + 敗, 審 改 名 書 系 度 四 海

> 以 鎮 拓。第一行末「朔」字右半已闕 録》亦未之詳考 稱天寶元年,在唐天祐五年戊 年乃被賜券,自 示 「四年秋 ,爲書於後。 東 佩 節 刀剔去者。 度使在 八月」爲疑。 乾 也。 是 寧三 海 兩 鹽張芑堂手摹 券字 事 然鏐 年 秋 無 以 九 拜爵之後 足 嵌 月 疑 辰, 金 者。 即 ൬ 而《 其 故 以 明 文 鏐 高 不 輟 至 券 見 耕 之 帝 口 調

跋 王 審 知 碑

也 知 祠 碑 唐 而 勒 天 所 之 祐 稱 碑。 三年, 天 爲其 下兵馬 以 朱全 文 者 元 忠 禮部 帥、 奏, 太 賜 侍 尉 郎 V 中 于 王 兢 審

- 0 姑志於此。 文末,稿本有小批: 所據凡二十 八州, 而竹垞以爲二十九州,不知何據 「據馬令《南唐書•建國譜》,
- 行」,原作「字」,今據稿本改

四

碑 儉 敍 家 年 之立 駁正 月。 合。 補 春 軍 書·昭帝 四 僕射遘疾 ,帝恩遠降,人欲是從。」而 源據此 罕有及之 月, 審 節 所 袴 約 碑 尤誤 載 在 史也。● 知 此 而《 度 加 王 條當 光 猶 此 德 使 也。 通 紀 以 Ŧ 沮 錢昱碑云:「公躬受遺言,式俟 未 則 化元年三月, 政 王 鑑》王潮之授節度,亦 》:「乾寧 潮 且 正《舊唐書• 即 絶 之備 與 以史爲 者。 頗 潮 檢校 付公以 是 又吴任臣《十國 全 奇貴之 其 卒。」 翔 碑 忠 忠旗 象之《碑 也 實 右僕 自 也 正,不得 四年 Œ 戎 Ŧ 獻 而 歐 唐 昭帝. 少 亦與 與 射」之誤。 旅 其 象之外, 目》誤爲乾 審 史以盜 室之意 十二月丁未,威 /詹謂 又 潮 굸 知 取 、史暨 紀》「乾寧 吾 概 傳、《 不 春秋 酒 立 友 信 敢 賊 相 乾 寧三年。 著録 於 庫 錢 錢 金 在 朝 方 然《 目 寧 表 命。 酢 乾 早 載 三年九 小 石 鎮 裏,而 詹大 袋 金 寧 所 審 文 新 四 明 年 武 唐 年 以 性 其 石 撰 知 以 年

> 玉綸 完 詩 新 與 紀之。 安 月 好 斥 世世 程翰 商 七日,鉛 錢 邱 竟罕有著其文者。 盗 加 林 陳 方綱爲考其 販 晉 翰 Ш 5芳,集 之 林 蔣 意 崇本、錢 翰 同 林 方 概 綱 士 m 一銓、光 云。 齋 塘 如 乾隆 司 吴 此 翰 觀 豐 州 四 拓 林 碑 吴 + 錫 本 太 \equiv 至 常 賦 年 今

跋平百濟碑

六 餘 建 武 權 月 、尺二 塔於 懷素 衛 陵 大 平 州 白 書。 寸,文凡百 將 長 百 馬 軍 濟 史 江 蓋 蘇 在唐 或 判 上。 因 定 碑 兵 百 方等 銘 曹 十八 初尚存 碑 濟 賀 高 阻 討 行,今尚存千 遂 Ŧī. 新 平 古隸 顯 亮 尺二寸 羅 之, 慶 撰 貢 五 刻 遺意,不 道 洛 年 ', 闊 石 州 唐 庚 紀 六 四 遣 河 申 丈 左 南

辞、鍾諸家以後。海東石墨,此爲最近古

跋新羅鍪藏寺碑殘本

是 碑 六年,俊邕卒。 卒。其子先敬信亡,立其孫俊邕 王。元和四年,遣使金陸珍來 · 新羅 此 位 在 係 宫 銜者也 止 右《新 位 碑爲俊邕立 造像作 十三 傳 年,故 羅 年, 碑,殘 鍪 永貞 新羅 藏寺碑 此 重興 也 鍾 碑 廣 闕, 元 在 王 有 漢《建元 ×, 敬 不 年 位十二年,惟俊邕 「享國不永」之語 其 一,册其 信 具 或 貞 歲 朝貢。」即 臣金 考》證之,敬 月。 完 子重 一爲 + 陸 E ^ 興 珍 四 舊 此 爲 年 唐 +

太 妃 即 又按: 王妃 妻叔 叔 氏 貞元 氏 爲 也。 + 王 六年 妃。 元 -, 册 和三年, 則 此 俊 碑 邕 所 遣 母 金 謂 申 力 中 氏 奇 宫 爲

> 册却 武 開 《蘭亭》及懷仁、大雅 碑 是以 省受 歸。」勅: 爲 主 來 而 者,當即此 本 元 Ŧ 俊 朝 所用《蘭 是俊邕卒 切年 迴在 妃。 領。 以來,唐人集右軍書,外 邕 實 力奇上言 爲 是 「金俊邕等册,宜令鴻臚寺於中 ·即遣^ 中書省。 册 新 至寺宣授 唐 時 亭》字,皆與定武 使 後 羅 時 所 金 韋 王,母申氏爲太妃,妻叔 作也。 禁 其 陸 『貞元十六 丹至中路, 中所 王 珍 今臣還國,伏請授臣 與 所 妃 入朝也。 力奇,令奉歸國。」 碑 集 爲 刻, 行 字。 造 書,雜 本 國 因 知俊邕薨, 佛 年 合, 皆知 蓋 據此 流 像 自 播 乃 資 用 詔册 服習。 咸 於 知 右 冥 則 亨、 軍 福 此 其

跋新羅雙谿寺碑

時

耳。

新羅雙谿寺真鑒禪師碑銘》,大中四

權、表休之間,亦略帶行押體。 一種「愍」、「泯」皆闕避唐諱。正楷,在柳公政師「愍」、「泯」皆闕避唐諱。正楷,在柳公此碑所記真鑒禪師,俗姓崔氏,其入唐時此碑所記真鑒禪師,俗姓崔氏,其入唐時此碑所記真鑒禪師,俗姓崔氏,其入唐時本十二,與於為之間,亦略帶行押體。

復初齋文集卷第二十五

門人侯官李彦章校刊

真艸千文跋

實 進 米 見 所 董 而 半 書。 未 庵 北 亦 禿 得 所 所 宋 昔見《樂毅 鑒不 確 藏 元 竊以米 拓 則 家皆極 據 锋 舊本,鋒 符 亦 虚也。 以 刻 頴 不甚蓄 質之也。 本,乃 庵之言爲 **添論**》吴 畢見,則又疑其用筆太過 推 潁圓 若智永《千文》,向見陳 賞 曉然 此 江 Ш 雋,則亦有此疑焉 其後習見近拓,鋒 疑 得 張 邨本, 圆 於晉 矣。 其 * 實。 庵 唐 今見此 美雋 Œ 其 是 脈,信 宋 後得

疑

不全。 真宗諱 刻 此 君 若 鈍。」更覺 程易田亦云。「見宋本『敬」字,右末捺下半 之,如首句「黄」上一字,及「桓公匡合」 員 「匡」字,皆闕 九内「恒 之諱 1熟,未 調 石 所闕,則 原 之理? 蹟 不敢 而今拓者,皆出 岱」「恒」字並 必 有 顯 隋 刻 其 然,「敬」字是 人所書 此 末筆,此二字皆宋初 末 其全字,則 則知其爲宋初人所書無 石刻於大觀時,豈 筆,而宋人上 如 不闕 此。 後人添足,勢甚笨 宋 如真宗名恒,而 筆。 因 初 復字字詳 如果 石 祧 時,因 廟諱也。 有不 諱 宋 澼 時

亡 陽 歐、蔡所見,乃是智永《千文》真 歐公不見全本,惟薛氏之爲功 精 考金 闕,後人妄補足之。 已云有筆法不類者雜於其間 向來著録家皆忽焉不察, 石者,亦收 入此帖。 是歐陽所録 圃 如 孫 石刻, ,疑其石 甚大。 顧 退 亭林之 谷 反 而歐 有 謂 按

怪 古 至 因 信之,從 深 觀 亦 所 且 其 論 明代 書者 今耳 考, 見 真 無 歐 己 X 不 艸 人家 真 所 書 陽 \mathcal{H} 全 江 遽 董、邢 人名 楷 所 著 之 相 亦誤 邨 無 以 已 薛氏 舊 見不全之 $\overline{\sim}$ 間 拓 本 人石。 是 糾 寶 氏 藏 同 本 平 諸 行 信 白 刻 正 能 此 耳 幅,遂冒 家 帅 相 一之者。 餘 類 品品 蓋 蹟 傳 書 後 年 鑒《定 編 了, 一行· 極 北 拓 至 之 並 人 前 推 宋 本 捎 語 列 遂使 因 鐵 舊 則 宋 初 明 适 真 者 而 亦 門 薛 皆 紙 後 年 誠 巓 楷 未 否 鐫 墨 -之書 北 限 氏 並 重 亭》,非 ^ 耳 明 勒 工,薛氏 書之《 之 宋 所 無 金 一行 之。 o 言 人 刻 」蹟, 名 石 此 其 而 書, 艸 目 録 樂 則 不 留 踵 不 至 薛 果 氏 是 傳 偶 暇 大 毅 何 知 而 及

字 前 自 īF. 同之理。 起 楷 蓋 一、若鍾 自 嘗 因 收 是 之《 開 直至宋 而 闢 力 繹 縱 命 思之: 擒 以 × 後,乃 起 王之《樂 自 伏 古 向 有 背, 書 通 毅 家 體 心 皆 無 唐 員 熟 以

> 艸≪ 沿 尚 是 對 + + 鍵 涉 題 之 云 隋 依 平 圓 始 ,不可不亟爲訂 智永《千文》之目, 三行與江 書 而 千文》 豊 意 從 熟,不 其 1 行 智 疑 無 永石 行 此 爲 復 然《樂毅 次 宋人 亦 古 似晉 可 文敏 來 | 邨家《樂毅 本 猶 位 意 矣。 相傳之智永《千 者 之 周 者 置 人 亦 論 宋 渺 膳 耳 正 格 此 惟此《千 品 × 乎 以 o 者 部 制 直 無 十三行雖失古 爲 實 後 唐 也 論》, 輩所爲。 也 題 古今 海 以 文 荆 日工北 内第 稽也, 字 文》,則歐 Ш 昔 書 文》, 家 事 每 説 勢 藏 宋 竟 Ē 謂 亦 理 j 不 亦 口 荆 以 至 益 書 其 大 當 陽 復 何 作 Ш 加 真 所 仍 如 家 而 兀 逕 明

次、 畏 永 書 位置、字勢,與 以 真 南 下 宋 帅 至末, 末 千 文 ^ 羣 凡 **>** 殘 玉 真 薛 本 堂 艸 刻 帖 僅 悉 **>** 存 同 第 囊 惟 卷 行。 箱 腴 潤 易 隋 勝 其 輶 僧 行 於 攸 智

就 薛 所 爲 其 刻 行 者 mi 次 其 ·見前 位 書 置、字勢之悉 中 半, 遒 勁 不 亦 能知 間 有 同 其 不 闕 則 埭 筆二 即 薛 此 刻 處 一手

何

帖》本 氏《經 七十。 智永 留 也。 刻 愐 陳」者 (其目· 意 見 年 知 書一本訖,而 其爲 蹟 爲 四 乃 隋名賢帖, 書之,此更驗是後 又特出永欣寺, 名《閲 典 未有於 此欵記二行 陳 末 略,見曾宏父《石 月 釋 此 六 行 真 至 文》, 則後 後 古堂帖》, 日 德 耳 低 未聞 元 稱 年號上著朝代 於永欣寺留 此 數 人僞作 年 爲 癸卯 愈 有 格 有智永《千文》。 此 也, 又特著 以 半 下 向若 語 人裝點之僞。 歲, 未 刻鋪敍》。 驗 智永書者, 艸 者 則 有 其 水 亦使後 薛 乎?《羣 年七十, 意書之, 於 \(\frac{1}{2}\) 爲 爲 者 刻 僞 韓 至 無之。 作 德 其 侂 假 人 即 陳 枏 又 無 考 如 假 玉 豈 陳 至 云 加 德 有 疑 核 年 加 年 陸

> 耳。 僞 目 有 必 智永《千 更不疑 然則 當著之,是 因見 文》, 也。 此 自 其 刻 爲 而 益 陳 閲 信 至 古 吾前 1堂帖 年 跋 未 足 刻 則 信 帖

嘉祐石經跋

本,無 字耳。 楷法 堂 用 度 時 弓》殘字一石, 僅 寫 虞楷 非 重 存《書· 經,蓋 刻《 實 出 經文言之,則莫善於《 宋《嘉祐 由 意, 本虞永興。不見《廟 去 廟 以 手書 年 洪 堂 爲 丽 見 於 範 不 碑》之上 石 校 永 也 ×, 及此 則篆、楷皆不及前矣, 陳 經 定 興 留 》,篆、楷 周禮·天官》、《 經文,非 楷勢,此在 遠矣。 佛寺, 天官》、《春官》二石 ,雖《唐 又得 洪 爲 昔 堂 開 體 範 五 筆 鄭 碑》 成 各 代 ^ 勢 康 春官 石 禮 唐 也 成 時 日 松平 行 記 刻 於 Ŧ 知 哲 禮 節 檀 殘 亦 原

亦足證 哲从 異者,徒多其詞説耳。 昨也」,依鄭作「酢」,此 舍,宜多拓以傳之。若《春官》「諸臣之所 哲」不同。賴此石經以正定之。 此字也。 今板本《易》、《詩》皆作 詩》「或 易》「明辨 石,予昔嘗見其拓本,今必尚在開封學 H 許、鄭之合。 也 皙或謀」,亦當从日,與「既明 白皙之「皙」,下從白,又非此矣。 一,今板 断也」、《詩》「明星 本 皆 而 从 「晰」,日旁加 近 石經篆 П 人轉有謂許、 不 晰」「晰」字。 爲「醋」,是 知 而《洪 此 析 字 範 鄭 Ħ. 即

跋宋嘉祐石經拓本

「醋,客酌主人也。」「醬醋」之「醋」,則古本「酬酢」之「酢」,古本作「醋」,《説文》云:注:「昨,讀爲酢。」《釋文》:「才洛反。」此注:「昨,讀爲酢。」《釋文》:「才洛反。」此

宋石 本指 石 如 切。」是唐末宋初二字已互 鉉 作 此 經 曰:「今俗以 「酢」、《説 ,豈得全謂之佚乎? 經爲佚,豈知今所存者,尚有關古 猶有存 ·猶以「酬酢」字篆作「醋」,具見六書 文》云 者。 醋爲倉 而秀水朱氏《經 . 酢 故切,以 醢 也 訛 矣。 酢 酢 。今觀 漿 義攷》 爲 也 在 訓 以 宋

跋泉州萬安橋記

橋。 句可 六字爲贅,又謂「以」字未穩者,皆文人相 文至簡括矣,而議者猶謂「如其數而兩之」 於相」句,「之」、「於」二字,當删 錦堂記》,張安道摘其中「以武 洛陽天津 删 陳善《捫蝨 按 者,是 程大昌《演繁露 橋 案 未 石 新話》乃謂 考也。 爲 趾 而 昔歐 取 泉州 是橋 則 陽 焉 康之節來 萬安橋 永 皆如此, ,故名洛 其 叔 作《書 沿治 此 陽 此 因

法。 顔 并 後 本者 拓 石 家 者。 拓 不 之 定 論 可。 之後 謂 此 何焯云 之, 刻 其 也 前 蓋 以 側 用 半 蔡 資 有 虞 而 杓 近 重刻者趨 、之行 此 考 小 法,是未知 以 日 字結 刻 核。 題 此 前 書學虞,正 詠 碑 半 銜 記 人瘦 家 擬魯公磨厓, 重 以 乃 前 或或 開 勁 後 語 半 失 謂 爲 故 訪 人 真 書 此 所勒 重 清 則 見 非 碑 刻 源 出 新 自 得 用 也。 官 拓 於 宋 虞

可

跋 瀧 当 阡 表

月,其時山 阡 文」云云。 文》,稱「直 年之前。 爲 牧 龍 仲 知 按 谷官葉縣 神 且 筠 泰 借 黄 是表撰於 廊 和 集並 觀 令,以同 偶 事 筆 尉 并 無 距 此 載 、熙寧 載 文 其 邦之誼 歐 黄 也 知 陽 魯直),牧仲 泰 文忠 年 和 甲 命 尚 戌 直 檄 瀧 不 在 .四 爲 龍 出

> 歸 不 石 而 則 邊 妄 載之 有 是 知。 蝕狀 時 耳 初未 而 文 嘗 俗 忠 有 傳 撰 以 以 舟 此 爲 載 表 龍 歸之事 之 爪 明 之形 年 也 其 乃 妄 碑 乞

青州。 撰 堅 黄 知 受,故不 F 編 寧三年夏四 額 宣 蔡州。 於在青州 日 故不敍 魯直文、於文忠、文節二公年譜 徽南院使 年 其 不受。 録 也,不得謂除 歐 陰 V 昔吾 陽 則 敍人系 所載太原之命,當撰 其明 文忠 歐 人 時 判 月十五日,時公以 事 友錢 陽 系 年七月歸 太 在 撰 氏 則宋牧仲《 街。 銜 原 竹 書《 是月壬 世 耳。 命未下矣。 河東 汀攷是碑,謂 次 予按公《 瀧 圖 至是 經 潁,遂致 置 申, 也 西陂 略安撫之命, 阡 0 年 壬申,月之 表 年譜 兵部 碑 是 蓋 七 類 \forall 時 碑 仕。 以 月 ^ 稿 并 辭 ×, 除 宋 尚 撰 自 是 宰 所 是 乃 命 命 書 於 碑 時 題 未 知 熙 所

29 四 H

不合 軸 屬 予 既 爲 題 嘗 識 詳 ,故攷據其實以 辨之矣。 敏 齋 比 著徵信焉 部 裝 拓 本

跋東坡隸書石刻

以 中藏 字。 刻 即 軾』,凡十字。 久 「禹功、傳道、 宋 云。」今見拓 不知 「石高尺八寸,圍 嚴壑,皆曰 埋没土苴 行, 知 密 王 八分書,云『明 文簡 州, 縣 九字, 文 甯 坡 へ簡 嘉 居易 公公超 本, 坡書滿天下,而 明明 字 一太湖 何 猷,伐石爲臺, 明 逕寸, 則八分書三行,行三字 由 録 萬曆十九年,縣 叔、子瞻 然 * 致 石,然不 二尺八寸,●質甚璞, 叔 臺 誤 隸書, 傳 . 在 也。 道 焉。 遊」,並 諸 類 禹 八 城 自左而 庋 \sim 分僅 功子 縣學 也。 諸 ,古東武 置 人陳 無 城 石背 明 瞻 有 見此 軾 某 倫 石

> 嘗以 叔,膠 謂 傳 《烏臺詩案》云: 道,閩人。《吴都文粹》載 州 爲先生密州僚 劉庭式事》文中。 詩、云「南閩章 在 守 坐變齊俗緩。」 太博、未知孰是。 喬侯瑚 軼 甲寅 密 韻。」是其名傳,灼然無 太博宋有太常寺博 其出 其名者,第弗深 州 方 西人,鄉貢 綱 、或在乙卯、未 時 璉 知欽 按 質,清 常 换左藏, 與 東 州 屬者是也。 據此詩, 其氏,傳名,字傳 「熙寧六年正 坡 在 進士,有行義,見坡公《 廟 坡 人 詩 九 嘗薦盤。 詩《次喬太博韻》云: 士,又國子監太學博 唱 中, 考也。 年丙辰, 知欽 可 則 和 煕 定 疑。 查氏 蘇子美贈 其後十年,至 州 率 也 奮髯 喬 趙 月,作詩次 申 注以 而《諸 則 其 敍字 杲 寅 章 此 後 道 百吏走, 卿 喬 傳 章 同 除 Z 『城志》 土,此 禹 字 禹 傳 字 遊 知 卯 功 明 章 又 道 傳 或 施 間

● 「圍二尺八寸」,原脱,今據刻本書眉和稿本補。

友善,自杭至密,皆在幕中。」 致先 時、《次韻傳道》詩有「子粲還予授」之 本,乃先三人 予觀之,乃 人,三人者皆不當先於坡。 密之僚屬, 城志》所云 又《諸城志》云: 云膠西人者不合。 未谷書來,云 知登州,過密, 明 依 矩,求諸 注趙明叔爲膠西 叔嘗官教授, 舊 八而後 大近《房彦謙 「當得 傳道 廣 文貧 坡,則 以其實。 坡公書迹 爲密守之幕客, 分法 老守 「章傳 以其分 次 而非 則三人者, 坡文云「 與 碑 韻 時 教 爲 漢 書 生 道 必 趙 遭 而 授 是 出 通 與 其 最 唐 今觀 明 醉 73 守 明 不 坡 坡 教 叔 則 尉 八 禁磨· 浴 跋 Щ 官 則查所未及 二十日 孤 三並 年十月晦 H 五 島 則 去耳。 亭, 日 此 與石 刻 詩, 面 被命 也 手 是 去

句,《

諸

杭

州

禹

功 爲

叔

爲

密

石

公手

無

疑

見

唐

分

隸

之正

以

與

施

氏

原注

趙明叔」,蓋

授於密

也。

嗔

二云云。

查氏

喬

禹

功》「先生

Z

 \mathbf{H}

,

東坡

物」「豈」字作「不」。 有「云」字,「神功」「功」字作「工」,「豈 此詩」「此」作「是」、「龍鍾」「鍾」 而 神 理具存, 查氏 僞 刻同。 皆 也。 也 公以 一眉 書呈 以 不 刻 禮 補 Ш T; 可 部員 施 蘇詩 是年十月十 全 注 扶 孤 寶 氏 下二字、蓋 叔 引 至於「廟」字作 風 也 此刻 外 原刻本,「神工」、「 鳥 承 石 天 郎 石 刻云 議。」又「父老」 本 和 筆 召 予所見若 寺 法 還 小杜,則 五 淳古, 公名, 朝 木題 日 廣 作 故 到登州, 州 一祠 鐘 雖 小 廣 云 以 亦 知 元 州 到 黨 造 金 勝 龍 下

ĮЦ ·Ł

跋禪智寺蘇碑

仲 陽 能 拓 其 繒 樓 并 二跋 嘉 送 司 車 守 本。 好 次 詩 訪 野 李 往 靖 叔 理 誰 師 以 搨 徑 辛 孝 斯 韻 揚 揚 節 時 治 當 方綱 蹟 勒 先 H. 博 州 州 與文忠 訪 孝集》, 且 行高 是,石 久矣, 蜀 奉 禪 石 時 以 殘 髯 續 按 其 出 使 智 訪 墨 翁 碑 唱 第 嶺 寺 盛 側。 得之,屬 蹟 **人**斷 相 遺 云孝 到 蘇 會 和 即 表 儀 蘇 爲 會 蜀 墨 門人 伯 之 拜 詩 文 汪 IE 岡 萬 於 冷 博字 仆 固 盟 一堯峰 廣 忠《 こ記 也。 揚。 斜 曆 名 謝 寺 東 明 或 陽 己 次 堅,鎮 僧 叔 今 藴 提 人 詩 今此 初 91 李孝博 此 韻 升 年 Щ 點 陷方 重刻 云 新 事 游 沔 伯 守 夏 刑 江 城 陽 石 而 人 也 固 揚 獄 丈 於 得 本 此 時 盡 鶴 王 陳 游 州 壁 石 所 文 見 自 説 影 蜀 博 方 文 間 師 簡 徐 寄 綱 蟬 燭 Ш 學 屬 洣 有 岡

> 起, 道 山 IE 縣 字 一, 因 同 半 所 亦 叔 爲 有 泐 黨 葬 而 《斜 此 焉 兄 其 滴 詩 111 弟 事 門 石 墓 後 得 特 刻, 誌 人 吉 異。 張 学 壤 遂 警 拓 於 家 文 以 堂 汝 於 忠 見 銘 州 潁 晚 寄 假 郟 昌 居 守 與 城 陽 懷 之小 此 事 羨 慶 見 蹟 晁 峨 疾 筆 以 嵋 不 法 郟

問: 墨 邪 命 博 衣 彼 立 知 今日二蹟 ? 吅 當當 碑 縣 一先 門,遺 作「初」也。 嶺南詩 事 明 摹 第 相 》、王文簡《池 其夜夢 末 濟 勒 生 見。」是年七月, 適合, 南 盗 於 今 句 張 伐 石 卷, 集 也 何在 石 其 豈非 作 青 藴 自 乃 只 青 冢 ? 衣 Щ 北 作 東 篤 衣 柏 老 翰 日 既 偶 忽 坡 行 長 曰 : , 鶴 黑 -: 或 墨 以 和 談 歌 不 謁 方 精 朝 公韻 》皆 東 見。 事 墓 蹟《蜀岡 記 翳 靈 至汝 在 順 坡坡 下 之。 天假 蟬 載 臨 治三 張 遣 方 復 此 汝, 異之, 州 致 周 送 緇 之 亦 事 爲 年 謝 公 櫟 緣 李 有 桂 亦 從 孝 至 樹 者 東 因 青 而

跋 表忠觀 碑 小字殘

庶 以 踵 前 督 風 流 於 什 本

和

俾

刻

於

石

側

耳。

跋 湧 金亭石刻

有蘇 熙寧 脩亭之年也,姑存鄙見於此 糊若 愚意度之,似首行云「東坡先生書石 前跋隱隱有「四十年」、後有「五年」字。 子計,至金承安五 河南志》云:「湧金亭在輝 百 由 此 四 十九日二云云。 四十年」云云,末行云「承安五 書,金主簿李天瑞重 唐許 坡 、恐今石益 年辛亥,有《傳堯 兩 入京, 至 河南,一在 有《阮 難 年,正一百四十 飛舞矣。 此已是舊拓 籍 俞 |脩。| 若 嘯 嘉 縣西北,百泉亭 濟 此當考李天 臺》詩 祐 源 艸堂 Ŧi. H 本, 年 年 年。 一嘉祐 庚 後 + 而 一在 庚 模

然乎? 吳興。 自然, 爲易 事。 系銜 取 時 壁之片石可知已。 碑陰」之句。 送之」,有「墮淚行 詩引》云「元豐二年,通 熙寧十年十月,其時先生正 以 厲 刻 樊 年二月移知湖州。 右《表 石摹刻。」則其原是大書益信 與大字 先生以 即 問觀 石 榭作詩, 此二石字亦勁,或出 所謂通教大師 别作 忠觀 亦卒工 本 則其 熙寧十年 同, 碑》殘 乃欲以 本 石是豐 看 乎? 陳柯記 其 會 自無不 石 日 四 者。 教自 小字者爲真, 祠 趙 二片,小楷書 月到 云 碑 下 權知 清獻 在徐 未也。 集中《 大書, 杭 可 蘇 「舊碑 挂名争 徐州 來, 蹟 徐 請 也 而 州 見 送 立 因 不 圃 而 殘剥 祠 軍 後 其 非 欲 予 通 必 碑 而 陷 刻 於 中 近 在

Л. 29 九

爲當日之原碑也。

跋孔氏刻蘇書乞常州居住表

州 揚 州 後 + 年 也。 本 中云「今雖已至泗州」,此作 楷 以 始 州。 四 ,七月過金陵,十二 書《乞常州 云元豐七 月十三日,有《竹 疑 月,先 跋。 上 曲 本集是表視此本前後 之。 此 此本 阜 蹟 扎 此 生 也。 又前 是 氏《 年十月十 帖 居 離 其 刻手 鑒 住 後 黄 初 真帖》内 表 增改其 藁, 州 不工,然是 》,後 九 西 0 月 寫 日 訪 五 在 就未 1,刻蘇 文爾,不 則 慶老 月 多 有 泗 沈 揚 出 由 州 知十月 E 詩 州 五 石 九 直 度 文忠 百 田 蹟 江 歲 必 而 餘 攷 公小 援 己 至 無 董 至 此 泗 到 本 筠 是 疑 思 而

青廣濟行録碑後

之事 元豐僅 語。 謂 精 楷 王 館、居京師、安得有南遊漳 孕,果生男。」 攷坡公於治平二年乙巳 有 其 氏 圓 而 ,故撰坡公年譜者, 「元豐十四 凡千三 年, 生子邁」之語, 又其 跋 生 右 兼有 愐 唐 案傅菜《紀年録》於乙巳冬書 語 男 因記 焉 百 中所謂: 王 極 也 得 褚 百 渢 年,亦 似坡公手筆,而 年正月上元 夫人 法 七 有 不 廣 + + 知 字。 濟 有子邁也 不 四 不 「余以 蓋王夫人卒於乙 此 大 應有 知 年? 於是 文 師 其 字 乙巳 書」者, 何 行 如 石 :「未及 水禮 年冬記 而 録 以 , 在 黄 小楷之工 非 唐 碑]冬往 致 何 豆 是 咸 廣 則 千年」 斯 處 許 并 年 王 濟 通 元 訛 跋 - 冬乃 第 直 歸 曹 粒 夫 E 夫 師 至 \overline{h} 史 之 所 粒 塔 丽

爲 求 미 跋,爲 此 書於後 則 不 可 解 者。 耦 賓孝 廉 以此 拓

跋米題盱眙石刻

郡 祕閣 陽 戌 筆 在 + 題 於其 卷。 也。 東 軍 爲 和仲先生。」 一時 崇 坡 著《春 右 《通訓》自序曰:「少聞《春秋》於 後。 也。 二張 寧五 袖東 殁 後 大亨米芾丙戌歲」、凡八字。 得 秋 五 張大亨字嘉父,吴興人,官直 年,米老年 通 此二紙 年, 和仲先生, 訓 而米老書 》十六卷、《五禮例宗》 以 五十六,正 則 其一見餉, 東 益 坡 奇縱 也。 其 知 并 晚 此 屬 歲 捎 淮 脹 丙

缺

畫

如

何?

此記蓋

不知經幾翻摹矣。

跋米書龍井方圓庵記

三十年前,友人以杭州翻刻此記拓本

見示。 又不 本。 缺 峰密圍」之下、後 本,不特遠勝杭本,并遠勝 杭 畫 石又屢摹耶? m, 知《墨林快事》所稱有誤之本,此二處 蓋寒山 快事》 予適得寒山趙氏舊藏本對之,然與 石無 本即 所 泐 稱 幅 痕 從此摹出 杭 今見春 「諸法 石之誤 則 此 本 同體」之上,皆有 湖宗 也。 子 皆 亦 ,所藏 不相合。 重刻者矣。 然前 丞所得 寒山 幅 舊 此

進。」 學晉人之時,宜其用筆得晉帖意也。 義 是 三十 在 公於黄州, 爲 黄 ,正恐《寶晉》、《英光》諸帖皆當讓席 初 三歳 人争拓 州 攷坡公元豐三年二月至七年 翻之本。 米書此 ,此記書於元豐六年癸亥,正 承其緒論,始專學晉人,其書 温 ,不久即壞,是以如此舊拓, 記 言平 叔皮云:「元豐中,米老 最見筆意,元豐癸亥,米纔 米書者,正當拈此 四 爲第一 是 月 蓋 謁 耳。 尚 原 初 大 坡

安得訪求其初刻舊本,以問津晉法乎

?

跋米書寶藏字後

降 大 刻 Z 名 當 仕浛光尉,以方信 此 有 大 來臨清,始覓得 癸丑 於浛光 而 西 刻 刻 光 字,左題云「學博 「黻」、未作「芾」也。 在熙寧癸丑、甲寅之間,年二十許,其 此刻,●而未得 刻 手 一、銜名有詳 無系銜 司, 予昔於 春 摹 於無 今移英德縣 耳。 重 月八 勒 「學博士」三字,蓋明嘉靖間 廣 爲 於 是米公五 州 東 略,實一本也 拓 日。 臨 見也。 英德縣 本,而 孺所撰《畫像記》攷之, 而 清 士米 内。 後 學 此二字則崇寧四 十五 人摹刻 舍, ·芾書 後三十年,予按 見石 又聞 石已亡矣。 加 歲 0 刻 系 臨 於臨 時 按 清 以 此 寶 所 米 詩。 碑 大 清 公初 寧 臨 元 也。 時 乾 又 年 所 清 試 在

跋伏波巖米題字

勝哉 若得 横放之作,而豈知其 林、岳麓、 粹 矩 生者哉? 朝 度。 過之,以視外間 、唐人出也。 有力者彙刻《孔 米公少年 今見 藥 予嘗見浯 此伏波巖字,正 洲 號 米公諸 今米書翻 彙刻 集字,蓋 少年之筆蒼 溪題字,清 廟 題 米 檜 刻者 成 費》 帖 其 與 多 結 帙 及 倜 相 挺 贋 秀 法 焦 乎 埒, 有 出 爲 皆 遠 Щ 非 於 唐 老 從 而 深 性

跋高麗靈通寺大覺國師碑

高麗靈通寺大覺國師碑》,在宋宣和

● 「大寧寺」三字,原脱,今據稿本及刻本書眉按語補。

效歐 東 + 此 之結 金 坡 年 罕 行之末,結體 爾 字,右 陽 Z 亦多忽之。 富 詩 「勝」字, 知之矣。 己。 率 體 抽 所 更。 純 撰 云 頂 所 、吴彦侯 用 與左声第二横 右 唐 歐 謂 正與 此在《虞恭 求 韓 宋 上 大 法 諸 老 以 横 覺 者 此同, 書 子 東 來, 國 斜 也 并篆額 西 或 帶 師 中華石 求 而 者, 即 似 相 法 尚 公碑》第三 今日 如《化 行 者 名義 齊 得 其正 墨未 習見 舊 泐 也。 度》 天, 損 書 又 有 歐 如 第 車 即 似 碑

考定

而

系

長歌

於册

跋羣玉堂初拓米帖殘本二首

堂 玉堂 寶 公普》、《 帖 此 米 英 帖 案曾宏 光 _ 韓 集》具 + 侂 八 父《石 胄 行,予 載之,下 自 鐫 刻 其 鋪 所 家藏 敍 注 藏 云「見《 舊 墨蹟,名 「《羣 鈔 本 羣 玉

> 勝。」 紙墨 定 今名。《閒 閲 爲 也 韓 當 蓋 亦 以 堂 此蓋 時 韓之客向 妙 罪 帖 初 者 死 ×, 其 拓 其 軒 米 其 無 第 帖考》云: 帖 若水精 第 疑。 八 、卷之 視 祕 八 紹 秋 省 卷 興 史出 於鑒定,帖 殘 米 帖 此 嘉 本 元 以見眎, 帖 定 英 章 摸刻 紙墨淳古, 改 光 書 元 堂 乃其手 極精 帖 開 因 禧 俱

坡 詩 今見 歐 知 云: 得 向 之矣。」 題 们 讀 陽文忠於潁州,作《會老堂 東 富 坡 趙 蓋 米 坡 此 此 帖 文 兼 老 叔 魚 字 叔 内 切 帖 詩 平 自 平, 云 佚於世者多矣。 古 歐 曬 以 乃 : 一、趙 閒 帖 趙康 爲 知 箱 眉 之文,蘇 前 專 趙 筬 陽公跋趙 靖 切 康 注 科斗長 也。 歐 靖 家未之發也 集 陽《集古録 亦 康 八 竟不載 收 叔平 米老論 詩 靖 收 古帖, 》,東 自 古 家 鼎 南 古 則 ず, 東 坡 京 鐘 坡 訪 又 和

推服東坡,不知所論古帖云何也?

跋羣玉堂米帖

晚歲 今此 又學褚,最久。 (劉寬 如此 法云:七八歲時學顔, 2册,孫 書 一云云,是八卷之下册也。 羣玉堂帖》之第八卷,是米元 碑》。末言老境所得。 而 後 退 無名欵,其印亦不分明。 谷 又學段 所藏,每 季 後學 幅 書,又學師 有 則 柳,又學歐 紅 此是米公 米公自 字「八 元章書 宜 蓋 下 敍 原 官

也? 編》作「段全緯」,此作「全繹」,當備考也。 然米公少時 而 景 唐史表傳皆不詳其行系。 雲寺石塔》、《李詠墓志》,皆所書及篆 所謂 師 宜 段季者,蓋 官 學唐 書 一、世 X 所 羅 墨 存 讓 卿之族,唐 漢 書 碑 宋人《寶刻類 而 無 此 其 不言 元 和 何 間

> 則 聚 師 明 影乃 誠《 宜 同。」趙明誠 官 桓 金 ,未知何 石 撰 録》云 、後碑 不能考知 所據矣。 . $\overline{\wedge}$ 不 劉 知 其 寬 何 誰爲,而 人 碑 所 ×, 爲, 據 米以 然字 藝 文 爲 類

書之 賢 銘 其 爲 體 IE 之意 主。 意 書 楷 統 自 而 不 米又援石鼓、詛楚文,蓋 輕視 而 取 米所謂學歐、褚者,固 緒 專 居 耳。 趨 小字,則恐啓後學 ,然即以 行 切 昔岳倦翁亦以 少乎? 艸之獘。 今體書言,亦當 吾於此帖,取 豈得 凌躐 未 因 米 不 知 遠 欲 老 高 何 其師 企古 以 系 僅 談、 īE. 於 以 昔 鼎 棄 書 六

跋米書章吉老墓表

「大觀元年歲次丁亥,丙午月,丙戌日」,曹州。至南宋末,曹之格有重刻本。碑末云州。至南宋末,曹之格有重刻本。碑末云

理乎? 曹刻 刻 Fi. 逆, 本 月 所 訛 朔 短 後 也。 作 妄 醜 人人遂 又豈 顺 「丙午朔」, 加矣,不思 殊甚。 石本之訛至此 若果 有 信 有日 曹氏 丙 今拓本 午 而 丙 無 朔 刻,於「月」之 原 ",則豈 月 午是五月, ,安得不著之。 并不知是 石 者乎? 「月」字 一有丙 筆 此 戌 丙 後 古 H 戌 左 勢 之 極 即 據 添 微

書袁州學記重刻本後

日一。 並 注 从「目」。 攷之志 有 曰:「盱, 三: 近日重刻一石 京兆 然《漢書·地 盱水,西 章友 ,音香 伯 直篆 于 袁 無 미 反。 乘及 一,一一,一一,一 州 北 額 疑 理 學 至 今不 者 一志》豫 此 泰 記 江」字,前从「日」, 南 伯《 與 昌 若「旴」字, 臨 原 存 行江 章 淮郡之盱眙 湖 石 郡 久 矣。 漢。」 集 河 南 南 城 師 無 縣 皆 柳 地 古 下 从 後 淇

> 《南 名、水 从 證 指 文集》三十七卷 有 重 考焉。 目 刻 麻 城 然則 可 源 其後 鄧 名 知矣。 第三谷。」 盱字从「目」, 氏 之 盱 亭詩 訓 江,定當 字 也 因 $\stackrel{>}{\succeq}$ 尚从 并 何義門 附 目,則 盱 作 見 題 盱, 舊 母 記 手 鈔《 江 於 跋 柳 从 頭 碑 云:「洪 直 淇 目 唤 Œ 講 書 也 渡 與 舊 李 使 此 先 觀 玉 皆 此 相 遥 父 生

跋遼壽昌五年陀羅尼幢

唐 去 乾、坤、艮、 金 也 知 以前 唐 石 其 末 文, 壽 所 遼 遠 書 道宗「壽 由 以甲、 五 致 巽代十二支,故此刻 此 語 年, 誤 幢首行「日」字尚 曰」之「曰」,形 乙、丙、丁、庚、 昌」年 即宋元符二年己卯。 當 據 石刻 號, 史作 以「壽 瘦 辛、壬、癸、 近 而 稱 壽 昌 古 長, 乙時也。 爲 遼 遼 而

楣 城 夫 、慕堂諸 南 宋 編修拓其文屬題,爲識於後。 慈 號以 悲 訓 庵 證遼 君 後 遊 經 圃, 想於 史, 已莫 四 而 此 + 能 未及手 ,辛楣每 年 詳 前予 致 平 拓 與 指 也。 説 蘀 此 幢 敦 辛 在

跋羣玉堂刻石曼卿帖三首

逐 坤 故 北 考古訓,每就今本傳寫之字衍繹以釋之, 也。 也」,尚於古訓不甚相遠。然宋人多不 沉厚專壹之義」,朱子《本義》云「下 有 失 八時,未 以 劉表作『跾跾』, 用《易》 石 因 追逐、 矣,況 曼 一商 卿 知 以 自 語 其 馳逐之義爲訓者。石曼 建 南 書 也。 宋乎? 丑 據某家《易》義,則 $\stackrel{\sim}{\sim}$ 一爲正 籌 遠也。」項 釋 筆 文》 驛 且 此 詩》 自是 如《 逐 平庵謂 歸 虎 殷 藏》 逐, 奔 古 商一代 之名 訓 卿 而 此 敦 咸 深 之 在 專 是 實 逐

> 之文體 徒 稱 是 又 不特 務 乾 專 坤,不 就宋 詞句之生新,是豈 如 爲殷後言之。 意中」「愁外」一 此 ·宜稱 坤乾。 禮 運 足以傳示藝林乎 此則經學之不 若後 日 聯 吾 人詩文, 之遠 得 坤 在 乾 講 自 焉][[宜 而

曼 書 卿 用 此帖在《 題 顔 名,大楷,則勝此遠矣。 法 也,然 羣 玉堂》末卷, 予 見岱廟 鐫刻 种放 詩 曼

卿

有

刻 自 明 年 此 署 一己卯也 詩 戊 曼 寅 卿 於 以 四 是實 明 詩著名, 廳 (元元 事, 年也。 見《蘆 在 仁宗 浦筆 朱 寶 節 元 **非記》**, 度復之又 間 在 此 此 刻

復初齋文集卷第二十六

門人侯官李彦章校刊大興翁方綱撰

跋宋紹興十八年進士題名碑

里。 祖 鄉、某里,其 藏者珍之。用是刻石於環 跋,云: 州 及祖父。 公記也。」攷此 梅 父 《宋紹 瑞堂後 惟朱子名下 則 是 紹興十八 今此 興十八年進士題名録 張 後 壁 明道 附 石,每 下方,有 録 原 年題名録, 全具鄉 重 則 石,每人 刻 每 下但 於 琅 里、年歲 滁 皆具 滁 邪 有 州 名 Ш 遷 翻 府縣, 實 、年歲、 中,石 刻詳 下 客 碑 具 張 爲 \approx 明, 小 書 爲 明 朱 在 無 鄉 某 Ż 道

> 是明 院刻本重 而 朱子同 可致,其所謂 重 弘 稽 刻 之,故 治 王鑑之重刻於紫陽書院之本 年録》者也。 以 翻 後所刻 其 而删其諸 餘 翻 人皆從 也 刻詳明」者 此石則 人之鄉里,是 略 也。 又從紫 則 張 明 跋 此 陽 名 弘 歲 月

其前 賦 有二 三字一行。 三月二十四 年一 小録」一行。 一月十八日、十九日、二十日 此 一行耳。 月十二日鏁院」一 石 第 又再次列,尚有「紹興 日 今皆脱失。 行 又再次列,尚 上列, 行。 次 尚 蓋拓手以紙窄, 一行。 列, 有 紹 尚 有「第一 又次 有 7 興 引 + 紹 列, 試 年 興 七 年 同 詩

子 州 名 此 此 次 刻 本。 此 於 碑宋刻已不 甚 低 滁 張 者 跋 ,於是盡 謂 意謂 此 存 石 削 歐 其 「爲 陽公 去 諸 勒之石 文公記 1登高 人 (之詳, 1者、惟 第, 」,是矣。 而 朱 滁

四五七

等乎 户」,當據原刻改正 輊 而 與 而 哉 豈 子 朱 時 大 必區别朱子之理學、歐公之文筆爲 ? 宰 子 略 子 則 名 和 此 > 數 朱子名下「自爲 是 議 同 列 語 鄉 盡 意 之説 最 於 貫 削 欲 小録, 後 後,大約 以 去小 尊 不 者 備 朱子 也。 相 L, 贵 當時 考 録之原 附 非 而 皆 户」,此訛作「父爲 和 是 附 未 故 朱 傅 固 録 本,以 子 知 會 尊 試官置之下 所 對策中, 和議之 朱 甲三人 以 爲能 子 尊 之 也 尊 軒 或

跋陸放翁焦山題名

字。 事 牛 申 道 後又行楷 故舊,有《京口 Ш 翁 陽守韓元 陸 年 放 吨 翁 題二行,十 題 以 吉 名, 左 唱 無咎 正 通 和集》,先生爲之序 四字。 書,十 直 省 郎 母 通 於京 行, 隆 判 鎮 興 五 口 江 年 與 府

> 《瘞鶴 撰《瘞 明,踏 爲放翁題名之年月。 云云。 其 於嘉熙二年,宜 之歲,在放翁卒後三十年矣。 年李濬、李夢得、 産 觀《瘞鶴 明年二月 也 上有 鶴 雪尋《座 銘跋》云「正德 今驗此 隆 銘 興 銘》。 宋 考》,遂據 壬 嘉 鶴銘》於石壁下,未至銘 拓 午,則二月三日 年 亟正之也 熙二年陸 韓 乃知昔人好奇,已先於予」 本, 閏 + 丁丑冬,與錢德孚、俞 乃知 都 嘉 題名, 月 跋 熙是理 其 放 載 二 十 後 陸 而 翁 近 也。 放 宗 都 别 題字、云『踏 九 翁 日 第 氏 有 H 都 題 汪 乃 庚 名 退 改 誤 元 辰 谷 貞 敬

跋宋光宗書誠齋字

茂 宋 光 奉 宗在 其 乾 隆 先 戊 東宫 文 申 節 夏 時 公 四 所 誠 月 書,事載 齊」二字 吉 水 學 米宋 石 牛 史》本 本 楊 鍾 岳

石 久損 壞 一、今僅 存 拓 本 紙 藏 於 其

即 此 本 也

雅健相 字不可 禮 次 計 皇帝陛 詳」六小字,識 竹絲筆,乘 皇帝陛 列 齋名進, 燕 九 小 爲 集 日 字 鳳泊 末至,蓋 ,今上皇帝陛下於東宫榮觀 ,約二十七行,云: 石刻上有篆 計 德臣 酉 酒半,從至玉淵堂。 賜 若 下 下欣然 退 以侈寒士 ,蓋天縱之能,聖學之餘。闕字不 心 而 再拜 興 揆、侍講臣 而闕字不可計。 畫 月 精神 超 以 揮誠 稱 戊 嘗 詣,雲章昭 額 清賞堂印。 □大命磨潘衡 謝 子, 千 飛 有 齋 日 載之闕字不可 動,似覺 請,因 惟 朝 淳熙十三年三 一,各傳 皇 侍讀 守高安郡,幸逢 議 詹事 帝 口, 了 贈侍 大 再 視諸 御 更勝。 臣萬 刻 拜 夫 龍跳 墨 臣 書」。 所 計。 申 直 邲 ,染屠覺 讀 賜 召召 里]字畫 一言之。 虎臥, 二月十 恭惟 於 官 祕 年 御 臣. 下 端 歲 檢 百 書 闕 可

> 首恭書 軍 州 事 管 内 勸 農 誉 田 闕字 不 可

> > 稽

齋凡五 上閱。 命既 好。」余、葛諸公既 除楊侍讀,得 卿、侍講尤延之上講堂。 云: 熙乙巳,史 IE 處 於是 以吴春卿、陳蹇叔、胡子遠 恭、葛楚輔白梁 遮箇 甚 恭對日 下, 按 一人連 文節 至胡子遠,云: 東宮 誠 初九 好也麽。 方 實,尤工 :『是也。 名進擬。 集 闕 非今日 日 叔 中 侍 侍 退,更相 余、葛二公與 丞 遂得旨, 讀 東 郎 相, 於詩。』太子曰:『 上 其 宫 也得 八月初 既 員。 封事極 勸 以 以 人學問 皇太子 賀 讀 誠 以 敷 八日早,進 何 齋爲 録 誠 又閱至誠齋 文 日, 過 言者乎? 齋兼: 問 諭 閣 跋 爲宫僚皆 一之及 薦 人,操履 云: 德 詹 待 云 侍讀 沈 制 事 乃 「新 誠 虞 極 淳

議

處

祠

原作「各」,今據稿本改。

0

剛

余

四 Ŧī.

鑑 胡 太子 以 不負天 家、余名端禮、葛名邲、吴名燠、陳名 云。 爲 》、《三朝 名 餘 E 端 日 稱 晉臣,何名萬,沈名揆,尤名袤。 太子即 誦之,太子竦 言,不報。 封 人 男 職。 子,讀《陸宣公奏議》、讀《資治 事 Œ 士 長 寶訓 極 後四十有八 光宗皇帝, 巾 儒 謹 天災 余處 識 、然稱 皆効忠規於太子 是, 地 恭 震、 善故 因 五 史名彌 年,紹定壬辰 講 月二十 君 讀 德 知誠齋 之 E 國 暇 应 勢 梁 仲諤, 日 時 名 姓 嘗 誠 正 克 名 爲 月 诵 齋 誠

高 此 知筠 讀。 一六年已酉之八月一日也。 安 石 郡 刻 州 歷樞 年 又 按《宋史》本傳及《館 下 五 密院 則 方 + 月, 「歳 跋 以 檢詳。 年 語 次 地 光 系 震,應詔 宗 銜 酉 「直祕 十四年,以直 即 八月戊子」者,是淳 位, 閣 閣」、又云「 召爲 續録》: 書 是 秘 年二月, 祕 書 閣 爲 淳 出 侍 阻

> 泐 光宗 謝牋稿,未及詳録,附記於此。 宋史》作處 字,當 即 位 是 故 泰者,誤也。 尤延之名 稱 「皇帝 御 加 書 楊生又録其家藏 余端 也 禮 字 侍 處 講 下

青洪文敏瑞麻贊石本後

此 熙 此 書,自跋 閱 獻 年之冬也 跋》亦据 + 十六年己 贊 贊 月」,不著歲時,惟曰「太歲 文敏圖 筆 作 知 五 洪 於 紹 文敏知太平州,州 意 年 《宋中興學士院題名》云: 在淳熙十六年守當塗時 興 四 ĪĒ. 而 其 酉 府 月 酉 同。 贊之,其 明 八 也。 月, 由 年改元紹 而 加 翰 予篋 《宋史》於 錢 是移 林 序云: 竹 學 有洪 汀《潛 知 民 土 興, 太平 以 差知 在 翰 瑞 文 假 乃 西。 研 林 敏 以 即 守 麻合 鎮 所作 邁 齋 學 於 焕 在 所 金 章 + 以 勒 是 此 頴 石 五 與 蘇

即 爲 書 淳 進 焕 章閣 也 學士 爲 疎 漏 矣。 又誤 以 紹

卒 此 年壬 年 自 年 本 [序,《 者 年 傳 癸卯,以 熙、紹熙間 一戌也。 八十。 此 竹 ,其誤尤甚。 附諸洪氏家乘云 四筆》有 汀 下即接書:明年 所考, 其 竟似文敏卒於淳熙改元之明 年八 宋 之 與予所 史》之疎 理乎? 文敏 慶元三年自序,豈 《容齋三筆》有 十考之,當卒於 見 舛 E 章告老,尋致仕。 如此 同。 生 於 慶元 但《宋 并 嘉 宣 有 卒 二年 和 史》 於 於 Ŧi.

跋方孚若刻詩境字

軍,在寧宗開 元靚 宋史•方信 使宋,近臣薦 方 禧 乎 三年 岩 孺 傳》 U 信 丁 或 孺 卯 信 信 可 春 孺 所 使, 使北時, 參 是 議官 自蕭 年, 如 Ш 金 年 金 丞 遺

也。 字始 開禧 孺 跋 尊之刻,屢訪之不得爾 刻於桂之龍隱巖。」是孚若由 刻放翁詩境字,在 年,復來官提 史無之矣。据吴獵《方崧 知韶州, 當其易。」柟每見 **柟**使金,定和議。 折彊敵。 深》碑陰。 定辛未, 召 偂 放翁 爲 云 赴 都 松卿 刻 丁卯自春至 退居 、桂二刻,余皆有 於韶之武溪,再刻於道之窊尊, 開 史不 信孺 命 金 仲子,幼從父宦 禧 九月旦莆田方信孺識。」孚若 以 鏡湖,年八十三矣。 人計屈,議 丁卯正 使 記其歲月。 刑,兼判漕。」其桂林 假守曲 事 (金人,必問信孺安在。 秋使金,三往返,以 **柟曰:「信孺** 嘉定 月書。 《韶 江,謹 癸酉,自跋云:「 用 州 其 卿 其官 ,弗就。 适 拓 時 於桂。後二十 橅刻 祠 溪 韶 本 信 記》云: 廣 `,獨 當 詩 後五 而 孺 於《 西漕 道、而 其 境 派 己而 白 道 刻 蕭 武 龍 П 年 石》 信 則 其 E 舌 於 溪 此 洞 柟

四六二

跋金華智者寺放翁八札拓本

也。 制、提 春 年 兀 州 此 盛 日 興 蓋 又 於寺碑之陰。 故此 時也。 ,則玘 IF. 日 與 造記 玘 「陸游」二字印]請老, 第一札在十一月八日 月 公禪 有 右 第四 玘 舉 除 风昔, 》云: 「玘有 陸 公即 今又 江 第 是記 師 放 寶 札在 州 (謨閣 一札云「院 翁 生遂 太平 從予 南 且嘗 作 前 其 與 閨 Ш 云:「太中大夫、 於嘉泰三年十月二十九 襌 待 得 月 興 也。 一云「與 記 道 求作智 友 制 攷《渭南文集· 六 結 國 行, 其 八 日。 記謹 宫 局 其二 此 嚴 札, 爲 陸 南 第 第 者興造 州 其 放 IE 游 四 已 札, Ш 其 南 月 翁 徒 謹 禪 具 札 四云 一札在 Щ 所宗。 蓋 忽 以 寶 封 師 藁 云 記 玘 興 智者 被 嘉 謨 名 拜 在 造 游 與 泰 Œ F 閣 皆 呈 據 寓 夫 月 嚴 之 刻

> 轉 年 則 待 宫 四 直 制 太 年,年八 内 在 中 此 致 閣 翁 仕 大夫, 云 札 年 之後 封 事 + 七 云 山陰 又勅 也。 也 + 耳 則 九 此 縣 放 至 除 閏 開 其 其 翁 提 國子、 月 正 明 以 舉 之 年 修《實 月之札, 江 札 食邑五 州 遂 太 是 以 録 》告成 寶 平 則 嘉 百 謨 興 泰 嘉 閣 或 泰

跋謝文節橋亭卜卦研拓本後草書銘内誤

字,當查删。

自

洪 書 守義賢已。」背刻 人 日 銘 心,如石不如石 分 水去,橋亭易爲 「程文海銘 日 研 長 刻 此 九 橋 寸 石 」,左曰「大明 吾 亭 五 一宋 友 1 分 有 先 也, 桂 强 謝 生祠 誰 研 博 侍 如紫端留 似 郎 五. 永樂 當 五 扣 砚 篆 寸三 年 地 書,旁刻 採 丙 五. 得 語 分弱 大字 申 薇 不 品 品 草

里馳 後 ト建 丙 子 學 歸。 陽 右 秋 趙 嶺西 市 刻 元 查禮 隸 月 銘,高秉書 鑾 書 _ 周 , 焯 廣 烟 其 「謝公介節 西 得之抱且 瘴 側 太 雨 E 平 鵑 刻 亂 太 箓 死,遺言贈 啼 載 守 書 ,若有人 青史,攜 宛 「大清 ¥ 查 兮 禮 我 此 乾 魂 萬 賣 宵 降

後也。 《宋史》本傳及元李道 有 宜其時署名「文海」也。 四 則 而已,不言侍郎 止言「兵部 年。 則 謹 集》考之、程至閩 銘此硯於建陽,當在 雪樓以避武宗諱,始改以字行, 按: 謝 程文憲卒於延祐 文節 文節居閩 卒時, 架閣 巾 自 程 江 源 惟 東 纏 在至元 Z 所 謝 五年戊午, 一亥至戊子,凡 提 年 文節 撰 刑招 侍郎之稱, 四 謝 三十年 卒五 公神 諭制 也 年 之 則 固 以

年,年六十四,而《宋史》本傳作至元二十 然李所撰碑,謂公卒於至元二十五

《襄毅集》:「景泰七年九月, 也, 多一結契也。 禮部侍郎謝 不少,不特雪 文節。」韓雍是 濚等議,以謚 爲景泰時追謚 亦據碑爲信。 云:「公卒後,門人私謚文節。」《叠 歲卒,爲至元二十六年己丑無疑 文節之生在理宗寶慶二年丙 年夏 年三十一,生於二月二十 編》,而傳 可以攷先 四 [月卒。 枋得二云 與 法遵 生在 樓之字照耀 然鄭汝璧《臣謚 時 碑皆攷之未詳耳。 攷《明景泰實 考之《 巡 德博 宋之故 撫 云, 《寶祐 江 聞、謹身制 蓋 西,其 後 官 其 四 四 從禮部尚 世,視 戌 裨益 年 日 疏「 録 類 詳 矣。 則六 登 亥 鈔 度,溢 Ш 及 於 玉 於 得 竊 時 科 シ則 文集 + 史 是 見 書 録 宋 法 研 胡 雍 又 四 是

四六三

跋高麗重脩文殊院記

處 皆未然 執 爲 故 黄 《聖教序》筆 賴《聖教》以傳之,而懷仁所集已有失真之 頗 弱,然以 有拙弱 ,益令人慨想羊、薄以上耳! 長 長 集 此 今士大 右軍 説 睿 睿 坦然書。 高 也。 之説,或遂謂 調 麗 而 懷仁所集皆稱右 書 夫 不 翰 重 高 正得 ·勢、雖《聖教》所無之字 相稱者,況高麗沙門之書 己傳習於東 玩 林 脩文殊院 麗 此 侍 不言集 此 以見唐後罕見右軍真蹟, 者 書 碑 絶 輩多學此, 至明朝 在 少。 記 右 南宋 國。 ×, 軍 重 長 書 建 書 始多傳習者 初, 則 睿 炎 目爲院 實 是宋 近 在 丽 四 日 北 中 則 時 年 宋 間 初 見 全 耶 庚 懷 末 拙 用 戌 ? 亦

跋元遺山湧金亭詩石刻

異解 先生 也。 艱。 《鎮平縣齋感懷》,有「 證 詩 鄉之明年。 句,先生年四十,當正大六年己 墓,謂: 日,崧陽王贊立石。」 蓋補刻 在南陽之後、大誤。 亥 》,寸 大二年乙酉, 集本「蘿」字之誤。 終喪,正大中辟中州南陽令。」然先 令内 矣。 右 郝伯常生於金宣宗元 戊子間。 許, 遺 「初筮仕 近時 鄉 Ш 正書。 先 時 而郝銘序鎮 新 ,伯常方六歲,宜其 生 其 除鎮 則先生方爲國 刻《陵川集》本,又 ^ 字 詩 湧 南陽, 内一微 先生宰内鄉, 平令,再轉 四十 金 後 平在 亭示 題 光二年癸未, 頭 云: 茫 則 也。 内 顱半白生」 同 在辛 散 鄉 丑 内鄉,遂 史 遊 郝伯 煙 之前,誤 ,爲罷内 院 諸 卯 所 螺 以 在 西 記 編 君 常 内 清 之 鄉 牛 有 明 可 子

日 是正大五年戊子冬,罷 詩 也 [,與張 云山 ,藉草嘯詠時也 題 非 陽 仲經、杜仲梁諸 Z 十月未摇 西 即矣。 落」, 内 門、 人相 合結 鄉, Ш 出 從,紅 句 陽 居縣 觀之,當 皆 縣 梅 東 成 南

跋金令史題名記

寺。 志》: 此 此 尉,賜緋 八月三日,儒林 六行、後十一 不能 戊 所記在 殘泐 成是大定十八年也。《金 黨承旨 「承安五年,增六部令史六十九人。」 魚袋。」按:承旨,大定十年進士, 鄉里、官品 備 爲 未增之前,其曰:「乙酉 紀始末。 二段,記文十行, ^ 行而已。黨系銜云:「戊戌秋 禮 部令 郎、國 與人 至崔 史題名 史院 部 及 編修官、 記 頴 出 題 》,在 士 名 職 史·百官 既 存 歲 迺 刻 武 法 前 更 題 騎 源

> 也。 年五 也。 則 餘,是亦幸矣! 者二十七人,其官品 定十九年以 可辨,或不可辨 是 尉者,官品 一月到 石 後則 平定州軍判 爲 石 部,至是重刻 泐, 所 下,至明昌三年, 也。 文 莫知其 者 也。 而 貫 得僅存於甃垣支甓之 出 滄 鄉里、姓氏、歲月, 其 止於 職 州 日 書自崔始。 也。 貫 武 何年矣。 延 略 崔以大定 皆續書之 安者 將 凡 而 大 或 里

跋七觀帖

清容記勒 月,時年六十四矣。 石時仿前 趙氏子昂」及「大雅」印例之、則 道 生記,則泰定初刻,又爲 趙文敏書《七觀》,在 趙 石之歲,在文敏卒後三年,蓋 書 也。 今重刻 至泰 延祐 定二年九 本 難 有 四 得。 嘉靖壬戌 重 年丁巳三 刻之失 然 袁

真 已 可 概 信 見 爲 趙 而 楷第 此 小 石 楷 墨 尚 矣 具 有 師 法 黄

不 失其 不能 逐 舍」,「茶然」之「茶」从「爾」, 剿襲」之「剿」从「力」、「館 糾 重摹 正 追 本字,豈 約 者矣。 之 其 而 甜 遒 論 古 滑 之,全仿《黄庭》, 書家所 而 又 何怪 不知原 宜 平趙 出 本之淳 此? 舍」之「館」 臨 得其 則 《樂 此 竟 古 徇 則 毅 秀 耶 不 俗 逸 得 从 至 僅 而 而

跋余忠宣篆鄭公釣臺字

上 百 記 手 兀 搨 餘 小 字,亦 里 以 欲飛 歙 至 寄 「鄭公釣 縣 南 予 人江 篆 者。 Ш 境 水 臺 日富 中 最 攷《鄭 泐 勝 四 甚。 登 予 淛 渡 往 師 歙 江 後 來 Ш 人 出 題 集 其 一石巍 方 焉 • 富 處 武 仰 威 然 登 松 每 由 余 出 釣 淛 成 源 培 江

> 報之。 之。 忠宣 葉爲 寄。 淮 餘 時 篆書,裝潢 作詩,且 日 而記 之有是石 釣 臨 姚 和者有 七年, 閫 臺石。 ,此在余公死節之前 懷 陸 公以 予結 今又三 也 其 至 賢 坐 相 正 所 一或釣, 於 當 手 淮閩 諸 至 雲 辛未,是至正十六年八 以 + 公公 草 成册 明 臺 間 有 百 正 人 得名之故,鐫諸 堂 拓 成 前 大書『鄭 前 年 十二年 余 張 輒 六 其 相 於弘治癸丑 作 化十八年壬寅, 、験、蕪 公 徘 年 側。 沈 此 寄 :亭,榜 廷 秋 徊 蹟 石 心象 出守安慶,故 不 是月辛未記。」 八月,始刻之臺 公公釣 良 湖 竟 田 二年 能 日 復爲 可 無 胡 隸 去 後石。 也。 知 臺一四 爟 感 仰 自 妙 者。 也 天下 止 棠 題 月 程篁 及 因 後 樾 其 里人 字 圖 此 名 方 後 鮑 按 賦 君 百 + 記 以 聞 以 鄭 一前 鮑 好 爲 余 爲 子 傳 稱 公

跋董文敏書正陽門關帝廟碑

押 以 常 書學 年,文敏年三十七。 書書館課試卷,王文肅見之, 士,嘗以所藏書畫屬 時 骨 取 [麾 將] 然以 姿也。 精意 率更,今復 此 格爲主,非 董 軍 文 予攷之,文敏書此碑 學唐 碑》、 敏 此 則 書 碑,故 仿 若 米 善觀 碑 後 誠 南宫《 之 爲品 時韓宗 董書 來效 懸 最 此 耶? 住者 書 《蕪湖 次。 者所 董 雖 當當 書 仿 伯教 蓋 曰:「公對 文 在 當知 學 者,專 北 先 敏 與李 萬 記 海, 習 王 嘗 曆 耳 爲 庶 以 以 + 並 北 而 行 實 庶 策 柳 吉 九 觀 海

書董文敏少林寺道公碑後

行

押體

麓 碑 董 》法 敏 也 書《 蓋 少 趙、 林 寺碑 董二家,皆得力於北 用 李 北 海 ^

> 記》古雅淳質,竟以分隸爲 州 미 之遠矣。 其唐搨全本。 麾將軍李秀碑 目 書 子 仲 海 鴻堂》類耳。 前 碑 而 疑,則北 蔚 石室記》、《岳麓寺碑》而 函、孫退 者 凡八百通,其 董 ,則《雲麾將 北 海《岳 《娑羅樹 谷皆 海書之著於今 此 碑 《少林寺戒壇 今刻人《 未 麓 僅 意 存於今而 喻 碑》在《雲麾》之上 存二礎,而董文敏獨 碑 軍李昭 若 其旨 × 目 真 戲鴻堂帖》者, 本 無 M 者 IE 己。 公碑》也,其《 吴 口 最 何 銘》 既 書 貴者 興 炫赫在 Ľ, 《端 哉? 者 亦尚不 無 翻 州 ,惟《端 本 石 筆 則 北 而 洮 室 無 亦 失 耳 海

失,至 其 鍾 晉 能,銘石悉 以 來 劉 E 李邕始 有 唯 書 定《行 用 謂 之簡札, **漫右軍** 之 以 銘 極注 行 石 押書之,而 三日 至 行法,頓 虞、褚 銘 :「行草 刻, 挫 必 諸 後 IE 起伏,自 之書,自 公守 世 書之, 多 而 效 矜 故 勿 魏

泉 亦 Ш 既以 之純 矣,而 度》、《 爲據。 希絶。 豈未 矣。」 宗之《萬年》,已皆多 楷 劉 毅 筆參之,《房玄齡碑》視《聖教 賦 其 氏 碑 碑 無 注 宗法 見《端 L 藉 乎晉人者矣。❶ 雖 愚 尚 過《 》亦言 九成》、《廟堂》之外,不 東方讚 更不 一選爲 按 李邕之《麓 行 據此言之, 云虞、褚守而不失,然褚公最 而 示 晉楷 草 孟 IE 無 待言, 右 州 鄭 也。 六十 法 書 回 》之類者 軍 石 爲 師 曲 劉之言韙矣, 一帶取 室記 書多見 是 〔則,而 種 碑》,而其 Ш 圃 唐 則今所 以愚於品 沙涉行 懷仁、大 碑 溯晉 而 勢之筆,非若《化度》 然 耶? 行 竊 太宗之《晉 皆 而 附 艸 之 出 草 有 欲 傳《黄 系 中 傳摹, 昔 以 雅 能 高 唐 通 然 於 列 序記》爲守正 惟正· 亦以 順宗 實 唐 苦 後 正 於 多屈指也 途, 代 庭》、《 蒙 者 臣 賢 心 北 祠》、 分 不 則 碑刻, 之《 「, 不 搜 之 海 IE 練之 精之 世 述 可 《化 高 所

> 己 圃 尋 IE 書之路 如 此 也

敢質言。 於是哉 、法矣。 也。 第 妙 跬步 者 碑爲最。 》之仰追褚楷, 後二王復生之想。 海書、鑒古宜今、吾必以《岳麓》、《李秀》 力已不能從心矣。 取 然董 董蹟,世 又多偏於斂 勝, 若北 移 而 文敏 也 故曰文敏之意,不欲 猶之品褚書者,吾必以《孟 ? 則董書《正 伊闕 1 而《端州石室》之古質,吾且不 海之《雲麾》,以 傳 蓋 雖 英豪間出, 正 直 三龕之古質,吾且 E ௱ 渣滓、 以 楷 竊 法 極 右 吾嘗 奈之何 北 陽 慨 少, 軍 門 於 蹈 海 自 不 時 於 清 關 矣 偶 鋒頴 爲 處 哉 世 山 廟 虚 Ĩ 有 而 一,使 時 之 谷《 碑 於是 面 其 》足 限 取 習所囿 不敢 後 然則品 夷 有 意 勢, 法 也 傳 以 齊 唐 岩 其 質 不 無 廟 宋 果

北

圃 口 碑

以

止

楷

其 研 言

爲

⁰ 昔 竇 蒙」至一者矣」一 百四十三字。原脱 今據刻 本

獘者。 吾未 所 使 而 不韙之。 嗚 TE. 趙 孰 露 亦 人 執 前言。 集賢卻步矣。 一楷 路 敢 ,此所謂智勇俱困者也 溯之邪? 妍 自 而 其於褚、 澽 逸 知 而 軒 者,得失 其 其天然伸放、不能含味處 此 顔、 輊 難 事人 **1**竟懸 也。 矣。 薛、 柳 吾 + 合離之界,微乎微 、巧天工 北海之上下源 此《少林 今粘册細 所以 然以視吳興大 Н, 年前臨 又 鄭、劉之云, 無復行押之 碑 何 此 翫 者 碑 以 爲 頗 流 以 爲 主 亦 孰 爲 乎 不 不 平 楷 此 董 ? 沿 流 能 敢 口 老 Ŷ

書别建曾子祠記後

之學歐 用 褚 規 法 方 網於近 之,自謂平生不 書《曾廟 前 善其 日 碑》或 知 書家, 褚 疑 聞 車型 極 用 爲 給 不 許 褚 贋 事 爲 作。 書 金 其 壇 寫 碑。 王 給 友 給 事 楊 寓 君 事

> 其 特知 格 歐、褚皆不受也,況以單 也。 之日 具眼 以 盦 君 事平生最得力處,全在於《鴈塔聖教 圃 魏之後結 通 知 韓叔節碑》,●而 1遂併 時 神 褚 書 筦 也。 評褚 數變之説,以後人評帖括之見尚 書雖 清 褚之娟 中之集成許二家也。 漕 於歐 乃竊 於 和 此 昔聞 小道 →獨不能以 此 紙 不此之務, 爲 歎 又稱之日 日 秀,而不 勒 晉 以 清 楊君之虚 給事之論書也,於褚 石 唐。蓋一言以蔽之。日 拓 而篆 和 其於《叔 本見貽, 人聖。 今來 · 知 其 隸之後變爲正 變化,皆不足以 加 具眼 衷,而 弱 百方生 濟 節》一碑、謬分筆 瘦硬耳。 所以善之者, 是言也, 貌 寧,適 方 評歐乎? 之 綱誦 給事之 新以 耶 吾 其文, ? 既能 蓋 友黄 學之, 一楷 「質厚 盡 并 論 問 均 且 其 漢 歐 稱 硬 不 玩 以 不

- 「能」原脱,今據稿本補
- ●「全」,原脱,今據稿本補

規 晚 歲 模古隸 書,而 子 哂 之作焉, 其 之 先已 1 有《 有不師 況《 至德觀 聖 教 古而 序 ×, 記 遽 伊伊 \forall 自 爲 河 新 南

聖所 句》, 喜其 方 視 禍蓋 也。 懼 至人心、道心之十六字,亦不免於見疑, 見它書,必抉擿出之,以爲 之祕,而後可資以力行。 前聖所未發」之語,是將使學者必有 Ŧ 語 慎 氏 用 未 推本於危微精一 新異,靡然從之,不知朱子序《中庸 甚於焚坑之烈。 也。 今之攷古文《尚書》者,●凡一語之偶 獨,子思子著於《中庸 且文行忠信,聖人 之楷 滋 發 懼 爲 而桐城方子此 焉 法 獨 尤 得 況 炙 也。 人 此 之旨,初不敢以 祠 П 方氏 而近 所 一,而其 建於濟寧官舍,作 記,謂曾子有 雖曾子 H 日 稱古文於今日 勦襲僞作。 以 競爲鶩廣者, 聖門傳授 所見如此! 誨 亦 人 不 也 發前 敢 獨 「發 章 甚 受 得 之 戒

> 於嘉 學並 不 實 記 敢 際 者 嘿爾之意 祇 宜 祥 是 故 命 日 即 就 承 方 推 服 於同 祀 綱 以 官 四 與 示 理 而 憇 學 西己 青 劇 論 黄 者 專 浦 之 書 君 ,亦豈外是 箴 祠 王 其 官 侍郎、長白 小者也。 而閣學分祀 舍 察 時 忠 乎? 恕 此, 乾 東 戰 隆 曾 以 我 兢

廟

閣

五

年春三月十六日

五見

「攷」、稿本作「攻」。

復初齋文集卷第二十七

門人侯官李彦章校刊大興翁方綱撰

跋天都吴氏所藏黄庭經

口 旁無點記。「日五」二字, 堅」「兒」字,●此刻皆作「完」。末行四字, 卷,有方方壺以下十四跋。 亦其非原石之一驗。又第二十七行「七日 者五十二處,●若第八行、第三十一行「兒 誤自 連 右天都吴氏所藏《黄庭經》 至於 相 相 叶韻 舍、崑崙之性不迷誤」、「舍」、 開 (`而此本「舍」作「合」,亦爲 暇無 事修太平」,作「心太 無鉤轉之痕。 其與諸本不同 舊拓本 則

> 太平」三字名其 池爲放光」者,愚則不敢傅會耳。 愁絶倒」,是去聲,無下四點也。 明遠名無下四點,讀去聲也。 臨」之「照」去聲者,無下四點 昭」,尤見是後來 法實遜於宋秘閣 法定之,此本雖有諸跋 得以校讐文句定之也。 順,「揺俗」似是訛 以「心太平」名其 心太平庵」取《黄庭》語、廖瑩中 修太平」,則是刻,其 昭明」之「昭」讀平聲者,有下四 棄捐淫欲」,則 放 翁以「心太平」名其 似「淫欲」與「棄捐」文義 園 本 據文義改之。 園 誤。然此等處,皆 館,而 也。 南宋時 若「照照」改作 極相推賞,而 愚謂 又「棄捐揺俗」作 董文敏謂 世 所 評帖當以 坊賈所摹 也。 杜詩 才兼鮑 行 齋 唐以前 點,其「 本,皆作 亦以「心 此本「 陸放 所以 其 實 翁 鮈 昭 書 昭 書 昭

- 「處」下,稿本有「皆較諸本爲時
- 「若」,稿本作「惟」。

能 帖 數 一句 在 中 以 句 諸 之 下 疑 本 與 有 刻本全異 Ė 歟 脱 也。 誤,且 按: ,俟别 與 就 後 至 水水他 楷 段 于閑暇無 重 勢 本校 #; 定 定。 之, 據 事」至 手稿,「亦 以 此 烜 本 附 一名 識。 亦 其 不 可 園

跋南宋本樂毅論二種

文 帖 字 從 章 嫡 閣 末 末 明 本。 越 藻 後 氏 後 裔 本 州 仲 所 其 至 洲 也 也 世 玉 半 石 墓 後 宋 文 何 至 刻 短 氏 時 短 其 氏 義 不 又 樂 越 於《 行,竟 停 本 全 有 人 行 不全本, 毅 州 本,是 雲館 謂 出 極重此 墨 學 論 博古堂 「其 者, 無 池堂 存一「 舍 所 人知爲海字本矣。 宋高 博古堂刻,又脱 每 徐 重摹 摹 本,勒 種 帖》之不 字 壇 帖》 0 海」字 長 紳 魚 前一 其 重 諸 學 尾 謂 石 全 摹之。 波,爲 止,故 全本, 全本,乃 越州《石 士所藏 本 鋒 元 長 失 名 則 祐 虞 纖 是 其 洲 惟 氏 海 其 惟 祕

> 今者 州 閣 밆 啟 摹 本 原 之全本實 想 但 興 廟堂 見梁 也。 出 學 就 明吴廷之餘 之《樂 《樂毅 石 1,定以 於宋越州學舍帖,即 舍 王 所 者 至 重 唐 節 祖 論 毅 一於南 能 橅 所 度 唐 此停雲所刻全本 》海 論 遂復 者 傳之。 墓 刻 祕 重 清 是 宋 字本,始猶未盡 刻 閣 Ш 全本,筆 不能 因 齋本 末又 忧 全 陰 陝 而 此《樂 書 本,形神 石 考求 有重 矣 有從 然 付官奴之緒。 以言 意 義 此 毅 開 書絹本, 永 門 越州 爲 南 虞 論 畢 合縱 興 蓋 宋 耳。 可 肖 × 用筆之 學 未 寶。 全文 拓 耳 遂 舍 則 見 之 元 存 本 全 停 以 永 致 至 祐 而 可 文 其 雲 於 越 祕 此

矣。 刻 改 官 就 探本 惟 方 此 但脱 者 章 間 整, 氏《 也 竟是 雖 失 墨 末 亦 古 至 池 尚 後 今書 其 堂 餘 = 不 帖》 清 小 勢 全本 勁 半 所 意 行, 大 重 則 前 關 刻 抑 文氏 捩, 非 其 尚 字 其 停 學 勢 雲 者 神 越 亦 所 所 玾

出,即 二石 之不全本,勝文刻之不全本遠矣。 州《石氏帖》之筆 合諸停雲全本以窺山陰棐 本具 例之,而《樂毅論 此南 在 宋 一册,故援見存之文刻、 刻海字不全本也。難 一意,幸 》真品出矣。 勿 八几遺 僅 擬 諸 意 永 其 得 則 興, 南 所 章 刻 刻 宋 從 必

跋薺原曹侍郎所收趙子固落水蘭亭卷

之也。」 李秀巖一 首,曰:『 皆無之。《齊東野語》曰:子固題八字 之以起, 郁 謹 叔遇、 Œ 、蘇子美二題,郭雍、鄧襄、米友仁、自 右趙子 東 按《蘭亭續 野 疑之者曰:「郁氏、卞氏 卞令之、 性命可輕,此實 跋而 固《落水 ×, 己。 其 孫 題 考》,惟有姜白 至式古堂所 退谷諸書。 蘭亭》,其事 跋之詳,見於俞壽 難得。」此 録,乃有 諸 耐 見於周公 石三跋、 跋,此 卷 疑 亦 於卷 者 范 無 卷 因

流落 得 後 知。 許 正、王 郁 鄭 有 印,不敢意爲 略及子固 嘗見趙子固落水事,惟 之,初非見 凡八跋。是下、郁二書,特據他 以 日 之。 闕 謂 子 吾性命 陳 氏 大同、吴鍈、鄭濤、 濤 蘇跋 卷,而 江 蘇 固 季常得之,後曾 主堯 · 子固嘗江 書 手跋詳考也。 東」云。 伯衡、 于姜、蕭、 臣、米黻、劉 畫 一而宋 劉汶、杜本、許大同、 則 可 真蹟 好事者 記 日「蘇 棄, 之説。」則其非子固 》則有 王猷定、項聖謨,凡十二跋 跋 而録之也。 核 而 行 云:「中 俞、高」者不 其 才翁 亦 此 天聖 覆舟,猶手之出 辭 覿 蘇 涇 傳謂落水 不 是則 意,亦與子 미 所 蘇伯 伯 得之,最後 四 間 丙 棄。 耆 衡、 題 此 況諸 雖 寅 錢 衡、 卷 胡 吴鍈、 同。 劉汶、杜本、 有 重 本 子 惟 内 宋 跋 書 翰 落水本 趙 裝,范 固 演 、宋濂 趙子 固 濂二 中皆 無 而 相 則 彝 一死,遂 水面 家物, 胡 沿 未 自 是 齋 翰 固 可 字 文 别

之不足病也。

足 割 此卷亦無之。 周 丑 病 郊 去久矣。 十一月。 也。 俞 鳳儀虞廷印、會稽内 翁《續考》載李秀嚴跋 又《太古堂書 是則此 蓋與卷首子固題字,皆爲人 卷首無 l 畫考》 史等三古印 子固題字之不 載 在 有 淳 鷹 祐 則 揚 辛

往 三本 古 近 丞 於松 根,爲定武 蘭亭》爲第 者 0 墨完整, 一相宅,即 自吴興 來行幾萬 皆 雪跋 然柯條枝葉蔓延而 松雪一 大 無 水 攜 小 譚崇文本, 曰 神明焕然,爲三本之甲」云。 族兄 真刻者,余生六十有四 渰 來都 里,僅見兩三本耳。 , 跋 異 糜 諸諸 潰 子固所存。 下見與。 巓 余所得苦爲 書 亭》 字 所 畫 刻本 不 未已 一右 一小香。 載 」,求其 軍 在譚崇文許。 蠧 然 惟 書 在家弟房 唯 定 其 所 一在叔 1、又南: 傳 自 武 説 譚 損 世者, 所 本自 爲 旁見 第 藏 叔 固 北

是

也。

真 隱 此 賈敗,籍於官,又歸 袁 承旨 西 在 帖 清 郡 初 隱 集賢大學士李叔固家。」李邦寧字叔 本,李叔固 此 記 學士也。 尾及後接 容集云:「此帖,子 跋 有 E 在 」者是也。 李邦 壺 延 一蘆悦 祐 丞相家所藏趙子固 寧 柯敬 縫 四 爲 年 生 處, 其 集賢 仲跋 + 濟 印 在 有「李氏 月 南 大學 賈似道家,則 亦 及 古 張 是爲元 曲 云「僕生平所 死,入 多 士時 脚 珍玩」及 政 長 斯 [本是 八賈相 字印 立。 宗 子 帖 也。 昂 即 「隴 見 今 位

力所能 子 小 跋 證 考》之俞松,詳具李秀巖諸跋 ĒŊ, 固 内 其 爲 跋 乃作「渷」,渷即沇字也。 此李氏、 正是「沇」字。又「俞玉 真 語 僞 矣。 者 即 賈氏之印, 壽 蕭季 而 翁 尤有至要之 木跋 也,壽 内 帖 翁 名「沇」, 尾 則即 中 證據,斷 所 鑑」者, 今帖首 有 而此 ^ 續 趙 既 見 卷 蘭 微 子 非 足 於 所 固 以

見 揆,家有欣遇齋,蓄《蘭亭》凡百餘本,皆以 真蹟者之所能乎? 是「俞松」二字。 未言及者。 不及是本明矣。 李秀巖 損五字爲驗。 跋。 今細 然 此豈後 則沈虞卿 又沈貳卿所藏是瘦本,亦 審帖尾, 子固 人以甲移乙、貌 跋中沈虞卿者 隱隱 、貮卿之本, 露半印 名 爲 Œ

册 者,其祖 年,而子固跋云「在蕭氏二十年」。 故云首尾三十三年也。 以《易》筮之,得睽,上火下澤,在嘉定己巳 -秋也。 歸於蕭也。 年, 蕭氏,當在 本,目 鄭雙槐者名价,字裕齋,嘗集《蘭亭》 五 丁巳則實祐五年,己未則開慶元年, 行爲半葉 名德藻,字東夫,女嫁白石, 子固於丁亥訪 日「蘭 嘉定十二、三年間。 今細審本 畹 ,横寬三寸三分,帖 」。又得王承規舊 雙槐,是理宗寶慶 白石 帖,原是 題在 宋 嘉 蕭 則 故 此 泰 本, 此 帖 木

> 與《雲煙過 日帖尾押縫可無疑矣。 益見李、趙、俞松、悦生、長字諸印,皆是當 一行,恰至今改裝卷子之帖紙盡 眼 録 》云原是一册者相合。 處止 則 E

尺矣 懸此 諸家,空言讚 摘骨見髓、水落石出之談。 見是帖,借臨十日,爲薺原 又與袁起巖「 輕雲籠 搨 今帖紙 以爲天下古今《定武蘭亭》本 又舊人評 I. 當 日」之語,亦正相 墨量 日 隨 誦 粉紋」之説,及 此帖,所 手所成, 中,皆宛具 以爲落水本者。 調 而 合。 一墨花 雲煙枝蕾之狀, 跋此,乃 後日遂成妙 無 近日 方綱 復 滿 向 Ŧ 面 自 旬 今 時 篛 此 著 句 可 林 得

是

即

可下 原衍「爲」字,

又跋

疑更

也

審

定

加

詳

否

耳

此

多聞

所

以

又

貴

於

闕

?

字,非 子 實 又 所 餘 字。 論》云: 厚,有子固 吴門汪氏見所藏《落 無 諸 與予 被被 有 載 何 其姜白 義門 手 刻 稱 子 趙 固 蘭 落水 所 割 所 手 子 臨 固 爲 中 亭 未 臨 去 固 落 書 真 則 前 間 「手書「 户 原 見 石 前 云 ^ 水 本 後 僧 蹟 裝 度考矣。 落 性 者。 卷悉 本 二跋,則第二 歟 跋 權 也。 人 水 命 者 性 ? 裝卷,即 押 他 退 蘭 可 昔年借曹文敏 同。 比 命 縫 水蘭 其 抑 卷 亭》, 谷 輕 也。 可 處 後 以 所 聞黄長睿《東 耿 據此 輕 聞 亭》卷,云 炫 藏 耿於懷,未 孫 據 行 字。 竟 葉 人 跋字又稍 至實 退 此 不 無 較 則 郎 理 谷 予前 卷 子 知世 又非 闊 中 是保」八 所 固 所藏卷 固 行 紙 夢 藏 「有之。 高 觀 間 知 卞 龍 此 跋 此 得 果 考 古 以 則 餘 於 實

續跋陳伯恭所收定武蘭亭卷後

卷,乃 展對 時 泐 四 字 昬,竟有 時 昧 氏 藏 古厚,則諸 ,右 、松雪遂 宋 翻 紋 行「後」字, 本摹鐫多泐 五字初損 爲 翻 刻定武本支系繁多,此 辛 F 輕 宋拓 挑 蓋 $\dot{\mathbb{H}}$ 一内點 搨肥 似於 勢。 五 夏 以 本皆不及也。此 本之最 字 四 五 爲 末脚、 作 本,爲水漬小昏, 原 勢,而 損 月 此二處 字損本,恰 退 石 本 得 筆 層, 之仰上作 也。 先拓者摹 拓 見趙 所 趙 ~,其 在 與 藏 書 稍 第二十一行 石氏 亦於 子固 也 獨 重 後 乃 勒 是 孤 挑處,誤 出, 本異。 | 落 其 之驗 此 是 僧 是 陳 前 翻 故 本 以 月 伯 神 本 水 刻 神 則 泐 越 得 恭 理 蘭 家 員 從 蝕 州 同 渾 亭 宋 所 不 昏 几

跋

或

學

亭林 刻《蘭 本。 自 東 天 損 所 亦 古 春 遽 非 一、柯 11 臨 天 退 廂 五 明 一字爲 以 退 孫 以 師 真 谷 是本,昔 一者,即 亭》 夢餘録 敬 定 爲 谷 爲 此 庵 所 仲二本,然後 退 國 識 在 薛 調 周 土 武 得 谷、朱 丰 學 了非元 北 氏 伯 也。 柯 此 딨 》云《定 本 宋 所 所 温 本,乃宋 本 曾以「定武」目 故又名巨 此本未 Ŧi. 謂 阻 刻 所 竹 也。 人所 字 五. 寧 臨 垞皆 則 既 王籟 時 武 字 其 知 未 能 越 蘭 人 未 者 八後退 以 定 薛 可 到 、國學 州 天師 亭》 損 爲 信 林 羣 紹 武 石 工、帶、 谷得 薛 彭於 以 石刻 之。 而 此言 自 之 Æ 庵 氏 其 攷 爲 有 前 本 重 見趙 他 右 古 薛 所 趙 在 孫 誠 真 刻 字 刻 松 原 國 氏 刻 退 流 本, 本。 鑥 重 副 雪 出 7 學 顧

時

何人也。

者,其 之,自是宋人 倦」「之」字、「終期 柯,必無 或 寫 視 處 顯然改换, 大」「亦」字、「妄作」「 東陽本、皆宋人重 演 定武 爽 者。 所 本 人搨勒 祖 纖微改易之理。 則 弱 是必非 之本爲 則 二分許,而 薛氏當日以 所 也 是 摹 巸 最 薛 刻 於 刻 以 寧已前 今所 氏 、盡」「盡」字、 古者矣。 作」字, 而 而 所 位 其 今不能 刻 圭 見 置 而 拓 分寸毫 矣。 凡此 測 此本 越州 逼 本 景 雖 真 所 鑿 以 F 死 四 石 所 執 釐 此 從 指 愚 下 處, 生 之 未 其 意 柯 非 界 摹 亦 既 度 伐 有 何

治 時 拓 拓 其細 本,是 數 地 復 一,復得 百本。 委諸土 是 石 康 僅 存 熙 出 明 中。 其 士。 初 初 後 線 徐 年 萬 矣。 敲 時 中 所 曆 磨 Ę 搨 山 Z 予 漸 洲 取 西、 린 嘗 就 韓 置 不 見 录 敬 國 丙 甚 林 蝕 堂 戌 學: 肥 吉 爲 間 近 不 祭 北 時 手 知 M 跋 此 所 雍 何

復初齋文集卷第二十七

堂 本 不 所 口 圓 多 拓 渾 得 本 深 也 厚 當什襲珍之者矣 勝 雖 林 非 跋 定 本 武 + 真 倍 本 當 然 在 即 是 今 韓 H 敬

跋 臨 蘭 亭 王文惠 本

其 弇 稱 僅 1 跋 蘇 言 午 其 州 相 米老 自 氏 及 攷 亦 去 右 與 之本 閏 後 兩 未 訂 干 海 人 月 所 文 六月之卷 言 之 寧 贋 惠 是 手 耳 確 也 作 陳 裝 雙 所 彼 氏 者 鈎 面 藏 然 而 其 门, 何 得 本, 此 褚 弇 在閏 自 前 1 臨 至 哉 州 而 月 華 帖實 於 ^ 跋 [六月] 於 蘭亭》, 亭 所裝 弇 確 此 之 是被 州 言 卷 卷,皆 此 跋 卷之跋 米 有 則 人割 ,周公瑕 在 老 米 轉 所 祟 不 海 未 得 盛 岳

出

則

此

本

寧

詎

是

褚

泂

南

手

臨

乎?

司

寇

副

得

褚

臨

本

余

猶

疑 州

其

自

米

臨

本

重

臨 臬

按

孫

月

峰

跋

弇

此

卷云

.

管

子

安

史》, 氏 歲 所 跋 卞 惟 而 跋 皆 見 是 卷 中 在 此 稱 品品 下 真 無 手 更 弇 江 不 薛 隲 裝 較 之, 所記 邨 ,皆收於一 州 載 之語 所 氏 蘇 此 之後, 王文惠卷 則 故 米 記 爲 氏 豊 物 跋 不 與 卷, 真 而 卞 同。 下 卞令之所記 矣。 ൬ 處, 又 此 所 有 手裝 卷 見 寶 莫雲 一楚 則《 米 恐又不 文 又 章 海 國米 文 寶 其 卿 此 待 岳 八水、王 章 真 跋 王 訪 崇 得 芾 文 待 録 援 本 自 謂 寧 訪 惠 米 歟 當 紅 白 I 卞 止 録 老《 卷 ? 文 無 午 **\$** 印, 書 而

皆真 儼 是 即 婁 本 眼 齋 且 此 矣。」據 弇 爲 所 則 則 卷 州 第有 之辭 藏 此 所 所 又 謂 既 卷 此 藏 無 確 亦 日 月峰 無 疑 是 即 種 真 作 也 疑 此 儼 之言 爲者 也。 卷 齋 所 則 眩 又 不 藏 高 驗 離 欲 無 江 婁」, 王 直 疑 邨 儼 言 也 所 齋 是 弇 諸 則 州 似

州、

印

此

卷

誤

賞

眩

離

是

贋

古

具

亦

即

其 於 家 不 元 祐 稱 藏 此 丙 本 卷, 寅 亦 蓋 尚 尚 尚 則 在 在 未 蘇 此 卷之 見 前 氏 Ŧ + 家 文惠 六 未歸 年。 此 米耳 其 卷 時 也 無 稱 至 怪 蘇

其

跋

讚

褚

臨

此

跋

稱

賞

較

蘇

爲

尤

勝

以 歲 米 則 蓋 注》云《蘭亭》多用篆法,惟 굸 者 老 ,其云「浪」字無 此 「良」字,即 也 「興 由 生於辛卯, 考之,是米得此 ,尤特書之,所 嘗見米公論 感之由」「 不必似者。 字益 其云「辛未 彰 其 其 自書「遂良」「良」字 故 由一字, 褚 楷, 面 異 歲 其 臨《 卷 謂 此 則 於 所 見 丙 卷則 蘭 書 此 尤過於蘇 購 之,辛巳 右肩方 亭 名 得意之物, 在 「由」字用楷法。 辛天地 ×, 盛 者 劉 推 謂 折,所謂 有定《衍 歲 謂「浪」 其 其 卷 合也 購 也。 全 有 巾 逢辛 之, 用 絁 極 右 褚 又 似

海 寧 陳 所得 氏 查氏 蘇耆家卷, Ш 左吴氏 今所 諸 見 刻 鬱岡 本,行 Ŧ !世者

> 白 焚 實 雖 家 能 不 香 是 收 石 此 深 《偏傍考》之例 展 舊 前 藏 究 加 矣。 對 物。 帖 ൬ 其 有 於他 真 如 孫 其 見前 本 此 卷 月 處 峰 外 卷 則 人摩 無 都 止 籤,文文 逐 聞 眩 聞 元 細推 挲 離 又 曾 敬 婁 風 未 云 巡 求哉 味。 水 之 見 弇 已 手題, 評 有 州 燬 E 石 於 儼 而 何 火, 即 全 不 今 則

跋 蘭 領 字从山 本二首

蹟 天 足 氏 也 臧 知 錫 是 其 得 帖 歸 吾 撤 後數 查 X 其 所 亦 氏 謂 里 去 石 重 每 年 矣。 劉 者 刻 褚 屬 , 也 孟 臨 行 石 暎 時 子 倬 者 本 領 Ш 題 後有 字从 杳 叩 方 是尤 既 跋 諸 伯 暎 逝, Ш Ш 孟 所 而 查 天錫借 購, 本 給 倬 山 未 聲 後 者 諫 陰 當 聲 Ш 在 董 知 Ш 鬱岡 昔 一云 都 陳 小 其 爲之倩 於 門, 香 池 藏 此 本 海 泉跋 其 卷 此 以 蟀 所 原 尤 補

暎 覓 實 Ш 得 在 嗣 ,並藏於篋。 其 君 篋 小 Ш 且 比 云 部家, 一所撤 因託 去之三行,映 偶 小池借看 舉 以 訪 諸 小 Ш 池 亦

闕 覓 都門甚久,虚 知其矮卷何 云,暎 夏 鐫 展 ? ,并可訂正尤天錫所重刻,豈非 得 録 閲, 褚 () 所 所撤之三行,何 爲悵惘久之! 臨 Ш 則 日, 注非撤· | 蘭 臨 載 小 終時付受,井然的是二卷。 E 亭》真迹卷,賜 人易去矣。 一文惠 去三行之矮卷,乃 池 有此舊物,不以示人。 市 本 伊 墨 不勒 也。 卿 予因 據 持 硯 石 小 齋 一 匣 來,匣 以補 深 池、 高 珍 、憾映 江 藏 渤 墨卿 大 邨《 快 海 Ш 且 事 之 既 不 在 並 及

之直長 旁,實如渤海石本 字「山」下無三小點,「次」字左旁竟是三 上 諦 翫之。 既 下一分許,已及「茂」字之頂,「崇」 而借留所匣之王文惠本旬日 其 前 褚臨 有 一墨直,更較渤 黄絹本「崇 Ш 二二字 海本 置 Л

> 作, 雙叉。 米手, 其黄絹 從來所 點,不 月 物 諸跋,皆 明人諸跋紙 極草 跋,其後莫雲 字長,皆與 末「文」視渤 元」二字印,皆與高 Ŧ 痛」、 無 峰云「作僞者眩 鴻緒」、「儼齋」諸印,亦皆真確。 而 可 草 弇州、儼齋所 非 向 及渤海 未見 疑 帖内「自然子」紅文長印,絹邊「貞 最 鉤摹 真 而按其用筆,一一皆可尋原 者。 叮 渤 蹟,卷外紙 又一色,其即高江邨所記之舊 也。「癸丑」字尚 異者,「弦」右半 海 「之」,皆同 所能 海 一卿、王弇州、周公瑕、文休承 者, 惟 肥 不 褚 闊,「羣」頂平圓 離 同 中有 到。 臨絹本,不知出 藏。皆即 妻」也 江 邨 籤 此黄絹 細 且米 定 所記相合。 亦 五 出 此 跋 ·中間 相 本帖後即 休承手蹟 紙是 物, 與 勢。 比 一而末. 作 渤 近,「蘭 無 何 因」、 前 反 怪 米跋 後 無

其僞作最明驗者,米跋云:「黄絹幅至

褚臨 合縫 『欣』字合 幅 幅 至「欣」字一行,恰是絹 合縫書也。」此 今此卷前之所 欣 而此 方是 截 原 絹 二字 蹟 黄 幅 無疑,又不待細論其筆法矣。 處 絹 作 一行後之合縫 也。 處實 褚臨 縫 本者,必亦至此「欣」字一行, 前 亦是 依右 所 無 用 真 幅,而 二句, 謂 以石刻 至 (黄絹 軍 證 褚臨 一幅接續合縫之蹟 「欣」字 摹 繭 言 紙 刻 處 此 本,與米跋乃合耳。 者。雖 本「僧」字,恰 幅合縫 原 所 -下 也。 僧』字,果 見褚 幅 一行乃另起 一行,是其 據此 亦極 故以 處 臨之絹 米跋 舊 徐 此 蓋 之 絹 僧 則 知 謂 其 黄 絹 絹 此 權 則 幅 褚

凡

臨

辨驗 跋 至「有感 未 皆不過 乎 來舊 有摹勒 於斯 撮 前 人著録 文 帖之僞既 記 入石者,予 其 、槩,云前帖「永和 不 成 具録,豈 帙,若高江 不足置 是 以 知 論 鉤 如此 而 邨、 摹裝卷 九年 諦 卞 此 米

> 帖不 以 據 資 必 印 奚不 復道, 證 并 미 則 臨 也 此 文 休 卷 即 承 以 書 此 籤 存 於 吾篋之米跋 卷 首 其

前

數 真 見 本 右 焉 軍繭 文 不 紙 口 不可 辨 於米跋 見,於 褚 尋 臨 其 尋其 蹤 ,而米跋 蹤

得。 此本。 是褚本矣,而 刻之本, 然云「有鋒勢,筆活」,則未 余得之,以其 蘭亭》, 世謂之《三米蘭亭》。」此 其一條云: 遇好事 異也 與 吾家 卻亦未 本 者見求,即與一本,不 此 刻 所 泗洲 書不亡於後 板 收 明言是褚 ,回視定本及近 不 南山 差 有有 必 杜 是定武 條 本 鋒 氏 世 最 也 收 一者,賴 爲 唐刻 本、當 可 世 妄 再 本

言是 隨 意 某 自運者。」此條 又一 家 條云: 所 藏 本 也 則 本 確指 有 然 旬 此 褚)填極 條 臨 雖 当者 矣, 未 卻 知 其 未 亦 明 有

即以今所行 藏本 而 此 神 龍 語 本, 極 中 可想見 肯 紫 也 以 愚 意 度

皆合, 活 之鋒勢, 字 信 則 Ш 上 侕 及 懷 所謂 本 愚 也。 貞 之本尤爲支蔓。 Щ 惟神龍 字 於 觀 愚嘗辨 而 日 下小 褚臨 之折 句 北 米老 則雖 張金界奴 開元 填 宋 本足髣髴之矣。 神龍 點、「帶」字上四直 極 本 鋒 劉 所 諸 今所行神龍本, 肖者, 在 則 無 謂 印不足信,非 本之不足信, 世間 言 若以 「長」字、「蹔」字、「懷」字 本 以 所 如「羣」 句填 日 者 勒 米跋 領字 , 祕 日 、之肖 閣 字 神龍 从 此 謂 蓋謂 已漸 本 惟 末筆 Ш 兼 本, 褚 語 本,領从 神龍 神 自 尚 臨 て、「祟」 失真。 核之, 運 口 日 不 龍 之 本 潁 足 印

也 則 有 二焉 出 除 王 此 一氏、海 家 一條跋 本, 則 寧 則 蘇 語 米老之跋 耆家 陳氏、查氏諸石刻傳 本,一 其確 膾 指 則王文惠 某 本之跋 之 本 以

亭序》, 宋岳倦 卻 日 流 米氏 馮 此爲馮手摹也。 之意,援馮承素輩 而 上 橅』,觀其 湯普徹之流橅,賜王公貴 遂良、檢校馮 也 意落筆,與真 〈法 雙鉤 無米老之跋。 承 ,臣承素奉勅 馮摹,其帖末 ,觀「之流」二字,亦非 小 素橅《 《書 米以爲馮、諸 其 要 翁《寶 者 唐朝命馮承素、諸葛正之流於真 跋 1史》亦 録 八意易 日 蘭亭敍》,臣米友仁 * . 即 無異 真 承素 此 載 改誤 此 唐 云 模。」又有 齋法書贊 且 岳倦翁跋云:「蘇 此 軸 太 所橅 韓 葛之流,已 跋,米 即 跋,以 「貞 宗 數字,真是 在 而 小 道 蘇 獲 即 觀 小米跋云:「右《 米 政、趙模 此 氏,題爲『褚遂 ())載 專指 小米跋云: 五 老 爲褚 人,著於張彦遠 跋 此 年八 以 真本耳,非 不能 謂 此 馮 鑒定恭 命 馮、諸 體 爲 褚法,皆 本, 八月二 也 、諸 起 則 真 無歧 香題 則 居 褚 葛 米老 葛 右 專 郎 而 矣。 貞 以 跡 蘭 九 來 良 南 褚 奴

獨

訛

舫

高

臨

米 據 見

褚

在

明

亭敍 跋 也

後。 董撤 親見此卷 載前後諸印, 載,止言小行書十八行,不言有米印,其 印,恐亦後人所加 堂書畫彙攷》。 不爲藝林增 置 字。 存 褚 濟人《江邨 》於跋欵下有「 臨 其 亡,不得不 要之,領字从 三行 ,當較蘇 真 卞令之所載, 按 前 則張 本 者,他 帖 而筆録之,但未嘗入石耳。 此 此 雖 弗 銷 亦與此卷相合。 耆家 跋 H 黑 不 論 詳 借 於 夏 日 米 緣 可 真 此 米 Ш 爣 録 本之米跋更爲足重,豈 庵 世 圃 耶 見,而其品此本之真券 跡 惟高江邨《銷夏 跋 本 所 得 專 》,三則卞令之《式 《清 欵下有[「] 書所載、清河書 行 取 二字, 以 原 見之,當備 至若蘇 河 著 無 追其蹤 此 書 録 跋 足 是高江 而 畫 之書載 置辨 楚國 勒石 卷内 所 舫 附 録 以傳 録》 米芾」 也 其 所 413 卻 此 於 此 所

則

卷

本

本而逐末乎

跋張笠城所得玉枕蘭亭石

松雪 别 枕 爾 或云 本同 本 同 刻 非 與 者 褚 臨本、蓋 褚,蓋 口 其云褚者, Ш 福 而 壑珍玩」印。 見 也 陰 此 州本毫髮不差,背 世 張 王篛 本 廖瑩 間 文衡 公 竹 實 覆 林 城 則 T 中 非 刻 見 Ш 於 後 縮 趙 曾見趙臨 甚 寶 所 京 海寧陳竹 人有 定武 也。 應 收 多,要當以定武 師 喬 購 縮 爲 氏 本 有 玉枕本或云歐 得 之,遂以 稍 臨 右軍立 一卷,亦 松 褚本, 本, 異,云 遂斷 花 與 板 象 微 以 爲 玉 又 玉 而 其 歐 枕 爲 枕 而

跋慈谿姜氏蘭亭

《心史》出井 竹垞稱 行, 句 以 是 周 亭》二石本見贈,云: 字、「悲夫」之「夫」、「斯文」之「文」,皆 字本,「 下 爲 唐摹,又云懷仁所集。 禮部岐年,今不知 「良可」二字,竟用塗。 而 褚摹者 慈谿鄭三雲以 高行。 可知「僧」字之謬。 尾 其 極 崇 飛 Щ 動, 本,其落字添 高者 偶 誤 項氏祖本正同。 與 惟 刻 「曾」字 記 徐 「葦 姜葦間 於石 歸何氏矣。」此 壇 也。 長 間 王篛林謂 處, 背,葦間自跋 兩 篛林 語 曰「因」字、「痛」 殁後, 此《蘭亭》當 先 處 焉特詳, 俱 生 省 譏其 與 又鄭 石 所 此 用 葦 本 歸 嫩 藏 絲 所 雙 日 間 武 ^ 低 用 南 自 蘭 林

得松花石,因出搨本見贈,爲題此于後」。 文末,稿本有「乾隆戊戌臘月,與芝山過訪笠城,觀(

之爲 所 「水」、「宙」、「所」、「諸」、「萬」、「老」、「及」、 能」、「死」、「世」等,作放體行書,皆他 無。 字不 漢本 流」字右首加點,「不」字三連。 · 勾,「 無 疑。 楔」字禾 日 W 刻 草 中多《聖教》字 ,「賢」字臣 一旁帶 又 如 如

焉。 同,而 背 不 文 本 武 十於京 刻之。 同 鉤 文 庫 塘錢孝廉栴摹帖,有其 二本,其互見他所者三焉。 へ毫 微起 玩 收 而 神氣去之遠矣。」又稱:「後 静』字,右 髪 其 及 藏 師,前有趙文敏《 以壇長諸跋合之葦 紙 無 本 諦視正 墨,良是宋搨。 異。 ·,中有宣和 此 リ,則 逕帶下 脚 只高麗本『盛』字上『成』 與此 低 於 字已損 前 0 左 御璽 (蕭翼 『放』字、彼楷、此 叔 間 面 與背刻 跋、云: 而此 則 刻 辨 葦間 自 即 用 文 低 才 跋 得 微 前 敏 圖 高 島 自 則 完 圕 字 得 麗 跋 面 字 在 揆 本 遂 稱

> 也。 字本第二行「稽」字、「蘭」字、第七行、 摹,則低一字本 嵌 凡六字,皆有補 兩「盛」字,十三行「放」字,十四行「静 大略相去不遠。今以 「從儀 興」字,亦有 宋 補 、搨者, 字字生動,勝姜刻遠甚。 徵 紙 項 H 補 乃 氏 補 借 痕猶隱隱 姜 痕。 痕。 觀 亦可知已。」是三跋 氏 《蘭 所藏 信乎石是重摹矣。 而低 拓本諦審之,則 亭 可 高 **>** 見。 一字本二十 本, 字 姜刻 壇 本 顧 長 實 之 南 跋 所 九行 高 亦 祖 原 稱 題

之集 敍 以 蘭 文 言不可不慎 集合爲之者。) 因 亭」之目,使後 m 唐 言 乾封三年 若壇長據 并誤跋 蘭亭》, 非 指《蘭 也 項 **型** 則 竹坨 僧懷仁 氏 亦不然。 世 教 此 家 亭》也。 所引胡 序 本蓋 遂 藏 增增 》,宋 集 本 以舊 書接上 此 ,直題以「懷仁集 胡祭酒之語,蓋 祭酒語 元 Ę 段 書 搨 孫 蓋 異 家皆所 聖教 誤 興 證 聞 、公後 懷 讀 本 此 故

諦視 間 《聖教》本,與 此 取 予《蘭亭考》卷中。 以蔽慈谿姜氏《蘭亭》之不可信矣。詳見 字 イ 旁 爲 誤 ,此 篛林又跋《集聖教字蘭亭》云:「此南宋集 石耳。] 其目以南宋者,亦不知何據 「不知老之將至」句, ·曾」字,用筆勾轉,以證世傳定武本「僧」 自 石當刻 1跋,記 乃因 明 於明 弘 改 明嘉靖間 西 書 中葉。 Œ 謬説 溟所藏第二本同,特别 而 間 補 士大夫始復 也。 實無「曾」字,此本作 非 吴門黄君得此 至所謂三字嵌 · 因 石 即此一條,已足 損 重之。 而 補 石 補,今 也。 者。 间

自 跋 審正萬松山房縮 本

山 子年秋九月,重 [房]。此本行次位置大誤者凡二處 萬 松 Ш 一房縮 陽 前 臨 李宓臨 蘭亭》,後 并勒 題 萬 於 萬 曆 第 松 丙

> 誤移 横、「死」字左誤「巳」、●二處。 「亦」字誤作 1 字末筆全失,「既」字左半全失,●「惓」字誤 「已」,「快」字誤「快」,「不知」「不」字上畫 字上畫誤連、「當」字右直誤斷、●「己」字誤 畫、「除」字左「条」下半全失、●「不同」「不」 由」「之」字誤作艸書、後二「之」字亦然、 三點,「昔人」「昔」字下「日」誤作艸書,「之 誤連,「老」字上半折處誤斷,「所之」「之」 「敘」字多一丿、「騁」字「馬」下三點誤爲一 「遷」字中訛加横、「盡」字中間誤多 一字也。 行 末,錯 Ē 中, 移下 `「觴」字誤「昜」爲「易」,二處 至其筆畫之失,則「稽」字下半 字。 第十八行末 9 錯

左」、依文意疑當作「右」。

[「]左」,依文意疑當作「右」。 十一原 脱,今據稿本補。

[「]右」,依文意疑當作「左」。

既字左半全失」六字。原脱,今據書眉及稿本補。

誤 失,「不能 惟褚 多。 筆 横,「虚」字下半全失,「視昔」「視」字「衤」 歧 嘗」字末筆誤出太長、「未嘗 Ĺ 出,此本之失,不得以褚本諉 皆失,「致」字、「攬」字、「將」字皆全失。 爲「礻」、「故列」「故」字末筆、「列」字末 一就其 本或有作三點者,其餘 「此」内「止」、「死生亦大矣」「亦」字, 至 其 喻」之「不」字誤 細 顯 然然失 微曲 誤者,已有三十五 折不能肖者,則 連,「喻」字 則歐 不」「不」字 也 ~、褚 字字 處 之 無

王 里 跋 本,不失毫髮。 細若蠅 云 重 育 墓 頗以不知其 加 林得於燕市,後又爲揚州 刻 李宓字羲民,福 用 又見其拓 頭,而 褚 本縮成逕寸, 今皆藏 寬 人爵 海經容 本,何幸如之 此 又玉 里爲 揚 與,能 建 州黄 枕後一奇玩 能溪人。 惜,今予既得 刻於青田 盡筆勢 氏 家。 人汪 然其 其石 石, 翁 杰 也 曾 林 中 其 較 四 中 此 原 跋 也 面

> 篛 然之失,至於行 亦 以宋牋精摹趙子固 林 概可知矣。信乎精鑒之難 以 爲 較原本 次之誤 不失毫髮。 落水本不失毫髮」者, 移 ,偏旁之失錯 也 則第 林 而

毫髮 寸石 雖 李 筆 意 ,仍當細意重摹一過耳 無差也 較李氏 Æ 予從耦堂侍 審 原 E 刻 本既加 重摹,并識 行 它日 次 御假觀,因 參互,勉爲 審 儻 得 正,而 其 遇良工 概於後。 0 仍不敢自信 推算 用定武、落 爲 改正 然此 我 勒 是 水 爲

以

因

本

跋 宋 拓聖教序王丹麓本

有 家物,有賜閒堂申氏珍藏小印。今何跋不 義 此 宋 印 記 拓 不斷 聞 本,王 原 有 義 樓 門 邨 跋 先 謂 生 是申文定 藏

仍當細意 夢 過耳」, 稿本作「仍當重 夢 過

求精刻云爾

來,留 年矣。 本, 用 拓 宋 口 宋 拓 廉持過 見 紙 與 時 或 不 予所 敝墨 户 但 又 斷者已十數本, 日 申 有白 П 以 小 復持 册 印 藏本相埒。 渝, 搨手不精, 而古 姿媚賞之,抑末矣。 齋,借留, 猶 也,申之其什襲寶之。 田 去,未 存 喬 介 賜 重加 諦 夫 閒 此 新 印 審 堂 安程 本 審 也。 印 - 當 定 前 至 厚之 此 亦 氏 今 歲 今 同 日 拓 子 友 E 氣 所 申 時 藏 蓋 盎 所 見 持

跋孫文介本十三行

字。 本,是晉時麻牋。 神 真 百七十六字。 賦》十三行,二百五 以紹興所得九行裝於前 跡。 趙文敏跋 宋末 十三行云:「王獻之所 一賈 所以 似 紹興 道 米 + 間 復 友仁 字。 得 思 四 以以 跋 陵 行 作 訪 間 續得四 得 九行,定 九行, 有 此

> 刻, 者 蓋 權 裝 是唐人硬黄書。 亦 書《洛神賦》十三行矣。 然予見宋人所著《寶刻類編》, 雖 行、二百五十字,當 ,不足致疑 多寡不 跋 於 云宋末賈似道以 晉、唐紙異,不可 璽完具,然是 乃從「之郁」字起。 兩行三十二字。 後 • 又 有 也 文敏亦云《宣和書譜》所收 唐 本 則此本後有祥符周 不知 人 是 續 是 硬 吾 唐 得四行合成十三行, 宣 黄 可見宋人所傳 也 不 X 《汝帖》,大 和 敢 紙 一。」據文敏 所 書 以 臨 已云王獻之 後有 爲 亦同十三 真 中 (跡 此 所 觀 跋,

隈 旲 持來屬 ,孫文介本次之。 相 國宗 自來書家評 題, 茝隈云:「文介此本,歸 曹峨嵋 此 帖者 此 祭酒 本, 皆云 江 禾,吴氏 陰 唐 夏 荆 文][甥 學 本 江 也 第

❶ 「一」下,稿本有「未可遽以九行、四行爲始合也

六世孫 字 與唐 字紅文方印。 奩 得 與 九 九 行 上 心 有「玄晏齊」及「吴門管一虯摸」九字款, 文介公慎行 云:「子敬十三行 慎行」二字直篆印,帖尾有「翰林 者。 以武 **損** 中 荆 於 字。」又見梁谿 字,武進人云:『文介以字不當意 模刻,歲餘 部,白 M 本,稍遜 物 外 本不合者九 文 本 薊 進 然以較荆 家 也。」今審 蓋 同 門 唐 |文「慎 以 制 荆川 以華本爲正 茝 唐 加 乃就 荆 府 其爲 隈 本 闕 華氏 Л 家 Ш 所藏爲天下第一,●在 行 帖 祖 字,即毁去九字,所 九字, 本重 孫文介公刻於玄晏齋 本 孫 二二字横 首 母 籌。」王篛林云:「十 制 今世十三行,無 劍光 氏 有 爲 府 則 即 模於玄晏齋,首 ,故鎚損之耳。」今 物 紅 祭 厚薄 球圖 孫 閣 無 文 酒 篆印 本 所 疑。 「慎 迥殊。 一字之。 女孫 藏 鎚 7,又白 學士」 行」二字 古 損 沈 [搨本, 處 是 鎚 中 出 謂 凡 也 此 行 其 九 民 四 文 損 精 孫

> 九字者 本 唐 此 自 氏 本 家, 九 應是 门,何 字 則 亦 也? 此 孫 捐 文 本 然王 介 非 所重摹, 唐 篛 氏 林 本 既 矣。 m 親 又 見 既 無 荆 非 鎚 Ш 唐 本 氏 在

用顔 行屬 虞部 摹,然是宋人摹 所見此本相合。 帖是 前搨本, 石,尚未 人 石者,不 爲 法,開坡、谷 以先世襄文公 何 他本不及 武 題 石未刓時拓 進 門云:「康 識 亦竟可作唐氏原 鑱 孫 如如 損 氏玄晏齋十三行 此 刻則 耳。」 九 越 門徑。 雖 帖,董宗伯 字 州 所 不敢 熙 本,毫髮畢 無疑 據義 者 石 甲 藏 歟 氏 或 午 宋 必其 也 本纖 ? 秋 拓 即 本 此 屢 爲 《洛 周 觀 則 豈 同 繁之, 語, 備 穠 子發 矣 九字 即 亦 文 年 神》 得中 介 周 白 īE 墨 唐 與 光 所 然 + 五 初 越 予 執 可 故 所 今 墓 玉

鑑

惟

以

唐荆 川下, 稿本有「先生」二字 題

年

Д 八九

本」,庶幾得其實乎?

跋杭本十三行

皆相 信公得此 公得此之後,又得 跋,其跋全襲 即 前 尚 汪孟 之,知非 鐫 雖圓,不及前之古勁。餘字亦多類此 所 「丙辰」,改「蘿軒」爲「信 行,皆其後 本是賈似道刻於碧玉本也,其後一 不至如後一本之過滑。 似,而 謂 子 慈持一册來,前列二種, 四 向 近 者, 桂老人親見玉工鐫者。 以 杭本十三行, 前一種「指潛淵而」「而」字右 人所爲 明長 一本耳。 用 楊 洲章 知其 王 口 也,然亦 |雅宜臨本附之。] 所云 師 氏 册末有 或 虚實,然此杭州石 跋 墨 語 「姚」女旁,後 未 池 是 ,惟改「甲 真定 堂 筆 有 近 又云:「信 勢與 確 所 時 今世 梁 譜 本則 泐 而 申 所 本 篤 知 쵈 痕 對

> 則王 乃是此第二本,雖未 本,乃實是宋時 云 宜 卒 吾 本勝之遠矣。攷杭 云,其爲 雅宜 後三十七年矣。 卒於 而所謂 乃襲 臨本,乃自署「隆慶己巳」。 嘉 無稽 用 信 靖十二年,至隆 先 楊 公又得 牛 可知矣。 賈 미 屬 似 師跋,改「 楊 嘗 道 本者亦不可不知 王 即 可 本。 不形 雅 此 然此册 師 宜 以 跋 慶己 今所 神 臨 蘿 驗所謂 無 具. 本以 軒」爲「信 前 疑。 常行]巳,距 肖 附之, 不 信 今此 也 而 思

復初齋文集卷第二十八

行

帖

風

格

清

勁

门已拔

子昂

之髓

後

門人侯官李彦章校刊大興翁方綱撰

跋淳化閣帖第九卷

矩,所 軍風 趙 美謂 詣 矩者過於專謹 常又云:「右軍書 其 文敏消 総 大令 流 良常 極 以無妙不臻。 所 逸, ,漸以澌 息。 王給 散朗多 以能 皆於大令各得一體,然皆能 事評閣帖第九卷云:「王元 미 翔舞者過於縱逸。 溥。 名 謂善鑒!」此説當矣。 姿,已逗 「雖鳳翥龍翔,實則左規 一時、傳 大令則 子昂得其專謹,元 李北 後世。 離 海、米元章、 而二之,規 所以 此 卷大 章 右 良 絶 右

> 逸,謂 常此 卷諸 此特誤執《淳化》第九、第十兩卷之摹刻本 謂子昂出於此。 而 妄爲 一條,以 行 米所從 艸 臆説者也 則元 其 在 出。 閣 章底本盡露矣。」愚按: 又以 帖第 此皆臆説,不足信也。 其第十卷者目爲縱 九卷者目 爲專謹 良

真體。 書非 敬才 書以爲行草,非若右軍以真 謂「幼子子敬,創草破正」者,蓋謂 意適便者也。」觀懷瓘此言,則知實 拘制則挺然秀出 之法,非草非 藁行之間,於往法固殊。 草非 高 其父云:『古之章 張懷瓘《書斷》曰:「子敬年十五六時 識 今窮僞略之理,極艸縱之致,不若 真, 遠,行艸之外, 離 行,處其中間, 方遁圓,在乎季孟。 ,務於簡易,臨事制宜,從 艸,未能宏越, 更開一門。 大人宜改體。一子 爲真、以草 無藉因 (尚輦 其 循, 子敬 夫行 破 頓 直 所

真、行、草、正,以妙 謂子敬離 而二之乎? 味 張 悟能合而 家 所 述, 一之,豈得 則 是 子 敬 反 於

間 其 細 府刻 原本第九卷之字,皆較肅本雄厚也。 翔 所 第 痩 能 細 論《淳化》原本及《大觀》本皆不似此之 所 大草,故 行 加 也, 痩 不 九卷不及原本之雄厚矣。 屢 雄 世 者 流傳之本,亦與肅藩所從出 本,其第九卷乃别自一本所摹。 且 遠, 之肅 调 言,豈良常未之 厚,故目 良常王氏 論《淳化》原本乎? 即以今所見南宋坊賈重翻之本, 於縱 則 以 而以之對 豈 八爲縱 府本,第九卷筆 得執目 逸」,此 以爲專謹 以所謂 逸也。 校 前所 殆見 「規矩者過 知知 肅本 也。 不知《淳化閣》肅 乎? 《淳化 見 勢 之 尚 第十卷多放 而 似 肅 是南宋坊 概 覺 之第 其《淳化》 於 閣 過 本 肅 帖 專謹 今姑 細 此 府 九 過 九

> 轍 閣 事 乎 來,猶之所評「漢 也。 者。 離 ? 侕 藩 乃 蓋良常王氏議論,多自八比時 二之,是 本爲 竟 執 此 此 爲 則 痩 隸 誠 斷 細 禮 之刻, 子 器,體凡數變」云云 以 敬 畫 知 分子 而先自歧 有後 敬 世《 之 藝中 於二 淳化 於 此

者

世。 其 變源 説 瘦,不能辨析,而大令之書遂致不 良常之誤,故備言之。即此二卷, 所爲,不足以核定大令之書, 九卷反 大令之書不能明白,而上下千年 流,遂以淆紊,所係者豈止一 予見伊 叩槃捫籥,所當剖説也 較較 十卷稍 墨 卿 太 厚,0此 守 處 第九 特 哉 而 第 時 卻 家 明 前 足 翻 兩 白 後 以 於

稿本有「第」字。

州 馮 氏 家 藏閣 帖殘 本 七册, 後 有

Z 台 州 閣 市 本前後諸 房務 抵當庫 帖 記」之印。 及長 沙、 清 江、武 按曾

武陵諸本外,若章貢、 衡陽、曲 江、八 (柱、三 出

成

無 有

其 諸 右 處 一也,是從《淳化》祖本摹 本、 亦各 木本流落人間者不可勝紀。 有 帖。 蓋 南宋諸 出者, 州 郡 市場, 故當 此

所

Ш

+ 弇 視後來肅、 Ŧi 州 年丙辰, 李天 晉、 人生、傅 青主 潘、顧 青主 跋 諸本耳。 則在二十二年癸 跋。 天生 第十 跋 在 卷 康 有

陵

熈

E

高 本

亥

鎮三山 想未 而青 能 殿司 深 主跋 派服弇 皆棗木」之語 於天 州書 生 耶? 語 絶 頗 不 然弇州跋引「 照 爲 應,何 平允,鑒者 彻 烏

搨

載 石

跋 肅 府 閣 帖 初 揚本

於天啟 石尾有 年」者, 年,石之缺 於萬曆辛酉,不知萬曆未嘗有辛酉 洮 陳 在 Ŧ 張 無 疑 天 鐸 鶴 曼 岷 而 陳 跋。 也。 此 一僊、獲 「順治甲午歲張正 元 始於萬曆四十三年乙卯八月, 啟 鳴 子文所記 道 N 帖尾 年辛 元 揚 又 Ŧ 當 王 年。 州 在前 鐸、憲 澤毛香林 跋 時 無之。 西六月。陳子文乃 陳 在崇禎十 蘭 世子 用 卓 州 則 富 王父子 補 帖云: 此搨本爲天、崇間 平. 王文簡《池北 識鋐 刻 石 事 言、正心,● 四跋。」 師 跋謂「先 「今移置州學, 年, 太史紙、 在 教 順 Щ 治 補 謂 帖 也 而 偶談 卒 後 之 + 此 承 而 成 本 初

脫 今據稿本

初齋文集卷第二十八

匹 九三

帖 H 房 觀 摹 墨 矣 刻 搨 層 T. 出 私 迴 購 視 者 此 其 搨 直 竟 五 當 + 作《 千 淳化》 則 以 祖 今

跋宋搨大觀帖

修。 推 洲 藏 卷。 徒 第諸 坐 口 嘉 官 經 周 徐桂字茂,吴長洲 見爾時之所見《大觀帖》,非 相失」之 ,有《大滌 明 人,隱於 紙 右 公瑕 隆之時,而 叔 新 宋 周 也 安 拓 汪 ^ 象先 瑕 句著 焦 Ŧ 大 無 百穀、汪 Ш 題 昔 Ш 觀 所 擇 爲汪 人 籤。 一,當 稱 字 帖 評《大觀 象 詩 於時。 季 先所 **>** 1有「江 集 人,居 侍 卷 仲 孺 郎 内 嘉 舊 帖 慈 伯 有 此 月 至 郭第 餘 藏 王萱、 玉 谿 Ŧ 第 數 不 杭 並 若今日 每 之子, 鳳 官袁 四 字次 人 口 以 册 者 徐 洲 肥 首 凡 州 仲 Ш 有 四

> 真 本 世 石 爲 單 本,不若 難 弱 蓋 是帖之僞 得 之 僞 則 今 本 又 矣 日 口 僞 見 自 又 刻 爾 明 諸 動 日 朝 輒 跋 尚 盈 皆 知 翻 函 以 尋 刻 者比 求《 以後, 大 大 觀 矣。 全 乃

乎? 刻。 **氾雲** 來 與 穀 得 樓 云 藏 藏 朝 漸 而 本、 宜 諸 大 假 第 見《大觀 宜 帖 徐 多 諸劉雪舟者 興 興 跋 清 所 壇 贋 一今見此 五 前 劉 本,蔓 卷 長 藏本之下。 輩 古拙。」此 本 樓 雪舟 劄記云: 簽 前 對 以 云 帖》,無 本,又勝 藏 四 百 借 延一 此本題名目字皆似 經 本 太 金購之孫 本 每册 也 紙 即 清 出 數 「華亭王 世 有鳳洲 華 又從劉 宜興 「宜興 周公瑕 樓 一,其 種 皆 亭本也。 無 有 北 乃知 前 本。 本 麟 徐 翻 行人 海 司農儼齋《太清 題, 固 Ė 用 本 者 名帖 洲 合之 者。 無 恩沛 神 錫 又 ,在宜興 之也 宋 公瑕 印 采 曰 贵 無 王 王 人 生 轉 其 華 鐵 即 不 動。 假 從 或 Ш

先後 攷諸 之不同。 册者是宋時 次之,華亭與是本又次之。 家 所 愚按: 次之論 見,而已有拓 壇長精於鑒帖,據此言,則 初翻 E 而 此 知此四册 本 言 矣。 謂 手、紙墨、厚薄、 乃愚驗 王鐵 實是真石,壇 就壇長一 Ш 此 本第 拓本, 此 淳 漓 宜 博 四

真耳, 舊謂《 之系 父此 新、 帖之子孫支裔重見叠出,至不能詳其 不言新、舊二帖之有重刻。 後帖,淪 言及《大觀 舊二刻,莫知存亡。」又云:「今閣 書成於淳祐戊申,在南宋之末造,而 曾宏父《石刻鋪敍》云:「靖康之亂 宋時 淳化》也。❶ 此特明朝書估 後 敵 帖》 固 榷 境,不可復得。」新謂《大觀 無 場北 有権場本者。 並不言有重刻本也。 事 來 也。 者, 已 然宏父 則在今日 磨去『亮』字 曹士冕云: 亦 以 致 先 此 本 不 紊 後 前 宏

> 此帖漸 未必能 與 場之法 俟得 通和 矣。」考《建炎以 後,則二國之勢皆已垂弱,度其邊 已七八十年,而榷場尚無此 官爲禁令以拘制之。 皆以盱眙 竣北賈之來,而金亦置蔡、泗、唐、鄧 其貨之半在 金 尚未 後 雖 百 少, 始 如 通 通 必知 商 耳。 使 爲 曩日之嚴阻 置 一 而 場, ,復易其 準。」其間又屢罷屢復。 皆 有權場本也。由是言之, 権 曾宏父以垂髦之年家居 以 來 場 百 兩國之界禁尚嚴, 朝野 千以 其 升盱眙縣爲 半。 半 自南渡後至 ,於是百貨 雜 北 下者 記 以 泗 帖 往 洲 十人爲 也 大拘之,以 権 軍 雜 場 一自 市 開 開 権 , 諸場, 陳, 保 禁 禧 禧 場之 蓋 紹 則 4 宋 既 而 榷 興

未爲精鑒

也。

0

[「]新謂」至「淳化也」九字,原脱,今據刻本書眉及稿上

書習及稿本補。 「則在今日」至「無是事也」四十八字,原脱,今據刻,

坊 刻 其 可 未 三十餘 磨去,而 士 書者。今驗此《大觀帖》第三卷《庾亮 篛 榷 則帖首、帖尾二「亮」字皆全磨去,信 但未見《大觀》真本,抑且似未覩曹士冕 金主亮之諱,非全磨去『亮』字也。」此 亮字不全本,但 、賈、試 `疑者。 净也。 也 猶 卒在三十一年辛巳,其時去靖康之亂 冕之言可憑矣。然今諦審之,「亮」字 林 場 之本 苡 新 則 宋朝並 東 年,去大觀刻石之歲 問 心 mi 其頂及脚微微尚 即 考海陵之立在紹興 庫 在 無翻 别 其爲北賈乎? 有 此 絳 南 刻 不諱「亮」字,曷爲而 磨 本 宋 摹之事。 一石,中 石 條,其 磨去『亮』字右曲 誤 時 未净之痕也? 認爲太清 亦 未 爲 ·間直 假使即 必 當 露 南 能 纔五十年,石 日 畫 賈乎? 十九年己巳, 樓 無 多 真 痕,蓋磨 本,遂 此「亮」 有翻摹 有 石,又 脚, 避「亮」 如 也 南 如 乎 帖 論 以 云 之 纏 無 雖 曹 之 澼 北 石 不 王

> 字 石 灼然 也 ? 無疑者矣 只 此二 語 則 是 本 之爲《 大 觀 **>** 真

内第 跋謂: 尺度之皆三尺二寸五分許。 定論 遂成 後而 色、 諦翫《大觀》真本,每至石邊破處更可 月字,此本皆遜予藏之古樸 先搨而善者 藏第六卷與 拓手,皆在 ,觀者更不 紙墨不細使然耳。 二物,此帖實未嘗 予藏有《大觀》第六 第二兩卷,其 「當時尚方過江 爾 此四卷對之,則其 非 此四册之上,然 石邊破處撮計之,大約 必 與此 執壇 以此爲率,當不甚遠矣。 権場工 再勒 有二石 觀此 長 卷 所 愛。 殘 也。」此語 見 本, 蓋 前 益 也 亦 墨 以 就汪象先四本 亦 有 知 後 権場本 石長者以 紙 疑之矣。 以 精 王 題 即以 搨 當爲 目 翁 在 年

跋

物。 師 增,非《大觀》原本所有也。 觀 不佳帖》,米元章始得之。 觀帖》有此,盖 宣和 卷末 時 家 明矣。 物,爲米老之父奕勝所獲,乃 大王 詳見王弇州《續藁》。 書譜》有《裹鮓》而 有 帖第一卷末有《鶻 裹 鮓 是從《實賢》重 帖》者,皆《寶 無《鶻 先是 其不 今行 不 摹耳。 賢 佳 不佳》,《 得刻 濮 堂 帖 世之《大 中李 爲米氏 帖 於大 按: 鶻 小 所

跋大觀 帖

四、 雅 二印, 五之三卷,其二卷之首,有「貞元」、「伯 臨 Ш 李 即王弇 春 湖 宗 州得於朱忠僖家者。 丞 購 得 1《大觀 帖

初

齋文集卷第二十八

《大觀》真本,第知有陝 本則 此 興 卷 卷 正陝刻處。 者,故淳化取以人石。 超 爾 楷 化本、遽以議之、甚矣、言之不可不 從 皆 則是唐五代間有人集此 本 虞世 是 淡 重 是集《廟堂碑 Ŧ 搨 刻 彦超未經 南書《大運帖》之第二行起,此 於 本,第二 王篛林未見唐石 建 隆 末 》書也。 卷從崔子玉書起,第 年, 重 其 刻以前之本。王彦 刻《廟 距 方折 淳化二十年耳。 碑字,書於油素 然此《大觀》真 堂 原 處,尚 碑 本,又未 淡及 有足 重 刻 見 永 四

之邊側記之。 書「臣某某」,蓋當 石,是《宣示帖》之第六行,度其二字右外, 《大觀》原石 以予所 ,石之前靠 時 刻 見, I 姓名, 如 邊下 第 二卷第二 即 側 於每石 有 細 楷

王」、稿本作「觀」。

能 刻 審 王 「,亦 盡 弇州 辨 姓 無由 長 之三卷及 名, 者。 吉 見 而 即 臣 耳 其 以 張 每 余所藏 此 仲 石 等 文 邊 宋 多磨 第 八 拓之本, 字 六 、卷、石 損 處 春 湖 若 尚 邊 所 皆 非 有 購 諦 不 有

跋寶賢堂帖

此 摹《絳 孝宗 以 此 内正 靖 天 清 帖行 Ŧ 順 時 是 土 知 樓》者。」 帖 帖 多以《絳 嘗 冕 月 欵 孫 年 以 所 朋 峰 高 後 月 封 搨 舉《絳 晉 見 與《太 今觀 見《 峰 晉 本 # 、帖》舊 新 世 進 絳 子 帖後傅 絳 帖 子 御 清 奇 帖 聞 × \Rightarrow ,弘治十 本 樓 :》,殊不 源 本 真 諸 人石。 帖 奇 所 而 本 青主 楚 源 刻 反 數 相 中 同。 一跋 疑 條 四 晉 似 友 凡 帖 相 年 莊 此 + 首 又云: 疑 八一云是 薨 王 孝 不 單 即 卷, 知 炳 墓 追

熊 舟 諸 疑 生 泐 谷 弘 補 世 清 原 所 五 於 比《 久 治 諸 劉 帖 有 摹 歲 屬 ,猶得借《寶賢》刻 樓 勅 虚 若合《淳化》、《大觀》諸 明 晉 老 先 次 異 集 損 而 由 云 摹者 淳化》 或 舟 一年九 神 水 生 此 人 莊 者 此 成 壞 以 朝 微異 宗三 段 了,猶當 帖 以 也。 帙。」 承 爲 顧從義 康 绛 考, 高 月一 推 亦非 以 + 熙 命 + 者,皆《絳》本矣。 摹 據 ൬ 高 皆未之致審也 卷,亦誤矣。 則 世 十九年,陽曲 一一論 補 日字,起子,訖 四 字, 傅 此, 也。《絳》本今既 叔 八凡《淳 之書 子 年丙 所引 祖 凡五 本以髣髴真《絳》之 則 搜 其 晉 而 月峰 其 午 爲摹 揀 化》、《 定 十 單 偏 舊 王 月峰、 故 炳 \equiv 本 以爲皆從《 旁 藏 自 石 原 0 此 文 大 絳 體 細 [《絳 況《絳帖 帖 跋云 浦 亥。 以 每 帖 考, 觀 勢,以 退 挍 古 既 不 傅 江 卷 **×** 石 「今名 傳 諸 本 後 其 七 戴 青 有 而 太 È 退 有 虚 續 與 於 帖 夢 闕

年 友 其 餘 此 傅 姚 而書之。 所 盧 夕 引 學 誤 字 + 也。 微 È 其 仰 石 講 曲 在 席 下 . 晉 陽 書 拓 當 院 本 見 作 同

跋 陳 伯 恭 所 收 張 樸 園 藏 大觀 帖

爲

摭

概

晉藩《 樸園 字。 紙 年,於伯恭 蓋《大觀》、《絳帖》 一、丑二等字痕,皆 墨俱 損 用 墨濃 壞, 明 前 戊子冬, 擇 寶賢堂帖》 弘 舊 軰 乃合《大觀》、《 治二年,晉世 重致然爾。 題字者, 翰 勒 面 予在 爲 疑 林 此 其 齋 初 本 粤 崩 書 見 皆每行 塌本。 用 東見《 前 所 細 今日 故其 子 枝 所 收 絳 奇 Щ 覆審 + 見 帖 高 大觀 行 其 敢 源 陰 本 册 於《 、每卷 式 定 以 文 同 與《大 帖》 乃 有 巾 淳 寶 絳 印 每 知 以 漢 晉 化 蓋 帖 頁 爲 是 陽 子 明 舊 張

> 懷 欲 光 僞 難 删 已 熊 補 太 同 改裝, 去 難 氣 者 辨 原 補 而 餘 晉陽 踵相 也。 得 至 其 屬 以 增 或 帖,存其 矣。 缺 存古人之真耳。● 易其 口 子 書院。 效 不特 朝 壞 跋 慨 顏 其有 康 者 則《寶賢》舊搨皆不得 其 題 也 魯 無以見《大觀》之真,且 熙 一卷,目爲《大觀》,是 概 目。 凡 公 舊 + 而 於後 及 重 伯 搨 舊 九 摹 唐 而 恭 本 拓 年 原 Ŧi. 宋 祕 間 本 且 陽曲 裝完好,不 諸 十三石 校聞 ·未經戴 存 以見祕校 賢 者,又 令浦 帖 吾斯言, 《補者, 被 自 石 江 爲 之虚 可 伸 恐 以 戴 坊 + 其 作 猝 賈 亦

跋 澄 堂 殘

澄 清 堂 帖 殘 本 册 據 其

0 耳下 稿 本 此 意深 可

四 九九

也 賀 論 也。 於 子愿 有此 記 鑑 皆大王 甲 是合第 東觀 拓 知 何 手 光所見之本, 》乃云 謂 内 章 品列 E 七 \pm 地 題 語 處 集》所有者, 世 虚 帖爲 臨 損 此 ? 書。」信已 五 T 皆 傳十七 南 出自黄長 亦 舟云:「 寫 庵 帖 卷 同 乃妄託 昇元 其 不 唐 《鬱 此 本勒 殘 在 元 出 知幾 李氏 本云: 帖 内。 宰 上 何書 帖 岡 則 而 又 石, 然。 以欺 也 顧 , 獨《 别 所刻。」●香光 齋筆 亦不 睿。 董 後 卷。」此 孫 誤 。」然或 研 一至孫 置 「《澄清堂帖》,不 本 卷 文 董云:「宋 餘 北 Ш 以 澄 人耶。」王伯 蓋 敏 内 塵》云:「《 然。 何 論 海 廷 浴 心 退谷《 云: 真 有 義 南唐後 》二卷耳 謂 尉 亦 堂 13 門云 香 名士解 戊 退 以 堂 者 云 「余得 光 賀 此 谷 爲 爲 庚 人 五 東 所 主 藏 季 是 玄宰 子 所 以 澄 穀 字 觀 直 南 清 得 知 爲 長 銷 引 爲 本 何 堂 誤 語 刻 嘗 睿 智 唐 餘 邢 夏 宋 唐 則

> 少次第異 二公所見皆宋 门,波 今摹 磔 與 明 於《 此 耳 退 暗 戲 搨 谷 鴻 麄 本 藏 堂 細 本 **>** 而紙質 之 卷 多 痕 後 所 者 搘 亦 墨 拄 色 迥 其 與 不 帖 即 之 帖 冒 其 名 司

出

所行 上 間 蓋 所 坊賈刻 卷一」。 汝帖》相 南 出 澄 注 賈取 宋末 肅 $\frac{\Box}{\Box}$ 清 今就 非從《 書 府本 堂 甲一 據此 輯 退谷 校 帖》 官私雜 年、《淳化》、《大觀 體勢相 卷數, 不惟遠遜《大觀 淳化》、《大觀》諸 尚不及者。 」,又次一行 標 卷一」, 藏 題、文法、字 埒 本驗之,卷前 貌 帖 0 爲 内 次行 又以宋 古 右 然 刻 軍 題 題 耳 有 其 》真本已亡 法 日 拓 日 體 *, 名之蹟 第 帖 《大 且 是 原 頗 王 王 摹 澄 有 則 觀 與 右 右 行 出 别 較 南 軍 帖 軍 題 宋

明矣。 曹鋪坊之名,非南唐所刻者,直南宋賣書鋪坊之名,非南唐所刻

來,索直三百金。 并書籤。 内紅字,亦皆退谷筆。 謂二王十七帖皆在 書,其一己亥書,皆在 安曹侍 歸安丁小 如 此。 是册有退谷手題字五段,其 癸卯十一月三日也。 郎 乾隆庚子二月,書估陶 雅賞歎久之而 齋中見之,借歸,細翫 欲暫留數 下 前又有 風,其信然耶? 庚子作記之前 罷。 日,不可得, 後三年,於 楊已軍題 而 生持是 四皆戊 跋 其 字 概 册 新 戌 與 至

跋英光堂殘帖

郎、 真 者也。● 齋法書贊》,今已輯人《四庫全書》,其 淮 英 東 總領 光 倦翁 堂帖 岳 ,鄂國忠武王之孫。 珂 \leq 倦 不 翁以 知 凡幾 其家藏 卷, 諸 宋 所著《寶 户部 品帖勒 間 侍 石

> 遺迹, 也! 翁 亦無煩辨别矣。 字句與此帖 者,則此舊拓,偶以殘軼見傳,❸尤爲 本闕者,亦有見於《寶晉英光 手書某帖」。諸如此 序, 寶晉》米公某 《寶晉英光集》有紹定 可謂博且勤矣! 倦翁當南 偶有 其有見於《法書贊》 帖,此 詳略 渡之末,訪究米老 類,既 不 石本皆作「質晉 同 者。❷ 不 壬辰 集》而 深關 上 若每條 考核,則 E 石 出 而 日 足 本 處 倦 幸 闕 下

跋英光堂殘帖二

帖 姑孰詩 仲若呼 英光堂帖》 帖》、下與照洞。 不聞。 **)**殘拓 《道 林 本,凡五 詩 萬 帖 籟 詩帖》、《 × 册 陟 巘 内《 不 北 自 雜 觀

- 「今已」至「字句」-
- 「失一、文で恵を背下した。
- 「軼」,依文意疑當作「帙」。

帖》則 俟考。 言之者 跋 當在公爲 贊》中。 依 遠 元 溪紗帖》,凡七帖,《法書贊》 帖》、《塗山 黛 前 南宫宰 研 水。 倦 H 祐 ^ Ш 七年壬申 詩 \wedge 四 翁 石本 詩 石本亦 然此 微空 上凡 倦 帖》、 大字 其《十 蓋 雍 帖 翁果 漣 是《催 未嘗 ·》山 邱 皆 帖》、《評 夜登鑑 涯 七帖 水 + 日 詩 1 時 有 無 見 研 帖 二丈帖》、《浯 七帖,皆見於《寶真 智 维 所 見 巨 跋 其 此 ,皆無倦 租 × 遠。 時 邱 作 宏跋 贊 也 宰 跋 **0** 抱 鷗 書 Ħ 時 驚、 山帖 5、 豈尚 也 漣 帖 鑑遠後詩 露 槐 **其** 攷 0 O 而 水 賞心 *\ \(\lambda 竹 詩 翁 《催 園、賞 倦 元 據 跋 非 跋 帖 有 則 詩 章 翁 墨 溪 此 所無,皆 詩 倦 ^ 租 × 在 贊 疑 心、昔夢。 帖 帖 幸 催 跋 莊 帖 *\ 帖 翁 欲 而 紹 則 *\ \!\ 雍 帖 則 租 */ « 而 雨 所 聖 齋 舉 巨宏之 晴 《墨 邱 帖 《催 云 氣 漚 刻 表 催 新 存 法 兩 四 不 ^ 莊 監 Ш 之 意 云 年 在 以 浣 民 書 租 地 租 色

> 予有其 帖》諸 之理? 摹勒 其前 甫三 也。 倦 表 所刻矣。 傳 廬 刻 帖 在寧宗慶元間,此 民 真 墨 Ш 明 者 標 跋 十年, 豈有吴居父所刻之石 郡 莊 倦翁刻《英光帖》在紹 矣 卷 攷吴居父以鎮安節 題「米南 且 好古君子用 齋 拓 帖 則 體 本,今見 又《 家 頗 亦 浯 此 例 今與 今宜 佳 非 Щ 不合 溪 墨 一,其 倦 跋,筆勢、刻 宫 \approx 莊 荆 專以《寶真 帖, 翁 所謂 辭翰」五字, 此拓,確是從 詩 後 榛 帖 À 則《墨莊 所 八《寶晉 有 瓦 > 刻。 使 後 今尚 刻 温 礫 相 有 定間 真 度 革 侣 此外,惟《與 吴 齋 I 存浯 帖 法 巨 使 叔 郡 僅 居 》亦非 亦與《 法 如 帖 上距 齋 留 皮 石壁之本 已委 得 父 書 **以**跋 溪 以以 跋 出 一守建 出 即 石 英光 倦 〈榛 亦 慶 建 永 本 鎮 則 康 其 於

^{▶ 「}日」, 道光本作「行」, 查岳珂跋亦作「行」。

有 倦 翁 跋 費 相 合者爲信 耳。

跋 英 光 堂 殘 帖三

晉武 未 書家之能事畢矣。 帖 此 有見此者。 帖以傳之,吾當爲執役 帝 今 書》 所 雖 見米 僅 一帖,亦精 -+ 秋史又藏《羣玉堂米帖》《 公大字, · 字, 後人 而 妙。 未 多喜哀輯 晉 有 人 鉤 爣 之 過 勒 得伐片 精 於《鑑 焉 意具矣, 米帖,乃 石 遠 説 墓 後

題

跋 光 帖

題字 石時誤作「中中 醉中之天真」。 醉 中 此 中天真 非 刻 出 米 倦 書 翁自 ٥ 一曹 蓋 以《法書贊》 書, 原本 由 子 此 建 乃 以 艸藁作「中之」,上 胥 應 推 史輩 詔 原本驗之, 詩 則 代 \approx 此 書 後 帖 跋 E 前 石 後 云

碑

耳。 刻 帖 者 以 能 岳 倦 勿鑒諸 翁鑒 析 精 審 尚

有

此

失,

後之

跋 Ŧ 孟 津琅 華館 帖

話》: 西饒 碑》之句。」而 紙墨已具, 墨本,直千錢,文正 自言平生未嘗飽 唐 興福寺碑》, 日 薦 \sim 聽者不察,遂以 州 E ●「范文正守 福 薦 覺 也, 寺碑》, 福 斯 後 寺 《琅 夕 碑 亦剩半截者, 唐 華 \leq 歐 因 雷 沙 饒, 此 館 擊 爲 時 陽 有 門 饒州歐 打 沿 帖》,臨《興 歐 有 碎 率 『一夕雷 大雅 其 F 陽 書 俗 更書。 生獻 本 碑 書 説 書 俗 所 | 薦 之誤 使售 斷 集 呼 是碑 詩,甚工 轟 《冷齋 福 福 碑當之。 爲 右 也。 ^ 寺 寺 京 * 薦 在 軍 碑 碑 師 截 江 按

0 話」,原作「語」,今據稿本改

五〇二

字 或 訛 爲「吴公碑」。 誤 , 此尚足以正俗誤耳 此 誤 認「矣」字 碑 其 惟 大 演讀 將 孟 則孟 軍 津 爲「吴公諱文」,甚 矣 乃 津 亦 此 下 沿 臨 本 云「公 其 誤 卻 諱 何 文。 至 忧 稱

跋 退 谷 知 止閣

言 間 槐 又 跋 山 聖教》、北 之本 (*) 有 云: 本,是王 世 博士 米本領 米 杜 活 一此 氏 友 陵 亦 日 知 世謂之《三米 本 蘭 海《靈 承 必 「, 得 、字从 跋。 轉 規 亭攷》云:「 Ш 收 摺 本於定守之故家」。 所 頭合下 巌 Ш 唐 又俞氏《續 精彩,始王承 摹,云「 》皆 也,且假若有 刻 蘭 板 可 半成 本 泗 亭》。」又 雙槐 證 ^ 水 考 蘭 也。 章 南 先 * 規 亭 Ш 領 如 祖 載 米 何 杜 懷 字 至 皆 鄭 也 友 政 有 从 雙 不 和

> 稱「米老曾刻之, 作歟? 0 與 以 山 此 頭 論之, 了 不 相 則 世 屬 退 稱《三米蘭亭》者」, 其 谷《 添 知 人 止 Ш 閣 頭 帖》 鈡 自 拙 其 跋 乃

阚

半

跋

僞

帖譜 卷。 就 初 府 孫 常 僞 絳 今所 方 所 退 王 藏 谷 給 系 孫 有 絳 **>** 二十者,此則 見第 軒印 退 所 數 事 ^ 帖 抑 絳 誤 谷《閒 船 見 所 **>** 及三 且 九 引《絳 碰 真 以「二十」爲「十二」, 前 非 本, 帙 後 第十 <u>+</u> __ 者 重 城 中 各 軒 是涿 刻 帖》者,皆是 王印者,不皆 摘 + 確 卷之刻。 帖考》引 之 即 取 卷 是真 州 帖 絳 成之,其 馮 矣。 聯 州 物 文 系 原 曹 若 不 之 敏 刻之第 物 陶 真本也。 於 特 遂 中 近 則 也 明 有 日 非 致 元 内 惟 良 真 法

也。 馮氏《快雪帖》 晉藩《寶 遘 字,蓋所見止於此。 又王廙、高 矣 晉藩所刻 與 四 賢 閑、 帖》 幼 卿所 一字,及 張 懷素、李建中書,皆從 所 有 旭 摹 張 説 顔 旭 千文》尚 懷 信乎真《絳帖》之罕 草 書《蔡明遠》諸 素 褾 書數行,及 大 翦 **,** 少其後 痕 悉 行 合 間 十餘 此 涿 皆 出 州 明

記僞絳帖

潘 帖 忠《集古 日 題 尚 軒 師 云 私 一....淳 自摹刻於家。」攷歐陽文忠卒 帖 日 哲 近 考》稱 奉 宗 今所行 録》云:「尚書 聖旨 女,《又名潘駙 化 Ŧī. 摹勒上 僞 年, 《絳 経帖 歲 帖 石 在 郎 》,潘 。」按:孫 甲午,春 馬 十二卷,每 潘 帖 師 師 日 旦摹, 而 , 退谷《間 於 以 歐 官 陽 法 文 師

> 帖》原 浩書; 《泰山秦碑》,則宋人《甲秀堂帖 卿、姜白石皆得自傳 樊 史·文苑傳》,當標題云「北齊員 於《汝帖》。 所譜也。第二卷之《州輔碑》發字, 亦就今所行之本言之耳。 今日之十二卷。 奉旨摹勒之語亦不合。 陽《集古》既言 何 不可見,是以曹明仲所 (退,是 由 寧 五 而 標 此 第九卷之齊樊退、温子昇書, 年 稱 樊遜之誤,遜 沈法會書, I 尚 崔 子, 哲宗 「遜」爲「退」,又與 私自 張帖内一邕穆」云云、《 尚 而王篛 女之 在 摹 此乃舉崔 聞 哲 刻 潘 字孝 見十二卷者,已非 ,其時真《絳帖》 宗 蓋當南 林所稱 於 駙 未 此 家 馬 謙, 立 本中 ,則與 平 前 而遺沈 外 温 》,即劉 宋 詳 絳刻者, 時曾 郎 ·如首 子 見《北 四 魏 此 昇 樊 汝 本 崔 跂 幼

- ●「師旦摹」三字,原脱,今據刻本書眉及稿.
- 「師」,原作「思」,今據稿本改。下同

帖 此 已 本 汪 庭 訛 重 帖 前 象 爲 蘭 先 摹 定 好 但 南 樂 亭 事 所 卷 而 評 齊 殺》 ×, 者 藏 成 首 蓋 大 合 ^ 出 别 是 蘭 王 致 mi 自 裝首尾以名之耳 亭》 明 墓 帖 與 成 祕 時 云: 刻 册 定 是 閣 鬻 時 耳。」元 武 定 續 帖 之 此 本 插 帖 者 失 合。 所 損 綴 明 美 也 謂 本 輯 此 王 袐 此 元 宋 語 想 其 閣 鼠 時 當 永 美 第 續 ^ 樂 黄 諸 是 帖 題 五

跋墨池堂帖

及《化 鉤 較 刻 翻 之油 原 刻 本 行 石 也 明 也 度寺 吴 書 素 重 審定 然 加 碑 洛 蕪 以 章 整 \leq 神 湖 爲之,非 原 仲 頓 中 賦 學 石 者 玉 間 記 ^ 本 則此 》後 墨 如 細 但 王 池 對 小 泐 一徽之《 以《 堂 本有 楷 之, 處,蓋 帖 墨 中 \forall 而 新 跋 池 原 間 又 此 月 及 原 取 實 其 石 帖 趙 有 石 原

> 行,「 精 論 假 越 舊 有 無 州 刻 之。 華 此 重 擢 加 誤 也。 以 石 可 全本遠矣。 爲 略 氏 取 輕 整 此 「方」。 本 存 者 其沿 EK 猶 軀」「擢」 下,今日 其意 若 之 處 舊 耳 文 刻 樂毅 刻 氏 勝 遥 此《 不 帖 譌 謬 ^ 文 想 停 足 至 爲 論 者 墨 氏 高 此 雲 疑 池堂 《停 紳 不 搉」,「申 荒 則《 也 帖 家 全 > 雲》之《 洛 唐 帖》全部 原 本 翻 至 極 石, 實 神 刻 其 禮 * + 本 樂 出 中 尚 1 毅 於 得 亦

跋鐘鼎欵識殘拓本

畤 漢 去 谷 矣。 凱 祠 宫 銅 五 薛 畤 好 氏 甬 特 刻 畤 事 以 右 鐘 鼎 下 扶 鼎 凡 然 一跋,詳 即 風 欵 以 + 之 識 魻 段。 愚詳之, 邑名 字 引《 第 ', 从 谷 耳。 + 漢 口 八 此 到 銅 卷 其 郊 鼎 甬 从 銘 磋 祀 所 篆 食 志 謂 云 拓 已 本 失 好

益

平

五

祠

乎?

宫」與「官」,

亦

不

同

薛

飪

也。

設

飪

即

是

鼎

器之義,

奚

必

字矣。 泐 世 下半,其 以前所拓之一證也。 則《汝帖》「邪」字左半將泐之本在 奎所摹刻,即從《汝帖》既泐之本翻出者。 成冈形,以致 逐」字、《汝帖》泐其 邪」字,今《汝帖》泐後拓 所 孝 樊 行僞《 謙 退 孫」字全不 以二事言之: 汝 雅,今泐損,不 書 此明嘉靖七年戊子南陽郡 (後泐· 帖》之評, 乾明 絳 南 南陽 本僅見「孑」之半,至其後大 帖 齊 元年《孔 》、星 可見,或訛作「退」。於 古 墓道石刻依之,竟 其 前 無 右半,宋拓尚見「系」 其 鳳 第 可 第八卷「齊樊遜書」 已 樓諸帖,皆作「 廟 人 讀 本,左半 一卷「天 詳, 也。 矣。 碑》内數字,此 予有舊 此是北 具 禄 守楊 中 明嘉靖 成 間 齊 應 南 X

子授以

范

壽、元封再封武安侯。」攷《

E

子

非

矣。 其

又此

殘折

内武安侯鈁跋

:「楚思

梁

Ш

鋗

跋

又以

爲

梁國

所貢

銅,

則

又

侯

以,其元

壽

年乃其失侯之歲。

薛誤

讀 武

中

而

訛

耳。

半

卷之殘帖,已有

參差

此

安得

見

其石本全帙,詳爲核正

庶

侯

表》

思思

王子授以

建平

四

年

初

封

安

援

此

好

畤

鼎鉛

末有「山」字以證之、是也。

十卷梁

Ш

銅

鋗

銘

末

有「扶」字,

薛

氏 帖

義

矣。

《漢·地

理志》好

畤

有

梁山

官,此

作

餇

官」,以「飢」誤

作「飲

則

非

其

即「飢」字,

初

不誤

也,而

其後

薛

氏

銘

間

有

釋

行,

云「長

樂

載

宫

皆是 林 於 者誤 此。 從《汝帖》泐後之本 大憾 得 執 證 安得 事 僞《絳》諸刻, 明 1 之。 而不著之? 足見今所 將 莫 來 翻 行 能 此 出 僞 詳 碑 《絳 攷 漸 其貽誤一 無 竟成藝 知

跋淳熙脩内司帖

寫 贵 祕 譜 巳歲 僞 石 也。 閣 本 有 系 户, 之前 作「九月」以 前 二月十 每卷 宋 並 淳 帖 時 而 同 熙 宏 帖 末 輔 翻 父《石 初 脩 ·,其淳 五 楷 刻 在 白 而 内 日 書三行,書「淳 非 九 沂 弗 司 執正之。 脩 刻 深 秘 月者? 一,此 考耳。 時 帖》十卷。 内 鋪 查 司恭 敍 閣 初 則 》、曹 白 續 初白 此 其 不思此 奉聖旨 帖刻 詩,乃執 必 熙十 翻 ^ 土 又援 僞 淳 自 冕《 於三月 作 化 乃 摹 官 汪 者 淳 法 勒 閣 所 年 刊 妄 熙 帖 見 上 Z 者 法

> 之 張 帖 其 刻之本,非 柱 近 有 司 淕 '帖 ||有 氏、 日 翻 真 所 承 本 天 也 增 是 王篛林 福 詳 帖 損 通 下一波畫,不知《脩内司 清 而 而 論《淳化 》「川嶽 李氏 考定之本,其於淳化原刻 陶 實 《閣 **篛林所見《脩内司》者**, 輟 宗 非 耕 帖考正》,於唐太宗書《 諸 儀 淳 ク靈」「ク」字,援《脩 録 閣 本 化 以 ×° 並 帖 ^ 原 脩 論 刻 不 内 非 之比 知 則 司 專 此 帖 輟 論 明 帖 帖》 **>** ^ 耕 矣。 與 脩 雖 未 是 官 烏 亦 内 内 翻 又 非 嘗 刊 鎮 汪

詳 入較 此本 跋、長 芝子慶印,紙墨 校 以 多,則 此十卷 此 實 爲 洲文從 與 + 疎 拙者,實亦 卷 明 以 是邵 肅 然後 肅 簡 藩 刻 亦 跋 僧 所 第 出 知 有 刻 彌 九 宋 非《大觀》之重加 淳 賈 藏 相 卷 拓 本,有 化 似 同,惟第 之 無 閣 別是 道長 미 原 無 疑 字印、 一本耳。 錫華 本 九卷 者 黄 出 E

信,然而肅刻雖遠遜此,抑又 厚,十倍勝之。 《大觀》真本相 懸絶可知也。 本即是肅刻所 正者比矣。 善鑒者其可忽諸? 而此内亦間或有 資 自出之本, 且又因 則南宋刻工與明朝刻工, 核證者。 以見肅刻本之可 圃 蓋 此 八尚有一二筆 其所自出之 一二處 刻豐腴古 足 與

復 初 齋文集卷第二十九

P9 人 侯 官李彦章校 大 興 翁 方 網 撰 刊

悟

淵

乎妙哉

幹

與

功

力交

相

爲

用。

使我

後學,

憬

遠

神 非

致

者

1,今以

唐

臨

相

形

而

出

始

知

境

地

質

趙

所

能

及。

趙

書

卻

又

有

能

追

想

右

軍

跋

唐

臨

帖

帖》前 宗時 臨 有 仲跋,定爲 今存《瞻近》、《漢 所 鍾 筆 釋 摹 法 荆 文一行, 唐 闕 小帖,不 臨 者 南 深入晉室,行 二行,趙文敏 右 節 也 楊 軍 度使、工部 漢公臨 完,因 與 ^ \equiv 瞻 原 時 帖 近 草 》二帖。 爲 心帖》前 其 補 2筆沉 補 書、紙 前 尚 漢公字用 行 之。 ^ 書,米老稱 相 勁 闕 司 張 墨 間 子昂。二二帖 尾云:「 六 州 米庵 行,《 帖 彩 X, 此 據 透 失 帖 右 漢 其 唐 柯 官 敬 唐 時 書

> 蹟,如 其少 之頂 視 完 在 篆圈之頂邊,已左、右皆微泐 凹,此則當其 其偏左則尚 今此印[04]字篆圈上 痕,方是真 朱 文銅印 之 前 耶 、其銅 帖 壯時 吾觀 至大戊申《率 至大戊申,子昂年五 下, 其上 作。 趙書, 必驗其 ൬ 印 邊 神 平正 偏 在 理 以子昂少壯之年,補 邊 右、偏左皆有 以 前 具 未 不 此鑒趙 數 足 一凹者。 更 甚平 年之 頂邊之偏右微凹, 帖 如 印 跋 此, Ė, 蹟 蹟 \approx 銅 此 十五 後 萬萬 質用 其 也 微凹入内之 「豆」字篆圈 則 趙 印 此 無 氏 豈 久則 歷 則 唐 蹟 「豆」字 子 驗 此 臨 又 未 是 趙 漸 而

行 知如 初 原 理天 遲」字之上。 漢時帖》第二行末「帝」字,亦失作 :「喜」字 争勝 非另 依 帖 微 蹟 八淵矣。 試 唐 唐 何 妙 之末竟 稍 然 又 下 之意。今亦 以 臨 移 下 筆 已移 行 行 其 吾想趙 下,原本一 不 也 次 作耳 次 趙補乃誤作「喜」下加一 中尚 此處既多占一字之地,以 行 易原 得 也。 一。此「喜」字,唐臨 唐 則 不 字,另作押縫另書。 有一二未及檢者, 補臨 臨 本 章 明 惟 E 行 著 法 五「帝」字對看 是《瞻近帖》之第 欲 小横,稍覺 時,似亦微 次 者 借趙 诇 矣,趙補自不 别 凡 補 草 臨 以 加加 所 書 遠 有 、闕,不 口,與 長, 横 艸 臨 想 與 則 其 書 右 唐 神 之 致 於 而

攷 或 謂 載 張 此 米 唐 臨 庵《書畫 舫 而 所 卞令之《 載 諸 跋 不不 無 書

> 明矣。 二帖 吴匏庵卒後九十年。 之,未必果見真 之近今所著 字句小異者,未 「乙未歲」,乙未是 畫舫》,著録於明 則張 卞所録 之書,或僅據前 知 八蹟也。 萬曆間,即其於此 孰 萬曆二十三年 云三帖者,其僞 爲 而吴匏 。若張 真 也 米 庵 愚 庵 所 此 則 ^ 著 跋 此 不 跋 清 謂 明 後 卞 洄 而 在 署 録

跋東坡書金剛經

志 題云 道《文安先生 亡 檢 校 考都官遠忌親 水 年四 「元豐三年 皆云卒於 右東坡書《金剛般若 部員 月 外 甲 墓 郎、 申 治 四 寫 表 朔,戊申正是二十五日 平三年四 黄 月 此 》、歐 州 廿 經」云云。按: 五 專 陽 波羅密經 日 練 月戊 公《蘇明 副 朝 使蘇 申。 奉 郎 允 張 卷 安

下 晚 仲 申 m 春 十有四 獻 至 應脱「四」字耳。 東 下 , 宿 坡《 蓋 澣 五 圓 頌 年 通 佛 日,寫經訖 矣,故曰 明 禪 偈。 日 院 詩 治平 先 「遠忌」也。 恐此題 君 題 方 忌 云 午, 日 . 有誤 也 四 至 乃 乾 月 隆 元 手 遭庚 + 甲 寫 + 辰 寶 日

可

跋 天 際 烏 雲 帖三首

子 親 杜 蓋 石 口,實 見之,云其紙 即 齋真本蘇 邨,客或詫 人石 此耳。 ,昔人著録 皆一 張、倪、馬、張六人題識 近 書《 天 日 今畢 蹟, 際烏 曲 爲 本 所 阜孔 紙 色、墨色前後皆 奇 也 秋帆以千金買 雲帖 質 稱 蹟。 0 古厚,數經 氏 董 「粉箋」者,不可 程音 及 ×, 文敏 徽 涿 州 州 嘗 田 程 馮 見 ,自爲一色 擦 自 周 氏 氏 摹 損 律。 徽 載 又皆 快 本者 州 軒 如 雪 昊 舊 而 皆

> 質 之紙 之 疑者矣。 舊 有古今後先之别 又 較 最 新 後 矣。 則 明 即 末 以 則 董 此 知此 文 前 敏 後宋、元 真而 項 彼 林 明 無 紙 題

分。 五分。 出 微 也。 短 更」九字一行,因行筆 長 四 至三分有餘 長下一黍許, 短 分,第八行縮 蘇蹟第 此則又是彼本出 又有確 必不能準依 柯跋第 十四四 證 者 Ŧi. 之甚。 而 一行縮 行「愁何 彼 短 原 凡 本 式,此 於臨 三分,第九 臨 稍縱,視 短二分。 柯詩 書, 此 寫之確 日 第 臨 其 行 盡 五 前 書 視 每 行 第 行 前 必 行 驗 分 七 行 至 縮 則 之 也 行 真 高 行 之 縮 短 下 脚 勢 縮 態 短 下

即 直 長 亦 瀉 趯 如 有 蘇 至於筆 勁 用虞戈萬鈞之力,此 子 逸 末 藏 神 段「人間 法 真 肖 本 處 則 則 聖 而 筆 幾度 凡天 其 筆 筆 頓 淵矣。 春 趨 通 挫 」「幾」字, 於 帖中第 處 滑 雖 處 利 彼 每 節 中 間 本

矣。 點 神 字 字,足以定真本、摹本之大相懸 筆 來 類此 之 力 相 那 本之弱 短 中 回 傳 空 處 而 淺 者不待縷舉矣。 間 筆 之 折 勢,正 膚 猶 長 既 停 前 河言 弱 戈之弱,更何 鬆 頓 則 弱 恰 筆 法 處 也 京末點 與 向 眼 處 ,至虞、柯諸 相 内 藏 俗 稱 也 迥 且 態 又誤作 ?待言。 鉤 0 矣。 坡 彼 此 之 香三 墓 最 郊力 心絶,其 蹟 迴 是 即 本 折 帶 十六行, 舉 晉 則 與 餘 此 唐 更 前 末 諸 弱 以

其

諸

家、皆未

知

也

此,雖 今作行 次 左直 亦 隨 詩 手所仿 由 之,除 左 一花 ,然後作 又 臨 有 横 書 三字, 仿 之所 帶 最 其 此 古 易 渦 右二 艸 原 蹟 見 右 同 頭 處 倪、馬 本帶過之勢 者 也。 横 不能 筆。 外, 73 而後轉 凡 先作 獨 自 餘皆 蓋 諸 寫草頭,皆先 此 改 此 詩 左邊 盡 加 人 尚 下 極 摹本,前 ·右直。 生來 改 顯 小横 含 原 内 混 筆 蹟 此 惟 左直 後 此 不 фф 勢 以 柯 古 其 如 帶 出 頭 本 第

> 雪本 夢」字、「第」字, 援筆立成」「筆」字是先作左一 有病,遂因 行「夢」字、廿 柯 與程刻本對 詩 内 諸 而 фф 左直極 三行 看 亦 頭 其 更自了然。 處 「筆」字, 顯 重 處 然者。 以 露 蓋 痕 覆之。 小横 亦 矣。 鑒藏 至 露 坡 痕 合快 書 自 虞 迹。 覺 第 跋

諸 畫 項 予 末 止 宜 迹,被重裝者砑光接補,無痕。 内 本 、之先。 尚 藏 字 所 印 ,諸家著於録 據 行尚未 耳 尚 原 此 無 真 然此摹本卻 有 摹本 之。 未 本 也 梁蕉 擦 被 而 後 失, 亡,予藏真 以 而 人 林 人於摹本卷 張 墨 訂 者 末 在 伯 描 E 皆 句「杭 馮 最 之也。 雨 涿 同 增多 (本,此 前 跋 又坡 鹿 此 在 人多惠」「惠」字, 其 處殘 諸 内 可 柯 直畫 時 蹟 ED 見摹本在 本至 後、 又妄 破 柯 中間旁挂 則皆 一行 詩 倪 馬 加 則 第 闕 治 此 項 失 首 氏 跋 亦 之

五.

於後 未 本之 既 齋 而 如 小嘗 療汙 坡公真本之所 桐 價 無 江 之 諸 筍 以 卷 真。 力伐 鄉 烜 友 真 刻 脯 涉 者 彼 赫 人 輒 並 馮 之 齋 摹本 ?,致有 陳 石 訪 筵 藏 疑 丽 星 於可 精 之,不 聞 几 其 此 翁 實 拜祭 吴江 上。 逐字 勒 歸 應 直 氏 疑, 不 以 浙 所 榴 蹟 辨 而 知 坡 研 然, 是皆 客來 史 後, 亦 藏 魚 彼 其 公 審,而 明 每 未 則安得 摹 目,竟以彼爲真者。 撰《 笠 來 臘 不 拓 古 讃 必 本自 子 屐 月 妨 本 先 詠 蘇 以 確 齋 + 尚 已 像 聽 不核 予本 詩 快雪 真 無不 隨 九 其歧 刻 前 存否? 合 H 石 實 紙 注 聲 勒 鷩 蓋 輒 \説者。 以 》本, 歎 星 石 屢 以 於 子 後 表 子 屬 7 快

飛 錢 時 唐 節 寄 熙 記 述古》 寧 甲 得金籠放雪衣。」公自注:「杭 寅 之作 坡 公往 ·, 其 次章 來 常 云 潤 道 去 中 年 有 柳 絮

> 更明 非 天寶 之放 以 則 猶 家 春 而 僅 憶 蓋 也 陳 不 放 笙 中「白 去年 白 鴿 鴿 知 未 太 可 色, 也 爲 其 見 守 知 曲 題 太 指 此 放 蘇 亦非 人何 守 别 鴿 此 墨 誉 詩「 鵡 處 壽 無 雪 蹟 雪衣 事」以 妓 雪衣」 鳥 在? 雪 0 衣 但以 衣 此 事 女 啼 之 , 一之非 字字 不 也 明 花 遼 在 爲 號 欲 其 落 所 鶴 借 熙 明言 陳 爲 故 能 指放鴿 客 重 華 用 述古 借 王 沾衣。」語 該 來 雪衣 所 用。 注 得 事 指 年 矣。 和云 必 也 已非 鸚鵡, 癸 且 援 而 意 鴿 丑 唐

寧 其 蹟 又以杭守居閣 嬌」云云 過 ,卻言又有 五 詞 濰 年壬子通 耳 蘇 州 詩 驛, 然即 ^ 不 外 見 知 人 集 守杭 以 所題 蔡 爲 和,不知誰 **>** 濰 君 誰 ^ 州 移之維州 州 長 謨 ITT 驛 垂 題 作 是秋陳襄 壁考之, 玉 也 作 筯 壁 驛 和一 **>** 壁, 述古 坡 故 首, 首 公 爲 而 題 約 來 以 迷 此 云 此 離 新 巸

杭,亦 年九 維州 之一,亦 是先 九 杭 書歟 日 先 月,當是熙 早 年冬,自密移 牛 度歲 是 ? 晴,遂行。 至 生 月,公移 非 再到 指 七 時年四十二也 虞道園詩云: 年甲 論 其 (寧甲 日 之, 杭 初 知 寅 州 到 而 徐,除 則 寅 此 密 六 此 以 杭 或 以 墨蹟 州 月 前 時 云「子容過杭, 即 後 夕大 言之。 之語。 數 陳 熈 乞食衲 其 云「僕在錢 移 寧 年 過 雪 間 + 知 濰 此 即 應 年 所 留 衣 州 蹟 蘇 書。 濰 渾 1 天 述 不 子 塘 則 E 州 府 未 老。 古 臣巴 著 容 若 春 飲 所 以 歲 居 則 是 寧 元

道

雨

册 觀 而 E 項 其 煙 黑 其 環 此 包 過 蹟 爲 林 慶 末 眼 卷 堂 見 頁 購 録 一,猶 軸 之前 於 自 》,原 時 松 捎 軸 後 陵 德 是 已 也 鈐 史 有 不不 卷 氏 以 <u></u> 行 軸 侯 知 時 項 間 鯖 柯 氏 自 破 則 録 博 印 何 蝕 已 ×, 肼 + 是 之 미 周 改 再 册 痕 知 卷 閲 也。 爲 於

問

題

原

後 汪 來 硐 於 詩 敬 諸 玉 脱 仲 明 家著 ^ 失 跋 官 珊 前 末 德 瑚 録 脱脱 五 年之前 網》 ,皆至馬治題止 詩 失 所載,已是摹 尚 年 此二 在 月、 此 名字 前 處 尚 也。 二行。 III 本 未 其 矣 脱 失也 摹 所 以 本

墓

雨 柯

年; 翰林侍講學士。 初爲沙門 博 皆 叩諸史氏子姓 在 德 袁 馬孝常,洪武 題 順 今予所得 松陵 跋, 靖三 年; 於元文宗 帝 洪 近 至正 史明 史氏 陳 十八年。 初 董思白 詢 知 真蹟,凡元、明 字 三年, 内 古 皆 ,皆無有知之者矣! 至 汝 + 邱 此 同 未 縣 順二年; 題,不 四 ,華亭 石之刻,予 項 刻 年; 終 倪雲 題 知 石。 知 云 建 馬治字孝常,宜興 林, 昌 歲 永樂 人題八段 柯 旲 府。 月 敬 陳 託昊 明 跋 成 3 仲、 戌進 陳 汝 洪 固 項 汝同 同、 武 江 不 張 墨 土 元 口 林 伯 友 官

宣

 \mathcal{H} \overline{H}

跋偃松屏贊

松,而 人也。 互,絹 成卷。 間所作,先生年六十時也。合計全文墨 年甲戌十月到惠州,此 松偃、蓋爲 字,絹本,前後翦 紹聖後三四 百六十字,今失其三之二。又裝標 坡公《偃 色黮 不識霜雪。 此贊序云:「謫居羅 蓋明代以前即爲人翦綴成卷者,計 又二三百年,而歸於吾蘇齋也 滅,而大楷神氣如新,尚奕奕 《護首小屏。」按"先生以紹 松 百 屏 報 年 幼子過從我南來, 贊》真迹,僅餘 不可讀,不 中 贊當是乙亥、 更殘失,而後綴 浮山 ·知何 下 地地 人 Ŧi. 丙子 聖元 畫 綴 + 煖 逼 錯 迹 寒 名

跋東坡詩稿二首

半。 字,又塗去,改「清」字,「食」字不塗,旁寫 吾借」塗二字,改「寧少」。「自憐老境 筆鉤剔,改今本也。「江雲抱嶺」塗二字, 生」句,全塗去,改云「至今歸計負雲 改「有態」。 末二句。 去,改云「憶昔還鄉泝巴峽」。 「不辭青春」二句,原在「一枝亞」之下。 長」字未塗,旁寫「高」字。「白髮紛紛 老境向閑 清秋獨吟」二句,原在「年年謝」之下。 紙本高九寸,横七寸,行草 首二行之下半,蝕去數字,第二首 東坡《定惠院 後篇「十五年前真一夢」句,全塗 蓋當時脱稿未完之本也。 如食蔗」、「向」字塗去,改 「不惜青春」塗「惜」字, 寓 居 月 夜偶 「長桅亞 出》二詩 書十一行 山。 更貪 前

五六

改云 是子 謝 倅 不合。」蓋 一字,改「 水汪 客對 廳。 流 無 『還鄉』,真蹟 「此詩墨迹 字。 所改之字可與 京物」。 ,則或又别一 「作「長江衮 『但當謝客對妻子』,墨迹作 桐 妻子」。 帆 寒未 施注所 石 憂 樊 妣 有題是 患 口 又注 至 居 『憶昔扁舟 在 □作「武 作『扁舟』。 且 謂 衮 臨 本 三云「稿 安 今本 流不盡 又其 墨迹者, 稿][机 己心 居」。 真 黄掞家,嘗刻 П 中 迹 相 與 塗 詩 泝 證 别一 今本 長 往 及末 句, 改甚 巴峽」, 處 又施 事 云「重 與 稿 江 異 Ė 全 多, 二句 注 此 衮 也 於 者, 一閉 塗 函 婺 蹟 集 原 甲甲 女 本 本 本 近

爲 一,尤見 坡公無疑 於元豐三年 此 本雖無前 詩 法。 m 庚申春二月,先生年 其 所改字句,與 人收藏 云一十 印 五年前」者 記 其 然 原 其 本 筀 四 此 相 法 詩 對 的

> 此 日 此,今注 + 五 ,距此 紫霞 一、老蘇 峽」也。 蹟,爲攷其 五年前 歸 碧 家 公之 時 公罕有 樹 」,又未 若 īE. 軒 可 作 歸 + 渦 ,即席書 信者如此。 知之者矣。 扁扁 Ŧi. 黄 葬 明白。 年。 州 在 舟」, 南 治 平三 故 岸 其 則 時 改 太 蔗 丙 年丙 憶 定 林 渾 申 昔 之 生 九 侍 3 午, 年 若 精 還 月 郎 僅 先 鄉 密 如 云 泝 眎 四

知之? 若 有 稿 子 今必 $\overline{\wedge}$ 〈定惠 應之 真 無 不 先 尚 感者 寫 蹟 明 兩 院 草稿, 日 題 曰 存 予 月 既 矣。 面 :若東坡 借 而 日 夜 後 此 來 則彼 未對看, 作 偶 蹟 客 予 以 詩 出 初 或 齋 桐 僞 一》及《 者 無 有 謂 細 石 而 題 W 焉 玩 之詩 此真。 次 汪 目。 且 草稿,亦未 知 其爲 此 桐 韻 此 知 二詩 前篇 石 古 之。 蹟之真 客 蘇 人 所 日 九大不 作詩, 真 題之蹟 其 可 蹟 耶? 題 何 知 草 以

次 其 先 當 義 後 或 出 先 内 次 篇 以 顯 前 篇 先 題 言 時 初 謂 牛 時 寫 篇之第 末 愚 文 脱 重 篇 生 之 所以 東 無 乃 題 月 m 偶 稿 度 者 寫 稿 書 坡 未 其 所 理 次 出 時 前 夜 句 兩篇 之, 之,此二詩 時, 詩 人 之所爲矣。 韻 Ė 自 綴, 也 必 九韻 前 了,直待 之作 者乎? 而 和 即 未 則分 或後 首 而 有 是 直 其 前 當 當先 先立前、後二 後篇 題 乃 此 次 至 韻之作。 其 後篇 爲 人所加 日 則 時 脱 篇之題, 第 寫 稍 月 之 題 故 兩 前 所作 節 是豈非 月 稍 夜 題 點 日 日 題, 篇 始明出 者 篇 夜 停歇 也。 徘 明 彼 爲 乎 皆未 自 而 次 偶 徊 原 末 乃 僞 神 題,則是 ? 見先 偶 何 韻 若前 無 本 出 乃 後 之? 信手書稿 而 理不完矣。 出」,全在 以 迨末 不 或 前 可 必 説 此 來 生集 在後 篇 口。 篇 無 知 而 偶 明 真 補 今人 分爲 句 題 此 也 出 寫 既 本 來 使 則 偶 篇

> 月 真 後 成 IE 此 + 惟 而 則 己。 二詩 八 此 遂 日, 蹟 不 之骨 無 暇 書於寶 復 末 日 登 節 當 通 旬 録 録 蘇 貫 室 乃 是 不 ^ 有 乃 施 0 特 此 當 注 足 情 H 補 以 景 直 Œ 證 可 情 是本之 中。 也 而

Ŧī.

八

跋 蘇 别 功 甫 帖

坡 厲鶚《宋詩紀事》小傳 元 官始末,與《宋史》本傳 議 丕 集 祐 承 九字,二 有《郭 初 右 階至 蘇 朝 文 祥 陳 一朝請 忠 行 正覃恩 錫 手 四 大夫。 ^ 蹟 東 國 轉 都 0 云: 蘇 承 詳 事 某 此 請 議 「元豐中知端州 略 略 老 是 謹 郎 不 哲 奉 勅 歸。 載 同 宗 *, \ \ 别 郭 元 予攷東 0 功 功 祐 近 甫 甫 H

眉

及

本

宋史」 室」 至「不同」 作 「堂」,今據稿本改。 八字, 原脱,今

訪,辟 惇 官 歸 請 明 廿 端 知 保 訪使,亦正與 則 也 是元 者 年 州 端 0 信 第二十四階 老 有 熙 皆 ^ 軍節 以 石 歸 州 宋 寧 以 祐 室 日 其 史·文苑 殿 初 失之矣。 則 度 ,當塗郭祥正子功來 得 初 日上書乞骸骨。」此是 又棄去 が所謂 中 以 判官」相合也 再 功甫手題,云「元祐 永 郭傳「熙寧 Ŧ 轉 奉 元豐 安 隱 傳 致 承 議 此蹟 石 仕 * 議 郎, 於 中知 秉 後 青 中 政 乃 正 稱「奉議」, 熙 復 端端 Ш 出 是 寧 知武 用 出 汀 殿 州 中 爲 卒。」予嘗 治 中丞之秩。 ·,從章 岡 通 元 戊 湖 端 元 州 縣、 判汀 宋時 祐 祐 辰 南 耳。 事 愈 北 初 四 惇 州 月 於 察 章 請 年 職 即

尺牘 議 辛 示,遂攷其大 亥十 郎 \overline{h} 隆 仕之時 首,皆倅杭 月 庚 到 戌 略 杭 秋 m 州 則 系 時 此 通 月,秋 以 作,故公 蹟 判 詩。 當 任 下, 正 在 史侍 坡 回熙寧 以 集 是 御 巸 功 血 79 持 甫 寧 郭 五 以 以 四 功 年 奉 年 甫 見

古今,信蘇書神品也!間,坡公年三十六七歲時,神采奕奕,照

映

跋黄書太白詩卷

正,而 尚 謂 其 嘉 割 後二跋者 作「凉」、非。 本作「倒」, 前之誤 華氏之園餘 作 靖 存。 也 + 張守跋 中 字。 二十八年己 右 〕按豐人叔爲華氏 山谷此 弇州 黄 沈跋 在 也。 Ш 者,今不見於卷内 者, 非。 跋祝 焉。 谷 書亦尚仍 八十載,不 板 漢中太守」句, 篇 艸 云 蓋是卷尚有 内 枝 本 行 書 西,有「魯直五 ·誤耳。 一銀 Ш 太白《憶舊遊 來 後 書《成 北 有 鞍 其 作《真賞 復 闕文。」「後 京 訛 金勒 可蹤 集 歲 趣 也。 應作 他 胹 本 月 袁 到 跋,爲 跡, 所 既 書 深 Ŧ 齋 記 平 詩 乙 地 **》**,云: 弇 不 賦 漢 而 加 》,在 此 人 州 東 前 翦 訂 所 本 闕 沈 集

共話 光禄 若 十 豪 卷,當手摹於篋。 此段收藏 存蕭、沈 IE 佚老。」祝書此記 而 遊 一德改 一詩》 年。 趣 予當見祝書墨迹,云:「尚古華君汝德署 有夙緣焉。 丞,致 也 一之句 也。」 是則此 元 二跋 之 風 予去年見祝書《華氏 政 據 自 味, 歲。 而 以 此 爲作歌於卷後 蹟之在 注 何啻與鐵 歸。 識 在 蕭 則 今復爲 之, 正德二年, 海 是 於居第之旁作園 錫山 Ш 酌 卷 與 谷 跋 豐 其 香、覃 鐵 華氏最久,幸得 坤 則 賦 時 香 書 又 而沈跋亦在 相爲 Œ 題 尚 太 溪並 在 此 古園 在 白 其 印 華 几而 前 憶 記》 一,以 舊

跋山谷手錄雜事墨迹凡三十五幅七百三十二行

識 五 題 又云某條見前帙,又記其題下云「千若 皆 文節 漢 晉 公手 間 事 録 雜 事 中 墨 間 迹,凡一百六 用 紅 筀 塗 Z 點 +

> 干 知 其幾 也 蓋 此 其 中 間半 册 耳 , 前 後 所 録 不

然也。 文用 仲跋 謂 面 沿 補篆之,遂竟以爲《東坡志林》之比, 謂 誤 而書,蓋亦未能深 册經項子 也已。 王篛林又據其 或有會而 長氏 書,或備忘 收藏,有 舊 知 題 此 云「山谷志 册 嘉 而書,或爲 此書之所以 靖辛 丑 文 林 微 口

學,此 力之勤 新 聞 誦 中 非 鴻 事 習者 奇之弋獲焉 見之多,所 後 難 寶之書,牢籠 深密,雜以 事 吾嘗讀任、史氏注 秘 錮 非 ,經史類 未 何秘 疾, 覩。」夫古 日 謂 之 儒、佛、虞初、稗官之説, 圃 矣。 積 見異人、得異 口 説 有 漁 學之非易也。 乎? 視 丽 獵,取諸 鄱 己。 事 書塾肄記之事,若無 陽 Ш 非 許 吾乃歎此言之 一谷詩, 及其 出解書,掌 尹 左右。 書者,若日有 序日 博辨之久, 凡 知 後 人記 先 録 生 其 生 晚 用 用 亦 永

蓄艾。 之習 至於千 假借 訛 足 信 非 所爲《建章録》者,散見數 功 力 生集者, 「手 萬 相 偂 中《乙 非 沉 留 不 可 類 姉 與之角勝,未有 **,**録雜 蓄 及 倖 而 百 目 護 彙萬 日也。 E, 古 至於單文偶 然後 ,囊括今古,其取 出 而 事」, 短 西家乘》觀 可持 致 人 炫 狀,左右逢 Ш 知古人一字一 此 也 ,及其奮筆爲 長,寧 而著其 此 一谷際 天 且 嘗於《永樂大典》中見 以 今人平日銖 下 吅 能 爲 平 臨 以 歐 ·之通 旬 濟者 所 左券 文而 經 原 以 蘇蔚 窘 0 材 史習見 患 輯 也 焉, 文, 迫 + 乞鄰 非 而無 句, 也。 録 條,正 無 起 ,則欲 故 積寸累 之實 又豈僅 時, 之故 措 ",勿先 皆有來處 處, 不如志者, 況 爲 乎文 追 與 獨 改 則 而 之 作 古 此 Ш 其 荷 以 讀 題 功 范 册 谷 焉 + 先 人 用 精 E 而

跋 米書

後

書。 年甲寅,更在 已著名於時,故與詩、書並 度座上見之。」元 可 多景樓上彈神曲」之句,坡詩作於熙 有 目爲三絶」。 明 米海 又按:坡公《潤州甘 而 宋 初 何 虎 岳《多景 執中跋在崇寧元 林 前 平顯 矣。 度者,蔡卞也。 據此 樓詩》, 跋 是 則 謂是 則 露寺彈筝詩》已 此 自 米書 稱 [書,不 詩 潤 年 後 州 絶也 此 ,云:「在 米 致爽 何跋又云 詩 著 自 歲 寧七 識 軒 月。 所 謂 有 樓 元

木 本 乾隆庚戌冬十 月 t E 北 翁方綱」。

老

題

在元祐辛未

孟夏,筆勢與

此

詩

潤

州

州 名

學教授

合之焦山《瘞

鶴

銘》

側

米

又攷米元

暉

題

跋,有云「先臣

带 重

,元祐末

權

禪師有建樓之意」者,蓋

謂

加

脩

建

耳

五二

十許時,是其中年縱筆時也。極相似。是此詩書於元祐末年,米老年四

跋李莊簡墨蹟

知 李傑、 簡 是其知 證 畫 定、二、三張忠獻、四 五年 簡 司 南所藏,凡五賢七札,合爲一卷。 泰發 也。 舫》,此札 札 七札合卷,何以前六札、後六跋皆失去 馬公筆。」此帖亦相 ,七即此札。 進 也。 右 陳頎、林沂六跋,載張青父《清河書 帖 都南濠《寓意編》云: 宣州時上民情於當局 土 「光再覆」云云帶名四行,南宋 後 李光字 ,紹興中除資政殿學士。 末 人見其帖有『光』字,遂 有「吴沈 後有李東陽、吴寬、陸釴、 泰發,越州 傳爲 吕忠穆,五、六趙 氏 有 司馬公迹,第不 E 「項方伯家 竹 一虞人。 莊 圖 明沈 書 此帖, 李忠 以 李莊 爲 忠 啟 有 可

跋宋高宗手勅卷

異日儻

得

見所謂七札合卷者,當以證之。

而獨

存

此

帖

也。

帖高

尺,

横

闊七寸

利害。 云: 《高宗宸翰》紹興十一年 在 忠、張俊相應,大事 兵破敵之意者也。」前有十七日未時 師之奏始至,賜御札嘉歎,且 之第九勅 諳悉也,言與之熟諳 此一舉。」此勅即承此意言之也 「得卿奏,欲躬親前去蘄黄,相度形勢 按《三朝北盟會編》:「十九日戊子,李 諳委」二字,宋人官文書語,諳委者, 若得卿 也。 出 珂云:「十九日戊子,先 齚 何患不 黄 耳。 徑擣壽 援 此 濟。 淮 勅 申述初 西 是 春,與 中 岳 興 + 珂 所 奏會 臣 五 詔 編

●「也」下,稿本有「是又有不能無疑者」。

月矣。 可議 之戰 之機 沂 帝 俊 H 乎 戰 臣 臯。」 是其 記 題 在 圖 三十九,而 尝云 ? 被 中 親 得 己 忠 TE. , 隄 防 罪, 世 廬 月, 筆 H 軍 前 能 御 判 失, 州 諭 岳 統 官 奏 攻討,皆 札 拒 尚 而 五. 淮 珂 珂 時 制 未 與 俊 敵 金書字牌班 書 劉 之 虜勢浸 撰《行 西 次 事 又撰《淮 崔 楊 人之鋒 克 一錡, 大 上 以 褒 省勅牒 安 + 也。 被 皋 沂 廬 寵 而 撫 有 平 文 無 資編 敗 中、 州 後 横 甚 月 然是年 使 敗 五 御 預 金 命沓 九 西 之全文日 渥。」李 而 張 劉 金 固 札, 兀 於恢復之計 X 年 師之詔已 辨》 暫 己。 日 俊、 錡 人 术十 於 也 · 日 至 卻 時 辛酉 軍 退 坐 曰:「臣 淮 中 遽 12 於紫 : 皆 抑 觀 出 餘 先 北 城 進 傳 原之事, 自 * 歲 駐 不 勝 臣 師 萬 在 宣 縣 於 金 觀 負 淮西 之 朱 衆 朝 以 不 去 鄂 撫 按 廬 Ш 其 年 0 命 柘 仙 於 野 寒 미 王 使 復 年 雜 時 嗚 先 臯 鎮 + 柘 未 楊 雖

如

此

五三三

跋倪侍郎所藏宋高宗賜岳鄂王墨勅券

專 副 明 兵 回,令擇本路盜藪 萬 寇 載於《金陀續 七月十二日, 赴 遺 高 王 據虔、 時 秋毫不 軍 以屬王。 類 墨 擒陳 也。 爲 1 一勅 馬 在 錢 具奏,省卿殄滅 異日之患也。 塘 錢 卷》,宋 一分,横 可 是 彭等,●以入於虔,上疏乞誅 吉州 倪 糧 即 犯 侍 年春, Ŧ 編》第一 H 勅輯熙殿寶。 以 郎 於是 以 粉 卿之所 就 夏四 長 承寬家藏《宋 叛。 牋 最熾、諸將所不能制 陳 道 王 一尺九 ~,勿 群寇、安静 紙 卷,乃 朕甚嘉之! 月至虔 詔 破 能 本, 江 彭友等連兵數 憚 固 岳 也。 寸四四 西 暑行。 朱文, 縷 紹 飛。」 石 州 安 興 高 朕 洞 分。 撫 勅諸 三年 按: 宗賜 不 方, 紀律 大 已 多及。 花 行 此 敗 使 首 路 平 詔 應 岳 賊 應 李 虔 勅 嚴 卿 無 楷 鄂

> 是日 紙墨如 十年。 距前編 第一 姚 編 降 於《宸翰拾遺》卷内, 究悉。誓畢生搜 軸 家 愐 珂 藏 跋云:「其他軼在 ,始於紹興四 勅 赦 頤 板 韶之上。」蓋端 脅從。 前 之歲 高 王之孫 同 經 鄂王卒於辛酉 次家 宗 觀 新 方綱攷次爲跋,附詩於後。 幾漶,石 者: 御札 ,想像相臺故 癸 珂,於嘉泰三年十 藏 秋七月, H **歙吴綬詔、蘇州** 至是 御 手詔 [年三月十四 訪 刻 札 之勅 平元年甲午刻於南 人家、散之族黨者,不 在 下注 釐 詔 以 百年矣。 ,至是九十四年。 嘉 詣 補 家 爲 拓 泰三年癸亥,已三 云 行 其 摩 十卷,凡七十六 本 日復襄陽之詔。 在 (遺。」而: 挲 一在 無 張 一月,編 即 今《鄂一 悲 聞 書 紹 此 感之意。 加 圃 此 勅 此 或 勅 輯 四 巾 徐 能 其 和 粹 而 年 刻

「陳彭」二字、稿本作「願」字

跋宋人書蘇後湖詩札後墨蹟

後湖 印,後帖前 而 裂,零落已久。 不 H 跋 惟』云云,後有 前一行『庠再拜上』云云,後一帖『門 今見於安氏《書畫記》,云:「二帖,淡黄紙 鐵 安氏 存。一 是此 收 小行草七行,則其爲後 網珊瑚》蘇 則其二札爲 K帖凡詩二、札二、後跋 藏 又云:「前帖 右 據 帖之跋,餘皆非也。」又 稱 即。 跋 短 安 下角 紙,九行,不 氏 而《鐵 册 宋人諸跋。 後湖詩 此 且 又 有半鈴『閣 後人誤 後 跋,則 網 温 稱 下 陵 珊 前 札 角 曾 瑚 帖 著 帖後之第 是 倒 有 人 1性跋 小 惟徐詡、 七。 姓 卷 了文石 所 裝可 翦截裝册 印』二字白 行草 氏 何 載二 云 即即 明言是 其 時 知 子」白 六六行 札 爲 詩 矣。 朱性 帖 蘇 一跋也 今已 中 嶠 口 有 一,則 伏 文 文 頂 知

> 嗜古 跋當 耳。 神 以 誤 詩 原 和 丽 後 物 帖 識 讀 宗宋 詩 此 卷 《鐵 湖 欲 其 亦 何 跋 計 後湖卒於紹興十七年,年八 或可 而 詩 原 來 紹 原卷高 在 正 跋 網珊 紀 韻 興間人之筆, 在安所失中, 相 也? 中 以 安氏 事》引此跋,謂 賊 就 乃 此 瑚》,以下條連接 耶 下 度之。 有「仲叔、安邑」云云,豈 此 所 ? 蹤跡。 詩題於後。 得 跋 者 予既 本 安邑宋子芝山 已失 又 無 又幸未經翦截 他 不 爲芝山 是 欵 日如 知 去 建安 近近 其 芝山其珍 詩 而目爲徐 得 十餘。 日 四 快幸 徐詡 見後 厲 跋及 跋 博 樊 五 湖 得 此 詡 乃

文末"稿本有「乾隆已亥正月十三識

五二五

跋張温夫書

於 蹟 趙之外,王黄 作大字,故多賞其縱筆 金 和 樗寮尚未生,明昌時亦纔數歲。 金朝文物之盛,在大定、明昌 中,年八十餘矣。金亡 七十八歲之書,在景定 力,亦 之 佻 是 朝 以 薄矣, 矩漸 其 遽 後、貞祐、興定之間、樗寮甫 攷樗寮生於淳 或 樗 能賞 六十五 榜 寮之書,相 極 疎 遽能 遒 耳 其 用渴 勁。 華 歲 書耶? 総 亦 筆 書,則可信矣。 前 以 傳 熙十 人 若 觀 大 金 耶? 耳。 此當詳考者也。 I 樗寮 一於端 者 書 人 四 三年 謂 1著名, 極 年癸亥,至咸淳 然在 平元 愛重 之大楷 致 蓋 間 丙午 火, 宋 即元 金時,黨、 蓋樗寮善 即使在泰 -, 當見 一之,其 大定時 年甲午, 少壯時, 以 後,正 裕之 而 此 其 果

復初齋文集卷第三十

門人侯官李彦章校刊大興翁方綱撰

跋江氏家藏宋元六札

旅 有 海 叔先生詣閒乞引意」者,蓋是元 義吴丈」者,宣義見於《元豐官制 寓 意 《玉山草堂集》作復元,南昌 宣義王丈,則此幅是宋人也。 ,味其詞 與 是松雪家法,而倪雲林集亦有《南 法 右六札,同在一册。 喜 端 寺 叔 意 共 明初移住廬 則和 坐 詩》可證 仲非東坡也。 其「與和 Ш 也 人,元 末人,不 自恢 此 其云「端 其「與宣 仲學士」 幅 内 詩 渚 特 住 亦

> 副 思 舉,此蹟 復 提 舉 蓋 見 元 訪 末所書也 詩 》,錢惟 善字 思 復,

《茅山 書也。 六十 張 書,贈驛傳,欲官之,非其志也,即自誓 人陶 告之願。 愧無勳業」之對焉,則未知其所寄意耳。 更出。」然此札謝惠古鏡,猶有「蕭疎白髮。 初到茅山 歲出茅嶺。」按:丁丑是 因三茅有招,赴之,奉任君 名雨, 隱居,稍加峻厲。 姚雲東《句 碑》筆意者也。 文衡山 此幅云「此來謬副宗庭」,當是其 畢力兹宇,因號 又名天雨,字伯 爲至元二年丙子,年六十時 當稱伯 `曲外史小傳》云:「外 其傳云:「伯 雨書法先學松雪,後 此書正其變體, 至元三年,伯 何曲 雨,號貞居子。 而 下五君爲 外史。 雨被 史姓 雨 T 所 年

跋秋史所藏趙書歐詩册

昂 品 學問、文章、悉於此分焉,可 筆 美 持 於子昂人品,不欲 上 主,此跡 再 則 書,亦不肯隨 捎 元乘 **一**種 來 與深厚近,其甜 也 趙 書者之 此 進,則即 逐此 跡 書 中間 趙 留予案 互審之,雖 跡 玉 遠矣。吾嘗言趙 有甜筆、有辣筆,所以 右 尺也。 以深厚者爲右 軍 頭 隨 旬月 道 衆 筆則與深厚漸遠。 其 好。 豈特趙書哉,人品、 人 爲 矣,今日 作譏彈。 真 必 跡 軍嫡 不慎哉! 如 跡以 同 此 以 乳 方是上 吾於子 爲 深 而 友 其辣 趙 厚 其 人 吾 此 書 爲 圓 所

跋任君謀書卷

右金任詢君謀真、行、艸雜體書昌黎

浙。 是其 賢 月 休 董 進士、歷益 謀,易州軍 云「計書時,大定尚未改元」。 四致仕 不甚留意攷證 始 退,此殆晚歲筆。」予以 書。」後 香光跋。 懷 (甫成 詢生於虔州, 改元大定, ,卒年七十。」後有 進 有楷書《任 市 李西涯 都都勾判、 士之後四年,非晚歲筆矣。 首 款 此 則 書畫 父貴,善畫,宣 云 跋謂:「傳稱君謀 亦可 是正 君 北 入妙品。 謀 辛 見 網尾 李 京 傳》: 隆 巳 也。 西 鹽 六 秋 涯、 使。 小字雷 年 按:辛巳 初 任 政 E - 秋所 周公瑕、 隆 間 年六十 詢 龍 溪 三年 高 遊 字 巌 年

跋天冠山題詠卷後

虞跋云「三公先後同賦」,而郁氏《書畫家《天冠山詩》,各二十八首,合寫爲一卷。元趙松雪、袁清容、虞道園、王繼學四

耳 偶 刻 今得此 郡」。 後 冠 記 則 是題《天冠 首 士之號, 衡 趙 皆集 有 髴 陜 咏 疑 山 稱 山 則 ^ 鄙 自跋云「余昨遊天冠 年八 文衡 汪 刻 丹 廿 此 圖 真蹟出 丹陽郡 書名尤 書法 四賢 陽 氏 句 之 四 石 統 而 中 十四矣,断 Ш 郡。 刻 m 詩》之石, 珊 Ш 傅 所 手蹟 未嘗不佳,第 之爲 癸丑秋跋,云「天 是何 不 自正鋒, 圖 重 瑚 會 有, 固 癸丑 敢, × 也 網 天冠 爲郡者,又失之。 一而作, 卷,則文敏詩較石刻 非一 圃 語 此 皆詳 陜 也 則 然 無 衡 是 Щ Ш 加 ? 名 刻失之。 日, 陜 此 故目 Ш 明 陝刻側削 且 著 於 在 西 以今所得真蹟 山 媚弱之書,且「欲 亦 惟 嘉 而 上廣信· 文 趙 於 碑 靖 不 未 以 見佳境, 衡 1題詠。 冠 # 林 而 出 其 有 三十二 丹陽 府 山 Ш 久 趙 略 此 書 以 爲 在 貴 且 時 於 1論之, 語 多四 其 則 丹 少 而 年 也。 陽 發 比 陝 道

> 丹 志 五 南 陽郡之説 》亦具載趙題諸 垂 面 旒 山 里 相接。 脈 名 與 也 也 皆與此 峰 作。 三峰 Ш 相 詩題 不 連 下 知作僞者何 有 其 相 長 合。 巔 廊 方 巌 E 廣 信 又 兩 與 頭

如

脩《 見書不多之可 大,古賢名跡湮没 隔省之郡名,而 希有之蹟,爲之攷證 偽之端矣 皆已磨滅不 戌,至今財 刻陝石者,復不知 廣信志》者,既不知駮陝 此 陝石之刻, 1 百 ·可見。 若非 年, 憾 文敏 也 而 在 予今來 而 後 此 石 國 徒留 明 不 人 理 朝 山 白 白 更無 一僞蹟 盡 康 在 1,將使 江 者 泐 熙二十一 何 西 西 何 憑 處。 石 限, 於 靈 恰 刻 而 得 驗 始 之 世 天 山 年壬 壤之 其 誣 耳 作

而

僞者殆遍天下, 今得是蹟 然趙文敏 之書 以 斷陝刻之傷,然後 雖善鑒者 自 元、 明 以 亦 來, 未 知 有 F 凡 以 臨

如 家 髓 耳。 者 此 趙 然後 是固 精腴 信 近 刻 圓 陝石 其 於 潤 直 側 者之有以 接 得 削 右 者 蘭 軍 亭 雖 而 發 T 超 我 《聖教 弗 出 也 信 前 後

淇 著其 則 其 先 何 爲 水, 同 生之詩 所宜鑒古而深思者也 怪 何 孟 溪。 而其理則 川訏鱮 城 地 乎 作 百十有 毋乃 華 推 僞 岡; 而上之,則檜楫松舟, 甫 又 者妄目爲丹 與古之立言者不相 别 二章, 少陵巴山之作,亦指 而必言 有感焉: 如 加 右丞輞 使 韓 陽郡 (讀者 土 古今詩 也 川之 也 不 今以 揆 能 人派 而 泳, 敷 必 其 確 此 亦 漢 别 識 Л

余題識,而 守徐君論古今書道 日 方綱 且以 谷先生生 于 勖學人。 以 役 此 西江 卷見貽。 日 源 是 而今年夏六月十 日 流 日 以山 按 即以 君出 行至臨 谷、 道園 道 名蹟 江, 詩 袁 與 有 詩 通 法

> 清容 席 旦 並 大白 勒 首 石 且 入 豈特! 正書 於 而傳之。 學,書、 在 世 晶 朝 1 遒 品 四 一勁 諸 與陝 詩 集 百七十 江 ,得《黄 俱 及 Щ 西刻較得失而 古 類 名 餘 雅 庭》、《化度》神 藁 勝, 年 可 遺 愛 真 文字精靈, 將 之 如對 與 所 趙 蹟

自題重勒天冠山詩石本後

失之。 此 佳 又失之。且 跡,則文敏 天 天冠 境 云 Ц, 冠 題詠 康 興 愚 Щ Ш 熙 、發偶 詩 在 疑 陽 壬 而陝 詩 之非 丹陽郡」云云。 其 、則道 刻 戌 較 詠 、詩是題《天 於陝 冬, 刻趙跋 多四首,皆 鄙 士之號,而 句」, 建 西,有 日矣。 武 云「昨 是何 鄧 冠 文衡 集 霖 今得 丹 Ш 傅 語 遊 所 以 陽 圖 Ш 也 會 天 有 此 郡 所 癸 郡 冠 而 四 藏 古 H 而 Ш 延 賢 陜 實 秋 趙 刻 手 無 跋

真跡 年 虞詩 此 精腴 也。 題 元 清容 府貴溪縣南 有遊天冠 二年乙卯,文敏年六十二,爲集賢學士 裑 晉 爲 云 衍 二信州 又可 弗信 審定 ,純乎《蘭 尚 人之室。 而偽趙 ,號丹陽,貴溪 、道園、繼學同官京邸唱 一致定,良非偶 在人間 '補《學古録 矣。 Ш 趙 招 帖 之事乎? 三里,邑志具 書之玉尺,而其近 真 袁、虞、王三先生 亭》、《聖教》神髓 ,遇余而發之。 乃妄以 江 觀二十八詠」,尤 山 人,亦善 勝 然 》諸 丹陽爲 跡 天冠 İ 藁所 載 亟勒石以傳之。 文字精靈,五 書。 趙 山 無 郡 酬之時 且趙 詩 在 而 於側削者, 自 名,不 墨 袁 江 跡 與志 書 清 道 楷法尤 今可 西 精絶、 深 知 容 廣 士 懸 厚 此 合 集 祝 信 得 IE

跋趙文敏飛英塔詩墨蹟

右趙文敏《登飛英塔詩》真蹟。第五

迨元 爲 詩 三年,爲至治二年壬戌六月,公卒。 以是年己 教寺建於唐 句「危」字,一 八歲時,爲公最晚年之筆矣。 言 是。 延祐六 「秋日」者,在 飛英 未夏得 咸 塔在 年十一月,始重脩訖 本作「扶」,集作 通 請 中 湖 庚申、辛酉間,六十七、 南 州府治東 至宋紹 歸,時年六 興 北 危二 庚 二里, 十七。 工。 午 「危」字 塔燬 文敏 飛 則 越 英

跋趙十札

文敏書作「完備」之「完」,如 經》「保守兒堅身受慶」,「兒」即 媚,得《蘭亭》法外 庭》矣。 華亭王 是不可以不記出者。 氏 所 藏 意,深 趙文敏 可 實 十札, 此則誤 也 「貌」字,乃 至《黄 用 庭 遒

跋虞道園隸書賜碑贊後

官。 年,大 之妙,尤世 袁 記 道園 三月 不 額 元 二月二 章書》,云在 集 當 應 一院 載 中 不 在 所 建 道園撰 , 階正二品, 侍 文靖此 右 興 王元美二跋,而識於其後 一十七 誤 篆 奎 道 翁 惟 訓 月。 也。 也 章 袁 方 賴是記 忠 所 記 閣 天 文、《道園學古録》及《類 之授侍 日 綱 碑贊 罕傳 層二年二月甲 提舉 1、蓋以 ,刻石於閣 或疑 於西宫興聖殿之西 然是年二月戊子 爲武 以 ②,元 者。 墓碑之文, 建閣 書 進趙味辛舍 存其 書學士二員,兼 奉 學 後四 詔 在 虞 士, 中, 概 之日書之, 三月,其授 文 寅。 據 奎章二璽, 靖 白 亦 而 朔, 郭子章《 隸 \mathcal{H} 按:是 先 不 人 廊 + 書 見 甲 補 牛 藁》 於 并 經 有 篆 郭 寅 學 置 録 五. 道 所 是 士 皆 筵 學 年 豫 篆 法

> 不 存 道 袁 深 以 此 未 蹟 得 趙 録 味 稿 辛 爲 恨 南 歸 覆 又記 舟, 竟

跋元劉元帥碑

制、兼 年,正 史》本 後 卒 + 月 元 治 以 垓,當以 銘 於順帝 日 有 年免喪,二年召還史館 》墨迹卷。 重兵渡 矣。 年。 兩 右元 丞 傳 蓋 國史院編脩官,是年丁 至 相 此 在 止 虞 卷後有 至 按: 文靖 元,順帝之至元止有六年, 江」者, 伯 碑 是年召還 載 文靖 元 其敍垓爲 顔 爲 其 八 人鄂之 實 四 年八 高江 公撰 謂 也 於 伯 曰 「邨詹 史館 書 月 延 顔 時 劉 武 垣 \wedge 祐六 也。 碑 敏 武 元 事 時 愚按 卒 曰 是 敏 帥 手 也 所云「忠 年 父憂。 埏、 是 碑 於至元 第 劉 先 跋,云虞公 碑撰 除 不 垓 五 E 元 翰 具 生 子, 神 均 代 年 撰 林 於 + 武 至 道 五 治 待 至 Ŧ 日

没

年。 巾 其 文 靖 卒 卒於 在 五 月 順 亦亦 帝 至正八年,非 非 八 月 也 至 元 八

詩 進 豪 刻 遺 人李 於後 趙 芒 板 一藁》諸 味辛 也 本 方 本 綱 有 嘗 編 加 編 豈 出 焉 外 於 此 不 録 見示, 信 全 而 手 道 集,謂 歟 此 自 袁 文尚未收 因攷其 鈔輯先生詩文, 學 乾 今 古録》及《類 隆 所 癸 大 存 人。 略書之,附 \overline{H} 者,泰山 九月, 昔先 視 藁 武 生 元

歸 子 舟 跋 事 覆 後 此 卷, 嘉 此 屢 慶 卷沉 欲 虞 庚午四 借 文 没,竟未得 鈔 靖 而 月又記。 八 未 分 果。 書, 存 在 其 稿 趙 後 至今以 味 床 辛 辛 南

跋郭天錫日記

申 月二十七 郭 天 錫 手 日,訖 書《 日 於 記 年 始 己 於 西 至 + 大 月 元 三十 年 戊

> 册 膽諸 年五 之殁 其四之一,别 筆 天 日 知不足齋叢書》者,則 也 錫 幾三萬 ,蓋前後 十五 畫 一十餘 往還, 詩 天錫書 矣。 在 字, 皆有失去之葉也 年 題曰《 至正癸卯十二 其 可 觀 派 則至大之初, 寶 書 是 出 册 也 亦 客杭 於趙文敏 尚 純 又 非 用 日 沂 及 此 記 趙 與 日 月, 0 蹟之全矣。 ×, 法 E 厲 文 攷 鮑 敏 是 其 懋 時 倪 氏 榭 通 時 壯 及 距 元 計 刊 僅 文 歲 鎮 石 天 於 敏 錫 録 民 時 題 兀

跋張貞居墨蹟

日。」按: 成 比 絲」之歎 遊虎邱、伏 張 劉 居 伯 書 温 東 讀 謹 坡《虎 前 何 録 詩,真 曲 弱 外 中 邱 ·寺詩 史墓誌 有 至 『摩 正戊 × 挲 》 云: 後 子上 石 題 刻鬚 云 E

● 「派」,原脱,今據稿本補。

貞 洪 據吴 復以 以 蔑告終歟 也。 所謂 丁亥 月 七月」,當爲 舉》一首,又《送錢 丙 IE 至》二詩,末復 「八年九日」四字。元代自元貞以 年 孟 戌 居 後至甲辰,爲成宗改元之八 而 Z 其諸 也。 傳》云:「綬從甘泉劉邦彦得其 戊 有 初 ,退隱吴江之筒 外 至正辛巳領鄉薦,官至副 十二月五 八年者,獨庚 西 史卒。」 始卒。 子, 送思復詩 基 ? 外史以是年 《貞居 無 與 八年某月之訛。 若然, 可 外 此 則 集》 有 日 ·疑者。 史 則 成宗改元之八年時,不 也。 \wedge ^ 思復之永嘉》詩 申帝有之,實 則伯 再 尾 貞 雪 川,又移居華亭,至 見 刻詩藥井,不 用 晴 有 居之卒 是貞居之卒在 又姚雲東《句 如 温 Ţ 》及六日《喜 辨之者, 平. 墓 亥歲雪 一誌所 生 年。 方綱考元 提 在 歡 至 舉。 E 至 謂 來 然錢 久 Œ 題 韻 集 手 E 明 曲 懷 晉 稿 至 張 明 而 戊 中 六 年 下 IE. 應 明 氏 思 貞 年 黄 子 注 中 卿 有 年 + 無

> 紙 育然留 是 其 年 紙標了丁 清詩」、「窅」亦勝刻本「窈」也 貞 居 七十二,故 亥二 字。 因 有 此 〜 蹟 《絲」之 而 益 可 相

跋文雪山墨蹟卷

敍景 子嘗 時。 既 是 鍾 夏 所 人之旨, 在 峰 六月。 作 未之及, 跋元 事 駐馬」之句, 明 五 予攷雪山 文信號雪 洪 言 抑豈 而 證之此 四家《天冠 武 律、 莫知 而 初年 知 此 七言 題趙彦徵畫卷,在洪 Щ 其 X 卷自書 卷《題》 則前詩 ,永嘉人。 所 在 論 絶句, 作 何 山詩卷》,以爲詩 世之義 扇 也。 時、 所 所 詩 凡八 作 何 稱 後 此卷是其 乎? 而不 地者、蓋 江 之輯 聽宣 詩 著歲 南 明 武 不 喻」者, 文雪山 京國 自 著 非

瀔 題 水博 冬十月 詠 之 .學善鑒,其必以予言爲然。 迹 不 口 多 見、故 爲 附 著 其 概於此 嘉慶辛

西

日

跋 江 秋 史 所 藏 元 人 墨

者可比、蓋亦元人也。「宋」字、諦審是「宗」字、元 雲西之後、鄭遂昌之前,注云: 人有吴宗起,見於書畫史,俟再詳之。 有疑,俟考。」此 崇」字,中間一筆直下,於此蓋亦可證 西 、居竹者,當是元人所作。 畫攷》載之,亦作米起。 秋史以 所 藏 幅 舊 筆 蹟 意 相际,其 圓潤,非 也。 然予嘗謂 卞氏 與鶴 「原蹟 卞氏《太 僅學松雪 列 皋 米 於 並 字 古

之,號江 棣字子華,吳興人。 嘗爲文記之。 吴人,以 餘數 邨 幅亦多元人之蹟,錢 民,吴人,有《江邨先生集》。 純 孝 所著《 稱。 沈右字仲説, 所 清輝 居 日 樓藁》,多與 清 輝 良 樓 號 右 陳 御 字 敬 唐

後》。 詩,題 楊鎰 州 基,原 方、伯 士兼 得 莊 石司業者,鄧文原,字善之,一字匪石, 討,後參張 正 寧人,官成 其書得鍾 坐下。」叔 書、「沈右 右子也, 初 以識之。 》後,見《鐵網珊 國子祭酒 官國子監 新公,是笑隱大訢也。 ,於至元三年題名虞邵 陳基 名無 行 日 皇慶初爲國子司業,官至集賢直學 、敬 《與 詞 方 頓 元 士信 陳旅字衆 逸,則他書所未見,賴衆仲此 台州 都路判官,亦善書。 姓 翰 首 初 常 陳 鄭、名琮、見《鄭 拜 有 唱 筆 丞, 敬 軍 有《 啟 父 酬之作。 意。 臨 事。 初 所著《安雅堂集》 風。 海 叔方教授先 素履齋 司 湖》。 季野 仲 人, 仕 有《夷白齋 舟 嘗見沈 北 興化莆 伯 姓 幅 居 竹 庵 集》,謚文肅。 完 行 遊 Ŧ. 内有乾 師 所 名逵,錢 右詩 爲 題 一名畝 生尊 山 敬 書 集》。 田 餞 巡 | 擬 初 筵 載 成 契 簡 峴 稱 柳 匪 此 至 蹟 陳 丈 良

也。 予所藏蘇書《天際烏雲詩》迹後跋筆勢正 當裝爲一册。 謂「經律論教之藏、各爲 藏印 相符合。 太子少保。合前與鶴皋一幅,凡十三種, 人,字文化,官至右都御史,總督 惟周南是明成化十四年進士, 縉雲 紙,乾明寺在瑞 **緼真、濟陽,皆柯氏印也。** 其柯敬仲行書帶名五行,與 州 路,趙 大屋以覆之」者 文敏有記, 兩 廣,贈 所

復初齋文集卷第三十

門人侯官李彦章校刊

跋二沈學士書卷

札,即 《朱子年譜》,數萬言如一筆書。 陸 楷 又民則有《與友人求惠梁鵠孔 宋人真迹後,有民 法,不欲兄弟争能也。」然愚嘗見民 儼山云:「民則 書遠 啟後來文衡山、孫雪居家數,不獨 明 黄初《孔羡碑》也。 宗虞永興、民 初,雲間二沈學士並 不作行草,民 望 望草 小章草,更爲 然則 書 有書名,民 近 法宋 廟碑》之手 民 (望時 而愚 則 則所 精 仲 習楷 所 勁。 珩。 則

跋解春雨一經齋記

《易》名於鄉。 卯,正二十年矣。 年 年,其黜外在五年二月。文内有「登第 學士爲記。 經亂,齋毀。 其里人 在洪武三十五年八月,其晉學士在 士兼春坊大學」數字可辨。 有《易經精藴》。 士大父行。 正月所作,距 十年」之語,則此卷當是四 右 明 龍 解學士《一 氏 觀我有《周易義疑通釋》,求 記字多澷滅,結銜 所築, 至明初,龍氏 觀我名觀,求我名蒙,並 觀我主師席 其舉鄉之洪 學士洪武二十一年戊 當 經齋記》墨蹟。 元之季, 後 學士人參機 年丙 人 於龍氏家。後 武二十年 人構 有「翰林 解氏 成,或 是 永 齋, 樂 以 齋 明 請 爲

處,即離遠近,則覽者自喻之。 書派所自始矣。至其用筆,追及古人分

間

際

五三七

持 進 縉 日 或 成 紳 來 士 謂 進 解 一,皆誤 屬 年十九成 士 薦 題,爲 春雨 時 蓋一名薦,字縉 也。 年二 賦 縉紳之印」。 進士 去年 二詩而 + 又或 ·見草 而 跋於後。● 撰 紳也 謂 書 ^ 今見此 洪 明 長 武 詩 軸 雪門 小 二十六年 其 卷云「 傳 印 》者 文

跋張藻仲詩卷

與 西。 修 初 歸 H 少負才名,洪 娶, 擢 脩《元史》。 一人稱溝 名 暘 翰林 而 瑄 右 集 年三十矣。 是卷書於元至正二十五年乙巳,是 明 江 張 編修、常呼爲張 南 陰 編 其 授 武初以 帝親書其 先 人。 修 生 宣 編修, 一,仕 六年, 自書 父端,字希 爲 蓋 詩 被徵 名,召至殿 海 家小秀才。 謫濠, 在 卷。 鹽 洪 尋 州 尹, 宣 武 道卒。 判 入史局。 字 二年 博 官。 庭,即 藻 學 仲 己 有

> 三日, 余題 其 靈 子,不知 申,去張 徵仲跋,則《甫 記,藻仲 去,因眎宋子芝山,芝山 迪有《尹 七 帖 感 句 召, 》神 + 客 四 理,或 明 洵 何時改爲 集 持 書時二百三十年 五 非 中 來 府 買卷之後三日 歲 偶然。 又 觀, 吴 田 謂 之 (有《題· 越 集》所不 其 作 卷。乾隆丁 既還之 兩 學 芝山 冷起 Щ 蘇 蒼 一遂以 書者, 亭 勁 矣。 載。 矣, 也。 仍裝 詩 敬 古 十金購之, 而 逸 Ш 西 此 跋 非 爲册, 其 亭 貝 秋 蹟 在 也 具 廷 詩 七 本 嘉 得《 忘 琚 月 是 靖 高 而 册 攜 + 文 丙

跋景忠壯公墨蹟

傳 乾 明 隆 建 四 文 + 殉 節 年 御 奉詔 史 大 賜 夫景 謚 忠壯 事 具 史

[●] 文末,稿本有「乾隆四十年八月廿四日大興翁方網」

垂 有 Z 逸 亥 近 文 氣 秋 天 翰 然此蹟自書姓實是「景」字 徒 日 都 札 信 翰 墨之 乎日 在 五 世 其 律 無 殉 星 知 節 首,後署洪 虹月之照,丹心 者 己 前 也。 八 此 印即 年。 或 軸 亦同 調 行 本 武 書 姓 格 唐 耿 碧 清 血 腴 訛 之 兼 年 太

跋王文成奏疏墨迹殘稿

末云「 宜 之奏」,洋洋數 抵 疏 時 、思恩平復,即 梧 也 郎 州,至是年二月十三日, 右 議 除 撫綏諸 先生 方 王 將設 獻 文 (奏」者 成 一於嘉 夫 夷。 Ì. 千 建 嘉 即即 土官及 言 言 靖七年二月十 所謂「十善十 靖六年十一 因下 [,膾炙 宜於田 此 疏 其 地 是 人口 議 方一 也 州 一月二 手 者 而 特 患 五 應 先 也 疏 設 是 日 經 時 幸 奏 生 都 疏 四 1 報 其 御 草 疏 此 毁 田

> 此大 復手 鬼 神 伐 三十九行 兩省以 之間,自縛 神 明 田 勿以兵虔,班 (書偉) 於時 ,貫金石也! 書 正定,籌 隨 安。 勒 與 尚 命 石 來歸 爰告思、田,爰勒 思 於 新 算 不知 存於其 恩 其 建 者一 井然,此 師 相 地 伯 今尚 敬書其末,復系以 撤旅,信義大宣。 煽 萬七千,悉放之還 E 日 梓里故家,想 守 集 數數 存否? 嘉 仁 軍 番 靖 往 四 故 丙 Ш 視 省, 紙, 戌 石」云云。 獨 師 夏 此 洶 可 見 詩。 先 以 疏 旬 以 洶 官 生 日 連 兵

跋王文成家書

歲紀 都 九 又云「冬底北 男王 月還 右 先 南 王 一守仁 昌。 生自 文 成 來云云, 百 平宸 此 家 拜,書上父 書 書 云 上 濠之後,於 今又已 其 父 月二 親 龍 大 E Щ 月 人 + 德 餘 膝 Ħ + 下。 寓 不 五 洪 年

兵間 蓋 宛 君 姓 洪 書,公子正 民 旅 時 取 此 然」云云。 臣 望邪 急 者 夫人 追 者 跋 īF. 作者 書在 勸 、父子、夫婦之間 君 日 兵 先 德 别 海 來吉城, 將 「爣報 F + 疑 事稍定後所 及,師 寓 ,稍爲閒定矣。 日翁移家避讐,翁曰 之難,吾 遂與 億於書 也 然此 年 安 辛 不 有司定守城之策。 將發兵,命積 易 師 E 利,即 已 寓 櫝 爲 舟 聞 海 春 國 洪 中 潛 作 宸 日 所 舊臣, 得 遯。 都 舉火 濠 翁第二 家感遇若 作 視寓吉安一書在 墨 變, 也 書 及 迹裝潢, 爇公署!! 薪 :「吾兒 顧 返 退 尚未之及, 圍 先 門 還 風 公署,戒 云 去 吾師 此 人 吉 口 手 以 以 自 錢 澤 於 爲 孤 稱

第 出 正 先生父名華,字德 一,授修撰。 爲 南 初 京 晉禮 吏部 部 弘 尚 右 治 書 侍 中 輝 旋 郎 累 成 降 官學 以 化 右 先 侍 郎 生 t 少 年 進

> 先 後 之。 敗 滴 滴 敢 逾 日 * 作 瞑 檢 册 什 生 至 時 仍 海 先生年 雖 倍, 年 目 尋常文字 聞 征 翁 復 倉卒,烏可 五 而 藩功晉封翁 已年七十餘,猶寢 某爲題其 使者 不 故 + 翁 逝 肯以他 官 譜 時 卒 在門, 觀矣,故 也 ,附人錢跋後 此 於 書 以 嘉 後。 人尺 今東河 至 手 促 廢 爲 靖 孝。 迹, 禮 先 新 元 不以韻語系之。 某 牘 生及 年二 建 敬 相 在 太 母 伯。 讀 守 其 間 配 疏 岑 月, 諸 之餘,亦 得 前 己 食, 年 是 弟 此 成 爲裝 疾 踰 日 時 歲, 出 部 且 百 不 潢 則 而 寶

跋王文恪主一齋詩墨蹟後

王文恪爲常熟徐都憲作《主一齋

右

弘治 蹟 治 年三月,而 宫僚,以本官兼 詩》,詩 ,爲孝宗弘治五 後有「太子右 四 年, 都憲名恪,字公肅 初以侍講學士充講官,東宫出 集 作 文恪 右副都 箴 緰 爲 諭 年 德 德。 諭 御史 也。 非 德 印 太子厚照之立在 成 ,尋轉少詹事,此詩 /巡撫 非 則徐撫河南之明 他四 化 河 丙戌進 南。 一句 閣 文恪, 士, 選 五 無

之神, 人,而 位 世 去此 安 道與 原道》首段既以道德仁義並言矣,而 川則 在 人不察,而 四 有侈心之萌哉? 有明承平之際,正 、德爲 德 二氏得而 知仁義定名,百家不敢冒襲; 則或疑下句不得以神爲賓。 句者何也? 有 虚 M 位 猥 有 假託耳。 疑 吉, 韓公言有 往時 濫 爲言道 上句既言一 一人讜 而 故 評文者頗 後 日道有君子小 滲漏 德 人編 論 者 拳拳若此 文格 危之也。 ,是直文 昔昌 道 致 疑 於

> 不於危 爾。 維三 義爲 矣,既三 之二二者,蓋以既二則不止於貳,是即 外賓主之辨」,正謂此 故 義 以字畫論之,故爲推説篇中之義如此。● 一危言 主無定 E 不 通 則散」。「參」字本與「三」相 不 若去此 一神 完 m 而已矣。 名,猶夫「出 而得安者。 也其實」,又曰「主則 已矣。 則不止於參,是即散爲千 矣。 四句,則警人之意不著,而 張子謂「始學之要,當知 自古聖賢怵惕惟 今文恪之意亦爲人危之, 文恪 入無時,莫知其 也,故曰「維二則參, 理學名臣,不當僅 爲客」,見賓 屬,而 厲,未 百矣, (鄉」云 文 有 仍 參 移 内

上「非」字,道光本作「者」。

方網」。
文末,稿本有「乾隆三十有九年七月一日大興後

五四

五.

四三

跋

迹,與 先 消 煤 詩 調 則 懷 丞 年兄,皆 而 泣 既 護 生 時 此 少 Ш 詩》,寄呈繼津兄。《元旦詩》,寄呈鳳 與與 鬼 在獄 峰》、《元旦有感》三詩 》文稿、《謫 皆見先 也。 元旦是嘉靖三十一 右楊忠愍公手 疏艸 神 鳳 謪 、 時 、 王 繼 卷並 洲 所書。 津者, 而 生集 諸 繼 一官兵 垂天 公奔走救 所苦陰 津、 中, 以 都 迹 鳳洲 壤,丹心碧血, 部,締爲婚姻 先生自 御 刀 而 年壬子,先生在 雨 史 幅 此 说視者 二公,亦 述懷》、 爲 稿 卷特 E 著年譜 攷之, 也 遊, 也 以 卷,《 霸州 ^ \wedge 哀 先 並 貫 此 并 陰 生 時 與 文 商 記 金 ার 手 與 狄 洲 此 石 爲 沭 中 開

者。 此文, 之難 事竣乃以《朱子語略》 懿; 也。 室蘇 不竭盡心力。 公又有《跋冀 一月,祛獄獘,恤獄 竹花難 7,可謂 其仕也,無非爲國爲民之要。 「冀子梅軒,其 公集中 楊忠愍公手 孫夏峰 則 名其 梅 人萬 不負 軒 $\stackrel{\cdot}{\sim}$ 先生 花 次 堂 蓋 或少餘暇,則 梅 此詩 能研 叢」之句 梅 日 軒 書 跋 兼 囚,疏 學也,無非身心性命之 留 軒 亦 梅 者矣 朱子 韻 山 究 稱 留 軒 聖學 詠 於秋 梅 獄 詩 移 亦即此 語 夾 軒 滯 家, 讀 路後》 竹 夏 能 而 官别署。」 嚴 爲 書 桃 讀 峰 急 見 冀 不輟, 詩意 獄 《易 詩 晚 忠 諸 其提 梅 防 年 愍 行 軒 也。 其 讀 牢 有 事 图 作

В

卷

彪

海 所 日

星

,非僅詞翰之傳而已。●

[●] 文末,稿本有「乾隆六十年歲在乙卯夏六月廿有八

城 了,聆其 之學, 一邑中, 乎? 畫,皆乾坤 不以 緒 講 躬行 有此 論 學自居,而 無 正氣,耿耿元精,豈僅作 先 爲 不 本, 後二君子扶持名教, 信 聖賢 即 所 觀 言 此 之 皆 蹟、此 口 彝 爲。 倫 日 跋, 蓋 用 筀 容 夏 常

他 公京 諸 敬 近 石 日 日 君 誦 ,此詩、 者。 寓舊 公之手 浮山 而 拜忠愍公生日於松 題 張 其 址 此跋, 水屋 疏遺 後 也,有忠愍手 藏 是 屬諸蹟, 亦必有 此卷 日, 水 屋 雅意鈎摹, 筠 持 亦 蹟 與 皆 石 禪 來 勒 刻 室, 定 蘇 軒、 在 齋 石 蓋 傳 壁間。 忠愍 梧 俾 世。 門 子

跋王文肅手牘

札 ,説崇賢 太 倉 E (坊、登 文 肅 遍 手 . 順六 坊 扁 通 字 甚 中 詳 有 與 亦 小 見][] 前

> 惜 古 於榜 也! [人極 一苦於 匠意之作 書講究 太大 無 不 苟 術 而鐫木者尤易毁, 如 口 此。 摹 事傳之。 予嘗 蓋 謂 此 牌 爲 實 坊 口 有 佳

跋聶大年墨蹟卷

山 肯 馳 初 蓋 左 無若吴興之綿遠 宋、沈、詹、解諸 者云「似趙松雪人意之筆 字體 李 • 有 、郭畀之後。逮明 人手蹟數通,皆深得 元末書家之脉,與 「公學 北 於趙體。 右明 海 乃多文家筆 景 耳。」然 趙 泰 書 陸儼 間 乎?」儼 人偶自立格,而 也。 聶 亦 山書偶 意,始習 尚 司 ,明人相接也。嘗見 中葉, 直至文衡 訓 未 趙書之貌 Ш 大 即 近 日 年手 薄 而 此 趙 尚 吾 視 猶未大變。 唐 語 Ш 後 牘。 趙 碑, 實實 出 來傳習, 或 與 書也。 良是。 踵 趙 謂 而 而 有 周 題 明 同 不 江

羊,師 今,與 諸 能 趙 惟 聶 耳。 家 起 至 君之書而 又 衰 董 詩 承 學者 皆沿習董書 式 香 文之源流 所 靡 光 自, 一發之。 扂 矣。 乃 今日 即 短 加 一書、 目吴興,自 沿 ,亦猶之前此諸家之學 自明末 則宜 革 家 實一理 由 蓺 直 虞 事 到 文 歐 一骨格 或 也 愐 以 朝 問 初 古 故 因 宜

跋朱性甫珊瑚木難手薹

句 録。 主 制 朱 頭 日日 云 人 科 存 居於葑 喜極 晚 忘 ,謝去,從 理字性 珊 學,聞 酌 萬 瑚 發狂 罷,主人人 事 木 門 甫 不 難 人有 杜 大叫,扣 在荻 如 **>** 别 東 四 盃 號野 異 原 册 扁 在手,一 内。 書, 遊。 王 明 舫 扉 氏家 必訪 朱性 長 適 呼主人 自少至老, 月 年 洲人。 教 成求,手 7上,性 甫 幾 書。 手 起, 見 艸 少 自 詠 月 甫 嘗 未 學 當 得 與 繕 當 此

> 具,留連數 罷 如 此 句。 明 主人 日 日。 遍 亦 請 大 吴中人傳爲詩話。 旲 撃 中 節 善善 詩 取 者 酒 賞 更 之, 酌 其 大 興 爲 韻 盡 勝 張 而

内,每 記 大 原、沈 卷, 治 辛 刻 册,未分卷次,蓋 本對 Ħ. 年癸酉 諸 間 又有寫 所 、壬寅、乙巳、丙午、戊申、壬戌諸 人所藏。 今世 致性甫生於正統九年甲子,卒 種 石田、黄應龍 録 之,其 下具記 |所傳者,有 也 年七十。 本《 珊 相 而又并記其鈔 得自某氏, 同 瑚 即 、沈維 者 木 二書之 刻 則此手藁,皆成化 難 四 本《鐵網珊瑚》 + 時 八 大約 種 初 卷。 、王雲松、 録月日, 耳。 出 巾 此 於正 此 於 本 杜 艸 趙 + 年 内 今 則 所 有 思 藁 東 四

於 年矣。 萬 曆 此 本 甲 戌 後 後 裝 又 歸 歸 潢 於 題 於 文 籤、於 王 衡 **穉登、** Ш 是 衡 距 王 Ш 性甫之卒 騰 仲 程 子 休 騰

云: 也。 徒 明 頗 化 子,是成化十六年。 後 則性甫手録此艸,石 君 以朱性甫 文 墨 Ш 帖 藝 有 闡 禎 莊 初 ,年皆長於性甫, 起、文彦可、吴梅 癡道人。第一册尾有《 ,復題記於前 初年尚在也,故此編 一予弱 事 室 《學古録》所未載者。 此 昔人論吴門 己巳又 叟,其子廣,號 百有餘年,文獻之徵皆攬結其 三云爾 劍亦 其翁者,吴門 爲先。 冠 藏 哉 加 尚 即 圖 重 存其 識 後。 籍 予按 風 虞 卷前 其 ・邨贈 而此内有「啟南」名印 雅 莪 處。 翁 陸 田猶及見之。 據 渚 後 富 齋, 醫 又 ,曾見虞雍公古劍 此, Щ 嗜古鑒藏之士, 中 杜 詩 又 庚子 有 墨癡 義 1 復跋 又 搜羅 東 歸 ,皆爲顧渚 蓋 則 號 何義門致 門當往 號 原、沈石田二 於 虞勝 自宋末以 歲也。」此 小傳》,及 道園 於前 矃 其清 顧 翁 渚 伯 又一 「觀之。 遺文 間, 其 至 Ш 又 條 居 翁 迨 成 庚 作 文 號 渚 於 贵

> 即 此 小札? 亦 吴下藏 書家 故 事 矣

阜 敏 昌 桂 , 同 馥 乾 隆 、錢塘吳錫麒 觀 六 於北 十年 平翁方綱之實蘇 臘 月 武 八 進趙 日 楊 懷 州 玉 室, 欽 羅 方 州

綱

馮

曲

跋祝 枝 山 懷 知詩

爲

跋

於册

當是 楷 + 照 年 卒 · 餘 年。 衰 甫 於 隸 嘉 顔 Z 右 非 西 + 靖 祝 一之句。 == 深於魏晉人書者不能 蓋 枝 五 丙戌 雜 年 也 Щ 憶 丙 自 間 石 成 王文恪卒於其 戌,年六十七。 書 所 田 詠 書、故 懷 耳。 性 知 甫 **>** 於履 小草 之卒,又在 諸 詩 也 之法, 古 前二年 草。 時 有 王雅 枝 其 梅 具 前 此 官 山

Ŧ 四 £

題文衡山仿蘇書泗州僧伽塔詩墨蹟後

詩 猶 可 形 平 及 容 用 生 南 也 者 詣 鳴 谷庵銘》,乃可 衡 唐 1 呼, 極 山 李後主撥鐙法, 詩《郭 以文衡 至 得 於 詩 意 之不 嚴 綸 筆 Ш 滄 矣。 與談 力追 一首盡 浪 可 及 斯 熟 司 乃 晉 也 理。 玩《 空 之。 始 帖 表 得其髣髴而 獨得 洋 聖所 蘇 漁洋 州 書之不 上游 東 莫 先 牛 池

跋陸文裕秋興詩卷

或 四 + 屬 有 謂 七 題。 耳 矣。 先 Ш 生學吳興者 是 都 卷 先 諫 生 作 以 書 於 其 嘉 先 在李 先 靖 文 二年癸 生 裕 北 日 海 秋 . 「不然。 趙 未,先生年 興 吴 詩 興 墨 間 吾 亦

> 於此。 也。 出 壇 主 觀 與 妙,則未之及也。 意者罕矣! 軍之書。 處 以 是 吴 長 之概 押、 曩子 發 卷 興 5, 所 世 揮 俱 擫 與 人 題先生《玉舜詩卷》,嘗 所 此 學 、鉤、格、抵 謂 (其心 孰 謂 義 北 先生此 趣鋒 不 似欹 迺 海 · 學 北 跡之所以然,而 耳 故於是卷附綴之。 覆 謂 ____ 反 腕 卷,可謂 對 五字爲職 海《雲麾》? Œ 蓋 者 面 其 也 撥 透 自 鐙 過 度 負 昔 妙 志 盡 其 攷 南 如 用, 步, 論 金 近 用 唐 此 IIII 先 針 盡 是 日 李 知 徐 此 洩 右 後

題吴沈詩艸合卷後

以 肩 見 同 推 已 相 多 地 並 於 明 效 旲 也 旲 同 下。 匏 蘇書,黄 時 庵 追 匏庵 黄既 沈 效之,誠 石 書乃罕繼者,而 書學蘇, 並 田 稱 韻 於 先 勝 前 生 矣。 田 而 並 學黄, 吴、沈 匏 然 以 宋 庵 復 亦

匏 題 次 首 僅 石 卷 板 行 H 帙 庵 數 矣。 稱 歟? 得 日詩自 其一 之。 並 + 匏 實 自 峙 翁 石田 百言,風 然而 署 调 三耳, 支其 於 於 吏 雖 匏 布 石 部 庵 少作,海 爾 以 流 衣 田 黄 東 時 年六十以後, 畫擅 文彩,照映 之 首 旲 書 廂 學 稱 人 古 書 名, 虞瞿氏耕石 白 黄 1者,皆 屈 勁 而 石 指 翁,其 每 名 或貌 手鈔 晚 成 時, 年 神 所讀 詩文與 他 於搢 其 軒爲 筆 秀 或 + 也。 手 諸 鋟 少 紳 之

庵、石 後 望 名 者 蘇 師 非 來 相 勝 長德,不愧臺 於 尊禮 城 吾嘗 以 以 田 詩 有 匏 其 之書,終 平心 竹 文 庵 (書,究 書畫 老。 庄者,不 其 論 學 閣 名 次 淵 自 黄 以 耆宿 吴門 冠東吴如衡 源 其 洋 ·
啻若 亦 有 勝 溢 人 翰墨 丽 自 神仙 也 人 於 石 П 石 典 田 匏 而 謂 之居 \coprod 風格 刑 Ш 庵 暉 文 当者,亦 不 固 然 徵 也 曜 忘, 高 以 贉 而 仲 邁, 即 以 即 清 躞 執 熞.

> 沈二 雲 吾當 此 1 書 盈 同 詩 更爲歌詠之。 幅 卷之 卷、若得一 時 有 手 也 自 0 蹟 題, 猶 記 聞 好手作二先生像於前 如 雨 松 親 夜 陵 見 相 史氏 其 過 對 從 家藏 事 揮 有石 此 田

跋芝山所藏祝書卷

矣。 深得 董 書 視 予觀之,其楷 者 楷 以 仿率更《化 右祝 法 後 晉 相 至其行書, 爲 法 去懸絶,然予所 趨 芝 應酬 者。 行 Ш 書 草者多不留意於楷法,於是 一楷、行 束 度 且 雖視 尤 縛 書法 碑》,行仿 爲 之事 外間 超 以 逸, 見祝 體 質厚 所 必以修飾 書。 直 米 傳 書 0 X 爲本、自米、 元 狂 行草 晉 章。 後 草 人 匀净 跋 以 堂 然以 亦 爲 云 有 祝 室

「芝」,依文意疑當作「枝」。

五四

喜蓄 此 之深、人心士習之正 \mathbf{I} 而 宋元 體書,欲芝山 行 草 以 則 來諸家墨 H 即 分别觀之。 於 宕 上變者 一迹,持 軼 非 此 此 細 所 求 也 調 跋 於 故 芝 學 山 間 於

跋祝枝山書

即 舟乃 歐 日 比 然予見其 文、祝同 、褚爲一 耳 大草亦 譏 今日 而停雲所勒 枝 有 山骨 書家皆 手, 行 時 絶 書《 妙 韻 何 直 + 之 無 知 以 未 追 ·九首, 作 祝 審 清 晉 錫 擇 始 法, 書 華 非 不 氏 小 卻 僅 不 外 精 楷勝其大草矣, 成 易 非 間 見 耶 趣 幾 其 其 所 ? 袁 至 傳 贋 世 記 者 蹟 此 贋 歟 不 蹟 王 當 虚 可 ? 可

跋祝枝山成趣園記

然正 異 之干支亦誤。古人竟往 誤,而米書《蜀素卷》後 也。 士。 興寧之前 也,觀者幸勿疑耳 德 此卷 枝 予昔見《貞觀 右 Ш 祝 一年是 以 在 ,此二十餘 枝 弘 Ш 正德二 一書《成 治 丁卯,非 I 鄜 子舉 年,枝 年間 州鐘銘》,年月干 趣 袁 有董 T 往 於 手 記 1 Ш 有 蹟 *****, ,不知何以 年 文敏手題, 如此者,不 皆 自 直 _ 四 至 署 稱 十八 其 鄉 鄉 支 出 貢 貢 足 年 差 進 知

跋墨溪居士傳

士 大,直隸 傳 右 明 武 徐 清 爲 髯 籍 餘 仙 浙 姚 行 孫 江 草 編 書 餘 修清 姚 永 人,弘 定 撰 廖 編 治 氏 修 1 墨 戌 字 溪 志 居

跋 于 忠 肅 公 柬

甲 末 還 北 行 則 正 石 髯 年, 詞。 第 此 京,將授以官,固 見之,歎爲不及。 仙 書 字 蹟是其年四十 手 歸後 研六書,嘗得篆法於異 人。 武宗南巡幸 子 蹟 , 又二十 即 予 吴人,徙 是 同 文 年 許 餘年 後 辭,罷歸。 其家, 錢 築快園, 所書 段, 金陵。 蘀 卒,年七十有 石 賜 亦 加 閣 在 飛 製小令, 人,茶陵 善 學 其 是 魚 歸 畫 所 服 年 松 在 藏 九 竹 武宗 李 扈 填 編 蕉 從 南 文

+

廖 柬, 跋 堂 惟 里 下 日 前 守 見 「文武 書 山名。 由 初 廖氏 於趙文敏 畫 章 廖守 龍 跋,在 記 **ј**ф 潭 溪出 墨溪 墨 一之印。 合文溪,人大洲 縣有文、武二溪,武 初 正德 迹,今爲人燒燬矣 氏 寒 所 , 在 袍 以 藏 己卯 汀州 墨 崠 獨 蓋 名之。 抓 亦 者,《 冬,又有 府永定 本 擥 溪,其 藏 集 蘭亭》卷後 守初氏之名, 名 溪 韻 縣 「廖氏 家 地 出 *****: 城 寒袍 也。 名溪 南 崠 尊 有 南 崠 音 其 其

名

蓋

悦, 當是 o 兵 與 師 貝 二公同 將 庭 日 景 字。 得 廷 當 守 守 明 則 珍 H 率 是 禦 泰 Ź, 臣 于 不 此 九 又 月 師 彼豈少 特 議 於 蹟 時 爲 初 争 心 門 今 忠 列 六 文莊 其 藏 mi, 事 於 急,章凡數 竭 要 肅 光,雖隻字 陳 況 ,每先發 旲 蹟 其 忠 地 7 公 八科聯 九門外,悉 一保耶 門謹庭 足 與 爲 友 徒 致 如 里 傳 文莊 給 人 葉 此 7. 外 名 附 齋 事 文 1 言,往 寄 上。 而 無關 奏章,文 陸 郭 殘 中 咨 因 莊 寶此 舊 閉 今三百 居 君 帙 呼 時 手柬, 諏 而 紙 所。 時 諸 民 復 也 中 爲 急 蹟 忠 來 城,身 一,時文 事 論 人 「葉少 (莊皆 肅 者 務 寶 按: 難,或 者 餘 城, 四 屬 者 護 亦 H 年 保 莊 爲 自 爲 皆 足 存 耶 亟 夜 此 此 督 遣 請

戰

諸

分

京

首

五四四 九 識 片 謹 球

戌 傳 九 巾 月 7 敬 H 爲 攷 識 其 略 以 復 於 陸 君 時 庚

跋舒文節公探梅圖説

《探 孫 行 當 説 伏 遊洙 偕 抵 年 嘉 泉聯句詩 之,故 閨 嘉 羲 香識其卷尾,謂「於縉紳文學之家,不 濟 靖 行 梅 寧 四 靖 亦因 畫 泗 右 圖說 而 月 年五 進 汶 初 觸 因 關 賢 年,於否亨艱貞之學,身體 濟之間,因 探 卦、 於 又 謁 先 中 舒 月 梅 事物 蓋 與 闕 占 生 朔 文 孔子作 圃 此 寒泉 里。 服 九 節 及陰陽消息之義。 時 諫議 而 闋,]]] 公《 語皆造微也 所 次子思光講學 時 經 論 六經之旨。 應 作 禮 與吴門伍 探 水 爲 詔 之前 也 梅 之主, 道 復 圖 地 官 時 説 脈 年也。 與 有 》手 寒 北上 先 而 寒泉 語 與 泉 此 迹, 餘 及 生 而 先 伍 \Rightarrow 生 圖 於 裔 力 同 此 寒 舟 福

> 妄求 附 司 賜 言 名 馬 於後? 揚 唯 觶 岌乎 E 而 學 語 益 斯 深 者 滋愧 言 醇 也 與 汗 1 斯 文 之治衿耳 末學寡 固 節 公罔 德 識 子 者 序 何 乃 足 子 敢 爲 唇

跋左忠毅自書詩卷

姚 也。 得 得 士,在萬曆丁未; 又 衢,公之五 不 亦 見。 少監 多見,即詩 有 龍 攷公卒於天啟 志 又竹垞每舉 眠 右 第就 之士 之間 桐 Ш 中 城 世 左忠 所當留意者爾 搜 董 亦罕傳。 孫 惜 文 訪 也,每 敏 乙丑,年 衢 公之傑 舉 毅 公之遺 公白 官 應 所 都 天鄉試,在萬曆 記 屬 昔 門 句,謂 什 其 書 吾 五十一。 知 ,鋟梓傳之,是 訪 詩 同 公别 年 求 年 卷 在 即 遺 中 號 鄭都 其 墨 書 公 滄 庚子 成 舍 手 而 與。 進 未 蹟

邪 ? 亭館 起,當 神力, 進 有 旋 是空王宅,實珠色相生光華。 宏寺廢基築園。 山 Ш 雅 茶 記 Ш 抛先業隨 士,在弘治六年癸丑 ,尚未言及山茶 如 宜 可 茶 右文 在其既歸 此 三十二區者,反遺其最盛之名花, 雖 日豪家 優曇湧 知。 而 政 況 侵 衡 袁 物之微,而 其大者乎 地 流 Ш 王獻臣以錦 賦》并序,皆後人重書。 擅間里。 現 爲 水。」據詩, 田後之七年, 拙 西 康 而吳梅邨詩 ,則王獻臣築園 政 流 園 1 沙。 若然,則《記》中 賦 記 ,至嘉靖中 苦奪精藍 詠 衣鎮 徐 似是王侍御 》并三十 歌 健 與 臺 云 而 撫 庵 記 長養端 雅 舞 《道 述 司 百百 爲 一時,其 宜 榭 輒 匠 乃 署記 詩, 所 不 因 從 資 年 因 已 文 列 鬼 衡 舊 前 無 相 何 何 成

> 者, 地」者 櫽括 侍 御 未知將 前後, 直 亦 躬 焉 相 被 亦 所 似 斥 稍 折衷矣 有 則 與 同 又何 梅 異。 邨 也 所 而 ? 衡 云「豪家侵 援地志 Ш 一之記

史寺

稱

跋陸儼山書放翁詩尝

李 兼 趙 裕 陸文裕卒後十年, 不 蓋 陸、董二公同 之學 之得 無微辭, 得之矣。 不 秀碑》 兼以 甘讓 陸 北海 文 其 分隸遺意 裕 而 縱 趙 昔鄭 而趙松雪之學 及《端 也。 岩岩 也。 嘗自 几論 爲多 杓《衍極》於北 言, 董香光亦學 蓋松雪學北 合之。 州 書 而 耳。 石室記 與 董 於 松雪 然未 吴 文 予評 敏 北 凇 始 \approx 海,則力追晉 俱 江 北 海,尚不若 可 北 生,惜 即 海, 上 海 因 海 此 也 此 則 北 意 不 格 而 也 海 得 由 文

翁 每 自 憾 不 近 陶 訓謝 此 語 最 口 味 耳 1 0

跋張伯起八十壽詩卷

卷 注 人所 也 戌」,其後三年卒,當是四十一年癸丑。 艸稿「己亥」當作「庚子」,「己酉」當作「庚 於嘉靖 二字塗去,旁以「己酉」注之。 注云:「庚戌時八十四,又三年卒。」「庚戌 百爲贄,曰 己亥,七十四 云「庚子歲」。 七十四歲。 末 鈔《 是爲 有 此 卷 九 壬子孟 四皇甫文艸》, 明 ,明吴下 年丁亥,至神宗二十八年 吾不敢空勞老友也。」後 神宗三十 歲。」又附伯起自題 三十四年丙 春贈篇, 又注云:「時張 ·諸君 四 祝 末 年 張 有 是其八十六 午,正 丙 伯 伯 按 午。 起 以 起 八十 三絶句 伯起生 酒 像 予 + 又注云 · 庚子, 藏 錢 贊 也。 此 歲 明

> 之文人 先 推 意。 也 伯 五 不 免揄 民 + 重。 起 之 年, 是 輒爲記於卷後,以備吴門 所 卷 尚 時 中 居 流 揚 而 知 時 调 申 諸 風 處實 伯 文士 企仰 當。 少 餘 起 師 韻 詩 以 舉 :前修 然要 如 與 焉 書 名集, 於 華 E 書 鄉 其 亭 青羊 如 處 法 此 亦 馮 際 實 而 四十 副 里 皆 鼓 堂 是 去衡 使 居 沿 故事云爾。 缶 亦猶有其 缶 年 過從 時 文 以 山之殁將 歌館 矣, 可之流 氏 自 之 號 旲 交 者

題武進孫文介殿試策後

侍 年 時 郎、天啟 乙未舉 將出藏於家者。 明 武 進士第三人,四十 進 初 孫 拜尚 文介 殿 文介 試 凡 策。 在 以 禮 明 年 文 神 介 宗 前 擢 官 禮 部 + 禮 九 右

- 文末,稿本有「嘉慶已未六月」。
- 文末,稿本有「乾隆辛丑七月廿二日」。

文介 年。 忍卒讀者矣 П 念 初 在 禮 通 神宗 籍 言 時 禮 驰 扼扼 給札殿墀之手迹,有潸 政之際 腕發憤,纍纍數千 繼 以 紅 丸 之 案 百

綽約。」 況 形之武也。 無 樂之心, 承之,此有形之武 形 當 瞑 之武。 眩之藥 日履其境者,感動當何如耶 策之後段云:「天下有有形之武,亦 嗚呼,此真切 剛健精一,使天下 元氣易洩於毫芒,剛强易消 明 矣 法度,振紀綱,使天下凛 至今讀之,猶 也。 中明 養清明之慮, 季 顒 時君之弊,不 顒向之,此 爲 慢 絀 於 康 凛 有 而 無

世之感而已!學。公餘之暇,出此屬題。又不獨知人論學。公餘之暇,出此屬題。又不獨知人論從孫星衍以一甲第二人得遇昌辰,展其所從孫星衍以一甲第二人得遇昌辰,展其所文介成進士後百三十二年,而公七世

時,廣 爲 字玉 1 手 後 五 溪、西山 所云「四明」者,沈一貫也。 跋,具載 至三十四年七月致仕,又五年卒,年八 二十九年九月以禮部尚 「仲化二二字紅文印,文端字也。 墨論 澤可 所 已,正 字字皆省身克己之學。 可,瓦 書 此蹟云「年近九旬,官極品」,蓋致 明 濟 歸 也。 知 漁洋選刻《長安十子詩略》之時 張仁 諸勝,又爲澷 宋澷堂《筠 今觀 矣。 德沈文端家書墨迹,并王、 紐,以爲 宋澷堂嘗得文端「中州一 此蹟 熙字長 澷堂於康 寶翫 後 廊二筆》。 王漁洋跋,在十六年 堂作《雪堂墨品 書兼 每 熙 澷堂 又藏此 文端於明 與 ___ 東閣大學 澷 年 墨迹 二之重 堂 通 Ę 家 同 判 書 神 黄 先 張 遊 尾 張 + 及 腎 寒 有

五五五三

布 張 具見《明 蹟 政 長 之大略如此。 之 使 時 跋 藏 史》,人 也 在 宋 氏 蓋 分所 亦 張 非 共 與 年 知 澷堂 戊 歲 者。 辰 矣。 相 故 則 從 爲 沈 澷 非 文端 攷澷堂 堂 官 事 江 收 蹟 而 蘇

跋黄石齋先生隸書

《三易洞璣》參攷之。 法之一變耳。 人莫識也。 學處,有石平如 書家之法,而 石 齋先生分隸 嘗語 自有書傳氣味,實 案,上有 闖 世 中友 此 不 人人,當 分 刻 多 練雖 畫 見。 非篆 拓其文,與 即 不 聞先生講 先生 用 非 漢 楷 唐

跋黄石齋墨蹟

右黄石齋行草七律一首,詞曰:「師臣

秋 初 以 予曰:「頗憶黄石齋草書詩句 途 乾 盛 安昌特進序當 肖,不待 大麓外,八能 買 隆 不 應、蓋衣 於驛館 帝古尊賢 事有作。」此 復持來 知也。 之 壬午秋,衣春與 m 臨 歸。 屬 春夢與 買之。 SII 明 題 占 況 賦 年。」 日 蹟 ,始爲跋之。 洵 應 在 有 斗 予談 猶記 異 果 宸 夏邑 一後題 卷。 矣! 於驛 杓 嚴 子 石齋草書詩句, 前 異 其 彭 + 同 云:「壬午元 講 衣 四 壁見此 前 典 後 未 筵 春侍 湖 朝 十二年 否?!予 煩 夕, 北 來 審 七 幅, 講 鄉 無 衣 象 聖 試 所 日,紀 故 從 默 知 道 館 惟 無 語 通

通大 **元**元 「宸嚴」 旦 此詩 馳,●八能 作「宸居 頌 見孫 聖 詩 退 占 四 谷《春明夢 應奉 首」, 三四四 階 此 前 旬 其第三首也。 作「七聖道 餘 木 録 ×, 煩 題 南 作

^{●「}南通」,此二字原誤乙,今據稿本改。●「予默」至「詩句」十八字,原脱,今據稿本補。

補

則

輔

年

臣 年 烈帝

京,拜中極殿大學士。 官時也。 谷自撰《崇禎壬 序憶當 中,爲道周言者,蔣德 澤適 云云。 作之歟? 人文華殿,從容問張溥、張采、黄 八月,道周 ,0乃出 壬午正月之事,石齋尚在戍所, 須」,「 表》: 接詩云云。 西 向 以 年」。 户 揖 臨 明日,傳旨復道 延儒以 石 德璟、甡皆於十 科左 阿」作「飃 閣 不著作者姓名,而 戍 臣 午 已經年。 宗禎 向疑 給 周 蓋 上御大殿記》 事 當 延 爲 中導駕侍班,謹 風」,末句作「安昌 延 儒 璟、 + 面 退 等事。 儒 道 刀 周官。」其 吴甡 Ħ. 谷所作,今見此 再 周 年 日, 年 相 本 Ħ. 也。 六 傳 一篇,敍 以其前 末云:「臣 帝 月 召 月入閣, 道 時 召 再 石 按 周 記。 有 輔 五 + 召 齋 (字 臣 復 諸 輔 Ŧī. 至 退 此耳! 者。 内 道 訛 跋 有 介身後 消 追

蹟

下 承

即

得公子端孝先生請卹之血書副 所舊藏也。 月者,亦有記札到之年月而 通,合裝爲册。 忠介公像 李仲達 「言」旁、豈其原稿又經 凡十處,用蘇 贈 ,小人剥盧,未有若明季之甚者。 右明周忠介公手致 所作。 祖考之典,正復何 然其時忠義之禍,慘至於此 於 札,云「冬氣不極,春陽不 惟末一吕札與林封司者,是忠 公前,并 内列敍諸人,繆當時,「繆 諸札有忠介手記 齋印記之。 司 時 姚文毅札,後 諸 益之有? 謄寫 非 蓋皆周 札 出 敷? 稿,同 忠介 札 + 到 之 有 裝於 氏 手 此 家 年 縦 書

見字,稿本無

ħ 五

見忠 諸人史傳有無之概、蓋裝册 雲谷,持來屬爲題後。 挽 亦并附裝爲册,以當題跋。 占爻於剥復之際乎! 春陽泰運也。讀《明史》至此,豈止 迴 語 得併資考焉 修復元氣之局,有待於我熙 介二札,補録於此第 雖 切 其 時 事, 然不 册後有人詳記 此册今歸於南 知 一札之後,後 造 而方綱又就 所記者, 物 朝, 如 雲 觀 欲 書 海 有 所 谷 札 葉 交 彖 以

復初齋文集卷第三十一

之,遂冒

俞姓,尋改姓余,傳九世

有

名

7人侯官李彦章校刊大興翁方綱撰

書求忠祠記後跋

定説。 所輯 洩。 謀匿 有 傳 非真族者,學 有 方氏,不知是真族 海 其幼子,冒爲己出,因時禁嚴祕,弗敢 魏 後 尉 公年譜,公抗 桐 依魏氏 澤 城章完素甫《筆記》云:聞寧海人相 然予又聞 匿公幼子德宗,託義人俞 者 ,官寧海典史。當方氏 使批應,闕 遁迹,莫知所終。 歷 命 城 時 否。乾隆初, 方臬使昂 金陵魏司 而 勿斷。 云 又聞 學 按 有 寇 至 之難, 盧 今 訟 寧 澤 其 海 演 無 謫

> 績。 當 洲傳略》與諸譜悉合,按此段較更詳 經炎嘉靖間著《正學後嗣記》、王弇州《麟 者,爲南昌 識於此。 姓方氏,始歸台州。忠奕爲井研令, 建公祠宇,公嫡孫忠枝、忠奕、樹節三人 表出之,是仁人君子所宜留意 忠枝子振節,亦登賢書。 如有能於台州寧海訪其實 司 訓。 萬曆己酉 楊學 攷臨海 爾。 使 美矣,姑 廷 葉 惠 復 明 筠

史,歷 爲動。 子德宗,秀才余學變得之於魏尚 吐 安匿方姙 永樂初,方孝孺 家,授明州教授,人爲太學博士,擢 字敦復,洪武 實。 彦章案:《浦 轉浙 坐遺戍保安衛。 事發,受杖至斷一臂,瀕死 妾溝罅中,或危言尼之,不 江按察司愈事、備兵台州 初 死難,詔收其族。 以 城縣 賢良 志》:「徐善安 方正 後方氏妾 薦 舉 牛 善 御 起

五五七

如前 嬰語 佯狂 集,爲詔捕正 生以 《方氏復姓記 見 任 孝孺 巡 澤 **夔知正學幼子德宗匿** 『孫枝一葉是君 藏其幼子,故方氏 董其昌偕郡守張 翼之,攜 福 勉 按 以以 之匿 ,乞食過澤居,作 爲自託幼子於余氏 清林 楊廷筠始爲方氏 ,澤乃以德宗付之,時年九 配 上海進士俞允,方門人也,家居 以 澤叱之去。 享。」此 居 善安及魏澤、余學夔、余允、 屬 海 琦 華 祠 島 倫、史鴻文有 》云:「方氏 · 亭, 一學家時 部 可謂直 中 恩。也。 郎 九德 易姓余氏。 有遺 余 與 兩 允、 建求 日 狂 魏澤所, 寧波 書 復原姓。 種 歌,有 僮 又遇於 後 有後,元 參 I 備 友。 忠書院,祀 1 跋 台 典 政任 載 謝 萬 結 觀之 願 遷 史 乃 歲耳。 途, 曆 余 **d**魏 變 效 所 美 勉 間 名 别 近 爲 程 學 先 貞 覆 謂 澤

> 備考。 尤詳 育爲 宗 又不言攜 允」作「俞允」,且 不 裔 仕 亦 子, 也。」是書於余學夔存孤 學 彦章附記。 與《浦 遂 歸 獲 冒 華 德宗訪 俞姓。 亭 城 云匿 志》合。 耳。 之, 南 謹 海 允大 並 島、至上海, 所異者「余 司 録於此 訓 驚 事言 即 之 德 收

跋董文敏自書詩卷

者,誤也。 攷文敏於天啟二年八月五日充實 協理詹事 癸亥,年六十九。 敏 生於嘉靖三 是年十月往南京採輯 上疏乞休,不報。 右 董 府事。 文敏 文敏以是年秋擢禮 + 自 而 四 書 此 沈 詩 年 文恪 次年人都 蹟言「舟行青 Ż 卷,在癸亥 卯,至是 邸 跋 報 謂年 部右侍 大 天 四 録 八啟三年 六十八 歸 浦 則癸亥 月 纂修 里 郎 鈔

卷。 年」之語, 隸 乾隆乙未 H 用 幀及此 記 同 籀 力 夏,正 珠 人分詠,方綱得天字,附四小詩於後。 處 無論 古之津梁者 孔 者,亦尚 軒 不 跋 ·,觀文敏書《樂志論 可及也! 即 在 陳香泉所云「草 卷、皆文敏 内 江 此 所 月廿四 南矣。 詩 非至論。 稱「茶山司寇賞 「, 其 所云「廿載 嗚呼, 豈易言哉 真蹟, 用力處 日 疏 「,同 中有 此卷乃 率 而 人 可及也,其不 「家居 八小集 冥心」者 者 余 真 尤 其 爲 幅、蘇 能 激 神 門 痩 二十 通 似 外 賞 銅 也 篆 餘 是 趙 漢 此 詩 舍

跋董書杜詩卷

心 也 於 少陵 試觀文 此 作黄 卷題 敏 籤 詩 自 云 觸 發 跋 臨 煙 揮 ,即見矣。 雲墨戲 米、黄二家」, 書 畫 昧。 之法,一 文敏蓋 其 予謂 作米 偶 庶 會 非

> 乎晉 歲、蓋 望 旁觀者: 論 次日書《蘭亭》及《玉潤帖》一過,蓋 矣。戊申爲嘉靖三十六年,文 卷,神遊目馳 壁,改京兆少 子」者,畢宏,大曆二年畫 日 秦漢 「瘦同 法、故 視學自楚 金 翰林 石 祕 能 閣 酣 一尹,爲 暢 陳 唐 攜 恣若 歸 觀 崇 畫家、宋書 過 時 本、程 此 左庶子是 詩境 此 也。 卷,作 小軒, 煑茶品 乾隆己亥夏 晉 其十月, 松 天 芳,文學沈心 家 石 也 風怒濤 敏 渾 於 朱 五. 左 文 而 涇 + 敏 省 五 手 舟 是 月 純 四 之 廳

跋董文敏馮少墟集序

醇

黄景仁、袁清

也。

年戊 董 文 (敏自 午。 少 墟 馮 名從 少 墟 吾 集 1,字仲 序 曆 陝 四 西

) 「四」,原脱,今據稿本補。該年爲戊午年。

五五九

之遊。」 遠,宜其 擅 同館 隆慶 庶吉 謂 云: 謚 年,文敏 藏印。 百鍊 北 恭 安 海、 「余爲庶常 戊辰進士,官禮部左侍 定。 議以一人行者,余爲 士 其 剛 授 是其事 年六 (云 請 目短趙魏公之牆 南宫之祕法,至此更渾而 寶董書者,當以此爲上乘矣。 化爲繞指柔。 \mathbb{H} H 與 文 西 + 敏 名 時,館 也。 急 道 四矣。 同 御 歸 儁,字 登 史, 此 師 越 萬 先生爲庶常時, 蹟, 宗 歲還 歷 曆 蓋 也。 去 請急,卒成 官 伯田公病且劇。 + 德 去 郎 副 + 登 Ш 朝」者, 萬 卷有 有《鍾台 都 年 第 陰門逕 化之, 大 御 進 時 卞 田 史, 挂 本 中 卒 所 + 集 永 不 劍 遺

跋董書文賦二首

而 爲之者,與 此 董 文 敏 趙吴興 壯 年之筆 頗不相 一,融 近, 合 乃跋云「 褚、顔 之法

> 皆具 趙 法例之, 天 IE 然神 其 則其所得力又自 兀 秀,而 傲 不 肯 其 來 服 處 趙 不同 不 處 同 也 董

此卷 處,雖 由神 正 未 然趙文敏自言學褚時 本,乃知 是其 歷之境矣。 雖 力 趙、 云 (人路 勝 小 由 趙書所從出之路也。 董 ,結構, 香得 顔 處耳。 人 此 予今見褚公《孟 李 卻 然董 其 北 觀 高 終祕不盡言。 海 二公得 者 視千古 規模分隸,此 法,此二 勿輕視也 力處全具 丽 竟 法 公所 董書 非 師 大抵全 則 於 虚 碑 同 人 董 此 語 也 路 真 所

跋董文敏尺牘二首

謹 託 ,原在平日動 語 人嘗 爲 士君子涉筆之戒。 病 董 止不苟,豈僅 文 敏 與 人手 牘 然 在 手 + 往 牘 君 往 哉 子 有 請 致

因觀此,而益致謹焉可耳!

論 爲,故謂不 論 者、若概 耳 也,有加 今人論 以 加意之書更妙。 意 書,以 不 ൬ 加 愈 意 顔公三 心妙者, 爲工, 有 藁皆信 則 不 然 亦 加 亦 非持 意 不 手 而 可 點 平之 愈 以 竄 妙 概 所

又跋董文敏尺牘

明 形 晚 敏,雖八股出身,然亦何至説 相 有 動」者 攷 朝 年 内 於尺牘,此皆黨援門户之習耳。又嘗 證 士人幸而 筀 子 予見董 正 正 六 也 猶 + 如 不 明 書 語 支 知貽累經 不精於攷證,若使明朝 政不 尺 ,又有自楚 動錢 . 牘 綱, 糧 未 有 籍若何! 如大計之説,往 弔 若 歸 動 此册之 語、大半皆其 兵馬之「動」, 孟子不動心, 如 多 董 文 互

失

也、駮

反

朱

注

爲

非

每

覽

舊

蹟

宜

鑒

觀

得

跋董文敏書五條

本質也,似 人之界,固一毫不能假借耳! 似虞處,吾 此諸家中, 蘇、有米、有黄,獨 董書 有 虞者 亦有智勇俱困之歎矣。 似 虞、有 北海 則其最高之境也。 其 褚、有顔、有李北 者其精 心不肯服 能 也 趙 一,似 耳。 然 顔 此 事 每 者 天 到 其 就

《蔡明遠帖》,雖 遠 更 册矣,惜不得以彼卷對 旬日還之。 在 帖卷》皆行草, 彼卷上耶? 一十年 此外,則惟今日見墨卿 前 顔 見 m 法 吾 胡 此 而 「齋有· 内乃 雨 頗 看 方 得虞 也 文敏大楷, 有 侍 IE 御 意。 楷 然臨《蔡 所 ,豈竟欲 嘗借 藏 所 購 董 明 此 臨 臨

法人《 又 豈 止學虞法 瘞 鶴 銘 而 則直欲 已! E 進 魏 晉 六 朝

後足 法, 若 米老之身關係六書存亡,此蓋以書至米 蓋 以 以 歐 岳贊米老之言概之乎? 董 以魏晉唐賢,皆不足言書也。 而又薄鍾、王以下爲君子所不務。 答徂 文敏 歐陽子 言 書 一來之説概之乎? 也。 書,則當於何 與 嘻,二賢之言皆過也 徂 徠 論 書,既言 論 是程也乎? 吾亦不敢也。 吾則. 書 何敢。 岳倦翁 不 미 若 此 無 乃 而 以

者鮮矣。 董公一生得力,在「轉」「東」二字,知

此

然明 宫生矣。 人 人皆知 書 知此, 開 有 始 明一 者, 則由董書直溯 代 誰 書家 屬 耶 結 ? 、於董 吾 魏 晉六朝 必 文 推 敏 南

> 此言。 雲壑諸 慎 老 勿 以 日 還 饜 耳。 董 書 今日 9 ൬ 只 對此董書 求之米 .蹟,方發 海 旲

跋董文敏論書帖

第 善臨 之,未有捨楷 情 求肖似,則 由 固 西堂寫右軍書目,首以《樂毅》、《黄庭》冠 拈 是 蕭 學問,鑒古宜今,豈一二説所能 前 摹 取大意,自謂得之矣。若虞、歐以上, 自米老已專務行書,其 董華亭以 羊 而 人 以 所 輕 貞 問 未 語 觀 不問 山陰,自必從 能 襌 飛行絶 時 到 理 馮 而專力行草者,未有 矣。 論 承素輩敢以己 跡者。 書,直透 然書 Œ 於古人分際, 若謂 非 書始。 無 小 盡乎? 上 藝 〕意别書 臨 褚公 也 妙 古 不

● 「知」,原作「如」,今據稿本改。

吴江 然,皆邈不可問。至董文敏、邢子愿,直 亭》,而「崇」「山」旁點、「帶」頂四直之所 皆不知講攷證之學,雖 之旁點,尚 集字在 事 虚 邨所藏《樂毅》爲 也,而 機 乎? ,其來久矣。 可 於「羣」 今之取 驗也。 脚 真 梁本,則不求實學而 以趙 宋元 (者,惟 之雙杈、「崇」「山 以 集賢之臨《 賴 後,書家 沙門 懷仁 目 蘭 漸

亭也。 H 孫 以 立自 而 一鋒矣。 空言所泥。 漢 能 禪 名家。 陽, 天挺 倡 董文敏天資筆 經學日益昌明,士皆知攷證詁訓,不 闡 實 爲 繹晉 精 則 神 董文敏 若後人無 研 秀,是以 其 髓 於此精 古 唐以來諸 前 ,漸且竟可 ·隸,豈 處 尚 力實 明 有米南宫,●同時 論 言 其 末藝林熟習帖括 者謂書道結穴於 可廢 家 書 骨骨 跨 不講. 體 道 力 古作者,故 乎? 格家數,不 而 ,則必當上 古帖,自 效其虚機 士生 窮 有

> 整以 以 裨 肖 非 虚 而 細 此 定 忽 言 神 ,豈徒爲書道計 則實關於士君子持躬涉世之正,所 臨 其 摹之 理 程 而 不得 矩 志 結 輕 且 搆 之規 楷 言 哉 承 員 隸變,自 美 以 · 得 開 以 率易 必 高 由 談 之 方 神

跋程易疇臨董書王氏御書樓

以 御 太保兼吏 書兼文淵閣大學士。 記,文敏爲太倉王文肅孫煙客作也。 五年六 萬曆五 書樓記 月卒,年七十七。 歙 縣 Ě 常尚書、建極殿大學士致仕。 月, 程 年掌詹事,十二年冬,起禮 書、 加少保,辭不至。三十八年 疇 孝 藁書二通,索予題之。 廉 至二十二年,以 煙客生於萬曆二十 以 所 臨 書《王 太 部 文 子 肅

▶ 「米」,原作「宋」,刻誤。

五六二

之日。 攷之, 故官 其 疑 昔年見王舍人所藏文敏書是 年 本 迹 東經 作 後丞」是「疑」字、「帝幕」是「帝」字、今此 作, ,所以兆程門之燕貽者,不其休歟 前官書之。 ,掌詹事 辰 「凝」、作「觻」, 初 有論次焉。 則文肅 圃 而其 訓 文尾 廕 禎 官 數 後 府事 結 初官 奉 也 世以之,文字之因,詩 此蓋崇禎四 厥 銜 勅 孫 時 太常 禮 味 賜札之時, 何也? 克承堂構,繩其家學, 所重書也 記 部 卿 中 尚 年以 書」云云, 故予於董 此 記 蓋 乃煙客 記 後,文敏 合此前 墨迹,「前 萬 云 曆 璽 禮 迹 初 乃 末 之 原 牛 後 起 追 年 子

跋桐城吴氏所藏史忠正公手札卷

日 姚 夫人 明 末 八避難 流 寇 之難 ,行至潛 桐 Щ 城 生員 遇 賊 吴德 母 白:「汝 堅 一負其

> 吏部主 爲 官禮 孫貽 稿: 墮厓 固 未 末,乃知其家制府熊光題云 老張文端爲題其 立云云。 里,德堅致書,史公答之,大略 公可法狀其 足信, 得 爲 必昌大,況文名籍甚。 牛 其 下,幸 部 姚夫人言之,而孝字實亦 詠,乾隆癸丑會試第一,改庶吉 德 焉 〈實也。 事。 紙三小行 儀 而 堅 能 制 朱 未 泣 負 德 事, 司。 玄孫賡枚,嘉慶己未 文正 死 不 我 史公札 堅字爾玉, 爲 忍 後。 奉此卷來屬題 書,●又六半 旌 母 去。 詩 速 門。 以 云「俱 澼 今又百有餘年,其 云「節孝之 駡 既 以 厥 賊 以 而 全 異 死 「墜厓脱賊鋒 後史以 遇 賊 宗 史公此札 日 吴 行 兼指 害。 道 至 祀 云「節孝 門」, 必 脈 裝 庶吉 卓 戕 墜厓 詳繹 卷。 父 皖 母 吾 1, 一,尚 有 憂 節 撫 推 始 曾 閣 手 之 建 史 死

[▶] 據刻本書眉:「按『三小行書』句疑有誤。

玄,世世之科名光大,又造物必至之報,皆 揚 孤 也 死 括於史公手札一言中。 而 克嗣,亦與母之孝烈並 ,史公之精忠大節,寸楮隻字炳若 ,貞烈並 姚夫人之罵賊殉 即 今文名籍 著。 即吴一 甚之爾玉言之。 身,與其平日之孝姑 爾玉之負 嗚 垂。 呼, 母 此卷足千 圃 避 其後 此 難, 日星。 曾 顯 撫

跋盧忠肅公手蹟

磊軒天 閶 見。 隱 殉 居 節 忠 此綾 士之别 必 績 地 總 臣,公特膺「忠 勒 節 書條 矣 督 紀 烈, 各路 豐碑 號、 幅帶 彪 乾 援 炳 丹 隆 名艸 俎豆 兵、兵 青翰 史 四 肅 傳 + 不 書 墨舟楫 刊 二十有六字 部 專 m 年, 也。 尚 手 書 書 詔 文章」之 而若 公之 褒明 ## 宜 興 所 湄 鄉 季 罕 盧

> 印 其 軸 僅 無 後。 作 歲 記 筆 月 則從來著録 示 恶 口 北 觀 攷 平翁 乎 而 方 家 武 撇 進 緇 未 趙 拂,緬 有 屬 記 舍人懷 爲 述者。 仰英 題 玉珍 跋, 光,又 此 藏 幅 豈 是 雖

跋宜興盧忠肅公手牘

甚 朝 T 也。 Ŧ 載 且有 不報。 夫人父也。公殁之明年,王 忠績 此手 下 明 能 疑 總 節 公未 無 督 烈, 又明年,其 痛 各 致其外舅 死者。 恨 炳 路 乎 垂 援 一史傳 兵、 明季之待忠臣 兩弟 者 兵 而 部 即 請 書 尚 一夫人 爲 卹 蹟 書 公請 世 又不 宜 所 如 罕 興 卹 此

公特 碑 膺 乾 俎 隆 一忠 豆 四 肅」專謚。 不 + 刊 矣。 年, 即 詔 公之鄉 其 褒 外舅 明 季 誾 妻 殉 自 節 必 諸 勒紀

五六五

筆,就 印,此 字,皆令人焚 銜 題 札,皆崇禎 戒 了, 至 於 字非 感 於地 次覆 故附書於此 一今無 中隨 别 艸 丹 舟,公之遺 號 心 巨 下 蓋 時 初 不 碧 軸, 者 香 知 隨 年 人人 血 平 者 拜 備 事 自署名 也 ? 少矣。 兵 切 誦,珍若 跡, 切 1 天雄、 籌 监 當 予當爲 雖 軍 時 下有「 聞 印 或 扼 而 球 撫 味 盧 公 壁。 辛 尚 武 治 湄 章,亦 公 如 進 炯 鄖 此 黑 片 楊 觀 軸 趙 炯 陽 居 言 應 乎 時 此 嗣 已 味 傳 諸 辛 隻 無 手 昌

跋楊忠節手蹟

州 恬 節 公兼 以 世 乾 明 所 傳 隆 東 H 藏 絶 四 閣 先 手 11> + 大 生 蹟 0 學 廷 勒 今其 年, 士 麟 石傳之。 兼 賜謚 鄉 以 守 人江 部 忠節 城 尚 俾忠義之氣 援 蘇 絶, 按 清 而 察 文 死 江 使 辩 於 楊 懋 翰 贑 忠

> 昭 星 懸 示 藝 虹 林 貫 已 長 也 垂 天 壤 不 獨 書 勢 遒 勁 足

跋徐俟齋手札

必 自 餽 俟 子 卻 物 作 非 處 齋 宋 質 與 中 無 如 曰:「君 書 錢 此 君 丞 札 處 處 耶 與 也。 贈 力不能 友 云 周 (若此 金 然嘗 青 典 意 觀者 士, 價 甚 助 聞 而 僅 厚 則 勿 欲 俟 嘉 則 得 此 - 1 疑 集 興 齋身後遺言 聽 五 札 李 數 但 其 所 潛 潛夫不肯受人 友 金 餓 云 夫 死 月 絶 典 可 給 糧 價」者 矣。」其 戒 想 其餐 其 是 魏 叔 孤

跋王覺斯書

求 書 韓 霖 法 者 Ш 然 西人,撰《 其 、攷《絳 絳 帖 帖 攷 未 能 精 卷 審 蓋 也 知

講

乃 率 此 非 見 意 覺 卷 可 mi 規 苟焉 行 斯之真楷, 而 觀 韓 未 格 矩 此 所 筆 不 有 已也 知 卷 跋 亦 不 則 兼 古法 E 謂 博 逐 通,未 乃 覺 創 通 之遠 知王 則 斯 也 草 行 有 書 有 破 艸 覺 矣。 時 夫真 不 亦 正 丽 争 斯 一,此 專 震 於 勝 夫惟· 八行 精 於 書 董 亦 艸 而 其 真 法 率 文 關 能 楷 名 敏 意 於學養 者。 作 亦 理 而 心行筆, 而 行 專 雖 卒 其 若 фф 騁

跋明賢小楷卷二首

逵所 嘉 成 也 册 爲 書《洛 京 書《九歌· 公瑕 明 兆 屬陸子 人 臨 先 書 神 | 黄 得 書 賦 傳 湘 文 凡 》於 庭》、王 爲 君 衡 六 *, « 臨 後。 Ш 段 縮 麻 湘 雅 長 臨 又 姑 夫 宜 洲 於白 仙 人》二章, 巓 臨 周 壇 亭》 公 雀 記》、 曹 瑕 寺 暨 蔡 所 碑 僧 彭 因 所 孔 裝 九 集

> 之能 此 至 更《千文》稍 論 後 序 皆 明吴下 矮 成 事矣 惟 紙 至於 細 河 米 蠅 楷 段 諸家 師 南 老 而 友 大而 ^ 每 陰 雖 自 此 西 爲 淵 昔 段 符 以 皆 最 遠 尤淳古,爲正書之極。 源 (《黄 屬 度 稱 更加 盛 雅 小楷 仇 人經》最爲 以 焉 庭 集 實 小 縮 *\\ 圖 者,若永 父 楷 小 記 曹 爲 遞 ~ 可謂 娥 繪 相 有名,至 已微 *\ \!\ 興《 像 祖 極 述者, 仙 於 破 小 前 則 率 邪

寺, 宜 碑 雀 湖之上二十年, 所 年 寺經年矣。 受學於九逵,居 書 一,在王 篤 此内祝 前 爲其 其 也 祝 夏 最 書 ·雅宜· 74 京兆《黄庭》,是其 九 同 後 逵書 月 是年三月晦 珍 將 至壬辰、癸巳 寓白雀寺之前三 晦 賞 絶 洞 在 门以 筀 遂 庭三年, 1 卒。 時 西, 贈公瑕 矣。 日 則 則 間, 雅 既 宜 猶 此 四 + 而 寺 官 息 而 + 復 臨 僧 年。 殁 公 往 虞 讀 ^ 曹 瑕 白 後 與 Ш 書 歲 娥 雀 白 宵 石 時 四

臻 則 年 之矣 其 甲 以 Ш 蘭亭》時 勝 九 篇 戌 書 殁 《後,凡 概,不 達又 加 末 法 陸 時 彭 諸 嗣 子 所舉 則文伯子壽 己 傳 石 足 豐 年 君 殁 | 衡山 數人者、蓋 湖 爲 不特爲細楷增故實已 已七十有 碑 續 數 在 五 衡 巨 書 年 者。 7 賢 Щ 碣 矣。 時 巳 之記 異 皆出公瑕之手,蓋 承 尚 此跋 六, 也。 俯 又 惟 健 、雙梧六客之圖 己 仰 孔 衡 而 吴中人 在 在神宗之二年 前二年卒矣。 嘉 今昔,感慨系 韻逸手柔, 山 也 書 藟 然靈 在 也。 八相傳 其 辛 縮 能 衡 臨

内 改 册 王 君之外 、裝爲卷 元 作 ,今復爲 昔年 美書《洛 細 楷 也。 嘗 者 兩 一,尚 爲 神 舉七人。 峰 公瑕跋 兩 賦》二篇 不 題 峰 止 此 題 此 内 而 祝、 此 於 所 有 子 是 文二 扇 舉 俞 所 舊 細 頭 仲 藏 册 楷 家 其 蔚 明 者 子, 蜖 字 允 X 广,於 文 楷 扇 兩 爲 極 册 此 峰 小

> 於是 峰 以 妙 銖 以 樂 卷之 宋 石 於 更 拓 鉤 1 如 越 於 此 州 ٠, 共 此 石 成 續 Æ 爾 有 本 時 集 好 度 旲 事 誠 人 門 者 大 經》見贈 諸 車 觀 君 裒 也 子 適 因 法

跋長洲宋忠烈公硃桊

其事。 南 在《 朝 澤 聖祖 樓 禎 火 殉 辛 通 中。 節 未 志・ 長 乾隆 定 南 曩者 皇 進 洲 諸 通 志》僅 忠 贈 帝 士 宋 臣 鑑 四 節 方綱 大理 巡 忠 南 輯 + 賜 傳 云 巡 烈 覽 按 謚 ×, 視學 卿。 公, Ш 年,高宗 賜 城 日 及《明史·忠 東,濟 濟 破 忠 題 諱 本 濟 南 遂 其 烈。 學 南 朝 府 朱, 墓 康 南 卒」, 純 適郡 公 門 志 熙 重 皇帝 字 死 義 急 云「傳經 四 宦 未 用 人 十四 傳 節 及 欽定 蹟 建 死 晦 事 詳 於城 傳 忠 江 載 勝 世

定公祠 試硃卷,公之裔孫持來,屬題其後。 節、勒之金石爲 方綱 爲 足憾 撰 碑 也 而 未得 此 九册是其 表揚 公之壯 庚 午 鄉

跋陸清獻手札

耳。 矣。」●又云「伯祖報書磊磊萬 哉」,孔子曰 見,使不佞 必更有復書,而集中 某」者也。子辰從 辰之學不從朱子人,故其末云: 願一字,此 復職時 作字甚敬 平 載 湖 所 蹟 得辨别焉,亦所 「明辨之」,正是一 此 陸 寄, ,又其餘事已。 作「樂」。 文 清 在 獻 則 孫站跋云: 第六卷尺牘 手札,答嘉定錢 木 先 載也。 生是 孟 子 時 「康熙二十 願 言,則 是書蓋 曰「豈 年 也。」 中 五 詳 須 子 + 集 慮 先 中 所 子 牛 四 辰

跋朱竹垞文藁

補之。 縱前 跋》 記 本爲 則先生竟誤以南宋末之曾幼卿爲 本之誤,今見手艸,實是「曾惇」二字。 通天帖跋 者。《李義山 云《玉 移居圖跋》「開士」是「高士」之訛 考跋》,集本大同 正。 。惟《感 左内率府録事參」十字,當據此 理宗御製序」,此藁脱「序」字,當以 右朱竹垞 。至於《石經跋》曾惇之名,曩嘗疑 谿 《唐游石橋記跋》,集本誤脱 》,「掌」是「賞」之訛。《 生 集箋》之别 詩跋》,則集中《楊太真 蝗 先 賦 生文藁手蹟,凡跋 跋》,集中無之。 小異、蓋後來又自重訂 幅一,即 此 宋 南宋 《萬 ^ 《傳跋》 手 巓 也。 集 軍 集 經 歲

■「則」,原脱,今據稿本補。

なる技術之前

也、宋 手艸, 楣見 之曾 脱 爲 亦 要,爲功於經學匪 録 面 序跋, 有盧 記 菲 於《左氏 據 也。 》云: 著其 此 耳。 宏 也、盧也、垤澤也。」集 陽」字。 一、有 父, 手 偶 《續蘭亭攷跋 一爲之追録補正乎 予嘗深 歲 蹟 傳》,不應畫定 桐、有集林。 或删 宋 月,然則先 更 每 城 此手書, 其歲 門 必 與 惜此 縷 細 吾 見 縷 月 友 ,安得盡得 書 》,於沈 於 者, 生《經義 蓋 詳 錢 按 綱 載 此 未 説 辛 桐 領節 特小 記 定 四 本 矣。 楣 門 虞 者 之藁 名,且 無 言 與 先 史鈔 致》, 撫卷 次 卿 四 又若《 之, 集 四一字, 生 詳 歷 林, 悵 當 胥 不 揚 日 使 官 於 然 著 足 門 陽 西 之 皆 辛 H 有

跋漁洋手柬

候官林氏所藏漁洋手柬,皆致林吉人

先君 即 不敢 愚 華 自 按: 也。 所選,據此手柬旁注,當得其實,直 合其前、後集,擇尤 格 心 録 定、託名於盛 蓋吉 公議 調 有所 吉人之子正 漁洋詩,今學者皆知 》前 書之, 剞 之變稱 李 人爲 有某人序,其議論仍訾李、何, 未 何也。 安,如 漁 耳 劂 、曹耳。 一青 洋 以 觀此 愚嘗謂 何 書《 粹精者,定 旁注 傳, 如 札益信 精 何。 此 名曰《 是 云:「先生晚 華 漁 内 盛 録 洋 觀 一札云: 侍 爲四 精 所 此,知漁 御、 時 華録 拈 所 是 曹祭 册。 神 手 <漁 洋 授 致 於 精 酒

跋周櫟園手書與黎媿曾詩券

耳 其 ,其曰 之 詩 集 贈 長 黎生 汀 援 得於心不求於外」者,是也 黎 南 媿 也 豐 曾 贈 蓋 蜀 櫟 欲 黎 東 視 生 門 其 序 人 擇 以 巾 途 爲 而 櫟 比 滴 袁 於 其 夫 道 南 序

皆稱 迪 夫志 印章 論文者予未嘗見之。 所稱李元仲、楊叔夜,皆黎之師也,其所 譽之宜平也 是有辨矣。 有不求聞於人者,非 志乎古必遺乎今」者,爲陳言之務去, 功 三乎古不合乎世,志乎道不同乎俗」者 焉。 古道以 集 ,曰:「宋元無詩,至明而 則 乎古者,果斯之謂 可,求異於世 惟懼夫後學之輕信 夫稽古之士,特 相 贵 勗 調 者,故願與學者觀昔人之 長傲 則 以是炫於人也。故 然櫟園 不 乎? 而 可也。 矜名 也。 立 予方細 與 詩 郭? 而 黄濟 始 昌黎所 獨 周與黎, 繼 行 此 唐。 論 叔 徐 與 卷 毁 謂 持 古

跋汪退谷瘞鶴銘攷手艸

而愛之,其後門人謝蘊山太守得其板於揚予於己卯冬得退谷《瘞鶴銘攷》刻本

也。 愚最 次以 十餘 於茲銘,不啻深有夙緣者耳 知「逸少」二字爲 蓋未考王象之《輿地碑目》耳。 處玄撰也,豈有是皮襲美之理哉? 鶴銘》爲王羲之書,而《潤 是皮襲美所爲,殊不思《潤 洲,愚亦皆力辨之。至於近 疑於山谷,又或以移石後之 力爲辨之,而近日 本之先後。 存字,辨其點 得 州 逸少二二字爲 見 ,爲予購 因 不服者,三十四字宋人補刻之説, 前人著録之先後,又次以諸家摹傳 年矣! 書此 原 艸 歸 以 庶可 墨 蘇 畫 愚當作《補致》 附 説 蹟。 齋。 同 諸 耶 承退 玉煙堂所加, 異。 論者,或以大字之評 前 ? 此 而 輩手蹟之末,亦 是又不待辨 谷先生之緒餘 事 今 次以 迥 又於 州圖 州 環 拓 日程南 拙 圖 胸 本歸咎於 秋 卷,前 而 著 且程 經》乃唐 臆 史侍 經》云《 何 1 放辨 畊 以 前 而 見 知 又 君 直 平 列 後 御 ? 孫 嫁 滄 致 既 拓 又 見 所

跋汪文端公細楷尚書

之矩 池 敬 問 則 矩。 蓋 書?」答曰 七百餘字, 最深也。 下,然人皆知其 和 魯 津 自漢簡漆 賀玠 藝而 則矣。 Ш 公正書之妙,所 巾 平,爲窮 且於莊重之中出以冲和淵秀之致, 陰 箱 謂 此册凡十八紙,而條具二萬 己。 者。 細 :「檢閲既易,且手寫不 纖 之曰:「家有墳 休寧 書以 楷 逾 經致用者之楷式,又不 至於作書之本,則 經 出於顔,而 植 後,至於細楷,尤 典, 汪文端公書法,衣 一髪,而 以上接永 起 於 無 不知其於虞、 南 一筆 素, 齊 興、河南 何 衡 示 又出 ·應規 爲 陽 須 忘 獨 被 藝林 於 Ŧ Ŧī. 也 蠅 臨 忠 此 千 褚 天 釣 而 人 頭

跋張文敏臨古册子

也。 然。 古,皆自謂 可 老所云「二王 以 若臨古不求其似, 欺後學矣。 愚嘗謂 得 天 居 直到古人 土 書 以 臨 家 前 每 古 自 與石庵 有 有 而 純 高 神 不取 則馮、湯仿《 以 古 骨 力辨之。 神 形似 耶? 行 則 無 豈亦 稧 庸 文敏 帖 若 臨 董 亦 米

跋白公神道碑

行 舟,借崐圃 皆官於朝, 年,初白年七十四,告歸 金 書次之,楷又次之。 壇王虚 《長白 舟書,吾邑黄 白 名 虚舟 耳。 公神 年五 虚舟以書名,篆爲第一 道 十六, 碑 崐 初白以詩名、《易》 里居。 圃 海 而 篆 篆 額。 查 虚 額 舟、 初 實 雍 白 出 Ī 崐 虚 元

先生以學古自命者耶! 學次之,古文抑又次之。白公爲閣老之學次之,古文抑又次之。白公爲閣老之學次之,古文抑又次之。白公爲閣老之學次之,古文抑又次之。白公爲閣老之

五七四四

唐

十八學

士

圖

中

唐

十子

圖

陵

君

子

圖,皆因形兒以

想其爲人

(而已,

非

必五

盡

古

本

·真迹也

復初齋文集卷第三十三

門人侯官李彦章校刊大興翁方綱撰

.

門

藏古像册後

杜 與 坡 畫 IIII 後 者 哲像也。 畫 少 人 所 丁, 曰: 一 L。」豈 陵《適江陵 記 爲 圖 昔屈 唐 信 欲 子 敷? 右 蓋 名 求 馮 稱 軍 一謂寺有張 而昌黎韓 臣 翼 能 楚 像,弇 其見於後賢之文者,若東 少陵 (惟像, 詩》曰「喜近天皇寺、先披 畫者,摹五帝以來 先 王 所 州 子曰:「見今世 何以 廟及公卿祠 僧繇畫孔子及 稱 所 ,必皆古本 記 識 大禹治水圖 之?」王右 畫 畫像。 顔 一古賢 . 精 無 妙 子 軍

> 之,而 篤 爲 深愛魏 意 陶、王、孟、韋、柳諸像矣,今復從其友人齋 齗 顓 中,摹得古帝 不 更有 耶? 啻飢 孫 敬 八册,晨夕焚香 子 梧門司 豈以畫 鶴 進 渴 書紳以 行 敢敬書以志之。 焉! 顧言、言顧行。」此四言者、蓋 山 ,寤寐從之。 成博 題古像之銘,曰:「言忠信,行 工與 王名臣像二百九十三幅, 來,羹牆 屬 學嗜古, 爲 晤 不工、形 書數語 對,視其繪唐詩人之 其於 前 每 哲之誠 似 爲 見前賢 於其册,愚 與 詩 不 也 如 似 遺 或 既 蹟 自 見 則 繪

書伏生授經圖後

《漢書•藝文志》:「秦燔書禁學,伏生

據

此

則

鼂錯受《尚書》於伏

生時,在孝文

四年以前

也。

《洞

冥記》云:「李克者,馮

人,爲秦博士

,門徒萬人。伏生時十歲,

令。

後詔

有司舉賢良文學士,錯在

選中,

Ŀ

親

策,詔之曰:

惟十有五年九月云云。」

側。 脩祠 乘氏 當在 遍。 去孔子卒纔二百二十年 繩 之事,略 就 里有伏生鄉 克 尋之繩,皆成結矣,計 + 此言伏生年十歲就李克 記 壁 伯 秦莊 餘 石 有 、康熙四 尋 壁 祠像修眉豐額,幼 順 襄 Ш 以 遺 中,受《 祠 治 時,其生則當在 縛腰, 脱 墓在焉,伏生 十五 十年縣令程素期 伏子因 誦 尚 年施 書 遍, ▽,以 耳。 誦《 潤 而 章 女 故 尚 誦 則 周 受《尚書》者 鄒 撰 及 里 書 結 之,嘗 赧王 傳 平縣 縣 鼂 建 也 繩 受, **\$** 錯 口 一末年 數萬 徐 皆 北 宋 四 封 細

跋上林圖卷

墓

道記

間 天 八落 皆有數本,況《上林》卷是其尤著名之作 照 仇 圖 實 菱及 父 臨 師 李 周 龍 東 眠《 邨 所 西 臨 袁 雅 集 圖 海

觀、旗 丈, 壯 其 成 墓 朝 制 制 稱 有 古賢名筆 ,正合於陳 文徵 歳 直 賦 與尋常 累 、畫,車 미 也 長 石 三絶,豈 輦、 於 年 謂 0 歌 刻 + 仲 ·始就。 崐 圖 E 年 軍 小 湛 制 畫 Щ 可 弇 前 畫 容,皆 今見此卷,乃知前 楷 酌 皆 史之作 祥道《禮 作《子虚 调 資 之絶 0 州《藝苑 所 而 如 許 印 Ш 如 成」者,非 此, 臆 畫 耶 證 境 陰 迥乎 寫 人 ! | 今見 與漢 一賦 吴水雲 藝林 上林圖 物、鳥 巵言》云: 古賢名筆 乃 在 木 所 畫 知 虚 卷 之勝 攷 同 持 武 弇 閣、 此 内。 卷》,長幾 桯 所 來 州 也 : 「仇 卷 見者 愚 煮 事 下, 斟 Ш 所 魯 嘗 所 也 達 崐 卷 見 常 酌 實 尚 峻 繪 Ш 云 甫 祠 車 兼 而 Ŧi. 非

楚 有 屬 先 對 者,子 論 生 卷前 也 之境宛 畫 虚 左 也。 坐 然, 對 奉 而 坐 亡是公也 ·使之 全圖 其正 節 .則 候 專 坐拱聽 於 繪 右 八門外 F 坐有 者 林 也, 齊 所 烏

> 訛字 其 林二 歲 因 年 뒓 撿 筆 庚 則 ,可勿計 得 字字 法 寅 必 小楷遒媚,兼 以 前 兼 古瓦,手 至嘉 稿 題《上林圖卷》,今復得見此 寫 ,并爲復作 已。予昔於粤東 靖二十二年癸 賦 拓其 也 虞、歐、褚、薛 文,勢兼 文 衡 篇系録於後。 Ш 卯 篆隸。 生 藥洲 之能 Œ 於 七 成 得「上 雖 嘗用 + 化 有 四

跋錢舜舉蘇李泣别圖

選》題 别 筆 丽 四 尝云 也 章 東 坡 自 云「蘇 昔 李 嘗 李 詩 謂 相 詩 則 皆 子 傳 章 云 卿 蘇、 後 ,皆載《昭 古 李 人 獨 李 詩 少 所 有 河 卿 四 擬 盈 梁 首」, 與蘇 明 作。 樽 贈 文選》。 酒 别 不言與李 武詩三首 洪 之詩 與 容 子 1 齋 結 ^ 隨 文 武

「三」。稿本作「二」。

皆 謂 獨 卿 來 相 在 指 歸」諸句,皆 李 傅會之説耳。 詩 戰 李 少 明 場之年矣。 卿,不思 有「與蘇 與蘇 即 武之 蘇武 以 何 别李情 所指「行役在戰 以 相别之時 别時 題 可 事 相合。 作 證 此 耳 語 非 復 耶 場 此 而 其 ? 小 則

真 别 之,亦與蘇、李情 詩 蘇、李河梁 詩 ,陵起舞,作歌「徑萬里兮」五 有 也 「攜手上 何當有 贈别 河梁」之語,所以 詩 事不切。 攜 也。 手上河梁」之事 然 史載 而 即 後 以 句, 人 陵 此 此當 與 相 乎? 斌 詩 傳 爲 日 决 論

望自 陵 以 耳。 有 云「丈夫不 河 梁 時」, 不思 首言之,其 此 則 귋 能 謂 既 再辱 離 南 别之後,或尚可冀其 歸 曰「安知非 」,亦自 必必 無 知決無還 再 北 百月, 之理。 漢 弦

即

m

期

此

則「日月」、「弦望」爲虚言矣。

始元 子之留. 況蘇四詩之全不與別李相涉者乎? 題明出「與蘇武」者,而語 矣,安得 云 五 嘉會 年, 匈奴,皆在天漢 云三載嘉 難 是二子同 再 遇,三 加會乎? 載 居者十八九年之久 初年。 意尚不合如此, T 就李詩三首其 秋 其 相别則 蘇 李 在

之,猶是「熟精《文選》理」之旨 論 之,皆有所 域、尤動文人感激之懷, 猶之許彦周《詩話》云: 切合蘇、李之史事以爲 已矣。杜少陵 擬託李陵《答蘇 爲千古送行詩之祖也。 有「攜手河梁」之句 文更不疑。」 細繩之。 藝林相傳蘇 不合。 即 一此特 云: 此 武 李 李 一李陵 書》。 而 河 因 陵 可 訶 河梁 爲 梁之别者,蓋因李詩 論 論定哉 場口 《燕燕于飛》一篇, 蘇 言情敍别之故實 五言之祖 若準本 故魏晉 而 别詩、 武 蘇 熟 是 也 吾 李遠 傳 以 亦 亦若 而 述 師 後 不 歲 在 必 往 月 而 孟 是 焉 譜 往

之日 卷 龍 屬 鑒其筆 眠 然蘇 本 爲 則又 措 録 一妙,而 李 意 蘇 Ш 不 何 跋 揮 應 李 如 云 牧 淚 領其大意 詩 也? 羝 相 於後 事 别 舜 荷 , 若 同 舉 可 故 屋 在 此 果 耳。 略 侍 昌 在 爲 御 幅 河梁, 蓋 辨 矣。」 以 之。 所 未 攜 龍 此 知 手 眠

題二喬觀書圖

受益 策 護 置 二女,皆國 屬 銘 從 軍 未 爲 心 容戲 所藏 知 題 宋 絶品》載 領 按《吴志 芝 始 識 江 馬 瑜 Ш # 色也。 夏 日 和之《二 予 何 以 太 :『喬公二女雖流 邵公濟所藏李伯時《 攷 所 守。 周 是 藏 也 策自 瑜傳》云: 圖 仇 喬 從 實父《 納 攻 倚樓 志 前人 (皖 大 雅 喬 ,拔之, 觀 「策以 多 堂 書 雜 有 喬 離 瑜 圖 鈔 觀 書 納 ,得吾二 嫁 得 瑜 *****, 載 爲 喬 小 鄧 圖 中 椿 張 喬

> 傳》曰 彼 策薨 成 結 徒 建安十三 與 瑜 因 桓 Y 於情 知名。 周 大 作 此 王夫人, 寡居故 ,聞策聲問 時 風 圖 公瑾俱生於熹 壻 喬 ,年二十六也。 年 不 事 者,爾 而 <u>二</u>十 與 策與 亦 附 年九月,時 有 有 周 足 論 未合, 周 四 ,自舒來 時 爲 周 郎 瑜 己 瑜 旲 便 歡 者 邸矣。 當三 抑 相 中 平四 銅雀 周公瑾年三十四。 若 與 友 皆 於古人有難 造 是 介,策 十歲 夫赤 [年,至 策同 呼 焉。」據 歲 而杜 春 爲 年 深 一年,亦 許 壁之戰 建 + 周 鎖 牧之詩 建安五 此, 安 郎 餘 稱 安者 歲 英 喬 故 則 年 討 云: 則 年 達 長 討 已 也 故 沙 逆 在 而 逆 夙

鼓 將 之嫁者 周 吹, 即 瑜 若伯 爲 與 傳》云:「 自 治 兵二千人、 時之《嫁 當合此 館 舍 建安三 贈 時 小 騎五 賜 事 喬 一年,策 莫 寫 圖 與 + 之,乃切 爲 兀。 授 今雖 比。」畫 瑜 策 建 小小 未 又 威 · 喬 見 給 中 瑜 郎

亦因以附綴焉。

跋巨然茂林叠嶂圖

命有 有 淳臨安志 《宋史·賈似道 印、「玉國公印」。 是元 林 尺 三年正 二年丙 大丞相魏國公再登揆席」之語,此在咸 挂 叠嶂」六字,相傳米南宫書。 \overline{H} 津王鑵世寶」朱文印,左有「悦生」萌 輝筆 欲 魏 司 寸 E 建第 寅。 或 僞 然《 月, 鱪 也。 爲 》,載 公之事 茂 韶以 宅 而 而 尺 林 下 不能者 家 周 能 傳》不載其封魏國。 八寸。 叠 魏國公賈似道有 ,而史失載。 公謹《齊東野 右 廟」云云,則 井延 「丞」乃古文「魏」字 嶂 角 圖 恩院 有 上 「稽察司」半 有行 絹 賈似 本 當理宗 此 語》云「景定 書 立 以予觀之, 則後 道 再造功, 軸 題 攷《咸 印,又 時 口然茂 來 名 高 有 蘆 淳 丽 Ŧi.

> 譜》云:「御 故 疑 則 爲兵部侍郎,在紹 内府物歸之似道者, 内《茂林叠嶂 里長江圖》,時元 米南宫墓誌》言「元符初進其子所畫《 者 物 宣 和 似 (攷《 悦 時 道 進 往 府 圖》 生 御 往 所 别 乞 之 暉 藏 一。」據 録 興 書 年 巨 請 無疑 + 然 尚 得 有 此 畫一百三十有六, 之一。 凡 其 少,已知名當世 也。 年,而蔡天 宣 題字, 則是軸 和 米元 而 紹 亦 宣 暉 爲 興 無 北宋 啟 赴 秘 和 萬 作 召 口口

人 妨 津 也。 傅 王 氏 同 年 印 記 張 之。 晴 猶 溪 新 畫 吏 自 其 部 真 上 得 此於 方 而 宣 印 中 和 自 州 殿 僞, 道 印 中 則

跋張叔厚畫淵明像

玉山草堂集》云:「張渥字叔厚,淮南

五七九

又《玉 子。 九 七十 也 九 嘉 丙 也 幅 訂 在 而 戌 미 靖 + 作 劉 日 日 又不但 據此, 信矣。 之會 ·八,正 間 劉伯 淵 撰 而 觀 則 Ш 偕 楊 石 明 是此 墓 者將 雅 此 不 李 顧 鐵 樓 温 像 此 則 是至 著 龍 集志》云: 云 期 BIJ 今以 厓 野 撰 卷 卷爲真 至正 必爲 謂卒 是 年 何 眠 瑛、 而 所 生 足 張 其 正六 Ł 年 法 此 一之辨 記 不 以 張 此 伯 八年戊子春,伯 證 + 於 爲 · 云 卷 至者, 蹟 資 伯 卷 雨 年 也。 亢 至 攷 白 題 無疑 至 至 致 墓 大 謂 雨 至 丙 描 正六年丙 字 是 志 黄 正 IE 疑 癡、 伯 煙 Æ 戌 旬 證 而 至正 矣。 前 戊子二月十 八 大 雨 রর 戊 之, 曲 伯 有 年戊子三月 之 謂 癡 無 中 戌 外 R 伯 六 卒 然予 伯 題 古 則 遊 戌 雨 史 歲 12 大 年 大 R 時 人 者 石 尚 張 月 癡 癡 手 攷 卒 丙 年 在 湖 跡 年 戌 有 明 戊 於 年 此

再跋朱蘭嵎畫坡公像

此 作。」 年 聚 妙 按 也 或 此 + 伯 跋 相 是 辛 跋 時 天 藤 云: 合 像 年 初 時 是坡 矣 E 開 後 與 年。 下 杖 然 今更詳 坡 乾 而 Ш 人 宋 置席上,如 降 公 當是 彼 坐盤 則 是伯 漫堂 谷 笠 癸 所題,尚 公 購 云元 Ш 可乞伯 題 917 之,「東 屐 伯 身後 得 石, 谷 時 坡 刻 春 像 時 人筆 此 云 畫 書 極 於《 元 未 軸 語 顔 欲 見 時 寄 坡 云: -似其 坡 符 此 敢 運生 作 公公儋 乞伯 其 施 來 即 謁 中 坡 定 人,亦一佳 注 云李 蘭 醉 李 歸 供 黎 卒 其 購 子 州 時 蘇 嵎 時 子 於建 伯 龍 爲 於 得 瞻 作 事 詩 伯 同 雲」此數 意 時 伯 眠 朱 蘇 像 時者 時 卷内 中 態 近 山居 時 齋 巓 所 當 靖 事 吾 作 自 嵎 作 畫 此 者 在 或 子 識 後 子 臨 也 帖 瞻 翫 會 語 所 īF.

跋坡公像三首❶

朱完 所藏 所 家藏 石 傳豐 本 摹 寫 對 松雪手寫本,及 此 本 此 真 頤多髯者,非 刻 刻於《王注 軸,又合明 本,刻石 小金 山 本,凡 於 真 康 陽 蘇 嘉 也。 羨蜀 靖 詩》卷前 熙戊寅長洲 四 丙 本合對,信世 寅 山 吴門 一書院。 者,又 李 尤 南 樞 茂 今以 間 先 海 以

是 所 金 杖、坐磐 有 爲 畫 山 清 陸 真本 像及 宋 峙 五 吴門 李伯 湖 mi 石 相 長州李樞藏松雪畫像,皆與宋人 師 尤 髯 意態 合 道 叔埜茂先藏松雪白 時之真本,趙松 不 題 . 甚多 蓋疎眉 也一。 云「有合於伯時 方,右 又南 鳳眼,秀攝江山,兩 頰近 海 上黑 雪、朱蘭 朱完所作 描描 所作按 悲數點。 坡 像, 嵎 臨 後

> 合對得真,敬識於此。 本,皆足證也。嘉慶壬戌二月,以此

> > 數

本

中題跋 谷貌 明白 顧 者皆失笑,知 貌清瘦。 見 頰影 矣。 轉 世人 豐,而 條云: 》,使人 不知詳攷,謂坡公貌豐 此 右 因 頰 其 坡公兩 讀 有 爲 就壁畫之,不作眉 「傳神在 其詩而 黑 吾也。」以此條證之, 悲數 顴清峙, 於顴頰,吾嘗 誤 點, 會耳。 即 見《 以 腴, 郝 其 目。 東 陵 實 燈 坡 Ш 下 Ш 見 集 Ш

集》。

跋海嶽庵圖

宅, 久弗就。 鐵 重 山 蘇 叢 仲恭學士,才翁 談 ×: 米 老 歸 丹 孫 也,有 陽, 將 甘 1

題下,稿本有「壬戌二月廿二日」。

五八一

復

初

齋文集卷第三十三

岳倦 居。 擬 岳之 公所 露 若 屬 耿 門 於 江 欲 寺 有 浪 懷。 藏大 於是 夙 浪 託 繪 有東、西,尤足證 翁 人宋芝山 下 緣者。 以與謹 云 並 其訪 、爲圖。 (令十二月帖,上有 以 今春, 謹庭 江 北 研 摹庵 庭 甲辰閏三月三日記 擬 古 山易之,號 固 欵語 丁香樹 壬辰 作 既 基 址 墓 火,作庵 爲幀, 兄 多 春 也。」方綱 本 爲 羣 門人謝 海岳 而 説 木 而 下,江 東 適 城 此 竟 蓋 題此 海 東。 庵 圖 不果,每 夙 藴 岳 者 晉 之勝, 慕 Щ 詩。 印。 唐 Щ 予 是 一之契, 是 出 家 也 人 蹟 耿 守 有 所 春 因 海

跋米元暉雲山得意圖

誤 跋 庵 ,後又有 以它卷跋 、董香光、婁子柔、高江 元 暉 跋 $\stackrel{\cdot}{\sim}$ 炭 十三 雲 人,則 山 段。 得 實十二跋 意 除 圖 曾純 . 邨各 卷 父 也 跋 有 元 係 筲 吴 後 暉 匏 自

是元 詳。 弘 明 辛 年 觀 四 山 作生於辛丑者,亦 出 所 至 萬 周 言》又謂 皇祐三年 月 元 年 小 作, 本 曆 翰 治 在 八 「曾肇」。 知 集》題 符二 然婁子 二十六 年 大父家 三百 嚴 段 庚 朝 淮陽軍,卒,年四十九。」致米老生 而 非曾 丁亥。 休 寅 張丑引蔡肇《 卒於崇寧年,則 歸 辛卯,是辛 六 堂 年己卯,又史之誤 是 米 柔 句 年也。 + 傳 張 按《米元章墓志》是蔡 家 卷 元章 二説 也。《宋史·米 跋 容質 餘 \mathbf{H} 至三世,而 又 於 引 年皆 冷清 在 宋 墓 誤 蔡肇所撰 在 又曾藏於吴廷用卿家。 不 卯 閔 文,謂 泂 也。 在 辛氏。 在湖 墓志 同。 莊 年辛丑月。 苕 亦 懿 畫 若 溪 州、後 非 婁 然程 米公卒於 家 舫》 四十 李 也 元章傳》 子柔跋之,爲 也。 在辛攷之 謂 墓志》, 振 葬 不 謂 自 又 《學古 九 叔 言 加 天 歸 於 卒 紹興 大 葬 於 笛 啟 於 面 云 北 於 特 跋 肇 筲 曹 則 至 於

章今已 米元 年 ,年五十七 章是 六 物 月 故 大觀 0 且 ,無疑者矣。 黄 此 元年丁亥,卒於淮 序作於大 長睿《東 觀 觀二年六 餘 論 序 陽軍 云二元 月 郡 則

之語 子所 則 此 中 能 卒 暉 云「誰能 字 靖國 此 在 六年 題 扛 年。 畫《萬 贊。 條 淳熙六年之前。 跋 寅 鼎 又笪跋引《快雪帖》跋,有 》,元 (哥,或 證 又北 元 也 自 ,教字元 起 之,元 年。 子 而 稱 。元暉 暉 里 懶 按: 淳 古 老 享 當 拙 長 蔡《志》又云: 熙 海 境,蓋 年 暉 生 江 老人於九京」,則 暉 此 六年 赴 岳 於 當 圖 繼 贊 召 庵 十,當 生 \leq 元 黄山 年 洪 在 阿 爲 有 一於元 時元 祐 章」。 $\overline{\mathbf{H}}$ 紹 兵 南 景 元 十許 谷 興 宮自 卒於乾道之初。 部 盧 暉 年 祐之初 「元符初,進其 丙 詩「虎兒 侍 此 題 年 丙 時,而 寅 寫 紹 郎 (瀟 詩 尚 是元 寅 在 像,子元 聖 作 乃 虎兒, 少。」以 也 湘 Ţ 畫 筆 暉 紹 於 紹 圖 酉 興 建 力 之 賱

> 米老紹 據 知 乎 於 紹 北 聖 宋 聖 並 時 Ţ 無 酉 又 T 跋 無 酉, 今見 疑 也 此 於《 乃 至 僞 戲 一於《快 作, 鴻堂 雪帖 何 帖 足 有

并臨其 之神 而 今得 此 物 卷 予向 見 諸 神 此 1 跋,而 見《 完 卷, 亟 氣足, 五 屬 益 爲 門 洲 信 識此於後 人 諸 彼 煙 宋 跋 卷 雨 芝山 全 百 圖 備 \approx 年 爲 前 既 信海 作臨 屬 E 經 友 内希有 摹 割 卷, 截。

跋五洲煙雨卷

跋 跋一二。今此 家 銷 , 笪在辛見之, 亦無之矣。 夏記》載 年,高録 五 洲 煙 此 在 雨 卷 圖 然 康熙三十二年。 圖 卞 藏 題 己 × 令之《書 吾 跋 爲 鄉 人 康 俱全,卞 邵氏 割 熙 去 初 畫 并 後 在 録 攷 半, 鎮 其 在 而 尚 江 康 高 所 笪 在 張 熙 江 辛 邨 後 氏 後

邵 所 邪 藏 高 亦 圖 又 餘 詩。 諸 氏 時 ? 者 者 不 所 本 所 已 者歟 ,今次其韻題於舊所 有笪 家所 藏 載 凡 録 載 邪 今邵 跋。 而參差 Ш 有 本 乃 + 在 名 ? 卷 吴張澤之詩下,有笪印二是也 載 ? 詩、 甲 印 出 實是 氏 笪 張 且 詩, 字 張則之一 如 至 跋 所 無 氏 卞 而 云 疑 於 妙作,且 此 俱 藏 詩。 笪 是 所 印, 索 龃 之。 訓誠 張、 全 云 康 藏、 跋。 得 高 或 是 一,何邪? 熙二 好 豈 友 質、 卞、 詩,高 所 而 不 即 笪氏 皆可 事 數 人 記, 卞 董 高 可解矣 臨 向之全卷 十三 者 所 + 跋 氏 氏 本 所 疑 割 乃無 亦 高四 藏 年 多 亦 見 年 所 也 豈 去 微 真 ^ 間 者, 録 其 數 Ŧi. 今邵 有 之, 詩 者 有 卞氏 而 時 卞 姑 然 段 洲 不 四 子 割 凡 應 不 司 氏 且 録 煙 同 在 截 本 所 所 高 中 雨

題自臨米元暉畫跋後

得 之妙 前 曆 乃 兵 以 南 不 氣 境 董 部 之 米 易 證 丙 甲 宫 沝 語 年 侍郎 之。 文 遘。 日 寅 充 虎 寅 自 行 米 者 中 敏 蓋 塞 兒 婁 寫 H 元 爲 正 紹 秋 重 此 之 然 子 暉 刻 像 笪 E 一句, 前 聖 像贊石 多 元 ,子元 元 前 後 書 又 柔 紹 石 暉 未 」,此卷計 暉 也 興 九 誤 稱 據 三日 董 石 嘗 爲 是 Z 作 H 潤 跋 泐 暉 畫 兵部 有 泐 笪 時 卯 州 云 形容 字 誤 董 繼 題 在 丙 久 年 北 作 其 漫,屬予重 矣。 贊, 題《 侍 寅 辛 五 元元 舌 浩然之氣」; 昌 郎 謂 也 趙當世 百二十餘字 + 紹 海 圃 識。」「形容 暉 時 今鎮江石 聖 不言其 岳 丙 尚 Щ 亨 庵 米 寅 丙 圖 故 在 字丹 年 寅 書 有 書 赴 刻 是 書 殘 中 僅 召 紹 + 有 刻 浩 萬 法 興 秋 缺 江 紹 爲 跋 爲

字 舊 上,有「先人 IE 搨 本,尚 相符合,因併臨之,裝爲 亦足見 口 經 辨 原 綸 識 石 未 其 剥 得 筆 泐 施 不 意 」之歎 與 可 一册。 《雲 辨矣。 耳 Ш 然 子 即 題 得 此

跋馬和之畫卷

惟第 之,蓋《黍苗》也 幅《 今此 内 得 和 匪 車 之畫 府 見 風 兼 我 卷 圖 南 有 王 圖 葭 幅 宋 漁 4. 凡 進 負 圖 馬 洋 四 御 任者 不 有内 × 沁池 我行 幅 又王 和 見於前人著 即 之侍 有將車 北 府 有《洪 其 毓 既 其《詩 偶 圖 (第二 賢 賢 郎 談》云: 書 寫《毛 《繪繪 所 澳 幅《洪 牽牛 » ⊟ 蓋 即 見 録。 圖 事 王 云 也。 『》、《蒹 詩 備攷》云: 者 漁洋所見 戊 歸 今以 澳圖 匪 我任我輦 申 哉。」 其 蓋 風 (度) 圖 在 第 其 \forall 召 圖》 京 第 鄭 圖 四 也 師 篓 南 按 幅

> 錢 徒 筆 味 書 玉 又 云: 法 於聲詩之外者,非 役 法 良 稱 簡 右、吴仲圭 E 之衆,侍從之多 事 馬和之人物 「馬侍郎 同 也 逸 。」吴其 前、 衣摺,作馬 諸 後 有 貞 印 有 衣 餘。 公古 一, 摺 侍郎 元 洵 人 用用 畫 故 儀 藝林實翫 張貞 不能 蝗描法。」此 記 此 度 $\stackrel{>}{\succeq}$ 四章, 葉 神 居、 爲也。 法」。 : 仇仁 也 不 馬 汪 若 必 其 和 近、 貞 砢

跋劉松年風雨歸舟圖

午劉 舟 漁 臺 Ш 五尺三寸二分,闊三尺三寸四 尾。 E 父披蓑 ,中爲長江,下有坡 松」, 氏 劉 閒 松年《風 石 力篙 中 以 角 清 下 下 玩」八 絹 右 ,一人坐 雨 壞,不 邊, 歸 字白文方印,左有 隱 舟 石竹 可 隱 篷 圕 有字 内, 見。 樹。 ×, 絹 分。 一人蔽 云「嘉 此 本 雨 處 中 立 上作大 有 定 傘 庚

林 後,是松年晚歲筆也。 熙中待 松年,錢 午,爲寧宗即 商 邱 稱劉 一字紅文方印 宋举 詔畫 塘人,居清波門 清 審定真 院,寧宗時賜 波。 位之十六年,正其賜 淳熙中爲 跡 觀 八字紅文長 其 外,人呼爲暗 大略」白 金帶。 畫院學生, 文 嘉定 金 印。 方 一帶 印 庚 以 紹

書文信國像後

侑,耿 蹟 信國公真像,天啟元年五月,長洲 忠文《文丞相畫像記》,云於吴中見之。 每思屬友人致奉於 順昌沐手敬題」,以 得《文信國 户 乾隆辛丑秋七月, 耿於懷者 部遂以見贈。 「像》 一軸 五年矣。 ,絹本,左正 示方綱。 然不 廬陵文氏祠,庶其 户部主 《吉安府志》載 敢 挂於 方綱歎 事嘉 書云「宋 私室也, 後 善 爲 學 謝 王 妥 奇 周 文 垣

> 其人, 并以 後題 視江西學政,謹 儒廉頑,風示百 義 昔 此 而 云「稽首承休學二忠」。 文山之像、忠介之書。 二月,按試吉郡,始克奉於廬陵文氏之祠 和之、用記其概、書於軸末。 士 范 軸 舊所題像五言詩一篇,俾學官弟子屬 識 畫 文 有 而未 諸 長 像,彪炳於天壤,記之者亦 正 書《伯· 洲 人賢否或岐焉。 有並 周 忠介 載是軸於篋。 世矣。 稱其題字者。 夷頌》,●後人 題 字 昔公《和道山堂詩 丙午冬,方綱奉 推此義也, 爣 若夫古之 即 其明年十 尚 今一軸 旲 致 中 止 可以立 憾 本 景 忠 於 而 邪 有 仰

跋鄭所南墨蘭

鄭所南《墨蘭卷》,紙本,蘭二叢,生氣

●「昔」,原作「若」,今據稿本改

宗 世, 《墨竹》云:「予 時 元 汝 所南生卒歲 根」者是也。 自稱景定詩人,有《咸淳集》、《中 迥 人元不仕,客吴下,寄食城 南翁」三字紅 二行,云「丙午正月十 宋遺民録》 改元 所南 成宗改元之丙午,陸 動 是 出 而 而 古 何 予攷陸 先生去世幾二 此 尚在 人致 作也。 年號二 香 也。 此 稱其畫蘭「自更祚後,不畫 月 此卷自題「丙 行直生於 文方印。 一字,是家父諱。❷ 鄉 所 無 ,自童 自 是此卷自 南 所 題 未 翁 攷,然 稚 十載。」陸跋 有 五日 又題。」 按: 德 至 年三十二歲, 向 畫 **壯**, 祐元年乙亥, 午」,不著年 來 題丙午,爲元 南報國寺以終。 前 陸 作一,一下 所南 之十年丙 開 俯 行 又題 時 首 直 得 亦 ,宋遺老, 孔 間 ·興 跋 不 承 ·押「所 羲 則 著 所 滿 成 其 逮 年 接 南 天

此卷内,王冕題有「晚年學佛,白首南

宋末寶 冠」語 敍宋 略 已 菊 殘 中《心史》云:「德祐 承寶祐年,東]久矣。 Ш 所南鄭 墨,更覺 得 其 代 0 (概 祐 以 遺 又 陳 ,豈僅作翰墨 即 時, 思肖憶翁。」蓋所南之父名起, 民 秋 有 此一卷,而 之詞, 昱詩證之,知其承過庭之訓 光分外 籬 吴 而其詩稱景定、咸淳者,特 幾 人 度 陳 丽 五年乙卯,三山 菊 妍。」予攷鄭 显 其隱 展玩 花 所南平生始末 題 天。 詩 居吴下, 已哉 云 紫 莖 所 則 緑 菊 南 家 學 題 口 自 元 在 後 井 號 相

跋趙文敏畫委順庵卷

右趙文敏爲鮮于困學作《委順庵卷》:

五八七

^{● 「}向來俯首問羲皇」至「二行云」四十一字,原脱,今據

元成宗之元貞三年改元大德,翁方綱父諱「大德」二元成宗之元貞三年改元大德,翁方綱父諱「大德」二

者。 與 肥 後 末、元貞之初 在元 多髯,正 Ŧi. 玉 于公卒時 文敏 絶 峯 真後所作歟? 張 與 氏 是 揭 困 所 柳 年四 文 此圖當是困 學往 記 待 安 不 制 十六。 筆, 來讌 司 所謂「面 蓋 集, 今卷 亦 學 别 無 帶 是 四 煮 中 欵 十歲外 河 在 小像, 手 朔 至元之 何也 偉 所 時 爲 頰 ?

閣

副

題 元 人詩 卷

沈 印 秋 趙 置 一,合此 弆 石 夜泊 彦恭 藏其間 田 兀 明常熟瞿忠宣公印記 "、帖木 畫 天 舟魏灣詩》五 卷。 台 以 ,得不令觀者增重 陳仲賢, 畫 一耕 縣 末 、碎及 石」名齋 有 「瞿石 首 其 與 1, 吴郡 子 丹 楷《 I齋記 陽 加 也。 顧 來 敷 張 至 利 儀 來 瞿 四 Œ 此 公酷 儀 癸 字 蹟 紅 爲 未 旲 亦 愛 文 興 作 中

期

貞

竹 西 晑 跋

第以趙 首而 録》載 沙。 善用李龍 生元 使,終 期 命篆 自 己。 趙仲 所 今驗之, 此 松 也。 號 神穆 作。 卷,題 洪 末,明 江 建 竹 眠法作白描,●見於《 穆爲寫《 卷中趙茂原詩 禧 卞氏《太古堂書畫 德 府 西 墨竹 貞 明仁 路 志 畫 居 日《元 期 經 > 云 尾 總 +; 累 者, 竹西 管。 璽 有貞期白 枝并篆及詩 楊 文,稱旨。 學,不 張 元文宗 楊 竹 圖 謝政,居 渥, 云「貞期 西 》。」然《江 瑀 草亭圖 字元 字叔 得 文 時 玉 攷 志 EIJ 召 山草堂 皆 松 寫 ***** 誠, 厚 於 見 亦 江 廣 則 作 目 卷 邨 有 號 之 成 奎 錢 畫 爲 銷 雅 此 貞 引 圖 亦 夏

叔厚」 至 眠 法」二十 四字 原脱 今據刻 本 眉

及

屬 時序 江 叔 年 未 百 原 項 Ż 者 厚 詳 邨 氏 余題記 司 據 題云《 未 ,古人所 耳。 此 跋 其 齋中 銷夏録》所不 遂謂《草亭圖》亦仲穆所作,蓋攷 引首 畫 「嘉」字 致尤 而張伯一 ,爲攷其大略而 趙 當作於 張 茂 渥 以 永 蓋 原 題 號 貞 重 薺 雨卒於至正八年戊子, 、錢思復皆題於至正十 是 載之,非 期 至正初年 甲 賱 原 爲 載,而 其 辰之秋, 歎 志 楊 明 於 感之意,有 系小詩於後。 竹 指 譜 陳 江 也。 西 其 也 邨二 迹 草 全卷也 也 唐六如 此 亭 一跋,倦 松江 卷 與 圖 於 薺 卷 原 邨 蒞 卷 題 則 而

跋王叔明琴鶴軒圖

畫 舫 末 》所載 有 王 張 叔 跋 廣 明 德 ^ 段, 琴 印 、張 鶴 此 軒 卷無之。 丑之印 0 此 張米 又《 卷 書 庵 亦 無之。 畫 書 舫》 畫

> 罕見, 此。 首。 詩 木」。 也 驗 印,今驗 印 邪 戌,納音屬木也。 者,納音也。 時 《書畫 引首 溪 其 莫辨」者也。《書 割 今《書畫舫》作「法震」, 惜 舫 「蒼雲臺」。 ~ 隨 據 其「彭城」二字印 福 去 「木」字、《書畫 》作「承」,則謬矣。 無人效 此 EIJ 震 真 耶 書 是 數條 致洪武二十年十一月丁丑朔,二十二日 跋 畫 曰「某者」,即《 ? 畫 「禪游」。 潘 而 云了丁 一舫》誤 唐 皆 昂 驗之, 去 人金 霄、王止 不 此二印,即 耶 石間 卯 畫 口 ? 作「春郭 舫》作「承」,誤也 其前 蓋板本誤也。「二十二日 永隆 即即 一舫》所 年 知 暮 有 仲,爲 抑 書畫 十一月二十二 雲 也 用之者,書畫題 僧 印 題、 詩 臺」三字印, 載「禪 僧宗珂詩之引 至 書 在 溪 引 後 舫 畫 顯 贉 首 題 爲 跋 詩 綾 所 清」二字 印 跋 之引 皆 陸 補 而 起 調 真 溥 例 書 褫 「若 最 木 耳 H 洂 源 於 戊 所

「王叔明琴鶴軒圖」七字,原脱,今據刻本書眉及稿

無疑也。

題元人蘆鴈卷

者

耶

其 元 此

染吴 溪 此 鉤 王 庚 年 句 所 翁 飛鳴宿 詩 梧 摹」云云, 寅 多 卷 土 也 稱 爲 人行端援 興 趙公坐 溪 風 溪 渠 題 所 元 公翁,即 シ贈 塵亂 寫 以 在 沙門餘澤題龍 人《蘆鴈 筆 食鴈 七十 姚 形似」, 元 追 意 離 筆立 溯 末 以 澹 耳。 則 此卷是其 圖》 四, 語 其早歲 隅 如 卷》, 澹 則 則 又云「溪 一、「大 詩 成 求題者,詞客 昔趙 即 如 文敏 云「淡 一律云云,合坐歎異 少 此 題 所 眠《 也。 手蹟 癸 題 者 文敏家 時 層 卒 癸巳 禮 皆 翁善幻 從趙 巳 後三十年,王 詩 如 大抵元人多 也 佛 元 之 早歲 指 人, 是 圖》,在至正 居 前 滿 文敏遊也 授 至 以諸 若神助 小, 永和 時 名家 坐, 三年也 有 Œ 一云「溪 + 有 家 寒 駒 帖 梧 題

> 末 事 時 題 蓋 者 在 方 二十五 延 外 祐 至 人,而 類 治 皆 之 入於機,皆出 亦多釋子在焉 間 也 今見 此 於 機 豈

復初齋文集卷第三十四

門人侯官李彦章校刊大興翁方綱撰

馬抑之臨山涇雜樹卷三首

跋

者 生,今見選詩刻 於沈同齋」者,石田 臨之。抑之爲沈石田父執,其云「借此 於其後,信亦 來歸何處 年廬山 Ш 石田田 **涇雜樹卷》,併卷中** 明 嘉 陳 祖也。 矣。 定馬 繼題,云「此卷今歸沈均 有 刑部 而此 卷在沈氏已三世,不 本,多訛 緣邪 臨 父也。 抑之臨 1 卷 題詠 作 流傳至今,予 石田之祖 中有永樂 印記, 元 嘗 庵」,當 熟繆 山繭 孟 據 庵 得 知 + 叔 五 此 先 題 後 具 民

> 也。 淵 居相 師也 卷 亦 抑之老年所作數? Ē 一,豈一澄」 之。 同 城之西 齊爲 抑之臨 然明詩選 繭庵次子, 初名「均」 莊」。 此卷 時,石 而 本 敷? 此 皆云「沈 陳 題 田 繼 此又當備 云「沈均字孟 年 者 沈氏家塾 四十矣, 澄字孟淵, 攷 則

按 後十一月, 御持來 二年丙戌,計 至正六 至正六年 叔 蘇 民 年 齊題記,爲四百四十四年 也。 畫 而 不 一百二十年。至今江秋史侍 丙戌閏十一月,此 張 著 下 仲 距 何 簡 年, 馬 題 抑之臨 其 在 前 至 題 此 E 四 卷 畫 九 月 也。 在 蓋 年。 成 作 後 於 化 題 予

世。 田 十外始拓爲巨幅,此卷之臨,正是南齋、 四十時,其父同齋尚在也。 按:石田父同齋先生,年六十九卒,則石 抑之於天順癸未自京歸 吴, 石 田 而 畫,至年四 絸 庵 同齋 已 下

五九一

五九二

兄弟叔姪,湖山詩畫,更倡迭和時也。

跋杏園雅集屬

楊。 人者: 早,文貞次之,文定 東 肅 南 午,文定始進少保、武英殿 金 溥澹庵,謚文定,泰和王直抑庵,謚 其所居杏園 楊 有三楊之稱。 谿王英時彦,謚文忠, 吉水錢習禮 安福李時勉古廉,謚忠文, 吉水周 建 蓋以居第目之,泰和. 其餘六人,則陳芳洲 安楊 泰和 泰和楊士 安日 袁 文敏 雅 陳 圃 東楊。此 集 循芳洲 永嘉 一奇東 榮 圖 m 勉 九 最 一卷, 謝 L 里,謚 後。 也。 庭 圖 同 集諸 循 作於 以第 日 集 大學士,時 楊文 至 文貞 爲 西 ,三楊者皆在 E īE. 同 作 一人及第 前 楊 一敏 統 統 官 ; 圖 \equiv 文端 石首 1 巾 年, 閣 年 E 稱 日 戊 於 最 述 文 楊

> 禮部右 尚書。 第。 官 蓋 楊性喜賓 然王文端《抑 年七十三矣。 之集,南 食,琴歌 三楊學 君今善畫得 在 至 宣德 李 華 非此卷,亦罕傳其 忠文· 行才識 侍 王文 蓋 陽年六十六,東陽年六 酒賦之雅韻矣。 郎 殿 初年,至是又 忠,南京禮 官至國子 大 謝庭 供御」,則 庵 無稍崖岸。 雅操 並 學 集》有題 以 ,皆人所 文學 循者,不著 祭 周 謝 經 部 酒 庭 躋清 蹟 東 想見圖 君 史稱 + 尚 也。 循 墅以 蓋 不及。又稱 書。 載 王文端,吏部 温當 畫《秋 秩。 於畫 了,則此 十七,西陽 士奇老疾 第二人及 中 錢文肅 雍 而 景》云 暮 史稱 退

跋文衡山臨黄大癡溪閣閒居圖

Ш 衡 Ш 《陸子静出黄公望《溪 自 題 云「陪吴 師 匏 翁 閣 先 閒 生 居 遊 支硎 圖

Щ

憂,在 攷匏 也。 此 九 命 余臨 年丙 題 云 蒼渾 憂,里居不滿六載 匏庵 庵 弘 摹」云 同 則 辰至十年丁巳,此二年中家居耳。 以 治八年擢吏部 如此。 自 遊支硎,則 所 弘治十七 服 謂 云。 官 「麄文」者,是其少作,而風 可寶也 京 此 師,三十餘 衡山 年 幀 甲子卒 衡 右侍郎 而已。 年前 Ш 自 廿七八歲 於位 之後 年間 其丁 題 無 歲 則 年 惟 時 前 惟 母

跋眺遠亭卷

南 建 眺 眺 處 和 京太僕 遠」二字,後有 西 遠亭記》、駱編修文盛及尚書詩二首, 右《 東 弘 眺遠 簿,終養 太 治 、僕韻。 湖州府志》: 亭 圖 卷》,前有文待詔 於家。 顧 西 尚 遠 者吴龍 1應祥《 所居前 東林 Ш 東 ,字九淵 邱 林 八 在縣 分題 即 Ш 建 新 東

> 尚 負推 遷 興 南 月 年 當 九 業於陽 山 如 南 則 (吴興 作「具錦」者、訛 繡, 癸 在 南 東 人,弘治乙丑 顧 書 年 刑 五 已。 月既 部。 此蹟之八 兼 t 轂 兵部侍郎,召爲 布政使,尋拜 十四里, 三十二年癸丑。 又名貝 (掌故》云:宋沈 武 月 明。 恩 望。蓋 英殿大學士人閣 是 ,其降調 居二歲致仕 ,應祥待之無 其召爲刑 月 錦 突兀 月既望,□恰是嵩 戊 是時 進士,授饒 峰。 寅朔,癸巳 右 於菰 在 也。 偶 刑 副都御史,巡撫雲南 上有塔,下 明 此蹟云嘉 部尚書,在嘉靖二十 東老隱 家居 加禮 部尚 浦 年二月, 顧尚 尚 2辦事 溪 書精算學,少 州 書。 也。 ,嵩志甚 Œ 書 泊 府 此。」「貝錦 之中, 是十六日, 推 字 ,在是年 λ 有 時 靖 則 嵩 官,歷 相之時 維賢,長 祇園焉。 其 相嵩 以 遂 禮 + 致 受 自 遷 調

眉及稿本補。
「八月癸巳」至「此蹟之」二十一字。原脱,今據刻本

0

所謂 士,改 哉。 者 所居在餘英溪之下,自號 而 也 前溪也。 駱編修字質 方 十六秋矣。 庶吉 徘 徊 士,授編 家 而文待詔是年七十三,家居 Ш 甫, 之 修。 八 側 武 分神 康 焉 以病 人,嘉 兩 知 出古逸,尤 溪,即《樂府》 權 歸 靖 姦 ,終不起。 之已 乙未 口 進

跋 陸 文定像 册

孫 恩綸特廕 寇公所爲《行實》中。 蹟 年己巳,卒於 七,詳具東阿于文定所爲《墓志》及公子 年攷事 翰林侍讀學士伯焜所。公生於 畫 册》,凡三十七 右《明 下,各 官保尚書華亭陸文定公平 九十餘 書於本 萬 .曆三十三年乙巳, 年之事 幅。 幅之餘 此 圖 今奉藏於公 略備矣。 自始就外傅, 紙,而屬 學 年 正 方 九 土 德 生 綱 司 既 世 至 + 四

則

識 於 其 末

之也。 事三 若夫 者、若在南雍蓄端、歙諸 年,而掌南雍在 適園 壬申 又得木杖二,竹杖三,爲燕居六從事,亦 畫以志之。 若文定公生平,就其見於詩文 吏部諸幅,又未能 圖之次者矣。 起,事有分紀,不必盡援誌狀之文,以 可畫。 之築, 適 致意焉。蓋古人遇可傳之事,必 方綱考公初請假在壬子,應召北 而告歸 昔韓子送楊巨源 袁 年七十時,遊天台 引 則 疾 在 且如公之疏復陸姓在 經始於丙辰。 一幅,序次在戊辰年後, 一癸酉 丙 專以一歲一時之事 寅年,則表正成均、 此 其 ,於漢人二疏 石,號十硯主人, 出 此 得 處 石 举举大者。 則 橋 義 藤 爲 見 書 己 更 有 杖 書 mi

- 脱,今據稿本
- 文末 之,丁酉正月跋于此」。 稿本有「乾隆戊子冬 此卷歸予齋,壬辰夏

小像》。 禮 僧 是 題《篷笠圖》、《野服 江 浮梁,藍 林 畫 書 佛 巍 也 夏吴肖僊爲寫《城南秋泛 留 則 於九 年八 科 河間李君爲作「丁未小像」。 輕於彼歟 高 夫何 又 Ш 生 十有 Ш 第 闁 미 |爲寫「丙寅小像」。 稱 、膴仕華資之是紀焉? 彼數幀者,皆不 畫 散 九 則 時,以 樵,則又可畫。 又 於 口 圖》、《泖塔像》、《龍 適 畫 朝 袁 衣一襲付 種 年 圖 杞 九十 以 菊, $\stackrel{\cdot}{\sim}$ 入册, 戊寅九月, 且其在 時 則 又當自 在 豈 南 又 西 H 而 惟 潭 雍 翰 口 林

也。 爲 得 蘇 則 有子 例 公之自敍,援宋人語以 東 蓋 畫 則文定由少至壯 嘗綜 無 之白樂天,有禄之陶 此 坡 以 四 無病之榮 該 攬文定立 先生者,舉 括之,請 啟 朝居里之本末, 舉 ,由壯至老,出 不 期。」旨 爲比,曰:「 足以 事 淵 以 明 形 哉 爲 容 書 言 無 文 生平 圖 處 平 貶 定 進 之 謫 1 而

> 其 也。 傳公之心迹,又得賢後裔恪守勿墜。 其 自 先 士於 處 退 三十七幅之爲實踐也矣。 民,公之告歸,豈忘情於世 訓 孤燈危坐,枕羲皇 미 ,皆當位盡職, ,所以能 世 乎 故不 百 加 有 八十年之後,克光世緒 1 敦 敢辭,而勉書於後。 善品 素定而不撓 然 行 不怠,以紹 m 畫 公之赴召, 者, 而非空言名理者。 而翫京、費,轉 統 者 目 前脩者, 「,功 是册也,既 之曰「讀 事? 實 在 乃 於 所 其 心 觀 以 易 讀 不 《易》 於 若 其 圖 服 則 而 能 此 與 所

跋 沈 石 田 像

於

此

而

歲 時 昔見 有 自 王 題 理 七言 之 所 古古詩 書 石 H 愚 像 嘗 蓋 臨 在 爲 其六十 小

原作「常」,今據稿本改。

五九五

寅,徐 恪 已 誤。 即 丙 前 申 以 石 後二年 年 易 寅 題 供 王 相 (,時 即 五 簣之歲 於 詩在 費 \blacksquare + 在 矣 蘇 年八 則 年 也。 庚 丁卯, 在 七 此 也 申 也。 + 時 此 徐昌穀卒年三十三,或云年二十三者 + 畫 今 四矣。 諸 尚 像之年,後題 時 見 張贊 及四 贊之前, 爲 昌 此 少 穀 無 年己巳,年 卷, 詹 前 年二十九, 歲 事 後 正 則 月,方 蓋 自 德改元, 書 則 題 於 畫像 Œ 八十三, 凡 贊 弘 成 德 四 在 時 文恪 治 進 元 文 丙 年 庚

跋 太 舒 威 中 寧波 (古「探: 文節 高 是 以 卷 逸, 薦 蔣 府 公 宥 時, 梅 志 傲 人,博 京 字 探 賦 **%** īE 睨 朝 師 詩 梅 留 見《 恩,常 物 惟 2學强 二事 説》 意考核 表, 方 太古 畫史 墨 也 江記,兼 熟人, 與 迹 沈 此 卷 會 方太古字元素, 他處 人,而 啟 I 來 要》。 工 南 篆 屬 寫 不 爲 隸 人物, 題 友 概 張鈇字 詩 真 人適 則 見。 友, 草, 即 弘 以 爲 方 子 見 治

> 中,故 此 其 循 陳 謝 谿 後。 芳林 卷之考訂。 湖 人 仍 别 友 有 以 善。 明 號 歸 清 府 寒谿, 諸 世 勤 陳 亦文字 地 藏 氏 以 事 後 芳 印 實 布 林, 之異 假 記 衣 不 名 持 謀 緣 錢 播 而 來 而 也 公 唐 文 合 卿 屬 莊 梁 間 嗣 文 此 滴 君 莊 卷 以 與 幼 齋 爲 於 補 袁

跋孫雪居董香光書畫合册

午,孫 後 七, 董 疾家居時 又有 是 在 董 乃補 由 文 董 萬 湖 也 敏 自 曆 圖 廣 題, 書 二十九年 按察 後五. 唐 是 則 時 不 副 年, 董 詩 著 使 以 爲 辛 年 任 提 幅, 萬 丑 卢。 滿 學 曆三十 · 董 後, 孫 再 有 漢 以 肼 遊 陽 年 知 兀 編 楚 補 制 年 修 四 圖 其 養 + 丙

[●] 文末,稿本有「時乾隆乙酉秋七月二十日」。

罷之。 草 守 年 爲 雖 居已久, 日 上,皆 以以 甲午 難得。 講 不 云 也。 爲 官」印,文敏 取法 源於宋 高 此在 韓 拱 此 其年 漢陽 秦漢 蔡以 復 蓋 隆 用 相 仲 亦 慶 畫 其 ,修郄於徐 其 下 温 四 己 册 講 實 所 老 年 日 幄 仲温 仍 又 講官, 有 庚午 矣。 舊 有 是 即 印 之蹟, 唐 分書自 階 漢 作 則 在 耳 體 陽 仲 作 萬 因 在前 楷、隸、 温 而 此 連 曆 孫 題於首, 筆 遒 畫 罷 及 代已 勁之 派 + 時 孫 漢 觀 章 家 陽 m

跋宗開先畫册

宗,是 有 日 E 「宗開 姜承宗」。 衍 嘗見 庵 人無 先」印, 鄭 下有「承宗」二字 超宗《影 疑 加 又有「宗 此 是册 册 東 内有「姜承宗」印, 前 畫 灝 扇 董 册 印 印 題 石 然 又一 刻 幅 則姜 有 幅 自 與 衍 亦 題

> 所增人 先在高 隔溪漁 内開 時 義 Ŧ 庵 沈朗 漁 印 耳 洋 則 先禪影 情名 舟。 聞之日 郵 是 石刻 昔聞開 也 舟 源。 如月之曙,如氣之秋。] 中 即 之董 所 故爲 先 語 開 此可 觀者皆題爲朗倩 畫 作《晴雪》小幅,自 以 先 作畫 孫 題 題 目之,不特足印 寓 退 亦 日 齋 家 谷 當 行衍 所 亦 段詩 時 勒 Z 筆也,惟周 庵 後 所 「冷倩如 石 語 禪 止 題 也。 原 歟 題 影 曰 裝 ? 香 對 櫟 晴 瀕 開 園 光 即 非 以 7 雪 先 記 滿 畫 用 後 此 是 林 禪 册 攷 同 開

跋邵僧彌畫卷

周 辰。 村 櫟園《讀 先生爲墓誌。● 今梅村集中此文不著卒 山誌》及 楊古農、王 右邵 僧 畫録 方知 濔 畫 》稱: 介庵二跋,並 齋詩 卷,後 跋, 僧彌 有 並 金 死 孝 在 在 二十餘 章 順 明年癸巳。 治 録 九 陶 年,梅 年 隱 I 居

●「墓誌」,稿本作「誌墓」。

五九七

Ŧï

九八

字武子 明 跋 觀 復 卷 時 竹 介則 歲 乎 嗟 萬 克葬,葬又十年而 Ш 也 月 水 垞 1 曆三十年壬寅, 追 其殁在 齊。 稱其 ,皆吴人。 楊補 憶 , 生 流 而 其 林 動 連 近 生平志之」。 殆若 曉 字 超 明崇禎 腫 -君 ,無補 坪 逸 駕 感 既 鄒君持 楊善畫 有夙緣者 ,所不待言 文彭,遠師 之意,亦 此跋 之 梅村 死 又字 末 且 是僧 年。 來 小 則 銘 葬 日 豈應僅 孝章 之也 幅 梁 歎賞不已, 補 遲之十 金 而 彌 徐 鵠」者。 即 年 孝 死 工八分, 徐樹 作 五 章 觀 前 + 筆 人 + 此 年 年 生 此 於 遂 墨 往 諸 之 而

跋五客話舊圖

陳 公也 先 牛 是 卷, 作 者,故 公官户 今藏 汪蛟門 部部 澤 州 尚 陳 書 記 氏 時 中 曾屬 蓋 以 禹 咸 慎 虞 舊 之 齋 Ш 思 爲 王 石 屬 午

> 都門, 終制 時 歎 四 進 陽 庵 康 Ŧi. 谷 有幼華題句,亦 尋補刑 有 少壯三 年 幼 羡,不啻置 科掌印給 爲 士 Ŧ 兩 熙二十一 年 作《午 進士, 先生, 一、公年 華又作 幼華,名又旦,别字黄湄 力辭。 知安陸、潛江 部,仍直 時 好 馳 ·尚壯 紀 圖 亭 爲中書 年 與午亭 事中。 \leq 後以主事人史館,充纂修官 Ш 勝,又得慎齋名筆寫之,令人 身其 也。 圖 渭 與與 在壬戌之春。 蓋用《南史》蕭 邨 史 北 圖 日《 介館。 合人。 間, 同遊,人所習 新 四 樹 汪 縣,除吏科 城 门注目 蛟 公爲文酒之會 與諸 Ŧi. 此 予嘗 王漁洋、崑 門, 子 戊 蓋 論 公晤對者。 在 江 午舉 見 江 ,順治十五 文 蓋 彦瑜 其 東 其 都 給 卷》, 諸公 前之 知 薦, 人 小像, 事 矣。 語 Ш 中 漁 相 以 康 徐 + 不 是 聚 未 巸 年 郃 時 健

^{▶ 「}遂留於予齋」,稿本作「遂久留几案間」。

文末,稿本有「乾隆戊戌元夕後一日北平翁方綱跋」。

顔 羽吉、汪舟 及之。 禄 集 誰 次 乃 當 也。 王 詠 幼 五 恐 華 君 聞 吴野 者誤指爲 其 圖 詳 孫 見 此 豹 汪 圖 舟 郝 次 故

王文簡

附

先 具 以 行,其門下士爲 十二年,而 巳夏,請 時,秀水朱檢討 京 巳,文簡 文簡兄弟 爲 牛 卷第者凡 師三十年,俸錢悉以 枕 城 解 自揚 急 宦 王 經 一字者比 是圖 遷 五 游 氏 籍 ,葬,出 州 百 南 先 之勤 畫 爲作《池北 歸於予。 歸 五 北 世 | 載 也。 + 始 惟載 藏 如 都 餘 書圖》以 此 時, 次 種 買 謹録 書 第 多 非 於後 書 命柴 書。 數 收 燬 僅 庫 先生著 紀 + 蓄 於 空言神 ,使 記 車 爲 之。 篋 兵 載 學 都 康 火 者 録 御 後 至 及 熙 所 辛 官 7 史

> 託 往 生, 往 歲 寥 況 京 歸 而 而 百家之作,多在蜀道、南海壯 不暇探討 學 面 艷 歸讀之計。 ,公私酬應,復不暇 短 其 以 師 里 而其精華所聚,在 章 古 作 居,尚 羨之説 夫士人少習舉業, 晚 非 先生之詩致之,所謂鎔 然子 人 也 歲里居,所 經 而 是 官 已。 訓之腴、文章之實乎 時 在 古籍。 者, 論 惟 載 此 於是, 有 雖不 率以 典 語 書之行,家 後三年。 説 常 日 謂《蠶 幸 敢 作 爲 讀 0 窮 而 此 以 之 此 \neg 先 先 非 極 獲第 不 才之盛 尾 仕 師 好 生 生 兼人之力, 研 在 居 續 其 而 學深思 於 集 覈、往 鑄經史、 彼, 財 動 盛 集》者,僅 優 則又牽 年 甲 者, 三四四 止 奉使之年。 衰 則 固 + 申 啟 輕 乃 把 學 者 往 有 月 + 月 必 明 貫 所 是 爲 於 則 量 即 月 耳 夫 往 寂 串 有 圖 晚 職 赴 何

本

晩 則 其 開 絶 啟 人 平 事 放誕 而 爲 均 之。 之非 非 IE 其 世 藉 口 於 高

之衆 有哉 光陰 書,而 者,元 復 以 暇 超 詩,其不 待諸登第之後 逸 知愛先生者, 以 邀名耳。 m 且 往 長, 待諸 一終身不 或 獨 於 高 止 往 而 其 反 悉以 知 即 談 舉 務 在 不 服 歸 未 以 先 平 童 是 矯 耳目之所未及者,本非讀 如 董 田之日。 有 能竟矣。 漁 歸 生 爲 而 晶 H 吏牘之餘」。 時 文 以盡 洋先 習之之諸經 諸 好 必 而 綜 以 壯 所 敏 先 博 高 輕 爲 覽 年 讀 論 知之。 生, 生 取 加 沽譽之舉, 先 薈萃之實 所讀又不 既不得云 人必 書 彼 一,而 古 抨 生 撥棄目前 謂 今之能 彈者勿 況所 生精 好 於其 舍目前 猶之 山 Œ 學 史, 得云 讀 博 際 詣 謂 言 詩 其 中 事、 論 也,因 皆 古 之真 畢 得 常見 何 穿 自 新 真 讀 之 爲 不 藝 益 萃 恃 城 也, 之 即 文 於 之 之 以 直 之 翫 書 名

> 驗 是圖 心許之! 不 豊 [猶在 敢謂 善學 因 先 私 以 生 淑 想 者 於 像 乎 先 ? 爾 生 日 然 門 去 先 牆 先 生 景 生 必 仰之餘 雖 應

韻

俪

IIII

顥 漁 洋先生戴笠

取 奚 皆 漁 同 山 不 何 夫 滄 似 洋 ; 以 哉 蘇 : 谷 善學杜者, 「身著 貌爲 異 先 杜 ? 有 先生 溟所 義 乎? 者 生 公 愚以 Щ 簡 一提 也也 非 圖 朝 謂 淡 山 戴 唱 衫 格 無若空同、滄溟空同、 夫 爲 韓 高 谷 古今善學 笠 頭 調 貌 唐 此 則 妙 貌皆 戴 人 其 爲 詩 無之,乃以 者 賢 *** *** 也 激 家 去漁洋所 不 獨 孟 昂 之喻言 昧, 而 杜 似 不 縣 壯 其 者 杜 謂 眉 無 浪 門 之 爲 者 Ш 洂 者 謂 無若 耳 人常 也。 共 襲 共 口 神韻者, 謂 標 取 標 滄 求」之 義 乎 之 溟 格 贊 古 格 貌 今

調, 傳者 知也。 蕭寥高寄之神致,而於先生之實得究未 以 此,其門人之贊先生如此, 述之不置。則 元 象貌之似矣。 人,詩人之雋 云「先生有神,當賞此意」者也。 其 之道 所見見先生又如 其所見者以質之。 也。 而 、胸中超然標舉,獨自得於空音 此當時 園 其 而 ,皆與先生不同調, 、詩推孟浩然獨至。 先生嘗謂 其 也,摹是 畫 知先生論詩, 然則當 時 者 友 此。 但知以戴笠之況 杜 朋 圖 時 陵 門弟子 .層 此趙松 畫 與孟 方 者 而 初不 若宋之山谷、 綱 而先 之 今 題其後, 襄 雪 日 貌 系 或未之 天都朱 陽 生尤 先 乎形 贊 方 綱 1鏡 生如 不 杜 寫 推 舍 陵 > 聲 同 能 其

題王文簡公妙高臺題壁圖

此圖絹本,作江上高臺,臺上寺,有坡

借,謂 落霞 圖 舞,差强 文簡像作道士裝者, 意」者耳。 趙松雪寫坡公像,亦云「先生有神, 生特偶然寄興爲之,亦 生像,想見袁綯歌《水龍吟》於此,公爲 有《金山題名》,云:「登妙高臺,拜東坡 於庚子之冬,文簡年二十七時也。 衣。」據此 題壁詩》云: 有「張翥蒼厓」印 公、了元二像, 》借袈裟裝耳。 飛。 與 先生他像不甚肖而 人意,附記於此。」或因道 閒身回憶三生夢,曾乞雲山 '則是詩是畫,正是同時所作 「净業庵前竹樹園,妙高 而 ·, 知 文簡道裝,拂壁欲 豈 必其皆 亦揚州 則文簡《庚子稿·金 猶 晚 所 疑之。 歲 致 畫 所 相肖 也 作《 裝 文簡 題。 愚 之 禪 調 舊 其 此 悦 先 衲 起 又 畔 Ш

「調」,原脱,今據稿本補。

房形 今摄稀本神

跋漁洋讀書圖

外 三十 先 申 年 峰 云: 約絲 次 緰音七侯反,與 目 家 朝 文 ·,年三十 申 郎 生祝嘏之作也。 競笙管 集》已删去不載。 五 前 簾閣 點 『諺云: 落幾 四 戌 曰: □「蜘蛛之務,不 之景 爲 先 正其 也。 閏 子 細 生 作《讀 多 論 也 八月二 五矣。 池 與汪苕文、梁曰 是年,先生在 時 詩, 約 北 0 約,當作 絇 , 約音同。 二按: 能 書 偶 恰 一十八 絲 此蓋 圖 談 絡 似 與也少先生一 能 日 先生生於前 幾 空 是年八 日, 得幾 讀 汪苕文題詩 多 Ш 緰 禮 如蠶一 馬 絲 落 至康 往 ?!)後 緝 部 時 永 木 太玄經》 諸 月 在 此詩, 絡。 遷 卿《 時。 京 熙七 君爲 文與 緰之利。」 儀 明崇禎 歲, 懶真子 改作 師 云: 喻人 借 制 〉絡之 是 年 今 文 也 司 問 吴 社 堯 逐 年 爲 戊 鄰 退

> 桂 真 忍 事? 句, 而 文題《焚香掃地 江邨 作 飢 系 未 苕 孟 以 誦 谷 賦 文 讀 詩 經 墓 家 是 得 書圖》, 以 鄰。 無 時, 是 愁心 詩 此 圖 譏 文 人。 正是 來 圖》云:「朱門 先生 爾 與 之,日:「江 屬 許 也 娜如 此 題 題句 深 亦 幅 ! 爲攷其 Ш 爲 本色 有「 中 īffi 梁 好 鼎 南 江 御 先 語 時 水石 鳥 鼎 於 牛 史 也。 事 厭 江 汝 日 又 一,他 梁肉, 花 如 舅 緝 曲 爲 此 阜 年 苕 之 作 何

又跋漁洋讀書圖

字。 與 月 也 寫, 爲先生祝 是年先生年三十五 右《漁洋先生秋 爲阮亭先 嘏 作 生 也 林 壽。 讀書 「官禮 絹 文點」小楷 下左方有「 圖》,長 部 儀 洲 制 戊 司 + 文 員 申 點

庚、葉 文社 翁 淑、宋犖十人題,皆七言絶句。 四 跂脚 也 矣。 郎 集時 方 與 西窻 此 藹 汪 幀 也 苕 語」之句,乃知畫 有 彭 文、 文與也少 施閏 孫 梁 遹、 章、 張 組 先 方 玉 諸 生 書、 亨 君 咸、 中 在 汪 葉詩 歲,年三 西 都 琬、 汪 樵與 下 楫、 有 陸 爲 兩 ľл. 嘉 梅

贈 以 君 氏 去 水 白滇 寄予 購 ,然文與也原 未谷 乾隆 屋 得 道 題 此軸 南 初摹 寄此 識 人 丙午夏, 重 攜往滇 時,又二十年矣。 其後十年,未 臨 原 軸 軸來 此本,并求諸君 新 未得見也。 城邑 南 京 師 字 時 屬 谷始 曲 劉 今年 阜 君 予題之。 詠之。 以 桂 大 未 紳 春 軸 於 劉 來 干

跋桂未谷所藏夫于亭第二圖

《夫于亭第二圖》,漁洋門人程鳴作

其下 今此 大名 是 在其 白 者是 之句 名江 亭,取義於此,即 于兹山别業,憇 戌,先生年七十三,居里 仲子之高風,慨 上 名堂焉。」按《漁 突起,當綰轂之 年 有夫于亭,相傳陳仲子灌園 大谷之東,南 所 爲圖 淮間 也。 成 下,坐臥 有流水,即《水經注》魚子水也。 學 鳴 不 周 得 書 字 可得 漁洋《古夫于亭稿自序》云:「長 賞畫 ト名文昭 詩 ,漁洋云「松門詩名爲丹青所 於 友 僧 九 艸堂 見 + 石 漁洋詩「緑楊 洋 然 口,日 北 號 夫 濤, 陳 年譜 如或遇之。 朝夕與 而 松 于 兩峰谺然,中間 篇,爲《古 爲校刊 仲 此 又 門 ,艸堂。 于兹山,又曰魚子。 圖 子所 》,康 參以 中。 猶 此 於京 存。 熙 居抑 程 城 其夏四月, Ш Ш 因以古 夫 四 處。 郭 穆 相對, 儀 師慈仁寺。 有 于 長 + 泉口 是 倩 真 亭藁 予别 古 有 H 山學官 揚 法 夫 夫 遐 小山 年 山 也。 掩 于 丙 于 思

六〇四

下 效 桂 韻 知 渔 君 於什 好 洋 未 爲 谷 手 之詩 得 書 之以 爾 寄 歸 詩 子 桂 於 君 屬 書 爲 幀 庶幾髣 之右 重 裝 題 髴 并 記 激 生 都 因

政二十四泉艸堂圖

其 江 集 其 題、癸未吴 今此卷 江 也。 寧, 》有乙亥冬自作《圖 寧 方 晑 酉 作 高 圖 屬吾家安 於 樹 此 方一 H 峰 但 爲第二 康 嘉 Ш 記 下 不 熙 所 峰 薑 E 知 四 爲 則 詩 畫 畫 秋 節 王 圖 此 + 中 者 史二 秋史二 安節 爲 矣。 蓋 圖 Ē 不 寄 圖 有辛巳吴 當 年丙 記 系 + _ 所 詩 予 作 》, 云: 十四四 歲 四 此 作 前 戌。 在 於 月 泉 其 第 前 四 所 泉艸 44 題、 圖 第 題 十年辛巳。 「去年客 秋 子 堂 圖 者 史《 成 壬午 曩 堂 圖 圖 是 裝 蓼 今 圖 曾 也。 其 何 於 題

> 時 江 數 堂 所 此 作 文,當又追記 初 憶 來 也 尚 誰 把袂 晨 也。 之 城 爲 題 卷 頤 江 書 氏 心故東 秋 袁 懷 西 夕 則 漁洋 聚 耳 蓋此卷之迹,多 秋 而陳子文以户部郎 一,而 漁洋 懷 史鄉 編修齋中 也 首 文史出 此 人,續 塘有「燕臺舊好 坳 榻 挑 門 詩 圖 堂出 我二人讀畫論文於 處之概言之最 尋 予 燈 人陳 題 純 前 詩 感 官 新 作 於 守 有 非 居京 城 所 舊 雪 子文代筆,漁洋 第二 饒 出 歷 之 題 一, 不 景, 於前 城 州 第 詩 師 日矣。 · 啻諸 圖 周 中分司 蓋 話 + 一之語。 攜 一者,是 林 後 是 詳 圖 餘 此 先 補 冬在 汲 數 年, 卷來屬 今予 手 今 生 南 日 他 年 大 其 記 在 唱 下 H 與 方 爲 京 中 通 親 校 子 使 之 與 數 萊 酬 子 京 橋 刑 師 陽 追 坳 師 部 所 百 時

政王秋史二十四泉艸堂圖

諸 殷 趵突、百脈,爲七十二。 其曰望水,在 後,述是圖 盡、大石猶存。 城 十四泉草堂者,王生秋 園内者,爲第二十四也。 書生手,滿郡猶 夕者二十五 余家泉上,自康 秋史寒柳圖 常川 西 ·泉,自金線泉以下,著名者凡七十, 「望水泉上柳數株 郭、泉曰望水、蓋濼水之旁出 右《歷城 相國築川上精舍於此, 原 王秋 委 秋 \leq 史里 最 王生葺 呼閣 熙丁巳八月,與此 自壬午爲鄰人斫伐以來, 有 詳。 史二十 丙 老亭』是也。」予曩 申冬水枝 周 按 屋詩 史書屋也,依 相傳通樂園 田蒙齋序曰: 林 四 于侍郎 汲 泉 日了百年 艸 編 今斤竹 所 修 堂 軒自 柳 者。 記 圖 舊植 數 竟 歷 合之 萬 歷 於 見 下 明 其

> 豐源 欣、胡造、謝 兄康生名阜 卷。」亦丙辰 歲耳。 卒於庚子,年六十,則 十始 前 一,題 年 此 存 引蓼谷跋 于京是也 送秋史詩》注云: 矣。 者,謂襲賢、樊圻、高岑、鄒喆、吴宏、 也。 圖 者髡顛 太宗 作 成 稱 不 進 顧俠君《題寒柳圖 於丙 漁洋二詩,今《帶經堂集》僅 「孝廉」,蓋作于秋史未成 偃 中,以二高」並 招 士。 知孰爲 落,而 並 僂,如 戌 高樹嘉爲蔚生子。 遊 冬作也。 龍 則 有畫 今以林 門香山》之作,即 康生不與焉。 撮 「予在禮 垂老人者又十五 秋 名。 記之詞 史居泉上 是冬,西厓 其成進士時 汲 然其 後》云「秋 一稱,此 所記攷之, 闡,最後得秋 也? 時 · 至 蔚生名岑, 亦足 今林汲 稱金陵 又有《趙 湯 四 中 是 進 年 中 秋 年 西 矣。 中 中

· 」。 「此圖作於」至「三十年矣」十八字,原脱,今據刻本

年,而 月 ,予亦恰 其概 佐 獲 兒 而作歌 此 於 卷,文字之因, 丙 史《 申十二月題 於後。 寒 柳 詩 > 其 作 蓋 卷。 於 非 偶 丙 今又 申

題趵突泉上石

石 莊 十四泉草堂圖 南、蓋望水在西 也。 石之一 通 辛巳 樂園 賴 此 予此記傳之。 此是方 Ŧ 也。 所 ,相傳是元贈行省平 秋史二十四 作 石高九尺六寸,在趵 一 峰 卷》内, 也,俗名 藏坳 所 堂觀 書 泉艸堂 王 第 一方若 龜 察 一圖 石。 所,今燬 石 詩注 章 然子攷《二 蓋 張 舊 云 突泉 在 康 雲 熙 麟 章 殷 火 之 DП 游 文 四

政石谷畫卷

世俗 卷軸 也。 血 石 由 畫,每右南 遂無欵。 矣。」已而 云: 清遠圖》,東江 事:石谷昔居太倉東園 名,下有「石谷」二字印 人力,有仙 割去, 一吾書 然吾又 多 ,石谷枵然 正之云爾 極力爲 右王石 貌 東江 虚 南 可恨也 元 佳 田 之所 \blacksquare 舟謂「畫 谷《竹卷》,卷後 因 凡之别」。 前 花 赴禮 此 、欲石谷自書名於後, ,得先生詩題 無 左 卉 不 -而 有。 石谷,謂「惲本天工,王 能 部試,不 不能 足徵信 僕因記 及。」第 · 知 其 ,爲唐東 又云: 在 無 裝 南 1,何事 潢 Ш 説 王 原 及作 田 於後、足千 林 水之人逸品 者 虚 者 有 南 江作《 此 蕭 舟 謂 石 詩, 蕭 論 於欸」是 虚 田 所 其 谷 數筆, 舟 胸 石 其 溪 説 自 圖 古 Ш

於平實。 而 非 平近之書皆不屑爲者,此皆適足以 而 時 阮 也 枝 好 亭之 并及之。 學人計,與 而 輕 且其胸中亦不至窮林所 恐後學有 石谷,神品也。 己 高 議 Ш 之 宋 小 詩,或有 以 况石谷書法,未必遜於唐 論 楷 儒 愚 畫 遂 有以啟之。 八其好 見 雖小道,然士君子持 動 執 掩出文衡山之上。 Y 輒 厭 此 爲高 心論之,南 駁程朱之舊 薄不屑道者,未必 語以爲信者,故因此卷 近日學者於石谷之畫 論,日日博綜馬 是以愚深不欲 云「枵然 田 解,視學 畫 論 蓋 長傲 東 無有 非 逸 宜 爲 江 之 歸 飾 塾 鄭 今 以 此

跋石谷仿大癡山水卷

六月 ,而竹垞詩在 王 石 谷仿 大 庚 癖 午 Ш **'**,相 水 去 十二年。 自 題 在 己 然 未

> 何也? 八。 慎 所 其 簡《居易録》載: 編入丁卯者,未可爲 十,正與「王郎老去」之句相合。 圖 首,題云《王暈 望,村村風景似圖中。」 尤 畫三首》此其前二首。 未應博 曝 作,而此第 Ī 勿執《曝書亭集》而疑之耳。 畫册「王郎 書亭 豈 而第三詩有「王郎老去」之句, 横 學宏詞 即指此 己未,是康熙十八年,石谷年 集》此 幅 昊 装 老去」云云。 夏 入都 詩 歟 首 仿 石谷辛未來京師,竹垞 山圖 ? 編在 語與 惠 時所 據矣。 而 \gg 祟。 其三: 丁 而《騰笑集 全集 是 作 卯 《騰笑集 卷尤 曾 歲, 是時 是三詩 乃 則所 「王郎 記 相肖, 編 題 竹垞 北 石 謂《 》載 云 谷 高 非 則 老 Œ ^ 夏 全集 觀 年 王 四 是 前 峰 去 王 文 己 山 頂

六〇上

書望溪蔗經二先生像後

與吾 文,在 經以 東 於 則 予 來 姚 六經」之句 蔗 生既 巖 經詩,有「松林 1 獲 贈 盧 「僕與 邑鍾 於治 論 抱經 紅 乎 侍 歸 雍 周 丽 安丁 側 晚 屬 禮 無 E 學士既 點 儀 者最 弟 鍾 禮 計 子 訂 蔗 庚戌之秋 部 勘 小 君 古 義》數 字肯 一獲見 摹二先生像, 經 蔗經二先生同修三禮時 其 雅 反 已 之省 而 、時尚 密處 爲跋 進 覆討論 久 輕 望 瞻 望 **滋册**,蓋 矣。 土 過 溪 親 像 溪 開 在 以 時 宿 先 博 血 修禮 以 望 嘗 桐 緑 有謝 生, 遷 日 聞 徑, 觀 且 溪 於 求 筆 城 也,望 多 之前、 手 俾題 與鄂 雲水光 而 書 其貫 小 覆 方 浣雲 蹟 師 雅 蔗 肆 閲 侍 其後焉。 持是 溪 經 得 者。 其 少 得 诵 郎 而 者 先 保 中 無 贈 蔗 望 宋 於 書 巡 注 贈 以 感 牛 餘 蔗 溪 王 前

> 時,望 愧 昨。 先 始 人職。 册,是望溪 紙 翼 費 忝 則 王之大事」一 於 其與 大 識 ,云「方先 諸 汗之交集矣 日 先生 今復 夫 力 蔗 本 至乙未 三溪 於 雖 蔗 經 亦 幾 僕 一曩昔 爲 日 先 此 經 未 手 皆 與 小 冬,始見先 往復 南 生 書 生 敢 勘《 特 嘗 節系象胥, 期 雅 時, 坊 後卷未全,然竊 送 執 著 默 許 題 訂 寓 商 來 自記之説以 爲 定之矣。」 之意。 此 齋 義》又别 書 確 四 乾 像 册。 等 者 生《注 隆 論 而又 歟 而 析 T 展 ^ ? 卯 卷 經 亹 有 周 是 然 經圖 謂 爲質 全本, 夏, 慨 義 亹, 官 望 緑 書 恐 宜 然,不 蕪 訂 修 溪 内 笑 先 世 人 哂 題 \equiv 小 既 止 有 貌 生 而 訪 禮 其 如 子 行 以 此 半

題惠定宇像後

愚十六年前題惠松厓小像,云:「紫陽

也

所

弱

非

細,故不得不復識於此

失

安得

而

及

也

但

讀

右丞畫 與予握 之。 之感 子。 渺 興 與 亭遊京都,訪予 幀,予於辛卯秋 雨 以 子之詞曰:「帝子降兮北 何 亭以 象 鄉 喻 然 處 所寄,不減古 井 夫曩者雨亭之爲 夫 激勞懷之士,不得已而爲是言者, 嫋嫋兮秋風,洞庭波兮木葉下。」此 昔坡翁題 家在 詩 比 手燕薊,訂 江 千里之外,乃適 亦云「與騷 邇 思 鄉閒澹之趣者 江 一、若 人畫 南 李 無所 題 黄 蘇齊, 世 理,而 詞 玉局之舊 句 葉村」之句 人之思無以 南 客之爲者。 其後。 用其勞懷之感, 是圖 畫,有「扁 重出 有 有合於騷 渚,目 《扁 何哉? 也, 盟 是 後十 舟 圖,俾予 身在嶺 異 迴望南 渺 鼂 舟 則以 遠眺》 二年, 也 賦 海 渺 補 之揣 今日 陽 兮 棹 而 鱎 其 之 愁 識 鄭 屈 R 而

之説當矣。 ,并及於《禘説》、《明堂大道 泥於鄭説 易本義 不知《爾 不得其證,乃援《爾 援《爾 異乎朱子之説 惠氏 因盛 也。 禘 新 言之愆 下文「繹又祭也」,其義自明矣。 於諸經,硜硜守師法,其 辨 雅》以爲祭天 而 君此識 至其《禘説》、《明堂 ,又因禘 今重 雅》此 證 不 孔疏欲傅會鄭説 過甚者。 ¥ 獨 展 功 文自言祭耳,不言祭天 愐 并愚 此 臣 以 而 開 爲 雅·釋天》之文以 《祭法》首段,楊 軸 又 及明堂,不 爲 後 詩 !,見盛 争 讀《本義》者 耶? 誇 「紫陽争臣」 臣 「嗜駁 博。 録 0 惠 ,以禘 大道 君 煮 程 氏 愚 미 柚 所 順 因 朱 因 爲 竊 爲 録 著 似 足 惠 之 佐 顯 據 懼 專 氏

則

焉!

舉其

舊説

證

如

書具

在

六〇九

稱。而予益不容已於言矣。

題釣魚臺圖卷

其成, 生 卷後,不 見 友作圖,皆未遑 軒作記,擬勒 矣,此茆舍亦不復可蹤迹。 爲 屋 秋,予視學廣東。 歸 未 初 初 馬 禊飲文字之集,如是者十餘年。 養疴於此。自此, 值微 約來遊時,三十有一年矣! 秋 郊 吾將買其旁隙地半 邀君 西 葯 ·啻昔人 雨, 與 釣 刑部 圖 飯焉。」予以 魚 石 塞 攜 此 畫 装 而 手步 里學士 圖 未果。 金 八年而 中 輯 每春 觀 追 成 遊 Ŧ 卷 憶前 畫 裕 爲 畝 於 此數年 飛 1 秋佳 歸 也。 也。 規 此。 軒 聊戲言 予昔年 伯 歸 事 先 爲 舊 癸丑 於是,去 生自 裕 悵然題 中 而 坤 蹟 ·當爲 耳。 亦 裕 邀 裕 舍 秋 軒 屢 同 西 得 逝 裕 結 其 予 苑

題董文敏待漏圖

戌 部 後 癸酉間,年七十八九時事。 書,其明年告歸,至崇禎四年辛未後, 靖三十四年乙卯,天啟 跋,知爲文敏之孫 人拾殘畫補裝者也。 歸 尚 里 書兼掌詹事。 右董文敏《待 一後所追寫 有江湖 漏 建 此《待漏圖》,蓋壬申 中 圖 所 五 不 年 藏 魏闕 然此圖當是甲 拜 著 文敏生 年月。 南 之思焉,非 京禮 於 部 據 禮 尚

「值微雨」三字,原脱,今據刻本書眉及稿本補

復初齋文集卷第三十五

門人侯官李彦章校刊大興翁方綱撰

題丁達夫漢晉甎文册

古之勤矣。 達夫,亦以古甓名齋,手拓題識爲册,信篤 徐雪廬諸君皆有古甎之記。 刻 紀》失載「元康」年號,又 亦未可 日,阮芸臺有八甎精舍,張芑堂、張叔未、 文,又起類爲甎文。朱竹垞 爲甎,而所跋 金石文字,積而爲 盡據以 嘗與吾友錢辛楣論 駁史誤。 已有吴寶 陶 然 如 旊 如《晉書·惠帝 鼎 唐文宗「大和 雖誤指五 文字;瓦當之 今吳興丁君 甎 金 矣。 石之學, 至近 鳳石

> 卿考訂 老年頹 爲憾。 正之。 味 在坊 達夫此册,考識尤詳,而陳君有詩,已是其 小雅、陳無軒日來吾齋賞析古刻。今復見 尚存吾篋。昔語 亦皆足以資多聞識者。 有元鼎甎文,其背有五銖泉字,銖字反字, ·太」,「壽昌」之訛「壽隆」,實賴 如 未知其 昨。 南 太」,遼 又如歐陽《集古録》,以不見西 無 劉 筆 而今芸臺有五鳳甎字,達夫此册亦 斯立 軒 ,尤可感也! 而 嗣 小 考 能 雅手訂古刻叢 金石之舊屋。追惟 道 《秦篆譜》,重摹勒諸 裒 小雅: 宗「大康」、「大 輯 成 學宜 四十年前,吴興丁 時方 精 金纱 與門人葉 專,博而 細 拓本 安」 舊 字,至今 石,正 友,風 之訛 漢 以 東 糾

題先大夫手蹟後

乾隆四十七年壬寅之秋、方綱五十初

出 則 業 頌 年 而 祝 之 驕 不 必 之辭 惰之心 加 辰 於 未 進 小 知所極。 敬 書 人之歸也。 奉 而 後 啟 聞 此 學不 譽 册 方 韓子有言:其不爲君子, 日 綱 以 以 竊 加 示 增。 伏 進 坐 昭 自 客 昭矣,書 則荒廢之獎百 念 夫聞 且 屬 數 譽 客 年 日 此 來 勿 增 學 以 以

跋 尺 册庚子

以 得 分 農 題 雖 尚 爲 指 臣 田 殊 制 主 , 或 不能定周尺,沈冠雲乃 圃 未 麈 禄 ,餘皆 谷 失 : 以黍, 史》 則 以 未可 「潘意 所 同 揣 或以 遽 亦 測 以 即 古 信 見 難 不 錢 如今之依 今尺 也 今部 足 憑 7,或以 準。 據 敝 諸 頒 邑 據秦氏欵 誉 蠶 拓 許 考古尺 建 一周尺 造尺 本 絲 初 裝 洒 馬 式 雖 與 尾, 者 軸 造 與 識 鄭 建 法 或 王 以 司 初 屬

> 者也。 貨志 以 合。 記 見 而 尺 新莽 多 》所載未央諸 者 以 然則 放辨 意 展 所 貨 爲 轉 載尺 此 布 爲 之者邪 仿 建 者。 效 寸 以 初 瓦尺寸,與 建 相 尺、蓋 ? 强 即 初尺 合。 弱 書 此 不 其 (度之, 미 又以 論 齊 語題之。 以審定古今諸 質 此尺較,亦無 ò 烏傷 直分 況 與《 未 (漢書・ 王氏 明, 見 抑 古 子 無 硯 食 向 不 煩

跋南唐研

月 公雜著《試筆》卷首,有 潁 年 州 本官研上多「南唐」二字,當 八月, 改 右 明堂 都 知應天 南 尉 唐 覃 復爲 印 官 ·恩加 府 研, 按皇 龍 、兼南京留守司 有「永 輕 圖 車 祐三年辛 閣 都尉 元 直 叔」二字手押, 祐四 學士。 也。 以 年坡公跋 卯 研背 此記 事 是 文忠 年 此 其 於 前 H

堂,展 相 唐 冶亭宗伯 云 約 舊 IE 買 物 也 歐 對 田 陽 半 每 潁 氏 日,因 致 癸丑臘月之望,集同 上,時年四十 見 自 感 江 文 歎 爲 忠 南累世蒙禄列 1 拓其文,題其 與 是 通 年文忠 -五矣。 理 官 此研 與 人於 匣 郎 故 梅 家 今歸 石 聖 於 而 附 經 南

跋薛文清硯

亦 研,異之,遂 溪上之草堂。 云: 河津薛瑄、李 明史》本 不 載 巖 硯 余四 年 背篆「 月。 傳不載 人 宣 售以 以 匡、 萬 李、張、羅 過 有 里橋 丁未進士,以 遇仙 事在 薛 張 歸 0 固 文清至蜀 西 蜀 橋 仍 三人者: 羅 取子 因 想青羊 草堂」七 俊 遊 司 之 愈都御 杜 美句志之。 事。 鑒賞。」按 李匡 宫,見 I 部浣 字 史巡 此 , 研 44 花 題

> 中》諸 寺事 實請 蜀 蜀、公廉勤慎。 張 研 五 理寺丞奉使,事在景 張固於景泰三年後即還都,則 於世。據此,三人宦蜀,皆在 **弭後,還,卒於官。** 理寺右少 士 撫 一,官吏 見示 當 固 兀 次後五 正統 於四川行都司]1] 詩,蓋 在其 山東盜起,奉使 九 公正 因 科 討 卿,鎮建昌, 戊 也 爲 出督貴 給 平 即 辰進士, 乃 攷 事 草 江 著有《 此 歸 其 河 中。 塘 西 時作 大 州 汾 羅俊字承彦 設鎮守大臣, 新 大 略 泰 軍 (奏議) 景泰元 集 督 有政 官 壩 喻 云。 也 帥之 元、二年間, **>** 捕 御 人。 諸 有《 此 》及《理冤録 績 史。 寇 曉 時。 研 賑 年,給 瀘 宣 楓 景 蓋 薛 卹 三年,還 景 泰 德][少 乃遷固 文 文 江 流 清 時。 泰 事 癸 褒 詹 清 文 西 民 勞 中 泰 \pm 清 中 持 斜 以 之 至 進 道 按 和 理 年 加

四

題顧氏陔蘭圖冊

也。 先 在 脩是寶應喬介夫石林侍讀第三子也,此 山 山 度》宋拓本並有二君跋,故詳著之。 上生齋見 、十所題《化度碑跋》,則明年庚申 先生已 與 每 未 潘陋 南 、此題 與 華 四 洪 夫題 我 家 先 月,蓋其晚年書矣。 善善 字 居 生作 山 長儀部 無異。 此 矣。 手校《四書大全》,皆紅 時,年七十有九。 是圖,在戊午九 予兒 方九先生受業 慨想前輩,此 時 ,於外祖張 予所藏 月, 景如 予有 也 於 筆 方 時 深化 題 其 峩 九 昨 細

書菊字後一

文》::「繭,治牆也。牆,《纍傳》作蘠。从艸,鞠《月令釋文》: 鞠,本一作菊。《説

字也。 匊聲。 聲。」 字 菊,❷非是。 米, 籍省聲。 則:「蹋鞠,从革,匊聲。」然四字皆居六切, 華者,名女精,一名女華也。或省作药。」 鞠省聲。」徐鍇 也。」又曰 曰:《月令》「鞠 而 又曰:「菊、大菊蘧麥、从艸、 正》「九月 也。 鞠 徐鍇 然吾謂未有一 从 艸,鞠聲。 宋吴仁傑《 蘜,从艸,籟省聲。 則此三字者,所从皆从勹布交切。 _: _ 謂 榮鞠 則繭、 則此 鞠 蘜又省作药,亦與錡之或 \sim 謂 有 日 爾 菊从 離騒艸木 黄 「《本艸》: 精 傳日 蘜之可 字可 字者,所从是从八 雅 華」 沙注: 也 艸,匊聲。 以以 以 是 : 通,未有議 兩 秋華。❶ 也。 籁,酒母也, 即 鞅 疏》云蘜 从者也。《 蘜,即 匊聲。」鞠字, 今之 **爾** 艸 鞠从 也。」注 秋 九月黄 从 雅 之 通 華 人之 艸 从

^{●「}木」,原誤作「本」,今據文意改。

从勹矣。 作鞠,「从麥,鞠省聲」。則是从八之字,通 物 互 从勺之字,通从八矣。又「麴」字下云: 下云:「或作藥,从範。」刻本作額者訛。 則鞠、菊,亦皆秋華 鞠,皆秋華也。 麥。」據《爾 葉,花紅紫 注:「一名麥句薑 令》:季秋,菊有黄 名節華也。」菊字,則《爾雅》「大菊蘧麦」, 本艸》云:瞿麥,一名巨句麥,一名大菊 繭,治蘠 通 名大蘭。 m 者 治 繭、藕,皆秋 也 牆 」,則皆从八人。然《説文》「鞠」字 吾又未見各相从之字,而彼此 。]注:「今之秋 雅》, 赤, 且 陶注云:今出近 郭云今之秋 如 可愛,子頗似麥,故名瞿 據《説文》,則鞠、 則 「藕」之或體:篆作数、 ,即瞿麥。」疏: 華也。據大小《戴記》, 菊自爲一 也。 (華。《本 惟酒母之「蘜」、理 華 華 菊。」 物, 艸 道,一莖生細 菊。 而藕、繭 疏 菊華 藥艸也 **匊各** 按 則 《月 鞠 是 口 或

> 或 既 人 由 作 而 以下之訛 E 或 今本《説文》之注 菿 無古本是正,是不可 蓻 書爲菊,或書爲來,其 「簵」之或體 其 可乎? 別者 耶 是 釋 ? 篆作 推之, 以不辨矣。 則何以律夫六 然則讀《說文》者 、称、隸 可 乎? 則 同 作 或 歝 秋華 如如 日

南菊字後二

之省,革也,非「大菊 菊,皆蘜之省也。 菊蘧麥」也。 也。 中多有如此 而已,鞠之省,艸也,非「蹋 省無别義,鞠、菊之省 之非田云 後人喜省便,故多書爲菊,不必援「大 繭、藕、皆秋華 爾。 者 約 而言之: 繭,本字也。 猶夫 如 蘜,則繭之通也。 日 也 似 蘧麥」之「菊」。 「鞠」 有 药、菊、鞠,皆或 别 是而 者之非口 鞠」之「鞠」; 義。 「菊」非也 豈唯 乾之 别

字 爲 居 偏 則 也 所 吾 之所 形 由 六 詞 曲 少,是乃 得 切之外 也 亦 聲 由 口 ·信 事 也。 得 若 省 此 也。 也 以 形 祌 諸 又有驅 力, 也 字之託 丽 曲 字形聲之本也。 亦義 力, 菊 象人曲 六切, 始言 又匊之所由 也, 獨 不 形 不曲之形而 之,則「 可 則 然匊 省 曲 革 然曲 乃諸字之 | 匊 乃 爲聲, 得形也。 平 ? 亦形 此

曰 -後 先 前 具。 日 述 日, 或 願 實閉 行 則 子 「有文 爲 事 手 取其 監 文 目 所 生 (如此 以 即 所爲《行 武 爲 傳 身在 進 母 詞 0 可以 徐 孺 無 而 母 君 倫次。 人《 略》再 傳、 旁,數 傳 書 日 誌、 行 受, 矣!!」人 三讀之, 7 表、 至 應 如 年 京 誄, 泣 瑣 徐 兆 皆 子 君 書 且 試 此 遭 其 拜

> 行 禱 矣。 皆捫 觀 間 字 語 立 所 來,母方借 食 即 如 一一《行 難能, 事 其 既 是 少 痛 觀 紙 爲 者 後 諱 心 族兄夢皐貧,嘗乏食,母 輒 絶 之 也 君泣且拜, 自 若 其 神, 欲 辰, 吅 處 能 未 略 伸 重 終身 年。 <u>寸</u> 傳 急書 米一 可 》所未及者 必 都 讀 復 最 吾 其 更 母 不 異 輒 經 職 母母 不 每 母 僕 斗,分其半予之。」偶 更進 之精 此 在 哉 倦。 歷 喜 志 聞 晨 数也。 於後 應 者。 -觀 而 聲 起 而 舉 神附之,吾不得 今日 猶 次 今人 一趨問, ,則母之行,能 焚香 淚 言 業, 視其 者 惓惓乞文以傳之。 以 乎? 徐君詩文皆 日 燈下 長 直 慰君意 後 :「先祖嘗 (文尾 遂輟箸不 拜 以 周之, 讀 血 行 天 想 勿 則 乎? 此篇, 狀 流 像 漫 至 日日 涕 母 有 爲 舉 面 明 病, 食, 成 此 以 知 中 字 文

可 佪 裂 至 風 於 雨 如 欲 此 來。 誰 實 有以致之? 0 情

遏也。 然情 中: 忽若 也。 止。 聖人之所難 疾、弗差。夜隔窻視之、燈熒熒、淚注案、 氏 則 中,於義歉,不 左袒臂,右持刃欲 者? 止 其 殆非 「女兄某氏退而 遂則 濤 之所 日日 之者乃所以成其孝也 子 無權 既書楊孺 聞 瀾 第無 也 動 亦弗諫 恨吾止之, 變眩、 姑 度則不 也, 無所假 唤 意 割股 誠、於 而 中自述耳, 而 震 矣, 人《行略》後, 即 割。 非 可望之婦女乎哉? 中,待權度則不誠。 懾 止者,義足而 言也,某月日,母 無以成其孝也。」翁子 君子不忍罪其專也。 禮 以 仁虧。 怵慄者。 急以 止之,一往 也 一惡其 ,復何恨女兄某 非固欲表母之 仁至義盡者, 姑命唤之,乃 夜不能 即 專 仁全矣。 如後 而 而遂之 不可 禱 不 姑 段

> 矣! 中者, 行 小戴記》條下也 也。 因併記 忽於閨 知學問之事, 幃數語得之。 此於後, 他時 體道 以附入《孟子》 此 之 深 經 訓 所 之義 未 能 疏 曲

題邵思魯窒廬

思 者窒易,承基者窒難。 取《損》大 釋文》或作怪、憤,塞也,止也。 魯來 子於斯廬也,思過半矣。 同 就 年 象傳 京 邵 兆 蔚 試 義 \blacksquare 求 也。 侍 讀 予書,且告之曰: 室, 傳曰: 侍讀 自 名 既 其 殁 損 七年 廬 凡人 先難 日 、始奮 厥 窒 而 後

「誰」。稿本作「皆」。

六一七

跋

刺史、 惟 帖 輒 石 誠 也。 英公詩匠作也。 而 律,是朝 南 後 其 英公二首之第一首也。「 五 幼 始 臨 去」七絶,是 、蓋即 學 寫 追 + 帖 石刻於咸平元年正月三日,其 題日 知同 ,適相印 焉。 想疇昔之事 ,予始得見此石 宜人來 人《贈南 失去久矣。 請 州 英所書也。 柳公權書者。 大夫、尚 予室韓宜人幼習書史, 軍州事 、歸予, 禮 合。 岳夢英詩》三首: 「三事天衣」七律, 部 T, 裝爲 今又三十年,吾二 侍 竊訝天假之墨緣 書 陳文灝喜英公相 已年逾二十, 郎、 坊賈有摹此三 司 真 門 本,知 予兒時 此 郎 知 册, 悟 中 政 解 爲 韓 事 初學 真空」 其 夢 相 亦從 是 傅 其 書 蘇 英 中 人 也 與 詩 似 訪 康 奉 乘 間 追 所 年 是 刻 作 州 + 舟 柳 揚 簡

> 千卷, 歲,一 予家 系 欣 有 然,自 詩 寒素, 窻 H 緣」二字, 而 展 此 先 題 獨 翫, 於 始 母 惓 無 往外 帖 知 惓 片 恍 尾 臨 於 紙 題 如 家, 書。 此 之 之 兒 者,不 儲。 攜 今積 時 此 風 昔 歲 帖歸 志 緣 味 金 庚 舊 石文至於二 申 物 予啟篋 子 也。 嗟 以 甫 平 供 宜

目 跋 艸

如 得 看 自 所 金 提 者 爲 共几 此 裒 石 要,即 1,辛楣 題 著 輯 此 攷析 跋 今辛楣在數千里外,偶 所 録 之語,借提 + 作 諸 不 輒 輒 書 年 金 得 日 所 石 爲我 念此 :「不可 子 寫 題跋,彙成數帙 輒 提 語也。 有 要以發之者。 擬 耳。二一 要 作提 借出,恐公等 帅 要 時 庭 值 亦 爾 舊 冒 錢 有 有 時 拓 此 謔 摘 欲 辛 舊 凡 本 借 取 楣 遇 H

碑 秋 來 · , 兼 盦 屬 題 大 手 病 , 坤 甫 輒 以 愈,猶能手剔從來 縷 見 縷 寄。 於 恐 後。 從 前 適 談 得 未著録之漢 金 黄 石 秋 諸 盦 札

書引達彌月諸册

無

此

精

力

附書於後。

即 酒 裘 約 於科 昔十倍過之。 墨 鎖 宦爲榮誇 題此者, 戒 服 舉 如 轞 漢 數者: 名 講 襪 桂 殺 蔬 畫、祥瑞石 未 巡 等 生 勿 小孫引達彌月之贈,則 乎 谷 術 一, 戒 兼 此 即 非 題 1 勿 味 固 書 如 子 博 吾家本寒素 畔 , 筵勿象 自今更當 其 籍 首 $\stackrel{\cdot}{\wedge}$ ·刻、宋 簺 程 彌 调 飾 文 彈 朱 月 勿 譽 字 唱 册 講 箸 織 語 也 用 篤 尝云 乏 攷 敬 黄 小,豈敢 魁 然吾 根 而 惜 類 訂 金 星 覃 本,安樸陋 勿 字 軸 有古泉、 童髫 今 溪 以 所 即 嗜 紙 諸 科第 欲 能 贈 如 岐 之 品, 戒 勿 借 自 皆 類 飲 衣 仕 視 古 以 致 鈴

> 講 畏 守 留 平 有 懼 詩 餘, 檢 文 才華 克己 點 心 勿 田)省身, 涉 浮 勿 奢侈 艷 防微 之 類 慎 勿 放 期 始 逸 於 庶其可 ,養厚福, 時 刻 兢 Ę 兢

跋新城陳氏家訓卷

要,此 世 我國朝《朱子家 其文以銘坐者。 弟之法戒 顔氏家 私 乃訛 祝」,實 年前,嘉興 昔 是 E 傳爲朱文公家訓 康 訓 一文成 損益,尚未 則 熙 家 一書,既 初 戒子弟 Ŧ 訓 崑 訓 其論 一若農 耳。 Ш \approx 爲 朱 於日 嘗 固 語 尚 吾見士大夫家 考訂 柏 甚正矣,然於 詳 竟 珏以其父惺 揭 廬 用 盡 家所 諸 不 名 事 之。 知 用 客 爲 柏 純 資 坐 吾 頗 矣, 所 齋啟 極 每 訓 多 題 切 思 子 刊 而 日

●「象庭」下,稿本有「世兄」二字。

六一九

也。 其庭聞之篤實爲有益也; 切,更過於王氏卷。 其祖凝齋先生家訓 語,惜未備録之也。 者,竟當於文集、説部、箴銘、格言之外,特 藏勿失,知其必能承訓 元手書家 匪淺也,豈專爲我友一家之言計乎! 立家訓一門,其於士習人心風俗,所裨 後有焦弱侯之輩,有志讀《經籍志》 訓裝 裝卷屬 今得見陳石士編 蓋此有二義焉: 而光大之,尤足風 ,一則其子孫之寶 中多 題,其詳 可 法 密 可 則 諄 以 傳

之,其前後無序

跋以此

比

以

烜

稍長

閒

取

涉

獵

乃

知

全

書

復初齋文集跋

丁以烜

則先 冬遭先 校 大夫 也 先 副 Ŧī. 勘 墨,會自思恩備兵常鎮,簿書之暇,手自 齋 生手稾暨先大夫原校殘 Ŧī. 生文稟已轉 謀鈔定遺文。 月 卷 先大夫官中書日 室弟 既鈔 大 大 厭 ,先大夫編 父喪, 興 世 前十 翁 時時 子。 覃 以 里居數年。 卷命梓人,遽於道光丙 徒不可蹤 谿先生《復 嘉 校 烜 是 慶 未 蒙稺 秋奉 戊 竟,身後 從先生受詩 寅 遺命門 中典試 迹。 帙,重加參改本 春 初 及辛巳 先先 江 齋 逾十年,得 刊 右之命, 生 文 成,今據 下士)人都, 法,稱 集》 續 申

> 攷 頗就 以 次與刻本同。 無《中州文獻册跋》。 次之羼 重 本 異同,疏記 家 校 删 正 錯 藏先生手蹟、石刻及 去。 卷三序漁洋各種,以 惟第 字 别從手稾補人《花王閣賸稾序》。 其下,蓋蓄疑於心廿年矣。 句之失讎 按原刻是跋與卷十七一首略同,今 一册前三 卷 時 類相附,皆篇各爲 廑力 時 他 存。卷 有 所篡 之。 顧 求 烜

得。 原刻 據 孫 已 詩 文, 稟存者什七, 稟佚者亦什三。 於今春自杭州寄至。 孫入范,今爲丁竹舟 本,餘 文手 E 竭 刻者,先生皆手書「存」字其上。 不 義 原刻 以 數月之力,從一再塗 存 往 長 烜 稟三十六巨册,舊藏 歲晤仁 遇顯 則 調奪 輒 者,審是定本,不當參手稾。 益 介稼孫 然調 以 和魏稼 倒衍 以 字,前 烜 五百 鄭重寓書,懃 廣文申、 孫鹺 舊校。 按手稾多 七十 \equiv 乙中 尹錫 卷謹 松生 其 餘 辨别 曾 鄉 未刻文,其 更旁證 據 事。 明府丙所 請 孫 凡已刻 遂與稼 先 知先 氏 大 其 生 中 由

之類。 党、趙、宋沈詹解、朱彝尊、江聲、王石臞,徑改姓名誤 緒」二字,據《漢書》李傳補。《跋脩内司帖》兩「之」字,據 疢」字,據《復初齋詩集》改。 泉山石刻》「廣陵」字,據揚州石本改。《十二圖自記》「攻 輒之愆。 、閣帖攷正》改。 ,如《焦山鼎篆銘攷》「鋚勒 或涉 改一二,又得 至前後序次,於文義無涉,不復 疑似,閒加按語,不敢臆定,蹈專 又如李北海、殷令名、李元靖、吴傅朋 《書李陵答蘇武書後》「李 」字,據原册 百 + 餘 墨蹟 改。 稟 跋 佚 字 甘 各

詩 美之盛心云。 師承,臨殁惓惓,且誌丁、魏數君子樂成 起如此。 以 景附如韓、歐陽。 ,罔綴一辭,兹於卷末附述雕板、改字原 文以質厚爲本,大指具存集中。 短謹 竊念先生以 俾世之讀是集者,知先大夫篤 識 光緒 魁儒碩學、年躋大耋,一 三年丁丑秋九月,侯官 其論學以攷訂爲宗, 末學疏 念

譾

時

金谿王君仁

圃

教授建昌郡,去年予

來

復初齋集外文卷第

大興 翁方綱 正三

夏小正傳箋序己酉閏五月

侍御 盡 者,孰是乎? 爲言,甚矣,求自喻者之難也 於世,是皆自喻而 孔翰林衆仲皆從事於此,其書垂就而 皆自信者也。 戴記》多舛矣,中間勘正 傳者,祇求自喻而 念孫每來吾齋語及此,深以 而 往者 日: 自 喻 兼求共喻者也。 皆是也。 海 已,或求自喻 寧陳上舍立三、曲 非一 有學焉 家,而往往 昔人嘗苦《 而 校讐之急 求共 高 而 郵 未 不 大 Ŧ 行 心 阜 不 喻

> 喜仁 子益. 試 每一名義,斟 歟。建昌人文之秀,甲於諸 於其後。其於諸家之説 卷裒然成帙,録以示予,并附考《公符篇 年復以科試來,而君所爲《夏小正傳箋》四 書,深知自喻之難者,亦無以過之矣。 而 詳説 士,與仁圃尋治經之緒,間及是書。 而以適用爲務,則雖使窮年穿穴於此 . 圃之博聞善誘,而尤服其虚懷商訂 知研貫經術者,仁圃之力爲 ,皆有以得其實,庶幾勤 酌尋繹 而 出 博觀而慎擇,深思 之,不以泥 郡,而 多 而 近 知 古爲 日土 子 要 既 者 今

春秋左傳隸事序乙巳十二月

及也。 之文、凡二十篇、爲上下二卷、蓋能 家,不應人之經解,是以 昔人當謂 吾友曹研齋熟精《左氏》, 徐 晉 卿《 類 晁、 對 陳諸 賦 撰 目 爲 皆 摭 1 弗之 經之 隸 類 書 事

用 滸 也 力之勤,爰爲題其書首。 陳氏《左典》之刊,義尤備矣。 抒 傳 是 之 流 緒 傳 蒙 非 、塾,庶 特 所 謂 有 引 裨於學徒, 辭 簡 予既 旬 者 視 喜 m 其 浙 已

汾陽曹氏族譜序丁巳三月望日

自 其 家以 矣。 焉 以 面 ,其未居汾 九 嗣 教孝 得不詳,以示子孫,而闕其 郎 略其所不 教孝 Ė 世 禮 家之有 君 汾陽曹 十世、十一 受之兄弟 ,教子孫以義方,因以家譜之修 以來本支世系釐 故 所 敍 以 知,舍此義 譜 宗 陽以 述 睦 ,一家之史也 丞 如 族 一慕堂先 ,於是就 世 前則姑 生焉 也。 矣, 而泛言譜者皆侈 生,律 睦 傳信 附 然 闕 祖 族 備 以 焉。 9 (所不可 墓之可 所 故 碑 具。 故 身以 以 系 蓋詳 志 詳 傳信 家傳 今迨 次 其 考者, 知, 道 必 其 所 勖 治 所 於 其 知 詳 諨 所

> 長,而 爲 與合族精 起 志 序。 者 敬 慎 侍 踵 御 相 吾 神 兄弟所以 接 見 日 也 曹 相對 一,益 氏 後 几 以 承先 人 見宗丞公之詒 席 展 間 而翼 此 也。 編 後者 故書之以 而 肫 不 澤 然 啻 深 興

西齋雜著二種序庚申五月

試,壬 承家世 源 録 諳 於經史詩 濟吉特氏 十 悉。 流 五卷諸 一卷。 西 申 以及蒙古、唐古忒諸字母,無 又同 西齋 舊 齋 同 祖 聞 文、 條,予嘗借録 洗馬 其《瑣 中 選 與予 書 加 邵 會 庶 所著《偶 以 畫 斌 穆 生同! 常 録 博學 藝術、馬 布 同 》内攷 同 里,乾 出 總 之矣。 强 授 得 桐 識 督 編 正 》三卷, 步 隆 城 兩 ^ 修 (明詩: 射 精 張 江 Ţ 西齋姓 熟掌 同 樹 繙 卯 綜 直 鳳 彤 同 不 譯 西 故, 》第 宫 起 舉 貫 或 博 城 允 鄉 串 語 其 少 爾 九 瑣

吉士, 之所 出 煮 西 注 柱 惓 將 邵 更寫净 撰 齋觀 詩 者 致 爲 楚 使 知 同 帆 慎, 江 著之精博、當必不止於此。 西 所 ,就其要者略 録校正 付 修 同官春坊 給 齋 察粤 載 本 西 梓 諫 者莫予若也。 續文獻通考》, 「賣元 而 俾 面 《明詩綜》數條,尚 爲 西 西,予寄詩 屬 於《 其 「齋以 之訂 予 人詩」一律, 中 可 序 偶得》 傳, 允。 增 所著 Ē 之。 數字耳。 深足感 有《十同》篇之詠 其後予視學粤東 今又十餘年,給 此二帙,手託 給諫 而 一編詳 同 西齋之卒,予 教習癸未科 西 既以《瑣 也 亦 齋 有 加 尚 可 即 龃 分卷,倦 予篋 能 以 以 此 見 司 厲 稍 録 其 西 中 諫 里 滴 庶 樊

乎

篆

迤 種 筆 之於册 系 道 憶嘗同 之, 又良 官 直館 ,皆典故也。 兵 足 部 下,十餘 悲 郎 也 中 年 0 而 圃 西 今僅 間 其 齋 讌 在 外 談 於 任 諧 詞 此 笑 垣 雜 南 著

世

來歷,而予今忘之矣。

歐 曲 乃

久,故仍 稱 西 齋 洗 馬 志 感 舊之思 云

唐 楷 法 表 (序甲子

來,並 變楷 字》盡之矣,此由《 六 ? 爲 法 陽 直 薄鍾、王、虞、柳 整 也、當 皆有準則,因 朝之際,楷 此 齊之,而 正 楷 師 則 一,隸、 有法 語 瀬氏 法 Ŧ 特 一氏,所 在漢 獨 楷則 乎? 以 以 其 干 規 魏間, 晉言之,何也? 法 原 謂 通矣,然其通 玉 禄 IE 以 日: 非 出 蕩 篇 石 江左字體 字 毋 君 於晉也。 然矣,至 愐 凡 徂 》以 書 母、彳亻之類舉之, 子所務,而 晉則楷之始 徠云 × 溯《説文》, 皆 張 也。 唐乃稍 爾。 法 氏 自羊、 也, 也 日 ^ 五 且 歐 謂 何 也, 薄 隸 經 以 陽 節 非 此 制

而 北

- 稿 本改
- 内官」二字,原作「由」,今據稿本改

學,又末免太過矣。 謂 之,審矣。 歐陽子作《集古録》,宜於唐碑 未能當也 由 也 虞、柳者,蓋本欲言虞、歐,而易爲柳耳 米芾 唐溯晉, 豈得 非 死 法 ,然即使不言歐,亦當言虞、褚。 而六書亡,此 而豈果等於嗜茗飲者之爲哉 世 若於 目 爲 若歐陽子所言鍾 、書言 一藝術 則直以書 而 法 薄之。 於楷 分寸豪釐計 言 一法爲 岳 法 珂 氏 則

詳 凡六十種, 出趙子固之言。 易之論也。 曰《化度》,曰《廟堂 此 吾每 碑,别爲卷附 深服趙子固舉唐楷之存晉法者, 可以 曩當次 問津 故今麤 列 於後焉 晉人者,然其大要不 唐 曰《九成》,此千古不 碑,自《化度》以下 列 表於前 而 獨

傳,惟 昔 唐 1實氏《 世尚 宋人不專楷法、元、明人書石 賴 言 述 墨 稀 書賦 蹟 絶, 以 》,言 行,而 則王氏 右 墨 楷 軍 葉 法 E 欲問 亦 書 行 # 草爲 無 H 本不足 由 稀 也, 絶,

不得已而言晉法,庶幾乎仰而

篆刻鍼度序丙午二月望日

備。 語 無隱也,是故 於斯事爲已勤矣。 焉,於是印學之書爲能 諸譜式,以及器具之用、 名 而 不把金鍼度與人」之句 日《篆 己,言固各有當 又有之「良工不示人以 深其義可以觀道焉,溯其本可 海 斖 刻 陳 鍼 子目 詞 度 取 畊 也 其 其曰 取元 精 易 於 曉 彙其 「鍼度」者,謂 也。 選石之目 遺 摹 東諸 朴」,夫言豈一 Ш 印, (全, 而 始自篆體,詳 論 著 詩 書 得 陳 以 無 》絶 子之 不 學 賅 旬

銅鼓書堂藏印序已未八月朔

篆仙觀察博雅篤古,尤精研篆刻。自

志 尊 甫儉堂先生鑒藏 輯爲藏印 应 册 而 古 屬 EIJ 方綱序之。 有 年, 觀察 雅 承 先

造耑 云以 談藝者所取 同,若王子弁《 印之輯,先 有專尚質樸,於拙 人印譜 印典》、《印藪》諸作, 稿》,皆偶記 ,研經講藝之理一以貫之。 予嘗謂古今著 古人 援 生 唐 爲 資 固已自爲之序矣。 師 寶尚輦 「生動 嘯堂集 所見, 而已。 ,以質厚爲本」、蓋 處 録 非專言篆印 求 古録》、郎仁寶《 家言篆印者,其 雖專言印,然特 今讀 古人之論,斯 儉堂 神憑」之語 先 也 黄文節 於 生 體 則 跋 议 七 類 至 若 物 公 爲 修 藏 又 不 友

所形 忠孝 露於 m 贵 ",渾乎 文字。 一僅爲 淵 漢 先 生 源 金 敭 術藝家賞 石 粹 即 歷 而 氣 兹鑒 以 篆 封 漢 當 仙 疆 藏 官 翫 與 勳 克承家學,過庭之訓 品品 印 之 先 藻之閒,莫 名在青史,丹 資 生遺 始之, (已乎 稿 貴 ? 同 人其質 觀 非 予昔撰 誠 也。 畫 流

> 所以 於斯 式兹來學者 編 推 闡 查 ,庶觀者有攷焉 氏 家 學之深,本 原之厚,

故

小 池 宋元印譜序王成八月

復覩 吾則 諸家 筆 印者,大都不詳其 漢手 宋、元乎? 之緣也 欲傳之,尚有未定爲某字者,今一 名於時,既 也 也,奚翅 一,魏、晉、 弱 弗 米、趙、倪、黄之輩,爛然寶氣之溢 以爲是有利 印摹爲 而 印家 稱 爲 起諸公而覿晤之。 然而 宋、元、 精摹漢印矣,又舉其所見宋、 山陰董 六朝或 今小池 帙, 仿古爲譜, 近 而 焉, 世僞作書畫者,往 明 何許 此 明 小池 間 印 有弊焉。 印 石 及 人也,摩挲愛玩 附 以 之,唐 蓋 其 出,其 焉。 金石 皆周、 神 此皆 境何 凡昔之摹古 則 以力追秦、 、六書之學 精 董 秦、 旦暢然, 罕 氏 如矣。 神 往 矣, 漢 書 足 雅 元 況 好 目 印 丽

有 振 所 而 倚借矣。 張 之, 則 吾 恐自 兹 以 往 9 作 僞 者 益 得

記之, 子昂一 耳。 方 書此以 予攷之,「羣」字蓋舊已損 摹定武《蘭亭》也, 嘗鑱 今小池摹鐫諸 然則爲之奈 庶使人享其 印, 為序。 上邊微缺 嘉慶壬戌八月朔日 何 利 石 ? 而 ,何不略采此 一黍,即 曰: 損 絶其弊乎? ,薛所鑱字 五字以 昔長 此志 安薛 北平 爲驗, 義 也 四 趙 以 氏 翁 字 以 遂 氏 别 之

周小亭印譜序甲辰四月八日

不 概 續 拘 寄 吾 而 己。 拘 示 子 子 漢法也,第以古厚得漢 行作《三十五舉 夙 子 壬寅 不 嘗論君 喜爲 (冬,祥符周君 家 作 減 EIJ 》,予第 齋作《印 譜 小 亭 意 述 曲 人傳 以 而 其 阜 已。 所象 鋟 桂 板 未 印 之 谷 初

忠

宣裔

孫占銓官翰林,有文譽,

得

讀

亭千里遥質耳 緒 小亭之篆, ,然其通 會處 其 庶 幾 非 平 曉 1 人 六 (弗悟 書 也。 當 搋 與 爲 小 傳

媳之, 書此以當異日息壤也。 小亭嘗篆六面印, 刻予名其上, 予深

那陽 集序 戊辰十月朔

軒於 子适 者猶 之。 史 於後人依託 不屈, 茹苦十五年 者,史館所 欲代 編輯之、邀御 跋之,陳振孫述之,今雖間 天 宋洪 顧蘇 地 心忠宣 爲傳之, 武在漢所 間 輯《永 雖當 爲之,蓋 \wedge 鄱 樂 定 何 時 始 傳 陽 大 而 況 無 惟 歸 (典》 集》十 五 登祕笈者哉 鄱 所 言 忠義之氣,常 國、當時 陽此集,史載之, 本也。 著 I詩,説 述,後之興 有闕 今存 者 以 忠宣 或 蘇 自 武 使 謂 四 而 得 軒 出 比 金

録《四 氏 筆 僅 氏 中 皆凛然於立言所以不朽者其來有自。 子 作文字觀也 所 祕 》之語以光家乘,復爲 書,手 孫 不 庫 及, 永守勿替, 書 提要》以著 録 抑 斯 亦 占銓 足 帙 以 而 丽 凡 申 鋟 既 編輯之由。 在士君子 諸 大 文集搜遺 恭 節 家 録 廟 御 而 勵 識《容齋 豈 讀斯集, 後賢 於後,并 惟 不特洪 漢 不 蘇

「白」旁之誤,亦學者所宜知也。 忠宣名「日」旁,當據其家乘以證史籍

道園詩序

在 道 方 袁 外 朝 元 遺藁》,則皆詩 菓 藁 虞文 **%** 日 靖 ^ 《應 方外 公《道 制 稾 也 録 袁 學 皆 ×, 古 文 日 録 ^ 歸 無 **>** 五 詩 \blacksquare + 藁 卷 又 有 E E

撮 合爲十 方綱 幼 卷。 而 嗜 因 讀 爲 先 先 生之 生 輯 詩 年 嘗 遂 手 摭 自 金 抄

> 行 石 意。 及 是以就此十卷寫出,以識 而 ,則先生詩若必俟合文全刻,恐益難之。 來 此 碑 乾隆己酉九月朔, 江 録 板之文補入,此 西,既合《山 久 闕 鋟 板 |谷詩》| 韓、 録 書於南昌使院。 者未 蘇 品 任、史三 集既 區 悉著於 瓣香嚮往之 皆以 注刊之, 目 詩 也。 專

張氏四世講筵紀恩詩序甲寅二月望

B

坊局 光被 講 至 家之中父子兄弟 爲 下,迄於編修、檢討,皆得 文學侍從之臣,惟日講 一条,而 於祖孫父子四世 官 ൬ 缺 於 或 ,自掌院 海 家 不得一充講 詞 重熙累洽, 聖聖相承, 寓 臣 又以講 mi 學士兼 相 親 相 繼 官者。 炙 官爲尤榮 繼爲之者, 爲之者 聖 充 官 學 入選。 外 爲 ', 身 故 最 仕 則 斯 也。 依 切。 謨 若 宦 然 則 稱 訓 烈 詹 以 有 其 今 難 故 文 命 矣 有 詞 事 桐 官 事, 臣

皆從 之門 能 綱 記 與 世 自 侍 張 詳 備 時 西 内 餘 紀 古 講 杰 簿 氏 者 員 家 無 出 略 閣 年 四 恩 罕 中 相 乎 館 學 不 與與 次 矣。 + 詩 有 自 校 相 畯 事 第, 之盛 餘年 職 服 淵 公、 大 向 諸 》授予讀 公之力 ൬ 以 起 學 其 源 特以 公貫 往往 直 少 凡 來,所 精敏。 居 矣。 1 詳 詹 面 講 載 注 文 審 此 析 與詹事 互 之, 爲 諸 事 筆 詹 館 端 集志 講習 見館 條 有 名 子 恭 檀庭 公分卷 事 在 蓋 公、 件, 諮 記 因 弟 太 其 予 此 公共 質者。 下 而 公 少 事 校 蠡 以 和 受業 概 豈 前 得 宗 纂 略 接 暇 核 門 秋 而 之者。 一二詩 事 後 記 以 踵 伯 細 右 已矣 無 詹事 畫 於 講 叩 所 所 人 葯 垣之南 以 於 侍 筵 之, 訛 輯《 直 齋 自 篇 體 内 又三 講 意 闕 校 辰 閣 四 所 方 則 例

有 餘 年 嗚 · 矣。 平 繼 張 自 氏 今爲文端後 世 一受國 恩, 人 敭 歷 益 詞 垣 當 , 忘 誦 百

> 序。 己。 + 今 月 曲 又 蠡 子 秋 四 自 編 年 江 輯 而 右 之 始 旋 勤 克 役 又 爲 所 遇 之, 宜 宿 闡 州 益 述 增 諾 者 惶 爲 之

西

而

忧

續 客 詩 序 甲 辰 月 +

序堂 龉 值 伯 在 嘉 也 同 六 前六客」者, 也 興 復 之 年 口 客 吉渭 年 至 其 觀 昔 其過 語, 詩 也 察、張 中 而 曰「後六客」 張 子 年 又 渭 厓 揚 寄 抱經自 野 最 厓 云 州, 盧 松 來 少,凡 詩 一 1 蘇 抱 坪 京 偶 序 主 經學 子 、吴 溪 者,抱 師 有 Ш 有 講 瞻 事 以 先後 右 涵 席 俾 1 各 錢、盧 多 抱 歸 經去 峰 一、蔣 於 同 有 請 經 耳, 杭 兩 揚 人 益 爲 春農舍人、 近 編 和 州 非 蘀 而 於諸 是 客 多 有 錈 修 石 爲 詞 議 與 意 自 籜 其 京 方 論 不 石 渭 宗 歸 抱 龃 相 厓 後 予

此

矢

音

勵

乃

心,

篤

乃

忠

孝,

以

寤

寐

勿

申吾同岑相與之誼 謂 長 , 尤可感也 伸 彼 於 mi 致 抑 據 ", 蘀石 此 者。 長於詩 然渭厓此言,特欲 ,而勉其將來之益加 皆益 友 也 以 無 厚 所 重

之貫 范 方綱、恰亦合六人之數、於是 雖千里之遠,無殊曩日京邸比鄰之樂也。 邁 經堂,而屬和焉 亭明府、張晴溪 時在京師者 博 西 ,併書於册以寄渭厓 吏部、胡書巢太守及 齋、永慮 置酒 軒 兩 於晴 武 部 溪

曹州牡丹譜詩序甲寅十月望

詩 矣,●若白居易、吴融 雲亭輯 者數家。 無 ,門人安雲亭亦題詩於卷, 著 録之詩。 昔歐陽、陸、張諸家作《牡丹譜 m 今歲餘矣,而 成 編。 予屬 子 余伯 惟 專 和 自 賦 扶撰 者 昔 牡 又踵至, 詠 譜 1丹,殷 牡 一時 丹 屬 並 ×, 放文珪 者 於 爲 而 而 是 和

> 既其 陽詩 産 賦 萬 賦 侔色揣 色著 書錦 里 而 紅 實 得 賦 併 青緑 也 稱以爲之説, 名,②然予獨不解歐 堂 疑 稱 牡 土中之説,則當日未有著賦者 丽 丹 牡丹。 聚 丹、宋褧賦 党 成卷帙者。 懷 其 英 而又無裒集之人爲之 隨 賦 朝元宫牡 處 粉 即 紅 即 陽子何以 事 雙 洛花雖 者 頭 一丹,未 牡 以 疑 韓 地 歐 有 琦

刊諸 物宜 是 之,又當日起 미 未及而已乎 值伯扶之能述、與諸家之綺麗、薈萃一時、 不謂 寓之矣。 作,附於譜 ,爲之疏析其 予初至 **E** 盛飲 一曹州 而 Lity,海 今雲亭又當之官東郡, 善俗之方,導民之術,皆於 增 領勝 采風 義 内品藻,名流 問 焉 而 贵 俗 雲亭司牧之暇 ,尚未及詳 特補前 踵 m 所 攷 和

- 「多」,原脱,今據稿本補
- 一「詩」,原脱,今據稿本補

六三

四知堂文集序丙寅八月

公焉: 年,方綱按試 欲借録之,而公孫以其 德之腴 陳公則吾師也。 於成均,方慨然於先正名賢之後世有雋 有待,至今竟未得受而讀焉。又後二十餘 叩其家所存遺集,僅手輯《建中録》一編。 子獲侍坐焉。 也。二先生皆以理學名臣著聞當代,海 公集三十六卷,屬爲之序。 云「讀范文正 方綱生也晚,不及多識前輩,顧 又後十年,而懋恬官京師,出 也。 一則海昌陳文勤,一則清江楊 後二十餘年,陳公諸孫來都, 清江學, 温乎其容, 清江楊公,則方綱以年家 碑 m 得楊公之孫懋恬貢 流涕」者,猶及 藁未經繕完,遲遲 粹然其氣,皆道 其 勤 見 於 刻 昌 殼 東 才

公之文本不借序以傳,而今得三復公

任爾。 體 嗚 儒 道其仰企前哲之由,而非敢以序公之文自 憾,而幸得與楊公子有涵同中會試,又 之語也。 集以「四知」名堂者,記聖訓有「不媿四知」 公之序范文正集者,更增厚幸焉。 公孫懋恬數十年後以遺文來屬序,視昔坡 先 ,勤於吏治,無事不與其言相符券。 呼,是乃儒者之文也已! 之藴所發抒,可法於人 論,悉其公忠不 方綱既以不獲序述陳文勤集 欺之 素 所 ៣ 公之達於政 流 裨於世 故 根根 爲 具 得 爲 柢 而

暴堂詩鈔序丁巳八月朔

深處,蓋不僅以詩,而即以詩論知之深者,先生遺詩四卷,俾予爲之序。予之知先生君受之、申之以母服闋來官於京師,而鈔汾陽曹慕堂宗丞易簣之後十年,其嗣

删者也。 己,不爲文飾,故所發皆有用之言, 仿格調以 言其概,以復於令嗣二君如此。 集》,與予往 理過乎辭者也。 《恭和詩》二卷,則 ,予所見尚不止此,此蓋遺草之偶 澹閒適之風味,自然納於懷抱,非 先生之學晚益精於名理,蓋其 然而恬澹之中有寄傲焉 贈友、皆從一片心 一聲律 若 僻 以恬澹 故今之序,亦 也 則所以言志者,適 者 爲之者也。 夫詩 復 亦 閒 商権、皆中理 非 適爲詩 先生嘗校刊《河 之涉 盡由己出 不爲虚譽之語 原寫 應酬 其《紫雲山房詩 地静光中得之, 者 稿本, 所 斯近 閒 也。 不 要。 以 適 未嘗 汾諸 之 若夫 於詩 見 高 而 其 中 非 道 志 也 增 存 夫 老 所 切 陶 而 先生 見其 哉 晚 以 慕 更

枯寂

幽

性

靈

其

I

亦

子

摹

卷

而

恬

詩

謂

身、言行之大端已略見於斯焉。 爲一集,屬予爲之序。予受而讀之,蓋 傳一、壽序二、書牘一、祭文三,凡若干篇 攷二、序三、跋 之存者雖僅此,而先生數十年 進、鄉 行矣,厥嗣定 所 杖屨 人、登其堂,撫其 汾陽曹宗丞慕堂先生所爲 子 於 曲 也。 摭實書之,又非 論 後 文夙 賢 一、碑三、墓表 夫豈 軒給 有 不 仰 善 惟 企風 諫 嗣 諛 復裒 君 言 規者 徒 時 所 手鈔, 集 以 而 二、墓銘二、 「, 誦 其 來居官、 事之 詩,予既序 凡在 序 於先 疏草五 其 m 生之 攸 如 言 詞 V. 文 奉 如 垣

今據稿本

而

古太僕隨輦集序甲午

作也。 也。 颺 辇 子之馬,既閑且馳。」是詩也,序以 E 用 皇仁孝之實,勤政愛民之本,淵深切摯,字 者,特臣 中,而正義不引,則詩所謂「車庶」、「馬閑」 公之歌。 王歌在成之十八年, 紀年》之説。 一,其 集》。 虚 之語 冏 流 吾友太僕吉公,編其扈蹕諸 下。 昔伯 未必能 《卒章曰:「君子之車,既庶 朱傳 露 不 方綱受而 於臣民、綱紀間者,惟矢歌者能言 下推言之,非必與其君之詠 . 傳 然後知僕臣迪德之懿,在承命之 冏 爲 自言之,而「車 以爲從王遊卷阿,蓋 然《紀年》載王歌,而不載 圃 周 召 僕正、王親命之,伯 讀之,竊見其中 康公從 王矢歌 庶」、「馬 見於沈約 日 本《竹 什日 闡 爲 卷 多。 開」之 揚 相 求 **Sp**] 台 \wedge 隨 我 屬 注 召 睯 > 拜

之也。

公與閩 於是乎始 所 方奉天子命視閩 而 錫 招 抑又有説焉: 「邕喈」焉。 土詰 朱傅 經 謂 義 君 士學,將以此歌致「菶萋 攷討論,詩書所由合,請 紫庭之琴, 所 君子、車馬, 以 待賢也 有熏 毛傳謂「上 自南。 今太僕

宋雲亭太守新疆詩草序至子六月

於後。 得 心 今又十七年矣,而 玉 下共摩挲。 西 誦 河。」蓋追記癸未夏筠 域詩》十二章, 裝成册子, 而注釋之詳實過之。 其《新疆詩草》一卷,文辭之美不減 丙 其詩曰:「憶跋豐碑漢永和,往 申秋,吴門褚筠心學士手寫 輸君樂府成 始 獲 訂 心賦 嘉 雲亭與筠心同以 交於雲亭太守, 頌,勃律 和闐 屬 方 玉事也。 天西 緇 其 所 題 年 筠 采 館

其 將 出 致 人 欣 其 證 歟 稱 羨 才藻,以掞抒當代實事 旲 聞 F 傳 今幸際此 其 播 緒 於 同 論 無 賦 聖化覃敷 、既焉。 題 新 記 疆 其編 土俗 而 方 ,後之披覽者 帙 萬 可 緇 里 資 皆 能 外 説 得親 勿 部 深 快 見 各

笑也 之。 蝕,又恨不 雲亭此 碑 索 其 併 展玩 筬 顧 鄙 以 草 中 考證 附 人 得 復 得 有 書 覩 聞 \wedge 嗜 於册 永 至於旬日不能 其 有 碑 和 紀 拓 之癖, 本, 河 又 年 應 磧 相 昔題 之漢 敦 發 與 煌 誦 流 釋 碑, 筠 太 詩 識 手。 心 守 者 字 而 詩 裴 之 賞 多 今讀 册 泐 岑 析

惺齋王翁十圖壽詠序甲辰十二月

游 京 師 嘉 興王 將 之官 煋 齊 粤 先 西 生 一、乞諸 績學著 同 人 詩 厥 以 子 壽 尚 先 珏

> 之所 子繪 遊 明 漈 也 觥 載 生 而 Ш Ш 生 加 艸堂 之樂,所係爲不細,予故爲弁言於其首。 厥 酒 今 壽 歷 湖 ; 帅 寓 之區 子 得 日玉 也 H 懷 方 堂 俾 衛 獨能 幽 詩 古 退 寓 輝 日 華 日 之者 夫壽莫尊 而 書 雅故 蓋 於 剔 也 詩 洞 津 蒐采 者 家 屢 話樓 官 殘 Ш 居, 非 爲 正 見於先生詩文中矣。 日 碑 東 志乘,述 書 將樂令也 + 南池 文字,非 地能 前、後寓閩 也 於道 而 追 塾, 圖 訪 憶 是 未 0 遺 **Y** 壽 日 道莫顯 而傳之。 十 而 人, 生, 蹟 莊 成 分 昌 生 時 日 進 也, 以 乃 與 賦 者,皆 故 劍 -1-發 門 於文。 地 焉 地 此 前 之 生 揮 因 先 蘇 所 胸 故 日 日 m 中 厥 夾 寓 玉

「善」,原作「節」,今據稿本改。

謝蘊山詩序甲寅八月九日

壑耳。 集》則 拈取 秀韻 蓮 其於時輩 字」者,遂以二子當之 義,嘗爲浮 下千古之祕,蓋 E - 、丹壑 復不少,不能無待於後人之重訂 ,幾欲超蓮洋 唐賢三昧, 昔漁洋 欲删存其什一而未暇。 予束髮爲 也,蓋 山張 二人發代 先生 氏論次《蓮洋集》矣、《 不得 又 所 詩, 頭 不得 而上之,而 謂 海 輒思與吾學侣共 已 興之 内士 耶 羚羊挂角,不著 己 而 歎 而屬之蓮 寄之於嚴滄浪。 大夫論詩, 夫漁洋論 而 其 蓋丹 先 通 集 壑 生 洋、丹 也。 丹壑 證 平 獨 蕪 斯 於 弱 訶 日

洋,而 Ш 介,鈍 一子,於詩 予自己 夫 尚 未 以 敢 老 卯于役江 遽以藴 才尤 病 遠客數 贍 Щ 西,得 時 擬 Ŧ 丹壑 則意以鈍 里 楊鈍 外, 也 不 大、謝 夫 獲 時 + 擬 年 藴 通 蓮

> 年。 詩 初發 詩 際 講 唱 酬 不 筵 與 亦 丹壑 志 侍 時 屢 既 而 有 舊業,歲 直 變 於 相次比矣! 過 由 屢 蓮洋之詣未知 出 河 之無不及。 進, 守數大郡 庫 時書問,必以 圃 道 清 擢 詞 按 (察使, 秀韻,視 予乃 又家 何 加 至今欲 詩 居 政 博 向 相 務 而 昔 質 懃 綜 藴 精 勩 者 Ш 其 之 華 其

完粹 造物 度 千餘首 難 又經 百首而 丹壑早陟 究 1 者,難 何 漁 生才之難,天挺之 夫詩,合性情卷軸而一之者也 才既 己。 「,既 如 洋 也 詞 爲之手定,而其所存僅僅若此 自删之矣,予今又爲删存, 之又 成矣,而 ? 試舉以較《丹壑集》,其分 場,篤承家學, 予於江 難 也 師 友 西 才 八洗伐 藴 詩 而 師法 山 人,鈍夫之外, 之功深 能 詩 自 深且 鈔 存 立 0 者 厚, 刌 財 者 摰 每 尤 歎

之意,則有不得不質言者,故書之以 吏,豈暇言詩。 知 藴 目蓮洋之逸品矣。 其 遇 江 Ш 志 ,數歷於外方 ,予誡其十年勿爲 而後,今竟無繼聲者。 姚 其 雪 後又得吳蘭 門 9 而 而藴 雪 若丹壑之清 門 ,冀其壹乃心以慎刑 Щ 身 雪 詩。 日夜惓惓見屬 瘁 則能追吾昔日 於 往者 今藴 職 業,不 詞 藴 Щ 秀 荷 山 爲 删 聖 出 克 序。 存 察 守 所 音 則

謝蘊山詠史詩序丁巳

學其 不遺 任 本。」然吾 兼 極 一、史注 論 也 八 學 者 黄 有 自后· 詩 Ш 才人之詩,有學人 三集鋟於南昌。 谷云 知 嘗見 之所以然,謝子嘗以 山 者蓋 以 :「以古人 Ш 下,得其 谷手蹟, 薈萃史事 一罕矣! 然吾觀 隸事之法 爲 之詩,二者 昔 師 與 予所 以 南 謝 質 子 康 m 巨 厚 不 所 合 謝 所 爲 細 校 子 以

> 目。 詩》八 仍不 得力 十年 術 侣,吾知其必 豈特合才與學而 承聖主 必合諸學之所 南風雪,翦燭 之詩尚未全以付鋟, 律之選,取劉考功之言名以 於山谷、后山以下,隸事之法亦不沿其 以壹乃心 其 盡乎 乎? 之力 學者 可謂勤且博矣! 吾嘗與謝子研 人卷,其 一知遇, 此也。 然吾 不 於唐人,不襲胡曾之格 有 魏 力, 盡 細 膺 得 得 觀謝子所以學 收、魏澹之書 於 論者,半皆 一之也哉 方 則學即 將必合知 也。 今又積 此 面 也。 而先舉此以質諸 封圻之任。 迴憶三十年前, 才矣。 數年 、能而 志 而 才藻中事 彀。 此非 謝 而 其學 謝子方敬 子 成《詠 慎持 今謝 殫 調 者, 中 前 耳 學 其 抑 經 城 子 史 所 面

六三八

不易居詩鈔序乙卯

之株 卷,乃 爲 傳 少 韻 肥 見疊出,皆自抒藻采,不 沂 自 負穎異之才,及壯 諸 師 誦 猶有所未盡 李 枒 日 者 適 爲 守新城 詩 丹 家, 氣 於 子 貌 真 於往 门,别 者 朋 道 壑 能 杜 近 也。 輩。 裁 體者爲 如 瓣 於漁洋 Ŧ 則 格調 H 爲體者也; 梅 敍 香漁洋者。 病 兼此 予嘗 者, 詩 今覩其 沜 其 次吾 人,病 者,又自 勝、然 何 有 似 太 二義以言詩 往 也? 遊 代 矣 詆 師 、所鈔《 來 南 其 中 興 乎? 漁 於詞必己出 龍 不同。 主一格。 而 太近 北、發爲 洋。 畯 而 之目, 桐 眠 或 不易 清 先 城 漁洋。 者必以 然又竊 若 生集 巖 而 思 楊君米 m 夫 逸 居 詩 松 岫 多 視 後由 清 間 韻 詩 歌 者 蓋 師 往 思 疑 兀 加 **>** 逸 善 挹 此 教 以 間 四 多 合 奡 平. 於 日

> 竢之。 知 研 鈔 此 學 雏 米 韓 心得,淡 事 而 近 亦 不 必 深 舉 泥 有 采 對 漁 於 乎 以 洋 江 韓 杜 審 Ш 而 一、若丹 面 所 意 往 勿 自 者 亦 襲 處 壑、梅沜之間 與 不 杜 矣。 執 姚 今於 夢 乎 故 是 轂 書 米 郎 也 此 中 是 吾 静 論

劉松嵐詩序庚年

予 滄 限 然 松 《二客吟》者 兄弟詩 於 李 其 嵐官 溟 m 所自 松 氏 之 三十年前,予 其 瀋 格 兄 嵐 而 氣 爲詩、天機 陽、又爲 異 弟之説,即 往 調 骨 ,又見石 之,其 ",抑且 復 日 商 益 於 略 黄 後 高 不 此 桐重訂《主 方坳堂 清 車 於 仲 得 取 妙、寄 事 執 申 則 交松 法 追 漁 轅 刊 亦 齋壁見 洋 故 託 詩 嵐 今 日 里,亦 集 客 之三昧 深 又將廿 益 始 遠,初 於 圖 李 上 見 京 不 所 11 主 年 不 及 爲

牀 嶺 面 音 石 暢 質 必 嵐 當必有更進於斯者矣。 桐 李 論 爲 求杜法之所以然,又深以未 研 滄 續主客 者 求 雲 聊 作 視 而又恩遽不得備 撮 今松嵐自晉陽 者 學 詩》二卷,予亦 數 之意。 盛 語 京 於簡端 子 而 與 去年 别 北 他 申 爲 語 來 李 也 日 辨析 再 春 宜 得 惟 故 湖 序 有 與 勖 於 學 爲 松 以 其 料 唐 刻 與 嵐

帶緑艸堂遺詩序丁巴正月

之書 子處 而 也 就 所 所 緑 に館 最 時帆 記 時 艸堂遺 時 帆祭酒 憶 П 垣之課、 帆 太淑 由 熟不忘者 所 庶 詩 繪 常 手 ,狀其 遺 藝林之訓故 躋 雪 帶 詩 學 ,尤在此三十 窗 母 緑 三十 士 課 艸 韓 讀 掌 堂 餘 太 圖 成 者 章 淑 卷 均 X 太太 人 鋟 餘章, \Rightarrow 弗 節 諸 即 自 淑 該 中 其 記 袐 地 教

> 例 所 漱 非 道 也 則 本矣。 ,則今日 及 諷 僅 雨 學 陳 吾嘗 聲 誦 鐙 樂 事 ,言語 影 誦 謂 喻 誦 時 斯 所 周 物 詩 帆 必 集 成 不 而 之節, 爲諸 有 治者, 均 能 己。 真 傳 法 幸勿 生研 切 必 而 情 以 丽 本 《内 以 教 樂 經 文,人人 於 尋常閨 則》記 語 降 藝 教 德 忠之 或 深 衆 雞 閣 口 子, 兆 處 文 謂 鳴 職 之 知 盤 興

玉延秋館詩畫卷序丁卯十日

存。 守 爲 之記 溪諸公屬 蓋其亭作於成化甲 昔 爲 ,趙寬爲之賦,陳 石 夏邑彭學士題 田 加 圖 和之。 已失 人去, 玉 延 而 所 辰 璚 前 者 藏 李 爲 吴 茶 之詩,茶陵、 門 薯蕷之别名 匏 陵 下士 庵《 篆 毛 書 玉 澄 猶 延

■「人」,原脱,今據稿本補。

六三九

諒 所 乎 梧 照 此 以 延 館 也 匏 華 ? 者 在 皆 謂 館 小 獨 闁 映 庵 名 春 取「真 不 蘇 者 此卷, 官 西 則茶 而 滴 商飆飛兮實熟,抱至性 夫 此 所 生 學亦 即即 時, 京 出乎此,遂書此 就實者,胥視 涯 與 卷,而 萬 居 秋 陵 師前後凡三十餘 名 匏 放本 物 以 專 而 崇文街第之亦 齊, 也。 可 庵 獨 題《秋館卷》 之 屬 屬子 也。 故 精 同,豈非文字之締 於瓣香眉山之功 又爲茶陵 氣 記 今梧門居 今 微」一語, 至秋 於蘇 ,序焉。 凡我同 梧 此 以 門 玉 齋者, 爲序 而 延 訪 學 予按 可 樂 一志爲 年,以 近 成熟。 矣。 墓、 則 而全正 士 也 東 西 又豈 所 以 此卷 撰 涯 即 最 而 趙 勖 清 匏 年 故 緣 一。」味 寬 吾 意 深。 玉 以 吾 名 庵 譜 阯 於 之 梧 有 Ę 乎 題 況 延 種 斯 賦 蘇 德 ? 此 秋 而 而

重刻金剛經石注序甲辰

已矣。 嘗爲 春 根 若 不 南 而 異、發凡諸則,皆 有 山 王 本 坡 得 條 知 氏 不 唐 付 暉於慈竹壽 盡删者,蓋鋟寫之與受持,皆曰 也 居 其 爲 理, 作《石本靈驗記》,則道顒本 刻 道 鋟 相 明 蘭 士 簡 所 本 顒 以 之外, 故曉 然 謂 乎 也。 ·, 前 曉 以 廣 石 致 以 王刻之注不及石氏之詳密 楓 爲 本爲 其 有宋人題 楓 四 少詹以 炳 説 佛氏之義,本不可 傳 一之理, 石注 之側 句 重 然 據 者, 偈 而 、焕發。 校 者 則千 子悟 屬 本之所舊有,今仍 加 所 也 則多一 詞 方 鋟之。 得《 品 綱 温 人 則 曉 謂 凊 而 金 萬 爲 本 曉 楓 丞 之序 象 不 剛 圃 心 其卷 楓 相 又 之足徵 頌吉 皆注 經》 爲繁, 以 得 方 致 鄭 灌 注 首 石 日 流 清 懷 蓋 也 具 而 辨 袁 而

古 是 正 經 ,石氏之證 挂漏不足道矣。 之光 明 具 解 足, 圓 隨 瑩 處 交 集 昭 見。 而 方綱之序, 顒 師 之校

正信録序甲寅十二月十九日

也。 身至 徧 如 所 見 其 藉 哉 减 性 佛 爲 其 實 偓 ? 也 (有前 貝 海 銘 石 佺 所言,皆真實語 世常 杜子美詠 東坡嘗 世 本 者,曰:「古之真人,以心爲法,自 足, 浮漚,心精 愆 謂 界,自一世界至百千萬億世 晚聞多妙教,卒踐塞前愆。」 而予嘗於東莞資福禪院見坡公 拈 之可 文 爲正信 起 人晚 懷 塞,而 即 云: 是, 無無 年 妙 和 「本自依 明 多 乃實有妙教之 尚作塔銘,予 而 可疑者。 會九州 溺 要皆 於 佛, 泇 以 。」蓋 故曰:此 葉 實 贵 夫 信 未 得 其 此 何 爲 及 必 聞 曾 然

> 嘗筆其 信録 有詮 得印 所 義 斡 以 定,於三藏六部之大,洞 苑 謂 旋 爲 解之微 證 儒、 者 是至 致啟名義 塞前 、所得於古人語言文字外者,以 四十年矣。 子 吾友王子述庵既 釋 兩 援據得指歸,無 虚 愆一, 而 之界域不必 妙。 峰 博學 故 紛争之漸 積成上、下二卷,題 坡 而 通 無實 公所以 其 識 劃 詣 見 無 也。 爲 分,亦不必 力所 語 其 虚 序之, 銘 録之幽 、所以 嘗謂 文 正信 在 此 翰 則杜 圃 然。 至 獨 黑 者 日《 實 予 有 淺 持 馳 也 7 ΙĒ 顯 故 而 正

朱仰山時文序己旦五月

又奚序録之有哉?●

667

乾隆己卯,予典江西試,得金谿周生

- 「聞」,原脱,今據稿本補。
- 「有」下,原衍「之」字,據稿本删。

首,願 制舉 生成 何君 之比 庚 肅 侍 英 於 嗣 其文,然皆 生 心 最 士 文 辰 韓 文 心 郎 氣 也 京 文 聊 之文, 許者 撃節 手一 之 爲 尚 文 師。 之文則不 進士,官户 ,●自負眼 欲序 江 爲序之。」 假 秉鐸 後三 鈔 初 西 以 以 快論, 存 其同 願 以 示 至 册來 冠 而 舉 識 此 贑 十年 其 爲 克 傳 首 多 都。 其 并 數 年 力 談 修已 部 後 憶 周 如 之。 者 士 日 概 不 和 義 久 能 子 求 所 自 : 金 矣。 子 足 平 時 何 焉 識 視 五 雖 數 冉 願。 及試 初 谿 按試 以 徐 來 復 耳 五. 此 學 家 篇 不 冉 使 何 竟 家 生 吾 出 今又十 仰 江 裔 足 不 五 而 江 贑 飛 真 齋研 也 撫 朱 西 西 山 亦 派 以 + 於 口 熊,其 西, 晤 州 脈 江 生 手 子 滿 得 世 年 金谿得朱 周 後十 何 年 切 定 五 ¥. 爾 吾 矣 在 則 與 君 生逝 經 家 生 呕 文 時 制 其 激 今 茶 幽 之 又 索 亦 明 口 得 少 義 所 牛 Ш IMI 索 周 周 生 西 有 所 錢 年 得 殁 丽 年 六

> 學, 此 也 知 蓋 以 者 Ш 發 鮮 11 之, 矣 粹 氣 此 段 此 猶 數 曠 餘 篇 懷 歐 尚 曾 尚 未 神 是 能 盡 理 磊 一,於 之, 磊 而 今 姑 後 天

四二

借

地

處

子 詩序辛未

旨 言 倍 子 先 流 東 m 詩 搋 以 派 風 於 牛 歐 變, 昔朱 杜 乎 前 之 雅 則 楨 ? 遺 爲 通 明 不 伯 圃 宗 詩 竹 然。 音。 途, 子 爲 黎 垞 公安、 昔 而 贵 文之盛 瑶 論 我 此 所 於 得 石 粤 蓋 或 藥 得 執 竟 東 爲 朝 品 士 洲 屈 亦 陵 詩 經 有 海 如 上 倍之。 派 發 陳、梁 學 明 目 馮 與 也 攷 諸 魚 惟 皆 代前 訂之精 賢 Ш 闌 三家 居 仍 予之論 汀 論 今日 南 張 小 以 後 袁 品 什 而 大 幽

爾 本

偶

詩

舉

復 初 齊 集外文卷第

粤,而得張南 而見譚孝廉康侯之作。 門 年, 於 三集,而屬序於予 擊 皆 自 都門, 當 然 弟子 節 吾家 刻 不 魚 M 稱 專 其 山嚮學之初,予與陸 涉 賞 輩 門 山、黄香石 皆魚 詩 八於羊 始 河 下士陳 海 爲 而 Ш 家 者 城 鈔 魚 早歲 自 必必 0 撮 Ш 荔 又與 限 刻 猶 /溯諸 詩 峰學士 粤 詩 也 之,究之非 未有專 、錢蘀 人。 中問 也 崑 耳 一崙發 典 今 又 後 又 石 學 Ш 因 把 者 試 藥 卷 其 將 南 於 李 源 近

之處。

心

也。

歸

里

日

其

僅 韓 經 書 所 偏。 史攷訂 此 著 不 以 予方與 執 詩 此 黄 爲 話 則 以以 家 粤士告焉。 圃 所持 南 於士習人心 流 厚其 後 山往復論 其 派 論皆 詩 根 而 柢 己。 大 正,故 士生 醇 皆 詩, 而後其詞不囿 0 又 於南 重有賴焉, 此 詩 因 又得 日,宜博 必 [見香 精 山之歸, 見香 研杜 石 於 精 石 贵

刊

此

Ш

+

餘

交歎

南

磵

初 齋集外文卷第一

大 興 翁 方 JE. Ξ

涯

論

戊午十

可 弗 BIE 以 田 尽移竹 詩 陵 矣。 集同 論 居近 如是其締文字之緣於西涯者,則曷 之品 惟 泉 西 齋 邵 ௱ 夫西涯之相業,有 詩 作 涯 以 詩 西 畫卷》, 也,日 西 泉 涯之詩,則 明之真 因 涯 藏 耳。 [畫《西 西 生日,又爲之圖。 · -又貌 涯《 詩 蓋 空 涯圖》, 竟 種 同 曷 西 則 竹 陵 出 可 涯之像, 史 何 之所 天 以 法 以 又於 卷》, 下無真 弗 在 處 見 論 夫 則 吾與 西 ൬ 又 如 徐 弗 可 梧 涯 此 論 甲甲 梧 鍾 故

> 詩乎? 哉? 陳白 似 不聞 口。 於 若 北 州、香山 公安、竟陵 真之是求 且 穀、高子業矣? 語 空同 加 唐、宋、元 詩 徐猶未真者。 地升降之間 當時 以真詩 曰「真詩 沙 何者? 果其 則 處 圃 言 宋之眉 且二泉若果 論 产,此 也,則必沈 必真之 後 明人 爲 西涯詩者,●至擬唐之 目 爲 明無· 諸 惟邵二 真詩也。彼鍾竟陵者, 公安、竟陵之徒所深 西 ,爲文章氣運之所 真矣。更無 家 真詩,莫西 山,元之道園, 涯 是 真 徐 得之矣, 蓋蓋 水乎? 詩 猶 真 泉也」,嘻,二泉果 石田 以 也。 未真 西涯之詩究有 詩,二泉詩 徐、 而後爲真 而獨於 涯若矣。 有人起而 無 必真之是求, 加 真 而 詩 況 繋 於 少陵、隨 明 邵 誰 而 避 西 則 乎? 則 自 則 指 則 必 而 論 居 真 必

原 脱,今據稿本

陶、韋 敢 然視 少陵、隨 物乎? 而 二泉者 言詩矣。 有 知 夫不 也 西 空 一,蓋 「,慮 涯 同 別州、香 真詩 專言 在 然 不 爲 人 ·肯 以 即借此以論 前 真 者何 疑 引,則猶 空同、 Щ 專言氣 氣 (詩矣。 其 一、眉 格 境 沂 見 乎? 於 大復之流, Ш 而又不 格 伯 性 道 空 西涯 敬 情 而 同 園 西 不 焉。 耳。 ,奚不可 亦不肯僅 僅言真, 乎? 涯 舉 之詩 號 西 梧 夫 稱學杜 吾 門 詩 涯 也 則 言 詩 所 其 者 而 ? 宗 口 真 不 果 何 舉

既

近

也

歐 論辛酉 九 月二十 H

見 乎? 求 日 褚 右 也 彻 唐世 軍 然吾求之虞, 求之褚,則《孟 미 蓋 書於 以 絶 亦 兼 無 唐 可 歐、 右 ,或虞、歐、褚三家 以 軍 則《廟堂》 兼 褚 Œ 法 歐 也 書。 師 虞 **>** 歐 吁, 雖 雖 也 9 見, 可 其 竇 時 貌 而 而 兼 尚 猶 有 哉 辇 未 之

> 見 也。 求 諸 歐 了,其惟 化 度》乎

窄。 己。 亦然 泉》求虞 矩方圓之至,仍於《醴泉》求合《化度》 不敢以《醴 褚者終非褚也。 而 吾 書此以 醴泉》「蹈」、「靈」、「歐」之 抑 語 語 而《化度》「疏」字,渾忘 則《化度》超然更上,何疑乎? 則豈 人曰「吾學褚」,是耶 猶 、褚 亦 泉》定虞與褚也 敢 未 正吾昔品《醴泉》前 有 可乎? 於《 到 言 耳。 日 醴 往者 泉 嗣 即 **>** 其 求 《蘭亭》者,《 王 以「口」字 良 近 右 。 上 下 削 虞 常 軍。 非 類, 者 勢 近虞、 耶 學 終 ? 亶 古今、規 結 П 醴 非 於 醴 吾 構 皆 後 泉 内 削 竟 近 而

與 蔣 畬 論 蔣 仲和 隸 通

序。 弟 承 示 喜 仲 和 論 所 此 輯 事 ^ 況 隸 仲 通 和 之 欲 殷 俾 殷 弟 於弟 爲 之

之所 取 洪 和 勿 不 敢 説文》之足 欺 其 爲 許 氏 以 書 爲 所 難 而 其 尤 悉 不 撰 讀 己 言 可 诵 ^ 可 之, 五. 者 續 感 也 憑 如 H 六書之學 隸甚 急就 則 此 也 冗 重 鄙 碌 以 隸則 於 意 章 弟 , 篆。 ×, 未 大 頗 於 篆 暇 弟 精 君 不 朋 開 嘗 密 深 子 如 何 友 之 箋 莫 者 於 此 看 閒 注 如 ? 隸 并 至 惟 之矣, 洪氏 篆 贵 恃 欲 今 而 猶 今 去 H 敢 寸 仲 未 有 H 總 辭 丽

晉、六 從 其 嘗 説 有 道 口 則 出 所 杰 通 有 歸 : 以 可 請 朝 如 而 某 通 約 通 是 下 以 E 説 ? 丽 則 及 下 從 則 心 言 吾 此 真 諸 必 比 碑 明 之。 弗 不 通 家 F 比 其 任 矣。 嫌 皆 之 原 所 居 其 於過 論 六 是 以 今 從 辨 功 書之旨 也 通 H 洪 其 與 嚴 吾 而 然 者 過 不 日 嘗 言 漢 可 心 也 而 日 列 隸 中 辨 人 通 巳 從 其 之 核 亦 者 其 至 大 通 字 於 有不 又 明 曷 所 其

> 緩 書 大 免此 書立 概 册 而 通 俟之。 不 去 删 屢 本并 其 失,今豈 可 見 索其 原 則 瑕 也 菁 出 仲 達,拾: 疵 處 後 稿 往者 和 矣。 口 生 而 通 而 復蹈 未寄 小子 其 嘉 顧 陳 餘 興 南 陳 其 必不 來 滓 得 曹 原 相 轍 以 六 苦 不 因 此 以 起 圃 待 心 事 此 況 而 纂 撰 斯 識 爲 不 又盡 議 ^ 者 道 而 易 隸 之, 芥 目 m 而 通》 蒂 本 竟 之 知 尚 而 須 其 不 E

與程瑶田論方君任隸八分辨

隸 曉 前 小 篆 分 隸 有 隸 而 而 與 錢 伏 無 言 唐 承 言 定 分 厲 見 則 則 名 之 樊 示 漢 晉 義 以 榭 也 人八 唐 方 也 序 八 鍾 君 分即 分可 Ŧ 蓋 任 隸 以 者 爲 謂 隸 謂 是 下 之 通 之隸 書 Œ 分 隸 詞 楷 辨 也 而 又 對 **>** 固 謂 隸 漢 對 未

分隸也 名 而 口 日 無 概 [隸,而 波 目 勢, 爲 及其爲正 八 何可 此 分 古隸。 也 以 譏 一楷書, 篆之初 歐歐 及其 、洪哉? 則楷隸 爲 變隸 漢 人八 也 也。 有有 横 可 則

也。 拜 間 矣。 是。 固矣。 文》解「八」字「分」字之旨詳之、則思過 誰曾以 自不待辨者。 右生波,如「人」字之分布者也。 哉 篆有漢篆、秦篆,隸有漢 ? 所謂 厲 厲序又專主 文字,古今之公言,僕 序亦非能擇言 尺度之哉? 八分云者,言字勢左 幸此 割篆二分者,大略之詞 書弗刊布以 今執其 割 篆二分之説,此 二而 而出者,更所 貽 分區别術,失之 後學之蔽。可 、隸、唐 何所 試 耳, 私 以《 隸,此 不 於 試 尤 其 半 説 間 非

> 待他人所可比耶。 謂 間泛常之交也,每遇一 人序,則愚序可 之亦可,不必 之,以愚意 作序。此詠 可比,不可涉一字華飾 二語,愚凡論文皆然,而況於我二人,尤非 「論交無假之中,見吾心不欺之學」。 賢 友示 原 史 我 口 即 詩 新 以不作。 刻 不必 昨 刻《詠 也。 歲 作 也。 事,必真切言之,所 已於夏韻亭几 史》七律 既刻 也。 蓋愚之序非 愚與吾賢非 矣,已有 既 作矣, 部, 穀 吴 則 F 欲 此 外 穀 爲

詩 史局 論其 作史則不得已,不能曲爲 前 詞 頗爲論者所不許,後來更何庸踐其迹 古人已往 之工與 偶作詩以 誰 否矣。 無 論 應譽、應指之處? 之, 唐人 則不必矣。 諱 矣。 胡 曾 若非 有《 詠 身當 且 中 勿

矣,愈 賢 學從來 邪 其 以 也。 言之,又與 有 詠 應之。 ? (空,必 學問真 進 取 口 能 史詩》序,於理 藻飾。 若在 境, 不知 知 凝精工 今吾 不爲 愚 如後 加 (境耳 我 他 我二人 意者,況於我二人之心 介鄧 則 賢之作 再 乎? 如 史題、 所 生傳安言之。 序之,則更真 一首方不空。 行前 指 雖心 所作尊詩序,前 則 愚於作文,必取其真切, 摘愈甚矣。 不當作 史論之作,當 豊 則 實 可 較 不 平 胡曾 ·期欲 願 ? 切 然尚 作, 此錢公、鄧 之作 矣。 所 凡 子 與 以 亦 望 隨 知心, 首 吾 之 錢 必 所 愚 更 事 辛 知 以 賢 尚 於 精 隨 我 更 嫌 生 楣 文 時 此 而 I

甲

生

序, 事 類 而兒 賦》看 詠史詩》 輩已把愛登於架矣。 耳 水 既 已 裝 潢, 蓋 愚 渠 欲 雖 作 不

其

翰

四

六

林 院 編脩蔣公墓 銘

院、紹 官,順 士。 榮,父堅,母鍾氏。 館、武英殿、方略 浙之長興遷江 級,敕 一號清 林前 百里,見者感涕。 居 戌考授内閣 公姓 鄱 朝考、館 天鄉 興蕺 陽,歸 後 容, 授 蔣 承 試 Щ 氏 + 德 書院 同考試官,記名以 葬父 試皆第 晚號 中書,丁 年, 西 郎, 諱 館、《續文獻通考》館纂 鉛 於鉛 公以 定 中間 + 例晉奉政 甲戌 Ц, 掌杭 甫 銓 乾隆 Ц, 丑成進 始姓 再 試 字心餘,一 授編脩, 其 掌揚 州 隻 禮 先 丁卯舉於鄉 蔣氏。 崇 大夫。 身 部 士 爲錢 御史用 州安 風 文 報罷 一,改 書院。● 充 雪 氏 公在 焦 定 字 或 中 祖 吉 中 苕 走 加 脩 承

崇文」 號 清 容 原脱 原脱, 今據稿本補。 今據稿本補

674

己。 以 媚寄番禺, 得薦,泣數行下,公立言於舉者,以 也。 致 知 有駱秀才者,攜家人粤爲估客,卒,孤 保舉者。 六櫬無 護之歸。 歸。 適 有 其磊 公一夜草十三牘, 友 以 落 母 氣 年 節 其人代 + 此

志。 獨 嘉 書, 画而 或變爲雜處 朽矣,尤喜發微闡幽, 杜法者,或又無其靈氣。 X E 興 能兼之。 ,效江西詩派,執定山谷爲初祖 後,學太白、常尉者,固遜其充實。 朱氏父子暨陸聚緱輩 蓋公之生平至性至行,核 或 朝 吾獨仿昔賢志杜子美、樊紹 詩 歌 人,若 蓋其天骨與 曲 浦 一以 州 有裨人倫 吴天 表古今人名節。● 格力相 以 先生之詩可 章 博 諸 以 贍 史 風 屬 仙 稱 法 化 述 先生 才稱 以 自 爲 不 間 例 勝 職 唐 而

公生於雍正三年十月二十八日,卒於

幼。 乾 廉 配 ,選拔貢生; 張 隆 知永,早殤; 孫男 氏,封安人,例晉 五 十年二月 七。 知 知白、知重、知簡、知約 節, $\bar{+}$ 舉人; 四 宜 日_, 人。 知讓 年 子男人: + 欽 賜 皆 舉 知

偶寄。 藝。 此石此銘 七子七孫 銘曰: 磊磊之氣軒天 庶 勃 無 淋 媿 繼公志, 漓今古 事 有園 地, 人 倫 六十 畝 日 文百 用 年 非 來 蹤

蔣度臣墓志

亥探 文,長以詩名,而 H 進 花,官 進 一,字度 官 兵 科 林 給 性 院 金 事中。 至孝,篤於兄弟 壇 侍 讀 兄諱 父 退 鳴 卷 超, 玉 九 歳 順 崇 能 治 慷 詩

- 「表」下,稿本有「揚」字。
- 「核」,原作「刻」。今據稿本改

六四九

與較。 重 尚 懦,訟之官,官以賄,左之。宗子恚, 客歙、歙有土豪、奪其宗子祠田、宗子貧 金作 反 友,問何以 義如此 而置豪於法。 日 吾生平有快 百 予聞之,立言之郡守,却其賄,爲 餘 封,貯之篋,奚 交遊 卒歲,視 最 是時退庵甫弱冠,而 事 愛 所 高 處多寡周之。 節 童負之, 徧 歲 義 暮 烈 遊 魁 歸 奇之士 出 卓 又 平 敢 儒

人口。 泣 起,乃於佛前劃臂,祈以身代。 病 雖 急扶 m 幾危 逆旅 死 事兄如父,凡訓誡之言,以 既 危 孤 而 刺 而 舟,未嘗不三復自警。 爲 復甦者 指 己 遊 血 任,思有所建立,卒不遇。 京師,數年不歸,交益廣, 寫 再,伏地七日夜,勺水 佛 經, 寫罷 即 母孫 既卒,惟 錦 愈。 囊佩 後 宜 不

暗中有人挈之上。上見月明如晝,左右皆癸酉冬十一月,夢登樓,梯半,力竭,

廩生。 + 體詩四 懺 團隨宜人去。 寤, 意忽忽不 佛像 右 有《勞人草》、《此山 日 五載爲 兒 卷。 以 詩 ,以廩生遊太學,得 何 語,云: 手招 五 乃 爲 孫 一卷,輯經文百家事 章。 娶李氏,子三:岱生、嵩生、漸 孫一,尚幼,名麒。 拜 來 宜 郎。」默思曰:我未 曰: 其右, ①禱 此 退 「萬事在心。」羅 素 庵生於 衣 彼 佛 挾 粥 中詩 前 蒲 未 竟, 年 順 飯 兩 專 餘》各 治 僧 羅 四十有 類,名《墨農》,數 立 己丑二月廿 爲 忽 耳 漢 漢 懌, 見之, 侍 郎 乃 一人答 一卷,古 何足 命撿 五。 作佛 ,拜其左, 也。 前 所 復 自 箸 自 汝 蒲

[「]右」字、稿本均作「左」。「拜其左」至「乃拜其右」、「左」字、稿本作「右」、

謝元誠墓志

君道益 之道 申予 省 信 秋,予奉 至。 宇 親 範。 觀 假乞 奉 昔 啟昆 歲 腴 政, 命 命)歸, 神神 壬 辛 視學粤東,道出 典 而 以 辰 Ė 而 明 江 予 書泣告,俾志君 以 子 君 南 彌 益 後, 獲 次 茂。 省 知 啟昆守潤、守揚 備 試 子 君 聞 出闡 啟 圃 之貽 君之行 子 昆 南康,而 北 官 墓 訓 庶 歸 晤 狀 也。 誼 後 啟 吉 獲 土 及 聞 去 君 承 君 聞 年 來 君 甲 以

於族 君 先 飲 康 少 縣 # 畝 IF. 傳 受封 賓。 績學能 君 君 諱 積儉 志 七世 於 而 元 於教子。 文 謝 誠 而 牛 而 補 又諱 因 裒之至千畝, 精 至 一氏焉。 增廣生,貢太學,晚 力尤在 君 其所受先人遺 恩 父 薦,去浮,其 希安,靖 明 爲善 成 皆 化間始 於 以 安 鄉 贍 産 訓 字 宗 將 敦 充 家 導。 也 睦 鄉 南

孔

長

哉

此急乎 居恂 前。 江 政之清, 竹 而 故 遺 貧 適 伙之, 產 東 也。 黔 杖 諸 ,翛然如 恂 中 分 君 ? 謙 教 給 謝 某 其 君 爲學 爲君 退, 啟 居 伯 次 者 \$ 放 昆 兄 兄 運 揚 雲 昆 歲 稱 之淳 必於南康門第始矣。君之 子。 日 州 無 官 德。 鶴 時 即 廨 子 銅 寄 捐 與 伯兄之子 燕壽,虚 也 氣 艘 泉 鄉 凡 廉 以 放啟 恬 被 其 貸 石 人 子 而 溺 間 爲 爲 其 昆 啟 韻 真 行 人。 文也 乏資 將 勖 獨 遠 故其 率 多 爲 嗣 子 會 此 僚屬皆 君 無 諸 若盍 他 類 稱 時 子 以 出 而 鞋 聞 敍 爲 貸 自 嗣 里

男三人: 娶王 於乾 八庚辰 授 氏 隆 君 朝 生 四 議大夫,江南揚州 進 啟 於康 以 + 展,郡 士 次 DU 子 熙五 年 日 啟昆貴 學 i 講 十一年六月 生 月 起 -+ 居注官,翰 啟昆 贈 府 H 並 ,乾隆 知 如 + 年 府 其 六 四 林 官。 己 一八。 日 啟 卯 駆 子 卒

曾孫男四人,曾孫女二人。 廩貢生。 女三人。 孫男六人,孫女二人。

子 湛 真 行 也 江 與 水 銘 か兮 文 日 寫 也 肅 君 吾銘 肅 之神 庭 階兮,繪君 何 也。 足 以 顥 傳 氣 兮, 恃知君 之 澄空 勤 也 ; 之 君 湛

許扶岡墓志

長 沐 裏 之 埏。 道 膏 長 宇。 行 沃 忧 化 厚 昔 者 重 成 與 詩 以 願 而 以 今天子錫綏 之 作 弗 庶 無 聖教 南 歌《 美 敢 僚 不浸昌 極 ,則下之受祉者多 之壽考必合言之。 逸 庶 棫 珠 覃 急息。 士 樸》、賡《旱 斗 敷, 浸熾 之 福 日 其所以 沕穆 攸 之極 氣 胥 直 慢衍 一光被 懿 麓 遊 致 照 於 祥 日 化 凡 於 於 蓋 而 而 在 九 福 時 大 H 助 上 霑 化 舒 圍 凜

> 慶 許 戩 筵 氏 穀 一,有 者 一門之積厚 以 所 闡 由 斯 來 義 深 驗之,而今於扶 也 遠 矣 1 方 綱 岡 嘗 太 於 翁 瓊 之 州

學。 矣。 皆以 諸 先 秉 鸒 以 俾 司 選 授 生 德 序 成 鐸 拔 潮 疏 體 之職 言爲 墓 證 者 庠 其 信 貢 陽 比 許 今復爲君 方 綱 生 方 非 積 學 塾 氏 而 領節 將 綱 按 侑 祐 達 司 孝 之際,鏗 一人,其淑 司 蓰過之。 其 者 觴之藉。 訓 試 于役之 弟 順 捧 訓 目 闡 志 於瓊 也。 力 所 檄 翁 述 後七 墓 H 無 源 以引申 而 鐘 真 明 郡 前 而 詩書禮樂、教子若孫、 己植 歸, 一鼓 學 年, 年 夫孝友睦 , 前 始 二年予表君 今其嗣 則 而 行 曹 舞 賢 得 本 而延慶也。 而 而 式尊 聞 交 綵 氏 讀《尚書 者 其 太 諸 勵 於二人之前 躬 條 長 翁 君 非 蠷 州 津 婣之實,所 Ш 行 以 純 孫 邑宰牧 涑 實 父□ 族。 其率 甫 敦 津 優 水 踐 共 又 之 於 噟 道

間,可以妥精靈而傳百世矣!

子男 乾 隆 育淳。 四 79 生 + 於 四]淳,優 女三。 雍 年 正二年十二月二十 E 貢生,含淳、體 月十九日。 孫男二,女三。 配 崔 淳 白 安人。 1,卒於 庠

家居 與 閻 也。 平 銘 , 仕 E 與 無 潛 負 也。 貞 、符乎, 括近代諸 勤與廉也。 儒 平 施 惠 政

顔懋企墓志

華。 温 四 日 文林郎,四氏學教授。 惠 月廿八 考功 年四十二。 子崇槼,舉人,四氏學教授 姓 極雅 郎 顔 日,卒於乾隆十七年十 中光 氏 0 敏 諱 娶朱氏、 懋 乾隆十 孫,行人肇 企, 生於康熙五 字 三年恩貢太學, 幼 趙氏, 維 民 又 並 二月 + 孝友 廿 年

> 言 思寝 種。 崇槼乞予爲文,表於墓道,質直 卒,年三十八。 得 詩文著,而君尤以博學强記聞於時。 所 皆有著述。 如己出。 孝之門, 攷》、《端石攷》、《古印攷》等,凡筆記 卷、《詩格》一卷。圖繪《名家考》,又《隃 氏史傳》二卷、《覆瓿集》 愈, 稱三 以暨金 合葬於考功公之墓東。 西郛居士,其自號也。 君於學無 然孺 劇甚,朱孺 顔公也。 自君曾祖 趙 石 君之諸父以 孺 終不自言。 圖 所 時崇槼甫 人後君廿三年卒, 譜 及君之世,兄弟四 不 人封臂肉 孝靖 藝 窺,自 能 先 文章名天下者, 無 一卷,《 經 八歲,趙 孺 生 所 爲羹以進 史四 曲阜 又後六年, 至 不 人先 精。 君 西 無諛辭, 部部 郛 凡 顔 年 君 人並 百家 孺 君 氏, 著《 四 四 五 君 世 顔 遂 麋 世 愐

此句疑有缺字。

六五三

可以久。

黄忠恪公傳

率 護 年 寇 甲、 七 獨 環 海 以 俠 也 定 所 九 帝 勢 萬 率先 攻六 數 軍 部 月 遠 嘉 孤 四 萬 當 生 黄 械 海 乃 載 鼎 大 奪 也 干 歸 而 忠 人 嚮 島 數 將 鳥 殺 丕 餘 誠 革 岐 保 恪 百 義 明 沿 績 納 嶷 龍 初 石, 軍 公 海 萬 傷 喉 者 海 諱 江 和 特 澄 八 倜 火藥 土 踵 皆賊 土 羅 碩 迎王 梧 賊 閩 爣 封 地 卒 至 簡 恃 星 海 DЦ 雲擾,海氛 海 有 字 以 盤 親 自 塔 師 以 澄 + 滑 大 君 踞,三 萬 府 王 公倡 鎮 出 公。 節 南 宣 計 通 庫 古 撫 萬 没 據 饒 南 漳 之。 Ш 不能 Ш 時 焉 斤 縱 獻 Ш 北 方 智 之 貝 道 順 倉 横 熾 戰 勇 Ψ. 子 世 自 O 梗。 米 下 治 艦 福 是 喜 + 祖 \pm 面 公 以 和 島 皆 音 礮 師 任 時

安侯 將 進 閩 昌 順 招 子 爲 益 將 復 喇 玉 五 五 陳 太 萬 募習 百 降 閩 軍 施 闡 塔 浙 陳 標 保,錫賚 人 粤 周 達 總 遂 餘 僞 公琅 安 還 蟒、林 昇、 璋 貂 餘 瑞 公素 小軍 疏 號 卷 邊 鎮 督 京 伯 等 裘 害。 請 李公率泰、固 等 師 許 土 黄 悉 躬 明等 賊 賊 大 有旨, 貞 歸 攻 大 廷 移 有 屢 冒 有驍將 蒐 公遣使 大 馬 厦 附 破 駐 出 何 加 陳 矢 創 三島。 Ti. 門, 雕 四 賊 江 選 奇 政、李思忠、 賊 輝 弓。 石 萬 年 西 於雲霄 精 康 勢 破 敗 復捐 蔡 餘 示 斬 周 同 鋭 熙二年,公令諜 賊。 愈 浪 Ш 河 人,收 禄 聖 以 全斌 獲 固 整。 額 七千人, 前 造戰 南等省 五 威 衵 郭 最 港,梟 Ш 真郎 進 + 年 信, 其樓 義 多 爲 額 七年, 顔 事 船一百 . 皇 擒 統 直 公賽, 禄、 V. 聞 據 統 帝 分 僞 安 船 斬 標 賜 圖 勛、 銅 領 晉 義 與 伯 命 插 隸 戰 僞 山 黄 閩 大 歸 麾 艦 林 太 水 張 副 袍 同

忠必 卒伍 策 屯 遁 預 殆不 甚 滇 以 或 捕 召 賊 至 芳 漳 籌 助第 部 平 策其必 黔 弭 勦或撫, 六年十一 叛、閩 言 度曰:「守城拒 其 通 可 前 茶 謹 不 屹 爲,恨 海 公 變。」亡何, 准 弛 訖 然 仔 烽 聞 寇 痍 詔 反 耿 而食裕 畬 堠 晉一等公,世襲十二次。 海 瘤 紓 連 月 ,則漳危 未 變大怒,投 優卹 精忠陰蓄異志。 ,呼公長 潰 不 邦 朝 賊 破 也。 復 遂 能 間有伏莽未靖,遣標員 鎖 廷 厦 擒 一南 精 捐 鑰 公由是開 門、金門等島, 軍 遣官諭 賊, 薨 其魁余角、楊古姐等。 矣! 忠果 飹 軀 子芳度 焉。 顧憂,十餘年間寇 費 以死繼之。 不 袂 報 以 軍 據 易,公令部 起 或 康 紓。 祭二壇 収 中 閩 熙十三年, 宜 府 泣曰 ·皆感 公時 癰迸 脱 叛, 漳州 密 諸島 口 疏 傳 餘 孺子 裂。 患癰 測。 賜 泣 「吾病 悉平 朝廷 僞 時 孼 金 益 曲 檄 疾 賴 觔 簡 康 及 急

> , 加贈太保, 溢忠恪。 。

之,沙 祭葬。 應元 常寺 人。 祖父 子三 公琅 封忠 咽 必 太夫 至 鄧夫人、繼配王夫人、趙夫人,俱封一品 玉 鉤 獅 不 躬親不 爲 少少 (),俱 公始 勇 黨, 己。 人年逾耄,朝夕視膳惟 、許公貞 金鎖,至公而 Ш 趙夫人 用,故所 公治兵 壅成 卿 子三 半嶺,會大風 贈 藉以 3 次芳聲, 廕授員 待二兄怡 居 假 墳 如 三芳祐、幼殉節。 康熙 侍婢。 嚴 新安里,隱不仕。 り則 ,皆爲世名臣 舉火者數百家。 山 長芳度,嗣爵,守 公爵,妣皆 m 有 -石 有 大顯,故 功。 怡 四 獅 恩 痛贈公早背, 雨 年城 和敬,分俸賜以贍 鈴 ,衆奔避。 與 處 外 任 士 破 品夫人。 至今傳 郎, 也 謹,下堂扶掖 使 卒 殉 性 初,公七世 公之曾祖 葬之日 屬 城 節 孝 同 殉 形 每祭, 節 殉 將 甘 既 友 家 黄 賜 節 靐 目 贈 同 元 爲 太 配 族 鳴 施

祥獅鈴云。

黄忠襄公傳

并二子 百 賊 自 建 漳 兄 勤 階資 里 師 子也 漳 中 勞, 據 王 \equiv 公一 、公所 突 路 在 年, 小 退 聞 公代 深 漳 死 圍 總 保 屯惠 城陷 耿 被 議 焉 兵 被 至 幼 忠 鼓 向 逆 恩 大 、覲,授 官, 粤,遂會 讀 韋 襄 州。 拔之。 披 連 夫。 遇 公進 忠 書 公諱 海 靡,道出 提 援 勇 凡行 絶。 師 寇爲 補 出 未 無 王 芳世, 一等侍 師 由 郡 人 倍道至 幾 闔 口 章 聖祖 前 粤人援。 亂 庠 禁 粤 援 門 永定,賊 遊 進。 生。 衛 廷 亦告變,公蹤 字 銄 殉 七閩 燕 + 梅 周 難,公母 必 運 皇帝授公 時 忠 壠 二載, 相繼 擢 復 乘 汀 適 弟芳 險 州 治 忠 距 城 陷, 等 及 將 遠 漳 康 兵 恪 弟 激 泰 福 忠 巸 心 侍 於

> 間 賊 時 御 馳 兩。 金二 褥 瓏 朝 時 下 州 爵 孤 兼轄 之, ·兵馬 狀及 漳 驛 鞍 撒 衣 差家人進 黨 無 ,晉太子 危 莅 瀕行, 干 韉 袋、 貂 , 計 一 虚 間 賊 閩。 月, 帽 或 兩。 寇盜 汀、 道 雕 賜 中 有 舉 又賜 御 弓 内緞鞾韈, 歸 太保, 賜 戴 京請 邵 事宜 言 在 太皇 撲 充斥, 馬 金 朝 玄 雙 軍 公 滅 御 鏃、 M 眼 賜 安,賜宴,賜 從 中 備 太 提 服 匹 帽 公日 孔 王令十三桿 上 陳 雕 逆 后 0 織 督 上 一爲垂 雀 又賜 城 者 翎 陛解 賜 金 福 時 夜簡 頂、 翎 破 箭 蟒 宴, 建 加 一涕 家 E 金 袍、 玄 水 眷 如 練 復 鍍 五 獨 睗 盔 命襲 外 師 狐 念 - ',得 金 深 土 御 賜 甲 爪 白 流 袍 一、寶 藩 卒 宴, 刀、 蟒 信 用 馳 金 提 駐 海 離 鞍馬 王 袍 不 賜 賜 黄 石 澄 劄 閩 招 服 千 坐 玪 漳 幽

澄 十七七 年 四 -二月, H, 鎮 守 賊 總 攻 兵 陷 黄 石 藍 碼, 飛書告急, 復 進 草 海

官

海

逆

賊

蔡

斬

賊

暮、收 即即 夾擊, 溺 將 屯 朱 敵 市 遣 連 寅 Ш 撃 賊 公復 滿 觀 志 īE. 者 水 Ш 頭 敗之, 公親 軍。 僅 日 分 獲 距 麟、本 漢 音 藍 死 僞 Щi 赴 踞 餘 軍 仍 漳 遇 官兵 旗 率 者 陳。 山 稱 援。 蜈 數 二十七日 城二十里許 冒 統 以 械 一夸蘭 滿 不 遂 朱三太子, 蚁、 標前營參將 百 戰 矢 滿 領 計 公麾 抵 明日,公自 漢 解 遇 騎 漢官 石 劉 船 天寶 大等 其 山 兵 海 賊 遁 甚 督 或 、數。 下, 軍 攻 澄 於 歸 早,遣 夥。 戰 兵 軒 市 將 之 擊 石 僞 彎 石 聚衆 分三 C 等 滿 追至下滸 之, 賊 結 碼 圍 碼。 鎮 與 腰 吕 絶 栅 大 兵, 寒於 栅 人問 副 孝 西 陳 樹 路 數 萬 垂 敗之, 斬 天子 德 溪 都 督 石 福 萬 破, 大 餘 翼 連 天 道 來 碼 統 等 等 標 敗, 堡, 擊 而 下 寶 潼 賊 以 孟 將 中 進 苗 Ш 詔 # 獲 陣 萬 緑 與 頭 擒 列 軍 疾矣。 閩 其 等 道 請 插 也 或 衝 軍 兵 楊 賊 數 市 悉 恩 栅。 民 投 軍 四 飭 寧 T 守 與 將

安

等

餘

X

斬

及

賊

退

旗

兵

副

將

即

裦美。

援

無

算 迎

陣 至

祖

藍

軍

H

餘黨悉平。 馳擊,斬 李榮等 路 有 自 誠 等 衆 還 海 猶 賊 薄 下 於是 官員 或有勸之休 司 戀 直 賊 + 漳 拒 澄 接壘, 順 日 漳 雪 + 陳 、勦之。 并留 加 亂 擣 敵 四 派兵 等 城 家 引 復擊 意 順 蔡 人 、公出奇 以 + 厚 以 撫 仇 兵 殺 攻 七 寅老營,賊 勢 來, 生 力 給 閨 兵守祖 數 敗 綏 勤 屯 張 人, 擒 戰, 息者, 俸 傷 疊 叛 F 二月 叛 海 甚。 無 僞 兵 飹 賊 賊 j 賊吴淑 遭 賊 澄 疾 寧 徭 軍 兵 夾擊之,斬僞 來 Щ 衆 蹂 朔 公乃 益 以 則 晷 未 薄 師 祖 無數 大潰,追斬僞 頭 四 援,公奮 日 躪 劇。 示 滅 賦 張 抵 Ш 於 鼠。 公遂 使 招 俊 m 漳 頭 天 天 遂 徠。 遺 自 總 吾 寅走 民 宵 成 明 紓 以 疏 積 欲 摅 勇 奪 以 兵 更 日 後 元 身 請 又 F 水 大 天 提 精 黄 死 塘 陸 將 寶 藍 安 爲 報 成 分 呼 督 騎

軍。 乞簡 壇 臣 L 悼 御賜 賢 焉 子 能 纔 碑文。 加 任 九 贈 提 歲 少 督 保 請 水 以 謚 師 從 忠 重 弟 襄。 寄 芳 遣 泰 遂 官 薨 襲 於 諭 公

効。 兄,早卒,以公貴 有條 緜 夫人張氏, 誥 人,城破,自 均苦樂, 嗣 拜 次。 及薨,朝 公人備宿衛,出 他 雨不 任使皆 喇 經死 布 野惜 張蓋,勞不 封 勒 盡 (,贈如 一品夫人。 贈 哈 之! 其 番, 典 力 品品 海 公爵。 考諱 坐輿,是 早卒, 夫 能 疆 整 在 桓 子 軍 理 以 遣官諭 溥、 母 忠 以 中 從 戎旅 汪 恪 人 與 博, 子 太 思 士 公 應 夫 伯 自 俱 卒 各

黄襄慤公傳

恪 從 太 子。 子 太 質 保 性 襄 醇 慤 篤 公 少少 諱 芳 治 舉 子 字 業 和 諸 亦

> 者。 生 乃 栅 出 謂 公傾 疾驅、未至 男兒 退次惠 諸 揮 殺 至粤, 貲 習 將 死 僞 戈 募 韜 疆 鎮 直 州 兵 略 場,此 漳 孰 與 黄 前 愐 忠 爲 鼎 佐 精 皆 城陷,公父母妻子皆 我出 襄 臣等 忠 技 其 望 遇 勇 勇 時 風 十餘 請 王 騎 矣 遂會師 辟 援 守 射 易, 人, 者 城 乃 ? 賊 無 來 所 躍 之 洎 公 過 敢 援 馬 量 寇 攖 Ш 奮 潰 遇 急 漳 倍 其 寇 韋 日 也 道 鋒 寨 馳 E

縣。 數。 公 慶 計 或 依 老 脱 軒 公至粤, 又拒 鴉、 公以 當是時 圖 猖 忠 寧 獗 襄 間 江 逆 忠 定 惠 使 Ш 將 義 粤 承 幽 間 會 潮 賊 激 變並 制授 省。 馬 諸 疫 道 勵 雄 破 郡、索 於肇 作, 歸 將 作, 福 瘴 叛 朝, 士 建 嶺 軍 將 所 · 慶, 右 鑾 公兄弟 獨 軍 無 謝 在 路 煙 提 得 以 闊 見 盗 總 孤 兵 不 糧 扶 崎 起 兵 旅 急 迎 潰 嵋 將 復 瀕 播 海 順 復 危 徙 寇 軍 勦 者 肇 以 劉

忠貞 爵 京 海 賊 視 拜 疏 等公佟舅舅賜茶彰儀門, 請 寇 他 於 管 L 次。」及 事 一,共圖 喇 忠襄公子溥、不許。 所屬官兵, 總 人覲,命文武大臣官員 重申 收復平 兵官。 布 黄 粤平, 勒 號令, 「滅賊。 哈番令溥承襲, 和 會忠襄公卒,上命公襲 效 奉 與 、漳平諸 壁壘一新。 依忠襄故事。 力 命 拜 行 他 m 還 間 授 閳 喇 縣。 有旨以所給 都 布 家 佐 督 勒 公乃起, 出郊迎接 屬 温 三閲 忠襄 康 旨 愈事、 江 哈 盡 公兩 熙 慰 月, 皆 公公治 + 殉 就 世 淮 疏 屢 難 年 賜 勦 職 龒 讓 南 龒 遣

時 漳 効 爲 ,吴淑 公以 總 等 兵 或 陳 來 恩 、愷會 歸 日 督 未 不 臣 報 同 臣 敢 姚 叛 吴 仰 投 啟 賊 淑 體 順 聖 未 謀 朝 等 滅 廷 獻 竊 以 招 漳 臣 臣 上 城, 徠 未 疏 德意 後 離 日 請 帶 潼 在 自

宴

禁中。

之舉。 之日。 忌於臣 能 共 之慘,即 月 以 泣,不得不瀝陳於君父之前者 弟報効之志,是臣 靖,聖主宵旰不遑之時,正 今臣年三十有三,齒已 弟之矢志不貳。 臣之去留 戴 進 私 仰答高厚,下又不 加 京 廢 撫 臣雖蒙恩保全,而逆賊 且賊 公。 慰 而 若使縻禄養安,銷磨 一心報 旧明矣。 不 今已十 首 若 敢 臣 劉 自 吴 來? 國,亦無 竊計 或 淑 臣 忠 閲 果 軒 月 孝 能 是賊 月, 全家 與臣 能 歷 離 及壯 兩 繼 革 漳 行 如 未 虧 成臣 之 殉 並 心 微 間 臣 間 節, 順 四 歲月, 無 效 也 叔 臣 叔 淑 所 當 未 逆, 私讐, 月 順 等有 、臣 竭 以 此 無 殄, 至汀 嘗 臣 上既 力 非 臣 朝 海 如 兄、 誼 圖 疆 臣 亦 投 安 F 敢 不 不 臣 家 於 誠

兵 ,侵踞海澄各處水汛 攻 勦, 口 日, 以 復密陳 蹙 賊 勢也 滅 賊 機宜 近 逆 復 賊 上 以 事 自 Ē 厦 陳洲, 島 巢

此 將 撫。 呕 尅 日 緩 + 相 成 失 處 領 當 非 期 萬 持 師 江 彼, 若 以爲 分 期 取 東 策 而 勝 不 計 撥 沿 時 則 乘 與 嚮導。 分 精 在 河 賊 進 得 間 則 路 漳 鋭 勢 發 巾 以 狃 萬 新 大 窮蹙 攻 備 於 攻 凡賊 餘 舉, 添 剣 戰 招 取 臣 之 屯 緑 具 撫 謂 賊 誰 要 誉 所 就 復 旗 老 之説。 衆咫 蕩 肯 多 據 汛 築 撫者 及 仍 平 畏 張 邊 壘 師 調 尺支 海 日 疑 威 麋 地 集 調 彼 H ,馬 寇 多 兵 順 銄 的 官 目 夜 吾 命 當 勦 兵 使 步 陽 元 奏 與 賊 土 先 凱 不 口 順 不 我 著 於 無 能 不 顧 涌 下 師

者 姦 報 衆 加 宄 撫 未 不 甚 聞 以 過 則 至 千 海 窮 覈 指 計 萬 F 黎 撫 少 百 有 而 真 往 爲 奇, 魁 賊 寇 往 多 僞 黨 今日 假 以 或 鎮 未 冒 散 逃 減 報 有 投 者, 賊 去 撫 率 誠 黨 復 以 究其 其 , 希 來 也 百 大 費 激 來 計 夥 海 官 金 歷 來 明 逆 賞 歸 非 之 日

機

出

兵

難

擒

矣

之員, 冒 濫 名 器 誠 者 部 認 倍 臣 專 察 加 愚 覈 責 感 以 ()分别 撫 激 爲 事 宜 賞 賊 加 又 罰 黨 辨 選 識 日 則 海 散 假 1 照 而 投 者 前 海 難 順 年 氛 於 質 欽 希 實 差 可

渡 之 肆 進 其 進 及 攻 海 占 侵 龍 勦 處 自 復 不 擣 逆 踞 犯? 賊 令水 溪 潰 内 厦 意 速 先奪 地 門, 樂快 排 必 據 速 厦門 師 者 驚 頭、 險 皆 厦 踞 大 怖 船 以 要, 由 島 要 嵩 雖 小 靡 可 我 窟 品 於 峙 般 四 以 寧, 渡, 師 此。 穴 隻沿 等 面 迫 未 屯 潰 處。 阻 如 則 賊 劄 據 今 邊 敗 同 海 海 穴 賊 大 當 之不 相 康 安 尚 澄 也 險 誉 調 熙二 劉 爲 各 有 之 暇 發 犄 五 以示 對 處 故 逆 ^(*)安 勁 年 店 賊 汛 旅 欲 敢 相 大 潯 水 嶼 欲 尚

狹

不

平

敢

尾

設 閩 省 原 操 有 調 額 八 配 槳 , 但 以 大 擾 船 賊 須 巢 待風 也 戰 艦 兼 防

耳 擱 兵隨 陸 哨 造 有 時 我 未 陸 省 則 出 集 淺 大 成 小,倚水 效 没島 勦 舉之時,雖大 師 槳,選募水 槳 此 而 惟 賊 追 大 不 I 可 船 自 覩。 弊 能 程 中 分分 爲險 、樂快 逐 顧 捷。 也。 飛 尤爲 不 攻 布 渡 爲 -暇,豈 ~,連 綜 船 其 性 行,但 要 今之賊 今之計 前 快捷。 旋 船 無 順 汛 提 Ŋ. 轉 足 備 利 敢 臣 入犯 視 便 配 用, 之人 勢鴟 肆 施 此 其 利 請 兵 平平 賊 毫 横 琅 亦 隨 敕各官隨 調 環 配 操 督 張 内 當 賊要著也 潮來 無 操 顧 爲 視 港? 練 用 以 顧 易習 靡 水 舟 輪 小 往 我 忌 軍 寧 師 船 俟 剽 舟 番 力 不 配 水 出 捐 既 操 掠 浩 師 而

其 乎 前 甲 司 投 中 之 不 '地方 海 賊 無 賊 嚴 承 夥者,見有父兄眷屬 父兄眷屬 八約保 之 平 杳)衆、率 無 保 編設 事 甲 *,奉 多内 以 尚 家甲, 行 清 在 惟 地 賊 内 謹, 良民失身人夥 互相稽察, 地 藪 者。 況多 也 勒 請 自 限 事之秋 敕 古 如 從 有 保

> 安 投 害 徇 無 無 招 插 等 隱 句 有 順 回 弊。 者 0 連之慮矣。 弁 來 可 坐之。 兵,告歸 或 而 保甲 有 潛去、去 新 杳 既 此 投 原 清 法 人 籍 侕 而 通 夥 兹 鄉 復 歸 行 者 匪 間 農 來 尤 屏 者, 約 者 族 跡 須 黨 保 亦 則 嚴 自 立 皆 内 禁挾 即 相 地 有 如 民 前 私 來

業 據 惠 賊 如 加 飢 播 軍 意 日 亂 實 寒 未 姦宄之源永杜矣。 飽 皇上 需 撫 交 殲 人 之 ,綏集殘 綏 煖 告 迫 孔 不時 亟,權 除額 則 是 興 鷩 鋌 驛 以 鴻 地 而 遴 外之差徭 法 方官 騷 黎, 宜 走 未 遣 不能禁。 采 險 集 而 廉 以 益 買 漳 以 能 皮 弭 知 州 爲 内 尤須 骨 賊 ,禁胥吏之剥削 惠 臣 僅 — 源 請敕 下 府疲 巡 小 也。 存 民 而 地 入 問問 **憊尤** 得 賊 民 方 閩 重 訪察, 霑實 有 便 以 地 本 逆 松平 口

疏入,上嘉納之。逾年賊平,皆如公

策焉。

之,須 贈太子少保,賜祭葬。 有副將何應元 年,進京謁太皇太后梓宫,賜宴於暢春苑, 子太保,謚襄慤,御製碑文。 二十九年,以 法 命海澄公中 否? 二十二年三月,疏請 臾三中其 之。 公奏用 疾薨於里第。 坐 四 於上前 臂,上大歡笑。 呼 月,自 長 見諸 刀 演 乾隆 京 口 藤牌,上問 提鎮皆旁坐。 破。 回 漳 = 四十九年,追 籍。 誉 年,加贈 即 葬 尋請 <u>二</u> 十 命公試 藤 殉 牌 節 時 太 有 骸

衣,不 謹 朝 無 惟忠勇王繼忠孝以殞其家。 也 自持,出 嗣 ,合其族而告之曰:「爵,忠恪公之爵也 而 初,忠 喜車 」乃立長子應續 爵 焉。 屏 裘 勇 騶從,曰:「吾不欲以 之飾 Ŧ 公爲 既殉 人敦樸,平 居 節,無後。公之疾 鄉愛賢禮 爲王後,遺 其忍令二勳 生 疏 疏 食 請 以 革 加 謙 澣 於

> 柄,而 厚贈歸之。其寬厚長者類如此 以 窮 曰:「黄公可謂公爾忘 事忤公,及罷職,貧,公假之館,月給糈 梓 振 泛,傾 也 公在 親 上 故 無 前 雖 吝。 屢 單 寒者, 稱 姚 私者矣!」有郡 其 制 能 府 握 啟 手 制 聖嘗議 極 府 歡 聞 治 佐 而 削 歎 周

爵。 贈按 公仕簡 緜 殉 忠勇王後,是爲温簡公,次應甲,以 功、視霽皆幼殉節。又生子六:長應續 品夫人。夫人萬氏, 誥封一品夫人。子 節, 嗣 四應安、五應覃 察 考諱 母董太夫人暨夫人李氏俱殉節 忠襄 廕授知 使 本生父,贈 樞,忠恪公仲兄。 司 公、以 , 僉事。 縣,未及仕,三應政, 温 早卒。 簡公 歷授治中,即 光禄大夫、一等海 後以公貴,晉贈 漳之陷 贈 殉 如 今嗣 節 澄 應 均 嗣

黄松石書集古研銘

跋

後。 其持是卷以眎小松,小松必當重其先 以小松之精考金石,即松石可知也。 行、草、章備焉。 自 予不及見松石,而 右錢唐黄松 周漢 庚子初冬,北平翁方綱。 銘心絶品易之。予言將爲之息壤 迄於元明, 兩峰 石書集 羅子得之,屬 而古文篆、 得交其令嗣 古 研銘, 、隸、正、 凡 小松, 予題 + 人手 兩 峰 有

趙渭川杏林春燕硯銘

得墨飛鳴而高舉,燕燕羽,杏花雨。

景星慶雲研銘

也夢得之,覃溪作銘。 雲間一星,潭下一星。或赤或青,

璜

筠樓進士硯銘

舲,宜漱芳之西廳,宜覃溪之銘。 對策大廷,歸而研經。宜徐潭之小

又

此吾家之清芬,故膚寸而吐

沈匏尊井田硯銘

田則畫而課有牛,硯則磨而歲有秋。

六六三

井田硯背爲琫復爲之銘

于胥斯原,捧持勿諼。

沈匏尊暖硯銘

金石相澤,水火相得,其占爲發墨。

桂未谷暖硯銘

氣如蒸。蛟龍纏之,來自怡亭。 不冶其凌,於陽之升。 墨雲如篆,其 以未谷善

篆,故銘之曰陽冰。

周駕堂編修澄泥大硯銘長六寸四分,寬五寸,

厚一寸四分。

乎煮石之公。❷

觀乎印泥之封,恢乎切玉之鋒,●日歸

汪秀峰楊姬瑞雲遺研銘

識奇文,伴子雲。

寶蘇室硯銘❸

首焚香。 公蹟嵩陽,公集淮倉。 私淑方綱,稽

「公」,稿本作「農」。 「鋒」,原作「峰」,今據稿本改。

「室」,原作「寶」,今據稿本改。

沈匏尊璞玉硯銘

吉渭崖河洛研銘

俞與朱。渭崖藏河洛研,予以朱竹垞所舉石澗道人語龜邪馬邪? 圖與書。 玉邪石邪?

孔雩谷明府研銘

銘之。

●「愛」,原作「受」,今據稿本改。

雩谷雲研銘

琢弗以斤,虚石作雲。

羅兩峰缺角研銘

研非由琢,畫非由學,作遠山一角。

朱籍山鷲研銘

右軍、杜陵皆愛鵞、●黄庭書邪對酒

歌,締此石交永不磨。

六六五

兩峰松皮研銘

石骨青,覃溪銘。

兩峰畫梅研銘

此兩峰道人畫梅之研乎? 乃「水墨

寫經研語也。以此語銘此研,正是梅花心事。 雲山粥飯僧」之一變也。●末七字,是冬心自銘

爲周松崖摹文山琴研銘

青原遺迹,千秋片碧。

陳癬夫贈楊己軍硯銘

楊己軍用此數十年臨池。江寧陳蘇

朱艸詩林半研銘

得坡公帖時。

夫得之,以贈

覃

溪。

是爲

乾隆

戊子初冬,

一半化機,不可刻畫。一半付

之

妙墨。

王若農尚珏井田研銘

服田力穑,越有黍稷。

周松崖端研銘

周子之事也。君何居乎? 兼斯義也。一手三硯,蜀人之志也。一手二硯,

●「飯」,原作「館」,今據稿本改。

潘稼堂七星研爲劉青垣詹事銘稼堂銘後自

題云:此先大夫寶研,遺付瞻泰,藏之拜經堂。

爲七星。影入硯屏,來乞我銘。我與青劉子校經,太乙降精。其光熒熒,化

夢因居士硯銘

垣

,眼俱青。

因石以爲形,因墨以爲銘,夢因居士

眼

、共青。

王

季

重

研爲陳目畊銘

季重之詩,推爲别派。山陰墨池,石

盟猶在。

陳其年手卷研爲陳目畊銘

前日陳髯,自琢新詞。今逢鐵筆

重,

寫烏絲。

温公布衾,銘於别紙。今兩峰爲東谷畫竹帳銘

心萬里。敢告從者,勿裝襆被。温公布衾,銘於別紙。今此筠

祭朱笥河先生文

師 譽早成。 加 其殁 是程,人友是盟。 然獨 嗚 呼! 也,涕淚交横。 聯翩科第,突兀峥嵘。 鄉 人,尤感衷情! 先生詞林之英,文苑之楨。 故其疾也,群憂以怦。 識 與 不識,皆哭失 君家群季,妙 先生於中,

盟,寸

發萌。 瓊。 書宬。 呼先生! 兄。 閩 星 儲 寂 **熒熒,寄牆與羹。** 手,相許 垂,琬琰簪纓。 薈萃葩 最 人粹精 寞兩 嶠 ,大海騎 鄉 藏,映此 先 爲松千尺,爲芝九 海 瓜 賦 得 内 楹 祐我梓里, 徧及 菁。 前惟 期,循環 名。 芣 秋 聞 儻接前賢,以 輕。 閈 鹿 九原精 雲 朱 者,歎羨交并。 析津耆舊,冀 及 閎 春 氣往 十,著 見 西峰 次其著述,案 吾鄉 、棣榮。 鶯 老 此心 遂躋宫贊,班 誠。 來,眷 ·青峭,飲此一觥 宿 黄 録 玉鑑 藜、光二星,日弟 牖 髫 莖。 耿耿,在 氏 帝 臨 後生。 1嬰。 對 冰 焉 北 京。 一發奇 Ш 俾我 特達主知,命典 名卿。 间 壺,霜空月 而弗評。 宇 元 桐 涉蓬瀛 劉、孫志略 几與 望 氣 鄂華: 氣 枌 城 衡 榆 渾渾, 前史 (檠。 日 古 瑰 椒 琳 文 此 萬 所 稿 與 巨 奇 瑶 鳴 卷

祭宋太翁文

册宛 子伯仲 喜。 士。 氏 則 學,最極 仲也承歡 玉 維 政 洎乎通 而 亡,堂有 事 己 彌 長 大 ,經術 洲, 己。 委。 凡我 職歷 旨 妙合停雲,款 嗚 泂 中外筮 籍 呼 涯涘。 脱 詩 瀰 冬官,爲 皆 同 -歸 表 登瀛 禮。 聲譽日 略 根 譜 瀰 承 表 臥 公之學詣 蘇 柢。 家 提 十年, 柄持 永興之傳, 謁 伊 仕,後先敭 道 通 Ш 命, 米。 稱 始。 公於邸。 藝之光,以貽厥子。 名御史。 起。 河 德 文水。 聲猶 汾 靈 門牆,經 維公生平, 公每 誠 歲歷 光 世 在耳。 鰏 風紀。 澤 歷,以 符 山陰嫡 暮年 金石 退 初 \mathbb{H} 峙。 素 早 涉 食,顧之色 辰 履。 神 1琳瑯, 、爲名 造極 聞 篤公祉 臺垣 公於 階 群 服 筵 髇 閶 膺 有 公之 淡 文 近 書 蘭 歲 進 厥

濃 環 理 有 ,鑒兹簠簋。 況我 祭 泚 陽 同人, 公之貽休, 信 如 尚饗 瞻 掌 指 同 岵 式 屺。 构 垂 衍 奕 白雲 莆 磸。 陽 淵 秋 靈 空, 風 平 弸 霜 神

祭丁氏李太孺人文

庠 靈。 院 脩 鹿 祭於皇 表 進 月 之丁 甥 侍 7 六 撰 + 介,前 舅 申 大 讀學士、國子監 出 是 維 曰 朔 籍隸大房。 興 乾 氏,尤擅文章。 清 以吾母 身,司 H 嗚呼 例 ,越十日 隆 翁方綱,謹 .講 贈孺 四 起 巡 ! 十有六年, 居注官,文淵 勖 局 溯吾母家,中表於張。 人丁九舅母 辛巳,誥授 我毋 洗 惟我諸舅,才傑相 司業,加 以清酌 馬掌局 忘。 與我先 歲在辛丑 每 事 庶 閣 奉直大夫,賜 四 李太孺人 大兼翰 述 人, 羞之奠,致 級, 忝姻 校理,翰 母 同著膠 一,夏 林 之 愚 林 院

> 觴。 揚。 慈儉勤 話母勤 痛 役 來,蘭砌 榻 弟,弗敢 之特詳。 我之兩兒,俱 也蔚起,諸孫琳 在 涕淚 軿 心 五 論 傷。 羊。 載 慈 我 嗚呼哀哉 城北 留 ,貽後克昌。 顔喜氣,益 時 劬,遂閲 成行。 怠荒。 萬里之外,幸 浪浪。戚 南望, 不得 幼 旌 而 二楊。 不 旗 同 琅。 東牀。 一哭,親 以祝 中 彷 星霜。舅氏 九弟成名,策射東堂。 學,母 尚饗。 徨。 族同悲,于里于鄉。 慶春長。 表門風 賢母遺徽,銘之丁莊 九弟於學,殫心就將。 兩家世好,子女之祥。 日 雪霽城陰,纏紅 康。 雨 覩 奠椒漿。 訓 泣 茹 歸 是 舅氏 司訓,洺水 秋 轉瞬 裝。 匡。 苦共嘗。 初,雪滿 之逝, 屺 泊我 胡然 日 思,行 惟 戲 載 遘 九 我

六六九

六七〇

祭許太夫人文

朽。 感 事 心 虔 飲 奉 林 爲 酒 寔 揚 是 ,折葼 冰堂詩 慕 隴 孝 迴思,豈 板輿,以 文 芬 范 守。 寔慈 畝 桃 母 魯庭詩 鳴 衡 積 教敬 李之實,空伫薪 、張、登堂 呼 桂、 在 祉 曷意 即 -伯 祝耆 敢 手。 載 以 柳。 既 今鯉 禮,于子 聆, 也 追 炙人 汝 阜 、蘭推, 白 登瀛 剖。 着。 南 日 以 一無負。 0 温 庭,靈 I 髪 雙 篤 世 壽 凊 内 嗚 溯惟大嵩,貽澤孔有。 ,于婦。 早 望 爾 朝 則 佩 呼 - 痛我 芸閣 槱。 皤,几筵堂 後。 昔共 今昔迴 光 夕,以旨以 鏘 内 垂 陶 巋 瓊 訓 聲 湛, 柏臺 膝 寸艸 北堂 庭 友 玖。 嶁 既 階 萃 環 前 春風 过蒙蒙, 之暉 1,拜獻 於賢母 舍護,是 ,績均不 , 愴乎噎 持節 仲 翦 也 施 東 往 傷 春 空 日 海

> 卣 濱 黻 春雪貿 (泱泱, 鳴 也 呼哀 貿 靈 綰 、采彼 風 綬 哉 眑 眑。 王萯。 尚饗。 闁 保艾後 薦 蔭 此 頌 椒芬,于尊彝 徧 式穀克受。 童 叟 海

种柱 考見《湖海文傳

之 《林邑記》云:「建武 柱 六 有 于象林 經注 守 尺許。」《道里記》云:「林邑大浦 唐節 銅柱 · | | | | | 水 銅 銅 經 柱 南 柱 度馬 折, 之字 界, 户 注 馬 數家, \ \ \ \ 交趾 總 與 文淵 所植· 西 銅 滅。 無 歲 屠國分,漢之南 建 十九 柱 也 知 時 金標 在 者 交趾 以 年, 林 土培之, 邑。 爲 考之 馬 人 援 南 至今怖 其 植 極 傳 在 僅 疆 記 兩 之 界。」 欽 有 露 柱 水 Ŧi.

銅 柱 於漢 按史,元 故故 處,鑱 和 中 馬 著 總 唐 爲 德。 安 \sim 南 廣 都 東 護 新 立二

間,有貼浪峝民曾至分茅嶺,親見之。嶺 其 云:「在州治之西貼浪都古森尚,明萬曆 有唐刻字矣。 馬總之遺 云:馬援所立在林邑。 柱上字蹟莫識。問其路所由 年以土培之,今高不滿 上茅南北分披,嶺去銅柱半里許,交人年 扶隆行七日,至八尺石橋,尚行八 處云。 也。 嶺在欽州西三百里、州志》 據此,則分茅嶺銅柱,又當 則分茅嶺銅柱,必 丈,大不知幾許。 ,則曰自貼浪 日 方抵

復初齊集外文卷第二

復初齋集外文卷第三

大興 翁方綱 正三

考古圖續考古圖跋

學。 書 本,卷一多《孔文父飲 本 與 曾《讀書敏求記》云:北宋鏤板,得於 五 ,説五十一字。 勘驗印記,即 ,不失毫髮,紙墨更精於槧本」云云。 叔 宸家,後歸 卷、《釋文》一卷。宋吕大臨撰。大臨字 曾復從乾學借 藍藍 内 府 田人,元祐中官祕書省正 藏本《考古圖》十卷,《續考古圖 泰 興季振 曾所 卷三《鄉敦圖》 鈔,「其圖亦 手 鼎 宜,又歸 録。 圖 \vee 一圖,銘十 以 校世所 令良工 崑 字。 山 徐 無 四 行 此 繪 乾 錫 錢

> 《京兆 爲長。 《白玉雲鉤》、《玉環玉玦圖》各一。 同,不 字。 鹿盧 圖》 氏小方 圖 樣存於此」二十字, 無「右所從得及度量銘説皆闕失無可考惟 多標題 文方壺 鼒》多一蓋圖。卷十《新平張氏連環鼎壺 犀鐙》第二圖與今本迥别,又《内藏環 一,説四十六字。 後記」, 附載卷末。 劍 又卷末多《邛州 卷 田 미 四 具圖》三,説一百一十五字,又多 「盤匹 (壺圖),今本互相 圖 又《獸鑪》第二圖後,有説三十五 氏 縷 開 鹿盧鐙圖》一,説四 舉, 《祕閣 盂弩戈削」一 封 一劉氏 而 方 卷首大臨自序,大題 參 文 小 又多《廬 天 其餘字句行款之異 驗 方 方 寧寺僧捧敕 文義, 頭倒。 一壶圖 壺 行。 圖 江 十七字, 卷八多《 乃《開 乃《 卷六目録 李氏 以 卷九多 祕 佩 鐎 此 封 閣 耳 劉 玉 日 又 方

《續圖》卷一,二十器。卷二,二十二

故第五 器。 説之首,云: Ti ,十二器。 卷 卷所 載獨少。 + 「右某人所得。」 先後不以 ·六器。 其 類從,蓋隨見隨 卷四, 收 藏 與前 名 二 十 姓 圖 皆 器 注 名姓 載 録 圖 卷

於

標目下者,例亦小

殊。

者,後 韻 衍 圖 山 此 * 鑪 所 Ш 圖 四 文 E 見本亦不及 有《韻 釋文》一卷,前有大 鏞 然 \checkmark 有 聲 雞 :黑、白 圖 編其字云。 八卷實有《廬江 畫 卷 × (圖》,欠《琳玉 無 作 依 兩樣,黑、白皆謂 所謂 人 韻 此本之完善 手。」此 排 人手,亦 吾 次, 一衍《學 本銘 李氏 當 璏 臨 無 **%** 即 所刊款識 文作 題 璊 所 古編 衍 白字者 詞, 玉 謂 所 白字,然 璏 謂 以《 ×, 黑 稱 字 韻 其 博 廣 知

條 圖》之 之前 胡 是書作於 安國 附 而 體 會 注《 古 例 謹 春秋 元 嚴,有疑 祐 動 》成 壬申,在《宣和 成 好 則闕 謬。 周 盲 榭火」,乃 其「解敦」一 不若《 博 古 (博 圖 古 引

> 文、薛 未之詳 今 吕 前 字,亦與前 諸器皆是前 吕大臨 卷,引「吕 姓氏 不 必 卷、器之有銘者、繪 以 南宋人,定是後 三十二 三卷有紹 釋其文。 刻本《考古圖》有引「薛 圖 摹其文,摹文 詁 則 標 經,信 尚功《鐘鼎 前 作 考 年, 所 目 圖 也 興壬午所得之器。 一之例 撰 與 一之釋 卷 則 今此《續 張」, 其 圖 無 叔」云云、「考古」云云。 此《續圖》五卷成於南宋, 相 説 至其 疑。 所 與 人附 合。 「張 而不釋其讀者,不 面 載 之 款 前十 此從 者。 錢氏 後《釋文》 其 可 識 ۰, 益 圖 惟 圖 據 卷殊 恐 者 其釋 「
> 犯 概目 必 五 闕 矣。 非 但 釋 爾 一卷,則 摹 疑。 中 引 吕 也。 某」者,薛尚 以 壬午,是紹 其 然 医」「弡」字, 一卷,則 歐 氏 榭」字、「扸 則 銘 北 然 前 此《釋 説 原 又 有 宋板,亦 張 如 特 本。 而 有 摹 圖 仲 所 第 不 收 其 丽 銘 文》 **>** 之 及 銘 功 舉 非 興 第 藏 + 且 而

卷,當是大

臨

原

本也

文淵

閣

校

理、翰

考云爾 合。 篆 其 其 誤 有 林 楷 未改 仍 則 確 院 抑 凡若此類,亦皆依其 古 忽篆,或與今《説文》本合,又或不 其樣書之者。 可 此 編 或錢氏 定者 者尚 書僅得 修、 文 方綱又記 本 74 極多。 無 ,方綱校勘之次 影 庫 見館 定 寫 全 本, 書 原本有誤,皆未 至於同 然此 寫副本,或謄 [纂修 實 不 猶 官 舊書之,將以待 敢 以 一引《説 翁方 以 楷 亦 臆斷 即 文言之,若 綱 録 改 可 謹 手寫 文》,而 故故 寫 知 記 也 杰 多 多 而

乖者 「辵」之下半, 日 亦未善也。 義未協。 香 也 鍾、吉金敦、寶鼎並 ()附記於此。三月十日 之氣,特蓋 又按: 又以「徒」下从「止」,是未知 虔敦、旅車 《釋文》云「簋」字不 此書内標 而非「止」也。 與 器左右 敦並四卷。 四卷。 題, 如寶敦、三卷。公 向背, 之類,此皆與文 凡此 分爲二卷, ·同,然三象 非 皆與六書 寫 「止乃 法

> 趙九 《吕氏考古圖説 壬寅夏六月六日 綱 書 成撰,其卷 宋翟 雖 昔 不 人 耆 云 年《籀 然鈔寫是書,竊存 了, 方綱 有 前 誤 據此 史》下卷,有趙九 題 詞,蓋 寧 識 則《釋文》一卷,是 改 汙 九 成 此 勿 意 挖 所 成 著 方

書淮南天文訓補注後

東 則 盧 首 藏 世 而 上 置君受 所少 郡 誘 业。 下二 證以晁、 乃 濮 溉 陽令。 涿 其 也。其曰「臣許 亭 卷見 間 予曩於《道藏》見 人。 進 句 陳二家之書,則晁云: 詁。」陳云:「序言『誘少從同 士 讀」。盧君 示 又言『建安十年,辟 以 十七年,遷監河 予讀 所著 而 $\stackrel{\sim}{\sim}$ 者, 慎記 淮 歎 植 是 其 南 文而 也。 上」者,從《道 該 天 東」, 博 文 「慎標 疑之,既 訓 與 融 司 空缘 則 同 貫 補 注 其

當闕 以《昭明文選》李善注 漢末人也。」是皆與 略,究無異旨。 挍之,即今所傳《道藏》注本。]野一條即《吕覽》文,而高誘注雖 疑矣。溉亭且存此説,他日有所考 然則「許慎記上」之文, 許 叔重 所引高 不合。 又即 誘《淮南注 予又嘗 稍有 以 此 恐 詳 卷

跋張瘦銅漢印三十二例

定,幸以寄示。

翁方綱。 已出都,因屬予識其後。 氏、劉氏之書, 正此意也。 所目見者。 隸 作,今瘦銅又作《漢印三十二例 喻漢印,尤得上下位置之宜,且皆舉 吾友曲阜桂未谷有《續三十五舉》 予嘗謂輯漢隸者,不當 辛丑三月,大興 録成帙,未谷 其以 襲 洪 其 漢

跋王述庵金石萃編

既引予《兩漢金石記》「熹平三年項伯脩-片「女」。尚不止此。 無丙申,此引近人海 石鼓 禮 嵩 器碑 山三闕,皆不全之本。 「角」誤釋「卤」。 不載「山 寧俞思謙語, 西魏大統十一年十月 陽金 鄉一一 「隮」失下 可從。 行。 且

鈔之。

四楊

碑是僞本。

字,而又不具著,此竟未細看此跋

而

小史

約」訛作「紹」,「幽」訛「函」。 夏承碑即明朝翻本。 銘内「積德勤

升」,足正錢摹之失,然不知其從何處得石經殘字 《大射儀》第三行「洗」下

❶ 「劉」,稿本作「婁」。

六七五

六七六

來。 端 字, 與 劉 韻 合。 無 學 而

一段。

《山左金石志》云:十一行有「寧」字、十二 細 行有「真」字、十四行有「葬」字。 史鈔撮者,無怪其不知下截升高之事 鄭季宣碑 所録予跋亦未盡,竟是 故字宜 小

武梁祠像 「子」不誤。

援及《戲鴻堂帖》,則《蘭亭》何以不入? 保母甎 跋全對否? 再細查。 此

甎

瘞鶴銘 「殿」字内右半誤。●

固 重」「重」字下半誤。

姚辯墓誌銘 北齊乾明元年孔廟碑 翻 本。 不知是樊遜。 文尾「祀掩

二字,另一行。

智永千文 文不録。 載前人諸跋。

而 辨證。

廟 堂 碑 王彦超 再建,是太祖初年,

> 碑 建隆 、乾德時 昭

陰。 仁寺碑 歐陽《記 集古》等跋,

皆刻

房彦謙 碑 碑 側「太子中允□□

才」誤。❷

裴鏡民碑 裝本。

伊闕佛龕碑 不言褚款。

太宗哀册文 亦是從雜帖録之,而

不

及《蘭亭》,何也?

附于褚書後,不成體式。 懷仁集聖教序 自宜另起録之,今即

一前

吴文碑 昇仙太子碑 顧亭林、錢辛楣皆沿「吴」字 陰字不知是辥稷書。

之誤。

王述菴《金石萃編》百六十卷,可謂

博

0 半」,原脱,今據稿本補。

0 末有「歐陽詢書」。 誤」下,稿本有「太子左庶子安平男李百藥撰」。 文

《化度寺邕 初人 若 之乎? 乎 摹肖 本之跋 則《蘭亭》、《樂毅》、《 與 類 以 碑 而 四 ? 後 楷 郭僕射書,皆後 勤 宋初諱 楊 矣。 書 且 也 北 有 凡碑後録前人 亦 楷 如 碑、《智永千文》、「天地」句、「桓 内 碑 附 僞 聖 存者。 況此所摹篆隸,又 止 之 今通 漢 多, 之。 ,闕筆。 作 教 師 亦 略 歧 隸 於 序》自當另 也 銘 有 見 南 記 出 體 , 則 ×, 面 且 一 碑 其字 碑 古今碑 也 例 而 恒 人 何 俗 如 少 其 、岱,真宗諱,不闕 未 跋者、欲 黄 所 唐 用 中 賴 翻 勢之概 洪 善 所 然 庭 刻 之太宗 有 乎 僞 録 篆 氏 者 》等, 帖耳, 録 自應 如 本 數字篆者 ^ 者 不 萃 皆 隸 加 江 11 耳 不 以 盡 此 何 附 編 真 總、 釋 哀 證 既 律 合乎? 而 則 非 於 以 筆。 本 、册、魯 忽 其 載 栖 專 爲 亦 何 用 必 褚 轉 之 公匡 此等, 碑也 故 矣? 采 不載 霞 載 以 即 楷 跋 知宋 合 直 之 處 唐 忽 隸

> 既 益 務 君 主 矣。 前 未得 可 m 楣 乎 述菴欲 不 輯 成 ? 知 成 書 述 其 辛 蕃 蓋 裒萃其 書之難 不 時 欲 楣 詳 彙 相 則 過 考 輯 專 全, 如 從 耳 古 以 此 今 轉 考 研 石 Ŧi. 不 訂 究 刻 + 及辛! 史 此 年 家 事 楣 前 博 同 異 與 竹 膽 爲 君 爲

跋鄭耘門所藏張遷碑

之,屬 章 滁 焕」字 焕 王勤中印」、 年 陽 字具全,是明代 四 顧 是 云 + 册 闕 譽 美 書 前 脚 爲 釋 有 者 「汪季青 釋, 蓋 文。 金 e 孝 王 而 是數 昌 章 戊 後 拓 屐 谷 子 題 本 遂 + 舊 是 簽, 研 無 歸 年 藏 奫 順 之云 口 後 本, 前 印 治 疑 有 搨 Ŧī. 美耳 戊子 金孝 本 年 予 嘗 章 閨 則 時 見 購 孝. 此 有

耘門太史所藏王百穀本,「焕」字具

鄭

全,有 記 知非宋時已出,而洪、婁未之見耶? 志所載金石,其系述久近亦不盡可憑,安 明朝拓本,則此 其簽、跋,於此併識 》引《山東通志 金孝章題簽、顧 似是宋拓矣。《金石 》云「近 云 掘 美書釋文者 地得之」。 文字 然 已 因 臨 地

跋唐公房碑

洪跋亦未明言也。 字。 緣增人。蓋以文義度之,當有「知」字,而 韻》房,古作防。 七行,行三十一字,皆尚隱隱 知」字,石本實無之,不解洪氏《隸釋》何 浮雲」二字。中間略可辨者,尚可 行,惟存「故能」二字。末銘一行,惟 惟第十三行「百谷收入,天下莫知」, 右「仙人唐君之碑」六字隸額、碑 故隸法「户」在側也。」圭 婁彦發《字原》云:「《 可識。 數 其 文 + 存 第

> 誤。 首偏右,而 額「唐」字,篆體 見其額乎? 一中穿之右,●今《隸續》本亦摹誤 歐陽《集古録》則謂 穿仍在中。 分明,而 第八 「不載其姓」,豈未 今《隸續》本亦 行首「頃」字 也 碑 Ē 筆

華嶽廟碑長垣本跋

字,故爲臨唐題於此。 見之,今則無 西嶽華山 知 者矣。 碑》唐宋題字,小歐 因 |商丘 藏 本 陽 有 宋 猶 題 及

皆作「大」,益信。明范氏所藏《延熹華岳碑》額,旁題三段,號,「大和」是「大」字,非「太」字。今見四號,「大和」是「大」字,非「太」字。今見四號,「大和」是「大」字,非「太」字。

- ●「公」,原作「君」,今據稿本改。
- ❷ □、《復初齋文集》卷二十《跋唐公房碑》作「逼」。

跋魏受禪碑

字已 埼 爲 伯 亭題跋》者雖 恭臨 一泐 范 氏 矣,足徵商 此 唐人題字,并附識此。 碑 即 亦 豐 丘 有 此 宋 南 本 禺 元 更拓 所藏本,見於《鮭 豐題字,而「元」 在前耳。 方綱。

華嶽廟碑四明本跋

慶庚午 陸硻 此 未裝大幅來都 土 乾隆庚戌秋 春三月十八日,北平翁方綱記。 羅 兩 峰 同 八 借 看 月望後, 留几間 至今二十年矣。 旬 嘉定錢竹汀持 日 ,周山茨、

間 刻 無 復借至蘇齋,諦審明白 直 太過空者,皆未得其真耳。 本,或有中直 差舛矣。 畫 是秋七月望 正中不相連,而 「圭」字,是作上、下二層,其 相 因 連。 校 又婁氏《字原》,於 亦不多空。今日 ,并前雙鉤數行, 揚州新刻《隸韻 方綱又書。 重 中 皆

言讖 蓋純 夏后」云云,蓋皆出於讖記。 衛覬金鍼 最有益於六書者,而婁氏《字原》不收,近 字、「鹿」即「麓」字、「照」即「昭」字。 年之十月晦也。 日顧氏《隸辨》收之,乃訛 「乏」字上作横畫,尤於反正之旨相合。 或 古文苑》載聞 不著所立年月」。 魏羣臣上尊號 山》,皆託讖以爲文,慨夫 緯,卒致三分之際,曹魏《受禪》,孫吴 取方整,開 右《魏受禪碑》,小歐陽《集古録目》云 八分書。」按此二碑,實出一手, 人牟準《魏敬侯碑陰》云: 唐隸之漸矣。 奏,鍾元常 洪所未釋者,「 今按:辛未,是黄 作上撇,何也? 書《魏受禪表》, 東漢之儒,競 碑中「有 機」即「璣 至若 初元

六七九

跋魏王基殘碑

之隸以疑《説文》則不可耳。 勢,以附記 乃「刑」,而非「刑」也。 同。 在六朝魏晉間 去井部之「荆」,併歸入刀部之「刑」? 文》: 荆,從井,罰辠也。 井」義爲合,亦不僅从聲也。 荆」字下云:「从艸, 玉篇》則俱收 开」聲之説,終自不可輕議。 以理度之,則「刑」者一成不變,似 至「形」、「荆」、《説文》俱從「开」,而 是碑「刔」、「杉」、「荆」 於《説文》之後則 人刀部,云「荆」與「刑」二字 不 · 知何 刑聲。」是所从之「刑」 不審《玉篇》何以 時 省併,無由 刑,從开, 俱從井。 可, 然《説文》从 今因漢魏 若據 剄 按《説 臆 也。 从 斷 此

跋孟法師碑

我於 生平止 既見此二本,手摹一册藏於篋。 也。 《孟法師 金 庭,始知真本今在吴門繆氏,聞其 義門亦言退谷所題者是摹本。 虚 跋,後題云「錢塘倪 谷藏本同,有康 物色,得之。」壬辰春,於趙六一齋見 吴太□國華讀《何元朗集》,謂此碑之妙, 而 舟《孟法師碑跋》 甲午冬,又於朱竹君齋見一本, 濟南 不可 刻 予昔讀 於無 本 碑》舊本,前有退谷手書,即 '得見也。 乃知繆氏本尚未售去。 因託梅溪覓之。 錫秦氏 孫 退谷《 熙十年錢 壬子夏,金匱錢 謂退谷所藏 氏珍藏宋搨舊本」。 見一 庚 本。 子 塘 銷 至今丙辰冬, 倪 吴乃使人往 夏 是翻本, 然每疑 燦闇公手 後見陸 記》云: 索 又聞 梅 值 此 所 溪 與 子 退 何 王

舟昔歎 迴 梅 趙、朱二齋之未 環興 本 溪 時 爲 乎! 孫 廿 慨,歷廿 我 、梁二 覓 有 其 五 本以 年 一家藏 闡 五 矣 斯 年之久 見寄, 本之 真 是 本 碑 而 非 於 也 始 真 是,去始見 世 1 ,予今感 見其真影, 所罕見, 即 神 而 歎 虚 退

П

《千文》云:「數年前,學褚河 弇州 敏、王弇州之言證之,信不誣矣。 碑》,故結字規模 本,而微參以 云:「褚公以 所云 王 弇 舊 州 跋 翻 貞 分隸法。」昔趙 是碑云「 本 觀十六 者 八分。」今以此 即退 以 年 谷 舊 書 文敏 本 翻 時尚 . 南 也 本 本 跋 證 《孟 之, 與 刻 其 弇州 趙 意 法 自 信 文 師 書 又

五 兀 云 十 一十八,後於《孟法師 有一年,不當云十有六年。 乃虚 其書《聖教》在高宗永徽四年,年 舟題跋云:「貞觀十六年,褚公年 碑》十有六年。 是時 此 河

> 其轉折 勝。 熟,即 横生 微參以分法 似,不以形 楷之能事,亦全聚 作,然歐、虞菁華,至是合爲一手, 猶 脱 書 則,當與《化度》、《醴泉》、《 處 之言非 《禮器 也。」愚按 未 落 法 吾不以彼而易此也。 專 議 免有筆 幾 廣川 碑》 稍 論 師 也 似筆 脱,而 也。 ,以爲絶 所謂 而 漢 此 痕墨跡。 河 以 禮器 不 若《孟 條 南 調《同 信知言之選矣。 | 漢 神,故弇州 著 ,則弇州之言是, ^ 碑》, 似 紙 聖 於 銅 率 法 甬 教》,是晚 州》刻手準之; 時。 而 形 更,實未 П 書」者,學非 師 鳳 視《孟 神 云刻 碑》,雖 是碑 洲 (廟堂 畢 是正 不 肖 年 於 見 書 若虚 意信 法 書 並 其 老 時 率 分 而 師 故 必 之 隸 序, 中 境 舟見 更 臻 執 虚 毫 融 本 碑 之 而 真 年 定 漸 舟 似

- 書」稿本作「考」、當從
- 廣川」之上,稿本有「董」字

初 文

形 勢 稍 目皮相 員 , 而 者 謂「刻 也 意 信 本」爲 失之, 皆 所

定品 其 後 者,無過《三龕記》,然於分隸則近矣,而 潤 近。 然於楷法準合古今之正,自必讓《孟 然於古則 碑》與《雁 今繆氏 金安可 《薛少保昇仙碑陰》,真所 廟堂》三者爲最 人師 [],援山 似 趙 也。 所以 虞 綜 懸千金於市 者 子 得」之句以擬之,此則洵 īffi 楷之正 近矣, 一谷詩 固 塔》、《聖教》,皆在《同州》之上, 松雪、弇州二公之言,允爲 論 圃 却 虚 之:舊翻 論 與 路微 舟又謂「字裏 唐 「孔廟虞書貞 m 隸 上,若《孟 楷,以 於楷法究非 遠 者 有俟焉。 此 本似 其 也。 化 謂 似歐 虞,真 法師 菁 度》、《九 金 觀 褚楷最 華 得 若《房玄 刻,千 者,乃 生,行間 碑》,其 却信者! 中。 本似 爲不妄。 法師 成 至若 奇 此 與 兩 歐 龄 偉 黄 必 於 玉 碑 隸

> 乎 本 斯 品品 其勝 者 矣。 於 吾 退 雖 谷 未 所 得 藏 繆 氏 墓 真 本也 本, 而 得 何 此

同

疑

其然? 末耳。 書,則 必 虚舟先生徒以「朗暢」目率更,止見率更之 中和之極詣 之法,約古今之宜,在隸、楷之 可 褚公晚年書《聖教序》,準 聖教》,則是又淩越中道 謂 舉安陽貨布之文,以 過 道,以「 專於朗 至論書道之至極 也 豈其然乎 歟 1 中庸 也矣。❷薛題《昇 暢,是以其 若《孟 爲 至,故 法 概 處,乃謂是 師 正 侕 今多 以 碑 楷 陳 曰 至 $\stackrel{\cdot}{\leqslant}$ 之 義 間 而 仙》陰之正 中之 過 酌 準 调 信信 古少也。 猶 劑 式 高 碑 歐 矩 不 不 乎 可 及 ? 其 則

極」,原脱,今據稿本補

疑」,原作「難」,今據稿本

摹。 則 m 得 本,自弇州時 以 法 自 T 最 永興《廟堂》之妙,不 此 Ŧ 微 何 言,惟闕「北」下一字耳。 真 金馬骨之喻而 爲 又 孫 其 孔 本 罕 不止於《廟堂》有 退 異者比 本 谷 · 見 目已致賞歎 驗之,又已多出 中 跋 亟宜 已云有舊翻 間 矣。 舊 僅 摹 然 己。 珍此 空 本 而《孟法師》之真本, 紙三格 知 摹本以 西 則亦當是宋 出 1安、城 本,其筆法却 百四十 斷 何 落 時 然退谷所 定指 故 僅 (何 武二本之 云 餘 1.南,非 字, \equiv 人手 人所 字 耳 深 跋

豈 也 今既 而 疑 其 彼 中 間 舊 見 非 既 始 真 予見 却 真 而 文 本 本 讀 少百 ,則「寑」、「 退 之誤竟 其 而 其 谷所藏 文「寝」、「刃」二字倒 四 後 + 是 乃 字, 從 舊 聞吴中 刃二二字仍 摹本, 此 則 本沿誤 又非 有 不 此 從此 知其爲 者 復 真 耶 倒 本 置 本 ? 耳。 出 僞

> 於楷 稱 證 合之, 法之妙 此 須 見 則即 繆 氏 是此 、松雪、 所 藏 本 弇州、 無 原 疑 本 者矣。 而 虚 一舟 後 考 之。 至

自顔 竹圖 之有緣如 昨冬得 未得 知 繆 時 日 \vee 予 與舊 聞 「松竹雙清 坡書《偃 E 方 也。 輒 此 藏此 購 此 思 藏 予 帖 得 以 李 吴 在 摹 帖 松 雙 西 仲 南 本 所居名「雙清 書屋」。 屏贊 [涯《移 清 昌 久 圭 矣, 院 Ш 顔 \sim 水 廨 竹詩卷》恰 又得 其 因 而今此 後 小 書 屬 (堂,扁 軸 室 石 堂 友 田 帖 而 有 人 合,因 畫《 適來, 未 覓 移

館

清

孟 法 師 廟 諱 個 一字, 乃

- 脱 今據稿本補
- 諱三個 當指碑中三一玄」字

紙 末 此 有 有 字... 孔。 點 舊摹所無 此三字,對 舊 御 摹 名 油 上 素 本 字 皆 0 有 末 點

彼 來 儀 本所遇石 凡 儀」字,是 舊 翻 本 「泐處 之 與 否 同 此 異 真 ? 墓 本 應 异者, 皆記 出 亦 既 是

跋陸謹庭化度真本

所 子 來,云去年 色古香,至今在 廉 人 淵、 持 見 得第二本 本,然 m 予 胡 歎 去 本,字更少于予本,後有 孝思 爲 年得《化 亦 冬於 希 真 則 有, 本 跋 其 目 知 度》真 因説 也。 者 友 也。及今春,謹庭 虚 舟 尚 其 介齋 予按其言, 所 本,吴門 不及予所 小時於吴下 中見 見之本,不 本, 虚舟跋, 陸 即 得 謹 ·見賈 有 復 弇 盡 本 庭 是 州 陸 孝 及 北

> 於書道 然則虚 碑矣。 趣。 舟此 蓄以 歐書 也。 《化度》耶 出 退筆,此 角」一語。 泉》之説爲 翻 | 禮器 本 養氣 所 跋 祇 明 且二碑 舟直 矣。 關 有 即《 λ 效 碑》, 其不 ? 非細,故不得不再三辨之。 質 於人 其 獨 醴泉》且 夫歐書之 是者 得者。 未 皆出自《蘭亭》, 而已,不止 皮 然 此所謂不揣 其 當 解 膚 則 心,將使學 論 以 歐 耶? 凡今之士,宜 虚 蓋 豈 隸 芒角 書 舟 不 其 蕴 最不直鄭汝器 他 者 當 書 病 不 藉 郭? 書 見長, 其 法 以 以 先 者 皆 率更者 本 ^ 而 芒角賞之, 中 一藝也 有 化 蓋莫 虚 《蘭亭》全用 而齊其末 在 尤爲可信。 所 度 舟論 長 得 隋 如 若 務 獨 褚 此 庚 미 況 虚 於 書 者 世

^{●「}御名上一字」,當指「弘曆」之「弘」字。

跋同州聖教序

相 筆 謂 妙 學 辭 本 視 褚 處 作褚書耳。 對 也 加 未 而 此 看 此 言 笑 南 碑 が可 龍 則筆 爲 也 以 書 盡 朔」云云、特立 以 當 爲 以 意 顧 日 銅 重 雁 7 摹手 重 塔本繩 然 ,予亦謂 墓 無明白 雖 F. 解 殊, 石 嘲 之矣。 石之歲月, 不 無 同 而 世 疑 必 州 此 有 昔董 本 從 試 本 知 亦 面 以 者 摹 逌 自 爲 雁 手 定 嘗 有 之 塔 刀

跋唐郭君碑丁酉

窆在 李 從 太 勣 宗 乾 征 唐 封 頡 征 郭 利 霍 君 邑,又 年 碑 然 十一月。 ×, 云 へ從 李 失其名及撰 一授上 父嵩 仲文征 柱 或 子 , 書 mi 劉 人。 弘 無 武 封 周 道 其 從 邑。 遷

> 亭林 也 垞《曝書亭集》云: 新 其 載之《金 行楷 純 歐、 石 用 趙 褚 文 「據 字 法 録 至 記 其 \approx \approx 額 爲 皆 即 可 不 寶 據 之 郭 朱 君 及 跋 碑。 録 朱 竹 顧

跋美原神泉詩祭

作,非 其 録 不 詩 縣 神泉詩序」,其下爲 彦伯 拱 詩 工。 爲 四 尉 賦 年, 、元凱皆一字字。 面 右 專 宜 **篆額** 詩 五言六韻詩。 首,亦皆五 美 頌 徐彦伯序,尹 録 既 旦 神泉也。 原 字 之。 不載 云「大唐 神 於《唐 泉 并 詩 一言六韻。 闕 「夏日 裕 其一 \leq 元 其 序後 而元 明子書」,其下 籤》,篆亦 其三詩皆訪韋 在 凱、翁念、李通 泐 游 血 富 凱,篆書者也 者 有主簿賈 隸 神 篆書、刻 平。 數 泉 額 不 字, 云「美 序, 凡 著 以 於 言 美 手 烜 面 原 淑 原 碑 m

考焉。

跋唐明皇賜張敬忠敕戊午

又 此 此 絶 榮 銜。 目 明誠《金 TF. 在 觀之名矣。 碑。 壁上 八 相 後有 分書也。 此後六年 以《興地 似 唐 耳。 石 蓋常道 明 石録 飛 阜 龕 延 白 中。 敕 慶 碑目》考之,皆常道觀主 》皆不 「敕 也。 此 明 觀 益 福觀 碑、宋 皇 後 唐開 州 字、 行 又 爲 載,惟王 長 手 書 有 延慶,而今地志 元 史張 詔 人《寶刻 前 道逸,與《鶺 賜 十二年 碑 後 張 》,在 象之《 敬 題 敬忠手 忠, 及 類 立。 延 年 《編》及 行 慶 輿 月、 鴒 詔 當 書 觀 甘 並 地 頌》 則 無 即 後 碑 捎 遺 系

跋唐張長史郎官石柱記

其所 帖》, 林 冬十有一月望,北平翁方綱 薛之精能 所 求 海 而 磨 審之,其下尚有 嘗見真本 況其 亦 滅。 傳 内 尚存《郎官題名》數 然 顔 以 미 11-昔孫 難 得 則此 魯公親授受於長史者,凡口訣 然 序 有 香 遽以 見。 也 月峰 ,善學者尚 光亦 也 文 本,聞 拓本 ! 乎? 轍 董 嘗 恨不能 未 迹相尋,然褚公之用 長史筆法得之褚 初 後諸 香光摹勒 跋《郎官石記》, 作當見 刻 王敬 今尚 或於此問 與 人姓 真 層,字 石,雖皆精楷, 美所 在 此 本也。 Щ 此記 同 名 識 東 藏 几 亦 較 津焉。 舊 於《戲 細 人 所 大 今陝 然 河 家 前 校 拓 當 月 南 野者, 筆、 + 然諦 屢 相 峰 精 西 鴻 研 訪 傳 碑 未

閲 則 度 此 炳 出 尋也 之敬美誤 其 堂碑》,且謂 度》、《九成》、《 書之根柢 口 是 書 藍 Œ 勒 月 ,此本在 在 尋,特揭 右 世 《廟堂》始爲增價 」,實由 天壤 書在唐 之 由 精 知 張 觀 敬美 唐人問 此 長 意 讀 ,千古自有定 耳。 世,真 Ш 褚中令上溯王大令, 本。 史郎 橅 在 出 以 又 Ш 人 此 谷 傳, 雲 其正書矩度,使人善會其 中 廟堂》皆爲 舉 谷跋 則 今日所見王彦 津 而 此 官 谷 Ш 景星鳳凰矣! 實 無多 晉 「容」字、「極」字 弇 庶 語 石 農 谷 以以 非 足 州 法之正 記 部 謂 蓋 也。 讓 確見。 過 以 爲 論 序 友多聞 深 所 唐 訂 泥此言 之退 其 ×, 耳。 探 而其 路。 以草 Œ IE 都 草 超 華 唐賢諸 IE 三舍。 愚按: 書 南 法之 用筆之妙, 本 不必援《化 亭 況 愚 書無 無 濠 取 遂 張 原 董 將 題 轍 無 所 法《 調《 原 此 長 石 跋 書 轍 能 藏 洂 後 史 猶 化 石 蹟 有 廟 草 謂 出 宋 洂 口【

> 鴻堂 日 無 L 刻 平翁方綱 之失。 品矣。 識 嘉 褚 慶 書《 + 年 東 Z Ш 帖 丑. 夏 六 推 月 此 廿 爲

堂帖》 之本也。 兀 陳仲醇 亭所摹正 至,予亦未敢 矣」,「矣」作「也」。 字、「兵」字。 下注云 尾 一人題名。 有「河 前 + 尚 餘 張長史書《 美)所摹 手摹之本, 更郎、 年矣 有 南 跋 但 仲 同,但華亭未親 屈 其字 即 刻 南 醇 輒定 其碑字 I 迥 濠 是 印 臣鐫 郎官 昔有 郎、左 ,或楷、 都 不 亦 也 爲僞 其 尚 不 南 ,峭 詳 相 有 -石記 持 人持 能 濠 似。 數 也。 潔 司, 或 又有史芝以下廿 此 斷 録 處 行、或隸 舊本 序》,予寤 見 ,帖來、 與 又 内 其 人 碑 誤 今見此本 此 董華亭《戲 或僅 王文恪 是 筆 内 拓本 相示 金薤 京 耳。 亦珍 不不 或或 注 兆 想 者 琳 祕 今此 朽 特 與 真 石 於 據 華 之 有 或 鴻 碑 本

之? 論之, 言 引 宋 記 兆 以 子 乃 拓 故分上下二 官題名》上,第一千 》,張 石 T 壟 文後,而 本 既 此 元 計。 刻是其 商 郡 每石 目 宋 明之《中 京兆 則 此 德 旭 見 石 千一 其 中 合 是 實 正 耳 符云「石 前 丞 ൬ 郎 郎官 此 名下注某官者乎 是京 卷,豈 書,第一千一百七十八《唐 本 彼 面 本, 所 人 官石柱,六面,今尚 百七十七《 三卷,其 一本後 廳之 耳。 藏 郎 石 而 兆 竹 是京兆 在京 聞 有 官名 柱 今又得見此本, 原 石 垞 考之 一百七十 僅寥 》 石 前 僅 書 本 兆 曝 列廿 以 面 人名,而 (唐尚 趙 無 本、是 多數 刻 書 人名。 白 卷 疑 明 ? 在 亭 뻾 即 九《唐郎 有 誠《金 也。 書 竹 蘇 十人附 集 此 吴 又宋人《 [省郎 合六 吴中 在 垞 州 序 以 中 跋 何以 則平 學」, 也 亦 本 Ŧ 石 官 其 官 重 則 面 未 亦 也 實 於 下 題 郎 石 刻 京 其 援 又

例。 子之論 皆取 矣。 果唐 是其 論詩 似 州 是此 刻 不 廬 山谷、弇州之必舉 云「唐人正書 廟 户 夜 乎 此 類 堂 惟董文敏《戲 爲 云: 企想晉人之意甚 推 跋。 宿 法 無五言古詩 惟 刻 至敬 編 據 虞 許 諸 是 爲 其 與梁 亦 「唐無五言古詩, 瑶峰意思 對其 耳。 美 永 太 碑 弇 推 云 過 跋 並 州 興 日 許 是 瑶 無 者。 草 《廟 且 觀 跋 長 之 謂 峰 碑 出 長 皆退 歟 頗 史所 云 鴻 调 此 前 在 此 堂 其 ? 堂帖 而言 史本 而 不 :「以《 乎 軰 碑 京 碑 碑 右 予今又有説 深 以 書之原 後學勿以辭害 論 避三舍。」又援 兆 内「容」字、「極」字 》,此是 以 爲然。 以 耳 書,語 故不嫌 而有其 草 壓 化 但 不 1 弟 予廿年 聖 唐 度 本 云 就 猶之李滄 蓋 著 臆 賢 及 在 世 陳 於多 古詩。」 無 馬 名,諸 撰之説 也 乍 Ш 旲 所 -前在 仲 九 可 9 聞之, 中 此 此 Ш 成 疑 也 君 非 弇 者 口 豈 TF.

之累。 在 相 本 酌於筋 乙丑,仲夏朔旦,北平翁方綱識 炫,是則 鉤 勒 若 脈 人 骨 有 石 藝林 肉之際 能 則 精 大快事矣 弱 意 劣 ,使吴中僞 傳神、選工 實 (甚,適 嘉慶 足 本不 重勒 以 十 得 爲 者 年 以 此 歲 岐 審 碑

有 蘇 Ш 西 耶 齋 今年北 昇經 昔文 小 衡 來, 其 山 日 樂 得 贈 日 何減 此 友 展 神 人云:「此行 於登 翫 物 放移 此 第耶 帖 此 何 得 語 啻 宋 見 贈之。 爲 子芝 褚 我 書

·晨展翫,再題四詩: 借臨《長史郎官石記》,既題其後矣,

西 [臺若準 六 幅 題 觚 名 旋 石 爛矞雲,仙 獨 冠 昇卿 郎 寫 列 宿接 分。 香 薰。

江岸平 岑銘 沙 錐 觀 畫 主 處 闕 伊 專 龕 精故在褚 Ŧ 謝 東 河 Щ 南 辨 函

> 篆首。 離資園 樂 借秦雲影,鳥鼠 圃 不 名 吴 郡 刻, 山人篆印 南 濠 翻 闕 泥 陝 碑 胡 孝思 題

端午日 小水 趙子昂印 晶 唐臨 官窠 書 ·,後有郭天錫 晉 方綱。 象 帖 在 趙 、周景 彝 郭 齊,可 周 仇遠 仇 白 許 、白珽諸家印。 孰 弇 津 州 涯。 曠 古 帖 前 懷 \overline{H} 有

説亦 或能 之言,作《長 非 謀 予既 Ŀ 盡 於後 石時附於後也 無 史正 因 跋辨 也 書論》。 爰綜 王 敬 合月 美仿 方綱又識 暇 峰、定遠諸 虞之説, 録寄芝山 而 其

前三行:被此末一筆「し」,是小捺二頁前一行:網此字內有失處,不能補。

新四行:睿内上一横間二筆起處,皆

非點

六八九

五頁前 頁 頁 後 前 四 行 行: 行 義末一點,實不可 揔 中間 「忽」内有横點 缶 上,是 小

題小跋訖,復取白香山語書於胡公篆幅之側,欲得七頁前三行。辯右上多一小横。後三行。藍「臣」下有小横,甚微。

人,下一轉語

又書。 是以 復 + 二年 題 後復借觀 詩 於後。 丁 竟 \pm 無 八 人 月 爲 作 + 七 轉 日, 語

跋唐沈傳師羅池廟碑

言 與 此 ,未被沈書 唐 碑參之。 登第在貞元之末。」然其時書派 碑 篆 額 所壓耳 多 己未三 不 逮 其 月廿 陳 Œ 諫 書 H 鄭 惟 承 此 規書, 沈 碑 歐 子

合柳者有之,以虞合柳者罕矣。方綱

跋唐淩煙閣功臣像殘石本辛丑

徵、王珪、李勣、侯君集四像。」按《唐書•太宗 公蕭瑀贊。 按:温所作《凌煙閣 何時 吴道子畫《凌煙閣 君集,侯贊又非温作,而王珪之贊乃係宋 珪,又删去侯君集、張亮。 今乃有王珪、侯 温,元和間人,則此刻非出開元中可知。 而不聞出道子筆也。 曹霸詩》「開元之中常引見,凌煙 紀》,凌煙閣功臣二十四人圖形,事在 色」云云。蓋開元時,或有重摹圖像之事, 十七年,其後不聞吴道子畫 所畫,固不可知。 林同人《來齋金石考》云:「麟遊縣 且其中云「開 功臣像》石刻,今止 二十二勳臣贊》本無 今觀 然其 國有宋」,又云「巍 此 事。 上 殘石本,其爲 刻 杜工部《 功臣少顔 日温 學有 貞 存 又 贈 觀 魏

書銜 進爵郡 所 今又書曰 永公本不成 刻 與費 固 公,是宜 無 「禮部 既 又 疑 將 訛 者。● 語, 一宋 謬 侍郎 書 如 日 而況王珪乃 公」「宋」字 此, 因 、永興公」,訛 禮部 拓 則 其 尚書、永寧郡公」。 其 圖 文 封 改 [像非 永 作 而 謬 寧縣男, 「永」字。 考其 出 極 當 矣! 誤 日

跋後漢剛城村佛經乙未

如

此。

以 年 右 而 兩 城 前 號 側 云孤 上 所,及妻李氏 村 是年 皆刻 造 孤 鋭 碑 也。 子 首 下 子 孟 方。 佛 云「大漢 庚 孟 村 知進 經。 戌 進 之名 其 + 疏 同 L 上有大方空,如 記 爲 意 或 一月漢 起 ,左刻「乾 三代先 發 于 願」云云。 州 乾祐 隋 龔 唐 F L 祐 一及父母 是 此 縣 壟 後 碑 万 丘 漢碑 石 漢 年 蓋 歲 造 是 隱 造石 + 鄉 孔 面 時 À 帝 岡

> 以 於 歲 州 沿 有 費多 (*, 其 唐制 或 高 奠,曾不 者可 祖 寝 長陵、 也 隸 不戒乎 F 90 ·若此 泰 其 龔 攷是 寧 事 世 丘 軍 祖 村 ŧ 縣,北 節 年 以 原 民 度。 至 得 陵 三月甲 國 四 爲 ^ 以 + 九 亡,二陵竟不霑 其 時致祭。 Ŧī. 域 寅 先立石 里 志 工, 二鄉 詔 墨云 祈 寢 有 司 廟 兖 万

跋朝鮮靈通寺大覺國師碑

也。 筆 即 石 大 覺 如《 墨 帶 國 此 是 下 化 唐 師 碑 IE 度 宋 楷 又 立於乙巳,在宋 即坡公詩「三韓 碑》,第三行「勝」字, 書 專 如 家 師 虞 如如 歐 恭 陽 此 公碑》, 率更,結 純 宣 用 王子西求 歐 和 第 法 體 七 卅 右横 者 年。 逼 罕 肖 法」者 行 用 矣 所 中 行 華 云

● 「固」上,原衍「則」字,今據稿本刪。

六九

慶乙亥正月,蘇齋。之,知東國舊本尚存遺意,豈可不記? 嘉「獻」,右頂低下,皆人所未及知。得此證

復初齊集外文卷第三

復初齋集外文卷第四

大興 翁方綱 正三

跋定武蘭亭

本 見 年夏 本 子 雨 谷 蘭 者。」 即 是 木 按 中 臨 亭 ·及鈔 退 7,得元人陳 看 元 本 庚 今此 谷 退 元 後 卷 子 本, 谷 所 藏 X 自 後 春 跋 謂 本。 所 卷後,有乙巳七月退 識 有 是趙文敏諄諄求之而不可 商 所藏 陳 藏《定武襖帖》,遂臨 孫 云:「乙巳七月四日,病起。 直齋 丘 直 康 退 陳 齋 鈔敬 巸 谷、許 本。 約 本 四 也。 恭 年 仲本云:「康 樵 編 五字亦 Ė 《王弇州 潁 是 收 Z 臨 翁 得 E 此紙。 本。 一,則 識 》所云 熙 定 而 搨 四 退 武

者字微 本乎? 矣。 是唐 也。 濃 舟 以 子 則 員 俞 本 秀 鈔 不 日 直 紅 銷 氣 本 謂 渾 僅 Щ 急 本,當 筆記 況趙 古刻。 瘦本 生 夏記》云: 者 曾宏父《石刻鋪 此 能 於 翁 悉在 可 爲 一,所 瘦。 肥 椎 者,王 《蘭亭續考》云: 予今 是 此 與 之, 真 文 ,此亦可見肥 亦 拓,用三 第 吾 趙 本 謂 據此 一本。 敏 有 耳。 據 聊當 一文簡 黑 乃知其 几 用 子 此 真 「余未見 Ę 濃 白 固 者,不 假 數 其云 則 一重紙 草稿 () 居 宋 落 若必 條,則肥者真 鈔 敍》亦謂字微帶肉者, 「《蘭亭》,是已退筆至 大 肥 牋 是 水 搨 本 聞 過以爲孫退谷 易 之勝瘦矣。 疊其上拓之。 者爲 精 不 鈔 本 無解 趙 法 字 幅 録 然 本 相 摹 鈔 諸 不及 痩 耳。 》至謂 之瘦, 得其 敬 也。 於瘦 配 前 本, 此 本之先 輩 鈔 而 不敢效 自 退翁《 本字 本之説 本 古定 抑 謂 細 居 瘦者僞 者 1所藏 且 又 在 石 武 庚 内 有 真

毫髮差者也。

跋神龍蘭亭

墓 迹,在 悔至 搨 網 卞所載者則 就 性 亥 二年四月十日閱 (書畫 珊 跋 甫 其 本,以下 元 其 瑚 必 所 識」,凡 右 考》所 伯 須 源 録之後 神龍 有 所載諸 拓 記 委 玉 皆 墨 前 者 載 四 元 略 有 蘭 本 黑 後 摹 神龍 半 條、皆吳彦暉 具於文 二本,其一本與朱性甫 亭》,項 跋悉同。 中無 豐五年凡七跋,皆與 三條 蹟 書於此 墨 于願學齋」,●至「至 跋 本相 題跋。」可見此七 則 疑 相 文水 墨林 以以 矣。 同。 同, 此 卞注云: 備 題 跋 跋。 内 m 至其後「 圃 考 中。 日 無 性 其 證 之。 甫 則 以以 下諸跋 馮 所 V 長 个 跋 天 F 樂 與 録 TE. 承 氏 皆 朱 曆 真 T

> 之末 真 者,而多旋折,以取異 點。「領」字左「令」之末點,「絲」字 如 (鑒也。 游 點,皆多出 絲 裊 附記 一折。 歲 八態者。 其餘 字 中 皆是從褚影 虚 小 舟之云,非 横 右 E 「糸」

跋褚臨蘭亭

熙。 後 盛 敏,文敏後以 五 臣、米元 原 題 跋 字、至字二板,凡三十五字,并割 本 陳搨 真 跋甚多。 及文敏自跋二段,以示 右 取, 迹 章父子等跋 數本 特 此帖竟缺二板。 自 $\overline{f_1}$ 明景 十,分綴 I珍祕。 百緡質於海寧陳氏 泰間 者 諸 蘇 後 是 跋 太 以以 也。 歸 有 簡 范 吴中陳 必收取之意。 售利 陳氏 明季歸 文 本 正 於 遂以 宋元 元 王 董 明 洒 而

又

有

鬱

岡

齋

所

刻

馮

承素本,王虚

舟

謂

是,宋 子 别 熙壬午,查 海 也 元 否也? 康 0 明 取 副 酒 熙間, 以 即 面 錫 五 他 作 購 所 與 墨刻 此 張 從 氏 搨 思 褚 有《 此 二行,每方 王 本 所 王 刻 董 重 别 恒 本 東 本 《褚 聲 虚 傳 遂 補之。」此 補 弇 有 氏 藩 Ш 補 無 爲 Ili 舟云: 世 摹 州 觀 石 一石, 也 既 之。一 劉 來, 爲 跋, 完璧矣。」 , 蘭 宇 以三 刻 渤 掣 孟 鉤 攜 亭》 四 ·宙」云云 又孫 劉孟 海 留 本 而 摹勒 倬借此册,重 玉 則未 以 梁 行, 十千 藏 , 真 三十五 何 他 鉤 一煙堂 相 所 直 月峰云:「管子 以 倬者,名□。❷ 跡 内 本 知 摹 石 據 或 收 謂 割 觀宇宙 遂 者,是方册 即 補之。」又云: 者, "跋之云"「 前 一所 此 所 得 循 本 終 字 係 刻《 缺 刻 Ŧ 當 之二 湮 則 董 是 刻一石, 闕六行, 又 補 褚 月 所 兩 机 不 質者 藏 見 是 峰 幅 則 以 板 安 褉 截 所 H 失 陳 本

> 各題一行。 跋 内 何 柱 附摹於後,以備 也 無之, 法 ? 一條,與此有關,附 之跋 帖 出前 而 此 琬 耳 幸 行 真 琰 又王横 ? 所 增 本 後 考證 藏 米 已 輝 又 劉 跋 歸 矣 有 刻 并 内 臨 録 此 查聲 一石有之。 贊 但 府 於此 外,惟 池 暨 未 者三跋,董、 刻 小 Ш 知 米 諸 董 米元 ^ 跋,今皆 跋 \equiv 所 其 掣 小 則 陳 米 此

跋劉孟倬刻蘭亭序

褚 人者。 中 盛」字以 秋 本 夕, 耳 此 虚 本 方 舟 下 即 不 · 覩千 賞 六 王 題 其 行 虚 刻 Ш 舟 73 法 所 取 安 媚 梁 云 知 秀 蕉 劉 當是未曾 林 月哉 孟 所藏 倬 刻 褚 本 辛 本 其 觀 補

- 「循」,原空闕,今據稿本補。
- 「名」下空闕,稿本此字極草,待定

六九五

字,似 碧殊 「一」字,末作分隸勢,從來所無,不特與秋 然以 也 梁蕉林所 是 。「觀」字、「類」字皆同。 轉 此「 筆之誤。 盛」字三行 藏褚本,似當即 尤子所以名鐵筆者, 對 之, 是秋 如一 則 碧 此 堂

清次之,戲鴻爲下。 本 秋 也。 餘清、 M 刻 戲 法互 鴻 三刻之張 一有不 同, 秋碧第 金 界 奴 本

跋程松圓藏宋搨蘭亭

信。 虚 爲《定武》 舟 云 余從儼齊司農 程 松圓 「此《宋搨 藏本,今在畢 E 本,義門何 蘭亭 處 得 シ九 趙 秋 太 字 帆 子 史亦 損 固 中 本。」 永 | 落 據 處 以 松 爲 圓 王

> 紙,猶 尋。 所藏 淩跨 甚。 不浮,變而 達一間,當爲諸本之冠云。 IE 謂「九字損本」者是 武》,乃是南宋覆刻,桑澤 蘭亭》四種,以金華鄭清之本居首, 同, 本、雖 一切, 字中有骨, 乃知此爲鄭氏祖 細 而氣象之雄厚,筆力之古雅,不逮 未肖其 相 剥蝕已多,而 不佻,莊而 況 校 祖 、髣髴。 字外有神,腴而不膩, 帖乎? 始 知 也。 不滯。 本。 此 信《定武》爲天下 此 再三研玩,妙不 嘗見楊 卿《 本 帖去《定武》未 其重摹者尚 猶 又云:程 、蘭亭博 余臨之,五 非 東有 真 IE 清 孟 與 可 足 遠 此 定

京, 亭》,舉 此 以 中 丹 丞 相贈。 叔 勒 詹 石 事。 時 蓋 此鉤摹之手本係 事 底 以 本, 余喜 痩 銅 攜 蘭

乾隆 0 幅 字,下 三辛丑八月五日,詹事廨端範堂識。 此 又 亦即其非出《定武》真石之一驗矣。 此 以 係 半左直 鉤 紋 本之過,非 洮力 ,作波向 其 原 外, 間 拓之誤 則 0 非 遂 鉤摹 也。 致 失 所 惟

石可知矣。然有微過者,有微不及者,則非《定武》原合,有不盡合。 其不合,亦不過在銖黍間。 程孟陽本,每行分寸較《定武》原本有

跋宋搨蘭亭

即。 收一 所 余手摹之,刻石,置研山齋。」按:此即知止 集《蘭亭》百餘 三十本,後皆有手題, 其中有御府嶺字从山本,極爲 退谷《庚子銷夏記》云: 本,今西川 用景仁及克 胡 南 菊潭先 宋 游 精采。 生 丞 齋 所 相

> 以冒 耳。 意 董文 閣 圭 參合,取其適 既是《定武》真本,則逕改之。其餘 上,同出 予嘗借摹,前 絹 用《定武》歐法之理。而究必以《定武》 而臨此本。 水定武》本,因 取一字,耳 心,且可 媚 本 刻 臬,是爲 敏跋,皆 其絹 真 實 本 丽 本也。 从 忧 與潁 褚 適 本, 三米本鉤 臨 内作三畫,必是響拓之誤。 蹈 中如「蘭」字,廿下多一横畫, 以 潁上、三米二本合券之金 有唐· 中。 數年前 真。 無 上本相印 於訛 然三米本,猶存《定武》 對 用其 疑。 快 太宗題字,後 乃取 蓋 筆意,合以潁 尚 既臨 予今年新得借臨《落 在京師 他卷之跋裝入此, 證 馮 圃 所 ,信知三米與 三米本,亦無 形 刻 氏 神 褚 不 有 全 索 臨 知 上筆 失, 柯 價 絹 以數 rfri 其 敬 本 刻 高 本 潁 遺 全 石 以 則

[「]此」下,稿本有「本」字。

[「]錯」,原脱,今據稿本補。

鍼 也 1

跋 宋 搨 漢

見吾 舟先 向 景西名繩祖 明、楊景西印。 希世之珍! 即 仲 見吴門陸 ·畢既明所雙鉤,有豐道生跋者也。 牆 背之勢,因 齋 生竟 ,剥損二十餘字者也。 虚 爲楊景西本。 中 舟 日。 精 跋 未 所 靈 得 氏所藏宋拓本,古氣渾淪,真 後果 號仰山。 復借此雙鉤本對看 云見宋搨二本,一 會合,如有 此碑之妙 既 有豐道生手跋及畢 明一字季明,名宏述。 義門本即得之丹 其拓本筆筆有陰陽 神助爾。 楊景西 併識 爲 于此, 乃知 乾隆 何 本, 陽 虚 既 則 孫

往 甲 午夏,曾摹吴 Ш 夫 雙鉤 本。 戊 午

月

夢見! 言之選 今書道 遠遜 從宋 爲 則 其 景 手 左右 虚 補 跋 西 Ш 乾隆辛丑春三月八日。 山 舟 即 搨 夫 ~ 敷 夫。 自 楊 拓 中 向 影 鉤 一大關鍵。 蓋是碑 Ŧ 跋 背、 繩 間 原 摹之本,則 本 虚 然以 本,有 未詳之故 \equiv 祖 所 舟 因 陽開 字,則· 一十字,究不 從 上承篆籀,下開 雙 併 山 出 楊 鉤 摹豐、楊 陰 夫 加 無 景 本。 虚 山夫未見此拓本 或以 閉之妙,雙鉤 本對 也。 疑。 舟 西 印、畢既明 今 所見即此本。 知 宋 奇 虚 乃 據誰所藏 怪目之, 拓 舟 山夫 得 跋,而 雙鉤 正楷,爲 原 見 本, 本 第云 豈 全未 則 道 也。 其 原 而

題 本作「跋王虚舟雙鈎本」。

跋張瘦銅所藏宋搨争坐位帖乙未十二月

宋搨 又見 正行 過 搨 輩文字以本實爲主,無取誇也。 論詩,謂 今陝 較 精 此 畫 予寧題以「舊搨」,而不指言「宋」者,吾 今陝 |考》所載,即坐此失也。 中, .四行,●而 ,而題以 明 好 董 戲 者 王雙白藏宋搨本,●神氣渾淪,然不 |文敏刻人《戲鴻堂帖》者,自言是宋 鴻堂本,七十七行固謬,然原本是 本肥出, 吾輩寧過 則往往紊其次。 1,然以 本,筆畫稍肥出耳。 舊搨,何傷哉? 著録家或以旁添之字誤 ,則題以宋搨,不爲過矣。 較 今陝 一摘 其病, 毋輕揚 本,曾無 如卞氏《式古堂 時方與諸 瘦銅此本亦 其或真是 大異。 其 美。

第二十一行「權」字旁,今陝本尚隱隱

無字。此本則隱隱有上痕,蓋「亦」字也。若半字,而戲鴻刻本與雙白宋搨本,皆絕

此本心旁尚可辨。《式古堂書畫考》竟作「佐」字,誤甚矣。今《式古堂書畫考》竟作「佐」字,誤甚矣。今第四十四行「疑」字下是「恠」字,而

「口」字甚分明。 考》皆無「口」旁,竟成「出」字矣! 此本等》皆無「口」旁,竟成「出」字矣! 此本

意,今搨本無此矣。 上飛出之勢,極峻利。此本尚彷彿存上飛出之勢,極峻利。此本尚彷彿存

- 「明」,原脱,今據稿本補。
- 「行」,原脱,今據稿本補。
- 文末,稿本有「乾隆乙未十二月四日爲瘦銅舍人書」。

其 挑

跋王儼齋家所藏宋搨閣帖丙申六月十七日

其 所記 子長 又與内府本有不同數處,摹於别紙以俟考。 帖》内「靈柩」「柩」字釋爲「樞」,即 極 趙 垞 朱 爲 謂 吴興筆。 印、項 書 内 得 是項氏物者。 此 府 神。 本後 釋字,亦非趙吳 本數處,皆不甚合,是則 篤壽、萬卷堂諸印。 第六卷有趙印,每卷前 有儼齊跋,言舊在 謂爲宋搨,當無疑 又云:相傳帖中硃 興 所爲,中 何蕤音家,竹 者。 搨 可見矣。 間《大王 미 法懸虚 後,有項 第 ,疑耳。 方綱

宋搨佛經殘字

又用武則天所造字,宜其爲薛書矣。然薛跋,云是薛稷書《涅槃經》。其書是學褚法,「次付摩奴羅」云云,二百十五字,後有

則形神畢肖,亦舊拓之不可多得者。編》皆無此目,●不能定爲何碑。而於褚書,書傳於世者,惟趙明誠《金石録》及《寶刻類

疑 誠 羅 所 尼 録 經》,在陝西,未聞《涅槃經》也。 真褚法之息壤矣 薛書,惟《寶刻類編》具詳其目,有《 亦 無之。 今此 殘 拓精 妙,宋 拓 趙 無 明 陀

年見 合此 若此之形神俱到 魏 看 以 褚 之,乃深悟褚、薛之所以爲然。 栖 梧 書《房梁公碑》與《伊闕 書《善才寺碑》,深得褚法,未 耳 Ξ 龕 前

■「編」,原誤作「篇」,今據稿本改。

跋宋清邊弩手指揮印記

陽併宣 擊栐得于山 史•兵志》:「實元初,選陝 紐兩旁鐫「皇祐 健者置以弩手名,指揮四十三。 熙寧未增併之前云。 府伉健清邊弩手。」此印云「皇祐 元豐三年,以河間 二,慶、環、滑、同、坊、鎮戎、慈、丹、隰、汾、憲 五,涇四,河中、隴各三,永興、代、潞、晉各 清邊弩手第五 一。熙寧六年,併鳳翔四爲三。八年,吉 宋鑄官印一,修廣各寸五分,陽文,曰 揮 題,爲攷其實而詩之。乾隆 毅 中,屬「太原 — 來 西汾州 隸。 五年少府監造」八字。 指 中清邊弩手將兵 揮第 九一之第 石樓,●今失去。 九年,併秦州 「第五指揮」則在 五都 西、河東廂軍之伉 五 朱記」。 無 五 太原九,秦 庚子冬十 疑 年」,則 四 一隸本 按《宋 矣。 爲三。 背紐, 四 在 遊

月十七日,北平翁方綱。

册寄 册,因書此記於同 道山,不及見矣! 載軒二君謙遜、未遽題人、然亦實無他條 是歲九月望日也。 可資攷索耳。 魚門、 京師 辛未秋,未谷四兄得此印 瘦 銅 諸同人屬爲 時棕亭已旋全椒,而 穀 人題跋後。 人各爲 將致書於未谷, 題跋 跋著 不勝泫然 ,方綱與辛 於洛陽, 詩。 竹 還其 君

跋元周伯温臨石鼓文墨迹卷

周此卷僅十八字,入〇八一之上,多出本六十三字,今拓本五十八字。 第一鼓:《石鼓考》七十六字,薛尚功

「林」,原字殘缺,僅「木」旁可辨,今據稿本補。

七〇一

郭亭。

字,今拓本四十二字。 第二鼓:《石鼓考》、薛尚功本俱六十

周此卷僅十六字, 70字寫作、10字,

實無此字。

拓本俱六十字。 第三鼓:《石鼓考》六十一字,薛與今

顛倒抽换寫之。又非集句,復不成文。 周此卷僅十九字,中間多將原文之字

拓本四十五字。 第四鼓:《考》與薛本俱五十三字,今

增「沃若」二字。 周此卷僅廿二字,又於中間「六轡」下

今拓本十五字。 第五鼓:《考》五十二字,薛四十九字,

周此卷二十八字,章首「靈雨」上增

「我來自東」四字。

第六鼓:《考》四十二字,薛與今拓本

俱四十一字。

周此卷四十一字,與薛本、今拓本

並同。

第七鼓:《考》與薛本俱三十字,今拓

本六字。

第八鼓:《考》與薛本俱十三字,今拓周此卷十四字,不見二下多出會二字。

本無一字。

周此卷無字,與今拓本同。

今拓本五十字。 第九鼓:《考》四十九字,薛四十三字,

但中間之字,皆倒换錯亂。至於全八之改一,用此卷四十九字,數與《石鼓考》同,

个,全个之改全,則實無説。

7.石本豆字。 第十鼓:《考》三十八字,薛三十六字,

今拓本五字。

後跋云。「右周宣王岐陽石鼓文,史籀周此卷十九字,不又改爲个一。

萃云。❶ 惟 所 鄱 此 陽周伯温 書 卷。 也。 而 己。 凡三百八十七字。 略 一書。時年六十五歲,僑居中吴。」 可 在 泐 成誦者、空其缺、餘机 食 京 無 師 幾 或 學 暇 孔 至正壬寅孟冬, 日, 廟。 臨 三代石 其可考者 刻, 文

字 年 九 相 至正二十 顧 -四年。 ė ,則此跋自謂「凡 數不合。 去不遠。 成文義者,若 全本,則不 經見之字, + 以 六字, 卯。 周 潘 司 所臨字 業 今此卷是伯温: 潘《音訓》本止 而 年壬 迪作《石鼓音訓》,在後至元 且 第四鼓 應反多出各本所無之字。 斯 中 周 計 謂 亦 間 所臨者,較今時搨本反 寅 之,實共二百二十六字, 轉取鼓字集成之,則 奇 又多顛倒錯 (,●距 Ξ 增 矣! 百八 四 被 存三百八十有六 字,亦與潘本同。 潘《音訓》時甫 留張氏時所書, 若謂周 十七字」者,尚 互,及多出 所見 少少 者 又 五

> 耳。 然升庵本 不應 又不應 升庵之本不 之本,初無所據, 東」四字。 沃若」二字。 三日,借觀 轉 今伯 反 無 温 至 句法文義。 多 與今所傳楊 所臨 如 爲 至 於燕譽居之得月寮,漫記 第五鼓「靈 此 七 臆 之少也。 創 在 百 朱竹垞以爲 有二字,而 升 ,有先升庵 庵 第 升庵 之前, 四 雨」上增「我 乾隆 「鼓「六 本合。 升庵 審 加 伯 壬辰 如 增之者。 温 第 所增益 所臨, 此, 十月 下 升 來 增 則 庵 自

跋左忠毅公六印丁西三月二日

試三甲九十一名,賜同進士出身。此云大各三。謹按"公中萬曆丁未會試十一名,殿右桐城左氏所藏忠毅公六印,朱、白文

所

^{●「}餘」至「萃云」,清陸心源編《穰犁館過眼續録》卷四

查壬寅乃至正二十二年。

左忠毅公六印公六世孫燽

數百 司獄。 紀實者也。 名相應。 又公里中星 君其當之乎!」踰月而六君子逮獄,至七月 者,公以天啟五年乙丑六月二十七日鎮撫 其時月當大斗,火光繞室。 二十四日戌時,公卒。其夜白氣如匹布,長 又曰「古遺直氏」也。 字共之,又字遺直。故其印曰「月當大斗」, 火灾,救輒無有 (舍,第天市微星耳。 法。 君,君屬方綱題其後。 丈,起尾箕間,貫紫宫,掩天柩五星。 「非也。 公生於萬曆三年乙亥九月九日丑時 是年三月十三日,月人太薇垣,犯左 或曰禍在璫。 而此印云云,則或後 試 公六世孫燽 一隕,光灼灼大如斗。 璫小臣,不人紫微垣,不列二 ,如是者數四。 房而言之。 其曰「紫薇太薇閒人」 其禍 璫, 鈴於册,以遺筤谷 鄰人望之,以爲 執法也。 最毒、楊、左諸 人所篆,爲公 又按公《年 遂以命名 是皆與公 占者



朱文





白文





白文



次建。 之子諱 也。 致野 句,在成化戊戌。 酉,年七十。1 庚子九日,北平翁方綱識 少卿之筆同裝軸,藏之,可 正少卿歸 在,其歸田後與吳原博、史明古遊陽 録》諸書,皆 ,如《野航 航 按文衡 右 孟 不知孟 柬 明吴門朱 者,贅於陸,因 田 日也。 Ш 陸 漫録》、《鶴岑隨筆》、《吴郡獻 孝廉 一爲誰也? 志野航 而李 無傳者,獨 野航 蓋野航居吴郡城東 謹 今自《鐵 少卿之卒,文温 先 庭 墓,載其二子,長延, 恭所 生手柬,并李少 姓陸氏, 謹庭其後 野航卒於正 此 不寶諸 網珊 藏。 手迹片楮, 云 瑚 Ш 止德癸 州尚 乾隆 野 聯 時 編 卿 與 航

跋王元美敬美自書田園

自

在田 廬江 暑作。」中有「殘暑將爲客」之句,蓋是時當 在隆 月爲芝山 壬申,時 元美書在隆慶戊辰,時 書 居也。 一小吏之篇,已有成稾於胸爾。 慶元年丁卯。 田 右明太倉王元美、敬美兄弟 貢 年三十七矣。 題。 詩 元美跋云:「前十絶句,甲子避 ,其自跋皆有 於時家難甫抒,宜興意 。二人伏闕訟父冤, 年四十。 不 忘 田 敬美書在 墨 廬之思。 丁酉二 一迹,皆

附

景,宛在目前。 吾友安邑宋芝山,自家 探其行篋,得觀是册。 二美寫作之精, 人都, 覺江 洵 道 鄉 經 競 風

「七十」下,原衍「四」字,今據稿本删

七〇五

七〇六

爽 初 也 春 强 陳 焯 余 跋 後 爲 識 歲 月 乾 隆 Ţ

黄 妙 懷若拱璧 與 跡 書 瑯 無 .不 琊 長安點 昆仲, 勝 也 欣 幸 余在 塵 石 1 繞 渠 上谷吏牘 天 筆 T 禄 端 酉 閒 宜 芝 堆 月 山 中見此 而 \equiv 先 此 日

跋史閣部詩蹟

江。 誠堂」三字。 雲谷藏。 史可 近 逸 來 氣 法長軸,行艸,三行。 學 後 豪 得 情 白文名印,下 持 贵 雌 易 降, 訣 試 鎮 印, 前引首紅文印 日 評 紅文「」二字。 今古 無 言 有 獨 敬 對 誰

臆撰 也。 然味「持雌」句及末句,當是後來爲馬 以就平仄 《家語》 此詩第三 亦 也。 句 云 執 持 公前後官南 雌 雌 持 下 即 -老 土非 子 持」字非 ,「守雌 日, 士英

俟詳著歲月耳。

集

復其前

巡

安

慶

督

漕

運

時

也

無交

所忌

之

時

0

即

此

絶

句

如

見

其

聲

正淚

跋盧忠肅公手札

法、公道良心作 年來流寇 敢與聞。 載 ,費盡心血 宜 曹 興 。自元旦 郎 奔突畿 盧 忠 兩 肅 年 去。 南 以 公致 郡 帶 迄歲終,刻 守,凡 身家之計,夢中 其岳 提懸軍而 事 翁手牘,云: 只從天 刻 在 扼南北 行間。 理 亦 弗

是崇 都 御 史撫 禎 十一通 初 鄖 年 陽時。 凡州 以右參政備 葉。 兵天雄及以右愈 南 石 儀 部 所藏。

跋諸城劉文正公手記

偶 信 舊名,至今仍之。 傳文正 蒙恩再入翰林。 明年三月,奉詔旨纂《四庫全書》。 九月, 乾隆三十七年壬 筆偶誤也。 見官姓名。 院,外自督撫 官 7册,顔 自書於摺,因通内 , 因語館 單,而 大臣精心敬事,不敢一刻忘,於兹見 方綱是歲春自廣東學政 己 曰「玉堂譜」。 初 人,以舊曰玉堂譜, 改呼曰「官單」。 其 小摺二寸許,蓋以便於出入手 劉 非文正有改稱翰林爲官單之 提 日 文正公手記, 鎮 故事,翰林官姓名,館 辰 六月十日、 今見此摺,乃 事。 以至道 外庶職 而是時館 後 一條作壬申, 府 言之,或 七月十 直 方綱 内 乃復 役竣還京, 隸 自 知 下諸 州 内 文 裝 初 日 遂 閣 IE. 改 不 君 中 呼 特 題 相 部

事也。因記一事,附書於此。方綱。

莊詞 鄭庶常 文正 如 東侯 可 新 然與文正 及東侯自言姓名,文正厲色曰:「若豈對門 更迭坐於牀左,文正坐牀 左 林後堂寶善亭,亭中設大牀 不足教若 坐一榻,細論文。」於是庶常 右。 是。 見傳述之言不足信矣! 詞 ,公鄉人也,得此蹟,屬爲跋 邸 毅 爲 壬 林 氣,甚 耶? 申,進 館 是豈有改稱 寓,與文 文正曰:「吾與諸君 嚴 並 亚 師。 其訓 榻 一」復娓 于 前輩爲館 士改庶吉士者 坐,跼 文正初入 塾 課 正對字,而文正 師 而 翰林爲官單之事? 蹐 之訓 娓 敦其 師 尤 中警數 (館日 甚。 童 右。 體 而不余謁,豈余 子。 貌,並 師生也。 四 一,諸生席 四十一人, ,庶常謁 刑 蓋 十百言。 文水部、鄭 部 館 而 未 主 師 鄭 識 于 不 則 宜共 也。 於 翰 列 居 其

じつと

跋寶嚴二字

集,俱有《登昊天寺寶嚴塔詩》。● 之,併識 旌 方 訪舊、當爲先生 京師宣北坊、遼時所 綱。 胐 節莅黔,擬書 久屬予書。 春臺先生 故 事耳。 如 右。 昔夢「寶嚴」二字, 1此贈 按:元王秋 重賦之,不減高、岑、薛、杜 異 乾 日先生位躋台鼎,北 隆 行而未果。今始得 建也。去年秋,先 辛 Ė 春仲,北 澗 郝 塔舊 陵 因 平][[以 來 書 生 自 在

跋馬和之畫毛詩卷

一人,御者一人,後隨一人,背負圖包。前八寸五分。畫一車,駕牛,車卷幔。中坐第一幅:絹高八寸二分弱,横長一尺

挑,則 花葉、上有 有 衣服皆作馬蝗描 三峰 彭城世家」、紅文。 Ш 似 高 衣 處」紅文。 圓 前 服, 堆 行 作大、小二長裹 如 肩 覆草黑囤狀。 「侍講學士之章」、白文。 前有「御書之寶」、紅文。 擔 四 方印。 物。 前 又二方印, 者。 其 似 擔 架 後所 下

方印。 數竿。前有「元和」、紅文。「趙楫」白文。二 大七分。畫一人侍立。後有窠石,石上細竹 方。其後一人侍立。後有窠石,石上細竹 一人母。」。一人坐於方竹簟之上,面向 第二幅:絹高八寸二分,横長一尺三

際亦 水 六寸八分。畫 面右立而伫望。 有小草,披 第三幅: 絹高: 山 風 八寸一分五釐,横長 而 後有 前臨 前,皆向右。 水,水有 伯 雨 蘆 印」、紅文。 葦。 一人臨 尺 Ш

■ 「嚴」,原脱,今據稿本補。

「錢氏翼之」白文。二方印。

方印。 府 有 寸四四 大風之勢。末署「臣馬和之進」五字。 車後一僮,亦狂奔 「仇氏仁父」、白文。 一人,車幔卷風而起,作狂趨 分。 第四 」、紅文。「侍講學士之章」白文。 幅 車, 絹高 追 駕二馬, 八寸二分, 車。 「楳華盦」、紅文。 其後草樹,亦作 向 右 横 下阪之狀。 長 狂 一尺六 奔。 内 後 中

跋丁小雅摹鄭芷畦像

書,世或不 畦 禮記 吾鄉芷畦鄭先生,著《湖録》、《行水金鑑》諸 ,雅每來吾齋, 卷,而 是像,吴興丁小 集說參同》八十卷,又《官禮經典參同 盡 小雅之意,則尤在表章芷畦 知 見此摹本, 之。 《湖 雅 進 州 士自摹其 則拳拳語予曰 府志》載 鄭 鄉 元 鄭

> 裒集其 孝廉 萃元 若干卷、《 録盧、蔣二詩,因書小雅之語於此。 已託蔣君 深思、表章前哲者,庶 學鏞 明 鄉 諸 者 先生著述之意 訪之,未知何 家禮經典參同》若干 儒 ,曾見芷 之説,蓋 畦所著《禮記緝 以 . 日得 鑒此精誠爾 續衛 勤 矣! 見也 īE. 卷。 叔 一」蓋 小雅 之書也。 甬 有 注 爲 小雅 上 好 蔣

問禮圖跋

竹杖。 卑 容,則未有明文。何李公麟 馬三。」「孔子面 \equiv 此 ·乃爾。 莊 卷云:「孔子見老子畫象,人物七,車二, 物拄地,若扇子狀。」「侍孔子者一人,其 周之言。 黄帝 中間復有一 且畫莫古於漢,洪氏《隸續》第 順 下 風,膝 至於孔 右 贄雁。 雁,一人俛首,在雁下。 行 子適周 再 拜, 老子面左,曳曲 作 而 見老子 畫 間 乃一抗 廣 成子 之儀

巾

禮

原

於

太一

者,

非

所

謂

浴

神

紫房之太一也。

天

地者,

性之本也

回首 後 事。 乘 在 後 焉。 雙 車 向 馬 按此作賓主相 兩馬 外。」 公麟曷不據此耶? 馬 駕 駕 車 是據《史記》魯昭公予孔 車 車 竪子,同南宫敬叔 上一人, 車 上亦 見禮,甚合, 馬 首 外 車 且有 適 向 後 周 子一 問 敬 叔

問禮圖跋二

在 書事,史載 之季年,時孔子二十餘歲耳。 公麟 馬 平王四 遷之言與 而名之, 此 方 謬也。《史記》載問 圖之 綱 十二年,是相去二百餘年矣。 既 又在後。 又曰孔子年 莊周已不相 誤,然又竊 據 洪 而晁氏《讀書志》 隸 怪莊周 符 續 Ŧī. 禮事, 如 **>** + 所 此 至爲 一面 謂 釋 在 老子 畫 闘 周 不 聞 尹 景 呼 碑 則 著 王 道 夫 司

月

遷

所

述老子之言,世亦莫得其

故

也。 代聖王 之謂 則 周 祖者 所 魯,秉禮之國,而周公之裔也。 社之所、明堂之則、廟朝之度,所以必就 府柱史而 以 戚 ım, 貴, 王也 適周 矣。 然則孔子學禮 ,類之本 不得爲,徒使孟 本以 遞損益,至於衰周陵夷,寖不講 而 訪之。 是以學於郯子,而 也, 親 日 吾乃知周公之聖,與周 國隆,文以 南宫敬叔, 君師 於老子乎? 僖子歎僂 者,治之本也。 復情已矣。 魯公之孫也。 日 傴之鼎銘, 學 孔子志 天子失官 禮 於 本 之 東 郊

此 焉 也 公而 不 一, 所 1 見信,貴柔而不貴剛; 老子所深忌也。 已矣。 有發憤 以經世也。 禮 閔俗之志,不稍 者, 孔子之學禮,學 非 老子之爲 聖 畏明之易闇也 人 所 學 見 以 於 也,見詘 獨 顔 此 美 色者, 其 而 身 周

天也。 與 勝 田 學禮之實初不相 禮 語 頃 之易挫也 寄守昏; 即即 、慾者 非 於水,此亦尺蠖神龍之喻 如繪矣。 六爻,而天受之。其理一也。 以危 時之言。 水可以納百谷,而 韶所 畏寵 IE. ,故甘致曲。 身有 與 天下莫柔於水,而攻堅强者莫 間」遺 之易 此 己 礙。 且此言自爲處世而發, 相 一爲 失 反 以以 也,故 誡。 者 而老子之爲老子, 然則老子之所 矣。 意」者,是皆與 地載之。 遷所 不 也。吾夫子, 是 辭 述二 故 戽 臨 龍可以 ; 篇 别 謂 畏 則 與 間 之 之

不敍問禮正文,反及此等語,亦爲文之勢者之過也! 遷之文,又每多事外遠致,其遂與儒者分抗不相下,而反致儒者援班史遂與儒者分抗不相下,而反致儒者援班史遂與儒者分抗不相下,而反致儒者援班史。而傳列仙者,又加以傅會。魏晉以下之。而傳列仙者,又加以傅會。魏晉以下之。而傳列仙者,又加以傅會。魏晉以下之。而傳列仙者,又加以傅會。魏晉以下

者止 乎 必 應 此。 而 則 後 爲 人 遂 文之向背虚實, 以 謂老子之所 又可 告孔 子

題時帆司成所裝庚子三鼎甲手迹

其學業甚 聲最著。皆精於鑒藏,所儲金 是予與蘀石同商定之,即今所刻本是也 用心時,兩手爲之交顫。子盍助 所手定。 厚石常論 田孝廉從游甚密,故易 多,今皆散佚矣。 吾己亥所得士。其尊人蔗畦 爲册,索予題識。此三君者,儀徵江君,爲 時 帆 「吾定 敏 司 詩於錢 一日,蘀石 成裝其同年庚子一甲三人手 。嘉興汪君,則予及與其 故 蘀 新安程君,昔與其宗 友 石 之集, 抱其草稿數大東來 齋。 田 在京,時 厚石詩集,蘀 氣貫注,到 郡守、循廉 石 我乎?」於 舊跡 時 爲 尊 我 X 亦 説 吾 最 洂

并時帆裝册之意,爲識於此。 者,又皆淪逝若是。是皆可感也! 故因感世,而易田亦引年家居,其所稱少年俊才世論交之歎。今蔗畦、蘀石、厚石皆已下世論交之歎。今蔗畦、蘀石、厚石皆已下。

復初齋集外文卷第四

序

六 唐 陵 南坪 寒 不易 周 石 汾 渾 江 水曾氏 [鼓硯 慕堂 村 法 君 罫 陽 香草堂詩 蓋 南 曹氏 晉 詩 翁 子 軒 居 通 鄉 楷 圖 母 少 齋詩 七 鈔 詠 詩 憲 試 王太宜人七十有 卿 家 + 表 摹 序 史 志 録 鈔 圖 六十 加 序 譜 詩 傳 後 本 集 集 序 説 合 序 序 序 序 序 集 序 ·壽言序 壽 刻 箋 序 序 序 八壽

> 致辛 巓 韻亭 趙 寶晉 何恭 山 江 新 十二篆師 西 台 味 寧 母 涯 右 安 ·楣學 圖 宋 惠公祠堂記 府 汪 韓 辛 米公畫象記 徐 門二 尋 第 忠祠祀李張二公記 兆 堂 氏 氏 使 Ш 精 宿 鹿 恭 六 一記梧門 魯生 書 1 舍記 齋六圖記 鳴 建 + 築 宴 御 壽 列 圖 記 書 序 |樓記 記 記

再復 復 與 又 再 尹 與 姬 亨山 亨 亨 姬 川 Щ Ш 郎 Ш 論 論 論 郎 中 小 小 小 中 論 學 學 論 學 何 續 續 何 李 篇 篇 篇 李 書 書 書

致

張

銘

書

七二三

致 五 四 尹 致 致 亨 亨 亨 Ш Ш 111 論 廷 論 尉 所 小 學 著 論 續 小 小 學 學 攷 續 證 編

致 致 陳 包 劉 無 軒 老 書 人 書 與

張

銅

書

致

竹

君 瘦

書

致

红

谷

書

岐 與 陽 朝 藴 會 齋 辨 書

石 石 鼓 鼓 字 文 體 體 辨 辨 石

鼓

時

代

辨

楊 兩 官 饒 X 君 傳 傳

敕 馬 西 峰 孺 桂 人 黄 旲 小 孺 公 傳 傳 節 孝傳

> 徐 東 村 處 + 傳

丘 侍 御 行 略

安 介 慶 福 庵 建 府 包 道 教 先 監 授 牛 察 金 行 御 君 略 附祭文 史丘 墓 志 君 銘

Ш 劉 君 墓 志 銘 濤

刑

自

君

墓

志

銘

元亮 銘政

陜

西

興

安

知

州

玉

Ш

王

君

墓

志

墓

志

銘

王 元 啟 慕 志 銘

吏 部 左侍 郎

先 祖 墓

江 何 編 修 西 多 袁 五 州 旲 府 君 趙 墓 君 表福 墓表

師質長寧人

顔 顔 懋 西 郛 企 墓 墓 表 表 宋

在詩

裕 文 家 部 坦 桂 成 安 先 徽 神 碣 慕 生 道 志 司 墓 碑 閬 銘 郎 表 中 峰

> 七 四

鄭 昆 琥 廷 邱 楫 公 墓 幕 表 表

祭吉 壬申 壬 申 母 會 同 錢 年公 試 夫 同 年公祭 人 祭顔 文 珍山 秦 年 磵 泉學 伯 文 士文

公祭鄭 晴 湖 給諫 文

公祭鞠

年

伯

母

文

恭

請

貤

封

誥

軸

行

焚黄

祭文

績 軒 銘

E 寶 齋 蘇 銘 室 研 銘

筆 漢 櫝 璜 銘 銘

榮

荆

草

堂銘

扇

銘

示

學

齋

銘 兒

張 北 熟 伯 趙 皋 ·孝廉 氏 祭 偷 田 碑 蘇 閣 銘 銘

> 兩 春 方 峰 坳 田 黄 堂 爲 東 端 眼 谷 研 鏡 畫 銘 銘 竹

> > 帳

銘

真 率 集 四 老 圖 誊

兩 蓮 洋 峰 Ш 畫 氈 X 笠 象 折 贊 梅 東

徐 積 翁 象 贊

東

坡

居

士象

費

爲

周

載 集 坡

軒 瘞 鶴

題

蘇

齋

奉

坡公

小象贊

銘 字 象

誊

趙 太 守 象 贊

端 陸 朗 林 周 夫 翁 中丞遺象贊 象 贊

爲 浣 竹 法 花 根 梧 草 羅 門作 堂 漢 研 贊 ·六象贊 替

東 五 坡 弇 签 州 屐 象 象 誊 贊

李 西 涯 象 費

Ł \overline{h}

跋 麻 帖 紹 姑 興 仙 偏 旁考 石 壇 經 記 春 考上下 補 秋隱 莊 僖

經

傳

殘 本

實 周 伯 齋 手 琦 校説 説 文 文跋 字 原 王聘 跋 珍

書 嘯 堂集 兩 漢 策 古 要 録 後 跋

跋 跋 朱 馮 竹 振 垞 鷺 文 集 藁 後

書

舊

搢

紳

後

商 跋 距 徐 崑 末 銘 Ш 跋 所 評 滄 浪 詩 話 後

跋 元 康 鐎 31

跋

建

武

泉笵

與刻本卷十

九

者

不

同

跋

子

魚印

跋 跋 石 銅 鼓舊 虎 符 拓 本 後

跋

三公

Ш

跋 跋 跋 跋 漢 補 運 漢 益 夏 生 沛 承 所 州 相 碑 藏 刺 楊 史李 殘 舊 君 字

搨

鄭

季

宣

碑

陰

碑

跋 成 陽 靈 臺 碑

君

神

道

碑

跋 朱 龜 碑

跋 跋 武 圉 垞 氏 令 所 石 趙 闕 君 畫 碑 象 兩 段 碑

張 世 堂 所 藏 舊 搨 吴 天 璽 紀 功 碑

跋

題

竹

藏

曹

景

完

後

鄭 魚 門 耘 門 所 藏 藏 舊 魏 勸 搨 淮 魏 隸 碑 本 碑

跋 跋 東 阳 \pm 廟 碑

跋

汪

退

谷

瘞

鶴 君

銘

手

啪 斷

跋

膠

東

\$

王

廟

門

碑

跋 跋

跋 張 江 秋 晴 史 溪 藏 藏 宋 宋 搨 搨 醴 醴 泉 泉 銘 銘

漢 繁 陽 楊 君 碑

跋

七 一六

跋 初 頤 袁 藏 宋 搨 醴 泉 銘

跋 蘇 宋 芝 德 水 山 藏 聖 聖 教 教 序 序 後 後

化 度 跋 碑 化 十三跋 度 寺 碑

跋 宋 拓 李 昭 公碑 跋

張

涵

齋

所

藏宋

拓虞恭公碑

跋 舊 本 - 塼塔 銘

跋 紀 信 碑 跋

跋 跋 唐 鄜 道 州 德 寶室寺 經 鍾 銘

跋 大 蜀 ハ中ツ 石 祥符 經 殘 字 泰 Ш 碑

跋

魚

Ш

所

藏

蘭

亭

晉堂家

藏

蘭

亭

跋 又 一跋 唐 虞 塼 恭公碑三篇非十二卷所 狄 知遜 '塔銘 碑

> 書 快雪 帖第

> > 跋

跋

快雪堂刻樂毅

論

初

拓

本

跋

游

景

仁

蘭

亭

跋

施

耦

堂

所

藏

枕

蘭

亭

跋

程

孟

陽

本

蘭

亭 玉

米

亭

跋

跋 大 觀 帖

跋 英 光堂 越 州 石 帖 氏 小 帖 跋

跋 %停雲· 本 十 三行

聊 城 姚 E 十三行

跋

跋 跋 重 智永 刻 大觀 T 文 帖

跋

羣

玉

堂

米

帖

快雪 姚恭 「帖樂毅 公墓志 論 重 刻 初 本 拓 後 本 後

東 東 坡 昌 跋 鄧 金 剛 經 後

書

氏 所 藏 刻 祭 姪 帖 集本不合

ピーピ

跋所臨渤海藏真蔡帖後

跋 再 跋 自 題 宋 臨 善 芝 學 米 Ш 藏 齋 南 宫 所 大 葛 收 觀 聽 第 叔 忱 雨 八 帖 樓 卷 帖 第

卷

跋

倪

文

IE

像

跋跋

傅

青

主舟

墨論

洂

Ŧ

虚

書

手

册

跋 謝 宋 東 芝 墅 宗 山 所 伯 藏 無 前 恭 人 藏 手 室 迹 藏 帖 帖 册

跋車氏螢照堂明帖

跋

明

人

帖

跋東林尺牘

臨

四

種

帖

拳本山谷書後漢人得道陰長生詩

 \equiv

篇并自跋後

代 跋 張 萬 晴 季 谿 野 書 跋 説 所 刻 文 天 後 衣 懷 禪

師

碑

跋 跋 跋 董 文 Ŧ 文 文 祝 敏 成 真 言 詩 赤 合 壁 墨 賦 洂 册 墨 卷 蹟

跋

黄

松

石

書

集

古

碑

銘

卷

跋 跋 跋 跋 跋 明 董 左 宋 鄭 鈔 Ŧ 白 芝 蘇 文 虚 ह्य 先 Ш 黄 敏 舟 亭 篆 臨 牛 所 墓 尺 鍾 書 書 藏 刻 牘 謙 陰 墨 書 跋 王 桂 騭 蹟 寒 小

册

文

詩

帖

跋汪松泉大楷明陸氏三世墨迹跋

跋

汪

退

谷

書

楷

家

册人

桂

天冠山餘跋跋琴泉寺唐人寫經

跋趙書福字唐襄文自書研銘跋

跋 跋 丘 曹 能 東 始 河 所 自 藏 書 宋 詩 文 卷 恪手札

七一八

跋

東

坡

像

跋 再 沈 跋 幼 趙 文 書 手 涵 蹟 德 頌 卷

跋 跋 傅 石 齋 主 先 書 牛 手 杜 詩 牘 綾 軸

跋 跋 方 泐 望 詩 溪 帖 手 札

跋 跋 祝 坡 公蜀 枝 Ш 章 出 坤 詩 大 墨 卷 迹 卷子

跋 張 魏 Ŧ 文 公 俗格 墨 手 敕 礼 跋

元 再 李 跋 升 玉 菖 堂 蒲 種 庵 竹 卷 圖 跋

舒 跋 文 聖 介節 賢 公探 + 六 梅 圖 像 後 卷 跋 前段在

憶 跋 袁 探 雅 梅 説 圖 補 圖 卷

跋 傅 青 主 禊 書 畫 跋 卷

> 跋 夫 人 墨 竹

跋 跋 陸 程 魚 耳 門 山 藏 學 趙 仲 藏 穆古木散馬立 御 題 明 楊 軸 南

小

隱 圖

跋 自 自 跋 跋 跋 曹 孫 慕 所 所 雪 藏 摹 居 堂 文 陸 董 所 待 文 香 藏 詔 裕 光 傅 朓 手 書 青 書 書 主 遠 亭圖 收藏 合 書 畫 册 書 册 卷 畫 册

書 氏 家 慶 圖

跋 題 咸 兩 元 後 康 峰 四 爲 日 年 秋 爲 帆 時 祝芷塘 制 文 府 作 題錢 楙 風 王俞畫 圖 册

跋 及 東 桂 未 草 谷 堂 巾 跋 卷

齊

跋

後

六

客

詩

册

偃

松

屏

贊

跋

跋 趙 子 固 研

跋 徐 昌 穀

七一九

自跋書鐵庵尚書族譜序卷後附録舊序跋

書自作元延祐甲寅江西鄉試詩後

記 曲 甲 阜 午 顔 \equiv 月 氏 脩 所 藏 襖 詩 尺 牘册 册 後 後

自跋爲張瘦銅摹徐天池書後

百魏鶴山荆公詩集注序後

蔣

拙

存

年

譜

龍

驤

將

軍

印

册

同

人詩

後

書永嘉題字後

書方正學先生溪喻 書二學人傳後

後

書孝女刲股帖後

跋董香光臨顔蔡明遠時晴齋法帖單子

諸

帖

跋 跋 葛 潘 雲峰 毅堂 所 所 藏 藏 傅 朱 青 子 主 擬 書 古 册 詩 卷 跋

陸

清

獻

手

札

跋

傅

主

書

唐

人

詩

卷

書 跋 跋 題 解 曹 祝 海 宗 春 京 光 雨 兆 樓 派 草 所 墨 卷 蹟 書 藏 後 長 義 卷 井 幅

記

册

自題臨黄庭卷

王 恭 題 蘭 題 項 亭 易 賜 印 墨 庵 雲室古 册 梅 花 題 後 語 墨

石

本

題趙璧聯英雪是功德水記

再題董書西都賦卷後

L

復初齋集外文跋

承幹

卷於廣 侍 殁後 刻 集》三十六卷,亦李觀察所 卷,自刻六 隆 始印行,海 卷 四卷; 御 滿 士,降調 I 均 烺 僅 天 申進士, 方綱 復 膊 歸 東。 下, 存 初 門 以 撰。 齋集 鴻 内學人羣推奉之。 十六卷,門人侯官李觀察彦 著 人漢陽葉封翁志詵又重刻 千金,完厥 前 子,諸孫幼弱。 臚 選庶吉士,授編修,官至内 書 後 手藁四十鉅册, 甚多 寺 外 方 兩 卿, 綱 詩 刻, 字正三, 秦事 休致,年八十有六。 而流 復 刻 初齋詩》七十 四卷,《 傳 大興 門人杭州孫 至同治 晚年頗窘 甚少。 按 藏精 八年編· 人。 文》 六年 七 閣 及 文 兀

> 木。 内 歲 日 <u>-</u> 存 語 次 或 風 堂 缺 强 篇, 目。 能 文定 + 鈔 魏 幸 餘 得 出 君 目一 大荒落皋月,吴興劉承幹跋 之,當 年 今得魏 集 稼 分爲 詩 外 孫 百餘篇,未鈔,爲人易去,僅 文 詩二十四卷,承 爲 再 四 氏 聯 一卷,而 全 歸 績 語 刻。 之藝風 語堂鈔 筆 附 記 書 其 全載。 此 本,文止一 堂繆丈小珊。 目於後。 以當息 幹已鋟 後歸 之 百 績

述

學

〔清〕汪 中 撰

三九

三五

二二九五

四六

四

四九

五

五七

五五五五五

高府君墓誌跋尾 一三一	懷素草書千字文跋尾 一三〇	雲麾將軍碑跋尾 一二九	徐季海書朱巨川告身跋尾 一二八	唐玄宗鶺鴒頌跋尾 一二八	荅人問 一二八	苔錢少詹事問 ············ 一二七	五諸侯釋名 一二六	六國獨燕無後争義 一二五	釋郢 一二五	釋厲字義 一二四	釋夫子 一二三	講學釋義 一二三	述學別録 一二三	泰伯廟銘并序 一二一	宋世系表序 一二〇	老子攷異 一一七	王基碑跋尾 一一六	嬪于虞解 一一六
葉天賜母汪氏家傳	巴予藉別傳 一	浙江始祀先蠶之神碑文并序 一	一彪作	繁昌縣學宫後碑系代繁昌縣知縣葉	與朱武曹書 一	與劒潭書	與巡撫畢侍郎書	上朱侍郎書	上竹君先生書 一	與端臨書	與劉端臨書	龍潭募建避風館疏	朱先生學政記敘 一	褊箴	師君贊	揚州營游擊白公頌并序	定武修禊敘篋銘	定武石刻修禊敘銘
四六	四五	四四	四四四		四三	四一		三九	三人	三六	三五	三四		<u>=</u>	=======================================	Ξ	=	= -

春秋述義	祭文(盧文弨)	行狀(王引之)	門録	汪純甫哀詞	經舊苑弔馬守真文并序	行狀	司按察使原品致仕恩加一級沈公	大清誥授通議大夫山東提刑按察使	江君墓誌銘并序	大清故奉直大夫掌江西道監察御史	袁玉符妻劉氏墓誌銘并序	大清故國子監生顧君墓誌銘并序	大清故貢生汪君墓誌銘并序	大清故翰林院檢討程君墓表并序	書周義僕事	提督楊凱傳
一六八	一六七	六六	一六六	六二	六一	五五五			五四		五三	五二	五一	五	五 〇	一四七

校點説明

也。 的 曾赴京參加會試。 學謝墉推重,謝墉每對人言。「予之先容甫,以 患「怔忡」之症。 試,落第而歸。 後得到著名學者杭世 誦 得以遍讀經史百家之書。汪中性極聰敏,過 傅,其母鄉 人的賞識,名聲漸顯。 一七四四)。 沅 校勘。 ,加以勤奮,因此學問大進。年二十,成秀才。 等 若以學,則予於容甫當北面矣!」但汪中並不 中,字容甫,清 人的幕僚。 乾隆五十九年,病故於浙江杭州,享年五 氏爲之開蒙。 汪中七歲而孤 此事對汪中打擊甚大,據說因此 乾隆四十二年,爲拔貢生,頗受 終其一生,落拓不得志,只做過 晚年曾主持文宗閣《四庫全書 江蘇 駿、鄭虎文、朱筠、盧文弨等 二十五歲時,參加 稍長,到書店裏做幫工, 江都人。 ,家甚貧寒,無力就外 生於乾隆九年 江 蘇鄉 目成 提 而

汪中性格孤介高傲,不合流俗,對當時學者文

旨

以合于世用。

及爲考古之學,惟實事求是,不

目之。 少 則 惠棟而明。 于顧炎武; 金 古文之傷,至閻若璩而定, 闡明中西推步之術,至梅文鼎而精, 汪中推尊前輩六大儒者,認爲清朝古學之興,肇端 校本》、《大戴禮記校本》。 汪中治《尚書》,有《尚書考異》, 惇、王念孫、劉台拱等相互討論、所獲成就甚大。 被 奉尊奢,君實唾棄。 人,不輕許可,而且「好嫚罵人」,時人多以「狂 君實不在,而 日問學,實私 是集其大成 人廣爲傳誦,杭世駿至以 個是非分明、嫉惡如仇、絕不肯趨炎附勢的 汪中早年以詩文辭章顯名,所作《哀鹽船文》, 中年以後,專心致力於經傳子史之學,與李 但他 治小學,有《爾雅校本》及《小學說文求端》。 道些都 的摯友如盧文弨、孫志祖等, 辨析河圖洛書之妄、歸功於胡渭 者。 衆日 淑諸 狂。 屬於千年不傳之絶學,而戴 汪 海内正人,備載簡記」,看來是 顧 中在給 寧人處士,故嘗推 皮裹春秋,涇渭分明」,「 治《春秋》,有《春 爲「驚心動魄, 漢 畢 沅 代《周易》之學, 治《禮》,有《儀禮 的 信 揭發《尚書》 中説 卻 六經之 一字千 秋 説 中 生 世 至 述 他

的

疑。 氏春秋釋疑》,爲《左傳》記載所謂「怪力亂神」辯 學釋義》、《大學平義》,糾彈宋元以 於明堂的制度,信 古書者以啓發。 其中的許多篇文章,對今日之文史研究,均極有 今人之立場觀之、《述學》的學術價值 文,皆確有 使後之治 》一書之中。 然不多,但在當時人看來,文章多有功於經 》、《大戴 官徵文》,以《逸 周「王朝之政典」,故《周 汪中對經義的解釋,往往較 對《左傳》、《周禮》,他有深湛之研究。 例如《釋三九》一文,辨古人語言之虚實,給 汪中在學 爲 左氏 禮 依據,可以 經者,振煩祛惑,而得其會通」,「攷證 記》、《詩 雖 術上的見解與貢獻,集中體現 記天 述學》六卷,收文一百餘篇。 明堂通釋》一文,考證 而有徵。 周 經》等材料 道 傳之將來」(王念孫語)。 書》、《漢 鬼神,並 汪中不喜宋學,撰《講 禮》當爲儒家經 書·藝文志》、《 不 證《周 般 輕 來理學諸儒之 俗儒爲通 亦非同尋常 廢人 禮 經書中 》所記 撰《左 在《述 以 禮 關 裨 量 確

> 書碑 儒 跋 以 墨者言之,則孔子魯之大夫也,而墨子宋之大夫 儒墨交攻,只是不同學派 以改嫁的。 寡或從死之爲 婦 例 在今日看來,頗 也,其位相埒,其年又相近,其操術不同,而立言 學與儒者之學,實「相反而相成」,認爲戰 序》及《墨子後序》,考證墨子的時代,指 撰《荀卿子通論》,表章荀子傳經之功, 中力辨女子許嫁未婚 有三十不取,二十不嫁,雖有奔者,不禁焉」,並 教民淫」,而是「著之令,以恥其民,使及時嫁子取 求勝,此在諸子百家,莫不如是」。 這樣的 如在《釋 尾》等均爲 者言之,孔子之尊,固生民以 帖之學亦有 在《女子許嫁而壻死從死及守志議 媒氏文》中,指出《周 在諸子之學上, 汪中的 確然有見之文。 非禮,同時 覺客觀平正。 造 詣,集中《石鼓文證》、《修禊敘 而壻死,女子即爲未婚夫 (的「不 主張此 汪中於金石 禮》之所以 相 來所未有矣 種 爲 情况 成就更大。 謀」而已, 是完全 國 出墨子 撰《墨 主 學 時 及 期 丁其 自 子 他 自 П 非

專門著作上的。據其子喜孫所作年譜,乾隆四「述學」這個書名,汪中最初可能是要用在一

部

説,把本來是專著之名的「述學」變成文集之名了。 古之學及所論撰之文、爲《述學》內外篇」。 什麼緣故,此書並未完成,於是汪中「更取平日 來此書應當是專門考證先秦學 通論、釋經、舊聞、典籍、數典、世官目録凡 列國第三、孔門第四、七十子後學者第五, 古人之所以爲學者。 學》一書,博考先秦古籍、三代以上學制 十四年, 汪 中 - 擬 撰《述 凡虞夏第 學》 一書: 一、周 制的、祇是不 一是 時 禮 先君 之制第二、 廢興,使知 也 六。 撰《 就是 知 又 考 是 列 述 看

+ 光 氏 是爲家刻楷體小字本。 加增補、分爲内篇三卷、外篇一卷、補遺一卷 爲二卷,此即人所謂二卷大字本。 中,有幾篇 三卷本。 八),阮元刻《小琅嬛仙館敘録書》,收入《述學》, 緒 一年上海 叢書》中,《四部 卷,凡六卷,於道光三年(一八二三)精刊於世, 元年(一八七五),伍崇曜據此六卷本重刻,收 汪中生前曾手定《述學》内篇的目録,初刻 據其子汪喜孫 爲初刻 商務印書 本所未録。 刊》就是據 館 説 此本後來又併入《江都 再 版 汪中寫定的內篇 影 嘉慶三年(一七 此 印 本影 時 嗣後汪喜 略 即 有挖改 的(别録 民 孫 目 九 録 爲 或 汪 繡

> 汪氏叢書》。 的校勘記,集合影印,即爲今日習見之《重印江都本,又搜集了汪氏父子另外六種著作,附上方濬頤本,又搜集了汪氏父子另外六種著作,附上方濬頤本,以搜集了汪氏父子另外六種著作,附上方濬頤

予保留。 之所撰《行狀》及盧文弨所撰《祭文》,卷尾 參校。底本卷首原有王念孫敘,書後附録 目録,今依照書中各篇次序,新編目 録》之原委、最末附以汪中所撰《春秋述義》, 及手寫文稿目録,並記述喜孫編輯《補遺》以及《别 喜孫的題識,備載汪中當日 取《粤雅堂叢書》本、《重印江 此次校點,就是以《四部 王敘原無標題, 今擬補。 所擬《述學》内篇 都 叢刊》初印本爲底 汪氏叢書》本以 底本書前原 録 置於卷首 有王 還 今均 目 有 马: 録 汪 爲

校點者 趙伯雄

7 4

元

明以

來, 説經者多

病

鑿

空,

而

矯

述 敘

而

爾

字,皆 史,権 譔《述學》已 以 婁欲南 面 在甲 訓 與 病殁矣。 容甫澹雅之才,跨越近代。 、容甫交 容 計、 然 余曰:「此我之志也 述學》者,亡友汪容甫中 戌,其子喜 歸,與故人講習,志未及 甫之大也。宦游京師,索居多感 疏發, 爲 文字、聲音之學, 世寶之、欲求 常憶 垂 刻未刻 四四 挈 容甫 + 其 孫 年, 者 (綱維; 應 ",才卓 凡 以古學 禮 其 部 厶 m + 遺 余拙 識 試 容 每自媿所學 相 以以 之所 書 高 遂,而容甫 4 一用討 低 一篇 m ,片言隻 於文詞 其父所 厲 作 論 也。 經

之習。 放,而 通; 當 者 徵文》《左氏 義 》, 死及 曾、王、蘇之迹, 傳之將 誼 九 元 於經史諸子之書, 黄鶴樓銘 一, 而 世 失者,又 ,抑亦醖 新書敘》,使學者篤信古人,而息其 不 俞 守志 婦 羣 失其真。 所 使後之治經者,振 其表 神與之合,蓋 鑄成一家之言, 來。 矣。 其它攷證之文, 人 最 無主荅問 議》 稱 章 蹈 釀者厚矣。 》, 而 其 頌者,《 春秋釋疑》《荀卿子通 至其爲 經 株 有功經義者,則有若《 今讀《述學》内外 它 傳及 居 而志乎古 守 篇 喪 之陋 而 文,則 》 女子 哀 宋 先儒者,則有若《 亦 流 釋 若其爲人,孝於親 3 皆 鹽 以 淵 皆確有依 煩 服 衍 者,又貌 稱 雅 船 後 於 袪 解 爲 合漢 許 此。 文》 無 醇 感,而 豪 義 文 嫁 茂, 此 八》《春 素, 揆厥 者 魏 蓋其 而 廣陵 作 慮 晉宋 論 得 壻 可 手矣。 襲 (貫穿 死 料 周 其 釋 可 官 述 喭

甫之謂與? 者,何如也! 直諒多聞,古之益友,其容天性使然,視世之習孰時務而依阿淟涊篤於朋友,疾惡如風,而樂道人善,蓋出於

郵王念孫敘,時年七十有二。 焉。嘉慶二十年歲在乙亥正月之七日,高卷末,以俟後之爲儒林傳者,有所稽而采學,與其文之絶世、人之天性過人者,綴於學、與其文之絕世、人之天性過人者,綴於 此

畢」、「火猶

而

清風戒寒」、「火之初見、期於司里

西流」、《國語》「火朝觀矣」,「火

心爲紀者也。《夏小正》「二月初昏纍

商爲四月,於周爲五月」,「火伏而

後蟄

者

於

述 内

篇

天」,毛傳義。

此以曑爲紀也。

於文曑从晶。

中則

旦」,《詩

》「惟曑

與

昴」,「三星

大火爲大曟,曟亦从晶,並象二星之形,而

中」,「三月曑則伏」,

Ŧi.

月曑則

見了八八

月

都

江

汪 中

即从之。

故知農、曑之用,該乎列宿矣。

門、《穀梁》桓公三年《傳》「諸母不出 禮 誰 也。 門」、《史記·魏世家》「臣在闕門之外」是 城 一年《傳》「鄭伯享王於闕 之中闕。 • 保傅篇》「過闕 至此而 庫門在外,路門在内,居二門之中, 天子、諸侯宫城皆四 闕,故謂之闕 《扁鵲倉公傳》「出見扁鵲於中 則下」是也。 《春秋》僖公二十 周, 西辟」、『太太 闢 其 亦謂之闕 南爲 傅 闕 亦

傳》「凡土功火見而致用」,「火中寒暑

「八月辰則伏」、《詩》「七月流火」、《

春

秋

乃

紀時令。《夏小正》「五月初昏大火中

宿

,最明大者莫如

曑。

故古人多用之

東方七宿,最

明

大者莫如

心

西

方

退」、「火出而畢賦」、「火出於夏爲三月,

文見莊公二十一年《傳》。

茅徐廣曰: 也。 謂之象魏、《周官・冢宰》《大司徒》《大 吉,縣治象、教象、政象、刑象之法於此,故 左右,故謂之兩 定公三年《傳》「邾子 之觀、《禮運》「出游於觀之上」、《爾雅 馬》《大司寇》職文,《春秋》哀公三年《傳 下》篇「心 立於象魏之外」是也。 兩觀災」是 :者城闕其南方,謂之缺。 也。 从夬得聲。 是 侯臺 春秋》僖公五年《傳》「遂登觀臺以望」 闕巍然而高,故謂之巍闕,《莊子• 觀謂之闕」是 也 即門爲臺,故謂之臺門、《禮器》「天 門」是也。 居 闕」、《戰國 一作弟,一作 草象門 也。 乎 異 巍闕之下」是也。 名 觀、《春秋》定公二年《傳 《説文》: 闕 , , 也。 及兩觀 魯周 从寧缺省。 夷 ,在門臺」是也。 亦謂之門臺、《春秋》 策》「摩 觀有臺、故 使萬民觀象,故謂 闕,門觀也。 机相對 闕 門」、《秦本 世 形。 燕烏 中 按 ~》「煬: 氏存其 鞅, 缺 謂 正月之 司

同 秋》定公二年《傳》「雉門災」、《明堂位 雉,由宫城始,故宫城之門謂之雉門,《春 軌 謂 迎 出 宫隅之制七雉,城隅之制九雉。 度以筵,宫中 宫之中 夫士下公門」、《鄉黨》「人公門」是 事 位於大門外」、《曲禮》「車 義,生此謬説。 m 失其 惟 拜辱出 實。 天子 之中門,與中闕同義、《閻人職》「掌守 蹕宫門」是也。 」是也。 其 (南門) 逆子釗 城 門之禁」是 應門」 城。 度 《公羊》定公十二年《傳 大門」、《公食大夫 是也。亦謂之大門、《 亦謂之宫門、《閽 以 軒城者 於南門之外」、《 在宫之南、故 雉。 度 是也。 以尋,野度以 闕 故王 亦謂之公門、《 也。 南 面 十有 一宫門 室中 以受過 謂之 馳 》何 禮 六者,異名 盛 度 阳 也。」又因 職 而 休 德 之制 步,涂 以 南 注 騶 城之度 曲 賓 司 記 几, 門, 也。 ...禮 喪 至 朝 儀 \overline{h} 天 堂上 度 》大 紀 於 服 揖 子 亦 即

《易》「近利市三倍」、《詩》「如賈三倍」、《論 也。 良醫」、《楚辭》作「九折肱」。此不必限以三也。 九,以見其極多,此言語之虚數也。 者,則以三爲之節,三加、三推之屬是也。 復歸於一,十不可以爲數,故九者數之終 則爲三,故三者數之成 語》「焉往而不三黜」,《春秋傳》「三折肱爲 可稽也、虚數不可執也。 人之措辭,凡一二之所不能盡者,則約 三,以見其多; 命之屬是也。 三之所不能盡 論語》「季文子三思而後行」,雌雉「三嗅 於是先王之制禮,凡一二之所不能 一奇二偶,一二不可以爲數,二乘 此制度之實數也。因而 一者,則以九爲之節,九章、九 三之所不能盡者,則約之 也 何以知其然也? 積 圃 至十, 實數 生

> 也。 爲三也。故知三者虚數也。《楚辭》「雖九 忌三戰三勝,范蠡三致千金,此不必其果 知其爲三也。《論語》子文三仕三已,《史 而作」、《孟子》書陳仲子食李三咽,此 通其語言,則不膠其文字矣。 之上」,此不可以言九也。 其儀」、《史記》「若九牛之亡一毛」。●又「腸 死其猶未悔」,此不能有九也。 記》管仲「三仕三見逐於君」,三戰三走, 善守者藏於九地之下,善攻者 一日而九迴」,此不必限以九也。《孫子》 推之十百千萬,固 亦 如 故知 此 《詩》「九十 九者虚 動於九天 故學古者 不 可

則

釋 三九 古之名物

制度,不

與

今同

古之

史記」、當作「漢書」。

内

者,「 云 卿之禄食之也,故 好鶴者不求其 坐犬、羊、是不無故殺之。鄭義。然不云不 不 不祭肺, 膳 以 無故殺之,而云「不坐犬羊」。《春秋傳》 而云不 「衞懿公好鶴,鶴 晏平仲祀 也 視 知 坐犬」,古者殺牲,食其 其 不 調調 而 卿, 祭肺」, 其 雖 辭 與 狎 以 然 則 祭肺」。 則不殺 今 此 上 而云「 貌 必 也 又 同 其先人,豚肩不揜豆」,豚實 解 大 禮, 有 也 以 ? 也 夫 之],惟卿 乘軒 二馬 貌 行遠,謂 也。 [《]曲 食殺牲則祭先,周 也。 一曲 有乘 《坊記》「大夫不坐羊, 日 故古 者 禮》「歲凶,年穀不 鶴 鄭義。然不云「不殺」, 有玄冕,云冕者,斥 ___ 0 然不云上大夫,而 冕非 也。《 軒者」,鶴 之事 《論 實 以 日 曲, 卿 肉 常 有 禮 語》孔 服 之秩寵之, 禄 不 日形 坐其皮。 器》《雜 常當其 無樂乎軒 可 位 人以 盡 子 知 然 見 也 於 不 何 其 以 不

> 言矣。 其 不 徑 封 克 揜 俎 語 之形容者 峻極於天」,此言乎其高也。 此言乎以是爲 ·鬯,是以有 意 而 必 商 可 焉。 於 通 致 言 未 實 也, 也。 廟 於 乎其 及 也。 故 下 豆 是以有 因 至於二者,非 學古者,知其 車,而 形容焉。 祭策 儉 周人尚文,君子之於言, 先務 豆 也 出曲焉; 徑 命,不可 也。 封 本 尺 黄 鄭 名物 《詩》「嵩 併 義。 帝 好 意 辭 豚 堯 本劉勰義。 制 於車上行之。 學 樂記 則 兩 不過 舜之後」,大 度 深思,莫知 不 肩 可考也 高 疑 》「武 其 無 維織 意 其 此 則 不 辭

样三九下

言其 年 久也 無 孔 改 子 日 於 父 何 以 之 父 不改也? 道 在 ~,可 觀 其 謂孝 父 爲 矣。」 其 没 (爲道 三年 觀 其

唐 也 乎其父者 乃 見 叔 嗣 斁 加 其 公 而 孝也 。」此父在而改於其子者也 象 以 非 三年云者, 君子之所謂孝者,先意承 後章惇、高拱之邪説出矣。 傲 瞍,夔夔齊 爲 ,克諧 也。 卿士,見諸王而命之以 不 雖 然則 畀 不 閒 鯀 朝 攸 雖終其身可也。 王室,其子 洪 堙 没 以 寧惟 敘, 何 洪 範 丽 栗,瞽瞍 孝烝烝, 乂不格姦。 以 天乃 水 夕 九 是。 不改 疇,鯀 改 界馬 可 蔡仲 陳其 也 虞舜側微 亦 也。 則 允若。 志 洪 改 五 碗 何 爲 範九 死 斯 其 非 諭 以 帥 曾子 彝 以 父 知 渞 13 祗 頑 改 倫 其 禹

明 堂 通

明 宗 周 東 都,

焉

位

四 方 岳之下, 五 太 小學" 大

崩

攝

伐

位。 之東,北面東上。諸男之國,門内 諸侯之位,阼階之東,西 於左右。三公之位,中階之前,北 者,應門之外,北 國,西門之外,東面南 八蠻之國,南門之外, 位,西階之西,東面北上。 東上。 紂, 也 方 政 而 國 君 天子之位,負斧扆 逸 南面 王嗣,幼弱,未能踐天子之位 明諸侯 夷 明堂, 天 周 九夷之國, 定 下,弭亂 東上。 書• 天 於宗周,大朝諸 明諸 下。 於明堂之位 明堂》篇:「 四塞 六年, 侯之尊卑也, 東上。 東門之外,西 克 北 九采之國, 南)紂,六 而 面東上。六 面北上。 諸子之位,門 面 此宗 五狄之國, 天 周 立,公 制 侯 个下大 年 於明 故 周 相 之西, 諸 面東上。 面北上。 世告至 卿 而 周 明 武 戎 伯 堂 北 士 周 武 王 以 内

面

外,禮月與四瀆於北門外, 拜日於東門之外,反祀方明。 子乘龍,載大旂, 公侯伯子男皆就其旂而 方白,北方黑,上玄,下黄。設六玉 也,方四尺,設六色: 覲於天子,爲宮方三百步,四門,壇十有 西門外。」於時 司 -, 致 其事 儀 上介皆奉其君之旂,置於宫,尚左。 '揖異姓,天揖同姓。 政 璧,南方 》者, 曰: 四尺, 베 《周官》載之,以爲一代之典。 門。 以 於 天 爲 成 下 加 詔 禮書,今在《覲 王。 大 有 「將合諸 璋,西 方明於其上。 王儀,南 服 位 象日月、升龍、降龍。 周 於朝者 萬 公既 方號,北 或 東方青,南方 侯,則令爲壇 鄉 立。 行 見諸侯,土 各 及其擯之,各以 禮 禮 致 斯禮 》,曰:「諸 以 山 禮 四傳擯。 方璜,東 方明者, 日 其 Ш 方 丘 於 太 職 賄 へ南 揖 其在 史 陵 與 出, 木 方 遂 庶 於 甲甲 執 西

> 以白 黄 作 幣,各放其器之色。」皆謂是禮,所謂 故 壝宫,棘門。」其在《大宗伯》者,曰:「以 小 在《掌舍》者,曰:「掌王之會同之舍。 也。 京禮地,以青圭禮東方,以 六器,以禮 次,設重帝、 其 將 琥 禮西方,以玄璜禮 幣 曰:「朝日、祀 亦 天 重案。 如之,其禮 地 侯 一四方。 伯 合諸 於 五 以 中 北 侯 亦如之。」其 帝 蒼璧禮天, 赤璋 方。 亦如之。」 ,則張大次 子 禮南 皆有 男 於 玉

即 靖 惟 堂 曰:「《我將》,祀文王於明堂也。」古者天 "四方。 位 牛。 ,以配上帝, 畏天之威,于 周公既朝諸 朝諸侯、禮百神、具有 惟天其右之。 伊 嘏 而作詩 文王,既 侯,遂率之以 時 儀式刑文王之典, 保之。」國 曰:「我將我享,惟 右 享之。 1其事。 祀文 史爲 我 Ŧ 之 其 於 羊 明 夙

子 習 周 資 於 之,不足以 Ŧ 后 后 位 者,又因《周書》之舊 制 元 四 一受命 稷肇 氏 禮 公 有 年 岳 Ш 周 》篇,以 爲 者傳 配帝之禮 郊 會 監 牧 + 羣牧,頒瑞 川,徧於羣 公其人也。 正 「孝莫大於嚴父,嚴父莫 齊七 有 封 方明。」二文與《觀禮》正合,知明堂爲古禮 鯀 同 於 月 王,爲 釋其文,以 有 表周公之功。 前 二月乙丑 政。 稱 以 上 斄, 代,而 其 人郊冥,代爲一 發四方之禁, 日, 神。 於羣后。一《伊 肆 德。 周太祖、祭之宗 思文之德,克配彼 然後尊親之道 昔者周公郊 類 受終 舉此至大之禮,因 朔,伊尹 爲朝 於 輯 于是協之於義,制 加 於文 五 上 然有虞氏郊堯, 增飾之,爲《明 瑞 帝 事義。 , 禋 既 祀 訓 祖 施天下之政 帝。 祀 大 備 一,在 於先 、廟,以 月 於六宗 於 后 焉。 而魯之 「惟太 乃 天, 周 璿 稷 配 Ŧ, 日 機 m 是 以 天 鬼 故 以 夏 儒 m 誕 甲 文 觀 望 玉

堂 淳于 之君 不載 西 篇:「天子盛服,朝日於東堂。」 爲 墠」,馬融注 文》一臺 堂有二名,有宫室之堂,有 之祀,與文王 增,觀絶霤只」,王逸注: 六宗,天 之内,各以 宗祀文王 階之西; 楣、當序 壇 禮 非春 | 咸在 登以 於郊,得 藏」,皆有功 天 謂 地 東郊之壇 地 從土 ,國中不足以容之,故爲壇於郊。 爲「三里之外、七里之内」是也 四方之神,故《尚 其 端、當東西 不生,非 四 以其 於明堂,以配上帝, 同 職 方也、「萬物非 稱 高省。《金 壇,土堂。 來 地,故曰宗 於民,故尊 、爲壇壝宫,故 也 祭,斯之謂矣。 堂。《 夏不長,非 榮,而 以 大 其 《楚辭》「南房 縢》「爲三 壇壝之堂。《説 祀。 壇 而 書大 傅 無 天 猶堂也。 祀之。 日不可禮 阼 屋 禮 秋 不 有 四 是 覆,非 階之東、 故不 不 傳》 四門,有 海 祀 以 四 收, 壇 六宗 九 方 四 同 明 海 地

祖 必 故 外。」 者。」 於上 注 宗伯 則 朔。 漢之時,異名 孟夏大 巾 時,天地 於大 文王受命於天,始改正 尤 爲 天 明 階 堂。 「上帝,五帝也。」《王制》「天子將出 子 《玉藻》:「天子玄端, 注 故《大宗伯》「國有大故, 重 文 五帝分祭於四郊,而以 帝」注:「謂 》 兆五 天子 五帝 廟 谪 雩,季秋大享, 王 「端」當作「冕」。 與 歲 諸 故 古者禮行於廟 所基址祭地。」天子又 寢 圃 即 天子 天子 侯,必 帝 明堂 同 廟 其 於 制,猶 、諸侯皆 同 聽朔 地 四 Ŧi. 含其 則 以 制 郊 帝之帝 南門者, 文王 祀 不 封 皆在 祖 其 五 五帝 前,以 於 土 配 受國 加 廟 禮莫大於 日 帝 廟, 爲 南 南 聽 ,所祭於南 帝 應 國 月 郊。 與 朔 之。《説文》: 郊 則 之 於 門 於 諸 頒 門 (上帝) 即 於 爲 周 心所,視 旅 明 祖 侯 邦 巾 其 南 降及秦 尊。故 官 亦 上帝」 聽 丁其外 Ŧ 周 門 爲 地 棘 事, 之 之 聽 郊 類 通 大 門

> 其深 宗周之明堂,其地 左]。]是七十子所傳之大義,不可誣矣。 諸 氏 四尺,旁各一 侯,宗祀文王以配上帝之所 敢 增 爲 外 之説 成 其 義 曰: 故 ^ 門,爲周公攝 在 日 春 郊,其制爲壇三百步, 王 「春 者 王 孰 周 謂 春 IE. 政六年,大 月」; E IE 文 月 E

也

世

八

常,畫 玄閩 乃 宫、考宫、路寢、明堂。 祀上帝,配以 山 丈,郛方 : 七筵,堂崇一筵,五室,凡室二筵。古之 ,以爲天下之大湊。 作大邑成周於 重郎,常累,復格,藻棁,設移 一周 《逸周 人明堂,度 此 内階、玄階,堤唐, 七十 東都 書 后稷。 里。 作 之明 土中。 雒》篇: 九尺之筵,東 南繫於洛水,北 堂也。 乃位五 乃設丘兆於南郊 咸 有 城方千七百二十 Щ 四阿、 \wedge 宫: 周公「將致 廧,應門、 匠 西九 旅 反站。 大廟、宗 因 楹 於郟 其 重

堂、西堂。五宫皆同此制。宗周之大廟、 此 爲東夾,又西爲西夾。夾室之南,謂之東 舍是將何徵哉 歷之地,當日大史載事之明文。後之君子, 屬,及夾室東 寢亦如之,其别於他宫室者,四 室,室得一筵有十分筵之八可知,故 有置室於堂之中央及四隅 室、皆分堂之後爲之、有堂無室 曰「東序」,曰「西夾」,曰「西房」,曰「東房」, 大室」,見於《顧命》者曰「牖閒」,曰 「東堂」,曰「西堂」,此有周君臣喪祭所親 言乎南北之修也。 中爲大室,東爲東房,西爲西房。 西堂耳。 以九 故見於《洛誥》者 筵之地 者。 凡 阿、反站 則 ,界爲 室二筵 日 「西序」, 榭,未 又 不 之 東 Ti

云「清廟茅屋」,蔡邕《明堂論》引《檀弓》也。」又云明堂「以茅蓋屋」。而《春秋傳》記・盛德》篇:●「或以爲明堂者,文王廟記・盛德》篇:●「或以爲明堂者,文王廟東都之明堂,亦謂之清廟。故《大戴

記 説 新 之祀文王 證 大廟之禮。 于烝彝鼎。」然則《洛誥》所言,正功臣 功者,祭於大烝。 濟 爲祀文王之地,故亦曰明堂。 祀文王於明堂,又營清 黄帝坐明堂之上。 十三祀,其時未有明堂,蓋古有明堂之稱,故《寮問》云: 害上,則不登於明堂。」據篇首,此篇之作 王 濟 ,明乎清廟之與明堂爲 功宗,以功作元祀。」按司 邑,烝,祭歲。」「周公曰: • 以 齊締於清 洛誥》正言作洛事 多士,秉文之德,對越在天。 明 堂爲文王 ,作詩曰:「於穆清廟 而《周 廟 晉狼瞫 明堂」, 故孔悝鼎銘:「勤大 書·大匡》篇云:「 廟,皆其 ,而曰:「戊辰 引以爲 廟於 古《周 地也。 東都, 勳之職 今王即 未獲 周公於東 肅 證 禮 也。 \forall 駿 周 以 死 ^ 凡 Ŧ 顯 在武王 奔走 從 勇知 所之 孝 其 公既 有 同 享 施 經

[●] 按以下《盛德》篇二引文均在今本《大戴禮記‧明

洛邑之明堂在國中。 周 是 明堂而民知孝」,即指此事。曰明堂者,後人之通 俘 新 禮爲先王所未有,故曰「王肇稱殷禮,祀 在 祀,是爲成王即政 位,是爲周公攝政致 曆志》亦引此 重 異其名,故姜嫄曰閟宫,文王曰清 三者國之大經也,天神不可 五日乙卯, 王燎於周 爲武 之明堂、壇而 》篇「惟 乎率諸侯以祀其先祖 邑,咸秩無文」。 廟 左,謂之東宫」,是其地也。 諸侯,率以祀 不 王克商有天 顯 清 廟 四 ,注以爲今文《尚書》,非也。 乃以 不 月既旁生霸 承 「翼日辛亥、祀於天位。 庶國祀馘於周廟。」《漢書· 不 祀 無 屋。 古之爲政於天下者, 營 文王焉。」 文王 下之事。 射 東 《尸子·君治篇》「明 太平之事 於 都 廟 也。 ,粤六日 不 以朝諸 故《逸周 斯 可享 凡特 措之廟,故宗 周 宗周 《樂記》「祀平 公既 或 古者爲 於野, 康戌, 侯之事。 廟,以 立 洛 明堂之 中 邑之 成 爲 語 世 五 莫 於 其 洛

與

居

既

大微 於周 周 明堂 都 公誕保文武受命惟七年」。 宫 公致政之後,故 邑 西 南 周 取 角 明堂 法 外, 乎 東 天 所 都 日 明堂所象 「朕復子明辟 也。 星在 明堂三星, 赤 也。 道 南 中

門,所以見其爲餘 德》篇説明堂「此天子之路寢 是以得稱明堂。 王居門終月」,謂路寢之門也。 朝 視朔 其室」是也。 東都之明堂 政之通名,非寢宿之恒 君日出 天子之路寢 於明堂 而視之,退適路寢聽政。」月 《周官 同制 ,以其一月之政聽之路寢, 逸《禮》「王居明堂」是也。 謂 月也。 ,是以 之明堂者、《玉 • 大史》「閏 |處也 謂之 得稱 也,可不 日 不 明堂,《 於朝, 月,則 「居」, 齊 詔 不

方岳之下有明堂者、《孟 子

據今本《大戴禮記》,當作「明堂篇」。

子對 記 明堂於塞外而朝諸侯」,亦斯意也。 土」,猶存其禮。《荀子·彊國篇》「爲之築 守,號公爲王宫於玤」,「晉侯爲王宫於踐 舍》,王所 處。」其 • 「齊宣王問 封禪書》:「泰山東北址,古時有明 曰:『夫明堂者,王者之堂也。』《 制 會盟則爲 居 則 曰:「人皆謂 爲宫。 壇,文在《司 《春秋傳》「王巡 我毁 明堂。」 儀》、《 中 孟

篇 作「政穆」。「大學,明堂之東序也。」《盛德 位也。」《禮記·昭穆》篇: 魏文侯《孝經傳》曰:「大學者,中學明堂之 引《禮記·大學志》:「禮,士大夫學於聖 虎通》:「禮三老於明堂,以教諸侯孝也。 人,善人祭於明堂,其無位者祭於大學。」 五 |更於大學,以教諸侯弟也。| 此則起於 辟雝之堂謂之明堂者,蔡邕《明堂 「天子曰明堂辟雝,諸侯曰泮宫。」《白 明堂其外,水環之、曰辟 《詩· 雕。」●《封禪 靈臺》正義引 論

異義。然既有其名,不可没也。周衰禮廢,名實相淆,學者各記所聞,遂成

据,而後百家之異説,可得而辨矣。据,而後百家之異説,可得而辨矣。即避。。此之,以考六者之制,皆事辭明白可然也世祀以天子之禮樂,故周公之廟,其制得公世世祀以天子之禮樂,故周公之廟,其制得公世世祀以天子之禮樂,故周公之廟,其制得公世世祀以天子之禮樂,故周公之廟,其制得公此世祀以天子之禮樂,故周公之廟,其制得公,於魯大廟,明堂之大廟,猶問之清廟是也。即於魯大廟,明堂之,以為於,復廟,重擔,刮「大廟,天子明堂。山節,藻棁,復廟,重擔,刮「大廟,天子明堂。山節,藻棁,復廟,重擔,刮「大廟,天子明堂。山節,藻棁,復廟,重擔,刮「大廟,天子明堂。山節,藻棁,復廟,重擔,到

之一。殷人重屋,堂修七尋,堂崇三尺,四階,四旁兩夾,窗,白盛,門堂三之二,室三二七,廣四修一,五室,三四步,四三尺,九二七,廣四修一,五室,三四步,四三尺,九

之忠 下方 春秋》十二紀,孟春之月,天 蔡邕《明堂 王者其制 明堂,互言之以明其 亢、重郎,或寫仿於有殷,其 周之五 宫室之制,更 SIT 東周,其于文獻無徵之事,闕疑 明 相 之圖、蒿宫之柱,同其 牖,則 ,其云一室而有四户八窗三十六户 《盛德》篇采集禮説,•具 故鄭注云:「此三者,或舉王寢,或 因 其 仲春之月,天子居青陽大廟, 則 室、蓋創始 因 同,非謂三代制同也。」其言 因 論》並沿其説,謬學 有 重 其 此 世室之制而誤 無 屋 損 之 詳 之制 他 益 制 要 心於夏 文可 ,夏殷權 度 不 同制。」賈云:「謂當代 可得 而誤。 鄭 后, 證。 閉 賈 聞 四 學非 大矣。 而《白 俱 子 他則 有瑕 阿、反站、 ,流傳, 既 何 望 ,居青 其 云 尼父,時 焉 不 者 文 未嘗 虎 瑜 口 上 吕 不 固 通 與 覈 駆 圓 掩 相 重

> 其書 廟 總章 所聞,集論以 加 之祖。此十二 餘萬言,以爲 居玄堂大廟; 之月,天子居玄堂左个, 仲冬之月, 土,天子居大廟大室, 居明堂左个; 其 「兼逸《禮》「明堂」之篇,參以 、天子 文 「儒墨刑 左个; 按《吕不韋傳》稱,不韋使其客人 在 季秋之月,天子居總章右个, 季夏之月,天子居 加 周末 詳。 備天地萬物古今之事。 青 爲八覽、六論、十二紀,二十 名兼收並蓄, 仲秋之月,天子 之世 紀又見於《淮南· 今不知撰自何人 季冬之月,天子居玄 陽 仲夏之月,天子居 右 个; 本《周 孟秋之月,天子 明堂右 孟 實爲後世 書 之月 了, 以 居總 新意 時 中 則 訓 堂 中 訓 天 用 星 今觀 孟

者? 中,則 郊,則 之地 糅。 隧道 南 治、蓋取諸離。」故魏舒 疾。《易》曰:「聖人南 諸 以《周官》諸職之文,實無一合,其謬二也。 文雖闕 周 今《月令》之明堂,未知建於何所。 三夏,則皆北 有大咎; 廟 室周 面」。今以天子之居,而 宣之居天臺,猶不至此,其謬四 ,冒始祖世祭之宫,雖 今四正之室,皆日 無 無 則 人居於寢, 而明堂 、然五門、三朝、六寢,猶犁然可攷。 回,其狀如井,若不上置 其 地 更無出人之門,其謬三也。 王者終歲野 中先王之 容之。 一制度, 面 而孔子之美仲弓,亦曰 而 各有攸 鄭氏 朝其臣,其謬 制 最誕妄不經, 處之禮; 面 南 大廟,以 雖傅之大寝、 豈 而聽天下,嚮 處,是 面,衞彪 無 四時易位,在於 漢 高之祠黑帝 一衝梯,下開 以不 時 以爲 以爲· 也。 賴 也。 Ī 深 徯 可可 在 然按 以 相 知 明 可 神 宫 其 雜 在 使 忿 傳 而

> 名? 總爲 青陽、總 可枚舉,以於明堂無涉,故 十二室,明堂止 其謬五 章、玄堂三名, 也 其 他 居 與周 其三, 與 不具 明 党相 制 何以得 論 違異者 配, 然 專 則 斯

是五 莫之敢議 《禮記》,鄭康成爲之作注,後世遂尊爲經,而 文志》及《魏相傳》,建武以後,著爲王禮。 制作之義。漢世謂之「明堂陰陽」,見於《藝 故《盛德》篇之二九四七五三六一八,●即其 右个,即總章左个; 乖五室。 曰:「《月令》亦無九室之文。原其制 馬彪所編《禮儀志》具載其文。 夷攷其文,實爲大 玄堂右个,即青陽左个。 而布政十二。」此説傅會 其青陽右个,即明堂左个, 矣。 《魏書·賈思伯傳》載 總章右个,即玄堂 一下行九宫之學。 五室, 自馬 如 此 融 舉 則 置,不 其言 人之 室 明 司

「盛德篇」,據今本《大戴禮記》,當作「明堂篇

地。 之所; 祇、人鬼之别,豈猶有未了於心者,而忽 於二筵之室? 國之社,始弇其上。 意,尤有所違 合五帝五室之文,猥云每帝一室,求之禮 之辭,而辭則 周人明堂五室,帝一室。]今就其説求之。 火用事,交於西南, 調 七筵之堂,大室中踞其二。 事,交於東南; 室之制曰: 古 ៣ 一筵有半。 言,可謂千慮之失。 未有此制也。 人。 遺 以其與《顧命》《斯干》《觀禮》不合,從爲 四 曾不 隅 在於路寢,則 在於大廟,則 「水木用事,交於東北, 知吕氏本爲假設之詞,而自古 宋人祖之,遂爲《考工》《月令》之 近矣。 夫。 火土用事,交於中央, 以鄭氏之學,其 《玉藻》正義引《鄭志》説五 風 又神祇無 何有天帝大神,而陟 雨 金水用事,交於西北。 後之俗儒,自謂 無 小祀,猶在於壇,亡 以爲 無以 南北所 廟享之禮,牽 聽 爲 於天神、 政 朝 餘、各得 合族 木火用 聘饗食 之 地

> 堂。 絶學, 之,知之次也。」竊取其義 無是也。多聞 稱先王。」孔子曰:「蓋有不知而 議禮之家,古稱聚訟; 君子於此,將 《禮》曰:「毋勦説,毋雷同,必則古昔, 祭於屋 而 巧 爲 下, 之 哀矜之不暇,而又何尤焉! 擇其 説 而 以神 善者而 祇事 較 爲 其甚 以作是篇 從之,多見而 壇 之,故謂之帝 而 者,無若 祭,故 作之者, 明 我

明堂五室二圖

吕氏春秋明堂圖明堂位圖

四四


内篇

圖室五堂明定考

凡 <u>室</u> 西夾	西房	窜大	東房	東夾
西堂	東西	間牖	東	東堂

東西九筵


南北七筵



<u>五</u>

圖位堂明

國之狄五



劃門 國太采九塞四

六

	圖	堂明秋春	氏吕	
	→五量を	玄堂大廟	→大堂五	
總章右令				青陽左个
總章大廟		大廟大室		青陽大廟
總章左个				青陽右个
	明堂右个	明堂大廟	明堂左个	

焉。 冠,有爲人父之道。女子十五許嫁,有 以恥其民,使及時嫁子取婦也。《王居 之。」會讀若司會,其訓計也。 時也,奔者不禁。若無故而不用令者,罰 者,馬牛畜獸有放佚者,取之不詰。」非教 馬。」《月令》:「仲冬之月,農有不收藏積聚 堂禮》:「孟冬之月,命農畢積聚,繫收 奔者,不禁焉。 可知也。其有三十不取、二十不嫁、雖有 男女自成名以上,媒氏皆書其年月日名 逆女,冰泮殺止,至於中春,則過時矣。 嫁」,所謂禮言其極,亦不是過者也。霜降 人之道。媒氏「令男三十而取,女二十 於是時計之,則其年與其人之數,皆 《媒氏》:「中春之月,令會男女。於是 非教民淫也,所以著之令 男子二十 明 4 凡 而 適

七

養之。 政、《 無 政焉,先王之所重也。 之,其意一也。 衰也,晉失其政、《 夭》美之; 其父母有罪」。 有故 斂 十七不嫁,其父母有 故 民 二十三而 有 夫家者 十而 而 也 盗 東門之楊》刺之。 L', 雖 不 不用令者罰之」。 也 能 取、 非 不用令可也。《内則》所謂「有 所 嫁 而 徒 自 女子二十而嫁」之令也。 以著之令 召南之化、《摽有梅》美之。 恥 會之」。 存者,以告於上,以 是 之,抑 句踐罪之、《周官》恥之、罰 周之興也,周南之化、桃 也 綢繆》刺之; 罪 《國 會之者 又罰之。 以 。令者,媒氏 昏姻 媒氏 懼 語》句踐令「女子 其 丈夫二十不取 之道 又「司 民 計之 故 9 門 使 「令男 日 男女 陳失 關 也 可 及 「若 之 以 若 時 > 故 其 觀 其 其 無 收

爲人後者爲其曾祖父母祖父母服考

八

服無疑 殺 其 也。 《記》於兄 期 是正尊,小功,兄弟之服,不 適 母,昆弟,昆弟、從父昆弟之長 齊衰三月,降 父母。 、益無嫌矣。 人者,而 爲 「不敢降其祖也。」斯 此曾祖父母、祖父母,雖 爲人 曾祖 也。 後者 期 弟降一等推之,而 父 親 持 曾祖父母、祖 則無服。 母、祖 重於大宗,服 爲 無 女子 、數,並 其本宗之服, 子 父 準 適 母 服 其 之 何 父 例 並 者, 不二 經 口 與? 嫌 不 不 母 知 (殤,姊 意 以 爲 爲其 其 經 無 斬,故 其 之後,猶 服其祖 不可 惟 文 服 妹 祖 載 降 1 本 以 父

有尸, 於兩 卒哭、袝、練、祥、禫,皆男女别尸。 乎 妾祔 虞主 傳》:「練主用栗。」注:「期年練祭,埋 别主,虞、卒哭、祔,婦人既有主矣。 祔 見於《雜記 傳》:「虞主 士虞禮記》:「男,男尸, 「廟 ? ,其妻祔 一, 而 惟 問 妾無妾祖 階之間 於 荅曰 加 日 妾祖 於練 主 不作練 》《喪 於 ,易用栗。」祥、禪之祭,婦 |用桑。|《檀弓》:「虞而立 姑。 然則婦人有主 諸 不 姑 謹按《春秋公羊》文 服 主 爲 祖 者,易牲 公子、公孫之爲 斯斯 小記 作主,斯不 姑,亡則皆中一以 婦人無 又不 》者,婦祔 而 然也。 一明矣。 袝 女,女尸。 主 然也 於女君 於 於祖 士大 公 禮 袝 自 别 ^ 公羊 尸 二年 有 E 禮 練 虞 埋 則 夫 之 而 其 猶 主 至

> 其祭? 夫牲。 其夫 母。」是可据 中、去地一尺六寸。 何 夫 當作「敬」。 王母則不 故《雜記》:「男子祔於王父則配,女子祔於 姑 左主七寸, 卒 卒 圃 有 袝 不 而 而 字南山,東海人,魏樂平太守。 人, ? 苟所袝者無主於廟 後 爲 袝 ^ 云: 穀梁傳》文公二年正 配。」若婦人無主,王 夫爲大 於 大 婦雖 則 也。 廣厚三寸。 其 夫, 而 浴袝於 「宗廟主皆用栗,右主八寸, 與夫 夫 其妻 親 袝 同 而 於 右主謂 廟,亦有分祭之禮。 祔於其 爲 其 祭訖納於 始 ,則後之虞主於 大 妻, 來 引衞 夫 父,左 母何以 妻, 則 仕 而 義麋信 不易 次仲「次 卒 無 西 則 廟 主 壁埳 得 以 而 專 大

某妃 孫某 日 配某氏,以某之某 問日 來 謹按《少牢饋 日 . T 亥,用 吉祭,婦 薦 食 歲 禮 人何 ※統 爲尸,尚饗。」是 事 於皇祖 以 P ,之命曰:「 無 尸 伯某,以 也? 孝

内

也。 尸,户 謚從夫之義,不立女尸。至於主,則無嫌 必有尸矣。 於事爲褻。在於禘祫,尤不可行。 筮二尸,其爲夫婦,不可必知,交錯室中, 之,婦人之尸,必使異姓,不使賤者。 葬及同 更象以孫婦矣。鄭注《司几筵》云:「 廟中同 其有異宫,若周祭姜嫄,魯祭仲子 夫共筮一尸,非無 ,既孫行,其體於祖父母 時在 几,精氣合。」是其義也。中 殯,皆異几,體實不同。 尸 也。 則 吉祭 。故援爵 雖 斯 若並 雖合 不 止 ', 亦 論 必 男

禮也,中謹据禮正之如此。 方苞侍郎家廟不爲婦人作主,以爲

女子許嫁而壻死從死及守志議

也,見舅姑也。若夫納采、問名、納吉、納女子之嫁,其禮有三: 親迎也,同牢

徵、請 子問曰:「親迎女在塗,而壻之父母死,如 其可以改嫁者凡四焉,而皆謂之禮。然則 之何?」孔子曰:「女改服,布深衣,縞總, 齊衰而弔 女,有吉日 行也,非禮之所由成也。 納采、問名、納吉、納徵、請期,是禮之所由 父母死, 壻亦如之。」由是觀之, 請期之後, 母使人請, 壻弗取 氏許諾而不敢嫁,禮也。 父母之喪,不得嗣爲兄弟,使某致命。 已葬,壻之伯父致命女氏曰: 母喪稱母。 父母死,則女之家 則如之何?」孔子曰:「壻使人弔。如壻之 曰:「昏禮 禮所由 期 既 成 固 ,既納幣,有吉日,女之父母死, 而女死,如之何?」孔子曰:「壻 父母 也。 六 葬 禮 而 不在 何以 與? 除之。 而 亦使人弔。父喪稱父, 後 ,則稱伯父世母。壻 知其 然是 嫁之,禮也。女之 故曾子問曰:「取 夫死亦如之。」曾 壻免喪,女之父 然也? 禮 所 某之子有 由 行 也 女

反。」 以 制 迎 之恩也 死,從而死之,與適壻之家,事其父母,爲 之立後而 禮 而 趨 後可 一於是 ,以是 喪。 明乎親 以 不嫁者,非禮也 鄭 女 爲不 出 氏 在 降之服,服其父母也。先 增 ·可過 迎 成 而 其 而 也。故女子許嫁而 後 女 義 可 日 之 以 :「未有 父 喪其舅姑, 母 死 説期三. 則 E 年 壻 女 親

故 之,則父母 立 於舅姑。父得而妻之,則子得而母之。 許 母如母。不爲子之妻者、是不爲舅姑之 也。不爲父 而 嫁 夫婦之禮, 不 而 -嫁者 壻 得而 死 非禮也 ,適壻之家,事其父母,爲之 之妻者,是不爲子之母也。 婦之。 人道之始也。 故昏之明日,乃 子得 而 故 見 妻

穴,存爲貞 示 未 ", 壻不 成 禮,女未 婦 也。 杖 女,没稱先妣 不 朝 菲 今 見 也 不 mi 次 生 死 い,歸 不不 不 ,其非禮孰甚焉 同 葬於 遷 室, 心於 女氏之黨 祖 而 一、不祔 夗 則 同 於 1

禮焉。 之。 其有 壻 爲 然,父子之親,君臣之義,夫婦之恩,不 先王 謂 婦 夫 婦 近 亡,忠之盛也; 嘗以身事之,而 解於心,過而 父母期。 有夫婦之恩,而 不愛其 夫, 猶 臣 ,成我者也。 臣 爲 人不二斬,故 惡人 内 以 其有 無 ,號呼而自殺, 猶不必 !夫家,外父母家。父母,生 女之嫁者、爲人後者,並以出降 因,於父母爲不孝,失禮之中,又失 死 臣 之以 親 若使非我大宗 不 爲 事 勝喪 而愛他 殉 爲之死、君子猶哀之。苟未 君 死傷 也。 者 重爲之服,以降其父母,於 父母之 爲 以身殉之,則不仁矣。 也。 其君 而 夫斬 人者 若使巖 則 尤禮之所不許 生也,故爲之喪禮以 死 荷 仇 亦 者,禮之所不 不 IE 也 喪, 牧、荀息、君 而强爲之後,是所 則爲 得 穴之士,未執贄 命 ,何以異於是 無 謂 而 父母 貴 終於寢, 之忠臣 賤 我 也。 期。 許也。 者 È 節 與 可 爲 女

何以異於是哉

禮,雖 非乎, 制爲 身許 也。 鄉之士君子得而 其言婉 止之, 父母若壻之父母欲之,邦之有司 (適,是六禮不 是故女子欲之,父母若壻之父母 是禮, 人之道也。 劉台 有父母之命, 則其 而篤 拱 孔子述之。 禮 日 矣。」中以爲未盡 不 備, - 可過 止之。 女未嫁 歸 壻不親迎,比之於奔 太 夫家之禮, 人人人 也。 意 周公監於二代, 而 F 周公、孔子不 爲 :『女子未 故 其夫死, 也。 曰「過猶 猶 不 事 得 得 荷 且 有 口 不 遂 非 不 而 而 以

圖 徙,更十 <u>一</u> ,幼許嫁於高 嫁於郭。 重受聘。 二女執志 姻 餘 之禮 年。 以中 既而一 成成 不 壻及女之父 所 移。 於親 一子皆不 見,錢 秀水鄭贊善之婢, 袁嫁數年, 迎。 塘 肖, 袁庶吉士之 母 後世 一,咸 流 不 備 蕩 願 知 改 轉

> 死。 遂終 乎 惟 謂 身不二也。 與之齊,終身不 守禮,以 箠 二女者 女道 其 楚,後 不 傳曰: 父 於家。 聘二夫也。 丽 母 竟 隕 可 已。」善夫 爲 賣之, 其生,良 謂 「好仁不好學,其 又曰:「烈女不事二夫。」不 許 鄭之婢爲 愚矣。 聘于人, 歸 二。」不謂 其 兄訟 太僕曰:「女子在 可哀 本不 郭 而 諸 也 所 己 知 官 禮 蔽也愚。」若 受其聘, 窘 無 傳曰 而 與焉 迎 服 而 : 以 毒 自 終 謂 而

述

内 篇

稱

大伯,大伯之子平稱

仲君。封稱

康

江

玎

文

正

故伯 序》,經傳但 稱周公; 未有稱謚者。周文公見於《國語》,經傳 癸公。其言實出《世本》。丁、乙、癸並 公,丁公之子得稱乙公,乙公之子慈母 齊太公子謚曰玎公。」按《史記》吕 之子荒稱蔡伯。 十干,不得如《説文》作「玎」也。 周 禽稱魯公。 《説文》:「玎,玉 召康公見於《左氏春秋》《毛詩 . 稱召公。齊之太公亦非謚也。 蔡叔之子胡稱蔡仲,蔡仲 振鐸 稱曹叔,曹叔之子脾 聲也。从 玉,丁聲。 仮稱 初諸 旧

都汪中 撰

或以 時易名之典,惟施于王者,諸侯之得謚者, 仲,微仲之子稽稱宋公,宋公之子申亦稱 康叔之子稱 公是也。 有以甲乙爲號者,齊之丁、乙、癸,宋之丁 多在再傳及三四傳之後。前此 丁公。虞稱唐叔,唐叔之子燮稱晉侯。當 國 一邑,而夏殷之禮,相沿而 古書或借「玎」作「丁」,許氏遂據 康伯。宋始封之君稱 未革,故猶 或以伯仲, 微子、微

連 Ш 之而爲之説爾

山出内氣也。」其言望文生 人》文同。鄭注《大卜》云:「名 「連山」即「烈山」。 傳》有「烈山氏」,《祭法》「烈山氏之有天 《周官》大卜掌三易,一 《春秋》昭二十九年 義,殆失之矣。 日 連 1連山, 山人《簪

説 神 農 不 是 同 世 杜 也 常 子 諸 春以 侯, 一義 \sim 魯 爲允。 韋 連 語 昭 Ш \forall 亦 以 爲 謂 厲 宓 之 Ш 戲 爲炎帝之號, 杜 厲 Ш 預 以 烈 皆語 Ш 爲 之

糧 童

《史記 餘 王 王 厲 臣 从 一家奴。 一,貫 人,赭 傳 隸 辛,重 中按《 鄭 高 • 其奴, 司 又:「斐豹,隸 衣 張 與 ^ 農調 周 省聲。」「 自 春秋傳》: * 田 客 耳 氏 髡 男子入於皋隸,女子入於 叔 孟 陳 廼 鉗 童 列 **髡鉗** 舒 「今之奴婢,古之辠人 餘 等 僮, 傳 列 稱 男 ***** 季布 十餘人,皆自 傳》 王 也,著 有 未 士臣阜,阜臣 家 皋 冠 并 孟 奴。 日 也 舒、 於丹書。」《 高 奴 與 0 祖 其 季 田 从 奴 逮 家 叔 髡 布 也。」 等 鉗 僮 捕 欒 趙 司 布 爲

則 童。 則 之偏旁,若芻豢之「犓」,巢車之 爲 者 無 别 則 充 衣 廼 邑王廢,式 辠人,憐其 《漢書 王吉襲 角 禮 博 式 買 j 通 日 以 一、名義 之 官。」 者 髡則 土 亦 圃 童之爲 爲 . 少長總角、及 童 衣 魯朱 日 置 古書多假借,後人傳寫, 髡 奴 賈 Ш 遂 之田 纙 詳 而 爲 皆 得 Щ 無髮,賜之巾。」《王 童牛」、曰「童殺」,山 傳 言 笄 家 此 後 不 城 傳》: 相 減 其義一也。子生三月, \forall 「誠其 所賣 秃 皆 數 冠,曰: 日 則 因 死論,不言 二人 也 條, 無 也。式後 凡 也。 冠 之。 所 子 爲 山稱文帝之德曰: 語 知 皆減 乃紒 施、故 日 「刑餘之人,何宜復 轉 奴者,皆髡鉗 童之从人,爲 古之辠入於髡者 朱家 IIII 而 除 死, 所 異。 不冠,而 冠 心 一式傳 博士,徵來, 論 髡爲 事 心故未 「轈」 知 乃兩易之。 故牛 之無 何辠。 聽 是 此 城 季 羊之 散 以 草 類 翦 謂 奴。 冠 布 自 加 木

疑也。「重」又「童」之假借,《説文》之義,無可

此篇荅舉主謝侍郎作。

左氏春秋釋疑

斯之謂 神,曰災祥, 記 氏 周 事, 春秋》。 公、孔子。 削之意,依 ^②左 專人 動則 與?吾就其書求之。 氏 事 春 書之,是爲《春秋》。 學者其 日卜筮,日 乎孔 明周公、孔子之道、莫若《 ,其别有 子。 典 何疑焉! 策之遺,本乎周 五 7夢。 聖人之道,莫備 「其失也巫 曰天道, 然古者 而左 氏 左 日 鬼 所 中 左 於

北 宋、 南師不時,必無功。」叔 衞 楚子庚侵鄭,董叔言:「天道 有星孛於大辰, 陳、 鄭 同 日 西 及漢, 若我 'n 以 用 爲 裨 多 在 瓘 黿 其 在 玉 君 西

勝詛。 丘據請 爲 裨竈 及惠公爲秦所 晉獻公筮嫁 爲,是陰陽之事,非吉凶 以爲,妖由人興,人無 致力於神,民 季良以爲。民,神之主也,聖王先成 隨侯以牲牷肥腯,粢盛豐備,謂 多言矣, 豈不或信?」遂不與, 瓚,鄭必不火。]子産 言,吾不及此。」韓簡以爲,先君多敗德,史 由是言之,左氏之言災祥,未嘗廢人事 石於宋五,六鷁 由是言之,左氏之言天道,未嘗 事也。 「天道遠,人道邇,竈 曰:「不用吾言,鄭又將 誅 由是言之,左氏之言鬼神,未嘗 鄭 於祝 内蛇 伯 和而神降之福。齊侯疾, 執,曰:「先君若從史蘇之 固、史嚚 姬 退飛過宋都,内史叔 與外蛇 於秦, 釁焉,妖不自作。 不 嗣, 焉 史蘇占之,不吉。 與。 所生,吉凶 晏子以 知天道 内 蛇死。 明 火。」子産以 廢 可信於神。 亦不復火。 年 八爲,祝 人 民 由 鄭 事 是亦 m 申 也 也。 梁 廢 後 不

不然必 相。 於帝 廢 而 福 趙 衞之辠,不可 坤 左氏之言 蘇 之比。 放 罰 女。」士貞 嬰通 人 是 、事也。 於 甯武 丘,夢 福也,祭其得 於莊 齊。 敗。 勿 子 1 子 康 從 伯 《易》不可 以 服 筮,未嘗廢人事也。 姬 由是言之,左氏之言夢,未 以 叔 何 爲,相之不享於此久矣, 以 ,嬰夢天使謂己:「祭余,余 惠 閒 E 益 爲,神 伯以 成 ? 亡乎? 「相奪予享。」公命祀 王、周公之命祀。 以占險。由是言之, 爲 南 福 ,忠信之事 蒯 將 祭之之明日, ൬ 叛 禍淫,淫 衞成公遷 筮 之, 則 可, 嘗 非 而

纓,子玉弗 能 而 僃 爲 秋 臧會 言之,後人 之矢德音 》者也。 此十者, 爲僭,僂句告吉, 致, 後 而 庶 世儒者之所 其 敝 當 乎知 時 何 羣 疑 疑 深 道,而 焉 識 而 遠 左 而終後臧 執以疑《左 見 卒 若 氏 之 之兵 以則已 夫 君 瓊 子, 敗 弁 廣 氏 身 類 氏

> 天 ,謹而 網 恢 恢 志之,所以明 吉 X 一之應, 教也 有 時 而 爽 策 書 舊

史,曰 籍者, 祲,司 子棄 也。 之備 物 有 或 簭人,司卜筮者也。 而 將復由。 五史皆同官。 人,司鬼神者也。 御史,皆 享焉。 旲 神 又不備官,則史皆得 伐之,必 降 其在《周官》,大史、小史、 書於 問者曰:「天道、鬼神、 疾 天者也。大祝、喪 祝宗卜史,明 日 於莘, 滅 瞽史, 曰祝史, 曰 屬 吴始用 陳, 狄人囚史華 策者,何也?」曰: 春官。 受其 史趙 惠 周之東遷,官失其守,而 Ŧ 師 大人、人 若 問 凶。 以爲 於 平其 占夢,司 諸 越,史墨以 馮 龍 而治之。 然 内 歲 以祝、甸 相 爲聯事也。 滑 史過 則 史巫, 日宗 在 氏 師、龜人、菙氏、 災祥、 與禮孔,二人 史 析 夢者也。 祝、司 内史、外史、 保章氏、 過 固 其見 木之津, 此 爲越得 司 1 請 史之職 天矣。 巫、宗 統 以 楚 祝 於 胝 其 巫 典 列 與

史固 夾日 公問吉凶 夢襄公祖,梓慎 於大史,見《易》象。 史朝。然則史固司卜筮矣。 史之職也。 天道、鬼神、災祥、 周 [易》見陳侯者,陳侯使筮之。 以 而轉以歌,占諸史墨。 司災祥矣。陳敬仲之生,周大史有 司其 我大 隕 飛 於周 三日,楚子使問諸周大史。 石 (史也 事 於 m 内史叔興。 宋五,六鷁 ,實掌其祭。」然則史固 不書,則爲失官。 以爲不果行。 卜筮、夢之僃書於策者 孔成子筮立君,以 退飛 有雲如衆 然則史固 昭公將適楚, 趙簡子夢 過 韓起觀 宋都,襄 故 日 司 司 童 示 則 鬼

樂祖 有道者、有德者,使教國之子弟,死 藝之學并於儒者,於是即儒之所業, 《易》象、《春秋》,大史掌之。 ,祭於瞽宗者也。 古者《詩》《書》《禮》《樂》,大司 後世二官俱亡, 而 則 樂 以 儒 爲 則 掌 而

> 而 氏之紀人事,所以聳善抑惡,以 疑 有不信者焉,有不平者焉,其類有百,請 大 史,此偏 日 是 皆 知之所得,未足語 然矣,抑猶 有 口 於大道也 詔 疑 世也。

左

約言之。

道盡矣。 陳 犯 尹 高,鬭伯比知其必 大逆, 奄有大子之室, 爲大師, 掌環 獲考終,子有令德。 享國十二年,滅江、六、蓼,服 王將齊而 禾麥,射王中肩,寘母城潁,誓不復見, 鄭莊公之在位 一
告
,
而 ,伐麇襲舒,屢主兵事,有尫及黨, ,陳桓公不許,左氏謂其長惡 五 不韙而 鄭、息有違言、息伐鄭而敗、左 而爲 亟稱其惡,其可疑者一也。 心蕩,鄧曼知 伐 四四 周孟侯,以 人,知其 鄰搆 敗。 潘崇教人之子,使爲 其禄盡 怨 按 將 ,無歲無兵,取 没元 商臣 陳、鄭、宋, 身。陳、 弑父與君 莫敖舉 鄭 不悛。 請成 氏 列之 以 趾 武 周 其 息 於 按

疑三 矣。 享神, 哀 豈其若是? 爲妻,逐羣公子而殺 諸 愾 戎 而 知其將亡。 敵 失 官 聘 不暇 亂 在 以 而 或 私 按歸 也。公孫歸父言魯樂,晏桓子知 於 號公敗 公 晉獻上 張 四 神 怨 即 晉 子 在 賜 渭 中 遂 斯 世, 欲 父欲 於 之土 王室。 備舉其亡徵。 口 汭 國之威? 一烝諸 戏於 可 按號 适 耐 其 以 逐 疑 謂 去 Ŧ 日 桑田之役,豈 事 子家,由 晉 田 母, 渭 國之不幸,而遠以 爲 闢百里,晉是以 莫 不 不 人去之,其忠盛矣。 也。 卿 汭 桓, 盡 敖 其世 成。 幸晉 内 土 滅 ൬ 桑田,舟之僑 史 以張公室, 有 其 是公室四 方薦 桓、莊之族,以 以 於周爲睦。 過 行父假於公義。 子。 神 且周之東遷, 咎 爲召 、史嚚 降 孰 不 食,不 號多涼 於 亦 名 一殃,斯 大,其 ? 一分,昭 敵 與公謀 懷魯蔽 知 其 Ŧ 祀 其 子 虢 其 將 妾 過 所 口 拜 勿 頹 將 偃

史佚 承。 運 楚有 語》 則以 辭。 夕 比 其 之至,必 此者,是 誦 而 及身無咎, 口 獻 事 皋 惡 詩。」又:「 適 又廢其 也。 史獻書」,又「臨 告之。 承者 左 禍 其後或遠或近 而 相 王 史倚相,能道 書之策,侍於其 曰 敗 且 濟 有故 有其幾。 足以戒焉。 前 7,承天 其見於《左氏 「史爲書」, 於 後 子 巫 賊 其善而 如 博聞强記 君,使 焉。 ·, 其 嗣蒙業,其 而 殺 内 子 後史。」《 攘 之遺 爲 天道 君 辜, 適福, 或 無 謀 此 訓 其 曰「諸侯之會,其德 事 子 政 接 人,不 忘先王之業。 典,以 忘者 史之 應 有 福 春秋》者, 見 有 君 可疑 保 給 也 微 善善 君 外 瞽 足 則 傅 如 結 ,常立於後, 而 不 知 敘 史之道 職 以 誦 而 已 四 善對者謂 傳 之, 也。 著 禍 勸 多乎? 百 也。 物,以 淫, 日 晉之 有問 作 明 「君 故 徵 禍 瞽 史 凡 ^ 或 史 朝 又 淫 其

器與 意有 述。 其 爲 事 此 所 之功,十六相、四 事之言,不足 亦 在 也。 義 之上知下愚少, 在 之 及 中 ,使鑒於前世之善淫禍 無所用之, 下愚,不可 ,無所用之,則 不可没, :所偏 解。 其所 也。 名,不可以假人。 無 上知,不聞 其有善 國 也。 所謂「言豈一 載 重。 其 故史之於禍 不 則 之 事 苟爲 記 則禍 教誨,不 載之。其故 以戒勸, 事 故昭公失國,史墨謂 也 而 , 時 禍 亦式,不 無 凶之名,不同 中 而 意 及 福 福 **灬福**,淫 中 有 È 雖 夫 。 君父不校之義,非 雖無驗焉 知 福、舉其 則 異 人多。 端,各有所當一者, 於 無驗 國 則舉 話言,其於戒勸。 遂 聞。 福 諫 不 戒 iffi 中 削 亦 焉,可 口 無禍,雖 勸 失 其 以知戒勸者、 故先王設之 而不 故史克 於《尚 一不專 之 人,其於戒 知, 已驗者也。 已 事 〕驗者 也。 書。 則 爲君慎 不 於 咸 口 先 問

> 宫甲圍 殺之。 其弗 時異 法無隱 也。 也 死矣,所貴乎心知其意也 得爲者而已矣。 渦 此 禍之有無,史之所不得爲 此明著其禍 此 蔡侯 殊 ,史之所得爲者也。 成 史 之 E 故 般 職 曰: 古之人與其不可傳 是 弑 也 此史之職也。 楚 其 靈 以 君 雖 此直書其事以 王誘之於申 歲 爲 戒者也。 在 史之戒 君子亦爲其所 明 豕 乎此 百世之上, 者也; 韋 模 ·,伏 爲 ,則《左 商 戒 臣 弘 甲 猶 知 有 m

居喪釋服解義

氏

春秋》之疑,於是乎釋。

崩,未殯,五祀之祭不行。 至於反哭,五祀之祭不 越紼 居 喪 而 釋服 行 事。」一 之禮 也。 ^ 王 制 行,已葬而 曾子問》: 既殯而祭。」「自 「祭天 「天子 地

也。」賈公彦云: 純 夫,主人長衣練冠以受。]注:「不以純 《左氏春秋》文公元年《傳》:「凡君即位 未至,則哭於巷,衰於館。」注:「衰於館, 「言謚 惠、懷,故假 時去獻公之卒已十有六年,文公不 筵,大宰莅之。 大夫爲君三年,見於天子則玄冕。 命 言。」七也。又:「聘,君若薨於後 「並聘。」六也。 命諸 命冕服,内史贊之,三命 》:「既葬見天子, 也 凶 侯之正 服 云「執玉不麻」是也。 類。」注:「使大夫行象聘問之禮。」 周 出 居 見 喪即 禮 晉侯端 《聘禮》: 「其 命於武 襄 固 行 其 位之禮行之。 \pm 日 如 正聘享,則著吉服 使 委以 聘享之事 類見。」四也。 此 宫 大 「遭喪,將命於 也。 宰 뻾 後 文 三也。 桑主, 大宰 即 公及 也。 自 其 欲 冕 分赴 五也。 若 天子 布 内 X 又 服 曲 接 卿 於 几 中

> 問》: 記》: 《曾子問》: 杖齊衰 也。 服小記》: 安生云:「父之喪, 交之道 絰。」十四也。 大宗、大宰皆裨冕。」十三也。 筮宅。 郊祭之日 納之,乃 又 也 「祥祭朝服 檀 云 則 「惟公門 苞 也。」 既 弓》: 「養有疾者不喪 屨不得人。」十 朝 「君薨,世子生,告於君,大祝 朝 歸 喪者不敢 + 扱 哭,主人皆往 《檀弓》: 服 衽 使 有 五 税 厭 衆 也。 一惟 反 惟扱 既祭,乃 介 齊。」《曲 冠, 命出 公門 凶服。二十一 先 \sim 「弁葛経 上衽 不 也。《郊特 喪 衰 公門, 兆 説 服 人公門。」 服 而 服。」十二也。 《士喪 南, 從 素 小 齊 不 Ě 面 釋服 縞 之。 衰 記 也 北 葬 麻 禮 牲 面 引 衣。 與 注 ^ 《喪 ЩI 神 九 免

夫 宅與 其非 ,葬日 年 有 之喪 | 司麻 釋 服 衣布帶, 者。 雜 因 記 喪 大

布 也。 記》:「含者委璧於殯東南、宰夫 屨,升自西階,西面坐,取璧。』《正 《士喪 服立 史 冠 又 練 不 禮 蕤, 占 於門 冠 朝 而 宰舉璧與主, 長 服 來,執 也。」 將 西, 衣 者 葬 以 皮 五 卜日,族 弁。 F 筮 也 面 不 占者朝 南上。」三也。《 麻、故著朝服。」 則上介賵 也 長 涖 又 服。二二也 朝 卜,及宗 義》: ~,執圭 服 如 即 四 喪 雜

王 有 朔 志》引《伊訓 君 於 伊伊 成 方 湯、大甲、外丙之喪,以冬至 麻 尹 明, 率是禮 成王崩 祀 也 元 蟻裳,大保、大史、大宗 、二年,以意求之。 於先王, 以 》:「大甲元 《春 配上帝。」一也。 康 而 行之者。 王「麻冕 傳》隱公元年三月 誕資 有 年 「公及邾 黼裳即位 牧 + 漢 方 有 明。」 周 越 一月乙 儀 麻 書 紼 • 冕 父盟 卿 曆 \mathbb{H}

朝一。 服。五 月,一 也。 公會 四 於 公十二年八月,宋 自立,猶 年,「公即位」,與《 子爲父、臣 公及齊 蔑 會於北杏。 也 會諸侯於檉。 也。 三月,「公會 及鄭伯盟 十六也。 也。 是年,公子豫及 侯 也。 襄公會魯桓公於艾。十三也。 用 侯盟於落 於稷。 遭 也 爲君、皆斬 四年十二月,齊僖公卒。 三年三月,平王 盟 蚆 九 於越」。 於 九月 繼 九月,「公及戎盟於唐 年三月,宋桓公卒。 鄭 四 石 臣 位 顧 姑 弑閔公。 也。 伯 不 也。 一之禮, ,「及 命 九也。二年三月, 衰三 邾 ·殤君, 於垂」。 同。桓公弑 閔 宋 七月,「杞 六也 故 $\overline{\mathbf{h}}$ 十三年春, 公元年八月, 年,會盟 崩。 鄭 書即 人 也 閔公祔廟 人盟 盟 八也。 桓 於 位 僖公元 於翼 侯 宿 來 四 而

年十二月,晉文公卒。 卒。冬,共公會 月,昭公又與諸 卒。 月 過 冬,又會於温 二月,昭公與晉盟於斂盂 也。二十七年六 年 月,成公會諸侯 二十也。 月以 公朝王 正月, 衛甯 陳宣公卒。 獻公卒。十一 公即 十九年冬,諸侯盟於齊,孝公與盟 晉侯命,受玉」。 十九也。 公會 前 二十五年四月,衛文公卒。 猶未 於温 侯 速 <u>一</u> 十 十三年四月,穆公會諸 大祥。 於温 <u>-</u> 下言 於洮。二十一也。 侯 於 (月,齊孝公卒。二十八 十七年十二月,齊桓 年春,「王使召 會魯莒盟 盟 葵 凣 於踐 五 十八也 丘 五月 閒 二十六也。 也 也 一十七也。 。二十三也 土。 + 於向。 歲,文公元年 圍 四 五月,陳穆公 二十四也 月,王 + 武 也 <u>-</u> 三十二 <u>一</u>十 文公元 則 九 年 使毛 此 年

公卒。 位。 以待 扈。 伯 侯 惠公卒。冬,國 正月,公如齊。 孫 元 數之。 元年十月, 十二也。二年八月,宋文公卒。 盟 年,「公即 敖 來 -六也。 公卒。 三十七也。 與盟於 於 命。 錫 十五年夏, 公如晉, 三十五也。 三十三也。十四 赤 年 棘 宣公喪取,襄仲如齊聘,其事非禮 三十四也 位, 十一月,孫 垂 七年八月, 及 叔 四 + 佐來聘。三十九也。 惠伯「猶毀以爲請、立於 孫 三十八也。十年四 八年六月,敬嬴薨。 四 匡 六月,公會齊侯於平州 處 九 得 三十二也。 Ŧ 十也。夏,臧孫許 父 也 臣 崩。三年春,不 0 年九月,公孫 盟。 良夫來聘,且 如 趙 宣公元 周 二年八月 盾 拜 及諸 也 年,「 年八月, 也。 敖 侯 及 公即 盟 卒 四 成 一、故 衞 及 郊 九 朝 於 於 年 而 不

也。 大夫 荀 十九 戚 定 相 秋 華元 公卒。 侯之大夫於戚。五 來 聘 邾子 也 + 於 四 成 六年 月,季孫 四 五 五十 7 + 聘。 ,魯並受之於廟。 公 來 八也。 月,仲 六也。 六 來 如 夏,又會諸侯之大夫於鄫。 離 六 五十三也。 也 朝。 十五 五 年 晉 月 行 也 四 六月, 父卒。 孫蔑會諸侯及崔杼盟 鄭 五十一也。冬,衞 襄公元年,「公即位」。 四 十七七 四 十一月,孫林父會諸 四十 年三月、獻 + 悼公卒。 其年 年三月, 三也。 邾子 也。十八 五 六年冬, 十四 也。 七月, 二年七月,仲 五十七也。 五十二也。 來 陳成 七年 公會諸 十四年十月, $\pm i$ 也。冬,又會 朝。 叔孫豹聘 年八 年 季孫 公卒。 + 四 使公孫 侯盟 月, 於虚 孫 五 五 晉 於 蔑 使 74 几

於號, 即位 位。 也。 位 使,此未及期,六十也。十五年十一月,晉 年十二月, 又宴於季氏,季氏當朝服。 又享之。公及大夫皆當裨冕。六十六 二年,晉韓起來聘。 使遠罷 年十二月,楚康王卒。 嗣 六十一也。二十九年,鄭 悼公卒。 年九月 ,與子皮同 父 爲 按位 一、六十四 十年冬,盗 \overline{H} 十 來 卿,有位於朝。 十六年春,平公會諸侯 人於鄭,鄭又享之。 無定名 ,鄭使良霄如楚。 八 聘。 叔 + 也 六十三也。 也。 一年五 、豹卒。 殺鄭子耳 六十八 ,朝祭喪賓皆有之。 叔 年 受聘必於廟,且受玉, 月 秋, 孫豹會諸侯之大夫 三十年正月,楚 六十二也。二十 也。 五年正 於 又 子展卒,子皮 三年之喪期不 昭公元年,「 六十七也 如 西宫之朝。 + 六十五 衞 月, 年十二月 於澶 昭子 $\overline{\mathbf{H}}$ + 也。 也。 即 九 則 四

學

之事 卒。 子盟 月,季 五月, 公三十二年十二月,晉文公卒。 也。二年二月,叔孫州 七十六也。 月,陳惠公卒。三月,懷公會諸侯於召陵。 何忌及邾子盟 十三也。三年二月, 七十二也。 年,晉昭公卒。 夏,子産 有 於 釋 於 既 事 厥 師 辟 孫意 又盟 葬 服 於雒 旬 也 相 康子在 衰 繹。 加 定公朝 於泉 如卒。六年夏,季孫 軍 哀公元年,「公即位」。 定公元年六月,「公即位 與三塗。 金革之事 禮 + 一於拔。 七十八 十七年秋,晉使 喪大記》: 鼬。 九 服 朝 於晉。七十一也。 有 也 年 邾莊公卒。 此二 七十五 七十四 不與焉。 也。 七十 見王及祭皆 仇 三十三年四月,未 二月, 條 既卒哭,弁 仲孫 九也。 三年, 年 若馮 也。 也。 鄭 《左氏 区屠蒯 何 簡 及 斯如晉。 經 冬,仲孫 七十 以 Ŧī 季 忌 兀 華 帶 春 吉 如周 孫 及 年 年 + 定 則 服 六 皆 斯 邾

實

哭 夜哭; 肉。 迎賓 假,故孟獻子比御 之則食之矣,不辟 麻之有 夫,命毋哭,士哭者,相止也。 日。 樂,不飲酒食肉 不 遣 大斂奠,設朝奠,婦 也 之文也。 敢 ,主人、主婦皆不哭, 不 既葬,君食之則食之,大夫、父之友食 於 至於哭泣飲食,皆可 男子出 哭 時 是 解。 有疾,飲酒 然郊之日,喪者不敢 奔喪哭 m 中 不 爲 口 古之居喪者, 寝門 君 釋焉 飲 之 辟 視 酒,不 解 市 粱 外,見人不 斂,主人見 而不人,孔 食 宜矣。 其 朝 一日之喪也。 肉。 肉。 人拊 義 食 肉 E 君命遺之酒 惟 七 君使人弔, 心不哭; 通也 弔於 哭, 十者飲 不 御 子以 哭。 婦 馬 大荒, 御 人下 内爲 衰 首不 麻 内 凡 寡 故 爲 則 哭 哭 不 封 堂 哭 是 加 酒 公史 夫 婦 可 食 不

留

徹

讀

不

則

者爲一 行。 喪,亦不可奪喪也。 終,以尸 喪,雖嘗禘郊社之祭,簠簋既 喪以 廟 主,藏之祖 璧以禮神合瑞,故雖含必即吉。 屨,皆人公門,當事而君至,主人不變。 不釋之矣。季武子寢疾,蟜固不説齊衰 而 、諸侯,有 臨之,遇柩 道之至文者 而君薨於國,其聘享自若吉也。 見,曰:「斯禮也,將亡矣,士惟公門説 沒故。 接神,則變。 神不可以乏祀,故五 喪不祭,神人異道,故外事則吉服 有國者不以人之死爲諱,故 體,故天子崩,諸侯薨,祝取 事。 廟,卒哭成事,而後主各 弔 君 於路 有 服 賓禮 也。 深釋 臣民之恩,疾 則使人弔之。 喪莫哀於始 服 苟有 雖然,君子不奪人 不可 ,斯須之敬 以衰麻行之, 可以不釋者, 祀之祭, 陳,天子廢 則問 死 故 祖考與 故后 此所 也 既 全朝 朝 冠經 之, 一, 故 聘 殯 反 因 之 故 則 其 之 其 之 喪 齊 IIII 死 圭 衰 既 而

> 新君。 未畢; 除喪、諒陰終三年」之謬,可以釋蘇 之惑,可以 此,然後可以 若之何?」皆 斬焉,在衰絰之中。 平公卒,既葬,諸侯之大夫送葬者,欲因 向辭之曰:「大夫之事畢矣,而又命 衰。」武子日 叔孫昭子曰:「非禮 其以喪服見,是重受弔也,大夫將 破 : 解墨子「久喪不能從事聽治 無 杜 示不 辭 預 亦 以 、段暘「天子、諸侯卒哭 善手 其以嘉 見,是 其 也。」弗 君子表 服 事 見 也。 則 孤 聽 微 献「康 明 喪 乎 禮 晉 見 孤 叔

周官徵文

王吉

服即

位」之疑。

皆古 記 官 經》六篇,王莽時劉歆置博士。』《經典敘 ※孟子》《老子》之屬。」《藝文志 文先秦舊 漢 書 河閒 書 、《周官》《尚書 獻 Ŧ 傳 獻 王 所 》:「《周 禮 得 ***** 禮

三六

求 反。 授 五 記 下 焚燒之。」獨悉其言,亦無 源 (序周 故始皇禁挾書,特疾惡,欲滅絶之, 流 用 F 八事官 商 皆不 之。 禮 一君之法,其政酷烈,與《周官》相 廢 河 興》 能 據 閒 篇。 此三文, 詳 獻 載 Ŧ 馬 故爲衆 時 融傳云:「秦自孝 購 漢 千 有 以 所 儒 金 李 據 前《周 所 不 Æ 排 得, E 官》 取《考 周 搜 傳 公

在穆王 《藝文志》:「六國之君,魏文侯最 書 義》、《夏官·諸子》職文, 孝文時,得其 夷 大宗 八傅禮 人、司 職 八蠻,攸尊王政。 中 方解》 之世,云:「王化雖 攷之于古,凡得 ・朝 伯》之《大司 儀 事》 即《夏官 四 樂 職 》載《秋 人實 文, ・職 作《職 公獻 三也 樂》 官》典瑞、 四 方》職 六 弛,天命 章 也 其 徴。 方》。」一也。 也。」二也。 書,乃 禮 諸 以爲好 文, \sim 記 庶 方永。 逸 字 《周 古。 序 周

> 芟」以| 明白 職文 不 也。 之官,世守之以食其業,官失 七十子後學者,繫之于六藝,其傳習之緒 西周之世,王朝之政典,大史所記,及 内 文, 學之 則 口 · 詩 下, \forall 「牛夜鳴則 過也 據 食 春宜 也 《春官 生 齊 民 視 膏 如是,而 肆 》傳 豚 **庮」以下,《内饔》** 肼 膳 「嘗之 師》職文,六 以 膏 以 下, 薌 其 日 、晚出 以 而 莅 天官 下,《 師 也。 卜來 》職文, 疑之,斯 儒傳之。 • 庖 食 列國 遠 歲 之 則

六 謂 篇 作 每 官》之文、各官皆分載其 宗族于成 之作。 典,則合爲一書。 職之下 有述古, 夫作亦 職 或曰: 方》, ,皆繫曰「掌」,而 詳「職方」、「 周 何 前 ^ 也? 周 作《常棣》之詩, 官 湯周 猶是 \Box 穆王作之,特申 大司樂」二條 公所 一,以爲官灋。 也。 賦 太宰建之,以 定,而 詩之義, 召穆公糾 則 言 () 知《 述古 其 有 穆 周 浩 亦 Ŧ

以 誡 可 , 俾舉 外,不 執是以議之也。 禄,漢博 ,信古而闕疑可 能 其 士作《 盡 職 人 爾 而 王制 也。 若 誦 古今異宜,其 習之。 夫古之典 》,皆不見《周 故孟 籍 有 子 不 自 官 論 口 井 四 通 地 不 術

古玉釋名

予 之厚,其刃半之。其末判規,不剡上,厚 江 玉 珥 倚 首寸有十分寸之八,在脊有珥,在刃有射, 其刃,博寸有十分寸之九,中閷五之一,距 有 寧張 籍于左衛 ,秀水朱 而 與射之間圍半寸。始宛平孫侍郎 不直。其博二寸有十分寸之四,爲 古玉一 氏 與身平。 檢討 ,長尺有一寸,其 乾隆 街 爲作《釋主》一篇。 予籍 四十九年七月丁丑,訪 + Ŧi 以示中,中以爲 一分其 (首,以 首旁閷, 其 玉 今 得 博 孔 如 巴 爲

> 器,有砮,有砭,皆取其利。 也 疑? 檢討之言,有不可通者,今并正之。 爲刀云。古者玉之爲器,有戚, 漸閷,上廣二寸半,此不合三。 寸半,此 0 圭厚半寸,此 不合二。大丰廣三寸, 不合一。 圭 其于刀也, 剡 于是定 自 E 石之 中 左 以 右 爲 何 以 上 各

之閷,即 而從爲之辭。 藉鄭義以 邊 鋩,惟在圭首 何閷之有? 『有鋒鋩』,則 有鋒, 云: 『琰圭 桃氏所謂從 不可以當之。 演成 檢討特嫌於「厚半寸」之文, 其 其説。 此玉不爲圭 厚 以 易行 H 也。 然由厚而 一閷 「厚且閷之」,檢 除 之。」按 此 思」,鄭 一形,而 E 舉體皆薄 薄, 琰 衆 丰 則 末 有 及 可 鋒 其

鋭 珽」文見《玉藻》注,《釋文》《正 . 搢」義 與 劍 云:「王所 相 類 玉 ,所謂終葵首 篇 搢 》《廣韵 主,插 于 》《説 神帶 也。 文 義 按 之 新 並 閒 天 附 不 子 釋 並 搢 其

也,在 此謂 相 Z 言終葵,制既不合,義亦相 之「珽」,所謂方正于天 類 鎮圭。 劍鋭 于圭首,其長六寸,以 衣 與帶必受其病矣。「終葵」者,惟 若琰圭 插 故 也。」今晉 有室。圭不 ,無措于帶之事。 插 相 鋭 下 閒 故 違。 使圭之鋭與 也。 明無所詘,故 成 可搢 文 上言 實 于帶 鋭 劍 不

也。」此孔正 義,非謂 文。大圭不瑑,而 穿之也。」按圭之 六玉。是凡爲圭,宜 謂 色,再就以爲薦,又以絢 者爲鎮 以 鑿 組約其中央,以備失墜。 云:「《考工記》: 璧、琮、號、璜之渠 穿也。 好于肉」、《 與鐶同 圭 檢討 用。 《少儀 爲 顧 圭之約者爲 亦未之辨。 體也 玉人》《 鑿 有 「刀郤 好于 孔 天子圭中 微,章 組 乎? 眉 刃授穎。」 釋 約 肉, 則 而《典 之,其 命圭,圭 **《典** 衣 然 以 必。 約 注 皆 木 後 組 瑞》 (瑞》 之 版 固 無 穿 鄭 穎 其 其 組 聯 駔 氏

> 狀亦異。 靈,豈可 之注甚明, 穿之以 斂 組 例 P 置 非 生者之器 之 謂 尸 用 之上 凡 開 爲 渠 平 圭 下 爲 皆 ? 四 旁。 眉 如是也。塗車 且渠之與孔,其 令汁 經文及二鄭 得 流

之。 非也。 二尺。 之不可誣也,而姑置之。 之博,首末中凡三其度,今徑謂博二寸,亦 度以今營造尺,止尺有一寸,在周 輔其説,据依鄭君「尺二寸」之文 然豈可以今之尺爲殷周 云:「玉長尺有二寸,博二寸。」 又不言厚。 檢討不考古制, 蓋知《聘禮記》《雜 强名 爲圭, 之度乎? 加 懼 尺 按 則 此 就 以 爲 玉 玉

規。 爲 故圭 從剡 、琰也。 之剡 ,剡之爲言炎 云: 故凡圭皆 「剡其 然琰之異以判 也 ,其 剡 上、蓋古琰圭之屬。」按 上閷 也。 mj 也。 火之炎,其上必鑯 得琰名,非 規,而其爲剡上, 琰則剡 上 剡 而 即 判

左 右 山 謂 各 计半 之琰明矣。 則 同。 此 玉左 右 射 而 中汙 '',其

爲 經者 予 其 有 孔 而 、莖、有首、 攷 傳 廣、爲重 子曰:「蓋 但 以 無之。」按劍之制, 桃氏爲 于後 云:「客有先予觀者 六經不 世 一,前 有緱、有脊、有鐔、 劍、未聞 者 有 籍具在,何不一 載爲言。夫六經不載之器, 不知而作之者。」檢討 多矣,是 攻 玉 不足 有 末、 爲賦 玉 以 引以 有臘、有從 有夾,爲長 劍之載于六 ^ 嗣 玉 其 劍歌 折之? 以之。 也。

刻 据 初 謹 藁 栞 板 此 篇 今依次藁 有 初 更正。 有 次 藁 孤 喜

周公居東證

乃流言於國 金 縢 : 武 「公將不 Ŧ 既 喪, 利 管 於 叔 孺 及 子。 其 周 羣 公 弟

> 乃爲 乃告二公曰 王。」周公居東二年, 詩以 貽王,名之曰 : 我 之弗 則 「鴟鴞」。 皋人斯 辟 我 無 得 以 告 於 後 我 先

我室。 鸱鴞鸱鴞,既取我子,無毁

宇 征 周 霍 民,遷於九畢。 奔 攻殷。殷大震潰,降辟三叔 子禄父,俾守商祀。 六月,葬武王於畢。 二年,又作師 二月崩於鎬, 建於岐 後周 於東。 熊 公、召公内弭父兄, 叔及殷、東、徐、奄及熊盈以畧。 叔於殷,俾監 盈族十有七 日叔經 書・作 寧亡二子,不可 而 卒, 雒 俾 殷 解 乃囚 國, .康 臣。 建 周 叔宇於殷, 蔡叔於 外撫諸 管叔於東,建蔡叔 以毀我周室。」 武 武 維 周 王 王 九 公立,相天子, 克 既 邑。 郭凌 王子禄 侯。 元殷·乃 歸、乃歲十 俾中 旅, 元 疑當作畔 俘 年 父 臨 E 所 北

《管蔡世家》: 十乘,徒七十人。 伐誅武庚,殺管叔, 王,乃挾武 專王室。管叔 周公恐諸侯畔周,公乃攝 《史記·周本紀》: 周公攝天子之政。 《列子·楊朱篇》: 周公奉成王命,伐誅武庚、管叔,放蔡叔 叔、蔡叔羣弟疑 周公居東三年,誅兄放弟。 六年而天下大治。 踐天子之位 庚以作 武 、蔡叔疑 周 武王既 E 周公、與武庚作亂 公攝 亂。 崩 七年致位於成王。 召公不説, 而 成王少,周初定天下, 武王既終,成王幼弱, 成王 放蔡叔,遷之,與車 周公之爲不利於成 崩,成王少,周公旦 政,君天下, 周公旦承成王命, 行政當 嗣 四國流言。 幼 弱 國。 ,畔周。 弭 未

> 奉其先祀。 庚,殺管 叔 放 蔡 叔。 乃 命 微子 開 代 殷 後

《説文》: **擘**,治 也。 ^ 周 書》 日 :「我之不

其錯 武 或曰:《詩序》三年而歸,此言居東二年, 王既喪」,即云管、蔡流言,周公居東,則 殷,殺管、蔡,三年而歸。 公攝政,遭流言,作《大誥》而東征,二年 三而崩,以冬十二月。其 豳譜》正義引王 |王崩,管、蔡即流言,周公即 詩》言其歸之年也。 何 也? 曰: 肅《金縢》注 ^ 書》言其辠人斯得之 明年 金騰 東征 稱 武 元 》云 [武 王九 也 年 克 周

詩·車攻》: 傳:「東,洛邑也。 駕言徂東。

周 書》經緯年月,節目尤詳。《列子》 毛公淵源子夏,偏 右凡十一條。 《尚 《逸

欲襲成王、周公。

周公既承成王命,誅武

]政當

管、蔡疑之,乃

與

武

庚作

宋微子世家》:

武

王

崩,成王

一少,周

公旦

周 誤 本 次 壁遺簡,安國講 孔氏,乃用古文「靡」之從丼,訓治 ,勝於《魯周 第 鄭異,是注持義獨 紀》、《管蔡》《宋微 書》凡三言「東」,不知爲 車攻》傳,乃知 明 7 最 口 公世 授,其相承固 據 即 依。 家》。 īE 是東 子》二世家並 因 ^ 史記 許 都 具録之。 何 叔 然。 地。 **>** 王肅 於 稱 **念**逸 ^ 孔 周 好 書 不

E 所 成 叔 畔 史記 ,在强葆之中。周公恐天下聞武王 矣,於今而後成。 以 成 我先王。 王。」周公乃告太公望、召公奭曰:「我 及其羣弟流言於國,曰:「周公將 周,公乃 m 弗辟 周 使 魯周 其子伯禽代就封於魯。 我所以爲之若此。」於是卒相 而攝行政者,恐天下畔 踐 太王、王季、文王之憂勞天下 公世家 阼,代成王 武王蚤終,成王少, *****: 攝行 武 政 既 當國 管叔、 周, 崩 不 崩 無 利 成 之 於 成 以 Щ \pm

> 庚等果 師 叔 東伐 率淮 ,作《大誥 夷 ൬ **%** 反。 遂誅管叔 周公乃奉 ,殺武 成 E 庚,放 命

興

滅。 揆諸 則此 遷 年十三,云「强葆」,甚言 弗辟」爲「弗辟 雖從 惟 爾 避 非 情 前 奄 此禽父無緣就 孔 安國受《尚書》,證 宅。 而 義也。 條,据《大傅禮 不言避居 諒 奄與三 亦 宜 攝 至於先流 然。 行政」,是 東都 或 封。 同 惟 其 畔,始 曲 以《説文》, 猶 然讀 成 小 或一 阜之封, 愈於馬 而後反 E 也 即 位

志 奄所 商 》,未知何據。 奄之民,以魯爲古奄國,出自《 在 錢 文 少詹事云:《春 也 /志》: 更宜攷之。」中按: 一禮 康成、元凱俱 古經 秋 者 《傳》但 出 未 實 續 云 漢 指 漢 因

地也。」淹、郁、奄古今字爾 傳言魯五德奄里伯公葬其宅也。」《説 受《詩》於浮丘伯。」服虔 地志》:「兗州曲阜縣奄里,即奄國之 國奄里人。」《續漢志》注引《皇覽》 中 曰:「奄里伯公冢,在城内祥舍中,民 「瓠,周公所誅郵國,在魯。」《括 蘇 「少時嘗與 林 魯穆生、白生、申公俱 里 名 也 曰:「白生,魯 楚元 \pm

《墨 三公,東處於商 子·耕柱》篇: 古者周公旦非關 叔,

畧不窺尋。 學者勞於師 之緣起。 其官位,投身必死之地? 昭然可見。而避之爲説,實以此言爲 出,管叔、禄父相倚爲姦,周公豈得 按武王克商,已建商 其 心,逸於考古,雖 是以具爲説之。管之爲 事在諸子,自宋以後, 後。 此之不實, 在方策, **消其** 晏

> 則 語 轉 也

經典 文》 弗辟,馬、 鄭音避,謂避居

也。 言,欲讓之,推其恩親,故未敢 盡爲成王所得。 人,周公之屬, 王崩後三年出,五年 幽譜》 豳譜》正義引鄭 成王非周 馬義今不傳,賴此箸之。 成王之時,周公避流言之難,出 與知攝者。周公出奔二年, 氏《金縢》注: 公意未解。今又爲辠人 謂之辠人,史書成王意 秋 反 (而居 攝。 周公以武

云:「公將不利於孺子。」成王不知其意,而 殺之、無絕其官位、奪其土地。 孫,其父祖 多辠其屬黨。 成周道,致太平之功。 居東都二年。 鴟鴞》箋: 以 勤 時周公竟武王之喪,欲攝 興者,喻此 勞有此 管叔、蔡叔 官位 諸臣 土 乃世臣之子 地,今若誅 王意欲誚 等流 政

於孺

子。」周

公避之,居

東都。

二年,

秋

大 利

、穫,有

雷

電

疾風之異。

乃後成

E

説

m

迎之反,而遂居

攝

三監道武

庚叛

成

見周

公將

攝

政,乃流言於國曰:「公將

詩邶

風

譜》:

武王既喪,管叔及其

羣

弟

公,此之由然。

阼,周 歲。 稱孟 也。 明 成王 之,居東都,時成王年十三也。 年,成王年 崩後明年,生成王,則 文王世子》正 年秋 成 居攝 服喪三年畢,成王年十二。 侯。」居攝 收捕周 王即政,年二十二也。 公欲 也。 ,大孰,遭雷風之變,時 四年,封康 代之攝政,羣叔流言, 十五,迎周公反 故《書傳》云: 公之屬黨,時成王 義 七年,成王年二十一也。 引鄭 叔 适 氏《金縢》注 作《康 王崩時 「天子太子十 而 誥 居攝之元 周公居 年 成成 居東二年, 明 [》,是 十四也。 周 年 E 公辟 成 東三 將 年 文 明 Ŧ 年 踐 \mp

王既黜殷命,殺武庚,復伐三監。

死,而 其非 其非二也。設已有誅,不得云無辠,其 公之黨具存,成王 鴟 世。」 鴞》正義引王 也。 請 其官位 設有 + 肅 所 地 無 云:「按經傳 誅,不救 所 ,緩其大 誅殺 横横 丽 其 急其細, 造此言, 内 無 外, 、皋之 周

言,百 仲尼所据。 君未踰 君薨而世子生,則有 鄭氏《詩箋》,多異毛 稷新造、旋遭大喪,自以王室懿親 求之,則違於道。夫君在 論語》《檀弓》具有明文。 ,使王知 言之地。 按馬、鄭《尚書》之學,是爲古文。 官總 年,則謂之「子」。 父子、君臣、長幼之義、念社 己,以 成王之立,年止 周公方抗 聽 攝主; 於冢 義。 世子之法於伯 斯前代成 諒闇,三年不 率。 故《曾子問》 而以 十三, 《春秋 《尚 此諸 ,又在

四

四

況管、蔡能以流言閒公,其不能以流言 使 制 之將 國之鈞 뻬 焉,其聲有哀焉。 既 誤 覬 再至,公得不殺身乎? 必若所言,流 素服,不舉樂,爲之變,如其倫之喪。」其言有 氣 執有辜,是誠 爲 經、蔡、霍流 百 主 ,此二年中,宫府之事,竟將 之,是豈 爲匹夫以遯 冢 二公可代,則周公始之,亦將 《詩 姓 ル 宰 是故咎鴟鴞之取 墜,憂四 • 東山》「我心西悲」傳: 或 禮樂 相率 踐 疑 阼 不爲之寒心哉! **次大** 方 拒 言 征 而 不 於野,一死士之力足以 放,雖任常刑, 之 命,以濟其姦。 治, 得 伐 臣 一至,公即避位 斯其仁 已者也。 不寧,龔 1,皆自己出,傷 未附, 以 填 子,睹零 天下。 荷肆 至義盡 「公族有辟 萬 行天罰, 泊 乘之國 ·惡言 夫管 公之既 雨 猶 誰 周公秉 不 而 者已。 流 屬 悼 攝 而 不 公親 文 以 基 同 叔 叔 1

位,卿 理也。 耳,圜 難 矣。 臣 也,乃 復誰 閒二 私黨陰謀之說,不可 三年,國 謝,倉皇竄伏,若恐 其據,是之謂 成王之立,朝 誣 王 而云「辠人,周公臣屬與知 也 肅無容不見,鄭之門人,亦何妨據以 屬之誅,官位土地之請,王肅糾之當 王 ? 鄭、王時代相 何,是之謂愚。 及宗臣釋位,國釁已生,乃俯 公乎 更居 尹牧伯,下及士庶,其誰 視不動,待至三年而後 故使攝 至云欲讓未敢,則又水火無端 今既不爾,謂之「横造」,殆 步 ? 攝 既 野宴 是之 此 夷,王 攘。 位之舉,自公創始,處 又 然,三叔 接,鄭義荷 進 浮言朝播、大權 不及,王躬國事, 謂 年 居東二年,東 以 退 貪。 亦 論 無 長。 周 攝 據 輒 且 公。 者」, 思 者 有所 反, 公之攝 比 動 巾 其 至於 知 征 非 此 首 摇 本, 反 又 ? 又 莫 勺 非 其 王

謬,固 互爲 大儒, 之鄙背。 良 孟 古 名》篇曰: 求符合,亦已過矣。 明,書闕有閒,宜折 太子十八」之云。聖人 與 爲庶長之稱,侯 且斷以歲, 康 生滅,豈 無 立 侯、寧侯之類同 、譏焉。 今則奉爲科律,遷就古書 義 有誤, 「齊湣王,周室之孟侯 所謂 斯固 不 乃五等之爵 甚 委巷之無 在《吕氏 容骫 其 難 中。 而 作 其 實 馬、鄭 美 車 非 春秋 ",通 、稽,俗 號 以目 平 後 前 於 又 也。 何 正 師 世 神 元

策於府。 周公乃自揃 王少未 史記·魯周 了,乃泣 周公, 反周 周 有 成王 公奔楚。 識 其 公世家》: 奸奸 病 蚤,沈之河, 有瘳。 神命者乃旦 成王發府,見周 及成 初, 以 E 成 也。」亦 祝 用 王少時 於 事, 神 公禱 藏 日 或 其 :

《索隱》曰:「經典無文,其事或别有所

王 周公禱 出 府見策,乃 金 或然也。」 用 縢 之 事 面 事 譙 河 人讒 周云: 失其 迎 欲 周 代 周公。」又與《蒙恬傳 (本末、 公,周公奔 王死,藏祝 秦 乃云 既 燔 成王少時 書,時人欲 策於 楚。 成王發 府。 同 成

臣言 成 丽 日 祥。」乃書而藏之記 病,甚殆,公且 周公旦負王以 有大事。」王乃大怒,周 王未有識,是 蒙恬傳》: 0 Ŧ 反 周公旦。 觀 孰 「周公旦欲爲 於 謂 周 記 公旦 府,得 昔周 自揃 日 朝,卒定 一欲爲 執 成 府。 周 其 亂久矣,王 事 王 公旦 爪 亂乎?一殺言之者, 有 公旦 及王 天下。 初 以以 皋 立,未 沈 殃,旦受其 走 沈 能 書,乃 於河, 及成 而 若不備,必 治 離 奔 國 於楚。 有 襁 流 E 日 賊 不 有

L。 右秦漢之際,言周公事,異義

如此。

四五

學

述

内 篇

<u>\\</u>

東遷

以

後,

魯

季文子、

秋

傳

成

四

年。

語》。

秦子桑、僖十五年。后子

昭元年。

及左

丘

惠伯、文十五年。

晉荀偃、襄十五年。

叔

向

明,宣十二年。

並見引重。

遺書十二篇,劉

向

汪中撰

江 都

亦載其文。

莊周述墨者之學,而

原

其

始

校書,列諸墨六家之首。《説苑

·政理》篇

子

序

子》者,别爲《表微》一卷,而爲之敘曰: 爲是正 書多誤字,文義 十三篇,明 墨子》七十一篇,亡十八篇,今見 闕 所不 陸 穩 知。 昧 所敘刻,視它本爲完。 晦,不可讀。 又采古書之涉於《 今以意 黑 其 粗 五

諫

%淮南子·

主術訓》《史記·晉世家》。

身没

m

言

太公同

爲四

輔。

賈 誼

書・

保傅》篇

數

有

論

書·克殷解》《書·洛誥》。

成 新

王聽朝,與 有勞於王

周、召、

克商營

洛,

祝

筴遷

鼎,

室。

《周

語》。

周太史尹佚,實爲文王所訪。《晉

受。 史佚之書,至漢 於廟者,非 知 《吕氏春秋·當染》篇。 角往 史官,實秉禮 有在於是者。」《天下》篇。可謂知言矣。古之 》篇、《列子·楊朱》篇 也 い則莊 ,惠公止之,其後在於魯,墨子學焉 魯惠公請郊廟之禮於天子,桓王 劉向 巫則 周、 以爲 經,以 禽滑釐 史,史佚、史角,皆其人也。 具存,而夏之禮,在周已不 出於清廟之守。 其淵 非 成國 也。 傅之禹者、《莊子·天 原所漸,固可攷 典,其學皆有所 司馬遷云:「墨 、夫有 使史 而

四 丟

度,以繩墨自矯,而備世之急。

古之道術

曰:「不侈於後世,不靡於萬物,不暉於數

篇 後。」今按 力征 王。 仕 子期之子。」 陽文子。」韋昭注:「文子, 文子多所陳 明 與楚、越四分天下」,《節 晉、楚、越」,又言「唐叔、吕 爲楚惠 亡,事在 子後者,是也。 後,或猶及見孔子矣。 宗宋 墨子 宋,當景 在 《非攻》下篇言「今天下好戰 南 獻 旬 由是言之,墨子實與楚惠 大夫。 ,南游 踐 惠 E 春秋後二十七年。 有 稱 《耕 \pm 四十二年,墨子並 楚、越之王 公、昭公之世,其 伯之後、《魯問》篇「越王請裂故吴地 説 之爲 其言實出《世本》。 於楚,見獻惠 柱》《魯問》二篇, 或 《非攻》中篇言知 《楚語》: 惠王,猶 並 孔 《藝文志》以 北 子 葬》下 E 平王之孫, 有 「惠王以 頃 時 尚 又言蔡亡, 齊 襄 當時及見 年 獻 邦齊、晉,今 墨子 E 、晉之君 篇言「諸 故《貴義 惠 或 於 王 之國 伯 同 孔子 之爲 梁 王以 於 日 爲 時 以 好 在 司 與 魯 在 侯 其 老 戰 刊 差 襄 馬 陽 其 則 魚 其

之世。 於江 前, 逮事 以 學者所述。 Ŧi 孝成二王之世。 應」者也。 徒,南方之墨者苦獲、己齒、鄧 之「墨經」,莊周 淳實,與《曾子立事 亦壽考人與?《親 十七年,本書既載其 亦吴亡後楚與 封」,此事不得其年。季康子之卒,在 二十七年, 檀弓》下「季康子之母死、公輸般請 白 堅白異同之辨 里, 全晉之時, 惠王。 、公輸子自魯 以 二子實始 封墨子」, 公孫 《經上》至《小取》六篇,當 《公輸》篇: 楚惠王以哀公七年即位 、越爲 三家 龍 稱 亦 相訾,以 爲 惠 南游 爲平 一證。 「相里勤之弟子五侯 小料表 未分, 是 施 士》《修身》二篇,其 鄰 以 學。 國事。 相 原 楚,作鉤强 老 秦 魏 君 觭 楚人與越人舟 齊未 裏,似七十子 辭墨子 獻 是時 ,當惠、襄二王 偶 客,當趙惠文、 公未 惠王 不仵之辭 爲 陵子之屬 墨子之没 , 則 以 陳 在 得 一般 僃 氏 志 時 墨 位 哀 以 越 也 戰 相 機 之 之 後 Ŧi. 固

四

八

鞅、田 染》篇 所 篇 書爲 之篇末。 錯人道家 百 王二十一年,亦非墨子之所 子」、《吕 爲墨之學者,增成 矣 以 五 進退之意,覽者詳之。 内 + 倣 不 亦 其 劉向 外 七 氏春 禮 見 徒 又言吴起之裂。 一篇, 言二條,與前 年,墨子 誦 校《晏子春秋》 日 秋 宋康之滅, 之, 氏 学并 前 春 並 蓋嘗 其説 以 秋》 稱 非 其 ^ 後 見 墨 耳。 徒 在楚 墨 其 染絲 子 不 例, 起之裂, 之 子 言 知也。 -0 類,今出 故 所 惠 宋 輒 本 本 者 ^ 附 康 王卒 於篇 篇 親 書 而 著爲 今定 以 染 歎之, 士 稱 後 末 楚 於 而 ^ 禽 篇 雜 其 悼 附 唐 所 述

鬼; 用 則 此 其 節 語 、救世亦多術矣。 之尚 墨子之學,其 或 葬 家 • 或 賢、 務奪侵陵 家 或 淫 尚 家喜 僻 同 自言者曰:「 無 音 《備城門》以下, 則 禮 沈 或 語之兼 湎 則 家 語 貧 則 之尊 愛、非 語之非 或 則 家昏 語 天、 攻。 節 敵

親 鄰之人 其所謂 應變, 皋。 氏、 以 論 亡。《孔叢· 子。」惟儒、 之大夫也,而墨子宋之大夫也,其位 攻,抑又甚焉。 彼且以 恤之禮,以睦 反 節 : 來 而 孟子之説, 葬》《 荀氏。 而謂之無父,斯 所 雖 相 爲 世之學老子者則 纖 然,自儒者言之,孔子之尊, 兼愛教 未 民 成 王 兼 非樂 悉 也。 有矣; 畜 者 詰墨》僞書,不數之。 者治定功成, 《藝文志》: 周 墨 産 密 諸 丽 》,所以救 則亦然。 欲國家慎 天下 若夫 也。 世莫 侯之邦交者,豈 未覩墨子之本書,衆 斯 自墨者言之,則 ·之爲 兼 已過矣。 其 雖昔 《董 不以其 愛,特墨之一 絀 所 其 衰 盛 無心》一卷,非墨子。 儒之絀 人子 以 儒學,儒學亦絀 先 封 世 德之事, 荀之《禮論 爲 王 誣孔子爲 守,而 一之敝 ·者,使 後之君子, 才 制 墨子者 \pm 有異 爲 與 端 孔 聘問 無 固 以 其意 而 相埒 虐 生 П 孝 哉 墨 民 交 其 其 之 老 H 弔 然 相 樂 孟 傳 今

其 放逸, 《詩》 天下。 也。 之 談 倫 敗男女之交有悖於道。 爲謀而 子·氾 餘條,並孔墨、儒墨對舉。 餘諸子,皆非其 薄 ~誣孔 ,禁攻暴, 止淫 年又相 非 所 人之長勤,百 死 述 其在九流 謂 自墨子没,其學離 所謂「凡民有喪' 論訓》。 當時 在 mi 子,猶 吕不韋再稱 之顯 務 於後遂無 近,其 急 子 亦莫之宗, 孝武之世猶有傳者 學。 國家之事,後之從政者 百 吾讀 老子之絀儒學也, 之中,惟 比。 家,莫 操 油,感 至楚漢之際 世之下 聞焉 術 其書,惟以三年之喪 鉅 歷 不 子、《去私 不 觀 儒足與之相抗。 惜 躋之於 匍匐救之」之仁人 而 同 王者之不作 至其述堯舜,陳仁 如 周、漢之書, , 爲三,徒 楊朱之書, 夫 是。 而 如見其 立言 》篇、《尚 、墨,誠 而 歸 是 以 見於 微。 屬 故 務 於 彼 心 固 德》篇 《淮 凡 充 非 m 勤 惟 不 墨 以 司 滿 其 百 哀 4 馬 貴 相 子 求 自 南

> 選 假 拔 E 貢 議 生 以 江 惡 都汪 之哉 中 1 述。 乾 隆 上 章 木 敦 涂月,

墨子後序

焉。 得 余, 越 復於季仇 日力於是 入羣籍 二三好古君子 則巡撫畢 年 既受而卒業, 中 -既治《 以 友 書, 是 人 侍 墨子》,牽於人 盡 IF. 陽 通 文 郎 湖 , 與 意有未盡,乃爲後序,以 字,博 盧 其 孫季仇 我 癥 **温學士咸** 同 結。 而 志 星 能 事 ,於是有三喜 且舊文孤 精。 有 衍 且作 事焉 以 中 刊 且 木 本 學, 止 勞 示 出

昔 皆謂 之, 日: 非 在 獨 季仇謂 成 墨 禽 周 之道 滑 「不以自苦爲極者,非禹之道。」是 ,禮器大備 釐 墨子之學出於禹,其 與 有是 禹 同 言也, 耳,非 凡古之道 莊 謂 周 其 之書 術 出 於禹 論 則 偉矣。 亦 也。 道

也 先王 倍 古 既 古 者 其 以 從夏者 墨子質實 神聖,以 掌之。 非 譎 非 非 四 服, 芝, 公孟 言文 一,言堯 儒 術 同 也 而 以 非 甚 而 爲 、未嘗 不 0 官 爲 明 也 王 舜 自 日 名 非 失 此 君 學 M : 者三, 謂 禹 高。 周 諱 其 「子法 子 因 易 惟 援 湯 别 也 業 必 其 夫 曉 人以 墨 不 文武 又又 其 古言 M 墨 所 九 周 所 F 未 然 然則 好 離 不 自 流 者 從 而 神 後託 服 爲三, 嘗專及 ·言其 重 以 m 未法 六,言 出 農 然 謂 興 激 其 於禹 墨子 後 學之出 而 則 夏, 取舍相 則 禹 禹 託 於 日 且屬 以 背 湯 是 則 於 黄 尊 周 於 墨 文 各 子 墨 帝 反 其 之 之 禹 武 稱 執 Imi

禹 非 黄帝 制 雖 也。 然, 三月之喪, 堯、舜 謂 何 以 墨子之學 明 則尸子之誤 其 垂 衣 然 裳 也 出 ? 而 於 天下 禹, 古者 也 治 未 喪 從 害 而 則 期 也 信 無 五

哉

子

者,

蓋

學

焉

而

自

爲

其

道

者

也

其

節

葬》曰

「聖

 \pm

制

爲

節

葬之法。」又

而

淮

南

著之書爾

又節葬 若 夫陵 大遣 士 爲 之 妣 服 棺 夏不節喪, 之,此節 於 能 祝豈能習其 而 君 喪畢 是其 夏禮 喪禮 致 歛 具 精 八禮 事 奠, 死 粗 於 口 也 者言之也。 自 之制 葬陵,澤死 篤終也。 宫 以 年 葬 皆用夏祝。 見 益 則 矣。 中, 聚 史 豊 也 避 夏之爲 者 禮 歛 立 萬 供 口 禹 也。 召 矣。 從 奠、大歛奠、 民 歛首 執 固 之子 先王 公爲 愛問 是觀之, 哉 ,葬澤,此 節 是 父三 夏 荒 放 足 以言周 后 喪 言於 使 於箕 制 勳 政 形 與 夏 年 行 氏 禮 殺 殂 還 ? 周 有 后 它 矣。 朔 山 哀 爲 年 落 其 禮哉 公而 死 氏 服 之 年 周 夫下 之 月 天 敢 百 人,尚 之 陰 下 喪 制 半 術 禹 而 有 何嘗 姓 崩, 後 殤墓 大水、 喪 無 喪 薦 可 哉 不 則 如 槨, 行 若 知 或 示 至 夏之 三年 既 喪 遠 月 者 此 殣 大 不 若 殯 考

者,是 道。」《孟子・滕文公》篇。 夏 不 子・天下》篇。 之蔽墨子矣。 子·顯學》篇。 服, 日 夏 墨子制爲節葬之法。」則謂 桐棺 也。 服 故曰 三寸 使 桐 曰:「墨者之葬也、 棺 夏后氏有是制,三子者不 一墨之治 圃 三寸,服喪三月。」《韓 無槨, 「墨子生不歌 以爲法式。」《莊 喪 冬日冬服 以 黑 薄 子 爲 自 以 其 制 非

賈誼新書序

誼 字,書亡其文,據 胡不引殷周 ·》稱「 一》二篇,有録亡書。 今亡一篇。 新書》五十八篇 荀卿 新書」者、劉向 新書」,見於楊 秦事 以 校 以觀之也」四百三十 補之。《問孝》 本 漢梁 《藝文 傳 校 自「凡 録所 倞之序,是其 太傅洛陽 (志》但 人之知」 加 禮容 《荀 云 曹 四 至 誼 譜 卿 語

類情, 也。 至《 事。 也。 始目 篇也」, 涉、 也。 詳 《大政》,皆 文,而分載之本傳、《食貨志》爾。 各一篇,合爲一書,固有其體。 可更定者,書凡三十篇,則知當日封事 事勢」、有「連語」,有「雜 焉。 君 項 今亦仍之。 則皆古禮逸篇 三古之遺 今略以意屬之,定爲 爲 按《鼂錯傳》錯言宜削諸侯事及法令 自《數寧》至《輔佐》三十三篇 過 籍傳論引此 道 優 論 足明篇之非 秦》三篇,本 游 × 詳鬯,或不及本書。 通 皆 左思、昭 論 國 緒,託 中 别爲 應邵 與 失之事。 論。 《修政》上下,皆重 明太子並沿其 書題下亡「論」字, 其義,舊本編 年表 以 注云 傳 ^ 事」,與管子 く吴志 焉。 六 自《官人》 一賈 卷。 篇 班氏 白《春秋 誼書之首 容經》 闞 皆陳 俾 題 録 其 文, 稜 書 下 指 約 至 同 有 次 以 其 政 事

世。 洛 朝 於荀氏、賈氏之言禮 備 尼 子,敬大臣,皆先王 其 之儒 之志。 物 學長於禮 陽賈誼 左氏 典 春 郷 ,惟賈生 策, 傳 秋》者,秉 典 蓋《 × Z 序 或 然則 春秋》 録 所 其 加 **>**/ 與 所 生 所 已」,豈虚 厝 陳 古 荀 之 次 經世之學在 也 禮 荀 立 卿 成 ,益信劉 君 而 氏 本 諸 授 法 謹 舉 劉 侯 陽 再 也哉 其 必 周 傳 向 武 王 變者 書, 公舊 ^ 子 制 弟 張 馬。 别 駿稱 度 子 蒼 以 録 也 典, (教 也 詔 是 後 故 仲 太 漢 吾 故 其

氏》。 篇言 拿耳 救 位 子 「《先醒》篇言楚莊 孫 一條 痺》篇言子胥 號君 楚昭 桓 其書述《左氏 \wedge 子 出走, 《春秋 王以 先 篇言晉文公請 當 其 醒 》篇言衛 何 房之德 御 》篇 》事,止《禮容》篇 籠 進 王與 言宋 而 酒 自投於江 復國、皆 食,及枕 懿 晉 昭 公喜鶴 隧 人戰於兩 公出 叔 不合《 土 孫 而亡 叔 諭 而 于 丽 孫 死 誠 左 奚 其 復 昭

> 豈 《皇矣》《旱麓 篇 未立 則 讀 所承,不 異 會 復 《君道》篇説《詩 亦 諸 同 率皆口 一、故秦 有末 依 侯 事 其 於 可 師 時 漢 枚舉, 學。 時 盡 之陋 經 陽 》,均 老 知。 之授受, 其有故書雅記,異人之聞 師 申 哉 取 非 大 天 使 足 騶虞》《鴛鴦》《 毛義。 子 得 儒 以 是 不 猶 之 明 禁, 千百説 箸竹帛 教 有 於時三家之學 存者。 而 與《 릲 解 m 靈臺 左 師友 詁 禮 氏

博 飾。 本 班 切 取 或 氏 於 1 是以 勝。 故公 敘 Ĭ 講 於乎 世 梁捍吴、楚,及淮 授 遠 用 秩 表而 蓋 之 卿 者 秩 既 仲 師,僅 或 漢世 出之。 大猷,聖人莫之」,賈生有焉。 明 賈 尼 持 列 生 既 禄 慕 僅 其 没, 也 保 尚 若夫五餌三表 功,而 方 位 經 六 幅 南四子之敗 傳 藝之學,其 紨 自 被 曰「稱 不詳 守 阳 史 其學 文 諛 氏 先 吏 之 稱 於其 王, 卓 又 譏 其 所 緣

ħ.

内 篇 三

既有徵矣。謂之爲疏,斯一隅之見也。用之,遂伯西戎,而中行説亦以戒匈奴,則

《胎教》,戴德采之。《禮》篇之文,載在 録 賦 今見《弔屈 道之行廢,豈命 以教胄子。《傅職 而 動見稱述。 蔚爲 附之。亦《成 漢世是書盛 今二書並尊爲經,而是書傳習 辭宗,賦頌之首, 原》《惜誓 也 孝昭通《保傅傳》, 行於 相 與 * 》《賦篇》意也 \approx 保傅》《連語》《 世 服賦 《藝文志》賦 司馬 ※ 旱雲賦 ※ 簾 可謂多材矣。 遷 則當 劉 (輔佐 七 蓋 向 篇 寡 曲 時

乾隆屠維大淵獻且月,江都汪中述。

年

表

紀年

時

政

出

處

七

年

年

高

帝

生。

箸 則 四 Ł 四 元孝 九 Ti 元高 五 年 年 年后 年 年 年惠 年 年 年 年 年 年 年 年 年 年 十八歲 門下。《書》、屬文稱以能誦《詩》

五.

四年	三年	二年	元孝 年文	八年	七年年
二十五歲	二十四歲	二十三歳	二十二歲	二十一歲	二十歲
大夫張蒼爲丞相。 獄、卒復爵邑。御史 綠侯周勃逮詣廷尉詔	准南王長殺辟陽侯審 本原都晉陽如故。 本原都晉陽如故。 本原都晉陽如故。 本原都晉陽如故。 本原都晉陽如故。 本原都晉陽如故。 本原都晉陽如故。	到國之日也。	徵河南守吴公爲廷尉。	大夫。 淮南丞相張蒼爲御史	
		屈原。爲賦平王	大夫。 太中 召爲博士,		

十二年,其生在高帝之七年也。文帝初參其前後,以紀爲正。則賈生之卒,在梁懷王之死,本紀在十一年,表云十年,後歲餘亦死。賈生之死,年三十三矣。

十二年	十一年	十年	九年	八年	七年	六年	五年
十二年三十三歳	三十二歲	三十一歲	三十歲	二十九歲	二十八歲	二十七歲	二十六歲
南王。	馬死。			爲列侯。 封淮南厲王長子四人		梁懷王人朝。	除盜鑄錢令。
卒。				諸子。		民放鑄。諫使 微拜梁懷王	賦》。 鵬 鳥

五. 四

時矣。 得 出爲 記 年而 立, 元 授洛陽賈誼 並 王 經 生年二十二,故傳云「年二十 歲 年爲 文 誼 從 當 在 太 典序録》云: 以吴公爲廷尉, 傅 五 文帝 年, 梁 年, 餘 長 舍」。 其 此 曆書》,太初 博 沙王 年,是爲 傳云「誼 時。 或 其 由淮 文帝思誼 再 即位 則當 士, 其賦 入朝。 陳 一傅 。據《百官公卿表》,蒼於 一千石。 《哀帝 歲 南 政 爲 ?,至是適得三年。 昭 中 事 丞相 日 爲 賈生受學於蒼 六 元 及 陽單關。 超 《左氏傳》,陽 則賈 · 徵 年事。 「單閼之歲」。按《 長沙傅三年, 吴公薦 年焉逢攝提格,上 傅、 遷 人爲 諫 之,至,拜 至 王 生 相 自六年 大中大夫, 淮 御史大夫, 其年王人 誼 中尉皆 賈生以孝 爲博士 一、必在 傳云: ·餘」也 武 以 諸 王 國 張 朝。 中 旋 文 推 飛 其 高 蒼

> 薨,亡子,國 千 生 方上書請 石。」懷 Ŧ 除 朝 益 封 則 則 梁 賈 王 淮陽 國 生 官 當 則 省 從 是 至 口 以 知 京 故 師 而 賈 王

石鼓文證

石留長

公安也

《後漢 元 一天和 西 岐陽。」《高祖紀》:「保定元年,狩于 上字之下,爲小二二字,言此字當 狩 一,即 今岐州 岐陽。二十三 三年, 周 書 • 元元也。 鄧騭傳》:「遭元二之災。」 . 石鼓銘,凡重言者皆爲 行幸岐陽。」有 太祖 本紀 年, 古書字當再讀者, 太祖 魏 - 奉 此 大 魏 四 統十一年, 事 帝 兩 西 岐 注 度言 今檢 陽。 即 狩 于

若 者 不 使 物 明 安諸 出 石 驗 故 於 鼓 取 11 人均 此。 製 以 自宇 釋 詳 `有文學,無容不 章懷太 漢 此 文 事 注 之 則 子 而 是 意 與 以 以 古古 後 緣 後 周 知 書 _ 石 證 耳 鼓 一發其 目 前 是 證 相 雖 也 接 愚

卒,年 卒,既 得 年 是 + 當周世宗之二年。 者亦無從措 差後,今不具 虞、褚、歐陽 E 遠 妄 甫 又 《元和 經脱 以 八十一 次 者 不明 史籀之迹,近在關 爲 四 是時 手之物, 史 + 箸其數,且 郡 共稱 意。 籀 四 論。 縣 則以 周之亡 年。 年, 志》引 筆 惟 其古妙。」按 歐 以 迹 次 洎 陳 虞 陽 世 使 四 才 陳 高 不 吏部 # 中 而 詢, 南 石 九 + 滅 祖 知 南 歎 鼓 之 卒 年 人 永 岐 U 傳 侍 其 博 文 年 隋 定 陽 以 貞 云 褚 郎 古 物 于 二年 何年 石 觀 年 遂 蘇 次二 距 世 妙 後 精 鼓是 + 南 良 岐 勖之言 周 ·, 攷 生, + + 年 陽 年 也 年 畫 則 之 實 古 餘

> 英 證 有 中 也 也 王 見 澍 以 給 且 給 今 歐 事 事 視 中。 陽 之 篆 及 古 中 褚 固 猶 何 不 + 以 以 也 與 爲 之 李 而 今 闇 陽 給 冰、党 合? 事 爲 猶 懷

 $\overline{\pi}$

世。 鼓 不合 温 江 阚 教 出 泉 陵 0 無 聞 自 六書,以 頌 其 周 文淵于 始 ? 時 太 宇 》石刻,見 得 文 文之世,究是 祖 王 碑牓,是其 士 割 證 視 褒。 惟 據 也 石 關 鼓文, 豈止 存其篆額, 有 褒、 雕, 冀 儁 何 所 儁 軍 之書,今不 長。 人 或 趙 多虞, 所 「霄壤 筆法 文淵 所書《 書 一,豈 凡 未 驪 傳 使 及 皇 寂 石 又 Ш 於 平 文

五 綽 美 順 成元 穅 石 鼓 秕 或 枉 年五 謂 仿 魏 非 人小、 周 適 月戊子韶 世 時之用 大二 憲 蘇 章 綽 雅 虞 嘗 故故 夏, 書,已 仿 理 莫 雖 固 尚 能 屬 宜 變其 書 常 然 辭 **>** 有 格 行 焉 師 然 大 古 史 誥 又 據

之體 宗幸 傅之史籀? 則 蘇 未嘗 勖 同 州, 者綽之曾孫,豈宜 過 刻意摹古。 四證 故宫 也。 詩 載 若以 于本 數 典 爲 紀,猶是當 (忘祖 出 自 而 綽手 時 遠

以 刻 巡 但 《太祖本紀》:「大統十 載于本紀矣。 西竟,自新平出安定,刻 書「狩于岐陽」,不書「刻石」? 若石鼓爲當時 四年,奉魏太 石紀 所刻 事。」 則 子 何 五

古,百世之下 説,今不得其 深思之士,當自得之,今不備論 多信之,謹就其言辨之如此。 編修之言,本於馬定 ,猶見倉、史制作遺意, 詳。 編修既 有 國。馬 斯 若其文 也。 疑, 定 同 好 字 或 X 或 之 淳

廣陵曲江語

枚乘《七發》:「將以八月之望,與諸侯

周 知。 也。 篇 岸,江之壯闊處也。」二文並 刺 書 北 廣 遠方交游兄弟,並往 記 文,則《七發》「扶桑」當作「柴 并「赤岸」疑在遠方。 記》:「京江、《禹貢》北江。 要》引《南兗州記》:「潮水自海門 濤於赤岸、淪餘波於柴桑」,正 大濤至江 六七百里,至此其勢始衰。 史每 陵 四 9 江 「淩赤岸,篲扶桑」,李善因「扶桑」之文, 今潮猶至湖口之小孤 (,漢縣,今爲甘泉及天長之南竟。 《江賦》注:「赤岸在 里,土色皆赤,因名。」顧祖禹《方輿紀 也。 地理志》:「南兗州 「赤岸山在六合東三十里,高 以秋月多出 本篇李善注引山謙之《南 ,乘北激赤岸,尤更迅猛 海 觀 然郭璞《江 濤乎廣陵之曲 陵 廣陵郡,土甚平曠 . 廣 觀 春秋 山而 陵 一明覈 郭 濤 興縣。」《 璞《 桑」,字之誤 承用《七發》 分朔,輒 回,目 與 賦》「鼓 口 江 十二丈, 京 據。 賦 徐 「驗可 寰宇 南 江 洪 對 州 有

廮

五.

八

志 北 所 江 載 洪 非 孤 俗 於 證 赤 所 矣。 岸 稱 也 均 無 今 異 按 議 故 此 曲 Ш 江 府 之 縣

越之間 在。 篇 北 吴,曰:「吾用禦兒臨之。」章昭注 故《越語》句 不知越之北竟,至今之石 今嘉 四 和"在 閤 「弭節伍子之山 云在 骨母」爲「胥母」之譌 又節 年 往者吾 嘉 秀水朱 有 錢唐,其言 興 今嘉興」是也。 語 酈 具 於 縣 兒 '踐之地,北至禦 氏《水經 鄉 區」,其言審矣。 南 越 興二府之竟。 檢討 鄉 越 敗 醉李城。」傳:「吴伐越, 也。」《 閩辰六以 旲 實謬。 與書争之,以爲《七發 通 ・漸 于 厲 旲 ^ 樵 江 門浙江 骨母之場。」依注 語 爾 檢討所據者, 故《春秋》定 兒。 》篇注以 而不言二 雅 大 廣 于 . 陵 大種 時 釋 非吴地 韋昭注: 「禦兒,越 濤 預注: 戰 地 爲證 一地 謀 地 榜 伐 所 並 其

《春秋》哀公十七年《傳》:「越子伐吴,吴子 伐吴, 于江 也。 湖 學 之于江,吴人 江 乃率中軍 禦之笠澤,夾水而陳。」《吴語》:「越王 夫 子 里」是也。吴殺子胥,投其尸於江,亦吴 三十二年,内 史記·伍子胥列傳》: 中 句 百里,故云江上。」正義引《吴地記》曰 鴟 差敗越于夫椒 《七發》注引《史記》:「吴王殺子胥, ,江南 夷 椒 上。」張晏日 吴江也。」又:「吴王起師于 踐 戰於五 革,浮之 山。」《越語》「句 李七里」。 泝江以襲吴,人其郛。」章昭注 。」韋昭 八立祠 外 湖 陳 Ŧ 江 傳 不 : 。」注:「吴郡 注「江,松江,去吴 「胥山在太湖 中。 勝」是 檇 於江上,因 所 哀公元年《傳 李 謂江 吴王 踐即 吴人憐之,爲 也。 又 並 闔 吴越 位三年, 取子胥尸 昊 名胥 昊江 廬 江北, (縣西 邊 還 母山 交兵 也 五 句 興 江 越 , 盛 江 路 Ŧ 凡 師

後立 江 得 則 江 水 種 胥之尸,豈有 至今號日 乃開渠。 岸,立壇 令從東 固 衡 吴俗 越 引以 北 ,乃人鄰 Ш 伍子之山 誕 揚 Ш 軍 東北 一脅而 廟 波者子胥 于蘇 于國之西 傳》「子胥 然但 爲證 立 于 虚 南 一、殺白 壇、殺 示 持 子胥作 ,築城伐吴。 此 人, 州 國三百餘 言 種 0 江 浦 東 胥母之場, 《吴越 舍其 海 破 後重 去, 馬 上。」《吴太伯 白 È 南 Ш 吴。 門 濤 潮 祭 吴 馬 與 0 後,越從松 三十里,又 日 本 蕩 子 王殺子胥,投之江 祭子胥, 水 之 里 而 春 鱛 · 胥。 或 羅 越 子胥 者 俱 年, ,投之浙 秋 不 | | | | | | | | | 固 南 城 E 大 浮 ***** 言 即 與 杯 竟 伍 夫 於 東 世 乃 浙 「句 杯 白 動 浙 五十 移 一子胥 江 開, 也 種 海 家》 與 江 酒 動 下 江 江 向 北 路 也 越 無涉, 哉 乾 也 酒 人滅吴。 三江 里之昊 從 吴投子 開 殺 IE. 故 盡 軍夢 乾 里 其 渠至 義 海 大 前 一,越 言 論 夫 口 引 潮 臨

浙

劭《風 篇 同。二 乃 尉 丹 胥 相 注 在 其 徒 江 廟 恚 據《吴越春 ,則誤矣 子胥之配 也 恨 東 恨 大 俗記》:「江 漢之世。《水經 江 心 子胥但配 錢 水 止 爲 唐 其 食大 秋》,以《七發》所云專屬之 濤 浙 怒 都 以以 江,皆 濤 食爾。 江 縣 是 也 有江 溺 ·淮 立 殺 惟命祀。 子 歲三祭, 水祠 人 水》篇 江 ·胥 0 並 , 俗謂 之廟 今時 祭 與五 注 子胥, **党**,蓋欲 會 引 之 岳 應

於是, 觀 自吴 江. 濞 间 廣 之。 不遠。」 凌 病 都 至浙, 未 斗 廣 檢討又云: 而 能 若 陵、北 門者,在 以之冠曲 踰 今以其 也 不經 越 江 江 其 「曾鞏 今山 在 湖 地準之,實 八地,且 或 ŻΙ. 千二百里, 之上 門之外,故强 陰 序《 縣 係 鑑 哉 西 堰 湖圖 在 六 后牐 以 浙 +-小名? 是 》,有所 至浙 江之東 時 太 子往 何 去 取

檢 討 又云: 「江都之更名廣 陵 在 兀 狩

郡; 陽、 陵 縣 郡 謂 盡 王 陵。』《項羽 故 則 縣,爲郡治,爲吴、江 侯 或 所更名者,廣陵郡 名名 一降其 或 前 徇 除 之爲郡、 元 《史記 在楚、在 Ŧ 年 廣陵 ^ 狩 表 0 、陵、武 若 史記 地人 廣平、真定、信都 國 城 年 \approx 時 弘 . 邑,至廣陵。」《吴王 。』《樊酈 Ē 年之前 地 乘 八於漢 本紀》:「廣陵人召平,于是 · 秦、在荆、在吴、在江 農、 · 五 爲國,皆 六國表 此 月 都、 理志 卒 例 甲子, 陳 爲 宗世家 安 甚 留 無 滕灌 >, 並 也 不 * 定、 多。 平 廣 以 一都、廣 廣 0 應 初起兵于廣陵。」不 陵郡 縣也。 「楚懷 列傳》: 在 陵之名 而廣 先 朔 原、千乘、 廣 元 「江都」 方, 見 / 陵 三 江 。」據《漢 陽、 陵郡 狩二 之於 一濞列 E 都之 皆 檢討 也 「灌嬰度淮 高 或 + 都皆有之。 王建 取 年。 文。」 自 傳》:「孝 ·年,城 丹陽、 密,皆 爲 都 縣 不 漢所 有 書 或 , 其 自 名 根 爲 廣 則 其 陳 名 諸 尤 廣 取 名 桂 置 廣 陵 時

> 史正 業 其 雖 謬若是 元 越 文,反 人 俗 錢 好 ,亦後學之大戒已 惟 鬼 屏 善之試卷 而 錈 不觀。 唐 廣 陵 及一 皆 侯 僃 之 引《漢 舉 淫 之, 祀 舉 而

所

論

而經

晉以 南, 橋 播 墓 岸 陵 江 此 折 自 城 云 一,淪 . 廣 縣 於 下 所 人 而 江 「昔吴將伐 後,江 淮,一 廣 東 陵驛 掘深 開 丹 至 而 於 即 遂 至 廣 東 陵 徒 江」是也。 事 在 開 黄 溝,謂之 陵 而 郡之江 北二百 . 益 名中瀆 至 見 北,爲 以 其 金 城 城 徙 播 外, 垻 外, 本 齊, 下 而 傳 會會 步 在蜀岡 南 都 舊城 故《 在 韓 水。 自 今揚 有 漢 ,故《沔水》篇注 縣 于 城 江 廣 其 故 之市 水 則 北 運 故云「中 陵城 縣 州 時 亦 城 江滸 **F**, 有 河 經 城 江 城 揚 日 河 . 舊 是 外 東南築邗 猶 臨 邗 邗 淮 也 州 去 運 其 北 溝 至 江 瀆 溟 刺 水 江 然 河, 故 至 於 環 水 史 溝。」今 是 云「毘 堡 趾 首受 篇 揚 其 則 劉 唐 也。 城 城 注 東

故爲正之。

成為正之。

成為一是者。恐後人習謬而不知,

成為前所云,惟《水經注》承酈氏之
東小水之稱廣陵濤,固非無據也。

述

外 篇

金

Ш

行

旅

往

來

如

在

枕

此

百

世

之

利

江 都 汪 中 撰

京 建浮橋

雅

攻宋。 至 南。 宋開 十五 洛 寧四年,朱 津 金 即即 :,皆有浮橋。其建于大江者,漢建安二 Щ 元至元 年, 爲最狹。 寶二年,曹彬爲浮橋 今之浮橋 前史具載之。今京口之渡 夏侯尚爲浮橋,以攻南 里三分,自金 友恭爲浮橋于樊港,以攻武昌。 》:「天子造舟。」郭璞謂「比 九 年,伯 若南北造浮橋 也。 顔爲浮橋 川之大者 Ш 于采石,以攻江 至 一單灣 二道,交會 于石第, 一、若 郡。 半之, (),自瓜 河 唐 船爲 于 州 以

> 會稽 于錢 然爾 便。 古無 世 也 廣 李 地。 塘。 此 昔杜 有 敏 乾 陵 非 隆 達 事 今適 侍 預 五 常之事, 公于鄞縣 預 請 郎 + 卒成之, 建浮橋 奉 謂 使于此, 當覽朱 中 年 日 E 必 甬江 -月 于 待非常之人, 至唐猶賴 河 余先 中 造浮橋,至 陽, 謁 世籍蕭 大 議 育對 其 者 興 朱 利 咸 道 今 濮 以 侍 本 固 稱 近 爲 郎

故書 父兄 之事 興語 聞 于 語, 惠其 知而 之 故 雅記,十 說余乎?」 訓 實, 言,不 該洽,度後之人不能 而 不 多識 長 知 闚 對 游 日 四 前言往行,亦可以 方, 何足以 知 中幼 而 又有昏瞀之疾。 不 言,不忠。 酬 而失怙 明問? 也。 未 廣 吾 抑 更 陵

者,中之所不敢出也。

治歷 序。 邗 距 出 其名,其占應之。 之迹,比于矇 成 首,于水爲 算者於是 始而 溝貫之,江 八千里, 其北,江 陽,或治壽春,或治建業,而 揚州 南 昔者黄 成終也。 之域,是其 乎託 萬折而 出 牛,是 帝 其 誦,其庶幾 墟 河 迎 始, 南。 於是乎合焉。 竊嘗求之人事,稽 日推筴,分天以 昆侖之山 故廣陵者,天 東,夾廣 爲 而 白麗 分 星 後 野。 紀,七 平 歲 月 陵 一、寔維 至 日 自 以 政 1時,咸 于高闕, 漢 入于 于 地 會 爲 廣陵卒 西 以 之 辰 其 + 來 極 海 善 所 得 有 維 其 車 或 其 敗 以 河 而 布

室 氏 咸 ៣ 引兵 傾 陽 死 則 楚地之衆,未有 秦滅六國,楚最 渡 董 召 卓干 Ŧ. 江 ,以争天下,遂 首建大謀,以報秦仇也 紀,百城拊心,莫敢先 所 無 皋。 戦 其 鉅 有 陳 鹿 矯 Ŧ 首 西 命 漢 屠 事 頂

舊物, 進、凶 土,西 責, 也。 手梟 賊 之名,藉累世之資,挾荆州之衆,乘 固 峻 盟 其 氏 父之急,而日 衰,本末 旅,犄角 超 稱 手。 斬 起 討 淫 守 有 베 侯景 兵, 虐 兵 辠 品 逆徒,協 孤 族 唱 則劉 師 气人倫 一紹先, 其 犯 品 壘 糾 俱 升壇 盡 義 上 乘 反 闕, 有 弱,易姓 合牧 勤 游 毅舉州 夷,乘輿 之,遂殄狂 大誓三軍, 吏, 噬,二宫在難,諸 居 慷 尋干戈,甚者望風 道 馳 ,以匡晉 幼主 E 謀京 車 盡 守 慨 無 檄討景,爲梁 有 城 爵 一 臨朝 幽 以 兵 口,既 受命,人無異 反 死無二, 之中, 于朝, 以 誅 厄,京師塗炭。 死 室也。 正,祀晉 寇,則 力 平 賊 爲 稱 克建 遏 桓 臣 期 無 丽 制 賊 則 氏,光復 也。 則 謀 郗 桓 鎮 忠 康, 衝 請 西己 唐 祖 感 玄負 鑒 臣 不 心。 臧 命, . . 祚 天 祖 邦君 軍 以 也 務 晉 洪 其 其 來 師 徇 大 不 師 道 雄 率 説 委 身 君 失 有 中 豪 東 有 蘇 張 獨

六四

之立 其 王 披 前 人之愆, 忠孝存焉。 復 洩 有 控 勣實贊之,敬業既 殺 亦 引 。身亡 足伸 江 淮 宗 大 以以 辭 於 酬 討 天下 或 賊 心在王 恩 功 也 則 雖 徐 不 且 敬 成 夫 又 武 以 舉 其 蓋 氏 兵 所

掃定 命。 唐 王 淺,未有不臣之迹,安可逆 義 氣 口 全盛之時,武氏積威 勝。 江 也, 敬業 侍郎 固 願 表,厚集其 《春秋 一忠臣 卒聞之。 雖 舉烏合之衆,起 曰:「敬業不直趨 發謀之始,義形 典日 與?」中日 》賢反經禮,毋 月 力、先爲不 争光 所 :「兵者 口 劫,海 洛陽, 而與之抗 于 也。 料 口 色。 測 其 勝 内莫 侍 心 未 X 而 郎 以 器 至 圃 覷 兵 備 待 故 不 金 曰 日 敵 欲 聽 陵 青 推

懿 厚 恩 親 不樂身事 幸 主 藝祖 ル 或 擢 疑 自 一姓,繕 倒 行 戈 閒 自立。 兵守竟, 典兵 宿 衛 有 城 孤 前 受 援 周 代

亡也。 後已, 遷,而 故以 亂 鹽 守堅于墨翟 勢若摧 絶 以 退 力,及川 禮賢館,士多歸之。 其有上 城介立, 而 旦 明爲 在 有 ,使 知 知 則 死 朝 廣 萬 下 勇 焚 族 則史可法效命 當明 匡闇主,下撫驕將 陵 人臣之義。 據 俱 渠 民 詔 徇 進 方鎮 血 州 世宗 一城之地, 困 所 食其業, 列 之, 斬 則 季 轉, 郡 擅 使 則李庭芝乘 翼 世 巡 則 猶 外抗 也。 命 勇 土 年,洎 戴 百 李 力 復 流 崩 貨 上輸 圖 重 天 氣彌 與 歷 國勢殆哉, 天兵, 封 寇 宋 不, 天下 子, 通 進 興 民守之,效死 氏 十有八姓,二千餘 疆 滔 行 少 馬 以 復。 厲, ,内攬羣策,督 三天,南 降 在 積 立 城 終爲 無 鞠躬 府 淮 則 衰,元 失守, 利 桓、 忠 事 百 南 不 杰 以 不 戰 盛 社稷 杰 都 拒 幸 文之 寬農 則鬻海 四 于張 力,死 미 草 ,國亡與 兵 命 天 其 海 爲 剏, 臣 功 有 畝 也。 師 爲 而 孤 節 開

廣陵何負于天下哉!」年,而亡城降子,不出于其閒。由是言之,

也。 全邪 功; 後 聞 其 敗 知 不 世 身死者,其次 日 義 之過 亡接踵。 矣。 有 焉 民 吾 可 非 類 ? 必 脆 子 死 以 侍 蔡澤有言 多 其 郗公名德,雍容 者,式 之言 節之 若所言 郎 孫 弱 爲 此 身與 守 士 數君 安, 不 ± 人 用 意川 臣 忧 名 可 死 其 者 之 「卓哉言 天 兵, ,求之前 子者, 俱 ; 矜其 城 以 事 下 也。 臣 土 仿佛 全者, 即 不 焉 名在 平 C 百 門 之立功 口 口 戎 郡 子 又 曠 而 劉 代 乎 項 修辱 與? 地, 虞 非 以 也 己。 F 其 毅 羽 洵 也 爲 功 有 翻 不與 用武 材武,故 無 自祖 抑 既 成 而 3 生 以 所 若其 豈 闡 若 定 陳 名 身全者, 調 之 語 則 人伍。 名 不 」遂,抑 廣陵 之, 郡 江 外 建 地 無 期 我 口 袁 以 有 來 名 危 爲 法 于 與 者。 下 氏 ? 戰 事 > 貴 中 立 下 mi 成

倍。 侵 社 兵 近在 賜 以 諸 也。 卻 悉 養 不 鋒 西 震 奇 迭 虎虎。 强 敵 再 平 爲 被 將 不 畧 制 海 餌, 之 安 出 日 兵 盛 由 用 可 金 勝 内 服乍叛,十有 無 而 夕。 既連 是開 功 ,則大儀之戰爲之也。 命, 當 人 掃 晉 通蒙古以爲 禹 則 所 北 再 至壯 乘 矣。 'n 迹 新 淮 同 不 破 陷 趙 府 百 + 韓 所 壖 有 時 益地 塘 其 也 葵建 州縣,進 世 戰 倍之衆, Ш 奏功。 功。 謝 奄 之戦 軍 一陽,屹 百 忠要之半 玄以 非 尺 六年。 爲 勝之勢,挾 議 九州 地 由 窟,屢賊 4 由 爲之也。 討 王土, 敵 薄 不利人不勇 北 是 爲 戰 是 吅 賊 則 有 勝之 長 重 書 城 府之兵, 朝廷 身 · 塗 其 匡琦 城、太清 鯨 鎮 江 請 帥 李全 七。 威 肩 多 三者,保 授 齊 以 或 姑 戰 臣 而 之戦 所俘 首 息,有 厚厚 南 其 守 寢 選 聯 淮 民 也。 陳 傾 謀 下 事 之禍 氣 或 東 吴 登 索 京 馘。 其 雖 竟 寇 輕 似 稟 東 久 白 出 苻

鎮, 潰。 力, 摧 餘 其 陳 土 長 密、朱瑾 南 土 陳,賀若 由 不守, 鋒, 要害 武武 戰 岡 敵 傳世,終梁之亡,不 萬 是再復 悉其 極 使 爲 之戰爲之也。 逐 新林之師,鼓行而 則 于 破 數 之也。 北 精 其鋭 兵敗 嶺 決 直 則淝水之戰 錢氏、馬 魯 弼 洛 然 海,地 兵 達 抵 獻 萬 陽 由 將死, 攻瑕, 猛將,三道 卒,禽其驍將,由是 之 忠 其 沂 是保 夫晉 進 + 衆 勇, 郊 廣 氏 或 軍 策 朱温 財 之 據 梟 大則國亡 必 應 之 爲 臨 于 能 富 不 有 與 江 其 命 時 進, 之 鄴 時 已 得 臨 雄 秦,吴之與 淮 E 能 死 崩 則 也 建 mi 江左 志于吴 淮 踞 或 決 將 心。 自 摧 難 康 潛 機 大 威 若 立。 開 圖 梁 唐 偏 甲 師 當 以 中 秦 于 是 陳 皇始 而 也 并 敗 濟 正 平 振 因 矣 兩 則 温 諸 弼 一,尚 朔 江 以 之 吞 則 力 議 尊 軍 兵 闢 白 皆 戰 據 又 淮 口

> 曷。』廣 載 南 北 斾,有虔 出 陵 品 行 有焉 分 師 秉 其 垂 鉞 孰 白 能禦之? 如 年 火烈 9 戰 烈, 圃 詩》 則 天 莫 日 下 我 合 武 于

況

E

以 之臣 龐 廢 敢 及 朝政 切 則 陳 撓 謀之具違,并 陳、竇,議 色升 主 戎 過 請 勛 丛 固 既 車 僃 而 唇 有 猶 若 納 與 言之。 陷 致 犯 图 大異 君 臣 無 或 未盡。 浸 武 難 順, 瑜 誅 成 死 於 君 升 寧, 于其君 以 宦 卒蒙 降,屈 善 石 之 隕 驕 人 官。 宗 桓、靈之際,常侍 頭 泗爲巡屬 横。 心, 其 爲 閒 室 失守, 其 族, 以其難。 出 之以 ,孔父之義也。 戴 T 仰 明 事之 來 9 淵 之志 經,身侍 觀 面 邦 濟 雖 死,比干之仁 忠 漢 天 ,又當長淮之 諫之, 家之光, 不 Œ 偪 文, 諒 也。 業 繫 色立 X 亦 俾其 禁 盡 擅 于 威 衰。 Ŧ 朝,人 建 抗抗 心 朝 廣 一官儀 前 敦 武 翼 速 陵 之 同 氏 辭 朝 也。 世 所 始 制 莫 姓 野 不 心

進苦 夏跳 之哭也。 F, 韋 在 前 神宗以 議,赦其辠 侯宗 以 王 令,不復行于四方。當此之時,天命去矣。 播 南 唐祚之復延者,且三十年。二相干位,諸 而 緊海 于遐裔, 羣盜 至 求 所 遠,祭公謀 中國之民,得以 鐸連十道之兵,總九伐之任,承 救,往 一横江、 必 П 梁 周 城獨完,苦身愁思以憂社稷,申包胥 在荒服,其 了,謀臣 个,宇内 争。 此 ()共和之政也。宋氏武 内之心。 黄巢豨突京 飲 主帥既戕,官軍 而 反十二。 辛讜 恨 不忠,遂 騒 父之 與 而 之更始。 然,當宁旰食。 蠭起,跨州 出 終。 王師既奮,賊 時人士,未聞 休息。 一萬 諫 是時 王者 足成靈 死 也 師,僭稱大號。 不 由是元昊請 及熙寧用兵,再 賊 務 州 屢 顧一生之計 故 連 兵北 德 永 蚵 郡。唐之政 于 遂走 ", 而 而 功不競, 樂之禍 張 陵 Ŀ 及 制 方平 自周 肘 或 無 死,而 泰 封 勤 乘輿 腋 Ш 建 mi 兀 之 以 民

> 之。 計。 里間 烈士之行事, 漢 法理,經緯乎民生,文學道藝,立言不朽 舉足以當之,此亦才之至盛已。 夫子詳之。」 「維桑與梓,必恭敬止」,故君 而 考其事迹則 下,始 非國家之所以廢 耆德,孝子貞婦, 有 所震燿 미 紀。 如彼,語其人才則如 于天壤者,先民 然當 一至之行,蓋以千百 興存亡者,則皆畧 三代 子尤樂道 盛時,忠臣 至若政事 有作

也。 掌道 退而 日: 富而 山 發筴,謹録爲是篇。 方志,以 朱育之對,何足以 事 侍郎曰:「 - 覈,可 Ш 能 説 詔 謂有徵 善乎,子之張 · 可 觀事,王巡 以爲 矣。 當之一中謝不敏 大夫。』吾子其選 古者 一狩 則 廣 誦 陵 夾王車,故 訓 也 之 官,

表

忠

祠

碑

文并序

伸。 大 年 江 失 益 廷 厲 隕 故 禁,終 官 孝 寧 其 議 舊 勅 凡 稱 身 明 ',府 基 詔 孺 建 爲 湛 朝 里居者 爰命廷臣迹行 建 維 百某 族, 兩 而 書 以 專 乾 廷 文 治 祀 以 下 益 廓 隆 力 革除之際,諸 懼 百 太 西 臣 之。 十人, 一、通益 四 又醵銀 閶 則于其 折 秩 子曲 師 故 十 白 封 祀之不修,使神 不 有 魏 役 墓之德,用 俾有司各祀 品諱,使 之典,其 年 祠 或 + 不踰 議 二百兩,權子 授 公徐 日 謚 四 IE. 命 表 臣 以以 時 當 月 人 忠 所。 所 行,積 輝 、以靖 守 明 己 忠 臣 發 祖 率 中 不 卯 費 于 继 義士之氣 歲 而 、文 ·官屬 ·葉,雖 靈 難死 戴 明 皇帝 母 爲 臣 其 光。 mi 怨 天之義 學博 萬 某 鄉。 以 銀 圮 士 恫 共祀 滴 少 永念 于 五 民, 典 得 是 驰 百 有 不 兀

> 無主 事 ៣ 是 後 爲 維 諸 之 其 義 授 公 或 命 用 舉 地 屬 宗 既 臣 就 中爲 應令典, 夷 孤 文,刊石紀 傷 又協于因 無 所 血 食 或

辭

日

哀。 予敢 家。 是 名 亦有 首 師 我 有寢有堂,式 H 矣開創 是仇讎 i, 敗則 八孔父 德音 孰 王 倖? 凡 冥 阻 君 國。 在 期 獲 鴻 報報 明 此 0 死之。 不 正 可與 死臣 藎 色。 咨 臣 禮則 薦 滅。 運 Ш 爾 無 世 臣 毅 徂 彼 澤 並生? 二心, 亂 重。 魄 其 社 舊 九宗五 代 徘 孝 皇 人 臣, 往 德 稷 章 帝 惟 孫 徊 祠 稽古 一、改厥 以 不瑕。 自 威虐 可 嗣 天 于殄 官 我 鍾 . 靖。 浩然 遷, Œ 實 服 忠 丕 Ш 制 斯 匪 眷 朝 君也則亡。 承 腸 厥 身之 匹夫 東 悲 有 躬在 沮 之。 奔 焉 列。 身, 顧 歌 叛 遘 發 有志 ",用抒 不 弦 日 走 于覆 興作 仇 謀 筴。 黄河 昔 恤, 燕 創 蹌 牧 痛 或 矧 隕 莫 厥 孰 軍 盜 涣

族 朝 ার 教忠,萬世維 類 所 0 肄 朝 以 日 同 夕 玉 德。 月 佩 服。 華 昭 照 裾 臨 格 翼翼齋宫,人臣之鵠 我宇。 不 明 違, 靈 攸 甘 冶 我飲 娭。 城 緜 祀不 食。 蕝, 會 天

大清故高郵州學生賈君之銘并序

揮 四 世 ,舉人。父兆鳳,翰 司 愈 君 祖 諱 事。 愚 H 以 祖 從 9 孫 字 明 襲 稻 成 官, 孫 林 祖 ", 先 靖 因 檢討 難 家 世 功 其 北 平人。 地 官 高 祖 郵 指 良

少 後 詩,所作凡三千餘篇, 所 事 禪 上去手。 之,曲 容 學 性明達,於釋老神 君好學, 無 〔 貸。 所 得 惑。 及其 旁行斜 其欲 多所 所 伯兄 涉 善 矜 上,朱 獵。 怪 立名節 發言 有 窮 痼 陰陽拘忌及宋 喜《左 鄉 墨爛 疾 深 末 摯, 學, 猛 喜怒失中 氏 然。 志 哀 春 疾 節之 樂 善 秋 调 爲

> 於 風 疑 御,弔者在門。 君雖窮老 末俗之流 念孫友, 美,終身咨 生,戲 之極哀已 泰 州。 以 歌 三人 而 III 失, \overline{H} 誦 不 詩 志不衰。 月 不 、皆善 虐。 往 聲情激 乙亥, 逆旅 牒 口 洎夫 飲 饵 舊 桐棺,視不受含,斯 烈, 乾隆 忘 聞, 述 酒 宿 恒 先正 汎 酣 四十二年, 與 而 蓋 演 同 卒。 君 其坐人。 之明清 旁 里 軱 出 琴 李 鉤 瑟 君 嘲 析 方 試 故 傷 生 噱 怒 王

某原, 廩繕 載 道 君生十三 志 袝於先 其没 夙 誻 也 ,年六十有四 歲 先君 而 禮 即 也。 於州 世, 學 今則 陳 既 葬 氏 日 久 在 食 始 穴 神 貧 食 居 子 味 其

於穆賈君、實惟固窮。鑒於前

叢書》本補。《粤 宋以 後 禪 雅 本 堂叢書 此 五 字 》本此五 闕空, 據《 字作「宋 重 FIT 江 諸 都 汪 氏

隕,遺 腸。 亡疚 娑樂 我 饑 言 銘樂石 神 在 小 書罕 名以 一同蒙 床, 爾 一,惟亡 矯矯危 託 躬 不 歌 穉, 揚。 出 愧 善其 金 北 西 言 辭 風 妣 石 華 正彼 何 蕭 宫永夜, 淪 勸 蕭 駕 落。 淫 我 天 平 朱 亦 地 家 難 雪 風 此 心 尺 知 遂 副 則

大 清 按 察使 譜 授 兼管驛 通 泛議 大 傳 夫 馮 湖 君 北 碑 提 銘 刑 并序 按 察 使 司

府 代州 朝 明 同 成 食 知, 如 化 君 采 京 $\overline{\mathcal{H}}$ 中 諱 科 爲 馮 傳 廷 給 城 君曾 壽 廣 至 丞, 因 事 東 光 明 中 祖 布 馮 期 字 而 政 盛 爲 領 命 均 使 君 鄉 以 氏 弼 光裕, 司 軍 高 薦 左布 祖 隸 世 其 其 振 遠 先 都察院 族 政 武 失其 畢 始 使, 衞 顯 八譜系。 遂 子 高 右 南 副 家 寧 日

> + 都 修, 北 御 方所重 世,立 史 巡 君 一朝涖 父 撫 0 湖 官 南 馮 「咸有 氏 爲 以 君 文 名績 祖 學 起 0 E 家 家 祁 法謹 至 翰 君 林 凡 院

其 芳、 闋 乃 禮 如 下 君 議 與 生 家 法。 後 授 覩 多 論 事 大興朱學士筠 盡 子弟。」丁父憂去官。 桐 光 大 以 仕 識 君 瀆 咸 鄉 故 丹黄 遺 嘗引 昕、 禄 既 宦 史 異 緼 汪 官。 産 寺 冠 事 藉 舍人孟鋗, 同 青 或 與諸 見,上望其 署 舉 ', 尤 累 浦 官 有 顯 正 於鄉, 筬 都 根 精 或 王 及 閒 弟 邑 按 柢 其 少 於 不 老 沿 君儀觀 Im 乾 察使昶 (弟侍 事 顯 以 而 地 革 獨 舉止,喜 隆 君自 是 名 益 理。 天 因 任喪葬之事。 時 一十一 節 口 郎 温 勤 下 得 諸 講 歙 珪 以 相 自 雅 肆 手 稱 一矜尚, 人皆卑官, <u>~</u> 有禄於朝 然 曰:「是 造次 程 年, 嘉定錢 力 禹 名 書 不 編 於 貢 德 昭 文章 修 必 由 **>** 焉。 服 舊 於 11

書,自娱而已。

刑 部治 而 理寺寺丞 滴 江 所 用 年,遷廣東司郎中。 文 未 奏請 法持 IE 幾 大 罪 部 中 西 名出 狀 按 傾 學 權 司 IIII 遷 來京 官以 君 察使 士劉 日 止 無 平,多所矜 心禮遇, 刑部 不當,故君得行其志。 重 通 , 則 人,數有 曰:「夫獄 師 爲 一大理 州 故 入覲,大學士于文襄問 文 更十 情法 廣 法 本 事 IE 事 西 裕 兼 恕。 大 餘 無大 糾 不 兩盡。」文襄嗟賞其言, 司 倉 刑部 君公廉,不受請託 年 理 員 駁 得 者愈求則 有 小 舉 於三 是時文 , 外 參謁 善 尚 郎 其 刑 悉以咨之。 政 書獨 部諸 法 職 惟 司 愈深, 正方得 既謁文 其後君 謹 既受代 司皆 心 主平反 君在 君 善 要在 遷 在 E, 怒, 焉。 刑 由 大

語 督 出 爲 浙江 歲 造 分巡寧、紹、台 戰 船 采 木 於屬 兵 縣 僃 道 吏 大 兼 海

盜。 君被服 不許。 彫敝 兵備 西當 嘗 以 畫 會 生,其年當選拔,吏請無受直而貢其子,卒 遷官之日,至無以治裝。 德, 禮接 之公事,次 日 有吏職造船,應支 夏夜,塘 爲 . 無 利 Ŧ 外衞。 道,兼提 錫 君 江 夕卻金 ,務安静,不苛擾。 所 水 遷 侯 廣 湖 君 如儒者,不聽 容 至則 得 如不及,故交遊士,咸得其欲。 閱實其木,書之於策, 江 字貫獄 設 嶺 手 不 削 西提 數巡廳 如 銄 嶠 死於此 壞。 督學政。 施 潮 之 距 意七,列 諸三族之貧者。 起,君坐失察,革職 刑 犯 番 歲入有餘,則以 得 縣,供 按 蕭 地 銀 音樂, 其 察 Щ 險而 承黄教 主名 栅城三千七百丈, 督吏民修防, 二萬,吏之子爲諸 城歎 使司 調福建分巡臺 頓 君急裝 終身 民 餽 將 服, 按察使。 瘠,是以多 遺 亂後,撫 以 稱盛 無 文 竟 無 次 、舉其 通人 、妾媵 其 所受, 塘 伐 更 灣 名 地 而

Ļ

知 用 效 力 贖 罪 9 尋 淮 君 捐 贖 發 江 南 以 冒

皇, 君 事 其 蘇、 既 前 降 軱 八當官, 尤 近 好 權 憂, 論 後 捐 太兵 無 松、常、 輒 名 施 爲 詞 贖 道 四 急貧 所 及 爲 謂 荅之, + 而 員 僃 弦 則 得 盡 X 督 無 五 之二一反」。 弱 食。 清 得。 牢 毁 四 鎮、 仍 者 所 年 落, 操 道 其 留 終 ٠, 取 雖 太 謂君 上 家, 署常 彌 賈 江 不 率 生意遂 糧 清 南 人責 厲 南 以 日 不 不 巡 儲 不 而 州 候 其 數月 習爲 足 必 不 (家,咸 同 補 駐 守 河 舉 當 徐 盡 刻 官 蹕 蓋 代 庫, 州 一吏,接 其 + 篤學 或叩 君 宿 諸道 去。 職 見 江 淮 自 0 遷 偪 其所 安三 南 過甚 詔 勤 至 盡 時 凡 迫。 江 日 畏 缺 許 府 簡 巡, 旁 以 未 民 及 慎 君

閲 河 至, 君 見 管 君,深 河 庫 日,大學 相 器 重 1 使 誠 開 謀 臨 英 河 勇 公 引 以

> 言 猶 爲 争 末 抗 兼 寧 妻子 月 治 河 管 道 Z 疾 冒 瘴 地 糧 其 刻 $\overline{\mathbf{H}}$ 歸 驛 暑聽斷 氣 相 聞 淹 甫 坐 期 無所居 所 傳 踰 恤 仇 報允 春 倡 而 月 中, 君 殺, 秋 竣。 首 遷 馳 荆 由 者 不 而 重 五 君 湖 往 門 是 + 寄食京石 比 卒。 少 以 履 一撫定 補 北 州 止。 而 澴 飢 有 行 整 提 貸 知 是爲 勞, 朝 七。 刑 飭 萬 其 州 師。 踰 其衆,究其 舊 按 江 陳 Ш 餘 某, 乾隆 秋,浸 貧 察 疾 中, 南 君 士大夫知與 不 遂 爲 使 鹽 忠 五十 能 親 劇 民 作。 司 務 實 施 定其界。 請 按察使 具 所 口 致 年 南 分巡 既 殿,以 任 衅 民 歸 始 江

義 宦 不 司 昌言 道 京 相 朝, 中, 上不能專 君 長 隨 天 而 於 下事 恒 牒 撫 得 平 御, ',遇 制 遷 民 ,下不得親其 未 心。 短 事 於 激發, 有 嘗 應 言責 慕 變, 引 古 故 爲 争 民 其 與 臣 己 後 守 同 任 勤 節 五. 官 自 官 多 死

知

莫不

痛惜

竟其施,没不傳於後世,其可哀也已!力,無所表樹,經世之學,體國之忠,生不

所 流 賞 也 誥 母 披 言 君 十 林 封 棺 弱 陳 不 子。 院 淑 中自依 君 何可 遂以 女、累 信 月 人。 編 取翰林院侍讀學士錢塘周玉章女, 無 始 Z 修 量 衰 不 子宬,候補八品小京官。 有 則 既 $\overline{\mathbb{H}}$ 臨 疾 君 意 道,逮一星終,愧 而 窮 ,葬君於代州之煙望村, 汾 餘生, 高 銘曰 盡 鳥 繾綣從公, 曹錫齡。 義 投懷,實蒙忘分與 嘗 哀 恐朝 П 述 舊 宬以君卒之次 辭祖 共涉 露 德。 有 以 夷 期 道, 下 天 險 材 女適 道 將 遽 使 凡

明 良 或 伽 末 德 貴 馮坐秦朝。 造。 和 邈 亦 龍 矣 與憂俱。 緜 1,亦雄 公高,光我 祀 百百 上黨東 70 保世守官,尺寸 裔 ,自他有耀。 文 、陽,其 代 昭 州 之 (延十 畢 顯 分 君 世 4 當 晉

隕我 夜歌 物。 身。 官 遠具邇。 外 兀 摧莫訴。 有 盛 閣 踰 璧,君子之躬。 風,載矜載喜。 書,蒼黄韶獄。 無德色,内無勌心。 海 簠 無愧辭 命 淮陽 一材一藝,百年千里。 彼維 此焉 簋。 年 國寶,傷哉百鍰。 在 高 受纏朱紱。 裁 抱,萬 稱 肉不完。人賴舉火,君 人惟 女憂女嘆,如余在體。 何以飭之,臣心如水。 如彼敬通 中壽,家亦 小心,履冰 用 治 何 人? 刑 物 墮淚 生館死殯, 百世 鈞金孔棘,焚心汗 君雖習 知 刖 春。 金玉滿堂,泊 乃速高位 ,坎坷末路。 有 集木。 屢 感 更, 師 戚戚兄弟 牽復有時, 在邦在家, 空。 其 以以 風不 歸 不 聞 缿 完 汲 及民。 如林 然 窮年 名 筩 孺 死 如 目 康 無 其 勤 西刈 交

大清故貢士馮君墓銘并序

所 爲 詞 人敦篤 狀 有 日 馮 好學, 廷 中 全重者, 爲銘, 與 中雅 衰 而 而 納 故 造門, 諸 知其言不苟, 其 以 父之墓 其 叔 父 邵 邵

中。 西 州 化 整 中 飭 祖欽 至 君諱 有 君 洮 曰盛者 岷 凡 鄄,字翼 刑部 兵備 九 世。 兀 道 以]1] 縯 、按察使司 曾 軍 司 先 祖 主 隸 世壽 雲驌 振 事。 适 副 光人。 禮 衞 父祖 使 科 遂 悦 給 明 事 代 成 陜

府 謹 不 葬無墓 ,官數遷謫 知 足 府卒官, 君 · 嘗 七 共 有過。 歲 歛 地, 喪 事。 垂 君年二十有二。 老幼百 母, 乾隆 老 代 居 投 州 喪 二十年, П, 瘴 水 如成 地, 莫知 陸 萬 人,事 飾 副 所 里,歸 終之日, 副 使 依 使 以 副 故 無 雷 使 君 居 廉 老 餘 州

> 也,副 孺各依 稱貸 師 凡 行 夭,邵久客無子,君 其力焉。 屬,督諸 弱 更十餘 未 年 越五 半 四 爲 使年四十有三,人以 其 方,經營生事 家 年竟卒。 年, 母 君與其弟郟、邵 督 弟 糧 氏 副 就 垂 謀 使 學, 而 竭 慮 自 之家遂立。 枝 取婦 命邵 與弟 梧 以葬以養, 家 遂 生子,嫁其 舁 率 歸, 相愛甚, 郟 爲 散 棺 中 晚,至是 而 夜 以 初,君 身授 君 歸 廢 卯 使 寢 既 學 竟 之 其 諸 間 前 收 牛 親 婦 北

哀焉。 天年, 家事 四十 然長者,惜中之不及見 有七,葬代州某 君以選拔貢生, 終以 風雨漂摇 邵又言,君事 客死。 僅 宜邵之述德累 伽 原 舉 繼 即安,而 也 順 13: 禮 天 有禮,性 也。 銘曰 鄉 試。 以 君既力庀 行,其詞 憂勞損 平恕 卒之年, 其 其

生,孝于惟孝。喪葬既舉,室家既聚。噫嘻馮君,率是常道。送死事

上四四

知

鬼

神情狀,不惑于非類,

于

宋

以

視。 康 衆 之,終惟安宅。 蒼 蒼 其 身 ,有子有弟。 封土若堂, 巋 吏, 旅 是 館 宜 僮 有 奴 百 後 傷 然牛脊。 里見星 哉 飾 巾 克 我銘 孰 旬 志 爾 注

大清故候選知縣李君之銘并序

休寧戴 念孫 仍 解義數十條,義並 才 世 力 爲之唱,而 君 君治諸 好 君 通其術。是時古學大興,元和 于 所 氏,咸爲 諱 善 年爲長,三人者兄 詣 惇,字孝臣,高 經通 各 所周 學者 君 成 敏,于《詩》《春秋》尤深,作 和 精 其學,雖 貸。 所宗。 審。 之。 家故 郵 晚好曆算 中及 人。 事 有 自 富 焉 講 劉 江 1贍,因 祖某,父某 習,不 台拱 以 北 得梅氏 惠 繼之, 一是遂 相依 氏

> 卒 尚 及中人,貌質樸,嗜酒,善諧笑。 君遂不入試, 貧富,不以易其 責 無 後 弟將貢 ,年五十有 義,勇于爲 所 愚 五年,君成進士, 人,己 荷 誣 之學, 于國 所知,不 與 人 而親棺斂以歸之。 距 恂恂 心。 之尤 與人争。 其前夕,執 雖 注選知縣。 一實育 退讓 既 力。 久 不過 困 其 内 己 諸 友 所 所 也。 賈 生籍 淳 越 親 不 君 至其執 四年, \blacksquare 善 爲 篤 身短不 乾 祖 死 臨 高 財 病 DU

于 見于今 行 哲 也 爲古之道 而 鄉 備 話 終棄之,其 里。 焉 言。《 然君當少壯之日,窮餓奔 中既與君久要, 日。 (詩》(客于 嘗 不宜于今,今之人不足 然 與 愛 書》所稱 四 君 同 而 方,游 志 居則受侮于家,出 加 歎息,謂古 得詳 敬者,不十 于京 述,求之君 其行誼。 師,人或始 走, 淑 -人焉 人 身,則百 以 則 汲 每觀 八君子 知 不諧 先 君 慕

非 人,天之君子」者,至于君而 者 Ä 乎,豈君之命與? (之所) 實順乎天心, 中 竟隕 以 能 心中身。 爲 也。 百 疾 女失所 而 然後 交 銘曰: 莊 周 知 歸 氏 支 世 ,子又不 所 離 其言不驗焉。 一之同 骨 稱「人之小 立 力以 肖, 未 擠 則

道 力學修行,其職 銜哀累德,以表余情 無 不 可。 生莫 我 在 我。 知 没 \Box 豈 貧 貴

大清故吴縣儒學教諭喬君墓碑 并序

武 巡 三世 口 奪官。 翰 按 中, 浙 君 有 曾 諱 院 江. 某者始 汲, 祖 侍 父崇修,用人材 或 山 讀 字敏 聘, 遷 與 遁 明掌 伯,先世 寶 河 跡, 應之 道 完 泂 總 節 南 柘 督 一籍長 辟 道 溝 以 靳 召 終。 監 輔 至 洲 既 察 争 君 御史, 祖 凡 明 萊, 洪 + 海

> 於 疾 縣 固 辭 城 授 銅 陵 縣 教 諭 自 君 曾 祖 復

> > 遷

府。 實爲 諸 不 道 將 不 縣 師 義,未嘗詣 富 族 德 君 恒 不可 坐。 晦名, 即 爲 生鳩民財,以 人爲緣。 軍 巡 能得,日 既敗,有司 命 布 君爲議 方 撫 有 君 縣 選吴 貴 弱 政 祀 甘 求 以 蟄 或 使治 肅 冠 謁 巡 :「吾居其官,是不可干也,去則 侍 居 郊 日 縣教諭。 君守官敦樸,日與諸 禮 領 前古 迹君於蕪湖 迎長 撫 誦習, 再 從學甥 鄉舉 屋,積 煩 祀禹於包山 束脩之禮,非其 爲之盡 「禹食於江以 轉 則 跽, 明 則 瀆。 人事 館 材 Ŧ 壻 故時 得 因 其 於 木於學宫、君争之 之祀。」由是中止。 諸生 請 饋 門 力 是 武 居是官者,率 推問 問 於 下 **前** 時 陵 既成,言於大 南會稽之廟 自 上。 È 故 故 道不以入。 胡 累旬,卒以 偏愛於君 有先聖先 生論 所 事。 氏 當君 漁撫 通。 遠 舅 君 松平 倚 儉 期 在

惟 郎久 學官,以爲 公 所 之得 爲 其 即 法 事 H 丁,惜 以 病 君之去, 告 歸。 表其行 學 政 迹,下 李

四十 光, 音 實 折 疾 人則誦 歸, 旋, 正之而没,於時年八十六矣。 ,未嘗不在。 事 ,出辭藹然,依於忠信。 入倫之表焉矣。 禮也。 一年九 卒之前夕,次及《禮記》,中 君家居篤老,三族之 終 鄉人君子,莫不歎息,以是爲邦家 其 H 文,不中程 Ë 月甲午。 作。 凍棃植鰭, 多識 君 不 遺命三月 恒日 止。 朝 禮事, 小大傾心,虚 廷掌故,先 有晬 自自 既 其容 病 力 而葬,不 遇誤文, 是爲乾 弔 惟諷 寫 死 書, 民 登 而 隆 求 諸 之 往 德 降 問 燭

在 悽然身 殯宫,永念久要,期亡 談 中之妻於君 委宛 世之託 平 生 一,情 爲 曾不踰 顯甥,昔操 不 一慙負。 歲 竭 再 經 顧 几 而君之子 杖, 君 望 里, 崦 妻接 己

> 敘 士宗, 加 藏之,且繫以 務求 之 達 官, 辭 固 日 不 具 狀。 謹 據 所

> > 知,

既訓 耳。 玉 於弦歌。 資,爰張 緜, 雒誦 、天全。 佩難 食其官, 曰守其道。 既親 惟 喬 寢 其休。 維 其 容井里。 安其真宅,式告萬年。 我義 ,吾生何 惟食, 烈。 望宗,三世 不安,它人則 廣川 秩秩庠門, 惟 憾 洋洋話 學 大業,魯 與 箸 大木百 惟此善人, 謀。 節 言,充人 載 那。 Ш 灑 屬 遺 一德範。 車 載 杖 訓 纊 心 緜 承 實 閒

黄鶴樓。銘并序代畢尚書作

焉。 岷 冢,五水所經 Ш 又東 江 西 出 南 至 峽, 自 於 半天 牂 東 夏 至 牁 下,皆 南 漢 於巴丘 自 水 人 准 桂 一, 沅、 焉。 嶺 於是,以 西 湘 於是 北 自 西 水 於 自 嶓

咸 水逆 城 再 海 齊》《 折 取 行 於 Ш 而 ∭ 梁 之 恒 江 Ш 後 ***** 西 數 夏 以 東 有 里,於 黄 爲 書 磯 故 名。 鵠 起 地 並 Ш 形爲尤險。 形 載 始 當 於 其 自 稱 其 江 蹟 險 孫吴,酈 衝 中 焉 ·, 石 江 於 其 環 立 縣 後 氏 上 如 其 樓 因 著 爲 植 之興 Ш 之, 樓, 激 面 爲

焉 形 乃 林 休,著籍户 江 姦 南 歷 之蔽 宄 北 以 年 IF. 更 六十 無 方 其 乾 西 歲 所 郊, 隆元年, 以 制 商 + 署 桴 八百 堅 望 原 旅 ·月都 其 鼓 自 密 隰 如 百 跡 Ш 「萬。 沃衍 如 大 貨之所湊, 鳴, 試,吴戈犀 以 0 新 學 上, 禾黍 上下 0 高 公私舟 + 其 壯 直 史 百里, 下 閎 文 V. 彌 道 甲 楫 則 麗 靖 + 望 路 蔽 水 若 有 總 列 稱 無 示諸 檣 督 其 Ш 夜 蒙 高 成 丈 燿 湖 Ш Ш (,其 林 日。 川。 廣 不 在

> 丹丘 臣 外 莅 諏 序 庭、往反 西 至 鎮 發 於兹樓,以 或 (每懷 而 抒 羇 以 民 南 趨 撫 家 客, 設 際 羽 風 其 疆 文采,增成 禮賓 民 人 險, 海, 理 地 登 L 靡 風 、雲水 天 及。 詰 都,皆道 屬 高 内 穯 路 飲 及 下 戎。 或 作 以 事 劇驂, 輔 食 司 故 栖 胥 以 慎 舌人體 賦 經 之 道 實 遊 邦之大事 百數,終王受吏,累譯 固 或 禮、親 於此。 之所 感 可 封 徜徉 軒 物 知 地 守 委,懷柔遠人,治 之使 治 造 勢 也。 其 守土之吏,率 乎 常 端 ,於是 然 僚 百 其 以 洎夫 也。 友,不 城 地 미 不 尚 興 乎 H 冠 書 其 Ŧ 均足 咸 口 蓋 則 有 降 臣 侍 會 來 官 咨 郎 以 逐 四

史莫能

紀

既 同 欣 歲 踐 爲 沅 於 始 衣 勝 釋 冠 褐,文 地 盛 且 事 感 靖 遺構 蒙恩 以 元 乃 敭 老 歷, 爲 在 銘 朝, 弦 曰: 総 先 其 後序

闢 列 仙 海 有 攸 神 處 Ш 樂 河 哉 惟 斯 底 丘 柱。 曾 城之顛。 巨

惟

江

夏

自

宋

V

郢

州

以

來

代

爲

重

鎮

上人

兆,神 極目。 不 L 神禹明德,黄武伯圖。 作。 迴。 .野底平,八窗洞屬。 |標崇觀 或不經。 荆斯控。 朱衣行水,毛人墮城。 Щ 我紀兹遊, 下俯 增比岳,水激成雷。 光映 大别西踞 大 思同民樂。 ĴΙΪ 鳥帑,勢吞雲夢 登若馮 川逝無停, 柱天不 类类 口 傾, 虚,望惟 夢有先 都 [東趨 障 人往

漢上琴臺之銘并序 代畢尚書作

映 土 津直道,來止近郊。 此云。居人築館其上,名之曰「琴臺」。 其外,方志以爲伯牙鼓琴、鍾期 多 對 平曠,●林木翳然,水至清 大别,左界漢水,石隄亘其 미 自漢陽北 以 栖遲,可以眺望,可以泳 出二里有 層軒累榭 丘 一焉,其 淺 迥 聽 前 之、蓋 ,魚藻交 出 廣 月湖周 游。 十畝 「塵表。 在 通

> 假館漢 操縵。 冶游, 之解 尋幽 足滄浪、息陰喬木、聽漁父之鼓枻、思游 勝地寫 中,廣厦細旃之上,靈蹤所寄,奚事刻舟? 之交,一揮五 丘 動 ,實具二美。 佩 曲 陟遠之勞, 曾無曠 泉。 自奉簡書,久忘在御。 心,諒符元賞。 乃移我情? 亦足高 峴首同感,桑下是戀。 弦,爰擅千古。 日。 .謝塵緣,希風往哲,何必 桃華渌水,秋月春風,都 靡 登高 夫以 銘曰: 臨 夔、襄之技,温、 余少好雅琴, 觕 深山窮谷之 弭節夏口 於以 女

已絶,空桑誰撫? 海憶乘舟,巖思避测遺音。三歎應節,如彼賞心。朱弦测遺音。三歎應節,如彼賞心。朱弦游,爰迄於今。廣川人静,孤館天沈。宛彼崇丘,於漢之陰。二子來

「土」,原本作「上」,據方濬頭所爲校勘記改

じ九

流 13 水 尚懷 高 貌 Ш 矣 吾 相 相 高 王 望 一終古。 白 雪罷 然 舊 歌 楚。 湘 靈 譬 停鼓 操 南

附 伯 牙

本。 苟, 名。 굸 注 味 成 有 道 》篇 鍾 連 成 云:「伯氏,牙名,或作 其 子,通稱。 期 儀之族。」誘受學於 連、 古 鍾 鍾 漢 方子春無 時 爲 籍 「伯牙 一, 姓 H 子期夜 方子 故 鍾 載 伯 也。 儀 書 伯 牙 春、台氏氏 鼓琴, 之族, 雅 牙 遺 聞擊磬者 悉楚 子, 所考。 記, 事 蹟 通 存者 鍾子 則是世 人也。」又《精 所 方 稱。 《吕氏 春秋》有鍾子 連 盧 志 尚多, 期聽之。」高 而悲。」高 雅。 及 尚 無 期,名也 官而 者 書, 稽 春秋 5、《琴 鍾氏 必 立 誠 宿 通 有 言 誘 其 不 誘 所 注 期 本 足

附

於石之陰,以告學者

篇 楚, 期 强 年, IE 亦 有 王 以 中 不 也 家》,昭 伯牙鼓 、明矣。 他 載 因 + 馮 旗 ? 知 迁 取 不 其 昭 書誤 也。 其 琴事準之, 而《韓 馮 年,楚懷王 與 郢, 誕 王問 如 知 知 琴而 釐王 事 期 恢 耳、 音 琴 爲 何 列 者 人之駁文 何 怪, 非 也 丽 子 左右:「 則 南 時 對 魏 + 别 子 六 古 與 非 伯 郡 劉 0 齊 人。」今檢《 也 則爲鍾 . 官 馬 鄭 牙 君 白 孰 年,當 中 0 秦。二十九年,白起 難 爲 仰 也。 鍾 ^ 子之言。 謂 子 旗、《秦 與 今日 勢》篇正 荀 又 期之自楚人 秣 楚 陽 ^ 孟 子期 穆王》《 子 鍾 余既 懷 秦昭 同 嘗、芒 韓、 建 楊 時 王 史 策》又作 無疑 一、頃 勸 以 作 亦 銘 倞 魏 E 記 而 湯問 學 爲 斯 今考之, 卯 注 鍾期 孰 四 . 襄 也 臺 篇 湯 賢 樂 與 + 魏 Ŧ 問》 ? 時 攻 中 始 世 伯 田 昭

述 遺

冕服之用

耒。」八也。 也。《祭義》:「天子、諸侯爲藉, 世子》:「冕而 義,食禮在 問》:「冕而親 之外。」注 凡 子衮冕, 負斧扆以朝諸侯。」六也。《文 響、射 '玄冕。」九也。 十有 冕服之用, 則 二二端 鷩冕。二三也, 廟,亦鷩冕,五也。 令司 《玉藻 迎。」二也。 總干,親在舞位以養老。」七 服》:「諸侯之大夫 自祭祀 當 《夏采》: 》:「玄端 作冕。」 而 兀 《周官·司服》: 外,見於經 也。 而 《覲禮》:「天 Œ 聽朔 也。《哀 崩, 據注及 冕 聘 於南 而躬 典者 以 于 \mp Œ

江 都 縣榜駁

陽、石 徙 州 潛、江乘、 得吴,有廣陵、江都、高郵、平安、宛陵、於 殺,凡二世三十三年。 其時并 元 宣 肇荆王」, 江 城二十一縣,爲今揚州、 汝 及杭州府之於潛、昌化,泗州之天長 江都縣 南王非 城、 寧、句容、高淳、溧水,鎮 州五府,通、 湖孰、 中以 春穀、秣陵、故鄣、 衙 Ŧ 前榜二,日 江 爲 陵陽、 皆誤 都 廣 ,傳子建,元朔二年 德二州, 蕪湖、 也。 自 績 太平、 黝、溧陽、 孝景 傳董相」、「 句容、涇、丹 江 得 江府之溧 寧府之上 鄣郡而 寧國、池 前 兀 自 不

之,誤矣。 如之。二十一也 復于太祖 親,維 王 之大常 + 後之 也 俗 儒 諸 服 氏 侯四人, 專 以 「衮 服 服 冕 亦

服

國,賈 地爲 以 尚 縣 在 縣 絶 或 于賈也。 六年封,至十一年爲英布所殺,無後,其 至 相 知 都 ·,無覺其 其 不 無所見,疑即託始 地 L 其 淺。 爲 及 縣 或 死已四十三年。 《其半。 · 正 其 令,其淆甚矣。 諸 支邑, 見《哀 賈都于吴、溪興以來諸 侯 二者之云, 非者,中据史以爲之辨。 可當漢之江都令耳,地之廣袤, 令自千 相 帝紀》《汲黯 自名 若傅之董相,是以 治 其 石 廣 或 至 于此時,安得 失于 陵。 荆王 傳》。 六 江都縣之名 視 白 郡 不學。 至孝景置 石。 加 劉 守 江 賈,以 秩 侯年表》。 今之江 都 國爲縣 二千石 榜 以 縣自 爲 前 江 高 V. 五 肇 此 都 此 帝 立

漢 鴈 足 | 鐘槃銘| 釋 文

四 寸七分。 漢 銅 鴈 銘 足 半環槃背、云:「竟寧元 鐙 槃,高今尺三寸七 分,徑

> 陶 氏 漶,日中拭水視之,乃可辨。「考」下从「又」作「考」,其 凡篆文五十五,重文作「二」者一。 内者弟二十五。」下少空,又云:「受内者。」 獨明,乃後人妄爲鉤 令尊、護工卒史不禁省。」又一行云: 「中宮 物,今歸巴慰祖 兩 I 審定其文,今具 I 護 護 武 爲 嗇 内 夫霸、掾 者 泐,不足辨也。 介釋之。 造 予籍。 銅 廣 鴈 足 予籍從 漢 鐙故 主 鐙 右丞賞、 甥 爲 重 胡 首六字漫 三斤 江 都 唐 詠 刻

也。 府屬 膏爲燭,始見於《秦始皇本紀》, 當爲内者令歐 臣 改 官,有令,有丞。 爲内者造銅鴈足鐙」者,内者 瓉云「冬官爲考工,主作 元 古之燭,束薪爲之,或執之 官本名考工室,武帝太初元年更名。 ,即位之十六年也。云「考工」者, 云「竟寧元年」者,元帝建昭六 侯氏 《外戚傳》 子婦, 器 則 許 械 内 廣 於 者 亦 漢 則宜 是 手。 非 少 女 年正 也 平 有 奄 府 屬 云 少 月 君

有 谷口 宫承 鐙 以 吏。《張釋 尊」者,漢制,縣 古圖》:「漢好時官厨鼎,刻 云 今重三斤六兩。」歐 兩」,今權之得二 注膏者。 有槃,並重六斤」是 上林榮 示 此 燭 承之,鐙,其 護 暴室嗇 畫 鐙 銅 燭 守。 武 校之,今六兩當 槃是 0 甬 《 鐘 宫鐙銘 蓝 徐鼎臣謂 刻日 官之非真 郎 之傳》有「虎圈 夫」,及此銘 夫霸、掾廣漢、主右丞賞、守 鼎 疑漢權 世 中 别 款 秩 重四十斤,今重十五斤。」 ※ 上 有嗇 十四四 錠中置燭,故謂 也 鐙 識 比 陽 (拜者, 公私 三百石, 也。 林榮宫 錠 所 一夫,職 兩 故《外戚傳 永 漢一斤,有嬴 之「武嗇 載 互 二錢。 叔《集古録》:「漢 嗇 大小非一律 云「重 訓 凡 有行、有 日 夫」、《外 聽 七鐙 銅 都水,水衡 重九斤一兩, 之鐙、誤矣。 Œ 訟,是謂 吕微仲《考 鴈 夫」,其 三斤十二 謂 足鐙 器 别 廼 :領、有 有縮 戚 首 出 夜 也。 傳 名 下 故 都 少 之 車 張

丞矣。 名。 銘,多紀其次弟。 漢諸器銘多有之,若《吕氏春秋》之言「監 史在令後者,以護工别出之。云「省」 獨考工不知其數。 之多者,依飛九丞,掖庭 尊,其名也。守令,亦其未即 夫名。掾、丞、令,皆考工官吏,廣漢、賞、 後世之差遣。此武嗇夫乃假吏也。 使者、光禄大夫,則「護」者,兼官之名,若 石 領 尉 御受之内者 云:「平定五年,受圜 」矣。云「中宫内者弟二十五」者,漢 則 護 屬 所 官 嗇夫、掾、丞、令,皆先卑而後尊。 一云「護工卒史不禁」者,不禁,卒史 尊矣,而 居稱 輔都 劉 向 也。《金石 水 中 以 所 宫,蓋 及遷 郎 校諸 今言「主右 云「受内 中 陰。」與此 光 爲 永定 書序 録 禄 都 八丞, 宦者七 大 ・平周 省,皆 水 宫 者」,謂 夫, 秩比二千 使 也。 真者耳。 [稱護 丞」,則非 同 意。 金鉦銘 漢諸 左 本 都 傳 卒 派 水

江淹墓辨

侯 城修墓致祭,中以爲誤矣。 淹 歙 之江 以 醴 陵 氏,皆祖 爲 濟陽考城人,歲 梁金紫光 禄 遣 大夫 人 醴 至 今 陵

年,以 子 南 有 州 于晉 立 咸 率 幺 顯《齊 ·徐、兖、幽、冀、青、并、揚七 徐 之九郡 僑 和四 過淮,亦 冀、青、并、兖州及徐州之淮北 州 郡 陵 宋書 南 年, 縣 諸 志》亦同。 徐 有 以 僑 縣 司 有 州 · 州郡 濟陽郡 司牧之。」又云: 7,其徙 在江 過江 治京 空郗鑒 南 在晉陵郡界者。 渦 志》云:「晉永 者屬焉。 宋、齊二志,南徐濟 領考城 又徙流民之在淮南 「割揚 江 及留 鄄 州郡邑」。 州之晉陵、 在江北 故南 文帝元嘉 城 嘉 流 徐 晉成 者, 民 大 州 亂 其 陽 備 兖 並 八 者 帝 相

> 又云: 二者邈 國,漢之菑縣,章帝始改今名; 言之,江 屬 郡 係之濟 魯 領 考 尋 不 陽考城 城 氏 臨 又 相涉。 淮 本 省 鄄 以下十二郡並 貫實在今之考城 鄄 建 ,則僑立于今之丹徒縣境, 城, 武 度屬 年 省 南 濟 無實 濮 陽郡 陽 春 士。 圃 秋 醴 考 (齊志) 之戴 陵所 由是 城 度

百 屬 是 之福已。 知 土,豈深 陵之卒,日 = 族,並 誰 己 年失 陽 夏郡 何, 四 醴陵 + 淮 累 無 人敵境千里,自營窀穸? 《地形志》載其 卒于天 北 尋干戈,其 百 反 年。 四 衣 葬 州,今之考城久淪 冠,拜伏流 故 監 魏之濟陽, 里 四 之事。 、時壽 年。 (建置 陽、 涕 自 始置 宋 合肥 真可謂 甚 坏 明 明。 徐 于 況 帝 並 州, 魏, 無 當 泰 渡 爲 妄 江 魏 始

留州府知府馮君妻三李氏不合葬議

忍使 議將 官。 於州 官 邵、郿。 於十年。 葬於域外之碑堂。 年,葬於五十一 張,五戈,戈 二十有 三李之没 三十九年,葬於四十 所。 遷 又十七年,始得 東 代 不 蜕 于時華甲 州 而 北 乾隆五 可 皆在祖 諸 露 合諸北岡。 華 久者 知 見 則 雷 馮 甲 州 于 今 皆 莊 既 年。 年, 始六十年,近 墓。 莊 君 族 固 天 動 至雷 又十五 雷州 凡 葬。 地 日 在。 損 張始 兆於 次没于 盡 ? 五 年。次没於四十七 出 馮 州 官岷 不不 氏 取 自 始取李没於 靈 州 生子: 且 君 年,雷州 諸 ,其三皆李, 明 脱 北之北 雍正七年,葬 魂 可復葬, 洮 亦 凡 舉人某 氣 有 四十 道 \overline{h} 老皆 一世,爲 有 朽 張没于 卒於 鄄、郟、 岡,距 敗 考 乃 康 往 其 : 1 其 巸 DJ. 基

> 皆 邵 寧久 父葬,人其謂我 是 來 無 客於鄞,告中以其 冥 不果遷。 八合,非 依於其 出 , 邵兄弟 惟張 墓地之所 (舅姑 何? 又 如與雷 面 不 (事,且 勿播遷以 能 逮事,而 |州同穴。 子爲我求諸禮, 隔。 日 苟 所生母 從其夫。」 爲 「邵三前母 其後三年, 不 獨 吾 將 從 無

勒

諸窓石之陰。

夭。 合葬。 事 雷 協 皆美其 孫 雷 三李下室歲遠 IIII 已者 州 州 , 氏,蚤亡,袤卒,繼室曹 及靈 中曰: ,則慮棺之毀。 以附於祖,則 不協 厚薄之差也。 唐楚王 知 也。 禮 龜 加 張之體魄, 卒,妃上官氏 爲 以兹所爲,求之於禮 止 今張既先雷州 之辭,非 可 無 前妃閻 前 仍 是 其 世 其 不 人 地 中 爲 氏 若 氏、嫁 真 可 事 所 備 迎 晉 殞 宅,又必至 即 之窮,非 能 遷三母 禮 孫 鄭袤、先 安于假葬, 世 不 喪 同 雖然, 於 踰 則 葬 以 黎 得 年 古 非 取 之 就 不 而

爾 之遠 禮 也。 女尸 準 有 李之墓, 之典,有舉莫 不先三李而 親者。」 此 C,非古· 情 諸 地 則 不 從葬 近, 經。 則 江都 古之事 卒 注 口 喪服小記》:「婦祔於祖姑。 尚 姓, 哭班祔之文,以 拓, 以是 猶 也 然 於 縣 祖 馮 親者,謂 後 有 異 亦 神道所 一,惟 附學生員汪 墓 食,其分固自秩矣。 氏 附之譜記,待後 爲 廢 二焉 還 日 與 交慰 四 先後之序 ,則祭雷 其 祭于張。 以 舅所 E 一時 事 重 官 馮, 哉 家 生。」斯 差 廟 孫 使 0 祭,人各 祀 非 殊 中謹 定 華 及 又 州 焉。 3 雖 親 同 公 甲 彼 孫 成 亡於 祖姑有三人,則附於 苟 然, 莊 日 而 墓 婦 並 世 禮 享 則夫夫 欲 袝,示 追達者, 異 立 昭 從 墓 孤 諸 禮 若 私 即 致 主 日 野 穆之次 於三李 域之外 魂 議 者 馳 以 其 外, 無 之 不 刻 其 妻 視 祭 拜 則 無 依 於 禮 渞 慕 張

狐 父之盜 頌 并 序

感其 見 目 \wedge 而 列 事 子 有 下 因 . 壺 適 作 説 餐 也 此 符 , 以 而 常篇 頌。 餔之,三,餔 餓 于 東 道 方 有 狐 m 父之 後 能 盜 視 日

有

丘

旌

死不 之則 辜。 室。 盗 弱息 我 來 于 土 之食, 一,曾 香 既 道 赦 媾, 勇夫 死 左 裁 周。 無 餒 挈 屬 父 匪 可 於何乃 而 寢 | 懿 筐 ; 之盜,厥 惟 藐 東方有 我 飢 依。 踣。 戈, 得 舊 火 之艱,致忘 故。 暴客 於 右 方 惟 得? **簞**,倏 炎。 盗 執 名 時子盜, 嗒然七尺,形 是禦。 方壺 餔我, 外 致此 丘 馬 爰 御 人鬼。 其 旌 慈 盱 或 得 非 或 飽 身。 目。 母 睢 門, 有 之則生, 我 食 嬰兒 審 常 在神 ൬ 본 본 既 内 貿 顧 嬉 淅 意 貿 爾 在 窟 彼 下 失 無 税 匪

炊 以 心 天。 用子 内 濟路 激 之道 孰爲盜 直行 人。 薄 無 舍 者,吾將託焉。 之 夫 撓 可 何咎? 敦。 吁 嗟 悠悠 子盜 救 之 孰 溝 何 如 報 相 其

弔 黄 祖 文并序

言 西 賢,是云 隕 司 忘 グ,莫不 祖作 或 情 伯 振 车 處土 天下, 則猶 蓋 而 尋禰生 下 扼 若 耻 死 後之君 有賞音之遇也。 友,固 輕 腕 有 屈 于 此 斗筲, 重 天 細 意 章 遺 E 子 疏 相 X 于 陵 得祖 無 密 ,攄懷舊之想 之譖。 焉。 狂夫之言 丁, 輒 傷心 跣 得 各得體宜 足 意 而 羡其 即 五 而 稱 其 曠 夫 如 百 矣。 請 樂 遭 世 杯 相 命 遇。 命江 高 祖 酒失意 ,悼生才 腹 然觀 翌 若 舉 中 表 持 夫 懿 之 彼 其 衡 異 坐 北 孟 爲 之 談 終 兩 海

> 識 色 刃 竟獲知己。 相 相 答, 讎 可望之今世 人情 解 帶 嗟乎,禰 所 寫 恒 誠 士大 有 生可以不恨 歡 夫 若 至 哉 親 于 戚 臨 其 文 雖 1 激 枉 沖 天 懷遠 動

辭,未 辭 遺 于 幾 不 察,猥使祖 道 更十 日 其善焉。 平者也。 左。 余束 聞心賞。 Ė 髪 而 。 古有三疾,今也則亡。 于千載之下,獨受惡名, 何嘗 依 醉 用 飽 人,蹉跎 其于黄 述 不 過 賦鸚 斯篇, 差, 祖 同 自効。 鵡 一、蓋 詔 其 于廣 來雪 狷 猶 狹 逮 筵 得 于 往。 斯 其 論 飛 識 長 惡 辨 之 碑 不 而

其 道 П 之人。溯汶 兮,獨居愴怳。 兮, 名 之高會兮,方虎視而 歲 廼衆辱于白 嗟須臾之不忍兮,遂 在 單 江 閼 以 兮, 世 通誠 衣。 既 四 莫吾知兮, 兮,遠弔 月 自 彼 幾 威 隕 望。 其 兩 府 何 敗 生兮,子 有 將 君 死公之 M 託 俱 失 昔 夏 職

八八

迷兮, 吾生 期 世 古 訽 固 子之殺士 愐 之 吾 兮,亦足以 將傲今之人以 不 X 不齊 得一 欺。 王之不 德 感斯情之信厚兮,恨不與 奉 之 康 一兮,世 兮 申執手之款言兮、曰 遇 交 瓠 好。 孰 一分,雖 會兮, 蔽 以爲寶。子吹竽則信 富 相 其 所 緊夫子之識 壽 戒以 辜。 報 贵 無 而 U 九 畏塗。 貧 節 死 天 夭。 之可 壹 m 惠以 何辭 真 (之同 歷千 覩 分, 白 周 爲名兮, ? l 首 以 又達 祀 時。 鼎 工兮, 惟 而 惟 而 夫 荷 爲 心 目 人

九 庶 保 州 重日: 元吉,没吾世兮。 身安置 鳳 兮。 皇虬 願 龍,不 得 君 子,終 可 紲 兮。 焉 事兮。 相 彼

荀 卿 子 通 論

荀 經 卿 典 之學, 紋録 • 出 毛 於孔 一詩》徐 氏, 整 而 $\vec{\Xi}$ 尤 有 子 功 夏授 於 諸

傳》 子,孟 云: 荀 傳 盡 儒 子即浮丘伯 詩 子,孫卿子 夏 故訓傳》 子 高 與楚元 鐵論》云:「包丘 《詩》 韓 2 傳曾 》,荀 能 也 行 「申公卒以 傳 於浮丘伯。」伯者 「少時嘗與魯穆 漢 仲子 妙 王交 申, 以 之。」由是言之、《魯詩》、 卿子之傳也。 韓 書 荀 于 子 高 説《詩》者 傳魯人大毛公。」由 傳根 卿 詩 . 劉向 家 授 申傳魏 行 俱事齊人浮丘伯受《詩 儒 子之别子 河 子 之 《詩》春秋 牟子, 林傳 敘 閒 授 子與李 存 授 云: 薛 人李克,克傳魯 人 者,《 四 趙 》:「申公,魯 大 倉 生、 + 《漢 根牟子傳趙 人小毛公。 孫卿 毛公。 子 斯 浮丘伯受業,爲 也。 外 有 白生、 》授, 俱 書·楚元王 傳 四 薛 門人也。 ^ 事 倉 是言之、《 而瑕 經 毛 由 而 荀 申 荀 子 典 己, 人也, 公爲《 卿。 是 公 卿 人 人 授 丘 敘録 》。」又 云 子之 其 江 同 孟 孫 **《鹽** 帛 包丘 名 受 交 毛 卿 仲 妙

篇載《 廣。」 虞卿 也。 也。 洛 篇文、《小戴・樂記 海 子之傳 起 云: 大戴 陽 」據《史 起 蓋以法 左 ,荀卿之支與餘 E 劉向 陵 秋》及《 荀 由是言之、《穀梁春秋》,荀 (禮論 傳 卿 老至 孟 卿 也 記 誼 丘 曾子立事》篇 其 傳 敘 卿 所學本長于禮、儒 明 子 荀 》《樂論》篇 張 同 《儒 云 善爲《禮》《春秋 今稱之,日: 詩》于魯申 由 作 丞相傳 期 郡 卿。」又二戴 是言之,《 傳 林傳》云: 荀 「蘭陵多善爲學蓋以 卿, 》當作「陽武」。 》《三年問 傳 以 裔 楚 授 載《 文, 名 也 公,傳子至 人鐸 曾 況。 左氏 「瑕丘江公受《穀 禮 修身》《 由 申 蘭 並傳 || || || || || 林傳》云:「 》,授后蒼、 是 椒 陵 況 春 申 張蒼, 言 椒椒 卿子 傳 人喜 秋 傳 大略 自孟 之, 飲 孫 ***** 武 傳 衞 酒 曲 字 荀 之 蒼 威 荀 爲 捎 人 東 产 爲 傳 卿 踮 博 卿 傅

蓋自七十子之徒既殁,漢諸儒未興,

之學。 蓋 美 氏 秋 好 篇 義 與 子傳之,其 者 中 傳《魯詩》《穀梁春秋 色,並 荷 更戦 不 荀 春 毛 爲《易》,其義 》賢穆公」,「善胥命 具 卿, 秋 口 卿 同 在 風 卿 楚元王交本學 於諸 盡 》,董仲舒治《公羊 義。《禮 或 其學 先 雅 也 暴 知 又《 揆 師 頌 矣 經無 秦之亂 皆有 之逸 , 周 解 亦見《非 也。 大 論》《大略 公作之,孔子述之, 蔽 不通 所 略 典。 篇》 ×, 故其説 六 本。 篇》説《魚 」,則爲《公羊春秋 於浮 説《 劉 藝之傳 而古 又《大略 相》《大略》二篇 歆 春秋 》二篇,《 劉 卷 丘 治《毛詩 「霜降逆女」 籍闕亡, 向 耳 賴 伯 》,故 麗》、 又 *, ~ 篇》「《 故劉 稱 以 儒 或 其 荀 不 山 卿 風 絍

荀 於《堯 卿 則 史記》載孟 未詳 問 》劉 焉 向 所編 子受業於子思之門人, 今考其 《堯問 書, 》第二十 始 於《勸學 其下仍 有《 於

知荀 故 弓並 無疑 師 記 坐》子道》《法行》《哀公》《堯問》五 風 日 友者 孔子及諸弟子言行,蓋據其平日之聞 ※非十二子》《儒效》三篇,每以 、藝論 俗通》云: 賦 一稱,子弓之爲仲弓,猶子路之爲季路, 卿 當以 ,亦由淵源 之學,實出於子夏、仲弓也。 ž 荀卿之學,出於孔氏,而尤有功 楊 倞 然《堯 改訂爲是。 穀梁爲子夏門人。」而《非 論 問 所漸、傳習有素而然也。 末附 語 》,子夏、仲弓合撰。」 荀卿弟子之詞 篇次實 仿仿 《論 仲尼、子 則 一篇,雜 爲 語 末 於 於 篇

申君 下。 里之勢,臣竊以爲 日 面 之趙, 日 今孫子,天下之賢人也。 湯以七十里,文王以百里,皆 韓 「善。」于是使人謝孫子。 詩 趙以 外傳》: 爲 E 不便于君,若何?」 卿。 有 客又説春 説 君藉 春 申 申 君 兼 孫 子 天

崔 也。 子。 賢 仲 莊公請 美,莊公通之,崔杼率其羣黨 於鄭、未出 也,故舍賢 之主言也。 日 而 不 知姦,即大臣以專斷圖 安也。 者 去 絞 去?」春申君又云:「善。」于是使請 故《春秋》之志 鄙 之所 又 Ŧ 魯 股,遂殺 孫子僞喜、《戰國 雖然,不可不審也。 昔伊 不 與 人 加 語 (分國,崔杼 許 今孫子,天下之賢人,何 齊 在 殺之,因自 尹 티 : 竟,聞王疾,反問疾,遂 長 夫人主年少 一,其君 去夏之殷 而立幼弱, 而立其弟景公。 莊 强 属憐王。 」此不恭 公出 未嘗 而 日 不 魯弱。 策》作「爲書」。 立。 殷 走,踰于外墻,射 許,欲自 不善 私 加 廢 此 楚王之子 王 放,無 齊 正適 以 爲 圃 其 由 而 崔 禁誅 劫殺 近代 刃於 攻莊公。 村之 術 而 或 之 以 圍 爲 未 立 於 法 死 謝 聘 不 以 孫

珮,雜 媒,嫫母、力父是之喜。以盲爲明,以聾 憐王可也。」因爲賦 易維其同。」《詩》曰:「上帝甚慆, 爲聰,以是爲非,以吉爲凶。 見,李兑 廟梁,夙 比遠世,未至絞頸射 至擢 淖齒 布與錦不知異。 昔 用 筋餓 用 趙 而 齊,擢 餓 殺之。 死也。 主父于 湣 曰:「璇玉瑶珠 夫厲 Ŧ 間娵、子都 一之筋 股 由是觀 沙 也; 雖 F 嗚乎上天, **加** 百 之,厲 腫 下 懸之於 日 痂 無自 莫之 比 不 mi 知 雖 沂 殺

之事,未知 或 ? . 楚之先君也, 豈宜向 就 新 ,曾不一言,而泛引前世劫殺 按春申君請 不知何 書》又載之,斯失之矣。 劉向不察,采入《國策》,其敘 其意何屬。 人鑿空爲 孫子,孫子荅書,或去 此,韓嬰誤 . 其臣子斥言 且靈王雖無道 此書 以 其 荀 説

> 之詞, 事。 卿 成例、《國策》載其文而不去其詩,此 若是者多矣。 其閒實未嘗適趙,亦無以荀卿爲上卿 不屬,幸本書具在 篇文,其言刻覈,舞知 奏之葛龔也 厲憐 賦》篇。 自爲蘭陵令,逮春申之死 其賦 《詩外傳》《國策》所載,或説春申 本傳 因此 由二書雜采成篇,故文義前 稱 詞乃《荀子》佹詩之小歌,見於 下, 齊人或讒 至引事説《詩》,韓嬰書之 以爲緣飾。 乃《韓 ,其妄不難破 以禦 非 荀 子 卿,荀 周秦閒 人,固非之本 • ,凡十八年, 姦劫 卿 爾。 記 弑 乃 載 故 滴

考。《新唐書·藝文志》以 子,而《宰相世系表》則載汝士三子, 登仕郎守大理 「唐大理 今本《荀子》二十卷,元時槧本, 評事楊 評 事」。 倞注」,一本題云「唐 楊 倞 倞 事 爲 寶無 口 題

述學

平爲以 元惠 趙 年文 一原君。 封公公子勝 年 E 六滑 齊 F 年王 ·Ł 年 + 昭 秦 王 车 九 年 元頃 楚 年 年 襄 \pm 本 書、 列 傳

荀卿子年表

《古刻叢抄》載《唐故銀青光禄 者。 名 馬公墓志銘》, 節蔚州諸軍事 卒,以其年七月十日葬」, 公卒葬年月云:「以 史楊倞撰」,結銜校《荀子》加 「朝請大夫使持節汾 武宗時人。 知 表、 温 志 同 名 出 知 行蔚州刺 其 一手, 遠 文 會 州 則 何 諸 楊 名 以 史兼 據此 四 軍 倞 知 年 互 事 所 詳 御 大 異 則 守 作 夫 若 月 史 無 楊 其 汾 使 書 州 題 中 倞 此 名 云 丞 持 倞 馬 刺

十五年		十四年		十三年	十二年	十一年	十年	九年	八年		七年	六年	五年	四年		三年
四十年		三十九年	滅宋。	三十八年	三十七年	二十六年	二十五年	三十四年	二十二年		二十二年	三十一年	二十年	二十九年		二十八年
二十三年		二十二年		二十一年	二十年	十九年	十八年	十七年	十六年		十五年	十四年	十二年	十一年		十一年
十五年	結和親。 好會於宛, 天	十四年		十三年	十二年	十一年	十年	九年	八年	秦楚復平。	七年	六年	五年	四年	其喪。秦 歸於	千年
			舉宋。 齊 滑 用 强 以 强 强 强													

九

					十九年	十八年	十七年				十六年				
		騎劫。 田單殺燕	五年		四年	年	二年				襄王元年			走营。 王	魏、韓兵破燕、秦、趙、
					二十七年	二十六年	二十五年				二十四年				
			二十年	地子秦。 上庸、漢北	十九年	十八年	十七年		穣。	火, 复 身 好會於鄢。	十六年				
田單奪之。 能凝也,故 也,故	田曜 等之 田 單,							祭酒焉。爲	大尚老硕 之修師。 於, 大齊,	新 即 最 爲 齊 蹇 王 時,		下大戮。	槁然。身死 病之, 若振	熊、逍昆而《王伯篇》:	《仲尼篇》:

三十二年	三十一年	二十年	一一十九年	二十八年				二十七年	二十六年	二十五年	二十四年	二十三年	二十二年			二十一年
十七年	十六年	十五年	十四年	十二年				十二年	十一年	十年	九年	八年	七年			六年
四十年	三十九年	二十八年	二十七年	二十六年				三十五年	二十四年	三十三年	三十二年	三十一年	:: 十年			二十九年
三十二年	三十一年	二十年	二十九年	二十八年			質於奏。 為	二十七年	二十六年	二十五年	二十四年	二十二年	十二年	5 化 方 及	東 東 東 東 東 東 東 東 東 東 、 王 、 明 、 明 、 明 、 明 、 明 、 明 、 明 、 明 、 明	二十一年
					人役。	篇》: 楚 六	焉,至是乃 今楚父死 《疆國篇》:							振稿然。	秦師至,而《議兵篇》:	

°君 王 六 五 四	七年 六年 四十八年 四年	六年 五年 四十七年 三年	五年 四年 四十六年 二年	爲相申	四年 三年 四十五年 考烈	三年 二年 四十四年 三十	二年 王建元年 四十三年 三十		君相。平原秦拔趙:	元年 十九年 四十二年 三十		爲應 以 爲應 。 號 封 則
	年四四		年二年	爲相常君	年元考列王	年	年			年三十四年		。號封朗

		十一年	秦兵罷。	十年		存趙與使於原鄙陵鄲秦 邯、前魏 春楚君兵君 鄲 命秦 教君楚敕平晉信邯									
		十年		九年										八年	七年
		五十二年		五十一年										五十年	四十九年
	蘭陵令。 以 荀 卿 爲	八年		七年	年,誤。	事 軍 斯 軍 ,	救之,秦兵 楚,楚侯	邯鄲告急於 年,圍邯鄲。	十余萬。 二之長平軍四 年、秦 破 趙	傳 祭 申 君 大	年,至新中,	置客軍景易 急于楚,楚 大大	六年,秦圍	六年	五年
春申君以	有卿, 有卿 齊 人 或 讒				之矣。」	言 支 計 以 者 , 是 之 謂	致忠而公宗 無私,	「争然後善, 矣。」 又:	也, 可 胃 弱 酸 君 之 於 魏 信	於趙也,可一「平原君之一《臣道篇》	奪之。故秦	並, 進不 能 全富足而趨 不 地	韓之上地方《議兵篇》:		

九四

述學補遺

- 上九年		十八年	十七年	十六年						平原君卒	十五年	十四年	十二年		十二年
十八年		十七年	十六年	十五年							十四年	十三年	十二年		十二年
年		始皇元年	三. 年	年	王子辛位。 莊 出 。 襄卒,日	己立 孝 王 亥 _十 文卒, 即月王子	秋十紀《 昭六 襄年五本	元莊 年 襄 王	元孝 年文 王		五十六年	五十五年	五十四年		五十三年
十六年	封于吴。	十五年	十四年	十三年							十二年	十一年	十年	徙於鉅陽。	九年

		七年	六年	五年		四年	二年	年	元年 襄 王	二十一年	二十年			
		二十七年	二十六年	二十五年		二十四年	二十三年	二十二年	二十一年	二十年	十九年			
		十一年	十年	九年		八年	七年	六年	五年	四年	三: 年			
	申君。殺 春	二十五年	二十四年	二十三年	弄 東 徙	一十二年	一十一年	二十年	十九年	十八年	十七年			
蘭陵, 一因家蘭陵, 一因家蘭陵, 一大大大大大大大大大大大大大大大大大大大大大大大大大大大大大大大大大大大大												舍相 / 人。不 章	乃莊襄王卒, 献襄王卒,	辛傳李斯 斯斯列

荀 卿 也 本 王 建 建 書 去 封 師 己 卿 卿 、應侯荅問 面 死」也。 則當 初 爲 + 秦 荀 齊 范 襄 荀 以 是 卿 滴 蘭 游 睢 年 不 王之十八 蓋 子 時 卿 卿 與臨 楚, -, 爲 陵 秦也。 湣 本 遇 爲 復 荀 爲 爲 春 令。 應侯。 書 王之季,故《傳》云「田 趙人,名況 國之後,康 又云「及襄王時 卿 令。 而 令如 申 楚 復 武 及《 則自齊襄 復自 本傳 春申君 考烈 君 歸 君 其明 年, 史 後 封 趙 故 議 ^ 趙 儒效》 當秦 Ŧ 王 也 云:「齊人或讒 年 兵趙孝成 以 來 年,春 又十二年, 淮 八 Ŧ 齊,故 年 爲 莊 劉 昭 年, 趙 後 干 北 五 蘭 向 舊 孝 彊國》篇有 \pm , 十一年,當 N 楚相 申 蘭 陵 + 敘 而荀 人, 年 四 成 曰「三爲 E 君 陵 令。」 始 攷 前 王元 以 黄 惟 考 駢 徙 卿 游 乃 定 後, 荀 之 則 歇 學 烈 其 則 卿 最 封 卿 當 齊 荀 荀 昭 在 爲 其

> 無二, 學》篇 刑, 禍 年。 楚 于 于 六十四年, 後 年 言 頃 楚,故以 趙,游于 也 申 李 襄王之元,終于春申君之死,凡六十 耐 庶論世之君子,得其梗概 (堯問 君 春申君 然 袁 無 據 死 而 方李斯之相秦 賢 李 篇》云: 齊,嘗 是時 四 因 荀 主, [國爲 之死 斯 卿 申 荀 下 傳》,斯之相在 荀卿蓋 闌 爲 卿 一人秦,而 遇暴 孫 經。 十八 之不 陵。」 廢 盡 卿迫于亂世, 滅 百 年, 因 託 食, 覩其 也,始皇任之, 荀 其 餘 家 始 卿 距 歲矣。 蘭 族 之卒, 仕 于趙 鹽 云爾 齊湣 秦并 陵 于 罹 鐵 本 楚, 惠文王、 E 天 不 荀 不 顩 傳 論 列 卒 之 卿 測 知 下 于 死 牛

記 稷 下, 之末,凡八十七年。 或 向 仕 《敘録》:「卿 楚, -表》載 春 申 春 君 申 ^ 以 死 (史記 君之 齊宣王 而 卿 死, 》稱 廢 時 距 來 ^ 史 游

西

1壤之

不

絶

若繩

楚人則

有

陽,以

臨

吾

左。

是一國作謀,三國

曹憲 來游學」,之推所 然顔之推《家訓 百三十七 史記》所云「年五十」爲「年十五」之譌 可遽以爲譌字 游 ,皆百有餘歲,何 齊, 矣。 則 春 晁公武《郡 也也。 勉學篇》「荀卿五十始 申 見《史記》古本已如此 君 死之年,卿 且漢之張蒼、唐之 於卿而疑之。 齊讀 書 年 1志》謂 當

在游 一今巨 m 齊之前 非 本 一
整
縣 韓非子・難四》篇:「 書《彊 荀 卿,故身死 吾前 事僅見此 或 大燕鰌吾後 篇》荀 爲僇。」荀子游燕 子 説 燕王噲賢子 齊 (), 勁 相 或 鉤 日

> 見正 國若 此 或 必 湣、薛公是 專主,下 荀子之爲齊,與樂毅之爲燕謀 E 人臨菑,楚、魏共取 文之不能用 一、故荀 起 H 齊 再 行,而 攻 相 假 而 同,豈 破 乘我。 城 爲薛公田文,故曰 ·則得專國 卿爲是言。 燕、魏, 耳。」其言 可謂 士也。 也。」荀 或 不 如是 免危 儒者無 留楚太子横 0 卿之爲 則齊必 其後 正當 淮北,卒如 《王伯 削,綦之而 益 湣 「相 是言者,疾 五 斷 於 王之世。 篇 國伐齊, ,以割下 而 人國 或 伐 荀 爲四 齊,所 T; 卿 則 平 東 得 湣 齊

大學平義

孔氏爲支流餘裔。師師相傳,不言出自曾記》《緇衣》伯仲,爲七十子後學者所記,于

出 格 以 子 更 或 俯,欲仰 著之于書,以 也 誠 皆 設 定 以爲 知 物 被 其 狂 諸 教 其文,以與之争,則 致 宋 其 (途,則 **《曾子** 初初 (爲儒 世 誤,一以爲缺,舉平日之所 孔 知 則 子, 禪學 即 仰, 未嘗 미 有 家之緒言,記 問》 無能置其 與 是故求之經 爲 特 盛 而莫之違矣。 以爲至德要道 傅 本 行,士 識 曾子立事》 合, 義 之士,發 固 、口矣。 一君子 而 然。 亦 未 典,惟《大學》之 禮 能 不思之過也。 者 寤 習非 人之既深 諸 然 一,而使 之通 暢 于 篇 後 心心, 其旨 心得 勝 欲 非 論,孔 是,一 俯 人必 其 也 于 則 倫

子閒 其 經傳 目 1, 殆非 居》之「五至」、「三無」、皆是也。 周 子》至多,本書《祭統》之「十倫」,《孔 而 後備言之。 古書,凡一篇述數事, 爲二人之辭,而 所以解經也。 其在《逸周 首末相 意者不託之孔 書》《管子》 則 應,實 必 先 今定

> 子 于 則 必必 其 如 道 是而後 不 尊 3 安爾 而 中 引 曾 子 則 又 不 便

九

所據。 《大學》不著何人之言,以爲孔子,義 之」、「孔子曰」、「夫子之言曰」以 門人記孔子之言,必 稱 子日 こ、「子 顯之, 今

然也。 業于孔門,而 驅 政 必 莫之非,所以善用其術,而名分不能顧 文 此 人 心,使之合同 語》之前 無 7,所荅無 其所以爲孔門也。標《大學》以 因乎其人也。 以下,不可以 天 輔 孔 下從之,此 宋儒既 子曰:「中人以上,可以 則 無 牽 乃 一引《中 同 子思則 而 藉《大學》以行其説,慮 傎 化,然 語 宋以 者、聞斯 乎? 其見《論 上也。」 庸》以 其 後門户之争,孔 後 蓋 孫 行 變易孔 欲 也,今以次于《 配 明 語 諸 其説先入乎人 之。 》者,問仁、問 平 判 語 然曾子 氏 上也。 然 非 爲 之義 綱 相 也 其 氏 前 反, 受 孤 中

大 清 故 銘 或 并序 子監生贈 句容 縣 儒 諭

遘 女,以 由 義 歲 編 院 名 者,又百 賜 元見鳳 寧縣 是 親 修。 一指揮 疾 檢討 四 宅常州 安 棄養 以 下 朝 郡 君 君 が、故世 卒。 父謀 使, 帷 知縣 諱 公 爲 餘 飛官恩 誦 祖 興 枝 贅 遂籍武進。 傳 是爲 自儀 ,禮部主客司 習, 生,字 祖弟子、濠梁 許 身遠依外家,非學 一,而 婿,生子 爲望宗。 十餘世, 建者,宜興人,無子,有 靡有晨夜。 承 雍 尚 桂 州 Ē 書 場 鳳 九年 勳。 吏目 慎行以清 與 武進孫氏,凡二侯、 1 君曾 ,先世定 明終始。 郎 衛指 司 应 君念門户 中。 君 祖 月 體素 知 上 除 封 封 從之官所 1 無 節 揮 君 遠 子 清 碩德、 使 以 生十 翰林 中衰 (繼達, 自 羸 17, 林 司 明

知

有六

奉

而

其官。 使其 志。 世。 衢。 達於 法。 君童 也。 身 友汪 年 政 勳舉 歸 柩 星 則君之内 而苦 踰 勳事 年, 君 遠 衍 事 武 以 葬 中爲之銘。 節 歸, 客 通 0 順 進 武 母 1,以諸 可 天 三子皆材,曰 小學,最善爲文,亦 寧君 各袝於其先壠。 以 進 孝謹,喜交友,彊直 刑 鄉 貞,克昌 某原。 奉 試 于 亦没。 生早終,故行迹不傳 孫氏。 妻,下施於孫子者, ,官句容教諭 其 後 詞 厥後,卒以成君之 君妻 其教勳 日 五 星術、 + 許 爲父 四 孺 星衡、 舉於鄉。 有氣 年,星衍 嚴 贈 人攜 立後 君 而 於 以 有 尤 子 可

孔 衣 鼓 夷,疇亢其宗。 在 篋 瘁,二世其昌。 方誦 抱 安桓桓,官有 越 ,帷堂已哭。)嶺浮湘 猗彼文 若體 翩 世功。 〈孫,心 翩 有噭 有 丹旐 牉 其 長 門 君 孤、衰 命促。 中

カル

,崇公之表 封 土 延陵 實 堅 實 好 立 石 旌

修 禊 敘 跋 尾

禊 月,江都汪 敘 》,定武 右 軍 石刻 將 中 軍 審定 五 會 字 稽 題 木 内 字。 損 史 本、乾 琅 琊 隆 義 五十 之《 修 年

第 累之上,故天下古今無 ||楔序|| 今體隸書,以右軍爲 世所存定武本, 爲 第 0 《修 以 禊 第一 此爲第 敘 × 以 0 定 右 斌 重 本 在 書 于 爲

武 别 世 所 者 其 滴 調 藏 失也 嗣 不 修禊敘》别本至多,理宗所 亦 潁 可 具 L 而 峻 本 筆 得 各 色。 致翩 開 見, 有 皇僞 其 無以定 若 翩, 東陽、 體是也。 體 矯若雲中之鶴, 0 其 東 國學二本, 甲 陽 Ż 或 學 今之 集, 勁 秀朗 過是, 俱 故 游 调 定 爲 H

> 刻見之。 彬,然後君子。」持是以論書, 是 : 則 質 其 勝 失 文 也 (則野 媚 一,文 吴 興 勝 臨 質 本 則 史。 是 吾於定武 也 文 質 孔 子

 \Box

也。 何 刻,皆不爾。 改之,筆迹宛然。其 ·夫」字,「斯文」「文」字,皆先書他字, 因」字,「向之」二字,「良可」二字,「悲 從知之? 此非人力所能爲 然中雖 敘中塗改諸字, 能鑑古,使 故知定武是從右軍真蹟 翻 此刻若 刻定武 不 見定武 也 本及别 因 寄 真 所 刻 本 加 託 石 所 後 亦

《蘭亭始末記》云:「帝得帖, 之如 諸貞 更所 在 更之臨 烷虎 此 書 石 定武 其 本,譬之叔 者,中嘗疑 賁 嘉彼士林,乃舍右軍之真蹟, 篤 石 接 刻,出 也,得之如 席 殆不然矣。 敖當 焉 自 歐 此 國,優孟受封, 太宗之於此敘, 陽率 其 難 一更,若 命馮承素、韓 後見 也。 既 何 以 延 爲 中 用 欲 之 郎 愛 率 水

過 敘 等,此則以 前 陽詢自搨之本奪 如 之絶藝,盛 知定武本 觀十年始 通 口 唐太宗韶供 之? ",興到 歐 録 政 疑始釋。 影云 等各 、虞、褚 良有 自宋以 再 搨 搨 乃率更響搨,而 以 右軍之真蹟,太宗之元鑒,率 書,昭陵線 事參會,千載 古稱 數本, ,以分賜 諸 蘭亭敘》武 也。 奉 公,皆臨 來 臨 石刻之佳者,日 真,勒石留之禁中。」然後 ,士大夫萬金巧購, 賜 《蘭亭敘 近臣。」何子楚跋 太子諸 紙 德 搨 人間復 非其手書 相 刀口 時。 》,惟率 \pm 年 尚 入秦 下真 劉 + 時能 Щ 更令歐 于,于 府 餗 漬 何 陰 性 云 嘉 命 更 貞 書

有作僞者,依姜氏之言而爲之, 往見宋番陽姜氏《禊帖偏旁攷》, 即如 取驗 然則牽合 此本, 偏旁,然後知爲定武 正猶 于姜氏者,所謂 青天白 日, ,又何 真 奴 本 1 賤 以

> 目 者 也 姜氏 固 |季咸 所見善者機 忧

同。 文物之盛已。 以來,鮮能及之。 班孟堅論孝宣之治,至于器械 字之類,固 曆,凡四百 ,精神焕發,如 非徒碑 古碑 折 鋒稜 鎸 年,如前 日 師 刻 就 之良,即其石亦美 之工 ()絲豪 刓敝 新 吾于此 以以 三行及「一死生」「 脱手,與 俱 然其 昭 備 刻,亦 陵 存者 爲 、太學 I. 最 貞 以 材 巧 石鼓 觀 知 、元、成 此 也。 點 至 刻 亦 Œ

畫

以 更本學 右 吴兢之舊文,宋子京承用之爾。 率更書 食久」、 軍 率更所 右軍書不 所 「旦夕都邑」二 見定武《修禊敘》結體 出 也。 則 誤矣。 可 《唐書·文苑傳》稱 體。 帖, 高 絶似 識 帖 似 此 率 世 中 率 必 更 ?柳芳、 吾 服 IE

褚 河 南 書學,故與率 -更抗 行。 今潁 F

手 潁上本在定武之上 婢見夫人,以此知定武非率更書也。 之,誠絶世之寶 定,均極精 本之行 書法 ,掩盡天下目」,請爲尚 給事 世 輕纖,于定武 審。 細 尚 書 今歸巴慰祖舍人。 是 也 跋 覆 尾 然比 曹鄴 刻 風力未能學步,乃謂 凡 書誦、 十有六。 王澍 于定武本, 詩云「難將 之。 給 事 中 攷 有 證 董 IF. 曾 元 尚 見 如

歎文 至 書,不應古法 唐,碑刻之存 開元 氏 臨 畫 石之學。 本,則 學 波 所 吾友趙文學魏、江 藏《淳 如 磔 以後,始 皆 鑒爲 固 傳 文學 盡亡。 知」「固」字、「向之」二字、「古 帶 化 摹 于世者,往往有隸書 不可及也。 隸 帖》弟六、弟七、弟八三 失 純 語編修云: 真 法, 乎 也。 今行世諸刻,若非 今體。 與 編修德量,皆深 别刻 編 然中往 修以診 右 迥 南北 軍 雖變 見吴門 朝 1遺意。 中 此 唐 本 隸 初 于 中

> 之書也 字 汩 石柱絶相 没, 「云」字 ௱ 與 不見定武真 魏始平公造像記、梁吴平侯 似。 ,「悲夫」「夫」字,「 因歎 前 本,終不可與論 賢 遺翰、多爲俗 斯文」「文」 刻 神 所

年來, 其有 種 有 所 錦 之留于天壤閒者,將八百年, 識,而紙 之想,固 則他刻不足稱 惟《修禊敘》未嘗留意 人,曾無 數數? 求市,是 據,余又安能 中年十 一二好古識 所積 軸 豪髮之損 墨 無 之飾,則 神 刻 益 遂多。 四五 爾。 在 采 也, 有之! 馬。 如 真之士,爲之表章 即喜蓄金石文字。 當價 固 今年夏,有 新 圃 屬 遂 祖 裝潢潦草 有 以以 云 刻 物之 重連城,爲大力 天 一神物 買得之。念此 爲不 畢世難 幸,每 顯 人持 中閒 護 ·, 無 得定 晦 持 得善本。 遇 遇 凡 題 書 武 跋 重 更 畫 無 然 本 望 使 幾 紙 印

天道 于文 今年 生承 承 旨 ,誠自知稟受有分爾 忌 章 四 旨 年 捎 後 盈,人貴知足,故于科名仕宦 Ŧī. 承 學問 有 五 + 旨 百 有 得 神 年, 獨 而 孤 版三者之福 聲 所 其 長 得 名 本 老本,爲 乃 物 乃 力 五字未損者。 五 百不及承旨 字已損 , 所享已多, 至 大三 者。 一, 泊 中 中

江都縣學增廣生員先考靈表

自 鎬 燿 十五 祐 一、餘姚 遷 祖 京,工詩 中,有承 世。 以 江 日 唐忠 上 都。 應健,壻 縣 一,數世 武 君 ",喜篆籀,名人通 知縣 清者 父曰 將軍 諱 一咸負異材,擅文藝 1、居縣 於鄭重 良澤, 元, 有 華之 惠 字 西之古唐、至 裔 政 善 得 兆 ~,没 繁 刻 初。 士、多 其 于 印 而 書 歙 人尤 配食於社 高 法。 所 而 祖 當 君 交接, 長 不 祖 日 凡 宋 者。 顯。 E 文

> 視其 月卒,蓋以數知之也。 推凡十餘年, 以 筮、聲樂,皆究其微。 舍鬻文教學不 未祭不敢嘗。 事二親,尤順 + 以 君 (),恒 13: 箸畫几算之, 酒 歲 、藁、訖 哺 喬 猶 使世 之。 孺 傅 人,懷君 面 叔 於乾隆十 故 置膝 於其志,親 父佐其勞,不以任君。 與臺官皆 隸學宫二十年, 矜名負 以 既 即得 長而 食。 上。 七月, 其數。 四 嘗使中握粟一溢 弱,孺 淵静 家 年 密 没, 店作而 宿 合。 四 用 好書,星曆、 貧, 月,君實 兀 人彌 時憲 時 君 儒 免, 卒,吾 愛 之食, 人躬 法 憐 無 所 井 母: 逆 苟

側。 能 至 世,然後 图 解 淺,故汲 于心也。 自得, 會文弔喪,咸置于抱,一 中生凡七歲,寢息 知君 汲 鄉 用之,惟恐其不盡 黨僚 于 君遺 中 父子之恩至深, 友,莫不異之。 書三簏,朱墨 /嬉遊, 食不甘, 未嘗 即 遍其上, 迨 而 不 君 在 君 亦 爲 輒 即 君 H 图

明,天既嗇 遂 所 ,以君爲窮焉 無 手 于後世。 書 以 又 知 君 之以 蓋依古以來,士之懷道 篋 所 位與年,並其言論文采, 學。 年 饑, 君 立 家 身 室 流 行 散 道 無 並 ൬ 愧 不 佚 遇 组织

孫。 生、二庚殤。 家 橋 事,流 後三十有八年,吾 , 袝祖父母之右。子二: 君之卒年 涕而 女二,適 ·四十有二,葬縣 書之石 二, 曰 黄 母將葬於是, 八塾、畢 : 北 中,選拔 合。 大儀 摭 孫 鄉 君 貢 葉

修、名遇 粤有君子,哲而 不 尚 寡笑 其無朽。 副。 與言,希接 棲 遲 E 下 一隻。 里, 世 冥没 雅 務。 步 中 嶷 殖 行 百 君

先 1 鄒 孺 人靈 表

母 誱 維 貞, 先 世 無 錫 人。 明 末 遷 江

置,母 饑,乃 身,月 於處士 子 得 皆來同爨。 孺 姊守舍, 止 且 叔父益貧,久之散 女各二,室無 子始爲 有恩,家事 日 都 相 緝 於屏後聽 人蚤没,處士衰 君 凡 食, 鼐 擁, 席 屨以 中不 蕩 曰:「焉 七支,其 地 君 母母 贅 然無 攜 不 歸 爲 壻。 寝者 自 其 割别室奉 以治。及歸於汪,汪故貧,先 則 中 張 之,由 食、猶 先君子羸病,不 意 所託 藉 及 左 孺 童 有爲人婦 六 世父將鬻其 全 無 藁 妹 恒 人。 婢, 皆 耗,母 思與子女相保。 是 命矣。 濟。 壁, 傫 於 去。 過 絶 飲食 焉。 半。 塾 然白 地。 處 覆 中 故 比 母 士授學於 不事 盡 之以苫。 已 上 見是 於親 諸書皆成 再徙北 先 衣 教 每 心奉養,撫 而 冬夜 其 屨, 治 宅,先主 君子下世 女弟子數 舅姑者 世叔父數 譜 光 生,母 故,率日 咸 則 號 城, 家 日 直歲 取 誦 具 生子 欣 常 無 所 母 父 世世 君 弟 使 所

畢尚書母張太夫人神祠之銘 并序

甘旨之 有 起 生 望 鳴 焉 呼 痛 母 治 哉 百 中 病 人學官 交 攻, 緜 游 歷 藝 歲 四 年 方 稍 致 致

也。 況 也。 雖 論其 乖,人事之湮鬱,蓋終其 苦操勞、中苦饑乏、老苦疾疢、重以天屬之 素强 九 所 死 + 在 君子之墓。 以 推剥、金 不不 鳴 中 流 顧 保 月 母 家 念。 忠質 其 辛 獲 呼 壽 離 呼 子 沂 後 再 \overline{H} 1 告終,不得 醫 撫 ,後之人尚保其封樹。 方中 慈祥,生平 造,而積苦以 朔卒, 石 生我之恩,送 藥。 汪 嗚 其 其哀子中 氏 可銷,況 呼 遺孤,至於成 幼時 節 計母生七十有六年, 痛 明 母 哉 年三月戊 謂 ,三族無見卹者。 無妄言,接下以 泣 (身尠 于血 其 此 隕身,行路 m 死 天 焉 爲之表,曰: 之戚。人所 乾隆 年之止 氣 一日之歡焉。 其 V O 寅,合葬於 五 故吾 母稟氣 傷之, 十二 于是 同 母 母

> 賜。 此, 談,而 洋 家」。 鬻其子,爲國之楨 有 召見於 文 畢 稱 可謂孝已。」 學,諸經多 凡今之得 惟 善揚名之志。 尚 上動容稱善, 嘉太夫 史臣 或 公行在 乾 書 人 隆 時 皆 具書於 具 四 居 稱 十五 母 以受恩陳 其 陳 願 張 單 ,用是手書旌 П 焉, 策, 水忠 其 年,天 「授,且 太 門早孤 文凡四, 夫人憂, 曰:「幸哉, 力者,皆 人之懿節 子 養且 少, 母 錫 省 類 之,以 日 故 在 方 教 南 名家女, 里 ,至於成 母氏 有 以 經 門, 土 爲 訓 成 能 克 尚 勤

御 本 巖 成 書,其西爲祠 閉門誦習,歲且十 初, 策名之所由 尚書以 ,共太夫人 太夫 爰闢 人命 稔。 祀 舊 及兹 居 館 事 旲 、築樓 拜命, 縣 既成, 西 之 乃 推

功 銘 其 ,其策命之詞 麗 牲 所命北 之 石 必 面 中 稱 惟 再拜稽首,受書 其 古 祖 者 一父,以 爵 有 德 明 世 而 選 禄

法,以 70 謂 榮君之命,而昭太夫人之德,祭之以禮 祀 年永寶用享。 先 之德善、功烈、勳勞、慶賞、聲名, 歸,而舍奠于其廟 爾勞之美。 有 中 之孝,於法宜 祖 姜嫄、《春秋》仲子考宫之義,爲 ,以對揚 及其車 祀先世祖考,又緣《魯頌 服戈帶之賜,并著於銘, 天子丕揚休命,而俾子 尚書本自休 銘 ,作彝器 以 寧, 論譔 認 既 循 是祠 列 其 宫》 孫 其 祀 于 先 是 以 别 萬 其 天 衵

巛 巡 中 撫 撫 憲 禄 有八。 陜 泂 大 大夫分巡雲南 太夫人世居吴縣,丘 大夫、兵 西 南 E兼提 之三年,太夫人卒于官所,春 子三,長即尚書,次員外瀧 部侍郎 督 軍門諱 迤 兼 西道 都察 鏞之室。 江 諱 院 縣 某 知 右 之 縣、 女 都御史、 尚書 秋 始 鱛

> 備 知 書 縣 某 銘 日 凡 官 閥 言 行, 皆 載 於 墓 碑, 故

明詩 堂。 正。 興,必開 松 肱,實女之訓 玉 是以克家,其占大吉。 材,居用勿遷。 有教,瞽宗上庠。嗟我 有 淪 國資其寶,民食其利。 尚書,揚于王庭。 瀾 有 爾音。季興賢 藐 大波 禮。 諸 嘉薦 柏。寢 天子曰咨,女維 維春維夏,是誦 緬 孤,時無 其先。 彼 言恤其 維 江 如 成成孔 時,籩豆静修。 河 舞。 地道無 畢氏之東, 訓行於子,功被於世。 於翁。猗嗟 安,維神其宅。 能 家、言訓其子。 其 感彼 庇我 中 出 淑 是弦。 有 隕 仲氏 成,内言不出 羣生, 師 寒泉,興 奕奕靈 慎。 鳴琴。 源 氏,横經北 時 女師 高 維 子 來 四 有 族 蹈, 弱宗。 Щ 若古 太湖 子 有 或 姓 顯 有 是 允 股 偂

不

施 水水我 榮。 寧, 周 道。 孫子,維以興孝。 福 春 禄 循 秋。 彼 既 南 成。 君則有 陔 (),載 百 年 恩, 言載笑。 秩 有 秩 母 期, 魚 則 軒 有 以 哀 室 有

台氏春秋序代畢尚書作

之。 諸 善 明 君 訓 時 合吕 既成,爲之序曰 ,各有校本,爰輯爲 刻 侍 氏 郎、仁 春 循 1秋》, 覽 既 和 世 久 盧學士並好是書,及 () 輒 無善 有所是正。 本。 編 余向 m 屬學 所 于 司 時

猶水 理 子 術 之説 火之相反也。 及比 周官失 以明其學,莫不持之有故,言之成 而 兼 同之,則仁之與義,敬之與和 有之。 其職,而諸子之學 最後《吕氏春秋》出 故《勸學》《尊師 以 興, 各 誣 則 擇

王者。 篇,而 《適音》一作《和樂》。 《貴生》情欲》、盡數》、審分》、君守》五 徒》一作《詆 有牴牾者,《振亂》《禁塞》《大樂》三篇 篇,皆農桑樹 謀、形勢二家也。 選》《決勝》《愛士》七篇,皆論兵, 作《用兵》。 尚清浄養生之術,則道家流 疑劉向所得,亦有采及諸 義》所引。 别得《樂記》二十三篇。 教學之方,與《學記》表裏。 紀》 (墨子》非攻、救守及非樂爲過, 制樂》,皆論 其他篇名載在《别録》者,惟見于《正 發 凡此 《振亂》 明明堂禮 按本書《適音》篇《樂記》載之。 諸篇, 樂。 藝之事,則農家者流 《善學》一作 《上農》《任地》《辨土》三 禁塞》、懷龍》、論威 《藝文志》言劉 則六藝之遺文也。 《古樂》《音律》《音 則明堂 今《樂記》有其 子 常用 《大樂》《侈 也。 ,同于河閒 陰陽之學也。 衆》。 《蕩兵》 而《當 向 四 則 也。 校 篇 兵 初 皆 其 獻

篇全 解見某書者,于本書能觀 觀表》二篇, 之學; 取《 墨 》,《應言 甚者吴起之去 事 兩 見。 其會通 惟有《始覽》所 司 馬 西 喜 河 爾 事 則 長見》 深 重

《藝文志》列之雜家、良有以也。 不出 者 賴 爲 其文字異同, 則本書已亡,而先哲之話言,前古之佚事 摭,今見于周漢諸書者,十不及 序其著書之意,以質之諸君子,幸正教之。 後世《修文御覽》《華林徧略》之所託始。 此 可 備 于 以懲馬 以 天 司 미 地 傳 馬遷謂不韋使其客人人著所 一人之手,故不名一家之學,而 喜 萬物古今之事 于 可 後世,其善者可 已注于篇 觀 亦有 庶 閶 幾乎 里小 中,兹 0 立言不 智,一意采奇詞 然則是書之成, 以 不復及。 勸,其不 三四,其 然其所采 朽者矣。 聞,以 餘 爲 善

江 陵 萬 城 堤 鐵 牛 銘 并序 代

沅,大築萬城堤 命 鎮之。既成,銘 大學 乾隆 土 一誠 五 十三三 謀 E 英 以 年六 爲 勇 之防, 公阿 月 江 桂 且 陵 鑄 湖 水 鐵 廣 溢 4 總 九 督 皇帝

陂。 雷淵 材,以 天明威,以 然大件。 同 美。 鑄 九 鉅防槃槃,既築 神 鼎 口 其用。 纉 西 知 肅 安流 禹成功,南國之紀。 姦 峽 白 百物是 委波,雲奔 靈。 東 相 爾欣 注 罔 既 象陽侯,盱 犌,實 宜 夏后 楗 山 穆 道 有 動。 秉 4 穆 江 金 我皇, 睢 馮 帝 精 卻 焉 制 明 既 五 嶷

〇八

毫 州 渦 水堤銘 并序 代亳州 知 州 今任 鳳陽 府

知

江 恂

旅 憂,無離散之苦。 坐 西 自城 於 土 踰 以 П 有 鹿邑,東至 、南之田 防也。● 今立堤於 ,乃集其 年 注 丽 百 0 貨 仰 以 於 水北之人,得 渦之北 乾 水 食,將 外, 之所湊。 隆 宿 是其 四 可得 僚 爲保八十有 不 方殫 -不 佐士庶謀 州首受其水, 一於蒙 去。 地於三垂爲大,且 可 而 爲 年, 泂 於時 食 繼、任之以 水不壞城 資 城, 河, 復 八以養。 河 渦陰, 水 故道 一,而 渦貫 特渦 日 決 涸 儀 儀 H 而 徵 北 「州之域,西 水 其中若帶然。 以 留 + 事 在 封 + 廬 江 循 堤 萬之衆,安 洩之,是 考城 闁 ,無攘奪之 沃 渦 城 恂 堤而 南者, 以 之外,商 ,其收自 郭 州治 待 罪 由 不 五

> 設 日 險 重 閉 市 里 不 恐 是 有 五 利 焉 Ö 則

> > 皆

然知 南境 越月 爲之崇。 策。 日 Ŧ 水 河 慮其 理 剛 河 孫,匠 大穫, ,時以 水水 堤之利 如 礓 庸 礓 二月之吉, 事; 志。 ,是祝是饗。 監 溜 溜 百九十 復大至,浸及堤之半,邑以 東自 于 爲 舉州食之不能盡 人因 興 隨 也。 堤,西抵楊家橋 成 其 大 事 水 支家林至季家灣 廣 丈。 憲,則罔 天 其 下小上 年穀順成。衆 委宛,長千五 口 四 勢 地 以 丈,外閷半 盡 營室昏 和 然 亳之竟,與 敬 調 有 游 遠 愆 波 仲 日 接 。於是亳人曠 E 寬 作 版 中 乃 飽 百 之,以其 役 於 ,西自草寺 緩 幹 其 而 而 不踰 渦 八 待詔 占 鹿 畚 永, 功 嬉 十丈。 安堵 邑、長 爲 後 功。 閷 陳 地 墳

至

是

其 阞 獵

面

可

自

 $\overline{\mathcal{H}}$

與

不可 防 方 濬 頤 校 勘 記 云 初初 刻 本 作「不

廣 故 與 任 勿與 力 皆 而 視 知 不 前 焉 勞, 堤 施 富 財 衞 而 其 不 居, -費、後 貧 利 雖 其 有 食 水

州,遂爲文紀其 勤 辭 毫之民與後之守是土者, 方 國、蒙恩召 矜 至, 輒假 其 疆 河 、四體, 之吏, 日 面 民 容, 始災,出 能 惟天子惠保庶民, 日 無 事之褒,章 便宜 大懼 奉宣 有 望之福,愧於非 見。 人二 賞 一德意, ,發粟與帑,以 [隕越, 譽。 曾不浹月,連擢 八功日 一載,所 於 東堤 以 無 財用、遠邇基址、以 王 振貸 速 敢 恤 既 言。 官 不 |然若 而係之以銘 據。 成, 共。 刑。 急民 以 明 大 將 據 右職,遂 既 年 萬 命。 當水之始 而 不 以入告 將 · 省 恂 計 及。 去 方 展 大府 南 是 其 告 忝 布 挂 自

鴈 死 厥 何 所 河 Œ 水 一兕虎。 洋洋洋, 集于 爰 中 溢 八爲 澤 於 大防, 離 南 士。 彼 以 曠 哀 古 野 我 吾 殫 関 圉 44 鴻 洮 百

> 爲 饒 浦 抱 堵 以 民 若 既 是涸 弓輪 母 興 生以聚。 式 是 歲 歌 深,長 埤 折 且 增 用 舞 參 之,柏 刻此詞 我 伍 父 禾 誡 黍。 明 楊 ,俾紹厥後。 兄 神 是樹。 勉 官不失職, 相 之,於渦 應 我 民 得 其

釋印

背 府 諸 言 某 員 元 年月,一太平三 寸, 管 乎 、明之軍,以言乎一 日 俱正三品; 「中書禮 號 漢之軍,以言乎一營也。 黄 軍七千之上,達 徑 道 Щ 也。 某 民 也。 70 治 部 萬 地, 一年月。 監造」,二印同。 文 宋之軍,以言 户府」, 副 獲 萬 銅印 一人也。 魯 户一員,從三品 管軍 江都 花 元 官。 赤 汪中釋之日 萬 一,外員 户 管軍」者,元 乎一州 唐之軍,以 員,萬户 有 府 一治平 内 上萬 印, 方 户 其 韋

밂 員,從四品 萬 書省終元世如故 書省屬官。 御史臺,領中書禮部者,元制也 田、他手萬 明之諸衛、實仿 員,萬 户 員, 俱 府, 下萬 管軍五千之上,達魯花 户一員,俱從三品, 户 户 元世尚書省凡三置三罷 從三品 、府,管軍三千之上 府,名 其 官 ,故禮部屬于中書 其 八法。 皆世襲,有功則 號至多 副 其蒙古諸 萬 户 則隸樞密院、 一員 達魯花 赤一員, 副 也 禮部,尚 路及屯 萬 八升之。 Œ 而 中 赤 萬 四

水爲 既 其三年當至正之十三年,歲 煇 事 帝及 煇 同 都, 至正十 所 日 僭 「治平三年」者,羅 日 國號天完,僭稱皇帝,改元治平, I 傷 諸 文 若 制,其 年 則 國 鄒 壽 十月僭號,十 勝爲 無以「太平」紀年者, 置 煇 萬 古 太 户 嘗 田 師, 以 無 在 人徐壽 是改年與 陳 三年十二月 足 丙 友諒 型 戌也。元 耳。 爲 據 V 印

> 弑。 蘄水 製之異,蓋亦别于官印與? 爲都,迎壽煇居之。 死,凡十年。至正十九年,陳 是時,史無 建僞都 徹普化軍 江 遁走。 若改元于江州,不得有三 浙 行 于 省 漢陽、迎壽煇據之,其改元 復據 文以 Y 十五 章 漢 知 年 事][之矣。 伯 Œ 越五 月 顔 明 ,其將倪 帖木兒等所敗 月, 年正 煇 而 友 年 月, 自 諒 矣。 文俊 起 友 以 倪 兵 其 諒 江 必 文 敗 形 俊 所 州 至 在 寬 棄

自序

焉。 之遺 三同 秀出,斯惟天至,非由 ,未足多矜。 動, 四 夫亮節 昔 異 劉 喻我生之靡 後 慷慨,率性 ·標自 世誦 余玄髮未艾,野 序 其言 平生, 樂,異同之故,猶 而 IIII 人力。 悲之。 行 以 博 爲 比 性難馴, 極羣書, 雖情符曩 嘗綜 迹 敬 平原 可 文

凡 鹿 此 同 游 四 科 不 無 嫌 勞 擯 舉 斥 例 9 商 瞿 生 子 9 經 口 遺

終成 裹 司 戚 里 室 牧 栖 餘 夕 關 也 半 無 煩言于乞火, 豕 尋 權 溝 劉 生 心 孝標嬰 道 Ш 一、鬼伯 水 寶 負 臨 飽 轗 標 新 余久 此二 軻; 水 無 年失怙, 夙 在 余幼 永 時 嬰羸 極 門, 歷 臁 同 家構衅 余受 目 此 罹 艱 也。 四 鰥 傷 疾 屯 窮 藐 序非 魚 詐 同 心, 生生 割 是 于 孝 慮 嗟 興 也。 流 蒸棃,蹀躞 標 我 非 其 損 人 多能 離 悲 自 道 天 不 此 孝標 少 勃 年 則 盡 鄙 瞑 託 四 恨 春 至 谿 足 事 同 悍 桐 長 東 累 桑 也 朝 此 枝 余 歲 門 西 在 惟 藥 秋 戚 舂

零 華之宫, 異 有 1,顧 也。 餘 標生 人,兄典方 景 孝 置酒 無 標 自 儔 倦 將 睢 游 家 白 陽之苑 州 屋 期 餘 楚 藜 功 光 兩 以 在 事 饋 上 壁黄 壁; 英 而 E 不 金 朝 余衰 列 賦 宗 者 此

> 狀, 之選 此 寫 也 余卑 東 苴 傭 余 時,子雲見 命 H 天讒 東 陽 禮 四 書 異 9 孝標身 棲 絶 陵之上 步才蹈 余著 端 倡 安 也 司 塵 成 間 車 優 居 命 俗 書五 知 訊 同 耳 類 遺 一,生重 降志! 淪 孝標 荆 赤 後 未 苑 不 畜 # 道 車 世 口 生 通 之 棘 顯 百 履 一,昔 鴻 燒 義 辱身,乞食餓鴟之餘 9 己 編 籍 數窮覆 此 里 圃 道 城 輕,望實交隕 冥 生,此 長 聞 之 笑齒 貞 或 蟬 甚 一異也。 裾 長 其 吉, 門 蜕 當 瓿 五 屢 語 一時,高 可 長 再 啼 曳 異 不 物 縣 命 今無 顔 忧 Ŧ 外 孝 卿 () 此三 世 都 齋學 標 天 恨 盡 余 其 全 議 高 成 不 争 皇 異 同 寄 蹈 苟

目 下 酷 辰 安在 瞑意倦,聊復書之。 有 余于 乎 實 天 . 命 衢 孝標,抑 不 敬 同。 通 秋茶之甘 窮 勞者自 又不 矣。 逮 孝 歌 或 標 是知 云 比 非 如 之, 求 九 傾 淵 則 加

噫歆 邪? 其言 害,是《小雅》之旨 天之降罰 動 指 傳之都下,寫左思之賦本。 不忍,而飾之以文藻。當人心肅 也 字千金者矣。或疑中方學古之道 之時,爲之發其哀矜痛苦, 事 若夫污爲故楮,識李華之精 必期於有用, 類 ,散其冤抑之氣,使人無 中早學六義,又好 激 荅曰: 哀鹽船文》者, 又末而 哀音于變徵,可謂 情 ·。 且関 ,申其雅志。 無足數也。 中目擊異災,迫于其 死者之無辜,而 也。 若此 江都汪中之所作 采遺 深 君 文,將何用 驚 湛 子故有 文章遇 心動 之思 製 派逢其 和 而 子《大 然 思 吁 不 世 合 取 555 嗟 所 忘 震

> 是時鹽 東江 轉運半天下焉,惟儀徵綰其 火,壞船百有三十,焚及 而 駿序 乾隆三十五年十二月乙卯,儀徵鹽 立,望之隱若城 綱皆直達,東自泰州 郭。 溺 死 Ц 西 者

爲枯腊

烈烈厄運

,可不悲邪!

夕併命,

列檣

蔽

極

于漢

陽,

干

有

四

白

船

決。 光一灼,百舫盡 也,有火作焉。 夜漏始下,驚飈 凝,寒威凜慄。黑眚拔來,陽光西匿 下碇,乃焚如以 蒸雲氣以爲霞,炙陰崖 飽方嬉,歌咢宴食。 未 絶 大聲發于空廓,而 于 痛暑田 時 倏陽燄之騰高,鼓 玄冥告成,萬物休息。 田 行,狂 赤。 俱 勃 摩木自生,星星如 没。 發。 呼氣竭。 死氣交纏,視 青 烟睒 水波 而 萬 跳 焦爇。 一竅 躑 Ш 睒,熛若沃雪。 火 奴 腥 轉 <u>\\</u> 側 風 中,明見 吗,地脈 始連檝 張皇 ・于斯 而 面惟墨。 窮陰 血 咉。 以 炎 時 涸

DIG

嗟 者 言而以 撫 地。 于海 疾。 流 隮 濡 游 又或擇音 喪之威,從 洎 貍首之殘形,聚誰 一、愁流 如 以 氛 瞬 圃 埃 卷 浹辰 積哀怨 終墜。 抔,辨焚餘之白骨。 霧之 不 而 衣 繒 意。 絶。 障 〜

險 m 人世 日 敗 重 無門,投身急瀨。 者如 若其 并 以 侕 目 于靈臺,乘精 逃 絮 開 亦有没者善游,操舟若 有仁。 思濟。 以 盈 睊 行當午而迷方 灼爛 、玦。 遂 眦。 長 墨查炭屑。 、焚剥支離,漫漶莫别 睊 聲 訣。 而 之須 旋入雷淵,并爲波臣。 積埃填 銷 訴 挾驚浪 何 猶 强死 而 發 圃 嗚 視。 爽 臾,乃同 冤氣 形 同穴! 呼 竅, 擺指失節。 圃 滅 浮 之悲心,口 以 ,揚沙礫之嫖 哀哉 知蹈 知 爲 雷 江 天 厲 齊 奔,勢若 丽 屬 歸 收 水之必 神。 Ŧ 下, 之 乎 出 命 來 不 灰 寒 死 景

絶氣 且 夫衆 寢牀。 生 乘化,是云 以 死衞上,用 一天常。 登明 妻孥 堂。

> 狐祥 祀。 也 相 悽鬼 絶。 天 而 M 乎 無 依 邪 不 ? 爲 尚 何 懲 語 麥飯 强 丽 妖祟。 辜 飲 無 夫何爲而至于此極哉 祀 騰哀而屬路。 强食,馮其氣類。 守哭地 壶 主。 爲 一漿, 臨 人逢其 此 或 悲 冤 殤 邅 夫 横 江 心 兹 鳴 X 期冥遇。 也 或舉 叢冢 一也邪? 咽 游 無 魂不 名 族 有 尚羣遊之樂, 日 **墮**天 坎,泰属 之沈波, 歸 又 惟血嗣 天降其酷 ,居人心 非 香, 其 命 有 終 之 悽

大 故 戜 子 監生洪君妻 銘

母。 也 縣 諱 始洪 斆 既 母 乾 蔣 月 隆 淳 氏 之女,國 將 氏 刀 + 葬 以行義毀其家,母 世 以書來請 爲 年 子監生洪 武 十月, 進 人, 誌其 友 雲南 君 墓。 洪 諱 歸十餘歲 嶍 翹之室人 禮 誌 峨 吉喪 知 其

禮吉 子泣 見之 及父 遇 某 能 翼 處。 IIII 故 即 日 州 寡,母以子迪吉爲之後,返諸 有 死 : 吉 其 盛 者數過其家,母曰:「是非端士,緩 自 年 監 變。」及母卒,某竟 其 饑,或 生卒,家 奔 棺 聰 督禮吉葬其) 輒怒,曰:「一衣尚隨俗遷轉,他 時 嚴 不 願此 「吾三女皆有壻,二子婦 善。 1 食 喪 舉 制 而 者皆在 有法。 遭 度。 也 聰 其 自 則母 十人者皆得 没,一],有過 監 事 益 屑 吉所與友,必請 生 禮吉客外久,衣或更其式 窘。 亦泣 糠覈食之, 9 侧, 凡爲子作衣,必如其大父 三世七棺。 在殯、比 聞者 一子年 禮 母 惟 焉 不 義之。 忍死撫其子女。 禮 四十 侍 母 · 赴 弔。 吉 户失火, 知 悲 我,乃不恨。」及 而 逐食 ·不能 夫! 書明大義,教 初,監 以食食其子, 于母。 家 先是,母 事 娣 而 於處 服娶,母 我 母之卒 婦 聰 與 生 謹 之 與 余 急 冒 里 斥 水 寫 早 Ħ 何 我 涌

> 年六十有三。 其葬在某山某 原 銘 日

哀。 婦有 之毁,在生猶死。及子之才,宜樂反 吉,於身爲凶。 日月有 堅冰苦蘖,銷我盛年。孝子媞媞, 百女師,視此貞石。 居傷 殄我 孺。 懿 維 貌 白 一身,延我 孤 碩 日 幽 嫠室惸惸,百憂孔 泉,迫我前路。 蚤罹百辜。 一宗。 時,依其同室 於家 當家 悼 我 有

瞍 説

《左氏傳》《孟子》《吕 皆 官 至。』《左氏傳》 頌》謂之「矇瞍」。 . 瞽矇》有「上瞽」、「中瞽」、「下瞽」、《 舜之父見 瞽 瞍 師 於《 此 曠 \sim 非 堯 周 曰:「吾驟歌北風,又 其 氏 典》者, 語》曰: 名, 春秋》《韓非 :「瞽告有 乃 日 官 也。 子 IIII 協 \sim 風 周 則

擊石 者子」,失之矣。 其據也。唐虞之際,官而不名者三: 所爲瑟,益之八弦,以爲二十三弦之瑟。」是 也,共工也,瞽也。 『大章』,以祭上帝。舜立仰延,乃拌瞽瞍之 瞍乃拌五弦之瑟,作爲十五弦之瑟,命之曰 命質爲樂。質乃效山林谿谷之音以歌。 也。《吕氏春秋·古樂》篇曰:「帝堯立,乃 虞夏之后夔矣,不必其父子祖孫皆有廢 違命。」然則瞽之掌樂,固世官而宿其業,若 生者也。」《左氏傳》曰:「自 南 質當爲「變」。乃以麋輅置缶而鼓之,乃拊石 風 以象上帝玉 』《鄭 (語))日 : 磬之音,以 「虞幕: 司馬子長易其文,曰「盲 能 聽協 幕至 致舞百獸。 風以成樂物 一于瞽 1艘, 四岳 注 疾

嬪 于虞 解

嬪, ,婦也。 虞,國名,其君瞽瞍也。 舜

> 之。 此同。 四岳 于周 後婦 告而 爲 然則瞽瞍之君虞,明矣。 出 日 道成 0 取 史伯曰「虞幕」,若「晉重 子,居于嬀 諸侯以國爲氏,公子體君,亦得稱 「虞舜」、若「鄭子華」、「吴季札」矣。 也。 日嬪于京。」先言嫁,後言嬪,義 為 . . 既 嫁 故曰「嬪」。 汭 而 就虞, 堯以二女女之,所謂 《詩》曰:「來 以見于舅姑, 」、「魯申」矣。 與 嫁 不

王 基 碑 跋 尾

字,餘皆二十一字。 方尚未開鑿,出土之日,朱書粲然,郃陽 字,第九行九格,止十二字,第十四 于 洛陽土中,凡十九行。 魏 東武 景侯 王基碑 碑 字裁刻下方, 殘文,乾 前三行行二 隆 初 行 + 其 紀出 F

本。 湫 略。 鄭義 于鄭 \pm 康成之卒,凡六十二年,其 官 魏志》但言人琅琊界游學 臣 見 氏 事 文 謙 世敘述 出 君,非 爲 于 按 常常 蹟 者 所 按基之卒在景元二年,上距建安五 碑云口 之大夫。 関 自 悉 親 與 遂致 世系,已多傅會,殆未可信也。 見。 王子成父,錢少詹 元 王 親炙也。《後漢書》特以基據 與傳合,惟卒年七十二,爲 年 肅 孫湫 滅没,深 脯 傳,是時 馮 抗 I)衡,遂 違 人 商言張湯與 難,爲萊 止知椎 口 萊 列 借借 猶 基 時基財十 爲 也 事 未 拓 于門人,不 得實。 大夫」,仲孫 以 (留侯 滅, 碑 爲 無 無緣 所 必 有 同 歲 有 中 碑 録 祖 所 沭 若 持 其 年 所 其 歷

老子攷異

孔 子 史記 適 . 周 孔 問 子世 禮 蓋 家 見老子 **》**云: 芸。 南 官 敬 \wedge 老莊 叔 與

矣。 日: 兀 申 惟 中 于 族 信之薄,而亂之首也。」下殤之葬,稱引周、 其 子。」按老子言行,今見于《曾子 有人晉,《左傳》昭二十年。 又云:「周守藏室之史也。」按周室既東、辛 本傳云:「老子,楚苦縣 鈔》亦疑之,而皆無以輔其説,其疑 召、史佚,其尊信前哲也 而 ,周,其 謹 阻 遇 ,是孔子之所從學者, 韓 在瞽史,其 故鄭注謂古壽考者之稱。 一又非 史角在 日 于禮也如是。 列 流 「聖人不死,大盜不止。」彼此乖違甚 食,然且以見星爲嫌 傳》云: 他 播 魯、鄭 于 古 魯。 四方 人並世官 無 《吕氏春秋·當染》篇。 聞 「孔子適 之比。 列 焉。 至其 國之産,惟晉悼嘗 司馬適秦、《太史公自 属鄉 宿業, (書則 況楚之于 且古 一如是。 可信也。 周, ,止柩以聽變, 曲 F 之典籍 將 仁里人也。 黄東發《日 問 旅 而 問》 周 禮者 夫 禮 王官之 其 無 ,聲教 一也。 助 者 書 于 所 忠忠 老 則 凡

子也。」身爲王官,不可謂隱,其疑三也。其身,其疑二也。本傳又云:「老子,隱君

國。 之老子 列 于 子·説符》篇文同。 篇與《列子 \equiv 歸 與 H 本》作「閔公」,其 誠》篇引《老子》曰:「秦、楚、燕、魏之歌 精誠》 本書。 載 尹子之年世 侯二 ·秦、楚、魏并稱,則老子已及見文公之始 距 而皆樂。」按燕終春秋之世,不通盟 《燕世 列 今按 六國爲 孔子之殁,凡 , 其 年, 桓公子 子 篇 • 黄帝》篇文同。《吕氏春秋 一家》有 《六國表》鄭 與關 從,與 《列子·黄帝》、《説 稱 年世 E 亦稱 〈事蹟不見于《左氏春秋》,不得謂 燕 兩文公。 距 既 文子所稱 尹 自文 文公,司 亦 孔 面 可 子荅問之語。 百二十六年。 列 子之没 從 攷 侯之後,始與冠帶 武公子文公,《索隱 子與鄭子陽同 可 m 殺其 馬遷 時 知矣。 知,則 勢 稱其予車馬金帛以至 E 2,凡八 和駟 合 審己》篇與 符》二篇,凡 爲關尹著書 《莊子・達 《文子 子陽,在韓 文公元年 老子以 十二年。 時 引 始與冠 《世 之 **列** 燕 生

及見其 年,上 運 死也, 見 苑 師之老子,不 子之弟子,而及見子 云 楊 强 吾言當矣。」然則 江東讀朱如居。張湛注《列子》云「朱字子 『端木叔,狂人也,辱其祖矣。』段干生 一端木叔,達人也,德過其 楊朱》篇禽子曰: ,則子言當矣。 諸掌。 其王,則朱所師 矣。 五 • 朱事、《莊子・寓言》篇文同、惟以朱作「子居」。 车。 「端木叔者,子貢之世也。」又云: 政理》篇: 距 無瘞埋之資。」又云:「禽滑 侯 又魏之建 孔子之殁,凡百十八年,楊 矣。 梁之稱 而老子以之 《列子·黄帝》篇 得 楊朱 朱固老子之弟子 國 Ŧ, 以 與 事之老子,其年 「以子之言問 吾言問 貢之孫之死,則 1 71 與三國 自 見梁王,言治 距 惠 子 祖矣。』、朱 孔 Ŧ 司 大 子之殁 丛 禹、 時 ,則老子 載老子 也。 老聃 居 墨翟 惠 朱 天 釐 也 -,非 爲 王 朱 凡 下 「其 及 元 説 所 老 教 如 調 也 又 則

知矣。

爲周 萬 以 滴 開 公孫 獻公二十一年, 崤 之世,二崤 函谷爲是。 抱 後 水 秦 遠 朴子》以爲 公數世 守藏之史,言與 惟賈誼 之道 由是言之,孔 座。 之固」,則是舊 在 二十三年, 傳云:「 岐 關 然則是 州 '猶爲晉地,桃林之塞,詹瑕 中 函谷 三 新 衰,至獻 尹又與 秦函 散關, 見周 書 之置 與 與 關 子所問 • 谷 魏、晉戰 晉 有其地矣。 行 過 之置,實在 之 又以爲函 弱 鄭之列子相 ,書無明文。 戰 公而始大。 則《曾子問》所 秦》篇云「秦孝 衰, 在 禮者、聃也、其 于石門, 靈 乃 少梁, 寶 遂 谷關 縣 獻 秦 去 接, 公 當 虜 斬 自 īE. 故 至 之 其 首 躁 公據 載 本 實 FL 則 當 歸 按 將 紀 懷 守 子 以 周 散

肆

矣。

年,去魏文侯之殁十三年,而老子之子宗周太史儋見秦獻公,本紀在獻公十一

將段干子請予秦南陽以和。」《國策》: 爲 至關之事。 百一十年。 五千餘言者,儋也,其入秦見獻公,即 ·四年,白起擊魏華陽軍。」按是時上 魏將, ,明年,將 封 使段干崇割地 則爲儋之子無疑。 于 本傳云「或曰儋即老子」,其 段干。 丽 魏世 講。」《六國表》:「秦昭王 加 「華軍之戰 距孔子之卒,凡二 「安 言道德之意 釐 \pm 冱 魏 去周 年, 不 魏

篇 策 萊 心 書 禮 之文正合。老萊子之爲楚人,又 本傳老子 而 傳》亦載其説,而所云貧而 與淫志 》載老萊子教 子 老聃之爲楚人,則又因老萊子而誤。 • 以爲老萊子語子思,而《説 · 衞將軍文子》篇、《史記·仲 謂 藝文志》, 至 孔 孔 語孔 子:「去汝 」,而《莊 子稱 子「去子之驕 蓋 老萊 孔子語,《 即 子·外物》篇 苦縣 躬矜 子,今 厲 與 孔 樂者,與 鄉 汝 苑・ 叢 色 見 曲 子 容 與 則 于 尼 知。」《 敬慎 多 E 弟子 見 隱君 ^ 抗 欲 里 : 太 ^ 也。 或 漠 故 子 傅 列

子西 之言,率原于道德之意。 秋。離謂》篇: 容之間 則 舊矣,實則三人不相蒙也。 人,老子 繆稱訓》 以 一樅,音近而誤。《淮 已自揭之矣。 [藏書 爲 」,高誘注: 所從學也。 「老子學商容,見舌 樅 于周室,尤誤後人。 「箕子、商容以此窮。」注: 教 「商容、殷之賢人、老子師 老子。《吕氏春 然則老 南•主術訓》「表商容之間」注 萊子之稱老子 而《天道》篇載孔 而 知守柔矣。」《吕氏 若莊子載老聃 秋 寓言十九, 慎 商容,紂 大》篇 也。」商、 也 時 同

111 系 表序

害者八十。 昇平之末,凡五世六十年。 (,其 紀傳 沈 被殺者百二十有 适 約《宋書》表不傳。今采宋氏宗 者,輯 帝受終晉室,自永初改元, 當齊初紀,彭城之族蓋 爲 此 篇 月 且 一<u>,</u> 而 序之日 本支百二 骨 肉 自 十九 相 至 存 屠 于 室

有

哉! 雄睥 漢 統 盡 有餘年,竟成 壯者不得育,遂致宗姓寡弱,王室陵遲,奸 甚至舉宗就戮,禍及嬰兒,使幼者不得長, 咸 平,治如元嘉,威 無遺育,如宋氏之甚者也。 天下,傳序九君,一 爲臣僕,以全生保姓者,有矣。 公,争言符命,當易姓之際,忍 之。是以 取 而 遂。 魏末世,雖見偪 寶之陳言,稍已迂 而 興一廢,國家代 脱其 。而父子兄弟,日翦月屠,如恐不及。 或者 濟 同 帝之血 力 一時,非有積德累仁之舊。 商 旁,拱手以成斷流之禍,豈不 舉 謂 孫不億,侯 王業,于時晉室宗親 義之人, 罕有存者。 武 屬 帝起自布衣,經營天下 并 如大明,國 奪,而 一朝革 長 有, 闊 沙、 而 凡在公族,休戚 服于周。 歷年傳嗣,終保元 命,覆宗絶祀 遠于事情 臨 川二 方 祚未傾,羣生 耻 未 其完如 系 事讎,并 ,誅鋤略 漢世王 有君 創 矣。 婁敬 斬 臨 殄 冒

泰 伯 銘并序

被告 不免。 異代,而欲子孫令聞長世,豈可 象人 帝因之,以傾桓氏。 公然操 君親殺戮之禍,相沿而莫之革,實自帝 害。 卻 践 嗣之陵夷,又其所矣。 不 再稔, 顧、莫克遑息 阼之初,威德 以 下至昌邑、海 殂,子孫 殉,猶或無 自是以 刃 豈所謂天道好還,爲法自敝者乎 也。 而前事之師,繼體之元子,先嘗 磐 降,禪代之君,異世同 自平 石之計,雖 西 後,況乎身爲戎首 在 者,惟故 固 ,猶得盡 殷鑒在 人,中外 解 璽 主 至今存可也 夏,零陵遂 人望未絶, 其 耳。 帖服。 得哉 天年,未 及其揜 轍,而 所長 1 以 流 其 自 居

意,信乎人傑矣。 必 務增修于德,而 取 三古哲王所以 嗚呼! 總攬英 無一民尺土之籍,戰必勝, 才,振厲風俗,遺令韶 毋 或 祈天永命 謂禍患之來,不可逆知, 多殺不辜,以爲之備 也 繼嗣之 攻

其

慮

适 言、游習禮,論交於上國,受學於 洎 焉,於吴有 君,而吴由是成 時,大江之南,五湖之閒,水草所鍾,蛇 長幼之節, 在其三世百年之前。 禮作樂,爲周 居之、聲教所 之道,具在於兹。 夫周室既東,王者迹熄。 **竄於荆蠻** 而 血 不亂 氣 吴之有 此焉開其先。 ,咸有争 泰 則黄帝、堯、舜其人也。當此 教之以禮讓,然後民 道之 伯焉, 不暨。 實治周禮,其 國。 心。 自泰 極 開物成 及泰伯 於中國有黄帝、堯、舜 一盛。 有 伯 於後周公相 大哉泰 Ш 聖人 始。 川之氣,與王 而句吴之興, 民 務,其功一也。 伯 舍其 作 而 民之初 化之,戴以 制制 季 志以定, 成王 冢嗣 孔氏,文 札審樂 化 爲 龍 们

學

達。 潭以 論 在祀典。 周 圉 兹土,百世不遷。 詞 頌 在其地而無主後」者,斯其義 ,道出祠下,仰瞻榱桷,有懷德音 功, ,以代周樂。銘曰: 不歌其事,金石刻畫,掌故蔑聞,用作是 下, 王季、仲雍、迄用不祀。 惟 以 化吴,王 有舉莫廢。 至德不足盡其美。 漢吴郡太守麋豹,實始建祠。 一業既 禮所謂「諸侯祭, 自陽人成聚, 成, 民 俗遂 而泰 法施 與 變。 於民, 伯 歲 因 甬 東 血 在 國 迹 而 食 雅 彊 之 不

簡其 鼓。 魴有 顯允周道,海濱是肇。二南未興,當 生,莫克自舉。天啓之心,譬彼時 之羽,爰教野 東,吴業以 鱮。 三江環之,靈氣所 卉服,資以章甫。 惟 江 胡耉 光。 外方,作裔於揚。 舞。 既 縣縣吴 康,爰實賓俎。 伐管會稽, 土,惟伯之宇。 有筍 煦。 有蒲,有 萬 自伯 和 物 以 青質 雨。 徂 士

> 姜嫄 歌 燿 殷 m 末 太師 不有 造。 ,暨於烈考。 西虞其宅,不登 靡教。 文公多藝, 孰得而 惟此吴人,永世丕冒。 稱。 嗟 實 嗟 清 章 伯 刻此樂石,文 廟。 詩 氏,自 樂。 閒 於 他 上 弦 有 溯

獻其徵。

述學别録

師

則從而

告之。《記》曰:「小學正學干,大

講學釋義

友講 教 命將 禮,乃講學之」、《月令》「孟冬之月,天子乃 以 而 同物,誦之,歌之,弦之,舞之,揖 也,以 時 以 》「三時 八零講 習也。 帥 肄業及之。」皆謂此也。學人習之,其 習之,有朋自 行禮,故其習之也,恒與人共之。學 講武,肄射御角力」是也。 習也。 于梁 四術 務農,而 傳曰 。《書》則 氏」,又「孟僖子病,不能 習,肄 「宵雅肄 遠方來,所謂 一時 也。 八讀之; 講 武」、《 肄, 三。」又曰:「臣 講 《詩》《樂》 君 讓周 春秋 也。 古之爲 子以 旋, 國 朋 相

> 終日, 宋,與 聞 斯 禮 必皆有言。 弦、大師詔之。瞽宗秋學禮、執禮者詔之。 飲、大射于孔子冢,皆講學也。 冬讀書,典書者韶之。」曰學、曰贊、 赞之。 也。 須去身,故孔子憂學之不講。 也,或謂之相,或謂之傅,一也。孔子適 弟子習禮大樹下。 高談 籥師學戈,籥 性 故于文,「講」從「言」, 命 而謂之講學,吾未之前 師 丞贊之。 儒 禮 後 講 世 樂 羣 禮 其行 不 居 可

釋 夫 子

皮帛, 爵 孤,其禮眡小國之君。」《春秋傳》:「列國之 也。 古者孤 眡 《周 小 官 國 卿 ・典命 之君。」《大行人》:「大國之 大夫皆稱子。 》:「公之孤,四命,以 子者,五等之

學

29

之孫 子、男 知爲大夫者 自適以 夫配子,所 子。」曰「夫獨無姻族乎」,杜云:「夫謂晉。」 其尊者。 卿 比。」曰「夫石猶生我」,服云:「夫謂孟 謂君」,曰「夫豈不知」,服 公; 人所指名也。 高子、國 「女夫也必亡」,杜云「夫謂 曰「夫亦愈知治矣」,杜云:「夫謂尹何。」曰 曰「夫不惡女乎」,服、杜並云:「夫謂 ,穆伯之二子,親 稱子而不成 崔成' 列國 同 小 下, 子是 等,不 國之君。」小國之君 王朝 、崔彊 謂 生稱子,没 皆稱之日 例 取 也。 其見《春秋傳》者,曰「夫 則 可 稱 足 稱 劉子、單子是也。 詗 以 夫子,不以 以 王朝生稱子,没 其 並 夫子。 成成 (父,亦 則 配 爲其諸 稱,故 詞 日「夫子」。 諡 爾。 華亥」是也。 云:「夫謂鬭 亦稱子,此 日 孟 則子、 著子去男 親别 「夫子」。 父,而 凡爲大夫, 獻子,穆伯 配配 也 列 日 男 孫。」 其 或 三夫 也 太 固 孔 伯 别 稱 則

> 子。 子爲 知 以未仕之時,爲仕後之語 「身爲大夫,乃稱夫子。 曰:「我若獲没,必屬説與何忌於夫子,使事之。」疏云: 原 唯卿大夫得稱夫子也 其 始者。《左氏春秋》昭七年: 魯司寇, 沿襲, 其 門人 以 此時仲尼未仕,不得稱爲夫子。 爲 是丘明意尊之,而失事實。」益 稱 師 之日 長之 通 孟僖子召其大夫 子一, 稱 而 \Box 夫

字

失,當从《説 作「砅」,云:「履石渡水 以衣涉水, 戴 君 云 文》。 由 帶 \wedge 衞 以上爲厲。」此《爾雅》之 風 \approx 也。」《爾雅 深 則 厲 則曰 説 文

偏 衣 IE 涉水, 廢 通,非《爾雅》之失。 濿」之省文,「嫐」下亦云: 中 《詩 按 由 帶 • 有 ^ 以 説 上亦爲厲,一文二義 狐》「在彼 文》 砅 履 「徒行厲水也。」一文 或 石 淇厲」,《 作 渡 水馬 濿 楚詞》 厲,以 未 厲 可

以 流九十里, 之「厲」。 丈夫,方將 魯,息駕 垂者。」《方言》:「帶之垂者謂之厲。」禮, 石 上之「厲 垂三尺。 」之義,以《爾 瀬 兮淺 都人 乎 厲 士》「垂帶 淺 魚鼈弗 洄 列 涉水則垂者先濡 之」,此「以 梁 轉 子 雅 而 瀬 相 能 觀 與 説 訓 爲 焉 而 游 砅 符 圃 厲」,傳: 同, 生是 有縣 ~ 黿鼉弗能 衣 篇 涉 此 名也。 此又 水三 孔 水」之「厲 履 子 「厲,帶 石 居 + 自 因由 渡 仞 衛 深 則 帶 大 7 買 反

釋郢

在 云 南 郡。」此 武 畢郢 孟子》「文 Ŧ 程 常 氏 固 地 窮 以亡。」《吕 名 貌 王 于 畢程 卒 僞 相 于 涉 疏 矣。 氏 畢 則 按《 春 云 郢 高 秋 周 誘 • 具 趙 郢 注二 一、楚都 氏 史記 注 止

> 然則 徙宅 居岐 文王自 在 書》云: 岐南、是周地之小别。」皇甫謐 語》 畢豐。」「程」之爲「豐 郢 之 于 、程、程止一地,形聲小異耳 程徙此。《皇矣》詩 陽、在渭之將。」正義 程。」「豐在京 「王季宅程 程典》。 。」《召· 兆 南 又 鄠 譜 日 縣 **>** 云 亦 正義 「文王在 東 以 無 「度其 小豐水 爲 其 云 云 即 據。 之西, 程 鮮 「文王 程 原, 亦

六國獨燕無後争義

罕。 以 始 虜 定 見 其 王 卿 安; 其非 于史, 宗 秦 今其 顧 枝 處 (見者, 同 1 于趙 將渠, 姓 以 中 載 也。 謂 日 日 或 滅 六 顔聚亡去, 市 事 秦滅六國 鞠武,皆將相 國 被, 多 略 燕 日 公侯 獨 弱 騎 燕 世 且 以 劫 無 王遷降, 卿 家 大臣, 日 于韓 大 至 夫 亦

將 則六 道 丹豈 燕宗之不 爲 逐太 女傳 遷 卒 趙悼襄皆 秦始皇帝、 家 殖傳 貨殖 破 人庸 不 于 滅 楚 嘉 共。 或 子 具 **※**言 燕 徇 有 日 傳》言遷 人國 言 遂 既既 値 燕 也。 虜 種 收 秦殺 虜 滅 振 に絶。」《 乎? 而《 暴秦之世 地, 楚王 家, 楚 草氏。 于 捎 人心,非 以 荆軻之客皆亡。 也。 以秦 隱 淮 齊 燕故 善擊筑 假 宛 滅 負芻 張耳 王 南 日 《高 孔氏。 且六國之立,特豪 之切 于 誅 《信 秦兵 子》言遷流 人、貴人、豪 社 陳涉、魏安釐 魏 必 並 帝紀》云:「高 羣公子,滅 3 陳 得 稷 战 日 爲 陵君 餘 赦。 秦之威 或 于 虜 本枝 于 臨 絶人 傳》云: 燕 滅 「傳》言 Ŧ 燕, 淄 則 漸 無 于 日 假 後 計 後、未 既 其 離 虜 王 虐 房 王 傑謂 巾 世。」 一、齊湣 遂 「秦爲 變名 并天 一建遂 喜、太子 燕 陵 所 屠大梁。 族。《貨 傑 祖 滅 及,世 王 據 曰: 韓 假 可 **《**列 王 無 廣 廣 其 咎 此

> 勝 之國 處 士博學詳 ,趙立武 也。 楚已 願 文 臣, 説 將 E 軍 燕之立 中 趙 立 所 又 爲 服 立 燕王。」 膺,而 韓 E 廣, 燕 斯言則不 是 雖 亦 小 一時 何 異 楚 亦 哉? 立 萬 陳 乘

五諸侯釋名

故

爲争之。

殷 廢 二年, 號、其兵 臨 王 王 兵 丘 申 更立 東 渡, 陽 史記 淳 漢 伐 司 河 皆降。 徐 皆 馬 魏 韓 南 王 楚。」《漢 印 具 王 太 東 王 . 廣無韓有 項 已 故故 尉 申陽、魏 豹 略 韓 爲 羽 《書》同 將 信 地 數之也。 \pm 漢 本紀》:「 兵 爲 塞王 昌 、所虜。 從。 韓王 殷,韋昭 王豹、韓王信 五 不從,使 欣、 諸 一。三月,漢 此 章
邯 漢 侯 則 翟 其國 王 應 無 王 方 韓 邵 部 河 王 受 五 南 有 也 韋 河 其 王 有 雍 位 從 破 南 于

言? 説 荒 矣。 非 留侯多方誤楚,豈 也 張 耳 跳 身歸 口 爲 據? 何 土 卒 師 之 足

荅錢少詹事問

都 陵 衞 乎? 衆 金 將 城 軍 附。 降 樊 抑後魏僑置之廣 毅 ^ 以上三條所云廣陵,今之江 克 陳 十二年,周 廣 書》本紀: 陵楚子 陵 廣 城 太 平 陵 建 義主曹 六年, 五 年, 藥 廣 左

州 亂,淮南州 里,漢之廣 伐,當時兵路, 年 如故也。 所 承 新克 問 云 《陳書》 廣 壽 郡,或 陵 太建 陵,皆在今揚州府治之北 陽 國,隋之 江 由 五 陷 宣帝太 年, 江人淮 北 或 兵 存。 江 則 建 力 陽 樊 由由 縣 五 E 廣 毅 、陵則 年、 盛 也。 淮 乃 一,楚子 從吴明 六年、 爲 泗。 陳 南 承 徹 兖 梁 VU

> 陳之兵 豫州 完。 矣。 緣 或 西 類也。是時周於廣陵置吳州總管,爲 譙、南梁等九郡,民并自 盱台、山陽、陽平、馬頭、秦、歷陽、沛、 未嘗得其地。《本紀》云「南北 淮南盡亡之後,其時亦得其一隊之人, 軍」是也。 《樊毅傳》云「攻廣陵楚子城,拔之,擊走 金城、蓋 極壽 别有城戍 併 置 陳、齊、周交兵,南極建康,北極吕梁, 或 義主《南史》作「義軍主」,於 力所 陽而 廢 據《隋 軍戍之别 不 若曹藥之附,乃當太建十一 也。 止 不 미 至。 志 知, 若魏僑置之廣 壘, 且又人户不滿 且 東豫 魏 爲 興 州 I拔向 齊人所 和 在 中所 汝 建鄴 兖晉三州 南 陵,乃分東 據者。 二千,無 置,至此 新息縣 解義 小,亦 齊 爲 鎮 此 北 及 而

荅 問

.

孰具。 耳。 熊氏、皇氏以爲分牲體而用之。 升是 已。」中謂天子祭宗廟及郊,並血、腥、爓、 今也。 獻 鄭注《内饔》: 云全烝,則牲體 爓 亨以 也,云「禘郊皆血腥」,則未 《禮器》《郊特性》: 荅: 得 享上帝。」豈亦有體薦折俎歟 蓋爲是用與? 尊者先遠,差降 問 羣小祀及大夫士祭,其先薦孰 獻孰。」注:「血腥爓孰,遠近備 兼 ^ 周 下,下不得僭上。 郊 「實鼎 語》 用牲,而 不 ·解可 褅 日 郊 郊有燔燎,正祭止有特牲 知。 胥。」 烝、晋古今字 而 「郊血、大饗腥、三 之事,則有全 《易傳 下,至小祀孰 《記》稱「函 韋 盡 昭 : 訓 也 聖人 烝 烝。 4 爲 m 而

唐玄宗 鶺 绵頌跋尾

所摹。 翩 思翁精鑒,自當先得我心也。 戲鴻堂所刻,豪髮 稱,王沂公舊有刻本,今不可見。 其手,亦可謂 平天子者,猶令人想見其盛。此書 勁、氣象偉如 主碑》及《石臺孝經》後之批荅,手 ,可云具體,行閒時有米法,或 唐玄宗行書今存于世者, 然元章善于仿古、往往 ,望之心懾。所 買王得羊矣。据《集古録 無異,故知是其底本。 謂 一亂真。 惟《 五 疑 此卷較 爲 筆 + 金 致 年 並 仙 章 翩 太

徐季海 書朱巨川告身跋尾

今其存者惟此 宣 和 書 譜 本耳。 以收唐 人告身凡三十 自 洪 武 中尚 書開濟 ·有六,

延 楊 者 遂 以左丞總吏、户、禮三部也。 其文,若今之鈔白也。 尚 郭子儀事,亦 多爲加官,雖不判省事,猶列其官。 如 勅 館 刊 而 「察、延昌」者、《宰 昌,皆值是 是。 六人,曰鴻漸、綰、慶、涣、亞者,杜鴻 中 所 無 定 綰、裴遵慶、蔣涣、杜亞 書吏部之事,故于中書 由 去 官 刻 文 書、門下二省皆令史所書者。 中 由 及元 于時遵慶 侍中、中書令,罕正授者。 書 階 得 顔 一,頒 但 知。 其例 書朱巨 而門下,而 載,皆 一時, 存署名,意在從簡,不若停 行新格, 也。 此本戲 年且九十 未 川告身之爲得 尚 有 知 相 書省諸官,自署其名, 傳 尚書,當日 鴻堂、快雪堂二刻 唐 即 世 尚 宋以來舊式 其 系 也。 蔣涣見《崔 、門下二省,但録 書但有左丞者 中興後,勳臣、方鎮率 《崔祐甫傳》載朱泚 可謂衣 人否。 表》 鴻漸、綰、遵 署名不署姓 有 體 三省職 冠盛 郗昂 王察、李 告身爲 也。 一玄暐 後 均 其 雲 人

> 之矣。 復爲 舊傳 告本非 奔泉之狀,固知非季海不 (樂府· 中 爲 古今題解》 其 其 書 徐 含人。 筆 職 季 勢沈雄,具 海 書。 或本人自以 中 季 卷,見《藝 書舍 海是 有怒猊 能 人, 時 也 情 職 自 文 抉 求 地 廬 志 之, 尊 石 州 召人, 嚴, 則 此 告 有 書

虐將軍碑跋尾

此

跋

爲畢尚書作。

史合, 林甫爲思訓 兼中書令集賢院學 令,李北 二十二年五 、同中書門下三品 它官兼攝、其名不正者 史蓋 雲麾將軍 海乃 采 月,林 弟 碑 其 揚州 以 李思訓 縣 甫 爲 民 士修國 參軍思 以黄門侍 傳 此則資淺望輕 其曰「 也 碑》 也。 史」者,林 所 誨之子。 思訓 至二十 姪 郎 歷 吏部 當爲 爲禮 甫 尚 開 皆 四 所 部 江 元 謂 都 旗

不足 搆 此 則 二十七年四月事, 同 碑之立 杜 開 中 以庇其身,林甫之賊虐,蓋 有 月 元時之令式 · 書門 隣 進 當當 獄, 下三品」之銜 兼 北 在 中 其 海 也 書 後矣。 遂 是時北 以 其爲 則 枉 不復 已 死 又八年,而林 海 吏 爲 年 0 部 稱之矣。 可畏哉 真 文字之緣, 六十有三, 尚 書,則 宰 甫 爲 此 而

代,其實皆從此碑得法。 益 速也 米元章、趙子昂、董元宰、各以 勁險。 《雲麾碑》書法出 其於用筆之法, 於大令,變本 故是碑實 可 謂 發 法書之 書 泄 加 雄 無 厲 餘

懷 草 字文

宿 當 懷 《郎官石書記》在二十九年, 以 素 開 自 元二十 題 云 \overline{f}_{1} 貞 年 元 生,至貞元中 + 五 年 ٠, 年 則人書 Ė 六 爲 +

> 俱 時 一是也 老、《 自 敘 帖 **>** 所 謂 恨 不 與 張 顛 長 史 同

可謂草 存之。 跡, 《書譜》足 與之争席矣。 求以右軍之法,不失豪釐,無復 病 其 刻以行世 放 右軍 爾。 法中興 虔禮之譏子敬,元 草 以 書, 此卷沈鬱權奇, 相 抗。 ,書家之聖。 世謂之「千金帖」。 E 如 往者安氏 德 驥 章 馳 生氣 在于 之 騁 得《 議 怒 之 唐代, 書譜 勃 張 張 氣 此本 勃 之 旭 古 可 真 而 m

少 自 丽 軍,各不 言,然余惜 千文》、孫過庭《書 師 得者,然外 忘其粗, 草 Ŧ 日 一澍給事 對 書 相謀,譬 此書, 意外 得 其 其 此 子嘗謂· 未 雄奇,于 莫名其美。 亦 内 見 如 罕 而 九 此 右 譜 嗣 遺其外, 軍 方 本 **>** 右軍要爲 音 皐 足 以 也。 稱 矣。 之 後,惟智 憶唐太宗論 繼 相 三家 是所 适 顔 馬, 别 魯 得 之 謂 永 可 派 其 學 深 謂 草 右 造 精 知 書

矣。請爲素師誦之。 翥鸞翔,勢如奇而反正。」可謂善于形容者軍書云:「烟霏霧結,狀若斷而恒聯, 鳳

此跋爲畢尚書作。

高府君墓誌跋尾

亢宗,尚念之哉! 汪中贈謙之學書并題。其名,蓋有天幸焉。誰非人子,苟欲保世福無他才能,以力士之故,生與其寵,没揚福無他才能,以力士之故,爲延福養子。延

行也。 行也。 百三十一卷。志云「開元十年卒,年六十 百三十一卷。志云「開元十年卒,年六十 三」,碑作「十二年,年六十四」,未知孰是。 三二,碑作「十二年,年六十四」,未知孰是。 三二,碑作「十二年,年六十四」,未知孰是。 三二,碑作「十二年,年六十四」,未知孰是。 三二,碑作「十二年,年六十四」,未知孰是。 三二,碑作「十二年,年六十四」,未知孰是。

定武石刻修禊敘銘

之,實爲仁人。 没吾身。存莫之敚,亡或以殉。哀而聽贤吾身。存莫之敚,亡或以殉。哀而聽嗟余薄祜,居賤且貧。晚獲此寶,期

定武修禊敘篋銘

雲門在梁,昭陵以玉。鮫龍守之,舟

行不覆。

揚州營游擊白公頌并序

事無不當爲,故恩信在人,周知閶閻之疾讀法之事,有故則授之兵,而掌其徵令,於於六鄉之吏。平日則治其夫家井牧飲射古之政典,自軍將至於伍長,皆取備

眉,指 之道 馬 既 以 蓋 武 政,尤在救火。 莫不尸而 隱,追胥糾暴,人 利民之事,若迫于身。 m 度,畏公清直,輒逡巡斂迹。 不爲 侍 如 作 道 天 ,于是乎以殺人之道生人。 臣 而 清歷 風 下 殺人。兵者凶器,聖人作之,以 地之光 濟于生人,此公之所 雖 燎原之勢,不可 政 揮水龍 所 菑 ', 而 存 萬 肅 至 官揚 祝之,灑然如出一 心 人辟易, 有 人 不足以 夫兵猶火也。 利物, 明 馴 功 州營游擊,以 ,化腥臊 應手而 城 八告其 罔或羣飲 市 得民 兵 而 而 窮 繒 農 勢 至騰 滅。 心。 宣德 鄉 邇,于是乎以 而 心 有 分 以 救 陽燄 所 丽 踔火 先王以火政, 他吏或耽 是以 譁 口。 恤 不可及 達情,政 時 夫 文 雖臧穀婦子, 不 周以 于 以 事 疾,其 一發, 武 得 中,燎及 自公至 練。 市 而公之德 不 異 爲 司 者 也。公 越職 故 其 生 無 威 利 則 逸 士氣 用 非 凡 庶 昭 而 鬚 兀 间 功

> 氏,名雲上 謳詠其行 績,和風 仁人之利哉 大。《詩》曰:「凡民有 比之攻城 之,蓋以 夏官 ൬ 兵 掌 甘雨,成 事,況在下風,敢 野 河河 火 行 戦,勦 爲 火 内人。 蟄居 之 官 物樂生,恨 聯 政 民 令。 發策,每攬古賢人治 頌 命 喪, 而 日 以 公能 天 匍匐救之。」豈 爲 忘休 生 不生及其時, 名者,其 舉 五 其 烈? 公白 材 職 丽 者 功爲 並 用

出,灼 惑風 文 擊 如 神人。 鼓 石 師 猨臂 刲 我 羊 嗚 頭額。 頎 吮 暗卻 酺 創 頎,渥丹 醵 分甘, 朱 V 有 旅 懌。 原土不 其 四 即 麾, 顔。 之 作 也 烟銷煤 此 焦 温 好歌,以 馬 瓦 息。 譆 猶

師君質

日料鹽穀,千人以活。既安既集,歸

乎井 兴 水毁 木 村 名, 饑 歲歲 師 姓 無 所 我 居。 阨 凡 百 君 子, 視 此 淳

編 箴

峭厲峻急,

尊 澤流惡,不疾以 心 廓 ",惟學 自 如 得。 渾 峭 如 之競。 峻 弓張 庶無災禍 急, 清。 必 不 華 弛,以 集 嶽 與爲其 倚天, 其 福。 養 其 其 高 汎愛 性。 麓 ,寧爲其大。 則 容容容, 在醜 平 陂 孰 游

朱先生學政記敘

歲考徧 左 士 提 遷 去 督 乾 隆 科 安 ,在官凡二年。 微學政,以 三十六 ,考及安慶,甫卒 年 + 先 生 以 月 事, 甲 翰 林 子 用 院侍 到 造 官 册 讀 既 學

先生敦厚有大度,篤念故舊,然廉正

務扶樹 者與? 慨 皆身不接其人,其事不領於學官,而 孝子,爲立 得陳 於朝,且 原 林 無 世之下 所 得 慕,若恐不及。 二十年,爲 故 苟 烈女,於阜 道 ·,聞其事者感焉,豈 歲 信乎大賢之德長 祀諸 自 教 一碑冢上,率 其 小以 生江 紫 通 少 人 時 陽 陽 永,故處 材 學 旌門配祀,潛德用光,百 得 Щ 已 經 士 張烈女,於和 ,合食於朱子。 有司 負 術 所 也 盛 名義 歸 士汪 以特牲祭其冢 一所謂 名 宿 爲 烜, 樹 故 既 急。 之風 州 所 迥 激 其 得 翔 於 於 至 揚 薛 亳 書 翰

略,蒐 皙,於真文忠公講學丹陽及元張 屈 大端,凡所甄引, 安徽金石志》三卷。 事尤覈 先生教不一術,其要以通經習小 所 部 金 石 遺文,得 咸著於 拾遺刊謬,俾古 録。 三百 嘗 [餘通 慨 羽 奉 史 學 文 别 事 闕 爲 爲 昭

先生既被議,天子仍置諸翰林、領四

法。 彊 志》之例, 下之政,因屬 刑 庫 其 禁之 者 先生 所 行 局 不 X 旃蒙敦牂病 逆 之 上; 一於人 釐 順 職 生 爲 爲 中次其 樂先 多所愛, 四卷, 一書,反 固 m 以 慎終 月 生 萬 謹 事 俾後之教者 民之禮 如始 敘 故居官常過於厚, 命 跡 教 於王 兼 而 惜 則 俗 仿 一,以 其 先生優 政 趙 去 有所 周 事 商 知 教 重 爲 取 鄭 天

龍 潭 繤 建 避 風 館 疏

又 屬 爲 開 江 河 旬 唐 伊 行 容 昇 婁 江 又北 又東 + 州 河 東 里,至 之渡, 下 乃下趨於 爲 行 北 蜀 句容城。 行二十 成 秦 新 + 地,往 漢 河, 里,至青 京 以 里, 江路自此 來 \Box 上 北 者多 在 至 行 而 Ш 江 龍 七十里,至 龍 取 趵 啃 徑 州 徵 其 又東 齊 地 此 地 澣

> 苦。 聞 及船 病 而 知 時 皇 版 蒲 店 河 一,其江 惑失 其 之亡失,則不足道 也 迫 萬 無 柳 相 + 篷 達 世 畏 相 龍 鱗 里 故顛 流 而 志 不不 潭 不 途 江 參 次 南 勢 至 m 既去江 ,遂爲棄人者,又時 錯 口,其 視,是可 也 F 可 不 風 風 滅 而蹈之,至于併 岸 能 怒濤 以 没 不 故 下 城 在 地 栖 利 以 風 遠 哀 中 船 望 宿。 荒野無人 則 水 已。 包 其 也。 也, 咋 之信, 就 犯 或 江 以 宿 號 險 潭 北 迴 若 舉 雨 焉 呼 而 1 嘗 其 命 雪 跡 沙 不訾之軀 時 渡焉。 故 冤痛之聲 新 顛 不 複 魚 日暮,加 有 而船 行 河 下 連驚 得 腹 嶼 之, 者 居 率 蓬 民 皆 而 無 瞑 其 財 明 相 之 旅 蓋 所 新

官 願 至 者 爲 慤 條教,不 者主之, ,造草屋三閒 今度龍趵 可使胥役與其事。 仿 洲 京 之南高 中中 П 之制 祀 CD 江 榜榜 神 之 地 召 凡 避 僧 夏 南 風 > 水 來之 館 强 所 不

一夫不被其澤者,蓋以是矣。

無

與劉端臨書

汪中再拜敬致端臨足下:

己。 天 臨 其人,如及其時 自必 復 攻錯之義,誠 别,離索之感,常爲愔結於心。 於吾身親 道路之中,所 心許者無過三數人。 有 地無 得 聞名而 知 於一見,適以 雖然,中自里閈生長,以 出境之交,以 曩者 其 窮,今日之交,乃非偶然,離 中 相 見之而 思, 與 觀 使學業行 與朝夕游處者 次 m 既 而 卿 善之美,則 見 後 與 負 爲 爲 而 爲樂 (之進 至於抗 疚 疾 深 誼 相許,不 於 病 友,次卿没 表 哉 退 朋 死亡之際,不能 何 百 揖 友,故不 志希 見 至宦學四方, 年 讓,又 於後世, 可 數 故 然 易 古,尚 勝計 念他 日 中 mi ·如其 何 而 與 中 端 必 友 而 而 Ш 而

樂善之人,幸相與成之。 建 能 漏 故。 並 山 自 船 不 新米銀十二兩,共應用銀三十二兩。 行,于船 ,恐四方行旅不能知,僧無所得食, 利馬 遽集也。 ,尚將召募紅船二,以備不虞,今其力不 得資其防緝。至龍潭差役既繁,船 ,營爲江南屏蔽。 滋。若使居人稠 飲 遇 且天險既 歲經此,交兑百 風 。此地舊爲江船所停泊,又句容 錢勿有增 聽 則 之。 止 建屋之費、約銀二十兩。 其 夷,行者日多,維 貧 下 者 損 聚,更建 就 守望相助、盗 ",以 量減 物, 宿 龍 者 市易之利, 其 汛 埠 數。 地、北對青 舟人 Ė 一賊鹽 領 風 多 久而 止 凡 酌 館 亦 之 諸 始 敝 漕 如 與 無 73

无窮, 也。 人焉 《易》曰:「澤上有地 ,君子可 嗚呼 容保民 逝? 人生 无疆。」其所以使天下之民 實難、況非 是故無惻隱之心,非人 臨。 :死所。 君子以教思 井 有

故,又不足言也。

端 爾 文法 閒然? 性 適 摧 有 言,以爲 自 之氣。此小心慎 天資清粹,穆然有道之人,學問 曰:「君往 諫,仗節死義,則必常持斯志 我 说與?」中曰:「往者人之立言,其始 臨 足 快意纍 惟 俗 以 以 行 生平風 中見族兄觀魯,道 無騁乎血 之。 更,得 惟是居官莅事,必求 發吾之激昂 求勝,其卒歸乎毁方以媚於世, 深中 纍。 者不受人言,而今心折劉君者, 天寒,伏惟勉食 義 ·吾病,相對 以 又朋友相字, ,不當爲世俗 氣,此吾 妄訾儒 密之久,恒足以有爲也。 耳。 足下 者。 所 劉 咨 U 君 嗟 禮 自 可 其 ,以成吾浩然 至於 涵 欲 服 累 也,故 之事 市之言, 實用,毋 養 也。」足 吾養其 日 心慰 犯 寧 欲 顔 静 觀 遠 與 下 欲 之 敢 德 使 何 魯

與端臨書

兄足下: 正月二十一日汪中頓首,謹致端臨大

即會試 養親 經文,亦有是正數處,幸足下教之。 有是正文字數條,惜未及指示一二。 京教學,以待決科,于 地,貧不 去年十月, 不可必,或上 可長 中 得 忍 也。 館 足下 四月見寄一書, 得 Œ 一教職,亦足 謀生之計甚得 歲 再得書, 中 知 爲 于 知 留

《詩 也。」《 其德 充。 ·噫嘻》箋云:「噫嘻乎能成周公之功, 已著,至矣, 舉。」中按: 堯典》「光被四表」,僞孔傳訓「光」 義引注云: 周 戴君云:「『光』當作『横』,本與下 頌 》詩 譜 謂 引此 「言堯德光燿 鄭 光 君治《古文尚書 被 亦 作「光」字。 四 表,格于上下 及 四 海 之 爲

臨書惘

然。

中再拜

天地 字,則又不必易「光」爲「横」也 訓 也。 宣帝紀》甘 光被 此 古音横、黄同聲,黄从「芡」,古「光 鄭 注 四表」,然則「光」又不可以 也 丁,其 露二年,「陛 非一 横」字 下聖德, 明 矣。 充塞 \sim 漢

《多方》云「天惟五年須暇之子孫」,于《多方》云「天惟五年,須暇湯之子孫。」有一「湯」字,「天惟五年,須暇湯之子孫。」有一「湯」字,其義方足。《文苑英華》七百五十二卷朱其義方足。《文苑英華》七百五十二卷朱其義方足。《文苑英華》七百五十二卷朱本、《多方》云「天惟五年須暇之子孫」,于《多方》云「天惟五年須暇之子孫」,于《

福」,《 載德」, 碑》「亦世繼明綏民」、《校尉熊君 修華嶽廟 休矣亦世」,並見《隷釋》。 執金吾武榮碑》「亦世 中常侍 李翕《 碑》「亦世克昌」、《先生郭輔碑》 樊安 西狹頌》今在成縣。「亦世 碑》「亦世載 「亦世」即 載德」,《 德」, 碑》 「奕世 楊 樊 亦 世 震

世」,則中所得也。
変世」耳。顧處士已釋「不」爲「丕」,其「変也。然則《大雅》之「不顯亦世」,乃「丕顯

與「娠」同也。
 《月令》注「有處大叔」,「身」、「震」並音震。」然則《詩》「大任有身」,「載震載音震。」然則《詩》「大任有身」,「載震載

多,惜不得一一爲足下言之。 言之,「壹」即「殪」之誤也。凡此諸條甚六年所引,皆云「殪戎殷」。殷、衣鄭注已六年所引,皆云「殪戎殷」。殷、衣鄭注已

豐潤 論 又長 中 有 君與金殿撰,于戴君之學,皆可 王懷祖 用,不可不内交之。 甚契, 惜不能爲足下詳説之。 時 夏客江寧,與錢少詹事 去年交歙程舉人瑶田、洪中書榜。 來 都 竟無出山之志,二人俱 中, 客歙 李成裕客 縣會館。 相 處 程 其 彭 一云具 侍 君 日 夕談 有 郎 今在

否? 之,未審 道遠會稀 中之志,乃 宋人爲恨。 日 汪中頓首。 所諭 多 比 ,相思何已! 在《述學》 抑。 鳩 來 集文字, 進 君子之學 李 德修業,亦 君 一書,文藝又其末也。 相 中亦素 見 諸惟珍玉,不盡拳 如 時 蜕 嘗 每 有 發 此 以 寤 志。 幡 足 于 下 心 遷 篤

上竹君先生書

生門下: 八月二十三日門人汪中頓首奉書先

悵,心靡所 省之,計可謁 誠 百 人,老母 齋先生 七月初 舊 容善之臣,秦穆思其有 書 届 疾 劒 舉 先 知 潭 入夏病 在昔樹 發,是以 生 至,曾肅一 於黄 瘧甚 人之計,敬仲 Щ 不 果 書奉上。 一 億, 適 來 以 利 因 南 秋 欲 期 望 熱 往 眼 嗣 前 以 悵 侵 歙 得

> 之而 之愈 斯 責 慢易之習,投之而融。乞假沾被之情,竭 碌 其所以 望 碌 滿。 愈深, 豪。 諸 公, 大與 然則先 愛憎毁 而引之愈力; 非 先 生 譽之端,遇之 生蓋亦樂乎此而 尚 誰 與 負累 任 之 而平。 **愈**衆, 哉 不反也, 而 奇 故 處

卷呈 以 伯 之方, 鳴 口 能 部民,而中尤有賴焉,被先生之蔭無已也。 士之禮。 恐爲其續,奈何! 知 此 呼 叩城,竟以凍死。 自致, 羣疑衆難 也。 上。 知 勢迫 至今歲始窺 汩 人生之難 人生 在公之門者,程檢討及中,皆其 里中人事 于習俗 中久不親丹槧,數 而 事 而 起、於是有作而致之之情。 有 也。 ,就正末由,其汲汲無 碌 羣,於是有 其門户。任重道遠,莫 方公有事上之敬,有下 ,數月來頗爲衰減 楚望談經,終日未 碌 《尋珊 無 成。 年不復作詩, 竹公墓詩》一 交相爲用之 於古人爲 歡 學

劒潭 觀 之徵,今不 見之,其 之輒爲失笑。 居 日 常鬱鬱, 福 知 、視中 何 汪中 如矣。 中 藐 李朝 -頓首。 與 焉 (之燕 蓋杜 陽者 有書敢乞致之。 語 ,嘗於程檢討 温 以以 夫 爲非壽 其 人也。 者 座

上 郎

吅

頭

起

萬

銘 氏 敬問 華莢 方居苫塊,準之於禮,非 在 遠 食貧守志、于衰宗有再造之功。 篇,表 起居。 于 聯 道,俱未告哀,故未 七月 虞卒哭之後,意人事其 十二月十 舟 器 中 述先德,鬻子之閔,鮮民之哀 少暇當録一本呈上,故兹不詳 今葬雖未舉 件。 紀綱北上 五日 汪 中母於七月朔棄養, 中 喪事不言,故不 奉 敢赴於左 吅 加 到 頭 八可通 時 手 謹 日 書及犀 E 淹遲, 乎? 中撰 右。 夫子 母 獲 凡 角 中

> 之,資 也。 章于 之碑 參术之費,喪葬之資,咸取給焉,誠可感 乎 來世,庶幾不朽。敢乞夫子銜名題 其石之首 向蒙夫子爲 」,惟夫没從子之義,凱 于清 洲 撫 畢侍郎今歲買 德,以發幽光,夫子其哀而許之 1,大書 中致書,是以及之。 七字, 日 書書七 三汪 風 寒泉之思, 氏 百餘 母勞苦

卒官,鄭 微,又善星命,以之人世,雅俗共賞 師 其第三子師亮,經年臥 H. 昉之孤,不於夫子,其誰望之! 金糧儲。 七子師靖, ,皆貧不 與 愈,才調 再 有請 君益 糧儲 學 自立 最美,比于贊善 寄食亳州 者 士有淵 無 用 **派所託**。 財, 然清 秀水鄭贊善,一代名 源 有坤道之吝嗇, 僅能 門世學,文行修飭。 之舊,身後有子三 表 疾,若存若亡。 康成之里, 餬 可 П 一云具 0 且其 第八子 體 今又 字 向 依 而

學.

子 也、夫子豈有 監 念之,故敢陳乞,幸 未 有 意 考 乎? 校 之 垂 中 事 意 與 薦 鄭 以 君 久不 館 ·相見, 無 嫌

畢 侍郎

]1] 乃施 百 下之士,其 下 下之德 姓 雏 于史策。 害,維古 虞詡 西 望君 節 之于其所 好 得 汪 門豹 手 中 河南, 量 治 一,必見 一古人 頓 如 [有之。 有 朝 治 公既 首 歌 歲,於公見之矣。 及 歲 一人不被公之澤者哉 鄴 不 其人 未 與 謹 ,汲黯治淮 事不登,荒政具 相 張全義治洛陽 兼 若大旱用作 鹽 之 覆 識 其 政全 有 而 之人。 書 地 後好之; 也 年 又兼 公 伯 陽, 書 何者? 推是心 弇 霖 其 並 黄 昔 Ш 舉。 竊 雨 政 子 先 以 以 而 産 邦 自 治 飢 閣 爲 生 古 又 天 Z <u>:</u>: 績 潁 比 閣 而 下 閣

> 遺事 今在 序目 緒。 録》, 乞教之。 及先生所刊之精確,不敢 籍、多所校 患意 夏暑侵人, 君子賞譽, 之學,惟實 故嘗推六經之旨,以 何焯 中家,謹以 奉上。 夷門之報,不在片言半詞 不稱物,文不逮意,不專一體。 中少日問學, 民之父母 亦可量中之心矣。 學 射陽 而稽 事求是,不 正,于《墨子》已有 輒 重 士所 又 欲 以 有 石 ,當用發深慨耳 盡 病目 打 校 斯 後 門 實 本二奉 寫 則 敘 畫 亦奉左右 合于世用。 私 所 中 尚墨守。 像, 篇 日月 作, 淑 Ż 中向者 東 自 所 Ė 在 諸 以奉清 推 季 漢 置 企 顧 成 遷, ^ 仇 注 時 所 寧 所爲文, 東 于周 先 書。 先 及爲考古 物, 者 短 書 人 京 竟無 牛 娱。 生 耳 中, 謹 夢 其 覽 行 誠 古 其 成 值

天道 者,國 知 子 志 望於 之言 痛 勞瘁,當世 謂 而 爲之述其 母 其 斲 也 11 孝也已。」其子之謂 氏 所 人授室,門户再造之日,方思 之 人者,不過狀嫠室之艱貞,敘 則 E 人稱 荷 親 成 月二十四 可知者。 必 成 萬 血 中 竊 就]]: 及 願然曰:『幸哉,有子如此 端 也, 號爲女宗,國史懷其 氣 以 克 所見,大抵 其 使使 《記》 堅 母 爲 則 有 壯, 虚 日 家必 不 然 聞 文無 中 曰:「君子之所 得 當 疾 于世, 凡其 白 敷? 昌, 始 疢 爲 日 濟 不 孤 雖 寡 有文者 未 凡其 遂 足下 之 作 貧 婦 雖然,子 足以 其 日 者、必 (舊俗) 巾 相習 性 而 以 一必孝, 蒙 從 飢 充 生 謂 則 孤 子 穉 壽 之 必 寒 我 孝 泊 如 子 其 之 所 其 秋 無 此 是 之 可 也 求 與

以 寡婦 \$ 官 告者,文王發 則 則 知 鰥 師之所材 觀先王之世,耆老 也。孟子曰 之養,曾不若 命 于 委積財物養之,惟 何王之制。 》及《詩 其親 粱 妻子僕妾皆得與享之, 是 爲 遂 守 約言 故大田 有 利 肉 制 人》及 非 娱 者 既 日 載芟»疏; 之耳。 見《晉 生人之至 無 當 居 而 雖免課, 10 11 N 多稼, 補 年 魏 :「鰥寡 之, 不 夫 語》, 政 及其 書 于 Ŧ 司 死 而 施 亦 制 而 既 皆 居 至 妻 食貨志》: 精 授婦 》、云「皆 不及 寡 孤子 遽 以 仁, 閒 痛 敝之身。 壯 繼父之服 于 際 穉 孤 力 婦 民 傷其 哉 田。 遺 寡 TI 獨 子 戚 必先此 奄 無 ,則司 無 有常餼」。 婦。 施 天 常 H 秉 幼 列 聞 而 生 職 史此 滯 太 侏 是 一再 下之 親 和九 無 門、遺 是 茶 儒 無 ,豈非人道之 穗 轉 餘夫授 雖 四 轉不 逸》 外所見 與《孟子》同 移 大功 矇 憂 ,始得₁ 然 安樂之 年行 ~ 窮 食 者 日 執 謂 瞍 患 槁 事 之 用 文王 人 能 田 民 曹 均 之 木 當更考 堅 爲 取之 見 見 得 然 聘 田 面 日 不 其 周 以 吾 無 美 大

四

述

學

别

四

亦 能 事 爲 之 制 歟 ?

社 直。 門左爲塾,凡其兄弟 之,命之日 得充,主門 石,錢二百,終歲綿六斤,布 待于其所,以其名族召之,則出 良家謹愿者。 分授以 命之曰「孤兒社」。 方有 是爲 得人。 今蘇州冬日賑 總其 門右爲 議 師 日 十六,度能 四民之業, 差。 則舉 一人,凡孤 事 婦 者亦如之。 「貞苦堂」。 造屋 任以女工絲枲之事 庫,有主藏 有姑若子女三人者 ,出入嬴 凡 而遷之於外。 州 粥 品 縣 即 自食其 然而 子 三年視 此 爲 親 縮之節,官吏不 五 擇鄉大夫之敦 法,人甚賴之。 其 外爲門,有守門者。 者, 必 戚 歲 百 力,以次減 通《孝經 之男子來省 其 至 閒 婦 非六十以 其賢者能者既 五 材分志 十歲者學焉 之無依者 閒 远,其 一月給 見之,非 各户 門 而 其廩。 趣 外 解 得 篤 H 多 米 字 爲 間 其 是 有 不 15

> 堂、訖 子弟。 得以 耳。 者衆矣。 聚 胥耗 蠹之弊, 虞,且須關白布政司 也。 不人堂者聽之, 廩之如 人,無治法。」吾子志之。 八,則 重而 而 經費之所出,不可豫定,惟不宜置田 則 終其養矣。 其它損益之,惟其人。此事所憂者 相習 于其 夫人思自奮 使掌 其 要之,使入 富 少蓄其 馴至案牘滋 身。 其 則夜哭之感 且 堂之事 貴者, 凡 也。 力,則 而 幼 其 民 多一監臨 是故哀苦蕉萃之狀, 而 材 有 財 雜 十分其 實意亡 各修 智出 於堂。 所 在 犯 老 不生,而從 長,而 堂者。 而 察核之法 其 矣。 矣。 **貲**, 不 荀子曰: 以 衰 督 m 鄉 此 以 田 下 之 即 有水 若 面 一以 其 教 財 生 孝 「有 有 視 社 早之 不 其 恒 日 略 治 車 足

往乾 化 幼 以 育嬰堂、漏 隆丙子, 厲 或 周 萬 法 材 民 紀 桂 以 囏 澤園 明 起 林陳公巡撫 阨 備,),又非 也 ,蓋皆養生 百度具舉。 惟 徒 兹堂之設 哀 江 其 蘇 送 煢 死 獨 若 恤 年 而 老 而 飢 濟

即 不匱。」荀卿子曰 父兄朋友之益,是天以儒 有遠見之識,有淳篤之性,有 世, 有饑 事之累,年壯 日之遇。 ,序其歲,相次以九 뻾 不 不 可以 生利 足 日 而 饉 舍,金 返者,年 中 恥 下之循序 則 流 再 爲 不勉。傳曰:「民生在勤, 病之事 自 散之患,亦足以衞其 下至 拜 無 石 食其力, 用 武 圃 也。 可]:「鐭 百 身逸, 曹 ,皆博問 之學。 而 鏤。」盛年不再,日 I 持 中 足 而舍之,朽木不 年。 久爾。 面 小 往 F 則 故於古今制 可 道 與 其爲學也易矣。 而切究之, 者之業責武 惟 學 以 成裕、 力學之志,有 足下 中嘗 養 子 生。 其 無家 足 有 有 廉 下 以 以 力 折 勤 言 何 度 志 待 可 則 曹 相 於

之天下,以爲令典,使經世大法,《詩》《書》 鬱鬱之心,敢以望之足下。凡 吾子志之,它日得志,或行 而今日行之,後 「孝子不匱, 養,天 貽之令 之感 地 常 匱 永 母 頒 惜,願 託,平 革、民 也,不 鐭而 用 見 往 汪

始,惟

其

母之賢以

至于是。

則所以

其

親

吾子

勉之!

中

懷斯

痛,劇

于

放 廢

之身,

有母

直

不

能

夫是之謂大孝。

是謂

得

人

之歡心,

爾

類。」《記》曰

:

「博施備

物,

可

謂

不

(者, 豈有既哉

《詩》曰

罪

人耳 自以

之得

行

其

志

者,並

以

告

焉。

使當

世

能

爲

是言者,則幸矣。

中白。

世考其

良法善政,

圃

日自

汪某之爲其

所載,三代聖王之所不及,

府一

縣,使

四

方以爲

法,或告於上

而

者淺歟?

三族之富

人無問

者。

無

亦文告

大

臣

之言矣。

然

是

時

吾

母子方

流

節

婦

之貧

親

族

共

周

恤

之,

以 視 貌 耗 也 之。 伙 1 嘉 凡 常 勞 端 前 有 力 臨 期 猫 飾 中 書 相 虚 再 所 見 之 詞 拜 已及 未 以 知 求 者 而 何 悦 不 頋 日 復 世 龃 言 足 厂, 竊 哉 下 在 下 下 可 焉 此 風 取 者 吾

繁昌縣學官後碑系代繁昌縣知縣葉一彪作

風 陰 直 則 流 宇 在 弗見 道 西 決 爲 垤。 房 陂 澤宫 靡 繚 日 湍 乃 户,其下 光 垣 倏 不 麗 Ŧī. 作 椒 水 逮 忽。 炎 周 宇 遷 壁 其 沄 其 以 朱 秩 沄 成 我 1 維 松 丹 櫺 祀,唯 塵, 廡 柏 碧 來 弦 星 貞 金 自 蒙 浮 其 曲 石巍 莪 翳 先師 采 四 南, 吉 奥 哲 虎 Sp] 潭 是 既 有 巍,言樹之坊。 負 或 高 崇 年 率。 潭 築既 來 故 百 屋 鶴 一, 閎 隱 削 而 畫 明 誉 民 羣 空, 我 順 居 作 享 如

> 迹? 終事 此 發 裾 7,清 成 紆 告備 勞, 濟 紳 敢 揚 濟 用 昭 兀 生 雒 告於後人,視 俾 徹 我 徒 誦 世 其 琅 效 或 力 比 琅 不 之。 舍 立 匪 如 惟 學, 此 物 鱗 絲 成之, 不 嬗 民 沈 鼓 而 曷 節 筬 敝 又 以 潤色之。 教 升 涼 孰 ? 堂 殿 其 凡 曳

浙江始祀先蠶之神碑文并

雩,而 神,社 遺 昏 歲 與 竭 其 覿 衣。 其 不 精 乏享。 凡物 心 氣 稷五 適當 嫘 祈 不然 思 著 報 生 爲 祀,是其 變 之祀 公桑 ,禮貴反本 由 天 列 通 月, 地 弭 象 無 以 所 之 取 聞 田 盡 則 禮 官 閒 于 事 其 心 也 同 則 爲 利 有 其 功 周 維 物 多。 聰 功 無 生民之業,惟 官 而 天 不報 明 可 比 駟。 後 放 先 被 睿 於 世奉以 嗇司 知 於 龍 意農祥 之人 萬 婦 是 見 而

咨古生民,

衣皮蓁蓁。

不

田

不

漁

或

敢珥

筆

以

美形

容。

其

辭

日

周 無 先 至 於 吴 失 牢 讖 一、蠶比 一元元 俟 蠶 請 穑 越之郊, 蔚爲 則昏,其 無配,秩宗 加 修 事。 奉 天 雷 立廟於杭 陰禮 下 人神 種 不登。 湾、寓 所 其 治,弼 乾隆五十有 (來遠: 出, 於是自 同 氏,名實 而 不 嗜, 姬 矣。 修其職 没 況 皇帝從 州 桑 成 姓 神 其 土 内 屋 城東 有 是宗,淳化 宋 黄 完 先妣者 而 政 熊 浙 九 氏南遷, ,學士莫 了, 其 帝 經 蠶之豐 不 見 以降 江 年 壇 Ш 、功如 巡 ·三月, 哉 妃 魏 門之右 撫侍郎 昆蟲, 歉 祀 考其 緜 嘉 保 西 薦 越千 聚 寒 漢 利 陵 文、禮 孔 江 以 決 豈 雨 恒 臣 垂 氏 紀 湖 時 惠 某 游 倍 有 以 衣 加

> 鞸。 失樂 民 慎 秩 外 蔽 俟,惟聖有作。赫 制國 極 其常、靈宇式 薄 以 其 章 章。 四 矧矣 -,遂修 荒 典, 之制 八制器 咸 民 有 三古所 志 物 澊 靡 啓。 蠕 紀。 闕 厥 依, 蠕 赫明 焉 軌 我 逸。 百 凡在能 寒 神 不 莫 職駿 蔽 命, 威 食。 用 知 刊石 前 弗康。 其 神 亦 奔 言, 禮亡祭法, 有 有牷 具來格。 利 昭 海 知 自别 猶象 白 天 禮 攸始 有 世 牖 以 歲 以 哲 以

口予藉别傳

始定

爲

子

命

祀

領以

祠

官。

神靈受

職

大

報

冠

帶天

衣

被

天

之功,

創

制

顯

庸,於

斯

至

其

年

十月

臣

中

游

學

是

土

欣

見

建 款 纖 琢 研 寧、延熹 識 而 造墨, 晳 子 藉 漢 15 故 遺 究 石 富 好 意 刻 極 家, 刻 精 印, 遂 美 I 益 務 而 隸 羅 蒐 通 窮 書, 敏 列 古 其 左 學 書 勁 眉 `,旁 畫 險飛動 H 器 踈 及鐘 秀, 及 有 身

四五

遇名 碑 或 財,且日病 下 刻, 不 欺 洒 山勝 身在其 紿 其 至 尚三千金。 復買之。 又如故 攫 地,佳 (奪,予 師 舊 別。 樂伎 晚爲 相 也 時 予藉 識 藉 乾隆 游 竟 數 令節 人作書自給。 ′;偏 然其愛之彌 顔 惽 周 好 自 其 材曲 惽 旋 五十八年夏, + 通 棋、及馳馬、 居 可 不 款 年, 日 ·之校。 藝之美,莫 密,久 由 可愕之事 口 甚, 數年 是大亡 ൬ 他 節 勝 游 嗇 賣 日 流 不 子 曲 其 遇 其 江 衣 畸

也。 此 閒 H 存 其 是故 予藉 焉 可 (遺 與 跡 其 雖 埏 巧 語 所 趣 貧 T. 埴 子 在 以 引 以 ,藉矣。 然 有之,惜在 死, 手,冥 爲器, 而 然 不 其 余與 미 合 方 施 聲 厦 自 治 子藉同 名 之以 生 然 具 流 矣, 覽 一, 不 繩 溢 之 墨。 而 在 歲 + 者 天 好 大 m 交 知 終 機 古 夫

> 及 于是與? 丽 ,卒年五 子 見而 别 適 \overline{H} 至 十。 年 所 豈 相 欲 余 距 與 予 與 數 藉 談 子 千 諧 名 藉 里 者 用用 祖 何 友 余 之緣 盡 篤 ,歙之漁 而 再 固

天 賜 母 汪

尺 其 化 滴 女 家 生 一寸,視 門,母見兒卻 於繁昌。 ,母悲且喜 成 宿貧,數 同 <u>\frac{1}{1}}</u> 縣 母 有 疾 汪 處 恩禮 卒。 兒 子 士 氏 遭 加 幼,每 一葉君 曰:「天賜 艱 有 歙 長 長 教其 立。 窶。 遺 之 則 鼎 而 '循墙 腹 某 喜 熙。 歸 八子,嚴 兒 母 村 孤 呼曰 母 立 奉 也。」遂 始 ,逾八月 未三月 子驟 就 養老姑 而 母 一日 年二 傅 有 輒 不 以 法 加 相 隨 以 處 十 安在 名其子。 士適 從 爪 日 撫 生。 識 父 刻 夜 前 始 其 望 望 妻

持 母 立 寶瑔 何 逾 哭, ? 姑 於 顧 ,不先父食。 三十,不得 年,有司 日 母, 一天賜 ·而寡, 以年受旌 E 母卒年 跪王 室 在 取 中 一之節 懼 居嫠 更三 以 此 婦 X 七十 矣 母 應 皆 生 更請 一是婦 其 節 哭。 旌 十年,得旌 先姑 室 子 榜於家 典。 行 四 於巡 家以 聞於朝。 四。 十餘 天 苦節,吾 蓋 賜 母 其 廟 兒某 再立。 撫 客四 天 姑 其 侍 由 賜 也, 凡婦 間。 所 「禮,子 也 郎 是 執 方, 逮 夫亡時 乾 胡 母之坊 喪 先是, 隆 其 人年 力 遂 事 有禮 謂 致 相 始 年 母 未 而

提督楊凱傳

楊 凱 字 賡 客 起 習 儀 知 徵 兵 法 少 喜 祖 時 讀 武 所

命 遠 馳 營遊 曲 嶄巖 坳 四 所 算前 輯 進 距 出 命 E **熟苗吴大武**, 至 超 殺人。 至 劫 古 與 里 百 土 龍老馬, 擊 其兵 掠 而 下 如 誉 爲 汪 可]遊擊。 + 止。 削。 灝 乾 知 得傷。 急則 日 可十餘 官 法 陳 清門 夷 調 出 軍 賊易之, 前 據 賊急乘險 恃險 尤 險 言 走匿 一補湖 其 彭年等,在武 鎮 肉 絶 侍衞 善 Щ 地 兵至 Щ 俄 里。 薄 掌 徑 勢,多 巔,壁立二十 固 用 後 圃 河 仰 廣 所 吏不 ,從幸湯 通 奇。 本 有路 不設備。 七十 凱 攻, 銃 督標中 下 在 人行,窈冥 一營,唱 數響 陰 横,數至中 -木石 置閒諜 敢 箐 野 無 爲 餘 英 林 詰 人跡荒絶, 4 不 山 部署 軍 道 名已, 殿 谿 死者。 塘 四 凱 而 餘 守 編 凱 洞 賦 寨 凱 未 乃 紅紅 幽 里, 備 有 纂《物 詩 樂 軍 目 勒 軍 至 而 知略 稱 凱 爲 兼 遷 去 四 兵 飲 自 此 夜 中 盤 橋 老 用 酒 面 四

後 礟 首 數 X 齊 百 賊 其 發 人 多 寨 縱 燒 燄 賊 殺 其 漲 倉卒 及 餘數 天 投 崖 反 千人 守 死, 走, 備 爲民,寨遂 塹 前 温 谷 如 後 皆 琦 太 平。 擊 兵 墟 獲 大 自 賊 破 Ш

木 賊 吴 駴 俘 度官軍 發。 鼓 H 取 不 白 老羅 怖,稱 質 老 别 擒 測 救 沿途 截。 也。」因急擊,虜之。 中 麾 由 不復往。 賊 即 至, 歸 即 凱 軍 天兵。 其 鳥 退 數千人至。 營既 諸 盡 發 狗 收 騎日 巢 既數 非 補 中 是自 生 其 河 左前 寨寨 苗 兵 明 立 兵 . 十日 日,大 敗 「吾衆 數 糯 年 ൬ 法 凱 十寨, 右 目吴老羅 也。」 糖 止 不 所 于 便 勦 四營兵勦之、久之未 至。 Ш 路 謂 寡 + 是 衣 凱 遂 遷參將 攻其 諸 用 陰爲老羅 不 洞 凱 從 據 E 侕 寨苗 兩 至 敵 寨 + 去 險 凱潛率師 若 益苗 不 日 瀘溪 騎 營 賊 接 備 乃覺 人其 吴老卡、 出 $\overline{\pi}$ 戰 止 度 耳目 + 誉 可 我 賊 劫 里 覘 X 且 五 方

> 副 將

其黨 將 永 因 桑植 由 肅 植 法 土 文、九 順 凱 司 桑植至保 副 明年 彭 將 請 保 送 植 肇 圃 谿 靖、龍 福 以 長 遷鎮 土司 凱 槐, 協守 便宜 敏 永順歸 沙,桑植 靖。 率 請 由 某、 草鎮 鎮 Ш 備鈕 摘 改 北 彭御 算 保 印 設 總兵。 桑植縣 内 河 右 由是 靖 正 流 地 至保靖, 彬聞 營參將 凱 官 併其 遂 司 檄 之,盡 由 潰 凱 辰 彭 世 王 九 獲彭 地 更 州 御 進 谿 爲 爲 彭 撤 協 命 彬 至 永 永 御 其 守 凱 淫 桑 衆 順 永 順 植 順 阊 并 府

對 役 其 附 建 地 質, 等 + 湖 則 馳 勅 北 九 其欲, 使 死 凱 美 土 鬭, 諭 討 容 司 其 之。 慈父 緩 土 侵 下 司 則 慈 孝子 日 凱 \blacksquare 可 : [旻如 利 不 度 忽死 石 旻 戰 旻 門 横 ൬ 如 如 縣,抗 而莫之抗 恶 下, 兵 重 不道 斂 精 乃 涇 整 而 命 刑 衆 兵 不 結 壓 忠 不

皆王 也。 罪 發 鳳 土官 鶴峯州 刀 紅苗亂 丁, 賊 其 城城 時, 、威豐、利 縊 乎?」未幾,其 出 而 且 力不 臣 百年 疑 巡 ED 死,遂定其地,不 或 鎮 焉 中 以 外享忠順之名, 而旻如保 徼 長樂縣。 募 兵 法 接壤鎮 受國恩厚矣。 窮 用 無 足 兵 所 蹙。 洶 盡 也 其 養 事 Ш 以 大集,憚 至 出 洶 害以 ,食其土之有, 地 險跳 制一土 一變其 一,所在 皇 掌。 建始 大兵乘之,得 爲 忠建等十九土司 下果 F 凱 自 施 梁 旗幟 急募 不 凱 縣。 不 戚也。 紅 幸 戮 縛旻 孰 黨惡 行抗 官哉,尊 忍 控 苗 敢 府 一人。 與 衣 貴州 兵 百 扼 拒 嘯聚,謀 施 發,人心以安。 如 助 服 數 不義, 險 姓 以長子孫 Ŧ 夫内 思、 就 寇 出 台 阳 百 無 以 命,是作 戡定。 以 仇 首 拱、 宣恩 次 子 脱 乘 其 逆命 亦請 旻 以 踐 日 尾 丹 如 其 之 地 陷 將 虚 夜 江 竊 援 歸 爲 畏 不 賊 去

> 遷 天 湖 子 數 廣 提 下 優美, 賞 賜 甚 渥。 今上 即 位,

凡

+ : 仁、利 兵。 職 一縣。 仍 乾隆十六年,天子南巡至高 總 終其身不復亂。 而 ,縣十有一,夷夏聾 、賀皇太后萬壽,命降二等給銜。 凱 薪 破 兵 以 且以密旨示人,遂再革職。 後數 盡 會澤 總 寨三,改土司 凱 至提 濟二渠又決 上疏自 不 凱 兵 由守備 屬。 州水漲,注丹沁 日 用,從幸杭 督 三兵塞 巡 辨,且不 凱出 歷二 兩 撫 任 總 之,具 鄂容 壞懷慶護 布帛 二十有三, + 督 游 州 服 年, 擊, 即受代,由是革職 史貽直 安 數 ,威信 以 授 泂 至 終 萬 事 河 郵,召 始 任 城堤 裹土下,卒 決河 聞。 劾其 以事 南 二十五年 闢 大著 不 副 河 府 見凱 内、 出 將 十餘丈, 其 干 ·劾其 北 卒年 苗 湖 後 适 預 鎮 失 民 陟 總 州

與

津 鎮 總 凱 執 兵 甲 喪 縻 寬。 杰 銄 禮 甲更名文淵 數 喜 千 接 金 士 大 凱 夫。 傾 ,成進士。 其 兄 資 謙 僧之。 爲天

後,有 智勇 火, 其 恃險與 書》,有古名 地 與 遭時承 不 論 、夫將 功德 所 假其 振云 富 向 . 于 成 虐害生民。 兵 帥 平 民 力 土司自 將 功。 之臣, 天子神武 風 如 遂 而 古 假 羈 唐 然 凱 天討 諸侯封 邊 縻 宋 剛 説 奉 之,固 事 以 烈 禮 以 既 來, 或 丽 樂 建 加 要 不能下人, 威 而 非 因 也 功 靈, 敦《 神 如 蜀[者, 出 撫 明 竭 後 詩》 其 異 水 世 之 定

暴 吴之珽訊 死 潘 氏 潘 之族 僕,考掠累日,僕力陳其冤 愷 僕 誣 周 愷 大 殺 從 之,引 愷 往 僕 田 舍。 爲 箭 有 知 佃

> 其辭 之。 隴言 以 縣 公參驗僕辭 官 夾 冢 ,子孫世 以 折 知縣 「佃 而 F 其 抵 實 已致僕 脛 族 獄不決者五 病 而 祀之勿絶 人辠,於是獄遂白。 血 疑之,讞之,得其實 溢 死, 既 絶, 而懼,妄云 鼻 年。 而 而 目 死 其 不 後 僕 瞑 瀕 八爲 承, 死 愷 巡 爲 罷 撫 遂 者 猶 僕 知 劉 易 哀 胡

其 非 以 後 旨 盡 之不修,與 如 人 一命以 一, 搆 覆其宗,哀哉! 以 用 諛 之 以爲一人事也。 不 之戒 事者, 苟禄 相 其 汪某 成其 上,其 值 罪 以恣 也。 E. 明知 委之主 事 士 威 以以 貪 大 福 見小 其 睢於一時者 没 夫 或 吾觀 冀 口 亡檢者,率自 不得 過 或多 吾故 利 免 或委質 憂,而 其主,不幸 於今之僕 m 于 保其門族者 發 刑。 于 好 其 事 義 近 姑 亦何心哉! 僕 陰 倖 君 娱 敗 汎 冒 車 私 而 其僕成 其不及己, 而 相望 蹉敗, 而 於大 然如 承 知 焉 望 吏 險 風 則 吏 職 而

故 翰林院檢討程 君墓 表并序

於 居 税 米 江 及 久,乃交征之,以 市者不征於舟,征於舟者不征於 m 1,與鹽 通 萬、主者擾之、民 無所 竹 日 重,乃東輸之鎮 西、湖廣者、歲 事 木紙布之饒,率附其舟以下 道主之, 成 耗; 曰落地税,課司主之,征於市。 者 滯 進 諱 歲卒。 筴諸 元 百貨 而 而 基、儀 商 民 君 議,使 日 儀徵商税三: 不 庶 遽 食 百三十萬引 厚其人。三 梁 (其利, 至, 吉 江 徵 卒。 力以 頭 人, 士, 每 則 舟 君嘗集其鄉 歲代輸其 知縣主之,皆征 人翰 由 民 困 則皆許諾 不 生瘠。 舉 時 至則 税歲 人 而 林 至, 日 授檢 官元 淮 税, 河 額,實不 君 則 苦 荆 南 市 餉 既 既 湖 征 鹽 和 於 訓 家 鹽 中 魚 於

> 患。 幽、故其族系、年壽、子女皆不具、 和,亦能其官。 存亡。若君者,其猶 國,分以故家世族,使之鎮撫其 以示守法,民事 官府之事,而龌龊自封,一委諸不習之吏, 雖然,鄉士大夫習知其 修學宫 丽 者,以爲之表。 人哀之。 其後上之人痛 又 與 或 其 初 君之葬,有某 所 鄉人爲 以 系曰 以 來, 以 幾 滋 法 밆 救 地之利病,又通 此 不 繩之、 官 火 哉。 舉 居 具 之文 也。 其 鄉 甚 土 始 恒 周, 前 勢始戢 古者 以 君 而 揭 銘 在 與 故 桂 於 民

百世有聞。

尚保兹墳,宜

爾子孫

猗

嗟

程君,

勇於爲

人。

如

於其

大清 故 貢 生汪君墓 并序

通於六藝者數家 國 初 以 來 學 士 故 陋 有明之習, 于儒學爲 潛心大 迨

焉,而 是時,天下之士,益彬彬然嚮於學矣,蓋 西己 朱學士來 所 歙 始 於 乾 二人始也。 年、四五 夜誦習講 孤 楚詞音義》三卷。 某月,葬於縣之某原。 乾 食 欲 介 婺 西 此 降 所著文二百 於朱 隆三十八年十二月卒,年四十七。 溪 少 後數歲,天子修四庫之書,徵領局 源 兩 初 君不幸死矣。 /所合 汪 又斥千金 人 紀 年 君 自 子 視學,遂盡取 貫 ,業成散 寧 獨禮 抑左右 奮 其 戴 而 師 中 戴 於 地 東 略 而 置 君遊 末 餘 僻 原 又治《 杰 去。 久者 致諸 書 流 然 篇 陋 繼 而成之者,君 無無 之, 而 京 常 其 君 + 益 其 其 咸 《毛詩 處 師、當 君諱 書 招 後 數年,近者七 爲 亦 家 從 經籍 清 L 江 好學之士 鄉 得 ,飲食供具 以 暢 義 江 梧鳳, 一於朝, 之道 君没,大 書 俗 是 世 編 有 慎 所 自 信 推 》未成 法。 修 怪 是 復 力 有 爲 又 崛 事 時 明 儒 使 興 惟 于 力 自 日 起

> 灼 出 湘 好 唐 學,世 越 祖 或 某 其家。 公 後。 祖 銘 某 子 日 四 某。 煇、 其 先 炘 與 中 同

五

炪 溪 域 潏 有 噦其 潏 實爲丹穴。 鳴,天下文明, 我 銘 其 載之, 道 大

君

西

大 清 故 或 子 監生 顧 君 誌 銘 并序

女,内 會其 列 瑟 父 朱 中 母已 質 與 坐多異材耉德, 子 最 君 君 君 足 四 傳家 周 久。 淵 名 游 於財, 方之士相 歲 時 静 春 事,皆强健 乾隆 年 生, 好 中與 闢 + 書 世 三十六年春, 有 所居,樹 及暮,而賓主皆醉 樂。 質往 羸 爲 四 秀 江 善飯。 一造焉。 而 故中之友,惟君 多 都 竹 是 病, 木, 日 君有 天氣 當 中 而 置 祖 善交 其 在 書策 飽, 清 時, 府 子 城 君 龃 父

玉符妻劉氏墓誌銘 并序

某兆, 父母 至於瘠,痛 衰,故其言 曰:「好外,男死之; 遽 夜撫抱其妾子 以爲簉。 外柔,能力 其姑尊,中宜 其父也。 三十有某 殁 ("嗚呼" 老 玉符篤於父子之恩,其不牽於私 袁 吾 敢 ıπj 玉 婦,太學生某某其 請 歲。 洎與妾並舉子,二子皆疾, 不克抱 以 易 銘。 其父之嗜肉, 其 以乾隆三十六年某月没, 既 儉。 私。 其夫,下慈其子姓。 歸 ,加篤。 미 中也 哀 袁氏者十有某年。 孫 始 其 玉符執父之喪, 也 ,遂請於姑,而飾 歸,生數子不育, 妻, 聞諸公父文伯 1 今吾子襃長矣, 好内,女死之。」孝 以 而誓諸終身 吾將以某月 祖 狀 也 請 處士某 銘 内 哀 之 恐 不 调 H 婦 侍 敏 上 得 而 行 母 者 吾 婦 B 而 而

蕭墓草,子宫所考,萬世是保。條陵以夷,維予之悲,而子不知。蕭昔康以碩,維子之樂,而予是託。

其家。

而

其生之年與

、葬之日月

與

其

地

審

者

,則俟

、異日詳焉。

銘曰

.

平生之誼

,將爲之銘,以

致其

(哀,而

口

友人

宜

興儲

潤

書

以

爲

言

乃

草

此狀

付

之事,至是而

泯

然皆

盡、尤

口

悲

也

中

其

在

百年哉

人孰

無死,惟

君

夗

而

生

身,不數歲

而

死

生榮落,若是

其

難知

也,況

母

纍然

撫

諸

哀

次呱

嗚呼!

以

君一人

孫

財二歲,衰而

呱,不能

具

拜禮,而

君

不久。及今而過之,則君之喪已在

一殯。

皆夭,病益深,毛髮

時

畏寒灑

派淅, 悽

(然慮

其

其

意

中

退

與貧歎

其

不

復

此

也

及

中

塗

閒一

歲

再至

一,則

君

方居父喪,

丽

子

銘 誣 其 妻 必 矣 是 其 言 口 信 於 法 官 銘

口 羸,家事 室 誉 志 · 答 升 也 堂 無 兒寒 煢 與 榮,姑老 治 丽 也。 若 或 而 我 視 若 銘以章之, 也。 或 侍 夫子 也 哀 之

大 清 故 誌 奉 銘 直 并序 大 夫 江 西 道 温 察 御 史 ìΙ

學 高 江 故 知 祖 第 氏 好 府 世 得 棟 以父憂歸 金石之文,多所 君 授 州 諱 更多 編 顧 才 德 略 不 而 修 量,字 數 稱 什 日 . 于 + 踰 「 吾 服 量殊, 時 父恂, 六年 年矣。」君始壯 闋, 有此子, 搜 君 拔 遷 江. 輯。 爲順 生有異 江 貢 都 生, 人。 西 君 天 即 道 鄉 幼 此 稟。 終徽 監 即 試 以 物 祖 之 察 進 世 同 州 在 州 御 老 其 府

越。 之,丁 拱手 世務 舊聞 泊 呼 氣 立口 娱 史 也! 嘉 北行,感疾,十月 宜,分端講習, 請于人,不 圭 加 角 猷 1 有 立 謝不及。 刑 人。 ,博通掌故。 幼從徽州在 猛 以 母 是 識 志, 斷, 君器 取 獄、河渠、漕 憂 負 既 道 近 者 解官。 妄 清望庶官 御 張 無 所 洞 湮 以 史。 長適徐某,次字吴。 氏 識, 取 所 爲 見 鬱 乾隆 以 久 予。 件 悼 始終,後雖 資, 辛 備 官 無 道 Ŧ 君臨 君 而 生 傳 \pm 五 施 州 浩 運、災 中。 性 當出 熟知吏治。 公餘 一才之 深 + 用。 殁,年四十有二。 清 知 門 事 渾 湛 素 有 州 塗 敏 户 融 難 爲 謹 鍵 履 久于其道者 振 八 元 絶,人有 監 遽 年,君 道 密 百 户, 簡 而 與 和 而 損益古今之 順天試 變, 衰, 府,益究 靖 天 人 未 以 某 爲 居朝 年夙 妻孥 莫能 始 文籍 將補 世 女 所 以 多 用 不 隕 漂 鳴 官 咸 才 識 外 自

寓梁 書。 初, 七 此 月孤 刺心泣血,哀何可言 十日子時棄養,此篇遂爲絕筆。 中臟,亟呼僕買 年,孤露餘生,屏營若失。 志、未及終篇、閣 既畢,復延 氏葛嶺 先君于乾隆 政某 喜孫泣識 禮 東 是篇先君臨終前一夕 往 致 石菖 先君 杭 + 五十九年十月游杭州 筆 州 蒲,不 校勘 就 月十九日二鼓,撰 校勘文瀾 臥 嘉慶十五年十 文宗 可得。 每 疾作,自 一展讀 閣 勿勿十 閣 至二 四 四 作。 庫 庫

按察使原品致仕恩加一級沈公行狀大清誥授通議大夫山東提刑按察使司

夫、山東按察使司按察使。祖兆乾,皇國子監生,累贈通議大曾祖懷英,明仁和縣學生員。

察使。 縣, 累 考元滄, 通 議 皇勅授文林 大夫、 山東按 郎 察使 文 昌 司 縣 按 知

七十一狀。 浙江杭州府仁和縣忠清里沈廷芳,

年

華里。 世祖。 望族。 植 城方侍郎苞,於時並 人耆德,接待若 典,學以 節自此見矣。」少長,益潛 昇歎曰:「是奇童也 傳,激昂慨慕,思其爲 守身,爲忠爲孝。」又嘗讀明楊忠愍公繼 公考出 一、長洲惠學士士奇,太倉 公字椒園 明歲 嗣 幼端慤有志操,嘗書其坐曰:「守道 康熙 大殖。 于舅 五 貢 十年八月,公生於海 生首暘始遷仁和,於公爲 氏 弱冠游京師,聲譽籍甚, 本徐姓,世 恐不及。安溪李 沈 ,遂承沈姓。 1 申師友之契。 即 異 心正業,博 張詹事 外 一爲仁 日 祖 Ý 杳 和人。 沈故吴 朝 鵬 侍郎 雍正 寧之 小 其 詹 貢 興 自 羣 風 事 盛 桐 鉅

見古人! 館 方少,而博聞 文定公時總督 士大夫,於公尤有加 校 府。文定公素習有宋諸 録。 T 文昌 既服闋,再至 篤 一公憂 南 行,遂至于是,不圖 河 歸 聞 禮 明 公名 京師,補《一 嘗謂 年 儒之學,好賓 公日 馳 故 書 大 一:「君 學 幣 今世乃 統 士 年 接 高

嘗 勘《明史》。 府 遂 部 編 殿,名在二等,選翰林院 各學。 都 集 以 右 元 曰「鑒古録」,以備法戒。 修,人直武英殿, 年,故 侍郎祭告南岳,還朝, 既 先是, 前世君臣 公名及其學行 晚 三年,充《一統志》纂修官,兼 左 蟄 世 明年,殿試 都 宗 居 善 御 憲 卻 敗之蹟,爲類各十有六, 史楊恪勤公汝穀 軌 皇 同修起居注,總理宗 對。 未嘗 帝 充收掌試卷官 詔 十月, 庶吉士。 舉 上命續舉所 詣 是年冬,表進。 ·博學 人求 御試 宏 明 舉。 時 詞 保 年 以兵 校 授 和

周 國故,官方民 監 賜 於當世之事,而 察 段 御 四 上承世宗勵 史。 匹 書 公精 隱 交 務 懋 精 敏 口陳手畫,本末 出 勤 絶人 之後,益 於 殿 池 厚。 諳 六 悉 年 , 舊典 如流 補 恤 山 民 朝 東 道 通

之選。 以 民, 者。 如,並 至治。 公、 以淮安、鳳陽、徐、泗諸 陳奏、尤在於奉宣德意、成樂物 然米豆者 于常振之外,盡 文定公,後先繼 知 收通工易事之利。 況登場之日,既徵其 且使 海 又以 疾 加 蠸 於時 而公以卑官後 苦,采納 派振直 國用 陳文勤公、興縣 白 或 家設 西林鄂文端公、 姓 所出,不專取 隸、山 所 長 直 發常平諸 關 仰 朝列,用忠清公正 言,慨然思古 徴 食, 進 税, 浙 府州連遭水 與與 Œ 孫文定公、江 使 江、甘肅 倉 給于農畝 蓋 相 存 逐 高 以 應和。 穀,編爲 生。 地 抑 安 陽 流 朱 之被 逐 城 祲, 一, 那 而已。 末 文 陰 馬 生, 端 成 楊 請 所 周

之税 焉 請 米 旨 並 T + 免, 其 豆 允 漕 蓋自許 後 之船 行 也。 豆 糧 I 公 之 載 以 朝 户 外 船 墅 加税 米豆之船 充 部 廷 料 属 轉 如 Œ 議 有 除之。」奉旨交 監 船 天之仁,所 供 料。 司 米 始 則 料 遂 公復 豆 弱 增,是猶 既 復 税 免 請 奏 争 宜 IE 税 九 - " 在 税 卿 在 口 五 議 此 米 豆 免 之 豆 將 加 行

弓 居 阻 内 石 饒 停鄰省采買。 惟 盤 楚得 ,以迓 冀 地 早寒,七八 一一問 互 其年秋,上 犀 商 疲勞 羽 釐 且 武 鹵 象之美 福 有 没 之餘 。 又 磽 月 於於 成 公奏: 乘 幸 确 閒 重 輿 因 勿 利 穀 掌 口 遠 天。 己 「采買 直 事 生不 稽 如 駐 往往 省 馳 冬令。 塞 公奏言 米 騁 蕃 金 以 惟 垣 冒 價 不不 \mathbf{H} 充 海 禁 蒐簡 加 獵 積 洋 : 且 興 得 而 「邊 昂 貯 物 敬 Ш 洲 販 不 運 産 有 慎 崛 111 既 地 楚 起 紆 風 近

練習撃 河及鄂 所 牧 東勝 數 屯 今 分 方、 支 下 京 上 藏 H 口 之區 、獨 在 載 田 地 輔 部 海 少 之 師 河 塞 , 是 後 之 舊 議 島 地 京 大 又必 石 水土 西 爾 刺 蔽 後 滿 地 申 者 下,予之籽種耕 理 諸 棄 臣 民 一,今則 禁。 騎射之法, 洲閒 接 得 有 閒 爲 屹 甘 伏 斯 列 盗 總理 諸 用 倉 可 然 美。 樹 食 又言 攷老 散之丁,不下數 諸 重 西 藩 八 以 廩 成 藩 以 風 處 三兵,其 旗 護 博 爲 重 植 籬 請 少 哈 内偪獨 擇 繕完 之 Щ 「自古 無 鎮 其 熾。 就 司員 河、 哈爾禮 空, 西 畜 用 大 漢 黨 其 已 一,分地 城堡,修 也 據 寧、 喀 唐 特遣 東 事 建 八分領 中 石 0 Ę 喇 都 援 立 置 也 開 患 部 且 城 河、 舅 萬 源 種 大 都 日 屯 此 平、 其 太 方 使 外 中, 飭 臣 邑, 至 誠 牧 僕 屯 兹 大 事 無 軍 督 暇 徙 膏 寺 閳 賴 既 民 丽 和 緝 衍 考 州 事 朔 設 食 度 則

卒 補 石 浙 有 倉儲 格 江 備 視 不 無 平 州 江 行 患 糶 西 尚 縣 者 寡, 振 大 湖 時 也 濟之用 小 出出 請 東 有 南 將 倉 湖 連 旨 乾 庾 南 歲 交 隆 多 六 户 米貴 議 九年 省漕 寡 部 政 虚 議 、公以 E 米截 江 實 駁 大 蘇 臣 旋 以 采買既 留 安徽 議 奉 次 數 奏 特 萬 抵

旨

施

行。

過 多 言 治 監 請 調 年, 用。 地 取 糧 店 察 建 御 祠 上將幸 車駕所 請 涿 充 公以 史, 被旨 木簰治道。 + 祀 州 加 順 宋 年, 積 奉 天 振 申 木 臣 山 及 奉旨 水 命巡 鄉 首 飭 蘭 東 謝 泥濘,行旅苦之,請 隷 試 會 比 枋 仍 部 百 被 視 乞以 事 , 歲告 得 考 以 議 水 久 Ш 不 於 官,再 御 革 窮 東 雨 欲 謁 憫 饑, 民, 史 職 以 陵 水 忠 用 累 糧 禮 雖 寺。 命 潦 俱 成 民 屢 洲 補 命 報 汜 截 視 又以 降 允 勅 江 加 溢 而 漕 Ш 行 南 賚 有 加 東 長 道 級 所 司

> 安五 故 吏不 查 留 於九月始復命云。 振 事 辦 六 恐 府 Ш + 能 Щ 民 東振 萬 欺 東 城 氣 石。 巡 市 未 務 漕 五 窮 舒 、公分理 又 月 御 鄉 奉 奏 閲 史, 於 命 莫不親 青 率於六 南 隨 兖、 苗。 漕 大 沂 抵 學 履, 七 月 Ш 曹、 士高文定 月 條 口 東 勘 理 道 東昌、泰 時 水災。 精 至 更 是 截

科 所 部 煦 意 閤 百 將,雖實 顔 煦然 色, 貨之用 青 鈔 F 右 齋 道 者 侍 戒 公爲 四 公貌清 溢 布 世 郎, + 若 育 於毫楮。 如對 取 御 政 餘 不 固 無 公奏 使司 古秀削 摺 史前後 能 諸 明神。 莫 以 過。 盡 得 市,予賈恒十之五,謂 舉 多議。 劾 其 而 其 罷 六 及 知 故尚 (要者 身 言 憂 之, 年, 當 也 裁 體 勤 書 尤 事 及 著於篇 事 忠 凡 時 爲 彭 執 中 達 愛 有 爲吏者 分巡 維新 持 人 情 之 屬 所 心 草 其 廉 曲 與 Ш 復 稱 未 直 折 發 東 官 輒 自 盡 於 閉

賈 落,巡 皆大孰。 其 上 田 小 本 子弟而 學業,由 厚、毛贄,並 境,屈曲三百餘里,至壽 一錢,使 7,夏秋 、公率 孫 廬 Ė 某千某 廬累經漂没。 清河自 民 行 待 革 客僕役,或因 教語之。 度 以賓 復其 稼 是 山 其 以無恐。 其 百 新 既久,公所乘白 置 陌 水暴 穡 人 屬 弊。 丈; 城孝 漏澤 晦名樂道,不涉世流。 (業。 知 者, 問問 師之禮,相與蒐訪 醵 發,高苑、博 養 所矜式。 或以村酒 公相水勢,潛馬 民 婦 園 則喜相告 數 廉 相地勢,增築堤 内 萊州老儒 所苦。 爲 河 年,户 數 當 以 奸 T 人收 積 東, 利 暇日以 光入海。 馬 兩 荒 果 即 人皆 興、樂平 經高 曰: 高 掩 之 公至 餌 H 充 招 後 鳳 進 閒 舊 四 實 集 「使君 車瀆 苑 起、 [境遺 1識之, 一, 欣 逃亡 聞 堰 所 公徑 騎 河道 勒 .諸 青 然 法 水 1 石 父 考 П 淤 食 老 村 訂 造 坤 屬 以 州 田 流 爲 見

> 死法。」 使。 邑民 歷三 陸清 其它平反閱 絞」,公曰:「本不與謀, 司 乃 引律 以 年 甲殺 一故 夜、得成案、援以定讞、婦竟減等。 祥符民 語 獻 巡撫 公隴 婦 老言先時陳恪勤 得公凡 人, 因 奸致 實類此 有 其 及幕客皆執不 婦告其夫之妹,使訟之官。 m 在 淫 賄乙誣服,公察而直其 死 嘉 人 定, 本夫,婦 之 加 婦 固 又獄 己。 而 皆 公公 可。 殺 如 雖 鵬 由 遷 其 是 不 年 公披舊 婦 河 夫 首,是 知 在 人者 南 或 情, 江 按 朝 寧, 察 鹿 無 亦 有 百

之日 年九 廢七七之奠。 春,乞終養歸。 喜佛老説,至是居喪,遂屏浮屠法不用, 民 習 + 畏 (法,其 九年十二月,入覲, 而 特 易犯者,陳 賜 (犯罪 服 御 其秋,太淑人卒。公素 書 闋 或 E ,補山東按察使。 出 列 壺範遐 於不知,乃舉 罪名, 上以 龄。 以爲條教 查太淑 明 文 並 不 年

六〇

方操勤 它所 至山 嘗發民 **廡**,又論孟子 適 東,以公年老,命以原品致仕。 奏 請 變 治 吏 祀 職 通 道 法 故 ,公故寢 ,廟配 心尚書 令數 饗事,二十七年,上 容 事 湯文正 儒 其 **子**,俱見 者 (事,由 公斌於孔子 見 施 爲 是滋 行。 迁 時 不説。 南 **》** 巛 廟 又

老自 時至 法 見!」公下興 千人,南送四十里,至崮山驛不去,皆曰 而惜乎公則衰矣! 公之歸,生儒耆老 忠、與其憂民立事之心、蓋嘗抱無窮之藴、 於民,於公不可 使 位度,何 福 君 。」皆列 今歲 耶? 公起諸生至大官,諫 善教 前者去,率不數歲 必使者 有 訓 使君 拜 康 子 慰之,曰:「荷父老意甚厚。 流 年,無 長 弟,力田 爲不遇。 壽 涕,日 在此 考無 生災 暮 耶 孝弟 復來; 極, 乃散。 然緣公體國 ? 行言聽,膏 害 1,與 它時 爲良民,奉上 使者 今當以 使者共 公在官 幸 亦 得 願 澤 何 數 相

> 任職事 以 老,率如是。 子弟及名臣節士 以 蓋與司徒、 門人汪 食 教,善因人之材,使人各盡其長,然後授 使其身一日無用於天下。」公額之。 仕,大夫爲父師,士爲少 吾爲得 萊田二頃。 **峯、端溪、樂儀、敬** 、 其事 息老也 不 貧 不 ,故多所成就。 , 中日。「吾 能 而 肉, 耶?」中對 道 樂正之官相爲 故 是故君子生而有益於人者, 德 三族之待 贍 既 則 復 老而 後,尤加重。 通 可 敷 以 籍 以 四 曰:「古者七十 終歲教學於外, 課 爲 三十年,有 書 以 篤念故交,於通 師, 養者 師。 用。 讀 院 爲 Ш 以教于其 自初 然則 血氣 業。 數 長。 + 宅一廛 宦迄 師 不足 累 公爲 者 丽 汝以 謂 爲 於 所 以 其

煒 十五 自雲 年,與祝 三十年,上南 公南 主試 皇 歸,上召見 E 巡, 壽 賜公紵 賜 段 瀛 四 臺,從容問 絲 兀 表 裹。

甲 年 年 部主事世煒之邸。 與祝皇太 齒精力 申,考終於京師 於 是 后 知 壽 之椿 E 恩 之 加 樹 恩 顧 級。 條衚 深 明 衕 年二 公子 + 禮 月 六

于方侍 卷。 學淵 海 誠 孤 並 集》四十卷, 録》十六卷、《文章指 子世炯爲之後; 燕,官武 嗣之。 蚤 偃 寧查編修慎行及編修弟侍讀 同校。 其《十三經注 一殤,爲立 蹇不遇。 公兩 郎,並 陟典史,公生死 十卷,《 治辦方定,而公遂没。公學詩 兄俱有學行,與公少 文集二十卷、盤蒙雜 沖 嗣守純。 公奉事之,無不至。 融 續 疏 世炯 經 醇懿,稱其德量。 正字》八十卷, 南 義 伯 考》 死 顧恤之。 四 兄 無 四 卷、《隱 無子, 子,復 共 嗣瑮. 學 一卷,《 艱苦, 從子 則嘉 拙 以 先 著 有《 孫 以 理 仲 ## 刀口 文 於 守 有 後

公由庶吉士授編修,兩官監察御史,

請謚 煒, 誥 出 氣 日 史館論撰,伏 正、守誠、守純、守端 ,得公之節。 封 爲 門人江都縣附學生員 庶吉士,改禮部主客司主事, 淑人。令德 Ш 於考功,謹 東 通議大夫 登 萊 惟 青 鑒察。 世 具 (),致仕 道 莊 炯、 歷 儉, 參 官事 世炆並先 乾隆 議 公官在三品, 白 加 汪中 蹟 首 河 四 上翰 級。 無 南 謹 + 違。 狀 年 卒。 Щ 娶汪氏 明 東 Ē 林 達 子 月 院 不 孫 按 世 某 或 得 守 負 察

經舊苑弔馬守真文并序

也。 故 田 光 石 寺,其 老 數峯,支離草 ,室廬皆盡 遺 秦淮 歲 在 聞 左 水逝, 多能道 有 閼 廢 際 惟古柏半生,風 迹往 圃 客 者 居 焉 明 名留 江 南苑 余嘗 寒 寧 流 城 妓馬 其 覽 清 南 八色藝 其 烟 泚 守真 出 畫 掩 秋 蹟 風 抑 故 菘 經 居 滿 回 怪

指。 于女子 樂由 寸田 之以 夫託 有 斯 弦 諒 蘭 静言身世 () 憐以 薄 非 而摧 尺宅, 死。 命 得 身樂籍 而 從操翰,數更府 己。 不愛賞 爲 辱 百 抑 文 同 5,與 婉 如黄 之至 年千 又下 男, 無以 弱 病 變倚門 在昔婕 少 斯 不 祖之腹中,在 差無 焉。 其 Ę 秋 于 里,猶不可 勝 人其 治生, 斯極 風 才 風 好悼 秀 之笑 牀簣之辱 嗟 塵 鳴鳥 何異 悵 氣 老弱 哉 乎 主 人生 吾 傷, 靈 綢 期 生 襟 聞 之命,縣 本 俯 文姬 繆 之不 余單 天生 實 耳。 者 祇 柰 紛 仰 鼓 初 難 生 何鍾美如 披 家孤 悲 之弦 異 瑟之娱, 及見 此 榮期二 江上 哀 楮 趣, 才 憤 于十 口 子 之 哀 在 矧

傷 不嫌非 偶 乃 爲 詞 曰

> 兮, 其不自 女間。 息。 其狼 安知 又何 何坐席 兮, 安乎室家 固 想 夫天 | 矜乎 諒 籍 非 孰 之未 時 由 奉君 知其 微 心 才 兮, 意 命其不 遇 軀 之 藝也。 子 温 也 秋 不出 之可 倏 盤 兮, 之光 何 氣 風 薄 斯 可爲兮,獨申 人固 之惻 于余 蕩 又 任 予 人之高 儀 改 而 惟 有 奪 兮, 愴兮, 心。 服 波 哀 女 其 不 淪 而 誓偕 吾生之鄙賤 生 偶 不 秀 事 哆樂舞 兮, 可 兮 而 哀 撫 紛 人。 老以 從 馮 而 靈 將 啼 乃蕩 兮, 竟 蹤 異 之婆娑 笑 顧 没 兮, 而 世 吾 其 t 又 感 太 同 尺 古

汪 純 甫 哀 詞

中 爲 自 依 諸 君 代 生 以 君 諱 E 州 某 介 馮 遷 甲 壽 兵 錈 官 備於鄞,兵備 唐 字 浙 純 凡三 江 甫 以君 與 # 中 管其 遷 故 冒 君 臺灣,中 出 書記 籍 越 錢 或 唐。

抒

思兮,

乍含豪以縣

貌。

寄

幽

怨

于

子

既

被

此

冶

容

兮,又工颦

與

善

謔 姿

攘

皓

腕

以

嗟

佳

人之信

嫮

兮,

挺

妍

乏

綽

約

羌

往

君荅 言矣。 期。 數以 數 也。 未嘗 貧可 御 能 此身猶在, 鄙 下,君皆不 得食、悵然其生之窮 於是兵備去已遠, 訪 (史客於甲所,告中曰: 安 本支,俱 度 生、早孤 其後 海 足下才藝學業矜語於某 書 念,且兵備之交不可棄。」是中固 李 知 君 庶幾相視莫逆,爲子桑、温伯之遇。」 識 以以 辭 他 習 夫 行 君,亦未有文字之涉、朋舊之游 日中 之所 終 迹, 旨 中兩過君之居,拜 在。 及壯年,相去七百餘里,必有見 與某甲僚 要當立名成業,以報知己。託 失學、不自 多 吾身之遂 最 造某 同,今檢 賦 中歸 後 梁 圃 得 甲 也 而 補闕, 也 中 以書貽 意 一,屬中於某甲,既 則 不 留留 不 問問 甲甲 辭以事,不得見 識 爲 當 與 得。 常太 之, 君子所采 是 歸 君 甲,謂其身羈 之友汪 君之父於 之曰:「淮 時,武 也, 則君死 閒 息悲 則皆 二歲,中 悲夫! 純 傷 進 無 生 甫 蔣 所 其 成 海 堂 揚 而

> 之悲且感,宜何如哉 不 悲 友 有 雖然, 講 相 其 因 後 習 習之人,而終不得一 一之樂, 之不可再若斯也。 習之 其 身 既 以 足 所 親 以 業 於 自 慰。 補 求 闕 知 之 己 見 然 君 門, 而 且感其 施德 則 死 則 其 於 亦 譽 則 知 其 之 有

師 也

所

而

事

冕服 議 《釋冕服之用》, 鐙 鴈足鐙銘釋文》,廿三《江 釋疑》,六《爲人後者爲其曾祖 九》上中下,四《明堂 四《故 證》,廿 敘》,十九《石 七《墨子敘》《 秋釋疑》,十四《居喪釋服解義》,十 嫁壻死從 童》,十一《釋連山》,十二《女子子 父母服考》,七《婦 釋晨曑二文》,二《釋闕 古玉釋名》, 銘 之 釋文》《江 多有與《述 先 岷 用》《 君 **−** 洮 死及守志議》,十三《左 寫定《述學》内 江 道 江 十六《周 都 鼓文證 馮 後敘》,十八《賈 淹墓 都 學》刻 縣 君 九《玎文正》, 縣 榜駁 人無主苔問》, 考》《 妻三李氏不 榜 通 本不合者。 駁 公居 廿《 釋》, 義》,廿二《 篇 義 故 淹墓考》, *** *** F 岷 東 廣 三《 五《媒 録 洮 漢 父母 證 陵 誼 + 合 氏 道 鴈 曲 釋 新 ^ 足 葬 釋 馮 漢 # 書 十 五 春 許 祖 氏 = 江

作。 _ 跋 説 銘》,十六《 義》,未作。 仁駁 卿子徵文》,四《大學平義》,五《越三 未 君 用》,廿《自序》,廿一《哀鹽 十八《江 銘》,十四《 鴈足鐙銘 脩襖敘跋尾》, 狐父之盗頌 録。 妻三 室世系 尾》,廿六《老子考異》, 》,廿四《嬪于虞 洪 先 廿九《泰伯廟銘》,三十《越國 董 君 妣 李氏 又先君有手寫文 仲 淹 妻 靈 表序》,廿八《鄭贊善銘 釋文》,九《孫枝生墓 舒義》、未作。 渦 七《江都 (蔣 吕氏春秋序》, 表》,十三《畢尚 菓 不 》,二《弔黄 水堤銘》,十七《釋 氏 辨 合 +- \approx 墓 葬 解 縣榜駁義》, 銘 議 十九《釋 先考靈 **>** 廿五 藁 五 六《駁 祖文》,三《 廿三《 # 十五《 篇 目 船 《 王 七《 録 書 冕 一銘》, 文》, 表》, 刻 八《漢 齊 瞽 服 母 宋 基 印 鐵 **》**,未 本 廟 瞍 # 之 牛 論 荀 碑 祠 所

六四

附 録

狀

行

王 引 之

馮 儒 心 爲《哀鹽船文》,杭編修 益 試《射雁賦》弟 學,貧不能購 按 動 進。 史百家,過目 如鄭贊善虎文、朱學士筠、盧學士文弨 察 魄,一字千金。由是名大顯。當世 先生名中, 儀徴鹽 廷 丞, 書,助書賈鬻書於市 見先生所 船阸於火,焚死 一,補附學生,詩古文詞 成 字容甫 誦。年二十,應提學試 世 江 撰, 一駿序之,以 都人。 咸歎 無算,先 少孤 賞 因 以爲 爲 遍 通 牛 日 讀 好

オ。

年二十九,始顓治

經術,

與家

大

人及

提學 然成 以下所未有。 之學,著《春秋述義》,識議超卓,論者謂唐 典禮,至於文字、訓詁、名物、象數,益以論 及詞章金石之學,罔不綜覽。 額 **歙程孝廉方正瑶田書石**,嘉定錢州 容甫當北 日 每 謝 撰之文,爲《述學》内外篇。 文學之士,先生往就之,爲撰《黄鶴樓銘 天下奇文字也。畢尚書沅總督湖廣,招 死節之人,作《廣陵對》三千言,博綜古今, : 試 ,時人以爲三絶。先生於六經子史,以 侍 一家言。 浙江 歐、曾、王、 「予之先容甫以爵也。若以 别爲一榜,列名諸生前。 郎 墉 ,先生往謁, 提 面矣。」其見重如此。朱文正 學 爲 江 蘇之派 左,特 文根柢 苔述楊州 而 取 經 先生爲拔貢生 取則 史 又深于《春秋 乃博攷三代 侍郎嘗謂 陶 於古、故卓 割據之迹 學,則予於 冶漢魏 判
出
篆 來

六六

進

成

劉

教

諭 台

拱

共討

論

之。

其

性之篤 友故 事 拘 服勞,不辭煩辱。 母 行之美,一文一詩之善,則 忌 舊 以 釋老神 性 厚然也。年五十一,卒於杭州西 ,没後衰落,相 孝聞,貧無菽水,則賣文以 質 直 一不飾 怪之説,斥之不 容 居喪哀戚過人。其於知 止 存問 疾 過於生前、蓋 遺 當 餘 時 稱之不 所爲 力。 養,左右 陰 而 其 湖 遇 陽

亥,六月庚申,高郵王引之謹狀。 有知己之感 尚 聞 於趨 先生,家大人之所推服 告後之君子。 訓 就 極 庭之日久矣。 馬。 獎厲 雖不能文,尚欲揚 嘉慶二十年 爲 而 可讀父書 先 也,其學其行, 生於予所 歳 権 一,則 在 又 陳

祭 文

文 弨

間

維 年 月 日 同 學友盧 文弨、 孫志祖 、張

禪

閣

燕昌 汪 一、梁 君容夫之靈,日 玉 繩 等,謹以 清酌之奠,致祭於拔

馬免勒 嚅炙。 裹春秋 文章 念孫。 棄。 如羶集 皆驚 在胸 金卹 忘久久。 旬,銷聲 柏堂 智山 爲 後。 海内 詫。 吁嗟 何師? 秋史江德量。 與 公,涇渭 風 帛。 光,終焉首丘。 蟻 不恕古 禍 埋 沈椒園、鄭誠齋兩先生。 同 汪 正人,備載 日 流 照。 辭。 如 一君,無 道爲 衆畏其 者 允嗣。 分 矢 西京鄴 書。 人,指瑕蹈 相 明。 名園 叢 君 朋 招 大 蛆。 怛 實不狂 端端 促 徂 彼妄男子,號 不 下。 簡 而化。 高枕,山茶雙植。 放 ,誓欲殺之。 金金 臨、劉台拱 死揚州 世奉尊 吾儕結 記 厥 坐 隙。 汴 ,而衆曰狂。 蘭 辭 談 都 師 驟 披 誰 臨 門 聞 契,無 佩 榛 而 何況今人, 補 安、未 玉瓊 惡耗, 懷祖。 風義,不 拜 死杭州。 召 曾未 終老田 1羣愚 29 庫 唾 王

洏 魂 君 返 一、儀觀 無 佳 漆 不 見,嶄然頭 中 聞 鳴 呼哀哉 之,邗江之湄 名 在 來 相 目。 幸 思 天假,去 角。 樽 握 尚饗。 酒 手 庶幾他年,父書能 具 情 執 陳 何 親 紼 泉某來 恩 相 臭 悤 味 送, 涕下 本 復。 一去不 同 讀 漣 聞

春秋述義

逆 從 殺 史以「子同生」書之,此繼體從 也,惟莊公書,桓公以太子生之禮舉之, 殺子叢以説焉 公子買戍衞 也 君 慶 舉。 賞 則史以「郕 一,咸莫 莊公、子赤、襄公並 侯 郕太子朱儒來奔,公以諸 受國于天子, 楚人 不專之。 調楚人曰 伯」書之,此邦交從 救衛,不克,公懼 故史之 而 盡 「不卒戍也。」公 一爲世 臣 平君 所 其封 嫡, 書 侯 一,内 内, 于 舉 其 乎 牛 君

> 之謂也 體。 侯,反 罪,而 姜、孟 哭則不言「葬 書,是知 君、鄰國之會 公命不書, 其疑矣。 傳據簡牘 風、敬嬴、一 此 葬我 刑人 明乎此,則經與傳之不合者 卒戍」 哀姜又齊人所殺也,子氏、聲子、 一子皆夫人也,文姜、哀姜、穆姜皆 小君某一,不赴 哭于寝,袝于姑,則曰「夫人某薨 從乎 内 務詳 至 事之繫乎君也。 隱 于經 一定姒、 君 刺 小君」, 葬,亦 元 舉 之, 其事 年發其例。 也。 所 齊歸皆妾女也,赴于 則 不書,其 以公不 此 則不稱「夫人」,不反 史以「不 文姜、哀姜、聲姜、 喪 經爲 禮 臨 君舉 例 從乎君舉也 策 卒 不見,故 書 至 戍」書之, 必書, 必必 可 以 而 循 非 息 其

之禮 韓 起 魯之《 所 《周 見 書 春 祝 顧 鮀 秋 命 所 》篇 述,有 《國國 書之法, 語 其 周語 徵 實 故 本 恒、文、 有

宣 禮,則《春秋》所書爲無據矣。 也; 攝 以封于魯,魯之史世守之,以爲《春秋》,莫 夏、商,旁不可施于吴、楚。而後之君子, 公制禮,事爲之制,曲爲之防。 于路寢之禮,則《春秋》所書爲 書「公薨」而不 安也。」昭薨于乾侯,言失其所也。 宫,定薨于高寢,《傳》于僖 也。」僖薨于小寢,文薨于臺下,襄薨于 寢之禮。《喪大記 公薨于齊」,明 損 于路寢」、《傳》 忧 成、 益 知 一代之禮,成 焉。 周公之德與周之所以 襄、昭、 不書,公出 不 故曰 書,文姜 定、 其 言地,明其 「魯猶秉周禮」,又曰「吾 八爲 哀 于 故莊、宣、成三公,書「公 一國之史,上不可通 也。 飛地也。 皆 成 出 書 發其例曰: 使周 也 即 一發其 八爲弑 使周 位 禮 王也」。 無據 有君卒于 伯禽受之, 閔 例曰: 無 也 禮無君 不 隱 即 矣。 言言 隱、 不 位 桓 道 関 即 周 不 書 楚

> 惡。 修之,而後先王之典存焉。故禮之與《 其 秋》,相爲權衡也。 忠信之長、慈惠之師 獄,雖有刑 之,何待于孔子 不能修,豈可汎然望諸衰世之史哉 輕重 不事,周有常刑,必有董狐,然後能 周衰,史失其官,而 者曰: 一,以 秋》之 徵于書。《春秋》亦猶是 書,猶求聖哲之上、明察之官、 而後 周 禮 以 非周公不能 然後能聽其情, 作 具 定 哉 在 列 禮經將 代之史, 魯之史據 作,非 廢,自孔 也。 斯 IE IIII 不 而 其 議 子

惡 其臣 何 秋》内諱,書「子卒」而 魯公子遂弑 如 也 ? 公子翬 無所繫。 魯叔仲惠伯之死,荀息之忠也,不書 日: 則是兩下相殺之詞,無以 一,皆是 其 無所 以諸 君 悪 也。 繋則一 侯 及 不地。 之策 若 其 不 大夫彭生」。 曰「公子遂 書。 書之,則當 其君既諱 忠如彭 殺 日 叔 則

